

New Testament

Central Mnong Language

Central Mnong - Bible - New Testament

Mathay	3	
Markôs	110	
Luka	175	
Yôhan	291	
Kôranh Oh Mon	373	
Rôm	476	
Kôrintô Roh 1	524	
Kôrintô Roh 2	571	
Galati	601	
Êphêsô	619	
Philip	636	
Kôlôh	648	
Têsalônîk Roh 1	659	
Têsalônîk Roh 2	669	
Timôthê Roh 1	675	
Timôthê Roh 2	688	
Titus	697	
Philêmôn	703	
Hebrø	706	
Yako	741	
Pêtrôs Roh 1	754	
Pêtrôs Roh 2	767	
Yôhan Roh 1	775	
Yôhan Roh 2	787	
Yôhan Roh 3	789	
Yuđas	791	
Nau Tâm Mpol	795	

Central Mnong - Bible - New Testament

Nau bôk ăn bu gĩt lor

Mathay

Mathay 1

Nau nkoch yao u che Brah Yêsu Krist

(Luk 3:23-38)

¹Dja nau nkoch yao u che Brah Yêsu Krist, i kon sau kađăch Đavid kăl e nơh, ndrel ma i kon sau Abrahăm đống. Lě rngôch phung Israel jêng rnoi deh Abrahăm dadê.

²Abrahăm i bở Isăk, Isăk i bở Yakôp, Yakôp i bở Yuđa, ndrel ma oh nô păng đống.

³Yuđa sỏ ur rnhă păng Tamar bả kon bu klô rnhă Pêrês, ndrel ma oh păng rnhă Seras, Pêrês i bở Hesrũn, Hesrũn i bở Aram,

⁴Aram i bở Aminăđăp, Aminăđăp i bở Nahsôn, Nahsôn i bở Salmôn,

⁵Salmôn sỏ ur rnhă păng Rahap bả kon bu klô rnhă păng Bôas, Bôas sỏ ur rnhă păng Rut bả kon bu klô rnhă păng Ôbêt, Ôbêt i bở Yêse,

⁶Yêse i bở kađăch Đavid. Kađăch Đavid sỏ pit ur bu, bả kađăch Salômôn, rnhă sai i ur kađăch Đavid pit nây Uri.

⁷Kađăch Salômôn i bở kađăch Rêhôbam, kađăch Rêhôbam i bở kađăch Abia, kađăch Abia i bở kađăch Asa,

⁸kađăch Asa i bở kađăch Yôsaphat, kađăch Yôsaphat i bở kađăch Yôram, kađăch Yôram i bở kađăch Ôsia,

⁹kađăch Ôsia i bở kađăch Yôtham, kađăch Yôtham i bở kađăch Ahas, kađăch Ahas i bở kađăch Hêsêkia,

- ¹⁰kađäch Hêsêkia i bở kađäch Manasê, kađäch Manasê i bở kađäch Amôn, kađäch Amôn i bở kađäch Yôsia,
- ¹¹kađäch Yôsia i bở kađäch Yêkônis, ndrel ma oh oh păng đống. Dôl nây bu veng gro bon lan Israel gủ jât bri Babilôn.
- ¹²Jêh bu veng gro bon lan Israel gủ ta bri Babilôn kađäch Yêkônis bă Salathil, Salathil i bở Sôrôbabel,
- ¹³Sôrôbabel i bở Abiut, Abiut i bở Êliakim, Êliakim i bở Asôr,
- ¹⁴Asôr i bở Sadôk, Sadôk i bở Akim, Akim i bở Êliut,
- ¹⁵Êliut i bở Êlêasar, Êlêasar i bở Mathan, Mathan i bở Yakôp,
- ¹⁶Yakôp i bở Yôsep i sai Mari. Mari i nây bă Brah Yêsu bu kuăl lah Brah Krist i nôm rklaih tă bớh Kôranh Brah de njuăl.
- ¹⁷Kốt ndri, nôm bớh Abrahăm tât ma kađäch David păng geh 14 bông bunuyh. Nôm bớh kađäch David tât ma rnôk bu veng gro bon lan Israel gủ ta bri Babilôn, geh 14 bông bunuyh. Nôm bớh rnôk bu veng gro bon lan Israel gủ ta bri Babilôn tât ma Brah Yêsu i Brah Krist geh 14 bông bunuyh đống.

Nau deh Brah Yêsu Krist

(Luk 2:1-7)

- ¹⁸Bớh đống dja nkoch bri nau deh Brah Yêsu Krist. Geh du huê bu ur rnhă păng Mari, păng i ndrôi Yôsep. Ê lor khân păng tâm gủ ndrel, Mari lě ơm ntreo Brah Yêsu yor ma nau dơi Brah Huêng Ueh i kloh ueh ăn ma păng.
- ¹⁹Yôsep i ndrôi Mari nây, yor ma păng bunuyh sồng bunuyh ueh, jêh say ndrôi păng lě ntreo, păng ứch ntłơi ndrôi păng nôm mâu ôh ăn bu gít, păng mâu ứch ăn ndrôi păng đit prêng bu, kốt ndri păng ứch ntłơi ăn ndöp ndöp.
- ²⁰Nchô e ma păng nklôn kốt nây, geh tông pâr tă bớh Kôranh Brah mớh ăn păng ma nau mớh: “Hơi Yôsep kon sau kađäch David! Lơi klach ôh sỏ Mari jêng ur may. Kon i ta trôm ndũl păng nây mâu ôh tă bớh bunuyh, tă bớh nau dơi Brah Huêng Ueh ăn.

²¹Păng gũ oh bu klô, jêh ri may tễ rnhâ Kon i nây kuăl ‘Yêsu’ - geh nau khlay lah ‘Kôranh Brah rklaih’ - yorlah Kon i nây mra rklaih phung bon lan Păng nôm bôh nau tih khân păng nôm.”

²²Lě nau dja geh gay ma tâm di ngăn đah nau Kôranh Brah ntính tâng du huê bunuyh ntôyh nau ngơi Kôranh Brah kăl e nơh:

²³‘Uănh tay yố! Du huê bu ur drôh ê hỏ geh gũ ndrel bu klô mra ntreo, păng gũ oh bu klô, Jêh ri bu kuăl Kon i nây ‘Êmanuel’. ‘Êmanuel’ nau ngơi Hêbrơ rblang lah ‘Kôranh Brah gũ ndrel bân’.

²⁴Tât Yôsep kah bêch, păng iăt tâng nau tông păr đă ma păng, sỏ Mari jêng ur păng.

²⁵Tih ma păng ê hỏ ôh geh bêch ndrel bu ur bu klô đah ur păng tât ma ur păng gũ oh du huê Kon Bu Klô, jêh ri păng tễ rnhâ Kon i nây kuăl ‘Brah Yêsu’.

Mathay 2

Bunuyh tă bôh bri ngai hăn yỏk mbah Brah Yêsu

¹Brah Yêsu deh ta bon Bêtlêhem bri Yuđa nôk kađăch Hêrôt mât uănh bri dak i nây. Jêh Păng deh ri, geh bunuyh gít blao gít năl uănh măn̄h mbing hăn tă bôh bri ngai mpeh ma lôh nar tât ta bon kuống Yêrusalem ri.

²Khân păng ôp bu ta ri: “Ah ntũk deh kađăch mhe phung Israel hiah? Hên lě gít Păng deh, yor ma hên say du mlôm măn̄h chrăt ngăn lôh mpeh bôh bri hên jêng ndơ mbên ma nau i nây. Ndri dâng hên hăn yỏk mbah ma Păng đống.”

³Tât kađăch Hêrôt tăng lữ nau ôp i nây, păng rvê hô ngăn gũ mâu đăp chăp mâu gôn ro, klach geh bunuyh êng jan kađăch. Lě bon lan ta Yêrusalem ri, khân păng rvê dadê mơm kađăch Hêrôt jan .

⁴Jêh ri păng rgum mpôl kôranh jan brah, ndrel ma phung nôm nti nau vay phung Israel, gay ma ôp ntũk bon deh Brah Krist i nôm rklaih tă bôh Kôranh Brah de njuăl.

⁵Jêh ri phung i nây mboh ma kadäch: “Ntük Brah Krist deh ta bon Bêtlêhem bri Yuđa, yorlah bunuyh ntøyh nau ngöi Kôranh Brah käl e nöh nchih:

⁶Kôranh Brah lah: ‘Höi bon lan bon Bêtlêhem ta bri Yuđa öi! Bon khân ay may mâu ôh di jě ta nâm bu đah bon bri Yuđa dja i geh nau khlay, Yorlah jât năp tay geh du huê kôranh lôh tă boh bon khân ay may, Păng i nây mât uănh bon lan Israel i bon lan Gâp nôm, tâm ban ma du huê nôm chiăp be biăp’” .

⁷Jêh ri kadäch Hêrôt kuăl ntüng mpôl gít blao i nây, ôp jek êng khân păng dah hõ jõ say măn̄h i ri, gay ma gít kon bê i ri dah hõ ök khay.

⁸Jêh ri đă mpôl i nây hăn jât bon Bêtlêhem ri, păng lah ma khân păng: “Khân may hăn dōh, ôp n'hêl ma kon se jě i nây. Jêh say Păng tay, plở mboh ma gâp yở. Gâp ũch hăn yók mbah ma kon se jě i nây đōng.” Tih ma kadäch Hêrôt mâu ôh ngöi ngăn, păng gay ma ũch nkhât kon se i nây đơm.

⁹Jêh iăt nau kadäch mboh nây, khân păng lôh boh bon Yêrusalem ri. Lõng măn̄h i khân păng say mpeh boh lôh nar ri nöh leo trong ma khân păng n'ho ma tâm tâm sōng kalơ ntük oh bê gũ ri mớ nsrüng.

¹⁰Khân păng răm maak lě boh nuh boh n'hâm ngăn say măn̄h lě gũ ta nây.

¹¹Jêh ri khân păng lăp ta trôm jay ntük oh bê gũ ri, say oh bê ndrel mễ Păng. Khân păng păn mbah ma oh bê i nây, jêh ri sỏ ndr khlay boh trôm hũp khân păng nôm ri: Mayh, ntăk si bô kah ma su, ndrel ma ntăk si bô kah Mâr nhhơ ăn ma Oh Bê i nây.

¹²Jêh ri khân păng săt jât bri dak khân păng nôm ri, săt jât trong êng, yorlah Kôranh Brah mboh ma khân păng tâm nau mboh, mâu ôh ăn khân păng plở mboh ma kadäch Hêrôt.

Rnăk vâl Brah Yêsu du gũ ta bri Êsip

¹³Ndüt săt khân păng a ri, geh tông păr tă boh Kôranh Brah nhhơ săk ma Yôsep ta nau mboh, păng lah: “Höi Yôsep, dăk hõm leo Kon Bê i nây, ndrel ma i mễ Păng nchuăt du gũ ta bri Êsip ri. May gũ ta bri nây kộp tâm gâp kuăl bôt dâng may plở săt, yorlah kadäch Hêrôt ũch tâm nkhât kon bê i nây.”

14Jêh ri Yôsep kah rngäl bêch, leo ur leo kon päng nchuät du jät bri Êsip däng mǎng ro.

15Khân päng gũ ta bri i nây tât khât kađäch Hêrôt, ndri nau dja jêng di đah nau Kôranh Brah đă bunuyh ntøyh nau ngơi Päng käl e nơh nchih: ‘Kôranh Brah lah: ‘Gập kuäl Kon Gập lôh tă bơh bri Êsip nây’.

Kađäch Hêrôt đă nkhât däng lě kon se bu klô

16Tât ma kađäch Hêrôt lě gít jêh mpôl gít blao gít năl uǎnh mǎnh mbing i nây rlăm päng, mâu öch plở mboh, päng ji nuh hô ngăn, mân lah Kon Bê hôm ta bon Bêtlêhem, jêh ri đă bu hăn nkhât lơi kon bu klô ta bon Bêtlêhem, ndrel ma bon i tâm dăch đah bon Bêtlêhem ri đong, nkhât kon se i ntơm bơh bar năm jür jät đong ǎn lě. Kađäch Hêrôt kớp năm kon se päng đă nkhât i nây, päng kớp ntơm bơh mpôl i gít blao i nây say mǎnh nơh ro.

17Bon Bêtlêhem, ndrel ma bon Rama, ta ntük geh rnoi deh Rachel i ur Yakôp gũ käl e nơh. Ndri nau dja jêng di ngăn ma bunuyh ntøyh nau ngơi Kôranh Brah käl e nơh, rnha päng Yêrêmi päng nchih:

18‘Geh nau lữ n'gär ta bon Rama, ntük bu ur me i rnoi deh Rachel i nây. Jêng nau nhiăng nhũm krit rngot hô ngăn, Nhũm vớl yố ndach ma kon päng. Päng mâu öch ôh bu bonh, yorlah kon päng lě khât jêh’.

Rnăk vâl Brah Yêsu plở sât bơh bri Êsip

19Tât kađäch Hêrôt lě khât jêh, tông pǎr tă bơh Kôranh Brah nhơ sǎk ma Yôsep ta bri Êsip ri, ta nau mboh, päng lah:

20“Hơi Yôsep! Leo Kon Bê i nây, ndrel ma i mễ Päng plở sât ta bri Israel hõm, yorlah bunuyh i öch nkhât Kon Bê i nây nơh lě khât lě phiao jêh.”

21Jêh ri Yôsep leo Kon Bê i nây, ndrel ma i mễ Päng plở sât ta bri Israel ro.

22Tih ma Yôsep mâu ôh bǎnh gũ ta ntük bri Yuđa, yor ma päng lữ kôranh Arkêlôs i kon kađäch Hêrôt, päng ntrở i bở mât uǎnh ta bri Yuđa ri, n'ho ma Kôranh Brah mboh ma päng tâng nau mboh jät, mâu ueh ôh lah gũ ta bri Yuđa. Ndri däng päng hăn jät bri Galilê ri.

²³Tât ta bri Galilê ri păng gũ ta du ðon, ðon i nây rnha Nasaret. Ndiri tâm di ðah nau bunuyh ntøyh nau ngõi Kôranh Brah kăł e nơh nchih ma Brah Krist: ‘Bu mra kuăł Păng bunuyh ðon Nasaret’.

Mathay 3

Nau Yôhan-Baptem mboh nkoch

(Mar 1:1-8; Luk 3:1-18)

¹Jêh ri Yôhan-Baptem tât ta bri rdah ta bri Yuđa, păng ntøm nti phung ðon lan lah:

²“Rgăł hõm nuìh n'hâm djõh khân ay may, yorlah nau Kôranh Brah măt uănh lě bõri tât.”

³Păng i nây bunuyh i geh nchih ta sambüt Êsai i bunuyh ntøyh nau ngõi Kôranh Brah kăł e nơh nchih kõt ñđa: ‘Geh du huê bunuyh nter ta bri rdah lah: ‘Ndrăp hõm nuìh n'hâm ăn ma Kôranh Brah Tâm ban ma bunuyh kuayh trong nsõng trong ăn ma kađăch hăn” .

⁴Lõng Yôhan-Baptem păng nsoh ao jong tanh ma rsau seh samô, văn rse büt jan ma ntô, ndr sông sa păng krah ndrach, ðah dak süt .

⁵Nôk nây ôk bunuyh ta ðon kuõng Yêrusalem, ôk bunuyh ta bri Yuđa, ndrrel ma ôk bunuyh gũ rỏ dak rlai Yôđăn, văch ran ta Yôhan-Baptem ri.

⁶Khân păng gít săk khân păng nøm tih mboh ro, jêh ri Yôhan-Baptem jan băptem yũk khân păng ma dak ta dak rlai Yôđăn ri.

⁷Tât ma say văch phung Pharisi, ndrrel ma phung Sadôsi ôk đõng, hăn ũch jan băptem yũk ma dak, păng lah khân păng kõt ñđa: “Yê! Mpôl bunuyh djõh bunuyh janh tâm ban ma bêh ku, bu moh mboh ma khân may dăng geh ma nchuăt krap bõh nau tể dôih Kôranh Brah i bõri ma tât dja?

⁸Lah khân may măt ũch Kôranh Brah tể dôih, lah ndrri gũ sõng jan ueh hõm, gay ma gít say nuìh n'hâm khân may lě rgăł ngăñ ro.

⁹Lõri hõm lah êng ta săk khân may nøm: ‘Găp lě sau Abrahăm ngăñ, ndrri Kôranh Brah măt hõm ôh tể dôih’. Găp lah ma khân may: Jêng sau Abrahăm

dơm mâu ôh geh nau khlay. Lũ dja Kôranh Brah sỏ njêng sau Abrahăm jêng đổng.

¹⁰Abaō dja Kôranh Brah ứch tẻ dôi h ma lẻ bunuyh i mâu jan ueh. Păng tâm ban ma bunuyh ndrăp lới pêh thao tẻ ta reh tởm si, Păng mra kăl lới tởm si mâu geh play ueh, jêh ri su lới ma ứnh.

¹¹Gập jan bắptem ăn khân may yủk ma dak dờm, gay ma nhhơ khân may lẻ rgâl nuih n'hâm djơh jêh. Yờn ma geh du huê Kôranh bới tăt jêh, Păng geh nau dời rlau gập ngăn. Ta năp Păng gập jêng bunuyh jẻ lẻ dờm, bol lah gập sỏm droh ntô jot Păng, hỏm e mâu hỏ di đổng đah nau jan kar ăn ma Păng. Păng bắptem ăn khân may ma Brah Huêng Ueh i kloh ueh, ndrel ma ứnh.

¹²Păng tâm ban ma bunuyh ndjôt dông, gay ma rseng gủm mprôh lẻ ba i geh ta ntủk Păng plên nây. Ba rnglay Păng sỏ tỏh prăp ta jay ba Păng nỏm, i nsiăp Păng su lới ma ứnh mâu ôh blao nhhỏt. Kỏt ndri Păng tâm nkhhah lới bunuyh sỏng đah bunuyh tih, jêh ri tẻ dôi h ma bunuyh tih.”

Brah Yêsu dờn nau bắptem yủk ma dak

(Mar 1:9-11; Luk 3:21-22; Yỏh 1:32-34)

¹³Nỏk nây Brah Yêsu hăn tả bớh bri Galilê, hăn mập Yỏhan-Baptem ta dak rlai Yỏđđăn, gay ma ăn Yỏhan-Baptem jan bắptem yủk Păng ma dak.

¹⁴Yờn ma tăt ta nây Yỏhan rlăch lah ma Păng: “Mỏm hăn ta gập, đả gập chrao jan bắptem yủk May ma dak? Di lah May sỏm jan ăn gập.”

¹⁵Brah Yêsu lah: “Abaō dja ăn may jan bỏt dỏ, gay ma jan tâm di dadê đah nau Kôranh Brah lẻ đả.” Jêh ri Yỏhan-Baptem ứch jan.

¹⁶Jêh Brah Yêsu dờn bắptem yủk ma dak, nỏk Păng lỏh bớh dak nây, dỏ ma say trỏk pỏk bỏng lahủr ma Păng, jêh ri Păng say Brah Huêng Ueh Kôranh Brah tâm ban ma plủk jủr đrỏm ta Păng ri.

¹⁷Dỏl nây geh tẳng nteh bỏr tả bớh kalỏ trỏk lah: “Dja Kon Gập rỏng, Gập rẳm rỏn ma Păng hỏ ngăn ngên.”

Mathay 4

Brah Yêsu dời đah nau ndờm

(Mar 1:12-13; Luk 4:1-13)

- ¹Jêh ri Brah Huêng Ueh leo Brah Yêsu hăn ta bri rdah, gay ma ăn Satăng i kôranh mpôl brah djơh ndơm Păng.
- ²Brah Yêsu ăt sông sa 40 năng 40 nar, bơh kơi nây Păng ji ngot ngăn ro.
- ³Jêh ri Satăng i bu kuăl lah ‘Kôranh ndơm’ đơng, hăn dăch a Păng, lah ma Păng: “Lah May Kon Kôranh Brah ngăn ngên, lũng May đã lữ abă dja ăn jêng ndơ sông sa!”
- ⁴Yơn ma Brah Yêsu ơh ma păng: “Mâu ôh. Lẽ bu nchih jêh ta Nau Kôranh Brah Ngơi: ‘Bunuyh mâu ôh rêh tă bơh ndơ sông sa đơm, Rêh tă bơh dăng lẽ nau ngơi lờh tă bơh mbung Kôranh Brah’.”
- ⁵Jêh bơh nây kôranh mpôl brah djơh i nây leo Brah Yêsu lăp ta bon kuông Yêrusalem i bon kloh ueh, jêh ri ăn Păng ta kalơ chor nhich jan brah ma Kôranh Brah, ta ntũk i dũt prêh nây.
- ⁶Păng lah ma Brah Yêsu: “Lah May Kon Kôranh Brah ngăn ngên, lũng May nsăt jăt đơng su, yorlah lẽ bu nchih jêh ta Nau Kôranh Brah Ngơi: ‘Kôranh Brah đã mpôl tông păr Păng nơm ăn kơl May’, geh nchih đơng: ‘Ti tông păr đơ May, Mâu ôh ăn jông May geh nchinh ma lữ’” .
- ⁷Brah Yêsu ơh ma păng: “Ta Nau Kôranh Brah Ngơi lẽ nchih kơt nđa: ‘Lơi ôh rlong nau đơi Kôranh Brah i brah khân ay may yơk mbah’ .”
- ⁸Jêh ri kôranh mpôl brah djơh i nây leo Brah Yêsu hao ta kalơ yôk dũt prêh, nhhơ ăn Păng say dăng lẽ bri dak ta neh ntu dja, ndrel ma dăng lẽ ndơ khlay ta bri dak nây.
- ⁹Păng lah ma Brah Yêsu: “Lah May păn yơk mbah ma gập, dăng lẽ ndơ i nây gập ăn ma May măt uảnh dadê!”
- ¹⁰Brah Yêsu lah: “Hơi Satăng, ăn may du hồm! Yorlah ta Nau Kôranh Brah Ngơi lẽ nchih jêh: ‘Đă khân ay may yơk mbah ma Kôranh Brah i Brah khân ay may nơm, Jan kar iăt nau du huê Păng i nây đơm’ .”

11Jêh ri kôranh mpôl brah djôh i nây du bôh Brah Yêsu nây, dô ma geh phung tông pâr Kôranh Brah vâch ta Brah Yêsu, sôm koł jan kar ăn ndrơ sông sa ma Păng.

Brah Yêsu ntôm mboh nau mhe mhan ueh ta bri Galilê

(Mar 1:14-15; Luk 4:14-15)

12Tât Brah Yêsu gît Yôhan-Baptem lể bu krưng ta ndrung, jêh ri Păng lôh bôh bri Yuda plở gũ tay ta bri Galilê.

13Păng hăn ta bon Nasaret, jêh ri hăn gũ ta bon Kapơnũm i dăch kêng nglao kuông Galilê, ta n'hăh bri mpôl Sapulôn, đah ma bri mpôl Năptali. Bar mpôl i nây jêng mpôl Israel ta 12 mpôl khân păng đống.

14Păng gũ ta nây gay ma tâm di đah nau ngơi Êsai i bunuyh ntơyh nau ngơi Kôranh Brah kăł e nơh lể nchih jêh:

15‘Ở bri mpôl Sapulôn, ndrel ma bri mpôl Năptali I rỏ trong rỏ meng dak nglao kuông Galilê, ơ bri mpeh kăł ti dak rlai Yôđăn, bri Galilê ntũk ők phung i mâu di phung Israel gũ!

16Phung bon lan ta nây khân păng tâm ban ma gũ ta nau ngo, klach ma nau khât, mâu geh nau rơm, Khân păng tâm ban ma say nau ang dứt kuông, ang ngăn, ăn khân păng geh nau rơm yor ma ndrơ i geh ta bri khân păng’ .

17Ntôm bôh nôk nây Brah Yêsu mboh nkoch: “Rgâl hồm nuih n'hâm djôh khân ay may, yorlah nau Kôranh Brah mât uănh bơi ma tât ngăn ro.”

Brah Yêsu kuăł puăn nuyh mpôl oh mon

(Mar 1:16-20; Luk 5:1-11)

18Geh du nar ri Brah Yêsu hăn brỏ rỏ meng dak nglao kuông Galilê, Păng say bar hê oh nô gũ seng jal ta dak nây, Simôn i bu kuăł Pêtrôs đống, ndrel ma Ōndrê. Bar hê khân păng i nây jêng bunuyh jan kar văng ka đơm.

19Jêh ri Brah Yêsu lah ma khân păng: “Hơi oh nô, hỏ tâng Gập, Gập ăn khân may hăn joi bunuyh iătt nau Gập, tâm ban ma seng ka.”

20Dô ma bar hê khân păng ri ntơi jal prưng ta nây, jêh ri tâng Brah Yêsu ro.

²¹Hăn tât a năp Brah Yêsu say bar hê oh nô a êng jât, Yakơ, ndrel ma Yôhan i kon Sêbêđê. Khân păng dôi gũ sũl jal ta duk, ndrel ma i bở khân păng nơm. Brah Yêsu kuăl jă bar hê khân păng nây hăn ndrel Păng.

²²Jêh ri khân păng ntlọi duk, ntlọi bở khân păng nơm ta ri, hăn tâng Brah Yêsu ro.

Brah Yêsu ntũm nti, ndrel ma jan bah ji

(Luk 6:17-19)

²³Brah Yêsu hăn lam bri Galilê, Păng nti phung bon lan ta nhieh r̄bũn phung Israel khân păng nơm. Păng mboh nkoch nau mhe mhan ueh ma nau Kôranh Brah mât uănh, jêh ri jan bah dâng lě nau ji ăp ntil.

²⁴Bu lư Brah Yêsu lam bri Siri đống i tâm dăch ma bri Galilê. Jêh ri bu njũn leo dâng lě bunuyh i geh nau ji a Păng, bunuyh geh nau ji kuet ăp ntil, bunuyh brah djơh loh, bunuyh brüt, ndrel ma bunuyh rven jông rven ti, Păng jan bah dadê.

²⁵Jêh ri geh bunuyh phung ők tâng Păng, khân păng tă bơh bri Galilê, tă bơh bri Đêkapôlis, tă bơh bon kuông Yêrusalem, tă bơh bri Yuđa, ndrel ma tă bơh kăl ti dak rlai Yôđăn.

Mathay 5

Nau Brah Yêsu nti ta kalơ yôk

(Luk 6:20-28)

¹Tât Brah Yêsu say phung bon lan ők, Păng hao ta meng yôk, gũ rgơp ta nây. Mpôl oh mon Păng hăn a Păng,

²jêh ri Brah Yêsu nti lah khân păng:

³“Ueh maak ngăn ma bu moh i lě gĩt jêh blaol jan ndr̄ ueh lah Kôranh Brah kơl dơm, yorlah Kôranh Brah mât uănh khân păng .

⁴Ueh maak ngăn ma bu moh i geh nau nhũm rngot, yorlah Kôranh Brah mra bonh leng khân păng.

⁵Ueh maak ngăn ma bu moh geh nuh n'hâm mleh, yorlah khân păng tay sỏ đơn dâng lě neh ntu.

⁶Ueh maak ngăn ma bu moh ndơ joi nau sổng tâm ban ma bunuyh ji ngot ji hir joi ndơ sổng sa, yorlah Kôranh Brah mra ăn khân păng hơm ngăn ro.

⁷Ueh maak ngăn ma bu moh geh nau yỗ ma bu, yorlah Kôranh Brah yỗ ăn ma păng.

⁸Ueh maak ngăn ma bu moh geh nuih n'hâm kloh, yorlah khân păng tay say Kôranh Brah.

⁹Ueh maak ngăn ma bu moh gít tâm kớl tâm rnglăp, yorlah khân păng bu kuăl tay jêng kon Kôranh Brah.

¹⁰Ueh maak ngăn ma bu moh bu jan jêr ach ma jan tâng nau sổng, yorlah Kôranh Brah măt uănh khân păng.

¹¹Ueh maak ngăn ma khân ay may, lah bu rak suai jan jêr, ndrel ma ngơi nchơt ăp ntil ma khân ay may, ach ma iăt tâng nau Găp.

¹²Răm hồm, maak răm hồm, yorlah khân ay may tay geh ndơ nkhôm kuống ta bon ueh ta kalơ trôk. Ăn kah gít, bunuyh ntơyh nau ngơi Kôranh Brah kăl e nơh bu jan jêr kớt dja đổng.”

Boh, ndrel ma nau ang

(Mar 9:50; Luk 14:34-35)

¹³“Khân ay may tâm ban ma boh ăn ma bunuyh ta neh ntu dja. Boh jêng du ntil ndơ tễ trao ma kah ngăn, lah boh i nây mâu hôm geh kah, mớ m hôm blaol jan gay ma ăn plở kah jăt? Lah ndri bu mắr lơi bớh dih, jêh ri bu jot rblach đơ m.

¹⁴Khân ay may tâm ban ma nau ang ma bunuyh ta neh ntu dja, tâm ban ma đon i bu jan ta kalơ yôk mâu ôh đơi pôn ndốp.

¹⁵Bu mâu vay ôh mpoh ứnh sagêng, jêh ri kúp lơi ma ndoh. Bu yông ứnh sagêng i nây ta n'gống, gay ma ang dâng lể bunuyh ta trôm jay nây.

¹⁶Lah ndri nau ang khân ay may ăn ngaang hồm dâng lể bunuyh, gay ma ăn bu gít say nau ueh khân ay may jan, jêh ri bu rnê nau chrêk lơp Bớ khân ay may nớ m i gủ ta kalơ trôk ri.”

Brah Yêsu ngơi ma sambút Nau Vay

¹⁷“Dăn khân ay may lơi ta mân ôh Gáp dja văch, gay ma n'groh mbăř lơi nau vay phung bân, mâu lah n'groh mbăř lơi nau bunuyh ntơyh nau ngơi Kôranh Brah kăł e nơh lể geh lah. Gáp mâu geh ôh văch gay ma n'groh mbăř lơi ndr i nây, Gáp văch gay ma ăn nau i nây jêng ngăn ro.

¹⁸Gáp lah n'hêl naně ngăn ma khân ay may, lah trôk, ndrel ma neh ntu ê hỏ lôch ôh, mâu geh ôh roh du rplây rso ta sambăt Nau Vay i nây, du ntil ta rplây rso dăt jể mâu roh đổng, Nau Kôranh Brah Ngơi i nây hôm bảbơ tăt lôch dăng lể.

¹⁹Bu moh i jan tih ma du ntil nau i dăt jể jể ta nau vay i nây, jêh ri nti ăn ma bu jan tâng kớt đổng, ta nau Kôranh Brah măt uănh tay bu kuăł păng jêng bunuyh jể ta nâm bu. Yơn ma bu moh jan tâng nau vay i nây, jêh ri nti ăn ma bu jan tâng kớt đổng, ta nau Kôranh Brah măt uănh tay bu kuăł păng jêng bunuyh kuống ngăn.

²⁰Gáp lah ma khân ay may: Lah nau sổng khân ay may mâu rlau ôh ma nau sổng phung nơm nti nau vay phung bân, ndrel ma nau sổng phung Pharisi, khân ay may mâu dơi ôh lăp ta nau Kôranh Brah măt uănh.”

Nau ji nuih bunuyh

²¹“Khân ay may lể tẳng bu lah ma phung u che kăł e nơh: ‘Lơi ôh nkhât bunuyh’ . Lah bu moh nkhât bunuyh, păng i nây bu tể dôi h ma păng.

²²Yơn ma Gáp lah ma khân ay may kớt nđa: Bu moh i ji nuih đah ma oh nô păng dơm, păng i nây Kôranh Brah tể dôi h ma păng. Bu moh i ngơi djơh ma oh nô păng, păng i nây Kôranh Brah tể dôi h. Jêh ri bu moh i rak suai bu, păng i nây Kôranh Brah tể dôi h gũ ta ndrung ũnh n'ho ro.

²³Lah ndr i nôk khân ay may ndjôt ndr n्हơ hăn ta nhih jan brah ma Kôranh Brah ta nsưng gũch pur ndr jan brah, tăt ta nây lah khân ay may kah gĩt khân ay may geh jan tih ma oh nô khân ay may,

²⁴ăn khân ay may pẳp ndr n्हơ i nây ta nây bốt, jêh ri hăn dăn nau yỏ lor đah oh nô khân ay may, ri mớ dăng khân ay may plở n्हơ tay ndr i nây nơh.

²⁵Ăn khân ay may tâm dẫn nau yỏ hỏm đah bunuyh i geh nau đah khân ay may dỏl khân ay may hỏm hỏn ndrel pỏng rỏ trong hỏn ta kỏranh phat dỏih. Klach lah pỏng njủn khân ay may ỏn ma kỏranh phat dỏih, kỏranh phat dỏih njủn khân ay may ỏn ma kỏranh ndrung, jẻh ri kỏranh ndrung krủng khân ay may ta trỏm ndrung ro.

²⁶Gỏp lah n'hẻl nanẻ ngỏn ma khân ay may, lah khân ay may mỏu rỏng ỏn prỏk ma bu, khân ay may mỏu ỏh dỏi lỏh bỏh ntủk nỏy, bol lah du sẻn mỏu roh đỏng.”

Brah Yẻsu lah ma nau lỏm ur lỏm sai

²⁷“Khân ay may lẻ tỏng ta nau vay bỏn lẻ nchih lah kỏt nỏa: ‘Lỏi ta lỏm ur lỏm sai’ .

²⁸Yỏn ma Gỏp lah ma khân ay may, lah bu moh uỏnh bu ur nỏp ma kỏnh, lah ndri ta nuih n'hỏm pỏng ri lẻ kỏp lỏm ur đah bu ur i nỏy.

²⁹Lah ndri lah trỏm mỏt bỏh ma khân ay may leo jan tih, ỏn khân ay may rvek mỏbỏr lỏi trỏm mỏt i nỏy, yorlah ueh đẻ lah dỏn roh trỏm mỏt du ding, ma đah dỏng lẻ sỏk jỏn khân ay may hỏm rỏng, jẻh ri hỏn ta ndrung ủnh n'ho ro.

³⁰Lah ti bỏh ma khân ay may leo jan tih, ỏn khân ay may koh mỏbỏr lỏi ti i nỏy, yorlah ueh đẻ lah dỏn roh ti du ding, ma đah dỏng lẻ sỏk jỏn khân ay may hỏm rỏng, jẻh ri hỏn ta ndrung ủnh n'ho ro.”

Brah Yẻsu lah ma nau tâm ntỏi ur sai

³¹“Ta nau vay bỏn lẻ nchih lah kỏt nỏa: ‘Bu moh i ủch ntỏi ur pỏng nỏm, ỏn pỏng i nỏy jan sambủt tâm ntỏi dỏm ỏn ma ur pỏng, jẻh ri dỏi ntỏi i ur pỏng’ .

³²Yỏn ma Gỏp lah ma khân ay may, lah bu ur i nỏy mỏu geh ỏh lỏm sai, tih ma sai pỏng ntỏi, sai i nỏy jan ỏn ur pỏng jẻng bunuyh lỏm sai. Jẻh ri lah bu moh tâm nỏp đah bu ur sai ntỏi, pỏng jẻng bunuyh lỏm ur đỏng.”

Brah Yẻsu lah ma nau tâm ton

³³“Khân ay may lě tăng bu lah ma phung u che kăl e nơh: ‘Lơi ôh ton mbrôh, ăn khân ay may jan râng dâng lě nơ i khân ay may lě ton ma Kôranh Brah’.

³⁴Yơn ma Gập lah ma khân ay may, lơi ôh ton đah trôk, yorlah trôk jêng rơl Kôranh Brah.

³⁵Lơi đong ton đah neh ntu, yorlah neh ntu dja jêng rơl sấp jông Kôranh Brah. Đah bon kuông Yêrusalem mâu di đong, yorlah bon Yêrusalem ntük Kôranh Brah i kađăch kuông.

³⁶Lơi ôh ton đah bôk khân ay may nơm, yorlah khân ay may mâu dơi ôh jan du mlôm sôk khân ay may nơm ăn jêng nglang, ăn jêng krăk.

³⁷Ăn khân ay may ngơi sông nâng hỏ ‘O’, ăn gít lah ‘O’, ‘Mâu’, ăn gít lah ‘Mâu’. Nơ nau ngơi ntop jêng lôh tă bớh kôranh mpôl brah djơh dadê.”

Brah Yêsu lah ma nau tâm plơng

(Luk 6:29-30)

³⁸“Khân ay may lě tăng ta nau vay bân lě nchih lah kơt nđă: ‘Lah roh mắt du ding, plơng ăn roh mắt du ding, lah deh du mlôm sêk, plơng ăn deh du mlôm sêk đong’.

³⁹Yơn ma Gập lah ma khân ay may, lơi ôh tâm plơng đah ma bunuyh djơh. Lah bu tap tâm bom khân ay may du ding, ăn khân ay may rle du ding, ăn bu tap tay du ding jât.

⁴⁰Lah bu ntôn khân ay may ta năp kôranh phat dôi h gay ma kơnh geh ao gleh khân ay may, ăn bu sỏ nđăp ma ao jong đong.

⁴¹Lah taken nchập khân ay may ăn anh nơ brố du nor yôk, ăn khân ay may brố bar nor yôk ndrel bu dô.

⁴²Bu moh dẫn nơ khân ay may, khân ay may ăn dô, lơi ôh du krap lah bu hăn manh nơ khân ay may.”

Ăn rông ma phung jan djơh đong

(Luk 6:27-28, 32-36)

⁴³“Khân ay may lě tăng ta nau vay bân lě nchih lah kơt nđă: ‘Ăn khân ay may rông ma bu chiao meng, jêh ri biãnh ma phung jan djơh đah khân ay may’.

⁴⁴Yơn ma Gáp lah ma khân ay may, ăn khân ay may rông ma phung jan djơh đah khân ay may, jêh ri mboh sớm dẫn Kôranh Brah ăn nau geh jêng ma bu moh jan jêh đah khân ay may,

⁴⁵gay ma khân ay may jêng kon ngăn ma Kôranh Brah bở khân ay may gủ ta kalo' trôk ri. Yorlah Kôranh Brah ăn nar lôh ang, gay ma ngaang bunuyh ueh, ndâp ma bunuyh djơh, jêh ri Păng ăn dak mih ma bunuyh sồng, ndâp ma bunuyh kue đống.

⁴⁶Lah khân ay may đơn rông đơm ma bunuyh rông đah khân ay may, lah ndri mớm dâng Kôranh Brah rnê ăn nau nkhôm ma khân ay may? Yorlah bunuyh i bu kớp bunuyh tih kớt lah phung i kớp số prăk bon lan gay ma ăn kôranh mât uảnh, khân păng hôm blaô rông ma bunuyh i rông khân păng nơm đống.

⁴⁷Lah khân ay may đơn rom đơm ma oh nô khân ay may nơm, lah ndri mớm dâng khân ay may jan ndơ ueh rlau bu êng? Bol lah phung i mâu gít năl nau Kôranh Brah, khân păng vay jan kớt này đống.

⁴⁸Lah ndri ăn khân ay may gủ dứt ueh hồm, yorlah Bở khân ay may i gủ ta kalo' trôk ri, Păng lể dứt ueh ngăn.”

Mathay 6

Nau ăn ndơ yỗ ma phung o ach

¹“Ăn khân ay may njrăng, lời ôh jan ndơ ueh ma bu ta năp bắl phung gay ma ăn bu say. Lah jan kớt này, khân ay may mâu geh ôh ndơ nkhôm tă bớh Kôranh Brah Bở khân ay may i gủ ta kalo' trôk ri.

²Nôk khân ay may ăn ndơ yỗ ma phung o ach, lời ôh mboh ma dâng lể bunuyh ma ndơ khân ay may jan i này tâm ban ma phung i nhhơ nau ueh ăn bu say ta kalo' ntô đơm vay jan ta nhih rắn phung bân, mâu lah rỏ trong, gay ma ăn bu rnê. Gáp lah n'hêl nanể ngăn ma khân ay may, phung i nhhơ nau ueh ăn bu say ta kalo' ntô đơm i này lể geh bu rnê khân păng jêh, Kôranh Brah mâu hôm ôh ăn ndơ ueh ma khân păng jât.

3.4 Yơn ma nôk khân ay may ăn ndr yố, ăn khân ay may jan ntũng mpôn hỏ, tâm ban ma lơi ăn ti bớh chiaio gít i ti bớh ma jan, jêh ri Kôranh Brah Bở khân ay may i say dâng lể ndr i bu jan ntũng mpôn đổng, tay Păng nkhôm ma khân ay may.”

Brah Yêsu nti nau mboh sơm di

5 “Nôk khân ay may mboh sơm, lơi ôh jan tâm ban ma phung i nhhơ nau ueh ăn bu say ta kalơ ntô đơm vay dâk mboh sơm ta trôm nhieh rỗn phung bân, ndrel ma ta meng trong, gay ma bu say. Gập lah n'hêl nanẽ ngãn ma khân ay may, phung i nây lể geh jêh ndr nkhôm ma khân păng.

6 Yơn ma khân ay may, nôk mboh sơm, ăn khân ay may lạp ta trôm jrô ntâl mpông ăn nập, jêh ri mboh sơm dãn ma Kôranh Brah Bở khân ay may i bunuyh mâu blao say. Lah ndri Kôranh Brah Bở khân ay may i say dâng lể ndr i geh ta ntũk ndỗp đổng, tay Păng nkhôm ma khân ay may.

7 Nôk khân ay may mboh sơm, lơi lah jong rhêng kớt phung i mâu gít năl nau Kôranh Brah, nau i nây mâu geh ôh khlay. Khân păng mân lah Kôranh Brah iăt khân păng tă bớh nau ngoi ốk.

8 Lah ndri khân ay may lơi ôh jan kớt khân păng i nây, yorlah Kôranh Brah Bở khân ay may lể ơm gít lor moh ndr khân ay may ứch dãn tă bớh Păng.

9 Lah ndri ăn khân ay may mboh sơm kớt nđa: ‘Ổ Kôranh Brah Bở hên gũ ta kalơ trôk,

Ăn dâng lể bunuyh yớk mbah ma May.

10 Ăn nau May mât uãnh gớnh tât. Dãn dâng lể nau ta neh ntu dja tâng nau May ứch, Tâm ban ma dâng lể nau ta kalơ trôk lể tâng nau May ứch.

11 Ăn ndr sông sa ma hên nar dja ăn tống.

12 Yố ndach lơi hôm kợp nau tih hên, Tâm ban ma hên yố ndach ma bunuyh jan tih ma hên, mâu hôm kợp nau tih păng đổng.

13 Kớl hên lơi ôh jan tih, nôk hên geh nau ndrôm. Dãn rklaih hên bớh nau djớh mhĩk.

[May jêng kađäch, May geh nau brah, ndrel ma geh nau chrêk lợp Ɣabơ n'ho ro. Ở ăn geh kợt nđa ngăn ro .]’

14Lah khân ay may yỗ bu mâu kợp nau tih i bu jan ma khân ay may, Kôranh Brah Bở khân ay may ta kalợ trôk yỗ khân ay may mâu hôm kợp đống nau tih.

15Tih ma lah khân ay may mâu geh nau yỗ, hôm kợp nau tih bu, Kôranh Brah Bở khân ay may i gũ ta kalợ trôk mâu yỗ đống hôm kợp nau tih ma khân ay may.”

Brah Yêsu ngoi ma nau ăt sông sa

16“Nôk khân ay may ăt sông gay ma mbơh sơm, lợi ôh jan muh mắt rngot tâm ban ma phung i nhhơ nau ueh ăn bu say ta kalợ ntô dơm. Khân păng jan kợt nây, gay ma ăn bu gĩt lah khân păng ăt sông. Gập lah n'hêl nanẽ ngăn ma khân ay may, phung i nây lẽ geh jêh ndơ nkhôm ma khân păng.

17Yơn ma khân ay may, nôk khân ay may ăt sông, ăn khân ay may kăt sỏk, jêh ri rpôh muh mắt,

18gay ma lợi ăn bu say khân ay may ăt sông. Ăn Kôranh Brah Bở khân ay may i bunuyh mâu blaos say dơm hỏ say, lah ndri Kôranh Brah Bở khân ay may i say dăng lẽ ndơ i geh ta ntũk ndợp đống, tay Păng nkhôm ma khân ay may.”

Đrăp ndơ khlay ta kalợ trôk

(Luk 12:33-34)

19“Lợi ôh rỗn đrăp ndơ prăp ma săk khân ay may nơm ta neh ntu dja, jêng ntũk ăch găm sa, ndrel ma tăpdâr grăch, jêh ri geh bunuyh ntũng hăn lỏk mpir gay ma ntũng.

20Ăn khân ay may rỗn đrăp ndơ prăp ma săk khân ay may nơm ta ntũk Kôranh Brah ta kalợ trôk ri hỏ, jêng ntũk mâu geh ăch găm sa, ndrel ma mâu geh tăpdâr grăch, mâu geh đống bunuyh ntũng hăn lỏk mpir ma ntũng.

21Njrăng hỏm, ndơ i khân ay may ntrống khlay rlau bu, jêng ndơ i khân ay may mân rvê rlau bu đống .”

Ndơ ngoi ntât ma ũnh sagêng

²²“Trôm mắt jêng tâm ban ma sagêng ma sǎk jǎn, lah trôm mắt khân ay may hôm ang ueh, lě sǎk jǎn khân ay may hôm ang dadê.

²³Yơn ma lah mắt khân ay may lě ngo, dâng lě sǎk jǎn khân ay may ngo dadê đōng. Lah nau ang ta sǎk khân ay may lě ngo, lah ndri nau ngo i nây lě hô ngǎn.”

Ăn yok mbah ma Kôranh Brah đơm

(Luk 12:22-31; 16:13)

²⁴“Mâu geh ôh du huê bunuyh blaol jan kar ăn ma bar hê kôranh, yorlah pǎng mra rōng ma du huê kôranh, jêh ri biǎnh ma du huê kôranh, mâu lah tâng jât du huê, mưch i du huê ri. Kơt ndri khân ay may mâu dơi ôh gay geh nau rêh n'ho ro ta Kôranh Brah, gay geh ndâp ma đrăp ndr ta neh ntu đōng.

²⁵Kơt ndri dâng Gâp mbơh khân ay may, lơi rvê ôh ma ndr sông sa ma ndr nhêt ma siǎm nau rêh, mâu lah bok ao ma nsoh n'gut sǎk jǎn khân ay may. Geh ndr êng jât ta nau rêh i geh nau khlay rlau ma ndr sông sa, geh ndr êng jât ma bunuyh i geh nau khlay rlau ma bok ao ma nsoh.

²⁶Lōng uǎnh siǔm mpǎr kalơ trôk, pǎng mâu geh ôh tuch tǎm, mâu geh ôh kǎch roih, mâu geh tôh ba ta trôm jay đōng, yơn ma Kôranh Brah Bở khân ay may ta kalơ trôk mât siǎm khân pǎng đōng. Lah ndri ah khân ay may ơm mâu lah khlay rlau ma siǔm mpǎr i nây jât bah?

²⁷Ta mpôl khân ay may i nây, bol lah khǒm rvê dūt hô kađôi lě, kǒ mâu geh bunuyh ma dơi ntop nau rêh pǎng nơm ăn jong ôh, để kǒ mâu dơi đōng.

²⁸Mơm dâng khân ay may rvê ma ndr nsoh n'gut? Lōng khân ay may uǎnh kao si hon êng ta bri, pǎng mâu ôh rơah mâu ôh rgǎnh jan kar, mâu lah rui tanh gay ma ueh uǎnh.

²⁹Gâp mbơh ma khân ay may, bol lah kađăch Salômôn kǎl e nơh, nôk pǎng nkrở sǎk jǎn soh n'gut kho ao khlay ueh, kǒ mâu dơi ban ueh kao si du nkong dja đōng.

³⁰Hơi bunuyh geh nau nsing đễ dờm, lah Kôranh Brah ăn jêh ma kao si i này ueh ngãn uãnh, nar dja pãng dang, nar ôi tay bu su lơi pãng ma ùnh, lah ndri lơ rlau ma này đổng bah Kôranh Brah ndrăp kho ao ăn ma khân ay may?

³¹Lah ndri khân ay may lơi rvê ôh ma ndrơ sông sa, ma ndrơ nhêt, mâu lah ma ndrơ nsoh n'gut.

³²Geh phung i mâu gít năl Kôranh Brah khôm nsrôyh joi dăng lẽ ndrơ i này. Lống i khân ay may này Kôranh Brah Bở khân ay may nờm ta kalơ trôk ri, lẽ Pãng gít dadê jêh moh ndrơ i khân ay may ê hỏ tống.

³³Lah ndri nsrôyh joi, ndrel ma iăt lẽ ndrơ i sông ta năp mắt Kôranh Brah lor, ri mớ Pãng ăn ntop dăng lẽ ndrơ i này ma khân ay may đổng.

³⁴Khân ay may lơi ôh rvê ma nar ôi tay, yorlah nar ôi tay mra geh nau rvê ma nar i này. Rvê ma nau jêr ta nar dja lẽ găp hơyh.”

Mathay 7

Lơi uãnh nau tih bu

(Luk 6:37-38, 41-42)

¹“Khân ay may lơi ôh uãnh nau tih bu, gay ma lơi ăn Kôranh Brah uãnh nau tih khân ay may.

²Lah khân ay may uãnh nau tih bu, Kôranh Brah uãnh nau tih khân ay may kớt này đổng. Kôranh Brah rnhueh ăn ma khân ay may, tâng khân ay may rnhueh ăn bu này đổng.

³Nau tih bunuyh jêng tâm ban ma ndrơ ta trôm mắt. Mớ khân ay may uãnh say ndruyh ta trôm mắt oh nô khân ay may dờm, tih ma uãnh mâu ôh say mống rlat ta trôm mắt khân ay may nờm?

⁴Lah geh mống rlat ta trôm mắt khân ay may nờm, mớ dơi lah ma oh nô: ‘Ăn gáp nkhê ndruyh này’?

⁵Ở bunuyh mbrôh! Ăn sỏ rlat ta trôm mắt khân ay may nờm này lor bốt, ri mớ say n'hêl ndruyh ta trôm mắt oh nô, dăng blaonkhê ndruyh này.”

Nau ngoi ntât ma nau nti nau Kôranh Brah

⁶“Lời ôh m̄b̄r nd̄r kloh ueh ăn ma so, m̄u d̄r m̄b̄r ăn ma s̄r đ̄ng, klach lah p̄ng jot r̄blach, j̄eh ri rd̄oh pl̄r k̄p kh̄n ay may n̄m. Kot nd̄ri đ̄ng ăn ḡt m̄m d̄ng nti nau K̄oranh Brah ăn ma bunuyh i m̄u ũch īt.”

Ntil nau m̄b̄r s̄m

(Luk 11:9-13)

⁷“D̄n m̄ro m̄r̄ng h̄m ma K̄oranh Brah d̄ng P̄ng ăn ma kh̄n ay may. Joi m̄ro m̄r̄ng h̄m d̄ng say. Kūl m̄ro m̄r̄ng h̄m b̄r̄ dih mp̄ng d̄ng K̄oranh Brah p̄k ăn ma kh̄n ay may ro.

⁸Yorlah bu moh d̄n, m̄ra geh, bu moh joi, m̄ra say, j̄eh ri bu moh i kūl b̄r̄ dih mp̄ng, m̄ra p̄k ăn ma p̄ng.

⁹Ta mp̄l kh̄n ay may vay geh đ̄ng, lah kon d̄n pīng ăn nkh̄ng l̄ ma p̄ng chrao?

¹⁰Lah kon d̄n ka, b̄r̄ p̄ng ăn nkh̄ng b̄eh geh k̄ch ma p̄ng chrao b̄r̄?

¹¹Bol lah kh̄n ay may j̄eng bunuyh tih kađ̄oi, kh̄n ay may h̄m blao ăn nd̄r ueh ma kon kh̄n ay may đ̄ng. Lah nd̄ri K̄oranh Brah B̄r̄ kh̄n ay may i ḡ ta kal̄r tr̄k r̄lau b̄r̄ n̄y ăn nd̄r ueh ma bu moh d̄n b̄r̄ P̄ng.”

Nau nt̄t ma mp̄ng hūt

(Luk 13:24)

¹²“Ta ăp ntil nd̄r, moh nau ũch ăn bu jan ma kh̄n ay may, ăn kh̄n ay may jan ma bu lor. Nau i n̄y j̄eng tâm di đ̄ah nau vay, nd̄rel ma nau bunuyh nt̄ȳh nau nḡi K̄oranh Brah l̄ nchih.

¹³Ăn kh̄n ay may l̄p r̄o mp̄ng mp̄r̄ hūt, yorlah mp̄ng mp̄r̄ i h̄n ta nau roh h̄ng huy, nd̄rel ma trong i nj̄n ta nau roh h̄ng đ̄r̄ nḡn ma h̄n, geh ők bunuyh l̄p r̄o mp̄ng mp̄r̄ i n̄y.

¹⁴Ȳn ma mp̄ng mp̄r̄ i h̄n ta nau r̄eh n'ho ro hūt, nd̄rel ma trong i nj̄n ta nau r̄eh n'ho ro j̄er ma h̄n, geh đ̄ đ̄m bunuyh joi say trong i n̄y.”

Nau nḡi nt̄t ma t̄m si ueh, n̄đ̄p ma play p̄ng

(Luk 6:43-44)

¹⁵“Ăn khân ay may njrăng hõm ma bunuyh ntøyh nklă nau ngoi Kôranh Brah. Khân păng văch a khân ay may mleh, uănh tâm ban ma be biăp, yõn ma ta trôm nuih n'hâm khân păng ri janh tâm ban ma so bri ngăn.

¹⁶Khân ay may gĩt năl khân păng tă bõh ndr khân păng jan, tâm ban ma bu gĩt năl tøm si tă bõh play păng. Bu mâu prot ôh pẽ play yũng yar bon, mâu lah pẽ play Rvi tă bõh pũm lok đõng.

¹⁷Lah ndrì dăng lẽ tøm si ueh, play păng ueh, yõn ma tøm si djõh, play păng djõh đõng.

¹⁸Mâu prot geh ôh lah tøm ueh i play djõh, tøm djõh i play ueh.

¹⁹Dăng lẽ tøm si play mâu ueh, bu kăl pur lời ta ũnh.

²⁰Lah ndrì dăng khân ay may đõr gĩt năl bunuyh ntøyh nklă, yor ma say ndr păng jan.”

Oh mon Brah Yêsu n'hêl naně

(Luk 13:25-27)

²¹“Bunuyh đõr lăp ta nau Kôranh Brah măt uănh, mâu đõn kuăl Găp ‘O Kôranh, o Kôranh’ đõm ôh. Păng i jan tâng Kôranh Brah Bõ Găp gũ ta kalõ trõk ũch, păng i nây đõm đõr lăp.

²²Ta nar phat đõih dăng lẽ bunuyh, mra geh õk bunuyh lah ma Găp: ‘O Kôranh, o Kôranh, hên vay ntøyh nau ngoi May, hên vay mprõh brah djõh ma rnha săk May, ndrèl ma õk ngăn hên jan nau khlay ma rnha săk May’.

²³Yõn ma ta nôk nar nây tay, Găp lah ma bunuyh i nây: ‘O phung kue phung djõh, du ngai hõm bõh Găp, Găp mâu ôh gĩt năl khân ay may’.”

Nau ngoi ntât bar hê bunuyh jan jay

(Luk 6:46-49)

²⁴“Bu moh tăng nau Găp ngoi dja, jêh ri jan tâng kõt, păng i nây jêng tâm ban ma bunuyh blaõ mân jan jay păng nõt măm meh kuyh ntu ăn jru.

²⁵Bol lah geh mih kuõng, geh dak kuõng rlap hoch, ndrèl ma geh sial khôm ăn n'gõ kadõi đõng, jay i nây mâu ôh đõr rlõm, yorlah meh păng lẽ bu tăm ăn nâp.

²⁶Yơn ma bu moh lě tăng jêh nau gâp ngơi dja, tih ma mâu ôh jan tâng kơt, păng i này jêng tâm ban ma bunuyh mâl jan jay păng nơm n'gõn dơm ta kalo neh.

²⁷Lah geh mih kuông, geh dak rlap hoch, ndrel ma geh sial khôm ăn n'gơ kađôi đơng, jay i này rlõm djơh lě phiao ro.”

²⁸Tât ma lě jêh Brah Yêsu ngơi dâng lě nau i này, phung bon lan gũ iăt ndrõt hih rhõl ngăn tăng nau Păng nti i này,

²⁹yorlah nau Păng nti nơh geh nau dơi ngăn, mâu geh ôh kơt nơm nti nau vay phung Israel khân păng.

Mathay 8

Brah Yêsu jan bah du huê bunuyh phũng sa

(Mar 1:40-45; Luk 5:12-14)

¹Nôk Brah Yêsu jũr bơh kalo yôk này, geh ők bunuyh tâng Păng.

²Ta này geh du huê bunuyh phũng sa chon kômõk ta năp Brah Yêsu, păng lah: “Ô Kôranh! Gâp gĩt May dơi jan săk gâp ăn kloh ăn bah ji, lah May ũch.”

³Brah Yêsu pah ti ta săk păng ri, jêh ri lah ma bunuyh phũng sa i này: “Ô, Gâp ũch đơng, bah hõm!” Du blât ta này păng bah ro, mâu hõm phũng sa ôh.

⁴Jêh ri Brah Yêsu lah ma păng: “May lơi ôh mboh nkoch nau i dja ăn bu gĩt, ăn may hăn brõng nhhơ săk ma bunuyh jan brah ri, jêh ri nhhơ ndơ jan brah tâng nau vay Môsê đă ma bunuyh bah nau ji phũng sa, gay ma bu gĩt n'hêl săk may lě kloh lě bah ngăn ro.”

Brah Yêsu jan bah nau ji ăn ma du huê bunuyh jan kar ma kôranh taken Rôm

(Luk 7:1-10)

⁵Tât Brah Yêsu hăn lăp ta bon Kapơnũm, geh du huê kôranh taken Rôm hăn bonh Păng:

⁶“Ô Kôranh, geh du huê bunuyh jan kar ma gâp bêch rkhuen ta gre ri, păng ji rven geh nau jêr dũt hô ngăn.”

⁷Brah Yêsu lah ma păng: “Hõ Gâp hăn jan ăn păng bah.”

⁸Kôranh taken i này lah ma Brah Yêsu: “Ô Kôranh, mâu khăch ôh jă leo May lăp ta jay gâp, yorlah gâp mâu di phung Israel, ndrî dâng mâu ôh di, lah gâp jă May lăp ta jay gâp, dăn May lah du tong bôh này đơm, bunuyh jan kar ma gâp bah ji ro.

⁹Gâp gũ ta nâm bu, yờn ma geh ỏk kon taken gũ ta nâm gâp đờng. Lah gâp đă du huê hăn, păng hăn ro, lah đă bunuyh a êng văch, păng văch ro. Lah gâp đă dăk gâp jan ndrô du ntil, păng jan ro. Lah ndrî gâp gĩt lah May ngơi geh nau đơi kớk này đờng.”

¹⁰Tăt ma Brah Yêsu lể tăng nau này, ta nuih n'hâm Păng ri ndrôt hih rhỗl ngăn, Păng lah ma phung tâng Păng: “Gâp lah n'hêl nanẻ ngăn ma khân ay may, ta phung Israel i kớp êng săk khân păng nờm lah lể gĩt năl Kôranh Brah, ê hỏ say geh du huê geh nau nsing kớk păng i này đờng.

¹¹Gâp mớh ma khân ay may, mra geh ỏk bunuyh tă bớh lờh nar, ndrêl ma tă bớh nhỏp nar, khân păng i mâu ôh di phung Israel, ta nau Kôranh Brah măt uănh, văch gum sông sa ndrêl Abrahăm, Isăk, ndrêl ma Yakỏp i che phung bân.

¹²Yờn ma phung Israel i ỏm di lăp ta nau Kôranh Brah măt uănh, geh ỏk bu mbăr lời khân păng bớh dih ta ntũk ngo, ta ntũk này geh nau nhhiăng nhũm, ndrêl ma rchiăt sêk.”

¹³Jêh ri Brah Yêsu lah ma kôranh taken Rôm i này: “May hăn săt dô, ăn geh kớk nau nsing may này ngăn.” Bunuyh jan kar ma păng bah nau ji mong này ro.

Ổk bunuyh Brah Yêsu jan bah nau ji

(Mar 1:29-34; Luk 4:38-41)

¹⁴Jêh ri Brah Yêsu hăn lăp ta jay Pêtrô, Păng say mẽ po Pêtrô ji kop bêch ta gre ri.

¹⁵Brah Yêsu pah ta ti păng, păng bah ro, jêh ri păng jan piăng trao ma Brah Yêsu.

¹⁶Tât bri kêng mǎng bu njũn bunuyh brah djơh lǎp ők hǎn a Brah Yêsu. Pǎng mproh brah djơh i nây ma nau Pǎng ngơi, ndrel ma jan bah bunuyh ji kuet ǎn bah dadê đơng.

¹⁷Pǎng jan kơt nây, gay ma tâm di đah nau Êsai i bunuyh ntơyh nau ngơi Kơranh Brah kǎl e nơh lě nchih jêh: ‘Pǎng i nây lě sữ đơn dǎng lě nau kuet rven bân ta Pǎng nơm, nau ji bân Pǎng tui đơng’ .

Bunuyh ũch jêng oh mon Brah Yêsu

(Luk 9:57-62)

¹⁸Tât Brah Yêsu say bu gũ jũm Pǎng ők ngo ngǎn, Pǎng đǎ mpơl oh mon gay ma ncho duk hǎn kǎl ti dak nglao kuơng Galilê.

¹⁹Nôk nây geh du huê nơm nti nau vay phung Israel lah ma Brah Yêsu: “Ổ Kơranh, ah ntũk May hǎn, gập hǎn tǎng May đơng.”

²⁰Brah Yêsu lah ma pǎng: “Lỡng srot geh trôm ntũk pǎng gũ, siũm nar geh rsuǎn đơng, tih ma Gập i Kon Bunuyh tǎ bơh Kơranh Brah mǎu geh ôh ntũk Gập nơm ngǎn ma đơm bôk.”

²¹Geh du huê ta mpơl oh mon Brah Yêsu lah ma Pǎng: “Ổ Kơranh, ǎn gập kợp bở gập khât, ndrel ma tợp pǎng bởt.”

²²Brah Yêsu lah ma pǎng: “Hǎn tǎng Gập abao ri hỏm. Bunuyh mǎu iǎt nau Gập tâm ban ma bunuyh lě khât, ǎn khân pǎng tâm tợp êng ndrǎng khân pǎng nơm.”

Brah Yêsu buay dak rbuh ǎn bah

(Mar 4:35-41; Luk 8:22-25)

²³Jêh ri Brah Yêsu jữ ncho duk, phung oh mon Pǎng ncho ndrel Pǎng đơng.

²⁴Dô ma geh sial phũt dũt hô tât ma dak rbuh lǎp ta trôm duk ri. Yờn ma Brah Yêsu lě hǎk bêch.

²⁵Phung oh mon rlay Pǎng: “Ổ Kơranh! Kợl rklaih hỏm hên, khât ro bân mê!”

²⁶Brah Yêsu lah ma khân pǎng: “Ổ phung geh nau nsing đễ đơm, moh nau khân may klach hô ir?” Brah Yêsu dǎk, Pǎng buay sial phũt, ndrel ma dak, dak nchỏch rbuh rngõn njũp ro.

²⁷Nôk nây phung oh mon ndröt hih rhöl, khân păng tâm lah: “Hay, bu moh Păng i nây hiah, dâng geh ma sial phüt, ndrel ma dak nchöch iät Păng?”

Brah Yêsu jan bah bar hê bunuyh brah djoh lăp

(Mar 5:1-20; Luk 8:26-39)

²⁸Nôk Brah Yêsu, ndrel ma phung oh mon Păng tât kăi ti dak nglao kuông Galilê ta bri Garasin, ntük ðon i nây bu mâu ôh tâng nau vay phung Israel, ta nây geh bar hê bu klô brah djoh lăp. Khân păng lôh bôh ntük môch ri, hăn ran a Brah Yêsu. Bar hê bu klô i nây janh janh ngăn, kơt ndri dâng bu mâu bảnh hăn rồ nây.

²⁹Bar hê bu klô i nây nter lah Brah Yêsu: “O’ Kon Kôranh Brah, moh geh nau May ma hên hă? May hăn ta dja gay ma ũch nkrit hên ê lor ma tât di nar Kôranh Brah lă ndrăp bôh?”

³⁰Ngai oi ðah mpôl khân păng i nây, geh sữ phung gũ sa mpa ta ri.

³¹Phung brah djoh i nây bonh Brah Yêsu: “O’ Kôranh, lah May mproh hên, ðăn May njuäl hên lăp ta sữ phung i nây ơ.”

³²Brah Yêsu lah: “Hăn hóm!” Jêh ri phung brah djoh lôh bôh bar hê bu klô i nây lăp ta sữ ri. Lông sữ phung i ri nchuăt rbül jât sop rbông jât dak nglao kuông khât rmok ta dak lă phiao .

³³Mpôl măt sữ i nây leo băl nchuăt a ðon, mbôh nkoch dâng lă nau i nây, ndâp ma mbôh nkoch ma bar hê bunuyh brah djoh lăp nây nơh ðong.

³⁴Dâng lă bunuyh ta ðon nây ran hăn mập Brah Yêsu dadê, tât ma lă say Brah Yêsu, khân păng bonh Brah Yêsu ăn Păng lôh bôh bri khân păng nây.

Mathay 9

Brah Yêsu jan bah du huê bunuyh rven

(Mar 2:1-12; Luk 5:17-26)

¹Jêh ri Brah Yêsu ncho duk plở sât ta ðon Kapơnũm ntük ðon Păng gũ.

²Ta nây geh bu tung du huê bunuyh rven jông rven ti bêch ta nkô hăn ta Brah Yêsu. Păng say khân păng geh nau nsing, jêh ri lah ma bunuyh rven i nây: “O’ oh, ăn may răm hóm. Gâp lă yỗ may, mâu hóm ôh kơp nau tih ta may.”

³Ta nây geh phung nôm nti nau vay phung Israel abă lah êng ta nuih n'hâm khân păng nôm: “Mơm Păng ngời kớt nây, Păng i nây mưch rmot Kôranh Brah ngăn hay!”

⁴Brah Yêsu lě say nau mân phung i nây, Păng lah: “Mơm dâng khân may geh nau mân djơh kớt nây?”

⁵Ăn khân may gít nau dja, lah Gập lah ma bunuyh rven i nây: ‘Nau tih may lě Gập yố hơi’, mâu lah ‘May dâk brố hồm’, lah ndri moh nau lah i djơh rlau hă?

⁶Gập ứch ăn khân may gít say Gập i Kon Bunuyh tă bớh Kôranh Brah dơi yố nau tih bunuyh ta neh ntu dja.” Jêh ri Brah Yêsu uảnh jât bunuyh rven i nây lah: “May dâk hồm, ndjôt nkố may nây sât a jay may nôm ri.”

⁷Jêh ri bunuyh rven i nây dâk ro, sât a jay păng nôm ri.

⁸Say kớt nây, phung bon lan ndrốt hih rhөл dadê, khân păng rnê Kôranh Brah, yorlah lě Păng ăn nau dơi kớt nây ma bunuyh ta neh ntu.

Brah Yêsu kuăl Mathay ăn tâng Păng

(Mar 2:13-17; Luk 5:27-32)

⁹Jêh ri Brah Yêsu hăn bớh ntük nây, Păng say Mathay gủ kộp sỏ prăk bon lan ma ăn kôranh mât uảnh. Brah Yêsu lah ma păng: “Hơi nô, hỏ brố tâng Gập.” Păng dâk bớh nây, jêh ri tâng Brah Yêsu ro.

¹⁰Ta nar nây Mathay jă Brah Yêsu sông sa ta jay păng nôm. Geh ốk phung bunuyh kộp sỏ prăk bon lan ma ăn kôranh mât uảnh, ndâp ma phung bunuyh jan tih êng hăn gủ sông sa ndrel Brah Yêsu, ndrel ma phung oh mon Păng đống.

¹¹Tât ma phung Pharisi say kớt nây, khân păng ôp phung oh mon Brah Yêsu: “Mơm dâng kôranh khân may gủ sông sa ndrel bunuyh kộp sỏ prăk bon lan, ndâp ma phung bunuyh jan tih êng kớt nây?”

¹²Brah Yêsu tăng kớt nây, jêh ri ôp khân păng: “Bunuyh geh săk jăn ueh mâu ứch ôh ma kôranh dak si, bunuyh i geh nau ji đơm ứch.

13 Ǻn khān may vāt ta trong lǽ nchih kōt nđā: ‘Gāp ũch bunuyh blaoy ũ ndach, māv ũch ôh ma nđơ jan brah’. Gāp vǽch ta dja māv ôh gay ma kuǻl bunuyh sōng, ũch kuǻl bunuyh tih, gay ma kōl khān pǽng.’”

Nau ǻt sōng sa

(Mar 2:18-22; Luk 5:33-38)

14 Nōk nāv geh mpōl oh mon Yōhan-Baptem hǻn māv Brah Yēsū, ôp Pǽng: “Hēn, ndrel ma phung Pharisī geh nau vay ǻt sōng sa ōk nar gay ma mboh sōm, mōm dāng mpōl oh mon may māv jan kōt nāv?”

15 Brah Yēsū ơh ma khān pǽng: “Nōk tâm nđǻp ur sai, bu nǻch vay gũ rngot ǻt sōng sa đōng boh? Māv vay ôh. Gāp tâm ban ma bu klō nđǻp ur sai. Tāt di nar ri tay bu tâm nkha Gāp đāh mpōl oh mon Gāp, ri mō khān pǽng ǻt sōng sa.

16 Bu māv vay ôh sō bok mhe ê hō pih mbōl ta ao lǽ sat. Lah jan kōt nāv bok i sat ri lō ma hō hēk rlau ơm ngǻn, yor ma i bok mhe nāv jēng rōt nōk jēh pih.

17 Kōt ndrī đōng, bu māv vay ôh tǽ ndrǻnh play yǽng yar bon mhe ta đǽng ntō ơm, lah jan kōt nāv ndrǻnh play yǽng yar bon mhe jan ǻn đǽng ntō i nāv prek, ndrǻnh hũk đōng, jēh ri đǽng ntō i nāv jēng sat đōng, yorlah đǽng ntō ơm māv hōm ôh toch. Bu tǽ ndrǻnh play yǽng yar bon mhe ta đǽng ntō mhe, ndrī nđơ bar ở nāv hōm.”

Brah Yēsū jan bah bu ur jī rih, ndrel ma jan kon bu ur Jairus ǻn dāk rēh

(Mar 5:21-43; Luk 8:40-56)

18 Nōk Brah Yēsū hōm ngōi nau i nāv, dō ma geh du huē kōranh nhīh rbūn phung Israel hǻn chon kōmōk boh nǻp Brah Yēsū, lah ma Pǽng: “Kon bu ur gāp mhe khāt nđơh nōh pō. Dǻn May hǻn pah ti ta pǽng ơ, jēh ri pǽng dāk rēh ro.”

19 Brah Yēsū dāk hǻn ndrel pǽng, mpōl oh mon Brah Yēsū hǻn đōng.

20.21 Rō trong nāv geh du huē bu ur jī rih lǽ jō 12 nǻm, pǽng lah ēng ta sǻk pǽng nōm: “Lah geh pah ao Pǽng i nāv, gāp bah ro.” Jēh ri pǽng tāv Brah Yēsū boh kōi, pah ta chiǻng ao Pǽng ri.

²²Brah Yêsu n'gâl jât kơi, say bu ur i nây, jêh ri lah ma păng: “Ay rằm hồm ở oh, nau ay nsing jan bah ay hơi.” Nau ji rih păng bah ta nây ro.

²³Jêh ri Brah Yêsu tât ta jay kôranh nhiih r̄bũn nây, Păng say phung geh nau r̄ngot ôh n'hôm ôh r̄let gr̄ũ gr̄ă yă yõr ngăn

²⁴Păng lah ma phung i nây: “Khân ay may du lôh a dih! Mâu khât ôh kon se bu ur dja, man ma hăk bêch dơm.” Dâng lể bu ta nây gơm mưch ma Brah Yêsu dadê.

²⁵Tât lôh lể phiao phung i nây a dih, Brah Yêsu lăp ta trôm jay, nhũp ti kon se bu ur i nây, jêh ri kon se i nây dâk ro.

²⁶Jêh ri nau i nây lư lam bri i nây ngăn ro.

Brah Yêsu jan bah bar hê bunuyh cheh mắt

²⁷Nôk Brah Yêsu hăn bớh ntũk nây, geh bar hê bunuyh cheh mắt tâng bớh kơi Brah Yêsu, khân păng nter: “Ở Kon Sau kađăch Đavid! Yỗ nđach hên bả ở!”

²⁸Tât Brah Yêsu lể lăp du mlôm jay, bar hê bunuyh cheh mắt nây hăn a Păng. Jêh ri Brah Yêsu ôp khân păng: “Ah khân may lể nsing ma Gập đống, Gập dơi jan trôm mắt khân may ăn say ang?” Khân păng ởh: “Ở, hên lể nsing, Kôranh.”

²⁹Jêh ri Brah Yêsu pah ta trôm mắt khân păng ri lah: “Ăn geh ngăn, kơt nau khân may lể nsing.”

³⁰Jêh ri trôm mắt khân păng say ang ngăn ro. Brah Yêsu buay dăng ngăn ma khân păng: “Lơi ôh ăn bu gĩt nau dja.”

³¹Yơn ma bar hê khân păng i nây, hăn mớh nkoch nau nây ma bu lam bri nây ngăn.

Brah Yêsu jan bah du huê bunuyh mlo ăn blao ngơi

³²Ndüt sât bar hê khân păng nây, geh bu leo du huê bunuyh mlo brah djơh lăp hăn a Brah Yêsu.

³³Tât Brah Yêsu lě mprôh brah djôh lě du lôh bôh bunuyh mlo i nây, bunuyh i nây blaog ngoi ro. Lông phung bon lan i gũ ta ri ndrôt hih rhôl lě nau ngăn, khân păng lah: “Ntôm bôh kăl e nơh mâu ôh prot say geh nau brah kơt nây ta bri Israel dja.”

³⁴Yơn ma phung Pharisi lah: “Dâng Păng dơi mprôh brah djôh nây, ach ma kôranh mpôl brah djôh ăn nau dơi ta Păng.”

Brah Yêsu yỗ ndach phung bon lan

³⁵Jêh ri Brah Yêsu hăn rỗ bon kuông bon jễ, ntũm nti bu ta nhieh rỗn khân păng nơm, ndrel ma mbôh nkoch nau mhe mhan ueh ma nau Kôranh Brah mât uánh, ndâp ma jan bah dâng lě nau ji ăp ntil đong.

³⁶Tât ma say phung bon lan, Brah Yêsu geh nau yỗ ndach ma khân păng dũt hô, yorlah khân păng rvê ta nuh n'hâm mâu hôm geh suan, tâm ban ma phung be biăp i mâu geh bunuyh mât uánh.

³⁷Jêh ri Brah Yêsu lah ma mpôl oh mon Păng: “Hơi oh mon, geh ôk bunuyh ũch iăt nau mhe mhan ueh, khân păng tâm ban ma ba lě dũm i ôk ngăn. Bunuyh mbôh nkoch nau mhe mhan ueh tâm ban ma bunuyh rek, tih ma bunuyh i nây đễ dơm.

³⁸Lah ndri dăn Kôranh Brah nơm i tơm ba nây njuăl bunuyh a êng jăt, kơl rek ba dũm i nây.”

Mathay 10

Brah Yêsu ăn nau dơi ma mpôl kôranh oh mon

(Mar 3:13-19; Luk 6:12-16)

¹Jêh ri Brah Yêsu kuăl 12 nuyh mpôl kôranh oh mon Păng, n'ho ma Păng ăn nau dơi ma khân păng, dơi mprôh brah djôh lôh bôh bunuyh, ndrel ma dơi jan bah dâng lě nau ji ăp ntil đong.

²12 nuyh mpôl kôranh oh mon nây, ta nây geh lor bu, Simôn i bu kuăl Pêtrôs đong, jêh ri geh oh păng Ôndrê, geh Yakơ, ndrel ma oh păng Yôhan i kon Sêbêdê,

³geh Philip, geh Bartôlômê, geh Thômas, geh Mathay i bunuyh kôp sô prak bon lan ma ăn kôranh mât uánh, geh Yakơ i kon Alphai, geh Thadê,

⁴geh Simôn i bunuyh phung Kanaan, ndrel ma geh Yudas-Isakariyôt bunuyh i leo bu hăn nhữp Brah Yêsu.

Brah Yêsu ăn mpôl kôranh oh mon Păng hăn mboh nkoch nau mhe mhan ueh

⁵Jêh ri Brah Yêsu đã 12 nuyh mpôl kôranh oh mon i nây hăn ta bon êng êng, n'ho ma ntính ma khân păng: “Khân may lời hăn ôh ta phung i mâu di phung Israel, lời ôh lăp ta bon bri Samari,

⁶yơn ma ăn khân may hăn ta phung Israel dơm, khân păng tâm ban ma phung be biăp lể hiot.

⁷Ăn khân may mboh nkoch: ‘Nau Kôranh Brah mât uánh lể bời tât’.

⁸Ăn khân may jan bah bunuyh ji kuet, bunuyh khât jan ăn dâk rêh, bunuyh phũng sa jan ăn bah ăn kloh, ndrel ma mproh brah djơh ăn du lôh bơh bunuyh. Lời ôh sô khlay bơh bu, yorlah nau dơi khân may nơh geh dơm đống.

⁹Mâu ăn ôh ndjôt prak, bol lah để kađôi ta dững khân may.

¹⁰Lời cheng dững dôi khân may brồ bon êng êng, lời ôh ndjôt leo kho ao nô jot a êng jât dơn i geh nsoh ta săk ri hỏ, lời ndjôt mống jra. Yorlah di ma bunuyh i jan kar ma Kôranh Brah sô dơn ndr ếch ta nau rêh păng tă bơh bunuyh i păng kơl nây.

¹¹Nôk khân may lăp ta bon kuống, mâu lah bon jể, ăn khân may joi bunuyh i di ma khân may gủ ndrel, jêh ri gủ ta jay păng n'ho ma tât nar khân may lôh bơh ntũk nây.

¹²Nôk khân may lăp ta jay bunuyh i nây, ăn khân may lah: ‘Ăn geh nau đăp mpăn ma khân ay may’.

¹³Lah ta jay i nây di sô dơn nau đăp mpăn i nây, Kôranh Brah mra ăn kơt nây ngăn ro. Lah mâu di sô dơn, Kôranh Brah mâu ăn ôh, yơn ma khân may hôm geh nau đăp mpăn.

14Lah bu mâu ôh rom khân may, mâu iăt ôh nau khân may, nôk khân may lôh bơh bon bơh jay nây, ăn rtôh neh môi bơh jông khân may nơm, gay ma nhhơ lah bunuyh i nây Kôranh Brah tế dôi.

15Gập lah n'hêl naně ngăn ma khân may, bunuyh ta bri bon Sôđũm bon Kômôra, i jan tih dứt hô kăl e nơh, ndri dăng Kôranh Brah de lơh hêng khân păng ma ùnh bơh kalơ trôk, khân păng i nây hôm e geh dôi thoi ma đah bunuyh ta bon i nây, ta nar Kôranh Brah phat dôi lam neh ntu.”

Nau rêh rnhăl

(Mar 13:9-13; Luk 21:12-17)

16“Gập đă khân may hăn ta bon phung Israel tâm ban ma đă be biăp gũ ta nklang phung so bri. Lah ndri ăn khân may blao njrăng tâm ban ma bêh, mleh tâm ban ma plũk jêng siũm du ntil i mâu jan tih.

17Ăn blao njrăng ma bunuyh, yorlah bu mra nhũp njũn khân may ăn ma mpôl kôranh jan kar phung Israel, jêh ri bu mra rpăt khân may ma mông rse ta trôm nhiih r̄bũn khân păng.

18Bu mra njũn khân may ăn ma kôranh kuống, ndrel ma njũn khân may ma kađăch, gay ma phat dôi khân may ach ma tâng Gập. Jêh ri khân may dơi nkoch nau nsing ma Gập ăn ma khân păng, ăn ma phung i mâu di phung Israel đống.

19Nôk bu nhũp njũn khân may, lơi ôh khân may rvê nau mboh ngoi ma bu, yorlah Kôranh Brah sơm ăn nau mboh ngoi ma khân may ta nôk nây.

20Mâu di khân may nơm ôh mboh ngoi, Brah Huêng Ueh i huêng Kôranh Brah Bở khân may nơm sơm ngoi ăn ma khân may.

21Oh ma nô, bở ma kon mra tâm rlăm nhũp njũn ăn bu nkhăt, ndrel ma i kon kon leo bắl tâm rdăng đah mẽ bở, n'ho ma njũn ăn bu nkhăt lơi đống.

22Yor ma khân may nsing ma Gập, ndri dăng ők bunuyh mra biănh ma khân may. Yơn ma bu moh i dơi ăt n'ho ma tâl lôch, Kôranh Brah mra rklaih păng i nây.

²³Lah bu jan jêr khân may ta du bon, ăn khân may nchuăt du ta bon êng jât. Gâp lah n'hêl naně ngăn ma khân may, khân may hăn ê hỏ ôh lam bon dâng lě ta bri Israel, Gâp i Kon Bunuyh tă bớh Kôranh Brah plở lě tât .”

²⁴“Mâu geh ôh phung nti gít rlau ma nỡm nti, mâu geh ôh dâk kuông rlau ma kôranh păng nỡm.

²⁵Lah phung nti lě blao tâm ban ma nỡm nti khân păng, lah dâk lě tâm ban ma kôranh păng nỡm, lah ndri lě gáp hỡyh. Lah bunuyh tỡm jay bu kuăl: ‘Bêlsêbul’, lah ndri dâng lě bunuyh i gủ ta jay păng nây, rlau ma nây jât djớh bu kuăl khân păng.”

Lời ta klach bunuyh

²⁶“Lời ôh klach phung i jan jêr nây, yorlah geh du nar jât nấp tay Kôranh Brah mra ăn bu say dâng lě ndớ i bunuyh hôm mpôn. Kôranh Brah ăn bu gít dadê đống, dâng lě ndớ i bunuyh mâu ứch ăn bu gít.

²⁷Lah ndri moh ndớ Gâp lah khân may ta ntũk ngo, ăn khân may mớh nkoch hỏm ta ntũk ang. Moh ndớ Gâp ngới suih ta tôr khân may, ăn mớh nkoch hỏm ta kalớ chor jay gay ma ỏk bunuyh tăng.

²⁸Lời klach ôh ma nỡm dới nkhât rnglay sắk dỡm, yỡn ma mâu dới ôh nkhât huêng, ăn khân may klach Kôranh Brah hỏ, yorlah Păng dới ăn huêng, ndrel ma rnglay sắk lớh ndjớh ta ndrung ứnh.

²⁹Bu vay tách bar mlỏm siũm rleo khlay du mlỏm kắk jẻ, yỡn ma bol lah thok kớt nây, lah Kôranh Brah Bớ khân may mâu ăn, mâu geh ôh du mlỏm siũm rleo tũp ta neh.

³⁰Bol lah dâng lě sỏk ta bỏk khân may nỡm, Kôranh Brah lě jêh kớp dâng lě đống.

³¹Kớt ndri lời klach ôh, yorlah Kôranh Brah kớp khân may khlay ngăn rlau ma siũm rleo du phung jât.”

Nau bu mớh nkoch Brah Yêsu

³²“Bu moh i mớh ma bu lah păng tâng Gâp, Gâp mra mớh păng i nây jêng oh mon Gâp ta bớh nấp mắt Bớ Gâp ta kalớ trỏk.

33Yơn ma bu moh i rlăch ma bu lah mâu tâng Gâp, Gâp mâu đōng mboh păng i này jêng oh mon Gâp ta bōh năp mắt Bở Gâp ta kalo' trôk."

Tâm nkah mpôl ach ma nau nsing

34"Lời mân ôh Gâp văch ta neh ntu dja leo nau đăp mpăn. Gâp văch ta dja tâm ban ma ndjôt đao, leo nau tâm rdâng.

35Gâp văch ăn: 'Kon bu klô tâm nkah đah bở păng, Kon bu ur tâm nkah đah mẽ păng, Măn ăn tâm nkah đah mẽ po păng nơm đōng.

36Bunuyh gũ ndrel du jay, jêng tâm rlăng ndrăng khân păng nơm' ."

Oh mon Brah Yêsu n'hêl naně

37"Bu moh rōng ma mẽ bở păng nơm ők rlau ma rōng Gâp, păng i này mâu ôh di jêng oh mon Gâp. Bu moh rōng ma kon bu ur kon bu klô păng nơm ők rlau ma rōng Gâp, păng i này mâu đōng di jêng oh mon Gâp.

38Bu moh mâu tui si tâm rkăng păng nơm brồ tâng Gâp, jêng geh nau khlay mâu iăt dâng lě nau Kôranh Brah đă, bol lah tât khât săk kađôi, păng i này mâu ôh di jêng oh mon Gâp.

39Jêh ri bu moh prăp rvan ma nau rêh săk păng nơm, păng tay khât n'ho ro, yơn ma bu moh khât ach ma tâng Gâp, păng tay rêh n'ho ro."

Nau nkhôm ma phung i rom oh mon Brah Yêsu

40"Bu moh rom khân may, tâm ban ma păng rom Gâp, bu moh rom Gâp tâm ban ma păng rom Kôranh Brah tơm njuăl Gâp đōng.

41Bu moh rom du huê bunuyh ntōyh nau ngơi Kôranh Brah, ach ma păng jêng bunuyh ntōyh nau ngơi Kôranh Brah, bunuyh i này geh ndơ nkhôm tâm ban ma bunuyh ntōyh nau ngơi Kôranh Brah đōng. Bu moh rom du huê bunuyh sōng, ach ma păng jêng bunuyh sōng, bunuyh i này geh ndơ nkhôm tâm ban ma bunuyh sōng đōng.

42Bu moh ăn dak ndik du keo ma du huê bu jě, ach ma bu jě i này jêng oh mon Gâp, Gâp lah n'hêl naně ngăn ma khân may, nau nkhôm ma bunuyh i này mâu roh ôh."

Mathay 11

¹Jêh Brah Yêsu lah nau i này ăn ma 12 nuyh mpôl kôranh oh mon Păng, jêh ri Păng lôh bôh ntúk này, gay ma hăn ntúm nti bu rồ bon êng êng.

Mpôl oh mon Yôhan-Baptem hăn mập Brah Yêsu

(Luk 7:18-35)

²Nôk này Yôhan-Baptem bu krũng ta ndrung. Tât păng tăng lữ bu mbôh nkoch dâng lễ ndrô Brah Krist jan, păng đã mpôl oh mon păng hăn ôp Brah Yêsu kơt nđa:

³“Nôk kăl e nơh Kôranh Brah lễ ton ma bunuyh ntôyh nau ngơi Kôranh Brah lah: Geh Brah Krist i nơm rklaih tă bôh Kôranh Brah de njuăl jữr văch tă bôh kalo' trôk ntúk Kôranh Brah nơm. May dja Brah Krist i này bôh, mâu lah ăn hên hôm kôp du huê a êng jât?”

⁴Brah Yêsu ơh ma khân păng: “Khân may mbôh nkoch ma păng ri, dâng lễ ndrô khân may tăng khân may say Gâp jan.

⁵Bunuyh cheh mắt uănh say, bunuyh kuet rven blao brồ, bunuyh phũng sa bah, kloh, bunuyh tâk tôr iătt tăng, bunuyh khât dăk rêh, nđăp ma bunuyh o ach tăng nau mhe mhan ueh.

⁶Ueh maak ngăn ma bunuyh mâu mắr nau păng nsing ma Gâp, yor ma ndrô Gâp jan êng ngăn bôh nau mân păng ứch!”

⁷Nđút săt phung oh mon Yôhan-Baptem, Brah Yêsu ntôm ngơi ma Yôhan-Baptem ăn ma phung bon lan: “Moh bunuyh uănh khân ay may hăn ta bri rdah? Hăn uănh bunuyh i ngơi dah ma bunuyh êng êng ứch tâm ban ma ja mpăt rngôn dah sial ma khôm bôh? Păng mâu di ôh.

⁸Moh bunuyh khân ay may hăn uănh? Uănh bunuyh nsoh bok ueh ao ueh bôh? Mâu ôh. Bunuyh nsoh bok ueh ao ueh, mpôl này gủ ta jay kăđăch gủ, mâu ôh gủ ta bri rdah.

⁹Lah ndri bu moh bunuyh khân ay may hăn uănh? Uănh bunuyh ntôyh nau ngơi Kôranh Brah bôh? Di ngăn. Yơn ma păng i này rlau ma bunuyh ntôyh nau ngơi Kôranh Brah jât.

¹⁰Yorlah ta Nau Kôranh Brah Ngời lě geh nchih lah ma păng: ‘Kôranh Brah lah: ‘Lõng Gâp njuăl bunuyh hăn lor May Gay ma ndrăp nuih n'hâm bunuyh ăn ma May tâm ban ma kuayh trong ăn ma May’ Yôhan-Baptem i này i bunuyh hăn lor ta nau i này.

¹¹Khân ay may iăt nau Gâp n'hêl naně ngăn, dâng lě bunuyh i deh tă bôh bu ur ta neh ntu dja, mâu geh ôh du huê jêng kuông rlau Yôhan-Baptem, yon lah ta mpôl bunuyh i Kôranh Brah măt uănh, bunuyh i jě ta nâm bu, bunuyh i này jêng kuông rlau Yôhan-Baptem ngăn.

¹²Ntôm bôh nar Yôhan-Baptem jan băttem tăt ma abao' dja, geh bunuyh nsrôyh mbôh nkoch ma nau Kôranh Brah măt uănh, jêh ri bunuyh i nsrôyh ngăn ri mớ geh lăp .

¹³Dâng lě bunuyh ntôyh nau ngời Kôranh Brah kăl e nớh, n'ho ma tăt Yôhan-Baptem, lě geh nkoch ma nau Kôranh Brah măt uănh, ndrel ma ta nau vay phung bân lě geh mbôh nkoch nau i này đống.

¹⁴Ta nau vay bân lě geh mbôh nkoch jêh ma du huê bunuyh ntôyh nau ngời Kôranh Brah i tâm ban ma Êliya păng mra văch, lah khân ay may ũch iăt nau Gâp, Yôhan-Baptem jêng bunuyh i này.

¹⁵Bu moh tăng nau Gâp ngời dja, ăn păng mân êng ta săk!

¹⁶Lah ndri mớ Gâp tâm rdâl ma bunuyh abao' dja? Khân păng jêng tâm ban ma kon se gũ pâl ta jông gung bon, geh abă tâm nter ndrăng khân păng:

¹⁷‘Hên lě ôh n'hôm goh gờ, tih ma khân ay may mâu pâl răm maak (rôm), Jêh ri hên lě ndor ntông đống khât, tih ma khân ay may mâu ũch nhũm ndor đống’.

¹⁸Ndri Yôhan-Baptem păng ăt sông sa, ăt nhêt ndrănh, tih ma bu lah păng bunuyh brah djơh lăp.

¹⁹Lõng Gâp dja i Kon Bunuyh tă bôh Kôranh Brah geh nhêt geh sông, mâu ăt sông sa, bu lah Gâp: ‘Bunuyh hay nhêt hay sông, jan măt jăng đah bunuyh sỏ prak bon lan gay ma ăn kôranh măt uănh, jêh ri gũ ndrel bunuyh tih a êng

jât'. Yorn ma bunuyh i tâng nau Kôranh Brah, nhhor nau Kôranh Brah i này jêng di ueh ngăn ta nau rêh păng.”

Brah Yêsu nduih ðon i dăng ko

(Luk 10:13-15)

²⁰Jêh ri Brah Yêsu nduih ðon i Păng lě jan nau khlay ők rlau bu, yor ma khân păng mâu ũch rgâl nuh n'hâm djơh, Păng lah kơt nđa:

²¹“Rêh rnhăl ngăn ma bunuyh gũ ta ðon Khôrasin, ndrel ma ðon Bêtsaida, yorlah khân păng lě say dăng lě ndơ ueh ndơ khlay Gáp jan, tih ma mâu ôh rgâl lơi nuh n'hâm djơh. Bunuyh ta ðon Tirus, ndrel ma ta ðon Sidôn jêng phung mâu gĩt năl Kôranh Brah, lah khân păng say nau khlay i này, khân păng rgâl lơi nuh n'hâm djơh ro, jêh ri gay ma nhhor nau khân păng lě rgâl lơi nuh n'hâm djơh, khân păng nsoh n'gut bao chiăt gũ ta ũnh buh.

²²Lah ndri Gáp mbơh nkoch ma khân ay may, ta nar Kôranh Brah phat dôi h lam neh ntu tay, bunuyh ta ðon Tirus, ndrel ma ta ðon Sidôn, khân păng geh dôi h thoi ta nâm bunuyh gũ ta ðon Khôrasin, ðon Bêtsaida.

²³Bunuyh gũ ta ðon Kapơnũm i ðon Gáp gũ jở khay, ndrel ma Gáp lě nti lě jan ndơ nau khlay Lơi ôh mân lah săk khân ay may nơ m lě jêng bunuyh ueh hao ta ðon ueh kalơ. Mâu ôh, khân ay may tay tũp ta ntũk rêh rnhăl ta ndrung ũnh ro. Yorlah nau khlay i lě geh jêh ta nklang khân ay may, lah ðon Sôđũm i jan tih dũt hô kăl e nơh, ndri dăng Kôranh Brah de lơh hêng khân păng ma ũnh bơh kalơ trôk, khân păng say kơt này, bunuyh ta ðon này mâu ôh geh roh, hơm tât ta nar abao dja.

²⁴Ndri dăng Gáp lah ma khân ay may, ta nar Kôranh Brah phat dôi h dăng lě bunuyh ta neh ntu tay, bunuyh tă bơh bri ðon Sôđũm geh dôi h thoi đơ m ta nâm khân ay may.”

Brah Yêsu lah ueh ma Bở Păng nom

(Luk 10:21-22)

²⁵Jêh ri Brah Yêsu lah kơt nđa: “Hơi Bở, i kôranh ma trôk, ndrel ma neh ntu, Gáp rnê May hô ngăn, yorlah May lě nhhor nau May nơ m măt uănh bunuyh dja ăn ma bunuyh rluk măt mâu văt tâm ban ma kon se, jêh ri pôn ndöp lơi

ndơ i nây ma bunuyh i kơp êng sắk khân pắng nơm jêng bunuyh gít bunuyh blaο.

²⁶Hơi Bờ, nuih n'hâm May ứch kơt nđa ro.

²⁷Dâng lẽ ntil ndơ, lẽ Bờ jao ma Gáp dadê jêh. Mâu geh ôh bunuyh gít năl Gáp i Kon May, geh May i Bờ Gáp nơm đơm gít năl. Mâu geh ôh bunuyh gít năl May i Bờ Gáp, geh Gáp i kon May đơm gít năl, ndrel ma dâng lẽ bunuyh i Gáp ứch ăn gít năl May, du ri đơm.”

Brah Yêsu kuăl bu vắch gũ rlu ta Pắng

²⁸“Bu moh geh nau lết rgắnh, ndrel ma anh jökk, vắch hồm a Gáp, Gáp ăn khân ay may rlu .

²⁹Sỗ hồm ndơ mbắk Gáp, jêh ri nti tă bớh Gáp, nuih n'hâm khân ay may nđik rngêť ngắn ro, yorlah nuih n'hâm Gáp mleh, ndrel ma dêh rhêť.

³⁰Ndơ mbắk Gáp n'gớch, ndrel ma ndơ Gáp ăn khân ay may anh n'gớch đống.”

Mathay 12

Brah Yêsu geh nau dơi đah nar Sabăt

(Mar 2:23-28; Luk 6:1-5)

¹Geh du nar Sabăt i nar rlu phung Israel Brah Yêsu, ndrel ma phung oh mon Pắng hắn glắt rỏ mir, phung oh mon ji ngot, khân pắng roih Ba Prắng sa.

²Phung Pharisi say kơt nây, khân pắng hắn lah Brah Yêsu: “Lống May uắnh, moh si kỗ mpôl oh mon May jan kar ta nar Sabăt dja mêh? Bol lah khân pắng roih để để kơt nây, hồm e kơp tih đah nau vay nar rlu phung bắn đống.”

³Brah Yêsu lah ma phung Pharisi: “Lah ndri khân may lẽ chuêł bah, nau khân may vay rỏ ta Nau Kôranh Brah Ngơi? Nôk Đavid ê hỏ jêng kadăch, pắng, ndrel ma bunuyh gũ ndrel pắng ji ngot,

⁴jêh ri pắng lắp ta trôm ntũk chun Kôranh Brah i jan ma bok, sỗ sa nũmpắng i bu tể nhhớ ăn Kôranh Brah nây, n'ho ma pắ bunuyh i gũ ndrel pắng nây sa đống. Bu mâu lah pắng đống bol lah tâng ma nau vay geh mpôl jan brah đơm dơi sa nũmpắng i nây .

⁵Jêh ri khân may lě geh uănh đōng ta sambăt Nau Vay bân lah phung bunuyh jan brah gũ jan kar ta nhieh jan brah, khân păng hôm jan kar ta nar Sabăt, nau i nây mâu tâm di ma jan ta nar Sabăt, yơn ma mâu ôh geh nau tih.

⁶Ndri dâng Gâp lah ma khân may, ta dja geh du huê Gâp kuông rlau ma nhieh jan brah i nây jât.

⁷Lah khân may lě vât ta nau lah i dja: ‘Gâp mâu ôh ếch ma ndơ jan brah khân ay may, Gâp ếch ma khân ay may geh nau yỗ ma bu’, khân may mâu ôh nduih ma phung mâu geh nau tih.

⁸Gâp i Kon Bunuyh tă bơh Kôranh Brah, Gâp jêng kôranh moh ndơ i dơi ăn bu jan, mâu lah mâu dơi ăn bu jan ta nar Sabăt i nar rlu.”

Brah Yêsu jan bah du huê bunuyh siăr ti

(Mar 3:1-6; Luk 6:6-11)

⁹Jêh ri Brah Yêsu lôh bơh ntũk nây, hăn lăp ta nhieh rbũn khân păng.

¹⁰Ta nhieh rbũn nây geh du huê bunuyh siăr ti. Phung Pharisi ôp Brah Yêsu: “Tâng ma nau vay phung bân, ah di đōng bơh, jan bah nau ji ta nar Sabăt i nar gũ rlu buay jan kar?” Khân păng ôp kơt nây, gay ma joi nau ma ntôn Brah Yêsu dơm.

¹¹Brah Yêsu ơh ma khân păng: “Ta phung khân may, lah geh du huê geh du mlôm be biăp păng tũp ta ntu ta nar Sabăt, ah păng mâu sỗ be biăp i nây lôh a kalơ dja?

¹²Yơn ma bunuyh khlay rlau be biăp, lah ndri dơi jan ndơ ueh ta nar Sabăt mâu ôh tih ma nau vay.”

¹³Jêh ri Brah Yêsu lah ma bunuyh siăr ti nây: “Yơh hồm ti may nây.” Păng yơ ro, jêh ri ti păng bah kơt ti du ding đōng.

¹⁴Yơn ma phung Pharisi lôh a dih tâm nchră nau gay ma joi nau mơm dâng geh nkhât Brah Yêsu.

¹⁵Nôk Brah Yêsu gĩt nau i nây, jêh ri Păng lôh bơh ntũk nây, geh ők phung bon lan tâng Păng đōng, dâng lě nau ji khân păng, Păng jan bah dadê.

¹⁶Brah Yêsu buay khân păng, mâu ôh ăn khân păng mboh nkoch ăn bu gít năl Păng.

¹⁷Păng jan kơt nây gay ma tâm di đah nau bunuyh ntơyh nau ngơi Kôranh Brah kăl e nơh Êsai lể nchih kơt đũa:

¹⁸‘Kôranh Brah lah: ‘Bunuyh dja, bunuyh sơm kơl jan kar ma Gập, lể Gập kơih Păng, Gập rồng Păng hô ngăn, di nuih n'hâm Gập klở ngăn. Gập ăn Brah Huêng Ueh Gập gũ ta Păng Gay ma phat dôi phung i mâu di phung Israel ma nau sồng.

¹⁹Păng mâu geh tâm rlăch đah bu, mâu geh ôh nter, Mâu geh đổng bunuyh tăng bởr Păng rồ trong.

²⁰Păng mâu ôh rtăch lơi ja lể deh, Păng mâu khôm lơi đổng ùnh sagêng lể bởi ma nhhốt, geh nau yỗ ma bunuyh i geh nau nsing để, N'ho ma mâu ôh bah jan kar tăt ma dơi đah dăng lể nau djơh.

²¹Jêh ri dăng lể phung i mâu di phung Israel, bu nơm ma Păng ngăn” .

Brah Yêsu, jêh ri Bêlsêbul

(Mar 3:20-30; Luk 11:14-23)

²²Jêh ri geh bu leo du huê bunuyh bu klô brah djơh lờh hăn a Brah Yêsu, bunuyh i nây mlo, ndrel ma cheh măt. Brah Yêsu jan ăn păng blao ngơi măt say ang đổng.

²³Dăng lể bunuyh ta nây ndrốt hih rhől ngăn, khân păng tâm lah: “Gít Păng i nây bah i kon sau kađăch Đavid i nơm rklaih Kôranh Brah de lể ton hăn ta dja?”

²⁴Yờn ma tăng bu ngơi kơt nđay, phung Pharisi lah: “Ach ma Bêlsêbul i kôranh mpôl brah djơh gũ ta săk Păng dơm, dăng Păng dơi mprơh brah djơh kơt nây.”

²⁵Brah Yêsu lể gít jêh nau mân khân păng, jêh ri Păng lah: “Dăng lể bri i geh nau tâm lők tâm janh chah chrai băl, bri i nây roh hêng ro, dăng lể bon dăng lể rănăk vâl i geh nau tâm lők tâm janh ndrăng nơm, bon rănăk i nây roh hêng mâu hôm geh đổng.

²⁶Lah Gáp ntrüt brah djơh tă bớh nau đơi Satăng i kôranh mpôl brah djơh, brah djơh geh nau tâm rdâng tâm janh chah chrai bắl, lah ndri mớm dâng hơm geh Satăng măt uảnh?

²⁷Oh mon khân may ntrüt brah djơh đờng. Lah Gáp ntrüt brah djơh yor ma nau đơi Satăng ngắn, khân may ớm mầu lah, lah khân pắng ntrüt brah djơh yor ma nau đơi Satăng? Lah ndri oh mon khân may nớm i nây mra tể dờih khân may ngắn ro.

²⁸Yờn ma lah nau đơi Gáp ntrüt brah djơh tă bớh Brah Huềng Ueh Kôranh Brah, lah ndri nau Kôranh Brah măt uảnh ma khân may lể tăt jềh.

²⁹Mớm dâng bunuyh đơi hắn ta jay bunuyh dắng, jềh ri ntũng đrắp ndr pắng? Ắn nhựp kăt lor pắng i nây bốt, ri mớ đơi pit sớ đrắp ndr dâng lể ta jay pắng.

³⁰Bu moh mầu gủ mpeh bớh Gáp, pắng i nây jềng tâm rlắng đah Gáp. Bu moh i mầu rgum ndrel Gáp, pắng i nây jềng bunuyh tâm nkhhah nhhing nhhang.

³¹Kớt ndri dâng Gáp mbớh ắn ma khân ay may, dâng lể ndr bunuyh jan tih, ndrel ma lah mứch rmot Kôranh Brah, Kôranh Brah hơm yố mầu ôh kớp nau tih jăt. Tih ma bu moh i lah mứch rmot Brah Huềng Ueh i ri, mầu ôh Kôranh Brah yố ma pắng.

³²Bu moh pắng i ngời tâm rdâng đah Gáp i bunuyh tă bớh Kôranh Brah, Kôranh Brah hơm yố mầu ôh kớp nau tih pắng, yờn ma bu moh pắng i ngời tâm rdâng đah Brah Huềng Ueh i kloh ueh, Kôranh Brah hơm kớp nau tih pắng nanao, bol lah ta rnôk abao đja, mầu lah ta rnôk Kôranh Brah măt uảnh dâng lể bunuyh ngắn tay kađôi.”

Tờm si ueh, tờm si mầu ueh

(Luk 6:43-45)

³³“Lah tờm ueh, play pắng ueh đờng, tih ma lah tờm mầu ueh, play pắng mầu ueh đờng, yorlah dâng bu gắt nắl tờm si tă bớh play pắng.

34Yê! Mpôl bunuyh djơh bunuyh janh tâm ban ma bêh ku! Mơm khân may blaonơi nau ueh, lah sắk khân may jêng bunuyh djơh? Yorlah bunuyh dang loh nơi, tă bớh nau mân ốk ngắn ta nuih n'hâm pắng.

35Bunuyh ueh nơi ndơ ueh, yorlah ta sắk pắng ri geh nau mân ueh nắng, bunuyh djơh nơi ndơ djơh, yorlah ta sắk pắng ri geh nau mân djơh nắng.

36Gắp lah ma khân may, ta nar Kờranh Brah phat đoih dang lắ bunuyh ta neh ntu tay, Pắng phat đoih bunuyh ma dang lắ nau i bunuyh nơi lắ nơi lắng đống.

37Pắng lắ kớp khân may sớng mâu geh đoih, yorlah loh nau khân may mớh nơi, mâu lah Pắng kớp khân may geh đoih, yor loh nau khân may mớh nơi đống.”

Ndơ gắt mbên ta Yónais

(Mar 8:11-12; Luk 11:29-32)

38Nôk nắy geh abắ phung nớm nti nau vay phung Israel, ndrel ma phung Pharisilah ma Brah Yêsu: “Ổ Nớm Nti, May jan du nau mbên ắn hên say ứh, gay ma nhớ nau đoi May tă bớh Kờranh Brah.”

39Yón ma Brah Yêsu ớh ma khân pắng: “Bunuyh ta rnôk abao dja hô ngắn djơh mắk, mâu ứch jan tắng nau Kờranh Brah ứch, ứch say ma nau mbên đóm, yón ma Kờranh Brah mâu ôh ắn nau mbên êng jắt. Pắng ắn du nau mbên tâm ban ma nau mbên Yónais i bunuyh ntoyh nau nơi Kờranh Brah kắl e nớh đóm.

40Yorlah Yónais gắ ta trôm ndủl ka kuống pe nắng pe nar, kớttắy đống Gắp i Kon Bunuyh tă bớh Kờranh Brah tay gắ ta trôm neh pe nắng pe nar đống.

41Ta nar Kờranh Brah phat đoih dang lắ bunuyh ta neh ntu dja, bunuyh ta bon Ninivê mra tắ đoih bunuyh ta rnôk abao dja đống, yorlah rnôk kắl e nớh, jềh khân pắng tắng nau Yónais mớh, khân pắng rgắl lời nuih n'hâm djơh ro, khân pắng nduih tồ lắ lắn nau khân pắng jan tih nớh. Yón ma ta dja abao dja geh đống du huê bunuyh kuống rlau ma Yónais nắy jắt, tih ma khân may mâu ôh rgắl nuih n'hâm djơh.

⁴²Ta nar Kôranh Brah phat dôih dâng lě bunuyh ta neh ntu, geh kađăch bu ur rnhă păng Sêba, păng mra tể dôih ma bunuyh rnôk abăo' dja. Kăl e nơh păng kađăch ta bri êng ngai mpeh bôh đổng bri Israel, bol lah păng gũ ngai dũt bri dũt neh kađôi, păng hăn ta bri Israel gay ma iăt nau mân gĩt blao kađăch Salômôn ta bri dja. Yơn ma nar dja ta ntũk dja geh du huê bunuyh nau ngơi Păng khlay rlau nau ngơi kađăch Salômôn, tih ma khân may mâu ôh ũch iăt Păng.”

Njrăng lơi ăn brah djơh lăp gũ tay du tở jăt

(Luk 11:24-26)

⁴³“Lah brah djơh lôh bôh du huê bunuyh, jêh ri păng brổ rổ bri rdah, păng joi ntũk ma gũ mâu geh ôh.

⁴⁴Jêh ri păng mra lah êng kơt nđă: ‘Gâp plở gũ ta jay ơm gâp, ntũk gâp mhe lôh nơh bốt’. Tăt păng plở ta nây, say jay i nây lě nsoyh dadê mpêh ueh, ndrăp djahep,

⁴⁵jêh ri păng hăn jă pơh brah djơh a êng tay, brah djơh i nây janh janh rlau păng ngăn, hăn lăp gũ ndrel ta nây đổng, jan ăn bunuyh i nây geh nau jêr djơh rlau ơm nơh jăt. Kơt ndri bunuyh djơh ta rnôk dja geh tâm ban kơt nây đổng.”

Ndũl mpôl Brah Yêsu n'hêl naně

(Mar 3:31-35; Luk 8:19-21)

⁴⁶Nôk Brah Yêsu hôm gũ ngơi đah phung bon lan nây, geh mẽ Păng ndrel mpôl oh bu klô Păng gũ bôh dih ri, ũch ngơi đah Păng.

⁴⁷Geh du huê bunuyh hăn mbôh ma Păng: “Hơi Nơm Nti, mẽ May, ndrel ma phung oh bu klô May gũ bôh dih ri, khân păng ũch ngơi đah May.”

⁴⁸Yơn ma Brah Yêsu ơh ma păng: “Bu moh mẽ Gâp? Bu moh phung oh nô Gâp?”

⁴⁹Jêh ri Brah Yêsu nchông ti jăt phung oh mon Păng, Păng lah: “Khân păng dja mẽ Gâp, ndrel ma phung oh nô Gâp heh!

⁵⁰Yorlah bu moh i iăt tâng nau ũch Bở Gâp gũ ta kalơ trôk, păng i nây oh nô rôh klô Gâp, ndrel ma mẽ Gâp.”

Mathay 13

Nau ntât ma gǎr ntil

(Mar 4:1-20; Luk 8:4-15)

- ¹Nar nây đōng Brah Yêsu lôh bōh jay, hǎn gũ rgōp ta meng dak nglao kuōng Galilê.
- ²Ta nây geh ôk bunuyh hǎn vǎch a Pǎng, ndri Pǎng hao gũ rgōp ta kalơ du mlòm duk, jêh ri nti bōh kalơ duk ri, phung bon lan gũ rō meng dak.
- ³Jêh ri Brah Yêsu nti lah ǎn ma khân pǎng ôk ma nau ngōi ntât, Pǎng lah kōt nđa: “Iǎt hō! Geh du huê bunuyh bu klô hǎn sui gǎr ntil ta mir.
- ⁴Nôk pǎng sui nây abǎ tǔp rō trong, jêh ri siũm chok lě phiao.
- ⁵Gǎr abǎ tǔp ta neh klêr, gǎr i nây gōnh hon pru yorlah neh n'ho.
- ⁶Yon ma tât dôh nar tōm i nây ndro b̄rũng, yor ma reh pǎng hon m̄u jru.
- ⁷Gǎr abǎ jât tǔp ta neh lok, jêh ri lok hon tōl lě phiao.
- ⁸Lōng gǎr i abǎ jât tǔp ta neh ueh, pǎng hon pru ueh jêng ngǎn, n'ho ma tât geh play du gǎr geh 100, abǎ du gǎr geh 60, abǎ jât du gǎr geh 30.
- ⁹Bu moh tǎng nau Gâp ngōi dja, ǎn pǎng nklōn êng ta sǎk!”
- ¹⁰Jêh ri phung oh mon hǎn ôp Brah Yêsu: “Mōm dāng May ngōi đah phung bon lan ngōi ntât kōt nây?”
- ¹¹Brah Yêsu ơh ma khân pǎng: “A lor nōh nau khlay Kôranh Brah mât uǎnh bunuyh hōm ndōp mpôn, abao' dja Kôranh Brah ǎn ma khân ay may gĩt vât ndơ i nây. Lōng khân pǎng Kôranh Brah m̄u ǎn.
- ¹²Bu moh i lě geh, Kôranh Brah kōi ntop ǎn ma pǎng jât, jêh ri bunuyh i nây geh ôk rmeh ler, tih ma bu moh i m̄u geh, Kôranh Brah sō rhuǎt lơi dāng lě ndơ i pǎng lě geh, bol lah để kađoi .
- ¹³Kōt ndri dāng Gâp ngōi ma khân pǎng ngōi ntât, kōt ndri bol lah khân pǎng uǎnh ndơ Gâp jan kō m̄u vât ndơ khlay nau i nây, khân pǎng tǎng nau Gâp ngōi kō m̄u iǎt m̄u vât đōng.

14Nau i dja jêng tâm di đah nau Êsai i bunuyh ntøyh nau ngơi Kôranh Brah kăl e nơh lể lah ma khân păng: ‘Khân ay may tăng ngă, tih ma mâu vât. Khân ay may uảnh ngă, tih ma mâu ôh say mâu ôh vât,

15Yorlah nuih n'hâm phung bon lan dja dăng ko ngă Tôr khân păng mbôl. Khân păng nhêp lơi mắt Mâu ăn say, Tôr mâu ăn tăng Nau mân gít blao mâu ăn vât, ndri khân păng mâu plở sât ma Gâp, Jêh ri Gâp mâu ếch jan bah khân păng’.

16Yơn ma ueh maak ngă ma khân ay may, yorlah trôm mắt khân ay may lể say, tôr khân ay may lể tăng.

17Gâp lah n'hêl naně ngă ma khân ay may, geh ők bunuyh ntøyh nau ngơi Kôranh Brah kăl e nơh, ndrel ma ők bunuyh sồng kăl e nơh ếch say ngă dăng lể nau i khân ay may say abao dja, tih ma mâu ôh say, khân păng ếch tăng ngă nau i khân ay may tăng dja, tih ma mâu ôh tăng.”

18“Lah ndri ăn khân ay may iăt hồm, moh nau khlay ngơi ntât ma bunuyh sui găr ntil i này.

19Lah geh bunuyh tăng nau nkoch ma nau Kôranh Brah ếch mât uảnh bunuyh, tih ma mâu vât ôh, i kôranh mpôl brah djơh hăn sỏ ntũng dăng lể ndơ i lể geh lăp ta nuih n'hâm păng, nau i này tâm ban ma găr tộp ta trong.

20Bunuyh i tâm ban ma găr tộp ta neh lủ, păng tăng nau Kôranh Brah, jêh ri iăt ro rằm maak ngă.

21Hon ueh du blăt dơm, nau Kôranh Brah mâu ôh hon reh ta nuih n'hâm păng nơm, ndri tăt geh nau jêr êng êng, mâu lah bu jan jêr yor ma nau Kôranh Brah, păng mbăr ro nau nsing.

22Bunuyh i tâm ban ma găr ntil tộp ta neh lok, păng tăng nau ngơi Kôranh Brah, tih ma ta nuih n'hâm păng nklôn rvê hô ngă ma nau rêh ta neh ntu dja, ếch rvan kơnh geh đrăp ndơ, jêh ri nau i này put băr nau Kôranh Brah i này mâu ăn tăt play.

²³Lõng gǎr i tǔp ta neh ueh, tâm ban ma bunuyh tăng nau Kôranh Brah, n'ho ma vât nau khlay, jêh ri tât geh play, geh du huê bunuyh ri du gǎr jêng geh 100, du gǎr jêng geh 60, bunuyh abă ri jât du gǎr jêng geh 30 ngǎn.”

Nau ngoi ntât ma ba

²⁴Brah Yêsu ngoi ntât du ntil nau jât ăn ma bu kơt nđa: “Nau Kôranh Brah mât uǎnh bunuyh, jêng tâm ban ma du huê bunuyh hǎn sui gǎr ntil ba ueh ta mir pǎng nơm.

²⁵Yơn ma tât bu lě bêch, geh du huê bunuyh rlǎng đah pǎng, hǎn sui gǎr ntil ba brak ta mir i nây đōng, jêh ri du roh klăk.

²⁶Tât ma ba lě hon lě jêng lôh mbôn, ba brak i nây hon đōng.

²⁷Jêh ri phung dâk i tơm mir i nây hǎn mboh a kôranh khân pǎng: ‘O kôranh, nôk may sui gǎr ntil ta mir may nơh, gǎr ntil ba ueh. Lah ndri boh tă lôh ba brak dja?’

²⁸Kôranh i nây lah: ‘Geh bunuyh rlǎng ro hǎn sui i ri’. Phung dâk ơh ma pǎng: ‘Lah ndri may ǔch ăn hên rôk lơi boh?’

²⁹Kôranh pǎng ơh: ‘Mâu khăch ôh, lah khân may rôk, klach lah geh rôk nđap ma ba.

³⁰Ũch rong ăn pǎng hon ndrel hǒ, tât khay rek ri tay, gâp mra mboh ma bunuyh rek, đă khân pǎng rek lor ba brak chấp rgum pur lơi ta ǔnh, jêh ri dâng rek rgum ba ngǎn tôh prăp ta jay gâp nơm’.”

Nau ngoi ntât ma gǎr si du ntil dǔt jě, ndrel ma ndrui

(Mar 4:30-34; Luk 13:18-21)

³¹Brah Yêsu ngoi ntât ăn ma khân pǎng du ntil nau jât: “Nau Kôranh Brah mât uǎnh bunuyh tâm ban ma geh du huê bunuyh hǎn sui gǎr du ntil dǔt jě ta mir pǎng nơm.

³²Bol lah gǎr ntil i nây jě rlau bu ngǎn đah ma dâng lě gǎr ntil êng êng, tât pǎng lě hon, pǎng kuông rlau tơm si êng êng ta mir, jêng du mlôm tơm si kuông ngǎn, geh siũm drôm gũ jan rsuǎn ta n'ging nthan pǎng.”

³³Brah Yêsu ngời ntât du ntil nau jât: “Nau Kôranh Brah mât uănh bunuyh jêng tâm ban ma ndrui i đễ, du huê bu ur sô pot lai ndrel rnih Ba Prăng ôk, păng tễ dak mpiăch ăn tâm lăp băl gay ma jan nũmpăng. Tât jô du mong bar mong bớh kới nây, bol lah păng tễ ndrui đễ kađôi, hôm dăng lể ndr i nây lơ ma kuông lơ ma kuông.”

³⁴Dăng lể nau i nây Brah Yêsu ngời ăn ma phung bon lan, Păng ngời ntât dadê, Păng mâu geh ôh ngời nau lah Păng mâu ngời ntât.

³⁵Păng ngời kớt nây, gay ma tâm di đah nau mpôl bunuyh ntôyh nau ngời Kôranh Brah kăl e nớh lể lah kớt nđa: ‘Gáp mra ngời ma khân păng ma nau ngời ntât, Gáp mớh nkoch nau ndôp mpôn bớh nôm saôm ăn khân păng gít’.

Brah Yêsu mớh nkoch nau khlay ma nau ntât ba brak

³⁶Jêh ri Brah Yêsu sât bớh phung bon lan nây lăp ta du mlôm jay, phung oh mon hăn ôp Păng: “Dăn May mớh ăn hên, moh nau khlay ngời ntât ma ba brak ta mir i nây?”

³⁷Brah Yêsu mớh ma khân păng: “Nôm i sui găr ntil ba ueh, ntât tâm ban ma Gáp i Kon Bunuyh tă bớh Kôranh Brah.

³⁸Mir i nây ntât tâm ban ma neh ntu dja. Găr ntil ba ueh ntât tâm ban ma phung bunuyh i lể gũ ta nau Kôranh Brah mât uănh. Ba brak i nây ntât tâm ban ma phung bunuyh i iătt nau kôranh mpôl brah djôh.

³⁹Bunuyh rlăng sui ba brak i nây ntât tâm ban ma kôranh mpôl brah djôh. Khay rek ntât tâm ban ma nar n'glễ dũt neh ntu tay. Nôm năk rek ntât tâm ban ma phung tông păr.

⁴⁰Bu rek ba brak su lới ta ũnh, lah ndr i ta nar n'glễ dũt neh ntu tay păng geh tâm ban kớt nây đổng:

⁴¹Gáp i Kon Bunuyh tă bớh Kôranh Brah mra đă tông păr Gáp nôm hăn nhũp dăng lể phung jan djôh, ndrel ma dăng lể phung leo bu jan tih, nglôh khân păng bớh nau Gáp mât uănh,

⁴²nkläch lời khân păng ta ndrung ùnh, ta ntúk nây geh nau nhhiăng nhũm, ndrel ma rchiăt sêk.

⁴³Yơn ma bunuyh sǒng geh nau chrăt ang tâm ban ma nar ngǎn, gǔ ndrel nau Kôranh Brah Bǒ khân păng nǒm măt uǎnh. Bu moh tăng nau Gập ngời dja, ǎn păng mân êng ta sǎk păng nǒm.”

Ngời ntăt ndǒ tǒp ta trôm neh

⁴⁴“Nau Kôranh Brah măt uǎnh ntăt tâm ban ma bu tǒp ndǒp đrǎp ndǒ khlay ta mir. Geh du huê bu klô say đrǎp ndǒ khlay i nây, păng pôn ro, păng rǎm maak hô ngǎn, jêh ri păng săt tách dâng lǐ ndǒ păng geh, gay ma sǒ prăk rvăt neh mir i nây.”

Ngời ntăt ma pích mlǒm (lǔ glo) i khlay

⁴⁵“Nau Kôranh Brah măt uǎnh ntăt tâm ban ma du huê bunuyh hǎn joi rvăt pích mlǒm (lǔ glo) i khlay đǒng.

⁴⁶Tăt păng lǐ say pích du mlǒm (lǔ glo) dǔt khlay, păng săt tách dâng lǐ ndǒ păng geh, gay ma rvăt pích (lǔ glo) khlay i nây.”

Ngời ntăt ma mong i bu tể ta dak

⁴⁷“Nau Kôranh Brah măt uǎnh bunuyh ntăt tâm ban ma mong i bu đrǎng ta dak vǎch dak vǎr geh ka ǎp ntil ngǎn.

⁴⁸Tăt ma lǐ geh bêng mong ri, bu uih hao a kǒh dja, jêh ri gǔ dônkh ka i ueh ueh tể ta trôm sah, ka i mǎu ueh mǎr lời.

⁴⁹Ta nar n'glǐ dǔt neh ntu tay tâm ban ma kǒt nây đǒng. Phung tǒng pǎr hǎn tâm nkah phung tih lǒh bǒh phung sǒng.

⁵⁰Jêh ri khân păng nkläch phung tih ta ndrung ùnh, ta ntúk nây geh nau nhhiăng nhũm, ndrel ma rchiăt sêk.”

⁵¹Brah Yêsu ôp phung oh mon Pǎng: “Ah khân ay may gít văt đǒng nau dâng lǐ dja?” Khân păng ơh: “Văt.”

⁵²Brah Yêsu lah tay ma khân păng: “Dâng lǐ phung nǒm nti nau vay bân, i nti tăng nau Gập nti ma nau Kôranh Brah măt uǎnh bunuyh, păng tâm ntăt tâm

ban ma du huê bunuyh tơm jay, păng nglôh dâng lě đrăp ndr khlay păng nơm bôh ntúk păng prăp, ndâp ma ndr ơm ndr mhe.”

Bunuyh ta bon Nasaret mâu rom Brah Yêsu

(Mar 6:1-6; Luk 4:16-30)

53Jêh Brah Yêsu ngơi ntât kơt nây, jêh ri Păng du lôh bôh ntúk nây,

54hăn ta bon Nasaret i bon Păng nơm, Păng ntüm nti bu ta nhieh r̄bũn khân păng nơm. Dâng lě bunuyh geh nau ndrôt hih rhöl ngăn, jêh ri tâm lah ndrăng khân păng nơm: “Hay! Bôh tă geh nau mân gít blao Păng i nây, ndrrel ma nau dơi, dơi jan nau khlay nây hay?”

55Păng i nây i Kon bunuyh năk jan kar tơm si dơm, mễ Păng rnha Mari, oh bu klô Păng rnha Yakơ, Yôsep, Simôn, ndrrel ma Yuđas,

56dâng lě i oh oh bu ur Păng gũ ndrrel bân ta bon dja đống. Lah ndrri bôh tă nau gít nau dơi Păng i nây?”

57Ndrri dâng khân păng ji nuieh kỗ nuieh kỗ n'hâm mâu ếch iăt nau Păng. Brah Yêsu lah ma khân păng: “Di ngăn! Mpôl bunuyh ntơyh nau ngơi Kôranh Brah kăl e nơh, bu yơk ta dâng lě ntúk, yơn ma bu mưch khân păng ta bri khân păng nơm, ndrrel ma ta jay khân păng nơm đống.”

58Ta ntúk nây Brah Yêsu jan ndr ueh ndr khlay mâu ôh ốk, yorlah bu mâu ôh nsing ma Păng.

Mathay 14

Hêrôt nkhât Yôhan-Baptem

(Mar 6:14-29; Luk 3:19-20; 9:7-9)

1Nôk nây Hêrôt-Öntipas i kôranh mât uănh bri Galilê tăng lư Brah Yêsu.

2Păng lah ma phung kơl jan kar ma păng: “Bunuyh i nây Yôhan-Baptem i gáp lě nkhât, păng lě dâk rēh tay, ndrri dâng Păng i nây geh nau dơi jan lě nau kơt nây.”

3.4A lor nơh Hêrôt pit sô ur i oh păng rnha Philip, jêh ri păng sô i ur Philip rnha Hêrôđias jan ur. Jêh gít ndrri Yôhan-Baptem lah Hêrôt: “Mâu ôh di đah

nau vay bân, ver sǒ ur oh jan ur may.” Jêh ri Hêrôt đă taken nhũp Yôhan-Baptem kât krũng ta ndrung ri, gay ma i ur păng nây rằm maak.

⁵Kot ndri dâng Hêrôt ưch nkhât Yôhan-Baptem, yǒn ma păng mâu ôh bảnh, klach phung bon lan, yor ma phung bon lan uảnh Yôhan-Baptem jêng bunuyh ntøyh nau ngoi Kôranh Brah, ndri dâng Hêrôt nhũp nkrũng păng dơm.

⁶Ta nar nhêt bũn kah gít nar deh Hêrôt, kon bu ur Hêrôdias lăp rôm bớh năp phung bu năch gũ r bũn ta nây, jan ăn Hêrôt rằm ngăn,

⁷tât ma păng ton ăn ndơ ma kon bu ur i nây, moh ndơ kon bu ur i nây dăn, păng ăn dadê ro.

⁸Kon bu ur i nây iăt nau mẽ păng đă, păng dăn ma Hêrôt kot nda: “Gâp dăn bôk Yôhan-Baptem ăn ma gâp, tễ ta kalơ ngan thang ta dja ro.”

⁹Jêh tăng nau dăn i nây, Hêrôt nduih tôr hô ngăn, yǒn ma păng đă bu jan kot nau kon bu ur i nây dăn, yor ma kađach lể lăn ton bớh năp phung bu năch i gũ ta nây.

¹⁰Păng đă bu hăn koh tong ko Yôhan-Baptem ta trôm ndrung ri.

¹¹Bu sǒ i bôk tễ kalơ ngan thang, jêh ri ndở ăn ma bu drôh nây, bu drôh i nây ndjôt ndở ăn ma i mẽ păng nơm.

¹²Jêh ri phung oh mon Yôhan-Baptem hăn sǒ săk păng hăn tốp, jêh ri hăn mbớh nkoch nau i nây ăn ma Brah Yêsu.

Brah Yêsu siăm 5000 nuyh

(Mar 6:30-44; Luk 9:10-17; Yôh 6:1-14)

¹³Tât Brah Yêsu tăng nau i nây, jêh ri Păng lôh bớh ntũk nây ncho duk ndrel mpôl oh mon Păng hăn ta du ntũk bah ma bu. Yǒn ma phung bon lan lể tăng, khân păng lôh tă bớh bon êng êng, hăn brỗ tăng Brah Yêsu.

¹⁴Nôk Brah Yêsu jũr bớh duk nây say phung bon lan ők mpuřm ngăn. Păng geh nau yỗ ndach ma khân păng ngăn, jêh ri Păng jan bah bunuyh geh nau ji kuet ta phung khân păng.

¹⁵Tât bới ma dêh nar, mpôl oh mon Păng hăn mbớh ma Brah Yêsu lah: “Ta dja ntũk rdah ngai bớh bon, mâu ôh geh ndơ sa, nar lể bới nhốp đong. May

đã phung bon lan plở sât joi rvăt ndơ ma sông sa rỏ bon i dăch dăch oi ta dja.”

¹⁶Yơn ma Brah Yêsu lah ma khân păng: “Mâu khăch ôh ăn bu joi rvăt ndơ, khân ay may ăn bu sông sa heh.”

¹⁷Mpôl oh mon ơh ma Păng: “Hên geh prăm mlôm nũmpăng, ndrel ma bar mlôm ka đơm.”

¹⁸Brah Yêsu lah ma khân păng: “Nđjôt leo nũmpăng, ndrel ma ka i nây a Gập dja.”

¹⁹Jêh ri Brah Yêsu đã phung bon lan gũ kalơ rệp nse, Păng sỏ prăm mlôm nũmpăng, ndrel ma bar mlôm ka ri, Păng n'gờr mắt jât lơ mboh sỏm ndơ sông sa i nây ma Kờanh Brah. Lôch jêh Păng gích nũmpăng i nây ndở ăn oh mon, mpôl oh mon pả phung bon lan sa.

²⁰Jêh tâm pả ndơ sa i ri, dâng lẻ bunuyh gũ sa ta nây hỏm dadê, jêh ri mpôl oh mon rgum nũmpăng, ndrel ma ka i hỏm rmeh nây geh 12 sah.

²¹Phung bon lan i sa nây nờh kớp i bu klô đơm ỏk 5000 nuyh, mâu kớp ôh phung bu ur, ndrel ma kon se.

Brah Yêsu brỏ ta kalơ dak nglao kuống

(Mar 6:45-52; Yôh 6:15-21)

²²Du ndỏm ta nây, Brah Yêsu đã mpôl oh mon Păng hăn lor ncho duk mpeh jât kăl ti ri, jêh ri Păng đã phung bon lan dâng lẻ i gũ ta nây plở sât.

²³Jêh đã ndri, Brah Yêsu hao ta kalơ yỏk du huê êng gay ma mboh sỏm. Tât bri lẻ mảng Păng hỏm gũ du huê êng ta ntũk nây.

²⁴Nỏk nây duk lẻ ta nklang dak nglao kuống, ngai bớh kớh, geh dak rbuh dũt dảng, yorlah khân păng hăn rlỏ bớh chỏng sial.

²⁵Tât ma lẻ du tớ ndrau iảr, Brah Yêsu hăn tâng phung oh mon Păng, Păng brỏ ta kalơ dak.

²⁶Tât ma say Păng brỏ ta kalơ dak nglao nây, mpôl oh mon klach nsỏr ngăn, khân păng lah: “Chiak nhuu bân mễ!” Khân păng nter đơu.

- ²⁷Yơn ma Brah Yêsu lah khân păng ro: “Lời klach ôh, ăn nuih n'hâm bảnh, Gáp ya!”
- ²⁸Pêtrôs lah ma Brah Yêsu: “Ở Kôranh, lah May ngăn, ăn gáp brồ kalơ dak hăn a May này.”
- ²⁹Brah Yêsu lah ma păng: “Văch ta dja hồm!” Jêh ri Pêtrôs jür bớh lơ duk, brồ kalơ dak hăn a Brah Yêsu.
- ³⁰Yơn ma tât păng say sial hô ir, nôm klach ngăn, păng nôm ngôm ta dak, n'ho ma nter kuăl Brah Yêsu: “Ở Kôranh, kớl gáp ơ!”
- ³¹Brah Yêsu nta ti nhữp ti păng ro, ndâp ma lah: “Ở bunuyh geh nau nsing đễ, mớ m may mâu gủ nập ta nau nsing?”
- ³²Jêh ri Brah Yêsu, ndrel ma Pêtrôs hao ta kalơ duk, sial bah rngôn ro.
- ³³Phung gủ ncho ta kalơ duk ri, yớ k mbah Brah Yêsu, ndâp ma lah Păng: “May Kon Kôranh Brah ngăn ro.”
- ³⁴Jêh ri Brah Yêsu, ndrel ma mpôl oh mon Păng, hăn tât kăl ti dak, tât ta bri Gênesaret.
- ³⁵Bunuyh ta bri này năl Păng ro, jêh ri khân păng hăn mớh nkoch rồ jay lam bri này. Dâng lể bunuyh i geh nau ji kuet, bu njũn a Păng dadê.
- ³⁶Khân păng bonh Brah Yêsu dẫn pah Păng, bol lah pah ta chiăng ao Păng đơ m kađôi, bu moh i geh pah bah dadê.

Mathay 15

Nau vay phung Pharisi

(Mar 7:1-13)

- ¹Jêh ri phung Pharisi, ndrel ma phung nôm nti nau vay phung Israel i tă bớh bon Yêrusalem, hăn ôp Brah Yêsu:
- ²“Moh si kớ mpôl oh mon May mâu jan tâng nau vay ơ m bớh kăl e, yorlah khân păng sông ê hỏ rao ti lor?”
- ³Brah Yêsu ơh ma khân păng: “Lah ndri khân may, moh si kớ mâu jan tâng nau Kôranh Brah đã, nkhớng ma jan tâng nau vay khân may nôm?”

⁴Yorlah Kôranh Brah lě lah kơt nđa: ‘Ăn khân ay may yơk hồm ma mẽ bở’, jêh ri ‘Bu moh rak suai ma mẽ bở păng nơm, păng i này geh dôi h tât bu nkhât ro’.

⁵Yơn ma khân may lah, bu moh lah ma mẽ bở păng nơm: ‘Dâng lě nđơ i di ma gập ăn ma khân ay may, lě gập ton nhhơ ma Kôranh Brah’.

⁶Lah ndri bunuyh i này mâu hồm ôh khăch yơk ma mẽ bở păng. Kơt ndri khân may n'groh lơi nau ngơi Kôranh Brah, ndjôt nkhorng nau vay khân may nơm chrao.

⁷Khân may bunuyh jan iăt nau Kôranh Brah đơm. Di ngăn nau Êsai i bunuyh ntơyh nau ngơi Kôranh Brah kăl e nơh lě nchih lah ma khân may kơt nđa:

⁸‘Kôranh Brah lah: ‘Phung bon lan dja yơk mbah Gập ma bở mbung đơm, Nuih n'hâm khân păng gủ ngai đah Gập.

⁹Khân păng yơk mbah Gập mâu ôh geh ntil khlay Mâu ơm yor ma khân păng ntũm nti sỏ nau vay tă bớh bunuyh đơm, yơn ma khân păng lah nau vay i này tă bớh Gập đă”’ .

Nđơ i jan bunuyh mâu hồm kloh

¹⁰Jêh ri Brah Yêsu kuăl phung bon lan văch a Păng, lah ma khân păng: “Ồ oh nô kôn h va, iăt nau Gập ler nger bởt, ăn gít vât nau dja:

¹¹Mâu ôh di nđơ lăp rỏ mbung ăn bunuyh jêng mâu hồm kloh. Nđơ i ăn bunuyh jêng mâu hồm kloh, jêng nđơ i lôh tă bớh mbung chrao.”

¹²Mpôl oh mon hăn a Brah Yêsu ôp Păng: “Ah May gít đổng bah, phung Pharisai ji nuih ma May, tănng nau May ngơi kơt này nơh?”

¹³Brah Yêsu ơh ma khân păng: “Dâng lě tơm si i mâu geh Bở Gập i gủ ta kalo trôk tằm, bu rôk lơi. Bunuyh i ji nuih đah Gập tâm ban ma tơm si i này.

¹⁴Lơi dâng ôh rvê khân păng, khân păng i này tâm ban ma bunuyh cheh mắt tâm têk ndrăng bunuyh cheh mắt. Lah ăn bunuyh cheh mắt tâm têk ndrăng bunuyh cheh mắt, lě bar hê khân păng tũp ta ntu dadê ro.”

¹⁵Pêtrôh lah ma Brah Yêsu: “Đăn May mớh nau ngơi ntât i này ăn hên vât.”

16Brah Yêsu lah: “Ah khân may ê hõ đõng gĩt vát?”

17Nđơ i lắp rỏ mbung bunuyh, pắng n'hot lắp trôm ndũl, jêh ri lôh ăch, ndrì báh?

18Yờn ma nđơ i lôh tă bớh mbung bunuyh, pắng lôh tă bớh nuìh n'hâm, nđơ i nây jan ăn bunuyh mâu hòm kloh:

19Nau ũch jan nđơ djớh, nau nkhât bu, nau tâm lỏm tâm rlau, nau tâm đõng, nau ntũng n'glãnh, nau mbrôh rlăm, nau ngơi nchợt, jêng lôh tă bớh nuìh n'hâm bunuyh dadê.

20Dâng lể nđơ i nây jan ăn bunuyh dâng geh jêng bở bớch, ăn Kờanh Brah mâu hòm rom. Sông mâu geh rao ti lor, mâu geh ôh ăn bunuyh mâu hòm kloh.”

Nau nsing du huê bu ur i mâu di phung Israel

(Mar 7:24-30)

21Jêh ri Brah Yêsu lôh bớh ntũk nây, hăn ta ntũk dăch ta bon kuống Tirus, ndrêl ma hăn dăch ta bon kuống Sidôn.

22Ta bri nây geh du huê bu ur bri Kanaan i mâu di phung Israel pắng hăn a Brah Yêsu, n'ho ma nter kuẩ Brah Yêsu mâu báh ôh: “Ô Kờanh! Ô Kon Sau kađăch Đavid! Dăn May yỗ nđach gáp ơ, kon bu ur gáp brah djớh lớh, pắng geh nau rêh rnhăl hô ngăn!”

23Yờn ma Brah Yêsu mâu ơh ôh, jêh ri mpôl oh mon hăn a Brah Yêsu, bonh Pắng: “Dăn May đă bu ur i nây du bớh bân, yorlah hô ngăn pắng nter tâng bớh kơi bân.”

24Brah Yêsu ơh: “Kờanh Brah đă Gáp hăn, ăn Gáp joi bunuyh ta phung Israel i mâu iăt nau Kờanh Brah đơm, khân pắng tâm ban ma be biăp lể hiợt.”

25Yờn ma bu ur i nây hăn dăch a Brah Yêsu chon kômỏk mbah bớh nắp Pắng ri, jêh ri lah: “Ô Kờanh, dăn kớl gáp ơ.”

26Brah Yêsu ơh: “Mâu di ôh, lah sỏ nđơ sông sa bớh kon, jêh ri mắb ăch sa.”

²⁷Bu ur i này ởh ma Brah Yêsu: “Di ngănh Kôranh, yởn ma so hỏm sa ndr ndăk trỏh bởh kalở gre kỏranh păng đởng.”

²⁸Brah Yêsu lah ma păng: “Ở yỏh, nau nsing ay kuởng ngănh, lah ndrỉ ănh geh kỏt nau ay lẻ ứch ngănh ro!” Jẻh ri kon bu ur păng đỏ ma bah nỏk này ro.

Brah Yêsu jan bah bunuyh geh nau ji êng êng ănh bah

(Mar 7:31)

²⁹Brah Yêsu lỏh bởh ntủk này, hănh a dak nglao kuởng Galilẻ, jẻh ri hao a kalở yỏk gủ rỏp ta này.

³⁰Ởk ngănh bunuyh hănh a Păng, ndăp ma leo bunuyh kuet rven, bunuyh siănh jỏng ti, bunuyh cheh măt, bunuyh mlo, ndrẻl ma bunuyh ji kuet êng êng. Bu ănh bẻch bởh năp jỏng Brah Yêsu ri, jẻh ri Păng jan bah dadẻ.

³¹Dăng lẻ bunuyh say kỏt này geh nau ndrỏt hih rhỏl ngănh, say bunuyh mlo blaỏ ngỏi, bunuyh siănh jỏng ti jẻng đăng, bunuyh kuet rven blaỏ bở, bunuyh cheh măt uănh say. Dăng lẻ khănh păng leo bănh rẻnẻ Kỏranh Brah i brah phung Israel dadẻ.

Brah Yêsu pă siănh bunuyh 4000 nuyh

³²Brah Yêsu kuănh mpỏl oh mon Păng hănh a Păng, jẻh ri lah ma khănh păng: “Găp yỏ ngănh ma phung bon lan này, khănh păng gủ ndrẻl Găp lẻ pe nar hỏi, ndrỏ ma sỏng sa mầu geh đởng. Găp mầu ứch ănh khănh păng plỏ săt ndrủl đỏm, klach lah huănh rỏ trong.”

³³Mpỏl oh mon lah ma Brah Yêsu: “Ta đja rngot rngăt, lah ndrỉ ah ntủk hẻn joi gay ma tởng ănh phung bunuyh ởk i này sa?”

³⁴Brah Yêsu ỏp khănh păng: “Lah ndrỉ dah ởk geh nủmpăng khănh may?” Khănh păng ởh: “Hẻn geh pỏh mlỏm, ndrẻl ma ka jẻ đẻ đả.”

³⁵Jẻh ri Brah Yêsu đả phung bon lan gủ rỏp rỏp ta neh ri.

³⁶Păng sỏ pỏh mlỏm nủmpăng này, ndrẻl ma ka i này, mbởh sỏm lah ueh ma Kỏranh Brah, Păng gẻch ănh ma mpỏl oh mon, jẻh ri mpỏl oh mon pă ma phung bon lan này.

³⁷Dâng lě bu sa hơm dadê, jêh ri rgum nũmpăng, ndrel ma ka i rmeh nây geh pơh sah.

³⁸Dâng lě bunuyh i gũ sa ta nây geh 4000 nuyh bu klô, mâu kơp ôh phung bu ur, ndrel ma kon se.

³⁹Jêh Brah Yêsu ăn phung bon lan sât, jêh nây Păng ncho duk hăn ta ntũk kuăl lah Makađan.

Mathay 16

Phung Pharisi, ndrel ma phung Sađôsi ũch say nau mbên

(Mar 8:11-13; Luk 12:54-56)

¹Nôk nây phung Pharisi, ndrel ma phung Sađôsi abă hăn ũch rlong Brah Yêsu, đă Păng jan du nau mbên gay ma nhơ nau dơi Păng tă bơh Kôranh Brah ri.

²Yơn ma Brah Yêsu lah ma khân păng: “Trôk gũr a ôi, khân may vay lah prăng .

³Trôk gũr kêng măng, khân may vay lah nar ôi tay mih ro . Khân may blao mbên trôk, lah ndri mơm dăng mâu gĩt vât ndr i Kôranh Brah jan ta rnôk abao dja?

⁴Bunuyh ta rnôk abao dja hô ngăn djơh mhĩk jan tih ma nau ũch Kôranh Brah, ũch say ma nau mbên dơm, yơn ma Kôranh Brah mâu ôh ăn nau mbên êng jât, Păng ăn du nau mbên tâm ban ma nau mbên Yônais i bunuyh ntơyh nau ngơi Kôranh Brah kăl e nơh dơm.” Jêh ri Brah Yêsu hăn ntơi khân păng ta nây.

Nuih n'hâm ndöp mpôn phung Pharisi, ndrel ma phung Sađôsi

(Mar 8:14-21)

⁵Nôk mpôl oh mon hăn glăt kăl ti dak nglao kuông Galilê, khân păng chuêl ndjôt nũmpăng.

⁶Brah Yêsu lah ma khân păng: “Ăn khân ay may njrăng ngăn hõm ndrui phung Pharisi, ndrel ma ndrui phung Sađôsi hõ.”

⁷Mpôl oh mon ngơi ndrăng khân păng nơm: “Păng ngơi kơt nây ach ma bân mâu geh ndjôt nũmpăng dơm mâu, yor ma bu jan nũmpăng ma ndrui!”

⁸Brah Yêsu gít nau khân păng ngời, Păng lah: “Ồ phung geh nau nsing để đờm, moh ngời khân mre nau mâu geh numpăng này?”

⁹Khân ay may hôm mâu gít vật nau đờng? Ah khân ay may mâu hôm kah gít nôk Gáp pã prãm mlõm numpăng ăn ma bunuyh 5000 nuyh nờh? Jêh ri khân ay may lẽ chuêl bah, nôk khân ay may rgum ndơ rmeh, dah ők sah?

¹⁰Mâu lah pờh mlõm numpăng Gáp ăn bunuyh 4000 nuyh nờh, jêh ri khân ay may rgum ndơ rmeh dah ők sah hôm geh?

¹¹Mơm dăng khân ay may ê hồ gít vật đờng, Gáp mâu geh ôh ngời ma numpăng ngấn. Gáp ăn khân ay may njrăng ndrui phung Pharisi, ndrel ma ndrui phung Sadôsi.”

¹²Jêh ri mơ dăng mpôl oh mon gít nau Brah Yêsu lah i này ăn khân păng njrăng nau ntũm nti phung Pharisi, ndrel ma phung Sadôsi, mâu ôh di ndrui tẻ rnih ngấn.

Nau Pêtrôs mboh nkoch, Brah Yêsu i Brah Krist

(Mar 8:27-30; Luk 9:18-21)

¹³Nôk Brah Yêsu hăn ntũk dăch ma bon Sêsara-Philip, Păng ôp mpôl oh mon Păng: “Tâng ma nau bu lah, bu moh Gáp i Kon Bunuyh tă bỡh Kờanh Brah?”

¹⁴Jêh ri khân păng ơh: “Bu abă lah May Yôhan-Baptem i lẽ dăk rêh, bu abă lah May Êliya i bunuyh ntỡyh nau ngời Kờanh Brah kăl e nờh lẽ plỡ ta dja, bu abă jăt lah May Yêrêmi i bunuyh ntỡyh nau ngời Kờanh Brah i lẽ dăk rêh, mâu lah May du huê bunuyh êng jăt ta mpôl bunuyh ntỡyh nau ngời Kờanh Brah i lẽ dăk rêh.”

¹⁵Brah Yêsu ôp khân păng: “Lah ndri khân ay may eh, Gáp bu moh khân ay may lah mêh?”

¹⁶Simôn i bu kuăl Pêtrôs đờng lah: “May Brah Krist i nờm rklaih tă bỡh Kờanh Brah de njuăl, i kon Kờanh Brah, Brah i rêh ngấn.”

¹⁷Brah Yêsu lah ma păng: “Ồ Simôn kon Yônais, rằm maak ngấn ma May, yorlah Bỡ Gáp gũ ta kalỡ trôk ăn may gít Gáp Brah Krist. Nau i này mâu geh ôh tă bỡh nau gít blao bunuyh.

¹⁸Gâp mboh ma may, may rnhâ Pêtrôs, rnhâ i này geh nau khlay lah ‘Rlat lữ’, jêh ri ta kalơ rlat lữ dja Gâp ntăm i nhieh brah Gâp i dăng lể mpôl bunuyh nsing ma Gâp. Nau khât mâu ôh dơi đah phung khân păng i này .

¹⁹Gâp mra ăn may nau dơi ma ăn bunuyh lăp ta nau Kôranh Brah mât uănh, tâm ban ma ăn du mlôm kon so mpông ma may. Jêh ri moh ndơ may buay mâu ăn bu jan ta neh ntu dja, Kôranh Brah i gũ ta kalơ trôk ếch kơt nday. Moh ndơ may mâu buay ma bu jan ta neh ntu dja, Kôranh Brah i gũ ta kalơ trôk ếch kơt nday đong.”

²⁰Jêh ri Păng buay hô ngăn mpôl oh mon Păng, lơi mboh nkoch ăn bu gĩt ôh Păng Brah Krist i nôm rklaieh tă bôh Kôranh Brah de njuăl.

²¹Ntôm bôh nôk này, Brah Yêsu ntôm mboh nkoch ăn ma mpôl oh mon Păng gĩt lah, iăt ma Păng hăn ta bon kuông Yêrusalem, n'ho ma ta bon này Păng geh nau jêr jôt dũt hô ngăn tă bôh mpôl bu ranh, mpôl kôranh jan brah, ndrel ma phung nôm nti nau vay phung Israel, n'ho ma nkhat lơi Ôbăl, yơn ma tăt pe nar Păng dâk rêh đong.

²²Jêh ri Pêtrôs jă Brah Yêsu hăn ntũk êng bah ma bu, gay ma lah Păng: “Ô Kôranh, ăn Kôranh Brah buay nau i này, lơi ôh ăn nau i này tăt ma May.”

²³Yơn ma Brah Yêsu n'gâl jăt Pêtrôs, jêh ri lah: “Hơi Satăng, may du ngai bôh Gâp hôm, may ếch nking lơi trong Gâp. Nau mân may mâu ôh di đah nau mân Kôranh Brah, nau mân này tă bôh bunuyh dôm.”

²⁴Jêh ri Brah Yêsu lah ma mpôl oh mon Păng: “Bu moh păng i ếch tâng Gâp, ăn mbar lơi ndơ săk păng nôm ếch, jêh ri tui si tâm rkăng păng nôm, bol lah tăt khât săk kadôi, ri mơ păng tâng Gâp ngăn.”

²⁵“Yorlah bu moh i ếch prăp ma nau rêh păng nôm, păng i này mâu ôh geh nau rêh n'ho ro, yơn ma bu moh khât yor ma tâng Gâp, păng i này mra geh nau rêh n'ho ro ngăn.

²⁶Lah du huê bunuyh păng joi geh dăng lể neh ntu dja jêng drăp ndơ păng nôm dadê, tih ma săk păng nôm khât roh hêng, mâu ôh geh nau rêh n'ho ro,

ndri moh geh nau khlay ma păng? Mâu lah bunuyh ơm dơi sô drăp ndrơ rgâl ma nau rêh păng nôm n'ho ro đổng bớh?

²⁷Nôk Gập i Kon Bunuyh tă bớh Kôranh Brah plở vắch ndâp ma nau chrêk lợp Bờ Gập nôm, ndrel ma phung tông pẳ Gập, Gập ndjôt ndrơ nkhôm, mâu lah tể dôih tâng nau jan kar du huê du huê sắk.

²⁸Gập lah n'hêl nanế ngắn ma khân ay may, bunuyh abă i gủ ta dja mâu khât ôh ê lor ma say Gập i Kon Bunuyh tă bớh Kôranh Brah jêng nôm măt uắnh.”

Mathay 17

Nau chrêk lợp Brah Yêsu

(Mar 9:2-8; Luk 9:28-36)

¹Geh prao nar bớh kới nây Brah Yêsu jắ Pêtrôs, Yakơ, ndrel ma Yôhan i oh Yakơ, hao kalơ yỏk prêh, mâu ôh leo bu a êng hắn.

²Ta nây sắk jắn Pắng rgâl bớh nắp khân pắng. Muh măt Pắng ril ngắn tâm ban ma ang nar, i bok ao Pắng jêng nglang, ang chrát ngắn.

³Khân pắng dô ma say bunuyh ntỡyh nau ngới Kôranh Brah bớh kắl e nớh rnha Êliya, ndrel ma kôranh phung Israel kắl e nớh rnha Môsê gủ ngới ndrel Brah Yêsu ta nây đổng.

⁴Jêh say lể nau i nây, Pêtrôs lah ma Brah Yêsu: “Hới Kôranh, bắn gủ ta dja ueh ngắn mê. Lah May ứch, ắn gập jan pe mlỏm chun, du mlỏm ắn ma May, du mlỏm ắn ma Môsê du mlỏm jắt ắn ma Êliya.”

⁵Nôk pắng hỏm ngới, dô ma say geh tắk nkủm jủm khân pắng lể rngỏch ang ral hô ngắn, tắng nteh ngới tă bớh tắk nây lah: “Pắng dja Kon Gập i Gập rỏng hô ngắn. Hô ngắn Gập rắm Pắng. Iắt nau Pắng dô!”

⁶Tắt mpỏl oh mon tắng kớt i nây, khân pắng chỏt chủn muh măt a neh su dadê, klach hô ngắn.

⁷Yờn ma Brah Yêsu hắn pah khân pắng lah: “Dắk hỏm, lời ôh klach!”

⁸Tắt khân pắng ngỏk uắnh, say du huê Brah Yêsu dờm, bunuyh abă êng mâu ôh say.

⁹Jêh ri khân păng jür tă bớh yôk, Brah Yêsu buay khân păng kớh nđa: “Lời ôh nkoch ăn bu gít nđơ i khân may say nây nớh, n'ho ma kớp tât Gáp i Kon Bunuyh tă bớh Kôranh Brah khât dâk rêh bớh.”

¹⁰Jêh ri khân păng ôp Brah Yêsu: “Lah ndri moh nau dâng phung nớh nti nau vay phung bân nti lah Êliya iăt ma păng vắch lor ta dja, Brah Krist i nớh rklaih tă bớh Kôranh Brah de njuăl vắch bớh kớh ro?”

¹¹Brah Yêsu ớh ma khân păng: “Di ngấn nau pre lah. Êliya vắch, gay ma kớh ndrăp ăn ăp dâng lể rngôch.

¹²Yớh ma Gáp mbớh nkoch ma khân may, Êliya lể plớ ngấn, jêh ri bu mâu ôh gít năl păng, hô ngấn bu jan jêr ma ôbăl dah dắng ứch khân păng nớh. Kớh nđa đớng Gáp i Kon Bunuyh tă bớh Kôranh Brah khân păng jan jêr đớng.”

¹³Nôk nây mpôl oh mon gít văt, Brah Yêsu ngớh ma Yôhan-Baptem.

Brah Yêsu mprớh brah djớh ta du huê kon se

(Mar 9:14-27; Luk 9:37-43)

¹⁴Nôk Brah Yêsu, ndrel ma pe nuyh mpôl oh mon Pắng tât ta ntúk bunuyh phung, geh du huê bu klô hăn chon kômốk bớh nắp Brah Yêsu ri

¹⁵jêh ri lah: “Ồ Kôranh, dắn May yố nđach kon bu klô gáp ớ! Pắng khât brút mê, ta pắng rêh rnhăl ngấn, ốk tớ pắng vay chôt ta ứnh, chôt ta dak mro.

¹⁶Gáp lể leo pắng a mpôl oh mon May, yớh ma khân pắng jan mâu dớh ôh.”

¹⁷Brah Yêsu lah ma dắng lể bunuyh: “Hớh bunuyh djớh, bunuyh mâu iăt nau Kôranh Brah! Dah hóm jố ăn Gáp nsrôyh gủ ndrel khân ay may? Dah hóm jố ăn Gáp nsrôyh ndrel khân ay may? Leo hóm pắng i nây a dja.”

¹⁸Jêh ri Brah Yêsu mbram brah djớh i gủ ta kon se ri, brah djớh lôh bớh kon se ro, nớh bớh nôk nây ro kon se i nây bah.

¹⁹Jêh ri mpôl oh mon hăn ôp êng Brah Yêsu: “Mớh dắng hên mâu dớh mprớh brah djớh ăn lôh hiah?”

²⁰Brah Yêsu lah ma khân pắng: “Ach ma nau nsing khân ay may để ir. Gáp lah n'hêl nanế ngấn ma khân ay may, lah khân ay may geh nau nsing để tâm ban ma du ntil gắr ntil dắt jể, khân ay may dớh đắ yôk: ‘Du hóm bớh ntúk

dja, hăn gũ ta ntũk ri', păng du ngăn ro, n'ho ma mâu geh ôh du ntil ndở khân ay may mâu dơi jan.

²¹[Dâng bu dơi mproh ăn lôh ntil brah djơh i dja, yor ma nau mboh sơm, ndrel ma ăt sông sa.]”

Brah Yêsu mboh nkoch săk Păng nơm khât dăk rêh

(Mar 9:30-32; Luk 9:43-45)

²²Nôk gũ ta bri Galilê, Brah Yêsu lah ma mpôl oh mon: “Gập i Kon Bunuyh tă bơh Kôranh Brah, bu mra njũn ăn ma bunuyh

²³i nkhat lơi Gập, yơn ma tăt pe nar Gập dăk rêh đống.” Mpôl oh mon tăng kớt này, khân păng rngot hô ngăn.

Prăk ăn ma nhiih jan brah ma Kôranh Brah

²⁴Nôk Brah Yêsu, ndrel ma mpôl oh mon Păng tăt ta ðon Kapơnũm, mpôl bunuyh i rgum prăk ma ăn nhiih jan brah ma Kôranh Brah ta ðon Yêrusalem, khân păng hăn mấp Pêtrôs, jêh ri ôp: “Ah nơm nti khân may ăn prăk ma nhiih jan brah ma Kôranh Brah đống?”

²⁵Pêtrôs ơh: “Ồ, Păng ăn.” Nôk Pêtrôs lăp ta trôm jay, Brah Yêsu ôp păng lor: “Ồ Pêtrôs, tăng ma nau may mân, kăđăch ta neh ntu dja bơh tă păng sỏ prăk mêh? Sỏ bơh oh kon păng nơm, mâu lah bơh bu êng?”

²⁶Pêtrôs ơh: “Sỏ bơh bu êng.” Brah Yêsu lah: “Lah ndri kon kăđăch mâu khăch ăn ôh.

²⁷Yơn ma gay ma lơi ăn khân păng ji nuih, ăn may hăn tể ndar a dak nglao kuông Galilê, may nkhak mbung ka i lor ðoh ndar, ta trôm mbung ka i này may say geh du mlôm prăk kăk ma găp bar hê bân, jêh ri may sỏ prăk i này ndở ăn bu, sơm ndở ăn ma Gập, ndâp ma may nơm đống.”

Mathay 18

Bunuyh kuông rlau bu

(Mar 9:33-37; Luk 9:46-48)

¹Nôk này mpôl oh mon hăn ôp Brah Yêsu: “Bu moh kuông rlau bu ta nau Kôranh Brah măt uănh?”

²Brah Yêsu kuăl du huê kon se jě gũ ta nklang phung khân păng ri,

³jêh ri lah: “Gâp lah n'hêl naně ngăn ma khân ay may, lah khân ay may mâu rgâl nuh n'hâm ăn jêng tâm ban ma kon se jě, khân ay may mâu ôh dơi lăp ta nau Kôranh Brah mât uănh.

⁴Bu moh i njür săk păng nôm jêng tâm ban ma kon se jě dja, păng i này jêng kuông rlau bu ta nau Kôranh Brah mât uănh.

⁵Jêh ri bu moh rom du huê kon se jě kớt nđa, yor ma kon se i này nsing ma Gâp, păng i này tâm ban ma rom Gâp đống.”

Lời leo bu jan tih

(Mar 9:42-48; Luk 17:1-2)

⁶Brah Yêsu lah jât: “Bu moh leo du huê kon se jě i nsing ma Gâp jan nau tih, ndri ueh rlau lah bu sô mpăl lữ kăt ta tong ko păng nklăch ta dak văch dak văr, rmok ta dak văch dak văr jru ri, ma đah ăn păng rêh jan kớt này.

⁷Rêh rnhăl ngăn ma bunuyh ta neh ntu, yor ma leo bu jan tih. Mra geh ngăn nau leo jan tih, yorn ma rêh rnhăl ngăn ro ma bu moh i leo ăn jan tih!

⁸Lah say ti mâu lah jông khân ay may leo jan nau tih, koh mbăr lời ti mâu lah jông i này. Ueh rlau ma gũ rêh jât năp tay rong du ding ti mâu lah du ding jông đơ, jêh ri đơ nau rêh n'ho ro, ma đah ti mâu lah jông bar đah, jêh ri gũ ta ntúk i geh ũnh hit n'ho ro.

⁹Lah say trôm mắt khân ay may leo jan nau tih, rvek mbăr lời trôm mắt i này. Ueh rlau ma rong du ding trôm mắt đơ nau rêh n'ho ro, ma đah bar ding trôm mắt, jêh ri Kôranh Brah nklăch ta ndrung ũnh.

¹⁰Ăn khân ay may njrăng hồm, lời ôh uănh mâu khlay ta kon se jě kớt này. Gâp mboh ma khân ay may, ta ntúk Kôranh Brah ta kalơ trôk phung tông păr i kơl njrăng kon se i này gũ nâng ta năp mắt Bở Gâp.

¹¹[Gâp i Kon Bunuyh tă bởh Kôranh Brah văch ta neh ntu dja, gay ma rklaih bunuyh tih i roh yot, bunuyh i nuh n'hâm ngai bởh Kôranh Brah tâm ban ma be biăp roh].”

Nau ngoi ntât ma du mlôm be biăp roh

(Luk 15:4-7)

¹²“Mởm khân ay may gít, mởm jan du huê bunuyh lah geh be biăp 100 yơn ma geh du mlôm be biăp roh? Ởm mâu lah păng ntlọi be biăp i 99 ta kalọr yôk, jêh ri hăn joi be biăp i roh nây ro?”

¹³Gập lah n'hêl naně ngăn ma khân ay may, lah păng joi say be biăp i roh nây, păng răm rhơn ngăn ma be biăp i nây, rlau ma be biăp 99 i mâu roh jât.

¹⁴Lah ndri tâm ban kớt nây đổng Bở khân ay may i gũ ta kalọr trôk, păng mâu ứch ôh ăn du huê kon se jẻ i dja roh khât n'ho ro.”

Yỗ nau tih ăn bu

¹⁵“Lah geh du huê bunuyh nsing ma Kôranh Brah jan tih đah khân ay may, ăn khân ay may hăn du huê êng mập păng, ngời đah păng. Lah păng iăt nau khân ay may, khân ay may geh tay nau đăp mpăn đah păng kớt ởm đổng.

¹⁶Lah păng mâu ôh iăt khân ay may, ăn khân ay may jă du huê, mâu lah bar hê hăn ndrel khân ay may, gay ma gít tăng dăng lẻ ndơ i geh ngời.

¹⁷Lah păng hôm e mâu iăt đổng phung khân ay may i nây, lah ndri mboh nkoch nau i nây ăn ma phung nsing ma Kôranh Brah. Lah păng mâu ứch iăt đổng phung nsing i nây, lah ndri kớp păng jêng bunuyh i mâu nsing ma Kôranh Brah, mâu lah kớp păng jêng bunuyh jan tih a êng jât.

¹⁸Gập lah n'hêl naně ngăn ma khân ay may, jêh ri moh ndơ khân ay may buay mâu ăn bu jan ta neh ntu dja, Kôranh Brah i gũ ta kalọr trôk ứch kớt nđay. Moh ndơ khân ay may mâu buay ma bu jan ta neh ntu dja, Kôranh Brah i gũ ta kalọr trôk ứch kớt nđay đổng.

¹⁹Du tở jât, Gập lah n'hêl naně ngăn ma khân ay may, lah geh bar hê ta phung khân ay may ta neh ntu mboh sơm du ntôr nau, moh ndơ khân păng đăn, Bở Gập i gũ ta kalọr trôk ăn ndơ i nây ma khân păng ro.

²⁰Yorlah plăng ntúk geh bar pe nuyh gũ r̄bũn yor ma khân păng nsing ma Gập, Gập gũ ndrel ta nây đổng.”

²¹Jêh ri Pêtrôs hăn ôp Brah Yêsu: “Ô Kôranh, lah geh du huê bunuyh nsing ma Kôranh Brah jan tih ma gâp, lah ndri dùm bri tở gâp yỏ nau tih ăn păng mêh? Tât ma pơh tở bơh?”

²²Brah Yêsu ơh ma păng: “Mâu ôh dơn ma pơh tở dơn, yơn ma 70 tở pơh .”

Nau ngơi ntât ma nau mâu ứch yỏ nau tih bu

²³“Kơt ndri ta nau Kôranh Brah mât uảnh, ntât tâm ban ma du huê kađăch ứch tâng rnon mpôl bunuyh kơl jan kar i khan rnon đah păng.

²⁴Nôk kađăch nây ntơm jan, geh bu njũn du huê bunuyh ma păng i hơm khan rnon ỏk rkeh .

²⁵Ach ma păng i nây mâu hơm dơi geh prăk ma tởm rnon, kađăch đă bu tách ur tách kon, ndâp ma tách săk păng nơm, ndrel ma tách dâng lẻ đrăp ndr păng, gay ma tởm rnon i nây.

²⁶Bunuyh kơl jan kar i nây păn mbah ta jông păng ri, jêh ri lah: ‘Ô kôranh! Dăn may nsrôyh kỏp bốt ơ, gâp mra tởm râng ăn may’.

²⁷Kađăch yỏ ndach ma păng hô ngăn, ăn păng sât, nkre ma n'groh lẻ i rnon păng đổng.

²⁸Jêh ri bunuyh kơl jan kar i nây du sât bơh kađăch, păng tâm mập đah du huê mât jăng vay kơl jan kar ndrel păng nơm. Ôbăl i nây khan rnon đah păng 100 prăk kăk, nhữp mpet ôbăl ta tong ko, jêh ri lah: ‘Tởm hơm rnon gâp!’

²⁹I mât jăng păng nây păn ta jông păng, bonh dăn păng: ‘Dăn may nsrôyh kỏp bốt ơ, gâp mra tởm râng ăn may’.

³⁰Yơn ma păng mâu ứch iăt ôh, nhữp krũng ôbăl ta trôm ndrung, n'ho ma tât ôbăl tởm râng rnon mơ.

³¹Bunuyh kơl jan kar abă êng say kơt nây, khân păng rngot hô ngăn, mbơh nkoch dâng lẻ nau i nây ăn ma kađăch.

³²Kađăch đă bu hăn kuăl păng, jêh ri lah: ‘Hơi bunuyh djơh mhĩk! Dâng lẻ rnon may lẻ gâp n'groh lơi lẻ phiao, ach ma gâp say may dăn hô ngăn.

³³Mơm dâng may mâu ếch yố ôh bunuyh kơl jan kar ndrel may nơm, kơt gáp lể yố ma may?’

³⁴Kadăch i nây ji nuh hô ngăn ma păng, jêh ri njũn păng ma kôranh măt uảnh ndrung gay ma nkrit păng, tể păng ta trôm ndrung n'ho ma tăt păng tốm râng rnon.

³⁵Tâm ban đống ta phung khân ay may, lah khân ay may mâu ôh tâm yố nau tih, mâu blao bah kơp nau tih ndrăng khân ay may nơm ăn lể bớh nuh n'hâm ngăn, Bở Gáp gũ ta kalơ trôk Păng jan ma khân ay may kơt nây đống.”

Mathay 19

Nau ntlo̩i ur sai

(Mar 10:1-12; Luk 16:18)

¹Lôch jêh Brah Yêsu ngơi kơt nây, Păng lôh bớh bri Galilê, hăn jăt bri Yuđa mpeh bớh kăl ti dak rlai Yôrdăn, jêng mpeh bớh lôh nar.

²Geh bunuyh ốk ngăn tâng Păng, jêh ri Păng jan bah phung ji kuet ta nây.

³Geh phung Pharisi abă hăn a Brah Yêsu ôp rlong Păng: “Hơi nơm nti! Ah tâng ma nau vay phung bân, sai đơi ntlo̩i ur, moh nau abă êng đơi đống bớh?”

⁴Brah Yêsu ơh ma khân păng: “Khân may lể uảnh ãah ta Nau Kôranh Brah Ngơi, bớh nơm saom Kôranh Brah njêng bunuyh đống, geh bu klô, geh bu ur?”

⁵Jêh ri lah: ‘Ndri dâng geh bu klô lôh du bớh mẽ bở, hăn gũ a ur, jêh ri bar hê khân păng jêng ur sai jêng du rnglay sắk’

⁶Ndri khân păng mâu ôh hôm jêng bar hê tay, lể jêng du rnglay sắk đơm. Lah ndri bar hê ur sai i Kôranh Brah de rnglăp nây lơi ôh ăn bunuyh tâm nkah.”

⁷Phung Pharisi ôp Brah Yêsu: “Lah ndri mơm dâng Môsê đã i sai jan sambăt nau tâm ntlo̩i, jêh ri đơi mpro̩h i ur păng nơm?”

⁸Brah Yêsu lah khân păng: “Ach ma nuh n'hâm khân may dăng ko hô ir, ndri dâng Môsê đã khân may jan sambăt ntlo̩i ur. Yơn ma bớh nơm nơh mâu ôh geh kơt nây.

⁹Gâp mboh ma khân may, bu moh ntloer ur păng nôm, yon ma ur păng mâu geh ôh lôm sai, jêh ri sô ur êng, bunuyh i nây kôp păng lă jêng bunuyh lôm ur .”

¹⁰Mpôl oh mon lah ma Păng: “Lah kôp ndri ngân nau sô ur sai, ueh đê lah mâu sô ur sô sai.”

¹¹Brah Yêsu plô lah ma khân păng: “Mâu di ôh dâng lă bunuyh gít vât nau dja, geh bunuyh i Kôranh Brah ăn, păng i nây dôm dôi gít vât.

¹²Geh bunuyh abă n'ho ma mâu blao sô ur sô sai ntôm boh deh, bunuyh abă lă bu char lơi, bunuyh abă jât mâu ũch ôh sô ur sô sai yor ma ũch kôl jan kar ta nau Kôranh Brah mât uánh. Lah ndri bu moh i blao gít vât nau ngôi i nây, ăn păng tâng kôp dôi!”

Brah Yêsu tể ti ta kon se

(Mar 10:13-16; Luk 18:15-17)

¹³Jêh ri geh bu leo kon se jể jể njũn a Brah Yêsu, gay ma ăn Păng tể ti mboh sôm ma khân păng, yon ma mpôl oh mon buay lơi khân păng.

¹⁴Yon ma Brah Yêsu lah: “Ăn phung kon se vâch ta Gâp, lơi ôh buay khân păng. Bunuyh i Kôranh Brah mât uánh, khân păng geh kôp ndri đống.”

¹⁵Jêh Brah Yêsu tể ti ta kon se ri, jêh ri Păng du lôh boh ntũk nây.

Du huê bunuyh ndrông ũch geh nau rêh n'ho ro

(Mar 10:17-31; Luk 18:18-30)

¹⁶Nôk nây geh du huê bu klô hân dăch a Brah Yêsu ôp Păng: “Ô Nôm Nti, môm gâp jan nau ueh gay ma geh nau rêh n'ho ro mêh?”

¹⁷Brah Yêsu lah ma păng: “Môm may ôp Gâp ma nau ueh? Geh du huê Kôranh Brah dôm jêng ueh, jêh ri lah may ũch geh nau rêh n'ho ro, ăn may ndjôt nau vay bân dôi.”

¹⁸Păng ôp Brah Yêsu: “Moh nau vay abă mêh?” Brah Yêsu ôh ma păng: “Lôi nkhât bu, lơi lôm ur lôm sai, lơi ntũng, lơi ngôi nchôt,

¹⁹yok ma mẽ bở hỏ, jêh ri rông ma phung chiaio meng tâm ban ma rông săk may nôm.”

- ²⁰Bu klô ndăm i này lah ma Brah Yêsu: “Dâng lẽ nau vay i này lẽ gáp ndjôt dadê, lah ndri moh ndrê ê hỏ geh đổng?”
- ²¹Brah Yêsu lah ma păng: “Lah may ứch jêng sổng dứt ueh ngấn, ăn may tách hỏm dâng lẽ đrăp ndrê may geh, pả ăn ma mpôl o ach, ndri mớ may geh ndrê khlay ta bon ueh ta kalơ, jêh ri hăn tâng Gáp.”
- ²²Tât bu klô ndăm i này tăng nau ngời kớt này, păng du sât ndập ma nau rngot, yorlah păng geh đrăp ndrê dứt ỏk.
- ²³Brah Yêsu lah ma mpôl oh mon Păng: “Gáp lah n'hêl nanể ngấn ma khân ay may, jêr ngấn ma bunuyh ndrông lăp ta nau Kôranh Brah mât uảnh.
- ²⁴Gáp lah tay ma khân ay may, ma bunuyh ndrông lăp ta nau Kôranh Brah mât uảnh, jêr rlau đah ăn seh samô lăp ta trôm nglai.”
- ²⁵Tât ma tăng nau ngời kớt này, mpôl oh mon mâu ôh gít vât, khân păng ndrôt hih rhỏl ngấn, ôp Brah Yêsu: “Lah bunuyh ndrông lẽ geh jêr jêh lăp ta nau Kôranh Brah mât uảnh, lah ndri bunuyh a êng hỏm đơi lăp ta nau Kôranh Brah mât uảnh đổng lah mâu ?”
- ²⁶Brah Yêsu uảnh jât khân păng lah: “Nau lăp i này bunuyh jan mâu ôh đơi, yơn ma Kôranh Brah đơi jan dadê dâng lẽ ndrê.”
- ²⁷Jêh ri Pêtrôs ôp Brah Yêsu: “Lẽ May say hơyh hên, hên lẽ ntơi ndoh ndrê hên nờm lẽ phiao, hăn tâng May. Lah ndri hên tay moh ndrê geh?”
- ²⁸Brah Yêsu lah ma khân păng: “Gáp lah n'hêl nanể ngấn ma khân may, nôk neh ntu rgâl mhe, nôk Gáp i Kon Bunuyh tă bớh Kôranh Brah gủ ta rơl kăđăch Gáp i geh nau chrêk lợp, lah ndri khân may i lẽ tâng Gáp gủ ta rơl kăđăch 12 ở đổng, n'ho ma phat đơih lẽ bunuyh 12 mpôl rnoi deh phung Israel đổng.
- ²⁹Lah ndri bu moh ntơi nhih jay, mẽ bở, oh nô, oh nur, oh kon, mâu lah mir ba yor ma tâng Gáp, păng i này geh du mlỏm jêng lỏh 100 ndập ma đơn nau rêh n'ho ro.

³⁰Geh bunuyh ők ta neh ntu dja bu gít khân păng geh nau khlay ngăn, yơn ma ta jât nấp tay mâu ôh geh nau khlay. Tih ma geh bunuyh ők êng jât ta neh ntu dja bu gít khân păng mâu ôh geh nau khlay, yơn ma ta jât nấp tay bêng ma geh nau khlay .”

Mathay 20

Nau ngoi ntât ma phung jan kar ta mir play yŷng yar bon

¹“Nau Kôranh Brah mât uănh bunuyh, tâm ban ma du huê bunuyh geh mir. Ởm ôi păng hăn, gay ma joi bunuyh jan kar ta mir play yŷng yar bon păng nơm.

²Păng lẽ tâm di jêh du ntôr nau ăn ma dăng lẽ bunuyh jan kar i nây du mlôm prăk kăk du nar, jêh ri đă khân păng hăn jan kar ta mir păng ri.

³Klăp lah ta mong sân păng hăn tay đống, say bunuyh abă hôm gŷ dơm ta ntŷk tăch đrăp, mâu geh ntŷk jan kar.

⁴Păng lah ma khân păng: ‘Ăn khân may hăn jan kar ta mir gập ri, gập mra nkhôm khân may ăn tâm di’.

⁵Jêh ri phung i nây hăn ro. Tât n'gul nar, tât mong pe kêng măng, păng hăn đă tay bu a êng kơt nây đống.

⁶Tât lẽ mong prăm, păng hăn tay du tở jât, say bunuyh abă a êng jât hôm gŷ dơm ta ntŷk tăch đrăp ri. Păng lah ma phung i nây: ‘Moh gŷ dơm khân may ta dja du nar rmăng nây?’

⁷Khân păng ơh: ‘Yorlah mâu geh bunuyh ŷch joi hên jan kar’. Păng lah ma phung i nây: ‘Khân may hăn jan kar hơm a mir gập ri’.

⁸Tât kêng măng, păng i tơm mir nây lah ma bunuyh ndjôt prăk: ‘Kuăl hơm phung jan kar, bớk prăk ăn khân păng, bớk ntơm bớh n'glê dŷt bu, tât ma păng i lor bu’.

⁹Tât phung jan kar i ntơm mong prăm, bu bớk ăn khân păng du huê du mlôm prăk kăk.

¹⁰Jêh ri tât phung jan kar i lor bu, khân păng nklôn geh prăk ôk rlau bu, yơn ma geh du mlôm prăk kăk tâm ban dơm.

¹¹Jêh khân păng sô prăk i nây, khân păng ngơi brôk ma bunuyh i tơm mir i nây:

¹²‘Phung i jan kar n'glẽ dūt bơh kơi, jan du mong dơm. May bơk prăk ăn khân păng tâm ban ma hên jan kar gũ thổng ta dōh nar du nar rmăng đōng!’

¹³Bunuyh i tơm mir nây lah ma du huê bunuyh ta khân păng i nây: ‘Ô jăng, gâp mâu geh ôh mbrôh may, yorlah may lě tâm di du ntô nau ũch jan kar ăn gâp du nar du mlôm prăk kăk.

¹⁴Lah ndri sô prăk may nây hăn hōm, bunuyh i jan kar bơh kơi may, gâp ũch ăn tâm ban ma may đōng,

¹⁵yorlah prăk gâp nơm tâng nuh n'hâm gâp nơm ũch đōng. Mâu lah ach ma say gâp jan ueh, may tâm mâu nach ma khân păng?’

¹⁶Geh bunuyh ta neh ntu dja bu gĩt khân păng geh nau khlay ngăn, yơn ma ta jât năp tay mâu ôh geh nau khlay. Tih ma geh bunuyh êng jât ta neh ntu dja bu gĩt khân păng mâu ôh geh nau khlay, yơn ma ta jât năp tay bêng ma geh nau khlay .”

Nau Brah Yêsu mboh săk păng nơm khăt

(Mar 10:32-34; Luk 18:31-34)

¹⁷Nôk Brah Yêsu hăn ta ðon kuông Yêrusalem, Păng leo 12 nuyh mpôl kôranh oh mon Păng, hăn êng, nôk hōm hăn rō trong, Păng lah ma khân păng kơt nđa:

¹⁸“Abơ dja bân hăn jât ðon Yêrusalem. Gâp dja i Kon Bunuyh tă bơh Kôranh Brah, bu de njũn ăn ma mpôl kôranh jan brah, ndrel ma phung nơm nti nau vay phung bân. Jêh ri khân păng i nây tễ dōih Gâp tât khăt.

¹⁹Khân păng i nây njũn Gâp ma phung i mâu di phung Israel, ăn bu gơm n'grơh, rpăt ma mōng rse, n'ho ma nkhăt Gâp ta si tâm rkăng. Yơn ma tât pe nar Kôranh Brah ăn Gâp dăk rêh tay đōng.”

Nau dăn i ur Sêbêdê

(Mar 10:35-45; Luk 22:24-27)

²⁰Nôk này i ur Sêbêđê, leo bar hê kon păng nôm hăn chon kômök ta jöng Brah Yêsu ri, ùch dẫn du ntil nau.

²¹Brah Yêsu ôp păng: “Moh nau ay ùch?” Păng ơh: “Nôk May jêng kađäch ngăn ta nau may nôm mât uãnh tay, ăn bar hê kon gập dja jêng kuông rlau bu gũ ta nâm May nôm, du huê gũ bớh ma du huê gũ bớh chiaio May.”

²²Yơn ma Brah Yêsu ơh: “Khân ay may mâu gít vât ôh, moh ndrơ khân ay may dẫn. Lah ndrơ khân may dơi sớ dơi nhêt đöng ndrãnh play yüng yar bon ta kchok i Gáp be nhêt, geh nau khlay lah geh nau jêr jöt köt Gáp đöng?” Yakơ, ndrêl ma Yôhan ơh: “Ồ, hên dơi sớ dơi.”

²³Brah Yêsu lah ma khân păng: “Nau khân may sớ dơi nhêt ndrãnh play yüng yar bon ta kchok i Gáp nhêt mra geh ngăn, tih ma i nau gũ bớh ma bớh chiaio ri, Gáp mâu ôh dơi rom, yor ma ntük i này lể ndrấp ăn ma bunuyh i Bớ Gáp nôm lể ùch ăn dơi.”

²⁴Tât mpôl oh mon i jât nuyh này tăng lah köt này, khân păng ji nuih ma bar hê khân păng i này.

²⁵Jêh ri Brah Yêsu kuẩl dâng lể mpôl oh mon Păng, jêh ri lah: “Khân may lể gít hơyh bunuyh i mât uãnh ma phung bunuyh i mâu di phung Israel, khân păng i này dah ùch jan ma phung bon lan khân păng nôm, geh đöng mpôl i têh kuông tũn jot ma phung bon lan khân păng nôm.

²⁶Ta mpôl khân may tay mâu ôh geh köt này! Ta mpôl khân may lah geh du huê ùch jan kuông, ăn păng i này jêng bunuyh sớ köt jan kar ma khân may.

²⁷Lah geh du huê ùch jan kuông rlau bu, iăt ma păng jan dâk ma khân may bốt.

²⁸Tâm ban ma Gáp i Kon Bunuyh tă bớh Kôranh Brah väch ta neh ntu dja, mâu ôh Gáp đã bu sớ köt jan kar ăn ma Gáp. Bêng ma Gáp chrao sớ köt jan kar ăn ma bu, jêh ri Gáp jao sắk Gáp nôm tăt khăt sắk, gay ma chuai ök bunuyh.”

Brah Yêsu jan bah trôm măt bar hê bunuyh ăn say ang

(Mar 10:46-52; Luk 18:35-43)

²⁹Nôk khân păng lôh bôh bon Yêrikhô, geh ôk bunuyh tâng Brah Yêsu.

³⁰Nôk này geh bar hê bunuyh cheh mắt gũ ta meng trong ri. Tât khân păng tâng lah Brah Yêsu hăn rồ trong này, khân păng nter ro: “Ô Kôranh i kon sau kađäch David, yỗ ndach hên bả ơ!”

³¹Geh bunuyh ôk buay khân păng ăn gũ iăt sắk rklăk hỏ, yơn ma lơ hô khân păng nter: “Ô Kôranh i kon sau kađäch David, yỗ ndach hên ơ!”

³²Brah Yêsu nsrũng, jêh ri kuăl bar hê bunuyh cheh mắt i này ôp: “Moh nđơ khân may ứch ăn Gập jan ma khân may?”

³³Khân păng ơh: “Ô Kôranh, ăn mắt hên say ang.”

³⁴Brah Yêsu yỗ ndach khân păng hô ngăn, pah trôm mắt khân păng, jêh ri trôm mắt khân păng dô ma say ang ro, jêh ri khân păng tâng Brah Yêsu.

Mathay 21

Brah Yêsu lăp ta bon Yêrusalem

(Mar 11:1-11; Luk 19:28-40; Yôh 12:12-19)

¹Nôk Brah Yêsu hăn bôh ma tât bon kuông Yêrusalem, lể tât ta bon Bêthphasê ta yôk tơm Ôlive, Păng đã bar hê mpôl oh mon Păng hăn lor,

²Păng lah: “Ăn khân may hăn ta bon bôh năp ri, lăp ta bon này khân may mra say du mlôm me seh lia bu kăt nđâp ma kon păng đổng. Khân may droh tềk lể bar a Gập dja.

³Lah geh bu ôp khân may, khân may lah ma păng kớt nđa: ‘Kôranh ứch đổng păng dăng lể bar’, bu mra ăn khân may tềk ro.”

⁴Dăng lể nau dja geh, gay ma tâm di đah nau mpôl bunuyh ntôyh nau ngơi Kôranh Brah kăl e nơh lể nchih lah:

⁵‘Ăn mboh nkoch hỏm ma phung bon lan ta bon Yêrusalem : ‘Lông uảnh dja, kađäch khân ay may vắch. Păng mleh hô ngăn, ncho ta kalơ seh lia, Ncho ta kon seh lia đổng” .

⁶Jêh ri bar hê mpôl oh mon i này hăn jan kớt nau Brah Yêsu đã.

⁷Khân păng tək me seh lia, ndâp ma i kon păng, jêh ri ntă ao kuông khân păng nơm ta kalơ lể bar mlôm seh nây, ă Brah Yêsu ncho lăp ta bon.

⁸Phung bon lan dūt ők ngăn ta bon nây, khân păng droh ao kuông khân păng nơm lăk ta trong. Bunuyh abă te nthan si bớh mir lăk rỏ trong nây đống.

⁹Bunuyh ők ngăn brồ tâng Brah Yêsu bớh năp bớh kơi, leo bảl nter dơu lah: “Rnê ma Kôranh Brah ăn ma i kon sau kađăch Đavid! Dăn Kôranh Brah ăn nau geh jêng ma Păng i Kôranh Brah de đă văch! Rnê ma Kôranh Brah i gủ kalơ trôk dūt prêh ri!”

¹⁰Nôk Brah Yêsu lăp ta bon Yêrusalem, dăng lể bunuyh ta bon nây geh nau ndrôt dūt hô ngăn, khân păng mầu ôh vât, ôp: “Bu moh Păng i nây?”

¹¹Phung bunuyh i tâng Brah Yêsu lah: “Păng dja Yêsu bunuyh ntơyh nau ngơi Kôranh Brah tă bớh bon Nasaret bri Galilê.”

Brah Yêsu mprôh phung tách drăp bớh jông gung nhih jan brah ma Kôranh Brah

(Mar 11:15-19; Luk 19:45-48; Yôh 2:13-22)

¹²Jêh ri Brah Yêsu ndrel mpôl oh mon Păng hăn lăp ta jông gung nhih jan brah. Phung i tách rgâl ta nây Păng mprôh lể phiao. Păng nklở gre bu gủ rgâl prăk, ndâp ma gre bu tách plūk.

¹³Brah Yêsu lah khân păng i nây: “Ta Nau Kôranh Brah Ngơi lể geh nchih kơt nđa: ‘Kôranh Brah lah: ‘Nhìh Găp jêng ntúk ma mbớh sơm ma Găp’ Bêng ma khân may sỏ jan ntúk gủ rgum mpôl ntũng chrao.”

¹⁴Nôk nây geh bunuyh cheh măt, ndrel ma bunuyh kuêt rven hăn a Brah Yêsu ta jông gung nhih jan brah ri, jêh ri Păng jan bah dadê.

¹⁵Yờn ma mpôl kôranh jan brah, ndrel ma phung nơm nti nau vay phung Israel, say Brah Yêsu jan ndơ i nây lể nau ngăn, jêh ri tâng phung kon se nter ta jông gung nhih jan brah lah: “Rnê ma Kôranh Brah ma i kon sau kađăch Đavid!” Khân păng ji nuih hô ngăn.

¹⁶Khân păng ôp Brah Yêsu: “May tâng đống nau phung kon se nter nây?” Brah Yêsu ơh: “Tâng đống. Lah ndri khân may lể uănh đống ta Nau Kôranh

Brah Ngơi nchih kớt nđã: ‘Ồ Kôranh Brah, May lẽ ndrăp ăn nau rnê ma May nôm Ta mbung kon se, ndrel ma ta oh bê hôm pu toh’ .”

¹⁷Jêh ri Brah Yêsu ntloại khân păng gũ ta này. Păng lôh bôh ntũk này hăn ta bon Bêthani, gũ ta bon này du măng.

Brah Yêsu rtăp tơm play Rvi

(Mar 11:12-14, 20-24)

¹⁸Tât ơm ôi, ôi tay Brah Yêsu plở tay ta bon Yêrusalem. Nôk này Păng ji ngot.

¹⁹Păng say tơm play Rvi du tơm rỏ trong, jêh ri Păng hăn dăch tơm play i này joi play, yơn ma mâu ôh geh play, geh n'ha dơm. Păng lah ma tơm play i này: “Ntơm bôh nar dja, may tơm play i dja lơi hôm ôh geh play!” Jêh ri dô ma ndro ro tơm Rvi i này.

²⁰Tât ma mpôl oh mon say kớt này, khân păng ndrôt hih rhôl ngăn, khân păng ôp: “Môm ndro ndal tơm Rvi i dja hiah?”

²¹Brah Yêsu lah ma khân păng: “Gâp lah n'hêl naně ngăn ma khân may, lah khân may lẽ geh nau nsing nâp mâu geh nau vĩ vể ta nuih n'hâm, mâu ôh dơn kớt ma Gâp jan tơm play Rvi dja dơm khân may dơi jan, yơn ma lah khân may đã yôk dja: ‘Du hồm bôh ntũk dja, ăn tũp a dak văch dak văr ri’, păng geh kớt này ngăn ro.

²²Moh ndrô khân may mbôh sôm dăn Kôranh Brah ma nuih n'hâm geh nau nsing, khân may geh ngăn ro.”

Nau dơi Brah Yêsu bôh tă

(Mar 11:27-33; Luk 20:1-8)

²³Jêh ri Brah Yêsu lăp ta jông gung nhiih jan brah ma Kôranh Brah. Nôk Păng nti bu, geh mpôl kôranh jan brah, ndrel ma mpôl bu ranh phung bon lan hăn a Brah Yêsu ôp Păng: “Mbôh ăn ma hên gĩt, ndrô May jan dja bôh tă nau dơi? Bu moh ăn nau dơi i này ma May mêh?”

²⁴Brah Yêsu ơh: “Gâp ôp du nau ma khân may bốt, lống khân may ơh ma Gâp đống, ndrô mớ Gâp mra mbôh ma khân may, bôh tă nau dơi ma ndrô i Gâp jan.

²⁵Lah ndri bu moh đă Yôhan-Baptem jan baptem yũk ma dak? Tă bớh Kôranh Brah, mâu lah tă bớh bunuyh?” Khân păng tâm nchră êng: “Lah bân lah: ‘Tă bớh Kôranh Brah’, Păng mra lah bân: ‘Lah ndri mớ m dăng khân may mâu iăt nau păng?’

²⁶Lah bân ớh: ‘Tă bớh bunuyh’, ndri bân klach phung bon lan ji nuh, yor ma ỏk bunuyh iăt nau Yôhan-Baptem kớ păng jêng bunuyh ntớyh nau ngới Kôranh Brah ro.”

²⁷Jêh ri khân păng ớh ma Brah Yêsu: “Hên mâu ôh gít!” Brah Yêsu lah ma khân păng: “Lah ndri Gáp mâu mớh ăn ma khân may gít đống, bu moh ăn nau đới Gáp jan dja.”

Nau ngới ntăt ma bar hê kon bu klô

²⁸“Mớ m khân may văt ma nau ntăt bar hê kon bu klô? Geh du huê bu klô geh bar hê kon bu klô, păng lah ma kon bôk dak: ‘Ổ nô, nar dja đă may hăn jan kar ta mir play yũng yar bon ri’.

²⁹I kon păng ớh: ‘Gáp mâu ứch hăn ôh!’, yớ n ma bớh kới nây păng rgâl nau mân, jêh ri hăn ta mir.

³⁰Jêh ri i bớ ngới kớ nây đống ma kon a êng, kon i nây ớh: ‘Ổ gáp hăn bớ!’, yớ n ma păng mâu hăn ôh.

³¹Lah ndri dăng lể bar hê kon i nây, bu moh i iăt nau bớ păng?” Khân păng ớh: “I nô.” Brah Yêsu lah ma khân păng: “Gáp lah n'hêl nanể ngăn ma khân may, mpôl kớp sớ prăk phung bon lan gay ma ăn kôranh măt uảnh, ndrel ma bu ur văng târ, khân păng i nây lắp ta nau Kôranh Brah măt uảnh lor bớh nắp khân may.

³²Yorlah Yôhan-Baptem lể vắch ntũm nti nau gũ rêh tâng nau Kôranh Brah ứch ma khân may, tih ma khân may mâu ứch ôh iăt păng. Mpôl kớp sớ prăk phung bon lan i nây, ndrel ma bu ur văng târ i nây, khân păng iăt nau păng. Lớng khân may bol lah lể say dăng lể nau i nây kađôi, khân may hôm e mâu ứch ôh rgâl nuh n'hâm gít mân ma păng, mâu ứch nsing ma păng đống.”

Nau ngới ntăt ma mpôl măt uảnh mir tòm play yũng yar bon

(Mar 12:1-12; Luk 20:9-19)

³³“Dăn iăt du nau ngơi ntăt êng jăt. Geh du huê bu klô tằm du lôk mir tơm play yũng yar bon. Păng jan n'gar jũm mir nây, jan du ntũk ma bu njot play i nây, ndrel ma jan du mlõm chuanh nkơng đổng gay ma njrăng. Jêh ri ăn bu măt mir i nây, đă bu pă play ma păng ăp năm. Păng nơm ri hăn gũ bri êng.

³⁴Tăt di khay dũm play yũng yar bon ri, păng đă dăk păng abă hăn tâm mập ma mpôl măt mir i nây, gay ma sỏ play i bu pă nây.

³⁵Mpôl măt mir i nây nhũp khân păng, i du huê mbang, i du huê nkhăt lơi, jêh ri i du huê jăt ntũp ôbăl ma lũ.

³⁶Jêh ri păng đă tay dăk păng a êng jăt hăn, ők rlau dăk i bớh kơi nớh. Yơn ma mpôl măt mir lơi khân păng kớt dăk i bớh kơi nớh jăt.

³⁷Kêng ma dũt păng đă i kon bu klô păng nơm hăn bớh kơi bu, păng mân êng lah: ‘Bu klach yớk ma kon gập ro’.

³⁸Yơn ma tăt mpôl măt mir say păng, khân păng tâm lah: ‘Păng i nây ro ntrở ndơn mir i dja nar jăt năp tay. Hăn bân nkhăt lơi păng i nây dờh, sỏ mir i dja ma bân ro’.

³⁹Jêh ri bu de nhũp i kon păng nơm i tơm mir nây, mbăr ôbăl bớh dih mir i nây, nkhăt lơi ôbăl.

⁴⁰Lah tăt păng nơm i tơm mir hăn, mớm păng jan ma mpôl măt mir i nây?”

⁴¹Khân păng ớh ma Păng: “Păng nkhăt nkrit lơi mpôl djớh i nây ro, mâu ôh geh rong, jêh ri joi nkhôm ăn bu êng jăt măt mir păng, mpôl i pă play ma păng tăt di khay pẻ play.”

⁴²Brah Yêsu lah ma khân păng: “Ndri khân may mâu geh rỏ sambũt Nau Kờanh Brah Ngơi lẻ geh nchih lah: ‘Bunuyh blao jan jay lũ blon lẻ mbăr lơi du mlõm lũ blon, Yơn ma lũ blon i nây nkờng ma jêng lũ dũt năp khlay rlau bu ma jan jay. Kờanh Brah nơm jan nau i nây lẻ nau ngăn, Say kớt nây ăn bân ndrốt hih rhõl hô ngăn’ .

⁴³Kớt ndri dăng Gập lah ma khân may, Kờanh Brah sỏ lơi nau Păng nơm măt uảnh tă bớh khân may ăn phung bunuyh êng i ăn geh play ma Păng.

⁴⁴Lah ndri moh nau bu ntât dja? Lũ blon i nây jêng ntât ma Gâp. Bu moh i chôt ta lũ blon i nây, păng i nây lêk rhöch ro. Jêh ri lah lũ blon i nây tũp kalo du huê bunuyh, bunuyh i nây hăch lě phiao.”

⁴⁵Nôk mpôl kôranh jan brah, ndrel ma phung Pharisi tâng nau ntât kơt nây, khân păng gít lah Brah Yêsu lah ntröng jât khân păng ngăn ro.

⁴⁶Khân păng ũch nhũp Brah Yêsu, tih ma khân păng klach ma phung bon lan, yorlah phung bon lan kơp Păng jêng bunuyh ntơyh nau ngơi Kôranh Brah.

Mathay 22

Nau ngơi ntât ta nau tâm ndăp

(Luk 14:16-24)

¹Brah Yêsu ngơi ntât ma khân păng du tở jât:

²“Ta nau Kôranh Brah mât uănh tâm ban ma du huê kađăch ndrăp nau nhêt sông kuông ma ndăp kon ndăm păng nơm.

³Jêh ri păng đă phung dâk păng hăn kuăl bunuyh i lě păng jă lăp nhêt sông sa tâm ndăp i nây, yơn ma khân păng mâu ũch ôh văch.

⁴Păng đă tay phung dâk a êng jât hăn, lah ma phung dâk i nây: ‘Ăn khân may mboh ma bunuyh i lě jêh jă: ‘Gâp lě jêh ndrăp phiao piăng trao, gâp lě mbang ndrôk, ndrel ma mpômpa (siũm) i gâp pêt, lah ndri hăn nhêt sông hõm!’”

⁵Yơn ma bu mâu ôh geh dõh tôr, abă lôh a mir, abă hăn tách drăp,

⁶abă jât nhũp lơh phung dâk păng, n'ho ma nkhât lơi khân păng.

⁷Kađăch ji nuih hô ngăn, jêh ri đă phung taken hăn nkhât lơi phung i nkhât dâk păng nây, n'ho ma su bon khân păng lě phiao.

⁸Jêh ri păng lah ma phung dâk păng: ‘Nau nhêt sông tâm ndăp bản ndrăp lě jêh phiao, yơn ma dâng lě phung i nây mâu geh ôh di lăp ta ntũk dja.

⁹Lah ndri khân may hăn hõm rỏ meng trong, jă dâng lě bunuyh i khân may mập ăn khân păng lăp nhêt sông sa ndrel ta dja dadê’.

¹⁰Jêh ri phung dâk păng hăn rõ trong, jă dăng lě bunuyh i khân păng mậ, ndâp ma bunuyh ueh bunuyh djơh, geh bêng jay (rông), tâm ndăp ri ngăn.

¹¹Nôk kađăch lăp ta trôm jay tâm ndăp uănh bu năch gũ sông sa ta nây, păng say geh du huê bu klô nsoh n'gut mầu ôh tâm di ma nau nhêt sông tâm ndăp.

¹²Păng lah ma bu klô i nây: ‘Ổ jăng! Mớm may lăp ta ntũk dja nsoh n'gut mầu tâm di đah nau nhêt sông tâm ndăp?’ Bu klô i nây joi nau ma ơh mầu hôm ôh blao.

¹³Kađăch lah ma phung kơl jan kar ma păng: ‘Nhữp kât jông ti păng, mảr păng bớh dih ta ntũk ngo, ta ntũk nây geh nau nhhiăng nhũm, ndrel ma rchiăt sêk’.

¹⁴Bunuyh Kôranh Brah kuăl ốk ngăn, yơn ma đễ đơm Păng kơih.”

Ma nau ăn prăk ma bri dak

(Mar 12:13-17; Luk 20:20-26)

¹⁵Nôk nây phung Pharisi hăn tâm nchră bắ, joi nhữp nau tih ta nau Brah Yêsu ngơi.

¹⁶Jêh ri khân păng đă mpôl oh mon khân păng, ndrel ma mpôl i tâng kôranh măt uănh Hêrôt-Ổntipas hăn a Brah Yêsu. Tăt ta nây khân păng ôp: “Hơi Nơm Nti! Hên gít May bunuyh sông ngăn, May nti nau Kôranh Brah ăn tâm di ngăn, May mầu ôh klach ma bunuyh, mầu ôh kơih bunuyh.

¹⁷Lah ndri dăn May mớh ăn hên, mớm nau May mân? Di đổng tâng nau vay bần ăn prăk i kôranh kađăch ta bon kuống Rôm đă bần ăn ma păng nây mầu lah mầu?”

¹⁸Brah Yêsu lě gít nau mân djơh ta khân păng, ndri Păng lah: “Ổ phung jan iăt nau Kôranh Brah đơm! Moh nau khân may ứch ôp rlong ma Gập kớh nây mêh?

¹⁹Nhho ntil prăk i bu ăn ma kôranh kađăch ri, ăn Gập uănh!” Jêh ri khân păng sớ prăk du mlôm prăk kăk ntil i nây ndở ăn Brah Yêsu.

²⁰Brah Yêsu ôp khân păng: “Ndri ta kalo prăk kăk dja bu moh rup? Bu moh rnha?”

²¹Khân păng ơh: “Rup, ndrel ma rnha kôranh kađäch ta ðon Rôm!” Brah Yêsu lah ma khân păng: “Lah ndri, ndr kôranh kađäch ta ðon Rôm mplở ăn ma păng, ndr Kôranh Brah mplở ăn ma Kôranh Brah nôm.”

²²Tât tăng nau Brah Yêsu ơh kơt này, khân păng ndrốt hih rhöl ngăn, jêh ri du lôh bơh Brah Yêsu này.

Nau bunuyh khât dâk rêh tay

(Mar 12:18-27; Luk 20:27-40)

²³Nôk nar này geh phung Sađôsi hăn a Brah Yêsu, phung i này mâu iăt ôh lah bunuyh khât dâk rêh, khân păng ôp Brah Yêsu:

²⁴“Hơi nôm nti, Môsê kăl e nơh lể nchih jêh ta sambüt ăn ma bân phung Israel lah kơt nđa: ‘Lah bu klô sỏ ur, jêh ri păng khât, lah păng mâu geh kon, đă i oh nô păng ri ntrở sỏ ur păng, jêh ri kơp kon khân păng jêng kon ma păng i lể khât này’.

²⁵Ntât lah ta phung hên geh oh nô pơh nuyh, i nô bôk dak sỏ ur, jêh ri khât mâu ôh geh kon, i ur này ăn i oh păng trở sỏ.

²⁶Oh tởl nguai, oh tởl bar, n'ho ma tât i oh mpüt, khân păng nđăp đah bu ur i này dadê, tih ma dăng lể khân păng này khât mâu geh kon dadê.

²⁷N'glễ düt n'glễ dël bu ur i này khât đống.

²⁸Lah ndri ta nar bunuyh khât dâk rêh tay, bu ur i này bre moh ur? Yorlah dăng lể pơh nuyh khân păng lể sỏ păng dadê.”

²⁹Brah Yêsu lah ma khân păng: “Khân may lể vât tih jêh, yorlah khân may mâu gít ôh ta Nau Kôranh Brah Ngơi, nđăp ma nau dơi Kôranh Brah.

³⁰Nôk bunuyh lể khât, jêh ri dâk rêh tay, khân păng mâu hôm ôh sỏ ur sỏ sai jât. Khân păng jêng tâm ban ma tông păr Kôranh Brah gủ ta ðon ueh kalơ.

³¹⁻³²Lõng ma nau bunuyh khât dâk rêh tay, lể Kôranh Brah mbơh ma khân may ta nau Păng ngơi, Păng lah kơt nđa: ‘Gâp jêng Brah Abrahăm yỏk mbah, jêng Brah Isăk yỏk mbah, jêng Brah Yakôp yỏk mbah’ . Ah khân may geh rỏ uănh đống bah? Nôk Kôranh Brah ngơi nau i này pe nuyh khân păng i này lể khât ỏk năm jêh, yỏn ma bơh Nau Kôranh Brah Ngơi i này gít năl khân păng

hôm rêh ma Kôranh Brah. Kôranh Brah mâu ôh di Brah ma bunuyh khât, Păng Brah ma bunuyh rêh.”

33Phung bon lan tăng nau Păng ntũm nti kơt nây, khân păng geh nau ndrốt hih rhõl hô ngãn ta sãk khân păng ri.

Nau vay khlay rlau bu

(Mar 12:28-34; Luk 10:25-28)

34Nôk phung Pharisi gĩt Brah Yêsu dơi đah phung Sadôsi, khân păng rgum bảl.

35Jêh ri ta phung khân păng geh du huê bunuyh geh nau mân gĩt blao mpeh ma nau vay phung Israel, ôp rlong Brah Yêsu:

36“Ổ Nơm Nti! Ta nau vay bân moh ndr i khlay rlau bu mêh?”

37Brah Yêsu ơh: “Ăn rông ma Kôranh Brah i Brah khân ay may nơm, ma lể nuih n'hâm, ma lể huêng, ndrel ma lể nau mân’ .

38I nây nau vay i dứt kuống, nau vay khlay rlau bu ngãn.

39Nau vay bớh kơi nau vay i nây geh nau khlay tâm ban kơt nây đổng: ‘Ăn rông ma bu chiaio meng kơt rông ma sãk khân ay may nơm đổng’ .

40Yorlah dăng lể nau vay bân a êng, ndrel ma dăng lể nau i mpôl bunuyh ntơyh nau ngơi Kôranh Brah kãl e nớh lể nchih, jêng lôh tă bớh bar nau vay i nây.”

Brah Krist jêng kôranh ma kađăch Đavid

(Mar 12:35-37; Luk 20:41-44)

41Nôk phung Pharisi hôm gũ gum ta ri, Brah Yêsu ôp khân păng:

42“Mớm khân may gĩt Brah Krist i nơm rklaih tă bớh Kôranh Brah de njuãl, Păng bu moh kon sau?” Khân păng ơh: “Păng kon sau kađăch Đavid.”

43Brah Yêsu ơh ma khân păng: “Lah Brah Krist i kon sau kađăch Đavid, mớm dăng kađăch Đavid ngơi ma Brah Huêng Ueh kuãl Brah Krist: ‘Kôranh’?”

44Yorlah kađăch Đavid lể nchih kơt nđă: ‘Kôranh Brah lah ma kôranh gáp: ‘Gũ mpeh bớh ma Gáp hồm ta ntũk bu lữ, Kốp tăt Gáp ăn phung rlăng đah May mâu hôm geh nau dơi ăn gũ ta nâm jông May bốt’ .

⁴⁵Lah lě kađäch Đavid nơm kuăl Brah Krist kôranh păng nơm kơt này, yơn ma kon sau mâu geh kuống rlau ma u che, lah ndri Brah Krist mơm hôm blao jêng kon sau kađäch Đavid jât?”

⁴⁶Mâu geh ôh bunuyh đơi ơh ma Brah Yêsu, jêh ri nơm bơn nôk này mâu hôm ôh geh bunuyh a êng bảnh ôp Păng.

Mathay 23

Brah Yêsu đã nư̄ng đah phung nơm nti, ndrel ma phung Pharisi

(Mar 12:38-40; Luk 20:45-47; 11:39-52)

¹Jêh ri Brah Yêsu lah ma phung bunuyh ők, ndrel ma mpôl oh mon Păng kơt nđa:

²“Phung nơm nti nau vay phung bân, ndrel ma phung Pharisi, khân păng tâm ban ma gũ ta rơl Môsê, yor ma khân păng nti nau vay păng.

³Dâng lě đơ khân păng ntũm nti ăn ma khân ay may, ăn khân ay may iăt, ndrel ma sữ đơn. Yơn ma lơi ôh jan tâng khân păng jan, yorlah khân păng man ma lah đơm, săk khân păng nơm mâu ôh jan tâng.

⁴Khân păng njêng nau vay dứt jêr dứt jök ngăn ăn ma bunuyh ndjôt, yơn ma khân păng nơm mâu öch ôh pah, bol lah pah đễ mâu öch đơng .

⁵Dâng lě đơ khân păng jan này, gay ma ăn bu say, jêh ri ăn bu kơp khân păng jêng bunuyh i tâng nau Kôranh Brah rlau bu đơm. Ndri dâng khân păng lơ ma jan kuống đũng i bân vay kăt ta bôk, ndrel ma kăt ta ti nôk mbơn sơm, ndrel ma jan chiăng ao lơ ma jong jât .

⁶Khân păng rơng geh gũ ta ntũk bu yơk nôk nhêt sông kuống, jêh ri ta trôm nhieh r̄bũn öch gũ bơn nấp bu ta ntũk bu lữ.

⁷Khân păng öch ăn bu mbah kũnh bôk ma khân păng rữ ntũk bu tăch rgâl đrăp đơ, mâu lah rữ trong kuống, ndrel ma öch ăn bu kuăl khân păng: ‘Nơm nti’.

⁸Lờng ma khân ay may này, lơi ôh ăn bu kuăl khân ay may ‘Nơm nti’, yorlah geh du huê ‘Nơm nti’ đơm, jêh ri dâng lě rngôch khân ay may jêng oh nô ndrel dadê.

⁹Lời ôh kuäl du huê bunuyh ta neh ntu dja ‘Bờ’, yorlah khân ay may lë geh du huê Bờ i gũ ta kalơ trôk.

¹⁰Lời ôh kuäl sāk khân ay may nơm ‘Nơm nti’, yorlah khân ay may geh du huê nơm nti: Brah Krist i nơm rklaih tă bớh Kôranh Brah de njuäl.

¹¹Yơn ma bu moh păng i kuống rlau bu ta phung khân ay may, ăn păng jêng bunuyh i sơm kớl jan kar ăn ma khân ay may.

¹²Bu moh i n'hao êng sāk păng nơm, Kôranh Brah njür lời, yơn ma bu moh i njür êng sāk ếch iăt păng, Kôranh Brah sơm n'hao păng.”

Nau rêh rnhăl ma phung nơm nti, ndrel ma phung Pharisi

¹³“Ổ phung nơm nti nau vay phung bân, ndrel ma khân may i phung Pharisi! Khân may jan iăt nau Kôranh Brah đơm. Kôranh Brah mra ăn nau rêh rnhăl ngăn ma khân may, yorlah khân may nking lời trong ta nau Kôranh Brah măt uánh. Khân may nơm mâu ếch lăp, jêh ri bunuyh i ếch lăp khân may nking lời đổng.”

¹⁴[“Ổ phung nơm nti nau vay phung bân, ndrel ma khân may i phung Pharisi! Khân may jan iăt nau Kôranh Brah đơm. Kôranh Brah mra ăn nau rêh rnhăl ngăn ma khân may, yorlah khân may mbrôh bu ur ndrô lë khât sai gay ma sỏ pit đrăp ndrô nhiih jay khân păng. Khân may jan mbrôh sơm dứt jổ ngăn ăn bu êng tăng, gay ma nhhơ khân may nơm jêng bunuyh rống ma Kôranh Brah ngăn. Ndri dăng Kôranh Brah tể dôi h jru rlau bu êng ta nar jăt năp tay.”]

¹⁵“Ổ phung nơm nti nau vay phung bân, ndrel ma khân may i phung Pharisi! Khân may jan iăt nau Kôranh Brah đơm. Kôranh Brah mra ăn nau rêh rnhăl ngăn ma khân may, yorlah khân may hăn nsong dứt ngai rỏ kalơ neh, rỏ dak văch dak vă, gay ma jă du huê bunuyh lăp tâng nau vay phung bân. Tăt ma lë geh bu lăp jêh, khân may jan ăn bunuyh i nây lơ ma hô djơh dứt hô ngăn, đi ma tũp ta ndrung ỳnh, djơh rlau bar tở khân may nơm jăt.”

¹⁶“Kôranh Brah mra ăn nau rêh rnhăl ngăn ma khân may. Khân may bunuyh leo bu, yơn ma khân may nơm tâm ban ma bunuyh cheh măt, yorlah khân

may ngoi kot nda: ‘Bu moh ton đah nhiih jan brah ma Kôranh Brah, nau ton i nây mâu ôh geh nau khlay, yon ma bu moh ton đah mayh ta nhiih jan brah ma Kôranh Brah, ri mớ nau ton i nây geh nau khlay’.

¹⁷Ớ mpôl bunuyh mblũ, khân may tâm ban ma mpôl bunuyh cheh măt! Moh ndơ i geh nau khlay rlau? Mayh i geh ta nhiih jan brah, mâu lah nhiih jan brah i ăn mayh i nây jêng kloh ueh jêng ndơ Kôranh Brah nôm?

¹⁸Khân may lah đống: ‘Bu moh ton đah nsưng gũch pur ndơ jan brah, nau ton i nây mâu ôh geh nau khlay, yon ma bu moh ton đah ndơ jan brah ta kalo’ ntũk jan brah, ri mớ nau ton i nây dâng geh nau khlay’.

¹⁹Ớ mpôl bunuyh cheh măt, moh ndơ i geh nau khlay rlau? Nđơ jan brah, mâu lah nsưng gũch pur ndơ jan brah i ăn ndơ jan brah jêng kloh ueh jêng ndơ Kôranh Brah nôm?

²⁰Lah ndri bu moh ton ma nsưng gũch pur ndơ jan brah, pãng ton ma nsưng gũch pur ndơ jan brah, ndrel ma dâng lể ndơ jan brah i geh ta kalo’ nây.

²¹Jêh ri bu moh ton đah nhiih jan brah ma Kôranh Brah, pãng ton ma nhiih i nây, ndrel ma ton đah ma Kôranh Brah i gũ ta nhiih jan brah nây đống.

²²Bu moh ton đah ntũk Kôranh Brah ta kalo’ trôk, pãng i nây ton nđập ma rno’l Kôranh Brah nôm, nđập ma Kôranh Brah i gũ ta rno’l i nây.”

²³“Ớ phung nôm nti nau vay phung bân, ndrel ma khân may i phung Pharisii! Khân may jan iăt nau Kôranh Brah đơm. Kôranh Brah mra ăn nau rêh rnhăl ngăn ma khân may, yorlah khân may nơh sớ ndơ geh jăt ở rhuăt nguai nhhơ ma Kôranh Brah, kot lah ndơ mâu khlay, klôyh, gir, ndrel ma ndơ bô abă êng đống. Nau i nhhơ jêng di, tih ma khân may mắbả lơi ndơ i geh nau khlay rlau ma ndơ i nây ta nau vay bân, ndơ i geh nau khlay rlau nây: Nau sồng, nau yố nđach, ndrel ma nau nsing ma Kôranh Brah. Lah ndri ăn khân may nsrôyh jan nau sồng, nau yố nđach, ndrel ma nau nsing, jêh ri nhhơ kot i nây ma Kôranh Brah đống.”

²⁴“Khân may bunuyh leo bu, yơn ma khân may nờm tâm ban ma bunuyh cheh mắt. Khân may nkhẽ lơi rhuay bớh dak ta kchok khân may, gay ma lơi rnguăn, tih ma khân may tâm ban ma rnguăn du mlôm seh samô!”

²⁵“Ở phung nờm nti nau vay phung bân, ndrel ma khân may i phung Pharisii! Khân may jan iăt nau Kôranh Brah đơm. Kôranh Brah mra ăn nau rêh rnhăl ngăn ma khân may, yorlah khân may jêng tâm ban ma bunuyh i rao ngan, rao yăng ta bớh dih đơm, yơn ma ta trôm hôm e uk rmao. Khân may rao ti tâng ma nau vay khân may, tih ma ta nuih n'hâm khân may ri hôm dứt ếch ma nau rvan kớnh geh ma đrăp ndr, ndrel ma nau sa nsiăn hô ngăn.

²⁶Ở phung Pharisii cheh mắt, ăn rao keo rao ngan ta trôm lor bốt, jêh ri rao bớh dih đờng, ri mớ dâng lể kloh dadê.”

²⁷“Ở phung nờm nti nau vay phung bân, ndrel ma khân may i phung Pharisii! Khân may jan iăt nau Kôranh Brah đơm. Kôranh Brah mra ăn nau rêh rnhăl ngăn ma khân may, yorlah khân may tâm ban ma môch bu hâng ma dak si nglang, uănh bớh dih tâm ban ma ueh ngăn, tih ma ta trôm ri nting bunuyh khât, ndrel ma ndr bở ăp ntil ngăn.

²⁸Khân may tâm ban ma kớt nây ngăn, bu uănh bớh dih jan tâm ban ma bunuyh sớng, tih ma ta trôm ri nuih n'hâm ndốp mpôn, ndrel ma mâu jan tâng nau Kôranh Brah ếch.”

²⁹“Ở phung nờm nti nau vay phung bân, ndrel ma khân may i phung Pharisii! Khân may jan iăt nau Kôranh Brah đơm. Kôranh Brah mra ăn nau rêh rnhăl ngăn ma khân may, yorlah khân may jan ueh jay môch ma mpôl bunuyh ntớyh nau ngới Kôranh Brah kăl e nớh, ndrel ma nkrố ueh môch ma phung bunuyh sớng,

³⁰jêh ri khân may lah: ‘Lah hên gủ rêh rnôk phung u che i nây nớh, hên mâu ôh tâm di nau đah khân păng nkhât mpôl bunuyh ntớyh nau ngới Kôranh Brah’.

31Ndri nau khân may ngơi kơt nây, yơn ma khân may hôm kuăl bunuyh i nây u che khân may, kơt ndri khân may lể nhơ nuih n'hâm khân may tâm di ma phung nkhât mpôl bunuyh ntơyh nau ngơi Kôranh Brah i nây.

32Lah ndri ăn khân may hôm jan kơt phung u che khân may nây tăt lôch hơm!”

33“Yê! Mpôl bunuyh djơh bunuyh janh tâm ban ma bêh ku! Mơn jan khân may hôm dơi klaih bơh Kôranh Brah tể dôiht ntựp ta ndrung ửnh?”

34Kơt ndri dăng Gập njũn tay mpôl bunuyh ntơyh nau ngơi Kôranh Brah, mpôl bunuyh gĩt blaol, ndrel ma phung nơm nti ăn ma khân may, tih ma abă khân may nkhât lơi khân păng ta si tâm rkăng, abă jăt khân may rpăt khân păng ma mống rse ta nih rbũn khân may, ndrel ma khân may tâng joi khân păng rỏ bon dja bon ri đống.

35Lah ndri dăng lể mham mpôl bunuyh sớng i nây krêp ta khân may dadê, jêng ntơm bơh kon Adămrnha păng Kain nkhât i oh păng rnha Abel, n'ho ma tăt bu nkhât Sakari i kon Barki i u che khân may nkhât păng ta vah vang nih jan brah, ta nsưng gũch pur ndr jan brah ri. Bol lah dăng lể bunuyh i nây lể bu nkhât bơh kăl e nơh, dôiht i nây hôm e tể ma khân may đống.

36Gập lah n'hêl naně ngăn ma khân may, dăng lể dôiht dak i nây nsũn ma bunuyh ta rnôk dja ro.”

Bunuyh ta bon Yêrusalem mầu rom Brah Yêsu

(Luk 13:34-35)

37“Hơi bunuyh ta bon Yêrusalem, bunuyh ta Yêrusalem, khân ay may lể nkhât jêh bunuyh ntơyh nau ngơi Kôranh Brah kăl e nơh, sỏ lữ ntựp nkhât lơi i bunuyh Kôranh Brah đă hăn nti khân ay may. Yơn ma lể babơ ngăn Gập ửch rgum khân ay may, tâm ban ma me iărr rtũk kon ăn gũ gum ta nâm nar păng. Tih ma khân ay may mầu ôh ửch.

38Lống uănh, bon khân ay may tay Kôranh Brah ntlơi ngăn, jêng rngol.

39Gập mbơh ma khân ay may, Gập hăn a khân ay may hôm du tở dơm, jêh ri tay khân ay may mầu hôm ôh say Gập jăt, n'ho ma tăt khân ay may lah: ‘Dăn

Kôranh Brah ăn nau geh jêng ma du huê bunuyh dja i Kôranh Brah de đã văch ' .”

Mathay 24

Brah Yêsu mboh lơh rlôm nhiih jan brah ma Kôranh Brah

(Mar 13:1-2; Luk 21:5-6)

¹Nôk Brah Yêsu lơh bôh jông gung nhiih jan brah ma Kôranh Brah hăn a ri, mpôl oh mon nchông dâng lể ndơ geh ta nhiih jan brah nây ăn Păng say.

²Brah Yêsu lah ma khân păng: “Gâp lah n'hêl naně ngăn ma khân ay may: Nar jât nấp tay, lể ndơ i khân ay may say nây bu mra lơh rlôm lể phiao ro, mâu hôm ôh geh du mlôm lủ blon tâm rdăp jât.”

Ndơ geh ta nar n'glě dăt

(Mar 13:3-13; Luk 21:7-19)

³Nôk Brah Yêsu gủ ta yôk tơm Ôlive, mpôl oh mon hăn êng a Păng, ôp Păng: “Hơi Nơm Nti, lống May mboh ăn ma hên gít đống, dah hôm jô nar tât nau i nây mêh? Lah ndri moh ndơ mbên ăn ma hên gít lah nar May plở văch, ndrel ma ta nar n'glě dăt neh ntu tay?”

⁴Brah Yêsu lah ma khân păng: “Ăn khân ay may njrăng ngăn hỏ. Lơi dâng ôh ăn bu mbrôh ndơm khân ay may nhhơt lă lêng.

⁵Yor ma nar jât nấp tay geh ôk bu ntup rnhâ Gâp: ‘Gâp dja Brah Krist i nơm rklaih tă bôh Kôranh Brah de njuăl heh!’, khân păng leo nhhơt bunuyh ôk ngăn.

⁶Khân ay may mra tăng nau mhe ma nau tâm lơh tâm sreh, ndrel ma tăng bu nkoch nchroh ma nau tâm lơh tâm sreh. Lơi ôh klach, yorlah lể nau i nây păng geh ngăn ro, yơn ma nar n'glě dăt neh ntu ê hỏ ôh tât.

⁷Du mpôl tâm lơh đah du mpôl êng jât, du bri dak tâm lơh đah du bri dak jât. Geh nau ji sôt ji ngot kuông, ndrel ma geh nau n'găr neh ta ntúk êng êng.

⁸Yơn ma nau jêr i nây jêng ntôm nau jêr dơm, tâm ban ma nau bu ur ntôm tât ji ndủl gủ oh.

⁹Nôk nây bu njũn khân ay may ăn bu nkrit jan jêr, ndrel ma bu nkhât lơi khân ay may. Dâng lě bunuyh ta bri dak ta neh ntu dja bu rngõ biãnh ngăn ma khân ay may ach ma tâng Gâp.

¹⁰Ta nôk nây geh ők bunuyh m̄băr nau nsing ma Gâp, jêh ri tâm m̄brôh ndrăng nơm gay ma njũn ăn bu jan jêr, ndrel ma tâm rngõ biãnh ndrăng nơm.

¹¹Mra geh ők bunuyh ntõyh nklă nau ngõi Kôranh Brah leo ők bunuyh hiõt.

¹²Jêh ri yor ma nau jan tih ma nau Kôranh Brah öch lơ ma ők, nau rông bunuyh ők lơ ma roh.

¹³Yõn ma bu moh i dõr nsrõyh n'ho ma tât lôch, Kôranh Brah mra rklaih păng i nây.

¹⁴Nau mhe mhan ueh ma nau Kôranh Brah mât uãnh dja bu m̄bõh nkoch lam neh ntu, gay ma dâng lě bunuyh dâng lě bri dak tâng nau khlay i nây, ri m̄ nar n'glě dũt neh ntu tât.”

Ta nôk geh nau jêr

(Mar 13:14-23; Luk 21:20-24)

¹⁵“Tât khân ay may say ndõr dũt bõr bõch bu tể ta ntũk kloh ueh i bunuyh ntõyh nau ngõi Kôranh Brah rnha Daniel de lě m̄bõh nkoch kăl e nõh - bu moh i rõ nau i nây ăn păng gĩt vât nau i nây -

¹⁶jêh say ndõr i nây bunuyh i gũ ta bri Yuđa ri ăn du nchuăt nde ta yôk.

¹⁷Bu moh i gũ kalõ chor jay lõng, lơi hõm õh jũr lăp ta trõm sõ drăp ndõr.

¹⁸Bu moh i gũ ta mir, lơi hõm đõng plõr ta jay sõ ao kuõng.

¹⁹Nôk nây bu ur ntreo, bu ur mpu toh kon geh nau rêh rnhăl hõ ngăn.

²⁰Ăn khân ay may m̄bõh sõm dăn ma Kôranh Brah hõm, gay ma lơi õh geh nau nchuăt du i nây ta nôk khay ji kăt, m̄au lah ta nar Sabăt i nar rlu bân,

²¹yorlah ta nôk nây geh nau jêr jõt hõ ngăn. Ntõm bõh rnõk ntõm geh neh ntu dja tât abao dja, n'ho ma nar n'glě dũt neh ntu tay, m̄au prot geh nau dũt jêr kõt nây đõng.

²²Lah Kôranh Brah mâu n'hũch lời dâng lẽ nar nây, ndri mâu hôm ôh geh du huê bunuyh rêh, khât lẽ phiao. Yơn ma Kôranh Brah n'hũch lời nar i nây, yor ma nau yỗ mpôl i lẽ Păng kơih.

²³Ta nôk nây lah geh bu mboh ma khân ay may: ‘Lõng khân ay may uảnh Brah Krist i nơm rklaih tả bớh Kôranh Brah de njuäl gũ ta dja!’, mâu lah ‘Gũ ta to!’, lời ôh iätt bu,

²⁴yor ma geh bunuyh ntup lah sãk pãng Brah Krist, ndrel ma geh bunuyh ntup lah sãk pãng bunuyh ntøyh nau ngơi Kôranh Brah. Khân pãng i nây jan nau mbên i khlay kuống êng êng đống, gay ma leo bunuyh ăn nhợt lã lêng, nkhêp lah dơi leo nhợt phung i Kôranh Brah lẽ kơih đống, yơn ma mâu ôh dơi.

²⁵Ăn nưãng hõ! Ndri dâng Gập mboh nkoch ăn khân ay may gĩt lor.

²⁶Lah geh bu lah ma khân ay may: ‘Brah Krist gũ ta bri rdah!’, khân ay may lời ôh hãn uảnh. Mâu lah, lah bu lah ma khân ay may: ‘Brah Krist gũ krap ta trôm jrô!’, khân ay may lời đống iätt nau bu.

²⁷Yorlah nar Gập i Kon Bunuyh tả bớh Kôranh Brah plở vấch, tâm ban ma lợp ngayh ang bớh jống trôk du ding tât ma jống trôk du ding. Kơt nây đống lam neh ntu mra gĩt say nar Gập plở vấch.

²⁸Ah ntũk geh ndơ khât, grốt mra rgum bắl mpăr ndách ta ntũk i nây đống, kơt ndri ndơ i nây ăn mpơl ma bunuyh say bớh ngai .”

Nau Brah Krist plở vấch

(Mar 13:24-27; Luk 21:25-28)

²⁹“Lôch jêh nar jêr jốt i nây ro ‘Ta nôk nây nar jêng ngo, Khay mâu hôm ôh ang, Mãnh mbing đuh bớh trôk, Lẽ ndơ i têh kuống kalơ trôk n'gơ dadê’ .

³⁰Nôk nây ta trôk mpơl ndơ gĩt mbên Gập i Kon Bunuyh tả bớh Kôranh Brah de njuäl. Jêh ri dâng lẽ mpôl bunuyh ta neh ntu dja nhũm ndơ. Khân pãng mra say Gập i Kon Bunuyh tả bớh Kôranh Brah de njuäl hãn rỏ ndờr tũk ta kalơ trôk, ndập ma nau dơi, ndrel ma nau chrêk lợp dũt hô.

31Jêh ri Gâp njuäl phung tông pãr Gâp hăn ăp puăn njôn h bri lam neh ntu, ndrel ma ôh nũng düt nteh, gay ma rgum lě mpôl i Kôranh Brah nôm lě kơih nơh bớh jǒng trôk du ding tât ma jǒng trôk du ding.”

Brah Yêsu ngơi ntât ma tơm Rvi

(Mar 13:28-31; Luk 21:29-33)

32“Ăn khân ay may gít nklǒn dô nau ntât ma tơm Rvi dja: Lah n'ging păng geh chăt n'ha nse ndâr, khân ay may gít lah khay ta mih bới tât hơyh.

33Ndri lah khân ay may say dăng lě nau i nây lě tât, gít ro Gâp i Kon Bunuyh tă bớh Kôranh Brah bới tât đǒng.

34Gâp lah n'hêl naně ngăn ma khân ay may, lě nau dja păng tât dôi bunuyh ta rnôk abao' dja hơm rêh.

35Trôk neh ntu mra roh lêk ro, yơn ma nau Gâp ngơi mầu ôh blao roh lêk, hơm geh dăng lě ngăn.”

Ndrăp săk jăn kǒp Brah Krist

(Mar 13:32-37; Luk 17:26-30, 34-36)

36“Mong nar i nây mầu ôh geh du huê bunuyh dơi gít, bol lah tông pãr ta kalơ trôk i ntũk Kôranh Brah, mầu lah Gâp i Kon Kôranh Brah mầu dơi gít đǒng, geh du huê Bớ Gâp dơm dơi gít.

37Ta nôk Gâp i Kon Bunuyh tă bớh Kôranh Brah plở văch nây, jêng tâm ban ma rnôk Nôê kăl e nơh đǒng,

38ê lor ma geh dak lêng dak đơng kuǒng. Rnôk nây bunuyh gũ nhêt sông sa, ndăp ur sai, lơh mir jan ba, n'ho ma tât nar Nôê lăp ta trôm duk kuǒng ri.

39Khân păng mầu gít ôh nar dak lêng dak đơng lě tât jêh, n'ho ma bũk khân păng lě phiao. Ta nar Gâp i Kon Bunuyh tă bớh Kôranh Brah plở văch tay tâm ban kơt i nây đǒng.

40Nôk nây lah geh bar hê bunuyh gũ ta mir, du huê Kôranh Brah sỏ ma ăn gũ ta bon ueh ta kalơ, hơm rong du huê ma tể dôi h.

41Lah geh bar hê bu ur gũ peh tâm răp, Kôranh Brah sỏ du huê ăn gũ ta bon ueh ta kalơ, hơm rong du huê ma tể dôi h.

⁴²Lah ndri khân ay may gũ njrăng năng, yorlah mâu gĩt ôh moh mong Kôranh khân ay may văch.

⁴³Ăn khân ay may gĩt nau dja: Lah bunuyh tởm jay gĩt mong bu hăn ntũng ta măng, păng rneh mâu ôh bok gor ăn bunuyh ntũng i nây lăp ta jay păng.

⁴⁴Lah ndri ăn khân ay may gũ njrăng tâm ban đống, yorlah Gập i Kon Bunuyh tă bởh Kôranh Brah plở văch ta mong khân ay may mâu geh mân.”

Bunuyh jan kar sỏng, bunuyh jan kar mâu sỏng

(Luk 12:41-48)

⁴⁵“Bu moh i tâm ban ma du huê dăk i geh nuih n'hâm sỏng, ndrel ma lẻ blao ngăn? Kôranh jao păng măt uănh dăng lẻ dăk a êng ta jay, ndrel ma ăn păng pả ndở sỏng sa tâm di mong ăn ma khân păng đống. Jêh ri kôranh păng hăn ta ntũk ngai jỏ nar.

⁴⁶Nôk kôranh păng săt tăt ta jay ri, hôm say păng jan kar kỏt nây, dăk i nây geh nau ueh ngăn ro.

⁴⁷Gập lah n'hêl nanẻ ngăn ma khân ay may, kôranh i nây mra ăn dăk i nây măt uănh dăng lẻ ndở păng geh.

⁴⁸Yỏn ma lah dăk i nây djỏh, păng geh lah êng ta nuih n'hâm păng nỏm ri: ‘Kôranh gập jỏ ngăn săt, mâu ôh gỏnh săt’.

⁴⁹Jêh ri păng ntỏm rpăt mbang dăk a êng, ndrel ma sỏng sa nhêt ndrănh ndrel bunuyh hay nhêt.

⁵⁰Jêh ri kôranh dăk i nây plở săt tăt ta ri, ta nar dăk i nây mâu ôh geh njrăng, ta mong păng mâu đống geh gĩt lor.

⁵¹Kôranh nkrit păng ro, ndrel ma ăn păng gũ ta ntũk phung jan iăt nau Kôranh Brah đờm đống. Ta ntũk nây geh nhhiăng nhũm, ndrel ma rchiăt sêk.”

Mathay 25

Nau ngỏi ntăt ma phung bu ur drỏh jăt nuyh

¹“Nôk nây nau Kôranh Brah măt uănh tâm ban ma bu ur drỏh jăt nuyh hăn vớ sai mhe a măng. Khân păng ndjỏt ũnh sagêng ăp bunuyh.

- ²Geh prăm nuyh ta mpôl khân păng nây mâu geh ôh nau mân, yơn ma geh prăm nuyh geh nau mân.
- ³Mpôl i mâu geh nau mân nây, ndjôt đơm dak pring ta sagêng, tih ma mâu geh ôh ndjôt rănă.
- ⁴Yơn ma mpôl i geh nau mân, khân păng ndjôt dak pring ta sagêng, ndrel ma geh ndjôt rănă ta đơp đơng.
- ⁵Yor ma kōp sai mhe i nây jō ngăn tât, khân păng ji bêch n'ho ma hăk lêr khêr.
- ⁶Tât n'gul mănđ ri, tănđ bu nter: ‘Sai mhe lể tât jêh! Ran vơt păng hōm!’
- ⁷Dânđ lể bu ur drōh i nây dâk, ndrăp sagêng bu ma he ro.
- ⁸Mpôl i mâu geh nau mân lah ma mpôl i geh nau mân: ‘Dăn pă ăn hên bả dak pring ơ, yorlah ũnh sagêng hên bơi ma nhhăt’.
- ⁹Mpôl i geh nau mân ơh: ‘Mâu ôh, lah hên pă ăn khân ay, mả ma hên nơm, mả ma khân ay. Ăn khân ay hăn ta ntũk bu tăch pring ri rvăt dō!’
- ¹⁰Yơn ma ndũt khân păng hăn rvăt pring, sai mhe tât ro. Lōng mpôl bu ur i lể gũ ndrăp săk leo bảl lăp rngăt ta trôm jay ntâl mpông, jêh ri sōng sa.
- ¹¹Jō du blăt tât mpôl bu ur i mâu geh nau mân ri nter: ‘O kōranh, ơ kōranh! Pở mpông ăn hên ơ!’
- ¹²Yơn ma kōranh mâu ôh ăn lăp, păng ơh: ‘Gập lah n'hêl naně ngăn ma khân ay, gập mâu ôh gĩt năl khân ay’.
- ¹³Lah ndri ăn gũ njrănđ hōm, yorlah khân ay may mâu gĩt ôh Gập i Kon Bunuyh tă bơh Kōranh Brah plở văch moh mong, nar mâu gĩt đơng.”

Nau ngơi ntât ma ăn prăk

(Luk 19:11-27)

- ¹⁴“Nau Kōranh Brah măt uănđ tâm ban ma du huê bu klô, ê lor ma păng hăn bon ngai, păng kuăl phung dâk păng, jêh ri jao đrăp ndrơ ma khân păng ăn măt uănđ.

- ¹⁵Du huê păng ăn 5000, du huê păng ăn 2000, du huê jât păng ăn 1000. Păng ăn du huê du huê tâng i nau khân păng blaô. Jêh ri i păng nôm nây du lôh bôh ntúk nây.
- ¹⁶Nôm i dơn 5000 ri, păng sô prăk i nây hăn tách rgâl ro, păng hao geh 5000 jât.
- ¹⁷Nôm i dơn 2000 tâm ban kốt nây đổng, păng sô prăk hăn tách rgâl hao geh 2000 jât.
- ¹⁸Lông nôm i dơn 1000 ri, păng kuyh ntu tốp lơi prăk i kôranh păng ăn ri.
- ¹⁹Tât jô nar bôh kơi sât i kôranh khân păng i nây bôh ri, păng ôp prăk tâng rnoh ôk păng ăn ma khân păng ri nơh.
- ²⁰Nôm i dơn prăk 5000 ri nơh hăn ta bôh nấp păng ri, ndjôt prăk i hao 5000 ri nơh jât, lah ma kôranh păng: ‘Ô kôranh, may ăn prăk ma gâp nơh 5000, abao dja hao geh 5000 jât’.
- ²¹Kôranh lah ma păng: ‘Ueh ngăn! Ô dâk ueh geh nuih n'hâm răp jăp, ndơ jễ gâp ăn, may jan lể răp jăp. Gâp mra ăn may mât uănh ndơ kuống jât. Lăp hõm gũ maak ndrel gâp nôm’.
- ²²Nôm i dơn prăk 2000 ri nơh, ndjôt prăk i hao 2000 jât, hăn ndở a kôranh păng, lah kốt ndri đổng: ‘Ô kôranh! May ăn prăk ma gâp nơh 2000, abao dja hao geh 2000 jât’.
- ²³Kôranh păng ơh: ‘Ueh ngăn! Ô bunuyh jan kar ueh geh nuih n'hâm sổng, ndơ jễ gâp ăn, may jan lể sổng. Gâp mra ăn may mât uănh ndơ kuống jât. Lăp hõm gũ maak ndrel gâp nôm’.
- ²⁴Jêh ri nôm i dơn prăk 1000 ri nơh hăn a kôranh păng đổng, lah ma păng: ‘Ô kôranh! Gâp gít may jêng bunuyh janh ngăn. Yorlah may kăch ta ntúk may mâu prot tuch, jêh ri rek ta ntúk mâu prot tằm.
- ²⁵Kốt ndri gâp sô prăk i may ăn ma gâp nơh tốp lơi, yorlah gâp klach hô ir ngăn. Dja prăk may nôm sô hõm’.

²⁶Yơn ma kôranh păng ơh: ‘Ở bunuyh jan kar djơh mħĩk, ndrel ma rleh Ƅlao! May ģĩt ģáp kăch ta ntũk ģáp mâu prot tuch, jêh ri rek ta ntũk mâu prot tãm.

²⁷Lah ndri di lah ăn may sỗ Ƅrăk i nây ăn ta jay bu tăch rgâl, tăt ģáp Ƅlờ săt, ģáp ģeh Ƅrăk ơm, ģeh ndâp ma lờh kon păng đống!

²⁸Lah ndri khân may sỗ hỏm Ƅrăk bớh păng dja ăn ma bunuyh i ģeh 10000.

²⁹Kơt ndri bu moh i lể ģeh, bu kơi ntop ăn tay, ăn ģeh ỏk rmeh jăt. Yơn ma bu moh i mâu ģeh ôh, bu rhuăt lời ndâp ma moh ndơ i păng lể ģeh đống.

³⁰Lỏng bunuyh i jan kar mâu ģeh nau khlay dja, nhũp mƄăr lời păng ta ntũk ngo bớh dih, ta ntũk nây nhhiăng nhũm, ndrel ma rchiăt sêk!”

Nau phat dờih ta nar n'glẻ dũt

³¹“Nỏk ģáp i Kon Bunuyh tă bớh Kôranh Brah Ƅlờ văch ndâp ma nau chrêk lờp ģáp, ndrel ma dâng lể phung tởng Ƅăr, nỏk nây ģáp ģũ ta rơl kađăch chrêk lờp ģáp nờm.

³²Nỏk nây dâng lể bunuyh dâng lể ndũl mpờl văch gum ta ģáp dadê. ģáp tâm nkhhah lời khân păng, tâm ban ma bunuyh chiăp tâm nkhhah be biăp đah be.

³³Bunuyh i tâm ban ma be biăp ģáp ăn ģũ bớh ma, bunuyh i tâm ban ma be ģáp ăn ģũ bớh chiaio.

³⁴Nỏk nây ģáp i kađăch lah ma phung ģũ bớh ma ģáp ntũk bu lử: ‘Ở phung lể Bờ ģáp ăn nau ģeh jêng jêh! Văch hỏm, lăp ģũ ta nau Kôranh Brah măt uănh i lể Păng ndrăp ăn ma khân ay may nờm bớh njêng neh ntu nờh.

³⁵Yorlah nỏk ģáp ji ngot khân ay may lể ăn ndơ sông sa ma ģáp, nỏk ģáp ji hir khân ay may ăn dak ģáp nhêt, nỏk ģáp jêng bu năch i khân ay may mâu ģĩt năl, khân ay may hỏm rom ăn ģũ,

³⁶nỏk ģáp ģũ săk kuh khân ay may ăn bok ao nsoh, nỏk ģáp ģeh nau ji khân ay may hăn chop, nỏk ģáp ģeh ndrung khân ay may hăn khỏl kơl ģáp đống’.

³⁷Jêh ri phung sỏng lah ma ģáp: ‘Ở Kôranh! Hên mâu prot ôh say May ji ngot, jêh ri ăn May sông, mâu lah ji hir dak ăn dak May nhêt.

³⁸Hên mâu prot ôh say May jêng bu năch i hên mâu gít năl, jêh ri rom May lăp jay, mâu lah say May gũ săk kuh hên ăn bok ao ma May.

³⁹Hên mâu prot đống say May geh nau ji, mâu lah geh ndrung, jêh ri hăn chop khöi kơl May’.

⁴⁰Jêh ri Gâp i kađăch lah ma khân păng: ‘Gâp lah n'hêl naně ngăn ma khân ay may, ăp tở khân ay may lě geh jan nau i nây ma du huê bunuyh i dũt jẻ ta nâm bu ta phung oh nô Gâp, tâm ban ma khân ay may lě geh jan ăn ma Gâp đống’.

⁴¹Jêh ri Gâp lah ma phung i gũ bớh chiaio Gâp: ‘O phung lě Kôranh Brah rak rtăp! Rũch du ngai hỏm bớh Gâp hăn ta ndrung ũnh hit mro mrăng, jêng ntũk ndrăp ma tẻ dôi h Satăng i kôranh mpôl brah djơh, ndrel ma phung i tâng păng !

⁴²Yorlah nôk Gâp ji ngot khân ay may mâu ăn Gâp sông, nôk Gâp ji hir khân ay may mâu ăn dak Gâp nhêt,

⁴³nôk Gâp jêng bu năch i khân ay may mâu gít năl, khân ay may mâu rom gũ, nôk Gâp gũ săk kuh khân ay may mâu ăn bok ao ma Gâp, Gâp geh nau ji, ndrel ma geh ndrung khân ay may mâu hăn khöi kơl Gâp đống’.

⁴⁴Jêh ri phung i nây ơh ma Gâp: ‘O Kôranh! Hên mâu prot ôh say May ji ngot, ji hir dak, jêng bu năch i hên mâu gít năl, gũ săk kuh, geh nau ji, mâu lah geh ndrung, jêh ri mâu geh kơl May!’

⁴⁵Jêh ri Gâp lah tay ma khân păng: ‘Gâp lah n'hêl naně ngăn ma khân ay may, ăp tở khân ay may mâu geh ôh jan nau i nây ma du huê bunuyh i dũt jẻ ta nâm bu ta phung oh nô Gâp, lah ndri jêng tâm ban ma khân ay may mâu geh đống jan ma Gâp’.

⁴⁶Lõng dăng lě phung i nây hăn ta ntũk tẻ dôi h n'ho ro, yơn ma phung sông geh nau rêh n'ho ro.”

Mathay 26

Bu tâm nchră bắl gay ma nhữp nhât Brah Yêsu

(Mar 14:1-2; Luk 22:1-2; Yôh 11:45-53)

- ¹Jêh Brah Yêsu lah kơt nây, jêh ri Păng lah ma mpôl oh mon Păng:
- ²“Khân may lể gít jêh hôm bar nar jât di nar nhêt bũn n'hot, jêh ri bu nhũp njũn Gáp i Kon Bunuyh tă bớh Kôranh Brah ăn bu nkhât ta si tâm rkăng.”
- ³Nôk nây mpôl kôranh jan brah, ndrel ma phung kôranh bon lan gũ r̄bũn ta jay kôranh jan brah dũt kuống, r̄nha păng Kaiphas,
- ⁴jêh ri tâm nchră bắ joi nau, mớ m dāng geh nhũp ntũng Brah Yêsu nkhât lơi.
- ⁵Yơn ma khân păng tâm nchră bắ lah: “Lơi ôh bân nhũp ta nôk jan bũn, klach lah geh nau uh ah tah tở ma phung bon lan.”

Du huê bu ur tở dak ngi bô kah ta bôk Brah Yêsu

(Mar 14:3-9; Yôh 12:1-8)

- ⁶Nôk Brah Yêsu gũ ta bon Bêthani, Păng gũ ta jay Simôn bunuyh tă phũng sa.
- ⁷Nôk Păng sông sa ndrel, geh du huê bu ur brổ tăt lắp ta jay nây ndjôt du mlôm đop lũ. Ta trôm đop nây geh ngi bô kah i khlay ngăn. Jêh ri păng tở dak ngi bô kah ta bôk Brah Yêsu.
- ⁸Yơn ma mpôl oh mon say kơt nây ji nuih, khân păng lah: “Moh jan mpũng mpăng kơt nây!
- ⁹Lah sỏ dak ngi i nây tắch geh prắk ỏk ngăn, jêh ri pắ ăn bunuyh o ach!”
- ¹⁰Yơn ma Brah Yêsu gít nau khân păng ngơi, Păng lah ma khân păng: “Mớ m dāng khân may jan ăn bu ur i nây geh nau rngot kơt nây? Păng lể jan nau ueh ăn ma Gáp.
- ¹¹Bunuyh o ach hôm gũ ndrel khân may mro, yơn ma Gáp dja mầu ôh gũ ndrel khân may mro.
- ¹²Yôh dja tở dak ngi bô kah ta sắk Gáp, păng ndrắp tởp Gáp ta môch.
- ¹³Gáp lah n'hêl nanẽ ngăn ma khân may, ắp ntũk bu hăn mớh nkoch nau mhe mhan ueh dja lam n'gor bri ta neh ntu dja, bu nkoch ma nau i păng jan nớh đống, gay ma nkah tở bu bah chuêl păng.”

Yuđas-Isakariyôt rlắng Brah Yêsu

(Mar 14:10-11; Luk 22:3-6)

¹⁴Nôk nây geh du huê oh mon ta mpôl kôranh oh mon 12 nuyh ri, rnha păng Yuđas-Isakariyôt, păng hăn mập mpôl kôranh jan brah, ôp khân păng:

¹⁵“Moh ndrê khân may ăn ma gập, lah gập njũn bunuyh i nây ma khân may?”
Khân păng ăn prăk ma păng 30 kăk prăk .

¹⁶Ntôm bớh nôk nây Yuđas-Isakariyôt joi mong i ueh, gay ma leo bu hăn nhũp Brah Yêsu.

Brah Yêsu ndrăp nhêt bũn n'hot ndrel mpôl oh mon Păng

(Mar 14:12-21; Luk 22:7-14, 21-23; Yôh 13:21-30)

¹⁷Ta nar lăp nhêt bũn nũmpăng mậu geh ndrui, mpôl oh mon hăn a Brah Yêsu ôp Păng: “Hơi Kôranh, ah ntũk May ũch ăn hên ndrăp ma May nhêt sông bũn n'hot dja mêh?”

¹⁸Brah Yêsu lah ma khân păng: “Khân may hăn ta ðon kuông Yêrusalem ri, hăn ta du huê bu klô i nây, lah ma păng: ‘Nôm nti lah, nar nau jêr jôt Gập bới tât jêh, Gập ũch ndrăp nhêt bũn n'hot ndrel mpôl oh mon Gập ta jay may’.”

¹⁹Jêh ri mpôl oh mon jan tâng nau Brah Yêsu ðă ma khân păng, n'ho ma khân păng ndrăp ndrê sông sa ma nau nhêt bũn n'hot ta ntũk nây.

²⁰Tât kêng măng Brah Yêsu gũ ta nsưng ndrel 12 nuyh mpôl kôranh oh mon Păng.

²¹Nôk gũ sông sa Păng lah kớt nđă: “Gập lah n'hêl naně ngăn ma khân may, ta mpôl khân may geh du huê leo bu hăn nhũp Gập.”

²²Dâng lể mpôl kôranh oh mon rvê hô ngăn, khân păng ôp Brah Yêsu: “Ô Kôranh! Gĩt gập hơ?”

²³Brah Yêsu lah ma khân păng: “Bu moh păng i lũp nũmpăng ta ngan ndrel Gập, păng i nây leo bu hăn nhũp Gập.

²⁴Gập i Kon Bunuyh tă bớh Kôranh Brah bu mra nkhât, tâng ma nau lể nchih lah ma nau Gập. Tih ma păng i leo bu hăn nhũp Gập i Kon Bunuyh tă bớh Kôranh Brah nây, păng i nây geh nau rêh rnhăl ngăn ro, ueh rlau lơi dâng deh păng i nây nớh.”

²⁵Yudas-Isakariyôt i nôm leo bu hăn nhữp Păng ri lah: “Ô Nôm Nti! Gít gáp hơ?” Brah Yêsu lah ma păng: “Di kơt nau may lah nây ngăn!”

Ndrăp nau nhêt sa nka h kloh ueh

(Mar 14:22-26; Luk 22:15-20; 1Kô 11:23-25)

²⁶Khân păng hôm gũ sông sa, jêh ri Brah Yêsu sô du mlôm numpăng, lah ueh ma Kôranh Brah, jêh ri gích ăn mpôl oh mon sa, n'ho ma lah: “Khân may sô sa yở, dja i săk jăn Gáp .”

²⁷Jêh ri Păng sô kchok ndrănh play yŭng yar bon lah ueh ma Kôranh Brah, Păng ndở ăn ma khân păng, jêh ri lah: “Nhêt dăng lě ma bảl hơm,

²⁸yorlah ndrănh play yŭng yar bon ta kchok dja i mham Gáp, i hoch bớh săk jăn Gáp nôk Gáp khăt tay, gay ma yở bunuyh mâu hôm ôh kớp nau tih khân păng. Ma mham i dja Kôranh Brah jan nau tâm rnglăp mhe.

²⁹Gáp mớh ăn ma khân may gít, Gáp mâu hôm ôh nhêt ndrănh play yŭng yar bon dja jăt, n'ho ma tăt nar Gáp nhêt ndrănh play yŭng yar bon mhe tăt nau Bở Gáp măt uănh lě tăt ngăn mớ.”

³⁰Jêh mpro' rnê, Brah Yêsu ndrel mpôl oh mon Păng lôh bớh nây hăn jăt yôk tơm Ôlive.

Brah Yêsu lah Pêtrôs rlăch mâu gít năl Păng

(Mar 14:27-31; Luk 22:31-34; Yôh 13:36-38)

³¹Brah Yêsu lah ma mpôl oh mon Păng: “Dăng lě khân may ntlo'i Gáp ta mắng dja, yor ma ta Nau Kôranh Brah Ngơi lě geh nchih: ‘Kôranh Brah lah: ‘Gáp mbang nkhăt lơi nôm chiăp be biăp, Jêh ri phung be biăp du chah chrai lě” .

³²Yơn ma jêh Gáp dăk rêh tay, Gáp hăn tăt lor bớh năp khân may ta bri Galilê.”

³³Jêh tắng Brah Yêsu ngơi ndri Pêtrôs lah ma Păng: “Bol lah dăng lě khân păng ntlo'i May kađôi, du năjă nau rêh gáp, gáp mâu ôh ntlo'i May.”

³⁴Brah Yêsu lah ma păng: “Gáp lah n'hêl naně ngăn ma may: Ta mắng dja ro, ê lor ma iăr ndrau, may rlăch pe tở lah mâu gít năl Gáp.”

35Pêtrôh lah ma Brah Yêsu: “Mâu ôh! Bol lah bu nkhât Gâp ndrel may kađôi, Gâp mâu geh ôh rlăch lah mâu gít năl may.” Dâng lě mpôl oh mon abă lah kơt păng dadê đống.

Brah Yêsu gũ mboh sơm ta ntũk Gêtsêmanê

(Mar 14:32-42; Luk 22:39-46)

36Jêh ri Brah Yêsu, ndrel ma phung oh mon Păng hăn jât du ntũk rnhâ Gêtsêmanê. Păng lah: “Khân may gũ ta dja bốt yở. Gâp hăn mboh sơm a to bốt.”

37Brah Yêsu jă Pêtrôh, ndrel ma bar hê i kon Sêbêđê hăn ndrel Păng. Nôk này ta nuih n'hâm Brah Yêsu ntơm geh nau rngot, ndrel ma geh nau ôh nuih ôh n'hâm hô ngăn.

38Păng lah ma pe nuyh khân păng này: “Nuih n'hâm Gâp rngot hô ngăn ndă ma khât ro. Khân may hôm gũ ta dja bốt, gũ rgeh njrăng ndrel Gâp hỏ.”

39Jêh ri Brah Yêsu hăn jât năp đễ, păn truyh a neh mboh sơm dân: “Ô Bở! Lah dơi, dân May sỏ nau jêr jốt dja ăn du ngai bớh Gâp, yởn ma lời tâng nuih n'hâm Gâp ứch ôh, ăn tâng nau May nơm ứch hỏ.”

40Jêh ri Păng plở jât mpôl oh mon này, say khân păng hăk bêch, Păng lah ma Pêtrôh: “Mơm khân may gũ rgeh ndrel Gâp du mong mâu dơi đống!

41Khân may njrăng hôm n'ho ma mboh sơm, gay ma mâu jan tih nôk geh nau ndơm. Nuih n'hâm bunuyh lě ứch jan di ngăn, tih ma mâu ôh blao jan, yor ma hôm rdja.”

42Jêh ri Păng plở mboh sơm tay du tở jât: “Ô Bở! Lah nau jêr dja mâu ôh dơi bảh ngai bớh Gâp, lah ndri tâng nau May nơm ứch!”

43Tât Brah Yêsu plở tay ta mpôl oh mon ri, say khân păng hôm hăk bêch dadê, lin mắt mâu dơi.

44Păng hăn bớh ntũk này du tở jât, plở mboh sơm ăp pe tở, Păng mboh sơm kơt nau ơm.

⁴⁵Jêh ri Păng plờ tay ta phung oh mon ri, lah ma khân păng: “Khân may hôm bêch dah jô ma kah? Lõng abao’ dja mong lể tât jêh, bu njũn Gâp i Kon Bunuyh tă bớh Kôranh Brah ăn ma phung bunuyh tih.

⁴⁶Dâk hõm leo bảl hăn, nỡm i leo bu hăn nhũp Gâp, lể bới tât hơi!”

Bu nhũp Brah Yêsu

(Mar 14:43-50; Luk 22:47-53; Yôh 18:3-11)

⁴⁷Dôl Brah Yêsu hôm ngời nây tât Yuđas-Isakariyôt i du huê bunuyh ta 12 nuyh mpôl kôranh oh mon nây. Geh du phung kuông hăn ndrel păng nây, ndjôt mống ndjôt đao. Khân păng i nây tă bớh mpôl kôranh jan brah, ndrel ma phung kôranh bon lan de đả.

⁴⁸Yuđas-Isakariyôt i leo bu hăn nhũp Brah Yêsu nây lể jêh mớh du ntil nau ăn gít nảl ma bu lah: “Bu moh i gâp chũm, Păng i ri ro, ndri khân may nhũp Păng dô.”

⁴⁹Yuđas-Isakariyôt tât ta ri, păng hăn jât Brah Yêsu, ôp Brah Yêsu: “Ueh lãng Nỡm Nti!” Jêh ri chũm Brah Yêsu.

⁵⁰Brah Yêsu ôp păng: “O’ jãng! Moh ndớ may hăn ta dja ùch jan, may jan hõm!” Jêh ri bu nhũp krũp Brah Yêsu.

⁵¹Dô ma say geh du huê ta phung gũ ndrel Brah Yêsu, tăk đao sreh tăch tô du ding dâk kôranh jan brah dũt kuông.

⁵²Brah Yêsu lah ma păng i nây: “Ntrũp hõm đao may nây ta ndrôm, yorlah bu moh i đõng đao, păng khât ma đao đõng.

⁵³Gít may ndôn lah Gâp mâu ôh dơi đản ma Bớ Gâp, jêh ri Păng njuảl phung tông pả rlau ma 12 phung, du phung geh 6000 nuyh hăn kớl Gâp ro?

⁵⁴Yỡn ma lah jan kớt nây, mớm dãng geh ma di đảh Nau Kôranh Brah Ngời lể geh nchih ăn geh nau dja ngăn?”

⁵⁵Jêh ri Brah Yêsu lah ma phung i nây: “Moh bớ khân may ndjôt ndập ma mống ma đao kớt nây, kớp Gâp jêng bunuyh ntũng bớh? Ấp nar kảl dớ nỡh, Gâp gũ ntũm nti ta jõng gung nhih jan brah. Khân may gũ ta nây đõng, mâu ôh say nhũp Gâp.

⁵⁶Dâng lẽ nau dja geh ngă, gay ma jêng di kơt nau mpôl bunuyh ntơyھ nau ngơi Kôranh Brah kăl e nơh lẽ nchih ta Nau Kôranh Brah Ngơi.” Jêh ri mpôl oh mon nchuăt lẽ rngôt, ntơi Brah Yêsu.

Brah Yêsu bơh năp mpôl kôranh jan kar bri Yuđa

(Mar 14:53-65; Luk 22:54-55, 63-71; Yôh 18:13-14, 19-24)

⁵⁷Phung i nhữp Brah Yêsu njũn Păng hăn ta jay Kaiphas i kôranh jan brah dũt kuông, jêng ntũk mpôl nơm nti nau vay phung Israel, ndrel ma phung kôranh bri Yuđa gũ rgum đong.

⁵⁸Pêtrôs tâng Brah Yêsu brỗ ndöp bôk mpơl bôk, n'ho ma tât ta jông gung jay kôranh jan brah i nây. Păng lăp gũ ndrel mpôl bunuyh kơl jan kar ta ntũk nây, gay ma ũch gĩt moh ndr nau geh.

⁵⁹Mpôl kôranh jan brah, ndrel ma dâng lẽ phung kôranh jan kar phung Israel tâm nchră băl joi bunuyh ma tơm ntôn nklă Brah Yêsu gay ma tễ dôiھ nkhăt lơi Păng.

⁶⁰Joi mâu ôh dơi say, bol lah geh ők bunuyh ngơi nchơt ma Ôbăl kađôi đong. Jêh ri geh bar hê bunuyh lah:

⁶¹“Bunuyh dja lẽ lah kơt nđa: ‘Găp dơi rơih lơi nhih jan brah ma Kôranh Brah, jêh ri jan jêh tay pe nar dơm’.”

⁶²Jêh ri kôranh jan brah dũt kuông dăk lah Brah Yêsu: “Mơm May mâu ơh nau bu ntôn May nây mêh?”

⁶³Yơn ma Brah Yêsu gũ iăt săk rklăk. Jêh ri kôranh jan brah dũt kuông nây ôp tay: “Găp đă May mbơh ma hên ma nau ton ta bơh năp Kôranh Brah i rêh ngă: May jêng Brah Krist i nơm rklaih tă bơh Kôranh Brah de njuăl ngă, i Kon Kôranh Brah ngă bah?”

⁶⁴Brah Yêsu ơh: “Nau may lah i ri di ngă, yơn ma Găp mbơh nkoch ma khân may Dâng lẽ khân may mra say Găp i Kon Bunuyh tă bơh Kôranh Brah Gũ bơh ma ti Kôranh Brah nơm i dũt nau dơi, Jêh ri jũr bơh trôk ri hăn rỗ ndr tũk .”

⁶⁵Jêh tăng Păng ngời kơt nây, kôranh jan brah dứt kuông nây nkhêk chuik ao păng nơm, jêh ri lah: “Uănh lě Păng mưch rmot Kôranh Brah! Bân mâu hôm ôh khăch joi bunuyh tơm say tơm tăng a êng jât. Lě khân may tăng dadê jêh nau pre mưch rmot Kôranh Brah.

⁶⁶Lah ndri mơm khân may ếch tể dôi h ma Păng?” Khân păng ơh: “Iăt ma tể dôi h nkhât Păng ro!”

⁶⁷Jêh ri bu soh dak diu ta muh mắt Brah Yêsu, thũk Păng thăk Păng, bunuyh abă tap Păng,

⁶⁸ndâp ma lah Păng: “Ở Brah Krist, lah May Brah Krist ngăn May gít dăng lě ndr, lah ndri May mơh ma hên bu moh thũk May!”

Pêtrôs rlăch mâu nă Brah Yêsu

(Mar 14:66-72; Luk 22:56-62; Yôh 18:12-18, 25-27)

⁶⁹Nôk nây Pêtrôs gũ ta bơh dih jay ta jông gung. Geh du huê bu ur sơm kơl jan kar ta nây hăn dăch păng, jêh ri ôp: “Ngăn may bảl mpôl đah Yêsu to i tă bơh bri Galilê đống!”

⁷⁰Pêtrôs rlăch lah: “Gập mâu gít ôh moh nau ay re lah ri.”

⁷¹Nôk Pêtrôs hăn gũ a meng mpông, geh du huê bu ur a êng jât sơm kơl jan kar ta nây lah ma bu: “Păng dja đống gũ ndrel Yêsu bon Nasaret!”

⁷²Pêtrôs rlăch tay du tở jât ndâp ma ton: “Gập mâu ôh gít năl bunuyh i nây!”

⁷³Du blăt jât phung i gũ ta nây hăn a păng lah: “May dja bảl mpôl bunuyh i nây ngăn ro, yorlah nau may ngời tâm ban ma nau ngời bunuyh gũ ta bri Galilê!”

⁷⁴Pêtrôs lah: “Lah gập mbrôh gập rtăp săk gập nơm. Ăn Kôranh Brah tể dôi h ma gập dôi h. Gập mâu gít năl bunuyh i nây.” Dô ma iăr ndrau.

⁷⁵Jêh ri Pêtrôs ntơm kah gít nau Brah Yêsu lah: “Ê lor ma iăr ndrau, may rlăch pe tở lah mâu gít năl Gập.” Jêh ri păng lôh a dih nhũm rngot hô ngăn ro.

Mathay 27

Bu njũn Brah Yêsu a Pilat

(Mar 15:1; Luk 23:1-2; Yôh 18:28-32)

¹Tât a ôi mpôl kôranh jan brah, ndrel ma mpôl kôranh phung Israel, khân păng tâm di du ntôr nau ũch nkhât lơi Brah Yêsu.

²Khân păng kât Ôbăl leo njün a Pilat bunuyh bon Rôm, i kôranh kuông mât uảnh bri Yuđa.

Nau Yuđas-Isakariyôt nkhât săk păng nôm

(Kar 1:18-19)

³Nôk nây Yuđas-Isakariyôt i nôm leo bu hăn nhũp Brah Yêsu nơh say bu tể dôih Brah Yêsu, păng nduih tôr lăn ta nuh n'hâm. Păng sô prăk i 30 kăk ri nơh mplở ăn ma mpôl kôranh jan brah, ndrel ma phung kôranh phung Israel,

⁴jêh ri lah ma khân păng: “Gâp lě tih njün bunuyh mâu geh nau tih ăn khân may nkhât păng.” Khân păng ơh: “Gît eh may! I nây jêng nau may nôm!”

⁵Yuđas-Isakariyôt mbăr mbrach prăk i nây ta nhih jan brah, jêh ri du lôh bôh nây hăn nkhât yông ko săk păng nôm.

⁶Mpôl kôranh jan brah dônh prăk i nây, jêh ri lah: “Prăk dja bân mâu ôh di tể ta keh prăk Kôranh Brah, yorlah prăk khlay mham.”

⁷Jêh khân păng tâm nchră ri, khân păng sô prăk i nây rvăt mir bunuyh mon glah ma ăn tốp khât phung bu năch êng.

⁸Kơt ndri dăng bu kuăl ntük i nây n'ho ma tât nar dja lah ‘Mir mham’.

⁹Nau i nây jêng di đah nau bunuyh ntơyh nau ngơi Kôranh Brah kăl e nơh rnha Yêrêmi lě nchih: ‘Bu lě sô prăk 30 kăk i phung Israel lě lah khlay păng,

¹⁰jêh ri bu sô prăk i nây rvăt neh bunuyh mon glah, kơt Kôranh Brah lě đă jêh ma gâp’.

Pilat ăn bu nkhât Brah Yêsu

(Mar 15:2-15; Luk 23:3-5, 13-25; Yôh 18:33; 19:16)

¹¹Brah Yêsu dăk bôh năp kôranh kuông Pilat, Pilat ôp Păng kơt nđa: “Ngăn lah May kăđăch phung Israel bah?” Brah Yêsu ơh: “Ô kơt nau may lah nau i nây.”

- ¹²Yơn ma nôk mpôl kôranh jan brah, ndrel ma mpôl kôranh phung Israel ntôn Brah Yêsu, Păng mâu ơh ôh.
- ¹³Pilat lah Păng: “May mâu tăng bah, dâng lě nau khân păng ntôn May nây?”
- ¹⁴Păng mâu ơh ôh, du tong Păng mâu ơh đổng, n'ho ma tât kôranh kuống nây ndrôt hih rhöl ngăn.
- ¹⁵Tâm ăp năm nhêt bũn n'hot, kôranh kuống i nây vay mbọk du huê bunuyh dôih tâng phung bon lan dân.
- ¹⁶Nôk nây geh du huê bunuyh dôih bu lư gũ ndrung, rnhâ păng Barabas .
- ¹⁷Jêh phung bon lan tâm rgum bảl, Pilat ôp khân păng: “Bu moh khân ay may ếch ăn gập mbọk? Mbọk Barabas, mâu lah Yêsu i bu kuăl Brah Krist?”
- ¹⁸Păng lah kơt nây, yor ma păng lě gĩt jêh nuh n'hâm mpôl kôranh jan brah mâu nach, ndri dâng khân păng njũn Brah Yêsu ăn ma păng nây.
- ¹⁹Nôk Pilat hơm gũ ta ntũk phat dôih nây, ur păng đả bu hăn mbọh ma păng: “Lơi ôh jan ma bunuyh i nây, Păng mâu ôh geh nau tih. Yor ma bunuyh i nây mǎng to nơh gập mbọi djơh hô ngăn.”
- ²⁰Yơn ma mpôl kôranh jan brah, ndrel ma mpôl kôranh phung Israel nchâp bon lan dân mbọk Barabas, jêh ri dân nkhât lơi Brah Yêsu.
- ²¹Kôranh kuống Pilat ôp khân păng du tở jât: “Bar hê khân păng dja, bu moh khân ay may ếch ăn gập mbọk?” Khân păng ơh: “Barabas!”
- ²²Pilat ôp tay khân păng: “Lah ndri Yêsu i bu kuăl Brah Krist dja, mơm khân ay may ếch ăn gập jan?” Dâng lě khân păng nter đơu: “Nkhât Păng ta si tâm rkǎng!”
- ²³Pilat ôp tay lah: “Bunuyh dja moh nau djơh Păng lě jan?” Phung bon lan nter đơu lơ ma hô lah: “Đả bu nkhât Păng ta si tâm rkǎng!”
- ²⁴Pilat gĩt păng nơm mâu hơm đơi, say bon lan uh ah lơ ma hô đổng. Jêh ri păng sỏ dak rao ti ta năp phung bunuyh ỏk, n'ho ma lah: “Nau dja dũt ta khân ay may nơm yở, gập mâu ôh geh dôih đah nkhât bunuyh dja.”

²⁵Dâng lẽ phung ðon lan ởh dơu: “Lah Păng mâu geh nau tih, ăn dôi h i này tũp ta hên nơm, ndrel ma kon sau hên nơm mham Păng i này!”

²⁶Ach ma Pilat ếch jan tâng nau phung ðon lan dẫn nơh, păng mớok lơi Barabas. Jêh ri păng đã taken rpat Brah Yêsu ma mống rse, n'ho ma jao ăn taken nkhât Ôbăl ta si tâm rkăng.

²⁷Phung taken kôranh kuống Pilat leo Brah Yêsu hăn lăp ta jông gung nhih kôranh kuống này, jêh ri dâng lẽ taken ta này gũ jũm Păng.

²⁸Khân păng droh lơi bok ao Ôbăl, jêh ri sỏ ao chăng kuống i tâm ban ma ao kađăch nsoh ta Ôbăl.

²⁹Khân păng sỏ rtao lok bảr jan môk kađăch ndô ta bôk Brah Yêsu ri, ndrel ma sỏ mống jan mống kađăch ăn ti bớh ma Păng kuăn, jêh ri chon kômök mbah mứch rmot Ôbăl n'ho ma lah: “Hơi kađăch phung Israel! Hên yớk May!”

³⁰Khân păng rsoh dak diu ta Ôbăl, ndrel ma sỏ mống i này mbang bôk Ôbăl jât.

³¹Jêh mứch rmot ma Ôbăl kớt ndrì, jêh ri taken droh lơi ao i này bớh sắk Păng, plở nsoh tay ao Păng nơm nơh, jêh ri tềk leo Ôbăl a ntũk si tâm rkăng.

Bu nkhât Brah Yêsu ta si tâm rkăng

(Mar 15:21-32; Luk 23:26-43; Yôh 19:17-27)

³²Nôk lôh bớh ðon, phung taken mập du huê bu klô rnhă păng Simôn tắ bớh ðon kuống Kiren, bu đã ôbăl tui si tâm rkăng Brah Yêsu

³³tăt ta du ntũk rnhă ‘Gôlgôtha’, rblang lah ‘Ntũk nting bôk’.

³⁴Jêh ri bu sỏ ndrănh play yũng yar ðon lai đah dak play mắt tăng ngăn ăn Brah Yêsu nhêt, jêh Păng chiămm để, Păng mâu ếch nhêt ôh.

³⁵Jêh bu pống Ôbăl ta si tâm rkăng, bu tâm pắ bok ao Păng ma ndr nchroh .

³⁶Khân păng gũ rớp gớp ta này njrăng Brah Yêsu.

³⁷Ta kalớ bôk Brah Yêsu ri, khân păng pla du rlat kađar nchih mớh nkoch nau bu ntôn Păng, lah kớt nđă: ‘Dja rnhă Yêsu, kađăch phung Israel’.

³⁸Nôk này bu nkhât ndrel Brah Yêsu bar hê bunuyh ntŭng đōng, i du huê ăn bōh ma Păng, du huê jât ăn bōh chiaio.

³⁹Lě bunuyh i brồ rồ này, n'grōh n'grăp rteh bōk rŭl dŭl mŭch ma Ôbăl

⁴⁰n'ho ma lah: “Hơi Bunuyh i lah rōih lơi nhiih jan brah ma Kôranh Brah, jan tay i mhe pe nar jêh. Lah ndri rklaih êng săk May nơm, lah May Kon Kôranh Brah ngăn, jŭr bōh si tâm rkăng này hōm!”

⁴¹Mpôl kôranh jan brah, phung nơm nti nau vay phung Israel, ndrel ma mpôl kôranh phung Israel leo băl ngơi n'grōh ma Păng kơt này đōng, khân păng lah:

⁴²“Păng dơi kơl ők bu abă êng, tih ma mâu ôh dơi rklaih săk Păng nơm! Lah Păng i kadăch phung Israel ngăn, ăn Păng jŭr bōh si tâm rkăng abao' dja, jêh ri hên iăt ma Păng đōng!

⁴³Păng lě nsing ma Kôranh Brah, lah Kôranh Brah ũch, ăn Kôranh Brah rklaih Păng abao' dja ro, yorlah Păng lah: ‘Găp i Kon Kôranh Brah.’”

⁴⁴Bol lah bar hê bunuyh ntŭng i bu nkhât ndrel Brah Yêsu ta ri, mŭch rmot Ôbăl kơt này đōng.

Brah Yêsu tách n'hâm

(Mar 15:33-41; Luk 23:44-49; Yôh 19:28-30)

⁴⁵Ntơm bōh nar nklang bōk lam bri dak i này trōk geh ngo dadê, n'ho ma tăt mong pe kêng măng.

⁴⁶Klăp lah ta mong pe kêng măng, Brah Yêsu nter dŭt dăng ta nau ngơi Hêbro: “Êli! Êli! Lama Sapăch Thani?” Rblang nau này: ‘Ô Kôranh Brah Găp ơi! Ô Kôranh Brah Găp ơi! Moh nau May ntơi Găp?’

⁴⁷Bu băbă i gŭ ta này tăng nau Păng nter nơh văt vĩ, bu lah: “Păng kuăl Êliya i bunuyh ntơyھ nau ngơi Kôranh Brah bōh kăl e nơh.”

⁴⁸Dô ma geh du huê bunuyh ta phung khân păng nchuăt sô bok yŭk ta dak srat put ta chông mōng ndở ăn Păng nhêt.

⁴⁹Yơn ma bunuyh abă lah: “Köp uănh bốt, gŭt Êliya hăn rklaih Păng mâu lah mâu.”

- ⁵⁰Jêh ri Brah Yêsu nter tay dứt dăng, n'ho ma roh n'hâm klök.
- ⁵¹Ta mong nây bok i nching ta mpông jrô dứt kloh ueh ta trôm nih jan brah ma Kôranh Brah, dô ma hêk chuik jêng bar, nôm bôh lơ n'ho ma tât a dồng, neh ntu n'gãr, lữ klêr đàng.
- ⁵²Ntu môch pơk bồng rưk bưk, khât phung bunuyh kloh ueh ők i vay gũ sồng ta bôh nấp Kôranh Brah dâk rêh.
- ⁵³Jêh Brah Yêsu dâk rêh, phung khân păng lôh bôh ntu môch, lăp ta ðon Yêrusalem i ðon kloh ueh, nhơ ăn ők bunuyh say.
- ⁵⁴Nôk kôranh taken Rôm, ndrel ma phung taken kốp njrăng Brah Yêsu ta nây, say n'gãr neh ntu, ndrel ma say dăng lể nau geh kơt nây, khân păng klach nsõr hô ngăn, jêh ri lah: “Bu klô dja i Kon Kôranh Brah ngăn ya!”
- ⁵⁵Ta ntük nây geh ők bu ur i tâng Brah Yêsu tă bôh bri Galilê, i kơl Păng đống, khân păng gũ uảnh Păng dăng lể nau i nây bôh ngai.
- ⁵⁶Ta nây geh Mari tă bôh ðon Mađala, Mari i mẽ Yakơ, Yôsep, jêh ri geh ndâp ma i mẽ Yakôp, Yôhan đống.

Bu tốp Brah Yêsu

(Mar 15:42-47; Luk 23:50-56; Yôh 19:38-42)

- ⁵⁷Tât kêng mǎng geh du huê bunuyh ndrồng rnhă păng Yôsep, tă bôh ðon Arimathê, păng jêng mpôl oh mon Brah Yêsu đống.
- ⁵⁸Păng hăn mập Pilat dăn sỏ sắk jăn Brah Yêsu, Pilat đă bu ăn ma păng.
- ⁵⁹Jêh ri păng sỏ sắk jăn Brah Yêsu put đah bok laih kloh nglang.
- ⁶⁰Păng njor sắk Brah Yêsu nây ta trôm ntu môch mhe, ntu i păng lể đă bu lôk ta lữ klêr ma ndrăp ma sắk păng nôm. Jêh ri păng rlă du mlôm lữ kuồng rdöl trôm môch ri, păng nôm sât yot klăk.
- ⁶¹Mari tă bôh ðon Mađala, ndrel ma Mari du huê êng jăt gũ ta nây đống, khân păng gũ tâm sồng mpông môch ri.
- ⁶²Tât ôi tay ri, ta nar Sabăt i nar rlu phung Israel, mpôl kôranh jan brah, ndrel ma phung Pharisi khân păng leo bắ hăn mập Pilat

⁶³mboh ma păng: “Ô kôranh, hên hôm kah gít nau Bunuyh mbrôh i này lah nôk Păng hôm rêh nơh: ‘Jêh Gáp khât, tât pe nar Gáp dâk rêh tay’.

⁶⁴Lah ndri dân kôranh đã taken ăn njrăng ngăn môch i này ăn lôch pe nar. Klach lah mpôl oh mon Păng hăn sô ntũng săk Păng này, jêh ri mboh nkoch ma phung bon lan lah Păng lě dâk rêh. Lah ndri nau mbrôh abao’ dja djơh rlau ma bơh kơi nơh jât.”

⁶⁵Pilat lah ma khân păng: “Khân may sô taken, đã bu njrăng ngăn ăn dũt ueh dô, dah ũch khân may nơm!”

⁶⁶Jêh ri khân păng hăn a môch, njâr ntu môch pla ndơ ver kalơ jât gay ma lơi ăn bu lăp, ndrel ma ăn taken gũ njrăng.

Mathay 28

Brah Yêsu dâk rêh

(Mar 16:1-8; Luk 24:1-12; Yôh 20:1-20)

¹Jêh nar Sabăt i nar rlu phung Israel, ơm ôi nar nguai ta pơh i này, Mari bơh bon Mađala, ndrel ma Mari i du huê êng jât, khân păng leo bảl hăn a môch.

²Nôk này dô ma geh n'gâr neh dũt hô, yorlah geh tông pâr Kôranh Brah jür tă bơh trôk i ntũk Kôranh Brah nơm, nklờ lơi lữ bơh bởr môch này, jêh ri gũ rgơp ta kalơ lữ i này đống.

³Uãnh păng ril tâm ban ma lợp nglayh, bok ao păng nglang tâm ban ma mli.

⁴Phung taken i gũ njrăng môch ta này klach nsờr hô ngăn, n'ho ma chôt khât yơh.

⁵Yơn ma tông pâr lah ma mpôl bu ur i ri: “Khân ay lơi klach ôh! Gáp lě gít jêh khân ay hăn joi Brah Yêsu i bu nkhât ta si tâm rkăng nơh.

⁶Păng mâu hôm ôh ta dja, yorlah Kôranh Brah rdők ăn dâk rêh tay, kơt nau Păng lě nkoch nơh. Hăn uãnh hồm ta ntũk bu njor Păng,

⁷jêh ri hăn gơnh a mpôl oh mon Păng ri, mboh ăn khân păng gít Kôranh Brah lě rdők Păng ăn dâk rêh, abao’ dja Păng hăn lor khân ay may ta bri Galilê ri. Ta ntũk này khân ay may say Păng. Ndri nau gáp mboh ma khân ay yờ!”

⁸Jêh ri khân păng hăn ro tă bớh môch nây ndâp ma geh nau klach geh nau rãm hô ngăn, khân păng nchuăt mớh nkoch nau mhe mhan i nây ma mpôl oh mon Brah Yêsu.

⁹Dô ma Brah Yêsu hăn mập khân păng ôp khân păng: “Ueh lăng khân ay!” Jêh ri khân păng ran dăch Brah Yêsu păn ta neh kuăn ta jông Brah Yêsu ri, yớk mbah Păng.

¹⁰Brah Yêsu lah ma khân păng: “Lời klach ôh! Khân ay hăn mớh nkoch ma mpôl oh nô Gáp, ăn khân păng hăn ta bri Galilê ri, ta ntũk nây khân păng say Gáp.”

¹¹Dôl phung bu ur nây hăn rỏ trong, geh phung taken i njrăng môch nây nớh abă lăp ta bon, mớh nkoch dăng lể nau geh i nây nớh ăn ma mpôl kôranh jan brah.

¹²Mpôl kôranh jan brah, tâm mập tâm nchră đah mpôl kôranh phung Israel, khân păng tâm di du ntô nau ăn prăk ốk ngăn ma phung taken,

¹³n'ho ma ntũm khân păng kớp nđa: “Ăn khân may lah: ‘Ndüt hên hăk bêch geh mpôl oh mon Păng hăn a măng sỏ ntũng săk Păng’.

¹⁴Lah kôranh kuống Pilat gít nau dja, hên mra mớh ma păng. Khân may mâu chrao ôh geh dôi.”

¹⁵Jêh ri khân păng sỏ đờn prăk i nây, jan kớp nau bu đă ma khân păng. Nau i nây gít lư lam phung Israel, n'ho ma tât nar dja.

Brah Yêsu nhơ săk Păng nôm ăn mpôl oh mon say

(Mar 16:14-18; Luk 24:36-49; Yôh 20:19-23; Kar 1:6-8)

¹⁶Jêh ri 11 nuyh mpôl kôranh oh mon hăn ta bri Galilê, tât ta yôk ntũk Brah Yêsu lể mớh ma khân păng.

¹⁷Tât khân păng say Brah Yêsu, khân păng yớk mbah ma Păng, yớn ma geh bunuyh abă hôm e vĩ vẽ ma Păng.

¹⁸Brah Yêsu hăn ta khân păng, jêh ri lah ma khân păng: “Lể nau dơi ta trôk, ndâp ma ta neh ntu lể Bở ăn jêh ma Gáp dadê.

¹⁹Lah ndri hăn hõm ăp ndül mpôl bunuyh ta neh ntu dja, njêng khân păng jêng oh mon Gâp, jêh ri jan bắtem yũk khân păng ma dak, ta rnha Bở, ta rnha Gâp i Kon Păng, ndrel ma ta rnha Brah Huêng Ueh i kloh ueh.

²⁰Jêh ri ntũm nti ăn khân păng iăt dâng lể nau Gâp lể đă ma khân may nơh. Ăn hôm kah gít nâng: Gâp hôm e gũ nâng ndrel khân may n'ho ma tât nar lôch neh ntu dja” .

Markôs

Markôs 1

Nau Yôhan-Baptem ntüm nti phung bon lan

(Mat 3:1-6, 11-12; Luk 3:1-18)

- ¹Dja ntóm nau mhe mhan ueh ma Brah Yêsu Krist i Kon Kôranh Brah nóm.
- ²Ta sambüt bunuyh ntøyh nau ngõi Kôranh Brah käl e nóm, rnha Êsai lë nchih lah: ‘Kôranh Brah lah: ‘Uánh yố, Gáp đã du huê bunuyh hăn lor ndrăp nuh n'hâm bunuyh ăn May Tâm ban bu kuayh trong, mboh ma bu May hăn boh koi .
- ³Bunuyh i này nter ta bri rdah lah: ‘Ndrăp hóm nuh n'hâm ăn ma Kôranh Brah, tâm ban ma bunuyh kuayh trong, Nsống trong ăn ma kađach hăn” .
- ⁴Ndri nau nkoch i này lë tât hơi, geh du huê bunuyh rnha Yôhan gủ ta bri rdah, păng mboh nkoch ma bon lan rgâl lơi nuh n'hâm djơh, n'ho ma đơn nau yũk ma dak, i bu kuäl ‘Băptem’, gay ma nhơ khân păng ịch tâng nau Kôranh Brah, ndri dâng Kôranh Brah yố ndach mâu hóm ôh kơp nau tih khân păng.
- ⁵Geh ők bunuyh ta bri Yuđa, ndrel ma ta bon kuống Yêrusalem hăn ran a păng dadê. Khân păng gít săk khân păng nóm tih mboh ro, jêh ri Yôhan jan baptem yũk khân păng ma dak ta dak rlai Yôđăn ri.
- ⁶Lống Yôhan păng nsoh ao jong jan ma rsau seh samô, vãn rse büt jan ma ntô, păng sa krah ndrach đah dak sũt .
- ⁷Păng mboh nkoch ma phung bon lan: “Geh du huê kôranh, Păng hăn boh koi gáp boi ma tât jêh, Păng geh nau đoi rlau gáp ngăn. Ta năp Păng gáp jêng bunuyh jě lě đơn, bol lah gáp kũnh sơm droh ntô jot Păng, hóm e mâu hỏ di đah nau jan kar Păng đống.
- ⁸Gáp jan baptem ăn khân ay may yũk ma dak đơn, lống Păng i này jan baptem ăn khân ay may ma Brah Huêng Ueh i kloh ueh.”

Nau Brah Yêsu đơn nau baptem yũk ma dak

(Mat 3:13-17; 4:1-11; Luk 3:21-22; 4:1-2)

⁹Tât nar bôh kơi Brah Yêsu i tă bôh ðon Nasaret bri Galilê Păng hăn tât ta ntük Yôhan jan ðăptem nây, jêh ri Yôhan jan ðăptem ma Brah Yêsu yũk ma dak ta dak rlai Yôđđăn.

¹⁰Jêh yũk Păng ta dak ri, lôh ðlu bôh dak ri, Brah Yêsu say trôk pơk bống lahũr, jêh ri geh Brah Huêng Ueh jũr đrôm ta Păng uảnh tâm ban ma plũk.

¹¹Dôi nây geh tăng nteh bởr tă bôh kalo' trôk lah: “May i Kon Gập rống, Gập rằm rơn May hô ngăn ngên.”

¹²Jêh bôh nây Brah Huêng Ueh đđ Brah Yêsu du hăn a bri rdah.

¹³Păng gũ ta ntük nây 40 năng 40 nar, geh Satăng i kôranh mpôl brah djơh ndôm Păng đđng. Păng gũ ndrel mpômpa (siũm) bri ta ntük nây, geh mpôl tông pãr sơm kơl jan kar ma Păng đđng.

Brah Yêsu jă puăn nuyh oh mon

(Mat 4:12-22; Luk 4:14-15; 5:1-11)

¹⁴Lễ jêh bu nhũp Yôhan-Baptem krũng ta ndrung, jêh ri Brah Yêsu hăn ta bri Galilê n'ho ma mbôh nkoch nau mhe mhan ueh Kôranh Brah.

¹⁵Păng lah: “Mong lễ tât jêh, nau Kôranh Brah mât uảnh khân ay may lễ dăch ngăn ro. Lah ndri rgâl hõm nuih n'hâm djơh khân ay may, jêh ri nsing ma nau mhe mhan ueh dja dđ!”

¹⁶Geh du nar ri Brah Yêsu hăn brỗ rỗ meng dak nglao kuõng Galilê, Păng say bar hê oh nô gũ seng jal ta dak nây, i nô rnha Simôn, ndrel ma Öndrê i oh. Bar hê khân păng i nây jêng bunuyh jan kar văng ka đơm.

¹⁷Jêh ri Brah Yêsu lah ma khân păng: “Hơi oh nô, hõ tâng Gập, Gập ăn khân may hăn joi bunuyh iăt nau Gập, tâm ban ma seng ka.”

¹⁸Dđ ma bar hê khân păng ri ntlơi jal prũng ta nây, jêh ri tâng Brah Yêsu ro.

¹⁹Jêh ri Brah Yêsu hăn jăt năp, Păng say bar hê oh nô Yakơ, ndrel ma Yôhan gũ sũl jal ta duk ri, bar hê khân păng nây i kon Sêbêđê.

²⁰Tât say khân păng ta ri, Brah Yêsu jă ro, jêh ri khân păng ntlơi i bở, ndrel ma mpôl i păng nkhom jan kar ma păng ta ri, hăn tâng Brah Yêsu ro.

Brah Yêsu mprơh brah djơh

(Luk 4:31-37)

21Jêh ri Brah Yêsu, ndrel ma mpôl oh mon Păng hăn ta bon Kapơnũm. Tăt nar Sabăt i nar rlu phung Israel Păng lăp ntũm nti ta nhieh r̄bũn phung Israel.

22Bu ndrôt nhieh ngăn tǎng nau Păng nti i nây. Nau Păng nti nơh geh nau dơi, mâu ôh tâm ban ma phung nơm nti nau vay phung Israel.

23Ta nhieh r̄bũn nây, geh du huê bu klô lăp ta nây brah djơh gũ ta sǎk păng đống, păng nter:

24“Ô Yêsu tǎ bơh bon Nasaret! Lơi May rkhuak hên, May hăn ũch lơh lơi hên bơh? Gập năl May ngăn, May i nây i bunuyh kloh ueh tǎ bơh Kôranh Brah.”

25Brah Yêsu de mbram brah djơh i nây: “Lơi hôm ngơi, gũ iǎt sǎk rklăk hõ, du lôh bơh bunuyh i nây hõm!”

26Jêh tǎng Brah Yêsu lah ndri brah djơh lơh bunuyh i nây chôt dũl nslõng sõng sa, nter lũng loch ngăn lôh bhũch brah djơh i nây.

27Dâng lể bunuyh say kơt nây nơh, ndrôt hih rhõl dadê ngăn, jêh ri tâm ôp ndrǎng khân păng nơm: “Yê! Lể nau ngăn hay! Nau ntũm nti Păng i nây mhe ngăn hay, ndâp ma geh nau dơi đống. Bol lah brah djơh iǎt nau Păng đã đống.”

28Jêh ri gơnh ngăn bu lư Păng hô lam bri Galilê.

Brah Yêsu jan bah nau ji bunuyh

(Mat 8:14-17; Luk 4:38-41)

29Jêh ri Brah Yêsu lôh bơh nhieh r̄bũn i nây, hăn brõng ta jay bar hê oh nô, Simôn, ndrel Ōndrê. Yakơ, ndrel ma Yôhan hăn ndrel đống.

30Lõng i mẽ po Simôn ri ji kop bêch ta gre ri. Tăt ta nây bu mbơh ma Brah Yêsu ro nau ji kop păng.

31Brah Yêsu hăn ran ta păng, nhũp ti rdõk păng. Nau ji kop bah ro, jêh ri păng jan piǎng trao ma khân păng.

32Tăt bri kêng mǎng nôk nar lể nhõp, lể bunuyh geh nau ji, ndrel ma bunuyh brah djơh lăp, bu leo hăn a Brah Yêsu dadê.

³³Geh ők ngăn bunuyh ta bon nây gũ gum ta mpông jay ri dadê.

³⁴Jêh ri geh ők bunuyh Brah Yêsu jan bah ăp ntil nau ji ta khân păng, mproh brah djơh du lôh bơh bunuyh đổng. Păng buay brah djơh mâu ôh ăn ngời, yorlah phung brah djơh lể năl Păng.

Brah Yêsu mboh nkoch nau mhe mhan ueh

(Mat 4:23; Luk 4:41-44)

³⁵Kah ơm ôi bri hôm ngo, Brah Yêsu dâk bêch hăn du huê êng ta ntũk bri rdah ngai đah bunuyh, jêh ri mboh sơm ta ntũk nây.

³⁶Simôn, ndrel ma mpôl i gũ ndrel păng, hăn joi Brah Yêsu.

³⁷Tât ma say Păng, khân păng lah: “Ök ngăn bunuyh ũch joi May mẽ.”

³⁸Brah Yêsu lah ma khân păng: “Hỗ bân bở rõ bon i dăch dăch ta dja. Gập be ma mboh nkoch nau mhe mhan ueh ăn ma bon i nây, ndri dăng Gập hăn tât ta dja.”

³⁹Jêh ri Brah Yêsu hăn mboh nkoch nau mhe mhan ueh ta nhieh r̄bũn phung Israel lam bri Galilê n'ho ma mproh brah djơh du lôh bơh bunuyh ők đổng.

Brah Yêsu jan bah du huê bu klô phũng sa

(Mat 8:1-4; Luk 5:12-16)

⁴⁰Geh du huê bu klô phũng sa hăn chon kômők bonh Brah Yêsu: “Dăn May yỗ ndach ma gập ơ! Gập lể gít May dơi jan săk gập ăn kloh ăn bah ji, lah May ũch.”

⁴¹Brah Yêsu yỗ ndach ma bu klô phũng sa nây. Brah Yêsu nta ti pah ta săk păng ri, jêh ri lah ma bunuyh phũng sa i nây: “Ồ, Gập ũch đổng, bah hồm!”

⁴²Jêh Brah Yêsu ngời ri, bu klô phũng sa i nây dô ma bah ueh kloh rngũch ro.

⁴³Jêh ri Brah Yêsu đã păng sât, n'ho ma buay păng:

⁴⁴“May lơi ôh mboh nkoch nau i dja ăn bu gít, ăn may hăn brông nhơ săk ma bunuyh jan brah ri, jêh ri nhhơ ndr jan brah tâng nau vay Môsê đã ma bunuyh bah nau ji phũng sa, gay ma bu gít n'hêl săk may lể kloh ngăn ro.”

⁴⁵Tih ma bu klô i nây mbung r̄bơch hăn mboh nkoch ma bu ro, păng mboh nkoch nau i nây ăn bu gít lam ăp ntũk ăp ntô. Ach ma nkoch ndri, Brah Yêsu

der mâu hôm ôh dơi lăp ta ðon kuông kớt a lor nơh, Păng gũ bớh dih ðon, jêh ri hôm geh bunuyh tă bớh ăp njôn ăp njănh hăn a Păng nây.

Markôs 2

Brah Yêsu jan bah bu klô rven

(Mat 9:1-8; Luk 5:17-26)

¹Tăt jô bar pe nar ri, Brah Yêsu plở tay ta ðon Kapơnũm. Bunuyh ta ðon nây tăng lư Păng lể plở săt tay gũ ta jay.

²Geh bunuyh ran ta jay nây ők mpưm ngăn, joi ntũk ma gũ mâu geh ôh, bol lah bớh dih mpông mâu hôm geh ðồng. Jêh ri Brah Yêsu mbớh nkoch nau Kôranh Brah ăn ma khân păng ta nây.

³Jêh ri geh bunuyh puăn nuyh hăn bớh kơi tung du huê bu klô rven jông rven ti, hăn a Brah Yêsu.

⁴Tăt ta jay nây joi trong lăp hăn ta Brah Yêsu mâu say ôh, yor ma geh bunuyh ők ir. Kớt ndrì khân păng lôk trôm kalo' chor jay tâm sồng ntũk Brah Yêsu gũ, jêh ri njữr bu klô rven i bêch ta mbêl nây rồ trôm nây.

⁵Brah Yêsu say khân păng geh nau nsing Păng dơi jan bah nau ji kớt nây, Păng lah ma bunuyh rven i nây: “Hơi oh, Gáp lể yỗ may, mâu hôm ôh kớp nau tih ta may.”

⁶Ta nây geh phung nơm nti nau vay phung Israel abă nklôn êng ta tôr:

⁷“Hưh! Mơm dăng Păng bảnh ngơi mưch rmot Kôranh Brah kớt ndrì? Geh du huê Kôranh Brah dơm dơi yỗ bunuyh, mâu hôm ôh kớp mâu hôm ôh klăp ndăng nau tih!”

⁸Yơn ma Brah Yêsu gĩt ro lể nau khân păng nklôn kớt nây, Păng lah ma khân păng: “Mơm dăng khân may geh nau mân kớt nđay?”

⁹Ăn khân may gĩt nau dja, lah Gáp lah ma bu klô rven nây ‘Nau tih may lể Gáp yỗ hơi’, mâu lah ‘May dăk ndjôt mbêl brỗ hỡm’, lah ndrì moh nau lah i dơh rlau hă?

10Gâp ùch ăn khân may gít say, Gâp i Kon Bunuyh tă bôh Kôranh Brah, ndri dâng Gâp dơi yố nau tih bunuyh ta neh ntu dja.” Jêh ri Brah Yêsu lah ma bu klô rven i nây:

11“May dâk hõm! May ndjôt mbêl may nây sât a jay may nôm ri.”

12Păng dâk đơp bôh mbêl nây ro, ndjôt mbêl păng nôm nây hân sât lăp rồ nklang phung bảl ốk. Lõng lể bunuyh i gũ ta nây geh nau ndrôt hih rhõl, khân păng rnê ma Kôranh Brah, n'ho ma lah: “Bân mâu ôh vay say nau dja kăl dờ to!”

Brah Yêsu jă Lêvi

(Mat 9:9-13; Luk 5:27-32)

13Jêh ri Brah Yêsu hân rồ meng dak nglao kuống Galilê du tở jât, phung bon lan ốk ngăn hân ta Păng, Păng ntũm nti ăn ma khân păng.

14Jêh ntũm nti nây Păng lờh bôh nây brồ tay jât năp, jêh ri say du huê bunuyh rnha Lêvi i kon Alphai gũ kốp sỏ prăk bon lan ma ăn kôranh mât uănh, păng gũ ta ntũk păng vay sỏ prăk. Brah Yêsu lah ma păng: “Hỗ brồ tâng Gâp.” Păng dâk bôh nây, jêh ri tâng Brah Yêsu ro.

15Ta nar nây Lêvi jă Brah Yêsu, ndrel ma mpôl oh mon hân sông sa ta jay păng nôm. Ta jay nây geh bunuyh sỏ prăk bon lan, ndrel ma bunuyh tih abă êng geh ốk gũ sông sa ndrel đõng. Geh bunuyh i kớt nây ốk ngăn hân tâng Brah Yêsu.

16Tât say Brah Yêsu gũ sông sa ndrel phung bunuyh tih nây, phung nôm nti nau vay phung Israel jêng phung Pharisid đõng, lah ma oh mon Păng: “Mỡm dâng bunuyh i nây gũ sông sa ndrel bunuyh sỏ prăk bon lan, ndrel ma bunuyh jan tih êng kớt nây?”

17Jêh Brah Yêsu tăng khân păng lah kớt nây, Păng lah: “Bunuyh geh săk jăn ueh mâu ùch ôh ma kôranh dak si, bunuyh i geh nau ji dờm ùch. Ndri dâng Gâp văch ta dja mâu ôh gay ma kuăl bunuyh sỏng, ùch kuăl bunuyh tih, gay ma kớl khân păng.”

Nau ăt sông sa

(Mat 9:14-17; Luk 5:33-38)

¹⁸Lõng geh du nar mpôl oh mon Yôhan-Baptem, ndrel ma mpôl Pharisi khân păng ăt sông sa. Jêh ri geh bu hăn ôp Brah Yêsu: “Mpôl oh mon Yôhan-Baptem, ndrel ma mpôl oh mon phung Pharisi ăt sông sa, mớ m dâng mpôl oh mon May mâu ăt?”

¹⁹Brah Yêsu lah ma khân păng: “Nôk tâm ndăp ur sai, bu năch vay ăt sông sa đống bớh? Mâu vay ôh. Iăt ma i sai mhe hôm gũ ndrel ta ri, nau tâm ndăp này ê hỏ lỏch ôh.

²⁰Gập tâm ban ma bu klô ndăp ur sai, tăt di nar ri tay bu tâm nkah Gập đah mpôl oh mon Gập, ta nar i này khân păng ăt sông sa.

²¹Bu mâu vay ôh sỏ bok mhe ê hỏ pih mbôl ta ao lẻ sat. Lah jan kớ t này bok i sat ri lớ ma hô hêk rlau ớ m ngăn, yor ma i bok mhe này jêng rỏt nôk jêh pih.

²²Kớ t ndrỉ đống, bu mâu vay ôh tẻ ndrănh play yũng yar bon mhe ta dũng ntô ớ m, lah jan kớ t này ndrănh play yũng yar bon mhe jan ăn dũng ntô i này prek, ndrănh hũk đống, jêh ri dũng ntô i này jêng sat đống, yorlah dũng ntô ớ m mâu hôm ôh toch. Bu tẻ ndrănh play yũng yar bon mhe ta dũng ntô mhe.”

Brah Yêsu tở m kờ ranh ma nar Sabăt

(Mat 12:1-8; Luk 6:1-5)

²³Geh du nar Sabăt i nar rlu phung Israel Brah Yêsu, ndrel oh mon Păng hăn glăt rỏ mir Ba Prăng, jêh ri mpôl oh mon Păng roih Ba Prăng gay ma sa.

²⁴Geh phung Pharisi hăn bớh kớ i lah Brah Yêsu: “Lõng May uănh, moh si kỏ mpôl oh mon May jan kar ta nar Sabăt dja mêh? Bol lah khân păng roih đẻ đẻ kớ t này, hôm e kớ p tih đah nau vay nar rlu phung bân đống.”

^{25.26}Brah Yêsu ôp: “Lah ndrỉ khân may lẻ chuêl bah, nau khân may vay rỏ ta Nau Kờ ranh Brah Ngờ i? Bớh nôk Abiathar jan kờ ranh jan brah dũt kuống, David, ndrel ma bunuyh gũ ndrel păng hô ngăn ji ngot, khân păng ứch geh ndrỏ sông sa. Nôk này David ê hỏ jêng kađăch. Jêh ri David lăp ta trỏm ntũk chun bok Kờ ranh Brah, păng sa nũmpăng i bu tẻ nhhỏr ma Kờ ranh Brah này, n'ho ma pả bunuyh i gũ ndrel păng sa đống. Bu mâu lah păng đống bol lah tâng ma nau vay geh mpôl jan brah đờ m đờ i sa nũmpăng i này!”

²⁷Brah Yêsu lah jât: “Kôranh Brah đã kon bunuyh rlu ta nar Sabăt gay ma kơl kon bunuyh, mâu geh ôh Păng njêng kon bunuyh jan dâk ma nar Sabăt!

²⁸Gập i Kon Bunuyh tă bớh Kôranh Brah, ndrì dâng Gập jêng kôranh moh ndrì dơi ăn bu jan, mâu lah mâu dơi ăn bu jan ta nar Sabăt i nar rlu.”

Markôs 3

Brah Yêsu jan bah du huê bunuyh rven ti ăn bah

(Mat 12:9-14; Luk 6:6-11)

¹Jêh ri Brah Yêsu lăp ta nhìh r̄bũn phung Israel du tở jât, ta nây geh du huê bu klô rven ti du ding.

²Bu ếch joi nau ma ntôn Brah Yêsu nkhêp lah Păng jan bah bunuyh ji ta nar Sabăt, yorlah khân păng nti ta nau vay phung Israel mâu ăn ôh jan bah bunuyh ji ta nar Sabăt, ndrì dâng khân păng uánh jât Păng ler nger ngăn.

³Jêh ri Brah Yêsu lah ma bu klô i nây: “Hơi oh, may dâk hõm, hăn dâk bớh năp bu to!”

⁴Jêh ri Brah Yêsu lah ma mpôl i kốp uánh Păng: “Gập ôp khân may, tâng nau vay phung bân ta nar Sabăt bunuyh dơi jan ndrì ueh mâu lah ndrì djơh? Dơi rklaih nau rêh bunuyh mâu lah nkhât păng?” Dâng lể khân păng gũ iăt săk răk klăk.

⁵Brah Yêsu uánh dâng lể bunuyh i gũ ta nây, Păng ji nuìh rngot êng săk Păng nờm, say khân păng dăng ko mâu geh nau tâm yố. Jêh ri Păng lah ma bu klô i rven ti nây: “Lõng may rok ti may nây hõm!” Jêh ri păng rok ti păng bah kơt ơm đõng.

⁶Jêh ri phung Pharisi i gũ ta nây lôh rũch plũch bớh nhìh r̄bũn nây, hăn brõng tâm nchră đah bảl mpôl Hêrôt-Öntipas ro, gay ma joi nau mớrm dâng geh nkhât Brah Yêsu.

Ốk phung ðon lan tâng Brah Yêsu

⁷Jêh ri Brah Yêsu lôh bớh ntũk nây hăn ta nglao kuống Galilê ndrìl mpôl oh mon Păng. Geh ốk phung ðon lan hăn tâng Păng, phung i nây tă bớh bri Galilê bớh bri Yuđa,

⁸Bơh ðon kuông Yêrusalem, bơh bri Iđumê, bơh kăł ti dak rlai Yôđđan, bơh ăp ntük jüm ðon kuông Tirus, ndrel ma bơh ăp ntük jüm ðon kuông Sidôn. Ndri dăng ők ngăñ bunuyh hăñ văch a Păng nây, yorlah tăng bu mboh nkoch dăng lể nau Păng jan nơh.

⁹Say ők ir ðon lan nây Brah Yêsu đă mpôl oh mon Păng ndrăp du mlôm duk ăn ma Păng, klach lah phung ðon lan răn mpet Păng.

¹⁰Lể jêh Păng jan bah bunuyh ji ők ngăñ, ndri dăng bunuyh êng êng i geh nau ji nsrôyh chũl hăñ dăch dăch, ếch pah Brah Yêsu gay ma bah nau ji khân păng nơm.

¹¹Tăt phung bunuyh i geh brah đơh gũ ta khân păng say Brah Yêsu, khân păng păn ta bơh năp Brah Yêsu ro, ndăp ma nter: “May i Kon Kôranh Brah!”

¹²Jêh ri Brah Yêsu mbram, mâu ôh ăn khân păng mboh nkoch ma bu gĩt năl Păng i Kon Kôranh Brah.

Brah Yêsu kơih 12 nuyh mpôl oh mon

(Mat 10:1-4; Luk 6:12-16)

¹³Brah Yêsu lể hao kalơ yôk, jêh ri Păng kuăł jă bunuyh i Păng ếch hăñ ndrel Păng, jêh ri khân păng i nây hăñ tăng Păng ta ri.

¹⁴Bơh mpôl i nây Păng kơih 12 nuyh, Păng kuăł khân păng ‘Kôranh oh mon’. Mpôl i nây gay ma gũ ndrel Păng nơm, ăn khân păng mboh nkoch nau Păng ăn ma bu,

¹⁵ndrel ma ăn khân păng geh nau đơi, đơi mprơh brah đơh đống.

¹⁶Mpôl 12 nuyh nây, ta nây geh Simôn i Brah Yêsu tể rnhă mhe păng Pêtrôs,

¹⁷geh bar hê oh nô i kon Sêbêđê rnhă Yakơ, ndrel ma Yôhan. Bar hê khân păng i nây Brah Yêsu de tể rnhă ‘Bôanêrkê’ rblang nau i nây ‘Kon nteh ntở nglayh’.

¹⁸Geh rnhă Ồndrê, rnhă Philip, rnhă Bartôlômê, rnhă Mathay, rnhă Thômas, rnhă Yakơ i kon Alphai, rnhă Thăđê, rnhă Simôn i bu kuăł ‘gơyh’,

¹⁹ndrel ma rnhă Yuđas-Isakariyôt i bunuyh leo bu hăñ nhũp Brah Yêsu.

Phung băł mpôl Brah Yêsu ếch sỏ Păng săt

²⁰Jêh ri Brah Yêsu hăn gũ ta du mlôm jay, tât ta nây geh bunuyh văch tay ta ri, lơ ma ők lơ ma ők ngăn. Lõng Păng, ndrel ma mpôl oh mon Păng mâu ôh hoch sông sa.

²¹Jêh phung bắl mpôl Păng tăng bu de nkoch nau i nây, bu lah đống: “Hủh, mâu hôm ôh gít sắk Păng ri.” Ndri dăng khân păng jắ bắl hăn sỏ Păng.

Brah Yêsu bu lah brah Bêlsêbul

(Mat 12:22-32; Luk 11:14-23; 12:10)

²²Lõng i phung nờm nti nau vay phung Israel i tắ bớh bon Yêrusalem ri hăn tât ta nây, khân păng lah: “Bunuyh i nây geh brah djớh Bêlsêbul gũ ta sắk Păng. Yorlah i kờanh mpôl brah djớh ăn nau đơi ta Păng, dăng Păng đơi mprớh brah djớh.”

²³Brah Yêsu kuắl phung nờm nti nây hăn dắch a Păng, jêh ri lah ma nau ngới ntât: “Mớm blao Satăng i kờanh mpôl brah djớh mprớh sắk păng nờm?”

²⁴Lah ta du bri phung bon lan păng tâm lۆk tâm janh chah chrai bắl, bri i nây mâu hôm ôh.

²⁵Mâu lah ta du rắk vắl geh tâm lۆk tâm janh bắl nâng neng, rắk vắl i nây roh hêng mâu hôm đống.

²⁶Lah geh Satăng tâm lۆk tâm janh ndrắng păng nờm, păng mâu đơi ôh gũ nập, roh hêng ro.

²⁷Mâu geh ôh bunuyh đơi hăn ta jay bunuyh dắng, jêh ri ntũng đrắp ndrớ păng. Ắn nhựp kát lor bunuyh i nây bۆt, ri mớ đơi ntũng dăng lể đrắp ndrớ ta jay păng.

²⁸Gập lah n'hêl nanẻ ngăn ma khân may, dăng lể ndrớ bunuyh jan tih, ndrel ma lah mứch rmot Kờanh Brah, Kờanh Brah hôm yỏ dadê.

²⁹Tih ma bu moh i lah mứch rmot Brah Huêng Ueh i kloh ueh ri, mâu ôh Kờanh Brah yỏ ma păng, păng i nây geh dờih n'ho ro mâu blao bah.”

³⁰Ndri dăng Brah Yêsu ngới kớ t nây, ach khân păng lah Păng geh brah djớh gũ ta sắk Păng.

Phung oh nô ngăn Brah Yêsu

(Mat 12:46-50; Luk 8:19-21)

31Jêh ri mề Brah Yêsu, ndrel ma oh bu klô Păng, hăn tât ta jay Brah Yêsu gũ ntũm nti nây. Khân păng gũ bớh dih ri, jêh ri đã bu mớh Păng hăn mập khân păng.

32Phung bon lan i gũ jũm Brah Yêsu ri mớh Păng: “Hơi Nờm Nti, mề May, ndrel ma oh bu klô May gũ kớp bớh dih to, ứch mập May mề!”

33Jêh ri Brah Yêsu ớh ma khân păng: “Bu moh mề Gập? Bu moh oh nô Gập?”

34Jêh ri Păng uảnh bunuyh i gũ jũm Păng, Păng lah: “Bunuyh i gũ ta dja Gập kuẩl mề Gập, oh nô Gập.

35Bu moh i iẩt tâng nau Kờanh Brah ứch, păng i nây oh nô Gập, ndrel ma mề Gập.”

Markôs 4

Nau ngời ntât sui gẩr ntil

(Mat 13:1-9; Luk 8:4-8)

1Geh du nar ri Brah Yêsu gũ nti phung bon lan rỏ meng dak nglao kuống Galilê du tở jât. Ta nây geh ỏk ngẩn bunuyh hăn vẩch ta Păng, ndri Păng hao gũ rgớp kalớ duk, jêh ri nti kalớ duk ri, phung bon lan gũ bớh kớh dja, gũ rỏ meng dak.

2Brah Yêsu ntũm nti khân păng ỏk ngẩn ma nau ngời ntât kớt nđa:

3“Iẩt hỏ, geh du huê bu klô hăn sui gẩr ntil.

4Nỏk păng sui nây abẩ tẩp rỏ trong, jêh ri siũm chok lể phiao.

5Gẩr abẩ tẩp ta neh klêr, gẩr i nây gớnh hon pru yorlah neh n'hor.

6Tât dỏh nar tỏm i nây ndro bẩng, yor ma reh păng hon mậu jru.

7Gẩr abẩ jât tẩp ta neh lok, jêh ri lok hon tỏl lể phiao, n'ho ma mậu ôh tât play.

8Lỏng gẩr i abẩ jât tẩp ta neh ueh, păng hon pru ueh jêng, n'ho ma tât geh play du gẩr geh 30, abẩ du gẩr geh 60, abẩ jât du gẩr geh 100.”

- ⁹Jêh ri Brah Yêsu lah tay: “Bu moh tăng nau Gáp ngời dja, ăn păng nklôn êng ta săk!”
- ¹⁰Nôk Brah Yêsu gũ ngai đah băi phung, ta nây geh 12 nuyh, mpôl oh mon, ndrel ma bu abă đổng gũ ndrel Păng, jêh ri khân păng ôp Păng: “May mboh n'hêl nau ngời ntât i nây ưh.”
- ¹¹Brah Yêsu ởh lah: “A lor nơh nau khlay Kôranh Brah mât uănh bunuyh hôm ndöp mpôn, abao ri Kôranh Brah ăn ma khân ay may gĩt vât ndơ i nây. Lông bunuyh abă jât, Gáp ngời ntât ăn ma khân păng.
- ¹²Ndri tâm di đah Nau Kôranh Brah Ngời kăi e nơh: ‘Bol lah khân păng uănh ndơ Gáp jan kô mâu vât ndơ khlay nau i nây. Khân păng tăng nau Gáp ngời kô mâu vât đổng. Lah khân păng vât, khân păng rgâl nuih n'hâm djơh, jêh ri Kôranh Brah yố ndach mâu hôm kơp nau tih khân păng’ .”
- ¹³Brah Yêsu lah tay ma khân păng: “Nau ngời ntât dja lah khân ay may mâu vât đổng, mơm khân ay may dơi vât nau ngời ntât abă êng jât hă!
- ¹⁴Bunuyh i sui găr ntil nây, kơt bunuyh i mboh nkoch nau Kôranh Brah.
- ¹⁵Găr ntil i tũp rỏ trong, tâm ban ma bunuyh i iăt nau Kôranh Brah, jêh iăt đô ma Satăng i kôranh mpôl brah djơh pit lơi nau păng iăt nây ro.
- ¹⁶Bunuyh i tâm ban ma găr ntil tũp ta neh klêr tăng nau Kôranh Brah, khân păng iăt ro răm maak ngăn,
- ¹⁷hon ueh du blăt dơm. Nau Kôranh Brah mâu ôh hon reh ta nuih n'hâm khân păng nơm, ndri tât geh nau jêr êng êng, mâu lah bu jan jêr yor ma nau Kôranh Brah, khân păng mbăi ro nau nsing.
- ¹⁸Bunuyh abă jât tâm ban ma găr ntil tũp ta neh lok, khân păng iăt nau Kôranh Brah đổng,
- ¹⁹tih ma ta trôm nuih n'hâm khân păng nklôn rvê hô ngăn ma nau rêh ta neh ntu dja, ứch rvan kơnh geh đrăp ndơ, ndâp ma nuih n'hâm khân păng rông geh ma ndơ êng êng. Jêh ri put bải nau Kôranh Brah i nây mâu ăn tât play.

²⁰Lõng khân păng i tâm ban ma gǎr ntil tǔp ta neh ueh ri, jêh tăng nau Kôranh Brah păng iǎt, n'ho ma tât geh play, geh bunuyh abǎ ri du gǎr jêng geh 30, du gǎr jêng geh 60, bunuyh abǎ ri jât du gǎr jêng geh 100 ngǎn.”

Nau ngoi ntât ma ùnh sagêng

(Mat 5:15; Luk 8:16-18)

²¹Jêh ri Brah Yêsu lah ma phung bon lan: “Mâu vay say ôh bu mpêh ùnh sagêng, jêh ri kǔp lơi ma sah, mâu lah tể ta nâm gre. Bu vay yông ùnh sagêng ăn prêh.

²²Dâng lể ndơ i mpôn mo, Kôranh Brah ăn bu gít dadê. Dâng lể ndơ i bu mâu say, Păng nhơ ăn bu say kloh rah vah đōng.

²³Bu moh i tăng nau Gâp ngoi dja ăn păng mân êng ta sǎk! ”

²⁴“Ăn khân ay may njrǎng ngǎn hǒm nau i khân ay may iǎt i dja. Kôranh Brah rnhueh ăn ma khân ay may, tâng khân ay may rnhueh ăn ma bu đōng, jêh ri Păng kơi ntop tay ma khân ay may ăn rlau i này jât.

²⁵Bu moh i lể geh, Kôranh Brah kơi ntop ăn ma păng jât, tih ma bu moh i mâu geh, Kôranh Brah sǒ rhuǎt lơi lể ndơ i păng gít lah lể geh” .

Nau ngoi ntât ma gǎr ba

²⁶Brah Yêsu lah tay: “Nau Kôranh Brah mât uǎnh bunuyh tâm ban ma du huê bu klô lôh tuch ba ta mir păng nơm,

²⁷jêh ri a mǎng bêch, a nar jan kar. Gǎr ba i này hon, yơn ma păng mâu gít đōng a mớ m nơm hon.

²⁸Neh ăn gǎr ba i này geh hon êng păng nơm. Bơh nơm păng lôh n'ha, prêh để prêh để n'ho ma tât lôh tât mbôn, jêh ri mớ jêng play ba.

²⁹Tât ba lể dǔm, păng sǒ ndjeo hǎn rek, yorlah lể di khay rek.”

Nau ngoi ntât ma gǎr si

(Mat 13:31-32, 34; Luk 13:18-19)

³⁰Brah Yêsu lah: “Ndri moh ndơ bân tâm rdǎl ma nau Kôranh Brah mât uǎnh bunuyh? Moh nau ngoi ntât bân sǒ ma tâm rdǎl đah nau Kôranh Brah mât uǎnh?

31Nau Kôranh Brah mât uănh bunuyh, tâm ban ma du ntil găr si i bu sui ta neh, găr si i này rhên rlau bu ngăn ma đah găr si dăng lẽ ta neh ntu dja.

32Jêh bu sui păng ta neh ri, tâm ma hon tơm i này kuống rlau ma tơm abă êng jât, geh n'ging geh nthan n'hâm ngăn, n'ho ma geh siùm gũ jan rsuăn ta này.”

33Kơt ndri Brah Yêsu ntũm nti nau Kôranh Brah, Păng đống nau ngơi ntât kơt nđa, tâng i bon lan dơi vât.

34Bon lan tăng Păng ngơi nau ngơi ntât dơm, yơn ma nôk Păng gũ êng, Păng rblang nau i này ăn ma mpôl oh mon Păng.

Brah Yêsu buay phứt

(Mat 8:23-27; Luk 8:22-25)

35Nôk này Brah Yêsu hôm gũ ta duk, tâm kêng mǎng nar i này đống, Păng lah ma mpôl oh mon Păng: “Hổ, bân hăn jât kǎl ti dak ri.”

36Jêh ri khân păng ncho duk này du bớh bon lan hăn jât kǎl ti ri, geh duk abă đống hăn ndrel khân păng.

37Jêh ri dô ma geh phứt chuǎnh dứt hô ngăn. Dak rbuh, lăp ta duk ri bới ma bêng.

38Lõng Brah Yêsu ri Păng lẽ hǎk bêch ta khanơi ta chiǎng duk này. Mpôl oh mon rlay Păng: “Hơi Nơm Nti, lẽ khât ngăn bân! Mơm bêch May thơ lavơ này?”

39Brah Yêsu kah rngǎl Păng dâk đơp, buay phứt, ndrel ma dak rbuh này: “Bah hồm! Rngõn hồm!” Jêh ri phứt bah sial mâu hôm, dak rbuh rngõn njúp đống.

40Brah Yêsu lah khân păng: “Mơm dâng khân may klach hô ir kơt này? Mơm dâng mâu hôm geh nau nsing ma Gáp?”

41Ngăn khân păng ta này klach nsõr hô, jêh ri tâm lah ndrǎng khân păng nơm: “Bu moh Păng i này hiah, dâng geh ma phứt, ndrel ma dak rbuh iăt nau Păng?”

Markôs 5

Brah Yêsu mproh brah djơh bớh du huê bu klô

(Mat 8:28-34; Luk 8:26-39)

- ¹Jêh ri Brah Yêsu, ndrel ma oh mon Păng tât kăi ti dak nglao kuông Galilê ri, dăch ntük bon Garasin. Ntük bon i này bu mâu ôh tâng nau vay phung Israel.
- ²Jêh Brah Yêsu jür bôh duk này, du blăt ta này geh du huê bu klô brah djơh gũ ta săk păng, păng lôh bôh ntük môch ếch hăn mập Brah Yêsu.
- ³Păng i này gũ ta ntük môch dơm, mâu geh ôh bunuyh dơi nhữp dơi kăt păng, kăt đah rse rvăk kô mâu khan đong.
- ⁴Bol lah bu lể nkông jông ti, kăt păng đah rse rvăk ôk tở, păng lơh nklah tách lể phiao ndơ i bu nkông bu kăt păng này, mâu geh ôh bunuyh dơi đăp păng.
- ⁵Dâng măng dâng nar păng gũ rỏ môch rỏ yôk, ndâp ma nter, jêh ri sỏ lữ mplôn tor êng săk păng nơm đong.
- ⁶Tât păng say Brah Yêsu bôh ngai, păng nchuăt ran chon kômök kũnh bôk bôh năp Brah Yêsu ro,
- ⁷păng nter dũt nteh nteh ngăn: “Hơi Brah Yêsu kon Kôranh Brah dũt prêh ta kalơ trôk, mớrm May jan ma gâp mêh? Khăt ôm lôm lă, ăn May ton ma gâp ta bôh năp Kôranh Brah, đăn May lơi ôh nkrit gâp!”
- ⁸Dâng brah djơh lah kớrt này, ach ma Brah Yêsu lể jêh lah păng: “Mpôl brah djơh, du hỏm bôh bunuyh dja!”
- ⁹Jêh ri Brah Yêsu ôp păng: “Mớrm rnha may mêh?” “Gâp rnha ‘Mpôl taken ôk rbăn’, yor ma bắi hên ôk ngăn.”
- ¹⁰Păng bonh Brah Yêsu hỏl rdők: “Lơi dâng mprơh hên du lôh bôh bri dja.”
- ¹¹Kêng ntük này geh sữr du phung kuông gũ sa mpa rỏ njông yôk.
- ¹²Phung brah djơh i này đăn tay dũt hô ngăn: “Đăn May njuăl ăn hên lăp ta sữr phung i ri ơ!”
- ¹³Jêh ri Brah Yêsu ăn khân păng lăp ta sữr ri. Jêh ri mpôl brah djơh i ri lôh bôh bunuyh i này lăp gũ ta sữr ri lể rngôt. Sữr phung i này klăp lah ôk 2000 mlôm, jêh ri nchuăt rbũl jăt sop rbông jăt dak nglao ri, lăp ta dak rmok khăt lể phiao .

¹⁴Jêh ri mpôl i chiăp sữr nây, nhuăt mboh nkoch nau i nây ma bu rồ bon rồ mir. Bu i tăng ran uảnh nau tât i nây.

¹⁵Khân păng ran tât a Brah Yêsu, jêh ri say bunuyh i tă brah djơh lăp ốk ngăn nơh gủ ta ri, nsoh bok ao n'ho ma kah gít săk đổng, jêh say lể nau nây khân păng klach dadê ngăn.

¹⁶Mpôl i say n'hêl ma mắt lể nau tât i geh ta bu klô i nây, ndrel ma sữr phung nây đổng, khân păng mboh nkoch ma phung bon lan ta nây ăn gít.

¹⁷Jêh ri bon lan bonh Brah Yêsu đã Păng du bơh bri bon khân păng nây.

¹⁸Jêh ri Brah Yêsu nchô ma hăn hao kalơ duk ri. Bu klô i brah djơh lăp a lor nơh dẫn tăng Păng.

¹⁹Yơn ma Brah Yêsu mâu rom ôh, bêng Păng ma đã: “Hăn may sât a jay may nơm ri, mboh nkoch ma bảl mpôl may lể nau i Kôranh Brah lể jan ma may nơh, ndrel ma nau i Kôranh Brah yỗ ndach may.”

²⁰Jêh ri bu klô i nây hăn ro, nơm mboh ăn ma bon lan ta bri Đêkapôlis ăn khân păng gít dăng lể nau i Brah Yêsu jan ma păng. Jêh tăng nau păng mboh nkoch nây ndrôt hih rhôl ngăn bon lan.

Brah Yêsu jan bah bu ur ji rih, ndrel ma kon bu ur Jairus

(Mat 9:18-26; Luk 8:40-56)

²¹Jêh ri Brah Yêsu ncho duk tât kăl ti dak ri, Păng gủ ta meng dak nglao kuông, ta nây geh bon lan ốk mpưm ngăn hăn gủ njueng jũm Păng.

²²Jêh ri geh du huê bu klô rnhă Jairus hăn ta nây đổng, păng kôranh nhih rbum phung Israel. Tât păng say Brah Yêsu păng ran păn ta jông,

²³păng bonh jă Brah Yêsu hô ngăn, păng lah: “Hơi Nơm Nti, kon bu ur gập ji hô ngăn lể bơi khât mê. Dẫn May hăn tể ti ta păng ơ, ăn bah nau ji lơi ăn păng khât!”

²⁴Jêh ri Brah Yêsu hăn ndrel păng. Geh ốk ngăn phung bon lan hăn tăng Păng đổng, tât ma tâm mpet bảl hô ngăn.

²⁵Ta mpôl nây geh đổng du huê bu ur ji rih lể jồ 12 năm hơi.

- ²⁶Ndri păng nsrôyh ngăn ăt nau ji i ők phung nơm dak si de sãm, tih ma mâu ôh dơi bah. Păng huach lể drăp ndr' păng, mâu say bah đễ ro, nau ji păng lơ ma hô lơ ma hô ngăn.
- ²⁷Tât păng gít lư Brah Yêsu hăn ta nây, păng ran chũl lăp ta nklang bảl ők pah i ao kuống Brah Yêsu bớh kơi.
- ²⁸Păng mân êng: “Lah gáp geh pah i ao Păng, nau ji gáp bah ro.”
- ²⁹Jêh păng pah ao Brah Yêsu nây, mham păng bah ndal ta nây ro, mâu hôm trôh ôh. Jêh ri păng gít êng ta sắk nau ji păng lể bah ngăn.
- ³⁰Nôk nây Brah Yêsu gít ro geh lôh nau brah tă bớh sắk Păng, jêh ri Păng rle jăt phung bon lan nây lah: “Bu moh pah ao Gáp hiah?”
- ³¹Mpôl oh mon Păng ơh: “Hơi Kôranh, May say hơi geh bunuyh ők ngăn tâm mpet bảl geh pah May dadê. Mỡm dăng May ôp lah: Bu moh pah Gáp?”
- ³²Jêh ri Brah Yêsu uảnh jũm Păng nơm, ứch gít bu moh i pah ao Păng a ndr' h nớh.
- ³³Bu ur i nây klach nsờr ngăn, say nau dơi ta sắk păng nơm, păng păn ta jống Brah Yêsu jêh ri mớh lể nau i nây, mâu păng mo ôh.
- ³⁴Brah Yêsu lah ma bu ur nây: “Hơi oh! Nau ay nsing ma Gáp jan bah ay hơi, sắt ănh ueh lăng đăp mpăn yờ. Nau ji ay ănh bah đống!”
- ³⁵Nôk Brah Yêsu hôm e ngời nây, geh bunuyh ăbả tă bớh jay Jairus mớh lah: “Kon bu ur may lể khăt mê. Moh nau hôm rkhuak Nơm Nti nây jăt mêh?”
- ³⁶Brah Yêsu tăng đống nau i bu mớh nây, lơ Păng ma lah ma Jairus: “Lơi dăng klach ôh, ănh may nsing ma Gáp đơm.”
- ³⁷Jêh ri Brah Yêsu hăn, mâu ôh rom bu ăbả hăn tâng Păng. Păng rom pe nuyh Pêtrôh, Yakơ, ndr'el ma Yôhan i oh Yakơ đơm.
- ³⁸Tât ta jay Jairus i kôranh nhieh rỗn nây, Brah Yêsu tăng bu nhũm vớl dũt nteh uh ah gah gai ngăn.

³⁹Brah Yêsu lăp ta trôm jay lah ma khân păng: “Moh nau nhũm khân ay may uh ah gah gai nây? Mâu khât ôh kon se dja, man ma hăk bêch dơm!”

⁴⁰Jêh tăng nau nây khân păng gơm mưch ma Brah Yêsu. Jêh ri Brah Yêsu mproh khân păng lôh a dih lě rngôch, Păng jă i mẽ bở kon se nây, ndrel ma pe nuyh mpôl oh mon Păng lăp ta trôm jrô ntũk kon se bêch nây.

⁴¹Jêh ri Păng nhũp ti kon se nây, n'ho Păng lah: “Talitha kumi ” - rblang lah ‘Hơi oh, ay dâk hõm!’

⁴²Dô ma kon se bu ur nây dâk đơp, brồ ro. Bunuyh i gũ ndrel ta nây ndrôt hih rhõl dũt hô ngăn. Kon se nây lě geh 12 năm hơi.

⁴³Yơn ma Brah Yêsu buay khân păng, mâu ôh ăn mboh nkoch ma bu gĩt nau dja, jêh ri đã khân păng sỏ ndr ăn kon se nây sông sa.

Markôs 6

Bon Nasaret mâu rom Brah Yêsu

(Luk 4:16-30)

¹Jêh ri Brah Yêsu lôh bớh ntũk nây plở sât ta bon bri Păng nờm ta bon Nasaret, mpôl oh mon tăng Păng đờng.

²Tât nar Sabăt i nar rlu phung Israel ri, Păng lăp ta trôm nhieh rỗn ntũm nti bu, geh ỏk bunuyh i tăng nau Păng ndrôt hih rhõl ngăn, khân păng ôp ndrăng khân păng lah: “Bớh tă gĩt nau Păng i nây hiah? Nau mân gĩt blao Păng nây bớh tă sỏ? Ndr ueh ndr khlay Păng dơi jan nớh bớh tă dơi?”

³Păng nây mâu di i kon Mari jan kar tởm si, i nô Yakỏ, Yôsep, Yuđas, ndrel ma Simôn bah? I oh bu ur Păng gũ ta bon dja ndrel bân đờng!” Ndri dâng khân păng ji nuih, kỏ nuih kỏ n'hâm mâu ũch iăt nau Păng.

⁴Jêh ri Brah Yêsu lah ma khân păng: “Bunuyh ntởyh nau ngời Kờranh Brah i bu yỏk, yơn ma bunuyh ta bon păng nờm, ta mpôl bắl, ndrel ma ta jay păng nờm vay mưch rmot păng.”

⁵Lah ndr ta bon nây Păng mâu ôh dơi jan ndr ueh ndr khlay ỏk, man ma tể ti kalỏ bunuyh ji abă dờm gay ma ăn bah ji.

⁶Păng ndrôt hih rhõl ngăn yor ma mâu say khân păng geh nau nsing kớt nây.

Brah Yêsu đã kôranh oh mon

(Mat 10:5-15; Luk 9:1-6)

Jêh ri Brah Yêsu hăn rồ bon êng êng, n'ho ma ntũm nti ăn bu đống.

⁷Păng kuăl 12 nuyh mpôl oh mon văch a Păng, jêh ri đã khân păng hăn bar hê bar hê rồ bon êng êng, n'ho ma ăn nau dơi ta khân păng mproh brah djơh đống.

⁸Păng ntĩnh ma khân păng: “Hơi oh nô, lơi ôh ndjôt ndoh ndr hăn trong, ndjôt mống jra hỏ, lơi ndjôt ndr sông sa, dũng cheng, mâu lah prăk rial nkăr sắk,

⁹hăn nsoh ntô jot, lơi ôh nsoh ao kuống bar blah .”

¹⁰Păng lah ma khân păng jât: “Moh jay khân may lăp nây, gủ ta jay nây hỏ n'ho ma tăt khân may lôh bớh bon i nây.

¹¹Lah geh bon i mâu rom mâu iăt khân may, lôh bớh bon i nây, jêh ri rtôh neh môi bớh jống khân may nơm, gay ma nhơ lah bon i nây Kôranh Brah tễ dôi.”

¹²Jêh ri mpôl oh mon Păng lôh bớh nây hăn ntũm nti đã bu rgâl nuih n'hâm djơh.

¹³Mpôl khân păng dơi mproh brah djơh ốk lôh bớh bunuyh, n'ho ma tồ dak ngi ta bunuyh ji ốk ngăn ăn bah bớh nau ji.

Hêrôt-Ốntipas nkhât Yôhan-Baptem

(Mat 14:1-12; Luk 3:19-20; 9:7-9)

¹⁴Jêh ri kađăch Hêrôt-Ốntipas gít ro nau Brah Yêsu jan, yor ma lư sắk Brah Yêsu nây hô ngăn. Geh bu babă ngơi lah: “Yôhan-Baptem lể dăk rêh tay, ndrĩ dăng Păng i nây geh nau dơi jan lể nau kớt nây.”

¹⁵Bu abă êng lah: “Păng i nây i bunuyh ntơyh nau ngơi Kôranh Brah kăl e nơh rnha Êliya .” Bu abă jât lah: “Păng i nây du huê bunuyh ntơyh nau ngơi Kôranh Brah tâm ban ma bunuyh ntơyh rnôk kăl e nơh đống.”

¹⁶Lống kađăch Hêrôt ri, jêh păng gít lể nau i nây, păng lah: “Păng dja ngăn Yôhan i gáp đã taken koh tong ko nơh, abơ păng lể dăk rêh tay.”

¹⁷Kađäch Hêrôt lah ndri, yorlah bôh ntôm nơh păng đã taken nhữp Yôhan kât krũng ta ndrung ri, yor ma nau pit ur i oh păng rnha Philip, jêh ri kađäch Hêrôt sô ndă i ur Philip rnha Hêrôđias jan ur sai.

¹⁸Jêh gít ndri Yôhan lě jêh lah kađäch Hêrôt: “Mâu ôh di đah nau vay may sô ur oh jan ur may.”

¹⁹Jêh ri Hêrôđias ji nuh öch nkhat lơi Yôhan nây, mâu dơi ôh, yor ma kađäch Hêrôt mâu ăn.

²⁰Kađäch Hêrôt klach Yôhan-Baptem, kớp păng bunuyh sổng bunuyh kloh ueh. Ndri kađäch Hêrôt öch nking păng bôh Hêrôđias. Kađäch Hêrôt öch ngăn tăng nau păng ngơi, yơn ma nau ngơi i nây jan ăn ta nuh n'hâm kađäch Hêrôt geh nau mân rvê hô ngăn.

²¹Geh du nar ri di nar kah gít nar deh kađäch Hêrôt, păng ndrăp nau nhêt sông kuống ngăn. Păng jă bunuyh i kớl păng mât uảnh, jă kôranh taken, ndrel ma bunuyh têh bunuyh ndrông i gủ ta bri Galilê nây. Ta nar nây ro geh nau bu ur Hêrôđias dơi jan.

²²Jêh ri i kon drôh Hêrôđias lăp rôm ta ntúk nhêt sông nây, tât kađäch Hêrôt, ndrel ma dâng lě bu năch i gủ ta nây say, khân păng răm ngăn, jêh ri kađäch lah ma păng: “Moh ndrơ ay öch, đăn ma gập dô, gập ăn ma ay ro!”

²³N'ho ma ton lah: “Moh ntil ndrơ ay đăn ma gập, gập ăn ma ay ro, bol lah plah du đah bri i gập mât uảnh kađôi.”

²⁴Bu drôh nây lôh bhũch bôh ntúk nây hăn ôp i mẽ păng: “Hơi mẽ, moh ndrơ gập đăn êh?” I mẽ păng ơh: “Đăn i bôk Yôhan-Baptem!”

²⁵Jêh ri păng plở brül bôh nây mbôh ma kađäch nây ro: “Gập öch đăn i bôk Yôhan-Baptem tể kalơ ngan thang abơ ri ro!”

²⁶Jêh tăng nau đăn i nây kađäch nduih tôh hô ngăn, tih ma mâu rlăch ôh, yor ma kađäch lě jêh ton bôh năp phung bu năch i gủ ta nây.

²⁷Kađäch đã ro du huê taken hăn sô i bôk Yôhan. Tât ta ndrung ri, păng koh tong ko Yôhan,

²⁸sǒ i bôk tẻ kalơ ngan thang, jêh ri ndở ăn ma bu drôh nây. Bu drôh i nây ndjôt ndở ăn ma i mẽ păng nơm.

²⁹Tât mpôl oh mon Yôhan gít nau i nây, khân păng leo bải hăn sǒ i sǎk păng njor ta trôm môch lữ.

Brah Yêsu siăm 5000 bunuyh

(Mat 14:13-21; Luk 9:10-17; Yôh 6:1-14)

³⁰Jêh mpôl kôranh oh mon Brah Yêsu plở sât bớh ntúk êng êng, khân păng nkoch ma Brah Yêsu dâng lẻ ndở i khân păng jan, ndrel ma nau khân păng geh ntúm nti nớh.

³¹Ta ntúk nây geh ỏk bunuyh hăn lôh lắp, ndri Brah Yêsu, ndrel ma mpôl oh mon Păng gay ma sông sa mâu ôh dới ru. Jêh ri Brah Yêsu đã mpôl oh mon Păng: “Hổ hăn leo bải joi ntúk bah ngai ma phung bon lan, rlu du ndôm bốt.”

³²Jêh ri khân păng lôh bớh ntúk nây jữr ncho duk hăn jât ntúk êng bah ma bu.

³³Khân păng ncho duk rỏ dak nây geh ỏk bunuyh say gít nǎi khân păng i nây. Tât bon lan gít ntúk Păng hăn ri, jêh ri leo bải lôh tả bớh bon êng êng, nhuất grũng lor bớh nấp ri.

³⁴Nôk Brah Yêsu jữr bớh duk nây say phung bon lan ỏk mpữm ngăn, Păng geh nau yỏ ndach ma khân păng ngăn, say khân păng i nây tâm ban ma phung be biấp i mâu geh bunuyh mât uảnh. Ndri Păng ntúm nti ỏk ntil nau ăn ma khân păng.

³⁵Tât nar lẻ dêh, mpôl oh mon hăn mớh ma Brah Yêsu lah: “Ta dja ntúk rdah ngai bớh bon mâu ôh geh ndở sa, nar lẻ bới nhộp đổng.

³⁶May đã khân păng plở sât joi ndở rvăt ma sông sa rỏ jay rỏ bon i dǎch dǎch oi ta dja.”

³⁷Brah Yêsu ớh ma khân păng lah: “Khân may ăn bu sông sa heh!” Khân păng ớh lah: “Ndri hên sỏ prăk 200 prăk kǎk, hăn rvăt nủmpăng ăn ma phung bon lan de sa bớh?”

³⁸Brah Yêsu lah ma khân păng: “Uănh bôt heh, dah ôk geh numpăng khân may?” Tât ma gít nây khân păng mboh ma Păng: “Geh prăm mlôm numpăng, bar mlôm ka dôm.”

³⁹Jêh ri Brah Yêsu mboh ma mpôl oh mon Păng, đã phung bon lan gũ du mpôl du mpôl, kalơ rệp nse nây.

⁴⁰Ndri khân păng gũ, mpôl abă geh 100 nuyh, mpôl abă geh 50 nuyh.

⁴¹Jêh ri Brah Yêsu sô prăm mlôm numpăng, ndrel ma bar mlôm ka ri, Păng n'gơr mắt jât lơ mboh sơm ndr sông sa i nây ma Kôranh Brah. Lôch jêh Păng gích numpăng i nây ndr ăn oh mon, đã khân păng pã ăn bu sa, n'ho ma pã ka i bar mlôm nây ăn dăng lě bunuyh đong.

⁴²Jêh tâm pã ndr sa i ri, dăng lě bunuyh gũ sa ta nây hơm dadê.

⁴³Jêh ri mpôl oh mon rgum numpăng, ndrel ma ka i hơm rmeh nây geh 12 sah.

⁴⁴Phung bon lan i sa nây nơh kơp i bu klô ôk 5000 nuyh.

Brah Yêsu brồ kalơ dak

(Mat 14:22-33; Yôh 6:15-21)

⁴⁵Du ndôm nây, Brah Yêsu đã mpôl oh mon Păng hăn lor ncho duk mpeh jât kăi ti dak ri, jât bon Bêtsaida ri, jêh ri Păng đã dăng lě phung bon lan i gũ ta nây plờ sât.

⁴⁶Jêh đã ndri Brah Yêsu lôh bơh nây hăn hao kalơ yôk mboh sơm ta ri.

⁴⁷Tât nar lě nhộp duk i oh mon ncho nây nchô ma ta nklang dak nglao kuông ri, i Brah Yêsu ri hơm gũ êng kalơ kơh.

⁴⁸Păng uănh say mpôl oh mon Păng vah duk ran huan jêr ngăn hăn rlờ jât tơm sial. Tât bri lě bơi ang Brah Yêsu brồ kalơ dak nglao kuông ri brồ dăch kêng oh mon Păng, jêh ri Păng ứch hăn n'hot.

⁴⁹Tât say Păng brồ kalơ dak nglao nây, khân păng nter drơu, ndôn lah chiak nhhu.

⁵⁰Lễ khân păng say dadê klach nsör ngăn, ndri Brah Yêsu ngơi ma khân păng ro: “Lời klach ôh, ăn nuih n'hâm bảnh, Gập ya!”

⁵¹Jêh ri Păng hao ncho duk ndrel khân păng, sial dô ma bah rngõn njüp ro. Ndröt hih rhöl ngăn mpôl oh mon ta này,

⁵²yorlah khân păng mâu hõ ôh dơi gít nau numpăng nơh, khân păng hôm dăng ko.

Brah Yêsu jan bah nau ji bunuyh ta bri Gênesaret

(Mat 14:34-36)

⁵³Jêh ri Brah Yêsu, ndrel ma oh mon tât mpeh käl ti dak ri, ta bri Gênesaret. Khân păng nsrüng ta này kät duk ta meng dak ri,

⁵⁴jêh ri khân păng hao kalơ kơh. Tât ma say, dăng lễ bunuyh i gũ ta này gít näl Păng ro,

⁵⁵ndri bu hăn nchuăt tă bơh ăp ntük ðon, leo bäl tung bunuyh ji hăn ta ntük i bu lư lah Păng gũ ri.

⁵⁶Ăp ntük i Brah Yêsu hăn, bol lah ta bri ta ðon, mâu lah ta ðon kuõng kađôi, bu leo bunuyh ji ăn gũ ta ntük bu tách drăp, jêh ri dăn bonh Păng sơm ma geh pah chiăng ao kuõng Păng đễ đễ eng, ndri dăng lễ bunuyh i geh pah ao kuõng Păng bah dadê ro nau ji.

Markôs 7

Nau vay ơm bơh bu ranh bơh käl e nơh

(Mat 15:1-9)

¹Geh du nar ri phung Pharisi, ndrel ma nơm nti abă tă bơh ðon kuõng Yêrusalem hăn mậ Brah Yêsu.

²Tât ta này khân păng say mpôl oh mon Brah Yêsu sông sa ma ti i khân păng kợp mâu kloh tâng ma nau vay ơm đă, yor ma mpôl oh mon i này mâu rao ti lor sông sa.

³Phung Pharisi, ndrel ma phung Israel dăng lễ ndjôt tâng nau vay ơm bơh bu ranh khân păng nơm käl e nơh, ê lor ma sông sa khân păng rao ti, ri mớ sông sa.

⁴Geh đồng sât tă bớh ntũk bu tách đrăp, lah khân păng sông sa mâu geh rao tâng nau vay lor, ndri klach Kôranh Brah mâu sớ đơn. Khân păng ndjôt mâu ntloĩ nau vay êng êng ők đống, kớt ma rao keo rao ndoh rao glah jan ma kông [rao gre] đống.

⁵Ndri phung Pharisai, ndrel ma phung nớm nti ôp Brah Yêsu lah: “Moh nau mpôl oh mon May mâu ndjôt tâng nau vay ơm bu ranh, sông sa ma ti mâu kloh kớt này?”

⁶Brah Yêsu lah ma khân păng: “Nau Êsai i bunuyh ntớyh nau ngời Kôranh Brah lể nchih kăl e nớh, gập lể say păng nchih tâm di đah khân may. Khân may jan iăt nau Kôranh Brah đơm, Êsai lể nchih lah: ‘Kôranh Brah lah: ‘Phung bon lan dja yớk mbah Gập ma bớ mbung đơm, Ta nuih n'hâm khân păng gũ ngai đah Gập.

⁷Khân păng yớk mbah ma Gập mâu geh ôh ntil khlay, để mâu ơm, Yor ma khân păng ntũm nti sớ nau vay tă bớh bunuyh đơm. Tih ma khân păng lah mbrôh nau vay i này tă bớh Gập đă” .

⁸Nau vay i tă bớh Kôranh Brah khân may mbăr lơi, bêng ma ndjôt tâng nau vay bunuyh.”

⁹Păng lah jăt: “Khân may blaو ngăn tâng nau vay bunuyh n'ho ma mâu hôm iăt nau vay Kôranh Brah.

¹⁰Ntât lah Môsê lể nchih kăl e nớh lah: ‘Ăn khân ay may yớk mbah hỏm ma mẽ bớ’, jêh ri ‘Bu moh rak suai ma mẽ bớ păng nớm, păng i này geh dôih tât bu nkhât ro’ .

¹¹Tih ma khân may lah nđa: ‘Lah du huê bunuyh ngời ma i mẽ bớ lah, moh nđơ i gập ũch kớl ma mẽ bớ, nđơ i này lah lể Kôrbăn ’ - nau ‘Kôrbăn’ dja rblang lah ‘Nđơ nhhớ ma Kôranh Brah’.

¹²Jêh ri bunuyh i ngời kớt nđay, khân may mâu hôm ôh ăn păng kớl ma mẽ bớ.

¹³Ndri dâng khân may jut lơi nau vay Kôranh Brah, nkhong ma sớ nau vay ơm bớh bu ranh. Khân may jan nđơ êng êng ők ngăn, kớt nđơ i này đống.”

Nau i jan bunuyh mâu hôm kloh

(Mat 15:10-20)

14Jêh ri Brah Yêsu kuäl lě phung bon lan i gũ dăch ta nây, lah ma khân păng: “Lě oh nô kônkh va iăt nau Gâp ler nger bôt ăn gĩt vât nau dja:

15Lě ndơ bớh dih i lăp ta trôm săk bunuyh, mâu dơi ôh jan ăn bunuyh jêng mâu kloh, lě ndơ i lôh bớh bunuyh, ndơ i nây dơi jan ăn jêng mâu kloh .

16[Bu moh tăng nau Gâp ngơi dja, ăn păng mân êng ta săk!]”

17Jêh ri Brah Yêsu lôh bớh phung bon lan hăn lăp ta trôm jay, ta nây mpôl oh mon Păng leo băl ôp Păng ma nau nti i nây.

18Păng lah ma khân păng: “Ndri khân may mâu hỏ gĩt vât đổng bah? Ăn khân may gĩt vât nau dja, lě ndơ tă bớh dih i lăp ta săk bunuyh mâu dơi ôh jan ăn bunuyh i nây jêng mâu kloh,

19yor ma ndơ i nây mâu geh ôh lăp ta trôm nuih n'hâm, lăp ta trôm ndũl dơm, jêh ri lôh lě phiao.” - Ndri Păng mớh lah lě ndơ sông sa jêng di ma sa dadê ngăn. -

20Păng lah jăt: “Geh ndơ i lôh bớh bunuyh dơm dơi jan ăn bu jêng mâu kloh,

21yorlah dăng lě nau mân djơh djơt lôh tă bớh nuih n'hâm bunuyh, nau mân i nây leo jêng khơh kler, ntũng bu, nkhăt bu,

22lôm ur lôm sai, rvan kớnh geh ma đrăp ndơ, jan ndơ djơh, mbrôh bu, mâu geh nau đit, ếch ma nau tâm pit, ngơi nchơt, nau hữn, ndrel ma nau mâu hôm ôh gĩt ndơ ueh ndơ djơh.

23Lě nau djơh i nây lôh tă bớh nuih n'hâm bunuyh, jan ăn jêng mâu kloh.”

Du huê bu ur bri êng nsing ma Brah Yêsu

24Jêh ri Brah Yêsu, ndrel ma oh mon Păng lôh bớh ntũk nây, hăn ta bri i dăch đah bon kuống Tirus [ndrel ma bon kuống Sidôn] ri. Tăt ta du bon khân păng lăp gũ ta du mlôm jay, mâu ếch ôh ăn bu gĩt lah Păng gũ ta nây, tih ma mâu ôh dơi ndöp.

25Du ndôm geh du huê bu ur tăng bu nkoch Brah Yêsu gũ ta nây. I kon bu ur păng ri brah djơh lăp, jêh ri păng hăn ta jay i nây păn ta jông Brah Yêsu.

²⁶Bu ur i này mâu ôh di phung Israel, i bon tởm păng dăch ma bon Phênisì ta bri Siri. Jêh ri păng bonh đă Brah Yêsu mproh brah djơh i này ănlôh bơh i kon păng ri.

²⁷Brah Yêsu ngơi ntât ma păng: “Ăn oh kon sông sa hơm bốt, mâu di ôh sỗ piăng trao oh kon m̄bărlah ănsosa chrao.”

²⁸Bu ur i này ơh lah: “Ngăn kôranh mê! Bol lah mâu m̄bărlah piăng trao kađôi, so hơm gũ ta nâm gre ntêr sa piăng trao ndăk i oh kon geh tũp nơh đổng.”

²⁹Tât tăng nau bu ur lah này Brah Yêsu lah ma păng: “Yor ma ay ngơi ndri, brah djơh lể lôh bơh kon ay hơi, ay plở sât a ri dồh.”

³⁰Păng sât tât ta jay say i kon păng bêch ueh kalơ gre ri, brah djơh lể lôh bơh kon păng này jêh.

Brah Yêsu jan bah du huê bu klô tâk tôr

³¹Jêh ri Brah Yêsu lôh bơh bri i dăch đah bon kuông Tirus hăn glăt rỗ bon kuông Sidôn n'ho ma tât ta bri Đêkapôlis i dăch ma dak nglao kuông Galilê ri.

³²Jêh ri ta này bu leo du huê bu klô tâk tôr hăn ta Brah Yêsu. Bu klô i này mâu lăng blao ngơi đổng. Bu bonh Păng đă tể ti ta bu klô i tâk tôr này, gay ma bah nau ji bu klô i này.

³³Jêh ri Brah Yêsu leo bu klô i này hăn gũ ntũk êng bah đễ ma phung bon lan, Păng lỏk lau ti ta trôm tôr bu klô i này, soh dak diu ta lau ti Păng nơm tể ta mpiăt bu klô i này.

³⁴Jêh ri Brah Yêsu n'gờr kalơ trôk ri, nsôrlah n'hâm kuông djhut, Păng lah: “Ephatha ” - rblang lah ‘Ăn pơk hơm’.

³⁵Du ndỏm dô ma tôr bu klô i này iăt tăng ro, mpiăt blao rlăm n'ho ma ngơi kloh rah vah ngăn ro.

³⁶Jêh ri Brah Yêsu buay khân păng lơi ôh nkoch nau dja ma bu. Păng buay lơi dăng nkoch nau i này, yờn ma khân păng lơ ma hô ngăn nkoch nau i này.

³⁷Dâng lě bunuyh i tăng nau i nây ndröt hih rhöl ngăn, jêh ri lah: “Lě ndrơ i Păng jan nây jêng ueh dadê ngăn, bol lah bunuyh tâk tôr Păng jan ăn tăng, bunuyh mlo jêng blao ngơi đống.”

Markôs 8

Brah Yêsu siăm 4000 nuyh

(Mat 15:32-39)

¹Nôk nây geh đống phung bon lan ők ngăn hăn gũ rgum bảl jât. Khân păng mâu geh ôh ndrơ ma sông sa, ndrị Brah Yêsu kuăl mpôl oh mon Păng, Păng lah:

²“Gập yỗ ngăn ma phung bon lan nây, khân păng gũ ndrel Gập lě pe nar hơi, ndrơ ma sông sa mâu geh đống.

³Lah Gập đã khân păng plở sât ndül đơm, rgãnh chôt rỏ trong ro. Bu abă brồ tả bớh bon ngai ngai.”

⁴Mpôl oh mon ơh lah: “Ta dja rngot rngăt, ah ntũk joi ndrơ ma ăn khân păng sông sa ma tống?”

⁵Brah Yêsu ôp khân păng: “Ndri khân may dah ők geh nũmpăng hă?” “Geh pơh mlôm.”

⁶Jêh ri Brah Yêsu đã phung bon lan gũ rợp gợp ta neh ri, Păng sỏ nũmpăng pơh mlôm nây, mbớh sỏm lah ueh ma Kôranh Brah, Păng gích ăn ma mpôl oh mon pả ma phung bon lan nây, jêh ri khân păng jan kọt nây.

⁷Geh ka jể abă đống, ndrị Brah Yêsu mbớh sỏm lah ueh ma Kôranh Brah, jêh ri đã mpôl oh mon pả ka i nây ăn ma phung bon lan.

⁸Jêh jan ndrị lě khân păng sa hỏm rôch đhồch, jêh ri rgum nũmpăng, ndrel ma ka i rmeh nây geh pơh sah.

⁹Dâng lě bunuyh ta nây nớh ők 4000 nuyh. Jêh bớh nây Brah Yêsu đã khân păng plở sât a jay ri.

¹⁰Du ndôm bớh kới nây, Păng ncho duk ndrel mpôl oh mon Păng hăn jât bri Đălmanutha.

Phung Pharisị ũch say nau mbên

(Mat 16:1-4)

11Jêh khân păng tât ta ri, phung Pharisi leo bảl mập Brah Yêsu tâm rlăch ma Păng, đả Păng jan du nau mbên ueh ăn gít n'hêl lah Păng dơn nau dơi tả bớh Kôranh Brah.

12Jêh tăng nau khân păng đả nây, Brah Yêsu nsôr n'hâm kuông djhut, jêh ri lah: “Mớ m dâng bunuyh ta rnôk abaō dja ứch gít say nau mbên kớ ri? Gập lah n'hêl nanẽ ngấn ma khân may, Kôranh Brah mâu ôh ăn say nau mbên ma bunuyh rnôk abaō dja.”

13Jêh ri Brah Yêsu du bớh khân păng nây, ncho duk hấn tay jât mpeh kảl ti ri.

Nau nti ma ndrui phung Pharisi, ndrel ma kôranh mậ uảnh Hêrôt-Ổtipas

(Mat 16:5-12)

14Jêh ri mpôl oh mon lể chuêl ndjôt nũmpăng, ta duk nây geh du mlôm nũmpăng dớ m.

15Jêh ri Brah Yêsu ngời nkah ma khân păng: “Ăn khân may njrăng ngấn ma ndrui phung Pharisi, ndrel ma ndrui kôranh mậ uảnh Hêrôt-Ổtipas đớ ng” .

16Mpôl oh mon ngời ndrăng khân păng nớ m: “Păng ngời kớ t nây ach bân mâu geh nũmpăng dớ m mâu?”

17Brah Yêsu gít nau khân păng ngời, Păng lah: “Moh ngời khân mre nau mâu geh nũmpăng nây? Khân may mâu say iăt, mâu say gít vậ nau đớ ng? Khân may hôm đả ng ko bah?”

18Khân may geh dớ m trôm mậ uảnh mâu say, geh dớ m tô r iăt mâu tăng bah? Ndrì khân may lể chuêl bah,

19nôk Gập gích pră m mlôm nũmpăng pả ăn ma bunuyh 5000 nuyh nớ h? Jêh ri khân may rgum nũmpăng i rmeh nớ h dah ôk hôm?” Khân păng ớ h lah: “12 sah.”

20“Ndrì nôk Gập gích nũmpăng pớ h mlôm pả ăn ma bunuyh 4000 nuyh nớ h, khân may rgum dah ôk hôm?” Khân păng ớ h lah: “Hôm pớ h sah.”

21Jêh ri Brah Yêsu lah ma khân păng: “Mớ m khân may ê hỏ gít vậ đớ ng?”

Brah Yêsu jan bah du huê bu klô cheh mắt

22Jêh ri Brah Yêsu, ndrel ma mpôl oh mon tât ta ðon Bêtsaida. Ta nây geh bu leo du huê bu klô cheh mắt hăn ta Păng, jêh ri bonh ðă Păng pah bu klô i nây, gay ma bah nau ji.

23Jêh ri Păng têk ti bu klô i cheh mắt nây, leo hăn lôh bôh dih ðon, Păng soh dak diu mhâng kalơ trôm mắt, n'ho ma tể ti, jêh ri ôp păng: “May lể say nđơ bôh?”

24Bu klô i nây ngơk uảnh, mbôh lah: “Gập say bunuyh brồ n'gui n'gai, uảnh khân păng tâm ban ma tơm si.”

25Brah Yêsu tể ti kalơ trôm mắt păng du tở jât, jêh ri păng uảnh say dâng lể nđơ kloh rah vah, trôm mắt păng lể bah ngăn ro.

26Jêh ri Brah Yêsu ðă păng: “May sât brông a jay may nơm ri, lơi dâng lăp rỏ ðon yở.”

Brah Yêsu nti ma nau tâng Păng

(Mat 16:13-20; Luk 9:18-21)

27Jêh ri Brah Yêsu, ndrel ma mpôl oh mon Păng lôh bôh nây, hăn ta ðon êng êng dăch ðah ðon kuông Sêsara-Philip. Nôk hăn rỏ trong Păng ôp khân păng: “A mớm bu lah Gập?”

28Mpôl oh mon ơh lah: “Abă lah May jêng Yôhan-Baptem i lể dâk rêh, abă lah jêng Êliya i bunuyh ntơyh nau ngơi Kôranh Brah kăl e nơh lể plở ta dja, abă jât lah May jêng du huê bunuyh i êng nơm ntơyh nau ngơi Kôranh Brah kăl e nơh lể dâk rêh.”

29Jêh ri Brah Yêsu ôp ma khân păng nơm: “Ndri khân may lah Gập bu moh hă?” Pêtrôs ơh ma Păng: “May i Brah Krist i nơm rklaih tă bôh Kôranh Brah de njuăl ngăn!”

30Jêh ri Brah Yêsu buay mpôl oh mon, mâu ôh ăn khân păng nkoch nau nây ma bu.

31Jêh ri Brah Yêsu nơm ntôm nti ma mpôl oh mon Păng nây, Păng lah: “Gập i Kon Bunuyh tă bôh Kôranh Brah, mâu ôh dơi klaih geh nau jêr jôt dừt hô

ngăn. Mpôl bu ranh, mpôl kôranh jan brah, ndrel ma phung nôm nti nau vay bân mbâr lơi Gâp, n'ho ma nkhat Gâp đống, yơn ma tât pe nar bôh kơi Gâp dâk rêh tay.”

³²Păng nkoch ma khân păng sǒng sǒng ngăn, mâu geh ôh pôn mo. Jêh ri Pêtrôh jă Brah Yêsu hăn ntúk êng bah ma bu, jêh ri buay Păng lơi ta ngơi kót này.

³³Brah Yêsu rle uánh jât mpôl oh mon, jêh ri Păng lah Pêtrôh: “Hơi Satăng, may du ngai bôh Gâp hǒm, nau mân may mâu di đah nau mân Kôranh Brah ôh, nau mân này tă bôh bunuyh đơm.”

³⁴Jêh ri Brah Yêsu kuăl phung bon lan, ndrel ma mpôl oh mon, Păng lah ma khân păng: “Bu moh păng i ũch tâng Gâp, ăn mbâr lơi ndr săk păng nôm ũch, jêh ri tui si tâm rkăng păng nôm, jêng geh nau khlay iăt nau Gâp, bol lah tât khât săk kađôi, ri mớ dơi tâng Gâp ngăn.

³⁵Yorlah bu moh i kớp êng nau rêh păng nôm khlay rlau, păng i này mâu ôh geh nau rêh n'ho ro, yơn ma bu moh khât yor ma tâng Gâp, mâu lah yor ma nau mhe mhan ueh, păng i này geh nau rêh n'ho ro ngăn ta nar jât năp tay.

³⁶Lah du huê bunuyh păng geh dâng lě neh ntu dja jêng đrăp ndr păng nôm dadê, tih ma săk păng nôm khât roh hêng, mâu ôh geh nau rêh n'ho ro, ndr moh geh nau khlay ma păng?

³⁷Bunuyh ơm dơi lah sǒ đrăp ndr ma rgâl nau rêh păng nôm n'ho ro?

³⁸Abơ dja khân ay may gũ ndrel bunuyh đjơh bunuyh tih mâu iăt nau Kôranh Brah. Bu moh i đit prêng mâu bảnh mbôh păng tâng Gâp, đit prêng tâng nau Gâp nti đống, lah ndr Gâp i Kon Bunuyh tă bôh Kôranh Brah đit prêng mâu gĩt năl păng i này đống ta nar Gâp plǒ văch, ndâp ma geh nau ueh chrêk lợp Bở Gâp, ndrel ma phung tông pǎr kloh ueh.”

Markôs 9

¹Jêh ri Brah Yêsu lah: “Gâp lah n'hêl naně ngăn ma khân ay may, bunuyh abă i gũ ta dja mâu khât ôh, ê lor ma say nau dơi Kôranh Brah măt uánh.”

Nau chrêk lợp Brah Yêsu

(Mat 17:1-13; Luk 9:28-36)

²Geh prao nar bôh kơi này Brah Yêsu jă Pêtrô, Yako, ndrel ma Yôhan hao kalơ yôk prêh, mâu ôh leo bu a êng hăn. Ta này săk jăn Păng rgâl bôh năp khân păng,

³i bok ao Păng jêng nglang ang chrăt ngăn, mâu geh ôh bunuyh ta neh ntu dja dơi jan tâm ban kơt này.

⁴Ta này pe nuyh mpôl oh mon dô ma say bunuyh bar hê i ntơyh nau ngơi Kôranh Brah bôh kăl e, rnha Êliya, ndrel ma Môsê gũ ngơi ndrel Brah Yêsu ta này đống.

⁵Jêh say lě nau i này, Pêtrô lah ma Brah Yêsu: “Hơi Nơm Nti! Bân gũ ta dja ueh ngăn mê, ăn hên jan pe mlôm chun, du mlôm ăn ma May, du mlôm ăn ma Môsê, du mlôm jăt ăn ma Êliya.”

⁶Nau Pêtrô ngơi kơt này păng nơm mâu ôh găt săk, dah ma lôh mbung ngơi, yor ma khân păng klach hô ngăn.

⁷Jêh ri geh tũk nkũm kalơ khân păng lě rngôch, tăng nteh ngơi tă bôh tũk này lah: “Păng dja Kon Gập i Gập rông hô ngăn, iăt nau Păng dô!”

⁸Du ndôm ta này, mpôl oh mon uănh jũm khân păng nơm ri, mâu hôm ôh say bunuyh, say du huê Brah Yêsu dơm gũ ndrel khân păng ta này.

⁹Jêh ri Brah Yêsu, ndrel ma pe nuyh oh mon Păng jũr tă bôh yôk, Păng buay khân păng mâu ôh ăn nkoch nau i khân păng say nơh ma bu, n'ho ma tăt Păng i Kon Bunuyh tă bôh Kôranh Brah dăk rêh tay.

¹⁰Ndri khân păng iăt tâng nau Păng lah, tâm ôp ndrăng khân păng nơm: “Ndri ‘Nau dăk rêh tay’, moh nau khlay hiah?”

¹¹Jêh ri khân păng ôp Brah Yêsu: “Moh nau dăng phung nơm nti nau vay phung bân nti lah Êliya iăt ma păng văch lor ta dja, Brah Krist i nơm rklaih tă bôh Kôranh Brah de njuăl văch bôh kơi ro?”

¹²Păng ôh ma khân păng lah: “Di ngăn nau pre lah, Êliya văch lor, gay ma kơi ndrăp ăn ăp dăng lě rngôch, tih ma mơm dăng bu nchih ta trôm sambũt

lah Gáp i Kon Bunuyh tă bớh Kôranh Brah geh nau jêr jôt düt hô, bu mưch rmot đổng?

13Gáp mớh ma khân may, Êliya lể jêh vắch gũ ta neh ntu dja hớyh, lống bu aắbă jan jêr ma ôbắl i nây ắp mpở lờ ntil, dah ứch bu jan tắng ma nau bu geh nchih lor ma pắng nớh.”

Brah Yêsu mớh brah đớh bớh du huê kon se

(Mat 17:14-21; Luk 9:37-43)

14Jêh ri Brah Yêsu, ndrel ma pe nuyh oh mon ri plở tắt ta ntúk oh mon dắng lể i gũ ta nây, say ốk phung bon lan júm oh mon Pắng nây, geh nớm nti nau vay phung Israel babắ tâm rlắch đah khân Pắng đổng.

15Tắt phung bon lan say Brah Yêsu dắng lể khân pắng ndrốt rôh prớh nchắt ran ôp ueh lắng Pắng.

16Pắng ôp khân pắng: “Moh nau tâm rlắch khân mre đah khân pắng ndrớh nớh?”

17Jêh ri geh du huê bu klô ta phung bon lan nây ớh ma Pắng: “Hới Nớm Nti! Gáp leo kon bu klô gáp i brah đớh lắp ta sắk pắng, jan ắn pắng mlo mắu blao ngới.

18Tắt brah đớh i nây lớh ntở ntở kon gáp chôt ta neh dắng jống dắng ti, lớh mpúnh dak diu, rchắt sắk rchắt neng, ndri mắ. Gáp đắ mpól oh mon May mớh đổng, khân pắng mớh mắu ôh dới lớh.”

19Brah Yêsu ớh ma khân pắng: “Hới phung bunuyh mắu geh nau nsing ma Kôranh Brah! Dah hóm jố ắn Gáp gũ ndrel khân ay may hiah? Dah hóm jố ắn Gáp nsrớyh ndrel khân ay may? Leo kon se nây jắt Gáp dja.”

20Jêh ri bu leo pắng hắn a Brah Yêsu. Tắt say Brah Yêsu, brah đớh jan ắn kon se nây chôt nslống nslắng ro, rlắ rlang ta neh n'ho ma lớh mpúnh dak diu.

21Brah Yêsu ôp i bở pắng: “Dah jố ntớm geh nau tắt i nây ma pắng?” “Ntớm bớh hóm jể ngắn.

22Brah đớh jan pắng chôt ta ứnh tắp ta dak nắng ngắn, ứch nkhắt pắng. Lah May dới jan, đắn May kớl hên, yố ndrắch ma hên bắ ớ.”

²³Brah Yêsu ởh lah ma păng: “Moh nau may lah ‘Lah May dơi jan’, kơt này? Gập dơi jan dăng lẽ ntil ndơ ăn ma bu moh i nsing ma Gập.”

²⁴Jêh tăng lah ndri i bở kon se này nter [hor dak mắt] lah: “Gập nsing hơyh! Dẫn kơl gập ăn geh nau nsing ngă!”

²⁵Ta này Brah Yêsu say phung bon lan nchuăt ran a Păng, ndri Păng r’ôt brah djơh lah: “Hơi brah djơh i jan ăn kon se dja tăt tở, mlo! Gập đã may lôh bởh kon se dja hỏm, lời hỏm ởh lăp ta păng jăt!”

²⁶Brah djơh này nter ro, jan ăn kon se này nslống nslăng dứt hô ngă, jêh ri lôh bởch. Jêh này kon se bẻch la-or tâm ban ma bunuyh lẽ khăt, ỏk bunuyh lah păng lẽ khăt ngă.

²⁷Yởn ma Brah Yêsu nhủp ti păng, rdỏk păng, kon se này dăk đơp.

²⁸Jêh ri Brah Yêsu hăn lăp ta du mlỏm jay, mpôl oh mon ôp êng Păng: “Mởm dăng hên mâu dơi mprởh brah djơh ăn lôh hiah?”

²⁹Brah Yêsu lah ma khân păng: “Gay ma dơi mprởh brah djơh kơt này, mbởh sỏm [, ndrel ma ăt sông sa] mớ pa heh.”

Brah Yêsu nkoch tay ma nau Păng khăt

(Mat 17:22-23; Luk 9:43-45)

³⁰Jêh ri Brah Yêsu, ndrel ma mpôl oh mon Păng lôh bởh ntúk này, hăn glăt rỏ bri Galilê mâu ứch ởh ăn bu gít

³¹Păng ntúm nti ma mpôl oh mon Păng kơt nđa: “Gập i Kon Bunuyh tắ bởh Kờranh Brah, bu mra njủn ăn ma bunuyh i nkhăt lời Gập, yởn ma lôch pe nar bởh kời jêh bu nkhăt, Gập dăk rẻh tay.”

³²Mpôl oh mon Păng mâu văt ởh nau Păng ngời, khân păng mâu bảnh ôp Păng đởng.

Bunuyh i kuởng rlau bu

(Mat 18:1-5; Luk 9:46-48)

³³Jêh ri Brah Yêsu, ndrel ma mpôl oh mon hăn tăt ta bon Kapởnủm ta bri Galilê. Khân păng lăp ta du mlỏm jay, jêh ri Păng ôp ma mpôl oh mon: “Moh nau tâm nchắ khân mre nôk hăn rỏ trong nờh?”

³⁴Khân păng iăt săk răk klăk, yorlah nôk hăn rồ trong nơh, khân păng tâm rlăch ũch gít n'hêl ta mpôl khân păng, bu moh i kuông rlau bu.

³⁵Jêh ri Brah Yêsu gũ n'guch, Păng kuăl lě 12 nuyh mpôl oh mon này, Păng lah: “Bu moh i ũch kuông rlau bu, păng i này njữr săk păng nơm ăn jẻ ta nâm bu, n'ho ma jan dâk bu dâng lě đổng.”

³⁶Păng leo du huê kon se jẻ, ăn dâk ta nklang khân păng, Păng ut kon se i này, lah ma mpôl oh mon:

³⁷“Bu moh i rom ma du huê kon se jẻ kơt dja, yor ma ũch iăt nau Gập, păng tâm ban ma rom Gập đổng, jêh ri bu moh păng i rom Gập, mâu ôh dơn rom ma du huê Gập dơn, rom ma Kôranh Brah i tơm njuăl ăn Gập jữr ta dja đổng.”

Bunuyh i gũ mpeh ma Brah Yêsu

(Luk 9:49-50)

³⁸Jêh ri Yôhan mboh ma Brah Yêsu lah: “Hơi Nơm Nti! Hên say du huê bunuyh mproh brah djơh ma moh rnha May. Jêh ri hên buay păng, yorlah păng mâu geh ôh mpôl bân.”

³⁹Brah Yêsu lah: “Lơi ôh buay păng. Mâu geh ôh bunuyh dơi jan nau dơi ma moh rnha Gập, jêh ri bêng ma ngơi djơh ma Gập.

⁴⁰Ndri bu moh mâu rdâng đah bân, păng i này gũ mpeh ma bân ro.

⁴¹Jêh ri jât lah bu moh ăn dak du keo ma khân may, yor ma khân may jêng mpôl oh mon Gập i Brah Krist, Gập lah n'hêl nanẻ ngăn ma khân may, păng i này geh ndơ nkhôm ro.”

Lơi leo bu jan nau tih

(Mat 18:6-9; Luk 17:1-2)

⁴²Brah Yêsu lah jât: “Bu moh leo du huê kon se jẻ i nsing ma Gập jan nau tih, ndri ueh rlau lah bu sỏ mpăl lữ kât ta tong ko păng, nklăch păng ta dak văch dak vữr ri, ma đah ăn rong păng rêh.

⁴³Lah say ti khân may leo jan nau tih koh m̄b̄ar lơi ti i này. Ueh rlau ma gũ rêh jât nấp tay rong du ding ti đơm, jêh ri đơn nau rêh n'ho ro, ma đah bar đah ti, jêh ri gũ ta ntũk i geh ũnh hit mâu blao nhhốt

⁴⁴[jêng ntũk i geh nau rêh rnhăl rhai sa săk bunuyh n'ho ro, ntũk geh ũnh hit mâu blao nhhốt đổng].

⁴⁵Lah say jông khân may leo jan nau tih, koh m̄b̄ar lơi jông i này. Ueh rlau ma gũ rêh jât nấp tay rong du ding jông đơm, jêh ri đơn nau rêh n'ho ro, ma đah bar đah jông, jêh ri Kôranh Brah nklăch ta ndrung ũnh

⁴⁶[jêng ntũk i geh nau rêh rnhăl rhai sa săk bunuyh n'ho ro, ntũk geh ũnh hit mâu blao nhhốt đổng].

⁴⁷Lah say trôm mắt khân may leo jan nau tih rvek m̄b̄ar lơi trôm mắt i này. Ueh rlau ma rong du ding trôm mắt lăp gũ ta ðon ueh Kôranh Brah, ma đah bar đah trôm mắt, jêh ri Kôranh Brah nklăch ta ndrung ũnh,

⁴⁸jêng ntũk i geh nau rêh rnhăl rhai sa săk bunuyh n'ho ro, ntũk geh ũnh hit mâu blao nhhốt đổng.

⁴⁹Kôranh Brah rlong dâng lể bunuyh ma nau jêr jôt tâm ban ma lăp ta ũnh hit. Nđơ i này tâm ban ma nau nhhơr ma Kôranh Brah dâng lể geh pot lai ma boh .

⁵⁰Boh jêng du ntil nđơ tể trao ma kah ngăn, lah boh i này mâu hôm geh kah, mơm hôm blao jan gay ma ăn plở kah jât? Ăn khân may gĩt ma nau khlay boh dja, jêh ri gũ ndrel bảl ăn geh nau ueh lăng đăp mpăn.”

Markôs 10

Nau tâm ntłơi ur sai

(Mat 19:1-12; Luk 16:18)

¹Jêh ri Brah Yêsu lôh bớh ðon này, hăn jât bri Yuđa mpeh bớh kăl ti dak rlai Yôđăn, jêng mpeh bớh lôh nar. Phung ðon lan leo bảl ran a Brah Yêsu du tở jât, jêh ri Păng ntũm nti tay tâng ma nau vay Păng.

²Geh phung Pharisai abă hăn lăp gũ dăch ũch ôp rlong Păng, jêh ri khân păng ôp Păng: “Hơi Nơm Nti! Ah tâng ma nau vay phung bân, sai dơi ntloại ur đổng bớh?”

³Păng ơh lah: “Ndri mớim Môsê đã khân may ta nau vay păng?”

⁴Khân păng ơh: “Môsê nchih lah, ăn i sai jan sambăt nau tâm ntloại, jêh ri dơi mprớh i ur păng nơm.”

⁵Jêh ri Brah Yêsu lah ma khân păng: “Ach ma khân may dăng ko hô ir, dăng Môsê nchih nau vay kớt nây.

⁶Bớh ntóm kăl e, Kôranh Brah de njêng dăng lể ta neh ntu dja, Păng njêng bunuyh đổng, geh bu klô geh bu ur.

⁷Môsê nchih: ‘Ndri dăng geh bu klô lôh du bớh mễ bớ [hăn gũ a ur],

⁸jêh ri bar hê khân păng jêng ur sai jêng du rnglay săk’. Ndri khân păng mâu hôm ôh jêng bar hê tay, lể jêng du rnglay săk đơm.

⁹Lah ndri bar hê ur sai i Kôranh Brah de rnglăp nây lơi ăn ôh bunuyh tâm nkhhah.”

¹⁰Jêh ri tât săt gũ ta du mlôm jay, mpôl oh mon ôp Brah Yêsu ma nau i nây du tớ jăt.

¹¹Păng lah ma khân păng: “Bu moh ntloại ur, jêh ri sớ tay ur êng jăt, bu klô i nây jêng bunuyh lôm ur.

¹²Lah bu ur i lể ntloại sai, jêh ri sớ sai êng jăt, bu ur i nây jêng bunuyh lôm sai.”

Brah Yêsu ăn nau geh jêng ma kon se

(Mat 19:13-15; Luk 18:15-17)

¹³Geh du nar ri bu leo kon se jể jể, đã Brah Yêsu pah ăn nau geh jêng ma kon se i nây, tih ma mpôl oh mon lah buay khân păng.

¹⁴Brah Yêsu nuh mbu, tât say kớt nây, Păng lah: “Ăn phung kon se văch ta Gáp, lơi ôh buay khân păng, yorlah khân păng mâu ôh n'hao êng săk khân

păng nôm, yon ma nsing ma mẽ bở hô ngăn. Bunuyh i Kôranh Brah ũch mât uãnh, khân păng geh kơt ndri đống .

15Gập lah n'hêl nanẽ ngăn ma khân ay may, bu moh mâu rom nau Kôranh Brah mât uãnh tâm ban ma kon se jẻ rom, bunuyh i nây Kôranh Brah mâu rom đống, mâu ăn păng lạp ta nau Kôranh Brah nôm mât uãnh đống.”

16Jêh ri Brah Yêsu pư ut mpôl kon se nây, n'ho ma mboh sớm tẻ ti ăn nau geh jêng ma khân păng đống.

Du huê bu klô ndrông ũch geh nau rêh n'ho ro

(Mat 19:16-30; Luk 18:18-30)

17Jêh ri Brah Yêsu ndrăp ma lôh bởh nây hăn rở trong, geh du huê bu klô nchuăt ran tât ta nây, chon kômỏk bởh nấp Păng, n'ho ma ôp lah: “Hơi Nôm Nti ueh, mớm gập jan mêh, gay ma geh nau rêh n'ho ro?”

18Brah Yêsu ơh lah: “Mớm dâng may kuăl Gập ‘ueh’ kơt nây mêh? Mâu geh ôh du huê bunuyh ueh, geh du huê Kôranh Brah đơm ueh.

19May lẻ gít jêh ta nau vay phung bân lah: ‘Lơi nkhât bu, lơi lỏm ur lỏm sai, lơi ntũng, lơi ngơi nchợt, lơi mbrôh gay ma sỏ đrăp ndr bu, jêh ri yỏk ma mẽ bở hỏ’.”

20Bu klô i nây ơh ma Păng: “Hơi Nôm Nti! Dâng lẻ nau i nây gập lẻ ndjôt ntôm bởh jẻ ngăn.”

21Jêh tăng păng ơh kơt ndri, Brah Yêsu uãnh jât păng nây, rống ma bu klô nây, Brah Yêsu ngơi lah: “Hôm du ntil may mâu hỏ jan, tách lẻ đrăp ndr may, pả ăn ma mpôl o ach, ri mớ may geh ndr khlay ta bon ueh ta kalỏ. Jêh ri hăn tâng Gập.”

22Jêh bu klô nây tăng lah kơt nây, muh măt păng sỏh r'ơih, jêh ri plờ sât, nuih n'hâm păng rvê nhhuach hô ngăn, yor ma dứt ỏk đrăp ndr păng.

23Brah Yêsu uãnh jũm Păng nôm, jêh ri lah ma mpôl oh mon Păng: “Jêr ngăn ma bunuyh ndrông ăn Kôranh Brah mât uãnh khân păng.”

²⁴Mpôl oh mon ndrôt hih rhöl hô ngăn ma nau Păng ngoi i này. Jêh ri Brah Yêsu lah ma khân păng jât: “Hơi oh nô, nau Kôranh Brah mât uãnh jêh ngăn lăp!

²⁵Ma bunuyh ndrông lăp ta nau Kôranh Brah mât uãnh, jêh rlah đah ăn seh samô lăp ta trôm nglai.”

²⁶Mpôl oh mon ndrôt hih rhöl lơ hô jât, jêh ri ôp ndrăng khân păng nơm: “Lah bunuyh ndrông lă geh jêh jêh ma ăn Kôranh Brah mât uãnh khân păng, lah ndri bunuyh a êng hôm dơi ăn Kôranh Brah mât uãnh đong mâu lah mâu?”

²⁷Brah Yêsu n'gâl uãnh jât khân păng lah: “Nau dja bunuyh jan mâu ôh dơi, yơn ma Kôranh Brah hôm dơi jan, yorlah dăng lă ndr Păng jan dơi dadê.”

²⁸Pêtrôs lah ma Brah Yêsu: “Lă May say jêh hên, hên lă ntloi ndoh ndr hên nơm lă phiao, hăn tâng May.”

²⁹Brah Yêsu ôh lah: “Gâp lah n'hêl naně ngăn ma khân may, bu moh ntloi nhih jay, oh nô, oh nur, mễ bở, oh kon, mâu lah mir ba, yor ma tâng Gâp, ndrel ma tâng nau mhe mhan ueh,

³⁰ndri dăng Kôranh Brah nkhôm ta nau rêh jêng păng i này abao' dja ăn ôk ngăn ngên ma nhih jay, oh nô, oh nur, mễ bở, oh kon, ndrel ma mir ba. Păng bu jan nau krit jêh đong, yơn ma nar jât năp tay păng đơn nau rêh n'ho ro.

³¹Lông ôk bunuyh i bôh năp plăch bôh kôi, bunuyh i bôh kôi plăch bôh năp chrao. Geh ôk bunuyh ta neh ntu dja bu gít khân păng geh nau khlay ngăn, yơn ma jât năp tay mâu geh ôh nau khlay, tih ma geh ôk bunuyh êng jât ta neh ntu dja bu gít khân păng mâu geh ôh nau khlay, yơn ma ta jât năp tay geh nau khlay chrao.”

Lă pe tở jêh Brah Yêsu mboh nau Păng khât

(Mat 20:17-19; Luk 18:31-34)

³²Brah Yêsu, ndrel ma mpôl oh mon Păng hăn hao jât bon kuông Yêrusalem. Păng hăn bôh năp bu, lông mpôl oh mon rvê rôl ôl ngăn, lă bu i hăn tâng

bơh kơi klach đōng. Jêh ri Brah Yêsu leo 12 nuyh mpôl kôranh oh mon nây hăn ntũk êng bah ma bu, nkoch ma nau i geh tât ma săk Păng nơm tay:

³³“Abao’ dja bân hao jât bon kuông Yêrusalem. Gâp dja i Kon Bunuyh tă bōh Kôranh Brah, bu de njũn ăn ma mpôl kôranh jan brah, ndrel ma phung nơm nti nau vay phung bân. Jêh ri khân păng i nây tễ dôi h Gâp tât khât, njũn Gâp ma phung i mâu di phung Israel.

³⁴Lễ phung i nây gôm n'gơh Gâp, soh dak diu ta Gâp, rpăt Gâp ma mông rse, jêh ri nkhât lơi Gâp, yơn ma lôch pe nar bōh kơi nây Gâp dâk rêh tay.”

Nau Yakơ, ndrel ma Yôhan ũch dẫn

(Mat 20:20-28)

³⁵Jêh ri rỏ trong nây bar hê oh nô khân păng Yakơ, ndrel ma Yôhan i kon Sêbêđê dẫn ma Brah Yêsu: “Hơi Nơm Nti! Dẫn May yỗ ăn tâng nau hên dẫn đōng ơ.”

³⁶Brah Yêsu ôp khân păng: “Moh ndr ũch Gâp jan ăn ma khân may mêh?”

³⁷Khân păng ơ lah: “Nôk May jêng kađăch mât uănh bri Kôranh Brah tay, ăn hên gũ kêng May nơm mât uănh ndrel May, du huê gũ bōh ma, du huê gũ bōh chiaio ơ.”

³⁸Brah Yêsu ơh nau ntât lah: “Bar hê khân may nây mâu gĩt ôh moh ndr dẫn. Ndri khân may dơi sỏ đơn nhêt ndrănh play yũng yar bon ta kchok i Gâp be dơi đōng? Khân may dơi đơn đōng nau bắptem i Gâp đơn lah mâu ?”

³⁹Khân păng ơh: “Ồ, hên dơi sỏ đơn.” Brah Yêsu lah: “Khân may sỏ đơn nhêt ndrănh play yũng yar bon ta kchok i Gâp nhêt, ndrel ma đơn nau bắptem i Gâp đơn tay ngă đōng.

⁴⁰Tih ma i nau gũ bōh ma bōh chiaio ri, Gâp mâu ôh dơi rom, yor ma ntũk i nây lễ ndrăp ăn ma bunuyh i Kôranh Brah nơm ũch ăn đơm.”

⁴¹Tât ma mpôl oh mon i jât nuyh nây tăng lah kơt nây, khân păng ji nuih đăh Yakơ, ndrel ma Yôhan.

⁴²Jêh ri Brah Yêsu kuăl lể rngôch mpôl oh mon Păng, Păng lah: “Khân may lể gĩt jêh bunuyh i jan kađăch ma phung bunuyh i mâu di phung Israel, khân

păng i này dah ếch jan ma phung bon lan khân păng nơm. Geh đổng mpôl i têh kuông tũn jot phung bon lan khân păng nơm.

⁴³Ta mpôl khân may lơi ôh jan kơt này! Ta mpôl khân may lah geh du huê ếch jan kuông, ăn păng i này jêng bunuyh sơm kơl jan kar ma khân may.

⁴⁴Lah geh du huê ếch jan kuông rlau bu, iăt ma păng jan dâk ma dăng lể bunuyh êng bốt,

⁴⁵yor ma Gập i Kon Bunuyh tă bớh Kôranh Brah jũr ta neh ntu dja, mâu ôh Gập đã bu sơm kơl jan kar ăn ma Gập. Gập chrao sơm kơl jan kar ăn ma bu, jêh ri Gập sơm sắk Gập nơm tăt khăt sắk, gay ma chuai dăng lể bunuyh.”

Brah Yêsu jan bah cheh mắt Bartimê

(Mat 20:29-34; Luk 18:35-43)

⁴⁶Jêh ri Brah Yêsu, ndrel ma mpôl oh mon hăn tăt ta bon Yêrikhô. Nôk khân păng lôh bớh bon Yêrikhô này, phung bon lan brố ndrel drũm. Geh đổng du huê bu klô cheh mắt, rnhâ Bartimê i kon Timê gũ kốp dẫn prak bu ta meng trong ri.

⁴⁷Tăt păng tăng bu lah: “Yêsu bon Nasaret brố tăt ta dja,” păng nter lah: “Hơi Kôranh Yêsu i kon sau kađach David! Dẫn yố ndach ma gập bả ơ!”

⁴⁸Ốk bunuyh lah păng gũ rklăk hỏ lơi hôm nter, yơn ma păng nter lơ ma nteh nteh lah: “Hơi kon sau kađach David! Dẫn yố ndach ma gập bả ơ!”

⁴⁹Jêh ri Brah Yêsu nsrũng plờ lah: “Đã păng hăn a dja.” Jêh ri bu đã bunuyh cheh mắt này lah: “Lơi hôm rvê, dâk hỏm, Păng kuăl may hơi.”

⁵⁰Bunuyh cheh mắt i này mbăr chröp ao kuông, dâk đơp hăn ran dưh a Brah Yêsu ri.

⁵¹Jêh ri Brah Yêsu ôp păng: “Moh ndr ếch Gập jan ăn ma may mêh?” Bunuyh cheh mắt i này ơh lah: “Hơi Nơm Nti! Đã May jan trôm mắt gập ăn say ang ơ.”

⁵²Brah Yêsu lah ma păng: “May hăn săt ăn ueh lăng yố! Nau may nsing ma Gập lể jan bah may jêh!” Dô ma uánh say ang ro, n'ho ma hăn tâng Brah Yêsu.

Markôs 11

Brah Yêsu lăp ta ðon Yêrusalem

(Mat 21:1-11; Luk 19:28-40; Yôh 12:12-19)

¹Jêh ri Brah Yêsu hăn ndrel mpôl oh mon jăt ðon kuông Yêrusalem. Khân păng tăt kêng ðon Bêthphasê, ndrel ma ðon Bêthani i gũ ta yôk tơm Ôlive mâu hôm ngai ma ðon Yêrusalem. Jêh ri Păng ðă bar hê oh mon hăn lor, Păng lah:

²“Ăn khân may hăn ta ðon bôh năp ri, lăp ta ðon nây khân may mra say du mlôm kon seh lia bu kăt ta nây, seh lia i nây ê hỏ geh bu ncho ôh, ăn khân may drih tək păng bôh ri a dja.

³Lah geh bu ôp khân may: ‘Moh jan drih khân mre nây mêh?’, khân may ôh lah: ‘Kôranh ếch ncho păng’. Jêh ri Păng ðă tək mplở ta dja tay gơnh ro.”

⁴Jêh ri khân păng hăn rông brông tăt ta nây say du mlôm kon seh lia, bu kăt bôh dih mpông chuanh meng trong, jêh ri khân păng drih.

⁵Ta nây geh bu ðabă ôp ma khân păng: “Moh jan khân mre nây? Moh jan drih kon seh lia i nây mêh?”

⁶Bar hê khân păng nây ôh ma bu tâng nau i Brah Yêsu de ntính nơh, jêh ri bu ăn khân păng tək.

⁷Khân păng lôh bôh ðon nây tək leo ăn ma Brah Yêsu, jêh ri lăk ao kuông khân păng nơm kalo' seh lia nây, ăn Brah Yêsu ncho hăn jăt ðon Yêrusalem.

⁸Geh ôk bunuyh leo bắ sỏ ao kuông khân păng nơm lăk rỏ trong bôh năp Brah Yêsu ri, lống bu ðabă jăt te nthan si bôh mir lăk rỏ trong nây ðống.

⁹Dâng lể bunuyh i brổ tâng Brah Yêsu bôh năp bôh kơi, leo bắ nter dơu lah: “Rnê ma Kôranh Brah ! Dăn Kôranh Brah ăn nau geh jêng ma Păng i Kôranh Brah de ðă văch!

¹⁰Dăn Kôranh Brah ăn nau geh jêng ma nau Păng măt uảnh i mra măt uảnh hên tâm ban ma kađăch Đavid i che hên bôh kăl e nơh! Rnê ma Kôranh Brah! Rnê ma Kôranh Brah i gũ kalo' trôk dăt prêh ri!”

11Brah Yêsu lě tât ta ðon kuông Yêrusalem, Păng hăn lăp ta jông gung nhiih jan brah ma Kôranh Brah. Jêh uănh jũm ăp phiao bri lě kêng măng jêh, ndrî dăng Păng plở ta ðon Bêthani ndrêl 12 nuyh mpôl kôranh oh mon.

Brah Yêsu rtăp tơm Rvi du tơm

(Mat 21:18-19)

12Kah ôi tay khân păng lôh bôh ðon Bêthani nây hăn jăt ðon Yêrusalem, Brah Yêsu ji ngot ngăn.

13Păng uănh bôh ngai say tơm Rvi du tơm geh n'ha nđâr rngăt, Păng hăn uănh dăch nkhêp lah geh play. Tăt ta tơm nây say dôm i n'ha, ê hỏ di khay play dũm ôh.

14Jêh ri Brah Yêsu lah ma tơm Rvi i nây: “Ntôm bôh nar dja mâu hôm geh ôh bunuyh sa play may!” Nau pre lah nây, mpôl oh mon Păng tâng đống.

Brah Yêsu mproh phung tách rgâl bôh nhiih jan brah

(Mat 21:12-17; Luk 19:45-48; Yôh 2:13-22)

15Jêh ri Brah Yêsu ndrêl mpôl oh mon Păng hăn tât ta ðon kuông Yêrusalem. Păng hăn lăp ta jông gung nhiih jan brah, phung i tách rgâl ta nây Păng mproh lě phiao. Păng nklở gre bu gũ rgâl prăk, ndrêl ma gre bu tách plũk.

16Păng mâu ôh ăn bu ndjôt leo ndoh ndr lăp glăt rỏ jông gung nhiih jan brah ma Kôranh Brah.

17Brah Yêsu ntũm nti ma bu lah: “Ta sambũt Nau Kôranh Brah Ngơi lě nchiih lah: ‘Nhih Găp jêng ntũk ăn ma dăng lě bunuyh ăp bri dak mbôh sôm’ Bêng ma khân may sỏ jan ntũk gũ rgum mpôl ntũng chrao.”

18Tăt mpôl kôranh jan brah, ndrêl ma phung nôm nti nau vay phung Israel gĩt nau i nây, khân păng leo bắl gay ma joi nau mớm dăng geh nkhăt lời Brah Yêsu. Yơn ma khân păng klach Păng, yor ma phung ðon lan ndrôt hiih rhỏl hô ngăn ma nau ntũm nti Păng nây.

19Tăt kêng măng Brah Yêsu, ndrêl ma mpôl oh mon Păng lôh bôh ðon i nây plở tay ta ðon Bêthani.

Tơm Rvi khăt

(Mat 21:20-22)

²⁰Kah ôi tay hăn rồ trong, mpôl oh mon say tơm Rvi nơh, ndro brững tăt a reh su ro.

²¹Jêh ri Pêtrôs kah gít nau i Brah Yêsu lah nơh, mboh ma Păng lah: “Hơi Nơm Nti! Lõng uảnh dja, tơm Rvi i May rtấp nơh lể ndro ngăn mê!”

²²Brah Yêsu lah ma khân păng: “Khân may nsing ma Kôranh Brah hồm!”

²³Gập lah n'hêl naně ngăn ma khân may, lah geh du huê bunuyh lah ma yôk dja: ‘Hăn du boh ntúk dja tấp a dak vách dak văr ri hồm!’, lah bunuyh i này mâu geh nau vĩ vẽ ta nuih n'hâm ma ndơ i này, n'ho ma nsing ma ndơ i păng lah này mra geh ngăn, ndri Kôranh Brah ăn nau dơi tâng nau păng lah này ngăn ro.

²⁴Ndri dâng Gập mboh ma khân may, moh ndơ i khân may mboh sơm dăn, ăn khân may nsing geh ngăn, jêh ri Kôranh Brah ăn ma khân may geh ngăn ro.

²⁵Jêh ri jât, nôk khân may mboh sơm, lah khân may geh nau ji nuih đah bu, ăn khân may geh nau yố, lơi hôm ôh kớp nau tih bu, ndri Kôranh Brah Bở khân may i gũ ta kalơ trôk lơ hô yố ndach mâu hôm kớp nau tih khân may đống.

²⁶[Tih ma lah khân may mâu geh nau yố, hôm kớp nau tih bu, Kôranh Brah Bở khân may i gũ ta kalơ trôk mâu yố, hôm kớp nau tih ma khân may đống.]”

Nau dơi Brah Yêsu

(Mat 21:23-27; Luk 20:1-8)

²⁷Brah Yêsu hăn tăt ta ðon kuông Yêrusalem ndrel mpôl oh mon du tở jât. Nôk Păng brồ rsong ta jống gung nhiih jan brah ma Kôranh Brah, tăt brồ mpôl kôranh jan brah, phung nơm nti nau vay phung Israel, ndrel ma phung kôranh bri Yuda mập ôp Păng:

²⁸“Dăn mboh ăn ma hên gít, ndơ May jan dja boh tă nau dơi? Bu moh ăn nau dơi i này ma May mêh?”

²⁹Brah Yêsu ơh lah: “Gâp dẫn ôp du nau ma khân may bốt. Lõng khân may ơh ma Gâp đống, ndri mớ Gâp mboh ma khân may tay, boh tả nau dơi Gâp jan dja.

³⁰Dẫn ơh ma Gâp, lah ndri bu moh đã Yôhan-Baptem jan baptem yũk ma dak? Tả boh Kôranh Brah, mâu lah tả boh bunuyh?”

³¹Khân pãng tâm nchră êng lah: “Lah bân lah: ‘Tả boh Kôranh Brah’, Pãng mra lah bân: ‘Lah ndri mớ dâng khân may mâu iăt nau pãng?’

³²Lah bân ơh lah: ‘Tả boh bunuyh’.” Ndri khân pãng klach phung bon lan ji nuh, yor ma ők bunuyh iăt nau Yôhan-Baptem, kớp pãng jêng bunuyh ntơyh nau ngơi Kôranh Brah ngăn ro.

³³Jêh ri khân pãng ơh ma Brah Yêsu: “Hên mâu gít ôh!” Brah Yêsu lah ma khân pãng: “Lah ndri Gâp mâu đống mboh ăn ma khân may gít, bu moh ăn nau dơi Gâp jan dja.”

Markôs 12

Nau ngơi ntât ma mpôl mât uãnh mir play yũng yar bon

(Mat 21:33-46; Luk 20:9-19)

¹Jêh ri Brah Yêsu ngơi nau ntât ma khân pãng lah: “Geh du huê bu klô tằm tơm play yũng yar bon du lôk mir. Pãng jan n'gar jũm mir này, jan du ntũk ma bu njot play i này, ndrel ma jan du mlôm chuanh nkơng đống gay ma njrăng. Jêh ri ăn bu mât mir i này, đã bu pã play ma pãng ăp năm, i pãng nơm ri hăn gũ bri êng.

²Tât di khay dũm play yũng yar bon ri, pãng đã du huê dâk pãng hăn tâm mập ma mpôl mât mir i này, gay ma sỏ play i bu pã này.

³Bêng ma bu de nhũp lơh ôbăl, jêh ri mproh ôbăl ăn sât đơm.

⁴Pãng i nơm tơm mir này, đã du huê dâk jât hăn đống, mpôl i mât mir này mbang bôk ôbăl này, n'ho ma rak suai ôbăl jât.

⁵Jêh ri pãng đã du huê dâk jât hăn. Mpôl i mât mir i này nkhât ôbăl này. Jêh ri dâk pãng abă êng jât bu de lơh kớp này đống, abă bu de mbang, abă bu de nkhât lơi.

⁶Păng i nôm tơm mir này hôm geh du huê bunuyh êng jât gũ ndrel păng, jêng du huê kon bu klô i păng nôm rông hô ngăn. Kêng ma düt păng đã i kon này hăn bớh kới bu, păng mân êng lah: ‘Bu klach yớk ma kon gáp ro’.

⁷Tih ma mpôl i mât mir này tâm lah ndrăng khân păng nôm: ‘Păng i này ro ntrở ndơn mir i dja nar jât nấp tay, hăn bân nkhât lời păng i này dôh, ndri mớ mir i dja n'ho geh ma bân ro’.

⁸Jêh ri bu de nhũp i kon păng nôm i tơm mir này, nkhât lời ôbăl m̄băr bớh dih mir i này.

⁹Ndri mớ m păng i tơm mir này jan? Păng hăn nkhât lời mpôl i mât mir này ro, jêh ri jao mir tơm play yũng yar bon i này ăn ma bu êng jât.

¹⁰Ndri khân may mâu geh rỏ sambüt Nau Kôranh Brah Ngơi lể geh nchih lah: ‘Bunuyh blao jan jay lủ blon lể m̄băr lời du mlôm lủ blon, Yớn ma lủ blon i này jêng lủ blon düt nập khlay rlau bu chrao ma jan jay.

¹¹Kôranh Brah nôm jan nau i này lể nau ngăn, Jan ăn bân ndrôt nhieh hô ngăn”’ .

¹²Tât ma mpôl kôranh jan brah, phung nôm nti nau vay phung Israel, ndrel ma phung kôranh bri Yuda gít lah păng ngơi ntât nau i này lah ma săk khân păng nôm, jêh ri khân păng ứch nhũp Brah Yêsu, tih ma khân păng klach ma phung bon lan, ndri khân păng lôh du bớh Păng này dờm.

Nau ăn prăk ma kôranh kađăch

(Mat 22:15-22; Luk 20:20-26)

¹³Jêh ri khân păng đã phung Pharisi bắbă, ndrel ma mpôl i tâng kôranh mât uảnh Hêrôt-Öntipas hăn gũ dăch kêng Brah Yêsu gay ma tăng nau Păng ngơi nđơ tih, ndri dăng khân păng joi nau ma ntôn Păng.

¹⁴Jêh ri khân păng hăn tât ta này ôp Păng: “Hơi Nôm Nti! Hên gít May bunuyh sổng ngăn, May mâu ôh klach ma bunuyh, mâu ôh kớih bunuyh, May nti nau Kôranh Brah ăn di. Dăn mớh ma hên tâng nau vay bân, di đổng ăn prăk i kôranh kađăch ta bon Rôm đã bân ăn này mâu lah mâu?

¹⁵Di ma bân ăn mâu lah mâu? ” Yơn ma Brah Yêsu lể gít nuh n'hâm ndõp mpôn khân păng, Păng lah: “Moh nau khân may ịch ôp rlong ma Gáp kọt này mêh? Lõng sỏ prak i ăn ma kadăch i này du mlõm ăn Gáp uánh.”

¹⁶Jêh ri bu sỏ prak du kăk ndở ăn Brah Yêsu. Păng ôp ma khân păng: “Ndri ta kalỏ prak kăk dja bu moh rup, bu moh rnha?” Khân păng ơh lah: “Rup, ndrel ma rnha kôranh kadăch ta bon Rôm!”

¹⁷Brah Yêsu lah ma khân păng: “Lah ndri ndở kôranh kadăch ta bon Rôm mplở ăn ma păng, ndở Kôranh Brah mplở ăn ma Kôranh Brah nôm.” Khân păng ndrốt hih rhõl hô ngăn ma nau Brah Yêsu ơh.

Nau bunuyh khât dâk rêh tay

(Mat 22:23-33; Luk 20:27-40)

¹⁸Jêh ri geh phung Sadôsi hăn mập Păng, phung i này jan kôranh ta bri Yuđa đõng, tih ma khân păng mâu iăt ôh bunuyh lể khât hôm dâk rêh jât. Khân păng geh du nau ôp ma Brah Yêsu:

¹⁹“Hơi Nôm Nti, Môsê kăl e nơh lể nchih jêh ta sambüt ăn ma bân phung Israel lah kọt nda: ‘Lah bu klỏ sỏ ur, jêh ri păng khât, lah păng mâu geh kon, đã i oh oh păng ri ntrỏ sỏ ur păng gay ma geh kon ma păng’.

²⁰Ntât lah geh pơh nuyh oh nô bu klỏ. I nô bôk dak này sỏ ur, jêh ri khât mâu bả kon ôh.

²¹Jêh ri i oh groi bớh kớh păng này ntrỏ sỏ i mi này, jêh ri khât mâu bả kon đõng. I oh tởl pe bớh kớh sỏ i mi này khât kọt ri đõng.

²²Dâng lể pơh nuyh oh nô khân păng này mâu bả kon dadê. Dứt ma dêl bu ur i này khât đõng.

²³Tât nar bunuyh dâk rêh tay, ndri bu moh ôp păng ‘Ur’? Yorlah lể pơh nuyh khân păng nơh lể tả sỏ păng dadê.”

²⁴Brah Yêsu ơh ma khân păng: “Khân may mâu vât ôh Nau Kôranh Brah Ngơi, ndâp ma mâu vât đõng nau dơi Kôranh Brah, ndri dâng nau mân khân may mâu di ôh.

²⁵Nôk bunuyh khât, jêh ri dâk rêh tay, khân păng mâu hôm ôh sô ur sô sai jât. Khân păng jêng tâm ban ma tông pãr Kôranh Brah gũ ta bon ueh kalơ.”

²⁶“Lõng ma nau bunuyh khât dâk rêh tay, Môsê lể nchih lah ta plăng trong pũm lok i geh hit ùnh, ndri khân may vay rồ đổng lah mâu? Ta nây Kôranh Brah lah ma păng: ‘Gâp jêng Brah Abrahăm yơk mbah, jêng Brah Isăk yơk mbah, jêng Brah Yakôp yơk mbah’ .

²⁷Nôk Kôranh Brah ngơi nau i nây, khân păng pe nuyh i nây lể khât ők năm jêh. Yơn ma bớh Nau Kôranh Brah Ngơi i nây gĩt năl khân păng hôm rêh ma Kôranh Brah. Kôranh Brah mâu ôh di Brah ma bunuyh khât, Păng Brah ma bunuyh rêh. Tih ngăn nau khân may mân nây!”

Nau vay i khlay rlau bu

(Mat 22:34-40; Luk 20:39-40)

²⁸Jêh ri tât brồ du huê nờm nti nau vay phung Israel, tăng khân păng tâm rlăch đah Brah Yêsu, jêh ri tăng nau Brah Yêsu ơh nây di ngăn, păng hăn dăch ôp Brah Yêsu: “Dâng lể nau vay bân, moh nau vay i khlay rlau bu mêh?”

²⁹Brah Yêsu ơh: “Hơi phung Israel iăt hồm! Geh Kôranh Brah i Brah bân du huê đơm i Kôranh Brah ngăn ngên.

³⁰Ăn rống ma Kôranh Brah i Brah khân ay may nờm, ma lể nuih n'hâm, ma lể huêng, ma lể n'hâm suan, ndrel ma lể nau mân’, dja nau vay ntil nguai.

³¹Nau vay ntil bar ‘Ăn rống ma bu chiaio meng kớt rống ma săk khân ay may nờm đổng’ . Mâu geh ôh nau vay i khlay rlau ma bar ở nau vay dja.”

³²Nờm nti nau vay nây lah ma păng: “Ở Nờm Nti, di ngăn nau May lah nây mêh. Geh du huê Kôranh Brah đơm, mâu hôm geh ôh brah êng jât.

³³Bân rống ma Păng ăn lể nuih n'hâm, ăn lể ma nau mân gĩt blao, ndrel ma ăn lể brăt suan, jêh ri rống ma bu chiaio meng kớt rống ma săk bân nờm đổng, nau i nây khlay rlau ngăn ma lể rngôch nđơ bu nhhơr, nđập ma lể mpômpa (siũm) gũch ma jan brah i nây.”

34Tât Brah Yêsu tăng păng ơh gít blao kơt này, Brah Yêsu lah: “May mâu geh gũ ngai đah nau Kôranh Brah mât uảnh may.” Bơh kơi này mâu hôm geh ôh du huê bunuyh bảnh ôp Brah Yêsu nau êng jât.

Brah Krist i Kôranh ma kađäch David

(Mat 22:41-46; Luk 20:41-44)

35Brah Yêsu hôm ntũm nti bu ta jông gung nhieh jan brah, Păng lah: “Mơm dăng phung nơm nti nau vay phung bân kuăl Brah Krist i nơm rklaih tă bơh Kôranh Brah de njuăl ri lah kon sau kađäch David đơm?”

36Lõng kađäch David, Brah Huêng Ueh i kloh ueh ăn păng nkoch: ‘Kôranh Brah lah ma kôranh gáp: ‘Gũ mpeh bơh ma Gáp hõm Kõp tât Gáp ăn phung rlăng đah May jêng ntũk rkoł jông May bốt’.

37Lah lẽ kađäch David nơm kuăl Brah Krist lah kôranh păng nơm kơt này, yơn ma kon sau mâu geh kuông rlau ma u che, lah ndri Brah Krist mơm hôm blao kon sau David jât?”

Brah Yêsu đã bon lan njrăng ma phung nơm nti

(Mat 23:1-36; Luk 20:45-47)

Ốk phung bon lan gũ ta này, khân păng geh nuieh n'hâm rằm hô ngấn tăng nau Brah Yêsu nti.

38Brah Yêsu ntũm nti ma khân păng: “Ăn khân ay may njrăng đah phung nơm nti nau vay phung bân này, yorlah khân păng ứch nsoh ao jong i ueh, jêh ri brõ rsong, gay ma ăn bu gít lah khân păng geh nau khlay ngấn, ứch ăn bu mbah kũnh bôk ma khân păng rỏ ntũk bu tách rgâl đrăp ndr, mâu lah rỏ trong kuông.

39Khân păng ứch gũ bơh năp bu ta ntũk bu lữ ta nhieh rbũn phung bân, jêh ri lah nhêt kuông sông kuông này ứch gũ ta ntũk bu yơk đong.

40Tih ma khân păng mbrôh bu ur ndrô lẽ khât sai, gay ma sỏ pit đrăp ndr nhieh jay khân păng. Jêh ri khân păng jan mbơh sỏm dứt jỏ ngấn ăn bu êng tăng, gay ma nhhơ khân păng nơm jêng bunuyh rông ma Kôranh Brah ngấn. Phung i này Kôranh Brah tẻ dôiht dứt jru ro ta nar jât năp tay.”

Bu ur ndrô tẻ nhhor

(Luk 21:1-4)

⁴¹Jêh ri Brah Yêsu hăn gũ bớh nấp hũp tể nhhớ ma Kôranh Brah ta jông gung nhih jan brah, Păng uảnh phung bon lan sỏ prăk tể ta trôm hũp nây. Păng say ők bunuyh ndrông tể prăk ők ők ngăn.

⁴²Jêh ri say du huê bu ur ndrô khât sai o ach. Tât ta nây bu ndrô i nây sỏ prăk bar mlôm kăk jêđom i mâu lăng geh khlay ôh tể ta trôm hũp nây đổng.

⁴³Brah Yêsu kuăl mpôl oh mon Păng, jêh ri lah ma khân păng: “Gáp lah n'hêl naně ngăn ma khân may, Kôranh Brah kớp bu ur ndrô o ach dja tể prăk ők rlau dăng lể bu i tể prăk ta hũp dja,

⁴⁴yorlah dăng lể mpôl i nây, prăk i khân păng tể ta trôm hũp nớh, sỏ prăk rmeh bớh săk khân păng nớh. Lông i bu ur ndrô de nây, păng bunuyh o ach hô ngăn, bol lah prăk i nây gay ma siăm nau rêh păng nớh kađôi lể, păng hôm sỏ lể phiao tể nhhớ ma Kôranh Brah đổng.”

Markôs 13

Nau lơh hêng nhih jan brah

(Mat 24:1-2; Luk 21:5-6)

¹Nôk Brah Yêsu lôh bớh jông gung nhih jan brah ma Kôranh Brah, geh du huê oh mon mbớh ma Păng: “Hơi Nớh Nti, lổng May uảnh nhih jan brah to đút ueh đút kuống ngăn, i lủ blon păng to kuống đổng!”

²Brah Yêsu lah ma oh mon Păng nây: “Nar jât nấp tay, lể jay kuống kuống i may say nây bu mra lơh rlôm lể phiao ro, mâu hôm ôh geh du mlôm lủ blon tâm rdăp jât.”

Nau tât nar n'glẻ đút

(Mat 24:3-14; Luk 21:7-19)

³Jêh ri Brah Yêsu gũ ta yôk tơm Ôlive tâm sổng ma nhih jan brah. Pêtrô, Yakớ, Yôhan, ndrel ma Ōndrê, gũ ngai đah bu ôp êng Păng:

⁴“Hơi Nớh Nti, lổng May mbớh ăn ma hên gít đổng, dah hôm jỏ nar tât nau i nây mêh? Lah ndri moh ndrô mbên ăn ma hên gít lah nau i nây lể bớh tât ngăn?”

⁵Brah Yêsu ơh ma khân păng: “Ăn khân may njrăng ngăn hỏ, lơi dăng ăn bu mbrôh rlăm khân may ăn nhhớt lă lêng.

⁶Yor ma nar jât năp tay geh ők bu ntup rnha Gâp lah: ‘Gâp dja Brah Krist heh!’, khân păng leo nhhớt bunuyh ők ngăn.

⁷Tât khân may tăng nau mhe ma nau tâm lơh tâm sreh, ndrel ma tăng bu nkoch nchroh ma nau tâm lơh tâm sreh, lơi ôh klach, yorlah lă nau i này păng geh ngăn ro, yơn ma nar n'glẽ dũt neh ntu ê hỏ tât ôh.

⁸Du mpôl tâm lơh đah du mpôl êng jât, du bri dak tâm lơh đah du bri dak êng jât, ntũk babă geh nau n'găr neh, ndrel ma geh nau ji sôt ji ngot kuống ta ntũk êng êng. Yơn ma nau jêr i này jêng ntôm nau jêr dôm, tâm ban ma nau bu ur ntôm tât ji ndũl gũ oh.

⁹Ndri khân may njrăng săk hỏm, yor ma bu njũn khân may ta ntũk tể dôih, bu sỏ mống rpăt khân may ta trôm nhih rbũn phung bân, ndrel ma bu leo khân may bớh năp kôranh kuống, bớh năp kađăch đổng, yor ma khân may tăng Gâp. Jêh ri khân may dơi nkoch nau nsing ma Gâp ăn bu gít bu tăng.

¹⁰Ê lor ma nar n'glẽ dũt geh bunuyh mbớh nau mhe mhan ueh ăn ma bon lan ăp n'gor bri tăng lor bốt.

¹¹Tât bu nhũp khân may njũn ta ntũk phat dôih, nôk này lơi ôh rvê lor ma nau i khân may ngơi này, ăn khân may ngơi tăng nau Brah Huêng Ueh ăn ma khân may, yor ma nau ngơi i này mâu ôh lôh tă bớh săk khân may nôm, tă bớh Brah Huêng Ueh i kloh ueh ri.

¹²Oh ma nô, bớ ma kon mra tâm rlăm nhũp njũn ăn bu nkhât, ndrel ma i kon kon leo bảl tâm rdâng đah i mẽ bớ, n'ho ma njũn ăn bu nkhât lơi đổng.

¹³Yor ma khân may nsing ma Gâp, ndri ők bu mra biãnh ma khân may. Yơn ma bu moh i dơi ăt, n'ho ma tât lôch, Kôranh Brah mra rklaih păng i này.”

Nau tât jêr kuống

(Mat 24:15-28; Luk 21:20-24)

14“Tât khân may say ndơ dứt bở bớch bu tể ta ntũk kloh ueh i ntũk bu mâu ăn tể - bu moh i rỏ nau i nây ăn pãng gít vât nau i nây - jêh say ndơ i nây bunuyh i gũ ta bri Yuda ri ăn du nchuăt nde ta yôk.

15Bu moh i gũ kalơ chor jay lũng, lơi hôm ôh jũr lạp ta trôm sỏ đrăp ndơ.

16Bu moh i gũ ta mir, lơi hôm plở ta jay sỏ ao kuông đổng.

17Nôk nây bu ur ntreo, bu ur mpu toh kon geh nau rêh rnhăl hô ngăn.

18Mbớh sỏm dẫn ma Kôranh Brah hỏm, lơi ôh ăn geh nau tât dja ta khay ji kăt.

19Ta nôk nây geh nau jêr jốt hô ngăn. Ntỏm bớh rnôk Kôranh Brah njêng dâng lể ntil ndơ tât abao dja, n'ho ma nar jât nấp tay, mâu prot đổng geh nau dứt jêr kớh nây.

20Lah Kôranh Brah mâu n'hũch lơi dâng lể nar nây, ndri mâu hôm geh ôh du huê bunuyh rêh, khât lể phiao, yỏn ma Kôranh Brah n'hũch lơi nar i nây, yor ma Pãng yỏ mpôl i lể Pãng kớih.

21Ta nôk nây lah geh bu mbớh ma khân may: ‘Lũng may uảnh Brah Krist gũ ta dja’, mâu lah ‘Gũ ta to’, lơi ôh iăt bu.

22Yor ma geh bunuyh ntup lah sắk pãng Brah Krist, ndrel ma geh bunuyh ntup lah sắk pãng bunuyh ntỏyh nau ngời Kôranh Brah. Khân pãng i nây jan nau mbên i khlay êng êng đổng, gay ma leo bunuyh ăn nhhớt lả lêng, nkhêp lah dơi leo nhhớt phung i Kôranh Brah lể kớih đổng, yỏn ma mâu dơi ôh.

23Ăn njrăng ngăn hỏ! Gập lể nkoch lor ăn ma khân may nau i nây.”

Nau Kon Bunuyh plở vắch

(Mat 24:29-44; Luk 21:25-33)

24“Lôch jêh nar jêr jốt i nây Ta nôk nây nar jêng ngo, Khay mâu hôm ôh ang,

25Mãnh mbing đuh bớh trỏk, Lể ndơ i têh kuông kalơ trỏk geh n'gớ dadê.

26Nôk nây dâng lể bunuyh say Gập i Kon Bunuyh tả bớh Kôranh Brah, hăn rỏ ndờr tũk ndập ma geh nau dơi, ndrel ma nau chrêk lợp dứt hô.

- ²⁷Jêh ri Gâp njuäl phung tông pãr Gâp hãn ăp puãn njôn h bri lam neh ntu, ntôm mpeh bôh lôh nar tât mpeh bôh nhöb nar, gay ma rgum lě mpôl i Kôranh Brah nôm lě kôih nơh.
- ²⁸Ăn khân may nklôn rvê dô, nau ntât ma tôm Rvi. Lah n'ging păng geh chăt n'ha nse ndâr, khân may gít lah khay ta mih bôh tât hơyh.
- ²⁹Ndri lah khân may say nau i nây lě tât, gít ro Gâp i Kon Bunuyh tă bôh Kôranh Brah bôh tât đổng.
- ³⁰Gâp lah n'hêl naně ngãn ma khân may, lě nau dja păng tât dôi bunuyh ta rnôk abao ri hôm rêh.
- ³¹Trôk neh ntu mra roh lêk ro, yôn ma nau Gâp ngôi mâu ôh blao roh lêk, hôm geh dăng lě ngãn.”
- ³²“Mong nar i nây mâu geh ôh du huê bunuyh dôi gít, bol lah tông pãr i gũ ta kalơ rôk i ntũk Kôranh Brah, mâu lah Gâp i Kon Kôranh Brah mâu dôi gít đổng, geh du huê Bở Gâp đơm dôi gít.
- ³³Khân may mâu ôh dôi gít mong nar tât lor, ndri ăn njrăng sắk jăn ngãn,
- ³⁴yor ma nôk mong nar i nây tât tâm ban ma du huê bu klô i lôh bôh jay hãn ntũk êng. Păng đă mpôl dâk mât uánh jay, n'ho ma pã nau jan kar ăn ma du huê du huê, jêh ri păng đă bunuyh i chă m jay nây njrăng ngãn.
- ³⁵Lah ndri ăn khân may gũ rgeh njrăng ngãn kơt nây đổng, yorlah khân may mâu gít ôh mong nar i nây, tâm ban ma dâk i nây mâu gít ôh mong nar tôm jay nây plở sắk, gít mắng gít n'gul mắng gít ndrau iă, mâu lah ơ m ôi.
- ³⁶Klach lah tât păng plở sắk mâu geh mbôh lor, jêh ri say khân may hắk bêch.
- ³⁷Nau i Gâp mbôh ma khân may dja, Gâp ứch mbôh ma dăng lě bunuyh đổng: Ăn gũ rgeh njrăng sắk!”

Markôs 14

Bu tâm di nau nhũp nkhât Brah Yêsu

(Mat 26:1-5; Luk 22:1-2; Yôh 11:45-53)

¹Jêh ri bŭn n'hot, ndrel ma bŭn nŭmpăng mâu geh ndrui hŏm bar nar ma tăt. Mpôl kôranh jan brah, ndrel ma phung nŏm nti nau vay phung Israel joi nau mŏm dăng geh nhŭp ntŭng Brah Yêsu nkhăt lŏi.

²Khân păng tâm nchră băl lah: “Lŏi ôh bân nhŭp ta nŏk jan bŭn, klach geh nau uh ah tah tŏr ma phung bon lan.”

Bu ur tŏ ngi bô kah ta bôk Brah Yêsu

(Mat 26:6-13; Yôh 12:1-8)

³Jêh ri Brah Yêsu hăn ta bon Bêthani. Păng gŭ ta jay du huê bu klô rnha Simôn i tă geh phŭng sa. Nŏk nây tâng ma nau vay phung ndrŏng khân păng sŏng sa gŭ bêch nkêng jăt chiaio, i jŏng rok jăt kŏi. Nŏk Păng sŏng sa ndrel tăt brŏ du huê bu ur lăp ta jay nây ndjôt du mlŏm đop lŭ. Ta trŏm đop nây geh ngi bô kah i khlay ngăn, i bu kuăl lah dak ngi ‘Nartu’. Jêh ri păng gŭch lŏi bôk đop lŭ i nây tŏ ngi bô kah ta bôk Brah Yêsu.

⁴Geh bu babă i gŭ ta nây ji nuh, khân păng tâm lah ndrăng khân păng nŏm: “Moh jan mpŭng mpăng ngi bô kah kŏt nây!

⁵Lah sŏ pring i nây tăch geh prăk 300 prăk kăk rlau ro yă, jêh ri pă ma bunuyh o ach.” Jêh ri khân păng nduih ôbăl nây.

⁶Lŏng Brah Yêsu de lah: “Ăn dah ma jan pre hŏ! Mŏm dăng khân may jan ăn păng geh nau rngot kŏt nây? Păng lŭ jan nau ueh ăn ma Găp.

⁷Phung o ach hŏm gŭ ndrel khân may mro. Khân may jan ueh ma phung i nây tâng nuh n'hâm khân may nŏm ũch, yŏn ma Găp dja mâu ôh gŭ ndrel khân may mro.

⁸Yôh dja jan tâng nau dŏi păng. Păng tŏ ngi bô kah ta săk jăn Găp ê lor ma Găp khăt, jêng tâng nau vay phung bân jan ma ndrăp ê lor ma bu tŏp bunuyh khăt ta môch.

⁹Găp lah n'hêl nanĕ ngăn ma khân may, ăp ntŭk bu hăn mbŏh nkoch nau mhe mhan ueh lam n'gor bri ta neh ntu dja, bu nkoch ma nau i păng jan nŏh đŏng, gay ma nkah tŏr bu bah chuêl păng.”

Yudăas-Isakariyôt tâm di du ntŏr nau ma bu njŭn Brah Yêsu

(Mat 26:14-16; Luk 22:3-6)

10Jêh ri Yuđas-Isakariyôt du huê kôranh oh mon ta mpôl 12 nuyh, păng hăn mập đah mpôl kôranh jan brah, gay ma tâm nchră băl leo bu nhữp Brah Yêsu njũn ăn ma khân păng.

11Jêh phung i này tăng nau Yuđas-Isakariyôt ngơi này, nuih n'hâm khân păng rằm ngăn, khân păng ton nkhôm prăk ma păng. Ndri Yuđas-Isakariyôt ntôm joi moh nôk i ueh gay ma leo bu hăn nhữp Brah Yêsu.

Brah Yêsu nhêt bũn n'hot ndrel oh mon Păng

(Mat 26:17-25; Luk 22:7-14, 21-23; Yôh 13:21-30)

12Ta nar ntôm ndrăp nhêt bũn nũmpăng mậu geh ndrui, jêng nar bu nkhât kon be biăp ma jan brah gay ma nhêt bũn n'hot, jêh ri mpôl oh mon ôp Brah Yêsu: “Hơi Kôranh, ah ntũk May ếch ăn hên ndrăp ma May nhêt sông bũn n'hot dja mêh?”

13Brah Yêsu đã bar hê oh mon hăn joi ntũk mboh ma khân păng: “Khân may hăn ta ðon kuông ri, khân may mập du huê bu klô tể dak yăng kalơ mlik. Ăn khân may hăn tăng păng.

14Moh jay păng lăp, ăn khân may ngơi ma nôm tơm jay này: ‘Nôm Nti hên đã hên hăn ôp may, jrô ma Păng nhêt bũn ndrel oh mon Păng ta nar nhêt bũn n'hot dja, ah ntũk mêh?’

15Bunuyh tơm jay này leo ma khân may ro ta ntũk kalơ ri jrô huy ngăn, lể ơm jêh ndrăp ăp lể phiao. Ăn khân may ndrăp nau nhêt sông ăn ma bân ta jrô này ro.”

16Jêh ri oh mon bar hê này brổ đrôn ro, tăt ta ðon kuông này khân păng say kơt nau Brah Yêsu lah nơh, jêh ri khân păng ndrăp ndơ sông sa ma nau nhêt bũn n'hot i này.

17Tăt kêng mắng Brah Yêsu truyh ta ntũk này ndrel 12 nuyh mpôl kôranh oh mon Păng.

18Nôk Brah Yêsu gũ sông sa ndrel mpôl oh mon, Păng mboh: “Gập lah n'hêl nanẻ ngăn ma khân may, ta mpôl khân may geh du huê leo bu hăn nhữp Gập, păng i này gũ sông sa ndrel bân đống.”

¹⁹Mpôl oh mon rvê hô ngăn, lě khân păng nây ôp Brah Yêsu: “Ndri gít Gâp hơ?”

²⁰Brah Yêsu lah ma khân păng: “Păng i nây tă bớh 12 nuyh mpôl khân may, păng i lữp nũmpăng ta ngan ndrel Gâp abaō dja.

²¹Gâp i Kon Bunuyh tă bớh Kôranh Brah bu mra nkhât, tâng ma nau lě nchih lah ma Gâp. Tih ma păng i leo bu hăn nhũp Gâp i Kon Bunuyh tă bớh Kôranh Brah nây, păng i nây geh nau rêh rnhăl ngăn ro. Ueh rlau lơi dâng deh păng i nây nơh.”

Nau nhêt sa nkhah kloh ueh

(Mat 26:26-30; Luk 22:15-20; 1Kô 11:23-25)

²²Khân păng hôm gũ sông sa, jêh ri Brah Yêsu sỏ du mlôm nũmpăng, lah ueh ma Kôranh Brah, jêh ri gích ăñ ma khân păng sa, n'ho ma lah: “Khân may sỏ sa yở, dja i sắk jăn Gâp.”

²³Jêh ri păng sỏ kchok ndrănh play yũng yar ðon, lah ueh ma Kôranh Brah, jêh ri ăñ ma khân păng nhêt lě ma bắl.

²⁴Păng lah ma khân păng: “Ndrănh play yũng yar ðon ta kchok dja i mham Gâp, i hoch bớh sắk jăn Gâp nôk Gâp khât tay, gay ma rklaih ôk bunuyh. Ma mham i dja Kôranh Brah jan nau tâm rnglăp mhe.

²⁵Gâp lah n'hêl naně ngăn ma khân may, Gâp mầu hôm ôh nhêt ndrănh play yũng yar ðon dja jăt, n'ho ma tăt nar Gâp nhêt tay ndrănh play yũng yar ðon tăt Kôranh Brah măt uănh dâng lě bunuyh ngăn mớ.”

²⁶Jêh mprō nau tâm rnê, Brah Yêsu, ndrel mpôl oh mon Păng lờh bớh nây hăn jăt yôk tơm Ôlive.

Brah Yêsu lah Pêtrôs rlăch mầu gít nắl Păng

(Mat 26:31-35; Luk 22:31-34; Yôh 13:36-38)

²⁷Brah Yêsu lah ma mpôl oh mon Păng: “Dâng lě khân may ntlōi Gâp, yor ma ta Nau Kôranh Brah Ngơi lě geh nchih: ‘Kôranh Brah lah: ‘Gâp mbang nkhât lơi nờm chiăp be biăp, Jêh ri phung be biăp du chah chrai lě” .

²⁸Yon ma jêh Gâp dắk rêh tay, Gâp hăn ta bri Galilê lor bớh nắp khân may.”

²⁹Jêh tăng Brah Yêsu ngoi ndri Pêtrôs lah ma Păng: “Bol lah dâng lě khân păng ntlo̩i May kađôi, gâp mâu ôh ntlo̩i May.”

³⁰Brah Yêsu lah ma păng: “Gâp lah n'hêl naně ngăn ma may, ta măng dja ro, ê lor ma iă̄r ndrau bar tở, may rlăch pe tở lah mâu gít năl Gâp.”

³¹Pêtrôs rlăch lơ ma hô: “Mâu ôh! Bol lah bu nkhât gâp ndrel May kađôi, gâp mâu geh ôh rlăch lah mâu gít năl May.” Dâng lě mpôl oh mon geh ngoi kơt nây đong.

Brah Yêsu gũ mboh sơm ta Gêtsêmanê

(Mat 26:36-46; Luk 22:39-46)

³²Jêh ri Brah Yêsu, ndrel ma mpôl oh mon Păng hăn jât ntũk bu rnhâ Gêtsêmanê. Păng lah: “Khân may gũ ta dja bốt yở, Gâp hăn mboh sơm bốt.”

³³Păng jă Pêtrôs, Yakơ, ndrel ma Yôhan hăn ndrel. Nôk nây Păng ntơm geh nau rvê hô ngăn, nuih n'hâm mâu đăp mpăn, rngot hô ngăn.

³⁴Păng lah ma pe nuyh khân păng nây: “Nuih n'hâm Gâp rngot hô ngăn nă ma khât ro. Khân may hôm gũ ta dja bốt, gũ rngoh njrăng ngăn hỏ.”

³⁵Jêh ri Brah Yêsu hăn jât năp đễ, păn truyh a neh mboh sơm dăn lơi ta geh ôh nau jêr jốt, lah dơi.

³⁶Păng lah: “Aba ơ Bở! Dah May nơm ũch May dơi jan dâng lě ntil nau, dăn May sỏ nau jêr jốt dja ăn du ngai bơh Gâp. Yơn ma lơi ôh tâng nuih n'hâm Gâp ũch, ăn tâng nau May nơm ũch hỏ.”

³⁷Jêh ri Păng plở jât mpôl oh mon nây, say khân păng hăk bêch, Păng lah ma Pêtrôs: “Hơi Simôn moh bêch may nây hiah? Moh may mâu dơi nsrôyh, man ma du mong mâu dơi đong?”

³⁸Khân may njrăng hỏm n'ho ma mboh sơm, gay ma mâu jan tih nôk geh nau ndơm. Nuih n'hâm bunuyh lě ũch jan di ngăn, tih ma mâu ôh blao jan, yor ma hôm rdja.”

³⁹Jêh ri Brah Yêsu du tay bơh khân păng, mboh sơm kơt nau ơm nơh du tở đong.

⁴⁰Jêh ri Păng plở sât hăn mập ma mpôl oh mon jât, say khân păng hôm hăk bêch, lin mắt mâu dơi, jêh ri joi nau ơh ma Păng mâu geh.

⁴¹Brah Yêsu hăn plở mập tay khân păng lể pe tở jêh, Păng lah khân păng: “Khân may hôm bêch dah jở ma kah? Dah này gặp hơyh! Abao dja mong lể tât jêh, bu njũn Gâp i Kon Bunuyh tă bớh Kôranh Brah ăn ma phung bunuyh tih.

⁴²Dâk hồm leo bảl hăn, păng i leo bu hăn nhữp Gâp lể bời tât hơi!”

Bu nhữp Brah Yêsu

(Mat 26:47-56; Luk 22:47-53; Yôh 18:3-12)

⁴³Brah Yêsu hôm e ngơi, dô ma tât Yuđas-Isakariyôt jêng du huê bunuyh ta 12 nuyh mpôl kôranh oh mon này. Geh du phung hăn ndrel păng này, ndjôt mống ndjôt đao. Khân păng i này tă bớh mpôl kôranh jan brah, phung nơm nti nau vay phung Israel, ndrel ma phung kôranh bri Yuđa de đă.

⁴⁴Yuđas-Isakariyôt i leo bu hăn nhữp Brah Yêsu này lể jêh mớh du ndơ gít năl ma bu lah: “Bu moh i gâp chũm, Păng i ri ro. Ndri khân may nhữp leo Păng dô.”

⁴⁵Jêh ri Yuđas-Isakariyôt hăn tât ta Brah Yêsu ro, păng lah: “Hơi Nơm Nti!” Păng chũm Brah Yêsu,

⁴⁶jêh ri bu nhữp Brah Yêsu.

⁴⁷Geh du huê oh mon i gũ dăch ta ri tăk đao chrip, sreh tôr i dâk kôranh jan brah dũt kuống tách du ding.

⁴⁸Jêh ri Brah Yêsu lah ma phung i này: “Moh bở khân may ndjôt ndâp ma mống ma đao gay ma nhữp Gâp kớh này, kớp Gâp jêng bunuyh ntũng bớh?”

⁴⁹Ăp nar kăl dờ nớh, Gâp gũ ntũm nti ta jống gung nhih jan brah. Khân may gũ ta này đống, mâu ôh nhữp Gâp. Iăt ma geh nau tât dja jêng di đah Nau Kôranh Brah Ngơi i bu lể nchih.”

⁵⁰Jêh ri mpôl oh mon nchuăt rngôt lể phiao, ntơi Brah Yêsu.

⁵¹Geh du huê bu ndăm i tâng Păng, bu ndăm i này geh bok du blah dờm ma n'gut săk jăn, bu de nhữp ôbăl đống.

⁵²Păng mbă bok i này, nchuăt săk kuh đơm.

Brah Yêsu gũ bớh năp mpôl kôranh jan kar phung bri Yuđa

(Mat 26:57-68; Luk 22:54-55, 63-71; Yôh 18:13-14, 19-20)

⁵³Jêh ri bu leo Brah Yêsu a jay kôranh jan brah dũt kuông. Lẽ mpôl kôranh jan brah, phung nôm nti nau vay phung Israel, ndrel ma phung kôranh bri Yuđa gũ rgum ta ri dadê.

⁵⁴Lõng Pêtrôs ri tâng Brah Yêsu bớh kơi, bở ndöp bôk mpôl bôk, n'ho ma tât ta trôm jông gung jay kôranh jan brah dũt kuông, jêh ri lăp gũ njör ùnh ndrel mpôl bunuyh kơi jan kar ta ntũk này.

⁵⁵Mpôl kôranh jan brah, ndrel ma dâng lẽ phung kôranh jan kar phung Israel tâm nchră bảl joi nau ntôn Brah Yêsu gay ma tẻ dôi nhât lơi Păng, joi mâu ôh dơi say.

⁵⁶Geh ők bunuyh ngơi nchơt ntôn Păng, yơn ma dâng lẽ nau khân păng ntôn này mâu ôh tâm di bảl .

⁵⁷Bu babă dăk ngơi nchơt ntôn Brah Yêsu lah:

⁵⁸“Hên tăng Păng ngơi lah: ‘Gập rơih mbă lẽ nhiih jan brah ma Kôranh Brah i ti bunuyh jan, jêh ri ta pe nar bớh kơi này Gập jan nhiih jan brah du mlôm êng jăt, nhiih jan brah i này mâu geh ôh ti bunuyh jan’.”

⁵⁹Bol lah khân păng ntôn ma nau i này kađôi, kỏ hôm mâu tâm di bảl đổng.

⁶⁰Jêh ri dăk đượp i kôranh jan brah dũt kuông này, dăk bớh năp lẽ bunuyh i gũ ta này, păng ôp Brah Yêsu: “Mơm May mâu ơh nau bu ntôn May này mêh?”

⁶¹Brah Yêsu gũ iăt săk klăk mâu ơh đẻ ro. Kôranh jan brah ôp tay Păng du tở jăt: “Ndri May jêng Brah Krist i nôm rklaih tă bớh Kôranh Brah de njuăl ngăn, i Kon Kôranh Brah ngăn bảh?”

⁶²Brah Yêsu ơh: “Ổ Gập dja ngăn. Dâng lẽ khân may mra say Gập i Kon Bunuyh tă bớh Kôranh Brah Gũ bớh ma ti Kôranh Brah nôm i dũt nau dơi gay ma măt uảnh, Jêh ri jũr bớh trôk ri hăn rỏ ndởr tũk .”

⁶³Jêh tăng Păng ngời kơt nây, kôranh jan brah dứt kuông nây nkhêk ao păng nơm chuik, jêh ri lah: “Bân mâu hôm khăch ôh joi bunuyh tơm say tơm tăng a êng jât.

⁶⁴Lễ khân may tăng dadê jêh nau pre mưch rnot Kôranh Brah. Ndiri mơm khân may ếch tế dôih ma Păng?” Dâng lễ bu lah tế dôih nkhât lơi Păng.

⁶⁵Bu babă leo bảl soh dak diu ta Ôbăl, nkũm mắt thũk Ôbăl, jêh ri ôp: “Lah May Brah Krist ngăn, mboh ma hên bu moh thũk May!” Jêh ri mpôl taken njrăng nhih jan brah tap Ôbăl đống.

Pêtrôs rlăch lah mâu gĩt năl Brah Yêsu

(Mat 26:69-75; Luk 22:56-62; Yôh 18:15-18, 25-27)

⁶⁶Lõng Pêtrôs ri păng hôm gũ ta jống gung, jêh ri tăt brổ du huê bu ur ta nây, păng jan kar ma kôranh jan brah dứt kuông.

⁶⁷Tăt say Pêtrôs gũ njör ỉnh ta nây, păng uảnh ăn n'hêl i muh mắt, jêh ri lah: “Ngăn may jêng bảl mpôl Yêsu to i tă bớh bon Nasaret!”

⁶⁸Pêtrôs rlăch lah: “Gập mâu ôh gĩt vât moh nau ay re lah ri.” Jêh ri Pêtrôs du bớh ntũk i nây hăn a mpông mpêr, nôk nây iăr lể ntơm ndrau.

⁶⁹Jêh ri bu ur i jan kar ta nây say Pêtrôs gũ ta nây, păng mboh lể bunuyh i gũ ta ri du tở jât: “Păng i nây bảl mpôl Bunuyh i bu nhũp nây đống.”

⁷⁰Pêtrôs rlăch tay jât. Tăt du ndôm bớh kơi, mpôl bunuyh i gũ ta nây ngời ma Pêtrôs lah: “May dja bảl mpôl Păng ngăn ro, rlau may bri Galilê tâm ban.”

⁷¹Pêtrôs ngời lah: “Lah gập mbrôh, gập rtăp săk gập nơm, dăn Kôranh Brah tế dôih ma gập dôh. Gập mâu ôh gĩt năl Păng i khân ay may lah.”

⁷²Dô ma iăr ndrau du tở jât, jêh ri Pêtrôs ntơm kah gĩt nau Brah Yêsu lah nơh: “Ê lor ma iăr ndrau bar tở may rlăch pe tở lah mâu gĩt năl Gập.” Jêh ri păng nhũm rngot hô ngăn ro.

Markôs 15

Brah Yêsu gũ bớh năp kôranh kuông Pilat

(Mat 27:1-2, 11-14; Luk 23:1-5; Yôh 18:28-38)

¹Kah ôi tay ơm ôi mpôl kôranh jan brah, mpôl kôranh bri Yuđa, phung nôm nti nau vay phung Israel, ndrel ma phung kôranh jan kar phung bri Yuđa dâng lẽ tâm mập bắ tâm nchră nau, jêh ri đă bu chấp Brah Yêsu leo njũn Păng ma kôranh kuông Pilat i bunuyh phung Rôm.

²Pilat ôp Brah Yêsu: “Ngăn lah May kađăch phung Israel bah?” Brah Yêsu ơh ma păng lah: “Ồ, kớ tay nau may lah nau i này.”

³Mpôl kôranh jan brah ntôn Brah Yêsu jan tih ők ntil ngăn.

⁴Jêh ri Pilat ôp Păng du tớ jât: “Lông khân păng ntôn May jan tih ők ntil ngăn, moh nau dâng May mâu ứch ơh?”

⁵Brah Yêsu mâu ứch ơh đễ ro, ndri dâng Pilat geh nau ndrôt hih rhöl.

Pilat tễ dôi nhât Brah Yêsu

(Mat 27:15-26; Luk 23:13-25; Yôh 18:39-19:16)

⁶Ăp năm ta nar nhêt bũn n'hot, Pilat vay mớk du huê bunuyh dôi bu moh i phung bon lan de dăn.

⁷Geh du huê bu klô rnhă Barabas bu krũng ta ndrung. Bu nhũp păng ndrel mpôl bunuyh i lẽ tâm rdâng đah phung Rôm, ndrel ma lẽ nhât bunuyh.

⁸Phung bon lan leo bắ hăn mập ma Pilat dăn păng ớk du huê bunuyh dôi tâng ma nau vay păng jan ăn ma bon lan.

⁹Pilat ôp khân păng lah: “Ndri khân ay may ứch ăn gập ớk lơi i kađăch phung Israel ớh?”

¹⁰Păng lah kớ này, yor ma păng lẽ gít jêh nuh n'hâm mpôl kôranh jan brah mâu nach, ndri dâng khân păng njũn Brah Yêsu ăn ma păng này.

¹¹Mpôl kôranh jan brah leo bắ nsôch phung bon lan, nkhong ma đă Pilat ớk lơi Barabas.

¹²Jêh ri Pilat lah ma phung i này du tớ jât: “Ndri a mớ khân ay may ăn gập jan ma Bunuyh i khân ay may kuăl lah ‘Kađăch phung Israel’ dja?”

¹³Bu nter dơu lah: “Nkhât Păng ta si tâm rkăng!”

14Pilat ôp tay lah: “Bunuyh dja moh nau tih ta Păng?” Phung bon lan nter drou lơ ma hô lah: “Nkhât Păng ta si tâm rkăng!”

15Ach ma Pilat ũch jan tâng nau phung bon lan dân nơh, gay ma ăn khân păng rằm maak, păng bớk lơi Barabas. Jêh ri păng đã taken rpăt Brah Yêsu ma mông rse, n'ho ma jao ăn taken nkhât Ôbăl ta si tâm rkăng.

Tahen n'grôh n'grăp ma Brah Yêsu

(Mat 27:27-31; Yôh 19:2-3)

16Jêh ri phung taken têk leo Brah Yêsu hăn lăp ta jông gung nhih kôranh kuông. Tăt ta nây kuăl lể phung taken ăn tâm mập băl.

17Bu de sỏ ao jong chăng i tâm ban ma ao kađăch nsoh ăn Ôbăl nsoh, jêh ri sỏ rtao lok bảr jan môk kađăch ndô ta bôk Ôbăl ri.

18Jêh ri taken leo băl ngơi n'grôh n'grăp ma Ôbăl lah: “Hơi kađăch phung Israel! Hên yớk May.”

19Jêh ri taken de sỏ mông reh rpăt ta bôk Păng, soh dak diu ta Ôbăl n'ho ma jan lah chon kômôk yớk mbah ma Păng đống.

20Jêh n'grôh n'grăp ma Ôbăl kớt ndri, jêh ri taken droh lơi ao chăng bớh sắk Păng, plở nsoh tay ao Păng nơm nơh, jêh ri têk leo Ôbăl a ntúk nkhât ta si tâm rkăng.

Tahen nkhât Brah Yêsu ta si tâm rkăng

(Mat 27:32-44; Luk 23:26-43; Yôh 19:17-27)

21Rỏ trong nây geh du huê bu klô i tă bớh bon Kiren păng tă bớh bri lăp a bon. Taken de nchập ôbăl tui si tâm rkăng Brah Yêsu. Păng i nây rnha Simôn i bở Alêksăntrus, ndrel ma i bở Ruphus.

22Jêh ri taken leo Brah Yêsu tăt ta ntúk i bu rnha ‘Gôlgôtha’, rblang lah ‘Ntúk nting bôk’.

23Bu sỏ ndrănh play yũng yar bon lai đah dak si tăng du ntil i bu kuăl lah ‘Mâr’ ăn Păng nhêt, Păng mậu ũch ôh nhêt.

24Jêh ri taken de nkhât Ôbăl ta si tâm rkăng, n'ho ma sỏ nhữp ndơ nchroh gay ma tâm pả băl kho ao Brah Yêsu.

- ²⁵Ta mong sân ôi taken nkhât Păng ta si tâm rkäng.
- ²⁶Bu pla kađar du rlat nchih mboh nau tih Păng lah: ‘Păng dja kađäch phung Israel’.
- ²⁷Ta nây geh đöng bar hê bunuyh ntüng, bu de nkhât ta si tâm rkäng kơt Brah Yêsu đöng, i du huê ăn bơh ma Păng, du huê jât ăn bơh chiaio.
- ²⁸[Nau tât dja tâm di ma nau lě geh nchih ta Nau Kôranh Brah Ngơi lah: ‘Păng i nây bu kơp ndrel bunuyh tih’.]
- ²⁹Lě bunuyh i brố rõ nây, n'grōh n'grăp rteh bōk ma Ôbăl, n'ho ma lah: “Hơi Bunuyh lah rōih lơi nhieh jan brah ma Kôranh Brah, jan tay i mhe pe nar jêh.
- ³⁰Lah ndri rklaih êng săk May nơm jūr bōh si tâm rkäng nây hōm!”
- ³¹Mpôl kôranh jan brah, ndrel ma phung nơm nti nau vay phung Israel leo băl ngơi n'grōh ma Păng kơt nây đöng, khân păng lah: “Păng lě kơl ăn ma bu êng êng, tih ma săk Păng nơm mâu ôh dơi kơl.
- ³²Păng i Brah Krist jêng bunuyh lě Kôranh Brah de kơih ngăn, Păng kađäch phung Israel, ăn Păng jūr bōh si tâm rkäng abao' ri, ăn hên say n'ho ma nsing đöng!” Bunuyh i bu nkhât kêng Brah Yêsu nây, mưch rmot Ôbăl đöng.

Brah Yêsu khât

(Mat 27:45-56; Luk 23:44-49; Yôh 19:28-30)

- ³³Tât nar nklang bōk dô ma lam bri dak i nây trōk geh ngo dadê n'ho ma tât mong pe kêng măng.
- ³⁴Ta mong pe kêng măng, Brah Yêsu nter dūt hô lah ta nau ngơi Hêbrō: “Êloi, Êloi, Lama Sapăchthani?” Nau dja rblang lah ‘Ô Kôranh Brah Gập, ơ Kôranh Brah Gập, moh nau May ntơi Gập?’
- ³⁵Bu bābă i gũ ta nây tǎng nau Păng nter nơh vĩ iăt, bu lah: “Ô, Păng kuăl Êliya i bunuyh ntōyh nau ngơi Kôranh Brah bōh kăl e nơh.”
- ³⁶Geh du huê bu klô hăn nchuăt sō bok yũk ta dak srat put ta chông mōng ndở ăn Păng nhêt, n'ho ma ngơi lah: “Kōp uănh bốt, gīt Êliya hăn njūr Păng bōh si tâm rkäng mâu lah mâu.”

³⁷Jêh ri Brah Yêsu nter düt hô, n'ho ma roh n'hâm klök.

³⁸Ta mong nây bok i nching ta jrô düt kloh ueh ta trôm nhieh jan brah ma Kôranh Brah dô ma hêk chuik jêng bar, ntôm bôh lơ n'ho ma tât a dồng.

³⁹Du huê kôranh taken Rôm i dâk bôh năp Brah Yêsu say Păng roh n'hâm kôt nây, kôranh taken i nây ngơi lah: “Bu klô dja i Kon Kôranh Brah ngăn ya!”

⁴⁰Geh mpôl bu ur ãabă uănh bôh ngai. Ta mpôl bu ur i nây, geh Mari i tă bôh bon Mađala, geh Mari i mẽ Yakơ jẻ, ndrel ma i mẽ Yôse, ndrel ma Salômê đống.

⁴¹Lẻ bu ur i nây tâng kơl Brah Yêsu ntôm bôh Păng gủ ta bri Galilê. Geh ôk bu ur êng jât, khân păng lẽ rngôch tâng Păng tât ta ãon kuông Yêrusalem.

Nau njo Brah Yêsu ta trôm môch

(Mat 27:57-61; Luk 23:50-56; Yôh 19:38-42)

⁴²Lẻ nau i nây tât ta nar ndrăp i nar ê lor ma nar Sabăt i nar rlu phung Israel. Lẻ tât kêng măng nar i nây jêh,

⁴³Jêh ri geh du huê bu klô rnhă Yôsep i tă bôh bon Arimathê, păng bunuyh lữ kuông ta mpôl kôranh jan kar phung Israel. Păng hôm kôp tât nau Kôranh Brah mât uănh lẽ bunuyh đống, ndri nuh n'hâm păng bảnh ngăn hăn mập Pilat dẫn sỏ sắk Brah Yêsu gay ma tốp.

⁴⁴Tât păng mập Pilat, Pilat geh nau mân ndrôt hih rhôl ngăn tăng nkoch lah Brah Yêsu lẽ khât hơyh kôt nây. Păng kuăl kôranh taken i nkhât Brah Yêsu nây nơh, gay ma gít n'hêl lah Brah Yêsu lẽ khât ngăn mâu lah mâu .

⁴⁵Jêh păng tăng lẽ nau taken nây nkoch, păng ăn Yôsep sỏ sắk Brah Yêsu.

⁴⁶Yôsep rvăt bok lai h nglang, jêh ri păng njữr sắk Brah Yêsu bôh si tâm rkăng, njo put ma bok i nây tẻ ta trôm môch lữ du ntúk i bu de lôk ta lữ klêr ma jan trôm môch. Jêh ri păng rlă du mlôm lữ rdôl trôm môch nây.

⁴⁷Mari i tă bôh bon Mađala, ndrel ma Mari i mẽ Yôse lẽ gủ ta nây đống, lẽ uănh say ntúk bu tẻ sắk Brah Yêsu nơh.

Markôs 16

Brah Yêsu dâk rêh tay

(Mat 28:1-8; Luk 24:1-12; Yôh 20:1-10)

¹A mǎng jêh lôch nar Sabăt i nar rlu phung Israel mpôl bu ur Mari i tă bôh bon Mađala, Mari i mẽ Yakô, ndrel ma du huê bu ur êng jât rnha Salômê leo băl rvăt dak ngi bô kah gay ma ndjôt tở ta sǎk Brah Yêsu.

²Kah ơm ôi ta nar pơh, khân pǎng leo băl hăn a môch nôk bri lě ang nar lě lôh,

³ngôi ndrǎng khân pǎng nơm lah: “Ndri bu moh sơm rlă lữ i rdôl trôm môch ǎn ma bân hiah?”

⁴Tăt ta môch nây, khân pǎng ngơk uǎnh say lữ lě ơm rlă jât meng trôm môch. Lữ i nây kuông ngǎn.

⁵Jêh khân pǎng lǎp ta trôm môch nây, say du huê bu ndăm gủ rgợp mpeh bôh ma, nsoh ao kuông nglang. Lǒng mpôl bu ur i nây klach nsờ.

⁶Bu ndăm i nây lah ma khân pǎng: “Lời dǎng klach ôh! Khân ay joi Brah Yêsu i tă bôh bon Nasaret i bu nkhăt ta si tâm rkǎng nơh. Lě Kôranh Brah rdők Pǎng ǎn dǎk rêh tay. Pǎng mǎu hôm ôh gủ ta dja, uǎnh eh, ta ntúk dja bu njor sǎk Pǎng nơh.

⁷Hăn khân ay sât mbôh mpôl oh mon Pǎng ri, n'ho ma mbôh Pêtrôs đổng: ‘Pǎng hăn a bri Galilê lor bôh nǎp khân ay may, a ri tay khân ay may say Pǎng, tâm di kợt Pǎng lě jêh ntính nơh’.”

⁸Jêh ri mpôl bu ur nây du lôh bôh môch nchuăt rǒng brǒng ndǎp ma nsờ klach ndrốt hih rhõl ngǎn. Khân pǎng mǎu ôh mbôh nau i nây ǎn ma bu, yor ma klach hô ngǎn.

Brah Yêsu nhơ sǎk ǎn mpôl oh mon say

⁹[Ta ôi nar pơh, Brah Yêsu dǎk rêh tay, Pǎng nhơ lor sǎk ǎn ma Mari say, Mari i nây tă bôh bon Mađala. Pǎng Brah Yêsu lě mprơh pơh brah djơh lôh bôh sǎk pǎng nơh.

¹⁰Jêh ri Mari hăn mbôh nau i nây ǎn ma mpôl oh mon Pǎng, khân pǎng hôm e rngot rvê nhũm vớl Pǎng đổng.

¹¹Tât tăng Mari nkoch lah Păng lẽ dâk rêh tay, tăng nkoch đổng lah Mari lẽ say Păng, mâu ôh khân păng ếch iăt.

¹²Jêh ri Brah Yêsu nhơ săk ăn bar hê oh mon say, jêh khân păng lôh bớh bon Yêrusalem hăn rỏ trong. Nôk nây muh mắt Brah Yêsu êng đah a lor nớh.

¹³Jêh ri bar hê khân păng hăn plờ jăt kới mớh nau i nây ma mpôl oh mon a êng đổng, tih ma khân păng mâu ếch iăt đổng.

¹⁴Kêng ma dứt nôk khân păng hôm gũ sông sa, Brah Yêsu nhơ săk ăn ma 11 nuyh mpôl kôranh oh mon say, jêh ri Brah Yêsu nduih khân păng, ach ma khân păng đăng ko mâu ếch iăt lẽ nau i bu nkoch lah say Păng lẽ jêh dâk rêh tay nớh.

¹⁵Păng lah ma khân păng: “Khân may hăn ăn lam neh ntu dja, jêh ri mớh nkoch nau mhe mhan ueh ăn ma dâng lẽ bunuyh dô.

¹⁶Bu moh iăt nau nkoch i nây jêh ri đơn nau bắtem yũk ma dak, păng i nây Kôranh Brah de rklaih. Bu moh i mâu iăt ôh păng i nây Kôranh Brah tể dôi h ma păng ro.

¹⁷Bu moh i iăt nau i nây, khân păng jan nau mbên kớt nđa: mprớh brah đớh yor ma nau đơi Gáp, blaou nau ngới i khân păng mâu ôh prot ngới.

¹⁸Lah khân păng nhữp bêh geh kăch, mâu lah nhêt nđơ khêh, khân păng mâu geh nau tât đổng. Lah khân păng tể ti ta bunuyh ji, nau ji păng bah ro.”

Brah Yêsu săt ta đon ueh kalơ

¹⁹Jêh kôranh Yêsu ngới lẽ nau i nây, jêh ri Kôranh Brah sỏ n'hao Păng săt ta đon ueh kalơ trôk, ăn gũ mpeh bớh ma ti Kôranh Brah nớm.

²⁰Jêh ri khân păng hăn mớh nkoch nau mhe mhan ueh ăp ntũk, n'ho ma Kôranh Brah kớl jan kar ndrel khân păng, ăn khân păng đơi jan nau mbên êng êng, gay ma ăn bu say nau i nây lẽ di ngăn.]

Luka

Luka 1

Nau bôk ăn bu gít năi lor

^{1,2}Dăn kôh mbah lah ueh ma kôranh Thêôphil, ăn gít! Geh ôk bunuyh i say ma mắt ôk ntil nau Brah Yêsu jan, ntôm Păng ntôm nti ma bunuyh. Jêh ri bunuyh i nây n'ho ma jan kar mboh nkoch nau Kôranh Brah. Geh ôk bunuyh tăng nau khân păng mboh nkoch nây, jêh ri nchih nau i nây ăn ma hên gít.

³Lông gáp mêt uánh dăng lă nau i nây dūt n'hêl naně ngăn. Gáp gít nau dja di ngăn nchih ăn n'hêl ngăn gay ma njuăi ăn may đống,

⁴Ûch ăn may gít năi dăng lă nau i may lă tăng bu nti lah ma may nơh, nau i nây jêng di ngăn.

Tông păr mboh nau deh Yôhan-Baptem

⁵Nôk Hêrôt jêng kađach măt uánh ta bri Yuđa, nôk nây geh đống du huê bunuyh jan brah rnha păng Sakari, ur păng rnha Êlisabet, lă bar hê khân păng moi deh Arôn i bunuyh jêng kôranh jan brah lor bu ta phung Israel. Nôk nây mpôl jan brah geh 24 mpôl tâm pleh jan kar ta nhieh jan brah ma Kôranh Brah ta ðon kuông Yêrusalem, Sakari gũ ta mpôl rnha Abia.

⁶Lă bar hê ur sai nây Kôranh Brah kơp khân păng jêng bunuyh sổng srăng ngăn, ndjôt nập dăng lă nau Kôranh Brah đă, jan di dadê mầu ôh du ntil tih.

⁷Tih ma khân păng mầu geh kon, yorlah Êlisabet i bu ur mầu bă kon, săk jăn khân păng lă ranh đống.

⁸Tăt di nar pleh mpôl jan brah mpôl Abia lăp jan kar ta jống gung nhieh jan brah ma Kôranh Brah, nar nây Sakari bunuyh jan brah geh lăp jan kar ta nhieh nây đống.

⁹Tâng nau vay jan mpôl jan brah, khân păng kơih du huê bunuyh ma nđơ nchroh, di ta plăng Sakari, jêh ri păng lăp su nđơ bô kah ta trôm nhieh jan brah ri.

¹⁰Jêh ri Sakari lăp ta trôm nây, su nđơ bô kah, bơh dih dja geh ôk bunuyh gũ mboh sơm.

¹¹Du n'hâm ta này păng say du huê tông pãr tă bớh Kôranh Brah, dâk bớh ma nsửng ma gũch ndr ớh bô kah ri.

¹²Tât ma say kớh này, păng ndr ớh prôh, klach dũt nsửr ngãn.

¹³Jêh ri tông pãr lah ma păng: “Hới Sakari, lớih klach ôh! Kôranh Brah iãt kớh nau may lể jêh dãn, nar jãt nãp tay ur may geh du huê kon bu klô, ăn may tể rnha kuãl păng ‘Yôhan’.

¹⁴Kon i này may rãm rớh hỏ ngãn, jêh ri geh ớk bunuyh đống rãm maak păng deh,

¹⁵yorlah Kôranh Brah kớh kon i này khlay hỏ ngãn ngên. Lớih ôh ăn păng nhêt ndrãnh, mâu lah du ntil ndr ớh nhũl, du tớ mâu ăn đống. Brah Huêng Ueh i kloh ueh gũ ta păng ntớm bớh ndr ớl me ro.

¹⁶Jêh ri păng leo bon lan Israel ớk bunuyh rgãl lớih nuh n'hâm djớh plớ sãt ma Kôranh Brah i brah khãn păng nớm.

¹⁷Păng vãch lor bớh nãp Kôranh Brah, n'ho ma geh Brah Huêng Ueh gũ ta păng tâm ban ma bunuyh ntớyh nau ngớih Kôranh Brah kãl e nớh, rnha Êliya, geh nau dãn tâm ban ma Êliya này đống. Kon may i này rplớ nuh n'hâm bớ ăn plớ rống ma kon păng nớm, yor ma Brah Huêng Ueh gũ ta păng. Geh ớk bunuyh mâu iãt nau Kôranh Brah, kon may i này rgãl nuh n'hâm djớh khãn păng plớ sãt ma Kôranh Brah jêng bunuyh sớng bunuyh ueh, kớh ndr ớh păng ndrãp bunuyh du phung ăn ma vớh đớh Kôranh Brah đống.”

¹⁸Sakari ớp tông pãr i này lah: “Mớh jan hã, dãn gít nau này hoch ngãn? Yorlah sãk gãp dja lể ranh jêh, nãm ur gãp lể ớk đống.”

¹⁹Tông pãr plớ ớh ma păng: “Gãp dja rnha Gabriel i kôranh tông pãr kớh jan kar ma Kôranh Brah, Păng đã gãp leo nau ueh dja mbớh ăn may.

²⁰Nau dja geh ngãn tât di nar ri tay, tih ma may mâu iãt ôh nau gãp mbớh nkoch nớh. Uãn may tay jêng bunuyh mlo ngớih mâu blaoh ôh, n'ho ma tât ur may gũ oh.”

²¹Bunuyh gũ kốp Sakari bớh dih ri, mâu vât ôh moh nau gũ jở pãng ta trôm nhih jan brah ri.

²²Jêh ri Sakari lôh a dih dja, pãng ngời đah bu mâu blao ôh. Pãng nchõng ma ti dơm gay ăn bu gĩt i nau pãng say ri nớh. Tât say pãng nchõng ndri, khân pãng gĩt vât ndơh nớh ta trôm nhih jan brah nây, Sakari geh say ndơ tả bớh Kôranh Brah ngấn ro.

²³Pãng ê hỡ lẽ nar sât ôh, hôm gũ jan kar ta nhih jan brah i nây jât, tât di lẽ nar bah jan kar, jêh ri pãng plở sât a bon pãng nờm ri.

²⁴Kah a kớri ri say ur pãng ntreo, jêh ri i ur pãng gũ ngấn ta jay pãng nờm ri jở prãm khay lịch lôh dih ih nar ôh. Jêh ri pãng lah:

²⁵“Nau ntreo gập dja tả bớh Kôranh Brah dơm ăn ma gập, Pãng jan gập, abao dja mâu hôm ôh đit prêng bu jât!”

Tông pả mớh nau deh Brah Yêsu

²⁶Tât Êlisabet ntreo klấp geh prao khay, Kôranh Brah đã tông pả rnhả Gabriel hấn ta bon Nasaret, bri Galilê,

²⁷gay ma mập du huê bu drôh, rnhả pãng Mari. Bu drôh i nây pãng lẽ jan ndrôi đah du huê bu ndăm, rnhả pãng Yôsep i che pãng kăl e nớh kadrž David đống.

²⁸Jêh ri tông pả i nây lắp ta trôm jay Mari, pãng lah: “Hỡi yôh Mari, ueh lắng ay bớh! Kôranh Brah lẽ kớih du huê ay dơm, ăn nau geh jêng ma ay lơ ma kuống lơ ma prêh ngấn, Pãng gũ ndrel ay đống.”

²⁹Tât Mari tăng kớri nây pãng mâu ôh gĩt vât, geh nau rvê ngấn, jêh ri nklôn êng ta sắk pãng nờm: “Moh bả geh nau khlay ngời pre i nây nớh?”

³⁰Jêh ri tông pả lah ma pãng jât: “Ới Mari, lơi ay klach ôh, Kôranh Brah kớih ay, gay ăn nau geh jêng kuống hô ngấn.

³¹Ay tay ntreo, jêh ri geh du huê Kon Bu Klô, ăn ay tể rnhả Pãng kuẩ ‘Yêsu’.

³²Kon dja geh nau khlay nau dơi hô ngăn ngên, bu kuăl Păng lah: ‘Kon Kôranh Brah i dūt prêh’, jêh ri Kôranh Brah ăn Kon i này jêng kadăch ma phung Israel tâm ban ma kadăch David i che Păng kăl e nơh.

³³Yơn ma Păng tay jêng kôranh măt uănh ðon lan Israel i kon sau rnoi deh Yakôp n'ho ro, Păng măt uănh mầu ôh blao lôch blao dūt.”

³⁴Jêh ri Mari ôp tông pãr i này lah: “Mơm jan mêh dăng geh nau dja tât ngăn ro, yorlah gáp ê hõ geh sai?”

³⁵Tông pãr ơh: “Brah Huêng Ueh i kloh ueh văch gũ ta ay, nau dơi Kôranh Brah i dūt prêh nkũm ăn n'hâm ma ay, ăn ay ntreo. Kơt ndri dăng Kon i này kloh ueh, bu kuăl Păng ‘Kon Kôranh Brah’.

³⁶Lõng Êlisabet i ndũl deh ay nơm, bol lah păng lể ranh, ndrel ma bu lah păng bu ur mầu bã kon kadôi lể, yơn ma abao dja păng lể ntreo kon bu klô klăp lah geh prao khay jêh,

³⁷yorlah mầu geh ôh du ntil ndơ Kôranh Brah mầu blao jan.”

³⁸Mari ơh: “Gáp dja ũch jan tâng dăng lể nau Kôranh Brah, ăn tât ngăn kơt nau i may lah ri!” Jêh ri tông pãr du lôh bơh ntũk này.

Mari hăn khõl Êlisabet

³⁹Jêh ri Mari dâk ndal bơh ntũk này, hăn brũl ro jât ðon Sakari gũ ri ta bri yôk, ntũk bri Yuda ri.

⁴⁰Tât ta jay Sakari ri păng ôp nau ueh lăng ma Êlisabet.

⁴¹Tât tăng Mari ôp này, dô ma mpõt ro i kon ta trôm ndũl Êlisabet ri. Jêh ri Brah Huêng Ueh i kloh ueh gũ ngăn ta Êlisabet này ro,

⁴²ăn nau păng lah, jêh ri păng ngơi nteh nteh ngăn: “Kôranh Brah lể ăn nau geh jêng dūt ueh ma ay ôk rlau ma ðah dăng lể bu ur êng jât, n'ho Păng ăn nau geh jêng ma Kon ta trôm ndũl ay này ðong.

⁴³Moh geh nau khlay ta gáp dja hay, dăng geh ma bu ur i me kôranh gáp nơm hăn khõl gáp!

44Gâp gít năl ri nơh, yorlah kon ta trôm ndül gâp mpöt rằm maak ngăn ro, tât gâp tăng nau ay ôp ueh lăng nơh.

45Ay lap ngăn yor ma iăt nau Kôranh Brah lah i nây tât ma ay ngăn ro, oh ê.”

Nau mprõ bu drôh Mari

46Jêh ri Mari mprõ lah: “Nuih n'hâm gâp rnê ma Kôranh Brah.

47Gâp rằm maak hô ngăn ma Kôranh Brah i nơm rklaih gâp,

48Yorlah Kôranh Brah hêm kơih gâp i bunuyh ðon lan dơm kốp iăt nau Kôranh Brah. Ntơm bơh dja jăt nấp tay ăp rnôk bunuyh, bu kuăl gâp i bu ur lap ngăn ngên,

49Yorlah Kôranh Brah i geh nau dơi ăn ndơ nau khlay ngăn ma gâp. Kôranh Brah kloh ueh ngăn ngên,

50Păng yỗ ndach ma bu moh i klach iăt nau Kôranh Brah N'ho ro tât ăp rnôk bunuyh,

51Ndrel ma nhơ nau dăng Păng, Ntrüt lơi bunuyh i kơp êng săk păng nơm kuông.

52Păng nduh lơi kađăch geh nau dơi ngăn ăn jêng bunuyh ðon lan dơm, Jêh ri Păng n'hao bunuyh i ðon lan.

53Păng ăn geh rmeh ler ma bunuyh ji ngot ji hir, Tih ma bunuyh ndrông kuông ăn săt dơm, tâng Kôranh Brah nơm ũch.

54Păng kơl ðon lan Israel i phung jan kar iăt nau Kôranh Brah nơm, Yor ma hêm kah gít nau yỗ ndach Păng.

55Păng jan kơt nđa tâng nau Păng ton ma che Abrahăm kăl e nơh N'ho ma tât kon tât sau Abrahăm n'ho ro.” Ndri nau mprõ Mari.

56Păng gũ ndrel Êlisabet klăp lah geh pe khay, ri mơ plở săt a jay păng nơm.

Nau deh Yôhan-Baptem

57Tât Êlisabet ăp khay jêh, păng gũ oh kon bu klô.

⁵⁸Bu nkoch đơn nau u lể ranh i này hôm geh kon ăn lể mpôl chiaio meng, ndrel ma bảl mpôl păng nơh gít. Jêh tăng lữ Kôranh Brah yố ndach ma păng hô ngấn ngên kớ t nđã, khân păng rằm maak ndrel păng dadê.

⁵⁹Tât oh bê i này lể geh pham nar, lể bảl mpôl bar hê ur sai khân păng, ndrel ma bunuyh chiaio meng hấn ran ta khân păng đống, tâng nau vay phung Israel, ăn bu koh ntô ma kon bê i này, nkre ma ứch tể rnha păng, kuảl ‘Sakari’, kớ t rnha i bở păng nờm đống.

⁶⁰Tih ma i mẽ ri lah: “Mâu ôh, ứch tể rnha păng, kuảl ‘Yôhan’.”

⁶¹Bu plở ơh ma păng: “Tâng ma nau vay bân mâu di ôh, yorlah ta bảl mpôl khân ay may mâu geh du huê rnha kớ t ndri.”

⁶²Jêh ri bu ôp Sakari nchỏk ma ti, moh ứch tể rnha ăn ma kon păng này.

⁶³Sakari nchỏk đã khân păng sỏ rlat kađar, jêh ri nchih ta ri lah: “Kon dja tể rnha păng, kuảl ‘Yôhan’.” Lể bu ta này ndrốt hih rhỏl dadê.

⁶⁴Du n'hâm ta này Sakari blaio ngời kớ t ớ m ro, jêh ri păng nteh bở bở hỏng rnê Kôranh Brah.

⁶⁵Bunuyh chiaio meng klach dadê say nau đấng Kôranh Brah. Bu lữ nau dja lam ntúk bon rỏ yỏk bri Yủđã này.

⁶⁶Bu moh i tăng lữ nau dja păng nklỏn êng ta nuih n'hâm hô ngấn, jêh ri ôp êng sảk păng nờm lah: “Tât kon i này lể kuống, mớ m păng jêng?” Khân păng ngời kớ t ndri yorlah bu say nau đơi Kôranh Brah gủ ta kon dja.

Nau mpro Sakari

⁶⁷Jêh ri Sakari i bở oh bê ri, Brah Huêng Ueh i kloh ueh gủ ta păng ngấn, đã păng ngời, yor ri păng ngời tả bở h Kôranh Brah, păng lah:

⁶⁸“Rnê ma Kôranh Brah i brah phung Israel yỏk mbah, Yorlah Păng vách ứch rklaih phung bon lan Păng nờm.

⁶⁹Kôranh Brah ăn du huê Bunuyh gay ma rklaih bân, Bunuyh i này geh nau đơi ngấn, Păng rnoi deh kađách Đavid i bunuyh jan kar iảt nau Kôranh Brah kảl e nờh, Păng i này i bu kuảl Brah Krist đống.

⁷⁰Kôranh Brah lě mboh jêh nau dja ăn ma bunuyh ntøyh nau Păng ngời kăl e nơh.

⁷¹Nôk này nơh Kôranh Brah lah, Păng mra rklaih bên bớh ti phung rlänge, ndrel ma ăn bên lôh bớh mpôl rngõ mpôl biãnh.

⁷²Păng lě ton nau yỗ ndach ma u che bên kăl e nơh. Nau tâm rnglăp kloh ueh Kôranh Brah Păng mâu chuêl ôh.

⁷³Păng lě ton ngăn ma Abrahăm, che bên kăl e nơh,

⁷⁴Păng tay rklaih bên bớh ti phung rlänge, Gay ma bên mâu hôm klach jan kar iăt nau Kôranh Brah,

⁷⁵ndrel ma ăn bên jan kar này sớng srăng Tâm di đah nau Kôranh Brah ứch n'ho ro ăp njăr nau rêh.

⁷⁶Lõng kon gáp dja, bu tay lah păng jêng bunuyh ntøyh nau ngời Kôranh Brah i brah dút prêh, Yorlah may hăn lor bớh năp Brah Krist, gay ma ndrăp nuh n'hâm bunuyh ăn ma Păng tâm ban ma bu kuayh trong ăn ma kadăch hăn.

⁷⁷May ăn bon lan Israel gít năl lah mớm Kôranh Brah rklaih khân păng lôh bớh nau tể dôi, Mớ m Kôranh Brah yỗ mâu hôm ôh kớp mâu hôm ôh klăp ndăng nau tih khân păng.

⁷⁸Păng yỗ ndach bên hô ngăn, Ndri Păng ăn Brah Krist tă bớh kalơ trôk ntúk Kôranh Brah ri jữr văch ta bên, tâm ban ma bring lôh nar a ôi.

⁷⁹Bunuyh i mâu gít năl Kôranh Brah, jêng tâm ban ma bunuyh i gủ ta ntúk ngo, bunuyh i klach khăt đống, yớ n ma Brah Krist văch ta dja jêng nau ang ma bunuyh i này, Păng leo bên rỏ trong đăp mpăn.” Ndri nau Sakari ngời.

⁸⁰Lõng Yôhan ri săk jăn păng lơ ma hao ndăm, nau mân gít blao păng lơ ma hô đống. Jêh ri păng gủ rêh ta ntúk bri rdah ngai bớh bon êng êng, n'ho ma tăt nar păng nhơ săk, jêh ri ntóm ntúm nti bon lan Israel này gít.

Luka 2

Nau deh Brah Yêsu

¹Nôk này ta ðon kuông Rôm, geh kôranh kađäch bu kuäl Sêsar, rnhă păng Augus, păng lăp măt uănh kađäch ta bri êng êng. Geh du nar ri lôh nau tă bôh kôranh kađäch i này đă ðon lan dăng lă bri i păng măt, nchih săk kôp bunuyh tâng bri tâng ðon u che khân păng nôm.

²Nau nchih săk ðon lan i này bu jan bôk dak bu, dôi Kirinis jan kôranh kuông ta bri Siri.

³Kot ndrî dăng lă bunuyh hăn grŭng nchih săk tâng ðon u che khân păng nôm gŭ nôm.

⁴Jêh ri Yôsep, lôh bôh ðon Nasaret ta bri Galilê i ntŭk păng gŭ này, brổ jăt bri lơ jăt ðon Bêtlêhem, ta bri Yuđa i ri, i ntŭk ðon deh kađäch David kăl e nôm, yorlah Yôsep i này păng rnoi deh kađäch David.

⁵Păng brổ nchih săk ndrêl Mari i bu ur bu găt lah ur păng, Mari i này lă ntreo đống.

⁶Tăt ta ðon Bêtlêhem, Mari i này lă ăp khay jêh.

⁷Ta jay bu năch veh bêch lă bêng dadê. Jêh ri păng gŭ oh Kon Bu Klô, i này Kon bôk dak. Mễ păng nkrum oh bê i này ma bok, jêh ri tễ ta bong mpômpa (siôm) này.

Tông păr mboh nau deh Brah Yêsu ăn ma mpôl gŭ chiăp

⁸Măng i này ta ðon Bêtlêhem, geh mpôl chiăp gŭ rnegh kôp uănh be biăp phung, be phung ta ndrîch ri.

⁹Jêh ri dô ma say du huê tông păr Kôranh Brah dăk kêng khân păng ri. Nau ueh chrêk ma lơp Kôranh Brah chrat dadê ngăn jŭm ntŭk này, tăt ma khân păng klach nsôr săk jăn hô ngăn.

¹⁰Tông păr ri lah ma khân păng: “Lơi ta khân may klach ôh! Găp leo mboh nau mhe mhan ueh nkoch ăn ma khân may. Nau mhe mhan ueh dja ăn ma dăng lă bunuyh răm maak ngăn.

¹¹Măng dja ta ðon Bêtlêhem i ðon kađäch David, geh du huê Kon Bu Klô mhe deh jêng nôm rklaih dăng lă bunuyh. Păng i này bu lă mboh lor kăl e nôm,

Păng Brah Krist i nơm rklaih tă bớh Kôranh Brah de njuăl, Păng kôranh khân may.

¹²Khân may gít năl Păng kớ dja, lah say du huê oh bê mhe deh bu put Păng ma bok, ăn bêch ta bong mpômpa (siũm) nây.”

¹³Jêh ri dô ma say đống phung tông pãr dũt ốk ngãn, jũr tă bớh kalớ trôk ntũk Kôranh Brah ri, gũ ndrel du huê tông pãr i nây nớh, mpro' rnê ma Kôranh Brah lah:

¹⁴“Ăn rnê ma Kôranh Brah gũ ta kalớ trôk dũt prêh, Jêh ri ăn geh nau đăp mpăn ma bunuyh i Kôranh Brah rống ta neh ntu dja.”

¹⁵Ndũt tông pãr hao sât a kalớ trôk lể rngốt, khân păng tâm jă ndrăng khân păng nơm: “Hố! Lống bân hãn ta bon Bêtlêhem, uãnh oh bê mhe deh ri, kớ nau Kôranh Brah mớh ma bân ndrớh nớh.”

¹⁶Jêh ri khân păng dăk ndal tă bớh nây hãn joi ntũk gũ oh bê ri. Tăt a ri say Mari, Yôsep, ndrel ma oh bê bêch ta bong mpômpa (siũm) ri.

¹⁷Jêh say oh bê i nây, khân păng mớh nkoch nau tông pãr lah ma oh bê i nây nớh.

¹⁸Lể bunuyh i tăng nau mpôl chiăp be biăp chiăp be i nây nkoch, khân păng ndrốt hih rhõl ta nuh n'hâm.

¹⁹Lống i Mari nây păng hóm prăp nklõn nau i nây ta săk păng nơm.

²⁰Jêh ri mpôl chiăp be biăp i nây khân păng plớ sât, n'ho ma mpro' rnê ma Kôranh Brah, yorlah măt lể say tôl lể tăng, lể ndrớ tông pãr mớh ma khân păng nớh jêng di dadê, mầu geh ôh tih du ntil.

²¹Tăt pham nar jêh deh, mẽ bớ đă bu koh ntô ăn ma Oh Bê i nây tăng ma nau vay phung Israel ma kon bu klô, n'ho ma tể rnha Păng, kuăl ‘Yêsu’, kớ tông pãr mớh ma Mari nôk păng ê hõ ntreo nớh đống.

I mẽ bớ leo Oh Bê jẻ Yêsu hãn ta nhih jan brah

²²⁻²⁴Jêh gũ oh geh 40 nar, Mari tăng nau vay Môsê lể nhih kăl e nớh, păng nhớ siũm nar ma jan brah, gay ma rao săk păng nơm ăn kloh. Tăt di nar

nây păng, ndrel ma sai păng, leo Oh Bê jě ri ta ðon kuông Yêrusalem. Tât ta ðon nây, khân păng lăp ta jông gung nhieh jan brah ma Kôranh Brah nhhơr bar mlôm siũm nar ma jan brah tâm di ðah nau vay Kôranh Brah lě ðă nhhơr nơh. Ấp tở jêh gũ oh, nau vay nây ðă bu nhhơr “Bar mlôm ntởp, mâu lah bar mlôm plũk rah.” Jêh ri mẽ bở nhhơr oh bê ri ma Kôranh Brah ðồng, khân păng jan kớt ndri tâng nau vay Kôranh Brah lě ðă bu nchieh kăl e nơh lah: “Dâng lě kon bu klô bôk dak, ðập ma kon mpômpa (siũm) nkuông bôk dak, ăn nhhơr prăp ma Kôranh Brah.”

Simêôn mập ma Oh Bê Brah Yêsu

²⁵Ta ðon kuông Yêrusalem ri geh du huê bunuyh rnhă păng Simêôn, păng i bunuyh ueh sồng srăng, iăt nau Kôranh Brah ngăn, păng gũ kốp rơp Brah Krist i Kôranh Brah ton ðă hăn rtũk rthi n'ho ma rklaih ðon lan Israel ðồng. Brah Huêng Ueh i kloh ueh jũr gũ ta păng,

²⁶mơh ăn păng gít, păng mâu khăt ôh lah mâu hỏ say Brah Krist i nờm rklaih tă bớh Kôranh Brah de njuăl.

²⁷Kah du nar ri Brah Huêng Ueh ðă Simêôn hăn ta jông gung nhieh jan brah ma Kôranh Brah. Tât ta nây say Yôsep, ndrel ma Mari leo Oh Bê hăn ta jông gung nhieh jan brah ri ðồng, gay ma nhhơr Oh Bê i nây ma Kôranh Brah kớt nau bu lě jêh nchieh ta nau vay nây nơh.

²⁸Jêh Simêôn say Oh bê i ri, păng klu, jêh ri păng rnê ma Kôranh Brah:

²⁹“Ởi Kôranh Brah! Gập dja i bunuyh jan kar iăt nau May, abơ dja lah gập khăt, gập lě geh nau ðăp mpăn jêh, Yor nau May ton ma gập nơh jêng di ngăn ro.

³⁰Trôm mắt gập lě say nau rklaih May ăn jêh.

³¹Nau rklaih i nây May lě ndrăp ăn ma lě mpôl bunuyh say,

³²Păng jêng tâm ban nau ang gay ma ngaang lě mpôl bunuyh i mâu di phung Israel, yor ma Păng ăn khân păng nây gít năl Kôranh Brah, Jêh ri phung êng êng rnê rơn phung Israel, yor ma Brah Krist tă bớh phung i nây .”

³³Mẻ bở Oh Bê i nây ndrốt hieh rhỏl nau Simêôn lah ma Kon bê khân păng.

³⁴Simêôn mboh nau geh jêng ma khân păng, jêh ri lah ma Mari: “Kôranh Brah lě ăn bunuyh ők ta phung Israel geh nau roh hêng yor ma khân păng mâu iăt ôh ma Kon bê dja, yơn ma geh ők jăt geh nau rklaih yor ma khân păng iăt ma Kon bê dja. Kôranh Brah nơm lě njuăl jêh Kon bê dja văch ta dja, tih ma ők bunuyh hơm tâm rdâng đah Păng.

³⁵Ndri dăng bu say kloh rah vah nau mân bunuyh dăt ndöp, i ay nơm tay geh ji ôh êt ôh êl ngăn, n'hă ma geh đao ntöp rho ta play nuh play n'hâm ay ngăn.”

U An rnê Kôranh Brah

³⁶Jêh ri geh du huê u ranh, bunuyh ntøyh nau ngời Kôranh Brah, păng rnhā An, i kon Phanuel ta mpôl Asơr . Păng ndăp lě geh pơh năm, jêh ri sai păng khăt,

³⁷jêh sai păng khăt nây, păng gũ ndrô n'ho, nôk nây păng lě ranh 84 năm. Păng gũ nkre ta jông gung nhih jan brah, păng yők mbah ma Kôranh Brah dăng măng dăng nar, geh ők păng mboh sơm ăt sông sa.

³⁸Nôk Simêôn hơm ngời, u An truyh ta nây, tăt say Oh Bê i nây, păng ran rnê ma Kôranh Brah, jêh ri păng mboh nkoch ma Oh Bê jể nây ăn ma bunuyh i gũ kốp rợp hợp Brah Krist i Kôranh Brah đă hăn gay ma rklaih bon lan Israel .

Rnăk vâl Brah Yêsu plờ săt ta bon Nasaret

³⁹Jêh mễ bở Brah Yêsu jan lě phiao tâm di tâng nau vay Kôranh Brah, jêh ri khân păng plờ săt ta bon khân păng nơm, bon Nasaret ta bri Galilê ri.

⁴⁰Jêh ri Brah Yêsu ntơm têh đễ kuống đễ săk jăn Păng dăng, geh nau mân gít blaο ngăn, yor ma Kôranh Brah gũ ndrel kơl ma Păng.

Brah Yêsu 12 năm, Păng gũ ta jông gung nhih jan brah

⁴¹Ta ăp năm bu nhêt bũn n'hot, mễ bở Brah Yêsu, ndrel ma phung bon lan Israel vay hăn ta bon kuống Yêrusalem đống.

⁴²Tâng nau vay khân păng vay jan nơh, mễ bở Brah Yêsu hao lăp nhêt bũn. Tăt du năm Brah Yêsu lě geh 12 năm, jêh ri mễ bở leo Păng hăn ndrel đống.

⁴³Tât lôch nhêt bũn, i mẽ bở ri sât grũng. Mâu gĩt ôh lah Kon khân pãng hôm gũ ta bon Yêrusalem,

⁴⁴ndôn lah lẽ hãn ndrel bu. Tât hãn lẽ geh du nar rmãng, ri mơ khân pãng ntrôm joi Kon khân pãng ta bảl mpôl khân pãng gĩt nảl,

⁴⁵joi mâu say ôh, jêh ri khân pãng plở tay ta bon Yêrusalem, gay ma joi Pãng ta ri.

⁴⁶Joi tât pe nar, khân pãng say Pãng gũ ta jông gung nhih jan brah ma Kôranh Brah ndrel ntrôm nti nau vay phung Israel ta ri, Pãng gũ iăt nau bu ngời, nkre ma ôp bu nau êng êng jât.

⁴⁷Bu moh i tãng nau Brah Yêsu ôh, bu ndrốt hih rhõl ngãn, mâu vât ôh nau Pãng ôh i nây blao ngãn.

⁴⁸Tât mẽ bở say jêh i Kon nây, bar hê khân pãng nây ndrốt hih rhõl ngãn. Mễ Pãng ôp: “Hơi Nô! Mơm jan May kớt nđay nây hã? Hên rvê hô ngãn hãn joi May.”

⁴⁹Kon pãng ôh: “Hơi mẽ bở, moh nau khân ay may joi Gập? Gập dja gũ ta jay i Bở Gập ntrôm heh.”

⁵⁰Tih ma mẽ bở mâu vât ôh nau Kon pãng ôh i nây.

⁵¹I mẽ Pãng ri prăp lẽ nau i nây ta trôm sảk pãng ntrôm. Jêh ri i Kon nây plở sât a bon Nasaret ndrel mẽ bở, iăt nau i mẽ bở Pãng đống.

⁵²Brah Yêsu lơ ma nđăm, lơ ma geh nau mân gĩt blao, di nuih di n'hâm Kôranh Brah ngãn, ndrel ma di nuih di n'hâm bunuyh đống.

Luka 3

Yôhan-Baptem ntũm nti bon lan

(Mat 3:1-12; Mar 1:1-8; Yôh 1:19-28)

¹Nôk kôranh kađăch Sêsar rnha Tipêriah, pãng măt uảnh ta bon Rôm lẽ geh 15 năm, geh Pũntês-Pilat jan kôranh kuông ta bri Yuđa, geh Hêrôt-Ōntipas, pãng măt uảnh bri Galilê, geh Philip i nô Hêrôt ri, pãng măt uảnh bri Iturê, ndrel ma bri Trakhônit, geh Lisanês, pãng măt uảnh bri Apelen.

²Jêh ri geh đōng bar hê kôranh mpôl jan brah, rnhâ khân păng Anas, ndrel ma Kaiphas. Nôk nây Yôhan i kon Sakari gũ ta bri rdah ngai bōh bon êng êng, jêh ri Kôranh Brah ntính nau ma păng.

³Jêh ri Yôhan brồ ăp bon rồ dak rlai Yôrdăn, mboh nkoch ma bon lan rgâl lơi nuh n'hâm djơh, jêh ri đơn nau yũk ma dak, i bu kuăl 'băptem', gay ma nhhơ khân păng ũch tâng nau Kôranh Brah, ndri dâng Kôranh Brah yỗ ndach mâu hơm ôh kơp nau tih khân păng.

⁴Păng jan kơt nây tâm di kơt nau bunuyh ntơyh nau ngơi Kôranh Brah kăl e nơh, rnhâ Êsai, păng nchih lah: 'Geh du huê bunuyh nter ta bri rdah lah: 'Ndrăp hơm nuh n'hâm ăn ma Kôranh Brah Tâm ban ma bunuyh kuayh trong nsōng trong ăn ma kađăch hăn,

⁵Tâm ban ma bunuyh brôi lơi ntũk rlũng ăn bêng, Yôk jễ kuông khân păng jan ăn lōng Khân păng nsōng ntũk kue kuăch ăn sōng Ntũk ndôh ndăp khân păng brôi lơi ăn lōng, tâm ban ma kuayh trong ăn ma kađăch brồ.

⁶Ndri dâng lě bunuyh gĩt say nơm rklaih i Kôranh Brah de njuăl' '.

⁷Jêh tăng nau Yôhan mboh nây nơh, khân păng brồ grũng đă păng băptem yũk ma dak, geh ők bunuyh i hăn băptem yũk ma dak, yơn ma mâu ũch ôh rgâl lơi nuh n'hâm djơh, Yôhan lah: "Yê! Mpôl bunuyh djơh bunuyh janh tâm ban ma bêh ku, bu moh mboh ma khân ay may dâng geh ma nchuăt krap bōh nau tễ dôihi Kôranh Brah i bơi ma tât dja?

⁸Lah khân ay may mâu ũch Kôranh Brah tễ dôihi, lah ndri gũ sōng jan ueh hơm, gay ma gĩt say nuh n'hâm khân ay may lě rgâl ngăn ro. Lơi hơm lah êng ta săk khân ay may nơm: 'Găp lě sau Abrahăm ngăn, ndri Kôranh Brah mâu hơm ôh tễ dôihi'. Găp lah ma khân ay may, jêng sau Abrahăm đơm mâu ôh geh nau khlay, lữ dja Kôranh Brah sỗ jan sau Abrahăm jêng đōng.

⁹Abao' dja Kôranh Brah ũch tễ dôihi ma lě bunuyh i mâu jan ueh, Păng tâm ban ma bunuyh ndrăp pêh thao ma kăl lơi tơm si mâu geh play, jêh ri su lơi ma ũnh."

- 10**Phung i này ôp Yôhan: “Mơm jan hă, gay ma rklaih bớh Kôranh Brah tể dôi hên?”
- 11**Yôhan ớh ma khân păng: “Bu moh i geh bar blah ao, ăn păng pã du blah ma bunuyh mâu geh, bunuyh i geh ndơ sông sa, ăn păng pã ma bunuyh mâu geh.”
- 12**Geh bunuyh abă tă bớh mpôl kôp sô prăk bớh bon lan ma ăn kôranh măt uănh, brồ dẫn Yôhan bắptem yũk ma dak ta ri, ôp păng đổng: “Hơi nơm nti, lah ndri hên dja mơm jan mêh?”
- 13**Yôhan ớh: “Lời ôh r'ốt lời ôh mbrôh bu gay ma sô prăk ốk rlau keh.”
- 14**Geh phung taken abă ôp păng: “Lah ndri hên dja, mơm jan mêh?” Păng ớh: “Lời dăng ntôn nchroh bu, lời ôh tũn jot bu gay ma sô prăk bu, ăn sôp tống dơn ma prăk khay khân may nơm hỏ.”
- 15**Phung bon lan Israel, khân păng hôm gũ kôp tăt Brah Krist i nơm rklaih tă bớh Kôranh Brah de njuăl ri văch. Bunuyh i tăng nau Yôhan lah, dăng lể khân păng i này geh mân êng ta nuih n'hâm: “Păng i này Brah Krist mâu lah mâu?”
- 16**Jêh ri Yôhan mớh dăng lể bunuyh, păng lah: “Gập jan bắptem ăn khân ay may yũk ma dak dơm, yơn ma geh du huê kôranh bới tăt jêh, Păng geh nau dơi rlau gập ngăn, ta năp Păng gập jêng bunuyh jể lể dơm, bol lah gập sơm droh ntô jot Păng, hôm e mâu hỏ di đổng đah nau jan kar Păng. Păng bắptem ăn khân ay may ma Brah Huêng Ueh i kloh ueh, ndrel ma ũnh.
- 17**Păng tâm ban ma bunuyh ndjôt đổng, gay ma rseng lể ba i geh ta ntũk Păng plên này, ba rnglay Păng sô tồh prăp ta jay ba Păng nơm, i nsiăp Păng su lời ma ũnh mâu ôh blao nhhốt, kớh ndri Păng tâm nkhhah lời bunuyh ueh đah bunuyh djớh, jêh ri tể dôi hên ma bunuyh djớh.”
- 18**Ndri Yôhan păng mớh nau mhe mhan ueh i này ma phung bon lan, ndrel ma ntũm nti nau a êng ốk jăt gay ma ăn khân păng rgâl lời nuih n'hâm djớh.
- 19**Jêh ri Yôhan nduih lah dũt dăng ăn ma Hêrôt-Ốntipas i kôranh măt uănh bri Galilê, yor ma păng sô pit ur i oh păng nơm, rnha bu ur i này Hêrôđias,

jêh ri păng sǎ jan ur. Yôhan lah Hêrôt i này ma nau păng jan tih êng êng ők jât, mâu ôh đơn ma nau tih i này đơm,

²⁰păng jan tih lơ ma hô jât tât păng nhữp krưng Yôhan tể ta trôm ndrung đōng.

Brah Yêsu đơn nau bǎptem

(Mat 3:13-17; Mar 1:9-11; Yôh 1:32-34)

²¹Nôk Yôhan hôm jan bǎptem ma phung bon lan, tât brǎ Brah Yêsu đơn nau yũk bǎptem đōng, jêh bǎptem Păng hôm mboh sǎm, dô ma trôk pơk bōng lahữr.

²²Jêh ri Brah Huêng Ueh i kloh ueh, uảnh tâm ban ma plũk, jũr đrôm ta Păng ri, dôl này geh tăng nteh bǎr tǎ bǎh kalơ trôk lah: “May i Kon Gáp rōng, Gáp rǎm rơn May hô ngǎn ngên.”

Nkoch yao deh u che Brah Yêsu

(Mat 1:1-17)

²³Tât nar Brah Yêsu ntơm jan kar ma Kôranh Brah, năm păng klǎp lah lể geh 30 năm. Tâng nau bu mân, Păng nơh i Kon Yôsep, Yôsep i kon Hêli,

²⁴Hêli i kon Mǎtthăt, Mǎtthăt i kon Lêvi, Lêvi i kon Mêlki, Mêlki i kon Yanai, Yanai i kon Yôsep,

²⁵Yôsep i kon Matathês, Matathês i kon Amôt, Amôt i kon Nahũm, Nahũm i kon Êsali, Êsali i kon Nagai,

²⁶Nagai i kon Mat, Mat i kon Matathês, Matathês i kon Sêmi, Sêmi i kon Yôsek, Yôsek i kon Yuđa,

²⁷Yuđa i kon Yôanan, Yôanan i kon Rêsa, Rêsa i kon Sôrôbabel, Sôrôbabel i kon Salathil, Salathil i kon Nêri,

²⁸Nêri i kon Mêlki, Mêlki i kon Ađi, Ađi i kon Kôsan, Kôsan i kon Êlmađăm, Êlmađăm i kon Er,

²⁹Er i kon Yôsuê, Yôsuê i kon Êlêsar, Êlêsar i kon Yôrim, Yôrim i kon Mathat, Mathat i kon Lêvi,

³⁰Lêvi i kon Simêôn, Simêôn i kon Yuđa, Yuđa i kon Yôsep, Yôsep i kon Yônâ, Yônâ i kon Êliakim,

³¹Êliakim i kon Mêlêa, Mêlêa i kon Mêna, Mêna i kon Matatha, Matatha i kon Nathan, Nathan i kon kađäch Đavid,

³²kađäch Đavid i kon Yêsê, Yêsê i kon Ôbêt, Ôbêt i kon Bôas, Bôas i kon Salmôn, Salmôn i kon Nahsôn,

³³Nahsôn i kon Aminadăp, Aminadăp i kon Aram, Aram i kon Hesrûn, Hesrûn i kon Pêrês, Pêrês i kon Yuđa,

³⁴Yuđa i kon Yakôp, Yakôp i kon Isăk, Isăk i kon Abrahăm, Abrahăm i kon Thêra, Thêra i kon Nahôr,

³⁵Nahôr i kon Sêruk, Sêruk i kon Rêu, Rêu i kon Phalêk, Phalêk i kon Êber, Êber i kon Sêlas,

³⁶Sêlas i kon Khainan, Khainan i kon Arpat, Arpat i kon Sîm, Sîm i kon Nôê, Nôê i kon Lamêk,

³⁷Lamêk i kon Măthusala, Măthusala i kon Hênök, Hênök i kon Yarêt, Yarêt i kon Mahalêlêl, Mahalêlêl i kon Khainan,

³⁸Khainan i kon Ênôs, Ênôs i kon Sêt, Sêt i kon Adăm, Adăm i ri i kon Kôranh Brah.

Luka 4

Brah Yêsu dơi bôh nau ndôm

(Mat 4:1-11; Mar 1:12-13)

¹Jêh ri Brah Yêsu lôh bôh dak rlai Yôrdăn n'ho ma Brah Huêng Ueh gũ ta Păng ngăn, jêh ri Brah Huêng Ueh i kloh ueh leo Păng ta bri rdah ngai bôh bon ngăn.

²Ta ntük nây kôranh mpôl brah djôh ndôm Păng 40 năng 40 nar, nôk nây Păng mâu geh ôh lăp ndơ sông sa du rnglay ta săk. Jêh bôh nây Păng ji ngot ngăn ro.

³Jêh ri kôranh mpôl brah djôh lah ma Păng: “Lah May Kon Kôranh Brah ngăn ngên, lăng May đă lữ dja ăn jêng nũmpăng.”

⁴Brah Yêsu ơh: “Mâu ôh, lẽ bu nchih jêh ta Nau Kôranh Brah Ngơi: ‘Bunuyh mâu ôh rêh tă bơh ndrơ sông sa dơm’ .”

⁵Jêh ri kôranh mpôl brah djơh leo Brah Yêsu ta ntũk prêh, nhơ du ndõm dơm ăn Păng say dăng lẽ bri dak ta neh ntu dja.

⁶Jêh ri lah ma Brah Yêsu: “Gập ăn nau dơi ma May mât uảnh dăng lẽ bri dak i này, ndrel ma lẽ đrăp ndrơ nau khlay geh ta bri dak i này, gập ăn ma May dadê, yorlah lẽ đrăp ndrơ i này nơh jêng đrăp ndrơ gập nơm dadê, bu moh gập ũch ăn dứt ta gập nơm dơm.

⁷Lah ndri May yơk mbah ma gập dô, ndri mớ dăng lẽ đrăp ndrơ i này jêng đrăp ndrơ May dadê ro.”

⁸Brah Yêsu lah ma păng: “Mâu ôh, lẽ bu nchih jêh ta Nau Kôranh Brah Ngơi kăl e nơh: ‘Đã khân ay may yơk mbah ma Kôranh Brah i brah khân ay may nơm dơm hỏ Jan kar iăt nau du huê Păng i này dơm hỏ’ .”

⁹Jêh bơh này păng leo Brah Yêsu lăp ta ðon kuông Yêrusalem, jêh ri ăn Brah Yêsu dăk ta kalơ chor nhich jan brah ma Kôranh Brah, ta ntũk i dứt prêh này, păng lah ma Brah Yêsu: “Lah May Kon Kôranh Brah ngăn ngên, lũng May nsăt jăt dõng su,

¹⁰yorlah lẽ bu nchih jêh ta Nau Kôranh Brah Ngơi: ‘Kôranh Brah đã tông păr Păng nơm hăn Mât njrăng May.

¹¹Ti Păng drơ May, Mâu ôh ăn jõng May geh nchinh ma lủ’ .”

¹²Brah Yêsu ơh lah: “Lẽ bu nchih jêh ta Nau Kôranh Brah Ngơi lah: ‘Lơi ôh rlong nau dơi Kôranh Brah i brah may nơm’ .”

¹³Lẽ jêh ăp phiao păng ndrõm Brah Yêsu, jêh ri păng du tă bơh Brah Yêsu ri n'ho ma kỏp tăt di nar jăt.

Brah Yêsu ntõm mbơh nau mhe mhan ueh

(Mat 4:12-17; 13:53-58; Mar 1:14-15; 6:1-6)

¹⁴Jêh ri Brah Yêsu plở săt ta bri Galilê. Nau dơi Brah Huêng Ueh gủ ta Păng. Jêh ri bu lủ săk Păng ăp ntũk ta bri i này.

15Păng gũ ntũm nti bu ăp ntũk ta nhieh rbũn khân păng nơ̄m, ăp bunuyh rnê Păng dadê ngă̄n.

16Geh du nar ri Brah Yêsu hă̄n ta bon Nasaret, ntũk Păng gũ bơ̄h jễ̄ nơ̄h. Tâng ma nau vay Păng nơ̄h, nar Sabăt i nar rlu phung Israel Păng hă̄n ta nhieh rbũn. Jêh ri Păng dăk gay ma ndrăp rỏ̄ Nau Kôranh Brah Ngơ̄i ă̄n bu iăt.

17Jêh ri bu sỏ̄ Nau Kôranh Brah Ngơ̄i, sambũt Êsai nchih i bunuyh ntơ̄yh nau ngơ̄i Kôranh Brah kă̄l e nơ̄h, ndrẻ̄ ă̄n Brah Yêsu. Jêh ri Păng pỏk ling uă̄nh ta plă̄ng ntũk Êsai nchih lah:

18‘Brah Huêng Ueh gũ ta Găp, Păng lẻ̄ kơ̄ih Găp Gay ma Găp leo nau mhe mhan ueh m bơ̄h ma bunuyh o ach. Păng đă̄ Găp hă̄n m bơ̄h nkoch nau rklaih ă̄n ma bunuyh i Sată̄ng i kôranh mpôl brah djơ̄h lẻ̄ nhũp kăt, Kôranh Brah de drih bởk dadê. Păng đă̄ Găp hă̄n m bơ̄h nkoch ma bunuyh cheh măt ă̄n say ang . Jêh ri đă̄ Găp rklaih bunuyh bu tũn jot.

19N'ho ma m bơ̄h nă̄m Kôranh Brah yỏ̄ ndrăch lẻ̄ tăt’.

20Lôch jêh Brah Yêsu rỏ̄ nau i nây, Păng klôn Nau Kôranh Brah Ngơ̄i ndrẻ̄ ă̄n ma bunuyh măt nhieh rbũn, jêh ri Păng gũ nti nau i nây. Lẻ̄ bunuyh gũ ta trôm nhieh i nây uă̄nh phỏ̄ng rao lao jăt Păng ri dadê.

21Jêh ri Brah Yêsu lah: “Lẻ̄ Nau Kôranh Brah Ngơ̄i i khân ay may tă̄ng ndrẻ̄h nơ̄h, nar dja lẻ̄ tăt ngă̄n ro.”

22Bơ̄h ntơ̄m dă̄ng lẻ̄ bunuyh ta nây khân păng maak rnê ma bởr mbung Păng dadê, tă̄ng nau Păng nti nơ̄h blaô ueh ngă̄n. Jêh ri geh bunuyh tă̄m rlăch ma nau Păng m bơ̄h i nây nơ̄h, khân păng lah: “Hay! Mơm Păng bă̄nh ngơ̄i kỏt nây? Yorlah Păng i nây Kon Yôsep đơ̄m.”

23Brah Yêsu lah ma khân păng: “Ngă̄n ro, khân ay may sỏ̄ nau ngơ̄i ntăt dja lah ma Găp: ‘Hơ̄i Kôranh dak si, să̄m bah săk may nơ̄m lor bởt’, geh nau khlay lah ‘Hên lư tă̄ng nau May lẻ̄ jan ta bon Kapơ̄nũm, lỏ̄ng jan tay nau i nây ta bon May nơ̄m dja đở̄ng’.”

²⁴Brah Yêsu lah tay ma khân păng: “Gâp lah n'hêl naně ngăn ma khân ay may, bunuyh ntøyh nau ngõi Kôranh Brah ta ðon păng nôm mâu geh ôh bu iăt nau păng.

²⁵Bunuyh ntøyh nau ngõi Kôranh Brah kăl e nơh, rnha păng Êliya, nôk này geh năm phang jö pe năm n'gul, mâu geh ôh ndr' sông sa, geh nau ji söt ji ngot kuống lam bri. Geh ök ðong bu ur ndrô ta bri Israel.

²⁶Yơn ma Kôranh Brah mâu ôh ðã păng hăn kơl du huê bu ur ndrô i này, Păng ðã hăn kơl nkhoing du huê bu ur ndrô ta bri Sidôn, ðon Saripđa ri.

²⁷Geh du huê jăt bunuyh ntøyh nau ngõi Kôranh Brah kăl e nơh, rnha păng Êlisê, geh ök bunuyh phũng sa ta bri Israel, mâu ôh du huê bah, dơn bah du huê ta phung bri Siri dơn rnha păng Namăn .”

²⁸Tăt ma tăng nau Brah Yêsu ngõi kơt ri, lě bunuyh gũ iăt ji nuh ma Păng dadê ngăn.

²⁹Jêh ri khân păng dāk drũm njôm jũm Brah Yêsu tək nglôh Păng du lôh bơh ðon bu jan ta kalơ yök này, leo Păng jăt jreng yök ri gay ma nklở jăt ðong su.

³⁰Yơn lah Brah Yêsu brở rỏ vah vang bunuyh ök lôh bơh ntũk này.

Brah Yêsu ntrüt brah djơh du bơh bunuyh

(Mar 1:21-28)

³¹Jêh ri Brah Yêsu hăn jăt ðon Kapơnũm, ta bri Galilê. Ấp nar Sabăt i nar rlu phung Israel, Brah Yêsu ntũm nti bu ta nhih r̄bũn.

³²Bu ndrôt hih rhöl ngăn tăng nau Păng nti i này, yorlah nau ngõi Păng geh nau dơi, tih băl ðah nau bu êng êng nti.

³³Geh du nar Sabăt, ta nhih r̄bũn này geh du huê bu klô brah djơh lăp ta săk păng, jan ăn nter dũt dăng dăng lah:

³⁴“Ở Brah Yêsu tă bơh ðon Nasaret! Lơi May rkhuak hên, May hăn ũch lơh lơi hên bơh? Gâp năl May ngăn, May i này i Bunuyh kloh ueh tă bơh Kôranh Brah.”

³⁵Brah Yêsu de mbram brah djơh i này: “Lơi hôm ngõi, gũ iăt săk rklăk hỏ, du lôh hỏm bơh bunuyh i này!” Brah djơh lơh bu klô i này ăn păng chôt ta

năp bảl phung, jêh ri lôh b̄hũch b̄oh bunuyh i nây, m̄au ôh ăn ôbảl geh nau ji.

³⁶Dâng lể bunuyh say k̄ot nây n̄oh, ndr̄ot hih rh̄ol dadê ngă, jêh ri tâm lah ndr̄ang khân p̄ang n̄om: “Hay! M̄om nau nḡoi P̄ang i nây d̄ang tam ngă hiah, d̄oi đả brah dj̄oh lôh, lôh ngă ro.”

³⁷Bu lư rn̄ha sảk Brah Yêsu lam ntũk ăp bon i nây ngă ro.

Ổk bunuyh ji, Brah Yêsu jan ăn bah

(Mat 8:14-17; Mar 1:29-34)

³⁸Jêh Brah Yêsu lôh b̄oh nh̄ih r̄bũn nây, hă, j̄at jay Simôn, ta jay i nây m̄ể po Simôn geh nau ji, ta sảk p̄ang d̄oh hô ngă, bu đả Brah Yêsu jan ăn bah po p̄ang i ri.

³⁹Jêh ri Brah Yêsu hă ta bunuyh ji i nây, n'ho ma mbram nau ji i ri, nau ji bah ndal ro. Jêh ri p̄ang đâk đứp jan kar ndr̄ap ndr̄o s̄ong sa ăn ma bu năch i gũ ta jay nây.

⁴⁰Tât k̄eng m̄ăng bunuyh ta bon i nây khân p̄ang leo oh nô i geh nau ji êng êng ran m̄ap Brah Yêsu. P̄ang tể ti kal̄o sảk phung bunuyh ji i nây ăp khân p̄ang, jan khân p̄ang bah ji dadê.

⁴¹Geh bunuyh ổk brah dj̄oh lôh b̄oh sảk khân p̄ang, n'ho ma nter lah: “May Kon Kôranh Brah!”, yorlah khân p̄ang ḡit Brah Yêsu Brah Krist i n̄om rklaih tả b̄oh Kôranh Brah de njuả. Tih ma Brah Yêsu mbram mp̄ol brah dj̄oh m̄au ăn ôh nḡoi.

⁴²Tât ơm ôi ôi tay ri, Brah Yêsu lôh b̄oh bon i nây hă du huê êng ta ntũk rdah ngai đah bunuyh gay ma m̄b̄oh s̄om. Ȳon ma geh phung bon lan tâng joi P̄ang groch groch ngă, tât say Brah Yêsu khân p̄ang k̄on gũ ndr̄el m̄au ăn ôh P̄ang du b̄oh khân p̄ang.

⁴³Brah Yêsu lah ma khân p̄ang: “Kôranh Brah đả Gâp m̄b̄oh nau m̄he mhan ueh j̄eng Kôranh Brah ũch m̄at uảnh bunuyh, ăn ma bon êng êng j̄at, yor nau dja d̄ang P̄ang đả Gâp hă ta dja.”

⁴⁴Jêh ri Brah Yêsu mboh nkoch nau mhe mhan ueh ăp nhieh rbũn phung Israel rŏ bri Galilê ri.

Luka 5

Brah Yêsu kuăl pe bunuyh jan oh mon Păng

(Mat 4:18-22; Mar 1:16-20)

¹Geh du nar ri Brah Yêsu dâk ta meng dak nglao kuông, rnha nglao i nây Gênêsaret, mâu lah rnha nglao Galilê. Nar nây geh ők bunuyh ran ta Păng tâm mpet ngăn, gay ma iăt Păng nti nau Kôranh Brah.

²Jêh ri Păng say bar mlôm duk ta meng kơh ri, i săk khân păng nơm lě jũr rao jal a dak su, khân păng i nây jêng bunuyh jan kar văng ka đơm.

³Jêh ri Brah Yêsu ncho du mlôm duk, bunuyh tơm duk i nây rnha păng Simôn, Brah Yêsu đă păng vah duk ngai boh meng ri để. Păng gũ rgơp ta kalơ duk nti phung bon lan.

⁴Lôch jêh Brah Yêsu nti phung bon lan, Păng lah ma Simôn: “Hơi oh, lŏng may vah duk hăn jăt dak jru ri, jêh ri seng jal may nây a dak su.”

⁵Simôn plŏ ơh ma Păng lah: “Oĩ Kôranh, boh bôk măng tŏng ang ngăn hên seng jal mâu ôh geh ka, yŏn ma lah May đă ri, ndri gập seng iăt nau May hơyh.”

⁶Jêh ri khân păng seng jal, tăt ma seng ri geh ka dŭt ők boi ma plŭng jal ngăn ro.

⁷Say ők geh ka nây, khân păng rvêh ti kuăl i băl ta duk êng jăt jă kơl. Jêh ri khân păng tể ka bêng lě bar mlôm duk, geh ők ka i ri boi ngŏm duk.

^{8,9}Tăt say geh ka ők ir ar i nây, bunuyh i gũ ndrel ta nây ndrŏt hih rhŏl dadê ngăn. Nôk Simôn i bu kuăl Pêtrôs đŏng say nau dŏi Kôranh Brah gũ ta Brah Yêsu ri, păng păn mbah ta jŏng Brah Yêsu ri ro, jêh ri lah: “Hơi Kôranh, du ngai boh gập dja, yorlah gập bunuyh geh nau tih.”

¹⁰Yŏn ma Brah Yêsu lah ma Simôn: “Hơi oh, may lŏi klach ôh, nar boh kơi nŏh may joi geh ka, nŏm nar dja may hăn joi geh bunuyh iăt nau Gập, tâm ban ma seng bunuyh.” Bunuyh văng ka ndrel Simôn, du huê rnha Yakơ, du

huê rnha Yôhan, bar hê khân păng i này kon Sêbêđê, khân păng vay jan kar ndrel Simôn, khân păng ndrôt hih rhöl dadê đöng.

11Jêh ri khân păng vah duk jât meng kôh, tât duk a meng kôh ti, khân păng ntloi ndoh ndrô ta ri dadê, nkre ma leo bäl brö tâng Brah Yêsu ro.

Brah Yêsu jan bah du huê bunuyh phũng sa

(Mat 8:1-4; Mar 1:40-45)

12Geh du nar Brah Yêsu gũ ta du bon, ta bon i này geh du huê bunuyh phũng sa bêng sāk bêng jăn ngăn, tât say Brah Yêsu, păng ran păn mbah bôh năp Brah Yêsu ta neh ro, n'ho ma bonh Păng: “Ô kôranh, dăn May yỗ ndach ma gâp ơ, lah May öch, gâp năl May dơi jan sāk gâp ăn kloh ăn bah ji.”

13Tâng nau vay phung Israel bu mâu ôh bãnh gũ dăch mâu ôh bãnh pah ma bunuyh phũng sa, yơn ma Brah Yêsu pah ti ta sāk păng ri chrao, jêh ri lah ma bunuyh phũng sa i này: “Ô Gâp öch đöng, bah höm!” Jêh ri bah ndal ro.

14Brah Yêsu buay păng lah: “Lời may nkoch nau dja ma bu êng gít yờ, ăn may hăn bröng nhhơ sāk ma bunuyh jan brah ri, jêh ri nhhơ ndrô tâng nau vay Môsê đã ma bunuyh bah nau ji phũng sa, gay ma bu gít n'hêl sāk may lě kloh ngăn ro.”

15Yơn ma bu lữ Brah Yêsu lơ ma hô lơ ma hô ngăn. Ôk bunuyh văch ran iăt nau Păng ngoi, n'ho ma đã Păng jan bah nau ji êng êng đöng.

16Yơn ma tâng nau vay Brah Yêsu, Păng hăn ta ntük rdah ngai đah bunuyh, gay ma mbôh sôm êng.

Brah Yêsu jan bah du huê bunuyh rven

(Mat 9:1-8; Mar 2:1-12)

17Geh du nar jât dôi Brah Yêsu gũ nti ta trôm nhih, geh phung Pharisai, ndrel ma phung nôm nti nau vay phung Israel, khân păng gũ iăt ta này đöng. Phung i này tă bôh ăp bon bri Galilê, ăp bon bri Yuda, ndrel ma bôh bon kuông Yêrusalem. Brah Yêsu geh nau dơi Kôranh Brah gũ ndrel Păng, gay ma jan bah bunuyh ji.

18Nôk này geh bu tung du huê bu klô rven jöng rven ti ma nkô, khân păng joi trong ma leo bunuyh i này hăn dăch Brah Yêsu gay ma tể bôh năp Păng ri.

¹⁹Tih ma joi trong mâu geh ôh, òk ir bunuyh, jêh ri hao rồ gung kalơ chor nhiih ri, chor nhiih i nây lống, khân păng plôk chor i nây, njữr bunuyh rven ri ndâp ma nkô păng nơm ta nklang bu bắ, păng bớh nấp Brah Yêsu ri ro.

²⁰Brah Yêsu say khân păng geh nau nsing Păng dơi jan bah nau ji kớt nây, Păng lah ma bunuyh rven i nây: “Hơi oh, Gáp lể yố may, mâu hôm ôh kớp nau tih ta may.”

²¹Tât tăng nau nây, phung nơm nti nau vay phung Israel, ndrel ma phung Pharisii, lah êng ta nuhih n'hâm: “Bu moh Păng i nây hay? Dâng bắnh ngời mứch rmot Kôranh Brah kớt ndri! Geh du huê Kôranh Brah dờm dơi yố nau tih bunuyh.”

²²Brah Yêsu gít nau khân păng mân ta nuhih n'hâm, jêh ri Păng ôp: “Mờm dâng khân may geh nau mân kớt nđay?”

²³Ăn khân may gít nau dja, lah Gáp lah ma bunuyh rven i nây ‘Nau tih may lể Gáp yố hơi’, mâu lah ‘May dắk bắ hỏm’, lah ndri moh nau lah i dờh rlau hắ? Lể bar nau i nây bunuyh dờm mâu dơi jan.

²⁴Gáp ứch ăn khân may gít say, Gáp i Kon Bunuyh tắ bớh Kôranh Brah, ndri dâng Gáp dơi yố nau tih bunuyh ta neh ntu dja.” Jêh ri Brah Yêsu uắnh jắt bunuyh rven i nây lah: “May dắk hỏm, ndjôt nkô may nây sắt a jay may nơm ri.”

²⁵Jêh ri dô ma say bunuyh rven i nây dắk đượ ta nấp bu bắ, păng ndjôt nkô i bu tung păng nờh sắt jắt jay, n'ho ma rnê ma Kôranh Brah.

²⁶Lể bunuyh i gủ ta nây ndrốt hihih rhỏl dadê, rnê Kôranh Brah. Khân păng klach hô ngắn, n'ho ma lah: “Lể nau ngắn nđơ bắn say nar dja.”

Brah Yêsu kuắl Lêvi

(Mat 9:9-13; Mar 2:13-17)

²⁷Jêh ri Brah Yêsu lỏh bớh ðon i nây hắn rồ trong say du huê bu klô gủ kớp sỏ pắk bớh bu ma ăn kôranh mắt uắnh, rnha păng i nây Lêvi, păng gủ ta ntủk păng vay sỏ pắk. Brah Yêsu lah ma păng: “Hơi nô, hỏ bắ tắng Gáp.”

²⁸Păng ntỏi lể phiao ndoh nđơ ta ri, jêh ri tắng Brah Yêsu ro.

²⁹Jêh ri păng jă Brah Yêsu hăn ta jay păng nôm, păng ndrăp nau nhêt sa têh ăn ma Brah Yêsu, ndrel ma mpôl oh mon Brah Yêsu. Geh ôk bunuyh hăn lăp sông sa ndrel ta ri đống, ta nây geh bunuyh kôp sô prăk bôh bu ma ăn kôranh măt uănh, ndrel ma bunuyh abă êng jăt.

³⁰Tăt say kôrt nây, phung Pharisi, ndrel ma phung nôm nti i tâng phung Pharisi i nây, ji nuh kô nuh kô n'hâm ngăn, khân păng lah mpôl oh mon Brah Yêsu: “Moh khân may sông ndrel bunuyh sô prăk bu, nhêt ndrel bunuyh tih?”

³¹Brah Yêsu ôh ma khân păng: “Bunuyh ueh săk lăng jăn măt ũch ôh ma kôranh dak si, bunuyh i geh nau ji đôm ũch.

³²Ndri dăng Găp văch ta dja măt ôh gay ma kuăl bunuyh sông, ũch kuăl bunuyh tih, gay ma păng rgâl lơi nuh n'hâm đjôh ăn iăt tâng nau Kôranh Brah.”

Nau ăt sông sa

Brah Yêsu nti nau vay om, ma đah nau nti mhe Păng măt geh ôh tâm rnglăp băt
(Mat 9:14-17; Mar 2:18-22)

³³Jêh ri phung Pharisi, ndrel ma phung nôm nti i tâng phung Pharisi i nây ôp Brah Yêsu: “Mpôl oh mon Yôhan-Baptem, ăt sông sa, mboh sôm bătô, kôrt mpôl oh mon Pharisi đống. Môm dăng mpôl oh mon May gũ nhêt gũ sông kôrt nđay chrao?”

³⁴Brah Yêsu ôh: “Lah tâm nđăp ur sai, khân may vay buay bu năch măt ăn sông sa đống bôh? Bu măt vay ôh buay ndri.

³⁵Găp tâm ban ma bu klô nđăp ur sai, tăt di nar ri tay bu tâm nkah Găp đah mpôl oh mon Găp, ri môt khân păng ăt sông sa.”

³⁶Jêh ri Brah Yêsu ngôi nau ntăt: “Bu măt vay ôh nkhêk ao mhe, gay ma jâng mbôl ta ao sat, lah jan kôrt nây ao mhe lă jêng sat, ndrel ma bok i nkhêk bôh ao mhe mbôl ta ao om păng măt đống tâm di băt.

³⁷Bu măt vay ôh tể prăp ndrănh play yŕng yar bon mhe ta đŕng ntô om, lah jan kôrt nây ndrănh play yŕng yar bon mhe jan ăn đŕng ntô i nây prek,

ndrănh hũk, jêh ri dũng ntô i nây jêng sat đống, yorlah dũng ntô ơm mâu hòm ôh toch.

³⁸Lah ndri bu tễ ndrănh play yũng yar bon mhe ta dũng ntô mhe, ri mớ dũng, ndrel ma ndrănh hòm dadê.

³⁹Lah lể jêh nhêt ndrănh play yũng yar bon ơm, bu mâu hòm ôh ũch nhêt i mhe jât, lah nhêt bu lah ‘I ơm kah rlau i mhe’.”

Luka 6

Brah Yêsu nti ma nau vay ta nar rlu

(Mat 12:1-8; Mar 2:23-28)

¹Geh du nar Sabăt i nar rlu phung Israel, Brah Yêsu ndrel oh mon Păng hăn glăt rỏ mir Ba Prăng, dôi brổ rỏ mir i nây mpôl oh mon Păng roih ba tro ma sa.

²Jêh ri geh phung Pharisi abă say jan kớt nây, lah khân păng: “Moh kỏ khân may jan kar ta nar Sabăt nây mêh? Bol lah khân may roih để để kớt nây, hòm e kớp tih đah nau vay ma nar rlu phung bân đống.”

³Brah Yêsu ôp rlở khân păng: “Lah ndri khân may lể chuêl bah, nau khân may vay rỏ ta Nau Kôranh Brah Ngơi? Nôk David ê hỏ jêng kadăch, păng, ndrel ma bunuyh gũ ndrel păng ji ngot,

⁴jêh ri păng lăp ta trôm ntũk chun bok Kôranh Brah, sỏ sa nũmpăng i bu tễ nhhờ ănh Kôranh Brah nây, n'ho ma pả bunuyh i gũ ndrel păng nây sa đống. Bu mâu đống lah păng bol lah tâng ma nau vay geh mpôl jan brah đơm dơi sa nũmpăng i nây.”

⁵Brah Yêsu lah tay: “Gập i Kon Bunuyh tả bớh Kôranh Brah de njuăl, ndri dăng Gập jêng kôranh ma nar Sabăt i nar rlu moh ndr i dơi ănh bu jan, mâu lah mâu dơi ănh bu jan ta nar i nây.”

Brah Yêsu jan bah du huê bunuyh siăh ti ta nar rlu

(Mat 12:9-14; Mar 3:1-6)

⁶Geh du nar Sabăt êng jât, Brah Yêsu lăp nti bu ta nhih rbũn phung Israel. Ta ntũk nây geh du huê bu klô siăh ti bớh ma.

⁷Geh phung nôm nti nau vay phung Israel, ndrel ma phung Pharisi kôp uănh Brah Yêsu. Phung i nây ũch joi nau ma ntôn Brah Yêsu, nkhêp lah Păng jan bah bunuyh ji ta nar Sabăt, yorlah khân păng nti ta nau vay phung Israel mâu ăn ôh jan bah bunuyh ji ta nar Sabăt, ndri dăng khân păng uănh jât Păng ler nger ngă.

⁸Yôn lah Brah Yêsu gýt nuih n'hâm nau mân khân păng, jêh ri Păng lah ma bunuyh siăr ti nây: “Hơi oh, may dâk hăn ta nklang bu to!” Bunuyh siăr ti i nây dâk ro.

⁹Jêh ri Brah Yêsu ôp khân păng: “Gâp ôp khân may, tâng nau vay phung bân ta nar Sabăt bunuyh dơi jan ndơ ueh mâu lah ndơ djơh? Dơi rklaih nau rêh bunuyh mâu lah nkhât păng?”

¹⁰Brah Yêsu uănh jât dăng lể bunuyh i gũ ta nây, yôn ma mâu geh ôh du huê ơh, jêh ri lah ma bunuyh rven ti nây: “Lõng may rok ti may nây hõm.” Jêh ri păng rok, ti păng bah kơt ơm ro.

¹¹Phung i ũch joi nau ma ntôn Brah Yêsu nây ji nuih dũt hô, jêh ri tâm nchră bắl gay ma lơh Brah Yêsu.

Brah Yêsu kơih 12 nuyh oh mon

(Mat 10:1-4; Mar 3:13-19)

¹²Nôk nây Brah Yêsu hao kalơ yôk gay ma mboh sơm. Păng mboh sơm ma Kôranh Brah ta ntũk nây du năng raang.

¹³Kah ang ôi tay Păng kuăl rgum mpôl i vay tâng Păng văch ta ri, jêh ri kơih 12 nuyh bu klô, i Păng kuăl lah ‘kôranh oh mon’ Păng.

¹⁴Ta nây geh rnha Simôn, jêh ri Brah Yêsu kuăl rnha mhe păng, Pêtrôs, ndrel ma i oh păng rnha Ōndrê, jêh ri bunuyh abă êng jât rnha Yakơ, rnha Yôhan, rnha Philip, rnha Bartôlômê,

¹⁵rnha Mathay, rnha Thômas, rnha Yakơ i kon Alhai, rnha Simôn i bu kuăl ‘gơh’

¹⁶rnha Yuđas i kon Yakơ, ndrel ma rnha Yuđas-Isakariyôt, jêng bunuyh njũn Brah Yêsu ăn ma phung rlăng Păng ta nar jât năp tay.

Brah Yêsu nti bon lan, ndrel ma jan bah nau ji

(Mat 4:23-25)

17Jêh ri Brah Yêsu, ndrel ma mpôl oh mon Păng jür bớh lơ yôk nây, hăn tát ta ntúk lõng ri. Ta ntúk nây geh ôk mpôl oh mon iăt nau Păng, ndrel ma phung bon lan ôk ngăn, khân păng tă bớh bon kuông Yêrusalem, ndrel ma bớh bon êng êng ta bri Yuđa, bớh bri rgô dak văch dak văr dăch kêng bon kuông Tirus bon kuông Sidôn.

18Khân păng văch gum ta ri ôk ngăn, gay gũ iăt nau Brah Yêsu nti, ndrel ma ăn Păng jan bah nau ji kuet khân păng nôm đống. Bunuyh i brah djớh lơh, kớh lah bunuyh brüt ndrăng văch ta ri, jêh ri bah đống.

19Lễ bunuyh tâm mpet ngăn ran pah Brah Yêsu, jêh ri bu bah dadê, yorlah Păng geh nau brah ta săk Păng nôm.

Nau đăp mpăn

(Mat 5:1-12)

20Jêh ri Brah Yêsu uănh jăt mpôl oh mon Păng, Păng lah: “Ueh maak ngăn ma khân ay may bunuyh kro o ach, Yorlah Kôranh Brah măt uănh khân ay may.

21Ueh maak ngăn ma khân ay may abao dja gũ ta nau ji ngot, Yorlah jăt năp tay khân ay may hơm ngăn. Ueh maak ngăn ma khân ay may gũ ta nau nhhiăng nhũm abao dja, Yorlah jăt năp tay khân ay may geh nau răm maak.

22Ueh maak ngăn ma khân ay may, lah geh bu rngở bu biănh mầu rom khân ay may, mầu lah rak suai, ach ma khân ay may iăt tâng nau Gập i Kon Bunuyh tă bớh Kôranh Brah.

23Nôk kăl e nớh tâm ban kớh nây đống, u che mpôl rngở biănh i nây jan djớh ma mpôl bunuyh ntớyh nau ngời Kôranh Brah. Lah geh kớh ndrỉ răm ntlở hồm, răm maak hồm, yorlah jăt năp tay khân ay may geh nau nkhôm kuông ngăn ro ta bon ueh ta kalở.

24Tih ma rêh rnhăl ngăn ma khân ay may i bunuyh lễ ndrống kuông abao dja, Yorlah khân ay may abao dja lễ geh jêh nau răm maak.

²⁵Rêh rnhăl ngăn ma khân ay may abao' dja lě hơm jêh, Khân ay may tay geh nau ji ngot ji hir ro. Rêh rnhăl ngăn ma khân ay may abao' dja lě geh nau răm maak, Khân ay may tay geh nau nklôn rngot rvê, jêh ri nau nhhiăng nhũm ro.

²⁶Rêh rnhăl ngăn ma khân ay may i geh ők bunuyh rnê, yor ma u che khân păng lě rnê ma bunuyh ntơyh nklă nau ngơi Kôranh Brah kăl e nơh đōng.”

Rōng ma phung rlăng

(Mat 5:38-48; 7:12)

²⁷Jêh ri Brah Yêsu ngơi jât: “Lōng dăng lě bunuyh i iăt nau Gập, Gập đã khân ay may rōng ma bunuyh rlăng, jêh ri jan ueh ma bunuyh biănh đah khân ay may đōng.

²⁸Ăn khân ay may dẫn Kôranh Brah ăn geh jêng ma bunuyh rak suai khân ay may, jêh ri mboh sơm dẫn Kôranh Brah jan ueh ma bunuyh i jan jêr ma khân ay may.

²⁹Lah bu tap tâm bom khân ay may du ding, jêh ri rle ăn bu tap tay du ding jât. Lah bu sỡ ao kuōng lơi ôh buay mâu ăn bu sỡ ao jể jât.

³⁰Moh ndơ bu dẫn khân ay may, ăn ndơ i nây ma bu, lah geh bu sỡ ndoh ndơ khân ay may lơi hơm mplờ ôh.

³¹Moh nau öch ăn bu jan ma khân ay may, ăn khân ay may jan ma bu lor.

³²Lah khân ay may rōng dơm ma bunuyh rōng khân ay may lor, Kôranh Brah mâu ôh rnê khân ay may, yorlah bunuyh tih blao tâm rōng ndrăng bunuyh tih đōng.

³³Lah khân ay may jan ueh dơm ma bunuyh jan ueh đah khân ay may, Kôranh Brah mâu ôh rnê khân ay may, yorlah bunuyh tih blao jan ueh ndrăng bunuyh tih đōng.

³⁴Lah khân ay may ăn bu manh đrăp, mâu lah prăk ma bunuyh i dơi ntrở dơm, Kôranh Brah mâu ôh rnê khân ay may, yorlah bunuyh tih tâm ăn manh hơm tâm trở đōng.

³⁵Kơt ndri Gập öch ăn khân ay may jan tih băl đah khân păng. Ăn khân ay may rōng ma bunuyh rlăng, jan ueh ma păng, ndrel ma ăn păng manh đrăp

ndơ, jêh ri lời hôm ôh nka h tô ma đrăp ndơ i này. Lah jan ndri khân ay may tay geh nau nkhôm kuông, n'ho ma jêng kon Kôranh Brah nôm i brah dứt kuông, yorlah Kôranh Brah jan ueh đổng ma bunuyh mâu gít tô ma Păng, ndrel ma bunuyh djơh.

³⁶Lah ndri ăn khân ay may geh nau yố ndach, tâm ban ma Kôranh Brah Bờ khân ay may ta kalơ trôk Păng geh nau yố ndach ma khân ay may.”

Lời phat nau tih bu

(Mat 7:1-5)

³⁷“Jêh ri lời ôh uảnh nau tih bu, gay ma lời ăn Kôranh Brah uảnh nau tih khân ay may. Lời phat dôi h bu, gay ma lời ăn Kôranh Brah tể dôi h khân ay may. Ăn khân ay may yố ndach nau tih bu, ndri dâng Kôranh Brah yố ndach nau tih khân ay may đổng.

³⁸Ăn ndơ ma bu, jêh ri Kôranh Brah ăn ndơ ma khân ay may, Păng sôl nsruh, jêh ri tể bêng rmeh ma khân ay may đổng, yorlah dah ôk khân ay may ăn ma bu, Kôranh Brah ăn kơt này đổng.”

³⁹Brah Yêsu ngơi nau ntât du nau êng jât ma khân păng đổng: “Lah geh bar hê bunuyh cheh mắt tâm têk ndrăng khân păng nôm, blaô đổng lah mâu? Păng tũp ta trôm ntu lể bar hê ro.

⁴⁰Mâu geh ôh phung nti gít rlau ma nôm nti, yơn ma lah păng nti lể ăp phiao, păng jêng tâm ban ma nôm sôm nti păng đổng.

⁴¹Nau tih bân jêng tâm ban ma ndơ ta trôm mắt, môm khân ay may uảnh say ndruyh ta trôm mắt oh nô khân ay may dôm, tih ma uảnh mâu say mông rlat ta trôm mắt khân ay may nôm?

⁴²Lah mâu dơi say mông rlat ta trôm mắt khân ay may nôm, môm dơi lah ma oh nô: ‘Ăn gáp nkhê ndruyh này?’ Ở bunuyh mbrôh! Ăn sô rlat ta trôm mắt khân ay may nôm này lor bốt, ri mơ say n'hêl ndruyh ta trôm mắt oh nô, dâng blaô nkhê ndruyh này.”

Tôm si ueh, jêh ri tôm si mâu ueh

(Mat 7:16-20; 12:33-35)

⁴³“Mâu prot ôh geh tơm si, i tơm ueh, i play mâu ueh, mâu lah i tơm mâu ueh, i play ueh.

⁴⁴Bu dơi gít năl tơm si yor ma play păng. Bu mâu prot pẻ play ngle bớh tơm rsốp, play yũng yar bon bớh tơm nam.

⁴⁵Bunuyh kớt ndri đống, bunuyh ueh păng jan moh ntil ndớ ueh, yorlah ta nuih n'hâm sắk jăn păng nớh ueh, tih lah bunuyh djớh, păng jan ntil ndớ djớh, yorlah ta nuih n'hâm sắk jăn păng nớh djớh, ndri dăng lẻ ntil bớ mbung bunuyh ngới, ndrel ma ndớ păng jan, lôh tả bớh nuih n'hâm sắk jăn păng nớh.”

Bar hê bunuyh jan jay

(Mat 7:24-27)

⁴⁶“Mớh khân ay may kuăl Gập ‘Ớ kờanh! Ớ kờanh!’, tih ma mâu jan tâng nau Gập đả?

⁴⁷Gập mớh ăh khân ay may: Bunuyh i brố iắt nau Gập ngới, jêh ri jan tâng nau Gập lah, bunuyh i nây mớh jêng tâm ban ma păng?

⁴⁸Bunuyh i nây jêng tâm ban ma bunuyh jan jay. Păng kuyh ntu jru, jêh ri păng tằm meh ta trôm ntu nây, lah geh dak kuống hoch thắng rỏ jay i nây kỏ mâu dơi rngônđ đống, yorlah lẻ jan dút nập.

⁴⁹Bunuyh i tăng nau Gập, jêh ri mâu jan tâng nau Gập lah, bunuyh i nây jêng tâm ban ma bunuyh jan jay n'gôn dớh ta kalo' neh. Lah tât geh dak kuống hoch thắng rỏ nây, jay i nây rlôm, n'ho ma djớh lẻ phiao ro.”

Luka 7

Brah Yêsu jan bah ji ăh ma dắk kờanh taken Rôm

(Mat 8:5-13)

¹Jêh Brah Yêsu ngới nau i nây ăh ma phung bon lan, jêh ri Păng hăn lắp ta bon Kapớnũm bri Galilê, ndrel ma mpól oh mon Păng.

²Ta bon nây geh du huê bunuyh ji hô ngắn bới ma khắt, bunuyh i nây jêng dắk du huê kờanh taken Rôm, kờanh rống ngắn ma păng.

³Tât kôranh taken i này tăng lữ bu nkoch Brah Yêsu, jêh ri păng đã mpôl kôranh Israel abă hăn jă Brah Yêsu, gay ma hăn jan bah dâk i này.

⁴Jêh ri mpôl kôranh i này hăn mập Brah Yêsu, tât ta Brah Yêsu ri khân păng bonh Păng hăn ndrel khân păng: “Ôi Kôranh, May yố ma kôranh taken Rôm i này di mẽ,

⁵yorlah păng rông ma bon lan bân, jêh ri păng sơm ăn prăk ma jan du mlôm nhih rbũn jât ăn bân.”

⁶Jêh ri Brah Yêsu hăn ndrel mpôl kôranh i này. Tât bời truyh a jay ri, kôranh taken i này đã mât jăng păng hăn chuă mboh Brah Yêsu a trong ri: “Ô kôranh! Mâu khăch ôh jă leo May lăp ta jay gâp, yorlah gâp mâu di phung Israel, ndri dăng mâu lăng di lah gâp jă May lăp ta jay gâp.

⁷Ndri dăng gâp nơm mâu bãnh hăn mập May đống. Dăn May lah du tong bời này, dâk gâp bah ji ro.

⁸Gâp gũ ta nâm bu, yơn lah geh kon taken ôk gũ ta nâm gâp đống. Lah gâp đã du huê hăn, păng hăn ro, lah đã bunuyh a êng văch, păng văch ro. Lah gâp đã dâk gâp jan du ntil ndơ, păng jan ro. Lah ndri, gâp gít lah May ngời geh nau dơi kớt này đống.”

⁹Tât Brah Yêsu tăng nau kôranh taken i này, ta nuih n'hâm Păng ndrôt nhieh ngăn. Jêh ri Păng rle jât bunuyh i brố ndrel Păng, nkre ma lah: “Gâp mboh ma khân ay may, bol lah ta phung Israel i kớp êng săk khân păng nơm lah lể gít năl Kôranh Brah, ê hỏ geh nau nsing kớt păng i này đống.”

¹⁰Jêh ri mât jăng i kôranh taken đã hăn này nơh, khân păng plờ sât jât kới, tât a jay say dâk păng i này lể bah ji.

Brah Yêsu jan dâk rêh du huê kon bu klô

¹¹Jêh ri Brah Yêsu hăn jât ta du bon, rnhă bon i này Nain. Geh ôk bunuyh hăn ndrel Păng, mpôl oh mon Păng nơm, ndrel ma bunuyh abă êng ôk đống.

¹²Nôk khân păng bời ma tât ta meng mpông mpêr bon i này, say geh bunuyh brố n'hoch tốp khât. Bunuyh i khât này kon bu klô, dơn geh du huê kon bu

klô i này đơ, i mẽ ri ndrô khât sai jât. Jêh ri geh ők bunuyh ta ðon i này bở ndrel păng.

13Tât Brah Yêsu say bu ur ndrô khât sai i này, Păng yỗ ndach hô ngăn. Brah Yêsu lah ma păng: “Lời hôm nhũm.”

14Jêh ri Brah Yêsu hăn dăch pah ta mống rnung này, mpôl i tung ri nsrũng đống, Păng lah ma bunuyh i khât này: “Hơi oh, Gáp mboh ma may dăk hõm!”

15Jêh ri bunuyh khât i này dăk đơp gũ ta ri ro, blaoh mboh ngời bở. Jêh ri Brah Yêsu njũn bu klô ndăm i này a mẽ păng nờm.

16Lễ bunuyh i gũ ta này klach dadê ngăn, khân păng rnê ma Kôranh Brah: “Lễ geh Bunuyh nơyh nau ngời Kôranh Brah dũt kuống lễ văch gũ ndrel bân, Păng văch tâm ban ma Kôranh Brah văch kớl phung ðon lan Păng nờm.”

17Khân păng mboh nkoch Brah Yêsu này lam bri Yuđa, ndrel ma lam bri chiaoh meng đống.

Oh mon Yôhan-Baptem hăn mập Brah Yêsu

(Mat 11:2-19)

18Mpôl oh mon Yôhan-Baptem say dăng lễ này, jêh ri hăn mboh dăng lễ nau i này ăn Yôhan-Baptem gĩt.

19Jêh ri Yôhan-Baptem đă bar hê mpôl oh mon păng hăn mập Brah Yêsu ôp Păng kớ nđă: “Nôk kăl e nờh Kôranh Brah lễ ton ma bunuyh nơyh nau ngời Kôranh Brah lah, geh Brah Krist i nờm rklaih lễ Kôranh Brah de kớih jũr văch tă bớh kalơ trôk ntũk Kôranh Brah nờm. May dja Brah Krist i này bớh, mâu lah ăn hên hôm kớp du huê êng jât?”

20Jêh ri bar hê khân păng i này hăn tât ta Brah Yêsu, ôp Păng: “Hơi Kôranh, hên dja Yôhan-Baptem đă hăn ôp May, gĩt May dja ngăn Brah Krist i Kôranh Brah lễ ton jũr văch, mâu lah ăn hên hôm kớp du huê êng jât?”

21Nôk này ők bunuyh Brah Yêsu lễ jan ăn bah ji, bunuyh geh nau ji êng êng, bunuyh brah đjơh lơh, jêh ri ők bunuyh cheh măt Păng jan ăn say ang đống.

²²Brah Yêsu lah ma mpôl oh mon Yôhan-Baptem i này: “Khân may mboh nkoch ma păng ri, dâng lě ndr khân may lě tăng, lě say Gâp jan. Bunuyh cheh măt uănh say, bunuyh tâk tôr iăt tăng, bunuyh kuet rven blao brố, bunuyh phũng sa bah kloh, bunuyh khât dâk rêh, jêh ri bunuyh o ach tăng nau mhe mhan ueh.

²³Ueh maak ngăn ma bunuyh mâu mbăr nau păng nsing ma Gâp, yor ma ndr Gâp jan tih đah nau mân păng ũch!”

²⁴Ndüt khân păng plở sât, Brah Yêsu ntơm ngơi ma Yôhan-Baptem ăn ma phung bon lan: “Moh bunuyh uănh khân ay may hăn ta bri rdah? Hăn uănh bunuyh i ngơi dah ma bunuyh êng êng ũch, tâm ban ma ja mpăt rngônđ dah sial ma khôm bớh? Păng mâu di ôh.

²⁵Moh bunuyh khân ay may hăn uănh? Uănh bunuyh nsôh bok ueh ao ueh bớh? Mâu ôh. Bunuyh nsôh bok ueh ao ueh, sông sa piăng kah trao kah, mpôl này gũ ntũk kađăch gũ, mâu ôh gũ ta bri rdah.

²⁶Lah ndri bu moh bunuyh khân ay may hăn uănh? Uănh bunuyh ntơyh nau ngơi Kôranđ Brah bớh? Di ngăn. Yơn ma păng i này rlau ma bunuyh ntơyh nau ngơi Kôranđ Brah jăt,

²⁷yorlah ta Nau Kôranđ Brah Ngơi lě geh nchih lah ma păng: ‘Lỗng Gâp njuăl bunuyh hăn lor May Gay ma ndrăp nuh n'hâm bunuyh tâm ban ma kuayh trong ăn ma May’ . Yôhan-Baptem i này i bunuyh hăn lor ta nau i này.

²⁸Khân ay may iăt nau Gâp, dâng lě bunuyh i deh tă bớh bu ur ta neh ntu dja, mâu geh ôh du huê kuông rlau Yôhan-Baptem, yơn lah ta mpôl bunuyh i Kôranđ Brah măt uănh, bunuyh i jẻ ta nâm bu, bunuyh i này jêng kuông rlau păng ngăn.”

²⁹Phung bon lan, ndrel ma bunuyh sỏ prăk bon lan gay ma ăn kôranđ măt uănh, jêh khân păng iăt nau Yôhan-Baptem, jêh ri khân păng ăn păng bắptem khân păng yũk ma dak, ndri khân păng nhhơ khân păng gít Kôranđ Brah jêng di ngăn.

30Tih ma phung Pharisi, ndrel ma phung nôm nti nau vay phung Israel, khân păng mâu ôh ăn păng bắptem yũk khân păng ma dak, ndri khân păng dun lơi lể nau Kôranh Brah ũch ăn ma khân păng.

31Jêh ri Brah Yêsu lah: “Lah ndri mớ̄m Gáp tâm rdâl ma bunuyh abaō dja? Păng mớ̄m jêng?”

32Păng jêng tâm ban ma kon se gũ pâl ta jǝng gung bon, geh abă tâm nter ndrăng păng: ‘Hên lể ôh n'hôm goh gǝr, tih ma khân ay may mâu pâl răm maak, Jêh ri hên lể ndor ntǝng đǝng khât, tih ma khân ay may mâu ũch nhũm pâl đǝng’.

33Lah ndri Yôhan-Bắptem, ndrel ma Gáp jêng tâm ban ma phung kon se i nây, Yôhan-Bắptem ăt sông, mâu ôh nhêt ndrănh, tih ma khân ay may lah păng bunuyh brah djơh lăp.”

34“Lǝng Gáp dja i Kon Bunuyh tă bớ̄h Kôranh Brah geh nhêt geh sông, mâu ăt sông sa, khân ay may lah Gáp: ‘Bunuyh hay nhêt hay sông, jan mât jǝng ndrel bunuyh sǝ prăk bon lan, jêh ri gũ ndrel bunuyh tih a êng jât’.

35Yơ̄n lah bunuyh i tâng nau Kôranh Brah, nhhơ̄ nau Kôranh Brah i nây jêng di ueh ngăn ta nau rêh păng.”

Brah Yêsu yǝ ma bu ur vǝng târ

36Geh du nar geh du huê bunuyh ta phung Pharisi rnhă păng Simôn, jă Brah Yêsu hăn sông sa ta jay păng nôm, jêh ri Brah Yêsu hăn gũ sông sa ndrel ta jay păng nây. Nôk nây tâng ma nau vay phung ndrǝng khân păng sông sa gũ bêch nkêng jât chiao, i jǝng rok jât kơi.

37Ta bon nây đǝng geh du huê bu ur vǝng târ. Tăt păng tǝng geh Brah Yêsu gũ sông sa ta jay Pharisi i nây, păng sǝ đǝp jǝ bu jan ma lữ, ta đǝp ri geh dak ngi bô kah khlay đǝng.

38Jêh ri păng hăn ta jay Simôn gũ bớ̄h kơi Brah Yêsu ri, păng nhũm hor dak mắt ta jǝng Brah Yêsu, yor ma păng rngot ma nau tih păng nôm, jêh ri sǝ sǝk păng nôm ri jut jǝng Brah Yêsu, jêh ri chũm ta jǝng ri, jêh chũm ri păng sǝ dak ngi bô kah tǝ ta jǝng Brah Yêsu ri jât.

³⁹Bunuyh i tơm jă Brah Yêsu sông ri nơh, păng say kơt nây, jêh ri mân êng ta săk ri: “Lah Păng jêng bunuyh ntơyh nau ngơi Kôranh Brah ngăn, Păng gít ro bu ur i pah Păng nây jêng bu ur tih.”

⁴⁰Jêh ri Brah Yêsu lah ma Simôn: “Hơi nô, Gập ếch nkoch bri ma may.” Păng ơh: “Ổ mâu chrao kôranh, neh May nkoch hồm.”

⁴¹Brah Yêsu lah du nau ngơi ntât: “Geh bar hê bunuyh manh prăk bu, du huê manh 500 prăk kăk, du huê manh 50 prăk kăk.

⁴²Yor ma bar hê khân păng i nây mâu geh prăk tồm, ndri dăng bunuyh i tơm ăn manh prăk nây mâu hồm đã tồm. Lah ndri lể bar hê i nây, bu moh rông hô rlau ma tơm ăn manh prăk nây?”

⁴³Păng ơh: “Gập gít lah bunuyh i manh ők.” Brah Yêsu lah: “Di ngăn.”

⁴⁴Jêh ri Brah Yêsu uảnh jât bu ur i nây, lah ma Simôn: “May say bu ur dja jan bah? Gập lăp ta jay may, tâng ma nau vay bân di ma may sỏ dak Gập be ma rao jống, tih ma may mâu ôh sỏ, lống păng, păng nhùm hor dak mắt ta jống Gập bẻ lể phiao, jêh ri sỏ sỏk păng nơm jut jât.

⁴⁵Tâng ma nau vay bân may chũm ta tâm bom Gập, tih ma may mâu ôh chũm, lống păng, chũm jống Gập mâu rlu, ntơm bớh Gập truyh ta dja nơh ngăn.

⁴⁶Tâng ma nau vay bân di ma may tở dak ngi ta bôk Gập, tih ma may mâu ôh tở, lống păng, tở dak ngi bô kah jut ta jống Gập.

⁴⁷Kơt ndri Gập mớh ma may, bu ur dja ők ngăn nau tih păng, Gập lể yỏ ndach jêh dăng lể nau tih păng, mâu hồm ôh kợp nau tih păng, ndri dăng păng geh nau rông hô ngăn. Tih ma bu moh i geh yỏ ndach để, nau rông păng geh để đống.”

⁴⁸Jêh ri Brah Yêsu lah jât bu ur ri: “Nau tih ay lể Gập yỏ jêh, Gập mâu hồm ôh kợp nau tih.”

⁴⁹Lě bunuyh i gũ ndrel ta nây mân êng ta sǎk ri: “Bu moh Pǎng i nây hiah, dāng bǎnh lah yǒ ndach nau tih đōng? Geh Kôranh Brah đơm đơi yǒ nau tih.”

⁵⁰Jêh ri Brah Yêsu lah ma bu ur i nây: “Hơi oh, yor nau ay nsing ma Gâp, ay lě klaih jêh bơh nau Kôranh Brah tể dōih, sât ăn ueh lǎng đǎp mpǎn.”

Luka 8

Bu ur i hǎn ndrel Brah Yêsu

¹Jêh ri Brah Yêsu, ndrel ma 12 kôranh oh mon Pǎng, hǎn rǒ ðon kuǒng ðon jě mbơh nkoch nau mhe mhan ueh i Kôranh Brah ứch mât uǎnh bunuyh.

²Geh bu ur abǎ hǎn ndrel đōng, bu ur abǎ lě Brah Yêsu jan bah jêh nau ji, ndrel ma lě ntrüt brah djơh ăn lôh, ta nây geh rnha Mari, tǎ bơh ðon Mađala, bu ur i nây Brah Yêsu ntrüt pơh brah djơh lôh bơh pǎng,

³jêh ri bu ur rnha Yôǎnna, i ur Khusa bunuyh mât uǎnh mpôl jan kar ma Hêrôt-Öntipas i kôranh mât uǎnh bri Galilê, geh bu ur rnha Susan, ndrel ma bu ur abǎ êng ők đōng, khân pǎng sǒ đrǎp ndr khân pǎng nơm gay ma kơl Brah Yêsu, ndrel ma mpôl oh mon pǎng.

Nau ntât ma gǎr ntil

(Mat 13:1-9; Mar 4:1-9)

⁴Geh ők bunuyh tǎ bơh ðon êng êng, hǎn vǎch ta Brah Yêsu ri, jêh ri Pǎng ngơi nau ntât kơt nđǎ:

⁵“Geh du huê bu klô hǎn sui gǎr ntil. Nôk pǎng sui nây abǎ tũp rǒ trong, geh bunuyh jot, jêh ri siũm chok lě phiao.

⁶Gǎr abǎ tũp ta neh klêr, hon pru, jêh ri ndro lě rngôch, yorlah reh mâu jru mâu geh dak.

⁷Gǎr abǎ tũp ta neh lok, lok hon ndrel, jêh ri lok tǒl lě phiao.

⁸Geh gǎr abǎ jât tũp ta neh ueh, hon tât play, du gǎr jêng geh 100 rnglay ro.” Jêh Brah Yêsu ngơi nau nây, pǎng kuǎl: “Bu moh tǎng nau Gâp ngơi dja, ăn Pǎng mân êng ta sǎk!”

Brah Yêsu rblang nau ngơi ntât

(Mat 13:10-23; Mar 4:10-20)

⁹Jêh ri mpôl oh mon ôp Brah Yêsu: “Lah ndri moh nau khlay ta nau ngơi ntât i này?”

¹⁰Păng ơh: “Kôranh Brah lể ăn jêh nau khlay nau i này ma khân may gít vât, mpơl nau ndöpf a lor nơh, i này jêng nau khlay Kôranh Brah mât uảnh bunuyh . Lống bunuyh abă jât, Gáp ngơi ntât ăn ma khân păng. Kơt ndri bol lah ‘Khân păng uảnh ndơ Gáp jan kỗ mâu vât ndơ khlay nau i này, Khân păng tăng nau Gáp ngơi kỗ mâu vât đơng’.

¹¹Dja Gáp rblang nau ntât: Găr nơh jêng nau Kôranh Brah.

¹²Bunuyh abă tâm ban ma găr tụp ta trong, tăng đơng nau Kôranh Brah, tih ma Satăng i kôranh mpôl brah djơh pit lơi nau Kôranh Brah bơh nuih n'hâm khân păng, gay lơi ăn iăt, jêh ri lơi geh nau rklaih.

¹³Bunuyh abă jât tâm ban ma găr tụp ta neh klêr, tât tăng nau Kôranh Brah, khân păng iăt răm maak ngăn, tih ma khân păng iăt du ndôm đơm, mâu ôh ăn nau Kôranh Brah i này hon reh jru ta nuih n'hâm khân păng, lah geh nau jêr nau đơm, khân păng ntơi nau nsing ro.

¹⁴Găr tụp ta neh lok, tâm ban ma bunuyh iăt nau Kôranh Brah, tih ma ta trôm nuih n'hâm ri rvê kơnh ma drăp ndơ hô ngăn gít ma nau maak đơm, nuih n'hâm ếch ma geh, bunuyh kơt này tâm ban ma lok bảr mâu ăn khân păng play truyh dũm.

¹⁵Lống găr i tụp ta neh ueh ri, tâm ban ma bunuyh iăt nau Kôranh Brah, geh nuih n'hâm ueh, ndjôt nập ta nuih n'hâm păng nơm nau i này, n'ho ma tât geh play ốk ngăn, yor ma nuih n'hâm nsrôyh.”

Nau ngơi ntât ma ũnh sagêng

(Mar 4:21-25)

¹⁶Brah Yêsu lah jât: “Mâu geh ôh bunuyh mpêh ũnh sagêng, jêh ri sỗ thũng kúp bơh lơ, mâu lah tể ta nâm gre. Bu vay yông prêh, gay ma ang lể bunuyh i lăp ta trôm jay này.

¹⁷Dâng lể ndơ mpôn mo ma bu, Kôranh Brah ếch bu gít n'hêl, jêh ri dâng lể ndơ ndöpf Păng ếch bu say kloh rah vah ta ang.

18Lah ndri njrăng ngănh hăm nau i khân may lă tăng, yorlah bu moh i lă geh, Kôranh Brah koi ntop ăn ma păng jăt, tih ma bu moh i mâu geh, Kôranh Brah sô rhuăt lơi lă ndơ i păng gít lah lă geh” .

I mẽ Brah Yêsu, ndrel ma i oh Păng

(Mat 12:46-50; Mar 3:31-35)

19Jêh ri i mẽ Brah Yêsu, ndrel ma i oh bu klô Păng, hănh ta bon nây gay ma mậ Păng, tăt ta nây mâu geh ôh trong lăp, yorlah bunuyh ôk ir.

20Jêh ri geh bu mbơh ma Brah Yêsu: “Mễ May, ndrel ma oh May gũ bơh dih ri ếch mậ May.”

21Brah Yêsu ơh: “Bu moh i gũ iăt nau ngoi Kôranh Brah, jêh ri tâng jan, bunuyh i nây jêng mẽ, jêng oh nô Gập.”

Brah Yêsu buay phứt chuănh ăn bah

(Mat 8:23-27; Mar 4:35-41)

22Geh du nar Brah Yêsu jă mpôl oh mon Păng: “Hổ, bân hănh jăt kăl ti dak ti.” Jêh ri khân păng ncho duk hănh jăt kăl ti dak nglao kuống Galilê ri.

23Dôl khân păng ncho ri, Brah Yêsu hăk bêch, jêh ri dô ma geh phứt chuănh dứt hô rổ dak nglao kuống ri, duk khân păng dak lăp bời ma ngôm, lă khân păng ta kalơ duk ri bời ma khăt ngănh ro.

24Jêh ri khân păng rlay Brah Yêsu: “Hơi Kôranh! Hơi Kôranh! Khăt ro bân mê.” Brah Yêsu kah rngăl, văl phứt chuănh, ndrel ma dak rbuh. Jêh ri phứt chuănh, ndrel ma dak rbuh bah ro, dak rngôn kớt ơm đống.

25Brah Yêsu rngot, jêh ri lah mpôl oh mon Păng: “Ah ăn nau nsing khân may?” Mpôl oh mon klach nsör ngănh, ndrốt hih rhöl đống. Mpôl oh mon tâm lah ndrăng khân păng nơm: “Mơm dăng geh nau dơi kớt nây, dơi đă phứt, đă dak, jêh ri phứt ndrel dak iăt nau Păng bah phiao đống?”

Brah Yêsu ntrüt brah djơh lôh bơh du huê bu klô

(Mat 8:28-34; Mar 5:1-20)

26Brah Yêsu, ndrel oh mon Păng tăt kăl ti dak nglao kuống Galilê, dăch ntũk bon rnha Garasin ri, ntũk bon i nây bu mâu ôh tâng nau vay phung Israel.

27Nôk Brah Yêsu hao a kơh ti, geh du huê bu klô tă bơh ðon nây ran jât Păng dja. Bunuyh i nây brah djơh lăp gũ ta păng, ăn păng gũ lahôk, mâu geh ôh gũ ta jay, gũ ta ntũk môch đơm lể jồ năm hơi.

28-29Geh ők tở brah djơh nhũp păng, bol lah bu kăt jông kăt ti păng ma rse rvăk ăn gũ du ntũk hỏ, păng nklah lơi rse rvăk lể phiao, jêh ri brah djơh leo păng gũ êng ta bri rdah ngai bơh bunuyh. Tăt say Brah Yêsu ri, păng păn ta jông Brah Yêsu nây, jêh ri Brah Yêsu ntrũt brah djơh đă păng lờh bơh bu klô i nây, yơn ma brah djơh ê hỏ lờh ôh, păng nter dũt nteh nteh ngăn: “Hơi Brah Yêsu, Kon Kôranh Brah i dũt prêh ta kalơ trôk, mớmm May jan ma gập mêh? Khât ôm lôm lă, lơi dăng nkrit gập.”

30Jêh ri Brah Yêsu ôp păng: “Mớmm rnha may mêh?” Păng ơh: “Gập rnha mpôl taken ők rbăn.” Păng ơh kơt nây yorlah brah djơh ők ngăn gũ ta săk păng ri.

31Mpôl brah djơh i nây bonh Brah Yêsu, lơi ôh nklăch khân păng ta ntu brông i ntũk tể dôi h ma brah djơh.

32Geh sũr phung gũ sa mpa rỏ yôk dăch ma ntũk nây. Mpôl brah djơh i ri bonh Brah Yêsu ăn lăp gũ ta sũr i nây, jêh ri Brah Yêsu ăn păng lăp ta sũr .

33Jêh ri mpôl brah djơh i ri lờh bơh bunuyh i nây lăp gũ ta sũr ri lể rngôt, jêh ri sũr i nây nchuăt rbũl jât sop rởng jât dak nglao ri, lăp ta dak rmok khât lể phiao.

34Jêh mpôl chiăp sũr i nây say kơt nây, khân păng nchuăt mbơh ro ma bunuyh gũ rỏ ðon, rỏ mir.

35Jêh ri bunuyh i tăng nau nây khân păng hăn uănh gay ma say n'hêl ndr i nây. Tăt ta Brah Yêsu khân păng klach dadê ngăn, say bu klô brah djơh lăp nơh gũ ta năp Brah Yêsu ri, ndrel ma nsoh kho ao kah gĩt săk đống.

36Bunuyh i lể say ma mắt nau nây, khân păng đơn nkoch ăn ma bu êng mớmm bả Brah Yêsu jan bah ma bunuyh brah djơh lăp nây.

37Lể bunuyh gũ rỏ bri dăch ma ðon Garasin klach nsờr hô ngăn, khân păng bonh Brah Yêsu đă Păng du lờh bơh ntũk nây, ndrì dăng Brah Yêsu ncho duk săt, ndrel ma mpôl oh mon Păng.

³⁸Lõng bunuyh i lě brah djoh lōh nây nơh, păng bonh dẫn gũ ndrel Brah Yêsu, tih ma Brah Yêsu mâu rom ôh, jêh ri lah ma păng:

³⁹“May sât jât jay may nơm ri, mboh lě nau Kôranh Brah jan ueh ma may nơh.” Jêh ri păng hăn lam bon kuông, mboh lě nau Brah Yêsu jan ma sāk păng nơm nơh ro.

Brah Yêsu jan bah bu ur ji rih, ndrel ma jan dâk rêh kon Jairus

(Mat 9:18-26; Mar 5:21-43)

⁴⁰Tât Brah Yêsu plở sât ta ri, bon lan rom Păng, bu ran chuă Păng, yorlah lě bu nơh uảnh mắt tởm trong dadê.

⁴¹Ta nây geh du huê bu klô, păng rnhă Jairus, păng kôranh nhiih rbũn phung Israel ta nây, păng ran păn ta jông Brah Yêsu ri, bonh jă Brah Yêsu hăn a jay păng,

⁴²yorlah kon bu ur păng ji bời khât. Păng geh du huê kon i nây dờm, klăp lah 12 năm. Jêh ri Brah Yêsu hăn jât jay păng, rỏ trong nây geh ỏk bunuyh tâm mpet ngăn.

⁴³Ta mpôl nây geh đổng du huê bu ur ji rih lě jỏ 12 năm hơi, păng huach lě đrăp ndơ păng, gay ma ăn kôranh dak si, tih ma mâu geh ôh du huê bunuyh dơi jan bah păng.

⁴⁴Păng i ri hăn bời kơi Brah Yêsu, pah ta chiăng ao Brah Yêsu ri, jêh ri mham păng bah ndal ta nây ro mâu hôm ôh trôh.

⁴⁵Brah Yêsu lah: “Bu moh pah Gập?” Dâng lě bu ta nây, bu lah mâu pah ôh. Pêtrôh lah: “Hơi Kôranh, bunuyh jũm May tâm mpet ngăn, dâng lě bu geh gỏ May dadê.”

⁴⁶Brah Yêsu lah: “Geh du huê bunuyh pah Gập ngăn ro, yorlah Gập gít nau brah geh lōh tă bời sāk Gập.”

⁴⁷Jêh ri bu ur i nây hăn ta năp Brah Yêsu ri nsờ ngăn, păn ta jông Brah Yêsu ri, păng lě gít nau i nây pôn mâu ndỏp ôh. Păng nkoch ăn ma Brah Yêsu ta năp bu bảl, moh yor dâng păng pah Brah Yêsu, mớm dâng păng bah ndal ro.

⁴⁸Brah Yêsu lah ma păng: “Hơi oh, nau ay nsing jan bah ay hơi, sât ăn ueh lăng đăp mpăn yở.”

⁴⁹Nôk Brah Yêsu hôm e ngời nây, geh du huê bunuyh tă bớh jay Jairus ri mớh ma Jairus i kôranh nhiih r̄bũn: “Kon may lể khât mê, lơi hôm rkhuak Ôbăl.”

⁵⁰Tât Brah Yêsu tăng bu mớh kớt nây, Păng lah ma Jairus: “Lơi dăng klach ôh, iăt ma may nsing ma Gập, kon may rêh ro.”

⁵¹Jêh ri Brah Yêsu hăn tât ta jay Jairus, Păng lăp ta trôm jay, bu abă êng mầu ôh ăn lăp, Păng ăn Pêtrôs, Yôhan, Yakô, ndrel ma i mẽ bở kon se i nây, du nây dơm ăn lăp.

⁵²Dăng lể bunuyh ta nây nhũm vớl ma kon se i khât ri dadê, Brah Yêsu lah ma khân păng: “Lơi hôm nhũm, păng mầu ôh khât, păng hăk bêch dơm.”

⁵³Mpôl i nây gôm mứch ma Brah Yêsu, yorlah khân păng lể gít jêh kon se i nây lể khât ngăn.

⁵⁴Jêh ri Brah Yêsu nhữp ti kon se i nây, lah ma păng: “Hơi oh, ay dâk hồm!”

⁵⁵Nôk nây ro huêng păng plở sât ta păng nơm, jêh ri dâk rêh ro. Brah Yêsu đă bu sỏ ndơ ăn ma păng sa.

⁵⁶Mẻ bở kon se i nây ndrôt hiih rhôl ngăn mầu vât ôh, yờn ma Brah Yêsu buay mầu ôh ăn khân păng nkoch nau i nây ma bu êng gít.

Luka 9

Brah Yêsu đă 12 oh mon hăn mớh nau mhe mhan ueh

(Mat 10:5-15; Mar 6:7-13)

¹Geh du nar ri Brah Yêsu kuăl i 12 oh mon, jêh ri ăn nau dơi ma khân păng, dơi ntrüt brah djớh, ndrel ma dơi jan bah bunuyh geh nau ji êng êng đổng.

²Păng đă khân păng hăn mớh ăn bu gít nau Kôranh Brah ứch măt uảnh bunuyh, ndrel ma jan bah nau ji kuet bu ăn bah đổng.

³Brah Yêsu lah ma khân păng: “Dôl khân may bở bôn êng êng, mầu ăn ôh leo ndjôt ndơ ta săk, bol lah mống jra, dững cheng, ndơ sa, prăk kayh, mầu lah kho ao.

⁴Moh jay khân may lăp, gũ ta jay i này hõ, n'ho ma tât khân may lôh bõh ðon i này.

⁵Lah ðon i này mâu ôh rom khân may, ăn lôh bõh ntũk này hõm, jêh ri rtôh neh môi bõh jõng khân may nỡm, gay ma nhhơ lah ðon i này Kôranh Brah tẽ dôih.”

⁶Jêh ri mpôl oh mon này hăn mbõh nkoch nau mhe mhan ueh ôk ðon, ndrel ma jan bah bunuyh ji ăp ntũk ðõng.

Hêrôt nklõn rdũk ma Brah Yêsu

(Mat 14:1-12; Mar 6:14-29)

⁷Tât Hêrôt-Õntipas i kôranh mât uánh bri Galilê này tăng lữ dâng lẽ nau Brah Yêsu jan ri, păng iăt mâu gĩt, lĩch mâu gĩt, yorlah geh bunuyh abă nkoch lah: “Yôhan-Baptem lẽ dâk rêh.”

⁸Bu abă êng lah: “Bunuyh ntõyh nau ngõi Kôranh Brah kăl e nỡh, rnha păng Êliya, lẽ nhhơ săk ăn ma bu say.” Bu abă êng jăt lah: “Geh du huê bunuyh ntõyh nau ngõi Kôranh Brah bõh kăl e nỡh, lẽ dâk rêh jêh.”

⁹Lõng kadăch Hêrôt lah: “Lah Yôhan-Baptem lẽ gâp koh tong ko păng jêh, lah ndri bu moh păng i jan nau i ri?” Jêh ri păng joi nau ũch mập Brah Yêsu ðõng.

Brah Yêsu siăm bunuyh 5000 nuyh

(Mat 14:13-21; Mar 6:30-44; Yôh 6:1-14)

¹⁰Jêh mpôl kôranh oh mon Păng săt tă bõh ntũk êng êng, khân păng nkoch bri ăn ma Brah Yêsu dâng lẽ nau khân păng jan. Jêh ri Brah Yêsu jă êng khân păng hăn ta du ðon, rnha ðon Bêtsaida,

¹¹jêh ðon lan lẽ gĩt, khân păng leo bắ hăn tâng Brah Yêsu. Brah Yêsu rom khân păng i này, jêh ri mbõh nkoch ăn khân păng iăt nau Kôranh Brah ũch mât uánh bunuyh, ndrel ma jan ăn bah bunuyh geh nau ji kuet ðõng.

¹²Tât dêh nar 12 nuyh mpôl kôranh oh mon i này hăn ta Brah Yêsu, lah ma Păng: “Hơi Kôranh, đă May mbõh ăn ðon lan săt joi ntũk bêch, joi ndở sông sa rỏ jay rỏ ðon dăch dăch oi ta dja, yorlah ta dja ntũk rdah ngai bõh ðon mâu geh ôh ndở sa.”

13Brah Yêsu lah ma khân păng i nây: “Khân may ăn bu sông sa heh.” Mpôl kôranh oh mon ơh: “Hên geh prăm mlôm numpăng, ndrel ma bar mlôm ka đơm, kôranh mê, ơm jêng tống lah? Lah ndri kơi rvăt mớ tống ma ăn khân păng i nây sa.”

14Khân păng ngơi ndri, yorlah ta ntũk i nây klăp lah geh 5000 nuyh bu klô. Jêh ri Brah Yêsu lah ma oh mon: “Khân may đã bu gũ du mpôl du mpôl ăn geh klăp lah 50 nuyh.”

15Mpôl oh mon jan kơt nau Păng đã, jêh ri dăng lě bu gũ dadê.

16Jêh ri Brah Yêsu sữ prăm mlôm numpăng, ndrel ma bar mlôm ka ri, Păng n'gơr mắt jât lơ trôk mboh sơm ndr sông sa i nây ma Kôranh Brah, lôch jêh Păng gích numpăng i nây ndr ăn oh mon, đã khân păng pã ăn bu sa.

17Jêh tâm pã ndr sa i ri, dăng lě bunuyh gũ sa ta nây hơm dadê, jêh ri rgum ndr rmeh sa i nây hôm geh 12 sah .

Pêtrôs mboh Brah Yêsu păng Brah Krist

(Mat 16:13-19; Mar 8:28-29)

18Geh du nar Brah Yêsu mboh sơm êng, ta nây geh mpôl oh mon đơm gũ ndrel Păng, phung bon lan mâu geh ôh. Brah Yêsu ôp mpôl oh mon i nây: “Lě phung bon lan lah Gập bu moh?”

19Mpôl oh mon ơh: “Abă lah May jêng Yôhan-Baptem i lě dâk rêh, abă lah jêng Êliya i bunuyh ntơyh nau ngơi Kôranh Brah kăl e nơh lě plở ta dja, abă jât lah May jêng du huê bunuyh i êng i ntơyh nau ngơi Kôranh Brah kăl e nơh lě dâk rêh.”

20Brah Yêsu ôp jât: “Lah ndri khân may eh, Gập bu moh khân may lah mêh?” Pêtrôs ơh: “May Brah Krist i nơm rklaih tă bơh Kôranh Brah de njuăl.”

21Brah Yêsu buay, mâu ăn ôh khân păng nkoch nau nây ma bu.

22Păng lah: “Nar jât năp tay, bol lah Gập i Kon Bunuyh tă bơh Kôranh Brah, Gập mra geh nau jêr jốt dứt hô. Mpôl bu ranh, mpôl kôranh jan brah, phung nơm nti, mbăr lơi Gập, n'ho ma nkhât lơi. Yơn ma tât pe nar bơh kơi nây Gập dâk rêh.”

²³Jêh ri Brah Yêsu lah ma dâng lě bunuyh: “Bu moh păng i ũch tâng Gâp, ăn m̄b̄r lor nd̄r s̄k păng n̄m ũch, jêh ri tui si tâm rk̄ng păng n̄m ăn ăp nar, jêng geh nau khlay iăt dâng lě nau Kôranh Brah đă, bol lah tât khăt s̄k kađôi, ri m̄r d̄r tâng Gâp nḡn.

²⁴Yorlah bu moh i ũch p̄p ma nau rêh păng n̄m, păng i n̄y m̄u geh ôh nau rêh n'ho ro, ȳn ma bu moh khăt yor ma tâng Gâp, păng i n̄y geh nau rêh n'ho ro nḡn ta nar jăt n̄p tay.

²⁵Lah du huê bunuyh păng geh dâng lě neh ntu dja jêng đrăp nd̄r păng n̄m dadê, tih ma s̄k păng n̄m khăt roh hêng m̄u geh ôh nau rêh n'ho ro, lah ndri moh nd̄r geh nau khlay ma păng?

²⁶Lah bu moh i đit p̄ng m̄u b̄nh m̄b̄r tâng Gâp, đit p̄ng nau Gâp nti, lah ndri Gâp i Kon Bunuyh tă b̄r Kôranh Brah đit p̄ng m̄u ḡt n̄l ma păng i n̄y đong, ta nar Gâp pl̄r v̄ch geh nau ueh chrêk l̄p Gâp n̄m, geh nd̄p ma nau ueh chrêk l̄p B̄r Gâp, ndrel ma nau ueh chrêk l̄p phung tông p̄r kloh ueh.

²⁷Gâp m̄b̄r ăn ma khân ay may ḡt n'hêl nan̄ nḡn, geh bunuyh āb̄ ta dja păng m̄u mra khăt ôh, lor ma say Kôranh Brah m̄t ūnh khân păng.”

Nau chrêk l̄p Brah Yêsu

(Mat 17:1-8; Mar 9:2-8)

²⁸Klăp lah geh pham nar jêh Brah Yêsu nḡi nau i n̄y, jêh ri Păng leo Pêtrô, leo Yôhan, ndrel ma Yak̄, hao kal̄ yôk gay ma m̄b̄r s̄m.

²⁹Nôk Păng m̄b̄r s̄m, i muh m̄t Păng geh rḡl, ao Păng jêng nglang ang chrat nḡn.

³⁰Dô ma say đong geh bar hê bu klô nḡi ndrel Păng, Môsê, ndrel ma Êliya, khân păng i n̄y jêng bunuyh nt̄ȳh nau nḡi Kôranh Brah b̄r k̄l e n̄h.

³¹Bar hê i n̄y geh nau ueh chrêk l̄p nḡn ta khân păng, khân păng nkoch ma nau Brah Yêsu khăt ta ðon kuông Yêrusalem h̄m đ̄ nar jăt n̄p tay, khăt tâng nau Kôranh Brah ũch.

³²Lõng Pêtrô, ndrel ma bar hê bäl päng nây hăk bêch dadê. Tât kah bêch ri khân päng say nau ueh nau chrêk lơp Brah Yêsu, ndrel ma say bar hê bunuyh gũ ndrel Päng đống.

³³Tât ma Môsê, ndrel ma Êliya du lôh bơh Brah Yêsu ri, Pêtrô ngồi ma Brah Yêsu: “Hơi Kôranh, bân gũ ta dja ueh ngăn mê, ăn hên jan pe mlôm chun, du mlôm ăn ma May, du mlôm ăn ma Môsê, du mlôm jât ăn ma Êliya.” Nau Pêtrô ngồi i nây päng nơm mâu ôh gít săk, päng dah ma ngồi dờm.

³⁴Nôk Pêtrô hôm e ngồi nây, geh tũk nkũm bơh lơ khân päng ri, khân päng jêng lăp gũ ta trôm tũk jan ăn khân päng klach dadê ngăn.

³⁵Jêh ri tăng nteh ngồi tă bơh tũk nây: “Päng dja Kon Gáp, i Gáp lě kơih Päng, iăt nau Päng đô.”

³⁶Jêh tăng ngồi kơt nây say Brah Yêsu du huê êng dờm gũ ta ri. Lě nau i say nây nơh, khân päng mâu ôh nkoch ăn ma bu êng gít, tât jô bơh năp mớ.

Brah Yêsu jan bah bunuyh brah djơh lơh

(Mat 17:14-18; Mar 9:14-27)

³⁷Tât ôi tay, Brah Yêsu, ndrel ma mpôl oh mon Päng jũr bơh lơ yôk ri, ta nây geh ôk bunuyh văch ran Päng.

³⁸Jêh ri geh du huê bu klô ta phung bunuyh ôk i nây nter kuăl Brah Yêsu: “Hơi Nơm Nti! Dăn May yố ndach ma kon gáp ơ, yorlah gáp geh du huê kon dja dờm mê.

³⁹Geh brah djơh nguai lơh päng du tở du tở, ăn päng nter mpốt nslõng nslăng ngăn, lôh mpũnh dak diu ta mbung, săk jăn lôh bữ lôh môr, tât ma päng lě huăr ngăn, ri mớ brah djơh i ri lôh du n'hâm mê.

⁴⁰Mpôl oh mon May lě gáp đă đống, khân päng ntrũt mâu ôh dơi lôh.”

⁴¹Brah Yêsu lah ma dăng lě bunuyh: “Hơi bunuyh djơh, bunuyh mâu iăt! Dah hôm jô ăn Gáp nsrôyh gũ ndrel khân ay may i bunuyh dăng ko? Leo hồm kon may i nây a dja.”

⁴²Nôk kon păng brồ ê hỏ tât a Brah Yêsu, brah djơh nklờ păng chôt nslống nslăng ro. Jêh ri Brah Yêsu mbram brah djơh ri, jan kon păng bah, leo păng ma bở păng nơm.

⁴³Lễ bunuyh ta nây ndrốt hih rhỏi dadê ngấn say nau dơi Kôranh Brah kơt nây.

Brah Yêsu nkoch lor ma nau khât Păng

(Mat 17:22-23; Mar 9:30-32)

Dôl dâng lễ khân păng ta nây hôm nklờn êng ta sắk ri dâng lễ ndr dơi i Brah Yêsu jan i nây, jêh ri Păng lah ma mpôl oh mon Păng:

⁴⁴“Ăn khân ay may ndjôt iăt nau dja, nkah sắk lơi chuêl ôh, bời tât bu njũn Gáp i Kon Bunuyh tă bớh Kôranh Brah ta ti bunuyh nhữp.”

⁴⁵Jêh tăng nau Brah Yêsu ri nớh, mpôl oh mon mâu vât ôh nau Păng lah nây, yorlah Kôranh Brah ê hỏ ăn khân păng vât ôh, khân păng klach mâu bắnh ôp đống.

Bunuyh i kuống rlau bu

(Mat 18:1-5; Mar 9:33-37)

⁴⁶Geh du nar mpôl oh mon gũ tâm rlách bắl ma nau khân păng ứch gít ma mpôl khân păng nơm, bu moh păng i kuống rlau bu.

⁴⁷Yờn ma Brah Yêsu lễ gít nau khân păng mân nây, jêh ri Păng leo du huê kon se jẻ gũ dắch kêng Păng nơm.

⁴⁸Jêh ri Păng lah: “Bu moh rom du huê kon se jẻ yor ma ứch iăt nau Gáp, tâm ban ma rom Gáp nơm đống. Jêh ri bu moh păng i rom Gáp tâm ban ma rom Bở Gáp i tớm njuăl Gáp nớh đống. Bu moh păng i jẻ ta nâm bu dâng lễ ta mpôl khân ay may, păng i nây jêng kuống rlau bu.”

Mpôl Brah Yêsu

(Mar 9:38-40)

⁴⁹Jêh ri Yôhan mớh ma Brah Yêsu: “Hời Nơm Nti, hên say du huê bunuyh ntrút brah djơh ma moh rnha May. Jêh ri hên buay păng, yorlah păng mâu geh ôh mpôl bắn.”

⁵⁰Brah Yêsu lah ma păng: “Lời buay păng ôh, bu moh păng i mâu tâm rdâng đah khân ay may, bunuyh i này jêng mpôl bäl mpeh ma khân ay may.”

Bon bri Samari du bon mâu rom Brah Yêsu

⁵¹Tât bôri di nar Brah Yêsu hao sät ta ntük Kôranh Brah ta kalơ, Păng nsrôyh hăn jät bon Yêrusalem.

⁵²Jêh ri Brah Yêsu hăn jät du bon ta bri Samari, Păng đã bunuyh abă hăn lor gay ma ndrăp ntük vôt dơn Păng.

⁵³Tih ma ta bon i này bu mâu ôh rom Brah Yêsu gũ ta ri, yorlah khân păng gĩt jêh Brah Yêsu ùch hăn n'hot jät bon kuông Yêrusalem.

⁵⁴Tât khân păng say kơt này, bar hê oh mon, Yakơ, ndrel ma Yôhan, khân păng lah: “Hơi Kôranh, May ùch bôh, ăn hên kuäl ùnh tă kalơ trök tũp ta bon dja, su lời phung i này, jan kơt Êliya păng jan käl e nơh?”

⁵⁵Brah Yêsu uánh jät khân păng n'ho ma r'öt khân păng: [“Khân may mâu gĩt moh huêng gũ ta trôm sāk khân may,

⁵⁶yorlah Gáp i Kon Bunuyh, tă bôh Kôranh Brah väch, gay ma rklaih bunuyh, mâu ùch ôh lơh hêng bunuyh.”] Jêh ri leo bäl n'hot jät bon êng jät.

Bunuyh i ùch tâng Brah Yêsu

(Mat 8:19-22)

⁵⁷Dôl Brah Yêsu brổ rổ trong ri, geh du huê bu klô lah ma Păng: “Hơi Kôranh, ah ntük May hăn? Gáp hăn tâng May đổng.”

⁵⁸Brah Yêsu lah ma păng: “Lõng srot geh trôm ntük păng gũ, siũm nar geh rsuân đổng, tih ma Gáp i Kon Bunuyh tă bôh Kôranh Brah mâu geh ôh ntük Gáp nơm ngăn ma dõm bôk.”

⁵⁹Jêh ri Brah Yêsu lah ma du huê bunuyh êng jät: “Hỗ, hăn tâng Gáp!” Bunuyh i này ơh: “Hơi Kôranh, ăn gáp kốp bở gáp khât, ndrel ma tốp păng bốt.”

⁶⁰Brah Yêsu lah ma păng: “Bunuyh mâu iätt nau Gáp tâm ban ma bunuyh lế khât, ăn khân păng tâm tốp êng ndrăng khân păng nơm, may ma hăn mbôh nau Kôranh Brah ùch mät uánh bunuyh .”

⁶¹Geh du huê bunuyh jât lah ma Păng đống: “Hơi Kôranh, gâp ùch tâng May đống, yơn ma ăn gâp hăn ntính rñăk vâl gâp bốt.”

⁶²Brah Yêsu lah ma păng: “Bu moh i kuăn n'göl chuõr, jêh ri n'gâl jât kơi, bunuyh i nây mâu ôh ăn Kôranh Brah mât uảnh ma păng .”

Luka 10

Brah Yêsu đã oh mon 72 nuyh

¹Jêh bơh kơi nây, Brah Yêsu kơih đống oh mon 72 nuyh jât, jêh ri đã khân păng hăn lor, hăn bar hê bar hê, ăp bon, ăp ntük i Brah Yêsu ùch ndrăp hăn.

²Brah Yêsu lah ma khân păng: “Hơi oh mon, geh ők bunuyh ùch iăt nau mhe mhan ueh, khân păng tâm ban ma ba lể dũm i ők ngăn, bunuyh mboh nkoch nau mhe mhan ueh tâm ban ma bunuyh rek, tih ma bunuyh i nây đễ dơm. Lah ndri dẫn Kôranh Brah nơm i tơm ba nây njuăl bunuyh a êng jât, kơl rek ba dũm i nây.

³Ăn khân may hăn hõm, Gâp đã khân may hăn tâm ban ma ăn kon be biăp gũ ta nklang phung so bri.

⁴Gâp đã khân may hăn săk dơm, lơi ndjôt prăk, lơi cheng dũng, lơi ndjôt ntô jot, lah mập bu rỏ trong lơi nkoch bri jỏ đống.

⁵Moh jay i khân may lăp ri, ăn khân may lah kơt nđa lor: ‘Dẫn Kôranh Brah ăn nau ueh lăng đăp mpăn ma bunuyh gũ ta jay dja’.

⁶Lah bunuyh ta jay i nây rom khân may ùch nau đăp mpăn, nau đăp mpăn i khân may dẫn nơh gũ ta jay păng nây ro. Lah păng mâu ùch, nau đăp mpăn i nây mâu hơm ôh gũ ta jay păng nây.

⁷Jêh ri gũ ta jay păng i nây hõ, lơi ôh ntrơn jay êng. Nhêt sông lể nđơ i bu ăn ma khân may, yorlah nđơ i nây jêng nđơ bu nkhôm ma khân may, bunuyh ntũm nti bu tâm ban ma geh jan kar ma bu đống.

⁸Moh bon i khân may hăn nây, lah geh bu rom, lể nđơ i bu ăn sa, khân may sa ro,

⁹n'ho ma jan bah nau ji bu. Jêh ri mboh nkoch ma bon nây: ‘Nau Kôranh Brah mât uánh khân ay may lě dăch ma khân ay may ngăn ro’.

¹⁰Lah bu mâu ôh rom, bon i khân may lăp ri, lôh hóm boh ntúk nây, hăn rỏ bon khân may lah kớt nđă:

¹¹‘Bol lah geh neh môi ntúk bon khân ay may krêp ta jông hên, hên rtôh lơi ma khân ay may nôm đống, yơn ma ăn khân ay may gít nau dja, nau Kôranh Brah mât uánh khân ay may lě dăch ngăn ro ’.

¹²Khân may gủ iăt nau Gáp bốt, bunuyh ta bon Sôđum i jan tih dút hô kăl e nơh, ndri Kôranh Brah de lơh hêng khân păng ma ũnh boh kalơ trôk, khân păng i nây hôm e geh dôi h thoi ma đah bunuyh ta bon i nây, ta nar Kôranh Brah phat dôi h lam neh ntu.”

Nduih ma phung dăng ko

(Mat 11:20-24)

¹³Jêh ri Brah Yêsu lah jăt: “Rêh rnhăl ngăn ma bunuyh gủ ta bon Khôrasin, ndrel ma bon Bêtsaida, yorlah khân păng lě say dăng lě ndơ ueh ndơ khlay Gáp jan, tih ma mâu ôh rgâl lơi nuh n'hâm djơh. Bunuyh ta bon Tirus, ndrel ma ta bon Sidôn jêng phung mâu gít năl Kôranh Brah, lah khân păng say nau khlay i nây, khân păng rgâl lơi nuh n'hâm djơh ro, jêh ri gay ma nhơ nau khân păng lě rgâl lơi nuh n'hâm djơh, khân păng nsoh n'gut bao chiăt, gủ ta ũnh buh.

¹⁴Ndri ta nar Kôranh Brah phat dôi h lam neh ntu tay, bunuyh ta bon kuống Tirus, ndrel ma ta bon kuống Sidôn, khân păng geh dôi h thoi ta nâm bunuyh gủ ta bon Khôrasin, bon Bêtsaida.

¹⁵Bunuyh gủ ta bon Kapơnũm i bon Gáp gủ jỏ khay, ndrel ma Gáp lě nti lě jan ndơ nau khlay Lơi ôh ndôn lah săk khân ay may nôm lě jêng bunuyh ueh hao ta bon ueh kalơ, Mâu ôh, khân ay may tay tũp ta ntúk rêh rnhăl ta ndrung ũnh ri ro.”

¹⁶Jêh ri Brah Yêsu lah ma mpôl oh mon Păng đống: “Bu moh păng i iăt nau khân may, tâm ban ma iăt nau Gáp đống. Bu moh i mâu iăt ôh nau khân

may, tâm ban ma mâu iăt nau Gáp đōng, bu moh mâu iăt nau Gáp, tâm ban ma mâu iăt đōng nau Kôranh Brah nôm i njuăl đă Gáp hăn ta dja nơh.”

Mpôl oh mon plở săt ta Brah Yêsu

¹⁷Jêh ri mpôl oh mon i 72 nuyh nây plở săt bơn ri rằm rơn, khân păng nkoch nau ma Brah Yêsu: “Hơi Kôranh, yor ma moh rnha săk May, bol lah brah djơh iăt nau hên đōng.”

¹⁸Brah Yêsu lah ma khân păng: “Gáp lě say Satăng i kôranh mpôl brah djơh tũp tă bơn kalơ trôk tâm ban ma lợp nglayh ngăn.

¹⁹Dja Gáp lě ăn nau dơi ma khân may, khân may dơi đah ma Satăng i kôranh mpôl brah djơh, ndrel ma lě mpôl djơh păng đōng, dơi bở jot bēh, ndrel ma ndơr ving, mâu geh ôh du ntil ndơ jan djơh ăn ma khân may.

²⁰Lơi ta rằm ôh yor ma say brah djơh iăt nau khân may nây dơm, yơn ma ăn khân may rằm maak Kôranh Brah lě geh nchih săk khân may ta kalơ trôk ntũk Păng nôm gũ ri hỡ, ndri nar jăt năp tay khân may gũ ndrel Kôranh Brah n'ho ro.”

Brah Yêsu geh nuih n'hâm rằm maak

(Mat 11:25-27; 13:16-17)

²¹Nôk nây Brah Huêng Ueh i kloh ueh jan ăn Brah Yêsu geh nuih n'hâm rằm maak ngăn, Brah Yêsu lah kơt nđă: “Hơi Bở, i Kôranh ma trôk, ndrel ma neh ntu, Gáp rnê May hô ngăn, yorlah May lě nhhơ nau May ntôm măt uănh bunuyh dja ăn ma bunuyh rluk măt mâu văt tâm ban ma kon se, jêh ri pôn ndöpf lơi ndơ i nây ma bunuyh i kợp êng săk khân păng nôm jêng bunuyh gít bunuyh blao. Hơi Bở, nuih n'hâm May ũch kơt nđă ro.”

²²Jêh ri Păng lah jăt: “Dâng lě ntil ndơ, lě Bở jao ma Gáp dadê jêh. Mâu geh ôh bunuyh gít năl Gáp lah i Kon Kôranh Brah, geh Bở Gáp nôm dơm gít năl, mâu geh ôh bunuyh gít năl Bở ngăn Gáp, geh Gáp i Kon Păng dơm gít năl, ndrel ma dâng lě bunuyh i Gáp ũch ăn gít năl, du ri dơm.”

²³Nôk mâu geh ôh bunuyh a êng gũ ta ri, Brah Yêsu ngơi đah mpôl oh mon dơm, Păng lah: “Ueh maak ngăn ma khân ay may, yorlah măt khân ay may say dâng lě nau Gáp lě jan.

²⁴Gập mboh ma khân ay may, geh ők bunuyh ntøyh nau ngoi Kôranh Brah kăi e nøyh, ndrel ma ők kađăch phung Israel kăi e nøyh öch say ngăn dăng lă nau i khân ay may lă say abăo dja, tih ma mâu say ôh, khân păng öch tăng ngăn nau i khân ay may lă tăng dja, tih ma mâu tăng đống.”

Nau ngoi ntăt ma du huê bunuyh Samari

²⁵Nôk này geh du huê nôm nti nau vay phung Israel, păng dăk öch ôp rlong Brah Yêsu: “Hơi Nôm Nti, môm ăn gập jan gay ma geh nau rêh n'ho ro mêh?”

²⁶Brah Yêsu ơh ma păng: “Moh bả geh nau Môsê nchih ta sambăt Nau Vay kăi e này nøyh? Dôl may uănh, moh bả may văt?”

²⁷Bunuyh i này ơh ma Brah Yêsu: “Ăn rống ma Kôranh Brah i brah khân ay may nôm ma lă nuh n'hâm, ma lă huêng, ma lă n'hâm suan, ndrel ma lă nau mân', jêh ri ‘Rống ma bu chiaio meng kôt rống ma săk may nôm đống’ .”

²⁸Brah Yêsu lah ma păng: “Nau may ơh i này jêng di ngăn, ăn may jan kôt nau này băo, ndri mớ nar jăt năp tay may mra geh nau rêh n'ho ro.”

²⁹Yơn ma bunuyh i này öch nhhơ nau ôp păng nôm jêng nau ôp di, mâu ôh ôp rlong đơm, jêh ri ôp Brah Yêsu jăt: “Lah ndri bu moh jêng bu chiaio meng gập mêh?”

³⁰Brah Yêsu ơh ma păng ma nau ngoi ntăt: “Geh du huê bu klô lôh böh bon kuông Yêrusalem, hăn jăt bon Yêrikhô ri. Rô trong này păng măt ma mpôl ntũng, bu lơh păng tăt khăt yơh, sô lă đrăp ndơ sô kho ao păng đống, jêh ri leo bả nchuăt lă rngăt, ntloại êng ôbả ta ri.

³¹Jêh ri geh du huê ta mpôl jan brah hăn rô trong này, mpôl i này blaio ngăn ta nau vay phung bân. Tăt ma say bunuyh rmanh i này, păng hăn der.

³²Jêh ri geh đống du huê mpôl Lêvi, mpôl i này jêng nôm nti nau vay phung bân, păng hăn tăt ta này say bunuyh rmanh i này, n'ho ma hăn der đống.

³³Nkhêp ngăn geh du huê mpôl bri Samari hăn rô trong này đống, jêng bunuyh i phung bân mưch rmot hô ngăn, mpôl păng mâu ôh blaio ta nau vay

phung bân. Tât ma say bunuyh rmanh i này, hô ngăn păng geh nau yố geh nau ndach ma bunuyh i này.

³⁴Păng hăn dăch jât bunuyh rmanh này, păng sô dak ngi, sô ndrănh păng nôm bôh dja tồ kalơ sôt bunuyh i này, sôm put sôt păng ri, jêh ri pư tể kalơ seh lia păng ncho ri, leo hăn ta jay veh bêch bu năch. Tât ta này păng mât uănh bunuyh i này jât.

³⁵Kah ôi tay păng ăn bar mlôm prăk kăk ma tơm jay này, nkre ma ntính păng: ‘Đă may sôm mât săm bunuyh dja, lah lể đổng rlau bôh prăk gập ăn dja, tât gập plờ tay, gập kơi ăn râng ma may’.

³⁶Lah ndri lể pe nuyh khân păng i này, bu moh may mân jêng bunuyh chiaio meng đah ma bunuyh mpôl ntũng này lơh mêh?”

³⁷Nôm nti này ơh: “Jêng bunuyh i geh nau yố ndach ma păng i này.” Brah Yêsu lah ma păng: “Ăn may hăn jan tâng kơt păng i du huê này.”

Brah Yêsu gũ ta jay Matha ndrel Mari

^{38.39}Jêh ri Brah Yêsu, ndrel ma oh mon Păng hăn jât, lăp ta du bon, ta bon này geh bar hê oh nur rnha khân păng Matha, ndrel ma Mari, jêh ri Matha jă Brah Yêsu lăp gũ ta jay păng. Tât ta jay này Mari i oh ri gũ iătt nau Brah Yêsu nti, păng gũ kêng jông Brah Yêsu ri.

⁴⁰Lông Matha bốp hô ngăn ma ndrăp piăng trao, jêh ri păng hăn mbôh ma Brah Yêsu: “Hơi Kôranh, May mâu gít bôh, oh gập bống êng gập jan kar du huê êng dơm? May mbôh đă păng kơl gập bả heh.”

⁴¹Brah Yêsu ơh ma păng: “Ồ oh Matha, oh Matha ơi! Ay rngot rvê ma ndrêng êng ốk ngăn,

⁴²yơn ma geh du nau kar dơm geh nau khlay, oh ay lể kơih jêh kar nau khlay i này, jêng păng iătt nau Gập nti. Nau i này bu mâu ôh blao sô bôh păng.”

Luka 11

Brah Yêsu nti nau mbôh sôm

(Mat 6:9-13; 7:7-11)

¹Geh du nar Brah Yêsu mboh sôm ta du ntük. Jêh Păng mboh sôm ri, geh du huê oh mon lah ma Păng: “Hôi Kôranh, đã May nti ăn hên blao mboh sôm bả ơ, kơt Yôhan-Baptem nti ma mpôl oh mon păng.”

²Brah Yêsu ơh ma khân păng: “Ăn khân ay may mboh sôm kơt nđa: ‘Ồ Bở [gũ ta kalơ trôk],

Ăn dăng lẽ bunuyh yơk mbah ma May [dăn dăng lẽ nau ta neh ntu dja tâng nau May öch, tâm ban ma nau May nơm lẽ öch ta kalơ trôk đổng].

³Ăn nơ sông sa ma hên ăp nar ăn tống.

⁴Yỗ nđach lơi hôm kơp nau tih hên Tâm ban ma hên yỗ nđach ma bunuyh jan tih ma hên, mâu hôm kơp nau tih păng đổng. Kơl hên lơi ôh jan tih, nôk hên geh nau nơm [dăn rklaih hên bơh nau djơh mhik].”

Nau ngơi ntât ma mboh sôm

⁵Jêh ri Brah Yêsu lah đổng ma mpôl oh mon nây: “Ta mpôl khân ay may, lah geh du huê bunuyh brố ta jay mât jăng n'gul phứt n'gul măng, păng kuäl: ‘Hôi jăng, ăn gập manh nơ sông sa abă bốt ơ,

⁶yorlah gập geh jăng mhe tât tă bơh ngai lah. Gập mâu geh nơ ma ăn păng sông sa mê’.

⁷Khân ay may lah, bunuyh ta trôm jay nây ơh ma păng kơt nđa bah?: ‘Lơi hôm rkhuak gập hia, mpông lẽ jêh rđăng, oh kon gập lẽ bêch đổng, gập mâu dơi dâk sỏ ăn ma may jăng mê’.

⁸Mâu di ndri ôh. Gập mboh ma khân ay may, bunuyh tơm jay nây mra dâk nờ ro, ndrel ma ăn moh nơ abă êng jât mât jăng păng öch. Păng dâk nờ nây, yorlah bunuyh i nây bảnh rkhuak păng mâu blao dứt, mâu ôh yor ma jêng mât jăng đơm.

⁹Kơt ndri Gập mboh ma khân ay may, dăn mro mrăng hồm ma Kôranh Brah dăng Păng ăn ma khân ay may, joi mro mrăng hồm dăng say, kuäl mro mrăng hồm bơh dih mpông dăng Kôranh Brah pơk ăn ma khân ay may ro.

¹⁰Yorlah bu moh dăn mra geh, bu moh joi mra say, jêh ri bu moh i kuäl bơh dih mpông mra pơk ăn ma păng.

11Ta mpôl khân ay may vay geh đổng [lah kon dân piăng ăn nkhơng lữ ma păng], lah kon dân ka, bở păng ăn nkhơng bêh geh kách ma păng bớh?

12Mâu lah kon dân tấp iăr ăn nkhơng ndờ ving ma păng?

13Bol lah khân ay may jêng bunuyh tih kađôi, khân ay may hôm blao ăn ndờ ueh ma kon đổng, lah ndri Bở gủ ta kalo' trôk rlau bớh này ăn Brah Huêng Ueh i kloh ueh ma bu moh dân bớh Păng.”

Brah Yêsu ơh nau bu ntôn nchroh Păng

(Mat 12:22-30, 43-45; Mar 3:20-27)

14Geh du huê bu klô brah djơh lăp ăn păng mlo, tăt du nar ri Brah Yêsu ntrüt brah djơh i này lôh bớh păng, jêh ri păng blao ngơi ro. Bunuyh gủ ta này ők ngăn. Tăt say nau i này dăng lể khân păng ndrốt hih rhôl dadê ngăn.

15Yơn ma geh bu abă lah: “Yorlah Satăng i kôranh mpôl brah djơh ăn nau dơi ta Păng, dăng Păng dơi ntrüt brah djơh.”

16Geh bu abă jăt öch rlong Brah Yêsu dờm, đă Păng jan du nau mbên gay ma nhhơ nau dơi Păng tă bớh Kôranh Brah ri.

17Yơn ma Brah Yêsu lể gít jêh nau khân păng mân, jêh ri Păng lah: “Dăng lể bri i geh nau tâm lők tâm janh chah chrai bắl, bri i này roh hêng ro. Dăng lể rnăk i geh nau tâm lők tâm janh ndrăng nờm, rnăk i này roh hêng mâu hôm geh đổng.

18Lah Gập ntrüt brah djơh tă bớh nau dơi Satăng i kôranh mpôl brah djơh, brah djơh geh nau tâm rlăch tâm janh chah chrai bắl, lah ndri mớm dăng hôm geh bri jăt? Gập ngơi kớt nđa, yorlah khân may lah Gập ntrüt brah djơh yor ma Satăng ăn nau dơi ma Gập.

19Lah Gập ntrüt brah djơh yor ma nau dơi Satăng ngăn, bớh tă nau dơi oh mon khân may ntrüt brah djơh đổng? Lah ndri oh mon khân may nờm i này mra tể dôi khân may ngăn ro.

20Yơn ma lah nau dơi Gập ntrüt brah djơh tă bớh Kôranh Brah, lah ndri nau Kôranh Brah măt uănh ma khân may lể tăt jêh .

²¹Lah bunuyh dǎng ndjôt tak ndjôt đao, gũ njrǎng nhih jay pǎng nơm, lah ndri đrǎp ndr pǎng hơm kơn.

²²Yơn ma lah geh du huê bunuyh jât dǎng rlau pǎng, tâm lơh dơi bu, bu mra sǒ tak đao pǎng i nây, ndrel ma sǒ đrǎp ndr pǎng pǎ ăn ma bunuyh êng jât .

²³Bu moh i mầu gũ mpeh ma Gập, bunuyh i nây tâm rdâng đah Gập, bu moh i mầu gũ gum ndrel Gập, bunuyh i nây chah chrai nhhing nhhang.”

²⁴“Lah brah djơh lôh bơh du huê bunuyh, jêh ri pǎng brổ rỏ bri rdah, pǎng joi ntũk ma gũ mầu geh ôh, jêh ri pǎng mra lah êng kơt nđa: ‘Gập plở gũ ta jay ơm gập ntũk gập mhe lôh nơh bốt’.

²⁵Tât pǎng plở ta nây, say jay i nây lể mpêh ueh, ndrǎp djahep,

²⁶jêh ri pǎng hǎn jǎ brah djơh a êng pơh ỡ jât, brah djơh i nây janh rlau pǎng ngǎn, hǎn lǎp gũ ndrel ta nây đống, jan ăn bunuyh i nây geh nau jêh djơh rlau ơm nơh jât.”

²⁷Dôl Brah Yêsu hơm ngơi nau nây, geh du huê bu ur ta phung bunuyh ők nây lah: “Bu ur i deh May, i mpu May ma toh, bu ur i nây lap ngǎn ro.”

²⁸Yơn ma Brah Yêsu ơh: “Bunuyh i iǎt Nau Kôranh Brah Ngơi, n’ho ma tâng kơt, pǎng i nây lap ők rlau.”

Nau mbên Yônais

(Mat 12:38-42)

²⁹Jêh ri bunuyh gũ gum lơ ma ők ngǎn, Brah Yêsu lah ma phung i nây: “Bunuyh ta rnôk abao ri djơh mħĩk hô ngǎn, ũch say ma nau mbên dơm, yơn ma Kôranh Brah mầu ôh ăn nau mbên êng jât, Pǎng ăn du nau mbên tâm ban ma nau mbên Yônais i bunuyh ntơyh nau ngơi Kôranh Brah kǎl e nơh dơm .

³⁰Yônais jêng nau mbên ma bon Ninivê say, ndri ta nar jât nǎp tay Gập i Kon Bunuyh tǎ bơh Kôranh Brah jêng nau mbên ta rnôk abao dja đống.

³¹Ta nar Kôranh Brah phat dôi h dǎng lể bunuyh ta neh ntu, geh kađǎch bu ur rnha pǎng Sêba, pǎng mra tể dôi h ma bunuyh rnôk abao dja. Kǎl e nơh pǎng kađǎch ta bri êng ngai mpeh bơh đống bri Israel, bol lah pǎng gũ ngai dũt bri dũt neh kađôi, pǎng hǎn ta bri Israel gay ma iǎt nau mân gĩt blao kađǎch

Salômôn ta bri dja. Yơn ma nar dja ta ntũk dja geh du huê Bunuyh nau ngơi Păng khlay rlau nau ngơi kađăch Salômôn, tih ma khân ay may mâu ũch ôh iăt Păng.

³²Ta nar Kôranh Brah phat dôih dăng lě bunuyh ta neh ntu dja, bunuyh bon Ninivê mra tể dôih bunuyh ta rnôk abao dja đống, yorlah rnôk kăl e nơh, jêh khân păng tăng nau Yônais mboh, khân păng rgâl lơi nuh n'hâm djơh ro, khân păng rngot lě lăn nau khân păng jan tih nơh, yơn ma ta dja abao dja geh đống du huê Bunuyh kuông rlau ma Yônais nây jăt.”

Nau ngơi ntât ma ũnh sagêng

(Mat 5:15; 6:22-23)

³³Brah Yêsu nti jăt: “Mâu geh ôh bunuyh mpêh ũnh sagêng, jêh ri pôn ta kuâl, mâu lah kũp lơi đah sah bơh lơ. Bu vay mpêh sagêng yông ta kalơ, gay ma ang lě bunuyh i lăp ta trôm jay nây.

³⁴Trôm mắt khân ay may jêng tâm ban ma sagêng ma săk jăn, lah trôm mắt khân ay may hôm ang ueh, lě săk jăn khân ay may hôm ang dadê, yơn ma lah trôm mắt khân ay may lě ngo jêh, lě săk jăn khân ay may jêng ngo dadê đống.

³⁵Kơt nđay ăn khân ay may blao njrăng, lơi ăn khân ay may kơp êng nau ang, jêh ri bu mâu ôh say nau ang, say nau ngo chrao.

³⁶Lah lě săk jăn khân ay may hôm ang dadê, mâu ôh geh ntũk ngo, lah ndri lě nau rêh khân ay may geh ang dadê, tâm ban ma ũnh sagêng ngaang khân ay may nây đống.”

Brah Yêsu lah phung Pharisi, ndrel ma phung nôm nti

(Mat 23:1-36; Mar 12:38-40)

³⁷Jêh Brah Yêsu ngơi nây, geh du huê phung Pharisi jă Brah Yêsu hăn sông sa ta jay păng ri. Brah Yêsu hăn tât ta nây gũ sông sa ndrel ta ri.

³⁸Bunuyh Pharisi i nây geh nau ndrôt hih rhôl ngăn say Brah Yêsu sông mâu geh rao ti lor.

³⁹Lah ndri Brah Yêsu lah ma păng: “Hơi nô, phung Pharisi khân may jêng tâm ban ma bunuyh i rao ngan, rao yăng ta bơh dih đơm, yơn ma ta trôm

hôm e uk rmao, khân may rao ti tâng ma nau vay khân may, tih ma ta nuih n'hâm khân may ri hôm dứt ếch ma nau sa nsiăn, ndrel ma nau mân djơh mħik hô ngăn.

⁴⁰Hơi bunuyh mblũ, lah Kôranh Brah lẽ njêng jêh ndơ bơh dih, ta trôm Păng njêng ndơ đống, lah ndri Păng ếch ta nuih n'hâm khân may ăn kloh tâm ban ma săk jăn khân may đống.

⁴¹Lah ndri ăn ők ndơ ma bunuyh o ach, ri mớ khân may kloh ta nuih n'hâm đống, jêh ri khân may kloh bơh dih đống, kloh ta nuih n'hâm đống.

⁴²Hơi phung Pharisi, rêh rnhăl ngăn ma khân may mê! Khân may nơh sớ ndơ geh jăt ở rhuăt nguai nhhơr ma Kôranh Brah, kớh lah ndơ mâu khlay, klôyh, gir, ndrel ma ndơ bô abă êng đống. Nau i nhhơr jêng di, tih ma khân may mbăr lơi nau sồng, ndrel ma nau rống Kôranh Brah i geh nau khlay rlau bu, lah ndri ăn khân may nsrôyh nhhơr kớh i này ma Kôranh Brah đống, yơn ma lơi chuêl nau sồng, ndrel ma nau rống đống.

⁴³Hơi phung Pharisi, rêh rnhăl ngăn ma khân may mê! Yorlah ta ntũk nhih r̄bũn phung bân khân may nơh ếch gũ bơh năp bu i ntũk bu lư ngăn, ndrel ma ếch hăn rỏ ntũk bu tăch đrăp, ők bunuyh bu kũnh bôk mbah ma khân may.

⁴⁴Rêh rnhăl ngăn ma khân may mê [i phung Pharisi, ndrel ma i phung nơm nti nau vay phung bân, khân may mpôl nuih n'hâm ndöpf mpôn], yorlah khân may nơh jêng tâm ban ma ntu môch uănh mâu say, jêh ri bu de brổ jot kalo mâu ôh gít săk, ndri păng mâu hôm kloh ôh. Kớh ndri đống khân may ueh ta bơh dih, tih ma ta nuih n'hâm ri djơh.”

⁴⁵Geh du huê nơm nti nau vay phung Israel ơh ma Brah Yêsu, păng lah: “Hơi Nơm Nti, May ngơi kớh i này, jêng May mưch nsot ma phung hên đống mê.”

⁴⁶Brah Yêsu ơh ma păng: “Hơi phung nơm nti nau vay phung bân, rêh rnhăl ngăn ma khân may, yorlah khân may tể nau vay dứt jök ăn ma bunuyh jan, tih ma khân may nơm mâu geh ôh kớh jan nau i này, đễ kớ mâu geh đống.

⁴⁷Rêh rnhăl ngăñ ma khân may, yor ma khân may jan ueh ngăñ jay môch ma bunuyh ntøyh nau ngơi Kôranh Brah, i u che khân may lể nkhât lơi kăl e nơh, tih ma khân may mâu ôh jan tâng nau nti bunuyh ntøyh nau ngơi Kôranh Brah i nây.

⁴⁸Khân may jan kơt nây, khân may tâm di du ntôr nau ndrel u che khân may nây đống, khân păng ma nkhât, khân may ma jan jay môch đơm.

⁴⁹Ndri Kôranh Brah i geh nau gĩt mân lah kơt nđa: ‘Gáp đă bunuyh ntøyh nau ngơi Gáp hăn a khân păng, ndrel ma kôranh oh mon đống, tih ma bunuyh i nây, abă khân păng nkhât lơi, abă jât khân păng jan jêr’.

⁵⁰Kơt ndri Gáp kơp bunuyh ta rnôk abao dja geh dôi h nkhât bunuyh ntøyh nau ngơi Kôranh Brah ntơm bơh njêng neh ntu. Bol lah bunuyh ntøyh nau ngơi Kôranh Brah i nây lể bu nkhât bơh kăl e nơh, dôi h i nây hơm tể tăt ma bunuyh ta rnôk abao dja đống,

⁵¹jêng ntơm bơh kon Ađăm rnhă păng Kain nkhât i oh păng rnhă Abel, n'ho ma tăt bu nkhât Sakari, i bu nkhât păng ta vah vang nsưng gũch pur ndơ jan brah, ma nhih jan brah ri. Gáp mbơh ma khân may, mham khân păng i nây Kôranh Brah mra tể dôi h ta rnôk bunuyh abao dja.

⁵²Hơi bunuyh nơm nti nau vay phung Israel, rêh rnhăl ngăñ ma khân may mê, yorlah khân may mâu ăn bu gĩt năl nau ngăñ Kôranh Brah. Nau i nây tâm ban ma rdăng lơi mpông bơh dih ma lăp nau Kôranh Brah măt uănh, săk khân may nơm lể mâu geh lăp ta mpông i nây, jêh ri khân may buay đống bu êng jât i ếch lăp, mâu ăn lăp.”

⁵³Ntơm bơh Brah Yêsu lôh bơh ntũk nây, phung nơm nti nau vay phung Israel, ndrel ma phung Pharisi, tâm rdăng đah Păng dũt hô, jêh ri ôp mpet Păng ma nau êng êng ốk.

⁵⁴Khân păng jan kơt nây ếch joi nau lah Brah Yêsu ơh tih, mâu lah ngơi tih, gay ma ntôn Păng ro.

Luka 12

Brah Yêsu lah ma oh mon, lơi ta rvê
(Mat 10:26-33)

¹Nôk nây geh bunuyh gũ rbũn ők rbăn ngăn, gay ma mậ Brah Yêsu, tât ma tâm mpet tâm jot bắ ngăn. Jêh ri Brah Yêsu lah ma mpôl oh mon Păng lor: “Ăn khân ay may njrăng nuh n'hâm ndöp mpôn phung Pharisí, nau djơh nuh n'hâm ndöp mpôn i nây lơ kuống lơ kuống, tâm ban ma ndrui đễ jan ăn piăng ndrănh ők jêng dang.

²Geh du nar jât nặ tay Kôranh Brah mra ăn bu say dăng lẽ ndr i bunuyh hôm mpôn, Kôranh Brah ăn bu gít dadê đống, dăng lẽ ndr i bunuyh mâu ứch ăn bu gít.

³Kơt ndrì dăng lẽ nau khân ay may ngơi ta ntũk ngo, bu mra tăng ta ntũk ang, lẽ nau khân ay may ngơi suih ta trôm tôr ta trôm jrô, bu mra mboh nkoch nau i nây ta kalơ chor jay ro.

⁴Hơi mậ jăng, khân ay may iăt nau Gập, khân ay may lơi ôh klach bunuyh, khân păng geh nau đơi nkhât ta rnglay sắk đơm, jêh ri jan mâu ôh hôm blao jât.

⁵Gập mboh ndr i khân ay may di klach, klach ma Kôranh Brah hỏ, yorlah jêh Păng nkhât, jêh ri Păng geh nau đơi nklăch ta ndrung ứnh jât. Ndrì Gập mboh ma khân ay may, ăn khân ay may klach ma Păng.

⁶Bu vay tách prăm mlôm siũm rleo khlay bar mlôm kắk jếđơm, bol lah thok kơt nây kađôi lẽ, mâu geh ôh du mlôm siũm rleo Kôranh Brah chuêl.

⁷Bol lah dăng lẽ sỏk ta bôk khân ay may nơm, Kôranh Brah lẽ jêh kơp đống. Kơt ndrì lơi klach ôh, yorlah Kôranh Brah kơp khân ay may khlay ngăn rlau ma siũm rleo du phung jât.

⁸Hơi khân ay may iăt hỏm, bu moh i bắnh mboh ma bu păng tâng Gập, Gập i Kon Bunuyh tă boh Kôranh Brah mra mboh păng i nây jêng oh mon Gập ta boh nặ mắ Kôranh Brah, ndrêl ma ta boh nặ mắ phung tông pắ Kôranh Brah nơm đống.

⁹Yơn ma bu moh i mâu bắnh mboh ma bu păng tâng Gập, Gập mâu đống mboh păng i nây jêng oh mon Gập ta boh nặ mắ Kôranh Brah, ndrêl ma mpôl tông pắ Kôranh Brah.

¹⁰Bu moh păng i ngời tâm rdâng đah Gáp i Bunuyh tă bớh Kôranh Brah, Kôranh Brah hôm yố mâu ôh kớp nau tih păng, yớn ma bu moh păng i ngời tâm rdâng đah ma Brah Huêng Ueh i kloh ueh, Kôranh Brah hôm kớp nau tih păng nanao.

¹¹Lah bu leo khân ay may hăn ta nhieh rắn phung bân gay ma phat dôi h yor ma khân ay may tâng Gáp, mâu lah bu leo khân ay may hăn ta bớh nắp mắt kôranh mắ uắnh, mâu lah mpôl bu ranh, lờih ôh khân ay may rvê moh nau i khân ay may ắch ngời, mâu lah moh nau i khân ay may ắch ớh ma nau khân păng ntôn.

¹²Yorlah ta mong i nắy Brah Huêng Ueh i kloh ueh mbớh ma khân ay may, moh nau i khân ay may ắch ngời.”

Nau ngời ntắt ma du huê bunuyh ndrắng

¹³Geh du huê bu klô ta phung bunuyh ắk nắy lah ma Brah Yêsu: “Hơih Nờm Nti, bớ hên lắ khắt jêh, đắ May mbớh ma nô gắp, đắ pắng pắ đắp ndr ớndr ắn ma gắp bắ ớ.”

¹⁴Brah Yêsu ớh ma pắng: “Bu moh đắ Gáp jan kôranh phat dôi h, mâu lah jêng bunuyh kớl pắ đắp ndr ắn ma khân may mêh?”

¹⁵Jêh ri Brah Yêsu lah ma phung bunuyh nắy: “Ắn nắrắng hắm, lờih ôh rvan kớnh geh ma đắp ndr. Bol lah bunuyh geh đắp ndr ắk rmeh, nau rêh pắng mâu ôh tă bớh đắp ndr ắk i nắy.”

¹⁶Jêh ri Brah Yêsu ngời nau ntắt ma khân pắng, Pắng lah: “Geh du huê bunuyh ndrắng, ta mir pắng ri geh ba jêng ueh ngắn, play rglet ngắn.

¹⁷Jêh ri pắng mắn êng ta sắk pắng nờm kớt nắđa: ‘Mắu hôm geh ôh ntắk ma đớ ba gắp i nắy tay, lah ndrỉ mớ m gắp jan?’

¹⁸Pắng mắn jắt: ‘Gáp jan kớt nắđa, rớih lờih jay ba ớm i nắy, jêh ri kớih jan ắn huy ắn kuắng ngắn, sớ ba, ndrỉl ma đắp ndr i gắp geh ri tồh bun ta ntắk jay ba mhe i nắy.

¹⁹Jêh ri gâp lah êng ma săk gâp nôm, gâp geh jêh ba bêng ba rhiăng dūt ők dja, ăn ma prăp sa jō năm jât năp, gâp gũ dôm, jêh ri mân ma sa kah lah rnglay hō’.

²⁰Tih ma Kôranh Brah lah ma păng: ‘Hơi bunuyh rluk, ta mănng dja ro, Gâp rhuăt lời huêng may. Lah ndri lě drăp ndr i may geh prăp i nây nơh, jêng bu moh ma ndr?’

²¹Tâm ban kơt nây đōng, lah bu moh joi prăk drăp ndr prăp ma săk păng nôm dôm, tih ma mâu gĩt ma ndr Kôranh Brah de đă.”

Lời rvê ma ndr sông sa, ndrêl ma ndr nsoh n'gut

(Mat 6:19-34)

²²Jêh ri Brah Yêsu lah ma mpôl oh mon Păng: “Kơt ndrri dăng Gâp mboh khân ay may, lời ôh rvê ma ndr sông sa ma siăm nau rêh, mâu lah bok ao ma nsoh n'gut săk jăn khân ay may.

²³Geh ndr êng jât ta nau rêh i geh nau khlay rlau ma ndr sông sa, geh ndr êng jât ma săk jăn i geh nau khlay rlau ma bok ao ma nsoh.

²⁴Lōng uănh ndăk, păng mâu tuch tăm, mâu kăch roi, mâu ôh geh đrōng mâu ôh geh jay ba, yơn ma Kôranh Brah măt siăm păng đōng. Lah ndrri lōng khân ay may i nây Kôranh Brah kơp geh nau khlay ők rlau ngăn ma đăh siăm och i nây.

²⁵Ta mpôl khân ay may i nây, bol lah khôm rvê dūt hô kăđôi lě, kô mâu geh ôh bunuyh ma dơi ntop nau rêh păng nôm ăn jong, để kô mâu dơi đōng.

²⁶Lah ndrri nau i dūt jě i nây, lah khân ay may jan mâu dơi đōng, mơm dăng hơm rvê ma nau abă êng jât?

²⁷Lōng khân ay may uănh kao si hon êng ta bri, păng mâu ôh rơah mâu ôh răngh jan kar, mâu lah rui tanh gay ma ueh uănh. Gâp mboh ma khân ay may, bol lah kăđăch Salômôn kăl e nơh, nôt păng nkrở săk jăn soh n'gut kho ao ueh, hơm mâu dơi ban ueh kao si du nkong dja đōng.

²⁸Hơi bunuyh geh nau nsing đẽ dơm, lah Kôranh Brah ăn jêh ma kao si i này ueh ngãn uãnh, nar dja pãng dang, nar ôi tay bu su lơi pãng ma ùnh, lah ndri Kôranh Brah ndrăp ăn kho ao ma khân ay may rlau bớh này jât.

²⁹Kốt ndri khân ay may i này lơi ôh mân rvê, lơi ôh joi ma ndơ sông sa ma ndơ nhêt dơm.

³⁰Geh mpôl i mâu iăt ma Kôranh Brah khôm nsrôyh joi dăng lể ndơ i này. Lõng i khân ay may này Bớ khân ay may nơm ta kalơ trôk ri, lể Pãng gít dadê jêh moh ndơ i khân ay may ê hỏ tống.

³¹Lah ndri nsrôyh joi, ndrel ma iăt lể ndơ Kôranh Brah ùch lor, ri mớ Pãng ăn ntop ndơ i này ma khân ay may đống.

³²Hơi mpôl jể Gập, lơi klach ôh, Bớ khân ay may nơm ta kalơ trôk ri maak ngãn măt uãnh khân ay may.

³³Tăch hồm đrăp ndơ khân ay may geh, pã ăn ma mpôl o ach. Ndri mớ khân ay may jêng rbũn đrăp ndơ i mâu blao ôm i mâu blao lể, rbũn đrăp ndơ prăp ma khân ay may nơm ta ntũk Kôranh Brah ta kalơ trôk ri, ntũk i này mâu ôh geh bunuyh ntũng, mâu ôh geh nchiär reh.

³⁴Njrăng hồm, ndơ i khân ay may ntrống khlay rlau bu, jêng ndơ i khân ay may mân rvê rlau bu đống .”

Nau ndrăp săk jăn

^{35.36}“Ăn khân ay may njrăng babớ hồm, kốp Gập plờ tay ta dja, tâm ban ma dâk gũ kốp kôranh khân pãng plờ sât bớh sa ndăp nôk măng. Khân pãng ndrăp săk jăn, ăn geh ùnh sagêng hit du năng raang đống, gay ma dơh pờk mpông ma pãng, ndrel ma gớnh jan kar ăn ma pãng ro.

³⁷Tăt kôranh sât ta ri, ueh ngãn ma dâk abă i pãng say hôm gũ rnegh kốp ta ri. Gập lah n'hêl nanể ngãn ma khân ay may, i kôranh này mra ăn dâk pãng ri gũ sông sa ta nsưng ro, i pãng nơm ri ndrăp săk jăn ma plăch sơm kớl jan kar ăn khân pãng i này.

³⁸Bol lah i kôranh pãng tăt n'gul măng, mâu lah kêng ang kađôi, hôm say dâk pãng hôm gũ rnegh kốp đống, dâk i này geh nau ueh ngãn ro.

³⁹Ăn khân ay may gít nau dja: Lah bunuyh tơm jay gít mong bu hăn ntũng, păng mâu ôh bok gor ăn bunuyh ntũng i này lăp ta jay păng.

⁴⁰Lah ndri ăn khân ay may gũ njrăng tâm ban đống, yorlah Gáp i Kon Bunuyh tă bớh Kôranh Brah plở văch, ta mong ngọt rngơi khân ay may mâu geh mân.”

Nau ngoi ntât ma dâk ueh, ndrel ma dâk mâu ueh

(Mat 24:45-51)

⁴¹Pêtrôs ôp Brah Yêsu: “Hơi Kôranh, nau May ngoi ntât dja đơn lah ma hên đơm, mâu lah ếch lah ma dăng lể bon lan đống?”

⁴²Brah Yêsu ơh ma păng: “Gáp mớh ma dăng lể bunuyh i tâm ban ma du huê dâk i geh nuih n'hâm sồng, ndrel ma lể blao ngăn. Kôranh jao păng mât uãnh dâk a êng ta jay này, ndrel ma ăn păng pã ndơ sồng sa tâm di mong ăn ma khân păng đống. Jêh ri kôranh hăn ta ntũk ngai jở nar.

⁴³Nôk kôranh păng sât tât ta jay ri, hôm say păng jan kar kớt này, dâk i này geh nau ueh ngăn ro.

⁴⁴Gáp mớh ngăn ma khân ay may, kôranh mra ăn dâk i này mât uãnh dăng lể ndơ kôranh geh.

⁴⁵Tih ma lah dâk i này păng geh lah êng ta nuih n'hâm păng nơm ri: ‘Kôranh gáp jở ngăn sât, păng mâu ôh gơnh sât’. Jêh ri păng ntơm rpăt mbang dâk a êng, ndâp ma bu ur đống bu klô đống, ndrel ma sồng sa nhêt ndrănh nhũl blâk blek.

⁴⁶Jêh ri i kôranh dâk i này plở sât tât ta ri, ta nar này dâk i này mâu ôh geh njrăng, ta mong này păng mâu geh gít đống. Kôranh nkrit păng ro, ndrel ma ăn păng gũ ta ntũk dăng lể bunuyh i mâu geh đống jan kar ăn sồng.

⁴⁷Bu moh dâk i lể gít năl nuih n'hâm kôranh păng nơm ếch, tih ma mâu ndrăp săk jăn, ndrel ma mâu jan tâng nuih n'hâm kôranh ếch, dâk i này mra mập mống ốk ngăn.

⁴⁸Yơn ma dâk i mâu gít năl nuih n'hâm kôranh ri, păng geh jan tih đống, tih ma mập mống để đả đơm. Yơn ma bu moh i bu ăn ndơ ốk, bu mra dẫn tă

bơh bunuyh i nây ők đống. Bu moh i bu jao jan kar kuống, bu mra ôp bơh păng i nây lơ hô ők jât.”

Nau tâm nkah phung yor ma Brah Yêsu

(Mat 10:34-36)

49Brah Yêsu lah jât: “Gâp văch gay ma leo ũnh dōh ta neh ntu. Gâp ũch ngănh lah say ũnh i nây lể hit.

50Hôm đễ nar jât năp tay Gâp geh nau krit jêr hô ngănh, ndr i nây jêng du ntil bắptem ma Gâp, ta nuh n'hâm Gâp rngot hô ngănh tât ma nau i dja jêh lể phiao.

51Lơi ôh khân ay may mân Gâp văch gay ma leo nau đăp mpăn ta neh ntu dja, mâu di ôh, văch gay ma leo nau tâm nkah mpôl.

52Ntôm bơh nar dja jât năp, ntât lah geh du mlôm jay, geh bunuyh prăm nuyh, bunuyh prăm nuyh i nây mra tâm nkah mpôl, pe nuyh tâm nkah mpôl đah ma bar hê, bar hê tâm nkah mpôl đah ma pe nuyh

53‘Bở tâm nkah mpôl đah kon bu klô, Kon bu klô tâm nkah mpôl đah bở, Mễ tâm nkah mpôl đah kon bu ur, Kon bu ur tâm nkah mpôl đah mễ, Po bu ur tâm nkah mpôl đah măn, Măn tâm nkah mpôl đah po bu ur’ .”

Nau khlay ăñ gít vât ma rnôk

(Mat 16:2-3)

54Brah Yêsu lah ma phung bon lan đống: “Dôl khân ay may say tũk brố mpeh bơh nhốp nar ri, khân ay may lah ro: ‘Bơi ũch mih jêh’, ndr geh mih ngănh ro.

55Lah khân ay may say geh sial khôm tă mpeh bơh đống ri, khân ay may lah: ‘Nar dja hô dōh’, păng geh dōh ngănh ro .

56Hơi bunuyh jan iăt nau Kôranh Brah đơm, khân ay may blao mbên trôk, ndrel ma blao mbên neh, lah ndr mớ m dăng mâu gít vât ndr i Kôranh Brah jan ta nôk abơ dja?”

Nau khlay ăñ bunuyh tâm di ê lor ma nar Kôranh Brah phat dōih

(Mat 5:25-26)

⁵⁷“Jêh ri mớ̄m dāng khān ay may māu geh nklǒn êng ta sǎk khān ay may nớ̄m, i nau khān ay may jan di?”

⁵⁸Lah khān ay may hǎn jāt nhīh phat dōih ri, dōl khān ay may hǎn rǒ trong ndrel bunuyh i khān ay may geh nau nāy, ǎn khān ay may tâm dǎn nau yǒ bǎl, klach lah bu njǔn khān ay may jāt kōranh phat dōih, kōranh phat dōih i nāy njǔn ma kōranh ndrung, jêh ri kōranh ndrung i nāy krǔng khān ay may ta trôm ndrung ro.

⁵⁹Gâp mớ̄h ma khān ay may, lah māu rāng jan dōih ǎn bu, khān ay may māu dōi ôh lôh bớ̄h ntǔk nāy.”

Luka 13

Nau khlay ma rgâl nuīh n'hâm djơh

¹Ta ntǔk nāy đōng, geh bunuyh ǎbǎ ta phung i nāy mớ̄h ma Brah Yêsu ma nau kōranh Pilat de jan, khān pǎng lah: “Hơi Kōranh, geh mpôl Galilê Pilat de nkhât khān pǎng ta jǒng gung nhīh jan brah ma Kōranh Brah, ta ntǔk nāy khān pǎng hōm e jan brah, ndrī mham khān pǎng hoch lai đah mham mpômpa (siǔm) i khān pǎng jan brah nớ̄h.”

²Brah Yêsu ớ̄h ma khān pǎng: “Ah khān ay may mân mpôl Galilê i nāy geh nau tih ố̄k rlau ma đah phung Galilê êng êng bớ̄h, dāng geh ma khān pǎng khât djơh kớ̄t nāy?”

³Gâp mớ̄h ma khān ay may, māu di ôh! Lah khān ay may māu geh rgâl lơi nuīh n'hâm djơh, khān ay may mra roh hêng tâm ban ma khât bu i nāy đōng.

⁴Lah ndrī ǎn khān ay may kah gít nôk du mlǒm jay prêh rnhā Silom ta bon kuǒng Yêrusalem, jay i nāy nklǒn bunuyh 18 nuyh khât. Ah khān ay may mân khān pǎng i nāy yor ma geh nau tih ố̄k rlau ma bunuyh ǎbǎ êng ta bon Yêrusalem bớ̄h?

⁵Māu di ôh! Gâp mớ̄h ma khān ay may, lah khān ay may māu geh rgâl lơi nuīh n'hâm djơh, khān ay may tay roh hêng đōng.”

Nau ngoi ntât ma tơm Rvi māu geh play

⁶Jêh ri Brah Yêsu ngòi nau ntât dja lah: “Geh du huê bu klô tằm du tơm Rvi ta mir păng nơm. Ấp năm tât khay geh play bunuyh i tơm mir i nây gay ma pẽ play bớh tơm Rvi i nây mâu ôh say geh play.

⁷Jêh ri păng lah ma bunuyh mât mir nây: ‘Hơi may, tơm Rvi dja lẽ pe năm jêh gập gay ma pẽ play, mâu ôh say play. Kăl m̄bă̄r lơi dôh, moh jan rong huach dờm neh!’

⁸Jêh ri bunuyh i mât mir nây lah: ‘Hơi kôranh, may rong păng hôm du năm jât, kốp gập nsơr neh, tẽ ăch ndrôk bốt.

⁹Nkhêp lah năm bớh nấp tay play. Lah mâu say play đổng dăng geh ma kăl lơi păng!’”

Brah Yêsu jan bah bu ur đũn chor kuyh

¹⁰Geh du nar ri, jêng nar Sabăt i nar phung Israel rlu buay jan kar, Brah Yêsu gũ nti bu ta nhìh r̄bũn phung Israel ri.

¹¹Ta ntũk nây geh du huê bu ur brah djơh lơh păng, lẽ jở 18 năm hơi, chor kuyh păng đũn, dâk sỡng mâu blao ôh.

¹²Dôl Brah Yêsu say bu ur i nây, Păng kuăl bu ur i nây văch dăch, jêh ri lah ma păng: “Nau đũn chor kuyh ay lẽ bah jêh.”

¹³Brah Yêsu tẽ ti kalơ săk păng ri, jêh ri bu ur i nây dâk sỡng bah ndal ta nây ro, nkre ma păng rnê ma Kôranh Brah đổng.

¹⁴Tih ma bunuyh i mât uănh nhìh r̄bũn nây, say Brah Yêsu jan bah bu ta nar Sabăt, păng ji nuih ngăn. Păng lah ma phung bon lan i nây: “Geh prao nar dơi jan kar, lah ndrì khân ay may hăn ta nar i nây dô, lah ũch jan bah nau ji, lơi ôh hăn ta nar Sabăt.”

¹⁵Brah Yêsu lah ma bunuyh i mât nhìh r̄bũn nây: “Hơi bunuyh jan iăt nau Kôranh Brah dờm! Ah dăng lẽ khân may ơm mâu lah droh ndrôk, seh lia, bớh ndrung n'gar leo ăn păng nhêt dak ta nar Sabăt heh? Nđơ i nây jan kar đổng.

16Bu ur dja kon sau Abrahăm i che phung bân đōng. Satăng i kôranh mpôl brah djơh kât păng lě jō 18 năm ngă, lah ndri Gâp rklaih păng ta nar Sabăt ơm mâu di bah?”

17Jêh Brah Yêsu ngơi nây, đit prêng dadê ngă lě bunuyh i tâm rdâng đah Păng ri nơh. Lōng i ðon lan ri bu geh nau răm maak ngă ma lě nau dơi nau ueh Brah Yêsu jan i nây.

Nau ngơi ntât ma găr si dũt jễ, ndrel ma ndrui

Nau ngơi ntât ma nau Kôranh Brah mât uănh bunuyh
(Mat 13:31-33; Mar 4:30-32)

18Jêh ri Brah Yêsu lah: “Moh ndr dơi tâm ntât ma nau Kôranh Brah mât uănh? Lah ndri moh ndr Gâp jan gay ma dơi tâm rdâl ma nau Kôranh Brah mât uănh bunuyh nây?”

19Nau Kôranh Brah mât uănh bunuyh, jêng tâm ban ma găr si du ntil dũt jễ, geh du huê bu klô tăm ta mir păng nơm ri. Găr si i nây hon jêng tơm si dũt kuông, jêh ri n'ho ma geh siũm jan rsuăn ta n'ging nây đōng.”

20Brah Yêsu lah jât: “Lah ndri moh ndr êng jât Gâp ntât gay ma dơi tâm ban ma nau Kôranh Brah mât uănh nây?”

21Nau Kôranh Brah mât uănh bunuyh, jêng tâm ban ma ndrui du mlôm, du huê bu ur sỏ pot lai ndrel rnih Ba Prăng, păng tễ dak mpiăch ăn tâm lăp bảl gay ma jan nũmpăng, tât jō du mong bar mong bớh kơi nây, dăng lě ndr i nây lơ ma kuông lơ ma kuông.”

Nau ntât ma mpông huêt

(Mat 7:13-14, 21-23)

22Jêh ri Brah Yêsu hăn rbōng jât ðon kuông Yêrusalem, Păng hăn glăt rỏ ðon kuông, rỏ ðon jễ êng êng, n'ho ma ntũm nti bu đōng.

23Ta du ðon geh du huê bu klô ôp Păng: “Hơi Kôranh, bunuyh i geh nau rklaih geh đễ dơm bah?” Brah Yêsu ơh ma păng:

24“Trong ta nau rklaih tâm ban ma mpông jay huêt, lah ndri ăn khân ay may nsrôyh lăp rỏ mpông jay huêt i nây. Gâp mớh ma khân ay may, geh ỏk bunuyh ứch lăp, tih ma mâu dơi ôh.

²⁵Geh du huê tơm jay, tăt du nar păng dāk rđăng lơi mpông, khân ay may gũ bớh dih mpông ri, ntơm kuăl păng: ‘Hơi kôranh! Hơi kôranh! Pở mpông ma hên bả ơ’. Păng i tơm jay nây ơh ma khân ay may lah: ‘Mâu ôh, gập mâu ôh gĩt năl khân ay may i nây bớh tă!’

²⁶Jêh ri khân ay may mbớh tay ma păng đống: ‘Moh nớh! Hên vay gũ sông sa ndrel may nớh hơ, may vay ntũm nti hên rỏ bon đống’.

²⁷Păng lah ma khân ay may: ‘Hơi mpôl jan kar kue, du ngai bớh gập hỏm! Gập mâu ôh gĩt năl khân ay may i nây bớh tă!’, Gập tâm ban ma tơm jay i nây.

²⁸Jêh ri khân ay may geh nau nhiăng nhũm, ndrel ma rchiăt sêk, dôi khân ay may say mpôl che khân ay may Abrahăm, Isăk, ndrel ma Yakôp, jêh ri ndrel ma bunuyh ntỡh nau ngơi Kôranh Brah kăl e nớh gũ ta nau Kôranh Brah măt uănh nây, tih ma i khân ay may nây Kôranh Brah ntlới lơi bớh dih ri.

²⁹Geh bunuyh i tă bớh ăp njônhi bri, khân păng mâu ôh di phung Israel, gũ nhêt sông sa ndrel ta ntũk bri kađăch Kôranh Brah ri đống.

³⁰Lỏng bunuyh i bớh kới plăch bớh năp, bunuyh i bớh năp plăch bớh kới chrao, geh bunuyh abă ta neh ntu dja bu gĩt khân păng geh nau khlay ngăn, yờn ma ta jăt năp tay mâu ôh geh nau khlay, tih ma geh bunuyh abă êng jăt ta neh ntu dja bu gĩt khân păng mâu ôh geh nau khlay, yờn ma ta jăt năp tay nkhờng ma geh nau khlay.”

Brah Yêsu geh nau rngot ma bon kuống Yêrusalem

(Mat 23:37-39)

³¹Ta nôk nây geh phung Pharisi abă hăn mập Brah Yêsu, jêh ri lah ma Păng: “May du bớh ntũk dja hỏm, kôranh măt uănh Hêrôt-Ổntipas ũch nkhăt May.”

³²Brah Yêsu lah ma phung i nây: “Păng mâu ôh geh nau dời ma Gập, hăn khân may mbớh ma păng i bunuyh tâm ban ma so bri i nây, nar dja, nar ôi tay, Gập hỏm ntrũt brah djớh, ndrel ma jan bah bunuyh ji, tăt nar ôi klak Gập jan kar Gập dja tăt jêh.

³³Yơn ma nar dja, nar ôi tay, ndrel ma nar ôi klak, iăt ma Gáp hăn rồ trong, Gáp hăn tăt ta ðon kuống Yêrusalem, yorlah mâu di ôh ma bunuyh ntøyh nau ngời Kôranh Brah khăt bớh dih ðon i này.

³⁴Hơi bunuyh ta ðon Yêrusalem, bunuyh ta ðon Yêrusalem, khân ay may lẽ nkhăt jêh bunuyh ntøyh nau ngời Kôranh Brah kăl e nớh, sỏ lủ ntúp nkhăt lới i bunuyh Kôranh Brah ðă hăn nti khân ay may. Yơn ma lẽ ðabớ ngăn Gáp ứch rgum khân ay may, tâm ban ma me iărtük kon ăn gủ gum ta nâm nar păng, tih ma khân ay may mâu ứch ôh.

³⁵Gáp mớh ma khân ay may, Gáp hăn a khân ay may hôm du tớ đơm, jêh ri tay khân ay may mâu hôm ôh say Gáp jăt. Uănh ðon khân ay may tay Kôranh Brah ntłới ngăn, n'ho ma tăt mong khân ay may lah ma Gáp: ‘Đăn Kôranh Brah ăn nau geh jêng ma Bunuyh dja, i Kôranh Brah de ðă văch ’.’”

Luka 14

Brah Yêsu jan bah bunuyh ji ta nar Sabăt

¹Geh du nar jêng nar Sabăt, Brah Yêsu hăn sông sa ta jay du huê kôranh phung Pharisi. Tăt ta này lẽ mpôl i gủ ta jay này kốp rmiăng uănh Brah Yêsu.

²Ta này say du huê bunuyh ji pũk ji môr, gủ bớh năp Brah Yêsu ri.

³Jêh ri Brah Yêsu ôp phung nớm nti nau vay phung Israel, ndrel ma phung Pharisi: “Tâng ma nau vay phung bân, ah di đống bớh, jan bah bunuyh ji ta nar Sabăt i nar gủ rlu buay jan kar?”

⁴Lẽ khân păng ri gủ iăt săk răk klăk đơm, mâu ôh du huê ngời, jêh ri Brah Yêsu kuănh bunuyh i này jan bah nau ji, ðă păng săt a ri.

⁵Jêh ri Brah Yêsu lah ma khân păng i này: “Ta phung khân may, lah geh kon bu klô, mâu lah ndrôk khân may tũp ta trôm ntu dak ta nar Sabăt, lah ndrôm mâu lah khân may sỏ păng bớh? Nđơ i này jêng jan kar đống.”

⁶Khân păng mâu ôh blao ơh nau i này ma Brah Yêsu.

Lới joi ntũk i bu lư

⁷Brah Yêsu say mpôl bu năch kớih ntũk gủ bu lư, jêh ri Păng ngời nau ntăt ma mpôl i này:

⁸“Lah geh bu kuäl khân may lăp nhêt sông ta ntük tâm ndăp du ntük, lơi khân may gũ ôh ta ntük bu rong ăn ma bu têh bu kuông, nhêp lah geh păng kuäl đổng bu i kuông rlau may.

⁹Lah bunuyh i tơm tâm ndăp nây, păng kuäl may, ndrel ma kuäl bunuyh i kuông rlau may đổng, păng mra lah ma may: ‘Dăn ntük i dja ăn ma bunuyh i dja’ ro. Jêh ri may plăch gũ bớh kới dút bu ri, ta mong i nây may geh nau đit prêng bu dút hô.

¹⁰Lah ndri, ăn khân may gũ bớh kới dút bu ri bốt, kốp păng nơm i tơm tâm ndăp nây lah: ‘Hơi jăng, hăn gũ a ntük i ueh i bu lư a năp dja hồm’, i nây jêng nau bu yớk ma may ma lể bu i gũ sông sa ndrel ta nây.

¹¹Bu moh i n'hao êng săk păng nơm, Kôranh Brah njữ lơi păng, yớn ma bu moh i njữ êng săk ứch iăt păng, Kôranh Brah sớm n'hao păng.”

Ăn kuäl bunuyh o ach lăp sông sa ndrel

¹²Jêh ri Brah Yêsu lah ma bunuyh i tơm jă Păng nhêt sông i nây: “Lah may ndrăp nau nhêt sông, n'gul nar, mâu lah kêng măng, may lơi jă ôh măt jăng, oh nô, bảl mpôl, mâu lah bunuyh chiaio meng i geh đrăp ndr ốk, yorlah mpôl i nây plớng jă may dơi, lah ndri lể geh bu trở ma may jêh.

¹³Yớn ma lah may ndrăp nau nhêt sông, ăn may jă phung o ach, phung lút jống ti, phung kuet rven, ndrel ma phung cheh măt hỏ.

¹⁴Kớt ndri Kôranh Brah ăn nau geh jêng ma may ro, yorlah dăng lể bunuyh i nây, khân păng mâu ôh dơi plớng jă may đổng, yớn ma Kôranh Brah đơm sớm plớng trở ăn ma may, tăt ma păng ăn bunuyh sông srăng dăk rêh tay.”

Nau ngoi ntăt ma bunuyh o ach trở lăp nhêt sông

Brah Yêsu nti, geh ốk bunuyh dun mâu tâng nau Kôranh Brah kuäl
(Mat 22:1-10)

¹⁵Jêh Brah Yêsu ngoi nây, du huê bu klô i gũ sông sa ndrel, păng lah ma Brah Yêsu: “Ueh maak ngăn ma bunuyh i gũ sông kuông nhêt kuông ndrel ta bon ueh Kôranh Brah.”

¹⁶Yớn ma Brah Yêsu lah nau ngoi ntăt ma păng: “Geh du huê bu klô ndrăp nau nhêt sông dút kuông, jêh ri păng jă bu năch ốk ngăn.

¹⁷Tât di mong nhêt sông i này, păng đã dâk păng ri hăn mboh bu lah: ‘Hăn hõm! Piăng trao ndrăp lě jêh lě phiao’.

¹⁸Tih ma dâng lě bu năch i này rlăch dadê, păng i boh năp ri lah nđa: ‘Gâp mhe rvăt mir du lôk, abao’ ri gâp ũch hăn uănh ngăn ro, gâp dăn dôih ma kôranh may hay’.

¹⁹Păng i du huê jât lah nđa: ‘Gâp mhe rvăt jât ở ndrôk nkuông, gâp ũch rlong tể păng, gâp dăn dôih ma kôranh may hay’.

²⁰I du huê ri jât lah nđa: ‘Gâp mhe nđăp mê, kơt ndri dâng gâp mâu geh hăn sông sa ndrel’.

²¹Dâk i này plở mboh ma kôranh ri tâng nau i này. Jêh ri kôranh i này ji nuh hô ngăn, lah ma dâk păng ri: ‘Brổ ăn gơnh hõm, rỏ trong kuông trong jể, ta bon kuông dja, jă leo phung o ach, phung lăt jông ti, phung kuet rven, phung cheh măt hăn nhêt sông ta dja’.

²²Jêh jan kơt này, păng mboh ma kôranh păng: ‘Hơi kôranh! Lě jêh gâp jan tâng nau may đã này, yơn ma ntũk hôm e rmeh đong’.

²³I kôranh này đã jât: ‘Hăn brổ rỏ trong rỏ mir, nchâp đã bu hăn ăn bêng jay gâp.

²⁴Khân ay may iăt nau gâp lah, lě bunuyh i lě jêh gâp jă nơh, gâp mâu hôm ôh ăn du huê chõk piăng trao gâp!’”

Nau jêng oh mon Brah Yêsu ngăn

(Mat 10:37-38)

²⁵Geh ők bunuyh brổ tâng Brah Yêsu. Păng n'gâl jât phung i này, jêh ri lah ma khân păng:

²⁶“Lah bu moh ũch tâng Gâp, tih ma mâu rông Gâp rlau đah nau păng rông mẽ bở, ur kon, oh nô oh nur, bol lah đah nau rêh păng nơm kađôi, bunuyh i này jan oh mon Gâp mâu dơi ôh.

²⁷Jêh ri bu moh i mâu tui si tâm rkăng păng nơm brổ tâng Gâp, jêng geh nau khlay mâu iăt dâng lě nau Kôranh Brah đã bol lah tât khăt săk kađôi, bunuyh i này mâu dơi jan oh mon Gâp đong.

²⁸Lah khân ay may ùch tâng Gâp, ăn khân ay may gít n'hêl lor. Kơt ndri lah geh du huê bunuyh ùch jan jay kuông, păng gũ mân lor mớ, dah ők lể huach jan, dah ők geh prăk ta săk păng nờm ri gay ma gít jan jêh, mâu lah mâu jêh.

²⁹Klach lah tể meh jêh lể phiao, tih ma jan mâu dơi jêh. Kơt ndri bu moh i say, bu gờm mưch

³⁰kơt nđa: 'Păng dja jan jay, tih ma mâu dơi jêh hiah!'

³¹Mâu lah, lah geh du huê kađăch, jêh ri păng ùch tâm lơh đah du huê kađăch êng, lah ndri kađăch i nây gũ mân tâm nchră lor mớ, lah păng geh taken 10000 nuyh đờm, dơi tâm rdâng đah kađăch i leo taken 20000 nuyh nây lah mâu.

³²Lah păng gít lah mâu dơi ro, păng đă bunuyh sớm ntang păng brổ ôp, mớm jan gay ma geh nau đăp mpăn, dôi kađăch i nây hôm e ngai.

³³Kơt ndri ta phung khân ay may nây, bu moh i mâu dơi bah ma dâng lể đrăp nớ păng nờm geh, bunuyh i nây mâu ôh dơi jan oh mon Gâp."

Lời ăn roh kah boh

(Mat 5:12; Mar 9:50)

³⁴"Boh jêng du ntil nớ tể trao ma kah ngăn, lah boh i nây mâu hôm geh kah, mớm hôm blao jan gay ma ăn plở kah jât?

³⁵Păng mâu hôm ôh geh nau khlay jât, bol lah sớ pot lai ma neh, mâu lah ma ăch ndrôk mâu hôm geh nau khlay đống, phalah ma nkhút m̄băr lời bớh dih đờm. Bu moh geh tôr ma iăt, ăn iăt dôi!"

Luka 15

Nau ngời nât be biăp roh

(Mat 18:12-14)

¹Jêh ri geh du nar, geh mpôl kớp sớ prăk bớh bu ma ăn kờnhan mât uănh, ndrel ma bunuyh i bu kớp jêng bunuyh tih, ran văch ta Brah Yêsu ri dadê, gay ma iăt nau Păng ngời.

²Jêh ri phung Pharisi, ndrel ma phung nôm nti nau vay phung Israel, khân păng ngời bũk ngời suih lah: “Lõng Păng i này rom bunuyh tih, sông sa ndrel khân păng đống!”

³Jêh ri Brah Yêsu lah ma khân păng ma nau ngời ntât:

⁴“Ntât lah ta phung khân may, bu moh geh be biăp 100 jêh ri roh du mlôm, păng mra ntlọi be biăp 99 i này ta bri rdah, jêh ri hăn joi ngăn joi ngăn du mlôm be biăp i roh này ăn tât say ro.

⁵Tât say ri, păng răm maak ngăn, pư be biăp i này tể ta mlik păng nôm ri, jêh ri plở sât tay ta ntũk i này.

⁶Sât tât a jay păng nôm ri, păng kuăl mât jăng păng, ndrel ma oh nô chiao meng, mbọh ma khân păng: ‘Hơi khân ay may kơl răm maak ndrel gáp hồm, yorlah be biăp gáp i roh nơh lể say jêh’.

⁷Gáp mbọh ma khân may, geh nau răm maak hô ngăn ta kalơ trôk ta ntũk Kôranh Brah nôm, ma du huê bunuyh tih rgâl lơi nuih n'hâm djơh, rlau ma bunuyh sông 99 i mâu hôm khăch rgâl nuih n'hâm djơh.”

Nau ngời ntât ma prăk kăk roh

⁸Brah Yêsu ngời du nau ntât jât: “Ntât lah, lah geh du huê bu ur geh jât mlôm prăk kăk, jêh ri roh du kăk, păng mra mpêh ndök mrôm, mpêh ùnh ngaang rồ pũng rồ njôn̄h joi rmiăng ăn tât say ro.

⁹Tât ma say ri, păng kuăl mât jăng păng, ndrel ma oh nô chiao meng, mbọh ma khân păng: ‘Hơi khân ay may kơl răm maak ndrel gáp hồm, yorlah prăk gáp i roh nơh lể say jêh’.

¹⁰Gáp mbọh ma khân may, tông păr Kôranh Brah geh nau răm maak dũt hô, yorlah geh du huê dơm bunuyh tih lể rgâl lơi nuih n'hâm djơh.”

Nau ngời ntât ma kon mpüt roh, ndrel ma nô păng

¹¹Brah Yêsu lah jât: “Geh du huê bunuyh geh bar hê kon bu klô.

¹²Geh du nar, i kon mpüt này lah ma bở păng: ‘Hơi bở, đã may pã drăp ndr khlay i may ũch pã ăn ma gáp nôk may khât, may pã hồm ăn gáp abaọ dja

ro. Gâp mâu ũch ôh kôp tât may khât'. Jêh ri i bở ri pã drăp ndr khlay ăn ma lể bar hê kon nây ro.

¹³Tât bar pe nar bớh kới nây, i kon mpút ri păng tách dâng lể drăp ndr păng nờm, jêh ri ndjôt prăk hăn jât bri ngai. Ta bri i nây păng dờ nhrih (mbih mbeh), prăk păng nờm tât lể.

¹⁴Tât ma lể prăk ri, lống ta bri i nây ntóm geh nau ji sôt ji ngot dút hô, i păng nờm ri lể o ach đống.

¹⁵Jêh ri păng hăn dẫn gũ jan kar bu du huê ta bri nây, bu đã păng mât sữr phung rỏ mir.

¹⁶Păng ũch ngăn ma mpa bu ăn sữr sa gay ma bah ji ngot, tih ma mâu geh ôh bu ăn păng sa.

¹⁷Tât du nar păng kah gít sắk, păng mân êng ta sắk păng nờm ri: 'Dâng lể bunuyh jan kar ma bở gâp geh ndr sông sa tống rmeh, lống gâp gũ ta dja tách proch ũch ma khât ngăn ro.

¹⁸Gâp plở sắt ma bở horyh, mớh ma păng: 'Hơi bở, kon jan tih ma Kôranh Brah, jêh ri jan tih ma may đống.

¹⁹Gâp dja mâu hôm ôh di may kuăl jêng kon may jât bở, dẫn may kớp gâp jêng bunuyh jan kar ma may đờm hỏ".

²⁰Jêh mân kớt nây păng dắk sắt ma bở păng ro. Păng hăn rỏ trong bở păng say hôm ngai, tât ma say bở păng yỏ ndach hô ngăn, nchuăt ran ut i kon ri.

²¹Jêh ri i kon ri mớh ma bở: 'Hơi bở, kon jan tih ma Kôranh Brah, jêh ri jan tih ma bở đống, gâp dja mâu hôm ôh di may kuăl jêng kon may jât, bở'.

²²Jêh ri i bở nây mớh ma dắk păng: 'Hăn sỏ bok ao i dút ueh ăn gớnh, nsoh ăn ma kon gâp dja, jêh ri sỏ rgên, ndrel ma ntô jot sỏm ntrúp ăn păng đống, gay ma nhỏ păng jêng kon gâp ngăn ro.

²³Jêh ri sỏ kon ndrôk i pêt êng nớh lách gũch nhêt sông sa ăn maak,

²⁴Yorlah kon gâp nơh tâm ban ma khât, abao' dja păng lě rēh jât, păng nơh roh, abao' dja lě gâp say đōng'. Jēh ri khân păng leo bảl nhēt sông sa maak ngăn.

²⁵Nôk nây i kon bôk dak ri gũ a mir. Tât păng sât bơi tât a jay, tăng nteh gong gờ, ndrel ma rôm mpro',

²⁶păng kuăl du huê dâk ôp: 'Moh ndơ jan nây?'

²⁷Dâk i nây mbơh ma păng: 'Oh may lě sât. Bở may đã bu lăch gũch kon ndrôk i bân pēt nơh, yorlah kon păng plở sât geh nau ueh lăng'.

²⁸Kon bôk dak i nây ji nuih rmao ngăn, mâu ừch ôh lăp trôm jay, jēh ri i bở ri lôh a dih dja bonh đã păng lăp.

²⁹Păng ơh ma i bở: 'Gâp gũ ndrel may lě jô năm ngăn, mâu ôh rlau bở mbung may, jēh ri bol lah i kon be may mâu ăn ma gâp, gâp be ma lăch gũch nhēt sông sa ndrel mât jăng, du mlôm mâu ơm.

³⁰Lông i kon may i nây, păng dờ nhrih (mbih mbeh), lě đrăp ndơ may, sỏ đōng gũ đah bu ur êng êng, yơn ma tât ma păng plở sât may lăch kon ndrôk i pēt ăn ma păng ro'.

³¹I bở ơh ma păng: 'Hơi nô, may gũ ndrel gâp mro, lě ndơ gâp hôm geh nơh jēng ndơ may đōng.

³²Yorlah oh may i nây nơh tâm ban ma khât, abao' dja lě rēh jât, păng nơh roh, abao' dja lě bân say đōng, lah ndrì ăn bân nhēt sông sa maak'."

Luka 16

Nau ngơi ntât ma bunuyh mât uănh kue

¹Jēh ri Brah Yēsu lah ma mpôl oh mon Păng: "Geh du huê bunuyh ndrōng, păng ăn du huê bunuyh jan kar mât uănh đrăp ndơ păng. Jēh ri geh bu brỗ mbơh ma bunuyh ndrōng i nây lah, bunuyh i mât uănh i nây dờ nhrih (mbih mbeh) đrăp ndơ păng dũt hô.

²Jēh ri bunuyh i ndrōng kuăl bunuyh i mât uănh i nây lah: 'Lông may nkoch ma gâp i đrăp ndơ gâp may mât uănh, moh ndơ lě geh abao' dja? Yorlah lě

nau gáp tăng bu nkoch ma may mâu ôh geh nau ueh, ndri may mâu hôm ôh mât uảnh drăp ndr gáp jât’.

³Bunuyh i này nklôn êng ta săk păng nơm ri: ‘Bah kôranh mâu ôh ăn gáp mât uảnh drăp ndr păng jât. Lah ndri moh ndr jan gáp i ri tay? Lah pők neh hõ mâu dơi, lah dẫn bu hõ đit.

⁴Ô! Gít hoyh, gáp mra jan kơt nđa, gay ma bu rom gáp gũ ta jay khân păng, lah păng mâu hôm ăn gáp jan kar dja tay’.

⁵Jêh ri păng kuăl dâng lě bunuyh i hôm rnon đah kôranh păng ri nơh, ăn lăp du huê du tở, păng ôp bunuyh i bớh năp ri: ‘Dah ők may hôm rnon ma kôranh gáp mêh?’

⁶Bunuyh i này mớh ma păng: ‘Hôm ngi 100 yăng dũng yăng kreng’. Păng lah ma bunuyh i này: ‘Sõ ngăch hõm sambũt rnon may nchih tể lah 50 yăng dũng yăng kreng hõ’.

⁷Jêh ri păng ôp du huê bunuyh jât: ‘May dah ők hôm rnon ma kôranh gáp mêh?’, bunuyh i này mớh ma păng: ‘Hôm ba 100 sah’. Păng lah ma bunuyh i này: ‘Sõ sambũt rnon may hõm nchih tể lah 80 sah hõ’.

⁸Jêh ri i kôranh ri rnê ma bunuyh mât uảnh kue i này, yorlah păng blao gít mân ngăn. Ndri bunuyh mâu iăt nau Kôranh Brah blao rlau bunuyh iăt, yorlah khân păng blao joi sa, gay ma geh nau rêh ueh ta neh ntu dja. Yơn ma bunuyh iăt nau Kôranh Brah mâu ôh blao kơt khân păng gũ rêh gít ma nau rêh ueh ta nar jât năp tay.”

Nau dõng drăp ndr ta neh ntu dja

⁹“Gáp mớh ma khân ay may, nôk khân ay may hôm gũ ta neh ntu dja, pă drăp ndr khân ay may nơm jan mât jăng ndrel bunuyh ők, gay ma tăt khân ay may khât săt bon ueh ta kalơ trôk ri, mât jăng khân ay may này rom gũ ndrel n'ho ro.

¹⁰Bu moh sõng ma jan ndr jể, păng sõng ma jan ndr kuõng đõng. Bu moh kue ma jan ndr jể, păng kue ma jan ndr kuõng đõng.

¹¹Lah ndri, lah khân ay may mâu sồng ịch sa nsiăn ma đrăp ndrơ khân ay may nơm ta neh ntu dja, Kôranh Brah mâu ôh ăn ma khân ay may đrăp ndrơ i geh nau khlay ngăn ta bon ueh ta kalơ .

¹²Lah khân ay may mâu sồng ma đrăp ndrơ bu êng, mơm Kôranh Brah dơi ăn đrăp ndrơ ma khân ay may ta bon ueh ta kalơ?

¹³Mâu geh ôh du huê bunuyh dơi jan kar ăn ma bar hê kôranh, yorlah păng mra rông ma du huê kôranh, jêh ri biãnh ma du huê kôranh i êng, mâu lah tâng jât du huê, mưch i du huê i êng ri. Kơt ndri khân ay may yơk mbah ma Kôranh Brah đống, yơk mbah ma đrăp ndrơ ta neh ntu đống mâu dơi ôh.”

Nau vay phung Israel, ma đah nau Kôranh Brah mật uãnh bunuyh

(Mat 11:12-13; 5:31-32; Mar 10:11-12)

¹⁴Geh phung Pharisi tăng nau ngơi kơt này, khân păng gơm mưch ma Brah Yêsu, yorlah khân păng nơh rông ma prăk ngăn.

¹⁵Brah Yêsu lah ma khân păng: “Khân may jêng phung ịch jan sồng ăn mắt bunuyh say, yơn ma Kôranh Brah lể gít jêh nuih n'hâm khân may. Geh ők ndrơ i bunuyh kơp khlay, tih ma Kôranh Brah biãnh ngăn ndrơ i này.

¹⁶Sambăt Nau Vay phung bân, ndrel ma sambăt bunuyh ntơyh nau ngơi Kôranh Brah kăl e nơh, dâng lể ndrơ lể geh nchih ta này Kôranh Brah ăn phung bân iăt, n'ho ma tât Yôhan-Baptem ntơm ntũm nti bu. Tă bơh Yôhan-Baptem i này Gập mbơh nkoch nti nau mhe mhan ueh ma nau Kôranh Brah ịch mật uãnh bunuyh. Ăn dâng lể bunuyh nsrôyh gay ma Kôranh Brah mật uãnh ma khân păng.

¹⁷Yơn ma nau vay phung bân i Kôranh Brah ăn mâu ôh dơi rgâl. Trôk, ndrel ma neh ntu blao roh, yơn ma ta nau vay i này bol lah ta nau i dũt jể kăđôi mâu ôh blao roh.

¹⁸Ntât lah bu moh ntơi ur, jêh ri sỗ tay ur êng jât, bu klô i này jêng bunuyh lôm ur. Bu moh sỗ ur đah bu ur sai ntơi, bu klô i này jêng bunuyh lôm ur đống .”

Bu klô ndrông, ndrel ma Lasar

¹⁹Jêh ri Brah Yêsu ngời jât: “Geh du huê bu klô ndrông, păng nsoh n'gut ma bok ao i ueh ueh ngăn, sô bớh bok sut bok hul, păng gũ rêh maak ngăn sông sa piăng trao kah ngăn ők rmeh ăp nar.

²⁰Geh đống du huê bu klô o ach rnha păng Lasar, lam sắk jăn păng geh sôt grayh dadê, bu leo păng ăn bêch ta bôk mpông jay bunuyh ndrông i này.

²¹Păng ứch ngăn sa piăng ndăk trao ndăk i trôh bớh lơ nsưng sông bunuyh ndrông i này gay ma bah ji ngot, geh ndâp ma so hăn ler sôt grayh păng ta ri đống.

²²Tât du nar bunuyh o ach i này khât, jêh ri phung tông pắ leo păng gũ ndrel Abrahăm i che phung bân ta bon ueh ta kalơ gay ma gũ rêh ueh ta ri. Bunuyh ndrông i này khât đống, bu leo tốp păng ta môch.

²³Jêh ri păng gũ ta bri phan, ta bri phan ri geh nau rêh rnhăl krit jêr dút hô ngăn ma bunuyh ndrông i này, păng n'gơr uảnh say che Abrahăm bớh ngai, ndrel ma Lasar gũ kêng păng ri đống.

²⁴Bunuyh ndrông i này nter kuăl che Abrahăm: ‘Hơi che! Dẫn may yỗ ndach ma gập bả ơ. Sơm đã Lasar đã păng yũk dak ma lau ti, jêh ri ntrôh ta mpiăt gập dja ăn ma ndik oi, yorlah gũ ta ứnh dja geh nau rêh nji dút hô ngăn’.

²⁵Che Abrahăm ơh ma păng: ‘Hơi sau! Ăn may kah gít, dôi may hôm rêh ta neh ntu nớh, may lẽ năl ma nau ueh ngăn, lũng Lasar dja păng năl ma nau djơh dơm. Abao dja Lasar lẽ geh nau bonh ta dja hơi, i may này may gũ ta nau rêh nji dút hô ngăn.

²⁶Geh đống ntu brông dút huy vah vang hên ma may, kớt ndri dăng bu moh ứch hăn bớh ntũk dja jât ntũk may này, bớh ntũk may jât ntũk hên dja, suang mâu dơi ôh’.

²⁷Bunuyh ndrông i này lah ma che Abrahăm: ‘Hơi che! Lah kớt ndri, khât ôm lôm lă, dẫn may đã Lasar hăn ta jay bở gập ri ơ,

²⁸yor ma gập geh prăm nuyh oh nô bu klô lah. Đã păng mbớh ma khân păng, ăn khân păng kah gít njrăng sắk, gay ma lơi ôh ăn hăn ta ntũk nau rêh rnhăl dút hô dja’.

²⁹Che Abrahăm ơh ma păng: ‘Oh nô may lě geh sambüt Môsê, ndrel ma sambüt bunuyh ntøyh nau ngơi Kôranh Brah kăl e nơh, lah ndri ăn khân păng iăt dăng lě ndơ i mpôl khân păng i nây geh nchih ta nây dô’.

³⁰Bunuyh ndrông jöl ơh ma păng jât: ‘Mâu ôh! Hơi che, ăn geh du huê bunuyh i tă bơh khât hăn mboh, ri mơ khân păng rgâl lơi nuh n'hâm djơh’.

³¹Che Abrahăm ơh ma păng: ‘Lah khân păng mâu iăt nau Môsê, ndrel ma nau bunuyh ntøyh nau ngơi Kôranh Brah lě geh nchih, bol lah geh bunuyh khât dāk rēh hăn mboh ma khân păng, kô khân păng mâu iăt đōng’.

Luka 17

Njrăng lơi leo bu jan tih

(Mat 18:6-7, 21-22; Mar 9:42)

¹Geh du nar Brah Yêsu lah ma mpôl oh mon Păng: “Geh ők ntil jan ăn bunuyh geh jan tih. Tih ma rēh rnhăl ngăn ma bu moh i leo bu jan tih, Kôranh Brah tể dōih dūt kuống ngăn ma bunuyh i nây.

²Ueh rlau lah bu sỗ mpăl lữ kât ta tong ko păng, jêh ri nklăch păng ta dak văch dak văr ri, ma đah ăn rong păng rēh leo du huê bunuyh nsing jể jan tih.

³Ăn khân ay may njrăng săk khân ay may nơm. Lah geh oh nô jan tih, ăn khân ay may lah ntũm păng, lah păng rgâl lơi nuh n'hâm djơh, ăn khân ay may yỗ ma păng.

⁴Lah păng jan tih ma khân ay may pơh tở ta du nar, jêh ri păng plở ngơi ma khân ay may pơh tở đōng ta du nar, păng lah: ‘Lě lăn gáp jan tih nơh mê’, ăn khân ay may yỗ ma păng ro.”

Nau nsing

⁵Mpôl kôranh oh mon lah ma Brah Yêsu: “Dăn May ăn nau nsing ma hên lơ ma jru jât ơ.”

⁶Brah Yêsu lah ma khân păng: “Lah khân may geh nau nsing jể tâm ban ma du găr ntil dūt jể, jêh ri khân may lah ma tơm si kuống dja: ‘Rôk ryeh may hon ta nklang dak văch dak văr ri’, păng mra iăt nau khân may ngăn ro.”

Nau jan kar oh mon

⁷“Ta mpôl khân may, lah geh du huê bunuyh păng geh dâk hăn jan kar ta mir, mâu lah chiăp be biăp, tât păng plở sât bôh mir ri, i kôranh ri ngoi ma dâk i nây: ‘Gũ sông sa bốt’, ndrì bôh?”

⁸Mâu ndrì ôh, kôranh i nây mra lah ma păng kớt nđa ro: ‘Ndrăp piăng trao ăn ma gâp, jêh ri may tởh kho ao răk ăn gâp sông, kốp jêh gâp sông dâng may sông bôh kơi’.

⁹Ah kôranh lah ueh ma dâk i nây bôh, say păng jan tâng nau kôranh đă? Mâu ôh!

¹⁰Khân may tâm ban đống, dôi khân may jan kar tâng nau Kôranh Brah đă ăp lể phiao jêh, ăn khân may lah: ‘Hên jêng dâk Kôranh Brah đơm, hên jan kar moh ndrì i hên di jan đơm’.”

Brah Yêsu jan bah jât nuyh bunuyh phũng sa

¹¹Dôi Brah Yêsu hăn jât bon kuống Yêrusalem, păng hăn rỏ n'hăh bri Samari, đah bri Galilê.

¹²Jêh ri Brah Yêsu hăn lăp rỏ du bon, geh mpôl phũng sa jât nuyh hăn mập păng. Tâng nau vay, buay khân păng mâu ăn gũ dăch ma bunuyh êng, ndrì dâng khân păng gũ bôh ngai nter kuăl:

¹³“Hơi Kôranh Yêsu, dăn yỏ nđach jan bah ma hên bả ơ.”

¹⁴Brah Yêsu uănh jât khân păng, jêh ri lah: “Hăn nhơ săk khân may nây ăn ma mpôl jan brah uănh a ri, gay ma gít năl bah nau ji.” Khân păng lôh bôh Brah Yêsu nây, dôi khân păng hăn rỏ trong, nau ji phũng sa lể khân păng ri nơh dô ma bah kloh dadê ro.

¹⁵Tât ma say săk khân păng nơm bah kloh lể phiao kớt nây, geh du huê ta mpôl i nây păng plở jât kơi dja, nkre ma rnê ma Kôranh Brah dút nteh nteh ngăn.

¹⁶Tât ta nây păng păn ta jông Brah Yêsu ri, kũnh bôk jât neh, jêh ri lah ueh ma Kôranh Brah. Bunuyh i nây mpôl bri Samari, mâu ôh di phung Israel.

¹⁷Jêh ri Brah Yêsu lah: “Mâu di mpôl i jât nuyh bah dadê, lah ndrì mpôl i mbôl tôh sân nuyh ah jât gũ?”

18Geh du huê mpôl bri êng dja đơm bớh, plở rnê ma Kôranh Brah?”

19Jêh ri păng lah ma bunuyh i nây jât: “May dâk hăn ri hồm, nau may nsing jan bah nau ji may.”

Nau gĩt mbên ma nau Kôranh Brah mât uảnh bunuyh

(Mat 24:23-28, 37-41)

20Geh du nar phung Pharisí ôp Brah Yêsu, dah jô nau Kôranh Brah mât uảnh vấch. Brah Yêsu ôh ma khân păng: “Nau Kôranh Brah mât uảnh vấch mâu geh ôh nau say ma măt bunuyh.

21Mâu geh ôh bunuyh đơi lah: ‘Nau Kôranh Brah mât uảnh ta ntũk dja’, mâu lah ‘Ta ntũk ri’. Ăn khân may gĩt lah, nau Kôranh Brah mât uảnh geh ta nuh n'hâm bunuyh.”

22Brah Yêsu lah ma oh mon Păng: “Jât nấp tay, khân ay may ũch say nar Gập i Kon Bunuyh tă bớh Kôranh Brah plở vấch, gay ma mât uảnh khân ay may ta nau đơi Kôranh Brah, tih ma khân ay may mâu say ôh.

23Nôk nây geh bu mớh ma khân ay may lah: ‘Kôranh Brah ta ntũk dja’, mâu lah ‘Ta ntũk ri’, khân ay may lơi ôh iăt khân păng, lơi ôh hăn uảnh.

24Yorlah nar Gập i Kon Bunuyh tă bớh Kôranh Brah plở vấch, tâm ban ma lơp ngayh ang chrat bớh jông trôk du ding tăt ma jông trôk du ding, kớt nây đống lam neh ntu mra gĩt say nar Gập plở vấch.

25Yờn ma ê lor ma tăt nar i nây nớh, Gập i Kon Bunuyh tă bớh Kôranh Brah mra geh nau jêr jốt đút hô lor, jêh ri bunuyh ta rnôk abao dja mbăr lơi Gập đống.

26Ta nôk Gập i Kon Bunuyh tă bớh Kôranh Brah plở vấch nây, jêng tâm ban ma rnôk Nôê kăl e nớh đống.

27Rnôk nây bunuyh gũ nhêt sông sa, nđăp ur sai lơh mir jan ba, bă oh bă kon, n'ho ma tăt nar Nôê lăp ta trôm duk kuống ri, jêh ri dak lêng dak đơng bũk lơh hêng khân păng lể phiao.

²⁸Nar Gâp i Kon Bunuyh tă bớh Kôranh Brah plớ vắch, jềng tâm ban ma rnôk Lút kắl e nớh đống. Rnôk nằy bunuyh gủ nhết sông, tách rgắl đắp ndr, tuch tâm, ndrrel ma jan nhih jan jay ắp nar ắp nar.

²⁹N'ho ma tắt nar Lút du lờh bớh ðon Sôđũm nằy, geh ắnh, ndrrel ma lủ hit ắnh tă bớh kalớ trớk ti tâm ban ma tắp mih ngắn, jan hềng lể phiao bunuyh ta ðon Sôđũm i nằy.

³⁰Nar Gâp i Kon Bunuyh tă bớh Kôranh Brah plớ vắch nsôh sắk, jềng tâm ban ma kớt nằy đống.

³¹Ta nar i nằy, lah bu moh gủ kalớ chor jay lống, lah pắng geh đắp ndr ta trôm jay lời ôh jủr lắp sớ, ắn pắng jủr du nchủt hỏ. Bu moh i gủ ta mir tâm ban kớt nằy đống, lời ôh plớ ta jay ma sớ ndr, ắn du nchủt hỏ.

³²Ắn kah gắt nau tắt ma i ur Lút, pắng khắt yorlah pắng n'gắl jắt kới nôk khắn pắng du bớh ðon Sôđũm.

³³Yorlah bu moh i ắch pắp ma nau rềh pắng nớm, pắng i nằy mắu ôh geh nau rềh n'ho ro, yớn ma bu moh roh nau rềh yor ma tắng Gắp, pắng i nằy geh nau rềh n'ho ro ngắn ta nar jắt nắp tay .

³⁴Gắp mbớh ma khắn ay may, ta nar nằy lah geh bar hề bunuyh bềch ta du mlốm gre đớm ta nôk mắng, du huề Kôranh Brah sớ ắn gủ ta ðon ueh ta kalớ, hờm rong du huề ma tể đờih.

³⁵Geh bar hề bu ur peh tâm rắp, du huề Kôranh Brah sớ ắn gủ ta ðon ueh ta kalớ, hờm rong du huề ma tể đờih.

³⁶[Lah bar hề bu klờ gủ ta mir, du huề Kôranh Brah sớ hờm rong du huề].”

³⁷Oh mon ôp Brah Yêsu: “Hời Kôranh, ah ntủk geh nau i nằy mềh?” Brah Yêsu ởh ma khắn pắng: “Ah ntủk geh ndr khắt, grốt mra rgum bắl mpắr ndrắch ta ntủk i nằy đống, kớt ndrri ndr i nằy ắn mpớl ma bunuyh say bớh ngai.”

Luka 18

Nau ntắt ma kờranh phat đờih, ma đắh bu ur ndrờ

¹Jêh ri Brah Yêsu ntüm nti mpôl oh mon Păng, ăn mboh sơm babơ, lơi ôh dâl nuih n'hâm.

²Păng ngời ntât: “Ta du bon geh du huê kôranh phat dôih, păng bunuyh mâu ôh gít klach ma Kôranh Brah, mâu kã mâu rnam ma bunuyh đống.

³Ta bon nây geh đống du huê bu ur ndrô khât sai đã păng phat dôih babơ ngăn. Bu ur ndrô i nây lah: ‘Hơi kôranh, đã may sơm phat dôih ma bunuyh i jan tih ma gáp ơ’.

⁴Păng rlăch mâu ếch phat dôih ăn ma bu ur nây lể jô nar ngăn, yơn ma jât nấp tay păng mân êng ta nuih n'hâm ri: ‘Bol lah gáp mâu gít klach ma Kôranh Brah, mâu gít srim mâu gít rmach ma bunuyh kađôi lể,

⁵gáp hôm phat dôih ăn ma bu ur ndrô dja đống, yorlah păng brố rkhuak gáp babơ ngăn. Lah gáp mâu ôh phat dôih ăn ma păng, păng hôm đã gáp jôl ko đống, ăn gáp dâl’.”

⁶Brah Yêsu lah jât: “Lống iăt moh nau kôranh phat dôih djơh dja păng ngời nơh.

⁷Kôranh Brah rlau ma nây, Păng sơm kơl ăn ma khân ay may i bunuyh lể Păng kơih, i joi kuăl Păng dăng măng dăng nar. Ah Păng jan mbrě mbơi ma khân ay may bơh?

⁸Mâu ôh, Gáp mboh ma khân ay may, Kôranh Brah sơm kơl ăn ma Păng gơnh ro. Yơn ma dôi Gáp i Kon Bunuyh tă bơh Kôranh Brah plở văch ta neh ntu dja, hôm say bunuyh geh nau nsing kơt nđă đống lah mâu?”

Nau ntât ma du huê bunuyh Pharisi, đah ma bunuyh kôp sô prak bu

⁹Jêh ri Brah Yêsu ngời du nau ntât jât ăn ma bunuyh i kơp êng săk păng nơm jêng bunuyh sổng ta bơh nấp Kôranh Brah, jêh ri mưch ma bu êng.

¹⁰Păng lah kơt nđă: “Geh bar hê bu klô hăn mboh sơm ta jông gung nhiih jan brah. Du huê phung Pharisi, du huê jât mpôl kôp sô prak bơh bu ma ăn kôranh măt uănh.

¹¹Păng i Pharisi ri dâk du huê êng păng nơm mboh sơm bơh dja lah: ‘Hơi Kôranh Brah, gáp lah ueh ma May, yorlah gáp mâu ôh kơt bunuyh abă êng,

lẽ mpôl i nây jêng bunuyh ntũng, bunuyh kue, bunuyh lõm ur lõm sai, jêh ri gâp mâu tâm ban ma bunuyh kôp sô prak bu i nây đõng.

¹²Lõng gâp dja ăt sông sa rlau ma bunuyh êng du pơh ăt bar nar, jêh ri sô ndr̄ geh jât ở rhuăt nguai nhhơr ma Kôranh Brah lẽ ndr̄ gâp mhe geh đõng’.

¹³Lõng păng i kôp sô prak bu ri, dâk bơh ngai mâu bảnh đõng n'gơr mắt jât lơ ma Kôranh Brah. Păng ntũr ntang ntơh păng nơm yor ma păng rngot ma nau tih păng nơm, păng lah: ‘Hơi Kôranh Brah, dẫn May yỗ ndach ma gâp, gâp jêng bunuyh tih’.

¹⁴Gâp mboh ma khân may, khân păng plở sât ta jay, Kôranh Brah kơp du huê bunuyh dja jêng bunuyh lẽ sông, lẽ yỗ nau tih păng, tih ma du huê phung Pharis i nây Kôranh Brah mâu ôh kơp jêng bunuyh sông, mâu ôh yỗ ndach nau tih păng. Yorlah bu moh i n'hao êng sãk păng nơm, Kôranh Brah njữr lơi, bu moh i njữr sãk păng nơm, Kôranh Brah de n'hao păng.”

Brah Yêsu ăn nau geh jêng ma kon se

(Mat 19:13-15; Mar 10:13-16)

¹⁵Geh du nar bu leo kon se jẻ jẻ hăn ta Brah Yêsu, gay ma đã Păng pah ti ta kon se i nây ăn nau geh jêng ma khân păng. Tât ma mpôl oh mon say kơt nây, khân păng buay lơi hăn dăch a Brah Yêsu.

¹⁶Yơn ma Brah Yêsu kuẩl mpôl kon se i nây hăn a Păng, jêh ri Păng lah ma mpôl oh mon Păng: “Ăn phung kon se văch ta Gâp, lơi ôh buay păng, yorlah khân păng mâu ôh n'hao êng sãk khân păng nơm, yơn ma nsing ma mẽ bở hô ngăn, bunuyh i Kôranh Brah ứch mât uẩnh khân păng geh kơt ndr̄i đõng .

¹⁷Gâp lah n'hêl nanẻ ngăn ma khân ay may, bu moh mâu ôh tâm ban ma kon se jẻ dja, mâu geh ôh Kôranh Brah rom păng ma mât uẩnh .”

Du huê bunuyh ndrõng ứch geh nau rêh n'ho ro

(Mat 19:16-30; Mar 10:17-31)

¹⁸Geh du huê kôranh phung Israel ôp Brah Yêsu kơt nda: “Hơi Nơm Nti ueh, mơm gâp jan mêh, gay ma geh nau rêh n'ho ro tay?”

¹⁹Brah Yêsu ơh ma păng: “Mơm dâng may kuẩl Gâp ‘ueh’ kơt nây mêh? Mâu geh ôh du huê bunuyh ueh, geh du huê Kôranh Brah đơm ueh.

- ²⁰May lě gít jêh ta nau vay phung bân lah: ‘Lơi lôm ur lôm sai, lơi nkhât bu, lơi ntũng, lơi ngơi nchơt, jêh ri yơk ma mẽ bở hỡ.’”
- ²¹Bu klô i này ơh ma Brah Yêsu: “Dâng lě nau vay i này gập ndjôt ntơm bớh jẻ ngăn.”
- ²²Tât Brah Yêsu tăng kớt này, jêh ri Păng lah ma bu klô i này: “Hôm du ntil may mâu hỡ jan, tách lě drăp ndrơ may, pả ăn ma mpôl o ach, ri mớ may geh ndrơ khlay ta ðon ueh ta kalỡ, jêh ri dâng hăn tăng Gập.”
- ²³Jêh tăng kớt này, păng rvê nhuach hô ngăn, yorlah păng jêng bunuyh ndrông geh drăp ndrơ ỏk ngăn.
- ²⁴Dôi Brah Yêsu say bunuyh ndrông này [geh nuh n'hâm rvê], Păng lah: “Jêr ngăn ma bunuyh ndrông ăn Kôranh Brah mât uảnh khân păng,
- ²⁵jêr rlau ma ăn seh samô lăp ta trôm nglai .”
- ²⁶Bunuyh i tăng nau Brah Yêsu lah này, khân păng ôp: “Lah bunuyh ndrông lě geh jêr jêh ma ăn Kôranh Brah mât uảnh khân păng, lah ndrơ bunuyh a êng hôm dơi ăn Kôranh Brah mât uảnh đổng lah mâu?”
- ²⁷Brah Yêsu ơh ma khân păng: “Ndrơ bunuyh jan mâu blao, Kôranh Brah jan hôm blao, bunuyh mâu ôh blao rklaih êng săk păng nơm, yơn ma Kôranh Brah hôm blao rklaih.”
- ²⁸Pêtrôs lah ma Brah Yêsu: “May lě say hên jêh, lě ndrơ hên geh hên mbả lơi, jêh ri tăng May, lah ndrơ mớ hên mêh?”
- ²⁹Brah Yêsu lah ma khân păng: “Gập lah n'hêl nanẻ ngăn ma khân ay may, bu moh mbả nhih jay, ur kon, mẽ bở, ndrêl ma oh nô, yor ma ăn Kôranh Brah mât uảnh ma păng,
- ³⁰bunuyh i này păng đơn ndrơ geh ỏk rlau i này ta nôk abơ dja, ndrêl ma geh nau rêh n'ho ro đổng ta nar jât năp tay.”

Brah Yêsu mớh ma nau Păng khât

(Mat 20:17-19; Mar 10:32-34)

- ³¹Brah Yêsu leo lě 12 kôranh oh mon hăn ta ntũk êng ndrêl Păng nơm. Păng lah ma khân păng này: “Abơ dja bân hăn ta ðon kuông Yêrusalem, yorlah lě

nau bunuyh ntøyh nau ngõi Kôranh Brah lě nchih kăl e nơh nkoch ma Gập i Kon Bunuyh tă bớh Kôranh Brah, nau i này tăt ngăh ro.

³²Yorlah bu njũn Gập i Kon Bunuyh tă bớh Kôranh Brah ăn ma phung i mâu di phung bân. Phung i này gôm n'gơh Gập, rak suai, ndrel ma soh dak diu ta Gập đổng.

³³Bu rpăt Gập ma mống rse, jêh ri nkhât lơi Gập, yơn ma pe nar bớh kơi này Gập dăk rêh jăt.”

³⁴Lě mpôl kôranh oh mon mâu văt ôh nau Brah Yêsu ngõi i này, khân păng mâu văt moh nau Păng ứch lah, yorlah nau i này hôm mo ma khân păng ngăh.

Brah Yêsu jan bah bunuyh cheh măt ăn say ang

(Mat 20:29-34; Mar 10:46-52)

³⁵Dôl Brah Yêsu hăn bới tăt ðon Yêrikhô, geh du huê bunuyh cheh măt gũ dẫn bu ta meng trong ri.

³⁶Dôl păng tăng nteh bunuyh phung hăn rỏ trong này, păng ôp bu: “Moh geh nau hiah?”

³⁷Bu mớh ma păng: “Nơm nti Yêsu tă bớh ðon Nasaret, Păng hăn rỏ trong dja.”

³⁸Jêh ri bunuyh cheh măt nơm nter: “Hơi Kôranh Yêsu kon sau kađăch David! Yỗ ndach ma gập bả ơ!”

³⁹Bu i brổ bớh năp này buay păng đă gũ iăt săk hỏ, yơn ma păng lơ ma nter düt nteh nteh: “Hơi kon sau kađăch David! Yỗ ndach ma gập bả ơ!”

⁴⁰Brah Yêsu nsrũng, jêh ri đă bu leo bunuyh này a Păng. Bunuyh cheh măt này hăn tăt ta ri, jêh ri Brah Yêsu ôp:

⁴¹“Moh may ứch ăn Gập jan ma may mêh?” Bunuyh cheh măt này ơh: “Hơi Kôranh, ăn măt gập say ang.”

⁴²Brah Yêsu lah ma păng: “Ang hỏm, nau may nsing ma Gập lě rklaihmay jêh.”

⁴³Jêh ri măt păng dô ma say ang ro, păng tâng Brah Yêsu bớh koi, nkre ma rnê ma Kôranh Brah. Lẽ bunuyh i say nau nây khân păng rnê ma Kôranh Brah dadê đống.

Luka 19

Brah Yêsu tâm mập đah Sakhê

- ¹Jêh ri Brah Yêsu lăp ta ðon Yêrikhô ri, Păng hăn rỏ ðon i nây.
- ²Geh du huê bu klô rnha Sakhê, păng jêng kôranh ma mpôl kôp sỏ prak bớh bu ma ăn kôranh măt uănh, păng ndrông geh đrăp ndr ỏk ngăn.
- ³Păng ứch ngăn say Brah Yêsu, tih ma săk păng nớh dêh, ndrêl ma geh bunuyh ỏk ir, kớt ndr i păng uănh Brah Yêsu mậu dơi say ôh.
- ⁴Jêh ri păng nchuăt bớh năp ri, hao kalơ tơm Rvi, kôp uănh Brah Yêsu hăn rỏ nây.
- ⁵Brah Yêsu brỏ rỏ trong nây, tăt ta tơm si nây Păng n'gớu uănh jăt lơ, jêh ri lah ma Sakhê: “Hơi nô Sakhê, may jữr hỏm, yorlah Kôranh Brah đă Gáp gủ bêch ta jay may nar dja.”
- ⁶Jêh ri păng jữr ro, rom Brah Yêsu păng rằm maak ngăn.
- ⁷Dôl say kớt nây, bu ỏk bậ njâr sêk ngăn, bu lah: “Yi! Uănh Păng i nây! Hăn ta jay bunuyh tih.”
- ⁸Tăt ta jay nây Sakhê dăk lah ma Brah Yêsu: “Hơi Kôranh, gáp pă đrăp ndr gáp n'gul ăn ma mpôl o ach, lah gáp lể sỏ prak bu rlau keh nớh, gáp tơm ma bu nguai lỏh puăn.”
- ⁹Brah Yêsu lah ma păng: “Nar dja nau rklaih lể tăt jêh ma bunuyh ta jay dja, yorlah may dja nsing ma Kôranh Brah, tâm ban ma che Abrahăm bậ đống.
- ¹⁰Gáp i Kon Bunuyh tắ bớh Kôranh Brah de njuăl văch gay ma joi, ndrêl ma rklaih bunuyh tih i roh yot nuih n'hâm ngai bớh Kôranh Brah tâm ban ma du mlỏm be biăp hiỏt.”

Nau ntăt ma prak kăk

(Mat 25:14-30)

11Ta ntük khân păng gũ này mâu geh ngai bớh ðon Yêrusalem. Jêh khân păng tăng Brah Yêsu ngời kớh ndri, khân păng gít vĩ lah Brah Yêsu hãn jât ðon i này gay ma jêng kađăch. Ndri Brah Yêsu ngời ntât du nau jât

12lah: “Geh du huê bu klô jêng bunuyh ndrông, păng deh ta rnoi deh kađăch, păng ndrăp hãn ta bri ngai gay ma bu ntăm păng jêng kađăch ta bri păng nớh, tât ma lể jêng jêh, jêh ri tay păng plở sât đống.

13Ê lor păng ma hãn, păng kuăl dâk jât nuyh, jêh ri ăn prăk jât kăk kuống ma khân păng du huê du huê du kăk, păng lah: ‘Prăk dja ăn khân mre ma joi sa, n'ho ma tât gáp plở sât tay’.

14Tih ma geh bunuyh ők ta bri i này mâu öch ôh ma păng, jêh ri khân păng njuăl bunuyh a êng jât hãn tâng bớh kớh đă mớh nau kớh nđă: ‘Hên mâu öch ôh ăn bunuyh dja jan kađăch ma hên’.

15Tât păng lể geh jan kađăch, păng plở sât bớh ri, jêh ri păng kuăl lể dâk i păng ăn prăk này nớh ôp, gay ma öch gít dah ők geh lôh kon prăk du huê du huê.

16Dâk i lor bớh năp bu này păng mớh: ‘Hới kôranh, prăk i may ăn ma gáp nớh, geh lôh kon jât kăk kuống jât’.

17Jêh ri kađăch i này lah ma păng: ‘May jan ueh ngăn, hới dâk ueh, gáp mra ăn may mât uănh jât ở ðon, yorlah nau kar jẻ dja may jan răp jăp ngăn’.

18Jêh ri dâk tởl bar lah: ‘Hới kôranh, prăk i may ăn ma gáp nớh, geh lôh kon prăk prăm kăk jât’.

19Jêh ri kađăch này lah ma păng: ‘Ndri gáp ăn may mât uănh prăm mlôm ðon’.

20Jêh ri dâk i du huê ri jât hãn mớh ma kađăch: ‘Hới kôranh, dja prăk i may ăn ma gáp nớh hôm kớh ơm, gáp nklôm prăp păng ma bok prăp ăn ueh đờm.

21Gáp klach may, yorlah may jêng bunuyh janh. May sỏ ndớ i mâu di ndớ may nớh, kăch ba i may nớh mâu geh tuch’.

²²Jêh ri păng lah ma dâk i này: ‘Hơi dâk djơh! Gập mra tể dôi h may tâng nau may lah nơh. May lể gít jêh gập jêng bunuyh janh, gập sỡ ndơ i mâu di ndơ gập nơm, kăch ba i mâu geh gập nơm tuch.

²³Lah ndri khân may sỡ prăk gập này ăn ta ntũk jay bu manh prăk, tât gập sât bơn ri tay, bu trở prăk ơm, ndrel ma geh lôh kon prăk đống’.

²⁴Jêh ri păng lah ma mpôl i gũ ta này: ‘Sỡ lời prăk i này bơn păng, ăn ma bunuyh i geh jât kăk này’.

²⁵Mpôl khân păng này lah: ‘Hơi kôranh, păng lể geh jât kăk jêh’.

²⁶Păng ơh: ‘Gập mơn ma khân ay may, bu moh jan răp jăp ma ndơ păng geh, bu mra ntop ăn ma păng, bu moh mâu jan răp jăp ma ndơ păng geh, bol lah ndơ i để păng geh bu mra sỡ lời bơn păng đống.

²⁷Jêh ri đống, mpôl i mâu ăn gập jan kăđăch nơh, ăn khân may nkhât lời khân păng ăn lể phiao bơn năp măt gập’.”

Brah Yêsu lăp ta Yêrusalem

(Mat 21:1-11; Mar 11:1-11; Yôh 12:12-19)

²⁸Lôch jêh Brah Yêsu ngơi nau i này, jêh ri Păng hăn jât, hao jât bon kuông Yêrusalem ri.

²⁹Bơn tât bon Bêthphasê, đah ma bon Bêthani, ta yôk i bu kuăl lah yôk tơm Ôlive ri, Brah Yêsu đă bar hê oh mon hăn lor,

³⁰Păng lah ma khân păng: “Ăn khân may hăn ta bon bơn năp ri, lăp ta bon này khân may mra say du mlôm kon seh lia bu kăt ta này, seh lia i này ê hỡ geh bu ncho ôh, ăn khân may drih têk păng bơn ri a dja.

³¹Lah geh bu ôp khân may: ‘Moh jan drih khân mre này mêh?’, khân may ơh lah: ‘Kôranh ũch ncho păng’.”

³²Jêh ri bar hê oh mon i này hăn a ri, tât a ri say kớt nau Brah Yêsu mơn nơh ngăn.

³³Dôi bar hê oh mon i này drih kon seh lia i này, geh khân păng i tơm seh lia ri lah: “Moh jan drih khân mre này mêh?”

³⁴Mpôl oh mon ơh: “Kôranh ũch ncho păng.” Jêh ri khân păng i tơm seh lia nây ăn khân păng têk.

³⁵Jêh ri khân păng têk seh lia i nây ăn ma Brah Yêsu, lăk ao kuông khân păng nơm ta kalơ ndữr kơi kon seh lia nây pư ăn Păng ncho.

³⁶Jêh ri Brah Yêsu ncho seh lia hăn rồ trong nây, tât say Păng, bu droh ao kuông khân păng nơm lăk rồ trong ri dadê.

³⁷Brah Yêsu bơi tât ta ntük trong jür rồ yôk tơm Ôlive, ta ntük nây geh phung oh mon ők ngăn răm maak rnê ma Kôranh Brah düt nteh nteh ngăn, yor ma lể ndr ueh ndr khlay khân păng lể say Brah Yêsu jan nơh.

³⁸Khân păng lah: “Dăn Kôranh Brah ăn nau geh jêng ma Kađăch dja I Kôranh Brah de đă văch .

Ăn geh nau đăp mpăn ma hên đah ma Kôranh Brah ta kalơ trôk. Rnê nau ueh reh ma Kôranh Brah gũ ta kalơ trôk düt prêh ri !”

³⁹Geh phung Pharisi abă gũ ndrel ðon lan nây lah ma Brah Yêsu: “Hơi Nơm Nti, buay oh mon May nây lơi ăn khân păng ngơi kơt ndrri!”

⁴⁰Brah Yêsu ơh ma phung Pharisi: “Gâp mboh ma khân may, lah khân păng dja gũ iăt săk răk klăk, lủ dja mra nter rnê ma Gâp ro.”

Brah Yêsu rngot ma ðon Yêrusalem

⁴¹Brah Yêsu bơi tât ðon kuông Yêrusalem, Păng uănh say ðon i nây, jêh ri Păng nhũm rngot ma ðon i nây,

⁴²Păng lah: “Hơi bunuyh ta Yêrusalem! Nhhuach ngăn, Gâp ũch ngăn khân ay may vât nau đăp mpăn Kôranh Brah ũch ăn ma khân ay may ta nar dja, tih ma abơ dja nau khlay i nây nking ndöp mâu ôh ăn khân ay may vât.

⁴³Nar jăt năp tay mra geh phung rlăng gũ njueng jũm khân ay may, tồh n'hao neh ăn prêh gay ma hao kalơ mpêr ðon, lơh khân ay may ăp njôn ăp njănh.

⁴⁴Bu lơh hêng khân ay may lể phiao, lể oh mon kon sau khân ay may. Mâu hòm ôh geh lủ blon tâm rdăp kalơ lủ blon ta ðon dja jăt, yorlah khân ay may mâu gĩt năl mong Kôranh Brah văch gay ma rklaih khân ay may .”

Brah Yêsu mproh phung tách rgâl lôh bôh jông gung nhieh jan brah

(Mat 21:12-17; Mar 11:15-19; Yôh 2:13-22)

⁴⁵Brah Yêsu tât ta bon Yêrusalem, jêh ri Păng lăp ta jông gung nhieh jan brah ri, ta ntük nây Păng say bunuyh gũ tách rgâl drăp ndr, jêh ri Păng ntrüt phung i nây lôh bôh ntük nây ro,

⁴⁶Păng lah: “Ta sambüt Nau Kôranh Brah Ngôi lě jêh nchieh: ‘Nhih Gáp jêng ntük ăn ma mboh sôm’ . Tih ma khân ay may sô jan nkhong ntük gũ rgum mpôl ntung.”

⁴⁷Jêh ri Brah Yêsu gũ nti bu ta jông gung nhieh jan brah ăp nar ăp nar. Yon ma mpôl kôranh jan brah, phung nôm nti nau vay phung Israel, ndrel ma mpôl kôranh bon lan abă êng jât, khân păng leo băl joi nau gay ma nhup nkhât lơi Brah Yêsu.

⁴⁸Tih ma mâu blao ôh, khân păng klach phung bon lan tâm lơh đah khân păng, yorlah lě phung bon lan gũ iăt nau Păng rơp hơp dadê ngăn.

Luka 20

Nau dơi Brah Yêsu

(Mat 21:23-27; Mar 11:27-33)

¹Geh du nar Brah Yêsu gũ nti bon lan ta jông gung nhieh jan brah ma Kôranh Brah, ndrel ma mboh nkoch nau mhe mhan ueh. Jêh ri geh mpôl kôranh jan brah, phung nôm nti nau vay phung Israel, ndrel ma kôranh abă êng jât, khân păng leo băl hăn ta nây đong,

²ôp Brah Yêsu ri: “Dăn mboh ăn ma hên gĩt, ndr May jan dja bôh tă nau dơi? Bu moh ăn nau dơi i nây ma May mêh?”

³Brah Yêsu ơh ma khân păng: “Gáp dăn ôp du nau ma khân may bôt, lũng khân may mboh ma Gáp:

⁴Lah ndri bu moh đă Yôhan-Baptem jan baptem yũk ma dak? Tă bôh Kôranh Brah, mâu lah tă bôh bunuyh?”

⁵Mpôl i nây tâm nchră băl: “Lah bân lah: ‘Tă bôh Kôranh Brah’, Păng mra lah bân: ‘Lah ndri môm dâng khân may mâu iăt nau păng?’

⁶Lah bân lah: ‘Tă bớh bunuyh’, ðon lan mra ntũp bân ma lũ ro, yorlah bu gĩt n'hêl Yôhan-Baptem pãng bunuyh ntõyh nau ngoi Kôranh Brah ngãn.’

⁷Jêh ri khân pãng ơh ma Brah Yêsu: “Hên mâu gĩt ôh, bu moh ðã pãng jan.”

⁸Jêh ri Brah Yêsu ơh ma khân pãng ðõng: “Lah ndrĩ Gáp mâu ðõng mớh ăn ma khân may gĩt, bu moh ăn nau ðõĩ Gáp jan dja.”

Nau ntât ma bunuyh djõh mât uãnh mir tøm play yũng yar ðon

(Mat 21:33-46; Mar 12:1-12)

⁹Jêh ri Brah Yêsu ngoi ntât ăn ma phung ðon lan: “Geh du huê bu klô tãm tøm play yũng yar ðon du lôk mir, jêh ri ăn bu mât mir i nây, ðã bu pã play ma pãng ắp năm. I pãng nøm ri hãn gũ jât bri êng jõ ngãn.

¹⁰Tât di khay dũm play yũng yar ðon ri, pãng ðã du huê ðâk pãng hãn tâm mập ma mpõl mât mir i nây, gay ma sõ play i bu pã nây. Tih ma lẽ mpõl i nây lơh ôbãl, jêh ri ntrũt ôbãl ăn sât ðõm.

¹¹Pãng ðã tay du huê ðâk jât hãn, mpõl mât mir i nây lơh ôbãl, rak suai, ntrũt ôbãl ăn sât ðõm ðõng.

¹²Jêh ri pãng i tøm mir nây ðã tay du huê ðâk jât. Tât ta nây mpõl mât mir i nây lơh mbang ôbãl tât ma sôt rmanh, pũ m̄bãr ôbãl bớh dih mir ri.

¹³Jêh ri pãng i tøm mir ri lah êng sãk pãng nøm: ‘Møm gáp jan hay? Abao dja ðã kon bu klô i gáp nøm rõng hô ngãn dja, ăn pãng hãn bõt, lah khân pãng say klãp lah khân pãng iãt pãng ro’.

¹⁴Tât ma mpõl mât mir i nây say pãng, jêh ri khân pãng tâm lah ndrãng khân pãng nøm: ‘Pãng i nây ro ntrõ ðõn mir dja nar jât nãp tay, hãn bân nkhât lơĩ pãng i nây ðõh, mir dja n'ho geh ma bân ro’.

¹⁵Jêh ri bu m̄bãr ôbãl bớh dih mir ri, nkhât lơĩ ôbãl. Lah ndrĩ pãng i tøm mir i nây, møm pãng jan ma mpõl mât mir i nây?

¹⁶Pãng mra hãn nkhât lơĩ khân pãng, jêh ri ăn bu êng jât mât mir i nây.” Tât ma tãng nau i nây bu lah: “Mâu ôh! Lơĩ ôh ăn geh kõt i nây.”

17Jêh ri Brah Yêsu uănh jât bu, Păng lah: “Ta sambüt Nau Kôranh Brah Ngơi lah: ‘Bunuyh blao jan jay lữ blon lể mbăr lơi du mlôm lữ blon, Yơn ma lữ blon i này jêng lữ blon dăt nập khlay rlau bu ma jan jay’.

18Lah ndri moh nau bu ntât dja? Lữ blon i này jêng ntât ma Gập. Jêh ri bu moh rlăch ma Gập tâm ban ma bunuyh chôt ta kalơ lữ i này, jêh ri nau phat dôi h Gập ta jât năp tay, tâm ban ma lữ tũp ta kalơ bunuyh. Bu moh i chôt ta kalơ lữ blon i này, păng i này lêk rhöch ro. Jêh ri lah lữ blon i này tũp kalơ du huê bunuyh, bunuyh i này hăch lể phiao.”

Nau prăk i phung ðon lan ăn ma kôranh bri dak

(Mat 22:15-22; Mar 12:13-17)

19Jêh khân păng tăng Brah Yêsu ngơi nau ntât này, phung nơm nti nau vay phung Israel, ndrel ma mpôl kôranh jan brah, khân păng gít vât nau ngơi i này lah ma săk khân păng ro, ndri dăng khân păng ếch nhữp Brah Yêsu ta này ro, yơn ma klach phung ðon lan lờh.

20Ndri khân păng i này kôp uănh ndôi Brah Yêsu, jêh ri đã bu groi Păng. Mpôl i này gữ ngao jan kôt bunuyh sồng, gay ma ndôm Păng nhữp nau tih ta ndr Păng mbơh nkoch. Khân păng ếch geh nau ma njũn Păng ta kôranh kuống Pilat ăn tể dôi h Păng.

21Jêh ri mpôl i này ôp Brah Yêsu: “Hơi Nơm Nti! Hên gít dăng lể nau May mbơh nti này jêng di dadê ngăn. May mâu ôh klach ma bunuyh, mâu ôh kơih bunuyh, May nti nau Kôranh Brah ăn di.

22Dăn mbơh ma hên tăng nau vay bân, di đổng ăn prăk i kôranh kađăch ta bri Rôm đã bân ăn này mâu lah mâu?”

23Yơn ma Brah Yêsu lể gít i nau khân păng ếch ôp này, jêng ôp rlong Păng, lah Păng lah di, phung ðon lan mâu hôm rông ma Păng, yorlah khân păng biănh ăn prăk i này. Lah Păng lah mâu di, khân păng ếch ntôn Păng ta kôranh kuống Pilat, yorlah Păng ngơi tâm rdăng đah bri Rôm mâu ăn ðon lan ăn prăk ma kôranh, tăng kađăch kuống ta bri i này đã. Jêh ri Păng lah kôt nda:

²⁴“Lõng nhhơ prăk i ăn ma kađăch i nây du mlõm . Ta kalơ kăk nây bu moh rup, ndrel ma bu moh geh rnha?” Bu ơh ma Păng: “Geh rup, ndrel ma geh rnha kađăch kuõng ta bri Rôm.”

²⁵Brah Yêsu lah ma khân păng: “Lah ndri, ndơ kôranh kađăch ta bri Rôm mplở ăn ma păng, ndơ Kôranh Brah mplở ăn ma Kôranh Brah nơm.”

²⁶Ndri khân păng mâu ôh dơi nhữp Brah Yêsu ta năp bảl phung, yorlah ta nau Păng ngơi mâu ôh say geh tih. Khân păng ndrốt hih rhõl ngăn yor ma tăng nau Păng ơh blao ngăn, jêh ri khân păng gũ iăt săk răk klăk dơm.

Nau khât, ndrel ma nau dâk rêh

(Mat 22:23-33; Mar 12:18-27)

²⁷Jêh ri geh phung Sadôsi abă hăn ôp Brah Yêsu, phung i nây kôranh ta phung Israel đõng, tih ma khân păng mâu iăt ôh bunuyh lě khât hôm dâk rêh jât.

²⁸Khân păng ôp rlong: “Hơi Nơm Nti, Môsê kăl e nơh lě nchih jêh ta sambăt ăn ma bân i phung Israel lah kơt nđa: ‘Lah bu klô sữ ur, jêh ri păng khât, lah păng mâu geh kon, đă i oh nô păng ri ntrở sữ ur păng gay ma geh kon ma păng’.

²⁹Ntât lah, lah geh pơh nuyh oh nô, i nô bôk dak ri sữ ur, jêh ri păng khât, păng mâu ôh geh kon.

³⁰I oh groi bơh kơi păng nây ntrở sữ, khât mâu geh kon đõng.

³¹Jêh ri i oh tõi pe nây ntrở sữ đõng, n'ho ma lě pơh nuyh khân păng nây sữ păng dadê, tih ma mâu ôh geh kon.

³²Kêng ma dũt ma dêl bu ur i nây khât đõng.

³³Tât nar bunuyh dâk rêh tay, lah ndri bu moh sữ bu ur i nây? Yorlah lě pơh nuyh khân păng nơh lě tă sữ păng dadê.”

³⁴Brah Yêsu ơh ma khân păng: “Bunuyh ta neh ntu dja vay sữ ur sữ sai.

³⁵Yơn ma nar jât năp tay, bu moh i Kôranh Brah de di ma rklaih bơh khât, khân păng dâk rêh gũ ta bon ueh ta kalơ, bunuyh i nây mâu hôm ôh sữ ur sữ sai jât.

³⁶Khân păng mâu hôm ôh blao khât jât, khân păng jêng tâm ban ma tông pǎr Kôranh Brah, khân păng lě jêng kon Kôranh Brah ngǎn, yor ma khân păng lě dāk rêh jêh.

³⁷Môsê lě nkoch jêh ma bunuyh khât dāk rêh, păng geh nchih lah ta plǎng trong pũm lok i geh hit ũnh, ntũk nây păng kuǎl Kôranh Brah lah ‘Jêng Brah Abrahăm yor k mbah, jêng Brah Isăk yor k mbah, jêng Brah Yakôp yor k mbah’ .

³⁸Nôk Môsê ngơi nau i nây lě pe nuyh khân păng i nây lě khât ők năm jêh, yor ma bớh Nau Kôranh Brah Ngơi gĩt nǎl khân păng hôm rêh ma Kôranh Brah. Kôranh Brah mâu ôh di Brah ma bunuyh khât, Păng Brah ma bunuyh rêh.”

³⁹Jêh ri geh phung nờm nti nau vay phung Israel abǎ lah ma Brah Yêsu: “Hơi Nờm Nti! Nau May ơh i nây blao ueh ngǎn.”

⁴⁰Jêh ri bu mâu hôm ôh bǎnh ôp Păng nau êng êng jât.

Brah Krist jêng Kôranh ma kađăch Đavid

(Mat 22:41-46; Mar 12:35-37)

⁴¹Jêh ri Brah Yêsu ôp bu: “Mờm dǎng bu kuǎl Brah Krist i nờm rklaih tǎ bớh Kôranh Brah de njuǎl ri lah kon sau kađăch Đavid dờm?”

⁴²Yorlah ta sambũt Nau Mpro Ớm kađăch Đavid geh nkoch lor ma Brah Krist păng lah: ‘Kôranh Brah lah ma Kôranh gáp: ‘Gũ mpeh bớh ma Gáp hỏm, ta ntũk bu yor k rlau bu.

⁴³Kỏp tǎt Gáp ǎn phung rlǎng đah May jêng ntũk rkỏl jỏng May bỏt”.

⁴⁴Lah lě kađăch Đavid nờm kuǎl Brah Krist lah Kôranh păng nờm kỏt nây, yor ma kon sau mâu geh kuỏng rlau ma u che, lah ndri Brah Krist mờm hôm blao kon sau kađăch Đavid jât?”

Brah Yêsu đǎ njrǎng ma phung nờm nti

(Mat 23:1-36; Mar 12:38-40)

⁴⁵Nôk bon lan hôm e gũ iǎt nau Brah Yêsu ngơi nây, jêh ri Păng lah ma mpỏl oh mon Păng:

⁴⁶“Ăn khân ay may njrăng ngănh đah ma phung nôm nti nau vay phung bân nây, yorlah khân păng ũch nsoh ao jong i ueh, jêh ri brố rsong, gay ma ăn bu gít lah khân păng geh nau khlay ngănh, ũch ăn bu mbah kũnh bôk ma khân păng rồ ntũk bu tách rgâl drăp ndr, mâu lah rồ trong kuông, ndrel ma ũch gũ bôh năp bu ta ntũk bu lư ta nhieh r̄bũn phung bân, jêh ri lah nhêt kuông sông kuông nây ũch gũ ta ntũk bu yôk đổng.

⁴⁷Tih ma khân păng mbrôh rlăm bu ur ndrô lể khât sai gay ma sô pit drăp ndr nhieh jay bu ur ndrô i nây. Jêh ri khân păng jan mbôh sôm dũt jô ngănh ăn bu êng tăng, gay ma nhô khân păng nôm jêng bunuyh rông ma Kôranh Brah ngănh. Phung i nây Kôranh Brah tể dôih dũt jru ro ta nar jăt năp tay.”

Luka 21

Bu ur ndrô tể nhôh (Mar 12:41-44)

¹Nôk Brah Yêsu gũ ta jông gung nhieh jan brah, Păng ngôk say mpôl ndrông tể prăk ta trôm hũp nhôh ma Kôranh Brah.

²Jêh ri Păng say du huê bu ur ndrô khât sai o ach, hănh tể prăk để dôm bar mlôm kăk jể ta trôm hũp i nây đổng.

³Brah Yêsu lah: “Gâp mbôh n'hêl naně ngănh ma khân ay may, Kôranh Brah kôp bu ur ndrô o ach i dja tể prăk ôk rlau dâng lể bu,

⁴yorlah dâng lể mpôl i nây, prăk i khân păng tể ta trôm hũp nôh, sô prăk rmeh bôh săk khân păng nôm. Lông i bu ur ndrô de nây, păng bunuyh o ach hô ngănh, bol lah prăk nây gay ma siăm nau rêh păng nôm kađôi lể, păng hôm sô lể phiao tể nhôh ma Kôranh Brah đổng.”

Nau lơh hêng nhieh jan brah, ndrel ma nau geh ta nar n'glě dũt tay

(Mat 24:1-14; Mar 13:1-13)

⁵Jêh ri geh bunuyh abă rnê ma nau ueh nhieh jan brah, i bu jan ma lữ ueh, ndrel ma pla ndr êng êng i bu nhôh ăn ma Kôranh Brah, Brah Yêsu lah:

⁶“Lể ndr lể jay i khân ay may say ta dja, ta nar jăt năp tay bu mra lơh rlôm lể phiao ro, mâu hôm ôh geh du mlôm lữ blon tâm rdăp jăt .”

⁷Bu ôp ma Brah Yêsu: “Hơi Nơm Nti! Dah hôm jö nar i này mêh? Lah ndri moh ndrơ mbên ăn ma hên gĩt lah nar i này bời tât?”

⁸Brah Yêsu ơh ma khân păng: “Njrăng ngăn hõm, lơi ôh ăn bu ndrơm ma khân ay may, yorlah nar jât nấp tay geh ők bu ntup rnha Gáp, khân păng lah: ‘Gáp dja Brah Krist heh’. Mâu lah khân păng lah: ‘Nar n'glẽ dứt bời tât jêh’. Lơi ôh iăt mpôl i này.

⁹Lah khân ay may tăng bu nkoch geh nau tâm lơh tâm sreh, mâu lah geh nau uh ah, lơi klach rvê ôh, yorlah lẽ nau i này păng lor geh ngăn ro, yơn ma nar n'glẽ dứt neh ntu ê hõ tât gơnh ro ôh.”

¹⁰Brah Yêsu lah jât: “Ê lor ma nar i này, du mpôl tâm lơh đah du mpôl êng jât, du bri dak tâm lơh đah du bri dak êng jât.

¹¹Ta ntük êng êng, geh n'gãr neh ntu dứt dăng, geh nau ji sốt ji ngot kuống, geh nau ji khât rũng khât rchă, ndập ma geh nau tât êng êng jan ăn geh nau klach rvê, ndrel ma geh ndrơ mbên kuống ngăn i bu mâu vay say ôh ta kalơ trök ri.

¹²Ê lor ma geh dăng lẽ nau i này, geh bu jan jêr ma khân ay may, bu nhữp, bu njũn khân ay may ta nhiih rbũn phung bân gay ma phat dôi, tể khân ay may ta trôm ndrung. Bu njũn khân ay may ma kađăch, ma kôranh kuống, gay ma tể dôi khân ay may yor ma iăt tăng Gáp dơm.

¹³Yơn ma nau i này plăch ăn ma khân ay may geh mboh nau mhe mhan ueh ma khân păng đống.

¹⁴Ăn khân ay may geh nuih n'hâm nấp hõ, lơi ôh rvê nau lor gay ma tâm ơh đah nau khân păng ntôn.

¹⁵Yor ma nôk này Gáp ăn ma khân ay may geh nau ma ơh, ndrel ma geh nau mân gĩt blao, mâu ôh ăn dăng lẽ mpôl tâm rdâng dơi tâm ơh dơi tâm rlăch đah khân ay may.

¹⁶Bol lah mẽ bở, oh nô, ndũl mpôl, ndrel ma măt jăng khân ay may nơm kađôi lẽ, njũn khân ay may ma khân păng, jêh ri khân ay may abă bu nkhăt lơi đống.

¹⁷Nôk này geh bunuyh ők ngăn biãnh ma khân ay may ngăn, yor ma khân ay may tăng sǎk Gáp.

¹⁸Yơn ma khân pǎng mâu geh nau dơi đah huêng khân ay may, mâu geh nau dơi đah nau rêh n'ho ro khân ay may.

¹⁹Lah khân ay may dǎng ăt đah dǎng lě ndr i này, mâu bah nsing ma Gáp, khân ay may mra geh nau rêh n'ho ro.”

Brah Yêsu ngời lor nau lơh hêng ðon Yêrusalem

(Mat 24:15-21; Mar 13:14-19)

²⁰“Lah khân ay may say taken hǎn njueng jũm ðon kuống Yêrusalem, ǎn khân ay may gít lah ðon i này bời ma hêng jêh.

²¹Nôk này ǎn bunuyh i gũ ta bri Yuđa du nchuăt krap ta yôk, bunuyh i gũ ta ðon Yêrusalem ri nchuăt lôh bớh ðon này, bunuyh i gũ bớh dih ðon này lơi ôh hǎn lǎp ta trôm ðon.

²²Yorlah nôk này ro Kôranh Brah klǎp ndǎng tể dôi h ðon lan Pǎng nờm, gay ma tâm di đah nau lě geh nchih ta sambũt Nau Kôranh Brah Ngời.

²³Nôk này đống bu ur ntreo, bu ur mpu toh kon geh nau rêh rnhǎl hô ngăn, yorlah geh nau jêr rvê dũt hô ngăn ta bri i này, Kôranh Brah tể dôi h ma phung ðon lan này.

²⁴Geh ők bunuyh chôt khât yor ma đao, ndrêl ma geh ők bu veng gũ jan dâk ta bri êng êng. Phung bri êng êng i mâu di phung bân ri jot mpet ðon Yêrusalem, n'ho ma tât di nar Kôranh Brah ǎn ma phung i này.”

Nau Brah Yêsu plờ vǎch

(Mat 24:29-31; Mar 13:24-27)

²⁵“Nôk này geh ndr bu mâu vay say ta nar, ta khay, ndrêl ma ta mǎnh mbing ri. Lě bunuyh ta neh ntu geh nau jêr rvê, mâu hôm ôh blao mân, tât ma tăng nteh rbuh dak vǎch dak vǎr, ndrêl ma rbuh dũt kuống ri.

²⁶Bunuyh ta neh ntu klach nsõr, dôi gũ mân nau tât ta neh ntu dja, lě ndr ta kalơ trôk geh n'gơ đăt nhing nhhang.

²⁷Nôk này bu say Gáp i Kon Bunuyh tă bớh Kôranh Brah hăn rỏ ndờr tũk ndâp ma geh nau dơi, ndrel ma nau chrêk lợp dũt hô.

²⁸Dôi nau i này nẵm geh, ăn khân ay may dâk hỏm n'gờr uẩnh, ăn geh nuih n'hâm bẩnh, yorlah nôk Kôranh Brah rklaih khân ay may bớh dẩng lể nau jêr nỡh bỡi ma tât ro.”

Brah Yêsu ngời nau ntât ma tỡm Rvi

(Mat 24:32-35; Mar 13:28-31)

²⁹Jêh ri Brah Yêsu ngời ntât ma tỡm Rvi, Pẩng lah: “Ăn khân ay may uẩnh tỡm Rvi, ndrel ma dẩng lể tỡm si.

³⁰Lah khân ay may say n'ha pẩng nẵm chăt nkũr, khân ay may gĩt lah khay mih bỡi ma tât ro .

³¹Tâm ban đổng, dôi khân ay may say lể nau i này lể tât, ăn khân ay may gĩt lah nôk Kôranh Brah mât uẩnh dẩng lể bunuyh ngẩn bỡi ma tât ro.

³²Gáp lah n'hêl nanể ngẩn ma khân ay may, lể nau dja pẩng tât dôi bunuyh ta rnôk abao dja hỏm rêh dadê.

³³Trôk neh ntu mra roh lêk ro, yỡn ma nau Gáp ngời mầu ôh blao roh lêk, hỏm geh dẩng lể ngẩn.”

Nau njrẩng sắk jẩn

³⁴“Ăn khân ay may gũ njrẩng! Lỡi ôh ăn nuih n'hâm khân ay may pỡh ma ndờ pẩl rẩm maak, pỡh ma nhũl ndrẩnh, mầu lah pỡh ma mẩn rvê ma nau rêh, klach lah nar Gáp plỡ vẩch này khân ay may tâm ban ma geh dắk yor ma khân ay may mầu geh gũ njrẩng.

³⁵Nar Gáp plỡ vẩch ta dja, mầu geh ôh du huê bunuyh gĩt lor, dẩng lể bunuyh lam neh ntu dja geh dắk dadê.

³⁶Njrẩng, ndrel ma mbớh sỡm bắbớ hỏm, gay ma geh suan dơi ẩt ma lể nau tât i này, ndrel ma dơi dắk nẩp mầu geh klach ta nẩp Gáp i Kon Bunuyh tă bớh Kôranh Brah.”

³⁷Ẩp nar Brah Yêsu gũ nti bu ta jổng gung nhiih jan brah, ta mẩng Pẩng hăn gũ ta yỏk tỡm Ôlive.

³⁸Om ôi phung bon lan hăn iăt nau Păng nti ta jöng gung nhih jan brah.

Luka 22

Bu tâm di nau nhữp Brah Yêsu

(Mat 26:1-5, 14-16; Mar 14:1-2, 10-11; Yôh 11:45-53)

¹Jêh ri bŭn nŭmpăng mâu geh ndrui, i bu kuăl lah bŭn n'hot đöng, lě boi ma tăt jêh.

²Mpôl kôranh jan brah, ndrel ma phung nôm nti nau vay phung Israel, joi nau môm jan gay ma nkhăt lơi Brah Yêsu mâu ăn geh nau uh ah, yor ma khân păng klach phung bon lan nuh nôk nhữp Păng.

³Jêh ri Satăng i kôranh mpôl brah djơh lăp gŭ ta Yuđas, i bu kuăl Isakariyôt đöng. Păng jêng du huê bunuyh ta 12 nuyh mpôl kôranh oh mon nây đöng.

⁴Păng hăn mập ma mpôl kôranh jan brah, ndrel ma mpôl kôranh taken nhih jan brah, gay ma nchră băl môm joi nau gay ma geh njŭn Brah Yêsu ma khân păng.

⁵Jêh nchră băl nau i nây, phung i nây răm ngăn, khân păng lě tâm di ton ăn prăk ma păng.

⁶Yuđas-Isakariyôt ũch đöng, jêh ri joi mong gay ma leo bu hăn nhữp Brah Yêsu, nôk phung bon lan mâu geh gŭ ndrel Păng.

Brah Yêsu đã bu ndrăp jan nhêt bŭn n'hot

(Mat 26:17-25; Mar 14:12-21; Yôh 13:21-30)

⁷Jêh ri nar ndrăp nhêt bŭn nŭmpăng mâu geh ndrui lě tăt jêh, jêng nar bu nkhăt kon be biăp ma jan brah, ndrel ma nhêt bŭn n'hot.

⁸Jêh ri Brah Yêsu đã bar hê kôranh oh mon Pêtrôs, ndrel Yôhan hăn lor, Păng lah ma khân păng: “Khân may hăn ndrăp nau nhêt bŭn n'hot dja bân de ma sông sa.”

⁹Khân păng ôp Brah Yêsu: “Hơi Kôranh, ah ntŭk May ũch ăn hên ndrăp nau nhêt sông sa dja mêh?”

10Brah Yêsu ơh: “Iăt Gập hõm, tăt lăp ta ðon Yêrusalem ri tay, khân may say du huê bu klô tễ dak yăng ta mlik. Ăn khân may hăn tâng păng n'ho ma tăt păng lăp ta trôm jay.

11Jêh ri khân may ngơi ðah ma tơm jay i nây lah: ‘Nơm Nti hên ðă hên hăn ôp may, jrô ma Păng nhêt ðũn ndrel oh mon ta nar nhêt ðũn n'hot dja, ah ntũk mêh?’

12Bunuyh tơm jay nây leo ma khân may ro ta ntũk kalơ ri. Jrô huy ngăn, lễ ơm jêh ndrăp phiao, ăn khân may ndrăp nau nhêt sông ăn ma bân ta jrô nây ro.”

13Jêh ri bar hê khân păng nây brồ đrơn ro, tăt a ri say kơt nau Brah Yêsu lah nơh, jêh ri khân păng ndrăp ndrơ sông sa ma nau nhêt ðũn n'hot i nây.

Nau nhêt sa nkah kloh ueh

(Mat 26:26-30; Mar 14:22-26; 1Kô 11:23-25)

14Tăt di mong nây, Brah Yêsu gũ sông sa ta nsưng ndrel mpôl kôranh oh mon,

15Păng lah: “Hơi oh mon, Gập ũch hô ngăn sông sa ndrel khân may ta nar nhêt ðũn n'hot dja, ê lor ma Gập geh nau jêr jôt.

16Gập mboh ma khân may, Gập mâu hôm ôh sông sa nhêt ðũn n'hot dja jât, n'ho ma tăt nhêt ðũn dja geh nôk Kôranh Brah măt uănh dăng lễ bunuyh ngăn ri mơ.”

17Jêh ri Brah Yêsu sỏ kchok ndrănh play yũng yar ðon, lah ueh ma Kôranh Brah. Jêh lah ueh ri Păng lah: “Sỏ kchok dja tâm pă bả nhêt.

18Gập mboh ma khân may, nơm boh abao dja Gập mâu hôm ôh nhêt ndrănh play yũng yar ðon jât, n'ho ma tăt Kôranh Brah măt uănh dăng lễ bunuyh ngăn mơ.”

19Jêh ri Păng sỏ ðồng nũmpăng lah ueh ma Kôranh Brah, Păng gích nũmpăng i nây ăn khân păng sa n'ho ma lah: “Dja jêng săk jăn Gập, i Gập ăn ma khân may tay, ăn khân may jan kơt ðđa let jât năp tay, gay ma kah gĩt ma Gập.”

20Lôch jêh nau nhêt sông nây, Brah Yêsu sỏ kchok ndrănh play yũng yar ðon jan kơt i nây ðồng, Păng lah: “Ndrănh play yũng yar ðon ta kchok dja jêng

nau tâm rnglăp mhe Kôranh Brah ndrel khân may. Nau tâm rnglăp mhe i này Gâp jan ma khân may ma mham Gâp i hoch bôh săk jăn Gâp nôk Gâp khât tay.

²¹Lông bunuyh i njün Gâp ma phung rlăng đah Gâp, păng gũ sông sa ndrel Gâp ta nsưng dja đống.

²²Iăt ma Gâp i Kon Bunuyh tă bôh Kôranh Brah mra khât, tâng Kôranh Brah nôm lě ũch, yơn ma bunuyh i njün Gâp geh nau rêh rnhăl ngăn ro ma păng.”

²³Jêh ri mpôl kôranh oh mon i này tâm ôp ndrăng khân păng nôm, bu moh păng i jan nau i này ta mpôl khân păng nôm ri.

Ăn kôranh sôm kôl jan kar ma bu

²⁴Nôk này mpôl kôranh oh mon geh nau tâm rlăch băl, bu moh păng i kuông rlau bu ta mpôl khân păng nôm.

²⁵Brah Yêsu lah ma khân păng: “Dâng lě kađăch bri i mâu di phung bri bân, khân păng kuăn bôk phung bon lan khân păng nôm, jêh ri mpôl i geh nau đoi i này lah êng săk khân păng nôm jêng bunuyh ueh.

²⁶Yơn ma ta mpôl khân may lơi ôh jan kôl này. Bu moh păng i kuông rlau bu ăn jan tâm ban ma bunuyh jễ ta nâm bu. Bu moh i kôranh, ăn păng jan tâm ban ma bunuyh sôm kôl jan kar ma bu.

²⁷Yorlah bunuyh gũ sông ta nsưng, đah ma bunuyh sôm sô piăng trao, bu moh lơ kuông? Bu vay lah kuông rlau jêng bunuyh i gũ sông ta nsưng ri, ma đah bunuyh sôm sô piăng trao. Lông Gâp dja kôranh khân may gũ ndrel khân may, Gâp jêng tâm ban ma bunuyh sôm kôl jan kar sôm sô piăng trao đơm.

²⁸Khân may lě nsrôyh ndrel Gâp ta nau jêr Gâp đống.

²⁹Kôl Bở Gâp lě ăn ma Gâp, kôl ndrî dâng Gâp ăn ma khân may măt uảnh phung nsing ma Gâp đống,

³⁰gay ma khân may gũ sông sa ta nsưng ndrel Gâp nôk Gâp jêng kađăch ngăn. N'ho ma khân may gũ ta rnoł kađăch, gay ma phat dôi lě bunuyh ta 12 mpôl rnoi deh bân này.”

Brah Yêsu lah Pêtrôs rlăch mâu gít năl Păng

(Mat 26:31-34; Mar 14:27-31; Yôh 13:36-38)

31Brah Yêsu lah: “Hơi Simôn, hơi Simôn, iăt Gập hăm! Lẻ Satăng i kôranh mpôl brah djơh dẫn ma Kôranh Brah rlong khân may. Jêh ri Kôranh Brah ăn jan kớt ndri. Satăng ếch ăn nau ndơm ma khân may, gay ma say bu moh i mâu nsing ngăn ma Gập, păng jêng tâm ban ma bu rseng phe gay ma lôh lők.

32Yơn ma lẻ Gập mboh sơm dẫn ma Bở, lơi ăn may bah nsing ma Gập. Jêh ri tăt may plở săt tay ma Gập, nsing ma Gập jăt, ăn may kớl oh mon Gập ăn khân păng nsing nập ma Gập.”

33Simôn i bu kuăl Pêtrôs đống, păng ơh: “Hơi Kôranh! Gập lẻ jêh ndrăp sắk jăn, ah ntũk May hăn, gập tâng hăn đống, bol lah gũ ndrung, mâu lah tăt khăt sắk.”

34Brah Yêsu lah ma păng: “Hơi Pêtrôs! Gập mboh ma may, mắng dja iăr ê hỏ ndrau, tăt ma may rlăch pe tở lah mâu gĩt năl Gập.”

35Jêh ri Brah Yêsu lah ma khân păng: “Nôk Gập đã khân may hăn gay ma mboh nau mhe mhan ueh nơh, mâu geh prăk, mâu geh dũng, mâu geh ndjôt ntô jot, lẻ râng bơh?” Oh mon ơh ma Păng: “Ở, lẻ râng.”

36Brah Yêsu lah: “Abơ dja, bu moh geh dũng prăk, bu moh geh dũng cheng, ăn păng ndjôt ta sắk păng nơm. Bu moh i mâu geh đao, ăn păng tăch ao kuống păng nơm ma rvăt du n'gờ đao.

37Gập mboh ma khân may, ta sambũt Nau Kôranh Brah Ngơi lẻ nchih lah ma Gập: ‘Bu kớp Păng jêng tâm ban ma bunuyh geh dôi’. Iăt ma ndơ dja jêng tăt ngăn, yor ma iăt ma dăng lẻ ndơ i geh nchih ma Gập jêng tăt ngăn ro.”

38Oh mon ơh ma Păng: “Hơi Kôranh! Bân geh bar n'gờ đao.” Brah Yêsu ơh: “Ở, ngơi dah nây lẻ gắp hơyh.”

Brah Yêsu gũ mboh sơm ta yôk tơm Ôlive

(Mat 26:36-46; Mar 14:32-42)

39Jêh ri Brah Yêsu lôh bơh jay nây, tâng ma nau vay Păng, Păng hăn ta yôk tơm Ôlive ri, mpôl oh mon leo bắl hăn tâng Păng đống.

⁴⁰Tât ta ntük Păng vay hăn này, Brah Yêsu lah ma khân păng: “Mboh sơm hồm, gay ma mâu jan tih nôk geh nau ndôm.”

⁴¹Jêh ri Brah Yêsu hăn bah ngai bôh khân păng này klăp lah truyh ntúp lủ. Tât ta ri Păng gũ chon mon kômök, mboh sơm kôt nda:

⁴²“Hơi Bở! Lah May ếch, dăn May lơi ôh ăn geh nau jök jêr dja ma Gáp . Yơn ma lơi ôh tâng nuh n'hâm Gáp ếch, ăn tâng nau May ếch hỏ.”

⁴³Dôi này geh say tông pãr Kôranh Brah jũr tă bôh kalơ trôk ntük Kôranh Brah, ăn Brah Yêsu geh n'hâm suan dăng.

⁴⁴Ta này Păng geh nau rngot rvê dũt hô, jêh ri Păng mboh sơm lơ ma hô đống, lôh dak rhal Păng tâm ban ma hoch mham trôh klích ngăn ta neh ri.

⁴⁵Brah Yêsu dâk bôh ntük mboh sơm này, hăn jât mpôl oh mon Păng, say mpôl oh mon này hăk bêch dadê, khân păng rgãnh yor ma rngot hô ir ta nuh n'hâm.

⁴⁶Păng rlay khân păng lah: “Moh bêch khân may này? Dâk mboh sơm hồm, gay ma mâu jan tih nôk geh nau ndôm.”

Bu nhũp Brah Yêsu

(Mat 26:47-56; Mar 14:43-50; Yôh 18:3-11)

⁴⁷Dôi Brah Yêsu hôm ngời này, dô ma tât Yuđas-Isakariyôt ndâp ma leo du mpôl bunuyh, păng hăn dăch Brah Yêsu, jêh ri chũm ueh lăng Brah Yêsu tâng nau vay phung Israel, păng jêng oh mon ta mpôl 12 nuyh này đống.

⁴⁸Brah Yêsu lah ma păng: “Hơi Yuđas, may jan chũm du tong kôt này gay ma njũn Gáp i Kon Bunuyh tă bôh Kôranh Brah ndri bôh?”

⁴⁹Jêh ri mpôl i gũ ndrel Brah Yêsu say nau i bôh ma tât, lah ma Brah Yêsu: “Hơi Kôranh! Ăn hên sỏ đao ma sreh bôh?”

⁵⁰Geh du huê oh mon ri tăk đao sreh dâk kôranh jan brah dũt kuông tách tôh bôh ma.

⁵¹Tih ma Brah Yêsu lah: “Lơi hôm!” Jêh ri Brah Yêsu nhũp tôh bu klô i này, jan tôh păng ăn bah kôt ơm.

⁵²Jêh ri Brah Yêsu lah ma mpôl kôranh jan brah, ma mpôl kôranh taken nhieh jan brah, ndrel ma mpôl kôranh êng jât i hăn nhữp Păng nây: “Moh brồ khân may ndjôt ndâp ma mông ma đao kớt nây, kớp Gâp jêng bunuyh ntũng bớh?

⁵³Nôk Gâp gũ ta jông gung nhieh jan brah ăp nar ndrel khân may, khân may mâu ôh nhữp Gâp. Mong dja jêng mong Kôranh Brah ăn khân may jan nau i khân may ếch, jêng mong i Kôranh Brah ăn Satăng i kôranh mpôl brah djơh mât uảnh ta nau ngo ri jan nau i păng ếch.”

Pêtrôs rlăch lah mâu gĩt năl Brah Yêsu

(Mat 26:57-58, 69-75; Mar 14:53-54, 66-72; Yôh 18:12-18, 25-27)

⁵⁴Jêh ri bu nhữp leo Brah Yêsu hăn ta jay kôranh jan brah ri. Lông Pêtrôs ri tâng bớh kớri brồ ndốp bôk mpôl bôk.

⁵⁵Ta nklang jông gung jay nây bu de sũnh ũnh, jêh ri gũ njờ ũnh i nây. I Pêtrôs ri gũ ndrel bu ta nây đống.

⁵⁶Geh du huê dâk bu ur ta nây, say Pêtrôs ta ang ũnh ri, păng uảnh phông jât Pêtrôs ri lah: “Păng i nây mpôl Bunuyh i bu nhữp nây đống!”

⁵⁷Pêtrôs rlăch: “Hơi yôh! Gâp mâu ôh gĩt năl Păng.”

⁵⁸Du ndôm bớh kớri nây, geh du huê bu klô êng say Pêtrôs, lah ma păng đống: “May bắ mpôl Bunuyh i bu nhữp nây đống!” Pêtrôs ơh: “Mâu ôh! Mâu di gập ôh!”

⁵⁹Klăp lah du mong bớh kớri nây, geh du huê bunuyh jât uảnh jât Pêtrôs ri đống, jêh ri tâm lah ndrăng khân păng: “Bu klô i nây bắ mpôl ndrel Bunuyh i bu nhữp nây ngăn ro, yor ma păng phung Galilê đống, nau ngơi păng nau ngơi phung Galilê.”

⁶⁰Pêtrôs ơh lah: “Gâp mâu gĩt moh nau may ếch lah.” Nôk păng hôm e ngơi nây, geh iă ndrâu ro.

⁶¹Jêh ri Kôranh Yêsu n'găl uảnh jât Pêtrôs ri. Ta nây Pêtrôs kah gĩt nau Kôranh Yêsu lah ma păng nơh: “Măng dja, lor ma iă ndrâu, may rlăch pe tở lah mâu gĩt năl Gâp.”

⁶²Jêh ri Pêtrôs lôh a dih nhũm rngot hô ngăn ro.

Bu mbang rak suai Brah Yêsu

(Mat 26:67-68; Mar 14:65)

⁶³Mpôl i gũ njrăng Brah Yêsu, ntôm gôm n'grôh ma Păng, lơh Păng,

⁶⁴sô bok put lơi trôm mắt Păng, lơh tay Păng, jêh ri lah: “Lah May jêng bunuyh ntôyh nau ngôi Kôranh Brah ngă, May lě gít jêh bu moh lơh May, lah ndri lõng May mboh ma hên!”

⁶⁵Jêh ri bu rak bu suai Păng hô jât.

Brah Yêsu gũ boh năp mpôl kôranh jan kar bri Yuđa

(Mat 26:59-66; Mar 14:55-64; Yôh 18:19-24)

⁶⁶Tât ang ôi, geh kôranh phung Israel ôk tâm mập bắ, ta phung i này geh mpôl kôranh jan brah đống, ndrel ma geh phung nôm nti nau vay phung Israel đống, đã bu leo Brah Yêsu hăn boh năp khân păng i mpôl kôranh jan kar phung Israel.

⁶⁷Jêh ri phung i này ôp Brah Yêsu: “Lah May jêng Brah Krist i nôm rklaih tă boh Kôranh Brah de njuăl ngă, lõng May mboh ma hên.” Brah Yêsu ôh: “Lah Gáp mboh ma khân may, khân may mâu iăt Gáp đống,

⁶⁸jêh ri lah Gáp ôp khân may ma Brah Krist i này, khân may mâu mboh ma Gáp [, mâu mboh Gáp] đống.

⁶⁹Yôn ma ntôm boh dja jât năp, Gáp i Kon Bunuyh tă boh Kôranh Brah gũ boh ma ti Kôranh Brah nôm i dút kuống gay ma mậ uănh.”

⁷⁰Lě phung i này ôp Brah Yêsu: “Lah ndri May i Kon Kôranh Brah bah?” Brah Yêsu ôh: “Nau khân may lah i này di ngă, Gáp dja ro.”

⁷¹Khân păng tâm lah ndrăng khân păng nôm: “Bân mâu hôm khăch ôh ôp nau boh bu êng jât gay ma phat dôih Păng, nau Păng ngôi i bân nôm lě tăng này lě gáp jêh. Yorlah Păng lah êng sắk Păng nôm i kon Kôranh Brah, geh nau khlay Păng kớp êng Păng nôm tâm ban ma Kôranh Brah, nau i này jêng geh dôih jru tât ma khăt sắk ngă.”

Luka 23

Brah Yêsu gũ boh năp kôranh kuống Pilat

(Mat 27:1-2, 11-14; Mar 15:1-15; Yôh 18:28-38)

¹Jêh ri lě mpôl i nây dâk njũn Brah Yêsu ma kôranh kuông bri Yuđa, rnhã păng Pilat, păng phung Rôm.

²Tât ta nây khân păng lah ntôn Brah Yêsu: “Hơi kôranh, hên say bunuyh dja leo phung ðon lan jan ndơ mâu ueh, nkhăng bu mâu ăn prak ma kôranh kađăch ta ðon kuông Rôm, ndrel ma kơp êng săk Păng nơm lah Brah Krist i nơm rklaih tă bơh Kôranh Brah de njuăl, jêh ri Brah Krist jêng kađăch đống.”

³Kôranh Pilat ôp Brah Yêsu: “Ngăn lah May kađăch phung Israel ðah?” Brah Yêsu ơh: “Ồ, kơt nau may lah nau i nây.”

⁴Kôranh Pilat lah ma mpôl kôranh jan brah, ndrel ma phung ðon lan: “Gập mâu ôh say Bunuyh dja geh nau tih!”

⁵Khân păng lah lơ ma dăng: “Bunuyh dja leo nti phung ðon lan jan nau uh ah lam bri Israel, nơm bơh bri Galilê, tât ma ntũk dja ro.”

Brah Yêsu gũ bơh năp Hêrôt-Öntipas

⁶Tât ma Pilat tăng kơt nây, păng ôp: “Lah ndri Păng Bunuyh bri Galilê bơh?”

⁷Jêh Pilat gĩt lah Brah Yêsu bunuyh bri Galilê, njũn Brah Yêsu ma Hêrôt-Öntipas, yorlah păng măt uănh bri nây, nôk nây păng geh gũ ta ðon kuông Yêrusalem đống.

⁸Tât păng say Brah Yêsu, păng răm ngăn, yor ma lě tăng nau bu nkoch ma Brah Yêsu, ndri păng ũch mập Brah Yêsu lě jö. Păng nơm lah say Brah Yêsu jan du nau ueh nau khlay.

⁹Păng ôp Brah Yêsu ők ntil ngăn, yơn ma Brah Yêsu mâu ơh ôh.

¹⁰Mpôl kôranh jan brah, ndrel ma phung nơm nti nau vay phung Israel, gũ ta nây đống, lah ntôn Brah Yêsu dũt dăng dăng ngăn.

¹¹Hêrôt i nây, ndrel ma taken păng gơm n'grõh mựch rmot Brah Yêsu. Păng sỏ ao ueh n'gut ta Brah Yêsu ri, jêh ri njũn tay Păng ma kôranh Pilat.

¹²Bơh nơm Hêrôt i nây, ðah Pilat bunuyh tâm rlăng bảl, yơn ma nơm nar nây bar hê khân păng jêng măt jăng ndrel.

Pilat ăn bu nkhât Brah Yêsu

(Mat 27:15-26; Mar 15:6-15; Yôh 18:39; 19:16)

- ¹³Jêh ri Pilat kuăl mpôl kôranh jan brah, mpôl kôranh phung Israel a êng jât, ndrel ma lě phung bon lan văch ta păng.
- ¹⁴Păng lah: “Bunuyh i khân may njün ăn gâp phat dôih dja, khân may ntôn ma Păng lah jêng bunuyh leo phung bon lan tâm rdâng ma bri dak. Lě gâp ôp jêh Păng ta năp khân may nôm, yơn ma mâu ôh say geh nau tih kơt khân may ntôn này.
- ¹⁵Bol lah Hêrôt uănh bunuyh dja mâu say geh nau tih đống, ndri păng plở njün tay Păng ta dja, n'hêl naně bunuyh i dja mâu ôh geh nau tih tât ma khât săk.
- ¹⁶Lah ndri gâp đă bu rpăt Păng ma rse, jêh ri bơk ăn Păng sât.”
- ¹⁷[Tâm ăp năm bu jan nhêt bũn n'hot dja, Pilat vay bơk du huê bunuyh dôih ăn ma phung bon lan.]
- ¹⁸Yơn ma geh dâng lě bunuyh nter đrôu dũt dăng lah: “Nkhât lơi Bunuyh dja, bơk Barabas ma hên.”
- ¹⁹Barabas geh ndrung, yor ma păng jan nau uh ah ta bon Yêrusalem, ndrel ma nôk này păng nkhât bunuyh đống.
- ²⁰Pilat ũch bơk Brah Yêsu, dâng geh ma păng ngơi ma phung i này du tở jât.
- ²¹Yơn ma phung i này hôm nter đrôu lah: “Nkhât lơi Păng ta si tâm rkăng! Nkhât lơi Păng ta si tâm rkăng!”
- ²²Pilat lah tay ma phung i này du tở jât: “Bunuyh dja moh nau tih ta Păng? Gâp mâu ôh say Păng geh nau tih tât ma khât săk. Gâp man ma đă bu rpăt Păng ma rse, jêh ri bơk ăn Păng sât.”
- ²³Yơn ma phung i này nter lơ ma dăng, jöl dăn nkhât Brah Yêsu ta si tâm rkăng, ndri dâng nter phung bon lan [ndrel ma mpôl kôranh jan brah này] dâng geh ma dơi.
- ²⁴Jêh ri Pilat tể dôih jan tâng nau phung i này dăn,

²⁵păng bōk Barabas bōh ndrung. Barabas i này gũ ndrung, yor ma jan nau uh ah, ndrel ma nkhât bunuyh đōng. Lōng i Brah Yêsu ri Pilat ăn Păng ma taken, ăn jan tâng nau phung i này dẫn nơh.

Bu pōng Brah Yêsu ta si tâm rkăng

(Mat 27:32-44; Mar 15:21-32; Yôh 19:17-27)

²⁶Jêh ri taken leo Brah Yêsu jât ntūk nkhât Păng, dôi hăn rõ trong này, geh máp ma du huê bu klô, rnhâ păng Simôn tă bōh bon kuōng Kiren, păng sât tă bōh mir. Jêh ri taken de nhữp păng đã tui si tâm rkăng tâng bōh kơi Brah Yêsu.

²⁷Ōk ngăn bunuyh hăn tâng Brah Yêsu, ndáp ma mpôl bu ur nhiăng nhũm ma Brah Yêsu ntữr ntang nơh khân păng nơm, yor ma khân păng rngot hô ngăn.

²⁸Brah Yêsu uảnh jât mpôl bu ur i này, lah ma khân păng: “Hơi bu ur Yêrusalem! Lơi ôh nhũm rngot ma Gập, ăn nhũm rngot ma sắk khân ay nơm, ndrel ma kon khân ay nơm hõ.

²⁹Yorlah nar jât nấp tay bu mra lah ro: ‘Ueh maak ngăn ma bu ur mâu bả kon, ma bu ur mâu gũ oh, ndrel ma bu ur mâu geh mpu toh kon’.

³⁰Nôk này tay bu lah ma yôk kuōng: ‘Rlôm hõm ta kalơ sắk hên dja’, lah ma yôk jẻ: ‘Dăn brôi kalơ hên dja hõm’. Khân păng lah ndri yor ma mâu hôm ứch ôh geh nau krit jât, nôk phung rlăng lơh hêng bon kuōng dja.

³¹Gập mâu geh tih ôh, Gập tâm ban ma si rêh i bu mâu ôh vay su ta ứnh, tih ma bu hôm ứch nkhât Gập ta si tâm rkăng. Bunuyh ta bon Yêrusalem lẻ geh nau tih jêh, khân păng tâm ban ma si ndro ndrăp ma su lơi ta ứnh. Lah si rêh lẻ dah dja jêh bu jan, lah ndri si ndro rlau ma dja bah bu jan.”

³²Geh bar hê bunuyh dôi h đōng, taken leo khân păng gay ma nkhât ndrel Brah Yêsu ri.

³³Tât ta ntūk bu kuẩ lah ‘Gôlgôtha’, geh nau khlay lah ‘Yôk nting bôk’, taken pōng Brah Yêsu ta si tâm rkăng ta ntūk này, ndrel ma bar hê bunuyh dôi h đōng, du huê bu pōng bōh chia, du huê bu pōng bōh ma.

³⁴Jêh ri Brah Yêsu mboh sơm: “Hơi Bở! Yỗ ndach ma khân păng bả, yorlah khân păng mâu gít ôh ndr i khân păng jan dja.” I kho ao Brah Yêsu ri mpôl taken i gũ ta nây leo bảl sỏ nhũp ndr nchroh, gay ma tâm pả bảl kho ao i nây.

³⁵Phung bon lan gũ uảnh ta nây đống, jêh ri mpôl kôranh phung Israel gôm n'grôh lah ma Brah Yêsu: “Lah Păng Brah Krist i kadăch lể Kôranh Brah de kơih ngăn, ăn Păng rklaih êng sắk Păng nơm, yor ma Păng lể rklaih ma bunuyh êng êng jât.”

³⁶Mpôl taken gôm n'grôh ma Brah Yêsu đống, khân păng sỏ dak srat ăn Brah Yêsu nhêt

³⁷n'ho ma lah: “Lah May Kadăch phung Israel ngăn, rklaih êng sắk May nơm hỏm!”

³⁸Kalơ bôk Brah Yêsu ri geh bu pla du rlat kađar nchih lah: “Dja jêng Kadăch phung Israel.” [Nau lah i dja geh nchih ma nau ngơi Grek, nau ngơi Latăng, nau ngơi Hêbrơ].

³⁹Du huê bunuyh dôi i bu nkhât ndrel Brah Yêsu nây, păng gôm n'grôh lah Brah Yêsu kơt nda: “May vay lah sắk May nơm jêng Brah Krist, lah ndr i sỏ nau dơi Brah Krist May nơm rklaih sắk May nơm hỏm, jêh ri sơm rklaih hên bả đống.”

⁴⁰Yơn ma du huê bunuyh dôi i êng lah păng: “May bơi khât, hôm mâu klach Kôranh Brah tể dôi ma may bơh? May bu tể dôi kơt Păng đống.

⁴¹Bân dja bu tể dôi lể di hơi, yorlah bân nơm lể jan tih. Lống Păng i nây mâu geh ôh jan tih.”

⁴²Jêh ri bunuyh nây lah ma Brah Yêsu: “Hơi Kôranh! Tât May jêng Kadăch ngăn ta bri May nơm, đăn May kah gít ma gập bả.”

⁴³Brah Yêsu lah ma păng: “Hơi oh, Gập lah n'hêl nanẻ ngăn ma may, nar dja ro may hăn gũ ndrel Gập ta bon ueh ta kalơ.”

Brah Yêsu khât

(Mat 27:45-56; Mar 15:33-41; Yôh 19:28-30)

⁴⁴Nôk này klăp lah nar nklang bôk, jêh ri lam bri dak i này trôk geh ngo dadê n'ho ma tât mong pe kêng mǎng.

⁴⁵Ta mong i này nar jêng ngo, jêh ri bok nching ta trôm nhieh jan brah ta bôh năp jrô dūt kloh ueh, hêk chuik ta plăng nklang n'gul jêng bar blah bok .

⁴⁶Jêh ri Brah Yêsu nter dūt dăng ngă, Păng lah: “Hơi Bờ! Gáp njũn huêng Gáp ma may.” Jêh ngơi kơt này, Păng roh n'hâm klök.

⁴⁷Tât ma kôranh taken i leo nkhât Brah Yêsu say nau kơt này, păng rnê ma Kôranh Brah lah: “Bunuyh dja Păng sǒng ngă, mâu geh tih ôh.”

⁴⁸Lǒng lě bunuyh i văch gum ta này, tât ma say nau kơt này, khân păng leo bǎl sât a jay khân păng nơm ri ntũr ntang ntơh khân păng nơm, yor ma rngot hô ngă.

⁴⁹Dăng lě bunuyh i dêh dăch đăh Brah Yêsu ri, ndrel ma mpôl bu ur i tâng Brah Yêsu tă bôh bri Galilê, khân păng gũ uănh nau i này bôh ngai.

Bu tốp Brah Yêsu ta môch

(Mat 27:57-61; Mar 15:42-47; Yôh 19:38-42)

⁵⁰Geh du huê bunuyh ta mpôl kôranh jan kar phung Israel, rnhâ Yôsep, păng tă bôh ðon Arimathê, ta bri Yuđa, păng jêng bunuyh sǒng ta bôh năp Kôranh Brah.

⁵¹Păng gũ kǒp nau Kôranh Brah măt uănh đǒng. Păng mâu geh ôh tâm di nau đăh mpôl kôranh jan kar phung Israel êng jât, mâu geh lăp ndrel khân păng ta nau nkhât Brah Yêsu đǒng.

⁵²Jêh ri păng hăn mập Pilat, dăn sǒ săk Brah Yêsu ma tốp. Jêh Pilat ăn

⁵³păng hăn njũr săk Brah Yêsu bôh si tâm rkăng, păng put ma bok lai h nglang, jêh ri njor Brah Yêsu ta trôm môch lũ klêr i lě jêh bu lôk. Trôm môch i này ê hǒ geh ôh tể bunuyh khât.

⁵⁴Nar này jêng nar ndrăp ma nar Sabăt i nar rlu phung Israel. Phung Israel kơp nar Sabăt ntơm kêng mǎng nôk nar ntơm nhǒp, mong i này lě bôri tât đǒng.

⁵⁵Mpôl bu ur i tâng Brah Yêsu tă bôh bri Galilê nơh, khân păng hăn tâng Yôsep đổng. Khân păng say môch i này, ndrel ma say bu njoz Brah Yêsu ta trôm ri đổng.

⁵⁶Jêh ri khân păng leo bắ plở sắ ta jay. Tắ a jay ri khân păng ndrắp dak ngi bô kah, ndrel ma ndr bô kah êng jắ, gay ma hắng tắ ta sắk Brah Yêsu. Lắp nar Sabắt khân păng gắ rlu tâng ma nau vay phung Israel.

Luka 24

Brah Yêsu đắk rêh

(Mat 28:1-10; Mar 16:1-8; Yôh 20:1-20)

¹Ta nar tồl nguai pơh này, bhit ang bri hôm ngo, mpôl bu ur i này leo bắ hăn ta môch, ndjôt ndr bô kah ndr i khân pre lắ jêh ndrắp ri nơh ma tắ ta sắk Brah Yêsu [geh bunuyh abắ hăn ndrel đổng].

²Tắ ta này khân păng say lắ i rdồl ntu môch nơh lắ rắ jêh.

³Jêh ri khân păng lắp ta trôm ntu này, uắnh sắk Brah Yêsu ta ri mắu hôm ôh say.

⁴Dồl mpôl bu ur mắn rvê ma nau này, jêh ri dô ma say geh bar hê bunuyh nsoh n'gut ao nglang chrát ngắ, đắk ta meng khân păng ri.

⁵Khân păng klach nsờ ngắ, gắ kắnh bôk jắt neh su, jêh ri mpôl i bar hê này lah ma khân păng: “Moh joi khân ay re Bunuyh rêh ta ntúk bunuyh khắt dja?”

⁶Pắng mắu hôm ôh ta dja, Pắng lắ đắk rêh jêh. Khân ay mắu kah gắt nau Pắng lắ ngời nồk gắ ta bri Galilê nơh?

⁷Pắng lah: ‘Gắp i Kon Bunuyh tă bôh Kờranh Brah, nau bu njún Gắp ta phung tih, ndắp ma nau bu nkhắt Gắp ta si tâm rkắng iắt ma geh ngắ, yờn ma tắt pe nar bôh kời Gắp đắk rêh tay’.”

⁸Jêh ri mpôl bu ur i này kah gắt ro nau Brah Yêsu ngời nơh.

⁹Khân păng đắk sắt bôh môch này, mbôh nkoch nau i này ắn ma 11 nuyh mpôl kờranh oh mon, ndrel ma đắng lắ oh mon êng đổng.

10Bu ur i mboh nkoch nau nây ăn ma mpôl kôranh oh mon, ta nây geh Mari tă bôh bon Mađala, geh Yôanna, ndrel ma Mari i mẽ Yakơ, ndâp ma bu ur abă êng đống i hăn nây.

11Mpôl kôranh oh mon mâu ôh iăt nau khân păng mboh nkoch nây, khân păng lah mpôl nây ngời nklă dơm.

12Yơn ma Pêtrôs dâk bôh nây, păng nchuăt jăt môch ri, tăt ta ri păng kũnh uảnh ta trôm, say dơm bok bu put Brah Yêsu hôm ta ri, jêh ri păng plở săt jăt jay dja, mân rvê ma nau i nây.

Bar hê oh mon hăn jăt bon Êmos

(Mat 16:12-13)

13Ta nar nây đống, geh bar hê oh mon hăn jăt bon Êmos, ngai 11 kilômet ma bon kuông Yêrusalem.

14Khân păng tâm nkoch bri i lể nau geh nây.

15Dôl khân păng tâm nkoch nau i nây, Brah Yêsu hăn dăch khân păng, brồ ndrel khân păng,

16tih ma khân păng mâu ôh năl Păng, yorlah Kôranh Brah mâu ăn năl.

17Brah Yêsu ôp khân păng: “Moh nau nkoch khân mre dôl brồ rồ trong ri hiah?” Jêh ri khân păng nsrũng du ndôm, muh mắt sớh rớih ơyh.

18Geh du huê rnha Klêupas ơh lah: “Dâng lể bunuyh ta Yêrusalem, ndrel ma dâng lể bu năch i hăn nhêt bũn n'hot ta Yêrusalem gít nau geh dja bar pe nar a lor nớh dadê, mớm dâng du huê May ri lĩch gít?”

19Brah Yêsu ôp: “Moh nau hă?” Păng ơh: “Nau Yêsu i tă bôh bon Nasaret nớh hio. Păng jêng bunuyh ntơyh nau ngời Kôranh Brah, nau Păng nti geh nau dơi ngăn, ndrel ma jan nớ ueh nớ khlay kuông ta năp Kôranh Brah, ndrel ma ta bôh năp phung bon lan đống.

20Yơn ma mpôl kôranh jan brah, ndrel ma mpôl kôranh măt uảnh hên, njũn Păng ăn bu nkhăt lới Păng, nkhăt Păng ta si tâm rkăng đống.

²¹Lõng hên de nană ma nôm Păng, hên vay nôm Păng ro jêng Nôm Rklaih dâng lě phung bon lan Israel bôh phung rlänge bân, abaō dja geh nau kơt này jât, nôm bôh nar này, lě geh pe nar ma nar dja jêh.

²²Ndrel ma geh bu ur mpôl hên abă, jan ăn hên geh nau ndrôt dūt hô đong, khân păng brồ ta môch bhit ang bri hôm ngo,

²³uănh săk Brah Yêsu ta ri mâu ôh say. Khân păng plở sât bôh ri mbōh nkoch ma hên lah say tông pă, jêh ri tông pă de mbōh lah Brah Yêsu rêh.

²⁴Jêh ri geh mpôl hên abă hăn ta môch ri đong, say tâm ban kơt nau mpôl bu ur mbōh nơh ngăn, tih ma mâu geh ôh bunuyh say Păng.”

²⁵Jêh ri Brah Yêsu lah ma khân păng: “Hơi bunuyh mâu geh nau mân! Khân may mâu dơh iăt ôh dâng lě nau bunuyh nơyh nau ngơi Kôranh Brah kăl e nơh lě nchih jêh ma Brah Krist.

²⁶Iăt ma Brah Krist i Nôm Rklaih tă bôh Kôranh Brah de njuăl đơn nau jêr jôt này lor bốt, ri mơ dâng Kôranh Brah ăn Păng nau chrăt ang, ăn Păng măt uănh dâng lě ndr.”

²⁷Jêh ri Brah Yêsu rblang lě nau bu nchih ma săk Păng ta sambūt Nau Kôranh Brah Ngơi, nôm bôh sambūt i Môsê nchih, tăt ma dâng lě sambūt i bunuyh nơyh nau ngơi Kôranh Brah kăl e nơh nchih đong.

²⁸Jêh ri bon i oh mon ũch hăn này lě bơi tăt. Jêh ri Brah Yêsu ndra jan ũch hăn n'hot jât năp jât.

²⁹Mpôl oh mon này kôn Păng, khân păng lah: “Gũ bêch ndrel hên ta dja bốt heh, nar lě dêh bri lě ũch măng đong.” Jêh ri Brah Yêsu veh bêch ndrel khân păng ta ri.

³⁰Dôl Brah Yêsu gũ sông sa ndrel khân păng ta nsưng ri, Păng sô nũmpăng lah ueh ma Kôranh Brah, jêh ri gích pă ăn ma khân păng sa.

³¹Nôk này măt khân păng dô ma say ang ro, uănh năl Brah Yêsu, tih ma Brah Yêsu roh klăk bôh khân păng.

³²Jêh ri khân păng tâm lah ndrăng khân păng nơm: “Nôk Păng ngời đah bân, n'ho ma rblang Nau Kôranh Brah Ngời rở trong nơh, Păng pơk bôk tôr bân, ta nuih n'hâm bân rằm maak ngă.”

³³Jêh ri khân păng dâk plờ sât brül jât Yêrusalem ro, tât ta nây say 11 nuyh mpôl kôranh oh mon gũ tâm rbum, ndrel ma bunuyh abă êng đong.

³⁴Mpôl i nây mboh ma khân păng: “Brah Yêsu lể dâk rêh ngă, Păng nhơ sắk ăn ma Simôn say.”

³⁵Jêh ri bar hê oh mon nây mboh nkoch lể nau geh rở trong nơh, ndrel ma nau khân păng gít năl n'hêl Brah Yêsu, dôi Păng gích numpăng ăn ma khân păng.

Brah Yêsu nhơ sắk ăn mpôl oh mon say

(Mat 28:16-20; Mar 16:14-18; Yôh 20:19-23; Kar 1:6-8)

³⁶Dôi bar hê oh mon nây hôm mboh nkoch nau i nây, dô ma say Brah Yêsu dâk ta nklang khân păng dâng lể mpôl oh mon nây, jêh ri lah ma khân păng: “Ăn nau ueh lăng đăp mpăn gũ ndrel khân ay may .”

³⁷Lể khân păng klach nsôr hô ngă, ndôn lah chiak nhu.

³⁸Brah Yêsu lah ma khân păng: “Mơm nuih n'hâm khân ay may dâng geh ma phơ, dâng geh ma mâu iăt Gáp rêh ngă?”

³⁹Lông khân ay may uănh rmanh ta jông ti Gáp dja, gay ma gít n'hêl lah Gáp ngă ro, lông pah sắk Gáp, gay ma gít geh sắk ngă. Chiak nhu lịch ôh băt nting băt mlay kơt Gáp dja.”

⁴⁰Jêh Brah Yêsu ngời kơt nây, Păng nhơ jông ti rmanh ăn ma khân păng say.

⁴¹Mpôl oh mon ê hỏ ôh iăt, nuih n'hâm khân păng maak, yơn ma ê hỏ lăng văt ôh. Jêh ri Brah Yêsu ôp ma khân păng: “Khân ay may ta dja geh ndơ sông sa đong?”

⁴²Bu de sỏ ka gũch du gỏl, ndở ăn Păng,

⁴³jêh ri Brah Yêsu sỏ sa ta năp dâng lể khân păng.

⁴⁴Păng lah ma khân păng: “Dja nau Gâp mboh ma khân ay may dôl Gâp hôm gũ ndrel khân ay may nơh, abao dja Gâp mboh tay ma khân ay may du tờ jât: Dâng lẽ nau bu nchih lah ma Gâp kăl e nơh geh ta sambũt Nau Vay Môsê, ta sambũt bunuyh ntơyh nau ngơi Kôranh Brah, ndrel ma ta sambũt Nau Mpro Ơm, păng geh ngăn kơt nây ro.”

⁴⁵Jêh ri Brah Yêsu pơk bôk tôr khân păng ăn gĩt vât lẽ ndơ i lẽ geh nchih ma Păng nơm ta sambũt Nau Kôranh Brah Ngơi.

⁴⁶Brah Yêsu lah: “Lẽ geh nchih nđa: Iăt ma Brah Krist i nơm rklaih tă bơh Kôranh Brah de njuăl ri geh nau jêr jốt, ndrel ma nau khât, yơn ma ta pe nar bơh kơi Păng dăk rêh đong.

⁴⁷Lẽ geh nchih đong: Ăn oh mon Brah Krist mboh nkoch ta rnhă săk Păng ăn ma bunuyh ta Yêrusalem lor, jêh ri dâng lẽ bunuyh ăp n'gor bri đong, mboh nkoch đong ma nau rgâl nuh n'hâm djơh, ndrel ma nau Kôranh Brah yỗ nđach ma khân păng mầu hôm kơp nau tih.

⁴⁸Khân ay may lẽ say ma mắt jêh nau jêr jốt, nau khât, ndrel ma nau dăk rêh Gâp, lah ndri ăn khân ay may mboh nkoch nau khlay i nây ma bu.

⁴⁹Gâp ăn đong Brah Huêng Ueh gũ ta khân ay may tay, kơt nau Bờ lẽ jêh ton. Khân ay may gũ ta Yêrusalem hỏ, n'ho ma tăt Kôranh Brah ăn bêngkhân ay may ma nau đơi i tă bơh Brah Huêng Ueh.”

Brah Yêsu hao ta ðon ueh kalo

(Mar 16:19-20; Kar 1:9-11)

⁵⁰Jêh ri Brah Yêsu leo mpôl oh mon nây hăn dăch ma ðon Bêthani, tăt ta nây Brah Yêsu yơr ti ăn nau geh jêng ma khân păng.

⁵¹Dôl Brah Yêsu ăn nau geh jêng ma mpôl oh mon i nây, Kôranh Brah n'hao Păng nkhhah bơh khân păng nây hao săt ta ðon ueh ta kalo ri.

⁵²Jêh ri mpôl oh mon yơk mbah ma Păng, jêh ri khân păng răm maak dũt hô plở săt ta ðon Yêrusalem.

⁵³Khân păng hăn ta jông gung nhih jan brah ðabơ, leo băl rnê ma Kôranh Brah.

Yôhan

Yôhan 1

Nau ntôm mbôh nkoch

- ¹Bôh ntôm saôm saam nơh lể ơm geh jêh rnha Nau Ngơi . Nau Ngơi i này gũ ndrel Kôranh Brah nôm, Nau Ngơi i này jêng Kôranh Brah .
- ²Bôh saôm saam ngăn, Nau Ngơi i này gũ ndrel Kôranh Brah nôm.
- ³Dâng lể ntil ndơ Kôranh Brah njêng, Kôranh Brah ăn Păng i rnha Nau Ngơi njêng dadê, mâu geh ôh du ntil ndơ i rnha Nau Ngơi mâu njêng.
- ⁴Rnha Nau Ngơi nôm tôm nau rêh, nau rêh rnha Nau Ngơi ăn ang ta nuih n'hâm dang lể bunuyh.
- ⁵Nau Ang i này ăn ang ta nau ngo, jêh ri nau ngo mâu ôh dơi ma Nau Ang .
- ⁶Geh du huê bu klô, Kôranh Brah đã păng hăn mbôh nkoch Nau Ang i này, rnha bu klô i này Yôhan-Baptem.
- ⁷Păng văch jêng tôm mbôh nkoch ăn bu gĩt năl Nau Ang i này, gay ma ăn dang lể bunuyh nsing ma Nau Ang i này tă bôh nau păng mbôh nkoch.
- ⁸Yôhan-Baptem mâu ôh jêng Nau Ang i này, păng văch gay ma jêng tôm mbôh nkoch Nau Ang i này dơ.
- ⁹Nau Ang i này văch ta neh ntu dja, jêng Nau Ang ngăn, ang ta nuih n'hâm dang lể bunuyh ta neh ntu dja.
- ¹⁰Nau Ang du huê bunuyh gũ ta neh ntu dja, Păng i nôm rhăk njêng neh ntu yor ma tă bôh Kôranh Brah đã, tih ma bunuyh ta neh ntu dja mâu ôh gĩt năl Păng.
- ¹¹Păng văch gũ ta bri Israel i bri dak Păng nôm, tih ma phung bon lan Păng nôm mâu ếch ôh rom Păng.
- ¹²Yơn ma bu moh i hôm rom Păng, jêng nôm i nsing ma Păng, bunuyh i này Păng ăn jêng kon Kôranh Brah nôm.

¹³Bunuyh i này jêng kon Kôranh Brah, mâu ôh deh tă bôh săk jăn, bôh nau bunuyh kônh, păng jêng kon tă bôh Kôranh Brah nôm ăn.

¹⁴Rnha Nau Ngơi i này jêng săk jăn bunuyh, n'ho ma gũ rêh ndrel bunuyh bân. Hên lě say nau chrêk lợp Păng, Păng tă bôh Kôranh Brah nôm i Bở Păng. Kôranh Brah geh Kon i này nguai ở dờm, nau chrêk lợp Kon i này kuông, Păng geh nau ueh dút hô ngăn, nau ngơi Păng nau ngơi ngăn nâng neng.

¹⁵Yôhan-Baptem lě mboh nkoch jêh nau khlay ta Păng, Yôhan-Baptem lah: “Păng dja i gập lě mboh nơh: ‘Păng văch bôh kơi gập, yờn ma geh nau khlay rlau gập ngăn, yorlah Păng lě ơm geh nau rêh lor gập’.”

¹⁶Nau ueh Păng mâu ôh blao lě mâu ôh blao dút, dăng lě bân nơh lě sỏ đơn nơ ueh tă bôh Păng lơ ma ők lơ ma ők.

¹⁷Nau vay phung Israel Kôranh Brah lě ăn ta Môsê, yờn ma ueh rlau ma nau vay i này, jêng nau ueh, nau ngăn i Păng lě ăn ta Brah Yêsu Krist.

¹⁸Mâu geh ôh du huê bunuyh lě say Kôranh Brah, geh du huê Kon Kôranh Brah nôm nguai ở dờm lě leo bân ăn năl Kôranh Brah, yorlah Păng nơh gũ tâm dăch ndrel Bở nôm, Păng Kôranh Brah đống.

Yôhan-Baptem jan baptem mboh nkoch ma Brah Krist

(Mat 3:1-12; Mar 1:1-8; Luk 3:1-18)

¹⁹Geh du nar ri mpôl kôranh phung Israel đă phung bunuyh jan brah, ndrel ma phung Lêvi i phung kơl jan kar ta nhiih jan brah ma Kôranh Brah, đă khân păng hăn tă bôh bon Yêrusalem ăn tâm mập đah Yôhan-Baptem, gay ma ôp păng: “May bu moh? May Brah Krist bah?”

²⁰Păng ơh sỏng ma khân păng, păng mâu ôh pôn mo, păng lah n'hêl naně ngăn: “Gập mâu ôh di Brah Krist i nôm rklaih tă bôh Kôranh Brah de njuăl.”

²¹Jêh ri khân păng ôp tay păng: “Lah ndri may bu moh? May Êliya i bunuyh ntơyh nau ngơi Kôranh Brah bôh kăl e nơh i bu lě mboh nkoch păng mra plở văch ê lor ma Brah Krist văch bôh?” Păng ơh “Mâu ôh.” Khân păng ôp tay

đồng: “Lah ndri may i bunuyh ntøyh nau ngời Kôranh Brah i tâm ban ma Môsê i bân hôm gũ kốp bah?” Păng ơh: “Mâu ôh.”

²²Khân păng ôp tay păng: “Lah ndri may bu moh? Dăn may mboh nkoch êng sāk may nơm, yorlah hên ếch tăng nau may mboh nkoch, gay ma hên mboh nkoch ma bunuyh đã hên hăn dja nơh.”

²³Yôhan-Baptem lah ma khân păng: “Gập dja i bunuyh Êsai i bunuyh ntøyh nau ngời Kôranh Brah kãl e nơh lẽ nkoch lor, păng nchih lah: ‘Geh du huê bunuyh nter ta bri rdah: ‘Ndrăp hồm nuih n'hâm ăn ma Kôranh Brah, tâm ban ma bunuyh nsống trong ăn ma kađăch hăn’ .”

²⁴Phung i bu đã hăn ta Yôhan-Baptem nây, abă phung Pharisai,

²⁵khân păng ôp tay păng: “Lah may mâu yống Brah Krist, mâu yống Êliya, mâu yống i bunuyh ntøyh nau ngời Kôranh Brah i tâm ban ma Môsê, lah ndri mơm dăng may jan baptem yũk ma dak ăn bu?”

²⁶Yôhan-Baptem lah ma khân păng: “Gập jan baptem yũk ma dak, yơn ma geh du huê Kôranh gũ ta dăng lẽ phung khân may, khân may mâu ôh gít năl Păng.

²⁷Păng i nây văch bơh kơi gập, yơn ma Păng jêng kôranh dút kuống ngăn. Bol lah gập sơm droh ntô jot Păng, hôm mâu di đah nau jan kar ma Păng đồng.”

²⁸Dăng lẽ nau geh lah i nây ta ntũk bon Bêthani, jêng ntũk Yôhan-Baptem jan baptem yũk ma dak, mpeh bơh lôh nar dak rlai Yôđăn nây.

Brah Yêsu jêng Kon Be Biăp Kôranh Brah

²⁹Tât nar ôi tay, Yôhan-Baptem say Brah Yêsu hăn jât păng, păng lah: “Ri moh, Păng i nây i Kon Be Biăp Kôranh Brah, yor ma Păng tâm ban ma be biăp bu nkhât jan brah gay ma Kôranh Brah yố mâu hôm kốp nau tih, Păng sỏ lời nau tih dăng lẽ bunuyh ta neh ntu dja.

³⁰Păng i nây i gập lẽ mboh nkoch ma khân ay may nơh: ‘Geh du huê bu klô văch bơh kơi gập, Păng geh nau khlay rlau gập ngăn, yorlah Păng lẽ ơm geh nau rêh lor bơh năp gập’.

³¹Ntóm nơh, gáp mầu ôh gít năl Păng Brah Krist. Yơn ma gáp văch jan bắptem yũk ma dak, gay ma phung bon lan Israel gít năl Păng i Brah Krist.”

³²Yôhan-Baptem mboh nkoch ndơ păng lẽ say ăn ma bu: “Gáp lẽ say Brah Huêng Ueh tâm ban ma plũk jũr boh kalơ trôk đrôm gũ ta Păng.

³³Bol lah ntóm nơh gáp mầu ôh gít năl Păng i Brah Krist, yơn ma Kôranh Brah nơm tơm đã gáp văch jan bắptem yũk ma dak, Păng lah ma gáp: ‘Bunuyh i may say Brah Huêng Ueh jũr đrôm gũ ta Păng, Păng i này jan bắptem ma Brah Huêng Ueh i kloh ueh’.

³⁴Gáp lẽ say kớt này ngăn, gáp ũch mboh nkoch, Păng i này Kon Bu Klô Kôranh Brah ngăn ngên.”

Oh mon bôk dak tâng Brah Yêsu

³⁵Tât nar ôi tay, Yôhan-Baptem hôm gũ ta ntũk ơm này đổng, ndrel ma bar hê oh mon păng.

³⁶Păng say Brah Yêsu hăn rõ này, păng lah: “Này Kon Be Biăp Kôranh Brah.”

³⁷Bar hê mpôl oh mon này tăng păng lah, jêh ri khân păng tâng Brah Yêsu ro.

³⁸Brah Yêsu n'gâl jât kơi, say bar hê khân păng tâng Păng, jêh ri ôp: “Moh ndơ khân may joi?” Khân păng ơh: “Ở Rabi!” - ‘Rabi’ này nau ngơi Hêbrơ rblang lah ‘Nơm nti’ - “May ah ntũk gũ mêh?”

³⁹Brah Yêsu lah: “Hăn hồm gay ma say.” Nôk này lẽ mong puăn kêng măng, jêh ri khân păng hăn tâng Brah Yêsu, say ntũk Păng gũ nar này khân păng gũ ndrel Păng.

⁴⁰Ta bar hê khân păng này lẽ tăng nau Yôhan-Baptem lah nơh, jêh ri tâng groi Brah Yêsu, ta này du huê rnha Öndrê, i oh Simôn i bu kuăl lah Pêtrôs đổng.

⁴¹Jêh ri Öndrê hăn ro, mboh nkoch ma nô păng Simôn lor, păng lah: “Ở nô, hên lẽ say Brah Mêsi i Nơm Rklaih tă boh Kôranh Brah de njuăl!” - Nau ‘Mêsi’ này jêng nau ngơi Hêbrơ, rblang ta nau ngơi Grek lah ‘Krist’.

⁴²Jêh ri păng leo Simôn hăn mậ Brah Yêsu. Brah Yêsu uảnh jât păng, jêh ri lah: “May rnhă Simôn kon Yôhan . Ta nar jât năp tay, may rnhă ‘Kêphas’” - Nau ‘Kêphas’ nây jêng nau ngơi Aramêich, rblang ta nau ngơi Grek lah ‘Pêtrôs’ .

⁴³Tât nar ôi tay Brah Yêsu lě ũch hăn ta bri Galilê. Păng joi say Philip, Păng lah: “Hỗ hăn tâng Gâp.”

⁴⁴Philip nây tă bớh bon Bêtsaida, jêng ntũk bon Öndrê, ndrel ma ntũk Pêtrôs gũ đống.

⁴⁵Philip hăn mớh nkoch ma Nathanel: “Hên lě say i Bunuyh Môsê de lě nchih ta sambũt Nau Vay kăl e nớh, ndrel ma mpôl bunuyh ntớyh nau ngơi Kôranh Brah lě nkoch lor ma Păng kăl e nớh đống. Păng rnhă Yêsu tă bớh bon Nasaret, Păng i kon Yôsep.”

⁴⁶Nathanel lah: “Moh ndr nau ueh lôh tă bớh bon Nasaret nây bớh?” Philip lah: “Hăn may tâng gâp, may nớm say ro.”

⁴⁷Tât Brah Yêsu say Nathanel hăn ta Păng, Păng lah: “Bunuyh dja jêng bon lan Israel ngăn ngên, yorlah ta păng mâu ôh geh nau mbrôh rlăm.”

⁴⁸Nathanel ôp Brah Yêsu: “Mớm dâng May gĩt năl gâp?” Brah Yêsu ớh: “Gâp lě năl may bớh ê hỏ Philip hăn kuăl may ngăn, Gâp say may nôk hôm gũ ta nâm tởm Rvi nớh jât.”

⁴⁹Nathanel lah ma Brah Yêsu: “O Nớm Nti, May dja Kon Kôranh Brah ngăn, May jêng kađăch ma phung Israel ngăn ro.”

⁵⁰Brah Yêsu lah ma păng: “Ach ma Gâp lah ‘Gâp say may nôk hôm gũ ta nâm tởm Rvi nớh’, kớt ndr dâng may lě nsing ma Gâp bah? Yớn ma nar jât năp tay, may say nau khlay kuống rlau i dja jât.”

⁵¹Brah Yêsu lah tay: “Gâp lah n'hêl naně ngăn ma khân may, jât dja tay khân may say trôk pớk bống lahứ, jêh ri say phung tông păr Kôranh Brah hao bớh Gâp jât kalớ trôk, ndrel ma jũr ta kalớ Gâp i Kon Bunuyh tă bớh Kôranh Brah.”

Yôhan 2

Nau tâm ndăp ta bon Kana

- ¹Tât pe nar bôh kơi nây, geh tâm ndăp ta bon Kana bri Galilê. Mễ Brah Yêsu lể ơm hăn ta nây.
- ²Brah Yêsu bu jă hăn nhêt tâm ndăp ta nây đổng, ndrel ma mpôl oh mon Păng.
- ³Ta ntük ndăp nây ndrănh play yũng yar bon mâu hôm geh ôh, lể nhêt phiao, mễ Brah Yêsu lah ma Păng: “Khân păng mâu hôm geh ôh ndrănh nhêt!”
- ⁴Brah Yêsu ơh: “Ô mễ, mơm dăng ay mboh nau i nây ma Gập? Mong i Gập jan nau khlay ê tât ôh.”
- ⁵Mễ Brah Yêsu lah ma phung gũ kơl jan kar ta nây: “Moh ndr Păng đã khân ay may jan, ăn khân ay may jan ro.”
- ⁶Ta ntük nây geh yăng n'gôr dak prao mlôm, yăng i nây bu jan ma lủ, bu đổng yăng i nây ma n'gôr dak ma rao kloh tâng nau vay phung Israel . Nau kuông yăng i nây, du mlôm yăng klăp lah 80 mâu lah 120 lit.
- ⁷Brah Yêsu đã phung kơl jan kar nây: “Bũk dak ăn bêng lể yăng i dja.” Jêh ri bu bũk dak tể ta yăng nây bêng lâr gâr.
- ⁸Jêh ri Brah Yêsu lah đổng: “Ăbao dja khân ay may vah ndr ăn bu ranh sơm ndăp ri.” Jêh ri khân păng vah ndr.
- ⁹Tât ma bu ranh sơm ndăp păng chiăm dak i nây jêng ndrănh, păng mâu gít ôh bôh tă sô ndrănh i nây, yơn ma phung i kơl jan kar i tơm vah dak nây nơh gít. Jêh ri bu ranh i sơm ndăp nây kuăl kon ndăm i ndăp ur sai ri ôp:
- ¹⁰“Dăng lể bunuyh, bu vay sô ndrănh i dũt kah ăn bu năch nhêt lor, tât ma nhêt lể hơm ri mớ bu sô ndrănh i mâu lăng kah ăn nhêt bôh kơi. Mơm dăng may nkhoing ma rong ndrănh i dũt kah dja tât abao dja?”
- ¹¹Dja jêng nau khlay Brah Yêsu jan bôk dak, Păng jan ta bon Kana bri Galilê. Ndri Păng nơh nau chrêk lợp Păng nơm, jêh ri mpôl oh mon nsing ma Păng đổng.

12Jêh ri Brah Yêsu hăn ta ðon Kapônũm, ndâp ma mẽ Păng, i oh oh bu klô Păng, ndrel ma mpôl oh mon Păng ðong, Păng gũ ta nây jô bar pe nar.

Brah Yêsu ntrũt phung tách rgâl ta jông gung nhieh jan brah

(Mat 21:12-13; Mar 11:15-17; Luk 19:45-46)

13Nar nhêt Bũn n'hot phung Israel lẽ bõih tât, jêh ri Brah Yêsu hăn ta ðon kuông Yêrusalem.

14Tât ta nây Păng lăp ta jông gung nhieh jan brah ma Kôranh Brah nây, Brah Yêsu say geh ôk bunuyh gũ tách mpômpa (siũm) ma jan brah, tách ndrôk, tách be biăp, tách plũk, ndrel ma bunuyh rgâl prăk gũ ta rnoĩ khân păng nôm .

15Jêh ri Brah Yêsu sô rse jan mông rpăt, Păng ntrũt dăng lẽ phung i nây lôh bõih jông gung nhieh jan brah nây, ndâp ma be biăp, ndâp ma ndrôk khân păng. Păng nkhũt mbăh lơi prăk khân păng rgâl, jêh ri nklõ lơi nsưng khân păng ðong.

16Brah Yêsu lah phung tách plũk: “Nglôh lơi ndr i dja bõih dih ăn lẽ phiao! Lơi ôh sô nhieh Bõ Gâp jan ntũk tách drăp.”

17Jêh ri mpôl oh mon kah gĩt nau bu nchieh ma Brah Krist ta Nau Kôranh Brah Ngõih kăl e nõi: ‘Ach ma Gâp ðũt rông nhieh Kôranh Brah, dăng Gâp khăt lõi!’

18Mpôl kôranh phung Israel lah Păng: “Moh nau khlay May jan ăn ma hên say, gay ma hên gĩt say nau ðõi May jan ndr i nây tă bõih Kôranh Brah?”

19Brah Yêsu õh: “Rõih lõi nhieh jan brah dja, jêh ri Gâp jan mhe pe nar jêh.”

20Mpôl kôranh phung Israel lah Păng: “Bu jan nhieh jan brah dja lẽ jô 46 năm, tât ma May lah jan pe nar ðõm.”

21Yõn ma Brah Yêsu ngõih ma nhieh jan brah nây, Păng ngõih hõr ma săk Păng nôm.

22Jêh Brah Yêsu khăt ðăk rêh, mpôl oh mon kah gĩt nau Păng lah nây nõi, jêh ri khân păng iăt ma Nau Kôranh Brah Ngõih, ndrel ma iăt ma nau Brah Yêsu lẽ ngõih ðong.

²³Nôk Brah Yêsu gũ ta bon Yêrusalem, dôl nar nhêt bũn n'hot nây, geh ôk bunuyh nsing ma Păng, yor ma say dăng lě nau khlay Păng jan.

²⁴Yơn ma Brah Yêsu mâu ôh iăt khân păng, yorlah ta nuih n'hâm dăng lě bunuyh Păng gĩt jêh.

²⁵Păng mâu khách ôh bu sơm mboh nkoch nuih n'hâm bunuyh, yorlah Păng lě gĩt lě phiao ta nuih n'hâm bunuyh.

Yôhan 3

Brah Yêsu tâm ngoi ndrel Nikôđêm

¹Geh du huê phung Pharisai r nha Nikôđêm, jêng kôranh phung Israel.

²Păng hăn mậ Brah Yêsu dăng mǎng, păng lah: “Hơi Nơm Nti, hên lě gĩt May nơm nti tă bớh Kôranh Brah ngǎn ro, yorlah lah mâu geh Kôranh Brah gũ ndrel, mâu geh ôh bunuyh đơi jan nau khlay kớt May jan nớh.”

³Brah Yêsu ơh: “Gập lah n'hêl naně ngǎn ma may, bu moh mâu deh mhe, păng i nây mâu đơi ôh lắp say ta nau Kôranh Brah măt uǎnh.”

⁴Nikôđêm ôp Păng: “Lah bunuyh lě ranh, mớh hôm blao deh tay? Mớh hôm blao gũ ta trôm ndũl me bar tở, jêh ri deh tay?”

⁵Brah Yêsu lah: “Gập lah n'hêl naně ngǎn ma may, bu moh mâu deh ma dak, ndập ma nau đơi Brah Huêng Ueh, mâu đơi ôh lắp ta nau Kôranh Brah măt uǎnh.

⁶Bu moh deh mpeh ma sǎk jǎn đơm, jêng sǎk jǎn đơm, bu moh deh ma nau đơi Brah Huêng Ueh, geh nau rêh mhe jêng kon Kôranh Brah nơm.

⁷Lơi ôh ndrốt hih rhõl nau Gập lah ma may: ‘Iăt ma khân ay may deh mhe’ nây.

⁸Ntât lah sial khôm jât let mpeh, may tăng nteh đơm, yơn ma may mâu gĩt bớh tă lôh sial, jât let hăn sial. Nau bunuyh deh mhe ma Brah Huêng Ueh jêng tâm ban kớt nây đớng.”

⁹Nikôđêm ôp Brah Yêsu: “Mớh jan dăng geh nau i nây?”

10Brah Yêsu lah ma păng: “May jêng nôm nti ma phung Israel, môm dâng may mâu gít vât nau i này?”

11Gâp lah n'hêl naně ngăñ ma may, hên mbõh nkoch ndơ hên lể gít lể say, yơn ma khân ay may mâu ôh ếch iăt ma nau khlay hên mbõh nkoch.

12Lah Gâp mbõh nkoch nau ta neh ntu dja, lể khân ay may mâu iăt kốt này. Lah ndri lah Gâp mbõh nkoch nau kalơ trôk i ntũk Kôranh Brah nôm rao r'ốt lah khân ay may iăt!

13Mâu geh ôh bunuyh lể geh hao ta kalơ trôk, jêh ri plở jũr tay ta neh ntu dja, du huê mâu ơm, geh du huê Gâp i Kon Bunuyh tă bôh Kôranh Brah đơm i lể jũr bôh kalơ trôk ri.

14Rnôk kăl e ta bri rdah jêng rnôk phung Israel lôh bôh bri Êsip nơh, Môsê sô rup bêh jan ma kông yông ta mông, gay ma bu moh i geh bêh chôk uănh jăt rup bêh i này mâu ôh khât. Kốt ndri đổng iăt ma Gâp i Kon Bunuyh tă bôh Kôranh Brah bu yông kốt i này đổng,

15gay ma bu moh nsing ma Gâp, geh nau rêh n'ho ro .

16Yorlah Kôranh Brah rông hô ngăñ ma dâng lể bunuyh, tăt Păng jao Kon nguai ở Păng nôm ăn bu nkhât, gay ma bu moh nsing ma Kon i này mâu geh ôh tể dôih, geh nau rêh n'ho ro ngăñ.

17Kôranh Brah đă Kon Păng jũr ta neh ntu dja, mâu ôh gay ma tể dôih bunuyh ta neh ntu dja, yơn ma gay ma rklaih bunuyh yor ma Kon Păng i này.

18Bu moh nsing ma Kon i này, mâu geh ôh tể dôih. Yơn ma bu moh mâu nsing lể geh tể dôih, yorlah păng mâu nsing ma Kon nguai ở Kôranh Brah nôm.

19Nau Ang tă bôh kalơ trôk lể tăt jêh ta neh ntu dja. Nau tể dôih kốt nđay, tă bôh bunuyh ếch để nau ngo, đah nau ang i này, yorlah dâng lể ndơ khân păng jan nơh djơh ngăñ.

20Bu moh jan djơh, păng biănh ngăñ đah nau ang, păng mâu ếch ôh hăn ta nau ang, yorlah păng klach bu say nau djơh păng jan.

²¹Yơn ma bu moh jan sǝng, pǎng ǔch hǎn ta nau ang, gay ma ǎn bu say, dǎng lǝ ndrǝ pǎng jan ndrǝ jǝng di kǝt nau Kǝranh Brah ǔch ngǎn.”

Nau Yǝhan-Baptem mbǝh nau Brah Yǝsu

²²Jǝh nǎy Brah Yǝsu hǎn ndrǝl mpǝl oh mon Pǎng ta bri Yuđǎ, Pǎng gǔ ta nǎy ndrǝl mpǝl oh mon Pǎng, ndrǎp ma jan bǎptem yǔk ma dak ǎn bu đǝng.

²³Nǝk nǎy Yǝhan-Baptem gǔ jan bǎptem yǔk ma dak ta bon ǘnǝn, dǎch kǝng bon Salǝm, yorlah ta ntǔk nǎy geh ǝk dak ma jan bǎptem. Jǝh ri bu vǎch ǎp nar đǎ pǎng jan bǎptem yǔk ma dak.

²⁴Nǝk nǎy Yǝhan-Baptem ǝ hǝ ǝh bu krǔng.

²⁵Geh oh mon Yǝhan-Baptem abǎ tǎm rlǎch đǎh du huǝ phung Israel ma nau rao ǎn kloh tǎng nau vay phung Israel.

²⁶Jǝh ri khǎn pǎng hǎn mǎp Yǝhan-Baptem, mbǝh ma pǎng: “Hǝi nǝm nti, bu klǝ i gǔ ndrǝl may kǎl ti dak rlai Yǝđǎn ndrǝ, bunuyh i may nkoch jǝng Brah Krist ndrǝ, abǝr dja Pǎng gǔ jan bǎptem yǔk ma dak ǎn bu đǝng, jǝh ri đǎng lǝ bunuyh vǎch ran ta Pǎng nǎy dadǝ, mǎu hǝm ǝh hǎn ta bǎn.”

²⁷Yǝhan-Baptem lah ma khǎn pǎng: “Nau bunuyh jan kuǝng mǎu kuǝng, Kǝranh Brah nǝm ǎn, mǎu geh ǝh bunuyh đǝi jan ǝng.

²⁸Khǎn ay may lǝ gǝt jǝh, gǎp lǝ mbǝh nkoch ma khǎn ay may, gǎp mǎu ǝh di Brah Krist, gǎp jǝng du huǝ bunuyh Kǝranh Brah de njuǎl hǎn lor Pǎng đǝm.

²⁹Ntǎt lah nǝk bu tǎm ndrǎp, bu moh bu ur gǔ đǎh pǎng, pǎng i nǎy jǝng sai bu ur i nǎy, lǝng i mǎt jǎng gǔ dǎch kǝng pǎng nǎy rǎm maak ngǎn, yor ma tǎng nau pǎng ndrǝi . Lah ndrǝi gǎp rǎm maak ngǎn, tǎm bǎn ma mǎt jǎng i nǎy đǝng.

³⁰Nau Yǝsu lǝr ma hao kuǝng, jǝh ri gǎp lǝr ma jǔr jǝ tǎ bǝh Kǝranh Brah.”

³¹“Pǎng i jǔr tǎ bǝh kalǝ trǝk i ntǔk Kǝranh Brah nǝm, Pǎng kuǝng rlau bu ngǎn. Bu moh i tǎ bǝh neh ntu dja, pǎng gǝt vǎt ndrǝ ta neh ntu đǝm, pǎng mbǝh ndrǝi ma nau neh ntu dja đǝm. Yơn ma Pǎng i jǔr tǎ bǝh kalǝ trǝk, Pǎng i nǎy kuǝng rlau bu ngǎn.

³²Păng mboh nkoch nau khlay, moh ndơ Păng lẽ say lẽ tăng ta kalơ trôk, tih ma mâu geh ôh bunuyh iăt nau Păng mboh nkoch.

³³Yơn ma bu moh i iăt nau Păng mboh nkoch, bunuyh i này jêng tơm mboh nkoch ma bu nau ngơi Kôranh Brah jêng nau ngăn.

³⁴Brah Krist Kôranh Brah lẽ njuăl ăn văch, Păng mboh nkoch nau ngơi Kôranh Brah, yorlah Kôranh Brah lẽ ăn Brah Huêng Ueh gũ lẽ ta Păng.

³⁵Kôranh Brah i Bở bán rông hô ngăn ma Brah Krist i Kon Păng nơm, jêh ri dăng lẽ ntil ndơ Păng lẽ ăn i Kon Păng này măt uănh dadê.

³⁶Bu moh nsing ma Kon i này, păng geh nau rêh n'ho ro, bu moh mâu ôh nsing ma Kon i này, păng mâu geh ôh nau rêh n'ho ro, n'ho ma Kôranh Brah hơm tể dôi ta păng ngăn ro.”

Yôhan 4

Brah Yêsu tâm ngơi ndrel du huê bu ur phung Samari

¹Phung Pharisi tăng bu nkoch lah, Brah Yêsu geh oh mon ők rlau ma Yôhan-Baptem, ndrel ma jan bắptem yũk ma dak ăn ma bunuyh ők rlau ma păng đống.

^{2,3}Tăt Brah Yêsu lẽ gít nau i này, Păng lôh bơh bri Yuđa, plở săt tay ta bri Galilê. Yơn ma Brah Yêsu nơm mâu ôh jan bắptem yũk ma dak ăn bu, geh mpôl oh mon Păng dơm jan.

⁴Păng hăn glăt rỏ bri Samari yor ma Kôranh Brah đă .

⁵Rỏ trong này Păng hăn tăt ta ðon Sukhar ta bri Samari, ðon i này tâm dăch ðah neh Yakôp i che phung Israel pă ma kon păng Yôsep kăl e nơh.

⁶Ta ntũk này geh du mlôm ntu dak, rnha ‘Ntu dak Yakôp’. Brah Yêsu hăn lẽ rgănh, jêh ri Păng gũ rlu kêng ntu dak này, nôk này klăp lah lẽ nar nklang bôk.

⁷Jêh ri geh du huê bu ur Samari hăn bũk dak, Brah Yêsu lah ma păng: “Đăn dak nhêt ơ.”

⁸Mpôl oh mon Păng lẽ hăn rvăt ndơ sa ta ðon.

⁹Bu ur Samari này lah ma Brah Yêsu: “May phung Israel, gâp bu ur phung Samari, moh May dẫn dak gâp chrao?” Păng lah kơt này, yorlah phung Israel, đah ma phung Samari mâu geh ôh tâm di bảl.

¹⁰Brah Yêsu lah ma păng: “Lah ay năl ndrô Kôranh Brah ứch ăn đơm dam, ndrel ma năl Gâp i bunuyh lah ma ay: ‘Dẫn dak nhêt ơ’, ay dẫn dak bớh Gâp, jêh ri Gâp ăn dak i ăn nau rêh ma ay ro.”

¹¹Bu ur i này ơh ma Păng: “Ơ Kôranh, ntu dak dja jru ngăn, mã ndrô May ma bũk, lah ndrô bớh tă geh dak i ăn nau rêh?”

¹²Lah ndrô May kuông rlau che hên Yakôp bah? Yorlah păng lể ăn ntu dak i dja ma hên. Păng nơm, ndrel ma mpôl kon bu klô păng, ndâp ma mpômpa (siũm) păng nhêt dak bớh ntu i dja dadê.”

¹³Brah Yêsu lah: “Bu moh nhêt dak i dja hôm ji hir đổng,

¹⁴yơn ma bu moh nhêt dak Gâp ăn, mâu hôm geh ôh nau ji hir jât, yorlah dak Gâp ăn i này, jêng tu dak ta păng i lôh rdôl ăn geh nau rêh n'ho ro.”

¹⁵Bu ur i này lah ma Păng: “Ơ Kôranh! Dẫn dak May i ri ăn gâp bả ơ, gay ma gâp mâu hôm ji hir, mâu hôm khăch hăn bũk ta dja jât.”

¹⁶Brah Yêsu lah ma păng: “Sât kuăl sai ay, hăn plở ta dja.”

¹⁷Bu ur i này ơh: “Gâp mâu ôh geh sai.” Brah Yêsu lah: “Ay lah ay mâu geh sai kơt này jêng di ngăn,

¹⁸yorlah ay nớh lể geh prăm ở sai, yơn ma bunuyh gũ đah ay ăp nar abao dja mâu ôh di sai ngăn ay, nau ay ngơi i này jêng di ngăn.”

¹⁹Bu ur i này lah: “Ơ Kôranh, gâp gít May bunuyh ntoryh nau ngơi Kôranh Brah ngăn ro.

²⁰U che phung hên kăl e nớh, ăn phung hên yớk mbah Kôranh Brah ta kalo yôk dja, yơn ma mớm dâng phung Israel khân may lah ăn yớk mbah Păng ta bon Yêrusalem đơm?”

²¹Brah Yêsu lah: “Ô yôh, ay iăt nau Gâp dja: Tăt di nar ri tay, ntük yôk mbah ma Kôranh Brah i Bở mâu geh ôh lah ta kalơ yôk dja, mâu lah ta bon Yêrusalem.

²²Phung Samari khân ay yôk mbah Kôranh Brah yôn ma mâu ôh gít năl Păng. Phung Israel hên, hên yôk mbah Kôranh Brah ndâp ma gít năl Păng đong, yorlah nau rklaih ma dâng lě bunuyh Kôranh Brah ăn nây tă bớh phung Israel .

²³Yôn ma tăt di nar i nây, ảbaơ dja lě tăt jêh, bunuyh i yôk mbah di ngăn ngên ma Kôranh Brah Bở, yôk mbah Păng ma nuih n'hâm, ma nau ngăn, nau yôk mbah kơt i nây jêng nau Kôranh Brah Bở ứch.

²⁴Kôranh Brah jêng huêng mâu geh ôh sắk jăn, ndri bu moh yôk mbah ma Păng, iăt ma yôk mbah ma nuih n'hâm, ma nau ngăn.”

²⁵Bu ur i nây lah: “Gâp lě gít jêh, Brah Mêsi i bu kuăl Brah Krist i nôm rklaih tă bớh Kôranh Brah de njuăl đong, Păng mra tăt ta neh ntu dja, lah Păng tăt, Păng rblang dâng lě ndơ ma hên.”

²⁶Brah Yêsu lah: “Gâp i ri heh, Gâp i gủ ngơi ndrel ay i dja heh.”

²⁷Ta mong nây mpôl oh mon Păng săt tăt ta ri, khân păng ndrôt hih rhôl ngăn say Păng gủ ngơi ndrel du huê bu ur . Yôn ma mâu geh du huê ôp Păng, moh ndơ Păng joi, mâu lah mớ m dâng Păng tâm ngơi ndrel bu ur i nây.

²⁸Bu ur i nây ntơi nông rbông dak ta ri, jêh ri săt ta bon, mớ h ma bu ta ri:

²⁹“Hăn uảnh, geh du huê bu klô lah dâng lě ndơ gâp lě jan, gít Păng Brah Krist hơ?”

³⁰Khân păng lôh bớh bon nây hăn grũng ta Brah Yêsu.

³¹Ndüt bu ur nây săt ta bon, mpôl oh mon lah ma Brah Yêsu: “Ô Nôm Nti, sông sa hóm!”

³²Păng lah: “Gâp geh ndơ sông sa hơi, khân may mâu ôh gít ndơ Gâp sông sa.”

³³Mpôl oh mon tâm lah ndrăng khân păng: “Gĩt lě geh bu ăn ndrơ sông sa ma Păng?”

³⁴Brah Yêsu lah: “Ndrơ sông sa Gập nây, jêng nau Gập jan tâng nau ũch Kôranh Brah nôm i tơm njuäl Gập văch, ndrêl ma jan lơi ăn jêh nau jan kar i nây.

³⁵Khân may tâm lah: ‘Hôm puăn khay jât năp, tât khay kăch’. Yơn ma Gập be, Gập lah ma khân may: Uănh hồm phung bunuyh i văch nây, khân păng tâm ban ma du lôk mir i geh ba lě dũm di ma kăch ngăn, yor ma khân păng ũch nsing ma Gập.

³⁶Abơ dja mpôl bunuyh kăch hôm sữ đơn ndrơ nkhôm ma khân păng, khân păng rgum bunuyh gay ma geh nau rêh n'ho ro tâm ban ma bu rgum play, lah ndrì mpôl bunuyh tuch, đah mpôl bunuyh kăch khân păng răm maak tâm ban.

³⁷Kơt ndrì nau vay lah: ‘Păng dja ma tuch, păng i to ma kăch’, jêng di ngăn.

³⁸Gập lě ăn khân may tâm ban ma hăn kăch ta mir ntũk khân may mâu mập ôh rơah jan, lě geh bunuyh a êng rơah jan, jêh ri khân may ma hăn kăch rgum ndrơ tă bơh khân păng i nây rơah jan.”

³⁹Ta bon i nây geh ők phung Samari nsing ma Brah Yêsu, yor ma tăng nau bu ur i nây mboh nkoch ma khân păng: “Geh du huê bu klô lah dăng lě ndrơ gập lě jan.”

⁴⁰Kơt ndrì nôk phung Samari ran ta Brah Yêsu ri, khân păng kôn ăn Păng gũ ta nây bốt, jêh ri Brah Yêsu gũ ndrêl khân păng ta nây bar nar.

⁴¹Geh bunuyh nsing ma Brah Yêsu ők rlau ri jât, tât ma tăng nau Păng nôm mboh nkoch nây.

⁴²Phung khân păng lah ma bu ur i nây: “Abơ dja hên nsing ma Păng, yorlah lě hên nôm tăng nau Păng mboh nkoch, mâu ôh đơn nau ay mboh nkoch đơm, ndrêl ma lě hên gĩt Păng jêng nôm rklaih dăng lě bunuyh ta neh ntu dja ngăn.”

Brah Yêsu jan bah nau ji kon bu klô du huê kôranh

⁴³Tât bar nar này, jêh ri Brah Yêsu lôh bôh ntúk này, hăn ta bri Galilê.

⁴⁴Brah Yêsu lě lah jêh: “Dâng lě bunuyh ntôyh nau ngoi Kôranh Brah, mâu geh ôh du huê bunuyh ta bon păng nôm yôk ma păng.”

⁴⁵Brah Yêsu tât ta bri Galilê này, bunuyh ta bri này rom Păng, yorlah lě khân păng say Păng jan nau khlay nôk nhêt bũn n'hot ta bon Yêrusalem nơh, yorlah nôk này khân păng hăn lăp nhêt bũn ndrel ta này đong.

⁴⁶Jêh ri Brah Yêsu plở tay ta bon Kana bri Galilê, ntúk bon Păng jan dak ăn jêng ndrănh play yŭng yar bon ri nơh. Ta bon Kapônum geh du huê kôranh, kon bu klô păng geh nau ji.

⁴⁷Tât kôranh i này tăng lah Brah Yêsu lôh tă bôh bri Yuđa, lě tât ta bri Galilê, păng hăn joi, tât say dăn Brah Yêsu hăn jan bah kon păng, yorlah ji bôh ma khât.

⁴⁸Brah Yêsu lah ma păng: “Lah phung Israel khân ay may mâu ôh say nau khlay, ndrel ma nau mbên Gáp jan, khân ay may mâu nsing ôh ma Gáp.”

⁴⁹Kôranh i này lah ma Brah Yêsu: “O' Kôranh, dăn May hăn hôm, gơnh lăn khât kon gáp.”

⁵⁰Brah Yêsu lah ma păng: “May sât dô, kon may hôm rêh.” Păng iăt nau Brah Yêsu lah, jêh ri păng plở sât.

⁵¹Dôi hăn sât rỏ trong, geh phung dâk păng hăn chuă păng mboh nkoch ma păng: “O' kôranh, kon may lě bah hơi.”

⁵²Păng ôp phung dâk păng: “Moh mong păng bah?” Khân păng mboh: “Mong nguai kêng mănng ntri nơh păng bah ji kop.”

⁵³I bở ri, kah gít nôk mong i này đong Brah Yêsu lah ma păng: “Kon may hôm rêh.” Jêh ri păng, ndâp ma rănăk vâl păng dăng lě nsing ma Brah Yêsu dadê.

⁵⁴I dja jêng lě tởl bar Brah Yêsu de jan nau khlay, ntôm bôh Păng plở sât bôh bri Yuđa hăn ta bri Galilê ri.

Yôhan 5

Brah Yêsu jan bah bunuyh rven

- ¹Bơh kơi nây geh nau Nhêt bũn phung Israel, jêh ri Brah Yêsu hăn ta bon kuông Yêrusalem.
- ²Ta bon Yêrusalem nây, dăch kêng mpông mpêr lăp trôm bon i bu rnhah ‘Mpông be biăp’, geh du mlôm dak nglao i bu jan, ta nau ngơi Hêbrơ lah: ‘Dak nglao Bêthehđă’, rồ meng dak nglao i nây geh prăm ở ndrinh.
- ³Ta ndrinh i nây geh bunuyh ji ők ngăn gũ bêch, abă bunuyh cheh măt, abă bunuyh kuet, ndrinh ma abă bunuyh rven jông rven ti. [Khân păng gũ kốp dak i nây nchöch,
- ⁴yorlah jồ jồ du tở, geh tông păr Kôranh Brah jữr rchul dak nglao i nây ăn nchöch. Lah bu moh i jữr lor ta dak nglao i nây, nau ji ta săk păng bah ro, bol lah geh nau ji dũt hô kađoi.]⁵Ta ntũk nây geh du huê bu klô ji lể jồ 38 năm.
- ⁶Brah Yêsu say păng bêch, gĩt lah păng gũ ta ntũk nây lể jồ năm, Brah Yêsu lah ma păng: “May ũch bah đong?”
- ⁷Bunuyh ji nây ơh: “Ồ Kôranh, gáp mầu geh ôh bunuyh sơm pử tể ta dak. Nôk geh dak nchöch, lah gáp nchô ma jữr, lể geh bu jữr tăt lor ta dak nây.”
- ⁸Brah Yêsu lah ma păng: “Dăk brồ hồm, ndjôt nkồ bêch may nây.”
- ⁹Jêh ri bu klô i nây dô ma bah ro, păng dăk ndjôt nkồ bêch păng nơm i ri hăn brồ. Nar nây jêng nar Sabăt i nar rlu phung Israel,
- ¹⁰ndri dăng mpôl kôranh phung Israel lah ma bu klô i nây: “Nar dja nar Sabăt, tâng nau vay phung bân mầu di ôh ma may brồ ndjôt nkồ kơt nây.”
- ¹¹Păng ơh ma khân păng: “Păng i tơm jan bah nau ji gáp, Păng lah ma gáp: ‘Brồ hồm, ndjôt nkồ bêch may nây’.”
- ¹²Khân păng ôp păng: “Bu moh đă may pử nkồ brồ kơt nây?”
- ¹³Yơn ma bu klô i lể bah ji nây, păng mầu ôh gĩt năl bu moh jan ăn păng bah, ndâp ma Brah Yêsu lể hăn bỡh ntũk nây, joi mầu hồm say, yor ma ntũk nây geh bunuyh ők đong.

¹⁴Tât bớh kới nây, Brah Yêsu say bu klô i lě bah ji nây nớh gũ ta jǒng gung nih jan brah ma Kôranh Brah. Brah Yêsu lah ma pǎng: “Abaơ dja nau ji may lě bah, may lới hóm ôh jan tih, klach lah nau djớh geh ta may lớ hô rlau ớm jât.”

¹⁵Jêh ri bu klô i nây hǎn mớh nkoch ma mpôl kôranh phung Israel ǎn bu gít Brah Yêsu i bunuyh jan ǎn pǎng bah ri nớh.

¹⁶Kớt ndrì dǎng mpôl kôranh phung Israel ntóm jan jêr ma Brah Yêsu, ach ma Pǎng jan ndrì i nây ta nar Sabăt.

¹⁷Brah Yêsu lah ma khân pǎng: “Bớ Gáp hóm jan kar nǎng ǎp nar n'ho ma tât nar dja, Gáp jan kar kớt Pǎng nây đống.”

¹⁸Tât ma tǎng nau Brah Yêsu ngới kớt nây, mpôl kôranh phung Israel lớ ma hô ứch khât Pǎng jât, mâu đóm ôh ach ma Pǎng jan ndrì i nây ta nar Sabăt đóm, ach ma Pǎng kuǎl Kôranh Brah jêng Bớ Pǎng nóm, kớt ndrì kớp êng sǎk Pǎng nóm tâm ban ma Kôranh Brah.

Bớh tả nau đới Brah Yêsu

¹⁹Brah Yêsu lah ma khân pǎng: “Gáp lah n'hêl naně ngǎn ma khân may, mâu geh ôh ndrì Gáp i Kon Kôranh Brah đới jan êng tả bớh sǎk Gáp nóm, Gáp jan moh ndrì Gáp say Bớ Gáp jan đóm. Yorlah moh ndrì Bớ Gáp jan, Gáp i Kon Pǎng jan ndrì i nây đống.

²⁰Bớ Gáp rǒng ma Gáp i Kon Pǎng hô ngǎn, Pǎng nhớ dǎng lě ndrì Pǎng jan ǎn ma Gáp i Kon Pǎng say, Pǎng mra nhớ đống ndrì Pǎng jan kuống rlau ma dja jât ǎn ma Gáp i Kon Pǎng, ndrì dǎng khân may ndrốt hih rhól.

²¹Bớ Gáp jan ǎn bunuyh lě khât dǎk rêh, kớt nây đống Gáp i Kon Pǎng ǎn nau rêh ma bu moh Gáp ứch ǎn.

²²Bớ Gáp mâu ôh phat dôi h bunuyh, yorlah nau đới phat dôi h i nây lě Pǎng ǎn ta Gáp i Kon Pǎng,

²³gay ma ǎn dǎng lě bunuyh yớk ma Gáp i Kon Pǎng, tâm ban ma bu yớk ma Bớ Gáp đống. Bu moh mâu ôh yớk ma Gáp i Kon Pǎng, bunuyh i nây mâu đống yớk ma Bớ Gáp nóm i tóm njuǎl Gáp.”

²⁴“Gâp mboh n'hêl naně ngăn ma khân may, bu moh iăt nau Gâp ngoi, jêh ri nsing ma Nôm tơm njuăl Gâp, păng i nây geh nau rêh n'ho ro, mâu hôm ôh đơn nau tể dôih, păng lể klaih bơh nau khât, geh nau rêh n'ho ro.

²⁵Gâp lah n'hêl naně ngăn ma khân may, tăt di nar nây tay, jêng abao dja ro, bunuyh i tâm ban ma khât yor ma khân păng nkah du bơh Kôranh Brah, khân păng i nây tăng bở Gâp i Kon Kôranh Brah, jêh ri bu moh tăng bở Gâp geh nau rêh n'ho ro.

²⁶Bở Gâp nôm jêng tơm nau rêh, tâm ban kơt nây đổng Păng ăn Gâp i Kon Păng jêng tơm nau rêh.

²⁷Lể Păng ăn đổng nau đơi phat dôih ta Gâp i Kon Păng, yorlah Gâp i Kon Bunuyh tă bơh Kôranh Brah.

²⁸Lơi ôh khân may ndrốt hih rhôl nau dja, yorlah tăt di nar ri tay, dăng lể bunuyh lể khât tăng nteh bở Gâp dadê,

²⁹jêh ri dâk rêh, gay ma bu moh jan ueh đơn nau rêh n'ho ro, yơn ma bu moh jan djơh, păng dâk rêh đổng, tih ma đơn nau tể dôih.”

Nau khlay ma nau đơi Brah Yêsu

³⁰“Gâp mâu ôh đơi jan du ntil đơ tă bơh săk Gâp nôm, nau Gâp phat dôih nây, Gâp jan tăng nau Bở Gâp lah ma Gâp, nau Gâp phat dôih nây jêng di, yorlah Gâp mâu ôh tăng nau Gâp nôm ếch, Gâp tăng nau Bở nôm ếch đơm, Păng tơm njuăl Gâp.

³¹Lah du huê Gâp đơm mboh nkoch ta nau khlay Gâp nôm, nau mboh nkoch i nây mâu ôh geh nau khlay.

³²Yơn ma geh Bở Gâp ăn bu găt ma nau khlay Gâp, jêh ri Gâp găt lah nau Păng ăn bu găt jêng di ngăn.”

³³“Khân may lể đă bu hăn ôp Yôhan-Baptem, jêh ri nau păng mboh nkoch ma Gâp jêng di ngăn.

³⁴Yơn ma Gâp, Gâp mâu ôh kơp khlay nau bunuyh mboh nkoch ma săk Gâp, Gâp ngoi kơt nây, gay ma nkah tôr khân may ma nau Yôhan-Baptem mboh nkoch, gay ma ăn khân may nsing ma Gâp, jêh ri geh nau rklaih.

³⁵Yôhan-Baptem jêng tâm ban ma ùnh sagêng hit ang, khân may nơh ùch gũ rãm maak dôi păng geh ang du blât i này.

³⁶Gập lẽ geh ndơ mboh nkoch ma nau khlay Gập, ndơ i này khlay rlau ma nau mboh nkoch Yôhan-Baptem. Nđơ dăng lẽ i Bở Gập ăn, Gập jan ăn jêh, jêng ndơ i Gập hôm jan, ndơ i này ăn bu gít i Bở Gập Nơm tơm njuăl Gập ngăn.

³⁷Bở Gập i tơm njuăl Gập, Păng ăn bu gít ma nau khlay Gập. Yơn ma du bông nau rêh khân may mâu ôh tăng bở Păng, muh mắt Păng khân may mâu say đổng.

³⁸Jêh ri nau ngơi Kôranh Brah mâu geh ôh ndjôt ta nuih n'hâm khân may, yorlah khân may mâu ôh nsing ma Păng i tơm njuăl Gập.

³⁹Khân may nsrôyh uãnh Nau Kôranh Brah Ngơi, yor ma khân may mân lah geh nau rêh n'ho ro tă bơh nau i này. Jêh ri Nau Kôranh Brah Ngơi i này mboh nkoch ma nau khlay Gập,

⁴⁰tih ma khân may rlăch hăn tâng Gập gay ma geh nau rêh n'ho ro.”

⁴¹“Gập mâu ôh sô nau rnê tă bơh bunuyh,

⁴²yorlah lẽ Gập gít jêh ta nuih n'hâm khân may mâu geh ôh nau rông Kôranh Brah.

⁴³Gập văch ta rnha Bở Gập, yơn ma khân may mâu ôh rom Gập. Lah geh du huê bunuyh jât văch ta rnha săk păng nơm, khân may rom păng ro.

⁴⁴Khân may ùch sô dơm nau rnê tă bơh ndrăng khân may nơm, yơn ma mâu ôh joi nau rnê tă bơh Kôranh Brah, ndrì dăng khân may mâu đổng ùch nsing ma Gập.

⁴⁵Khân may lơi ta ndôn lah Gập dja ntôn nau tih khân may ta bơh năp Bở Gập tay. Khân may ndôn lah Môsê i che bân kăl e nơh kớl khân may ta bơh năp Bở Gập tay, yơn ma păng jêng bunuyh i ntôn khân may.

⁴⁶Lah khân may iăt ngăn nau păng nchih, khân may iăt đổng ma nau Gập ngơi, yorlah nau păng nchih i này ngơi ma Gập.

⁴⁷Yơn ma lah khân may mâu ôh iăt ma nau păng nchih i này, a mớ m khân may iăt đổng ma nau Gáp ngời?”

Yôhan 6

Brah Yêsu pǎ nǔmpǎng ăn ma 5000 nuyh

(Mat 14:13-21; Mar 6:30-44; Luk 9:10-17)

¹Jêh ri Brah Yêsu hǎn glăt kǎl ti nglao kuông Galilê, i bu kuǎl đổng dak nglao Tipêriah.

²Geh bunuyh phung ők ngǎn hǎn tâng Pǎng nǎng, yor ma say nau khlay Pǎng jan bah bunuyh ji kuet nớh.

³Brah Yêsu hao ta yôk ndrel mpôl oh mon Pǎng gǔ rợp gợp ta này.

⁴Nôk này nau nhêt bǔn n'hot phung Israel lể bơi tât.

⁵Brah Yêsu ngớk mắt say phung bon lan ők ngǎn hǎn ta Pǎng, jêh ri Pǎng lah ma Philip: “Ah ntúk bân rvăt ndớ sông sa ma ăn phung bon lan i này sa?”

⁶Dâng Brah Yêsu ôp Philip kớ t này, gay ma rlong Philip, yorlah Pǎng lể ơm gít jêh moh ndớ Pǎng ứch jan.

⁷Philip ớh ma Brah Yêsu: “Bol lah sớ pǎk 200 pǎk kǎk rvăt nǔmpǎng ăn khân pǎng sa mâu tống ôh, bol lah tâm pǎ để để kǎđôi mâu ăp bunuyh đổng.”

⁸Geh du huê oh mon rnha Ồndrê, i oh Pêtrô, mớh ma Brah Yêsu:

⁹“Ta dja geh du huê kon se bu klô, pǎng geh pǎm mlôm nǔmpǎng, ndrel ma bar mlôm ka jể. Yơn ma lah geh du này đơm, gít ma tống lah bunuyh dừt ők dja?”

¹⁰Brah Yêsu lah: “Mớh ăn khân pǎng gǔ.” Ta ntúk này geh ők rệp nse, jêh ri khân pǎng leo bǎl gǔ rợp gợp ta rệp i này. Ồk bunuyh klăp lah 5000 nuyh, kợp phung bu klô đơm.

¹¹Brah Yêsu sớ nǔmpǎng i này, lah ueh ma Kôranh Brah, jêh ri pǎ ăn ma dâng lể bunuyh gǔ ta này, Pǎng pǎ ka jể kớ t này đổng, dah khân pǎng nớ m ứch.

¹²Tât lể hớ m khân pǎng sa, Brah Yêsu lah ma mpôl oh mon Pǎng: “Khân may hǎn rgum nǔmpǎng i rmeh tǎ sa, lới ôh ăn roh để.”

13Jêh ri mpôl oh mon hăn rgum nũmpăng rmeh tă sa prăm mlôm nũmpăng i phung bon lan sa nây nơh geh 12 sah bêng bêng.

14Tăt ma phung bon lan say nau khlay Brah Yêsu de jan i nây, khân păng tâm lah: “Păng i nây ngăn ro bunuyh ntơyh nau ngơi Kôranh Brah i Môsê lě nchih kăi e nơh: ‘Păng mra văch ta neh ntu dja’.”

15Jêh ri phung bon lan geh nau mân ếch nchập Brah Yêsu jan kăđăch. Păng gĩt nau mân khân păng nây, ndrì dâng Păng du lôh bơh ntũk nây hao tay ta kalơ yôk gũ du huê êng.

Brah Yêsu brồ ta kalơ dak

(Mat 14:22-34; Mar 6:45-52)

16Tăt bri lě kêng măng, mpôl oh mon Brah Yêsu hăn jũr a dak nglao kuông.

17Tăt trôk lě ngo, ê hỏ ôh say Brah Yêsu hăn ta khân păng. Jêh ri khân păng hao ncho duk hăn ta bon Kapơnũm kăi ti dak ri.

18Geh sial phũt dũt hô, jêh ri dak rbuh dũt dăng.

19Tăt khân păng vah duk lě ngai klăp lah geh prăm prao kilômet, say Brah Yêsu brồ ta kalơ dak nây, hăn dăch jăt duk dja, khân păng klach nsỏr dũt hô ngăn.

20Brah Yêsu lah ma khân păng: “Gập ya, lơi ta klach ôh.”

21Jêh nây mpôl oh mon ếch rom Păng ncho ta kalơ duk nây, jêh ri dô ma tăt kăi ti dak ro ta ntũk khân păng ếch hăn nây.

Brah Yêsu jêng nũmpăng nau rêh

22Tăt ôi tay phung bon lan hôm gũ ta ntũk khân păng sa nũmpăng nơh, mâu văt ôh mâu say Brah Yêsu, yorlah a măng nơh đơn geh du mlôm duk mpôl oh mon ncho đơm, mâu đổng say Brah Yêsu ncho ndrêl mpôl oh mon Păng ta duk i nây.

23Jêh ri geh duk abă tă bơh bon Tipêriah, nsrũng dăch kêng ntũk phung khân păng sa nũmpăng jêh Brah Yêsu lah ueh ma Kôranh Brah ri nơh.

24Nôk phung bon lan uănh mâu ôh say Brah Yêsu, ndrel ma mpôl oh mon ta nây, phung khân păng leo bải ncho duk hăn ta bon Kapōnŭm, gay ma tâng joi Brah Yêsu.

25Tât ma say Brah Yêsu mpeh kăi ti dak ri, khân păng ôp Brah Yêsu: “Hoi Nôm Nti, dah ơm tât May ta dja nơh mêh?”

26Brah Yêsu lah ma khân păng: “Gâp lah n'hêl naně ngăn ma khân ay may, khân ay may tâng joi Gâp, mâu geh ôh yor ma khân ay may lě say ndâp ma gĩt vât nau khlay. Khân ay may tâng joi Gâp, yor ma khân ay may lě hơm sa nŭmpăng nây nơh dơm.

27Lơi ôh jan kar gay ma geh ndơ sông sa i blao ôm, jan hơm kar gay ma geh ndơ sông sa hơm n'ho ro, ndrel ma ăn nau rêh n'ho ro, jêng ndơ sông sa Gâp i Kon Bunuyh tă bớh Kôranh Brah ăn ma khân ay may, yorlah Kôranh Brah i Bở Gâp ăn nau dơi ma Gâp jan.”

28Khân păng ôp Brah Yêsu: “Lah ndri mơm hên jan, gay ma jan kar Kôranh Brah ũch ri mêh?”

29Brah Yêsu lah ma khân păng: “Ăn khân ay may nsing ma Gâp i nôm Kôranh Brah de lě njuăl ăn văch, i nây jêng nau jan kar Păng ũch.”

30Khân păng ôp tay Brah Yêsu: “Lah ndri moh ndơ nau khlay May jan ăn hên gĩt say, gay ma hên nsing ma May? Moh bả ndơ May jan mêh?”

31Phung u che bân lě jêh sa ndơ sông sa i rnhă ‘Mana’ ta bri rdah, jêng di đăh Nau Kôranh Brah Ngơi: ‘Môse ăn ndơ sông sa Mana tă bớh kalơ trôk khân pre ma sa’ .”

32Brah Yêsu lah: “Gâp lah n'hêl naně ngăn ma khân ay may, mâu geh ôh Môse ăn nŭmpăng tă bớh kalơ trôk i nây, i ngăn Bở Gâp ăn. Jêh ri abao dja Păng ũch ăn ma khân ay may nŭmpăng tă bớh kalơ trôk i jêng nŭmpăng ngăn ngên.

33Nŭmpăng i Kôranh Brah de ăn abao dja nây, jêng Nôm jŭr tă bớh kalơ trôk i ntŭk Kôranh Brah, gay ma ăn nau rêh n'ho ro ma dăng lě bunuyh ta neh ntu dja.”

- ³⁴Khân păng lah ma Brah Yêsu: “Ô Kôranh, dẫn numpăng i May ngoi i ri ăn ma hên mro mrăng ơ.”
- ³⁵Brah Yêsu lah: “Gập dja jêng tâm ban ma numpăng i ăn nau rêh . Bu moh tâng joi Gập mâu hôm ôh ji ngot, bu moh nsing ma Gập mâu hôm đong ji hir.
- ³⁶Yơn ma lẽ Gập mboh ma khân ay may: ‘Khân ay may lẽ say Gập, tih ma hôm mâu nsing ma Gập’.
- ³⁷Bu moh lẽ Bở Gập de ăn ma Gập, hăn ran a Gập ro, jêh ri bu moh hăn ran a Gập, n'hêl naně ngăn Gập mâu ôh ntrüt păng.
- ³⁸Gập jür tă bớh kalơ trôk i ntük Kôranh Brah nớh, gay ma jan tâng nau Kôranh Brah ứch Nờm tơm njuăl ăn Gập văch, Gập mâu ôh văch gay ma jan tâng nau Gập nờm ứch.
- ³⁹Dja nau ứch Kôranh Brah Nờm tơm njuăl Gập văch: Dâng lẽ bunuyh i Păng ăn ma Gập, Păng ứch Gập ăn dâk rêh tay tât nar n'glě düt tay, Păng đã Gập lơi ta ăn roh khân păng, du huê mâu ơm.
- ⁴⁰Dja nau ứch Bở Gập: Bu moh say Gập i Kon Păng, jêh ri nsing ma Gập, geh nau rêh n'ho ro. Jêh ri Gập jan bunuyh i này ăn dâk rêh tay tât nar n'glě düt.”
- ⁴¹Ta này mpôl kôranh phung Israel geh nau ngoi ôk bảr njâr sêk ma Brah Yêsu, yor ma tăng nau Păng lah: “Gập jêng numpăng jür tă bớh kalơ trôk ntük Kôranh Brah.”
- ⁴²Khân păng tâm lah: “Ôm mâu di lah Păng i này rnhà Yêsu hiah? Păng kon Yôsep, mẽ bở Păng lẽ bân năl đong. Mờm dâng Păng lah êng săk Păng nờm jür tă bớh kalơ trôk ntük Kôranh Brah?”
- ⁴³Brah Yêsu lah khân păng: “Khân may lơi hôm ôh ngoi ôk bảr njâr sêk ndrăng khân may nờm!
- ⁴⁴Mâu geh ôh du huê bunuyh hăn văch ta Gập, lah Bở Gập Nờm tơm njuăl Gập mâu leo păng văch ta Gập. Jêh ri Gập jan ăn păng dâk rêh tay tât nar n'glě düt.

- ⁴⁵Du huê bunuyh ntøyh nau ngõi Kôranh Brah lě nchih jêh kăl e nơh: ‘Dâng lě bunuyh Kôranh Brah nơm mra ntüm nti dadê’ . Bu moh tăng nau Bở Gập, jêh ri sỏ dơn nau Păng ntüm nti, bunuyh i này hăn ran a Gập đổng.
- ⁴⁶Mâu geh ôh du huê bunuyh lě say Bở Gập. Geh Nơm i Kôranh Brah njuăl i này, Nơm i này dơn lě say Kôranh Brah.
- ⁴⁷Gập lah n'hêl naně ngăn ma khân may: Bu moh nsing ma Gập, păng i này geh nau rêh n'ho ro.
- ⁴⁸Gập dja nũmpăng ăn nau rêh.
- ⁴⁹Phung u che khân may sa ndơ sông sa Mana nôk gũ ta bri rdah, yơn ma dâng lě khân păng khât lě phiao đổng.
- ⁵⁰Lõng nũmpăng nau Gập ngõi dja, jêng nũmpăng jũr tă bớh kalơ trôk ntũk Kôranh Brah. Bu moh sa, păng i này mâu khât ôh.
- ⁵¹Gập i dja nũmpăng ăn nau rêh jũr tă bớh kalơ trôk ntũk Kôranh Brah. Bu moh sa nũmpăng i dja, geh nau rêh n'ho ro. Nũmpăng dja, jêng sắk jăn Gập nơm khât sỡm ntang, gay ma ăn dâng lě bunuyh ta neh ntu dja geh nau rêh.”
- ⁵²Mpôl kôranh phung Israel tâm rlăch hô ngăn, khân păng tâm lah: “Mỡm dâng Bunuyh i này Păng blao ăn bân sa sắk jăn Păng nơm?”
- ⁵³Brah Yêsu lah: “Gập lah n'hêl naně ngăn ma khân may, lah khân may mâu ôh sa sắk jăn Gập i Kon Bunuyh tă bớh Kôranh Brah, ndrel ma mâu ôh nhêt mham Gập, khân may mâu ôh geh nau rêh.
- ⁵⁴Bu moh sa sắk jăn Gập, ndrel ma nhêt mham Gập, păng i này geh nau rêh n'ho ro, jêh ri tăt nar n'glě dũt tay Gập jan ăn păng dắc rêh tay đổng.
- ⁵⁵Yorlah sắk jăn Gập jêng ndơ sông sa ngăn ngên, ndrel ma mham Gập jêng ndơ nhêt ngăn ngên đổng.
- ⁵⁶Bu moh sa sắk jăn Gập, ndrel ma nhêt mham Gập, păng i này gũ ta Gập nâng, jêh ri Gập gũ ta păng i này đổng.

⁵⁷Bở Gáp nơm i tơm nau rêh, Păng njuäl Gáp väch ta dja. Gáp rêh yor tă bớh Păng, tâm ban đổng bu moh sa sắk jăn Gáp, bunuyh i nây rêh yor tă bớh Gáp.

⁵⁸Gáp dja numpăng jür tă bớh kalơ trök ntük Kôranh Brah, bu moh sa numpăng dja geh nau rêh n'ho ro. Numpăng i dja mâu di ôh kớt numpăng phung u che khân may sa ta bri rdah nớh, khân păng sa, jêh ri hóm khât lể phiao.”

⁵⁹Brah Yêsu ngời dăng lể nau i nây, dól Păng gủ nti bu ta nhieh rắbủn phung Israel ta bon Kapơnủm.

⁶⁰Lôch jêh nau Brah Yêsu nti nây, geh ốk oh mon Păng tâm lah: “Dăng lể nau nti i nây jêh ngắn, mâu geh ôh bunuyh blao sỏ đơn.”

⁶¹Yớn ma Brah Yêsu lể gắt moh ndơ oh mon Păng ngời ốk bắh nắr sắk, Păng lah: “Lah ndri dăng lể nau i nây, jan ắn khân ay may roh nau nsing ma Gáp bớh?

⁶²Lah ndri mớh khân ay may mân, lah khân ay may say Gáp i kon bunuyh tă bớh Kôranh Brah hao sắt gủ ta ntük Gáp gủ a lor nớh?

⁶³Brah Huêng Ueh ắn geh nau rêh n'ho ro, ndơ bunuyh jan ta neh ntu dja mâu ôh kớl ma nau rêh n'ho ro. Dăng lể nau Gáp nti ma khân ay may i nây, tă bớh Brah Huêng Ueh, jêh ri ắn geh nau rêh n'ho ro.

⁶⁴Yớn ma geh bunuyh abắ ta phung khân ay may mâu ôh nsing ma Gáp.” Brah Yêsu ngời ndri, yor ma Păng lể ớm gắt bớh nướm bu moh mâu nsing ma Păng, bu moh du huê bunuyh rlắng ma Păng.

⁶⁵Brah Yêsu lah tay: “Kớt ndri dăng Gáp lể mbớh ma khân ay may, lah Bở Gáp mâu ắn ôh, mâu geh ôh bunuyh hắn väch ta Gáp, du huê mâu ớm.”

⁶⁶Ta nây geh ốk bunuyh ta mpól oh mon Păng nây nướm plớ jắt kới, mâu hóm tắng Păng.

⁶⁷Ndri dăng Brah Yêsu ôp 12 nuyh mpól kôranh oh mon: “Ah khân may ắch du bớh Gáp đổng?”

⁶⁸Simôn i bu kuăl Pêtrôs đống ởh ma Păng: “Ồ Kôranh, hên mâu hôm ôh geh bunuyh êng đống. Nau May ngơi ăn hên geh nau rêh n'ho ro.

⁶⁹Hên lẽ nsing ma May, hên lẽ gít May i Nơm kloh ueh Brah Krist tă bớh Kôranh Brah.”

⁷⁰Brah Yêsu lah ma khân păng: “Gập lẽ kớih jêh khân may 12 nuyh, tih ma geh du huê ta mpôl khân may jêng bunuyh kôranh mpôl brah djớh.”

⁷¹Brah Yêsu ứch ngơi ma Yuđas kon Simôn-Isakariyôt, yorlah ta 12 nuyh mpôl kôranh oh mon nây, geh du huê păng nuih ta nâm n'hâm kalơ ma Brah Yêsu.

Yôhan 7

Di mong Brah Yêsu hăn nhêt bũn ta ðon Yêrusalem

¹Jêh bớh nây, Brah Yêsu hăn ốk ntũk ta bri Galilê, Păng mâu ứch ôh hăn ta bri Yuđa, yorlah mpôl kôranh phung Israel ứch tâng nkhât Păng.

²Nôk nây nar nhêt bũn phung Israel bới ma tât, nây jêng bũn bu kuăl lah ‘Bũn gũ ta chun n'ging si’, nau nhêt bũn i nây jồ pham nar.

³Oh oh bu klô Brah Yêsu lah ma Păng: “May lôh bớh dja hăn a bri Yuđa ri hõm, gay ma ăn mpôl oh mon May say ndơ khlay May jan.

⁴Yorlah bu moh ứch ăn bu lữ sắk păng nơm, mâu ôh jan kar mpôn. Lah May jan kar nau khlay êng êng, nhhơ ăn dâng lẽ bunuyh say dô!”

⁵I oh oh Brah Yêsu nơm nây, khân păng mâu đống nsing ma Păng.

⁶Brah Yêsu lah ma khân păng: “Mong Gập hăn ê hõ ôh tât, yờn ma khân may dah ứch khân may nơm.

⁷Bunuyh gũ ta neh ntu dja mâu ôh dơi biãnh ma khân may, yờn ma khân păng biãnh ma Gập, yorlah Gập mớh n'hêl ngăn ndơ khân păng jan dũt djớh ngăn.

⁸Khân may hăn lắp nhêt bũn ri dô, Gập mâu hăn ôh, yorlah Gập ê hõ tât di mong hăn.”

⁹Jêh Brah Yêsu ngơi nây, Păng hôm gũ ta bri Galilê nây đống.

Brah Yêsu hăn ta ðon Yêrusalem nôk nar nhêt bũn

- ¹⁰Tât ma oh oh Brah Yêsu này lẽ hăn nhêt bũn lẽ phiao, jêh ri Păng hăn bớh kới đổng, yớn ma mâu ôh ăn bu say, Păng hăn êng rklăk.
- ¹¹Nôk nhêt bũn này, mpôl kôranh phung Israel ôp bu: “Ah Păng mâu say?”
- ¹²Ta phung bon lan, geh ôk bunuyh tâm ngới suih lah ma Brah Yêsu, abă lah: “Păng jêng bunuyh ueh ngăn,” abă lah: “Mâu ôh, Păng jêng bunuyh mbrôh rlăm phung bon lan.”
- ¹³Mâu geh ôh bunuyh bãnh ngới nkoch Brah Yêsu, yorlah klach mpôl kôranh phung Israel.
- ¹⁴Tât lẽ n'gul nhêt bũn này, Brah Yêsu hăn ta bon kuông Yêrusalem lăp ta jông gung nhieh jan brah, jêh ri nti phung bon lan ta này.
- ¹⁵Mpôl kôranh phung Israel, khân păng ndrôt hih rhöl ngăn mâu vât ôh, khân păng tâm lah: “Bunuyh i này mâu prot ôh mập lăp nti, mớm dăng Păng gít ngăn nau Kôranh Brah này?”
- ¹⁶Brah Yêsu lah: “Nau Gáp nti lah dja, mâu di ôh lôh tă bớh nau Gáp nớm, dja lôh tă bớh Kôranh Brah Nớm tớm njuăl ăn Gáp văch.
- ¹⁷Lah bu moh ũch jan tâng nau Kôranh Brah ũch, păng gít ro nau Gáp nti lah dja lôh tă bớh Kôranh Brah nớm, mâu lah lôh tă bớh săk Gáp nớm.
- ¹⁸Bu moh ngới nau tă bớh săk păng nớm, păng ũch n'hao êng săk păng nớm đớm, yớn ma bu moh ũch n'hao ma nớm tớm đă păng hăn, păng i này ngới ngăn, mâu geh ôh mbrôh.
- ¹⁹Che Môsê kăl e nớh lẽ ăn nau vay ma khân ay may, yớn ma mâu geh ôh du huê bunuyh ta phung khân may ndjôt nau vay păng ngăn ngên. Lah ndri moh kổ khân may ũch nkhât Gáp?”
- ²⁰Phung bon lan ớh ma Păng: “May geh brah djớh gũ ta May ro, dăng May ngới kớit ndri, yorlah mâu geh ôh bunuyh ũch nkhât May.”
- ²¹Brah Yêsu lah khân păng: “Gáp lẽ jan kar du ntil ta nar Sabăt i nar rlu phung bân này nớh, dăng lẽ khân ay may ndrôt hih rhöl.

²²Che Môsê lě đă khân ay may jan koh ntô ma oh bê bu klô - i di ngăn phung che bân đă jan koh ntô i nây, mâu geh ôh Môsê đă - jêh ri khân ay may jan koh ntô ăn bu ta nar Sabăt i nar rlu đống.

²³Lah khân ay may jan koh ntô ăn bu ta nar Sabăt, mâu geh ôh tih đah nau vay Môsê đă, lah ndri mớ m dâng khân ay may nkhơng ma ji nuih ma Gáp, nau Gáp jan bah bunuyh ji ta nar Sabăt?

²⁴Lơi dâng ôh lah bu jan tih i say kalơ ntô đơ m, ăn khân ay may gít n'hêl ri mớ dơi kớ p tih di.”

Brah Yêsu jêng Brah Krist ngăn

²⁵Geh phung ðon lan abă i gũ rêh ta ðon kuông Yêrusalem nây lah: “Gít Păng i nây bu tâng joi ùch nkhât nơh bah?

²⁶Abơ dja Păng gũ nti lah ta nklang bảl phung, mớ m dâng phung kôranh bân mâu lah Păng? Gít lě phung kôranh kớ p Păng jêng Brah Krist hơ?

²⁷Lah Brah Krist văch, bu lah mâu geh ôh bunuyh gít bớ h tă ntũk Păng văch. Tih ma Bunuyh dja lě bân gít bớ h tă ntũk Păng văch.”

²⁸Brah Yêsu hơm gũ nti lah bu ta jông gung nhiih jan brah nây, jêh ri Păng nter dăng ngăn, Păng lah: “Ồ, khân ay may tâm lah ndrăng khân ay may nớ m, khân ay may lě gít năl Gáp, lě gít bớ h tă ntũk Gáp văch đống. Yờn ma Gáp mâu ôh văch tâng săk Gáp nớ m ùch. Kôranh Brah Nớ m tở m njuăl Gáp Păng jan ngăn tâng nau Păng mớ h nâng, khân ay may mâu ôh gít năl Păng.

²⁹Yờn ma Gáp gít năl Păng, yorlah Gáp văch tă bớ h Păng, Păng đă Gáp văch.”

³⁰Nôk nây bu ùch nhữ p Brah Yêsu, yờn ma mâu geh ôh bunuyh nhữ p Păng, yorlah ê hỏ tăt di nar Kôranh Brah ăn.

³¹Ta phung ðon lan nây geh ỏk bunuyh lě nsing ma Brah Yêsu, khân păng tâm lah ndrăng khân păng: “Lah Bunuyh dja mâu ôh di Brah Krist, lah hơm geh Brah Krist văch tay, gít păng dơi jan nau khlay ỏk rlau ma Bunuyh dja bah?”

Bu đă phung taken hăn nhữ p Brah Yêsu

³²Phung Pharisi tăng phung bon lan ngời bũk dũk suih nkoch Brah Yêsu kot nđay. Jêh ri mpôl kôranh jan brah, ndrel ma phung Pharisi, đả phung taken i mât njrăng nhieh jan brah hăn nhũp Brah Yêsu.

³³Khân păng hăn tât ta ri, Brah Yêsu lah: “Gâp gũ ndrel khân ay may hôm du blât đơm, jêh ri Gâp mra plở sât tay ta Nơm tơm njuăl Gâp nơh.

³⁴Khân ay may tay joi Gâp, yơn ma mâu say, yorlah ntũk Gâp hăn, khân ay may mâu ôh đơi hăn.”

³⁵Jêh ri mpôl kôranh phung Israel mâu vât tâm lah ndrăng khân păng: “Ah ntũk hăn Păng i ri, dăng Păng lah bân joi Păng mâu say? Ởm Păng ũch hăn ta bri êng tăng phung Israel i gũ chah chrai ndrel phung i mâu di phung Israel, jêh ri nti lah ma phung i mâu di phung Israel lah?

³⁶Nau Păng lah: ‘Khân ay may tay mra joi Gâp, yơn ma mâu say’, jêh ri Păng lah: ‘Ntũk Gâp hăn, khân ay may mâu ôh đơi hăn’, moh geh nau khlay lah pre i này?’

Dak rlai ăn nau rêh

³⁷Tât nar nhêt bũn n'glẽ dũt, nar i này jêng nar khlay ngăn, Brah Yêsu dâk bớh năp phung bon lan, jêh ri Păng nter dăng ngăn: “Bu moh ji hir dak, văch hồm ta Gâp, jêh ri nhêt.

³⁸Bu moh nsing ma Gâp, geh dak rlai ăn nau rêh hoch lôh ta păng, ndri geh nchih ta Nau Kôranh Brah Ngời.”

³⁹Nau Brah Yêsu ngời ma dak rlai i này, Păng ũch ngời ma Brah Huêng Ueh. Bu moh nsing ma Brah Yêsu, păng i này sỏ đơn Brah Huêng Ueh gũ ndrel. Yơn ma nôk này Kôranh Brah ê hỏ ôh ăn Brah Huêng Ueh gũ ndrel bunuyh, yorlah Brah Yêsu ê hỏ khât dâk rêh lăp ta nau chrêk lợp Păng nơm.

Nau mân êng êng i bu geh mân ma Brah Yêsu

⁴⁰Tât ma phung bon lan tăng nau Brah Yêsu ngời này, bunuyh abă lah: “Păng i này ro bunuyh ntợyh nau ngời Kôranh Brah i Môsê lể nchih kăl e nơh, Păng mra văch ta neh ntu dja.”

⁴¹Bunuyh abă lah: “Păng i này ro Brah Krist.” Yơn ma geh bunuyh abă rlăch: “Brah Krist gít ma lôh tă bớh bri Galilê lah?”

⁴²Yorlah ta Nau Kôranh Brah Ngời lah, Brah Krist deh bớh rnoi deh kađăch David, ndrel ma lôh tă bớh bon Bêtlêhem, i ntúk bon deh kađăch David nờm bah?”

⁴³Ndri jan ăn phung bon lan geh nau tâm nkah nkhat bắl, yor ma Brah Yêsu.

⁴⁴Geh bunuyh abă ứch nhữp Brah Yêsu, yơn ma mâu geh ôh bunuyh nhữp Păng.

Mpôl kôranh phung Israel mâu ứch nsing ma Brah Yêsu

⁴⁵Jêh ri phung taken i măt njrăng nhieh jan brah plở săt ta mpôl kôranh jan brah, ndrel ma phung Pharisi ri. Phung i này ôp phung taken: “Moh kỗ khân may mâu nhữp Păng leo ta dja?”

⁴⁶Phung taken i này ơh: “Hên mâu geh ôh nhữp Păng, yorlah hên mâu vay say bunuyh blao ngời nti kớt Păng i này.”

⁴⁷Phung Pharisi lah khân păng: “Khân may lể iăt đống nau mbrôh Păng bớh?”

⁴⁸Ta phung kôranh kuống, ndrel ma dăng lể phung Pharisi, mâu geh ôh du huê bunuyh nsing ma Păng.

⁴⁹Yơn ma phung bon lan i này, khân păng mâu ôh gít nau vay phung bắn. Dăng lể phung i này Kôranh Brah lể rtăp ngắn ro!”

⁵⁰Geh du huê rnhă Nikôđêm, păng jêng phung Pharisi đống, a lor nớh păng lể hắn tâm mắp ma Brah Yêsu, păng ôp phung Pharisi:

⁵¹“Tăng ma nau vay phung bắn, lah bắn ê hỏ ôh tăng bunuyh tih nờm ngời, ê hỏ ôh gít n'hêl nau păng jan, ơm dơi phat dôi păng lah?”

⁵²Phung Pharisi này ơh ma păng: “May ngời tâm ban may jêng bunuyh bri Galilê rluk mắl đống. Lống may uắnh ta Nau Kôranh Brah Ngời, mâu geh ôh du huê bunuyh ntớyh nau ngời Kôranh Brah lôh tă bớh bri Galilê.”

⁵³[Jêh bớh này khân păng plở săt ta nhieh jay khân păng nờm.]

Yôhan 8

Bu leo bu ur jan tih ma Brah Yêsu

- ¹[Jêh ri Brah Yêsu hao ta kalơ yôk tơm Ôlive, gũ bêch ta nây.
- ²Tât ơm ôi Păng plở tay ta jông gung nhiih jan brah ma Kôranh Brah, geh dâng lể phung bon lan hăn mậ Păng, jêh ri Păng gũ rgợp ntũm nti khân păng.
- ³Nôk nây phung nơm nti nau vay phung Israel, ndrel ma phung Pharisi leo du huê bu ur bu ban păng gũ bêch đah bu klô i mâu di sai păng nơm. Bu têk bu ur i nây gũ ta nklang n'gul phung gũ ta nây,
- ⁴jêh ri khân păng lah ma Brah Yêsu: “Ồ Nơm Nti, bu ur dja hên ban păng tâm lôm ur sai.
- ⁵Ta nau vay Môsê, lể đả bân ntũp bu ur jan tih kớt nđa ma lữ ăn khât. Lah ndrri May, mớm May lah mêh?”
- ⁶Khân păng ôp rlong Brah Yêsu kớt nây, ứch joi nau ntôn Păng. Yờn ma Brah Yêsu gũ chũn jât neh, jêh ri nchiih nau ta neh môi ma lau ti.
- ⁷Yor ma phung nây jồl ko ôp Brah Yêsu, Păng n'gâl, jêh ri lah: “Ta phung khân may, bu moh i mâu geh jan tih, ăn păng i nây ntũp bu ur i dja ma lữ lor bu dô!”
- ⁸Jêh ri Păng chũn nchiih tay ta neh môi nây jât.
- ⁹Tât ma khân păng tâng nau Brah Yêsu lah kớt nây, jêh ri khân păng nơm du lôh bớh ntũk nây de mrôch, nơm bớh bu ranh n'ho ma tât lể. Hôm e ta nây Brah Yêsu, ndrel ma bu ur i nây nớh dờm.
- ¹⁰Brah Yêsu n'gâl, jêh ri lah ma bu ur i nây: “Ồ yôh, ah hăn phung khân păng yot rngăt? Mâu geh du huê ứch tể dôih ay?”
- ¹¹Bu ur i nây ớh: “Mâu geh ôh, Kôranh.” Brah Yêsu lah ma păng: “Gập mâu đổng tể dôih ay, ay sât dô, yờn ma nơm bớh nar dja, ay lời hôm ôh jan tih.”]

Brah Yêsu jêng nau ang ma neh ntu

¹²Brah Yêsu ngời tay ma phung bon lan: “Gâp dja jêng tâm ban ma nau ang ma dâng lě bunuyh ta neh ntu dja, bu moh tâng Gâp, păng mâu hôm ôh gũ rêh ta nau ngo, yorlah păng mra geh nau ang i ăn nau rêh.”

¹³Phung Pharisi lah ma Brah Yêsu: “Nau May ngời i này lôh êng tă bớh May nờm dờm, mâu geh bunuyh a êng mớh nau May ngời i này, lah ndri nau May ngời i này mâu ôh kớp geh nau khlay.”

¹⁴Brah Yêsu lah: “Bol lah nau Gâp ngời dja lôh êng tă bớh sắk Gâp nờm dờm kađôi, nau Gâp ngời dja hôm geh nau khlay, yorlah Gâp gít sắk Gâp nờm bớh tă, jêh ri gít đống ntúk Gâp hăn. Yờn ma phung khân may nờh mâu ôh gít Gâp bớh tă, jêh ri mâu đống gít ah ntúk Gâp hăn.

¹⁵Khân may phat dôi h tâng nau vay phung bunuyh. Gâp mâu ôh phat dôi h bu, du huê mâu ơm.

¹⁶Lah Gâp phat dôi h bu, nau Gâp phat dôi h i này jêng di ngăn, yorlah Gâp mâu ôh phat dôi h êng Gâp nờm dờm, geh Bớ Gâp Nờm tởm njuăl Gâp đống gũ ndrel Gâp.

¹⁷Ta nau vay khân may lě geh nchih: ‘Lah geh bar hê bunuyh mớh nkoch, ri mớ kớp nau i này geh nau khlay’.

¹⁸Gâp mớh nkoch nau sắk Gâp nờm dja, jêh ri geh Bớ Gâp Nờm tởm njuăl Gâp vắch đống, mớh nkoch nau sắk Gâp nờm dja.”

¹⁹Bu ôp Brah Yêsu: “Ah Bớ May?” Păng ơh: “Khân may mâu gít nắl Gâp, khân may mâu đống gít nắl Bớ Gâp. Lah khân may gít nắl Gâp, ri mớ khân may gít nắl Bớ Gâp đống.”

²⁰Brah Yêsu ngời nau này, nôk Păng gũ nti lah bu ta jống gung nhieh jan brah, dắch kêng ntúk ăn hũp prắk, yờn ma mâu geh ôh bunuyh bắnh nhũp Păng, yorlah ê hỏ tắt di mong.

Nau dơi Brah Yêsu

²¹Brah Yêsu lah tay khân păng: “Gâp tay du, khân may tay joi Gâp, yờn ma khân may khắt ndáp ma nau tih khân may nờm. Ntúk Gâp hăn, khân may mâu ôh dơi hăn.”

²²Mpôl kôranh phung Israel tâm lah ndrăng khân păng: “Moh geh nau khlay lah pre này: ‘Ntük Gáp hăn, khân may mâu ôh dơi hăn’? Gít Păng nkhât êng săk Păng nôm?”

²³Brah Yêsu lah tay: “Khân may tă bôh neh ntu dja, yôn ma Gáp tă bôh kalơ trôk i ntük Kôranh Brah nôm. Khân may jêng ndơ neh ntu dja, yôn ma Gáp, Gáp mâu ôh jêng ndơ neh ntu dja.

²⁴Gáp lě mboh ma khân may: ‘Khân may khât ndâp ma nau tih khân may nôm’, yorlah, lah khân may mâu ôh iăt nau Gáp mboh nkoch nau săk Gáp nôm dja, khân may khât hôm ndâp ma nau tih khân may nôm ngăn ro, mâu ôh geh yố nau tih.”

²⁵Bu ôp Brah Yêsu: “Lah ndri May bu moh?” Brah Yêsu ôh: “Gáp lě ơm mboh jêh ma khân may.

²⁶Gáp geh ôk ngăn nau gay ma ũch mboh nkoch ăn ma khân may, ndâp ma phat dôih khân may, yôn ma Gáp mâu ũch ôh mboh nkoch, yorlah Kôranh Brah nôm tơm njuăl Gáp, Păng jan tâng nau Păng mboh nâng, jêh ri moh nau Gáp tăng tă bôh Păng, nau i này dôm Gáp mboh nkoch ăn ma bunuyh ta neh ntu dja.”

²⁷Yôn ma phung khân păng mâu văt ôh nau Brah Yêsu mboh nkoch Kôranh Brah Bở Păng ăn ma khân păng này.

²⁸Brah Yêsu lah ma khân păng: “Ta nar khân may n'hao Gáp i Kon Bunuyh tă bôh Kôranh Brah ri tay, ta ri mớ khân may gít lah Gáp dja bu moh, gít lah ndơ Gáp jan, mâu geh ôh jan tâng săk Gáp nôm ũch. Gáp ngơi nau i này tâng nau Bở Gáp đã ma Gáp.

²⁹Kôranh Brah Nôm tơm njuăl Gáp, Păng mâu ôh ntloại Gáp gũ êng, Păng gũ ndrel Gáp, yorlah dăng lě ndơ Gáp jan ăn Păng răm maak mro.”

³⁰Nôk Brah Yêsu ngơi này, geh ôk bunuyh săt nsing ma Păng.

Bunuyh i ðon lan Kôranh Brah ngăn

³¹Jêh ri Brah Yêsu ngơi ma phung Israel i lě nsing ma Păng: “Lah khân ay may gũ nập ta nau Gáp nti, khân ay may jêng oh mon Gáp ngăn,

32 jêh ri khân ay may gít năl nau ngăn, jêh ri nau ngăn mra rklaih khân ay may ăn jêng bunuyh kon me.”

33 Phung khân păng lah: “Mởm dăng May lah hên: ‘Khân ay may mra jêng bunuyh kon me?’, yorlah hên i dja kon sau Abrahăm i che dăng lể phung Israel bân, hên mâu prot ôh gũ jan dâk bu.”

34 Brah Yêsu lah ma khân păng: “Gập lah n'hêl naně ngăn ma khân ay may, bu moh jan tih, păng i nây jêng tâm ban ma dâk ma nau tih mâu blao bah jan tih.

35 Bunuyh dâk bu, păng mâu ôh gũ mro ta jay kôranh păng nôm, yơn ma kon kôranh nôm, păng gũ mro ta jay bở păng nôm nây.

36 Lah ndri, lah Gập i Kon Kôranh Brah rklaih khân ay may, khân ay may jêng bunuyh kon me ngăn ro.

37 Gập lể gít khân ay may phung kon sau Abrahăm, yơn ma khân ay may ùch nkhât Gập, yorlah dăng lể nau Gập ngời, nuih n'hâm khân ay may mâu ôh sỏ dơn.

38 Moh nau Gập mboh nkoch ma khân ay may, jêng ndơ Gập lể say ta Bở Gập nôm, yơn ma khân ay may jan tâng nau bở khân ay may nôm mboh.”

39 Khân păng lah ma Brah Yêsu: “Bở hên Abrahăm.” Brah Yêsu lah: “Lah khân ay may phung kon sau Abrahăm ngăn, khân ay may jan ndơ kớt Abrahăm lể jan đổng.

40 Aboơ dja Gập mboh nkoch ma khân ay may nau ngăn, nau i Gập tăng tă boh Kôranh Brah, tih ma khân ay may ùch nkhât Gập. Yơn ma Abrahăm mâu ôh jan kớt ndây.

41 Khân ay may jan ndơ bở khân ay may nôm jan.” Khân păng lah ma Brah Yêsu: “Hên dja kon me gle ăl ngăn, bở hên Kôranh Brah du huê dơm.”

42 Brah Yêsu lah tay ma khân păng: “Lah Kôranh Brah bở khân ay may ngăn, di lah khân ay may rống ma Gập đổng, yorlah Gập dja lôh tă boh Kôranh

Brah väch ta dja. Gáp mâu ôh lôh tâng sǎk Gáp nơm öch, Kôranh Brah Nơm njuäl Gáp väch ta dja.

⁴³Mơm dâng khân ay may mâu vât nau Gáp nti? Yorlah khân ay may mâu blao iät nau Gáp nti.

⁴⁴Bờ khân ay may nơh Satǎng i kôranh mpôl brah djơh, khân ay may öch jan tâng nau pǎng öch. Pǎng nkhât bunuyh bờh nơm saóm ngǎn, pǎng i nơm mbrôh, ndrel ma pǎng mâu ôh ngơi nau ngǎn, yorlah ta nuih n'hâm pǎng mâu geh ôh nau ngǎn. Dôl pǎng mbrôh ngơi mbrôh, pǎng tâm di ma nuih n'hâm pǎng nơm ro, yorlah pǎng nơh jêng nơm mbrôh, ndrel ma jêng nơm tơm dâng lể nau mbrôh đổng.

⁴⁵Ndri dâng khân ay may mâu ôh iät nau Gáp, yorlah Gáp nti nau ngǎn.

⁴⁶Ta phung khân ay may này, ơm geh lah du huê bunuyh dơi ntôn Gáp geh jan nau tih? Lah Gáp nti nau ngǎn, mơm dâng khân ay may mâu iät Gáp?

⁴⁷Bu moh jêng bon lan Kôranh Brah, pǎng i này iät nau Kôranh Brah. Khân ay may mâu ôh jêng bon lan Kôranh Brah, ndri dâng khân ay may mâu iät nau Gáp này.”

Brah Yêsu, ndrel ma Abrahăm

⁴⁸Mpôl kôranh phung Israel lah Brah Yêsu: “Di mâu lah mâu, lah hên lah May phung bri Samari geh brah djơh gũ ta May?”

⁴⁹Brah Yêsu ơh: “Gáp mâu ôh geh brah djơh gũ ta Gáp, Gáp yơk ma Bờ Gáp nơm, tih ma khân may mưch rmot Gáp chrao.

⁵⁰Gáp mâu ôh joi gay ma lư êng sǎk Gáp nơm, yơn ma geh du huê sơm joi ăn lư Gáp, Pǎng i Kôranh phat dôih sổng đổng.

⁵¹Gáp lah n'hêl naně ngǎn ma khân may, bu moh ndjôt tâng nau Gáp nti, pǎng mâu geh khât ôh.”

⁵²Mpôl kôranh phung Israel lah Brah Yêsu: “Abơ dja hên lể gĩt May geh brah djơh gũ ta May ngǎn ro, yorlah Abrahăm, ndrel ma mpôl bunuyh nơyh nau ngơi Kôranh Brah kǎl e nơh lể khât lể phiao, yơn ma May, May lah: ‘Bu moh ndjôt tâng nau Gáp nti, pǎng mâu geh khât ôh’.

⁵³Ôm May kuông rlau che hên Abrahăm bah? Yorlah păng, ndrel ma mpôl bunuyh ntøyh nau ngời Kôranh Brah kăl e nơh lể khât lể phiao. Lah ndri May i này, mơm May kớp săk May nơm mêh?”

⁵⁴Brah Yêsu lah: “Lah Gập joi gay ma lư êng săk Gập nơm, nau lư i này mâu ôh geh nau khlay. Yơn ma Bờ Gập nơm ứch bu lư săk Gập, Păng i Kôranh Brah i khân may lah yớk mbah này nơh.

⁵⁵Khân may mâu ôh gít năl Păng, yơn ma Gập, Gập gít năl Păng. Lah Gập lah, Gập mâu ôh gít năl Păng, Gập jêng bunuyh ngời mbrôh tâm ban ma khân may đống. Yơn ma Gập lể năl Păng ngăn, ndrel ma ndjôt nau Păng ngời jât.

⁵⁶Abrahăm che khân may, păng răm maak ngăn nôk Kôranh Brah ăn păng gít lor, păng mra say nau Gập văch. Păng lể say Gập văch ngăn ro, jêh ri păng răm maak hô ngăn.”

⁵⁷Mpôl kôranh phung Israel lah Brah Yêsu: “May ê hỏ tât 50 năm! Mơm dăng May lah lể say Abrahăm?”

⁵⁸Brah Yêsu lah: “Gập lah n'hêl naně ngăn ma khân may, nôk Abrahăm ê hỏ deh, Gập lể ớm geh jêh.”

⁵⁹Kớp ndri dăng khân păng dônھ lủ gay ma ntúp nkhât Brah Yêsu, yơn ma Păng krap bờh khân păng này, jêh ri lôh bờh jông gung nhìh jan brah ri.

Yôhan 9

Brah Yêsu jan bah du huê bunuyh cheh mắt

¹Nôk Brah Yêsu hăn rỏ trong, Păng say du huê bu klô cheh mắt ntơm bờh ndũl me.

²Mpôl oh mon ôp Brah Yêsu: “Ổ Nơm Nti, bờh tă nau tih i này, dăng păng cheh mắt ntơm bờh ndũl me kớp này? Tă bờh păng nơm jan tih, mâu lah tă bờh mẽ bờ păng jan tih?”

³Brah Yêsu ớh: “Mâu ôh tă bờh nau tih păng nơm, mâu đống nau tih mẽ bờ păng. Păng cheh mắt yorlah Kôranh Brah ứch ăn bu say nau dơi Păng nơm ta bunuyh i này.

⁴Iăt ma bân hôm jan kar ma Kôranh Brah Nôm tơm njuăl Gáp văch, nôk trôk hôm ang. Măng bời tât, jêh ri lah trôk lě măng mâu hôm ôh geh bunuyh dơi jan kar.

⁵Nôk Gáp hôm gũ ta neh ntu dja, Gáp tâm ban ma nau ang ma dâng lě bunuyh ta neh ntu dja.”

⁶Jêh Brah Yêsu ngời kớt nây, Păng soh dak diu ta neh, lai dak diu i nây ma neh, hâng ta mắt bunuyh cheh nây.

⁷Jêh ri Brah Yêsu đã păng: “Hăn hồm, hăn rpôh mắt may nây ta dak nglao Silom ri” - rblang ngời lah ‘Silom’ nây ‘Bu đã hăn’, jêng dak nglao i bu jan. Bunuyh cheh mắt nây hăn rpôh ro, jêh ri mắt păng say ang păng sât bơn ri.

⁸Phung chiaio meng, ndrel ma phung vay say păng gũ dẫn prak bu a lor nơh, khân păng tâm lah: “Bu klô i nây bah gũ dẫn bu a lor nơh?”

⁹Geh bunuyh abă lah: “Păng i nây ro.” Bunuyh abă jât lah: “Mâu, mâu di păng ôh, păng tâm trúp mắt dơm.” Yơn ma păng nôm i tă cheh mắt nây lah: “Gáp ya.”

¹⁰Bu ôp păng: “Mơm dâng ang mắt may i nây nơh?”

¹¹Păng mơn ma bu: “Geh du huê bunuyh rnhâ Yêsu, Păng sô dak bők hâng ta mắt gáp, jêh ri đã gáp hăn rpôh ta dak nglao Silom. Gáp hăn rpôh, mắt gáp say ang ro.”

¹²Bu ôp bunuyh cheh mắt nây: “Ah Păng abao?” Bunuyh cheh mắt nây ơh: “Gĩt eh!”

Phung Pharisi ôp jek bunuyh cheh mắt nây nơh

¹³Jêh ri bu leo bunuyh i tă cheh mắt i nây hăn ta phung Pharisi.

¹⁴Nôk Brah Yêsu lai dak diu Păng nôm ma neh, ndrel ma jan ăn mắt bunuyh say ang nây nơh jêng ta nar Sabăt i nar rlu phung Israel,

¹⁵kớt ndri dâng phung Pharisi ôp bunuyh tă cheh mắt i nây: “Mơm dâng ang mắt may nây nơh?” Bunuyh cheh mắt nây mơn ma phung Pharisi: “Păng sô dak bők hâng ta mắt gáp, jêh ri gáp rpôh, mắt gáp say ang ro.”

16Phung Pharisai abă tâm lah ndrăng khân păng: “Bunuyh i nây mâu geh ôh lôh tă bớh Kôranh Brah, yorlah Păng mâu jan tâng nau vay ta nar Sabăt i nar rlu .” Abă jât lah: “Lah Bunuyh tih, mớm dăng Păng dơi jan nau khlay kớt nđa?” Jêh ri khân păng jêng tâm nkhah mpôl.

17Jêh ri khân păng ôp tay bunuyh i tă cheh mắt nây jât: “Lah ndri ah may, Păng i tớm jan mắt may say ang nây, bu moh may lah mêh?” Bunuyh cheh mắt nây ơh: “Păng bunuyh ntớyh nau ngơi Kôranh Brah.”

18Yơn ma mpôl kôranh phung Israel ê hỏ iăt ôh lah bunuyh i nây bớh ntớm nớh păng cheh, abao dja lể say ang, khân păng kuăl i mẽ bớ păng bốt.

19Brổ tăt ta nây, khân păng ôp: “Bunuyh dja kon khân ay may ngăn? Khân ay may lah păng cheh mắt ntớm bớh ndũl me, abao dja mớm dăng mắt păng jêng ang?”

20Mẻ bớ păng ơh: “Păng kon hên ngăn, hên lể gít n'hêl păng cheh mắt ntớm bớh ndũl me ngăn đổng,

21yơn ma bớh tă mắt păng dăng say ang hên mâu gít ôh. Bu moh jan ăn mắt păng say ang nây, hên mâu gít đổng. Khân may ôp êng sắk păng nớm ta nây, păng lể kuống, lể blao mbớh nkoch êng sắk păng nớm.”

22Dăng mẽ bớ păng ngơi kớt nây, khân păng klach mpôl kôranh phung Israel, yorlah mpôl kôranh phung Israel lể tâm di nau, lah bu moh kớp Brah Yêsu jêng Brah Krist, bu mprớh lơi ăn lôh bớh ntũk nhieh rbũn phung Israel khân păng nớm.

23Kớt ndri dăng mẽ bớ păng lah: “Khân may ôp êng sắk păng nớm ta nây eh, yorlah păng lể kuống.”

24Jêh ri bu kuăl tay bunuyh tă cheh mắt nây ôp tay du tớ jât, bu lah păng: “Hên đã may ngơi nau ngăn hỏm ta nấp mắt Kôranh Brah! Hên lể gít jêh Bunuyh i nây, Păng Bunuyh jan tih ngăn.”

25Bunuyh i tă cheh mắt nây ơh ma khân păng: “Gập mâu gít ôh Păng bunuyh jan tih, mâu lah mâu. Yơn ma gập gít sắk gập nớm, bớh ntớm nớh mắt gập cheh, abao dja mắt gập lể say ang.”

²⁶Khân păng ôp tay păng: “Lah ndri mớ̄m Păng jan ăn mắt may say ang này nớ̄h mêh? Mả ndơ Păng jan mêh?”

²⁷Bunuyh cheh mắt này ơ̄h: “Gập lể jêh nkoch ma khân may, tih ma khân may mâu ứ̄ch iăt ôh. Ābaō dja mớ̄m dăng khân may ứ̄ch đả gập nkoch tay du tở̄ jăt? Khân may ứ̄ch jan oh mon Păng đổng bah?”

²⁸Khân păng mứ̄ch rmot ôbă̄l: “May i lah oh mon Păng, hên dja oh mon che Môsê.

²⁹Hên gít Kôranh Brah lể ngơ̄i ma Môsê ngăn, yớ̄n ma Bunuyh i này hên mâu gít ôh, bớ̄h tả nau đơ̄i Păng!”

³⁰Bunuyh i tả cheh mắt i này lah: “Gập mâu văt ôh khân may lah mâu gít bớ̄h tả nau đơ̄i Păng, yớ̄n ma Păng lể jan ăn mắt gập say ang.

³¹Bân lể gít, lah bunuyh jan tih, Kôranh Brah mâu iăt ôh. Bunuyh blao klach yớ̄k ma Păng, ndrel ma jan tâng nau Păng ứ̄ch mớ̄ Păng iăt.

³²Ntớ̄m bớ̄h Kôranh Brah rhăk njêng neh ntu, ê hỏ̄ prot tâng geh bunuyh blao jan bunuyh cheh mắt bớ̄h ndũ̄l me ăn say ang.

³³Lah Bunuyh i này mâu geh lôh tả bớ̄h Kôranh Brah, Păng mâu ôh đơ̄i jan ndơ̄ kớ̄t này.”

³⁴Bu lah ma păng: “May jêng bunuyh jan tih hô ngăn bớ̄h ndũ̄l me, mớ̄m may bả̄nh nti lah ma hên!” Jêh ri bu mprớ̄h ôbă̄l lôh a dih .

³⁵Brah Yêsu tâng bu mprớ̄h bunuyh i tả cheh mắt này nớ̄h lôh a dih, jêh ri Brah Yêsu joi mậ̄p păng, ôp: “Ah may nsing đổng ma Kon Bunuyh i tả bớ̄h Kôranh Brah?”

³⁶Păng ơ̄h: “Ō Kôranh, ah Păng i ri mêh, sớ̄m mbớ̄h ăn gập, gập be ma nsing ma Păng.”

³⁷Brah Yêsu lah: “May lể say Păng, Păng dja heh i lể tâm ngơ̄i ma may ābaō dja.”

³⁸Bunuyh cheh mắt này lah ma Brah Yêsu: “Ō Kôranh, gập nsing ma May.” Jêh ri bunuyh cheh mắt này yớ̄k mbah Brah Yêsu ta này ro.

³⁹Brah Yêsu lah: “Gâp väch ta neh ntu dja, gay ma phat dôih dâng lě bunuyh, jêh ri ăn bunuyh cheh mắt jêng say ang, ndâp ma nhơ ma bunuyh i kơp êng mắt khân păng nơm say ang, khân păng bêng ma cheh, yorlah bunuyh gít năl Kôranh Brah ngăn tâm ban ma say ang.”

⁴⁰Phung Pharisi i gũ ndrel Brah Yêsu ta nây, tăng Păng lah kơt nây, jêh ri ôp Păng: “Lah ndri May kuăl hên dja bunuyh cheh mắt bah?”

⁴¹Brah Yêsu lah ma khân păng: “Lah khân may bunuyh cheh mắt ngăn ta nau mân, mâu gít vât nau Kôranh Brah, khân may mâu ôh geh dôih, tih ma khân may kơp êng mắt khân may say ang lě gít vât nau Kôranh Brah, yơn ma mâu ôh rom Gâp, kơt ndri dôih hôm krêp mro ta khân may.”

Yôhan 10

Brah Yêsu jêng Nơm chiăp ueh

¹Jêh ri Brah Yêsu lah jât: “Gâp lah n'hêl naně ngăn ma khân may, bu moh lăp ta trôm n'gar be biăp, mâu ôh lăp rỏ mpông n'gar, bêng ma hao lăp nkơng trong êng chrao, păng i nây jêng bunuyh ntũng.

²Yơn ma bu moh lăp rỏ mpông n'gar, bunuyh i nây ngăn ro jêng nơm chiăp be biăp i gũ ta trôm n'gar i nây.

³Bunuyh mât njrăng n'gar păng sơm pơk mpông ma nơm chiăp be biăp i nây ăn lăp. Dâng lě be biăp năl bởr mbung bunuyh i chiăp khân păng dadê, bunuyh i nây kuăl dâng lě be biăp păng nơm nây tâng rnha êng êng, jêh ri păng leo be biăp lôh bơh dih n'gar nây.

⁴Tât be biăp lě lôh bơh dih n'gar lě phiao, păng nơm brỏ bơh năp, be biăp tâng bơh kơi bơh kơi păng nơm, yorlah dâng lě be biăp i nây lě năl bởr mbung păng dadê.

⁵Phung be biăp i nây mâu ôh tâng bu êng, khân păng nchuăt ngai bơh bu êng ro, yorlah khân păng mâu ôh gít năl bởr mbung bu êng.”

⁶Brah Yêsu ngơi nau ntât i nây ma phung Pharisi i gũ ta nây, yơn ma khân păng mâu vât ôh, moh nau Păng ứch ngơi i nây.

⁷Ndri dâng Brah Yêsu ngoi tay du tở jât ma khân păng: “Gâp lah n'hêl naně ngăn ma khân may, Gâp dja jêng tâm ban ma mpông be biăp ma lôh lăp.

⁸Dâng lě nôm nti phung Israel, ndrel ma dâng lě kôranh phung Israel i hăn lor bớh năp Gâp, tih ma nti nklă, khân păng bunuyh ntũng dadê, be biăp i nây mâu iăt ôh bớ mbung khân păng.

⁹Gâp dja tâm ban ma mpông, bu moh lăp rỏ mpông i nây mra geh nau rklaih, Gâp mât njrăng păng tâm ban ma be biăp lôh lăp bớh trôm n'gar say rêp sa đổng.

¹⁰Bunuyh ntũng văch, păng gay ma ntũng, ma nkhât, ma lơh ndjơh đơm. Yơn ma Gâp văch, gay ma ăn bunuyh geh nau rêh, geh nau rêh dút ueh ngăn.”

¹¹“Gâp dja i Nôm chiăp ueh. Nôm chiăp ueh Păng jao săk Păng nôm ăn ma be biăp Păng.

¹²Lõng bunuyh chiăp jan kar gay ma geh ndơ nkhôm đơm, mâu ôh di jêng bunuyh chiăp ngăn, mâu ôh di jêng nôm tởm be biăp i nây, lah say tăt so bri văch, păng nchuăt ntơi be biăp ro, ăn so bri kăp sa hêk khân păng, ndâp ma jan ăn khân păng nchuăt chah chrai đổng.

¹³Păng nchuăt nơh, yorlah păng jan kar gay ma geh ndơ nkhôm đơm, păng mâu ôh rvê ma be biăp.

¹⁴Yơn ma Gâp, Gâp nôm chiăp ueh, Gâp gít năl be biăp Gâp nôm, jêh ri be biăp Gâp gít năl Gâp

¹⁵tâm ban ma Bớ Gâp gít năl Gâp, jêh ri Gâp gít năl Bớ Gâp đổng. Gâp jao săk Gâp nôm ăn ma be biăp Gâp.

¹⁶Gâp hôm geh đổng be biăp abă êng mâu ôh gũ ta trôm n'gar dja, geh nau khlay lah geh bunuyh i mâu di phung Israel mra jêng phung bon lan Gâp đổng, iăt ma Gâp leo khân păng lăp ta n'gar đổng. Khân păng i nây mra iăt bớ mbung Gâp. Lah ndri dâng lě khân păng jêng du phung đơm, jêh ri geh du huê đơm đổng Nôm chiăp.”

- 17“Bờ Gáp rờng ma Gáp, yorlah Gáp jao sǎk Gáp nờm, gay ma sỏ tay nau rêh.
- 18Mâu geh ôh du huê dơi nkhât Gáp, Gáp nờm dờm jao sǎk Gáp nờm khât. Gáp geh nau dơi jao sǎk Gáp nờm khât, geh nau dơi sỏ tay nau rêh. Nau i này Bờ Gáp lể đǎ ma Gáp.”
- 19Nôk này mpôl kôranh phung Israel tâm nkhah mpôl tay du tở jât, yor ma nau ngời Brah Yêsu i này.
- 20Geh ôk bunuyh lah: “Pǎng lể geh brah djơh gủ ta Pǎng, Pǎng lể jêng trơi. Lơi hôm iǎt nau ngời Pǎng.”
- 21Yờn ma bunuyh abǎ lah: “Nau ngời i này mâu ôh tǎ bỡh bunuyh geh brah djơh gủ ta pǎng, yorlah brah djơh mâu dơi ôh jan ǎn say ang bunuyh cheh mǎt.”

Phung Israel mâu ôh nsing ma Brah Yêsu

- 22Nôk khay ji kǎt này, ta bon Yêrusalem ri bu jan nhêt bũn lǎp nhih jan brah ma Kôranh Brah .
- 23Brah Yêsu hǎn rsong ta jǒng gung nhih jan brah rỏ ndrìng Salômôn ri.
- 24Jêh ri mpôl kôranh phung Israel gủ jũm Brah Yêsu, khân pǎng ôp: “Dah hôm jỏ May ứch ǎn hên hôm vĩ vể, May mâu mỡh n'hêl ma hên May Brah Krist mâu lah mâu? Lah May Brah Krist ngǎn, ǎn May mỡh hỏm ma hên.”
- 25Brah Yêsu lah ma khân pǎng: “Gáp lể mỡh nkoch ma khân may, yờn ma khân may mâu ôh ứch iǎt nau Gáp. Dǎng lể nau khlay Gáp jan tǎ bỡh nau dơi Bờ Gáp, ndr i này ǎn khân may gít say.
- 26Yờn ma khân may mâu ứch iǎt, yorlah khân may mâu ôh di bon lan Gáp i tâm ban ma be biǎp Gáp nờm.
- 27Dǎng lể bunuyh i tâm ban ma be biǎp Gáp nờm iǎt bỡ mbung Gáp. Gáp gít nǎl khân pǎng, jêh ri khân pǎng tâng Gáp bỡh kơi.
- 28Gáp ǎn khân pǎng nau rêh n'ho ro, khân pǎng mâu ôh mra roh hêng, mâu đờng geh du huê dơi pit khân pǎng bỡh ti Gáp.

- ²⁹Bở Gập dứt kuống rlau bu ngă, Păng i tơm ăn khân păng i này ma Gập, mâu geh ôh du huê dơi pit khân păng bớh ti Păng.
- ³⁰Gập ndrel Bở Gập, jêng nguai dơm.”
- ³¹Mpôl kôranh phung Israel dôn lữ, gay ma klũp nkhât Brah Yêsu du tở jât.
- ³²Brah Yêsu lah ma khân păng: “Gập lể jan ndơ ueh tă bớh Bở Gập nơm ôk ngănh nhơ ăn khân may say, lah ndri moh ndơ Gập jan ndơ i này, dăng khân may ũch klũp Gập ma lữ?”
- ³³Khân păng lah ma Păng: “Hên klũp May ma lữ, mâu geh ôh yor ma May jan ndơ ueh, ach ma May ngơi mứch rmot Kôranh Brah, yorlah May bunuyh dơm, May kớp êng săk May nơm lah May tâm ban ma Kôranh Brah.”
- ³⁴Brah Yêsu lah ma khân păng: “Ta nau vay khân may lể nchih lah: ‘Kôranh Brah lah: ‘Gập mớh ma khân may, khân may jêng brah’ .
- ³⁵Ta Nau Kôranh Brah Ngơi mâu geh ôh ndơ nguai dơi jut dơi rgâl. Lah ndri lah Kôranh Brah kuăl bunuyh i này ‘Brah’ tâm ban ma Păng nơm,
- ³⁶lah ndri mớh dăng khân may lah Gập bêng ma ngơi mứch Kôranh Brah, ach ma Gập mớh săk Gập nơm: ‘Gập dja Kon Kôranh Brah’? Yorlah Gập i dja lể Kôranh Brah de kớih njuăl văch ta neh ntu dja.
- ³⁷Lah ndơ Gập jan mâu ôh di tă bớh Bở Gập, lơi ôh khân may nsing ma Gập.
- ³⁸Yơn ma lah ndơ Gập jan tă bớh Bở Gập ngă, ăn khân may nsing ma Gập hỏm yor ma ndơ Gập jan i này, bol lah khân may mâu nsing ma nau Gập ngơi kadôi. Ndri dăng khân may gít vât n'hêl Bở Gập nơm gũ ndrel ta Gập, jêh ri Gập gũ ndrel ta Bở Gập.”
- ³⁹Bu gay ma ũch nhũp tay Brah Yêsu du tở jât, yơn ma Păng du lôh bớh ti mpôl kôranh phung Israel này.
- ⁴⁰Jêh ri Păng hăn tay kăl ti dak rlai Yôđăn ri jât, ntũk Yôhan-Baptem vay gũ jan baptem yũk ma dak ăn bu nớh, Păng gũ ta ntũk này.

⁴¹Geh bunuyh òk ngǎn vǎch ran ta Pǎng, khân pǎng tâm lah ndrǎng khân pǎng: “Yôhan-Baptem mâu ôh prot jan nau khlay, yơn ma dâng lě nau Yôhan-Baptem mbơh nkoch ma Bunuyh i dja, di dadê ngǎn.”

⁴²Ta ntũk nây geh òk bunuyh nsing ma Brah Yêsu.

Yôhan 11

Lasar khât dâk rêh

¹Geh du huê bu klô rnha Lasar geh nau ji, pǎng gũ ta bon Bêthani, ndrel ma yôh pǎng bar hê, rnha Mari, ndrel ma Matha.

²Mari i nây i lě tở dak ngi bô kah ta jǒng Brah Yêsu, jêh ri jut jǒng Brah Yêsu ma sỏk pǎng nỡm nỡh.

³Jêh ri bar hê oh nur i nây đã bu hǎn mbơh ma Brah Yêsu: “Hỡi Kôranh, bunuyh i May rǒng geh nau ji hô ngǎn mê.”

⁴Tât Brah Yêsu tǎng nau i nây, Pǎng lah: “Nau ji i dja mâu ir ôh tât khât, nau ji i dja gay ma geh lữ nau chrêk lợp Kôranh Brah, jêh ri geh lữ nau chrêk lợp Gáp i Kon Pǎng đǒng.”

⁵Brah Yêsu rǒng ma Matha, ma Mari, ndâp ma Lasar đǒng.

⁶Yơn ma jêh Brah Yêsu lě gít Lasar geh nau ji, Pǎng hỏm gũ ta ntũk nây bar nar jât.

⁷Tât bỡh kỡi nây, Pǎng lah ma mpôl oh mon Pǎng: “Hỏ bân plỡ tay ta bri Yuđa jât.”

⁸Mpôl oh mon Pǎng lah ma Pǎng: “Ở Nỡm Nti, mpôl kôranh phung Israel ta bri Yuđa ứch klủp nkhât May ma lữ mhe a pỡ dỡm, lah ndri May ứch plỡ tay ta nây ngǎn bah?”

⁹Brah Yêsu lah ma khân pǎng: “Nar geh 12 mong. Lah bu moh hǎn ta nôk nar pǎng mâu ôh geh chêh jǒng, yorlah pǎng say nau ang geh ta neh ntu dja.

¹⁰Yơn ma bu moh hǎn ta nôk mǎng, pǎng chêh jǒng ro, yorlah pǎng mâu say nau ang.”

¹¹Jêh Brah Yêsu lah kơt này, Păng lah tay ma khân păng: “Mât jăng bân Lasar lě hăk bêch hơi, yơn ma Gập hăn gay ũch rlay păng.”

¹²Mpôl oh mon lah ma Păng: “Ồ Kôranh, lah păng lě hăk bêch, tay păng bah.”

¹³Khân păng ndôn lah Brah Yêsu lah Lasar hăk bêch ngăn dơm, yơn ma nau Brah Yêsu ngơi i này, Păng ũch lah Lasar lě khât ngăn.

¹⁴Jêh ri Brah Yêsu mboh nkoch ma khân păng ăn gít n'hêl naně: “Lasar lě khât ngăn.

¹⁵Gập răm maak ngăn Gập mâu geh gũ ta ri, yorlah geh nau khlay ma khân may, ăn khân may nsing lơ ma hô. Hổ bân hăn ta jay păng abao dja hồm.”

¹⁶Nôk này geh du huê oh mon rnhă Thomas i bu kuăl Đidim đống, păng lah ma mpôl oh mon: “Hổ bân hăn ndrel Păng, gay ma khât ndrel Păng đống!”

Brah Yêsu i tơm nau rêh

¹⁷Brah Yêsu hăn tăt ta này, bu mboh ma Păng lah Lasar lě bu tốp ta môch lě geh puăn nar.

¹⁸Bon Bêthani đah bon kuống Yêrusalem tâm dăch, klăp lah geh pe kilômet dơm.

¹⁹Ndri geh ők phung Israel tă bơh bon Yêrusalem hăn ryôk n'hanh Matha, Mari yor ma i oh khân păng.

²⁰Nôk Matha lě gít lah Brah Yêsu bơi tăt ta này, păng hăn chuă Brah Yêsu ro, yơn ma Mari hồm gũ ta jay.

²¹Matha lah ma Brah Yêsu: “Ồ Kôranh, lah May gũ ta dja nơh, oh gập mâu khât ôh.

²²Yơn ma gập gít, bol lah abao dja kađôi đống, moh ndơ May đăn tă bơh Kôranh Brah, Păng ăn ma May ro.”

²³Brah Yêsu lah ma păng: “Oh ay mra dăk rêh.”

²⁴Matha lah ma Brah Yêsu: “Ồ, gập gít păng mra dăk rêh tay, păng dăk rêh ta nar n'glě dũt, tăt dăng lě bunuyh khât dăk rêh tay.”

²⁵Brah Yêsu lah: “Gâp dja i tơm jan ăn bunuyh dâk rêh, ndrel ma tơm nau rêh, bu moh nsing ma Gâp, bol lah khât kađôi păng mra hôm rêh.

²⁶Jêh ri bu moh hôm gũ rêh nsing ma Gâp mâu geh khât ôh, ay iăt đổng nau i nây?”

²⁷Matha lah ma Brah Yêsu: “Ô Kôranh, lě gâp iăt May Brah Krist i Nơm Rklaih i Kôranh Brah lě ton njuăl ta neh ntu dja. May Kon Kôranh Brah nơm.”

Brah Yêsu nhũm

²⁸Jêh Matha ngơi kơt nây, jêh ri păng hăn kuăl oh păng Mari mâu ăn bu gĩt, păng lah: “Nơm Nti lě tât, Păng kuăl ay.”

²⁹Tât Mari gĩt, păng dâk hăn mập Brah Yêsu ro.

³⁰Brah Yêsu ê hỡ ôh lăp trôm bon, Păng hôm gũ ta ntũk Matha hăn mập ri nớh.

³¹Phung Israel i gũ ryôk n'hanh Mari ta jay nây, say păng dâk hăn ndal nây, khân păng leo bắ hăn tâng păng, ndôn lah păng hăn nhũm vớh oh păng a môch.

³²Mari hăn jăt ntũk Brah Yêsu gũ, tât păng say Brah Yêsu păng păn ta jống Brah Yêsu nây lah: “Ô Kôranh, lah May gũ ta dja nớh, oh gâp mâu ôh khât.”

³³Brah Yêsu say Mari, ndrel ma phung Israel hăn tâng păng nhũm vớh dadê, Brah Yêsu rngot ũk rũl ta nuh n'hâm dũt hô.

³⁴Păng ôp: “Ah ntũk khân ay tốp păng?” Khân păng ơh: “Ô Kôranh, dăn May hăn tâng hên.”

³⁵Nôk nây Brah Yêsu nhũm.

³⁶Phung Israel tâm lah: “Uănh! Păng rống hô ngăn ma Lasar.”

³⁷Ta phung khân păng abă lah: “Păng i nây bah, bunuyh cheh măt lě jan ăn say ang. Lah ndri mớh dăng Păng mâu ôh buay Lasar dja mâu ăn khât nớh?”

Brah Yêsu đă Lasar dâk rêh

38Jêh ri Brah Yêsu hăn ta môch, ta nuih n'hâm Păng geh nau ùk rül tay du tở jât. Môch i nây trôm klêr ta yôk, i trôm nây bu rdöl ma lữ kuông.

39Tât ta môch Brah Yêsu lah: “Rlă lơi lữ i nây.” Matha i yôh bunuyh khât nây lah ma Brah Yêsu: “Ô Kôranh, bunuyh dja lě bô ôm, yorlah lě puăn nar tốp păng ta dja.”

40Brah Yêsu lah ma păng: “Gâp lě mboh nkoch ma ay bah, lah ay nsing, ay say nau chrêk lợp Kôranh Brah ngăn ro?”

41Jêh ri bu rlă lơi lữ boh bởr ntu i nây. Brah Yêsu n'gơr mắt jât trôk ti lah: “Ô Bở, Gâp lah ueh ma May ngăn, yor ma May lě iăt Gâp.

42Gâp lě gít ngăn May iăt Gâp mro mrăng, dăng Gâp ngời nteh kọt nđa, yorlah geh ôk bunuyh gũ jũm Gâp ta dja. Gâp ùch khân păng iăt May Nơm i tởm njuăl Gâp.”

43Jêh Brah Yêsu lah kọt nây, Păng nter dút huy: “Ô Lasar! May lờh hồm!”

44Jêh ri Lasar lờh boh ri jông ti hồm put ma bok, muh mắt hồm put ma bok đống. Brah Yêsu lah ma khân păng: “Sớm drih lơi bok păng nây, ăn păng hăn.”

Bu tâm nchră gay ùch nkhât Brah Yêsu

45Phung Israel i hăn ta jay Mari nây, say Brah Yêsu jan nau khlay nây, ôk ngăn bu nsing ma Păng.

46Yơn ma geh bunuyh abă ta phung khân păng i nây, hăn mboh nkoch ăn ma phung Pharisi ndr i Brah Yêsu jan nây.

47Jêh ri mpôl kôranh jan brah, ndrel ma phung Pharisi rgum mpôl kôranh jan kar bri Yuđa tâm nchră nau: “Abao' dja mớm bân jan ma Bunuyh i nây? Yorlah Păng jan nau khlay ôk ngăn.

48Lah bân rong Păng kọt nây, dăng lě phung bon lan nsing ma Păng dadê, jêh ri phung taken Rôm hăn lơh hêng nhieh jan brah ma Kôranh Brah, ndâp ma bri dak bân ro .”

⁴⁹Geh du huê bunuyh ta mpôl khân păng rnha Kaiphas, păng jêng kôranh jan brah düt kuông ta năm nây, păng lah: “Dâng lẽ khân may nây mâu ôh gít vât du ntil nau!

⁵⁰Lõng khân may mân heh! Ueh rlau ma khân may geh khât du huê bunuyh ăn ma dâng lẽ phung bon lan, đah ma roh hêng dâng lẽ bri dak bân.”

⁵¹Nau păng ngời kớt nây mâu geh ôh tâng nau ùch êng sắk păng nôm. Păng jêng kôranh jan brah düt kuông ta năm nây, kớt ndri dâng Kôranh Brah ăn păng nkoch lor lah, Brah Yêsu khât ntrö dâng lẽ phung Israel.

⁵²Mâu ôh khât ăn ma dâng lẽ phung Israel dơm, yơn ma khât ăn ma dâng lẽ phung kon Kôranh Brah gũ chah chrai bắ lam neh ntu, gay ma rgum jêng du phung dơm hỏ.

⁵³Ntôm bớh nar nây, mpôl kôranh phung Israel, khân păng tâm nchră bắ gay ma ùch nkhât lơi Brah Yêsu.

⁵⁴Ach ma kớt ndri dâng Brah Yêsu mâu hôm bở nsong ăn mpôl kôranh phung Israel say. Păng du bớh ntũk nây hăn ta bon dách kêng bri rdah, bon nây rnha bon Êpraim, Păng gũ ta bon nây ndrel mpôl oh mon Păng.

⁵⁵Nôk nây nar nhêt bũn n'hot lẽ bới ma tât đong, geh ỏk phung Israel tă bớh lam bri hăn ta bon kuông Yêrusalem, gay ma jan rao sắk ăn kloh tâng nau vay phung Israel ê lor ma nhêt bũn n'hot i nây.

⁵⁶Nôk nây bu joi Brah Yêsu, jêh ri gũ ta jông gung nhieh jan brah nây, khân păng tâm lah ndrăng khân păng: “Mâu say ôh Păng, mớ m khân ay may mân, gít lah Păng mâu bắh hăn ta dja ro?”

⁵⁷Lõng mpôl kôranh jan brah, ndrel ma phung Pharisi, mớh nau ma bu, lah bu moh gít ntũk Brah Yêsu gũ, đă mớh nkoch ma khân păng, gay ma khân păng hăn nhũp.

Yôhan 12

Mari tở dak ngi bô kah ta jông Brah Yêsu

(Mat 26:6-13; Mar 14:3-9)

¹Hôm e prao nar ma tât di nar nhêt bũn n'hot, Brah Yêsu hãn tât ta ðon Bêthani, ntũk ðon Lasar gũ, bunuyh i Brah Yêsu de jan ăn dâk rêh nơh.

²Ta ntũk nây bu ndrăp ndrơ sông sa kuống ăn ma Brah Yêsu. Matha kơl ăn ndrơ sông sa ma bu, Lasar gũ sông sa ndrel Brah Yêsu ta nsưng nây. Nôk nây tâng ma nau vay nôk sông sa kuống, khân păng sông sa gũ bêch nkêng jât chiaio, i jông rok jât kơi.

³Jêh ri Mari sỏ dak ngi ðo kah i khlay ngãn ntil dũt ueh i bu kuăl lah dak ngi 'Nartu' n'gul lit, tỏ ta jông Brah Yêsu nây, jêh ri jut jông Brah Yêsu i nây ma sỏk păng nơm, n'hôl ðo kah bêng jay nây ngãn.

⁴Geh du huê bunuyh ta mpôl oh mon Brah Yêsu, rnha Yuđas-Isakariyôt, jât năp tay păng i nây leo bu hãn nhũp Brah Yêsu, păng lah:

⁵"Moh kỏ mâu tách dak ngi ðo kah i khlay ngãn nây 300 prăk kăk, pă ăn ma bunuyh o ach?"

⁶Yuđas-Isakariyôt ngơi kơt nây păng mâu ôh yỏ ma phung o ach ngãn. Păng bunuyh ntũng, păng bunuyh ndjôt dũng prăk mpôl oh mon, ndâp ma păng nơh lẻ vay tả sỏ prăk abă bơh dũng i nây dah păng nơm ũch đong.

⁷Yơn ma Brah Yêsu lah: "Ăn dah ma jan pre hỏ, păng tỏ dak ngi ðo kah dja, gay ma ndrăp sắk Gáp ma tốp.

⁸Khân ay may hôm e geh bunuyh o ach gũ ndrel khân ay may mro, yơn ma Gáp dja, Gáp mâu hôm ôh gũ mro ndrel khân ay may."

Bu ũch nkhât Lasar

⁹Ổk ngãn phung Israel gít lah Brah Yêsu gũ ta nây, jêh ri khân păng hãn ta Păng, mâu ôh đơn ũch say Brah Yêsu đơm, khân păng ũch say Lasar i lẻ Brah Yêsu jan ăn dâk rêh bơh phung khât nây đong.

¹⁰Ndri dăng mpôl kôranh jan brah, khân păng tâm nchră bắl ũch nkhât loi Lasar đong,

¹¹ach ma bu lẻ gít Lasar lẻ dâk rêh, dăng ổk phung Israel du lôh bơh khân păng, jêh ri nsing ma Brah Yêsu.

Brah Yêsu lăp ta ðon kuống Yêrusalem

(Mat 21:1-11; Mar 11:1-11; Luk 19:28-40)

¹²Bunuyh i hăn ta ðon kuông Yêrusalem nhêt ðun n'hot ôk ngă. Tăt nar ôi tay jêh nau sông sa kuông i này, khân păng tăng lah Brah Yêsu bở lể bơi ma tăt ta ðon Yêrusalem.

¹³Khân păng leo bảl sreh n'ha jôm lôh bớh ðon hăn chuả Brah Yêsu, ndâp ma nter lah: “Rnê ma Kôranh Brah! Dăn Kôranh Brah ăn nau geh jêng ma Păng i Kôranh Brah de ðă văch, Păng kađăch phung Israel” .

¹⁴Brah Yêsu lể say du mlôm kon seh lia, Păng ncho ta kalơ ri, i này jêng tâm di ma nau lể bu nchih lah:

¹⁵‘Ở phung ðon lan ta ðon Yêrusalem i bu kuảl kon bu ur Siôn đống, khân ay may lơi klach ôh. Uảnh ri! Kađăch khân ay may bơi ma tăt Păng gủ ncho ta kalơ kon seh lia’ .

¹⁶Bớh ntôm nớh, mpôl oh mon Brah Yêsu ê văt ôh nau i này. Jêh Brah Yêsu dâk rêh lăp ta nau chrêk lợp Păng nớh, ri mớ khân păng kah gít nau bu lể nchih ma Păng kảl e nớh, dăng lể nau i này geh ma Păng jêng tâm di.

¹⁷Phung ðon lan i gủ ndrel Brah Yêsu, nôk Păng kuảl Lasar lôh bớh ntu môch, ndâp ma jan ăn păng dâk rêh nớh, khân păng mớh nkoch nâng dăng lể nau khlay i này i Brah Yêsu de jan.

¹⁸Phung ðon lan ôk ngă hăn ran chuả ta Păng, yorlah tăng bu nkoch Păng jan nau khlay ăn Lasar dâk rêh i này.

¹⁹Phung Pharisi tâm lah ndrăng khân păng: “Say ðah! Bân mâu ôh dơi buay Păng! Dăng lể phung ðon lan lể tăng Păng dadê!”

Phung Grek ứch mập Brah Yêsu

²⁰Ta nklang phung bunuyh hăn ta ðon Yêrusalem yớk mbah ma Kôranh Brah ta nar nhêt ðun n'hot này, ta này geh phung Grek abả đống i mâu di phung Israel hăn lăp ndrel.

²¹Khân păng hăn ta Philip du huê mpôl kôranh oh mon bunuyh tả bớh ðon Bêtsaida bri Galilê, khân păng lah: “Ở kôranh, hên ứch mập Kôranh Yêsu.”

²²Philip hăn mập mboh ma Öndrê, jêh ri Öndrê, ndrel ma Philip hăn ôp Brah Yêsu.

²³Brah Yêsu lah ma khân păng: “Nar Gâp i Kon Bunuyh tă bôh Kôranh Brah de njuäl lăp ta nau chrêk lợp Gâp nôm lể tăt jêh.

²⁴Gâp lah n'hêl naně ngăn ma khân may, lah du găr ba lah ba i nây bu mâu tuch ta neh, ba i nây hôm du găr nâng dôm, yơn ma lah tuch ta neh păng mâu ôh hôm kọt ơm, lôh jêng tơm ba i lể hon, jêh ri geh play ők ngăn. Kọt ndri đổng yor ma Gâp khât dăng geh ők bunuyh sỏ dơn nau rêh mhe.

²⁵Bu moh öch ngăn pơh ma nau rêh păng nôm dôm ta neh ntu dja, păng i nây mâu ôh geh nau rêh n'ho ro, yơn ma bu moh mâu ôh kọt khlay ma nau rêh păng nôm ta neh ntu dja, păng i nây hôm geh nau rêh n'ho ro ngăn ma păng nôm.

²⁶Bu moh sỏm kớl jan kar ma Gâp, iăt ma păng tâng Gâp, jêh ri ah ntúk Gâp gủ, păng Gủ ta ntúk nây đổng. Bu moh sỏm kớl jan kar ma Gâp, Bở Gâp rnê đổng ma păng.”

Nau Brah Yêsu ngoi ma sắk Păng nôm khât

²⁷“Abao dja nuh n'hâm Gâp geh nau rũng rặng ngăn. A mớm Gâp ngoi abao dja? Ngoi: ‘O Bở, dăn May rkliah Gâp bôh nau jêr i dja’, bôh? Mâu ôh. Yor ma nau i dja ro dăng Gâp văch ta neh ntu dja.

²⁸O Bở, đă May jan ăn May nôm geh nau chrêk lợp.” Nôk nây geh tăng nteh bở tă bôh kalợ trôk ti: “Gâp lể jan ăn Gâp nôm geh nau chrêk lợp, jêh ri Gâp mra jan du tở đổng jăt.”

²⁹Phung bon lan gủ ta nây tăng nteh, khân păng tâm lah: “Gít nteh ntở nglayh?” Abă jăt lah: “Gít geh tông păr ngoi ma Păng?”

³⁰Brah Yêsu lah: “Nteh i nây gay ma geh nau khlay ma khân ay may, mâu di ôh gay ma geh nau khlay ma Gâp.

³¹Abao dja nar phat dôi h dăng lể bunuyh ta neh ntu dja lể tăt jêh, abao dja lể tăt đổng nar mprôh lợi Satăng i kôranh mpôl brah djôh i nôm kôranh ma neh ntu dja.

³²Yơn ma Gáp, tât bu n'hao Gáp bớh neh dja, Gáp leo dâng lể bunuyh hăn ta Gáp dadê.”

³³Brah Yêsu ngời kớt nây, ứch ăn bu gít mớh nau Păng khât, yorlah ta si tâm rkăng bu n'hao Păng bớh neh.

³⁴Phung bon lan ôp Brah Yêsu: “Hên lể tăng ta nau vay phung bân lah: ‘Brah Krist hôm gũ n'ho ro’. Lah ndri mớh dâng May lah Kon Bunuyh i tă bớh Kôranh Brah de njuăl bu de nkhât n'hao Păng bớh neh ntu dja? Lah ndri bu moh Kon Bunuyh i nây?”

³⁵Brah Yêsu lah ma khân păng: “Nau Ang hôm gũ ndrel khân ay may du blât dơm. Ăn khân ay may hăn hõm dôi Nau Ang hôm e gũ ndrel khân ay may, gay ma nau ngo mâu dơi đah khân ay may. Lah bu moh hăn ta nau ngo, păng mâu gít ôh ah ntũk păng hăn.

³⁶Dôi hôm geh Nau Ang dja, ăn khân ay may nsing hõm ma Nau Ang i nây, gay ma khân ay may jêng kon Nau Ang.” Jêh Brah Yêsu ngời kớt nây, jêh ri Păng du krap, bu mâu hôm ôh say Păng.

Phung bon lan mâu ôh nsing ma Brah Yêsu

³⁷Bol lah phung bon lan lể say Brah Yêsu jan ők nau khlay kađôi, hôm e geh ők bunuyh mâu nsing ma Păng đổng.

³⁸Nau nây jêng tâm di đah nau Êsai i bunuyh ntơyh nau ngời Kôranh Brah kăl e nớh lể nchih: ‘Ở Kôranh Brah, bu moh ma iăt nau hên lể mớh nkoch? Bu moh ma say nau dơi May lể nhơ?’

³⁹Ach ma kớt nđã dâng bu mâu nsing, kớt Êsai nchih tay jât:

⁴⁰‘Kôranh Brah jan ăn trôm mắt khân păng cheh, Nuih n'hâm khân păng dăng ko, Gay ma trôm mắt khân păng mâu say ngăn, Nđáp ma nuih n'hâm khân păng mâu gít vât, Ndri khân păng mâu plờ sât ma Kôranh Brah, Jêh ri Kôranh Brah mâu ôh jan bah khân păng’ .

⁴¹Êsai ngời kớt nây, yorlah kăl e nớh păng lể say nau chrêk lợp Brah Yêsu, jêh ri păng mớh nkoch lor ma Brah Yêsu.

⁴²Yơn ma hôm geh ők bunuyh nsing ma Brah Yêsu, geh mpôl kôranh ta phung Israel nsing ma Păng đống. Yơn ma khân păng mâu bảnh mboh nkoch nau nsing i này ma bu, yor ma khân păng klach phung Pharisi mproh khân păng du boh nhieh rbyn phung khân păng nôm.

⁴³Khân păng jan kot này, yor ma khân păng öch bunuyh rnê rlau ma Kôranh Brah rnê.

⁴⁴Jêh ri Brah Yêsu ngời dứt nteh: “Bu moh nsing ma Gáp, mâu ôh đơn nsing ma Gáp đơn, păng nsing đống ma Kôranh Brah nôm tơm njuäl Gáp.

⁴⁵Bu moh say Gáp, păng say đống i Nôm tơm njuäl Gáp.

⁴⁶Gáp vách ta neh ntu dja tâm ban ma nau ang, gay ma bu moh nsing ma Gáp, păng mâu ôh hôm tâm ban ma bunuyh gũ ta nau ngo.

⁴⁷Lah bu moh tăng bở Gáp ngời, tih ma mâu öch iät nau Gáp nti, Gáp mâu ôh phat dôi h abao dja, yorlah Gáp vách mâu ôh gay ma phat dôi h bunuyh ta neh ntu dja, Gáp vách gay ma rklaih bunuyh ta neh ntu dja.

⁴⁸Yơn ma bu moh rläch mâu ôh iät nau Gáp, mâu ôh số đơn nau Gáp nti lah, păng i này lể geh kôranh phat dôi h păng. Nau Gáp lể nti lah i này mra phat dôi h păng ta nar n'glẽ dứt tay,

⁴⁹yorlah nau Gáp nti lah i này, mâu geh ôh lôh tă boh săk Gáp nôm öch, yơn ma Bở Gáp nôm tơm njuäl Gáp đã ma Gáp, moh nau Gáp nti, moh nau Gáp lah.

⁵⁰Jêh ri Gáp lể gít, nau Kôranh Brah đã ăn geh nau rêh n'ho ro. Lah ndri dăng lể nau Gáp lah, Gáp lah kot nau Bở Gáp lể đã.”

Yôhan 13

Brah Yêsu rao jöng mpôl oh mon Păng

¹Ê lor ma lăp nhêt bũn n'hot, Brah Yêsu lể gít nar Păng lôh boh neh ntu dja hăn sât ta Bở Păng nôm lể di mong. Brah Yêsu rống ma mpôl oh mon Păng nôm ta neh ntu dja, Păng hôm rống ma khân păng mro mrăng tăt lôch.

- ²Tât mong sông sa a mǎng, Satǎng lǎ jan ǎn Yuđas-Isakariyôt i kon Simôn geh nau mân leo bu hǎn nhũp Brah Yêsu.
- ³Brah Yêsu lǎ gít jêh, dǎng lǎ ndr Bờ Pǎng lǎ ǎn nau dơi ma Pǎng dadê, Pǎng lǎ gít đōng, Pǎng nơh vǎch tǎ bơh Kôranh Brah, jêh ri plở sât tay ta Kôranh Brah đōng.
- ⁴Kơt ndrì dǎng Pǎng dǎk bơh ntũk sông, drih ao kuỡng Pǎng nơm, sỏ bok kát ta bứt.
- ⁵Pǎng sỏ dak nkhũt ta ngan grưng, jêh ri Pǎng rao jǒng mpôl oh mon Pǎng du huê du huê, Pǎng sỏ bok kát ta bứt, sỏm jut jǒng khân pǎng đōng.
- ⁶Tât ta Simôn i bu kuǎl Pêtrôs đōng nây, pǎng ôp Brah Yêsu: “Ổ Kôranh, ah May ứch sỏm rao jǒng gáp bơh? ”
- ⁷Brah Yêsu ơh ma pǎng: “Abơ dja may ê hỏ vát ôh ndr Gáp jan dja. Nar ját nấp tay may vát ro.”
- ⁸Pêtrôs lah ma Brah Yêsu: “Ổ Kôranh, lơi ôh May sỏm rao jǒng gáp!” Brah Yêsu ơh: “Lah Gáp mǎu rao jǒng may, may mǎu ôh jêng oh mon Gáp.”
- ⁹Simôn i bu kuǎl Pêtrôs đōng lah: “Ổ Kôranh, lah ndrì May lơi ôh dơn rao jǒng dơn, dǎn May rao lǎ ma ti ma bôk gáp đōng.”
- ¹⁰Brah Yêsu lah: “Bunuyh lǎ jêh ứm, rao jǒng gáp hơyh, yorlah sǎk jǎn pǎng lǎ kloh. Mpôl khân may lǎ kloh, yơn ma mǎu geh ôh geh dǎng lǎ khân may.”
- ¹¹Brah Yêsu ngơi kơt nây, yorlah Pǎng lǎ gít bu moh ứch leo bu hǎn nhũp Pǎng. Kơt ndrì dǎng Pǎng lah: “Dǎng lǎ khân may mǎu geh ôh kloh dadê.”
- ¹²Jêh phiao Brah Yêsu rao jǒng mpôl oh mon Pǎng, Pǎng nsoh bok ao Pǎng nơm, gủ tay ta ntũk sông sa, jêh ri ôp khân pǎng: “Khân may vát đōng, ndr Gáp sỏm jan ǎn ma khân may nây nơh?”
- ¹³Khân may kuǎl Gáp ‘Nơm Nti’, kuǎl Gáp ‘Kôranh’. Di ngǎn nau khân may kuǎl nây, yorlah Gáp Nơm Nti, Gáp Kôranh ngǎn.

14Lah Gâp dja lě Nơm Nti khân may, lě Kôranh khân may, jêh ri nkhơng ma sơm rao rlở jông khân may, lah ndrì ăñ khân may sơm rao jông ndrăng khân may nơm đống.

15Dja Gâp jan leo trong ăñ ma khân may, lah ndrì ăñ khân may jan kơt Gâp lě jan ma khân may này.

16Gâp lah n'hêl naně ngăñ ma khân may, bunuyh sơm kơl jan kar mâu ôh kuông rlau ma kôranh păng, bunuyh ntơyh nau mâu đống kuông rlau ma nơm đă păng hăñ.”

17“Lah khân may gít văt nau i này, jêh ri jan tâng kơt, Kôranh Brah ăñ nau geh jêng ueh ngăñ ma khân may.

18Gâp ngơi kơt nđay, mâu ôh ngơi ăñ ma dăng lě khân may, yorlah Gâp lě gít bu moh Gâp kơih. Yơn ma iăt ma geh tâm di ma Nau Kôranh Brah Ngơi lě nchih lah: ‘Du huê bunuyh gũ sông sa ndrêl Gâp, tih ma păng jan djơh ma Gâp’ .

19Gâp mboh nau i này ma khân may ê lor ma tăt, gay ma nôk tăt nau i này tay, khân may iăt ro Gâp Brah Krist i Nơm Rklaih tă bơh Kôranh Brah de njuăl ngăñ.

20Gâp lah n'hêl naně ngăñ ma khân may: Bu moh rom du huê bunuyh Gâp đă hăñ, jêng păng rom Gâp đống, jêh ri bu moh rom Gâp, jêng păng rom i Nơm tơm njuăl Gâp đống.”

Brah Yêsu mboh nkoch nau Yuđas-Isakariyôt rlăng ma Păng

(Mat 26:20-25; Mar 14:17-21; Luk 22:21-23)

21Jêh Brah Yêsu ngơi nau này, ta nuh n'hâm Păng ri geh nau rvê rũng răng ngăñ, jêh ri Păng lah: “Gâp lah n'hêl naně ngăñ ma khân may, geh du huê ta mpôl khân may ta oi tay leo bu hăñ nhữp Gâp.”

22Mpôl oh mon tâm uănh măt ndrăng khân păng nơm, yorlah khân păng mâu gít ôh bu moh Brah Yêsu ũch lah i này.

23Ta này geh du huê oh mon i Brah Yêsu de rống, păng gũ dăch kêng Brah Yêsu.

²⁴Simôn i bu kuäl Pêtrôs đồng nchõng ma ti ăn oh mon i này gít vát, gay ma đã pãng ôp Brah Yêsu bu moh bunuyh Pãng ếch lah i này.

²⁵Jêh ri oh mon i này n'gâl măt jât Brah Yêsu này, ôp Pãng: “O Kôranh, bu moh i ri mêh?”

²⁶Brah Yêsu ôh: “Bu moh Gâp ndở nũmpãng Gâp yũk dja, pãng i này ro.” Jêh ri Brah Yêsu yũk nũmpãng ta ngan ndở ăn Yuđas-Isakariyôt i kon Simôn.

²⁷Jêh Yuđas-Isakariyôt sỏ nũmpãng i này, Satãng lạp gũ ta sắk pãng ro. Jêh ri Brah Yêsu lah ma pãng: “Moh ndở i may ếch jan, ăn may jan gớnh hỏm.”

²⁸Dâng lẻ mpôl gũ sông sa ta nsưng này, mâu geh ôh du huê bunuyh gít moh geh nau khlay nau Brah Yêsu lah i này.

²⁹Bunuyh abả ndôn lah Brah Yêsu ếch đã Yuđas-Isakariyôt hăn rvăt ndở ma đồng nar nhêt bũn, mâu lah ếch đã pãng hăn pả ndở ăn ma phung o ach, ach ma Yuđas-Isakariyôt jêng bunuyh ndjôt dũng prắk mpôl khân pãng này.

³⁰Jêh Yuđas-Isakariyôt đơn nũmpãng i này, jêh ri pãng hăn ro, nôk này bri lẻ ngo.

Nau đã mhe

³¹Ndũt Yuđas-Isakariyôt hăn, Brah Yêsu lah: “Abao' dja lẻ tăt di mong Gâp i Kon Bunuyh tả bớh Kôranh Brah lạp ta nau chrêk lợp Gâp nờm, jêh ri Kôranh Brah geh nau chrêk lợp yor ma Gâp đồng.

³²Jêh ri lah Kôranh Brah geh nau chrêk lợp yor ma Gâp, hôm du blát jât Pãng ếch ăn nau chrêk lợp ma Gâp.

³³O' mpôl kon Gâp, Gâp hôm gũ ndrel khân may du blát đơm, jêh ri tay khân may tâng joi Gâp. Abao' dja Gâp ếch mbớh ma khân may kớh Gâp lẻ mbớh ma mpôl kôranh phung Israel nớh đớng: ‘Ntũk Gâp hăn, khân may mâu ôh đơi hăn’.

³⁴Gâp ăn du nau đã mhe ma khân may: Đã khân may tâm rờng ndrăng khân may nờm. Tâm ban ma Gâp lẻ rờng ma khân may, ăn khân may tâm rờng ndrăng khân may nờm.

³⁵Yor ma khân may tâm rông ndrăng khân may nôm, dâng lě bunuyh bu gĩt lah khân may oh mon Gâp ngăn.”

Brah Yêsu mboh lor Pêtrôs rlăch Păng

(Mat 26:31-35; Mar 14:27-31; Luk 22:31-34)

³⁶Simôn i bu kuăl Pêtrôs đống ôp Brah Yêsu: “Ổ Kôranh, ah ntũk hăn May ri?” Brah Yêsu ơh: “Ntũk Gâp hăn i nây, abao dja may mâu ôh dơi hăn. Nar jât năp tay may mra hăn tâng Gâp ta nây.”

³⁷Pêtrôs ôp tay Brah Yêsu: “Ổ Kôranh, moh kổ gâp mâu dơi tâng May abao dja? Gâp ũch bống săk gâp nôm khât ma May.”

³⁸Brah Yêsu lah ma păng: “May ũch bống săk may nôm khât ma Gâp ngăn bah? Yờn ma Gâp lah n'hêl naně ngăn ma may, ta mănđ dja iăr ê hỏ ôh ndrau, may lě rlăch pe tở lah mâu gĩt năl Gâp.”

Yôhan 14

Brah Yêsu trong hăn tât ta Bở

¹“Nuih n'hâm khân may lơi ôh rvê rũng rănđ, ăn khân may nsing ma Kôranh Brah, ăn khân may nsing ma Gâp đống.

²Ta nhiih Bở Gâp geh ỏk ngăn ntũk gũ, lah mâu geh mớm dâng Gâp mboh ma khân may: ‘Gâp hăn ndrăp ntũk ăn ma khân may?’

³Jêh Gâp ndrăp ntũk ăn ma khân may, Gâp mra plở sỏ khân may đống, gay ma ăn khân may gũ ndrel Gâp.

⁴Ntũk Gâp hăn nây khân may lě gĩt trong đống .”

⁵Thômas ôp Brah Yêsu: “Ổ Kôranh, hên mâu gĩt ôh ah ntũk May hăn, lah ndri mớm dâng hên gĩt trong May hăn?”

⁶Brah Yêsu lah: “Gâp dja jêng tâm ban ma trong i hăn tât ta bở nôm, mâu hôm ôh geh trong êng, Gâp dja jêng nau ngăn, Gâp dja jêng nau rêh. Rlau bớh Gâp, mâu ôh hôm geh trong a êng jât hăn tât ta Bở Gâp.

⁷Lah khân may lě gĩt năl Gâp, khân may gĩt năl Bở Gâp đống. Ntôm bớh abao dja khân may gĩt năl Păng, ndrel ma lě say Păng đống.”

⁸Philip lah ma Brah Yêsu: “O Kôranh, dân May nhơ ăn hên say Bở May, lể gặp jêh.”

⁹Brah Yêsu ơh ma păng: “O Philip, Gập gủ ndrel khân may lể jở ngă, mớ m dâng may hôm e ê hỏ nă Gập? Bu moh lể say Gập, păng lể say Bở Gập đổng. Mớ m dâng may lah: ‘Dần May nhơ ăn hên say Bở May’ kớ t nây?”

¹⁰May mâu iătt bah, Gập gủ ta Bở Gập, Bở Gập gủ ta Gập? Dâng lể nau Gập mớ h nkoch ma khân may, mâu ôh lôh tă bớ h săk Gập nớ m ứch, Bở Gập gủ ta Gập, Păng nớ m jan dâng lể nau Păng nớ m i nây.

¹¹Ăn khân may iătt Gập hỏ m, Gập gủ ta Bở Gập, Bở Gập gủ ta Gập. Lah khân may mâu iătt ôh Gập yor ma nau Gập ngớ i đớ m, ăn khân may iătt Gập yor ma nớ khlay Gập jan nớ h.

¹²Gập lah n'hêl nanế ngă ma khân may, bu moh nsing ma Gập, moh kar Gập jan, păng jan đổng, jêh ri păng jan kar kuố ng rlau i nây jăt, yorlah Gập săt ta Bở Gập.

¹³Jêh ri moh nớ khân may dân ta rnhă săk Gập, Gập jan ro, gay ma Gập i Kon ăn nau chrêk lớ p ma Bở Gập lớ ma hô.

¹⁴Moh nớ khân may dân ta rnhă săk Gập, Gập jan ro.”

Brah Yêsu ngớ i ton ăn Brah Huê ng Ueh

¹⁵“Lah khân may rố ng ma Gập, khân may ndjôt nau Gập đă.

¹⁶Jêh ri tay Gập dân ma Bở, jêh Gập dân nây Păng ăn ma khân may du huê Nớ m kớ l a ê ng gủ ndrel khân may n'ho ro.

¹⁷Păng i nây Brah Huê ng Ueh, Păng leo khân may ta nau nti ngă. Bunuyh i mâu nsing ma Gập mâu ôh vớ t đớ n Păng, yorlah khân păng uănh Păng mâu say, ndrel ma mâu gít nă Păng đổng. Yớ n ma khân may lể gít nă Păng, Păng gủ rêh ndrel khân may, jêh ri mra gủ ta khân may.

¹⁸Gập mâu ôh ntớ i khân may jê ng tâm ban ma kon đớ i, Gập mra plớ ta khân may đổng.

¹⁹Hôm du blât, bunuyh i mâu nsing ma Gâp mâu ôh hôm say Gâp, yơn ma khân may mra say Gâp. Yorlah Gâp rêh, ndri khân may mra rêh đổng.

²⁰Ta nar nây khân may gít Gâp gũ ta Bở Gâp, jêh ri khân may gũ ta Gâp, Gâp gũ ta khân may đổng.

²¹Bu moh sỏ đơn nau Gâp đã, ndrel ma jan tâng kọt, păng i nây rổng ma Gâp ngời, Bở Gâp rổng ma păng i nây đổng. Gâp rổng ma păng i nây, jêh ri Gâp ăn păng i nây gít năl Gâp lơ hô jât.”

²²Yudás - mâu ôh di Yudás-Isakariyôt - păng ôp Brah Yêsu: “Ổ Kôranh, mớ m dâng May ăn ma hên đơ m gít năl May, dâng lể bunuyh ta neh ntu dja May mâu ôh ăn năl?”

²³Brah Yêsu lah: “Lah bu moh rổng ma Gâp, păng i nây jan tâng nau Gâp ngời, Bở Gâp rổng ma păng i nây đổng. Jêh ri Bở Gâp, ndrel ma Gâp hăn ta păng, n'ho ma gũ ndrel ta păng.

²⁴Bu moh mâu rổng ma Gâp, păng i nây mâu ôh jan tâng nau Gâp ngời. Nau Gâp ngời, mâu ôh lôh tă bớh sắk Gâp nờm, lôh tă bớh Bở Gâp nờm, Păng i tởm njuăl Gâp dja.”

²⁵“Gâp mớh nkoch dâng lể nau i nây ma khân may dól Gâp hôm gũ ndrel khân may ta dja.

²⁶Yơn ma Brah Huêng Ueh i kloh ueh i Nờm kớl bunuyh i nsing nây, Bở de njuăl ma sỏm ntang Gâp, Păng mra ntũm nti dâng lể nau ăn ma khân may, n'ho ma nkah dâng lể nau Gâp lể mớh ma khân may nờh, ăn khân may kah gít.

²⁷Gâp du lôh bớh khân may, yơn ma Gâp hôm ăn nau đắp mpăn gũ ta khân may, Gâp ăn nau đắp mpăn Gâp nờm ma khân may. Nau đắp mpăn Gâp ăn i nây, mâu tâm ban ma nau đắp mpăn bunuyh i mâu nsing ma Gâp ăn. Kọt ndri nuih n'hâm khân may lơi ôh rvê rũng rắng lơi ôh klach.

²⁸Khân may lể tăng jêh nau Gâp mớh nkoch ma khân may: ‘Gâp du lôh bớh khân may, jêh ri Gâp plở tay đổng ta khân may’. Lah khân may rổng Gâp, khân may rắ mmaak ngắn gít Gâp hăn ta Bở, yorlah Bở kuống rlau Gâp.

²⁹Gâp mboh nkoch nau i này ăn ma khân may gít lor, ê lor ma tât, gay ma khân may nsing nôk nau i này tât ri tay.

³⁰Gâp mâu hôm lăng ôh geh mong ma ngời ndrel khân may, yorlah Satăng i kôranh mpôl brah djơh i jêng kôranh neh ntu dja lể bời ma tât, yơn ma păng mâu ôh geh nau dơi đah Gâp.

³¹Păng mâu geh nau dơi ma Gâp, jêh ri Gâp hôm jan tâng nau Bở đả ma Gâp, gay ma dăng lể bunuyh ta neh ntu dja bu gít Gâp rống ngăn ma Bở. Hổ bân dâk hăn hăm.”

Yôhan 15

Brah Yêsu tâm ban ma tơm play yŭng yar ðon

¹Jêh ri Brah Yêsu lah: “Gâp dja jêng tâm ban ma tơm play yŭng yar ðon i ngăn, jêh ri Bở Gâp năk tơm măt.

²Moh n'ging hon ta Gâp mâu geh play, Bở Gâp sreh mảr lơi. Yơn ma n'ging geh play, Păng koh để măt ăn ueh, gay ma play lơ ők jăt.

³Mpôl khân may lể kloh jêh, yor ma nau Gâp lể jêh mboh nkoch ma khân may.

⁴Ăn khân may hôm gủ ta Gâp nâng, kớt Gâp hôm gủ ta khân may nâng. Gâp jêng tâm ban ma tơm, moh n'ging mâu hon bơh Gâp, păng mâu ôh geh play. Khân may tâm ban kớt này đống, lah mâu ôh gủ nâng ta Gâp, khân may mâu geh play ôh.

⁵Gâp dja tâm ban ma tơm play yŭng yar ðon, khân may tâm ban ma n'ging. Bu moh hôm gủ ta Gâp nâng, Gâp hôm gủ ta păng nâng, păng i này geh play ők ngăn. Lah khân may gủ tâm nkah ma Gâp, khân may mâu blao ôh jan êng du ntil ndơ i geh nau khlay ta Kôranh Brah.

⁶Bu moh mâu gủ ta Gâp, păng i này tâm ban ma n'ging bu mảr lơi, tât ndro bu rgum pur lơi ta ũnh, jêh ri ũnh sa lể phiao.

⁷Lah khân may hôm gủ ta Gâp nâng, jêh ri nau Gâp ngời hôm gủ ta khân may nâng, lah ndri moh ndơ khân may ũch, dăn hăm, khân may geh ngăn ro.

⁸Lah khân may geh play ők, khân may oh mon Gáp ngă, ndrî dâng ăn Bở Gáp geh nau chrêk lợp.”

⁹“Gáp lể rống ma khân may, tâm ban ma Bở Gáp lể rống ma Gáp đống. Ăn khân may hôm gủ nâng hồm ta nau rống Gáp.

¹⁰Lah khân may jan kớt nau Gáp đă, khân may hôm gủ nâng ta nau rống Gáp, tâm ban ma Gáp lể jan kớt nau Bở Gáp đă, jêh ri Gáp hôm gủ nâng ta nau rống Păng đống.

¹¹Gáp mboh nkoch dâng lể nau dja ma khân may, gay ma nau rằm maak Gáp gủ ta khân may, jêh ri khân may geh nau rằm maak dứt hô ngă.

¹²Dja nau Gáp đă ăn ma khân may, ăn khân may tâm rống ndrăng khân may nơm, tâm ban ma Gáp lể rống ma khân may đống.

¹³Bunuyh i jao săk păng nơm khât ma mât jăng păng, păng rống ma mât jăng i nây dứt hô rlau bu.

¹⁴Khân may jêng mât jăng Gáp ngă, lah khân may jan kớt nau Gáp đă.

¹⁵Gáp mâu ôh hôm kuăl khân may bunuyh sơm kớl jan kar jât, yorlah bunuyh sơm kớl jan kar mâu ôh gít moh nau kôranh păng nơm jan. Gáp kuăl khân may jêng mât jăng Gáp nơm, yorlah dâng lể nau Bở Gáp lah ma Gáp, lể Gáp mboh nkoch ăn ma khân may gít dadê.

¹⁶Mâu ôh khân may lể kớih Gáp, Gáp i kớih khân may, jêh ri đă khân may hăn geh play ők, play i hôm nâng n'ho ro. Lah ndrî moh ndrô khân may dăn boh Bở Gáp ta rnha săk Gáp, Păng ăn ma khân may ro.

¹⁷Dja nau Gáp đă ma khân may: Ăn khân may tâm rống ndrăng khân may nơm.”

Bunuyh biănh ma Brah Yêsu, ndrêl ma mpôl oh mon Păng

¹⁸“Lah bunuyh ta neh ntu dja biănh ma khân may, ăn khân may kah gít khân păng lể biănh ma Gáp lor.

¹⁹Lah khân may jêng tâm ban ma dâng lể bunuyh i mâu nsing ma Gáp, khân păng rống ma khân may jêng băl mpôl. Yôn ma khân may mâu ôh hôm jêng

tâm ban ma khân păng, yorlah lě Gâp kơih sỏ khân may lờh tă bớh khân păng, kớh ndri dăng khân păng biảnh ma khân may.

²⁰Ăn khân may kah gít nau Gâp lě lah ma khân may nờh: ‘Bunuyh sỏm kớh jan kar mâu ôh kuống rlau kờranh păng’. Lah bu jan jêr ma Gâp, khân may nây bu jan jêr đống, lah bu iăt nau Gâp, khân may nây bu iăt đống.

²¹Bu jan dăng lě nau i nây ma khân may yor ma Gâp, jêh ri yor ma khân păng mâu ôh gít năl Nỏm tỏm njuăl Gâp.

²²Lah Gâp mâu geh vắch ta neh ntu dja, mâu geh mớh nkoch ma khân păng, khân păng mâu ôh geh nau tih. Yỏn ma aởaớ dja, khân păng mâu ôh hỏm geh nau ma nsih ma nau tih khân păng nỏm.

²³Bu moh biảnh ma Gâp, păng biảnh đống ma Bở Gâp.

²⁴Lah Gâp mâu geh jan nau khlay ta nắp mắt khân păng, jêng ndớ i mâu geh ôh du huê bunuyh êng jan, khân păng mâu geh ôh nau tih. Yỏn ma aởaớ dja khân păng lě say jêh, jêh ri khân păng hỏm biảnh ma Gâp, biảnh ma Bở Gâp đống.

²⁵Kớh ndri nau i dja jêng di đah ma Nau Kờranh Brah Ngỏi lě geh nchih ma ndớ khân păng jan: ‘Khân păng biảnh ma Gâp mâu ôh geh nau’ .”

²⁶“Gâp mra njuăl Nỏm kớh tă bớh Bở Gâp ma khân may, Păng i nây Brah Huêng Ueh, Păng leo khân may ta nau nti ngắn. Tăt Păng vắch ri tay, Păng jêng tỏm mớh nkoch nau khlay Gâp ắn bu gít.

²⁷Jêh ri khân may jêng nỏm mớh nkoch nau khlay Gâp ắn bu gít kớh ndri đống, yorlah khân may lě gủ ndrel Gâp nỏm bớh Gâp nỏm ntủm nti bu nờh ngắn.”

Yỏhan 16

¹Brah Yỏsu lah jắt: “Gâp ngỏi nau i nây ma khân may, gay ma lời ôh khân may bah nsing ma Gâp.

²Yorlah bu mra ntrüt khân may du lôh bôh nhieh r̄bũn phung Israel bân. Jêh ri nar jât nấp tay bu moh nkhât khân may, khân păng mân lah ndr̄ khân păng jan i nây, khân păng jan ndr̄ i Kôranh Brah rnê.

³Khân păng jan kơt nây, yorlah khân păng mâu gĩt năl Bở Gập, ndr̄el ma mâu gĩt năl Gập đong.

⁴Gập lể ngơi nau i nây ma khân may, gay ma tât di nar i nây tay, khân may kah gĩt nau Gập lể ntĩnh ma khân may. A lor nơh Gập ê hỏ ôh m̄bôh nkoch dăng lể nau i nây, yorlah Gập hôm gũ ndr̄el khân may.”

Ntil ndr̄ jan kar Brah Huêng Ueh

⁵“Abơ dja Gập hăn sât a Nơm tơm njuăl Gập, yơn ma ta mpôl khân may mâu geh ôh du huê ôp Gập: ‘Ah ntũk hăn may ri?’

⁶Yơn ma khân may geh nau nklõn rvê hô ngãn ta nuh n'hâm, tât tăng nau Gập ngơi dja.

⁷Gập ũch m̄bôh ăn khân may gĩt, nau Gập du lôh bôh khân may geh nau khlay ngãn ma khân may. Lah Gập mâu du lôh, Nơm kơl mâu ôh văch ta khân may. Yơn ma lah Gập du lôh, tay Gập njuăl Păng ăn ma khân may.

⁸Nôk tât Păng ta dja tay, Păng pơk bôk tở phung bunuyh ta neh ntu gĩt vât ma nau tih, ma nau sũng, ndr̄el ma nau Kôranh Brah phat dôi.

⁹Gĩt vât ma nau tih, yorlah phung bunuyh ta neh ntu lể geh nau tih yor ma mâu ũch ôh nsing ma Gập.

¹⁰Gĩt vât ma nau sũng, yorlah Gập hăn sât ta Bở Gập ndr̄i say Gập sũng ngãn, jêh ri khân may mâu hôm ôh say Gập.

¹¹Gĩt vât ma nau Kôranh Brah phat dôi, yorlah nau Kôranh Brah tể dôi ma Satăng i kôranh mpôl brah djơh i kôranh neh ntu dja, mra ăn bu gĩt n'hêl Kôranh Brah tể dôi ma bunuyh i jan tih đong .”

¹²“Hôm ỏk jât nau Gập ũch m̄bôh nkoch ăn ma khân may, yơn ma khân may mâu ôh dơi ndjôt abơ dja.

¹³Nôk Brah Huêng Ueh i leo nau nti ngăn tât, tay Păng leo khân may ăn gít năl dăng lể nau ngăn. Dăng lể nau Păng mboh nkoch i này, mâu ôh geh lôh tă bôh săk Păng nôm öch. Păng mboh nkoch dăng lể nau Păng lể tăng bôh Bở Gập, ndrel ma mboh nkoch ăn khân may gít lor moh nau geh ta nar jât năp dja tay.

¹⁴Păng mra ăn Gập geh nau chrêk lợp, yorlah dăng lể nau Păng mboh nkoch ăn ma khân may, Păng sô tă bôh Gập dadê.

¹⁵Dăng lể ndr Bở Gập geh, jêng ndr Gập dadê. Kơt ndr dăng Gập lể lah, dăng lể nau Brah Huêng Ueh mboh nkoch ăn ma khân may, Păng sô tă bôh Gập dadê.”

Nau nklôn rvê plăch jêng nau răm maak

¹⁶“Hôm du blăt jât khân may mâu ôh hôm say Gập, yơn ma hôm du blăt jât năp jât khân may say tay Gập.”

¹⁷Jêh ri mpôl oh mon abă tâm lah ndrăng khân păng nôm: “Moh nau Păng öch lah: ‘Hôm du blăt jât khân may mâu ôh hôm say Gập, yơn ma hôm du blăt jât năp tay khân may say tay Gập’, ndrel ma lah: ‘Gập hăn ta Bở Gập’, i này hiah?”

¹⁸Khân păng tâm lah tay ndrăng khân păng: “Nau Păng lah: ‘Hôm du blăt jât’, moh geh nau khlay? Bân mâu văt ôh, moh nau Păng öch lah!”

¹⁹Brah Yêsu lể gít khân păng öch ôp Păng, ndr Păng lah: “Khân may tâm ôp ndrăng khân may nôm, moh nau Gập öch lah bôh? Gập lah: ‘Hôm du blăt jât khân may mâu ôh hôm say Gập, yơn ma hôm du blăt jât năp jât khân may say tay Gập’.”

²⁰“Gập lah n'hêl naně ngăn ma khân may: Khân may tay nhhiăng nhũm, yơn ma phung bunuyh i mâu nsing ma Gập răm maak. Khân may tay geh nau nklôn rvê ôh êt ôh êl ngăn, yơn ma nau nklôn rvê khân may i này tay plăch jêng nau răm maak chrao.

²¹Lõng bu ur, dõl pãng bõr gũ oh, pãng geh nau ji ndũl hô ngãn, yõn ma tãt pãng lẽ jêh gũ oh, pãng chuêl nau ji i nãy, pãng rãm maak, yorlah say geh oh bê mhe.

²²Abaō dja khân may tâm ban kõt nãy đõng, khân may geh nau nklõn rvê, yõn ma Gãp tâm mập tay đah khân may du tở jãt. Nõk nãy khân may geh nau rãm maak ngãn, mâu geh ôh bunuyh dõr pit nau rãm maak khân may.

²³Nõk nãy khân may mâu ôh hôm ộp Gãp du ntil nau. Gãp lah n'hêl nanẽ ngãn ma khân may, moh ndõr khân may đãn bõr Bõ ta rnha sãk Gãp, Pãng ăn ro ma khân may.

²⁴Tãt ma abaō dja, khân may ê hõ ôh geh đãn ndõr bõr Bõ ta rnha sãk Gãp. Khân may đãn hõm, geh ngãn ro, jêh ri khân may geh nau rãm maak dũt hô ngãn.”

Brah Yêsu dõr

²⁵“Gãp mbõr nkoch dãng lẽ nau i nãy ăn ma khân may ma nau ngõr ntãt. Yõn ma hôm du blãt jãt Gãp mâu ôh hôm ngõr nau ntãt, jêh ri nau Bõ Gãp, Gãp ngõr ăn ma khân may n'hêl nanẽ ngãn.

²⁶Ta nar i nãy, khân may đãn êng bõr Bõ ta rnha sãk Gãp. Gãp mâu ôh sõm đãn bõr Bõ ăn ma khân may,

²⁷yorlah Bõ nõm rõng ma khân may. Pãng rõng ma khân may, yorlah khân may lẽ rõng ma Gãp, ndrel ma khân may lẽ iãt Gãp lõh tã bõr Kõranh Brah.

²⁸Gãp lõh tã bõr Bõ jũr ta neh ntu dja nõh, abaō dja Gãp lõh bõr neh ntu dja plõr sãt tay ta Pãng.”

²⁹Mpõl oh mon Brah Yêsu lah: “Abaō dja May ngõr ma hên lẽ n'hêl nanẽ, May mâu ôh hôm ngõr nau ntãt.

³⁰Abaō dja hên lẽ gĩt jêh May gĩt dadê dãng lẽ ntil ndõr. May mâu khãch ôh geh bu ộp May lor, yorlah May lẽ gĩt êng jêh moh ndõr nau mân ta nuĩh n'hãm bu. Kõt ndrĩ dãng hên iãt, May tã bõr Kõranh Brah ngãn.”

³¹Brah Yêsu ộp khân pãng: “Abaō dja khân may lẽ iãt ngãn bõr?”

³²Yơn ma tât di mong nây, abaō dja mong i nây lě bô̄i tât, khân may nchuăt du gũ ntũk êng êng, tâng nhìh jay khân may nôm, ntlōi Gâp gũ êng. Yơn ma Gâp mâu geh ôh gũ êng, geh Bở nôm gũ ndrel Gâp.

³³Gâp mbôh nkoch nau i nây ma khân may, gay ma khân may geh nau đăp mpăn yor ma khân may nsing ma Gâp. Hô̄m gũ ta neh ntu dja, khân may hô̄m geh mậ̄p nau jê̄r, yơn ma lōi ôh klach rvê, yorlah dâng lě ndōr ta neh ntu dja Gâp lě dôi dadê jêh.”

Yôhan 17

Brah Yêsu mbôh som dăn ma mpôl oh mon Păng

¹Jêh Brah Yêsu ngōi nau nây, Păng n'gô̄r jât trôk ti, jêh ri lah: “Ō Bở! Abaō dja lě tât di mong. Dăn May jan ăn Gâp i Kon May geh nau chrêk lợ̄p, gay ma Gâp i Kon jan ăn May geh nau chrêk lợ̄p đống.

²Kot May lě ăn nau dôi ma Gâp dôi mât uảnh dâng lě rngôch bunuyh, gay ma Gâp ăn nau rêh n'ho ro ma dâng lě bunuyh i May lě ăn jêh ma Gâp.

³Geh du huê May dôm i brah ngăn ngên. Bunuyh i geh nau rêh n'ho ro tă bôh gít năl May, ndrel ma gít năl Gâp i Yêsu Krist i May njuăl đă hăn.

⁴Gâp lě jan ăn May geh nau chrêk lợ̄p ta neh ntu dja, yor ma lě lôch jan jêh kar May đă Gâp jan nôm.

⁵Ō Bở! Abaō dja dăn May ăn Gâp nau chrêk lợ̄p i Bân lě ơm geh ndrel nôk ê hỏ geh trôk neh ntu nôm.”

⁶“Bu moh bunuyh ta neh ntu dja May lě ăn jêh ma Gâp, Gâp lě ăn phung i nây gít năl May. Bôh ntôm nôm phung i nây jêng bon lan May, jêh ri May ăn khân păng ma Gâp. Khân păng lě ndjôt dâng lě nau May.

⁷Abaō dja khân păng lě gít dâng lě nau Gâp jan nau Gâp nti, lôh tă bôh May nôm ăn dadê.

⁸Dâng lě nau May ăn ma Gâp nôm, lě Gâp ăn ma khân păng dadê. Lě khân păng sỏ dơn dadê, ndrel ma khân păng lě gít n'hêl nanê ngăn Gâp lôh tă bôh May, khân păng iăt ngăn May i nôm njuăl đă Gâp hăn.”

⁹“Gâp mboh sôm dẫn ăn ma khân păng, Gâp mâu ôh mboh sôm dẫn ăn ma dâng lể bunuyh ta neh ntu, Gâp mboh sôm dẫn ăn ma bu moh May lể ăn jêh ma Gâp, yorlah khân păng i này jêng bon lan May.

¹⁰Jêh ri dâng lể bon lan May jêng bon lan Gâp, dâng lể bon lan Gâp jêng bon lan May đổng. Khân păng jan ăn Gâp geh nau chrêk lợp.

¹¹Gâp mâu ôh hôm gũ ta neh ntu dja, Gâp plớ sât tay ta May, yơn ma khân păng hôm gũ ta neh ntu dja. Ở Bờ, May kloh ueh ngăn, mât njrăng khân păng ma nau dơi May nơm i May lể ăn ma Gâp đổng, gay ma khân păng gũ tâm rnglăp bảl hỏ, tâm ban ma Bân gũ tâm rnglăp bảl đổng.

¹²Nôk Gâp hôm gũ ndrel khân păng ta neh ntu, Gâp mât njrăng khân păng ma nau dơi May nơm i May lể ăn ma Gâp nờh. Bu moh bunuyh May lể ăn ma Gâp, mâu geh ôh du huê roh hêng, yơn ma hôm geh roh hêng du huê, i này jêng tâm di ma nau lể geh nchih jêh.”

¹³“Abơ dja Gâp hăn a May, yơn ma Gâp ngời nau dja dôi Gâp hôm gũ ta neh ntu, gay ma ta nuh n'hâm khân păng geh nau rằm maak dũt hô ngăn kớ Gâp đổng.

¹⁴Gâp lể ăn nau May ma khân păng. Bunuyh i mâu nsing ma Gâp, bunuyh i này biãnh ma khân păng, yorlah khân păng nờh mâu geh ôh du ntờ nau ndrel bunuyh mâu nsing ma Gâp, tâm ban ma Gâp mâu đổng du ntờ nau ndrel bunuyh mâu nsing ma Gâp.

¹⁵Gâp mâu ôh dẫn May sỏ khân păng lôh bớh neh ntu dja, Gâp dẫn May njrăng khân păng bớh Satăng i kờranh mpôl brah djờh.

¹⁶Khân păng mâu ôh du ntờ nau ndrel bunuyh mâu nsing ma Gâp, tâm ban ma Gâp mâu đổng du ntờ nau ndrel bunuyh i mâu nsing ma Gâp.

¹⁷Dẫn jan khân păng jêng phung bon lan May nơm, gũ ngao tâm di đah nau ngăn. Nau ngời May jêng nau ngăn.

¹⁸Gâp đả khân păng hăn ta nklang phung bunuyh i mâu nsing ma Gâp, tâm ban ma May lể đả Gâp ăn hăn ta nklang phung bunuyh i mâu nsing ma May đổng.

¹⁹Gâp jao sǎk Gâp nôm ma khân pǎng, gay ma ǎn khân pǎng jêng phung bon lan May nôm ngǎn.”

²⁰“Gâp mâu ôh dơn mboh sôm dǎn ǎn ma mpôl oh mon Gâp dja dơn, Gâp ǔch mboh sôm dǎn đōng ǎn dâng lě bunuyh êng i mra nsing ma Gâp tă bōh nau khân pǎng mboh nkoch,

²¹gay ma dâng lě khân pǎng gũ tâm rnglăp bǎl hǒ. Ở Bở! Tâm ban ma May gũ ta Gâp, Gâp gũ ta May, dǎn ǎn khân pǎng i nây gũ ta Bân đōng, gay ma ǎn dâng lě bunuyh ta neh ntu dja bu iăt May i Nôm tơm njuăl Gâp.

²²Nau chrêk lợp i May lě ǎn ma Gâp, lě Gâp ǎn ma khân pǎng, gay ma khân pǎng gũ tâm rnglăp bǎl, tâm ban ma Bân tâm rnglăp bǎl đōng.

²³May gũ ta Gâp, Gâp gũ ta khân pǎng, gay ma ǎn khân pǎng gũ tâm rnglăp bǎl n'hêl naně ngǎn, gay ma dâng lě bunuyh ta neh ntu dja bu gĩt lah May ngǎn i Nôm tơm njuăl ǎn Gâp hǎn ta dja, ndrel ma dâng lě bunuyh ta neh ntu dja bu gĩt lah nau May rōng ma khân pǎng tâm ban ma May rōng Gâp đōng.”

²⁴“Ở Bở! Gâp ǔch ǎn bu moh May ǎn ma Gâp, ǎn khân pǎng i nây gũ ndrel Gâp ta ntũk Gâp gũ nây đōng, gay ma ǎn khân pǎng say nau chrêk lợp May lě ǎn ma Gâp, yorlah May lě rōng ma Gâp bōh ê hǒ geh trôk neh ntu nơh ngǎn.

²⁵Ở Bở! May sōng ngǎn. Bunuyh ta neh ntu dja bu mâu ôh gĩt nǎl May, yơn ma Gâp gĩt nǎl May, jêh ri khân pǎng i dja lě gĩt lah, May ngǎn njuăl đǎ Gâp hǎn ta dja.

²⁶Lě Gâp ǎn khân pǎng gĩt nǎl May, Gâp hōm jan kơt nây nâng, gay ma nau rōng May ma Gâp gũ ta khân pǎng, jêh ri Gâp nôm gũ ta khân pǎng đōng.”

Yôhan 18

Bu nhũp Brah Yêsu

(Mat 26:47-56; Mar 14:43-50; Luk 22:47-53)

¹Jêh Brah Yêsu mboh sôm kơt nây, Pǎng hǎn ndrel mpôl oh mon Pǎng kǎl ti n'hong Kêdrôn. Ta ntũk nây geh du lôk mir tơm Ôlive, khân pǎng lăp ta mir nây.

²Yuđas-Isakariyôt bunuyh rlăng ma Brah Yêsu lě gít ntúk nây, yorlah Brah Yêsu, ndrel ma mpôl oh mon Păng vay hăn ta ntúk nây ôk tở.

³Jêh ri Yuđas-Isakariyôt leo du mpôl taken Rôm, ndrel ma du mpôl taken nih jan brah hăn ta ntúk nây. Khân păng ndjôt ndâp ma ũnh rdo, ũnh sagêng, ndâp ma tak đao ngăn. Geh mpôl kôranh jan brah, ndrel ma phung Pharisí lě ăn phung taken i nây hăn ndrel Yuđas-Isakariyôt.

⁴Brah Yêsu lě gít lor moh ndrơ geh ma Păng, kớt ndrì dâng Păng hăn mập ôp phung i nây, Păng lah: “Bu moh khân may ũch joi?”

⁵Khân păng ơh: “Joi Yêsu tă bớh ðon Nasaret.” Brah Yêsu ơh: “Gâp dja.” Yuđas-Isakariyôt bunuyh rlăng ma Brah Yêsu gũ ndrel phung taken ta nây đống.

⁶Nôk Brah Yêsu lah: “Gâp dja.” Khân păng rűch nkơi chôt trach.

⁷Brah Yêsu ôp tay khân păng: “Bu moh khân may ũch joi?” Khân păng ơh: “Joi Yêsu tă bớh ðon Nasaret.”

⁸Brah Yêsu lah ma khân păng: “Gâp lě lah ma khân may, Gâp dja heh. Lah khân may ũch joi Gâp, ăn mpôl khân păng dja sât.”

⁹Nau Păng ngơi kớt nây tâm di đah nau Păng lě lah nơh: “Bu moh bunuyh May lě ăn ma Gâp, mâu geh ôh du huê roh hêng.”

¹⁰Simôn i bu kuăl Pêtrôs đống geh du n'gờr đao, păng tăk đao sreh du huê dâk kôranh jan brah dűt kuống tăch tở bớh ma, rnha dâk i nây Mălkus.

¹¹Brah Yêsu lah ma Pêtrôs: “Ntrűp hỏm đao may nây ta ndrôm. Mờm dâng Gâp mâu sỏ đờn nau jỏk jêr Bở Gâp ăn ma Gâp?”

Brah Yêsu dâk ta nặp kôranh jan brah dűt kuống

(Mat 26:69-70; Mar 14:66-68; Luk 22:55-57)

¹²Jêh ri phung taken, ndrel ma kôranh taken khân păng, ndâp ma phung taken nih jan brah nhủp chặp Brah Yêsu.

¹³Khân păng leo Brah Yêsu hăn mập Anas i bở po Kaiphas lor, Kaiphas jêng kôranh jan brah dűt kuống nôk nậm nây.

14Kaiphas i này lah ma mpôl kôranh phung Israel nôk tâm nchră nơh: “Ueh đễ geh khât du huê bunuyh ăn ma dâng lể phung bon lan.”

15Simôn i bu kuăl Pêtrôs đổng, ndrel ma du huê oh mon êng jât hăn tâng Brah Yêsu. Kôranh jan brah dăt kuông năl du huê oh mon i này, kơt ndri dâng bu ăn păng lăp ndrel Brah Yêsu ta trôm jông gung jay Anas này.

16Yơn ma Pêtrôs hôm gủ bớh dih mpông mpêr ri. Kơt ndri oh mon Brah Yêsu i kôranh jan brah này năl, hăn ngơi ma bu ur gủ njrăng ta bôk mpông, jêh ri leo Pêtrôs lăp ta trôm jông gung này đổng.

17Bu ur i này ôp Pêtrôs: “May oh mon Păng i ri đổng bah?” Pêtrôs ơh: “Mâu ôh.”

18Phung dâk ta jay i này, ndrel ma phung taken nhieh jan brah lể sũnh ũnh ma saôn, jêh ri gủ njờ ũnh, yorlah bri nđik ngăn. Pêtrôs gủ njờ ũnh ndrel bu ta này đổng.

Kôranh jan brah dăt kuông ôp Brah Yêsu

(Mat 26:59-66; Mar 14:55-64; Luk 22:66-71)

19Jêh ri kôranh jan brah dăt kuông ôp Brah Yêsu ma mpôl oh mon Păng, ndrel ma nau Păng nti lah.

20Brah Yêsu ơh: “Gập lể ngơi ăn ma dâng lể bunuyh say, Gập vay nti lah ta trôm nhieh rbũn phung bân, ndrel ma ta jông gung nhieh jan brah, jêng dâng lể ntũk phung Israel gủ gum. Gập mâu geh ôh ngơi êng ta njôn nhjănh.

21Moh may ôp Gập? May ôp phung i tâng nau Gập ngơi ri eh, yorlah phung i này lể gĩt dadê moh bả nau Gập ngơi.”

22Jêh Brah Yêsu ngơi kơt này, geh du huê taken nhieh jan brah gủ dăch kêng Păng, tap Brah Yêsu, jêh ri lah: “Mơm May bãnh ngơi kơt này ma kôranh jan brah?”

23Brah Yêsu ơh: “Lah Gập ngơi tih, dăn mớh moh nau tih. Yơn ma lah Gập ngơi di, moh si kổ dâng may lơh Gập?”

24Jêh ri Anas ăn bu njũn Brah Yêsu ma Kaiphas i kôranh jan brah dăt kuông, nđâp ma kât ti ma rse.

Pêtrôs rlăch tay lah mâu năi Brah Yêsu

(Mat 26:71-75; Mar 14:69-72; Luk 22:58-62)

25Simôn i bu kuăi Pêtrôs đống hôm gủ njör ũnh ta ri. Geh du huê ôp păng: “May oh mon Păng i ri đống bah?” Pêtrôs rlăch: “Mâu ôh!”

26Geh du huê dăk kôranh jan brah, păng i nây ndũl mpôl đah bunuyh i Pêtrôs de sreh tách tô ri nơh, ôp păng: “Ôm mâu di lah may i nây ngăn gáp say gủ ndrel Păng ta mir tơm Ôlive ri nơh?”

27Pêtrôs rlăch tay jăt, ta nây dô ma geh iăi ndrau ro.

Brah Yêsu dăk bôh năp Pilat

(Mat 27:1-2, 11-14; Mar 15:1-5; Luk 23:1-5)

28Tăt bri bôri ma ang, bu leo Brah Yêsu lôh bôri jay Kaiphas, hăn ta jay Pilat i kôranh kuông ta bri Yuđa, păng phung Rôm. Phung Israel mâu bảnh ôh lăp ta trôm jay păng nây, yorlah lah lăp ta jay bunuyh i mâu di phung Israel mâu hôm kloh tâng nau vay khân păng, lah ndri mâu hôm ôh dôi lăp nhêt bũn n'hot.

29Ndri dăng Pilat lôh a dih hăn mập khân păng, ôp khân păng: “Moh nau khân may ũch ntôn ma Bunuyh dja?”

30Khân păng ơh: “Lah Păng mâu geh nau tih kuông, hên mâu ôh leo Păng ta may, kôranh!”

31Pilat lah ma khân păng: “Khân may sô Păng phat dôi h tâng nau vay khân may nơm dô.” Mpôl kôranh phung Israel mbôri ma păng: “Phung Rôm khân may dôm dôi tể dôi h nkhăt bunuyh.”

32Ndơ i nây jêng tâm di đah ma nau Brah Yêsu lể ngơi, a môm nau Păng khăt .

33Jêh ri Pilat lăp tay ta trôm jay, đă bu leo Brah Yêsu ta păng, jêh ri ôp: “Ngăn lah May nơh kađăch phung Israel?”

34Brah Yêsu lah: “Nau may ôp kớt nây, tă bôri săk may nơm, mâu lah geh bu êng sôm mbôri?”

³⁵Pilat ơh: “May lẽ gít jêh, gáp dja mâu di ôh phung Israel. Phung May nơm, ndrel ma mpôl kôranh jan brah May nơm njũn May ma gáp, lah ndri moh bã nau May lẽ jan?”

³⁶Brah Yêsu lah: “Bri dak Gáp mât uảnh mâu geh ôh ta neh ntu dja. Lah bri dak Gáp ta neh ntu dja, phung oh mon Gáp hăn tâm lơh ro, mâu ăn ôh bu njũn Gáp ta ti mpôl kôranh phung Israel. Yơn ma bri dak Gáp mâu geh ôh ta neh ntu dja.”

³⁷Pilat ôp Brah Yêsu: “Lah ndri May kađăch ngănh bảh?” Brah Yêsu ơh: “May lah Gáp kađăch nây di ngănh. Gáp deh, Gáp văch ta neh ntu dja gay ma mboh nkoch nau ngănh. Bu moh i rông ma nau ngănh, păng i nây iăt nau Gáp ngoi.”

³⁸Pilat ôp Brah Yêsu: “A mớm nau ngănh?” Jêh Pilat ngoi kơt nây, jêh ri păng hăn lôh a dih mập tay mpôl kôranh phung Israel du tở jăt, păng lah ma khân păng: “Bunuyh dja, gáp mâu ôh say Păng geh nau tih, để mâu ơm.”

³⁹“Yơn ma khân may geh nau vay ăn gáp bớk du huê bunuyh dôi h nôk nar nhêt bũn n'hot dja. Lah ndri khân may ứch đổng ăn gáp bớk Kađăch phung Israel dja?”

⁴⁰Jêh ri bu nter đơu lah: “May lơi ôh bớk Păng, may bớk Barabas hỏ.” Barabas nây bunuyh ntũng.

Yôhan 19

Bu tể dôi h nkhăt Brah Yêsu

¹Jêh ri Pilat leo Brah Yêsu lăp ta trôm jay, đã taken r păt Păng ma mông rse.

²Phung taken sỏ rtao lok bảr jan môk kađăch ndô ta bôk Brah Yêsu ri, jêh ri sỏ ao chăng kuông i tâm ban ma ao kađăch nsoh ăn Ôbăl nsoh đổng.

³Khân păng hăn dăch ta Brah Yêsu, mứch lah ma Păng: “Ô Kađăch phung Israel, hên mbah ma May” jêh ri tap Ôbăl ta muh măt.

⁴Jêh ri Pilat hăn lôh a dih mập tay mpôl kôranh phung Israel du tở jăt, lah ma khân păng: “Dja, gáp leo Păng ma khân may, gay ma ăn khân may gít, gáp mâu ôh say Păng geh nau tih ma tể dôi h Păng jăt.”

- ⁵Nôk nây Brah Yêsu lôh a dih đống, ndâp ma ndô môk kađăch jan ma lok, ndrel ma nsoh ao chăng. Pilat lah: “Dja, uănh hõm Bunuyh dja!”
- ⁶Tât ma mpôl kôranh jan brah, ndrel ma mpôl taken nhih jan brah say Brah Yêsu, khân păng nter drôu: “Nkhât Păng ta si tâm rkăng! Nkhât Păng ta si tâm rkăng!” Pilat lah: “Khân may sǒ Păng, nkhât êng Păng ta si tâm rkăng, yorlah gâp mâu ôh say Păng geh nau tih.”
- ⁷Mpôl kôranh phung Israel lah ma Pilat: “Phung hên geh nau vay, tâng ma nau vay hên Bunuyh i nây iăt ma nkhât lơi, yorlah Păng kǒp êng săk Păng nǒm lah Kon Kôranh Brah.”
- ⁸Tât Pilat tăng kǒt nây, păng lơ hô klach.
- ⁹Jêh ri Pilat plǒ lăp tay ta trôm jay, ôp Brah Yêsu: “May bớh tă?” Yǒn ma Brah Yêsu mâu ơh ôh.
- ¹⁰Pilat lah Brah Yêsu: “Moh May mâu ứch ơh ma gâp mêh? May mâu gít gâp geh nau dơi? Ứch bớk May kađôi, mâu lah ứch nkhât May ta si tâm rkăng kađôi.”
- ¹¹Brah Yêsu lah ma Pilat: “Lah mâu geh nau dơi tă bớh Kôranh Brah ăn ma may, may mâu ôh geh nau dơi ma Gâp, kǒt ndri bunuyh i njũn Gâp ma may, khân păng geh nau tih jru rlau may ngăn.”
- ¹²Ntǒm bớh nôk nây, Pilat joi nau gay ma ứch bớk Brah Yêsu đống, yǒn ma mpôl kôranh phung Israel nter drôu: “Lah may bớk Bunuyh i nây, may mâu ôh du ntôr nau ma kôranh kađăch Sêsar, mâu ôh di măt jăng ndrel kôranh kađăch Sêsar, yorlah bu moh kǒp êng săk păng nǒm lah kađăch, păng i nây bunuyh rlăng ma kôranh kađăch Sêsar!”
- ¹³Tât Pilat tăng nau nây, păng leo Brah Yêsu lôh a dih, gũ ta rnọl phat dôi, ta ntũk nây bu rnha lah: ‘Ntũk lăk lũ’, nau ngơi Hêbrơ lah: ‘Gapatha’.
- ¹⁴Nar nây bu ndrăp nau nhêt bũn n'hot, klăp lah nklang bôk nar. Pilat lah ma mpôl kôranh phung Israel: “Dja! Kađăch khân may.”

¹⁵Yơn ma khân păng nter lah: “Nkhât lơi Păng! Nkhât lơi Păng! Nkhât Păng ta si tâm rkăng!” Pilat ôp khân păng: “Khân may ùch ăn gáp nkhât kađäch khân may ta si tâm rkăng bớh?” Mpôl kôranh jan brah lah: “Rlau bớh kôranh kađäch Sêsar, hên mâu hôm ôh geh kađäch êng.”

¹⁶Jêh ri Pilat ăn Brah Yêsu ma bu, ăn phung taken nkhât Păng ta si tâm rkăng, jêh ri phung taken leo Brah Yêsu lôh bớh này.

Bu pống Brah Yêsu ta si tâm rkăng

(Mat 27:32-44; Mar 15:21-32; Luk 23:26-43)

¹⁷Jêh ri Brah Yêsu lôh bớh bon tui si tâm rkăng, hăn ta ntúk bu rnha lah: ‘Ntúk nting bôk’, nau ngơi Hêbrơ lah: ‘Gôlgôtha’.

¹⁸Bu nkhât Brah Yêsu ta si tâm rkăng ta ntúk này, geh bar hê bunuyh dôih bu nkhât ndrel Păng ta này đống, du huê bớh chiaio du huê bớh ma, Păng nklang n'gul.

¹⁹Jêh ri Pilat ăn bu nchih nau mbớh ta du rlat kađar pla ta si tâm rkăng này, ta này geh nau lah: ‘Dja Yêsu, tă bớh bon Nasaret, Păng kađäch phung Israel’.

²⁰Ta nau nchih i này, geh nau ngơi Hêbrơ, nau ngơi Latăng, ndrel ma nau ngơi Grek. Geh phung Israel ôk uảnh nau nchih i này, yorlah ntúk bu nkhât Brah Yêsu dăch kêng bon kuống Yêrusalem.

²¹Mpôl kôranh jan brah hăn mập Pilat, mbớh ma păng: “May lơi ôh nchih: ‘Păng kađäch phung Israel’. Dăn may nchih: ‘Păng lah: ‘Gáp kađäch phung Israel’.”

²²Pilat lah: “Moh ndơ gáp nchih, gáp nchih lể jêh dadê!”

²³Jêh phung taken pống Brah Yêsu này, khân păng sô bok ao Brah Yêsu tâm pã puăn nuyh, du huê nguai du huê nguai, yơn ma ao jong Brah Yêsu này, bu tanh ma du blah bok dơm mâu geh jâng ôh ntơm bớh lơi tât a đống.

²⁴Kốt ndrì dăng khân păng tâm lah ndrăng khân păng nơm: “Ao jong i dja bân lơi nkhêk ôh, ăn bân nhữp ndơ nchroh hỏ, gay ma gít bu moh geh ao dja.” Phung taken jan kốt này jêng tâm di đah ma Nau Kôranh Brah Ngơi lể

nchih: ‘Bu sǎ bok ao Gáp tâm pǎ bǎl, Jêh ri ao kuǒng Gáp bu nhũp ndr’ nchroh’. Ndri phung taken jan.

²⁵Ta ntũk nây geh mẽ Brah Yêsu, oh mẽ Brah Yêsu, Mari i ur Klôpas, ndrel ma Mari i tă bớh bon Mađala, dâk kêng si tâm rkǎng Brah Yêsu nây.

²⁶Brah Yêsu say mẽ Pǎng, ndrel ma du huê oh mon Pǎng rǒng gũ dǎch kêng nây, Pǎng lah ma mẽ Pǎng: “O mẽ! Nây kon ay.”

²⁷Jêh ri Pǎng lah ma oh mon Pǎng nây: “Nây mẽ may.” Ntơm bớh nây, oh mon i nây sǎ mẽ Brah Yêsu gũ ndrel pǎng nơm.

Brah Yêsu tách n'hâm

(Mat 27:45-56; Mar 15:33-41; Luk 23:44-48)

²⁸Jêh bớh nây Brah Yêsu lě gít dâng lě ndr’ Pǎng jan rǎng lě phiao, jêh ri Brah Yêsu lah: “Gáp ji hir dak” gay ma tâm di đah nau lě geh nchih ta Nau Kôranh Brah Ngơi.

²⁹Ta ntũk nây geh du mlǒm yǎng jě, n'gǒr dak srat bêng. Bu sǎ ndr’ tâm ban ma bok yũk ta dak srat nây, jêh ri put ta chông n'ging si Hisôp, mblǒp ta mbung Brah Yêsu.

³⁰Jêh Brah Yêsu nhêt dak srat nây, Pǎng lah: “Lě ndr’ Gáp lě jan jêh lě phiao.” Jêh ri Pǎng kũnh bôk tách n'hâm .

³¹Nar nây jêng nar bu ndrǎp ma nar Sabăt i nar rlu phung Israel. Mpôl kôranh phung Israel hǎn mǎp Pilat, đǎn pǎng đǎ bu ndeh lới jǒng mpôl i lě bu pǒng ta si tâm rkǎng nây, gay ma khât ro, jêh khân pǎng khât, njũr lới sǎk khân pǎng bớh lớ si tâm rkǎng ro. Khân pǎng mǎu ũch ôh ǎn bunuyh hôm ta si tâm rkǎng ta nar Sabăt, yorlah nar Sabăt i nây kuǒng, jêng nhêt bũn n'hot đǒng.

³²Jêh ri phung taken hǎn mbang ndeh lới jǒng bunuyh dôih tǒl nguai, ndrel ma bunuyh dôih tǒl bar bu nkhât ndrel Brah Yêsu.

³³Tât ta Brah Yêsu nây, khân pǎng say Pǎng lě khât, kớt ndri khân pǎng mǎu hôm ôh mbang ndeh jǒng Pǎng.

³⁴Yơn ma geh du huê taken sǎ tak ntǎp ta pǔng dak Brah Yêsu nây, jêh ri lôh hoch mham, ndrel ma dak ro.

³⁵Geh du huê oh mon lǎ say nau nây, pǎng mboh nkoch nau i nây, gay ma ăn khân ay may rǎ sambǔt dja nsing ma Brah Yêsu đǎng. Nau pǎng mboh nkoch jêng nau ngǎn, pǎng lǎ gít sǎk pǎng nǎm mboh nkoch nau ngǎn.

³⁶Nau i nây jêng tâm di đah ma Nau Kôranh Brah Ngơi lǎ nchih: ‘Nting Pǎng bu mâu mra ndeh du mlǎm’ .

³⁷Jêh ri ta Nau Kôranh Brah Ngơi ta ntǔk êng geh nchih kǎt nđa: ‘Khân pǎng mra uǎnh Bunuyh khân pǎng ntǎp rho nây’ .

³⁸Jêh bǎh nây geh du huê bu klô rnhâ Yôsep tǎ bǎh bon Arimathê, pǎng oh mon Brah Yêsu đǎng, yơn ma pǎng mâu ôh ăn bu gít, yorlah klach ma mpôl kôranh phung Israel. Pǎng hǎn mǎp Pilat, gay ma đǎn sǎ sǎk Brah Yêsu. Pilat ăn, jêh ri pǎng hǎn sǎ sǎk Brah Yêsu ro.

³⁹Lǎng Nikôđêm, bunuyh hǎn mǎp Brah Yêsu ta nôk mǎng nǎh, pǎng hǎn ndrel đǎng. Pǎng ndjôt ntǎk si bô kah, rnhâ Mâr, lai đah rnhâ si bô kah, rnhâ Alôê, klǎp lah geh 30 kilôgram.

⁴⁰Jêh ri bar hê khân pǎng nây, njǔr sǎk Brah Yêsu, put Pǎng ma bok nglang, ndrel ma nđơ bô kah ta sǎk Pǎng nây, i nây tâng nau vay tǎp khât phung Israel nây nǎh.

⁴¹Ta ntǔk bu nkhât Brah Yêsu ta si tâm rkǎng nây, geh du lôk mir, ta mir nây geh du mlǎm ntu môch hǎm mhe, ê hǎ geh bu tǎp bunuyh ôh.

⁴²Mong nây lǎ kêng mǎng bǎi ma lǎp nar Sabăt i nar rlu phung Israel . Jêh ri bar hê khân pǎng gǎnh ma tǎp Brah Yêsu ta ntu môch i nây, yorlah ntu môch i nây dǎch kêng nây.

Yôhan 20

Brah Yêsu đǎk rêh

(Mat 28:1-8; Mar 16:1-8; Luk 24:1-12)

¹Ôm ôi nar tǎl nguai pǎh nây bri hǎm ngo, Mari tǎ bǎh bon Madala hǎn a môch. Tât ta nây pǎng say lǔ bu rdǎl ntu môch lǎ rlǎ lơi.

- ²Jêh ri păng plở nchuăt mboh ma Simôn i bu kuăl Pêtrôs đong, ndrel ma du huê oh mon êng i Brah Yêsu de rông nây nơh, Mari lah: “Săk Kôranh bân lě bu sỡ, mâu hôm say ôh, hên mâu gít ôh ah ntũk ăn bre!”
- ³Jêh ri Pêtrôs, ndrel ma du huê oh mon êng nây, hăn a môch.
- ⁴Bar hê khân păng nây hăn nchuăt ndrel, yơn ma du huê oh mon êng nây nchuăt tât lor ta môch.
- ⁵Păng kũnh uảnh say dơm bok nglang bu put Brah Yêsu, yơn ma păng ê hỡ ôh lăp ta trôm môch.
- ⁶Simôn i bu kuăl Pêtrôs đong hăn tât bỡh kỡi, păng lăp ta trôm môch say bok nglang bu put Brah Yêsu ta nây đong.
- ⁷Jêh ri bok bu nkũm bôk Brah Yêsu nây, mâu geh ôh ăn ndrel bok put săk Păng, lě bu klôn ăn êng.
- ⁸Jêh ri oh mon i tât lor ta môch nây, păng lăp đong, păng say, jêh ri păng iăt lah Brah Yêsu lě dăk rêh ngăn.
- ⁹Nôk nây bar hê khân păng i nây ê văt ôh Nau Kôranh Brah Ngơi nchih lah, iăt ma Brah Yêsu dăk rêh jêh Păng khăt.
- ¹⁰Jêh ri khân păng plở săt ta jay khân păng gũ nơh.

Mari tă bỡh đon Mađala say Brah Yêsu

(Mat 28:9-10; Mar 16:9-11)

- ¹¹Yơn ma Mari hôm gũ nhũm bỡh dih ntu môch, păng hôm nhũm kũnh uảnh jăt trôm ntu su,
- ¹²say tông păr bar hê nsoh bok ao nglang, gũ rộp gộp ta plăng ntũk bu njor Brah Yêsu nơh, du huê bỡh bôk, du huê bỡh jông.
- ¹³Tông păr i nây ôp păng: “Ổ yôh! Moh lơh nhũm ay nây?” Păng ơh: “Yorlah săk Kôranh gáp lě bu sỡ, gáp mâu gít ôh ah ntũk ăn bre.”
- ¹⁴Jêh păng ngơi kỡt nây, păng n'gâl jăt kỡi say Brah Yêsu dăk ta nây, yơn ma păng mâu ôh gít năl lah Brah Yêsu.

15Brah Yêsu ôp păng: “Ô yôh, moh lơh nhũm ay này? Bu moh joi ay này?” Mari ndôn lah bunuyh mât mir, jêh ri păng ôp: “Ô Nô, lah lẽ May sô sắk Bunuyh ta dja, dẫn May mboh ma gáp, ah ntũk May ăn, gáp be ma hăn sô.”

16Brah Yêsu lah ma păng: “Mari!” Mari n'gâl jât Brah Yêsu, jêh ri ngơi ma Păng ma nau ngơi Hêbrơ: “Rabuni!” Geh nau khlay lah: ‘Nờm nti!’

17Brah Yêsu lah ma păng: “Lơi kuăn kôn Gáp, yorlah Gáp ê hỏ ôh sât a Bở Gáp. Dẫn ay hăn mboh nkoch ma phung oh nô Gáp: ‘Gáp sât a Bở Gáp, jêng Bở khân may đống, Gáp sât a Păng i Kôranh Brah, jêng Brah i khân may yỏk mbah đống’.”

18Jêh ri Mari tả bớh ðon Mađala hăn, păng mboh nkoch ma mpôl oh mon: “Gáp lẽ say Kôranh bân” ndrel ma mboh nkoch ma khân păng nau Brah Yêsu đã păng ntơyh này.

Brah Yêsu nhơ sắk ăn ma mpôl oh mon Păng say

(Mat 28:16-20; Mar 16:14-18; Luk 24:36-49)

19Ta nar tởl nguai pớh i này đống, nar lẽ nhỏp, mpôl oh mon gủ rỗn ta trôm jay, khân păng ntâl mpông dũt nập, yorlah klach mpôl kôranh phung Israel. Jêh ri dô ma Brah Yêsu hăn dâk ta nklang n'gul khân păng này, lah ma khân păng: “Ăn nau đấp mpăn ma khân may!”

20Jêh Brah Yêsu lah kớt này, Păng nhơ đống ti Păng nờm, ndrel ma púng dak Păng ăn ma mpôl oh mon say. Mpôl oh mon say Kôranh Yêsu, khân păng rằm rờn hô ngăn.

21Brah Yêsu lah tay ma khân păng: “Ăn nau đấp mpăn ma khân may! Gáp đã khân may hăn ta ntũk êng êng, kớt ma Bở lẽ đã Gáp hăn dja đống.”

22Jêh Păng ngơi kớt này, Păng khôm jât khân păng, n'ho ma lah: “Sỏ hỏm Brah Huêng Ueh i kloh ueh!”

23Lah khân may yỏ ma bu mâu hỏm kớp nau tih khân păng, Kôranh Brah yỏ ma khân păng đống. Yỏn ma lah khân may mâu yỏ hỏm kớp nau tih bu, nau tih khân păng hỏm e kớt ỏm.”

Brah Yêsu nhơ ma Thômas

²⁴Nôk Brah Yêsu nhơ sǎk ma mpôl oh mon, Thômas bu kuǎl Đidim đổng mâu geh ôh gũ ta nây, pǎng jêng oh mon ta mpôl 12 nuyh kôranh oh mon nây đổng.

²⁵Mpôl oh mon abǎ mboh nkoch ma pǎng: “Hên lě say Kôranh bân.” Yơn ma Thômas ơh: “Lah gâp ê hǒ say têl ntũk bu pǎng đek gôl ta ti Pǎng, lah gâp ê hǒ lők ôh ma lau ti ta ntũk bu pǎng ti Pǎng nây, ndrel ma lah gâp ê hǒ pah ôh ta têl ntũk bu ntöp Pǎng ta pũng dak Pǎng nây, gâp mâu iǎt ôh.”

²⁶Pham nar boh kơi nây, mpôl oh mon gũ rǔn tay ta trôm jay, nôk nây geh Thômas gũ ndrel ta nây đổng. Bol lah khân pǎng ntâl mpông dũt nập, Brah Yêsu hóm lǎp dǎk ta n'gul khân pǎng, lah ma khân pǎng: “Ăn nau đǎp mpǎn ma khân may!”

²⁷Jêh ri Brah Yêsu lah ma Thômas: “Lǒng may uǎnh ti Gâp, lők lau ti may nây ta ti Gâp dja hǒm, jêh ri pah ti may nây ta pũng dak Gâp dja đổng. Iǎt hǒm! Lơi hóm rlǎch ôh!”

²⁸Thômas lah: “Ồ, May Kôranh gâp, May Brah gâp ngǎn!”

²⁹Brah Yêsu lah ma pǎng: “Ồ Thômas! Dǎng may nsing ma Gâp, yorlah may lě say Gâp, yơn ma geh nau ueh ngǎn ma bu moh nsing mâu ôh say.”

Nau ntrǒng Yôhan nchih ta sambũt dja

³⁰Brah Yêsu jan nau khlay ők jǎt ǎn ma mpôl oh mon Pǎng say, yơn ma mâu geh ôh nchih ta sambũt dja.

³¹Ndơ i geh nchih ta sambũt dja gay ma ũch ǎn khân ay may rǒ, n'ho ma iǎt Brah Yêsu jêng Brah Krist i Kon Kôranh Brah ngǎn, jêh ri ũch ǎn khân ay may nsing, gay ma khân ay may geh nau rêh n'ho ro yor ma Pǎng.

Yôhan 21

Brah Yêsu nhơ sǎk Pǎng nơm ta ntũk nglao Galilê

¹Bơh kơi nây Brah Yêsu nhơ tay sǎk Pǎng nơm ǎn mpôl oh mon Pǎng say jǎt ta meng dak nglao kuǒng Galilê, Pǎng nhơ kơt nda:

²Geh Simôn i bu kuăl Pêtrôs đống, Thômas i bu kuăl Đidim đống, Nathanel tă bớh bon Kana bri Galilê, kon Sêbêđê bar hê, ndrel ma oh mon Brah Yêsu bar hê êng jât gũ ndrel ta nây.

³Simôn i bu kuăl Pêtrôs đống lah ma khân păng: “Gập hăn joi ka.” Khân păng ơh: “Hên hăn đống.” Jêh ri khân păng dâk hăn, hao ncho ta kalo' duk. Măng nây khân păng mâu ôh geh ka.

⁴Tât lôh nar a ôi, Brah Yêsu dâk kêng meng dak nây, yơn ma mpôl oh mon mâu ôh gĩt năl Păng.

⁵Brah Yêsu lah ma khân păng: “O' oh mon! Khân may geh ka đống bớh?” Khân păng ơh: “Mâu geh ôh.”

⁶Brah Yêsu lah ma khân păng: “Khân may seng bớh ma duk nây, geh ka ro!” Jêh ri khân păng seng, geh ka dũt ők, uih jal mâu dơi ôh.

⁷Geh du huê oh mon i Brah Yêsu de rống nây lah ma Pêtrôs: “I nây Kôranh bân!” Tât ma Simôn i bu kuăl Pêtrôs đống tăng lah i nây Kôranh khân păng, păng nsoh bok ao ro, yorlah păng nớh gũ săk kuh, jêh ri nsăt a dak su.

⁸Yơn ma oh mon abă nây, khân păng vah duk hăn jât meng, uih ka ők i nây, yorlah mâu ir ngai ôh ma meng, klăp lah 200 hăt đơm.

⁹Tât mpôl oh mon hao a kớh ti, khân păng say ũnh rnga, say ka, ndrel ma say geh nũmpăng ndông kalo' ũnh rnga nây đống.

¹⁰Brah Yêsu lah ma khân păng: “Ndjôt leo ta dja bă ka khân mre mhe geh i nây.”

¹¹Jêh ri Simôn i bu kuăl Pêtrôs đống hăn uih jal leo a kớh dja, geh ka ők ngăn, ka kuống kuống geh 153 mlôm, bol lah geh ka ők kớt nây kađôi, jal khân păng mâu hêk đống.

¹²Brah Yêsu lah ma khân păng: “Hăn ta dja leo băl sông hồm.” Dâng lể mpôl oh mon i nây, mâu geh du huê bãnh ôp Păng: “Bu moh May?” Yơn ma dâng lể khân păng lể gĩt lah Păng i Kôranh khân păng.

¹³Brah Yêsu hăn dăch kêng khân păng, jêh ri Păng sô numpăng, ndrel ma ka ăn ma khân păng sa.

¹⁴Ntop ma nây lě geh pe tở Brah Yêsu nhơ săk Păng nơm ăn ma mpôl oh mon Păng say, nơm bớh Păng lě dăk rêh.

Brah Yêsu ntính ma Pêtrôs

¹⁵Tăt lě jêh khân păng sông sa nây, Brah Yêsu lah ma Simôn i bu kuăl Pêtrôs đổng: “Ồ Simôn kon Yôhan, ah may rông ma Gập rlau khân păng dja đổng bớh?” Păng ơh: “Ồ Kôranh, May lě gít jêh nau gập rông ma May.” Brah Yêsu lah ma păng: “Ăn may uảnh phung i nsing ma Gập tâm ban ma nơm chiăp uảnh phung kon be biăp păng nơm ăn geh mpa sa.”

¹⁶Brah Yêsu ôp tay păng du tở jât: “Ồ Simôn kon Yôhan! Ah May rông đổng ma Gập bớh?” Pêtrôs ơh: “Ồ Kôranh, May lě gít jêh nau gập rông ma May.” Brah Yêsu lah ma păng: “Ăn may uảnh phung i nsing ma Gập tâm ban ma nơm chiăp uảnh phung be biăp păng nơm.”

¹⁷Brah Yêsu ôp tay păng lôch pe tở: “Ồ Simôn kon Yôhan! Ah may rông đổng ma Gập bớh?” Pêtrôs geh nau rngot ngăn, yorlah Brah Yêsu ôp păng lě geh pe tở: “Ah may rông đổng ma Gập bớh?” Pêtrôs ơh ma Brah Yêsu: “Ồ Kôranh, May lě gít dăng lě rngôch ndr, May lě gít jêh nau gập rông ma May.” Brah Yêsu lah ma păng: “Ăn may uảnh phung i nsing ma Gập tâm ban ma nơm chiăp uảnh phung be biăp păng nơm ăn geh mpa sa.

¹⁸Gập lah n'hêl naně ngăn ma may, nôk may hôm ndăm, may nsôh êng kho ao, jêh ri may hăn ah ntúk may ứch hăn. Yơn ma tát may lě ranh, may yờn ti, jêh ri geh du huê bunuyh kăt ti may, ndrel ma leo may hăn ta ntúk may mâu ứch ôh hăn.”

¹⁹Brah Yêsu ngơi kớn nây, Păng ứch mbớh a mớm khăt Pêtrôs, gay ma ăn Kôranh Brah geh nau chrêk lợp . Jêh Brah Yêsu lah ngơi kớn nây, Păng lah ma Pêtrôs: “Hỗ tâng groi Gập bớh kới!”

Brah Yêsu, ndrel ma oh mon Păng rông

²⁰Pêtrôs n'gâl jât kới, say du huê oh mon Brah Yêsu de rông i nây tâng groi khân păng bớh kới. Oh mon i nây gũ n'gâl măt jât Brah Yêsu, dôi măng khân

păng gũ nhêt sông, ndâp ma ôp Brah Yêsu nơh: “Ồ Kôranh, bu moh leo bu hăn nhũp may?”

²¹Tât Pêtrôh say păng, Pêtrôh ôp Brah Yêsu: “Ồ Kôranh, lah ndri bunuyh i nây, moh bả nau geh ma păng?”

²²Brah Yêsu ơh: “Lah Gâp ứch rong păng hôm rêh tât nar Gâp plở văch, kỗ mâu geh nau khlay ma may đổng, hỏ may tâng groi Gâp hỏm!”

²³Jêh ri nơm bớh nôk nây, bu tăng nkoch đơn ta phung nsing ma Brah Yêsu lah oh mon i nây mâu geh khât ôh. Yơn ma Brah Yêsu mâu geh ôh lah ma Pêtrôh oh mon i nây mâu khât, Păng lah: “Lah Gâp ứch rong păng hôm rêh tât nar Gâp plở văch, kỗ mâu geh nau khlay ma may đổng.”

²⁴Oh mon i Brah Yêsu de rổng nây, mớh nkoch dâng lể nau khlay i dja jêng nau ngăn, ndrel ma nchih nau i nây đổng. Bân gít, nau păng mớh nkoch i nây jêng nau ngăn.

²⁵Hôm e geh ỏk jât nau Brah Yêsu lể geh jan, yơn ma lah bu nchih dâng lể nau Păng lể jan i nây, ta neh ntu dja yổng ma geh ntũk ma đơ sambũt bu nchih.

Kôranh Oh Mon

Kôranh Oh Mon 1

Nau ton Brah Huêng Ueh

¹Dăn kôh mbah lah ueh ma Thêophil ăn gít! Ta sambút gáp nchih bôh kơi nơh nkoch dăng lẽ ndơ Brah Yêsu jan, ndrel ma dăng lẽ nau Păng ntũm nti, bôh Păng ntơm ntũm nti bunuyh,

²n'ho ma tât nar Kôranh Brah sô n'hao Păng ta trôk ta ntũk Păng nơm ta kalơ. Jêh dâk rêh ê lor Păng hao ta nây, Păng ntĩnh nau ma mpôl kôranh oh mon i Păng nơm lẽ jêh kơih nơh, Păng ntĩnh khân păng tâng Brah Huêng Ueh i kloh ueh mboh ma Păng.

³Lôch jêh Păng đơn nau jêr jôt n'ho ma khât nây, geh 40 năng 40 nar Păng nhơ săk Păng nơm ăn ma mpôl kôranh oh mon say ők ngăn, gay ma ăn khân păng gít n'hêl lah Păng lẽ dâk rêh ngăn, Păng jan ők ntil ndơ đơng. Nôk nây Păng nkre ma mboh nkoch nau Kôranh Brah mât uănh đơng.

⁴Geh du tở dôi Brah Yêsu gũ sông sa ndrel mpôl kôranh oh mon, Păng lah: “Lơi hỏ ôh du lôh bôh bon Yêrusalem. Gáp lẽ jêh mboh ma khân may, Bở Gáp lẽ ton njũn Brah Huêng Ueh lăp gũ ta khân may. Kốp ta dja hỏ, tât nau ton i nây truyh ngăn.

⁵Yôhan-Baptem vay jan bắptem yũk bu ma dak, yơn ma hơm đê nar jât năp tay Kôranh Brah ũch ăn Brah Huêng Ueh gũ ta săk khân may. Nđơ i nây tâm ban ma khân may yũk ma Brah Huêng Ueh đơng.”

Brah Yêsu hao ta kalơ trôk

⁶Jêh ri mpôl kôranh oh mon tâm rbum bắl ta yôk tơm Ôlive, khân păng ôp Brah Yêsu: “Hơi Kôranh, abao dja bah May jêng Kađăch bri dak Israel?”

⁷Păng ơh: “Ta rnôk mong nar nây mầu ôh ăn khân may gít, Bở Gáp nơm đơm jan ndơ i nây nôk Păng nơm ũch.

⁸Yơn ma geh du nau Gáp ũch ăn khân may gít: Tât Brah Huêng Ueh i kloh ueh jũr gũ ta săk khân may, khân may geh nau brah. Jêh ri nau khlay i khân may lẽ say lẽ tăng Gáp ntũm nti Gáp jan nơh, khân may jan tơm mboh nkoch

ta ðon Yêrusalem dja, ta ðon êng ta bri Yuða, ta bri Samari, jêh ri n'ho ma lam neh ntu dja.”

⁹Jêh Brah Yêsu ngơi nau nây, ðol mpôl kôranh oh mon hôm uãnh Păng, Kôranh Brah sô n'hao Păng ta kalơ trôk, jêh ri geh tük nking lơi Păng, bu mâu hôm ôh say Păng.

¹⁰Ðol khân păng hôm uãnh n'gơr rơk hơk Brah Yêsu hao kalơ trôk ntük Kôranh Brah nây, ðo ma say bar hê nsoh kho ao nglang ðak ndrel khân păng ta nây, bar hê khân păng i nây tông pãr,

¹¹jêh ri khân păng lah: “Hơi mpôl bri Galilê! Moh ndr n'gơr uãnh khân mre jât lơ trôk ri? Kôranh Yêsu nây lě Kôranh Brah sô bớh khân may n'hao kalơ trôk, Păng mâu ôh plở sât tay ta dja abao dja, yơn ma geh du nar Păng mra plở tay tâm ban ma khân may say Păng hao kalơ trôk nây nớh ðong.”

¹²Jêh ri mpôl kôranh oh mon plở sât bớh yôk nây, sât jât ðon Yêrusalem. Yôk i nây bu rnha lah yôk tơm Ôlive, ngai bớh yôk nây ðah Yêrusalem klăp lah du kilômet .

¹³Tât ta ðon nây, khân păng lăp ta jay khân păng gũ, jêh ri hao ta jrô kalơ ri. Ta nây geh Pêtrôs, geh Yôhan, geh Yakơ, geh Öndrê, geh Philip, geh Thômas, geh ðartôlômê, geh Mathay, geh Yakơ i kon Alphai, geh Simôn i bu kuăl lah ‘Bunuyh gơyh’, ndrel ma Yuðas i kon Yakôp a êng jât.

¹⁴Lě mpôl nây tâm di du ntôr nau gay ma gũ mbớh sơm ndrel nâng. Ta nây geh ðong mpôl bu ur abă êng i vay tâng Brah Yêsu, jêh ri geh Mari i mẽ Brah Yêsu, ndrel ma i oh oh bu klô Păng ðong.

Mathês, jêng kôranh oh mon ntrö Yuðas-Isakariyôt

¹⁵Nôk nar nây geh bunuyh i nsing ma Brah Yêsu gũ rbũn klăp lah geh 120 nuyh. Jêh ri Pêtrôs ðak ta nklang n'gul khân păng ri, păng lah kơt ða:

^{16.17}“Hơi oh nô, Brah Huêng Ueh i kloh ueh lě mbớh jêh ma kaðăch ðavid kăl e nớh, păng nkoch lor ma du huê bunuyh, bunuyh i nây Yuðas jêng du huê ta mpôl bân, jêng bunuyh jan kar ndrel bân ðong, tih ma Yuðas nây leo bu hăn

nhũp Brah Yêsu chrao. Lẽ nau dja jêng di ngãn đah nau Đavid lẽ geh nchih ta sambũt Nau Kôranh Brah Ngơi.

¹⁸Khân may lẽ gĩt jêh ndr̄ dja, prāk i Yuđas geh tă bớh nkhôm jan ndr̄ djớh nây nớh, bu sớ prāk i nây rvăt du lôk neh mir, jêh ri păng chôt nkũp, n'ho ma prih ndr̄l lôh proch rbõm.

¹⁹Nau dja lẽ bunuyh ta ðon Yêrusalem tăng lữ dadê, n'ho ma bu kuăl ntũk nây tâng nau ngơi khân păng nớh lah: ‘Hakhêlđamas’, rblang nau i nây lah: ‘Mir mham’.

²⁰Ta sambũt Nau Kôranh Brah Ngơi ta sambũt Nau Mprō Ớm lẽ nchih lah: ‘Ăn ntũk păng gũ nây jêng ntũk rngot njăp, Mâu ôh geh bunuyh gũ’ . Jêh ri geh nchih đõng ‘Ăn geh du huê bunuyh ntr̄õ nau jan kar păng’ .

²¹Kớt ndr̄i ăn bân sớ du huê bunuyh ma ntr̄õ păng. Iăt ma bunuyh i nây i lẽ gũ ndr̄el bân ðabớ, dõl Kôranh Yêsu leo trong ma bân,

²²ntớm bớh Yôhan-Baptem jan bắptem yũk Păng ma dak, n'ho ma tăt Kôranh Brah sớ Păng lôh bớh bân gũ ntũk Kôranh Brah nớh. Ndr̄i ăn bân kớih du huê bunuyh gay ma jan tớm nkoch ndr̄el bân ma nau khlay Kôranh Yêsu dăk rêh.”

²³Jêh ri khân păng ũch sớ bar hê oh mon, du huê ri rnha Yôsep, bu vay kuăl păng ðarsabas, mâu lah kuăl Yustus đõng, i du huê jăt rnha Mathês.

²⁴Jêh ri khân păng leo băl mớh sớ kớ đũa: “Hơi Kôranh! May gĩt nuh n'hâm dâng lẽ bunuyh, lah ndr̄i đăn May mớh ma hên, ah tă May ũch kớih ta bar hê khân păng dja,

²⁵gay ma jan kar jêng kôranh oh mon ntr̄õ Yuđas, yorlah Yuđas lẽ ntlōi nau kar dja lẽ khăt hăn gũ a ntũk păng nớh ri.”

²⁶Jêh ri khân păng nhũp ndr̄ nchroh nây di ta plăng Mathês, sớ păng gũ ndr̄el 11 kôranh oh mon nây.

Kôranh Oh Mon 2

Brah Huêng Ueh jũr

- ¹Tât nar nhêt bũn 50 nar phung Israel, lě mpôl kôranh oh mon, khân păng gũ ndrel ta du mlôm jay ta ðon Yêrusalem.
- ²Du ndôm ta nây, dô ma tăng nteh n'gãr tă bớh kalo' trôk, tâm ban ma sial khôm mprat dũt hô ta trôm jay khân păng gũ r bũn ri.
- ³Dôl nây mpôl kôranh oh mon say tâm ban ma mpiãt ùnh hit, jêh ri mpiãt ùnh i nây tâm nkah gũ ta ăp bôk khân păng du huê du huê ri.
- ⁴Brah Huêng Ueh i kloh ueh gũ ta sãk mpôl kôranh oh mon du huê du huê nây ngãn, ănh khân păng dôi mớh ngõi nau ngõi êng êng, jêng nau ngõi i khân păng mâu ôh vay blao ngõi a lor nớh.
- ⁵Nôk nây geh mpôl Israel jêng mpôl i iãt nau Kôranh Brah ôk ngãn ta Yêrusalem, gay ma nhêt bũn 50 nar i nây. Khân păng tă bớh ăp n'gor bri lam neh ntu dja.
- ⁶Khân păng i nây nchuãt ran uãnh ta ri dadê, yor ma tăng nteh sial i nây. Tât ta nây khân păng say mpôl kôranh oh mon du huê du huê blao nau ngõi bu, jêng nau ngõi di ma mpôl êng êng khân păng nôm. Khân păng say kớh nây ndrôt nhieh dadê ngãn.
- ⁷Khân păng mâu vât ôh, khân păng tâm lah: “Lě mpôl i ngõi nây, ớm mâu di lah mpôl bri Galilê hiah? Mpôl i nây mâu ôh blao ngõi ma bri êng.
- ⁸Lah ndri mớh dăng bân tăng khân păng blao ngõi dăng lě nau ngõi bri bân?
- ⁹Phung bân ta dja geh bunuyh tă bớh bri Phathus, bri Mêdi, bri Êlãm, jêh ri geh ăbã tă bớh bri Mêsôpôtamia, bri Yuđa, bri Kapadôkia, bri Pũntus, bri Asi,
- ¹⁰ndrel ma bri Prikia, bri Pamphilia, bri Êsip, bri Liði i dăch ma ðon kuông Kiren, jêh ri geh đống bunuyh i tă bớh ðon kuông Rôm hãn khõl ta dja.
- ¹¹Ta mpôl i nây geh mpôl Israel, geh mpôl bu êng i mhe lăp jêng phung Israel geh koh ntô, yor ma nsing ma Kôranh Brah đống, geh bunuyh tă bớh gôl dak Kret, ndrel ma bunuyh tă bớh bri Ảrăp. Bân tăng khân păng mớh nkoch nau khlay Kôranh Brah dũt nau ngãn tăng nau ngõi bân nôm du huê du huê ngãn.”

¹²Lễ mpôl i này mâu vật hô ngăn, mâu hôm ôh blao mân đổng, khân păng tâm ôp ndrăng khân păng nôm: “Moh nau khlay i này hiah?”

¹³Yơn ma geh bunuyh abă mưch lah: “Mpôl i này nhũl ndrănh đơm.”

Nau ngơi Pêtrôs

¹⁴Jêh ri Pêtrôs dâk ndrel 11 mpôl kôranh oh mon này, păng ngơi dăng ma phung bunuyh ôk này: “Hơi oh nô kônkh va phung Israel, ndrel ma oh nô kônkh va dăng lể i gũ ta bon Yêrusalem dja, dẫn iătt hồm nau gập gay ma gĩt n'hêl nau dja,

¹⁵yorlah dăng lể khân păng dja mâu geh ôh nhũl ndrănh kớt nau khân may mân này, abao' dja nchô ma mong sân ôi đơm!

¹⁶Nau dja jêng di ngăn đah nau Yôel i bunuyh nơyoh nau ngơi Kôranh Brah kăl e nơh, păng lể nchih lah:

¹⁷‘Kôranh Brah lah: ‘Nar n'glế dũt jăt năp tay Gập nkhũt Brah Huêng Ueh Gập ăn gũ ta dăng lể bunuyh. Jêh ri huêng Gập ăn kon bu ur bu klô khân may nơyoh nau ngơi Gập, ndrel ma nkoch lor. Mpôl drôh ndăm khân may gĩt say n'hêl ma mắt nơ i Gập ăn say, Jêh ri mpôl bu bũnh bu ranh khân may gĩt say nơ tă bớh Gập ta nau mớih.

¹⁸Bol lah dâk bu ur dâk bu klô i nsing ma Gập, Gập hôm nkhũt Brah Huêng Ueh Gập ăn gũ ta khân păng đổng ta nôk này, Jêh ri khân păng nơyoh nau ngơi Gập, ndrel ma nkoch lor.

¹⁹Gập nhhơ nau khlay i bu mâu vay say ta kalơ trôk, Ndrel ma nau mbên êng êng ta neh ntu dja, Geh mham, geh ũnh hit, ndrel ma geh nhhuk ũnh.

²⁰Nar plăch rlở jêng ngo, Khay jêng chăng tâm ban ma mham

Ê lor ma tăt nar Kôranh Brah, jêng nar chrêk lợp dũt kuông i nar Gập phat dôiđ dăng lể bunuyh.

²¹Ê lor ma nar i này bu moh i kuăl vớl Kôranh Brah gay ma rklaih săk păng nôm, bunuyh i này geh klaih ro” .

²²Hơi oh nô phung Israel, ăn khân ay may iăt hõm nau dja, Kôranh Yêsu i tă bõh bon Nasaret nây, lể Kôranh Brah nhõr ăn ma khân ay may Păng tă bõh Kôranh Brah ngãn. Kôranh Brah ăn Păng dơi jan nõr kuõng, jan nõr nau ngãn, ndrel ma nau mbên êng êng jât ta phung khân ay may. Khân ay may lể gít jêh ma nõr i nây,

²³tih ma khân ay may nhữp njũn Păng ăn a ti phung i mâu iăt nau Kôranh Brah, gay ma nkhât põng Ôbãl ta si tâm rkãng. Yõn ma Kôranh Brah lể gít lor nõr i nây, n'ho ma ùch geh kõt nây đõng.

²⁴Jêh ri Kôranh Brah ăn Păng dâk rêh, rklaih Păng bõh nau jêr jõt ta nau khât. Nau khât mâu ôh dơi kõn Păng.

²⁵Kãl e nõh kađäch David lể ngõi lah nõr i nây ma Kôranh Yêsu, pãng lah: ‘Gâp lể gít jêh Kôranh Brah gũ däch ma Gâp bãbõr, Păng gũ bõh ma ti Gâp gay ma kõi Gâp, kõt ndrì dâng Gâp mâu ôh klach rvê ma dâng lể ntil nõr.

²⁶Nuih n'hâm Gâp n'ho ma rãm maak, bõr mbung Gâp ngõi rnê ma Păng, Sãk jãn Gâp gũ ta nau nõm đõng,

²⁷Yorlah May mâu ôh ăn huêng Gâp khan nkre ta bri phan ntũk bunuyh khât. Ở Kôranh Brah, Gâp i bunuyh kloh ueh, May mâu đõng ăn sãk jãn Gâp ôm.

²⁸May nhõr ăn Gâp gít nãl trong hãn tât ta nau rêh n'ho ro, May ăn Gâp gũ ueh rãm maak, yor May gũ ndrel Gâp’.

²⁹Hơi oh nô! Gâp mbõh ăn ma khân ay may gít n'hêl, kađäch David nây i che bân kãl e nõh pãng lể khât jêh, bu tốp pãng ta môch, jêh ri i môch pãng hõm e ta bon dja tât abãr dja đõng.

³⁰Ndrì dâng bân gít n'hêl David mâu ôh ngõi ma sãk pãng nõm ta trong i nây, yõn ma pãng nõh jêng bunuyh ntõyh nau ngõi Kôranh Brah. Kõt ndrì dâng pãng gít Kôranh Brah ton ma pãng, ăn geh du huê Bunuyh ta rnoi deh pãng hao jêng Kađäch, jêng Brah Krist i nõm rklaih i Kôranh Brah de njuãl đõng.

³¹Yorlah lể kađäch David say nau i nây lor nõr i Kôranh Brah ùch jan, dâng pãng ngõi ma Brah Krist dâk rêh lah: ‘Huêng Păng mâu ôh khan nkre ta bri phan ntũk bunuyh khât, Sãk jãn Păng mâu ôm đõng’.

³²Kôranh Yêsu i này Kôranh Brah rdök ăn Păng dâk rêh, lě hên dja lě say Păng dadê.

³³Kôranh Brah n'hao Kôranh Yêsu ăn jêng kôranh mât uãnh ndrel Păng bôh ma Păng nôm. Kôranh Yêsu đơn Brah Huêng Ueh i kloh ueh tă bôh i Bô, tâng nau Păng lě ton, jêh ri Kôranh Yêsu nkhüt Brah Huêng Ueh ăn gũ ta dâng lě phung hên. Nđơ i này jêng nđơ i khân ay may say khân ay may tâng ta dja.

³⁴Kadäch David mâu geh ôh hao kalơ trök ta ntük Kôranh Brah, păng lah ma Brah Krist kơt nđã: ‘Kôranh Brah mboh ma Kôranh gáp lah: ‘Ăn May Kôranh mât uãnh ndrel Gáp, gũ bôh ma ti Gáp dja

³⁵N'ho ma tât Gáp nhũp kât phung rlăng May, ăn mre ma rkơl jöng bốt” .

³⁶Lah ndri dâng lě phung bon lan Israel ăn gĩt nau dja n'hêl naně ngăn, yorlah Kôranh Yêsu i khân mre nkhât lơi Păng ta si tâm rkăng nơh, lě Kôranh Brah de ăn Păng jêng Kôranh mât uãnh, ndrel ma jêng Brah Krist đöng.”

³⁷Tât ma khân păng tâng nau i này, ta nuih n'hâm khân păng ri nũm bu ntrôl ngăn, jêh ri ôp Pêtrôs, ndrel ma mpôl kôranh oh mon: “Hơi oh nô! Lah ndri hên dja mơm jan hă, gay ma Kôranh Brah yố ndach nau tih hên?”

³⁸Pêtrôs ơh ma khân păng: “Ăn khân ay may rgâl hồm nuih n'hâm djơh, jêh ri yũk bắptem ma dak ta rnha Kôranh Yêsu Krist, ndri dâng Kôranh Brah yố ndach mâu hồm kơp nau tih khân ay may, jêh ri Kôranh Brah ăn Brah Huêng Ueh i kloh ueh gũ ta khân ay may.

³⁹Kôranh Brah lě ton kơt nđã, Păng ton ăn ma khân ay may, ăn ma kon ma sau khân ay may, ndrel ma dâng lě bunuyh i gũ ngai ngai đöng, dah ők bunuyh i Kôranh Brah kuăl ma nsing Păng nôm, Păng i bân yơk mbah này.”

⁴⁰Jêh ri Pêtrôs rblang mboh nkoch nau ők jât, păng ntrôl khân păng lah: “Ăn khân ay may klaih du lôh tă bôh bunuyh djơh mhĩk ta rnôk dja hồm, gay ma lơi ôh ăn Kôranh Brah tể dôi khân ay may ndrel khân păng.”

⁴¹Kơt ndri bunuyh i iăt nau păng ngơi này, khân păng nkre ma đơn nau bắptem yũk ma dak ro, geh klăp lah 3000 nuyh, bunuyh i mhe sât nsing.

⁴²Lě phung i này nsrôyh iăt nau mpôl kôranh oh mon nti, khân păng gũ tâm rnglăp bảl jêng oh nô, gũ sông sa ndrel, ndrel ma gũ mboh sơm nâng đống.

⁴³Dâng lě bunuyh ta Yêrusalem geh klach nsör dadê, yor ma say nau dơi mpôl kôranh oh mon jan này lě nau ngăn ők đống, ndrel ma nau mbên êng êng khân păng jan ők jăt.

⁴⁴Dâng lě bunuyh i nsing ma Kôranh Yêsu, khân păng tâm di du ntôr nau dơm. Khân păng sỏ lě đrăp ndr khân păng geh, rgum ăn ndrel dadê.

⁴⁵Khân păng tăch đrăp ndr khân păng geh, sỏ prăk tâm pả bảl moh ndr bảl khân păng mâu tống.

⁴⁶Ăp nar khân păng tâm di du ntôr nau nsrôyh mboh sơm ta jống gung nhiih jan brah. Dôl gũ ta jay khân păng gũ nhêt sa nkah kloh ueh, n'ho ma sông sa ndrel, khân păng maak ngăn, ndrel ma geh nuh n'hâm lống đống.

⁴⁷Khân păng leo bảl mpro' rnê ma Kôranh Brah. Dâng lě phung bon lan gít khân păng jêng bunuyh ueh. Kôranh Yêsu de ntop tay bunuyh ta mpôl i này ăp nar jăt, i Păng lě rklaih.

Kôranh Oh Mon 3

Pêtrôs ndrel Yôhan jan bah bunuyh rven

¹Geh du nar ta mong pe kêng măng i di mong bu vay hăn mboh sơm này, Pêtrôs ndrel Yôhan hăn ta jống gung nhiih jan brah, gay ma mboh sơm đống.

²Ta bôk mpông n'gar jống gung nhiih jan brah ri, ta mpông này bu rnha lah 'Mpông ueh', ta này geh du huê bunuyh rven. Păng rven ntôm boh oh bê ngăn, ăp nar bu tung păng ăn gũ ta ntũk này, gay ma kôp dẫn ndr bu i hăn ta jống gung nhiih jan brah ma Kôranh Brah này.

³Tăt ma păng say Pêtrôs ndrel Yôhan hăn lăp ta jống gung nhiih jan brah này, păng dẫn ndr ro.

⁴Pêtrôs ndrel Yôhan này, khân păng uảnh jăt păng ri, jêh ri Pêtrôs lah: "Uảnh jăt hên dja!"

⁵Jêh ri păng uănh blik jât khân păng ri ro, păng ndôn lah khân păng ăn prăk ma păng.

⁶Yơn ma Pêtrôs lah ma păng kơt nđa: “Prăk mayh gáp mầu geh ôh, yơn ma nđơ i gáp geh ăn ma may nây: Yor ma nau đơi Kôranh Yêsu Krist i tă bớh bon Nasaret, may dâk hăn hõm!”

⁷Jêh ri păng nhũp ti bớh ma bunuyh rven nây, têk ăn păng dâk. Dô ma mpang jông, ndrel ma rpăk jông păng ri nập rkâk ro,

⁸jêh ri păng dâk ntlõ đưp n'ho ma ntôm brõ ro. Păng lăp ta jông gung nhih jan brah ri, ndrel ma bar hê kôranh oh mon nây. Păng hăn brõ, hăn ntlõ ntlang ro, mbung păng n'ho ma rnê Kôranh Brah đống.

⁹Lễ phung bon lan say păng brõ, ndrel ma tăng păng rnê ma Kôranh Brah đống.

¹⁰Bu ndrôt hih rhõl, mầu vât ôh moh nau geh ma păng i nây, yorlah bu năl păng ngăn ro, bunuyh i vay gũ dẫn nđơ bu ta bôk mpông ueh nây nớh.

Pêtrôs ngơi ta jông gung nhih jan brah

¹¹Dôl bunuyh i nây hôm gũ dăch Pêtrôs, ndrel ma Yôhan, lễ bunuyh ta nây ndrôt nhhih ngăn, jêh ri nchuăt ran ta khân păng ri dadê ta ndrìng ri, i bu rnha lah ‘Ndrìng Salômôn’ ri.

¹²Tât ma Pêtrôs say kơt nây, păng lah ma phung bon lan nây: “Hơi oh nô băl mpôl Israel! Moh nau khân ay may ndrôt ma nau dja? Moh nau khân ay may uănh phõng jât hên? Khân ay may ndôn lah hên jan bah bunuyh dja tă bớh nau đơi hên nôm bớh, mầu lah tă bớh hên blao iăt nau Kôranh Brah? Mầu ôh.

¹³Kôranh Brah i Abrahăm, Isăk, ndrel ma Yakôp vay yơk mbah, jêng Brah i u che bân kăl e nớh, Păng n'hao Kôranh Yêsu ma jan bah bunuyh rven i nây yor ma nau đơi Kôranh Yêsu i bunuyh jan kar ma Păng nâng. Tih ma phung kôranh khân ay may nhũp njũn Păng ta kôranh kuõng Pilat nớh, gay ma nkhât Păng. Pilat ếch ma bớk Ôbăl, yơn ma phung kôranh khân ay may rlăch bớh năp Pilat lah mbăr lơi Păng.

14Khân păng rlăch mâu gít năl Păng i kloh ueh i sǒng. Tih ma geh du huê bunuyh dôih i vay nkhât bu nây, khân păng dân mbọk chrao.

15Kôranh Brah kớp khân ay may jêng bunuyh nkhât lơi Kôranh Yêsu, i tǒm nau rêh, yǒn ma Kôranh Brah rklaih Păng ăn dâk rêh. Hên dja bunuyh tǒm mbọh nau i nây.

16Yor ma hên nsing ma Kôranh Yêsu, Păng jan ăn bunuyh i khân ay may say dja dâng geh ma geh suan dǎng. Bunuyh i nây khân ay may lě gít năl jêh, yor nau nsing ma Kôranh Yêsu, dâng bah păng i lě khân ay may say dja.

17Hơi oh nô, gáp lě gít khân ay may, ndrel ma phung kôranh khân ay may nkhât Kôranh Yêsu nớh mâu ôh gít sǎk.

18Lě nau i khân ay may jan nây jêng Kôranh Brah nớm ăn hoch ngǎn, jêng di đah nau Păng lě jêh nkoch ăn ma lě bunuyh ntǒyh nau ngơi Păng kǎl e nớh, khân păng nchih: Brah Krist i Păng lě ton njũn nớh, iăt ma đơn nau jêr jǒt, ndrel ma nau khât ro.

19Lah ndri ăn khân ay may rgâl hǒm nuh n'hâm djǒh, plǒ sât ma Kôranh Brah hǒm, gay ma Păng yǒ ndach mâu hǒm kớp nau tih khân ay may.

20Lah khân ay may rgâl lơi nuh n'hâm djǒh, Kôranh Brah ăn nau dǎng mhe ta nuh n'hâm khân ay may. Kôranh Brah njuăl Brah Krist ta neh ntu dja, Kôranh Brah lě kớih jêh Păng, Păng i nây Kôranh Yêsu.

21Abơ dja iăt ma Kôranh Yêsu hǒm gũ ta ntũk Kôranh Brah ta kalǒ trôk, n'ho ma tăt Kôranh Brah nkra tay dâng lě ndr Păng lě jêh njêng nớh, kớt nau Păng lě đǎ ma bunuyh ntǒyh nau ngơi Păng kǎl e nớh mbọh ma phung u che khân ay may.

22Môse kǎl e nớh, lě nchih ma Brah Krist kớt nđa: 'Kôranh Brah i Brah khân ay may yǒk mbah, jăt nǎp tay Păng ăn geh du huê jăt Bunuyh ntǒyh nau ngơi Kôranh Brah tâm ban ma gáp, Păng oh nô khân ay may. Ăn khân ay may iăt lě nau Păng mbọh.

23Bu moh i mâu iăt nau Păng i nây, Păng n'groh lơi bunuyh i nây bớh phung Israel i bon lan Păng nớm' .

²⁴Dâng lẽ bunuyh ntøyh nau ngõi Kôranh Brah käl e nơh, ntơm bớh Samuel, khân păng nkoch lor lẽ ndơ i lẽ geh ta rnôk abao' dja.

²⁵Dâng lẽ nau i bunuyh ntøyh nau ngõi Kôranh Brah käl e nơh ton, ndơ i này ton ma khân ay may đống. Jêh ri nau tâm rnglăp Kôranh Brah ndrel u che khân ay may nơh, Păng hôm tâm rnglăp ndrel khân ay may đống nôk Păng mbớh ma Abrahăm nơh: 'Dâng lẽ rnăk vâl ta neh ntu dja, Gáp ăn geh jêng tă bớh rnoi deh may' .

²⁶Kốt ndri Kôranh Brah njuăl Kôranh Yêsu ta neh ntu dja, gay ma ăn nau geh jêng ma khân ay may, ũch kỡl khân ay may bah jan ndơ djơh, ăn khân ay may blao jan ndơ i Păng ũch chrao. Păng njuăl Kôranh Yêsu i Kon Păng nơm ăn ma khân ay may i phung Israel lor." Ndri nau Pêtrôs mbớh ma khân păng ta này.

Kôranh Oh Mon 4

Pêtrôs ndrel Yôhan, gũ bớh năp mpôl kôranh bri Yuđa

¹Dôl Pêtrôs ndrel Yôhan hôm e ngõi ma phung ðon lan, jêh ri geh mpôl kôranh jan brah, mpôl Sadôsi, ndrel ma i kôranh taken nhieh jan brah hăn tăt ta này.

²Khân păng ji nuih hô ngăn ma bar hê kôranh oh mon này, say khân păng ntũm nti phung ðon lan ma Brah Yêsu mbớh ma bu lah: Bunuyh khât hôm dâk rêh đống yor ma lẽ geh Brah Yêsu khât dâk rêh.

³Jêh ri khân păng nhũp bar hê kôranh oh mon này krũng ta trôm ndrung du năng raang, yorlah nôk này bri lẽ ũch ngo mâu hôm ôh blao phat dôih.

⁴Yơn ma ôk ngăn bu sât nsing ma Brah Yêsu, bunuyh i tăng nau kôranh oh mon ngõi này. Bunuyh i nsing ma Brah Yêsu abao' dja, dâng lẽ bu klô klăp lah geh 5000 nuyh, jêh ri geh bu ur kon se đống.

⁵Tăt ôi tay ri, geh mpôl kôranh jan brah, phung nơm nti nau vay phung Israel, ndrel ma mpôl kôranh abă êng jât, khân păng văch rbũn du ntũk ta ðon Yêrusalem.

⁶Ta này geh kôranh jan brah rnhā Anas, rnhā Kaiphas, rnhā Yôhan, rnhā Alêksântrus, ndrel ma lě rñāk vâl mpôl kôranh jan brah lăp r̄bũn ndrel ta ri đōng.

⁷Khân păng đă bu leo bar hê kôranh oh mon này gũ ta nklang n'gul ri, jêh ri ôp khân păng: “Bơh tă nau dơi khân may jan kar i này mêh? Bu moh ăn khân may jan kar i này?”

⁸Brah Huêng Ueh i kloh ueh gũ ta Pêtrôs, ăn păng ngơi kơt nđā: “Dăn kôh mbah ma kôranh bri Yudā, ndrel ma dâng lě mpôl kôranh êng jât.

⁹Nar dja khân may ôp hên ma ndơ ueh hên jan ma du huê bunuyh rven dja bơh tă nau dơi.

¹⁰Dăn ma khân may, ndrel ma dâng lě bon lan phung Israel ăn gĩt ma nau dja: Bu klô i dâk bơh năp khân may dja păng geh ueh săk jăn, nau dơi i này tă bơh Kôranh Yêsu Krist bon Nasaret, i khân may lě nkhât ta si tâm rkăng nơh, yơn ma Kôranh Brah rklaih ăn Păng dâk rêh đōng.

¹¹Ta Nau Kôranh Brah Ngơi lě geh nchih kơt nđā: ‘Lũ blon nguai ỡ i khân may i bunuyh blao jan jay lě m̄băr lơi, Yơn ma lũ blon i này jêng lũ blon dũt năp khlay rlau bu chrao ma jan jay’ . Kôranh Yêsu jêng lũ blon i này, jêh ri khân may jêng bunuyh blao jan jay i này.

¹²Mâu hôm ôh geh bunuyh êng jât ma dơi rklaih bunuyh ta neh ntu dja, mâu hôm ôh geh bunuyh êng jât Kôranh Brah ăn ma bunuyh gay ma rklaih bân.”

¹³Say Pêtrôs ndrel Yôhan geh nuh n'hâm bănh ngơi kơt này, khân păng mâu vât ôh ndrôt hih rhôl ta nuh n'hâm ngăn, yorlah bu gĩt bar hê khân păng này jêng bunuyh bon lan đơm, mâu ôh prot lăp nti. Yơn ma bu gĩt khân păng nơh vay gũ ndrel Brah Yêsu.

¹⁴Bu joi nau ma ơh mâu hôm geh ôh, yorlah say bunuyh rven i lě bah ri nơh dâk ndrel ta ri đōng.

¹⁵Jêh ri bu đă khân păng pe nuyh này lôh bơh ntũk phat dôi này du ndôm, gay ma tâm nchră nau.

¹⁶Phung kôranh i này lah kơt nđa: “Mơm bân jan ma bar hê bunuyh này? Dâng lẽ bon lan ta bon Yêrusalem dja lẽ bu gĩt n'hêl ngãn nau khlay khân pãng jan này lẽ nau ngãn, bân mâu hôm ôh dơi rlăch đống.

¹⁷Gay ma lơi ăn nau dja tăng tăt ma bunuyh a êng đống, lah ndri ăn bân buay mbram lơi hôm ăn khân pãng mbrơh ma Yêsu này jăt.”

¹⁸Jêh ri kuăl bar hê khân pãng này lăp, buay mâu ăn khân pãng mbrơh nkoch, ntũm nti bu ma Brah Yêsu, buay dũt hô ro.

¹⁹Jêh ri Pêtrôs ndrel Yôhan ơh ma khân pãng: “Lống khân may mân heh, moh nau i di ta năp măt Kôranh Brah: Ăn hên iăt tâng nau khân may, mâu lah iăt tâng nau Kôranh Brah?

²⁰Hên mâu blao ôh gũ iăt săk hỏ nau i hên say hên tăng này.”

²¹Bu joi nau ma tễ dôi h mâu say ôh, yorlah lẽ bon lan i gũ ta ri rnê Kôranh Brah dadê yor ma say nau i này. Bu klach phung bon lan jan nau uh ah, kơt ndri bu de buay mbram khân pãng du tở jăt dơm, jêh ri bởk ăn săt.

²²Bunuyh i bah yor ma nau dơi lẽ nau này, pãng lẽ rlau 40 năm.

Phung nsing mbrơh sơm ma nau bảnh

²³Jêh bu bởk khân pãng này, Pêtrôs ndrel Yôhan, hăn mập ta mpôl khân pãng nơm, mbrơh nkoch i nau mpôl kôranh jan brah, ndrel ma phung kôranh êng jăt i buay khân pãng ri nơh.

²⁴Jêh mpôl khân pãng tăng kơt này, khân pãng mbrơh sơm kuăl Kôranh Brah dơu du ntô nau: “Hơi Kôranh Brah, May nơm njêng trôk, njêng neh ntu, njêng dak văch dak văr, ndrel ma dâng lẽ nđơ i gũ ta này đống.

²⁵Lễ May ngơi ma Brah Huêng Ueh i kloh ueh ta kađăch Đavid hên kăl e nơh jêng bunuyh jan kar ma May, May lah ăn pãng nchih kơt nđa: ‘Mơm dâng phung i mâu di phung Israel, bu ji nuih dũt hô? Mơm dâng phung i này ứch tâm lơh ma nđơ Kôranh Brah lẽ ứch? Khân pãng mâu ôh blao jan ma nđơ i này.

²⁶Mpôl kađäch ta neh ntu dja, Ndreġ ma mpôl kôranh, Bu tâm di nau tâm rdâng đah Kôranh Brah, ndreġ ma đah Brah Krist i lě Kôranh Brah nôm kơih ma jêng kôranh' .

²⁷N'hêġ naně ngăn ta ðon dja, kađäch Hêrôt, ndreġ ma kôranh kuông Püntês-Pilat, ndâp ma mpôl mâu di phung Israel, ndreġ ma mpôl ðon lan phung Israel, nôk nây nơh khân păng tâm di nau, gay ma nkhât Kôranh Yêsu, i bunuyh kloh ueh jan kar ma May, i May lě kơih ăn jêng Brah Krist.

²⁸May geh nau đơi ma khân păng dâng lě, ndrġ khân păng i nây leo bảġ jan kơt lě ndr i May lě ũch khân păng jan bơh kảġ e nơh đơm.

²⁹Abơ dja, hơi Kôranh Brah, đăn May uảnh lě nau bu mbram nây, jêh ri đăn May ăn ma hên i bunuyh jan kar ma May, ăn hên nuġh n'hâm bảnh mbrơh nkoch nau May ngơi.

³⁰Đăn May nhơ nau đơi May ăn hên jan bah nau ji bu, ndreġ ma ăn hên jan ndr lě nau êng êng. Đăn May jan ndr i nây yor ma Kôranh Yêsu i bunuyh kloh ueh jan kar ma May babơ."'

³¹Lôch jêh nau khân păng mbrơh sơm ri, ta jay khân păng gũ rbũn nây geh n'gơ, n'ho ma Brah Huêng Ueh i kloh ueh gũ ta khân păng dadê ngăn. Jêh ri khân păng geh nuġh n'hâm bảnh ngăn, gay ma mbrơh nkoch nau Kôranh Brah.

Phung nsing tâm pả đrăp ndr khân păng nôm

³²Jêh ri dâng lě phung nsing, khân păng geh nuġh n'hâm nau mân du ntôr nau đơm, mâu geh ôh du huê bunuyh uảnh đrăp ndr păng geh, prăp đơng ma sảk păng nôm đơm. Khân păng sỏ lě đrăp ndr geh nây đơng ndreġ dadê.

³³Mpôl kôranh oh mon geh nau brah ngăn, khân păng leo bảġ mbrơh nkoch Brah Yêsu dâk rêh. Kôranh Brah ăn nau ueh lăng ốk ngăn ma khân păng.

³⁴Lě mpôl i nây mâu geh ôh du huê gũ ăt ji ngot, yorlah bu moh i geh neh, geh jay, khân păng tăch lơi, jêh ri leo prăk i nây

³⁵ăn ta mpôl kôranh oh mon ri. Phung nsing sỏ prăk i nây tâm pả moh ndr khân păng mâu geh mâu tởng.

³⁶Geh du huê bu klô rnhă Yôsep, mpôl Lêvi, tă bôh gôl dak Kipros, mpôl kôranh oh mon rnhă păng Barnabas, rnhă i này geh nau khlay lah ‘Bunuyh kôl bonh leng bu’.

³⁷Păng i này geh neh đống, jêh ri păng tách neh păng nôm, sô prăk ăn ta mpôl kôranh oh mon ri.

Kôranh Oh Mon 5

Ananês, ndrel ur păng Saphira

¹Jêh ri geh du huê bu klô rnhă Ananês, i ur păng rnhă Saphira, bar hê khân păng này tách neh khân păng nôm đống.

²Jêh tâm nchră ndrel ur păng nôm, khân păng sô prăk rnoh khlay neh này prăp ăn ma khân păng nôm bả, prăk i hôm ri Ananês hăn ăn ta mpôl kôranh oh mon.

³Păng tăt ta này, Pêtrôs lah păng: “Hôi Ananês! Môm dăng Satăng i kôranh mpôl brah djôh nsük nuh n'hâm may hô ngăn, dăng may mbrôh Brah Huêng Ueh i kloh ueh? May lah may ăn prăk tách neh i này dăng lě, tih ma may lě sô prăk i này prăp ma may nôm bả.

⁴Bôh nôm neh i này jêng neh may nôm ngăn bah? Tăt ma lě jêh tách, prăk i geh này hôm dah may nôm ma ũch đống đống. Tih ma môm dăng may geh nau mân ũch mbrôh kôl này chrao? Dja mâu geh ôh mbrôh ma bunuyh đơm, jêng mbrôh ma Kôranh Brah đống.”

⁵Tăt Ananês tăng nau này, păng chôt khât ndal ro. Lě bunuyh i tăng nau dja, bu klach hô ngăn.

⁶Jêh ri mpôl bu klô ndăm put njor bunuyh khât này, tung leo tốp a môch ri.

⁷Klăp lah geh pe mong bôh kôl này, i ur Ananês hăn tăt ta này đống, păng mâu gít ôh nônao i lě geh này.

⁸Jêh ri Pêtrôs ôp păng: “Lống ay mbrôh ma gáp, sai ay ndrel ay, tách neh nôm geh du dja ngăn bah?” Păng ôh: “Ô! Geh du dja ngăn.”

⁹Pêtrôh lah ma păng: “Mơm dăng khân ay tâm di du ntôh nau, rlong Brah Huêng Ueh Kôranh Brah kơt nây? Uảnh nây! Bunuyh i tốp sai ay lể sât tât ta bôk mpông nây, jât nây bu tung ay leo tốp a ri đổng .”

¹⁰Jêh ri păng chôt khât kêng jông Pêtrôh ri ro. Tât mpôl bu klô ndăm bôh ri lăp say bu ur nây khât ta ri, khân păng leo bảl tung tốp kêng môch i sai ri đổng.

¹¹Dăng lể bunuyh i nsing ma Brah Yêsu, ndrel ma lể bunuyh i tăng lư nau i nây, klach dũt hô ngăn.

Mpôl kôranh oh mon nhơ nau dơi êng êng

¹²Ta nôk nây mpôl kôranh oh mon jan nau mbên lể nau ngăn ôk ăn ma phung bon lan. Dăng lể phung nsing, khân păng tâm di du ntôh nau gũ rữn ta ndrìng Salômôn ri.

¹³Phung i mâu nsing mâu ôh bảnh dah ma hăn lăp ndrel ta khân păng ri, yờn ma phung i nây rnê ma khân păng dadê ngăn.

¹⁴Lõng bunuyh sât nsing ma Brah Yêsu lơ ma ôk lơ ma ôk, ndâp ma bu ur ndâp ma bu klô ngăn.

¹⁵Jêh say jêh tăng lể nau mpôl kôranh oh mon jan nơh, kơt ndrì dăng bu tung bunuyh geh nau ji êng êng ăn bêch ta gre, ta mbêl rỏ meng trong ri. Lah Pêtrôh hăn glăt rỏ nây, sơm ma geh gui păng eng ma n'hâm ta mpôl bunuyh ji ri, gay ma bah nau ji khân păng ri.

¹⁶Geh ôk đổng bunuyh hăn ta nây, khân păng hăn tã bôh bon jẻ jẻ i dăch ma bon Yêrusalem nây, khân păng tung bunuyh geh nau ji kuet, leo bunuyh geh nau jêr jốt yor ma brah djơh, lể mpôl i nây bah dadê.

Bu jan jêr ma mpôl kôranh oh mon

¹⁷Nôk nây kôranh jan brah dũt kuông, ndrel ma dăng lể mpôl i gũ ndrel păng nây jêng mpôl Sădôsi, khân păng tâm mâu nach hô ngăn, yor ma geh phung bon lan ôk tâng mpôl kôranh oh mon,

¹⁸jêh ri nhữp mpôl i nây krũng ta trôm ndrung.

¹⁹Nôk mǎng ri, geh du huê tông pǎr tă bớh Kôranh Brah, hǎn pớk mpông ndrung nây, ǎn mpôl kôranh oh mon lôh n'ho ma lah ma khân pǎng:

²⁰“Hǎn khân may brồ ta jǒng gung nhiih jan brah ma Kôranh Brah ri, jêh ri nkoch ma phung bon lan, dǎng lě nau mớm dǎng Kôranh Brah ǎn nau rêh n'ho ro ma khân pǎng.”

²¹Jêh tǎng nau tông pǎr lah kớt nây, khân pǎng leo bǎl hǎn ta jǒng gung nhiih jan brah ớm ôi, nti phung bon lan ta nây. Jêh ri kôranh jan brah dǔt kuống, ndrel ma dǎng lě mpôl i gũ ndrel pǎng nây, kuǎl rgum mpôl kôranh jan kar ta bri Yũđa dǎng lě vǎch gum dadê, jêh ri đǎ bu leo mpôl kôranh oh mon bớh trôm ndrung ri hǎn ta nây.

²²Bu hǎn tǎt ta trôm ndrung ri, uǎnh kôranh oh mon ta ri mǎu hóm say ôh, jêh ri plớ bớh ri mớh ma dǎng lě mpôl kôranh jan kar bri Yũđa ri lah:

²³“Tǎt ta ndrung ri, hên say mpông hóm e ntǎl kớt ớm, mpôl taken hóm gũ uǎnh bớh dih ri đǒng, tih ma tǎt pớk mpông uǎnh mǎu hóm ôh say du huê bunuyh ta trôm ndrung ri.”

²⁴Tǎt ma tǎng nau nây, kôranh taken nhiih jan brah, ndrel ma mpôl kôranh jan brah, khân pǎng mǎu hóm blao mǎn ôh ma mpôl kôranh oh mon, ndrel ma nau i nây.

²⁵Jêh ri geh du huê bunuyh tǎt ta ri, pǎng mớh: “Bunuyh i khân may krǔng nớh gũ ta ri, khân pǎng gũ nti bu ta jǒng gung nhiih jan brah ri.”

²⁶Jêh ri kôranh taken i nây, leo tahennhiih jan brah hǎn nhữp mpôl kôranh oh mon bớh a ri, yớn ma khân pǎng mǎu ôh pũ mǎng mpôl kôranh oh mon nây, yorlah klach phung bon lan ntũp khân pǎng ma lũ.

²⁷Tǎt ta ntũk rgum mpôl kôranh jan kar ta bri Yũđa ri, khân pǎng ǎn mpôl kôranh oh mon nây dǎk bớh nǎp mpôl kôranh i nây. Jêh ri kôranh jan brah dǔt kuống ôp mpôl kôranh oh mon nây:

²⁸“Mớ mớ khân may jan kớt nđǎ? Hên lě buay khân may dǔt hô mǎu ǎn nti nau nây ma bu, yớn ma ǎbǎo ri khân may lơ ma nti nau Yêsu bon Nasaret lam

bon Yêrusalem dja ngăn! Ndreġ ma ũch tể dôiġ hên đống yor ma nau khăt bunuyġ i nây nơġ.”

²⁹Pêtrôs, ndreġ ma kôranġ oh mon dâng lể ơġ đrôu: “Iăt ma hên iăt nau Kôranġ Brah, đah ma iăt nau bunuyġ.

³⁰Kôranġ Brah i u che bân yơk mbah nơġ, lể Păng rklaih Kôranġ Yêsu ăn dăk rêġ, i khân mre nkhăt Păng ta si tâm rkăng nơġ.

³¹Kôranġ Brah n'hao Kôranġ Yêsu ăn Păng gũ bơġ ma Kôranġ Brah nơġ, ăn Păng jêng kôranġ, ndreġ ma nơġ rklaih, gay ma ăn phung bon lan Israel rgăl nuġi n'hâm đjơġ, jêġ ri Kôranġ Brah yỗ ndach mâu hôm kơp nau tġi khân păng.

³²Hên dja jêng bunuyġ tơm mbơġ ma nau i hên lể say nây nơġ, ndreġ ma Brah Huêng Ueh i kloġ ueġ i Kôranġ Brah de ăn ma dâng lể bunuyġ i gũ iăt ma Păng, Păng jêng tơm mbơġ nau dja đống.”

³³Tăt ma mpôġ kôranġ jan kar ta bri Yuđa tăng nau i nây, khân păng jġ nuġi đăt hô, ũch ma nhữp nkhăt mpôġ kôranġ oh mon ro.

³⁴Yơn ma geh du huê bunuyġ phung Pharisi, păng rnġa Gamaliel, păng jêng nơġ nti nau vay phung Israel, dâng lể bon lan yơk ma păng dadê. Jêġ ri păng dăk bơġ năp mpôġ kôranġ nây, đă bu nglôġ mpôġ kôranġ oh mon a diġ ri bốt,

³⁵jêġ ri păng lah: “Hơġi oh nô phung Israel, ăn khân may njrăng ma nau khân may ũch lơġ ma mpôġ i nây.

³⁶A lor nơġ geh du huê rnġa Thơđas, păng kơp êng săk păng nơġ jêng kôranġ, geh bunuyġ 400 nuyġ tâng păng. Yơn ma bu de nkhăt păng, jêġ ri lể bunuyġ i tâng păng nây du chah chrai lể phiao.

³⁷Jêġ ma nây, nôk bu jan nchġi săk bon lan, geh du huê rnġa Yuđas, tă bơġ bri Galilê, păng leo bunuyġ tâm lơġ, geh bunuyġ tâng păng đống. Jêġ ri Yuđas bu de nkhăt đống, jêġ ri lể bunuyġ i tâng păng nây du chah chrai lể phiao.

³⁸Lah ndri gáp dẫn mboh ma khân may: Lơi hôm joi nau ma mpôl i này, bớk ăn khân păng sât a ri. Lah nau khân păng ũch jan lôh tă bớh bunuyh, lah ndri nau i này mra roh hêng ro,

³⁹yơn ma lah lôh tă bớh Kôranh Brah, khân may mâu ôh dơi jan khân păng. Gáp dẫn mboh ma khân may, ăn khân may njrăng yờ, klach lah khân may jêng bunuyh tâm rdâng đah Kôranh Brah chrao, lah tâm rdâng đah Păng dơi Păng ro.” Lẽ bunuyh i gũ rbũn ta này iăt nau păng dadê,

⁴⁰jêh ri kuăl mpôl kôranh oh mon lăp ta ri jăt, đă bu rpăt khân păng ma rse, jêh ri buay mâu hôm ôh ăn nkoch ma Brah Yêsu jăt, jêh ri bớk ăn khân păng sât.

⁴¹Mpôl kôranh oh mon du sât bớh ntũk này ndâp ma nuih n'hâm răm maak ngăn, say nau bu mưch bu rpăt khân păng nớh yor ma nau nsing ma Brah Yêsu. Khân păng răm maak yor ma nau bu mưch rpăt i này ăn khân păng gít ngăn Kôranh Brah kớp khân păng geh nau khlay ma Păng nớm, ndri dâng Păng ăn bu jan jêr ma khân păng, kớp bu lẽ jan jêr ma Brah Yêsu nớh đống.

⁴²Jêh ri ăp nar ăp nar ro khân păng ntũm nti phung bon lan, ta jông gung nhiih jan brah, rỏ jay, ndrel ma mboh nkoch nau mhe mhan ueh i Brah Yêsu jêng Brah Krist i nớm rklaih phung Israel.

Kôranh Oh Mon 6

Nau kớih pớh nuyh ma kớl jan kar

¹Nôk này phung oh mon lơ ma ốk lơ ma ốk. Ta phung i này geh mpôl phung Israel i ngời nau ngời Grek dớm, yorlah khân păng deh ta bri êng. Khân păng tâm rlăch ma mpôl phung Israel i ngời nau ngời Hêbrớ ri, yorlah dól bu tâm pă ndớ sông sa ma bu ur ndrô khăt sai ăp nar, bu chuêl ma bu ur ndrô khăt sai mpôl ngời nau ngời Grek này.

²Jêh ri geh du nar 12 nuyh mpôl kôranh oh mon này, kuăl rgum phung nsing dâng lẽ, lah ma khân păng kớp nđă: “Mâu di ôh lah ăn hên mbăr lơi mboh nkoch nau Kôranh Brah, gay ma jan kar tâm pă ndớ sông sa dja.

³Hơi oh nô, ăn khân ay may kơih bunuyh bu klô pơh nuyh tă bơh phung khân ay may nây, jêng bunuyh i lư nau ueh ta săk khân păng, geh Brah Huêng Ueh gũ ta khân păng, ndrel ma geh nau mân gĩt blao. Hên ũch đã khân păng jan kar nau dja.

⁴Hên dja, ăn ma gũ mân ma nau mbơh sơm, ndrel ma mbơh nkoch nau Kôranh Brah hỏ.”

⁵Lễ nau nây phung nsing răm ngăn, jêh ri khân păng kơih Satêphan, păng jêng bunuyh geh nau nsing hô ngăn, bêng ma Brah Huêng Ueh i kloh ueh gũ ta păng, geh Philip, geh Prôkhôrus, geh Nikanor, geh Timôn, geh Parmênas, ndrel ma geh Nikũlah. Nikũlah tă bơh ðon kuông Öntiyôk. Ê lor ma păng nsing ma Brah Yêsu, păng lễ lăp nsing ma Kôranh Brah tâng nau vay phung Israel.

⁶Jêh ri khân păng leo pơh nuyh nây hăn dăk bơh năp mpôl kôranh oh mon ri, mpôl kôranh oh mon mbơh sơm tể ti ta khân păng nây,

⁷jêh ri mbơh nkoch nau Kôranh Brah lơ ma lư n'găr lam ntũk. Phung oh mon ta ðon Yêrusalem ntop lơ ma ỏk, ndăp ma phung bunuyh jan brah ỏk ðong nsing ma Brah Yêsu.

Satêphan bu de nhũp

⁸Du huê Satêphan Kôranh Brah kơl ngăn, ndrel ma ăn nau dơi ma păng jan nau mbên êng êng lễ nau ngăn ăn ma phung ðon lan.

⁹Nôk nây geh bunuyh abă tâm rlăch ðah Satêphan ri, khân păng jêng mpôl vay rgum ta du ntũk ta nhih rbũn phung Israel, i bu kuăl lah ‘Nhìh rbũn phung tă jan dăk bu’. Khân păng phung Israel tă bơh ðon kuông Kiren, tă bơh ðon kuông Aleksantri, geh abă jăt tă bơh bri Kilikia, ndrel ma tă bơh bri Asi.

¹⁰Tih ma phung i nây mâu hòm ôh blao tâm rlăch ma păng, yorlah geh Brah Huêng Ueh kơl ăn păng ngơi geh nau mân gĩt blao.

¹¹Jêh ri phung i nây nsôch ma bunuyh abă, đã bu ngơi nchơt kơt nđa: “Hên lễ tăng nau păng ngơi mựch rmot ma Môsê i ăn nau vay tă bơh Kôranh Brah ma bân, ndrel ma mựch rmot Kôranh Brah.”

¹²Phung i nây ngoi nkri ma phung bon lan, ngoi nkri ma mpôl kôranh bri Yuđa, ndrel ma phung nôm nti nau vay phung Israel. Bu nhũp Satêphan njũn ôbăl ta mpôl kôranh jan kar phung bri Yuđa.

¹³Jêh ri khân păng đã bunuyh abă ngoi nchot lah kơt nđa: “Bunuyh dja ngoi mưch rmot ma nhih jan brah ma Kôranh Brah, ndrel ma nau vay phung Israel, mâu rlu ôh.

¹⁴Hên lể tăng păng lah: Yêsu i tă bớh bon Nasaret nây, ứch rớih lới nhih jan brah dja, ndrel ma ứch rgâl lới nau vay phung Israel i Môsê lể ăn jêh ma bân kăl e nớh.”

¹⁵Jêh ri lể phung i gũ rbum ta nhih kôranh jan kar phung bri Yuđa nây, uảnh phổng jât Satêphan ri dadê, say muh mắt păng tâm ban ma muh mắt tông pâr Kôranh Brah ngăn.

Kôranh Oh Mon 7

Nau Satêphan ngoi

¹Jêh ri i kôranh jan brah dứt kuống ôp Satêphan: “Di kơt nây ngăn đổng bah?”

²Satêphan ớh lah: “Hơi phung kôranh, hơi phung oh nô kôn va, dẫn khân may iăt gập hỏm! Kôranh Brah ta nau chrêk lợp Păng nôm, Păng lể tâm mpôl ma che Abrahăm bân kăl e nớh, dôi păng hôm gũ ta bri Mêsôpôtamia, ê lor ma păng gũ ta bon Charan.

³Kôranh Brah lah kơt nđa: ‘May dâk hỏm lỏh bớh bri dak may nôm, bớh ndũl mpôl may, jêh ri hăn ta ntũk bri dak i Gập nchỏng ma may’ .

⁴Jêh ri Abrahăm du bớh bri Khalđê, hăn gũ ta bon Charan. Jêh khât bở păng ta nây, Kôranh Brah leo păng du bớh bri nây, hăn ta bri i khân may gũ abao dja.

⁵Ta bri dja, Kôranh Brah mâu ôh ăn neh mir ma păng, neh dâng mpang jông Kôranh Brah mâu ăn đổng. Yon ma Kôranh Brah ton bri dja jêng bri păng, n'ho ma tât kon tât sau păng nôm a kơi tay, bol lah nôk nây Abrahăm mâu hỏ ôh geh kon.

⁶Kôranh Brah lah ma păng kơt nđa: ‘Kon sau may mra gũ jêng bu năch ta bri dak bu êng. Bunuyh ta bri i nây sỏ khân păng jan dâk, ndrel ma tũn jot khân păng jỏ 400 năm’.

⁷Kôranh Brah lah đổng: ‘Yơn lah Gập tẻ dôi h ma bri dak i sỏ kon sau may nây jan dâk. Jêh ri kon sau may du lôh bớh ntũk nây, gũ yỏk mbah Gập ta bri dja’ .

⁸Jêh ri Kôranh Brah tâm rnglăp ma Abrahăm đả păng koh ntô dâng lẻ phung bu klô i gũ ta nhìh păng. Nđơ i nây jêng nau mbên nau tâm rnglăp i nây. Nđri dâng dôi Isăk i kon păng nờm deh geh pham nar, Abrahăm i bở ri koh ntô ma păng. Jêh ri Isăk koh ntô ăn ma Yakôp i kon păng, Yakôp koh ntô ăn ma 12 nuyh i kon bu klô păng đổng, nđri dâng lẻ phung bân jêng i kon sau 12 nuyh khân păng nây.

⁹Khân păng i nây geh nuìh n'hâm mầu nach ma Yôsep i oh khân păng, nđri dâng tách lơi ôbăl ăn gũ jan dâk ta bri Êsip. Yơn ma Kôranh Brah gũ ndrel păng,

¹⁰rklaih lẻ nau jêr jỏt ta păng, ăn păng geh nau mần gít blao ngăn, ndrel ma ăn Pharaon i kađăch bri Êsip nây di nuìh n'hâm ma păng đổng. Pharaon ăn păng jêng kôranh măt uảnh ta bri Êsip, ndrel ma ăn măt uảnh dâng lẻ đrăp nđơ păng nờm đổng.

¹¹Bớh kơi nây geh nau ji sỏt ji ngot kuống ta bri Êsip, ndrel ma ta bri Kanaan, geh rêh rnhăl lam ntũk. Phung u che bân kăl e nớh joi nđơ sông sa mầu geh ôh.

¹²Dôi Yakôp tăng lử lah hôm geh ba ta bri Êsip ri, păng đả i kon kon păng hăn ta bri nây bôk dak.

¹³Tăt ma hăn bar tở, ri mớ Yôsep ăn oh nô păng gít năl păng, n'ho ma Pharaon gít ndũl mpôl Yôsep ri đổng.

¹⁴Jêh ri Yôsep đả bu hăn sỏ Yakôp i bở păng bớh ri, ndrel ma bảl mpôl păng, dâng lẻ nây geh 75 nuyh.

- ¹⁵Ndri Yakôp hăn ta bri Êsip, gũ n'ho ma khât ta bri này, ndâp ma kon bu klô păng khât ta bri này đống.
- ¹⁶Jêh ri bu rdeng săk jăn Yakôp, ndrel ma Yôsep leo tốp ta bon Sikem ta bri bân nơm dja, ntũk môch Abrahăm de rvăt bớh kon sau Hêmor, ta ntũk bon Sikem này nỡh.”
- ¹⁷“Phung bân lơ ma bāk lơ ma ők ta bri Êsip ri, tât bới di năm Kôranh Brah de ton ma Abrahăm này nỡh.
- ¹⁸Jêh ri geh kađăch mhe ntrõ jan kađăch ta bri Êsip ri, kađăch i này mâu ôh gĩt nớ Yôsep vay jan ma phung Êsip nỡh.
- ¹⁹Kađăch i này geh nau mân djớh mħĩk ngăn ma phung bân, păng tũn jot phung u che bân, n'ho ma tât đă khân păng mbăr lơi kon mhe deh, mâu ăn ôh rong rêh.
- ²⁰Môse deh nôk này đống, păng jêng oh bê ueh reh ngăn. Mễ bớ mât păng ta jay geh pe khay.
- ²¹Dôl ri iăt ma i mễ bớ mbăr păng, geh kon bu ur Pharaon i kađăch bri Êsip sớ mât, jêng tâm ban ma kon păng nơm ngăn.
- ²²Ndri dăng Môse lăp nti dăng lể nau gĩt blao phung Êsip, jêh ri păng mbớh ngơi blao ngăn, ndrel ma blao jan kar ők ntil đống.
- ²³Tât păng geh 40 năm, păng ũch hăn khõl phung Israel i oh nô băl mpôl păng nỡm.
- ²⁴Tât ta này păng say du huê mpôl Êsip jan djớh lơh băl păng du huê, păng kớl nking băl păng ri, jêh ri plơng mbang mpôl Êsip i này tât khât ro.
- ²⁵Môse mân êng săk păng nỡm, phung oh nô mân ma păng ro Kôranh Brah de ăn gay ma rklaih khân păng, tih ma bu mâu geh ôh mân kớt này.
- ²⁶Tât nar ôi tay, Môse say mpôl Israel abă tâm lơh ndrăng khân păng nỡm, păng buay, ăn khân păng tâm rnglăp băl, păng lah: ‘Hơi oh nô, moh jan tâm lơh djớh ndrăng nỡm, ồm bu êng lah khân may này heh?’

²⁷Păng i jan djơh ma oh nô chiaio meng ri, nklờ Môsê n'ho ma lah păng: ‘Bu moh ăn may jan kôranh, ndrel ma jan kôranh phat dôih ma hên? Mâu geh ôh.

²⁸May ếch nkhât gập, kơt may lẽ nkhât du huê mpơl Êsíp ntri nơh bơh? ’

²⁹Jêh Môsê tăng nau kơt này păng klach phung Êsíp plơng nkhât păng đơng, jêh ri păng nchuăt du gũ jêng bu năch ta bri Madên jở năm ngăn. Ta ntũk bri này păng geh kon bu klô bar hê.”

³⁰“Tât geh 40 năm, geh du huê tông pãr Kôranh Brah tâm mpơl săk ăn ma Môsê say ta bri rdah yôk Sinai ri. Ta bri rdah này geh du pũm lok, jêh ri tông pãr i này tâm mpơl ma păng jêng mpiăt ũnh ta pũm lok i này.

³¹Dôi Môsê say kơt này, păng geh nau ndrôt hih rhõl ngăn mâu vât ôh ma ndrơ tâm mpơl i này, yor ma pũm lok i này mâu geh ôh ũnh sa ngăn. Jêh ri păng hăn dăch gay ma uănh n'hêl ndrơ này, păng tăng Kôranh Brah lah ma păng:

³²‘Gập jêng brah Abrahăm yơk mbah, jêng brah Isăk yơk mbah, jêng brah Yakôp yơk mbah’ . Môsê nsơr ngăn, păng klach mâu hôm ôh bảnh uănh.

³³Kôranh Brah lah ma păng: ‘Droh lơi ntô jot may này, yorlah ntũk may dăk này jêng ntũk kloh ueh.

³⁴Lẽ Gập say ngăn nau bu tũn jot ma bon lan Gập ta bri Êsíp, lẽ Gập tăng ngăn nau khân păng rdêng đơng, jũr Gập dja gay ma rklaih khân păng i này. Dăk hõm! Gập đã may hăn ta bri Êsíp abao' dja ro' .

³⁵A lor nơh Môsê dja bon lan Israel lẽ rlăch mâu ôh gĩt năl păng, bu de lah păng: ‘Bu moh ăn may jan kôranh, ndrel ma jan kôranh phat dôih hên?’, yơn ma Kôranh Brah de đã păng hăn jan kôranh, ndrel ma rklaih khân păng. Tông pãr Kôranh Brah i lẽ tâm mpơl jêh ma păng ta pũm lok này nơh kơl păng jan kar i này.

³⁶Môsê dja leo phung bon lan Israel du lôh bơh bri Êsíp, păng jan nau khlay, ndrel ma nau mbên lẽ nau ngăn ta bri Êsíp, ta dak văch dak văr chăng, ta bri rdah dôi 40 năm khân păng gũ ta này.

³⁷Môsê i dja lah ma phung Israel: ‘Jât năp tay Kôranh Brah ăn geh du huê Bunuyh ntøyh nau ngời Kôranh Brah tă bớh oh nô khân ay may, tâm ban ma gập [, ăn khân ay may iăt nau Păng dô]’ .

³⁸Môsê i dja gũ ndrel phung bon lan i rgum ta bri rdah nớh, tông pãr i này mbớh nkoch ma păng ta yôk Sinai, jêh ri păng ntøyh nau i này ăn ma phung u che bân. Păng sỏ dờn nau ngời Kôranh Brah i ăn nau rêh, ăn tăt ma phung bân.

³⁹Tih ma phung u che bân mâu iăt ôh nau păng, khân păng mâu hôm ứch păng jan kôranh, geh nuh n'hâm ứch plờ tay ta bri Êsip jât chrao.

⁴⁰Khân păng lah ma Arôn i nô Môsê kớt nđa: ‘Đã may jan mon rup brah êng êng ma leo phung hên, yorlah Môsê i leo hên lôh tă bớh bri Êsip nớh, hên mâu gĩt ôh moh nau geh ma păng’ .

⁴¹Jêh ri khân păng jan mon du mlôm kon ndrôk, khân păng jan brah yớk mbah ma rup i này, khân păng rãm maak ma ndớ ti khân păng nớm jan.

⁴²Kớt ndri Kôranh Brah mâu hôm ôh măt uảnh khân păng, bok gor khân păng ăn yớk mbah ma lể ndớ ta kalớ trôk, jêng tâm di đah nau geh nchih ta sambũt bunuyh ntøyh nau ngời Kôranh Brah kớt nđa: ‘Hời phung Israel, dól khân ay may gũ ta bri rdah 40 năm nớh, Dâng lể mpômpa (siũm) i khân ay may nkhat, ndrel ma ndớ jan brah i khân ay may vay jan, khân ay may mâu geh ôh jan ma Gáp.

⁴³Khân ay may tung chun bok jan brah ma brah Mólũk, Ndrel ma rup mănch brah Rêmphăn i brah phung êng yớk mbah đống, Dâng lể rup brah khân ay may jan mon này, gay ma yớk mbah ma păng! Yor ma khân ay may jan kớt này dâng Gáp veng khân ay may ăn du lôh bớh bri dak khân ay may nớm hăn ngai rlau ma bri Babilôn jât năp tay’ .”

⁴⁴“Ta bri rdah, phung u che bân nôk này nớh geh jêh chun bok jan brah ma Kôranh Brah, khân păng jan chun i này kớt nau Kôranh Brah đã ma Môsê, kớt pre i say ri nớh.

⁴⁵Phung u che bân ndjôt đơn chun i nây, n'ho ma tât Yôsuê leo lăp ta ntũk bri dak i khân păng dơi pit bỡh bu, bri dak i Kôranh Brah de ntrũt bu du lôh ta năp măt khân păng nây nỡh. Chun i nây hôm tât ma kađăch David đơng.”

⁴⁶“Kôranh Brah rỡng ngăn ma kađăch David, David ũch jan du mlôm nhieh ma yớk mbah Kôranh Brah, Brah i che Yakôp bân kăl e nỡh yớk mbah.

⁴⁷Yỡn ma Kôranh Brah mậu ôh ăn păng jan nhieh i nây, kađăch Salômôn i kon păng dăng hoch jan nhieh jan brah i nây.

⁴⁸Yỡn ma Kôranh Brah dũt prêh, mậu gũ ôh ta nhieh ti bunuyh jan. Bunuyh ntỡyh nau ngời Kôranh Brah kăl e nỡh lể geh nchieh đơng:

⁴⁹“Kôranh Brah lah: ‘Trôk hôm jẻ tâm ban ma rỡl Kađăch ntũk Găp gũ, Jêh ri neh ntu hôm jẻ tâm ban ma rỡl ntũk rkỡl jống Găp. Lah ndrị mớm nhieh khân may dơi jan ăn ma Găp hă? Mậu lah ah ntũk ăn Găp be ma gũ?’

⁵⁰Yorlah trôk, ndrêl ma neh ntu, dăng lể ndrị i nây nỡh, ti Găp nớm dadê njêng” .”

⁵¹“Hỡi bunuyh dăng ko! Khân may tâm ban ma bunuyh i mậu di phung Israel, geh tôr mậu ũch iăt Kôranh Brah. Khân may tâm rdăng đăh Brah Huêng Ueh i kloh ueh năng neng đơm, tâm ban ma phung u che khân may kăl e ri nỡh đơng!

⁵²Yorlah lể mpôl bunuyh ntỡyh nau ngời Kôranh Brah kăl e nỡh, phung u che khân may jan jêr ma khân păng dadê. Khân păng nkhăt lời lể phiao mpôl bunuyh ntỡyh nau ngời Kôranh Brah i nkoch lor ma nau văch Brah Krist i du huê Bunuyh sỡng. Aboớ dja khân may lể nhũp Brah Krist i nây njũn ma bu, jêh ri nkhăt lời Ôbăl đơng.

⁵³Khân may lể sỡ đơn jêh nau vay Kôranh Brah i tông păr lể ăn ma Môsê, ndrêl ma phung u che bân, tih ma khân may mậu ôh jan tâng nau Păng đă nây!”

Bu nkhăt Satêphan

⁵⁴Jêh bu tăng nau Satêphan ngời nây, bu ji nuieh dũt hô, kăp rchiăt sêk neng ma păng ngăn.

⁵⁵Lõng Satêphan ri, Brah Huêng Ueh i kloh ueh gũ ta păng ngăn, ăn păng n'gơ uảnh jât trôk ti, say nau chrêk lợp Kôranh Brah, ndrel ma say Brah Yêsu dâk bớh ma Kôranh Brah ri đống.

⁵⁶Păng lah: “Uảnh ri! Gáp say trôk pợk lahứ, ndrel ma say Kôranh Yêsu i Kon Bunuyh tă bớh Kôranh Brah dâk bớh ma Kôranh Brah ri đống.”

⁵⁷Dôi này bu nter dứt hô, n'ho ma sỡ lau ti nsết tôr khân păng nờm gay ma mâu hôm tăng nau păng đống, dăng lẽ bu rdôh ta păng ri dadê.

⁵⁸Bu mphỏk têk păng du lôh bớh dih bon Yêrusalem này, gay ma klúp păng ma lữ tât khât. Mpôl i gũ uảnh này, drih ao kuông khân păng nờm ăn ta jống du huê bu klô ndăm, rnhà Sôl.

⁵⁹Dôi bu ntúp Satêphan ma lữ ri, păng mbớh sớm: “Hơi Kôranh Yêsu, dăn May sỡ dờn huêng gáp.”

⁶⁰Jêh ri păng chon kômỏk, nter dứt nteh ngăn: “Hơi Kôranh! Lời ôh kợp nau tih dja tât ma khân păng.” Jêh păng lah kợt này, n'ho ma roh n'hâm klỏk.

Kôranh Oh Mon 8

^{1,2}Sôl tâm di du ntờ nau ứch nkhât Satêphan đống. Geh phung abả i iất nau Kôranh Brah, leo tợp Satêphan này, nhũm vớl ma păng dứt hô.

Sôl jan jêr ma phung nsing ma Brah Yêsu

Ta nar này bu ntờm jan jêr dứt hô ma phung nsing ma Brah Yêsu ta bon Yêrusalem. Ndri dăng khân păng nchuất du nhhing nhhang lam bri Yuđa, ndrel ma bri Samari, dờn hôm e mpôl kôranh oh mon dờm.

³Lõng Sôl ri ứch n'gơh lời phung nsing ma Brah Yêsu, păng lắp ắp nhih rông mpông jay bu, nhữp têk bu tể ndrung, bu ur mâu lah bu klô, nhữp dăng lẽ ro.

Philip mbớh nkoch nau mhe mhan ueh ta bri Samari

⁴Lẽ mpôl i nchuất nhhing nhhang ri nớh, khân păng hăn ắp ntũk, ndrel ma mbớh nkoch nau mhe mhan ueh Brah Yêsu.

⁵Philip i bu lě kơih ndrel Satêphan nơh, păng hăn ta du ðon ta bri Samari. Ta ðon nây păng mboh nkoch nau Brah Yêsu jêng Brah Krist i nơm rklaih Kôranh Brah de njuăl.

⁶Lě phung ðon lan ta nây ndơ ứch iăt ngăn nau Philip ngơi, yorlah lě nau khân păng tăng khân păng say Philip jan nau khlay nơh lě nau ngăn.

⁷Geh ők bunuyh geh brah djơh lăp, khân păng nter dūt dăng ngăn, n'ho ma brah djơh du lôh boh khân păng i nây. Geh bunuyh kuet rven, ndrel ma bunuyh khât jöng khât ti ők đöng bah.

⁸Yor ri bunuyh ta ðon nây geh nau răm maak hô ngăn.

⁹Ta ðon nây, geh đöng du huê bunuyh rnhă păng Simôn, păng gũ ta nây lě jö năm jêh. Păng jêng bunuyh măt n'ang jan ndơ ma nau dơi brah djơh, păng nkoch êng săk păng nơm jêng bunuyh khlay. Dâng lě phung Samari ta ðon i nây, khân păng ndröt nhieh ngăn ma ndơ păng jan.

¹⁰Dâng lě bunuyh, nơm boh bu jě tăt ma bu kuông, iăt păng ueh ngăn, bu lah: “Păng dja ro geh nau brah Kôranh Brah, i bu kuăl lah ‘Nau brah kuông ngăn’.”

¹¹Dâng bu iăt ma păng kơt nây, yorlah lě jö năm ngăn bu ndröt hih rhöl ma ndơ i păng jan nây.

¹²Yơn ma döl Philip mboh nkoch nau mhe mhan ueh ma nau Kôranh Brah ứch măt uănh ma bunuyh, ndrel ma mboh nkoch Brah Yêsu Krist, bu tâng iăt nau păng ngơi i nây ro, jêh ri khân păng ănh Philip jan bắptem yũk khân păng ma dak ndăp ma bu ur bu klô.

¹³Löng i Simôn ri iăt nau Philip ngơi đöng, n'ho ma đơn jan bắptem yũk ma dak ro, jêh ri păng gũ ndrel Philip mro. Nôk nây păng ndröt hih rhöl ngăn say nau mbên, ndrel ma nau khlay i Philip jan nây.

¹⁴Mpôl kôranh oh mon hôm gũ ta ðon Yêrusalem ri. Tăt khân păng tăng lư ta bri Samari ri geh bunuyh sô đơn nau Kôranh Brah, khân păng đă Pêtrôs, ndrel ma Yôhan hăn ta bri nây.

- 15**Tât ta này, bar hê kôranh oh mon ri mboh sớm dẫn ma Kôranh Brah, gay ma Kôranh Brah ăn Brah Huêng Ueh i kloh ueh jũr gũ ta mpôl lể nsing này,
- 16**yorlah bar hê khân păng này ê ôh say Brah Huêng Ueh jũr gũ ta du huê ta mpôl lể nsing này. Man ma geh jan bắptem yũk ma dak ta rnhà Kôranh Yêsu.
- 17**Ndri dâng Pêtrô, ndrel ma Yôhan tể ti ta khân păng, jêh ri mớ Kôranh Brah ăn Brah Huêng Ueh i kloh ueh gũ ta khân păng.
- 18**Dôl Simôn say Kôranh Brah ăn Brah Huêng Ueh gũ ta khân păng ri, yor ma mpôl kôranh oh mon tể ti này, păng sớ prăk gay ma ăn bar hê kôranh oh mon này
- 19**n'ho ma lah: “Ăn gập bắ nau đơi này ơ, gay ma bu moh gập tể ti, Kôranh Brah ăn Brah Huêng Ueh i kloh ueh gũ ta păng đổng.”
- 20**Pêtrô lah păng: “Ăn may, ndrel ma prăk may hăn gũ ta ndrung ùnh, yorlah may mân prăk đơi rvăt đơ Kôranh Brah ăn!
- 21**May mâu ôh đơi lắp ndrel ta nau kar dja, du ntil mâu đơi đổng, yorlah nuih n'hâm may mâu sổng ôh ta nắp Kôranh Brah.
- 22**Ăn may mắb hỏm nuih n'hâm đjơh này, jêh ri mboh sớm dẫn ma Kôranh Brah. Nkhêp lah Păng ma yỏ ndach mâu hỏm kớp nau tih may mân kớ t đắy.
- 23**Gập lể say may geh nuih n'hâm tâm mâu nach hô ngắn, ndrel ma hỏm khan jan tih nắng mâu blao bah jan đjơh, tâm ban ma nau tih kắt may ma rse rvắk.”
- 24**Simôn ơh: “Lah ndri đắ may sớm dẫn ma Kôranh Brah, gay ma lời ăn gập gũ ta ndrung ùnh, nau i may lah này nớh.”
- 25**Pêtrô, ndrel ma Yôhan, khân păng mboh nkoch nau Kôranh Yêsu ma bu, ndrel ma lể đơ i khân păng say khân păng tắng ta Păng nớh, jêh ri khân păng plớ sắt tay ta đon Yêrusalem, n'ho ma mboh nau mhe mhan ueh ỏk đon đổng rỏ trong bri Samari này.

Philip mboh nau mhe mhan ueh ma bunuyh bri Êthiôpi

26Jêh ri du huê tông pãr Kôranh Brah lah ma Philip: “Hơi Philip, may dâk hõm, hãn mpeh jât dõng ri, hãn rõ trong i jũr bõh ðon Yêrusalem hãn jât ðon Kasa, ta trong i bu mâu hõm ôh vay hãn.”

27Jêh ri Philip dâk hãn ro, tât a trong ri mập ma du huê mpôl bri Êthiôpi, bunuyh bu char. Pãng jêng kôranh kuõng ta bri Êthiôpi, pãng mât uãnh lẽ drăp ndr khlay, lẽ prăk kađăch ta bri i nây. Bri i nây bu ur jan kađăch, rnha kađăch i nây ‘Kăndês’. Kôranh kuõng i nây pãng hãn ta ðon Yêrusalem ri nõh, gay ma yõk mbah ma Kôranh Brah.

28Tât ma sât, dõl pãng ncho ta rdeh seh, pãng rõ nteh Nau Kôranh Brah Ngõi ta sambũt Êsai i bunuyh ntõyh nau ngõi Kôranh Brah.

29Nõk nây Brah Huêng Ueh lah ma Philip: “Hãn hõm, ăn dăch ma rdeh seh nây.”

30Jêh ri Philip nchuăt tâng rdeh nây ro, tât ta nây pãng tãng kôranh i nây rõ sambũt Êsai i bunuyh ntõyh nau ngõi Kôranh Brah, pãng ôp: “Hơi kôranh, may vât ðõng nau may rõ i nây?”

31Kôranh i nây ơh lah: “Mõm blao vât êng, lah mâu geh bunuyh ma rblang?” Jêh ri pãng jã Philip ncho ndrrel kalõ ri gũ dăch pãng.

32Trong ntũk pãng uãnh nây lah kõt nđă: ‘Bu tẽk Pãng, tâm ban ma bu tẽk be biăp ma nkhat, Pãng mâu ôh mpăt rdâng. Tâm ban ma kon be biăp mlo mâu blao nhiăng nõk bu koh rsau Pãng mâu ôh nteh ngõi du tong.

33Bu mữch Pãng băch ðoch, bu mâu ôh phat dõih di ma Ôbăl. Pãng mâu ôh geh yao ma nkoch, Yorlah bu nkhat pãng mâu geh kon, nau rêh Pãng lẽ bu sõ rhuăt lơi bõh neh ntu dja’ .

34Jêh ri kôranh nây ôp Philip: “Lõng may mbõh ma gâp, nau bunuyh ntõyh nau ngõi Kôranh Brah lah kõt nđă, bu moh pãng ũch lah? Lah ma săk pãng nõm, mâu lah ũch lah ma du huê bunuyh êng?”

35Philip mbõh nkoch nau mhe mhan ueh Brah Yêsu ăn pãng gĩt, ntõm bõh trong Nau Kôranh Brah Ngõi nây.

³⁶Bar hê khân păng i này hôm ncho ndrel ta rdeh ri dadê. Tât a năp ri say geh dak, kôranh này lah: “Dak ta dja geh, moh hôm geh nau ma buay gâp, mâu ôh ăn gâp yŭk bắptem ma dak?”

³⁷[Philip lah ma păng: “Lah may nsing ma lě nuh n'hâm ngăn, may mâu chrao ôh, bắptem dơi.” Păng ơh: “Lě gâp nsing Kôranh Yêsu Păng Brah Krist Păng Kon Kôranh Brah ngăn ro.”]

³⁸Păng đã bu nsrŭng rdeh seh. Jêh ri bar hê khân păng jŭr a dak su, Philip jan bắptem yŭk păng ma dak.

³⁹Dôi khân păng hao a kớh dja, Brah Huêng Ueh sô Philip roh klők, uănh păng mâu hôm ôh say. Jêh ri kôranh bri Êthiôpi i này nơm hăn tay jât, nuh n'hâm păng răm maak ngăn, yor ma Kôranh Brah lě rklaih păng.

⁴⁰Lõng Philip, say Brah Huêng Ueh sô păng gŭ ta ðon Asôt ri. Jêh bớh này, păng brồ mớh nkoch nau mhe mhan ueh rồ ðon, n'ho ma tât ðon Sê Sara.

Kôranh Oh Mon 9

Nau rgâl nuh n'hâm Sôl

¹Nôk này, Sôl hôm thăm oh mon Kôranh Yêsu, ndrel ma ngơi ũch nkhât khân păng. Păng hăn mập ma kôranh jan brah dŭt kuông ta Yêrusalem,

²dăn sambŭt bớh kôranh này ma nhieh r̄bŭn phung Israel êng êng ta ðon kuông Đamas, gay ma lăp rồ nhieh r̄bŭn êng êng i ri, nkhêp lah say geh bunuyh abă ta nhieh r̄bŭn này hăn tâng trong Brah Yêsu, bu ur, mâu lah bu klô. Sambŭt i này ăn păng dơi nhŭp leo khân păng ta ðon Yêrusalem ro, gay ma phat dôi khân păng.

³Dôi păng hăn rồ trong bớh tât ta ðon Đamas ri, dô ma geh ndr̄ ang tă kalo trôk ti chrat jŭm păng ro.

⁴Păng n'ho ma chôt ta neh ri ro, jêh ri tăng nteh ngơi lah ma păng: “Hơi Sôl! Hơi Sôl! Moh nau may jan jêr ma Gâp kớh này mêh?”

⁵Sôl ôp ma Păng: “Hơi Kôranh, bu moh May ri mêh?” Păng ơh: “Gâp dja Yêsu, i may jan jêr này. Dâng lě nau jêr i may jan ma phung nsing ma Gâp,

jan jêr ma Gâp đống. [May nsrôyh tâm rdâng ma Gâp, tâm ban ma ndrôk tâm tòm ma loyh mplôn, kơt nây mâu di vǎ].”

⁶[Pǎng ndrôt nsör ngǎn, pǎng lah: “Hơi Kôranh, lah ndri mớ m May ǔch ǎn gâp jan mêh?” Brah Yêsu ơh:] “May dâk hǎn lǎp ta bon nây hõm, ta ri tay bu mbơh ndr ma may jan.”

⁷Lõng bu i hǎn ndrel Sôl ri mâu hõm blao ôh ngơi, dâk nsrũng rogo đơ m, yorlah nteh ngơi khân pǎng tǎng, tih ma i sǎk bunuyh ri mâu say ôh.

⁸Jêh ri Sôl ri dâk, mǎt pǎng ri lin, tih ma uǎnh ndr mâu say ôh. Bu sớ m têk pǎng leo lǎp ta bon Đamas ri.

⁹Jõ pe nar ngǎn pǎng mâu ôh say ndr, ndrel ma mâu sông sa đống, dak mâu nhêt đống.

Ananês tâm mập ma Sôl

¹⁰Ta bon Đamas nây geh du huê oh mon i nsing ma Brah Yêsu, rnhā pǎng Ananês. Kôranh Yêsu kuǎl pǎng ma nau tâm say: “Hơi Ananês!” Pǎng ơh: “Moh ndr, Kôranh?”

¹¹Kôranh Yêsu lah ma pǎng: “Dâk hõm, ǎn may hǎn rỏ trong i bu kuǎl lah ‘Trong sông’, lǎp ta jay Yudas, jêh ri ôp rnhā sǎk Sôl, pǎng tǎ bơh bon Tasos. Abao dja pǎng gũ mbơh sớ m,

¹²pǎng tâm say ma du huê bunuyh, rnhā Ananês, may hǎn lǎp mbơh sớ m tể ti ta pǎng, gay ma ǎn pǎng uǎnh say kơt ơ m.”

¹³Ananês ngơi ma Brah Yêsu: “Hơi Kôranh, ỏk bunuyh gâp tǎng lư bu nkoch pǎng, bu klô i nây hô ngǎn pǎng jan jêr ma phung kloh ueh May ta bon Yêrusalem ri.

¹⁴Pǎng tât ta ntũk dja lể geh jêh sambũt bơh mpôl kôranh jan brah, gay ma đơi nhũp kât bu moh mbơh sớ m kuǎl rnhā May.”

¹⁵Yơn ma Kôranh Yêsu lah ma pǎng: “Dâk hǎn hõm! Yorlah bu klô nây lể Gâp kơih jêh, gay ma đống pǎng đǎ mbơh nkoch rnhā Gâp ǎn ma bǎl mpôl phung bunuyh êng êng i mâu di phung Israel, ndrel ma kađach khân pǎng, jêh ri ma phung bon lan Israel đống.

16Gâp ũch tâm mpơl ăn ma păng gĩt, geh ők nau jêr jốt păng sỏ đơn yor ma păng jan kar ma Gâp jât nấp tay.”

17Jêh ri Ananês dâk hăn ro. Tât ta jay ri, păng tể ti ta Sôl, n'ho ma lah: “Hơi nô Sôl! Kôranh Yêsu i tâm mpơl ma may rỏ trong dôi may hăn nây nơh, Păng đã gâp brổ a may dja, gay ma ăn trôm mắt may dơi say ang, ndrel ma ăn Brah Huêng Ueh i kloh ueh gũ ta may ngăn.”

18Jêh ri dơ ma say geh ndơ tâm ban ma rsap ka tũp bớh trôm mắt Sôl ri, mắt păng say ang tay ro, jêh ri păng dâk đơn bắptem yũk ma dak.

19Jêh păng sông sa, geh tay brăt suan kớt ơm. Sôl gũ ndrel mpôl oh mon ta bon Đamas jỏ pe puăn nar.

Sôl mớh nkoch Brah Yêsu ta bon Đamas

20Păng dâk ntớ mớh nkoch ro ma Brah Yêsu jêng Kon Kôranh Brah ta nhieh rỗn phung Israel êng êng.

21Lễ bunuyh i tăng nau păng lah nây, bu ndrốt hih rỗl ngăn ta nuh n'hâm ri mâu vât ôh, bu lah: “Păng i nây ro jan jêr lớh đớh ma mpôl i mớh sớ m kuăl rnha Yêsu ta bon Yêrusalem ri nơh. Hăn păng i nây ta dja, gay ma nhũp njũn mpôl i nây ma mpôl kôranh jan brah ta Yêrusalem, ndri păng i nây heh!”

22Lõng Sôl ri lớ ma geh nuh n'hâm nấp ngăn păng heh, păng rblang kloh rah vah ngăn Brah Yêsu jêng Brah Krist i nớ m rklaih Kôranh Brah de njuăl, ăn ma mpôl phung Israel ta bon Đamas ri. Khân păng mâu hôm ôh blao tâm rlách ma păng jât.

23Jỏ bớh kới nây, kôranh mpôl phung Israel tâm nchră bắl gay ma nkhât lơi păng.

24Yớn ma geh bunuyh mớh ma Sôl ma nau mpôl nây ũch nkhât păng, geh bu gũ kớp ta mpông mpêr bon dăng mắng dăng nar, gay ma kớp nhũp nkhât păng.

25Yớn ma geh du mắng mpôl oh mon păng tể păng ma bắ, jêh ri yur păng bớh dih mpêr ri.

Sôl gũ ta bon Yêrusalem

²⁶Jêh Sôl lě sât ta bon Yêrusalem ri, păng ũch lăp ndrel phung oh mon. Yon ma phung i nây klach păng dadê, yorlah bu mâu ôh iăt lah păng jêng bunuyh lě nsing đong.

²⁷Jêh ri Barnabas leo Sôl hăn mập ma mpôl kôranh oh mon, Barnabas mboh nkoch nau Kôranh Yêsu tâm mpôl ma păng, ngoi ma păng dôi păng brồ rồ trong ri nơh, ndrel ma mboh nkoch nau păng bảnh mboh nkoch ma Kôranh Yêsu ta bon Đamas ri.

²⁸Ntơm boh nôk nây, Sôl hăn nâng mập ma mpôl kôranh oh mon, ndrel ma phung i nsing ma Kôranh Yêsu, păng bảnh mboh nkoch ma Kôranh Yêsu lam bon Yêrusalem đong.

²⁹Sôl tâm ngoi, ndrel ma tâm rlăch đong ma mpôl phung Israel i ngoi nau ngoi Grek đơm, yon ma mpôl i nây joi nau, ũch nkhât păng.

³⁰Dôi phung nsing ma Brah Yêsu gít nau ũch nkhât păng nây, khân păng njũn păng ta bon Sêsara, jêh ri đă păng hăn jât bon Tasos.

³¹Dâng lě phung nsing ma Brah Krist ăp ntũk, ta bri Yuđa, ta bri Galilê, ndrel ma ta bri Samari, geh nau đăp mpăn, mâu geh bu jan jêr, ndrel ma geh nau nsing lơ ma hô. Khân păng gũ ndjôt nau Kôranh Brah ngăn ngên, geh Brah Huêng Ueh i kloh ueh rthi nuih n'hâm khân păng, jêh ri khân păng lơ hô ők đong bunuyh nsing.

Pêtrôs jan bah bunuyh ji, rnhă păng Ênas

³²Jêh ri Pêtrôs hăn nsong trong ăp ntũk. Geh du nar păng hăn khõl ma phung nsing ma Brah Yêsu ta bon Liđa bri Sarôn.

³³Tât ta bon nây, păng say du huê bunuyh ji kuet, rnhă păng Ênas, păng ji lě jồ pham năm ngăn, dâk mâu dơi ôh, bêch rkhuen ta gre ri đơm yor ma păng rven.

³⁴Jêh ri Pêtrôs lah ma păng: “Hơi Ênas! Kôranh Yêsu Krist jan bah ji may, may dâk hõm, ndjôt nkõ may nây!” Jêh ri păng dâk đứp ro.

³⁵Ốk ngăn bunuyh gũ ta bon Liđa, ndrel ma gũ rồ bri Sarôn, say păng bah kọt nây, khân păng sât nsing ma Kôranh Yêsu ro.

Bu ur Têbitha dâk rêh

³⁶Geh đống ta bon Yôppê ri, geh du huê bu ur rnha păng Têbitha, rblang nau ngoi Grek lah ‘Đôrkas’, păng jêng phung nsing ma Brah Yêsu đống. Păng gơyh jan nau ueh, ndrel ma ăn ndr ma phung o ach babơ.

³⁷Nôk này păng geh ji hô, n'ho ma khât. Bu rao săk jăn păng tâng nau vay phung Israel, jêh ri bu njoj păng ta jrô kalơ ri.

³⁸Phung nsing ma Brah Yêsu gít Pêtrôs hôm gũ ta bon Liđa này, jêh ri đã bar hê bunuyh hăn joi păng ta này, gay ma jă păng hăn ro, yorlah bon Liđa đah bon Yôppê tâm dăch.

³⁹Pêtrôs dâk bơh này hăn ndrel bar hê khân păng ri ro. Tât ta ri bu jă păng hao ta jrô kalơ ri. Lẽ bu ur ndrô khât sai dâk nhũm dăch Pêtrôs ri dadê, n'ho ma nhơ bok ao i Đôrkas de jâng ăn ma khân păng dôi păng hôm rêh ri nơh.

⁴⁰Pêtrôs đã khân păng lôh a dih dadê, jêh ri păng chon kômök mboh sơm. Jêh mboh sơm ri păng uảnh jât bunuyh khât này, lah ma păng: “Hơi Têbitha, ay dâk hơm.” Bunuyh khât này lin mắt say Pêtrôs, păng dâk gũ ta gre ro.

⁴¹Pêtrôs nhũp ti păng, rdök păng, jêh ri kuăl phung nsing ma Brah Yêsu, ndrel ma phung bu ur ndrô khât sai jă khân păng lăp, nhơ păng ăn bu say nau păng dâk rêh này.

⁴²Lẽ bunuyh ta bon Yôppê ri, tăng lư nau này dadê, jêh ri ők bunuyh sât nsing ma Kôranh Yêsu.

⁴³Pêtrôs ri hôm gũ ta Yôppê này jô nar jât, păng gũ ta jay du huê bu klô rnha păng Simôn, jêng bunuyh ndrăp ntô mpômpa (siũm) gay ma ăn bunuyh êng jan ndr êng êng.

Kôranh Oh Mon 10

Tông păr tâm mập đah Kônelês

¹Ta bon Sêsara, geh du huê bu klô rnha păng Kônelês, păng jêng kôranh taken Rôm, mpôl kon taken păng bu kuăl lah ‘Mpôl bri Italy’.

²Păng lẽ rnăk vâl păng jêng bunuyh klach iăt nau Kôranh Brah. Păng ăn ők prăk yỗ ma phung bon lan o ach ta phung Israel, ndrel ma mboh sơm kuăl Kôranh Brah mro mrăng.

³Geh du nar klăp lah mong pe kêng măng, păng tâm say n'hêl đah du huê tông păr Kôranh Brah lăp ta trôm jay păng ri. Tông păr nây lah ma păng: “Hơi Kônêlês!”

⁴Kônêlês uảnh jăt tông păr ri, ởh ma păng ndâp ma klach nsôr: “Hơi kôranh, moh geh nau hă?” Tông păr lah: “Nau may mboh sơm lẽ Kôranh Brah iăt jêh, ndrel ma prăk i may geh nau yỗ ăn ma bu nây găt tăt ma Kôranh Brah, Păng hôm kah găt đổng.

⁵Lah ndri may đă bu hăn ta bon Yôppê ri abao ro, jă du huê bu klô rnha păng Simôn, bu kuăl păng Pêtrôs đổng văch ta dja.

⁶Păng gũ ta jay du huê bunuyh i rnha Simôn jêng bunuyh ndrăp ntô mpômpa (siũm) gay ma ăn bunuyh êng jan ndrê êng êng. Jay i nây dăch dak văch dak văr.”

⁷Tăt ma du jêh tông păr i gũ ngời đah Kônêlês nây, jêh ri păng kuăl bar hê bunuyh jan kar ma păng, ndrel ma du huê taken i gũ dăch ndrel păng nơm babơ iăt nau Kôranh Brah đổng, văch ta ri.

⁸Jêh păng mboh lẽ phiao nau i nây ma khân păng, jêh ri đă khân păng hăn ta bon Yôppê ri.

Pêtrôs mboh sơm ta kalơ chor jay

⁹Kah ôi tay, khân păng pe nuyh nây hăn bời tăt ta bon Yôppê ri, di nar nklang bôk, Pêtrôs hao mboh sơm ta kalơ chor jay ri. Chor jay ta ntũk nây lũng gay ma jan kar êng êng.

¹⁰Dôl nây păng ji ngot, bu nchô ma ndrăp piăng trao ma ăn păng sông, păng n'ho ma tâm say ro.

¹¹Păng say trôk pơk bống lahửr, jêh ri say ndrê tâm ban ma du blah bok lai h kuông yur tă bơh kalơ trôk ti tăt a dja, geh kăt lẽ puăn njôn h đổng.

¹²Ta kalơ bok i nây geh mpômpa (siüm) jöng puăn ăp ntil, mpômpa (siüm) hung vơr, ndrel ma siüm mpăr kalơ trôk đöng, geh đöng mpômpa (siüm) i mâu kloh i mâu ôh di ma sa tâng nau vay phung Israel.

¹³Jêh ri tăng ngơi lah ma păng: “Hơi Pêtrôs! May nkhât mpômpa (siüm) dja ma gũch sa dô.”

¹⁴Yơn ma Pêtrôs rlăch: “Mâu ôh Kôranh, yorlah mpômpa (siüm) i mâu kloh mâu di ma sa, gâp mâu ôh vay sa ta du njär nau rêh gâp.”

¹⁵Pêtrôs tăng tay nau ngơi i nây du tở jât: “Moh ndr i Kôranh Brah jan lě kloh jêh, lơi hôm may kớp ndr i nây bở bớch jât.”

¹⁶Nau i nây lah tât ma pe tở ngăn, jêh ri bok i nây hao tay kalơ trôk ri ro.

¹⁷Dôl Pêtrôs hôm gũ mân mâu vât ôh ma nau i nây, bunuyh pe nuyh Kônelês de đã hăn ri nơh, jêh joi jay Simôn lě tât ta mpông nây.

¹⁸Khân păng ôp kuăl: “Ah Simôn, i bu kuăl Pêtrôs gũ ta dja đöng bớh?”

¹⁹Pêtrôs hôm gũ mân ma nau khlay i păng tâm say nây nơh, n'ho ma geh Brah Huêng Ueh lah ma păng: “Geh bunuyh pe nuyh ôp joi may.

²⁰Jữr hồm, hăn ndrel khân păng, lơi ôh vĩ vể, yorlah Gâp nơm đã khân păng hăn nây nơh.”

²¹Jêh ri Pêtrôs jữr a đöng su, lah ma khân păng ri: “Gâp dja i khân may joi nây, moh nau hă?”

²²Khân păng ơh ma Pêtrôs: “Kôranh Kônelês i kôranh taken Rôm đã hên hăn a dja. Păng jêng bunuyh sớng, klach ma Kôranh Brah, geh ők phung Israel rnê păng jêng bunuyh ueh. Jêh ri geh đöng du huê tông păr kloh ueh đã păng jă may hăn ta jay păng, gay ma iăt nau may nti.”

²³Jêh ri Pêtrôs jă khân păng lăp trôm jay, bêch ta nây du mắng. Kah ôi tay ri păng dâk hăn ndrel khân păng, geh đöng phung nsing abă ta bon Yôppê nây hăn ndrel păng đöng.

24Tât ôi klak ri khân păng tât ta bon Sêsara. Lông Kônêlês ri, păng lě kuăl bảl mpôl, ndrel ma mât jăng păng, gủ rbũn ta jay păng ri dadê, kỏp mpôl Pêtrôs rỏp hỏp.

25Dôl Pêtrôs tât ta ri, Kônêlês maak ngăn, păng ran păn yỏk mbah ta jỏng Pêtrôs ri ro.

26Yỏn ma Pêtrôs nhũp ti Kônêlês tềk ăn păng dâk, n'ho ma lah: “Dâk hỏm! Lới ôh yỏk mbah gập, gập bunuyh đờm tâm ban kỏt bảl đờng.”

27Jêh ri khân păng lắp ta trôm jay n'ho ma tâm ngời. Pêtrôs say geh bu gủ rbũn ỏk ta ri.

28Păng lah ma bu: “Khân ay may lě gít jêh nau vay phung Israel mầu ăn ôh phung Israel tâm mập đah phung i mầu di phung Israel, mầu lah lắp jay khân păng. Yỏn ma Kờranh Brah lě tâm mpỏl jêh ma gập, ăn gập rom ăp ntil bunuyh, lới dâng ôh lah du huê bunuyh bở bớch, mầu lah, lah mầu ôh kloh ta nấp mắt Păng.

29Kỏt ndri dâng gập hăn ro dôl khân ay may đả bu bở jả gập. Lah ndri lỏng khân ay may mớh ma gập, moh nau khân ay may đả gập hăn ta dja?”

30Kônêlês ỏh ma păng: “Nôk pe nar bớh kới nớh, klắp lah mong pe kềng mắng kỏt abao dja đờng, dôl gập mớh sỏm ta jay, geh du huê bu klô nsoh bok ao nglang chrát, dâk bớh nấp gập ri,

31jêh ri lah ma gập: ‘Hỏi Kônêlês, Kờranh Brah lě iắt jêh nau may mớh sỏm, ndrel ma ndớ may ăn yỏ bu nây, Păng mầu chuêl ôh.

32Abao dja ăn may đả bu hăn ta bon Yỏppê ri, mớh ma du huê bu klô rnhá păng Simôn, bu kuăl păng Pêtrôs đờng, đả păng hăn ta dja. Păng gủ ta jay Simôn bunuyh ndrắp ntô mpỏmpa (siũm), jay nây dắch dak vắch dak vắr’.

33Kỏt ndri dâng gập đả bu hăn jả may ro, ueh ngăn may hăn ta dja. Abao dja dâng lě hên ta dja lě gủ bớh nấp Kờranh Brah jêh, gay ma iắt lě nau Păng đả may ngời.”

Nau Pêtrôs ngời ta jay Kônêlês

34Jêh ri Pêtrôh ntôm ngòi: “Abaō dja lě gáp gít n'hêl naně ngăn, Kôranh Brah mâu ôh kơih bunuyh du mpôl dơm,

35yơn ma dăng lě ta mpôl bunuyh, bu moh i ndjôt nau Kôranh Brah, ndrel ma jan kar nau sồng, lě bunuyh i nây Păng rom ro.

36Khân ay may lě gít jêh nau mhe mhan ueh Păng lě ngòi ma phung Israel hên: Bunuyh dơi geh nau đăp mpăn đah Kôranh Brah yor ma nau khât Kôranh Yêsu Krist. Kôranh Yêsu Krist nây jêng kôranh ma dăng lě bunuyh ta neh ntu.

37Khân ay may lě gít jêh ma nau Yôhan-Baptem đă bon lan rgâl lơi nuh n'hâm djơh, jêh ri jan baptem khân păng yũk ma dak nây nơh, khân ay may lě gít đổng nơ Kôranh Yêsu lě jan ntôm bơh bri Galilê, tât ma lam bri Yuda nây.

38Khân ay may lě gít jêh, Kôranh Brah ăn Brah Huêng Ueh i kloh ueh gũ ta Kôranh Yêsu i tă bơh bon Nasaret nây ngăn, ndrel ma ăn nau dơi ta Păng. Păng bở nsong ăp ntũk, jan nơ ueh, ndrel ma jan bah bon lan i geh brah djơh lơh. Dăng lě nơ dja Păng blao jan yorlah Kôranh Brah gũ ndrel Păng.

39Hên dja i tơm say lě ntil nau khlay Kôranh Yêsu jan ta bri Yuda, ndrel ma ta bon Yêrusalem. Bu nkhât Păng, pống Păng ta si tâm rkăng,

40yơn ma tât pe nar jêh khât, Kôranh Brah jan ăn Păng dâk rêh, ndrel ma ăn Păng tâm mpôl săk ăn bu say.

41Kôranh Brah mâu ôh ăn dăng lě bunuyh say Păng, yơn ma Kôranh Brah kơih hên dja ê lor ma Păng khât dâk rêh, gay ma jan tơm mbơh ma nơ i nây. Hên dja i gũ nhêt sông ndrel Păng, jêh Păng dâk rêh nây nơh.

42Kôranh Yêsu ntĩnh ma hên, đă hên mbơh nkoch nau mhe mhan ueh ăn ma bu, ndrel ma mbơh nkoch Păng dja i Kôranh Brah de ăn phat dôi dăng lě bunuyh ta neh ntu ta nar jât năp tay, bunuyh hôm rêh, ndrel ma bunuyh lě khât đổng.

43Dăng lě mpôl bunuyh ntơyh nau ngòi Kôranh Brah kăl e nơh, lě nkoch jêh nau khlay Kôranh Yêsu. Khân păng nkoch Kôranh Brah yỗ ndach mâu hôm

kơp nau tih ma dāng lě bunuyh i nsing ma Brah Krist, yor ma ndr Pāng lě jêh jan.”

Mpôl i mâu di phung Israel geh sỏ đơn Brah Huêng Ueh

⁴⁴Dôl Pêtrôh hôm e ngơi, Brah Huêng Ueh i kloh ueh jữr gủ ta khân pāng i gủ iăt nau pāng ngơi này.

⁴⁵Lõng mpôl nsing ma Brah Yêsu i hăn ndrel Pêtrôh này nơh, khân pāng phung Israel i geh koh ntô dadê. Khân pāng ndrôt hih rhõl ngăn mâu văt ôh, say Kôranh Brah troch ăn Brah Huêng Ueh i kloh ueh gủ ta mpôl phung i mâu di phung Israel đơng,

⁴⁶yorlah khân pāng tǎng mpôl i này ngơi ta nau ngơi êng êng i mpôl i này mâu ôh blaon gơi a lor nơh, tǎng mpôl i này rnê ma Kôranh Brah. Jêh ri Pêtrôh lah:

⁴⁷“Khân pāng lě đơn Brah Huêng Ueh i kloh ueh gủ ta khân pāng tâm ban ma bân đơng, lah ndr bu moh hôm đơi buay ma mpôl dja mâu ăn jan bắptem yũk ma dak?”

⁴⁸Jêh ri Pêtrôh đǎ bu jan bắptem yũk ma dak ăn ma mpôl i này ta rnha Brah Yêsu Krist. Jêh jan bắptem ri, bu kỏn Pêtrôh ăn gủ ndr ta ri jỏ bar pe nar jăt.

Kôranh Oh Mon 11

Pêtrôh mboh nkoch ăn ma phung nsing ta bon Yêrusalem

¹Jêh ri mpôl kôranh oh mon, ndr ta phung nsing ma Brah Yêsu i gủ ta bri Yuđa, khân pāng lě tǎng lữ geh phung i mâu di phung Israel sỏ đơn nau Kôranh Brah đơng.

²Dôl Pêtrôh săt tăt ta bon Yêrusalem, geh phung nsing ma Brah Yêsu i phung Israel nduih ma pāng kỏt nđa:

³“May tih ngăn lắp ta jay phung i mâu di phung Israel, lơ ma hô tih jăt may lě nhêt sông ndr ta phung i này đơng.”

⁴Jêh ri Pêtrôh mboh nkoch dāng lě nau i này ăn ma bu gủt:

- ⁵“Nôk gâp gũ ta ðon Yôppê, ðôl gâp mbơh sơm, gâp tâm say geh tâm ban ma du blah bok laih kuống, kât puăn njôn, yur tă bơh kalơ ti tât ta gâp ri.
- ⁶Ðôl gâp gũ uảnh n'hêl ndơ i này, gâp say geh ăp ntil mpômpa (siũm) jống puăn, mpômpa (siũm) bri, mpômpa (siũm) hung vớ, ndrel ma siũm mpăr kalơ trôk, geh ðồng mpômpa (siũm) mâu kloh mâu ôh di ma sa tâng nau vay phung bân.
- ⁷Jêh ri gâp tăng ngơi tă bơh kalơ trôk ti lah ma gâp: ‘Hơi Pêtrôs! May nkhât mpômpa (siũm) dja ma gũch sa ðô!’
- ⁸Yơn ma gâp rlăch ma Păng kơt ñđa: ‘Mâu ôh Kôranh, yorlah ndơ i mâu kloh mâu di ma sa, gâp mâu ôh vay sa ta du njăr nau rêh gâp’.
- ⁹Jêh ri ngơi tă kalơ trôk ti lah tay ma gâp ðồng, này jêng ngơi tồ bar, Păng lah kơt ñđa: ‘Moh ndơ Kôranh Brah jan lể kloh jêh, lơi hôm ôh kơp ndơ này ðở’.
- ¹⁰Nau i này geh pe tở ngăn, jêh ri ðâng lể ndơ i này n'hao tay kalơ trôk ti lể phiao.
- ¹¹Nôk này ðô ma geh bunuyh pe nuyh tât ta jay gâp gũ ri, bu ðă hăn joi gâp, khân păng tă bơh ðon Sêsara.
- ¹²Brah Huêng Ueh lah ma gâp, ðă gâp hăn ndrel khân păng ro, lơi ôh vĩ vể. Jêh ri geh phung oh nô nsing ma Kôranh Yêsu prao nuyh dja hăn ndrel ðồng, tât ta này hên lăp ta jay Kônêlê ri.
- ¹³Jêh ri păng nkoch bri ma hên nau păng tâm say ma tông păr ta jay păng nơm. Tông păr ri lah ma păng: ‘May ðă bu hăn ta ðon Yôppê, jă rnha Simôn i bu kuăl Pêtrôs ðồng văch ta dja.
- ¹⁴Păng i này mbơh nkoch ma may, ăn may, ndrel ma lể rnăk vâl may geh rklaih ðồng’.
- ¹⁵Ðôl gâp nơm ngơi ma khân păng, Brah Huêng Ueh i kloh ueh jữr gũ ta khân păng ri, tâm ban ma păng jữr gũ ta bân bơh nơm nơh ta nôk nhêt bũn 50 nar nơh ðồng.

¹⁶Dôl này gáp kah gít nau Kôranh Yêsu lah nơh: ‘Yôhan-Baptem jan bắptem ăn bu yũk ma dak, yơn ma jăt nắp tay Kôranh Brah ũch ăn Brah Huêng Ueh jũr gũ ta sắk khân may. Nđơ i này tâm ban ma khân may yũk ma Brah Huêng Ueh i kloh ueh’.

¹⁷Lah Kôranh Brah ăn Brah Huêng Ueh gũ ta khân pắng, tâm ban Pắng ăn ma bần nôk bần nsing ma Kôranh Yêsu Krist nơh, lah ndri bu moh gáp dja dắng geh ma đơi buay Kôranh Brah?”

¹⁸Tăt ma tắng nau này, phung i này mâu hôm ôh ngơi du tong, jêh ri khân pắng rnê ma Kôranh Brah, khân pắng lah: “Lah ndri phung i mâu di phung Israel, Kôranh Brah ăn nau rêh n'ho ro đắng, lah khân pắng rgắl nuih n'hâm đjơh.”

Phung nsing ta bon kuông Öntiyôk

¹⁹Jêh bu nkhăt Satêphan, ntơm bớh này bu jan jêr ma phung nsing ma Brah Yêsu đắng, jêh ri geh ỏk phung nsing du lôh bớh bon Yêrusalem nchuăt nhhing nhhang. Abắ hắn ta bri Phênis, abắ hắn ta gồl dak Kipros, abắ jăt hắn ta bon kuông Öntiyôk. Lẻ phung này mbớh nkoch Brah Yêsu, đơn mbớh nkoch ăn ma phung Israel đơm.

²⁰Yơn ma geh bunuyh ta phung này ớm tắ bớh gồl dak Kipros, ndrel bon kuông Kiren, hắn ta bon Öntiyôk. Khân pắng mbớh nkoch nau mhe mhan ueh Kôranh Yêsu ăn ma phung i mâu di phung Israel đắng.

²¹Nau đơi Kôranh Brah gũ ndrel khân pắng, jêh ri geh ỏk bunuyh sắt nsing ma Kôranh Yêsu.

²²Phung nsing ma Brah Krist ta bon Yêrusalem ri tắng lữ nau này, jêh ri khân pắng đắ Barnabas hắn ta bon Öntiyôk ri.

²³Tăt ta ri, pắng say nau yỏ kuông Kôranh Brah ăn ma khân pắng, pắng rắm maak ngắn. Jêh ri pắng ntũm nti ăn ma dắng lẻ khân pắng, ăn gũ nắp nsing ma Kôranh Yêsu ma lẻ nuih n'hâm.

²⁴Păng jêng bunuyh geh nuih n'hâm ueh, Brah Huêng Ueh i kloh ueh gũ ta păng ngăn, ndrel ma geh nau nsing nâp ngăn. Jêh ri geh ôk bunuyh sât nsing ma Kôranh Yêsu.

²⁵Jêh ri Barnabas hăn ta ðon Tasos, gay ma joi Sôl ta ðon nây.

²⁶Tât ma say ri, Barnabas leo păng hăn ta ðon Öntiyôk. Bar hê khân păng ri gũ ndrel phung nsing ma Brah Krist ta ðon nây jô du năm, n'ho ma geh ôk ðon lan i khân păng ntüm nti đöng. Ta ðon Öntiyôk dja ntöm bök dak bu kuäl phung oh mon lah 'Phung Brah Krist'.

²⁷Nôk nây geh mpôl oh mon abă khân păng bunuyh ntöyh nau ngöi Kôranh Brah tă bôh ðon Yêrusalem hăn tât ta ðon Öntiyôk ri.

²⁸Ta mpôl i nây geh du huê bu klô rnha păng Agabus, păng dâk, jêh ri lah yor ma Brah Huêng Ueh đã păng, păng lah: "Mâu jô jât geh nau ji sôt ji ngot kuông lam neh ntu dja." Nau nây geh ngăn ro ta nôk kôranh kađäch Klôdês ta ðon kuông Rôm mât uănh.

²⁹Tăng nau Agabus ngöi kôt nây, phung nsing ma Brah Yêsu ta ðon Öntiyôk lě üch kôl njuäl prak ăn ma phung nsing gũ ta bri Yuđa tâng khân păng nôm geh du huê du huê.

³⁰Khân păng njuäl prak i nây ta Barnabas, ndrel ma Sôl ăn ma kôranh phung nsing ma Brah Krist ta ðon Yêrusalem.

Kôranh Oh Mon 12

Bu nkhât Yakos, Pêtrôs bu krüng ta trôm ndrung

¹Nôk nây, kađäch Hêrôt ntöm jan jêr ma bunuyh abă ta phung nsing ma Brah Krist.

²Păng đã bu nkhât lơi kôranh oh mon rnha Yakos, i nô Yôhan ma đao.

³Jêh ri păng đã bu nhüp Pêtrôs đöng, yor ma păng say kôranh bri Yuđa răm ngăn ma nau nây. Nôk nây bu hôm nhêt bñn nũmpăng mâu geh ndrui.

- ⁴Jêh nhũp ri bu tẻ păng ta trôm ndrung, jêh ri kađäch đã phung taken puăn mpôl gũ njrăng Pêtrôs ri, du mpôl geh puăn nuyh. Nau mân kađäch ếch phat dôih Pêtrôs ta nấp phung bon lan jêh nhêt bũn n'hot ri tay.
- ⁵Pêtrôs bu krũng ta trôm ndrung ri. Lõng phung nsing ma Brah Krist ri leo bảl mboh sơm dẫn ma Kôranh Brah dứt n'hâm ngăn, dẫn kôl ma păng.
- ⁶Dôl kađäch Hêrôt mân ếch leo Pêtrôs ma phat dôih, mǎng nây Pêtrôs bêch geh rse rvăk bar rse kât ta ti păng ri, chiaio ma păng ri geh bar hê taken bêch ndrel ta ri, ta bôk mpông ndrung ri geh taken kôp njrăng đống.
- ⁷Dôl nây dô ma geh tông pǎr Kôranh Brah vǎch ta ri, chrát ang lam trôm ndrung ri ngăn. Tông pǎr kleh rlay Pêtrôs bớh pũng dak, păng lah: “May dâk ǎn ngǎch hỏm!” Lõng rse rvăk ri rlốt êng pruyh bớh ti păng.
- ⁸Jêh ri tông pǎr lah ma păng: “Kât rse bứt, ndrel ma ntrũp ntô jot may nây hỏm!” Pêtrôs jan boi nau păng đã. Tông pǎr lah jât ma păng: “Nsoh hỏm ao kuông may nây, jêh ri hǎn tâng gập.”
- ⁹Jêh ri Pêtrôs lôh tâng tông pǎr nây ro, păng mầu mân ôh nau tông pǎr jan ma păng nây jêng nau ngăn, păng đôn lah say nau tâm say đơm.
- ¹⁰Tông pǎr, ndrel ma Pêtrôs hǎn glăt ntũk bu kôp njrăng du kớn, ndrel ma ntũk bu kôp njrăng bar kớn, jêh ri n'hot tât ta mpông loyh i lôh tât ta bon. Mpông i nây lẻ ớm pớk êng ro ta nấp khân păng ri, jêh ri khân păng lôh bớh nây. Dôl khân păng hǎn rỏ trong nguai, Pêtrôs mầu hỏm ôh say tông pǎr, dô ma roh klăk ro.
- ¹¹Jêh ri Pêtrôs gít sǎk, păng lah: “Abơ dja lẻ gập gít jêh nau dja jêng nau ngăn. Kôranh Brah njuăl tông pǎr Păng hǎn rklaih gập bớh ti kađäch Hêrôt, ndrel ma bớh nau ếch phung kôranh bri Yuda ếch lơh ma gập.”
- ¹²Jêh mân kớt nây, păng hǎn ta jay Mari i mẽ Yôhan i bu kuăl Markôs đống. Jay i nây geh ỏk bunuyh gũ rbũn mboh sơm tât ta nây.
- ¹³Păng kuăl bớh dih mpông ri, ta nây geh du huê bu ur kớl jan kar rnha Rôđa, hǎn ran iăt ta bôk mpông.

¹⁴Tât păng năl lah bởr Pêtrô, păng rằm ir, tât ma chuêl pơk mpông ma păng, nchuăt plở mboh ma bu lah: “Hơi khân ay may! Pêtrô ta bởh dih mpông.”

¹⁵Bu lah ma păng: “Ay ndât dah ma lah.” Yơn ma bu ur nây hôm jöl ko lah ma khân păng: “Păng ngăn ro.” Bu lah: “Gĩt ma tông pãr i njrăng păng dơm.”

¹⁶Yơn ma Pêtrô hôm kuăl bởh dih mpông ri nanao, jêh ri bu pơk mpông. Tât ma say păng ri, bu ndrôt hih rhöl ngăn mâu vât ôh.

¹⁷Pêtrô jan ma ti gay ma ăn khân păng gũ rklăk, păng mboh nkoch mớ m bả Kôranh Brah kớl ma păng, dâng geh ma dơi lôh bởh trôm ndrung nây nơh. Jêh ri păng ntính ma khân păng: “Đã khân ay may mboh nkoch nau dja ăn ma Yakơ, ndrel ma phung nsing dâng lể ăn khân păng gĩt đổng.” Jêh ri păng hăn n'hot tay ntũk êng jât.

¹⁸Tât bri ang ôi, taken ri geh nau uh ah ngăn, yor ma mâu hôm say Pêtrô.

¹⁹Kadăch đã bu joi păng, yơn ma joi mâu hôm say ôh, kadăch ôp jek phung taken nây, jêh ri đã bu nkhât lơi khân păng i nây. Jêh bởh nây kadăch lôh bởh bri Yuda, hăn gũ ta bon Sêsara.

Nau khât kadăch Hêrôt

²⁰Kadăch Hêrôt mâu tâm di ôh ma bunuyh ta bon kuống Tirus, ndrel ma bunuyh ta bon kuống Sidôn, păng ji nuh hô ngăn. Yơn ma phung nây geh nau mân du ntô nau dơm gay ma bở mập kadăch ri. Khân păng tâm rnglăp ndrel Blastus, jêng bunuyh kuống jan kar ma kadăch, gay ma geh nau đăp mpăn ndrel kadăch, yorlah ndơ sông sa ta bri khân păng nơh sỏ tả bởh bri kadăch nây.

²¹Tât lể di nar tâm nal, Hêrôt nsoh n'gut ao ueh hao gũ ta rnoł kadăch păng ri, jêh ri ngơi ăn ma phung bon lan gũ iăt.

²²Lể phung bon lan nter rnê dũt nteh nteh: “Dja jêng nau ngơi brah, mâu ôh di nau ngơi bunuyh!”

²³Du n'hâm ta nây, geh du huê tông pãr Kôranh Brah hăn lơh lơi kadăch nây, yorlah păng dơn nau yơk mbah i nây ma păng nơ m i di ma ăn Kôranh Brah dơm. Păng khât yor ma rhai sa.

²⁴Lõng nau Kôranh Brah lơ ma hô bunuyh tăng, jêh ri bunuyh sât nsing ma Brah Yêsu lơ ma ők đống.

²⁵Barnabas, ndrel ma Sôl ri, jêh khân păng njũn prăk ta phung nsing ma Brah Krist ta ðon Yêrusalem lě phiao, jêh ri lôh bớh này plở sât tay ta ðon Öntiyôk, n'ho ma leo Yôhan i bu kuăl Markôs hăn ndrel khân păng đống.

Kôranh Oh Mon 13

Brah Huêng Ueh kớih Barnabas, ndrel ma Sôl

¹Phung nsing ma Brah Krist ta ðon Öntiyôk ri, geh bunuyh abă jêng phung ntớyh nau ngới Kôranh Brah, bunuyh abă jêng phung nớm nti. Ta này geh Barnabas, geh Simêôn i bu kuăl Niger, geh Lukês tă bớh ðon kuống Kiren, geh Manaên i bu măt bớh jẻ gũ ndrel Hêrôt-Öntipas i kớranh măt uảnh bri Galilê, ndrel ma geh Sôl.

²Geh du nar dól khân păng yớk mbah ma Kôranh Brah, ndập ma ăt sông, Brah Huêng Ueh i kloh ueh lah ma khân păng: “Nkhah ăn êng Barnabas, ndrel ma Sôl ma Gáp, yorlah Gáp ứch ăn bar hê khân păng này gay ma jan kar êng i Gáp ndrăp ăn khân păng jan.”

³Jêh khân păng ăt sông, ndrel ma mbớh sớm, jêh ri khân păng tẻ ti ta bar hê khân păng này, n'ho ma ăn khân păng hăn ro gay ma jan kar i Brah Huêng Ueh đã khân păng này.

Barnabas, ndrel ma Pôl hăn ta gól dak Kipros

⁴Brah Huêng Ueh i kloh ueh đã bar hê khân păng này hăn ta ðon Sêlớsia, jêh ri khân păng jũr ncho duk tă bớh này hăn ta ðon Salamin ta gól dak Kipros.

⁵Tăt ta ðon này, bar hê khân păng này mbớh nkoch nau Kôranh Brah ta nhih rbũn phung Israel, geh ndập ma Yôhan i bu kuăl Markôs hăn kớl ndrel đống.

⁶Jêh ri khân păng hăn đống rỏ gól dak này tăt ta ðon Paphôs . Ta ðon này khân păng mập ma du huê bunuyh măt n'ang jan ndớ ma nau dới brah djớh, rnha păng Bar-Yêsu, păng phung Israel, păng bunuyh ntớyh nklă nau ngới Kôranh Brah đống.

⁷Păng gũ ndrel kôranh mât uănh gôl dak Kipros, rnha Sekês-Pôlus jêng bunuyh geh nau mân gĩt blao. Jêh ri kôranh i nây đã bu jă Barnabas, ndrel ma Sôl, yorlah păng ũch iăt nau Kôranh Brah.

⁸Bunuyh mât n'ang i nây ta nau ngơi Grek bu kuăl păng Êlimas đống, lũng păng tâm rdâng đah ma bar hê khân păng ri, păng nkhang kôranh i nây mâu ôh ăn păng nsing ma Brah Yêsu.

⁹Dôl nây Sôl i bu kuăl Pôl đống, Brah Huêng Ueh i kloh ueh gũ ta păng ngăn, jêh ri păng uănh phống jăt bunuyh mât n'ang i nây, n'ho ma lah:

¹⁰“Yê! May i bunuyh jan mỗn đơm, bunuyh blao nau mbrôh hô ir! May i nây kon brah đơh, lể ndrơ nau sống, may rlăch, ndrì may jêng bu năch rlăng đah ma lể ndrơ nau sống. Mơm may lah nâng nau sống Kôranh Brah jêng nau mbrôh chrao?”

¹¹Abơ dja, nau đơi Kôranh Brah tâm rdâng jan ăn may cheh măt, ăn may uănh mâu say ang jổ oi.” Du n'hâm ta nây măt păng đô ma ngo ro, uănh mâu say ôh. Brổ but but, đã bu sơm têk.

¹²Jêh ri kôranh i nây nsing ma Kôranh Yêsu ro, yorlah păng lể say nau i nây, ndrăp ma ndrôt hih rhôl nau nti ma Kôranh Yêsu nây lể nau ngăn.

Pôl, ndrel ma Barnabas gũ ta bon Ōntiyôk bri Phisidĩa

¹³Jêh ri Pôl, ndrel ma bắl mpôl păng jữr ncho duk tă bớh bon Paphôs, hăn ta bon Pơga bri Pamphilia. Tăt ta bon Pơga nây Yôhan ntloĩ khân păng ta nây hăn plở săt ta bon Yêrusalem.

¹⁴Lũng Pôl, ndrel ma Barnabas ri, lôh tă bớh bon Pơga, nkre n'hot tăt ta bon Ōntiyôk bri Phisidĩa. Ta nar Sabăt i nar rlu phung Israel, bar hê khân păng nây lăp gũ ta nhìh rbũn phung Israel ri.

¹⁵Tăt jêh bu rổ ta nau vay Môsê, ndrel ma sambăt bunuyh ntơyh nau ngơi Kôranh Brah, kôranh abă ta nhìh rbũn nây đã bu mbrôh ma bar hê khân păng ri: “Hơi oh nô, lah khân may geh nau ũch mbrôh nkoch ma n'hao nuh n'hâm ăn ma phung bon lan, ngơi hỏm.”

¹⁶Jêh ri Pôl dâk, păng yor ti ăn khân păng gũ rklăk: “Hơi oh nô kônkh va phung Israel, ndrel ma phung i mâu di phung Israel klach iăt nau Kôranh Brah, khân ay may iăt gâp hõm.

¹⁷Kôranh Brah i phung Israel bân dja yor mbah, lě kơih jêh phung u che bân kăi e nơh gay ma jêng bon lan Păng nơm, ndrel ma Păng ăn bāk rở dôi khân păng gũ ta bri Êsip. Jêh bơh nây, Păng leo khân păng du lôh tă bơh bri nây yor ma nau dơi Kôranh Brah nơm.

¹⁸Jêh ri Păng hơm ăt nuh ma nau tih khân păng dôi gũ 40 năm ta bri rdah.

¹⁹Jêh Kôranh Brah lơh rai lě phiao pơh bri dak gũ ta bri Kanaan nây, jêh ri Păng ăn bri dak i nây ma phung bon lan bân gũ.

²⁰Ntơm bơh khân păng hăn lăp ta bri Êsip, tăt ma lăp ta bri Kanaan, geh 450 năm, jêh ri Kôranh Brah ăn geh kôranh phat dôi dơm măt uănkh phung bon lan Israel, n'ho ma tăt bunuyh ntơy nau ngơi Kôranh Brah rnha Samuel.

²¹Jêh bơh nây jăt, khân păng leo băl dăn ăn geh du huê kađăch ma khân păng, jêh ri Kôranh Brah ăn geh kađăch ma khân păng ro, Păng sỏ Sôl i kon bu klô Kis tă bơh rnoi deh mpôl Benjamin ăn jan kađăch geh 40 năm.

²²Jêh ri Kôranh Brah ngiôh lơi Sôl nây, Păng sỏ David ăn jan kađăch. Kôranh Brah nkoch lah ma David nây: ‘Gâp lě say du huê bunuyh, rnha David kon bu klô Yêse, păng di nuh n'hâm Gâp ngăn, yorlah păng mra jan dăng lě nau Gâp ũch’.

²³Tâng ma nau Păng lě ton nơh, ta rnoi deh kađăch David i nây, Kôranh Brah ăn Kôranh Yêsu jêng nơm rklaih phung bon lan Israel.

²⁴Ê lor ma Kôranh Yêsu văch, Yôhan-Baptem lě m bơh jêh ma dăng lě phung bon lan phung Israel, đă rgâl lơi nuh n'hâm djơh jan baptem yũk ma dak.

²⁵Nôk păng jan bơi ma jêh lě phiao kar i Kôranh Brah đă păng jan nây, păng lah ma phung bon lan: ‘Khân ay may mân gâp dja i Brah Krist Kôranh Brah ton ma njuăl bơh? Gâp dja mâu di ôh, yơn ma Păng tăt bơh kơi gâp. Ta năp Păng gâp jêng bunuyh jě lě dơm, bol lah gâp sơm droh ntô jot Păng, hơm e măt hỏ di đah nau jan kar Păng đơng’.”

²⁶“Hơi khân ay may i phung oh nô kon sau Abrahăm, ndrel ma phung klach iăt nau Kôranh Brah i mâu di phung Israel! Ma bân dăng lẽ i Kôranh Brah ăn gít mớ̄m Păng jan gay ma rklaih bunuyh.

²⁷Bunuyh ta ðon Yêrusalem, ndrel ma phung kôranh khân păng ta ðon này, mâu ôh gít năl Kôranh Yêsu jêng nớ̄m rklaih khân păng. Ấp nar Sabăt i nar rlu phung Israel khân păng vay rỏ nau mpôl bunuyh ntớ̄yh nau ngời Kôranh Brah kăl e nớ̄h lẽ nchih, tih ma khân păng mâu ôh vật nau i này, ndri khân păng phat dôih nkhăt lới Ôbăl tâm di ma nau i lẽ nchih ta này.

²⁸Bol lah khân păng joi nau tih ma nkhăt ta Păng ri mâu say, khân păng hôm e dân ma Pilat gay ma nkhăt Kôranh Yêsu.

²⁹Jêh khân păng jan lẽ ndớ̄ i mpôl bunuyh ntớ̄yh nau ngời Kôranh Brah kăl e nớ̄h lẽ nchih jêh ma sắk Păng, jêh ri bu njữr sắk Kôranh Yêsu bớ̄h si tâm rkắng ri, njor Păng ta môch.

³⁰Yớ̄n ma Kôranh Brah jan ăn Păng dắk rêh tay.

³¹Jêh ri Păng tâm mpớ̄l sắk Păng ỏk nar ăn ma phung brỏ ndrel Păng tă bớ̄h bri Galilê, hắn ta ðon Yêrusalem. Ấbaō dja lẽ phung i này, jêng bunuyh tớ̄m nkoch nau khlay Păng ăn ma phung Israel.”

³²“Ấbaō dja hên mbớ̄h nau mhe mhan ueh dja ma khân ay may, jêng nau Kôranh Brah lẽ ton jêh ma phung u che bân kăl e nớ̄h.

³³Nau i này abaō dja Păng lẽ jan ma bân i kon sau khân păng này, Păng jan Kôranh Yêsu ăn dắk rêh jêng di ma nau mprō ớ̄m ta nkỏ̄ bar Kôranh Brah lah: ‘May dja Kon Gáp nớ̄m. Nar dja Gáp ăn bu gít, Gáp Bớ̄ May ngắn’ .

³⁴Kôranh Brah ăn Kôranh Yêsu dắk rêh kớ̄t này, mâu ôh ăn sắk jắn Păng blao om jắt, jêng di ma nau Păng lah ma u che bân kăl e nớ̄h kớ̄t nắđa: ‘Nau geh jêng kloh ueh i Gáp lẽ ton ăn ma kắđắch Đavid kăl e nớ̄h, nau i này Gáp ăn ma khân ay may ngắn ro’ .

³⁵Kớ̄t ndri ta du nau mprō ớ̄m êng jắt nau kắđắch Đavid mbớ̄h sớ̄m geh nchih kớ̄t nắđa đớ̄ng: ‘May mâu ôh ăn sắk jắn Bunuyh kloh ueh blao om’ .

³⁶Nôk kađäch Ðavid hôm rêh păng jan tâng nau Kôranh Brah ũch, jêh păng khât, bu tốp păng kơt phung u che păng đống, jêh ri sắk jăn păng ôm, ndri păng mâu ôh ngơi ma păng nơm ta nau mprọ i này,

³⁷yơn ma păng ngơi ma Brah Yêsu i Kôranh Brah jan ăn Păng đák rêh này, kơt ndri sắk jăn Păng mâu geh ôh ôm.

³⁸Hơi oh nô, kơt ndri nau hên mbọh nkoch dja ma khân ay may gay ăn khân ay may gít n'hêl naně: Yor ma Kôranh Yêsu dja dâng Kôranh Brah yố ndach mâu hôm kơp nau tih ta khân ay may.

³⁹Iăt tâng nau vay phung Israel mâu ôh dơi rklaih bọh nau tih bunuyh, yơn ma dâng lể bunuyh i nsing ma Kôranh Yêsu geh rklaih bọh nau tih i này.

⁴⁰Kơt ndri ăn khân ay may njrăng hồm, klach lah jêng di ma khân ay may tâng ma nau bunuyh ntơyh nau ngơi Kôranh Brah kăl e nơh lể nchih jêh:

⁴¹'Kôranh Brah lah: 'Hơi phung bunuyh mưch rmot Gáp,

Ăn khân ay may uănh hồm, jêh ri ndrốt hih rhől mâu văt ôh, n'ho ma roh hêng ro, Yorlah Gáp jan kar du ntil nau ta rnôk khân ay may. Kar i này khân ay may mâu iăt ôh, bol lah geh bunuyh mbọh nkoch ma khân ay may kađôi lể” .”

⁴²Rbũn lể lôch jêh, dôi Pôl, ndrel ma Barnabas du lôh bọh nhieh rbũn này, phung gũ rbũn ta này ntrôl đã khân păng plở nti tay nau i này ta nar Sabăt jăt nấp tay.

⁴³Jêh nau tâm rbũn này, geh ốk ngăn bunuyh hăn tâng khân păng, ta này geh phung Israel, ndrel ma phung i mâu di phung Israel lăp phung Israel. Bar hê khân păng này nkoch bri ma phung i này, n'ho ma nti phung i này ăn gũ nấp ta nau ueh Kôranh Brah.

⁴⁴Jêh ri tăt nar Sabăt bọh kơi, phung bon lan ta bon này hăn rbũn iăt nau Kôranh Brah ốk ngăn, bơi ma lể du bon này ro.

⁴⁵Yơn ma nôk phung Israel say bunuyh ốk kơt này, khân păng mâu nach ngơi tâm rdâng đah nau Pôl nti, n'ho ma rak suai ma ôbăl hô ngăn.

⁴⁶Jêh ri Pôl, ndrel ma Barnabas, khân păng bãnh ngơi lah ma bu kơt nđa: “Iăt ma hên mboh nkoch nau Kôranh Brah lor ma phung khân ay may i di phung Israel. Tih ma khân ay may rlăch mâu ếch ôh sỗ đơn, kơt ndri khân ay may kơp êng khân ay may mâu di Kôranh Brah ăn nau rêh n'ho ro đơng. Kơt ndri dăng hên abao' dja mboh nkoch nau dja ăn ma phung i mâu di phung Israel.

⁴⁷Yorlah Kôranh Brah lě đă hên kơt nđa: ‘Gáp njêng may jêng nđơ ang ma phung i mâu di phung Israel, Gay ma may leo nau rklaih tăt lam ntũk jũm bri vữr neh’ .”

⁴⁸Tăt phung i mâu di phung Israel tắng nau nây, khân păng rằm maak ngăn, khân păng rnê ma Kôranh Brah yor ma nau mboh nkoch i nây. Lõng mpôl i Kôranh Brah lě kơih ma ăn geh nau rêh n'ho ro, khân păng leo bảl săt nsing ma Brah Yêsu dadê.

⁴⁹Nau Kôranh Brah bu tắng lữ lam bri nây ngăn.

⁵⁰Geh phung bu ur i ndrõng ta bon nây, khân păng yơk mbah ma Kôranh Brah. Lõng phung Israel i mâu ôh nsing ma Brah Yêsu nsôch phung bu ur i nây, ndrel ma nsôch phung kôranh ta bon nây, leo bảl jan jêr ma Pôl, ndrel ma Barnabas, ntrũt ôbảl du lôh bơh bri neh khân păng nây.

⁵¹Pôl, ndrel ma Barnabas rtôh neh môi bơh jõng khân păng nơm, jêh ri hăn ta bon Ikôniam.

⁵²Jêh khân păng lôh bơh nây, phung nsing ta bon Öntiyôk ri, khân păng hôm geh nau rằm maak ngăn, ndrel ma Brah Huêng Ueh i kloh ueh gũ ta khân păng đơng.

Kôranh Oh Mon 14

Pôl, ndrel ma Barnabas gũ ta bon Ikôniam

¹Tăt ta bon Ikôniam Pôl, ndrel ma Barnabas, ăp nar rlu phung Israel khân păng hăn ta nhih rữn phung Israel, n'ho ma nti nau Kôranh Brah. Yor ma nau khân păng blao ngơi geh ők phung Israel săt nsing ma Brah Yêsu, nđap ma phung i mâu di phung Israel đơng.

²Tih ma phung Israel i mâu nsing, khân păng nsôch ma phung i mâu di phung Israel i mâu nsing, đã tâm rdâng ma phung nsing.

³Ndri dâng Pôl, ndrel ma Barnabas, khân păng gũ ta bon i này jô nar. Khân păng bãnh ngãn mboh nkoch ma nau ueh Brah Yêsu, Păng ăn khân păng jan nau mbên êng êng lě nau ngãn, gay ma nhho nau khân păng nkoch jêng di ngãn.

⁴Yon ma bunuyh ta bon này tâm nkah mpôl, abă tâng mpeh ma phung Israel, abă jât tâng mpeh ma mpôl kôranh oh mon .

⁵Kot ndri dâng phung i mâu di phung Israel, ndrel ma phung Israel jêng phung i mâu nsing ma Brah Yêsu, khân păng tâm di du ntôr nau đah ma kôranh bon i này, ếch jan djoh ma bar hê khân păng này, ếch ntúp nkhât khân păng ma lă.

⁶Tât ma Pôl, ndrel ma Barnabas gĩt nau này, khân păng du nchuăt ta bri Lôkaonia, gũ ta bon Lisatra, ta bon Đơbê, ndrel ma ntũk dăch dăch ta này.

⁷Khân păng n'ho ma mboh nkoch nau mhe mhan ueh ta ăp ntũk này.

Pôl, ndrel ma Barnabas gũ ta bon Lisatra

⁸Ta bon Lisatra, geh du huê bu klô rven jông ntôm boh deh ngãn, păng brồ mâu blao ôh,

⁹păng gũ iăt nau Pôl nti. Pôl uănh jât păng ri, say păng geh nau nsing Brah Yêsu dơi jan bah nau ji,

¹⁰jêh ri Pôl lah ma păng: “May dâk ăn sông hôm!” Bu klô i này dâk ntlô đưp n'ho ma ntôm brồ ro.

¹¹Tât ma phung bon lan này say Pôl jan lě nau ngãn, dâng lě khân păng nter đrôu ma nau ngoi Lôkaonia, lah kot nđa: ‘Mpôl brah bân nglop jêng săk jăn bunuyh, lě jũr gũ ndrel bân’.

¹²Khân păng kuăl Barnabas rnha: ‘Brah Sũs’, jêh ri yorlah Pôl này jêng bunuyh ma nkoch nau ôk khân păng kuăl đong Pôl rnha: ‘Brah Hôrmês’ i brah ntôyh ta nau nkoch đơn khân păng.

13Ta ðon này geh du mlöm nhiih jan brah ma Sũs bõh nãp mpông ðon ri, jêh ri bunuyh jan brah Sũs nhiih jan brah i này têk ndrôk nkuõng abã, geh nkrõ ndâp ma nhong kao si, pãng têk ndrôk i này ta mpông ðon này, yorlah pãng, ndrel ma phung ðon lan ùch jan brah ma kôranh oh mon i này.

14Dôl Barnabas, ndrel ma Pôl lẽ gít vât nau i này, khân pãng nkhêk ao yor ma khân pãng rngot dũt hô, jêh ri ran rdôh jât phung i này, ndâp ma nter lah:

15“Hõi oh nô kôngh va, moh nau khân ay may jan kõt này? Hên dja jêng bunuyh dõm tâm ban ma khân ay may đõng, hên mbõh nkoch nau mhe mhan ueh dja ma khân ay may, ăn khân ay may du bõh nau yõk mbah ma rup brah mâu khlay mâu geh nau dõi này, jêh ri plõ sât ma Kôranh Brah i rêh ngãn, i nõm tõm rhãk njêng trõk, neh ntu, dak vãch dak vãr, ndrel ma lẽ ntil mpõmpa (siũm) geh ta này.

16Nôk kãl e nõh, ê lor ma tãng nkoch nau mhe mhan ueh, Kôranh Brah ăn bunuyh i mâu di phung Israel yõk mbah ma brah tâng khân pãng nõm ùch,

17bol lah kõt này kađôi lẽ, Kôranh Brah hôm tâm mpõl nau Pãng rõng nanao, gay ma ăn bu gít nãl Pãng. Pãng ăn khân ay may geh dak mih tã bõh trõk, Pãng ăn geh play ma sa ta di khay, Pãng ăn geh ndrõ sông sa tõng rmeh, ndrel ma nuih n'hâm rãm maak đõng.”

18Bol lah jêh khân pãng ngõi kõt này kađôi lẽ, hôm e jêr ma buay mâu ăn phung ðon lan này jan brah ma khân pãng đõng.

19Jêh ri geh phung Israel tã bõh ðon Öntiyôk bri Phisiđia, ndrel ma bõh ðon Ikôniam, khân pãng jã krêu phung ðon lan i này ăn tâng nau khân pãng, jêh ri khân pãng ntũp Pôl ma lũ, uih mbãr ôbãl bõh dih ðon, ndôn lah lẽ khât.

20Yõn ma nôk phung oh mon gũ njôm jũm pãng ri, pãng dâk bõh này hãn tay ta ðon. Kah ôi tay ri pãng, ndrel ma Barnabas hãn drom ta ðon Đõbê.

21Khân pãng mbõh nkoch nau mhe mhan ueh ta ðon này, geh õk bunuyh sât nsing ma Kôranh Yêsu. Jêh ri khân pãng plõ sât tay ta ðon Lisatra, ðon Ikôniam, ndrel ma ðon Öntiyôk bri Phisiđia.

²²Khân păng nkah phung oh mon ăn geh nuih n'hâm nập, ndâp ma n'hao nuih n'hâm gay ma ndjôt nập nau nsing. Khân păng lah: “Bân geh ők mập nau jêr, ri mớ dơi lắp ta nau Kôranh Brah mập uảnh.”

²³Jêh khân păng kơih phung kôranh ăp ntũk phung nsing ma Brah Krist, n'ho ma mớh sớ m ăt sông, jêh ri ăn phung nây ma Kôranh Brah mập uảnh, i Brah khân pre sật nsing ri nớh.

²⁴Jêh bớh nây bar hê khân păng ri hăn glăt rỏ bri Phisidia, n'ho ma hăn tăt ta bri Pamphilia.

²⁵Jêh khân păng mớh nkoch nau Kôranh Brah ta ðon Pơga, khân păng hăn ta ðon Atalia ta meng dak vắch dak vắr,

²⁶jêh ri khân păng ncho duk kuống plớ sật tay jăt ðon Ớntiyôk bri Siri, ntũk ðon i phung nsing đăn Kôranh Brah geh nau ueh kớl gay ma jan kar i khân pre mhe jêh jan nây nớh.

²⁷Tăt khân păng ta nây, khân păng rgum phung nsing ma Brah Yêsu, jêh ri mớh nkoch lể nớ Kôranh Brah de ăn khân păng jan, ndrel ma mớh nkoch nau Kôranh Brah de pớk nuih n'hâm phung i mậu di phung Israel sật nsing ma Brah Yêsu.

²⁸Jêh ri khân păng gũ jỏ ndrel phung oh mon ta nây.

Kôranh Oh Mon 15

Nau tâm nchră ta ðon Yêrusalem

¹Bớh kới nây geh bunuyh abă tă bớh bri Yuđa, ntũm nti phung nsing ta ðon Ớntiyôk kớt nđă: “Lah khân may mậu geh koh ntô tâng nau vay Môsê, khân may mậu ôh dơi geh rklaih.”

²Lống Pôl, ndrel ma Barnabas ri tâm rlăch, tâm ôp rkhêl đah phung nây dũt hô. Jêh ri phung nsing đă Pôl, đă Barnabas, ndrel ma bunuyh nsing abă êng jăt hăn ta ðon Yêrusalem ri, ứch mập phung kôranh oh mon, ndrel ma phung kôranh phung nsing ma Brah Krist êng jăt gay ma nchră nau i nây.

³Phung nsing kớl trong ma khân păng. Khân păng bở glăt rỏ bri Phênis, ndrel ma rỏ bri Samari. Ắp ntũk khân păng mập phung nsing, khân păng

mboh nkoch dâng lă nau phung i mâu di phung Israel lă sât nsing ma Brah Yêsu. Nau i này jan ăn dâng lă phung nsing geh nau răm maak hô ngăn.

⁴Tât ta bon Yêrusalem ri, phung i nsing ma Brah Krist, mpôl kôranh oh mon, ndrel ma phung kôranh phung nsing ran vôt đơn khân păng dadê. Jêh ri khân păng mboh nkoch ma phung này dâng lă nau Kôranh Brah jan ta ăp ntũk khân păng ri nơh.

⁵Ta này geh phung Pharisi abă nsing ma Brah Yêsu, khân păng dâk lah: “Iăt ma phung nsing i mâu di phung Israel geh koh ntô, ndrel ma đă khân păng ndjôt nau vay Môsê đơng.”

⁶Jêh ri mpôl kôranh oh mon, ndrel ma phung kôranh, khân păng rbũn gay ma mêt uánh nau i này.

⁷Dôl này geh nau tâm nchră bảl dũt hô, jêh ri Pêtrôd dâk, păng lah: “Hơi oh nô, khân may lă gĩt jêh Kôranh Brah kơih gáp ta phung khân may lă jô jêh, gay ma mboh nkoch nau mhe mhan ueh ăn ma phung i mâu di phung Israel, ăn khân păng sât nsing.

⁸Jêh ri Kôranh Brah i gĩt dâng lă nuĩh n'hâm bunuyh, bân gĩt Păng rom phung i này, yor ma bân lă say Păng ăn Brah Huêng Ueh i kloh ueh gũ ta khân păng, kơt Păng ăn ma bân nơh đơng.

⁹Kôranh Brah mâu geh ôh kơp bân đah ma khân păng jêng êng êng. Kôranh Brah jan nuĩh n'hâm khân păng jêng kloh ueh, yor ma khân păng nsing.

¹⁰Abao dja moh nau khân may ũch tâm rdâng ma Kôranh Brah đă khân păng jan ndơ rlau ma Kôranh Brah nơm đă? Mơm dâng khân may ũch ăn phung i mâu di phung Israel iăt dâng lă tâng nau vay bân? Phung u che bân, ndrel ma bân nar dja mâu đơi iăt dâng lă nau vay i này đơng.

¹¹Mâu di ôh! Bân mâu geh ôh nau rklaih yor ma iăt nau vay i này, bân nsing mơ geh nau rklaih yor ma nau ueh Kôranh Yêsu, jêh ri khân păng kơt ndrĩ đơng.”

¹²Jêh Pêtrôs ngời lě phung gũ r̄bũn ta ri iăt sắk rắt ng'ăt, jêh ri khân pắng kỏp iăt Pôl, ndrel ma Barnabas m̄bớh nkoch nau khlay lě nau ngấn, ndrel ma nau mbên dắng lě i Kôranh Brah jan ta nklang phung i mâu di phung Israel nớh.

¹³Jêh bar hê khân pắng nậy ngời lě phiao, Yakơ lah kớt nđa: “Hơi oh nô, khân may iăt nau gập ngời bốt.

¹⁴Pêtrôs lě m̄bớh jêh ndớh nớh, mớm dắng Kôranh Brah nhhơ nau yỗ ắn ma bunuyh i mâu di phung Israel bôk dak, gay ma kớih bunuyh bớh khân pắng ma jêng phung bon lan Pắng nớm đống.

¹⁵Nau dja jêng tâm di đah nau du huê bunuyh ntớyh nau ngời Kôranh Brah kắl e nớh lě nchih kớt nđa:

¹⁶“Kôranh Brah lah: ‘Jêh ri tay Gập plờ đống, Gập rdỏk tay bri dak kadách David i lě rlỏm, Gập rdỏk bri dak i nậy tâm ban ma bu nkra jay i lě rlỏm, Gập ắn bri dak i nậy jêng ueh tay du tớ jăt,

¹⁷Gay ma ắn phung bunuyh êng joi Gập đống, Bol lah phung i mâu di phung Israel, dắng lě bunuyh i Gập lě kuắl jêh jêng bon lan Gập nớm dadê, Ndri Gập lah.

¹⁸Gập lě ỏm ắn bu gít ndớ dja bớh kắl e nớh ngấn” .

¹⁹Lah ndri tâng ma nau gập mân, lời bắn jan ắn geh nau jêr ma phung i mâu di phung Israel i sắt nsing ma Kôranh Brah. Lời ôh bắn ắn khân pắng iăt ma dắng lě nau vay bắn.

²⁰Ắn bắn nchih sambút m̄bớh ma khân pắng kớt nđa: Lời sa ndớ ôp brah, lời tâm đống, lời sa puách mpômpa (siũm) i mâu geh lắch ắn lờh mham lě ta sắk, ndrel ma lời sa mham .

²¹Ắn bắn đắ khân pắng iăt nau để dja đờm, yorlah bớh kắl e nớh ngấn, bu vay m̄bớh nkoch nau vay Môsê ta ắp bon, ndrel ma bu rỏ sambút Môsê i geh nchih nau vay i nậy ắn ma bu tắng ta nhich r̄bũn phung Israel ta ắp nar Sabăt i nar rlu bắn đống.”

Sambút njuắl ma phung i mâu di phung Israel i lě nsing jêh ma Brah Yêsu

²²Jêh ri mpôl kôranh oh mon, phung kôranh phung nsing ma Brah Krist, ndrel ma dâng lě phung nsing, khân păng lě ũch kơih bunuyh ta phung khân păng ri, gay ma đã hăn ndrel Pôl, ndrel ma Barnabas ta bon Öntiyôk ri. Khân păng kơih Yuđas kuäl Barsabas đống, ndrel ma Silas. Bar hê khân păng này jêng phung kôranh ta nhieh brah ta bon Yêrusalem.

²³Jêh ri khân păng ndở du blah sambüt ăn ma bar hê khân păng ri. Ta sambüt này nchieh lah kơt nđa: “Hơi oh nô kôngh va, hên dja jêng mpôl kôranh oh mon, jêng phung kôranh phung nsing ta Yêrusalem. Hên jêng oh nô khân ay may i nchieh sambüt dja gay ma ũch ôp nau ueh lăng phung i mâu di phung Israel i sât nsing, gũ ta bon Öntiyôk, bri Siri, ndrel ma bri Kilikia.

²⁴Hên tăng lư, geh phung nsing abă i tă bơh bon Yêrusalem jan ăn phung khân ay may geh nau mân rvê ta nuih n'hâm, yor ma tăng nau khân păng này lah. Khân păng i này hên mâu geh ôh đã.

²⁵Kơt ndri hên lě tâm di du ntô nau, kơih bunuyh ta phung hên, gay ma đã khân păng hăn mập khân ay may, ndrel ma Pôl, ndrel Barnabas. Pôl, ndrel ma Barnabas dja i hên rông hô ngăn.

²⁶Bar hê khân păng dja lě bơi ma khât săk, jan kar ma Kôranh Yêsu Krist.

²⁷Hên njuäl Yuđas, ndrel ma Silas, gay ma khân păng mboh nkoch ma mbung khân păng nơm nau i lě geh nchieh dja ăn khân ay may ma tăng đống.

²⁸⁻²⁹Brah Huêng Ueh i kloh ueh, ndrel ma phung hên mân ũch ăn khân ay may der dâng lě ndơ dja đơm: Ver lơi sa puăch ôp brah, ver lơi sa mham, ver lơi sa puăch mpômpa (siúm) i mâu geh lăch ăn lôh mham lě ta săk, ver lơi tâm đống. Mâu di ôh lah hên số đống nau vay êng jât đã khân ay may ndjôt. Lah khân ay may der lě ndơ dja jêng ueh ngăn. Dăn nau gũ ngao khân ay may ăn geh nau đăp mpăn, dăn lě dứt dja.”

³⁰Jêh khân păng tâm ntính bảl, khân păng hăn tât ta bon Öntiyôk, jêh ri rgum dâng lě phung nsing, ndở sambüt i này ma khân păng.

³¹Jêh rỏ sambüt này, dâng lě khân păng răm maak dadê, yorlah ta sambüt này geh ngơi n'hao nuih n'hâm khân păng.

³²Yuđas, ndrel ma Silas jêng bunuyh ntøyh nau ngõi Kôranh Brah, khân păng nti òk ngăn gay ma n'hao nuih n'hâm phung nsing, ndrel ma ăn ndjôt nập nau nsing.

³³Tât jö bớh kõi nây, phung nsing ăn khân păng plở sât tay ta ntük phung kôranh phung nsing ta bon Yêrusalem i đã khân păng hăn ri nớh ma nau đấp mpăn.

³⁴[Yơn ma Silas hôm e öch gü tay ta ntük bon nây.]

³⁵Löng Pôl, ndrel ma Barnabas, khân păng hôm gü ta bon Öntiyök nây đöng, khân păng nti, n'ho ma mớh nkoch nau mhe mhan ueh Kôranh Yêsu, ndrel ma geh bunuyh nti abă òk đöng.

Pôl, ndrel ma Barnabas tâm teng bäl

³⁶Jö nar bớh kõi nây, Pôl lah ma Barnabas: “Hỗ, bân plở ôp nau ueh lăng oh nô rõ bon i bân lě jêh mớh nkoch nau Kôranh Yêsu nớh, gay ma gít mớh khân păng abao dja.”

³⁷Barnabas öch jä Yôhan kuäl Markôs, hăn ndrel khân păng,

³⁸yơn ma Pôl mâu öch ôh rom păng, yorlah a lor nớh dôi gü ta bri Pamphilia păng ntloi khân păng, mâu öch ôh hăn jan kar ndrel khân păng jât.

³⁹Jêh ri bar hê khân păng ri, jêng geh nau mân tâm rdâng bäl dứt hô, n'ho ma tât tâm teng bäl. Barnabas jä Markôs hăn ndrel păng, jêh ri khân păng jür ncho duk hăn jât gôl dak Kipros.

⁴⁰Löng Pôl ri, păng kõi Silas hăn ndrel păng. Jêh phung nsing dân nau ueh Kôranh Brah ăn ma khân păng, jêh ri khân păng lôh bớh bon nây.

⁴¹Khân păng hăn glăt rõ bri Siri, ndrel ma bri Kilikia, n'ho ma nti ta phung nsing ma Brah Krist rõ ntük êng êng ăn ndjôt nập nau nsing.

Kôranh Oh Mon 16

Timôthê hăn ndrel Pôl, ndrel Silas

¹Pôl hăn tăt ta ðon Đơbê, jêh ri păng n'hot hăn ta ðon Lisatra. Ta ðon này păng mậ du huê oh mon rnhạ Timôthê, mẽ păng phung Israel, jêng phung nsing đổng, bở păng phung Grek.

²Phung nsing ta ðon Lisatra, ndrel ma phung nsing ta ðon Ikôniam, bu lữ păng jêng bunuyh ueh.

³Pôl jă păng hăn ndrel, jêh ri koh ntô ma păng, yorlah ta bri này geh phung Israel gũ bu lữ gĩt i bở păng nớh phung Grek, klach lah phung Israel mâu ứch rom păng lah păng mâu geh koh ntô .

⁴Moh ðon Pôl hăn glăt, păng nti phung nsing ăn ndjôt nập nau mpôl kôranh oh mon nti, ndrel ma phung kôranh phung nsing ma Brah Krist i lữ jêh đă khân păng ta ðon Yêrusalem ri nớh.

⁵Kơt ndri dăng, dăng lữ phung nsing ma Brah Krist, khân păng ndjôt lơ ma nập nau nsing ma Kôranh Yêsu, ndrel ma bunuyh săt nsing ăp nar lơ ma ỏk.

Pôl tâm say ma du huê bu klô bri Masêđôn

⁶Pôl, ndrel ma bắ păng ứch hăn ta bri Asi mớh nkoch ma nau Brah Yêsu, tih ma Brah Huêng Ueh i kloh ueh buay mâu ôh ăn khân păng hăn, ndri khân păng hăn glăt rỏ bri Prikia, ndrel ma rỏ bri Galati chrao.

⁷Nôk khân păng tăt ta n'hăr bri Misa, khân păng ứch n'hot ta bri Bithunia, yơn ma Brah Huêng Ueh mâu ôh ăn khân păng hăn.

⁸Ndri dăng khân păng hăn glăt rỏ bri Misa này, tăt ta ðon Trôas.

⁹Ta mắng này Pôl tâm say ma du huê bu klô, bu klô i này tắ bớh bri Masêđôn, đăn păng hô ngăn: “Đă may hăn ta bri Masêđôn đja, kơl hên ơ.”

¹⁰Jêh păng tâm say kơt này, hêndâk ndrăp hăn ta bri Masêđôn ro, yorlah hên gĩt Kôranh Brah đă hên hăn mớh nkoch nau mhe mhan ueh ma bunuyh ta bri này.

Du huê bu ur rnhạ Liđạ săt nsing

¹¹Jêh ri hên ncho duk tắ bớh ðon Trôas, hăn ta gồl dak Samôtras, nar ôi tay hên tăt ta ðon Nêapôl.

¹²Jêh bôh này hên hăn ta ðon Philip, jêng ðon i geh nau khlay ngăn ta bri Masêđôn ri. Ta ðon i này geh ôk phung Rôm gũ, jêh ri kôp ðon i này jêng ntũk phung Rôm đống. Hên gũ ta ðon này geh bar pe nar.

¹³Ta nar Sabăt i nar rlu phung Israel, hên lôh bôh dih ðon này, hăn rỏ păt meng n'hong dak. Hên mân lah geh ntũk ma mboh sôm phung Israel . Tăt ma lě say ntũk i này, hên gũ nkoch bri ndrel phung bu ur gũ rbũn ta này.

¹⁴Ta này geh du huê bu ur rnhă Lida, păng jêng bunuyh i mâu di phung Israel, yôn ma yôk mbah ma Kôranh Brah, păng tă bôh ðon Thiathira, jêng bunuyh tách bok laiھ chăng i geh khlay ngăn. Păng tăng nau Pôl mboh nkoch, jêh ri Kôranh Brah pơk bôk tôr păng, gay ma iăt naně nau Pôl nti này, jêh ri nsing ma Brah Yêsu.

¹⁵Jêh păng đơn nau bắptem yũk ma dak, ndrel ma rnăk vâl i bunuyh gũ ta jay păng đống, păng jă hên gũ a jay păng, păng lah ma hên: “Lah khân may gít gáp nsing ma Kôranh Yêsu răp jăp, hỏ khân may hăn gũ a jay gáp.” Păng jôl ko ngăn jă hên, jêh ri hên hăn gũ a jay păng.

Bu krũng Pôl, ndrel ma Silas ta ðon Philip

¹⁶Geh du nar, dôi hên hăn ntũk mboh sôm ri, geh du huê dăk bu ur hăn tâm máp ma hên. Brah đjôh gũ ta săk păng. Brah đjôh i này ăn păng blaو nchroh nau. Bu nkhôm păng ma nchroh nau, kơt ndri dăng păng geh joi prăk ôk ăn ma phung kôranh păng.

¹⁷Păng brỏ tăng bôh kơi Pôl, ndrel ma bôh kơi hên, ndăp ma nter lah: “Khân păng dja jêng phung dăk Kôranh Brah i dũt prêh, khân păng mboh nkoch nau rklaih ăn ma phung khân ay may.”

¹⁸Păng jan kơt này ðăbơ lě jô nar ngăn, jan ăn Pôl geh nau rkhuak. Jêh ri Pôl n'gâl lah brah đjôh i này: “Ta rnhă Kôranh Yêsu Krist, gáp đă may ăn du lôh bôh bu ur này hỏm!” Jêh ri brah đjôh i này lôh bôh păng ro.

¹⁹Jêh phung kôranh păng mân lah păng mâu hôm blaو nchroh nau, mâu hôm ôh rơm geh prăk nkhôm jăt, jêh ri khân păng nhũp Pôl, ndrel ma Silas tềk khân păng ta ntũk phung kôranh phat dôiھ ta ntũk bắ phung ôk.

- ²⁰Khân păng njũn Pôl, ndrel ma Silas ma phung kôranh phat dôih n'ho ma lah: “Bunuyh dja jêng phung Israel, khân păng jan nau uh ah ta bon bân.
- ²¹Khân păng mboh nkoch nau vay êng êng ma phung bân, nau vay i này tih ma nau vay phung Rôm, mâu ôh di ăn ma phung bân sô đơn, mâu ôh di ma bân ndjôt, yorlah bân jêng phung Rôm.”
- ²²Lễ phung bon lan tâm rdâng đah bar hê khân păng này đơng, jêh ri phung kôranh phat dôih i này đã bu nkhêk bok ao khân păng, jêh ri đã bu rpăt khân păng ma mông.
- ²³Jêh rpăt bar hê khân păng ri lễ hô ngãn, bu leo khân păng tễ ta trôm ndrung, jêh ri lah ma kôranh ndrung đã njrăng ăn rấp jấp.
- ²⁴Jêh tăng nau đã này, nôm kôranh ndrung leo khân păng tễ ta trôm jrô i dứt ngay bôh mpông kuông, n'ho ma nkông jông khân păng ri ma tơm si đơng.
- ²⁵Klăp lah n'gul măng, Pôl, ndrel ma Silas hôm mboh sơm, n'ho ma mpro' rnê ma Kôranh Brah. Dâng lễ bunuyh dôih ta trôm ndrung này gũ iăt khân păng dadê.
- ²⁶Jêh ri dô ma geh n'găr neh dứt hô ta ntũk này, mpir lữ blon nhieh ndrung i này n'gơ ngãn, kơt ndri mpông ndrung pơk êng dadê, rse rvăk bu kăt bunuyh dôih dâng lễ rlốt lễ phiao đơng.
- ²⁷Tăt ma kôranh ndrung này kah rngăl, păng say mpông ndrung lễ pơk dadê, păng ndôn lah bunuyh dôih ta này lễ klaih lễ phiao. Jêh ri păng tăk đao păng nôm gay ma nkhăt săk păng nôm.
- ²⁸Yơn ma Pôl nter dứt nteh nteh lah: “Lơi ôh lơh săk may nôm kơt này, dâng lễ phung hên hôm ta dja dadê.”
- ²⁹Jêh ri kôranh ndrung này đã bu sô ũnh, păng ran lăp jăt trôm ndrung to, ndâp ma klach nsôr păn ta jông Pôl, ndrel ma ta jông Silas ri.
- ³⁰Jêh ri păng leo khân păng lôh a dih dja, păng ôp khân păng ri: “Hơi kôranh, môm gập jan mêh, gay ma dơi rklaih, bah Kôranh Brah tễ dôih ma gập?”

- 31 Pôl ơh ma păng: “Nsing ma Kôranh Yêsu, ri mớ may geh nau rklaih, may, ndrel ma rñăk vâl may geh nau rklaih đống.”
- 32 Khân păng mboh nkoch nau Kôranh Yêsu ăn ma păng, ndrel ma rñăk vâl i bunuyh gũ ta jay păng ri.
- 33 Jêh ri nôm kôranh ndrung nây leo khân păng sôm rao sôt rmanh dâng măng, n'ho ma păng đơn nau bắptem yũk ma dak ro, ndrel ma rñăk vâl i bunuyh gũ ta jay păng ri.
- 34 Jêh ri păng leo khân păng nây hao ta jay păng ri, ndrăp ndrơ sông sa ăn khân păng sông. Păng, ndrel ma rñăk vâl i bunuyh gũ ta jay păng ri geh nau răm maak ngăn, yor ma lể sât nsing ma Kôranh Brah.
- 35 Tât bri lể ang, phung kôranh phat dôi h đã taken hăn mboh ma kôranh ndrung nây, lah ma păng kớ đũa: “Mboh lơi bar hê khân păng nây.”
- 36 Jêh ri kôranh ndrung nây mboh ma Pôl, boi nau bu mboh ma păng, păng lah: “Phung kôranh phat dôi h đã bu hăn mboh, đã mboh khân may. Lah ndrì khân may hăn dơ, ăn ueh đăp mpăn.”
- 37 Yơn lah Pôl ơh ma phung i nây kớ đũa: “Hên dja jêng phung bon lan Rôm heh. Khân păng ê hỏ phat dôi h hên ôh, lể r păt hên ta năp bảl phung ỏk, jêh ri tể hên ta trôm ndrung đống. Abơ dja khân păng ũch mboh ntũng hên mầu ăn bu gít. Jan kớ đũa ma phung Rôm mầu di ôh, ăn khân păng nôm i nây bở mboh hên, ri mớ ũch.”
- 38 Jêh ri phung i nây hăn mboh nau nây ma phung kôranh phat dôi h. Phung kôranh phat dôi h nây klach ngăn, tât ma gít lah bar hê khân păng nây jêng phung bon lan Rôm.
- 39 Khân păng bở đẫn dôi h Pôl, ndrel ma Silas ri, n'ho ma mboh khân păng lôh bớ ndrung, bonh khân păng ăn du lôh bớ bon i nây.
- 40 Jêh lôh bớ ndrung nây, bar hê khân păng nây hăn ta jay Liđa, mậ phung nsing ma Brah Krist n'hao nuih n'hâm phung nây, ri mớ khân păng hăn jât bon êng.

Kôranh Oh Mon 17

Pôl, ndrel ma Silas hăn ta bon Têsalônîk

¹Jêh ri Pôl, ndrel ma Silas hăn glăt rồ bon Ămhipôli, ndrel ma glăt rồ bon Apulôni, khân păng hăn tăt ta bon Têsalônîk. Ta bon nây geh du mlôm nhîh rỗn phung Israel.

²Tâng ma nau vay Pôl nơh, păng lăp ta nhîh rỗn ri, ndrel ma tâm rlăch tâm nchră uănh Nau Kôranh Brah Ngơi đah bu pe pơh, ăp nar Sabăt i nar rlu phung Israel.

³Păng đống Nau Kôranh Brah Ngơi i nây mboh nkoch ăn bu n'hêl naně, Brah Krist i nơm rklaih i Kôranh Brah lě ton ma phung Israel iăt ma geh nau rêh rnhăl, n'ho ma tăt khăt, jêh ri dăk rêh tay. Păng lah: “Brah Krist i nây, Păng Kôranh Yêsu i gáp mboh ma khân ay may nơh.”

⁴Geh phung Israel abă iăt tâng Pôl, ndrel ma Silas. Geh phung Grek i yơk mbah Kôranh Brah ők đống, ndăp ma phung bu ur jan kuông ők đống iăt tâng khân păng.

⁵Lõng phung Israel i mâu iăt tâng khân păng, phung i nây mâu nach yor ma say ők bunuyh tâng bar hê khân păng nây. Jêh ri phung i nây rgum phung bunuyh djơh i blao jan kar, phung dah ma gũ rồ trong, leo băl jan uh ah ta bon nây. Phung i nây hăn njueng jay du huê bu klô rnhă Yasũn, joi nhũp Pôl, ndrel ma Silas, gay ma njũn khân păng ăn phung bon lan phat dôi.

⁶Yor ma joi khân păng ta nây mâu say, jêh ri nhũp ndă Yasũn i bunuyh tơm jay, ndrel ma nhũp bunuyh abă i nsing ma Brah Yêsu têk njũn ăn ma kôranh bon nây, n'ho ma nter dũt dăng dăng lah: “Pôl, ndrel ma băl păng jêng phung i jan ăn lam neh ntu geh nau uh ah, lě tăt ta dja jêh!

⁷Yasũn dja rom phung i nây gũ ta jay păng. Phung i nây jan tih ma nau kôranh kađăch ta bon Rôm lě đă bon lan, yorlah khân păng mboh nkoch ăn bu iăt du huê kađăch êng jăt rnhă Yêsu.”

⁸Tăt tâng nau ngơi phung i nây, phung bon lan, ndrel ma kôranh bon geh nau rvê hô ngăn.

⁹Jêh ri kôranh ðon này ðã ăn prăk ma chuai Yasun, ndrel ma bunuyh abă êng này, ri mớ bu mớok khân păng ăn lôh bớh ntúk này.

Pôl, ndrel ma Silas hăn gũ ta ðon Bêra

¹⁰Jêh ri phung nsing njuăl Pôl, ndrel ma Silas lôh ntũng bớh ðon này dâng măng ro, hăn ta ðon Bêra. Tăt ta ðon này khân păng hăn ta nhieh rbũn phung Israel.

¹¹Phung Israel ta ðon này geh nuieh n'hâm ueh rlau ma phung Israel ta ðon Têsalônik, yorlah khân păng iăt nau bar hê khân păng này mớh nkoch ma lể nuieh n'hâm, mêt uănh Nau Kôranh Brah Ngơi ăp nar, gay ma öch gĩt n'hêl nau Pôl, ndrel ma Silas nti này, ngăn mâu lah mâu.

¹²Geh ők ta phung khân păng này săt nsing, ndăp ma phung bu ur Grek jan kuống, ndrel ma phung bu klô Grek ők ðồng.

¹³Yờn ma tăt phung Israel ta ðon Têsalônik tắng lah Pôl mớh nkoch nau Kôranh Brah ta ðon Bêra ðồng, khân păng hăn nsöch phung ðon lan ta này jan nau uh ah.

¹⁴Tăt ma say kớt này, phung nsing ma Brah Yêsu leo Pôl hăn ta meng dak văch dak văr ro, hôm gũ ta ri Silas, ndrel ma Timôthê.

¹⁵Phung i njũn Pôl ri nớh, khân păng ncho duk kuống njũn tăt ta ðon kuống Athen, ri mớ khân păng plớ săt n'ho ma mớh nau Pôl de ntính Silas, ndrel ma Timôthê ðã hăn tâng păng ăn gớnh.

Nau Pôl mớh ngơi ta ðon Athen

¹⁶Dôl Pôl gũ kớp Silas, ndrel ma Timôthê ta ðon Athen, nuieh n'hâm păng geh nau rvê ngot hô ngăn, yor ma păng say ta ðon này geh rup brah êng êng dadê ngăn.

¹⁷Kớt ndri păng tâm nchră ma phung Israel, ndrel ma phung i mâu di phung Israel i yớk mbah ma Kôranh Brah ta nhieh rbũn phung Israel ri, jêh ri ăp nar păng tâm nchră ðồng ma bunuyh i păng mập rỏ trong ta ðon này.

¹⁸Jêh ri geh phung nờm nti mpeh nau nti Êpikur, ndrel ma phung nờm nti mpeh nau nti Satôik, phung này blao tâm nchră. Khân păng tâm nchră ðah

Pôl, jêh ri tâm lah ndrăng khân păng nôm: “Moh nau nti bunuyh bôch bôh dja hiah?” Bu abă jât lah kôt nda: “Tâm ban ma păng ùch mboh nkoch ma brah bu năch.” Khân păng ngoi ndri yorlah khân păng tăng Pôl mboh nkoch nau mhe mhan ueh Brah Yêsu, ndrel ma nkoch nau dâk rêh tay.

¹⁹Jêh ri bu njün leo păng bôh năp kôranh bon ta ntük rbün kalơ yôk Ariyus, bu lah ma păng: “Lông may mboh ăn hên gít nau nti mhe may này,

²⁰yorlah nau nti may ăn hên ndrôt ngăn. Hên ùch gít nau khlay i này đống.”

²¹Lông dăng lẽ bunuyh ta bon Athen, ndrel ma phung bu năch gũ ta bon này, khân păng ru ma ngoi, ru ma gũ iăt nau mhe êng êng dôm, mâu hôm ôh jan ndơ êng jât.

²²Jêh ri Pôl dâk bôh năp phung kôranh bon i này, păng lah: “Hơi phung oh nô kôn va i gũ ta bon Athen, gáp lẽ say khân ay may nsrôyh yôk mbah ma brah êng êng ngăn,

²³yorlah dôi gáp hăn rsong ta ntük dja, gáp uănh ntük ma yôk mbah brah êng êng. Jêh ri gáp say du nsưng jan brah geh nchih lah kôt nda: ‘Yôk mbah ma Brah i bunuyh mâu gít năl’. Kôt ndri gáp ùch mboh nkoch ăn ma khân ay may, ma Brah i khân ay may yôk mbah yôn ma mâu gít năl này.

²⁴Păng Kôranh Brah rhăk njêng neh ntu dja, ndrel ma dăng lẽ ntil ndơ geh ta neh ntu dja. Păng i Kôranh ma trôk ma neh ntu, Păng mâu gũ ôh ta nhieh bunuyh jan.

²⁵Păng mâu khăch ôh đã bunuyh sôm kôl jan kar ma Păng, yorlah Păng nôm i ăn dăng lẽ bunuyh geh nau rêh, geh n'hâm, ndrel ma ăn lẽ ntil ndơ.

²⁶Kôranh Brah njêng bunuyh nơh lôh tă bôh du huê bunuyh dôm, dăng geh ma bunuyh gũ lam bri dak lam neh ntu dja. Dăng lẽ lam bri dak i này Kôranh Brah ăn dah ôk nar khay năm du njăr nau rêh, ndrel ma ăn n'hăr bri ma khân păng gũ, dah Păng nôm ùch.

²⁷Păng jan kôt nda gay ma dăng lẽ bunuyh joi Păng, jêh ri lah nsrôyh joi Păng klăp lah gít năl Păng đống. Yôn ma Păng mâu ôh gũ ngai dah ma bunuyh bân.

²⁸Yor tă bớh Kôranh Brah ăn, dâng bân geh nau rêh, dâng bân blao mpốt, ndrel ma dâng bân jêng bunuyh. Geh đổng bunuyh blao mprâng ta phung khân ay may nờm lah kớt nđã: ‘Bunuyh bân jêng rnoi deh tă bớh Kôranh Brah’.

²⁹Lah ndri, lah bunuyh bân jêng rnoi deh tă bớh Kôranh Brah, bân lơi ôh mân Kôranh Brah jêng tâm ban ma rup mayh, ma rup prăk, mâu lah jêng tâm ban ma lữ tâng ma nau gít blao bunuyh blao jan.

³⁰Bớh nờm Kôranh Brah mâu ôh klăp ndăng ma bunuyh gũ rêh ê hỏ gít năl Păng, yờn ma abao dja Kôranh Brah đã dâng lể bunuyh ta neh ntu dja, đã khân păng rgâl lơi nuih n'hâm djớh sât nsing ma Păng,

³¹yorlah Kôranh Brah lể ndrăp jêh nar phat dôi h dâng lể bunuyh ta neh ntu ma nau sồng. Păng lể jêh kớih du huê Bunuyh jêng kôranh phat dôi h, Păng lể jan ăn Bunuyh i này dâk rêh gay ma ăn dâng lể bunuyh gít n'hêl naně Bunuyh i này jêng kôranh phat dôi h i này ngăn.”

³²Tât ma bu tăng Pôl nkoch nau bunuyh khât dâk rêh tay kớt này, geh bu abă mứch ma ôbăl, yờn ma bu abă jât lah kớt nđã: “Nar jât năp tay, hên hăn iăt nau may jât.”

³³Jêh ri Pôl du lôh bớh khân păng này.

³⁴Geh bunuyh abă tâng păng, n'ho ma sât nsing. Ta này geh du huê rnhă Đêunis, jêng kôranh phat dôi h ta bon này, ndrel ma geh du huê bu ur rnhă Damaris, nđâp ma geh bunuyh êng êng đổng.

Kôranh Oh Mon 18

Pôl gũ ta bon Kôrintô

¹Bớh kới này Pôl lôh bớh bon Athen, hăn ta bon Kôrintô.

²Ta bon này păng mập ma phung Israel du huê rnhă Akilas tă bớh bri Püntus, ndrel ma ur păng rnhă Prisil. Khân păng mhe du tă bớh bri Italy, yorlah kôranh kađăch Klôđês đã phung Israel dâng lể ăn du lôh bớh bon kuông Rôm bri Italy dadê. Jêh ri păng hăn khỏl a bar hê khân păng này.

³Păng gũ ndrel khân păng, jan kar ndrel, yorlah nau jan kar Pôl nơh tâm ban bäl, khân păng bunuyh jâng ntô gay ma jan chun.

⁴Ăp nar Sabăt i nar rlu phung Israel păng gũ nti bu ta nhieh r̄bũn phung Israel, bonh jă phung Israel, ndrel ma phung Grek ăn sât nsing ma Brah Yêsu.

⁵Jêh Silas, ndrel ma Timôthê lôh tă bơh bri Masêđôn tât ta ri, Pôl ntloĩ lě nau jan kar jâng bok i này, gay ma mbơh nkoch nau Brah Yêsu đơm. Păng nkoch ăn ma phung Israel kloh rah vah, Brah Yêsu jêng Brah Krist i nơm rklaih i lě Kôranh Brah ton käl e nơh.

⁶Yor ma phung Israel tâm rdâng ma păng, ndrel ma rak suai păng đổng, păng rtôh bok ao păng nơm gay ma nhơ păng ếch tâm nkah ma khân păng ngăn, n'ho ma lah ma phung này: “Lah Kôranh Brah tể dôi h ma khân ay may, yor ma nau tih khân ay may nơm đơm, mâu hôm ôh yor ma gập, nơm bơh nar dja jât năp gập hăn nti phung i mâu di phung Israel.”

⁷Jêh ri Pôl lôh bơh ntũk này, hăn ta jay du huê bu klô r̄nha Titus-Yustus. Păng i này bunuyh yơk mbah ma Kôranh Brah đổng, jay păng kêng nhieh r̄bũn phung Israel.

⁸Geh bunuyh nơm mât uánh nhieh r̄bũn này r̄nha Krispus, păng sât nsing ma Kôranh Yêsu, ndrel ma rnăk vâl păng đổng. Geh ők bunuyh ta bon Kôrintô này tăng nau Pôl nkoch, jêh ri sât nsing, ndrel ma đơn nau bắptem yũk ma dak đổng.

⁹Geh du măng Kôranh Yêsu tâm mpơl ma Pôl ta nau tâm say, Păng lah kơt nđa: “May lơi klach ôh, ăn may hôm ngơi mbơh nkoch ma Gập, lơi ôh may gũ rklăk,

¹⁰yorlah Gập gũ ndrel may. Mâu geh bunuyh đơi tâm rdâng jan đơh ma may, ndrel ma geh ők đổng bunuyh nsing ma Gập gũ ta bon dja.”

¹¹Pôl gũ ta bon này, jô du năp n'gul, nti nau Kôranh Brah ăn ma bu.

¹²Yơn ma nôk Galiyô jan kôranh kuông ta bri Akhây, nôk này phung Israel tâm di nau gay ma tâm rdâng đah Pôl, nhữp njũn păng ta ntũk nhieh phat dôi h,

¹³ntôn păng ăn ma kôranh kuông i này: “Bunuyh dja, nsük jă bu yók mbah ma Kôranh Brah ma nau nti i tih đah nau vay phung hên.”

¹⁴Dôl Pôl ếch ma ngoi, Galiyô lah kơt nđa: “Ở phung Israel, lah geh dôi h nkhât bu, mâu lah nau tih kuông a êng, gáp ếch iăt nau khân may ro.

¹⁵Yơn ma lah man ma tâm rlăch ma nau mboh ngoi, mâu lah ma rnha săk bunuyh, mâu lah ma nau vay phung Israel đơm, gáp mâu ếch ôh phat dôi h nau khân may này. Ăn khân may tâm phat dôi h êng ndrăng khân may nơm.”

¹⁶Jêh ri păng đă khân păng du lôh bơh nhih phat dôi h này.

¹⁷Dôl này bu nhữp Sôsten, păng jêng bunuyh kôranh măt uănh nhih r̄bũn phung Israel, rpăt ôbăl bơh năp nhih phat dôi h ri ro, yơn ma Galiyô mâu ôh ji bôk ji tôr ma nau này.

Pôl plở săt ta ðon Öntiyôk

¹⁸Pôl hôm gũ ta ðon này jö nar jăt, jêh ri păng ntính phung nsing, păng lôh bơh ðon này ncho duk ếch hăn ta bri Siri. Bunuyh hăn ndrel păng geh Prisil, ndrel ma Akilas bar hê ur sai khân păng. Tăt ta ntük bu nsrüng duk ri, ntük này rnha ðon Kênkrê, Pôl kreh nguk bôk ta ntük này, yorlah păng lě jêh ton du ntil nau tâng nau vay phung Israel .

¹⁹Khân păng ncho duk tăt ta ðon kuông Êphêsô ri, jêh ri Pôl hăn ta nhih r̄bũn phung Israel, gũ tâm nchră ma phung Israel ta ntük này. Jêh ri păng ntính Prisil, ndrel ma Akilas.

²⁰Bu kôn păng gũ jö ta ðon này, yơn ma păng mâu ếch ôh.

²¹Păng ntính lah ma khân păng ta này: “[Gáp ếch lăp nhêt bũn du ntil ta ðon Yêrusalem.] Lah Kôranh Brah ếch, gáp hôm plở măt khân ay may đöng.” Jêh ri păng ncho duk bơh ðon Êphêsô này.

²²Tăt ta ðon Sêsara ri, păng brö jöng ta ðon Yêrusalem khöl phung nsing ma Brah Krist ta ðon này, jêh bơh này păng hăn ta ðon Öntiyôk bri Siri.

²³Păng gũ ta ðon này jö oi, jêh ri păng hăn glăt rö bri Galati rö bri Prikia, n'ho ma nti ăn phung oh mon jăt ăn ndjôt năp nau nsing.

Apôlôs gũ ta ðon Êphêsô, ndrel ma ðon Kôrintô

²⁴Nôk Pôl hôm nsong ta bri Galati, ta bri Prikia nây, ta bon Êphêsô geh du huê ta phung Israel mhe tât, rnha Apôlôs. Păng tă bôh bon Aleksantri, mboh ngoi blao ngăn, ndrel ma gít jru ta Nau Kôranh Brah Ngôi.

²⁵Bu lě nti păng ma nau Kôranh Yêsu, ndri dâng păng nti nau Kôranh Yêsu ăn di ma lě nuih n'hâm. Yon ma păng man ma gít nau bắptem yúk ma dak i Yôhan-Baptem de jan, dah ri đơm.

²⁶Păng nti bu ta nhiih r̄bũn phung Israel bắnh ngăn. Tăt ma Prisil, ndrel ma Akilas tăng kơt nây, khân păng jă păng gũ ndrel, nti mboh nkoch păng nau Kôranh Brah ăn lơ ma văt jăt.

²⁷Jêh ri Apôlôs ếch hăn ta bri Akhây. Phung nsing ta Êphêsô ếch kơl păng, jêh ri nchiih sambút ăn păng ndjôt gay ma ăn phung oh mon gũ ta bri nây ăn rom păng. Tăt păng ta nây, phung i Kôranh Brah lě ăn nsing ma Brah Yêsu păng kơl ők ngăn,

²⁸yorlah păng tâm rlăch đah phung Israel ta năp bunuyh ők ri, đơi păng ngăn. Păng mboh nkoch Nau Kôranh Brah Ngôi, mboh ma bu Brah Yêsu jêng Brah Krist ngăn, i nơm rklaih i Kôranh Brah lě ton nơh.

Kôranh Oh Mon 19

Pôl gũ ta bon Êphêsô

¹Dôl Apôlôs gũ ta bon Kôrintô, Pôl lôh bôh bri Prikia hăn glăt rỏ bri Asi, jêh ri tăt ta bon Êphêsô. Ta bon nây păng mập ma phung oh mon abă,

²păng ôp phung nây: “Ntơm bôh khân ay may săt nsing, ah khân ay may lě geh Brah Huêng Ueh i kloh ueh gũ ta khân ay may đổng bôh?” Khân păng ơh: “Mâu ôh, hên mâu prot ôh tăng bu lah geh Brah Huêng Ueh i kloh ueh.”

³Pôl ôp tay khân păng: “Lah ndri moh ntil nau bắptem khân ay may đơn?” “Hên đơn nau bắptem tâng nau nti Yôhan-Baptem.”

⁴Pôl lah ma khân păng: “Yôhan-Baptem jan bắptem ăn ma bunuyh i lě rgâl lơi nuih n'hâm đjơh, n'ho ma mboh nkoch ăn ma phung bon lan nsing ma Bunuyh i vắch bôh kơi păng nây, jêng Kôranh Yêsu [Krist].”

⁵Jêh tăng Pôl lah kơt này, khân păng đơn nau bắptem ma rnha sắk Kôranh Yêsu jăt.

⁶Jêh Pôl tể ti ta khân păng ri, Brah Huêng Ueh i kloh ueh jữr gũ ta khân păng, ăn khân păng blaonơi nau nơi êng êng, n'ho ma ntơyh nau nơi Kôranh Brah đơng.

⁷Dâng lể phung này klăp lah 12 nuyh bu klô.

⁸Geh pe khay Pôl gũ nti ta nhieh rỗn phung Israel, păng nti bắnh ngắn. Păng nchắ rắ păng mỗh nkoch nau Kôranh Brah mắt uắnh ma bunuyh ăn bu iắt.

⁹Tih ma geh bunuyh ắbắ nuieh n'hắm đắng ko, mắu ắch iắt, nđắp ma nơi nau đjơh jăt ma nau nsing ma Brah Yêsu ta nắp bunuyh ốk. Jêh ri Pôl du rnglah bỡh phung i này leo phung oh mon rỗn ta ntũk êng. Jêh ri păng tắm nchắ ma bu ắp nar ắp nar ta nhieh rỗn du huê bunuyh, rnha bunuyh i này Tiranus.

¹⁰Păng nti bu ta này jố bar nắm, ndrỉ dắng ốk bunuyh ta bri Asi này tăng nau Kôranh Yêsu dadê, nđắp ma phung Israel, nđắp ma phung i mắu di phung Israel đơng.

¹¹Nôk này Kôranh Brah jan ndrơ nau khlay êng êng ta Pôl ri lể nau ngắn.

¹²Bu man ma sỗ bok i păng n'gut bỡh sắk păng ri, jêh ri tể ta bunuyh ji, bunuyh ji bah, brah đjơh i gũ ta bunuyh lờh bỡh khân păng đơng.

Nđơ geh ma kon Sakêva

¹³Geh phung Israel ắbắ, khân păng bắố nsong ắp ntũk gay ma mprỡh brah đjơh du bỡh bunuyh. Ta mpôl khân păng i này geh ắbắ jan đơng rnha sắk Brah Yêsu, khân păng lah brah đjơh kơt nđắ: “Gắp đắ khân may ta nau đơi Kôranh Yêsu, i Pôl de nti, ăn khân may du hỏm!”

¹⁴Ta phung jan kơt này, geh nđắp ma kon bu klô Sakêva pỡh nuyh đơng. Sakêva jềng mpôl kôranh jan brah phung Israel.

¹⁵Brah đjơh ỡh ma phung i này: “Kôranh Yêsu, hên lể nắl jêh, ndrỉl ma Pắng geh nau đơi ma hên. Pôl hên lể nắl đơng, ndrỉl ma păng geh nau đơi ma hên đơng. Tih ma khân may i này bỡh tắ geh nau đơi ma gắp?”

¹⁶Jêh ri bunuyh i brah djơh lăp nây, rdôh tom lơh khân păng ri, dơi păng đah ma khân păng dăng lể nây, n'ho ma tăt nchuăt ndâp ma lahôk lahak, sôt găt dadê.

¹⁷Lể bunuyh ta ðon Êphêsô, ndâp ma phung Israel, ndâp ma phung i mâu di phung Israel tăng lữ nau i nây. Jêh ri khân păng klach nsör, n'ho ma yơk ma rnha sắk Kôranh Yêsu.

¹⁸Geh ők bunuyh lăp nsing ma Brah Yêsu, jêh ri hăn mboh nau tih khân păng nơm ta năp bu, moh nau i khân păng lể geh jan a lor nơh mâu hơm mo.

¹⁹Ta phung i nây a lor nơh geh ők jêng tă jan n'ang, khân păng sỏ gũn nglarkhân păng nơm ri, su pur lơi ta ùnh ta năp bắl phung ri đống. Lể ndơ khân păng su pur nây nau khlay 50000 prăk kăk .

²⁰Yor ma nau khlay i nây, bu mboh nkoch ma nau Kôranh Yêsu lơ ma lam ntũk, jêh ri bu săt nsing ma Păng lơ ma ők.

Nau uh ah ta ðon Êphêsô

²¹Jêh geh nau nây, Pôl mân ứch hăn ta ðon Yêrusalem, păng ứch hăn glăt rỏ bri Masêđôn, ndrel ma bri Akhây, păng lah: “Jêh hăn ta ðon nây, iăt ma gáp hăn ta ðon kuống Rôm đống.”

²²Jêh ri păng đă bar hê bunuyh kỏl jan kar păng hăn lor ta bri Masêđôn, đă Timôthê, ndrel ma Êrastus. I păng nơm ri hơm gũ ta bri Asi jỏ oi bốt.

²³Nôk nây geh nau uh ah dũt kuống, yor ma nau nsing ma Brah Yêsu jan ăn bu mâu hơm yơk mbah ma rup brah êng êng.

²⁴Geh du huê bunuyh bu klô rnha Đêmêtrus, păng jêng bunuyh blao jan ndơ ma prăk, mon rup nkữp jan brah ma prăk ma jan brah bu ur Đian, yor ma kar păng phung i blao jan geh prăk ők.

²⁵Jêh ri păng rgum phung blao jan nây, ndrel ma lể phung êng i jan kar kớt păng nây đống. Păng lah ma khân păng: “Hơi oh nô, khân may lể găt jêh, bân geh prăk ők yor ma ndơ jan kar dja.

²⁶Păng i rnha Pôl này, khân may lể gít lể năl păng đổng, păng lah rup brah ti bunuyh jan mâu ôh di brah ngăn. Păng jă nsük nsôr ők phung bon lan iăt tâng păng, mâu ôh đơn ta bon Êphêsô dja đơm, lam bri Asi dja ngăn.

²⁷Lah ndri bân klach mâu ôh đơn ma nau kar phung bân dja đơm bu mâu hôm yơk. Klach lah bu mâu hôm yơk tăt ma nhih jan brah ma brah Đian i dút kuống dja. Brah bu ur i này i bu vay yơk mbah lam bri Asi, ndâp ma lam dâng lể bunuyh ta neh ntu dja, abao dja klach lah roh nau bu lữ păng đổng.”

²⁸Tăt ma tâng nau păng lah kốt này, dâng lể phung ta này ji nuh dút hô ngăn, khân păng nter đơu lah: “Brah Đian ta bon Êphêsô dja dút kuống ngăn!”

²⁹Nôk này lam bon geh nau uh ah tah tởr ngăn, khân păng hăn grũng grẩng jăt ntük bu pâl, khân păng tềk mphök Gaiyus, ndrel ma Arisđarkus hăn ta ri đổng. Khân păng i này jềng phung bri Masêđôn, vay hăn ndrel Pôl.

³⁰Pôl ếch hăn mậ phung bon lan này đổng, yơn ma phung oh mon buay mâu ôh ăn păng hăn.

³¹Nđâp ma phung jan kar kuống ta bri Asi này, i tâm năl mắt păng, đă bu hăn mboh păng, bonh mâu ôh ăn păng hăn ta ntük bu pâl này.

³²Lể phung bon lan ta này, abă nter lah nđă, abă nter lah nto, geh nau uh ah tah tởr ngăn bêng ntük bu pâl này. Geh ők bunuyh mâu ôh gít moh nau tâm rbùn này.

³³Geh phung Israel abă ntrôl du huê ta băl mpôl khân păng nơm rnha păng Alêksântrus, đă păng dâk bởh nấp bu ri. Păng yơr ti gay ma ăn bu bah ngời, yor ma păng ếch mboh nkoch ma phung bon lan phung Israel mâu ôh geh jan tih.

³⁴Tăt ma bu năl păng jềng phung Israel i mâu yơk mbah ma brah Đian, bu nter đơu lah: “Brah Đian ta bon Êphêsô dja dút kuống ngăn!” Bu nter đơu lah kốt này jồ klăp lah geh bar mong ngăn.

³⁵Tăt n'glể dút kôranh nchih sambüt ta bon i này buay phung bon lan ăn gủ rklăk, păng lah: “Ồ phung oh nô kôn va ta Êphêsô! Bunuyh ta bon dja lể bu

gít dadê jêh jêng phung mât nhieh jan brah ma brah Đian i brah dút kuông, ndrel ma rup păng i lể tũp tă bớh kalơ trôk ti.

³⁶Mâu ôh geh bunuyh rlăch nau nây, lah ndri ăn khân ay may gũ rklăk hỏ. Lơi dăng ôh khân ay may dah ma jan lă jan lêng.

³⁷Khân ay may leo mpôl i nây ta dja, yơn ma khân păng mâu geh ôh ntũng bớh nhieh jan brah, mâu lah ngời rak suai ma brah bu ur Đian phung bân.

³⁸Lah ndri, lah Đêmêtrus, ndrel ma phung i jan kar đah păng nây, geh nau tâm ntôn ma bu, ăn khân păng hăn tâm ngời dôi h ta bớh nấp kôranh phat dôi h ta nhieh phat dôi h.

³⁹Lah khân ay may geh nau ũch ôp ma nau êng jât, kỏp tât mong bu rỗn kuông tâng ma nau vay, ăn bu nchră.

⁴⁰Kỏt ndri ăn bân njrăng, klach lah bu ntôn bân nar dja jan nau uh ah, jêh ri bân joi nau ma tâm ớh đah bu mâu hôm blao vă ma nau jan uh ah dja.”

⁴¹Jêh păng lah kỏt nây, păng đă phung rỗn nây sât lể phiao.

Kôranh Oh Mon 20

Pôl hăn ta bri Masêđôn, ndrel ma bri Grek

¹Nau uh ah tah tởr nây bah lể phiao, Pôl rgum phung oh mon n'hao nuih n'hâm khân păng, ndrel ma ntính ntăn khân păng, jêh ri păng lỏh bớh bon Êphêsô nây hăn ta bri Masêđôn.

²Păng hăn glăt rỏ bri nây, n'ho ma n'hao nuih n'hâm ỏk ngăn ma phung nsing. Jêh bớh nây păng hăn tât ta bri Grek,

³gũ ta bri nây geh pe khay. Dỏl păng ndrăp ncho duk hăn ta bri Siri, phung Israel abă tâm di nau gay ma jan djớh ma păng ta duk i nây. Pôl gít kỏt nây, yơn ma păng hôm ũch hăn jât bri Siri, ndri dăng păng bở đố glăt tay jât bri Masêđôn.

⁴Phung hăn ndrel păng ta nây, geh Sôpatrus i kon Pirôh tă bớh bon Bêra, geh Arisđarkus, ndrel ma Sêküntus tă bớh bon Têsalônik, geh Gaiyus tă bớh bon

Đơbê, geh Tikhikus, ndrel ma Trôphim tă bớh bri Asi, ndrel ma Timôthê đống.

⁵Lễ mpôl này hăn lor, gũ kốp hên ta bon Trôas.

⁶I hên ri hăn ta bon Philip. Jêh nar nhêt bũn sa nũmpăng mâu geh ndrui, hên lôh bớh bon i này ncho duk jô prăm nar dăng tât ta bon Trôas, mập đah khân păng ta này, jêh ri gũ ta bon này pớh nar.

Pôl n'hao nuih n'hâm phung nsing ta bon Trôas

⁷Ta nar pớh, hên gũ r̄bũn gay ma gũ sông sa ndrel. Pôl nti ăn bu iăt, păng mân ếch hăn nar ôi tay, kớh ndrui păng gũ nti tât n'gul măng.

⁸Ntũk hên gũ r̄bũn ta jrô kal' pe đăp này, geh ũnh sagêng ốk ngăn.

⁹Dôl Pôl nti jô ngăn này, ta này geh du huê kon se lễ ndăm rnha Ôtikus gũ ta bôk mpông bloh nhiih này, păng lễ ji bêch dũt hô, păng bêch gui tũp a neh su bớh ntũk pe đăp này. Jêh ri bu de pớ bớh dja păng lễ roh n'hâm jêh.

¹⁰Pôl jũr a neh su, păng kũnh ut bunuyh ri, jêh ri lah ma bu: “Khân ay may lơi rvê, păng mâu ôh khât.”

¹¹Jêh ri hao tay kal' ri, păng gích nũmpăng này sa, jêh sa nũmpăng này păng nti tay jô jât, n'ho ma tât bri ang ôi, ri mớ păng lôh bớh ntũk này hăn.

¹²I kon se ndăm này hôm rêh, jan ăn nuih n'hâm khân păng ueh maak ngăn. Bu leo păng sât a jay păng nớm.

Pôl gũ ta bon Milêt

¹³I hên ri ncho duk hăn lor ta bon Asus, gay ma mập Pôl ta bon này, yor ma păng lễ ếch brồ trong jống tât ta này.

¹⁴Tât tâm mập ta bon Asus, păng lăp ta duk ndrel hên, jêh ri hăn ta bon Mitôlen.

^{15.16}Pôl lễ lah jêh păng mâu ếch lăp ta bon Êphêsô, klach lah gũ jô ir ta bri Asi, yorlah păng ếch gớnh tât ta bon Yêrusalem, gay ma nhêt bũn 50 nar ta này, lah ma đơi. Ndrui dăng hên ncho duk lôh bớh Mitôlen này, nar ôi tay hên tât dăch ma gôl dak Khiyô. Nar ôi klak hên hăn n'hot bon Êphêsô tât ta gôl

dak Samôs [jêh ri hên gũ du blât ta bon Trôkilêm], nar lak nguai (lak mih) ri mớ hên tât ta bon Milêt.

Pôl ngoi ma phung kôranh phung nsing ta bon Êphêsô

17Jêh ri Pôl đã bu tă bớh bon Milêt hăn ta bon Êphêsô, gay ma jă phung kôranh phung nsing ma Brah Krist ta bon này hăn mậ păng.

18Tât khân păng i này ta bon Milêt, Pôl ngoi: “Khân ay may lể gít jêh nau gũ ngao gập ta khân ay may, lể ndr gập jan ăp mong ăp nar, ntóm bớh gập tât ta bri Asi dja.

19Gập jan kar ta khân ay may jêng tâm ban ma bunuyh i jể ta nâm bu, ndâp ma hor dak mắt, ndâp ma geh nau jêr yor ma phung Israel abă i ũch jan djớh ma gập.

20Khân ay may lể gít jêh, nôk gập nti khân ay may ta năp bắl phung, ndrel ma rỏ jay đống, lể ndr khlay i geh nau khlay ma kớl khân ay may gập lể mbớh ăn ma khân ay may đống, gập mâu ôh pôn mo.

21Gập mbớh nkoch ăn ma phung Israel, ndrel ma phung Grek, ma nau rgâl nuh n'hâm djớh sât ma Kôranh Brah, nsing ma Kôranh Yêsu [Krist] i Kôranh ma phung bân.

22Abơ dja, Brah Huêng Ueh ũch ăn gập hăn ta bon Yêrusalem, yớn ma gập mâu gít ôh moh nau geh ma gập ta bon này.

23Gập man ma gít, ăp bon Brah Huêng Ueh i kloh ueh mbớh ma gập lah: Gập bu de nhữp chăp, ndrel ma geh nau jêr jốt.

24Gập mâu rvê ôh, gập mâu đống kớp nau rêh dja jêng khlay ma gập. Gập man ma ũch jan tât jêh kar i Kôranh Yêsu de ăn ma gập ê lor gập ma khât. Kar i này jêng mbớh nkoch nau mhe mhan ueh Kôranh Brah geh nau yỏ ndach dja.

25Gập lể vay gũ ndrel khân ay may, mbớh nkoch nau Kôranh Brah ũch măt uánh bunuyh. Abơ dja gập lể gít n'hêl nanẻ ngăn, khân ay may mâu hôm ôh say muh mắt gập jât.

- ²⁶Kơt ndri gáp mboh nkoch nau khlay ma khân ay may nar dja: Lah ta phung khân ay may geh du huê mâu geh rklaih, mâu ôh di yor ma nau tih gáp,
- ²⁷yorlah dâng lě nau Kôranh Brah ếch ma bân, gáp lě mboh nkoch ma khân ay may dadê jêh, gáp mâu ôh pôn mo.
- ²⁸Kơt ndri ăn khân ay may gủ mât njrăng sắk, ndrel ma mât njrăng phung nsing, yorlah Brah Huêng Ueh i kloh ueh lě ăn jêh nau kar dja ma khân ay may, ăn khân ay may mât phung nsing ma Kôranh Brah, i lě jêh Kôranh Brah chuai ma mham Kon Păng nơm .
- ²⁹Gáp lě gít jêh, dôi gáp lôh boh ntúk dja, mra geh bunuyh abă lăp ta phung khân ay may ntúm nti ndơ mâu di. Khân păng janh djơh tâm ban ma so bri lơh lơi be biăp phung, khân păng mâu geh ôh nau yố ma phung nsing.
- ³⁰Nđâp ma geh bunuyh abă ta phung khân ay may nơm, khân păng nti tih đống, gay ma ndơm phung nsing ăn tâng khân păng.
- ³¹Kơt ndri ăn khân ay may gủ njrăng răp jăp, ăn kah gít nau gáp lě nti ma khân ay may jồ pe năm nơh, mâu gủ mâu rlu, dâng mắng dâng nar, n'ho ma lě lôh dak măt yor ma khân ay may đống.
- ³²Abơ dja gáp dăn Kôranh Brah mât uảnh khân ay may, ndrel ma ăn khân ay may kah gít ma nau mboh nkoch ma nau ueh Păng. Nau mboh nkoch dja dơi rdők njêng khân ay may ăn lơ hô geh nau nsing, ndrel ma ăn khân ay may sồ dơn lě ndơ ueh i Kôranh Brah ếch ăn ma phung kloh ueh dâng lě.
- ³³Gáp mâu prot ôh kơnh geh prăk mayh, mâu lah bok ao boh bu du huê.
- ³⁴Khân ay may lě gít jêh, gáp jan kar ma n'hâm suan gáp nơm, gay ma mât siăm sắk gáp nơm, ndrel ma bunuyh i gủ ndrel gáp đống.
- ³⁵Dâng lě ntil ndơ i nây, gáp jan gay ma leo nau ueh ăn ma khân ay may nsrôyh jan kar, gay ma kớl bunuyh o ach. Ăn khân ay may kah gít nau ngơi Kôranh Yêsu, Păng lah kơt nđa: ‘Ueh để ăn ndơ ma bu, đah ma sồ dơn ndơ tă boh bu’.”

³⁶Jêh Pôl ngơi kơt nây, păng chon kômök, ndrel ma dăng lể khân păng, jêh ri mboh sơm.

³⁷Dăng lể phung khân păng nây nhũm dadê ngăn, khân păng ut ta sắk Pôl, ndrel ma chũm ntính păng đổng.

³⁸Khân păng geh nau rngot ngăn, yor ma tăng nau Pôl lah khân păng mâu hơm ôh say muh mắt păng jăt. Jêh ri bu njũn păng tăt ta ntũk duk.

Kôranh Oh Mon 21

Pôl hăn ta ðon Yêrusalem

¹Jêh hên ntính ntăn khân păng, hên ncho duk lôh bớh ntũk nây, hăn tăt ta gôl dak Kôh. Tăt nar ôi tay hên ncho duk hăn tăt ta gôl dak Rôtus, lôh bớh gôl dak nây, hên hăn tăt ta ðon Patara.

²Tăt ta ðon nây, hên say geh du mlôm duk hăn jăt bri Phênis, jêh ri hên ncho duk i nây hăn jăt.

³Tăt lể mpơl gôl dak Kipros, hên hăn bớh ma, hăn n'hot tăt ta bri Siri. Hên nsrũng ta ðon Tirus bri Siri, yorlah bu ũch njũr ndr bớh duk ta ðon i nây.

⁴Jêh ri hên joi phung oh mon. Tăt mập khân păng, hên gũ ndrel khân păng pơh nar. Yor ma Brah Huêng Ueh mboh ăn ma khân păng gĩt ndr i mra geh ma Pôl, khân păng buay Pôl mâu ôh ăn hăn ta ðon Yêrusalem.

⁵Tăt lôch pơh nar hên veh gũ ta nây, jêh ri hên hăn jăt. Lể phung nsing ta nây, ndrel ma ur kon khân păng, njũn hên tăt bớh dih ðon. Jêh ri dăng lể hên chon kômök, mboh sơm ndrel ta meng dak ri.

⁶Jêh tâm ntính ntăn bắl ri, hên ncho duk hăn jăt nắp. I khân păng ri plở sắt a jay khân păng nơm.

⁷Hên lôh bớh ðon Tirus, hăn tăt ta ðon Phatôlômês. Jêh ri hên brổ khỗl phung nsing ma Brah Krist ta ðon nây, gũ ndrel khân păng du nar.

⁸Tăt nar ôi tay, hên hăn ta ðon Sêsara, lắp ta jay Philip gũ ta jay păng ri. Păng jêng nơm mboh nkoch nau mhe mhan ueh ma bu, jêh ri păng jêng du

huê bunuyh ta phung pơh nuyh i bu lě kơih gay ma kơl jan kar ta ðon Yêrusalem nơh.

⁹Păng geh kon dröh puăn nuyh, jêng phung ntơyh nau ngơi Kôranh Brah.

¹⁰Dôl hên gũ ta ðon nây jở bar pe nar, geh du huê bunuyh bu klô ntơyh nau ngơi Kôranh Brah rnha Agabus, păng tă bơh bri Yuđa hăn ta hên ri.

¹¹Tât ta ri păng sỏ rse bứt Pôl, jêh ri kât jông kât ti păng nơm, păng lah: “Brah Huêng Ueh i kloh ueh lah: Ta ðon Yêrusalem, phung kôranh bri Yuđa kât jông kât ti păng nơm i tơm rse bứt dja kơt nđa đống, jêh ri njũn ôbăl ma ti phung i mâu di phung Israel.”

¹²Tât ma tăng nau kơt nây, lě hên, ndrel ma lě phung nsing gũ ta ðon nây, bonh Pôl mâu ôh ăn păng hăn ta ðon Yêrusalem.

¹³Yơn ma Pôl ơh kơt nđa: “Moh nau khân may nhũm kơt nây, jan ăn gập mâu ueh ta nuih n'hâm? Mâu chrao ôh, yorlah gập lě ndrăp săk jêh ăn bu nhũp bu chấp săk gập. Mâu ôh đơn ma ăn bu chấp đơm, gập lě ndrăp jêh ăn bu nkhât gập ta ðon Yêrusalem ri jât yor ma mbơh nkoch nau Kôranh Yêsu.”

¹⁴Yor ma păng mâu ũch rgâl nuih n'hâm, hên bah buay păng, jêh ri hên lah: “Tâng Kôranh Brah nơm ũch.”

¹⁵Jêh hên gũ jở oi ta ðon nây, hên ndrăp ndr hăn ta ðon Yêrusalem.

¹⁶Ta ðon Sê Sara nây geh phung oh mon abă hăn ndrel hên, n'ho ma leo hên lăp gũ ta jay du huê bu klô rnha Manasũn. Păng jêng phung gôl dak Kipros, păng nơh jêng bunuyh i sât nsing ma Brah Yêsu lor bu đống, nôk bu ntơm mbơh nkoch nau mhe mhan ueh.

Pôl gũ ta ðon Yêrusalem

¹⁷Tât hên ta Yêrusalem ri, phung oh mon rằm ngăn vơt đơn hên.

¹⁸Kah ôi tay Pôl, ndrel ma hên hăn ta jay Yakơ. Lě phung kôranh phung nsing hăn rbũn ta ntũk nây dadê đống.

¹⁹Jêh păng ôp ueh lăng bu lě phiao, păng mbơh nkoch dăng lě nau Kôranh Brah de jan nôk păng jan kar ta phung i mâu di phung Israel.

²⁰Jêh tăng nau păng mboh koch kơt nây, khân păng rnê ma Kôranh Brah, jêh ri lah ma Pôl ri: “Hơi nô, may say phung Israel, geh ők rmuyn bunuyh lě sât nsing ma Kôranh Yêsu, dăng lě phung i nây nơh nsrôyh ndjôt nau vay bân nập ngăn.

²¹Yơn ma khân păng lě tăng lư may nti ma phung Israel i gũ ta phung bri êng, mâu ôh ăn tăng nau vay Môsê, mâu ăn koh ntô ma oh kon bu klô khân păng, ndrel ma mâu ôh ăn tăng nau vay ơm êng jât i bân geh.

²²Lah ndri mơm jan? Yorlah bu mra gĩt may tât ta dja ngăn ro [kơt ndri iăt ma phung ők rbũn].

²³Lah ndri dăn may jan tăng nau hên kơt nđa: Ta dja geh puăn nuyh i lě ton ndơ ma Kôranh Brah.

²⁴Dăn may leo khân păng nây hăn rao săk ndrel may gay ma kloh tăng nau vay bân, n'ho ma may sơm lôh prăk ăn khân păng lě ntil ndơ i khân păng ma jan kloh. Jêh ri gũ ndrel khân păng truyh khân păng jêh kreh poyh sők đống, gay ma ăn dăng lě bunuyh gĩt, lě nau i khân păng tăng nây nơh mâu ôh geh ngăn, yorlah may nơh jêng bunuyh ndjôt nập nau vay bân đống.

²⁵Lống phung i mâu di phung Israel lě sât nsing, lě hên njuăl sambũt ăn ma khân păng jêh, mâu ăn khân păng sa ndơ ôp brah, mâu ăn sa mham, mâu ăn sa puăch mpômpa (siũm) i mâu geh lăch ăn lôh mham lě ta săk, ndrel ma mâu ăn tâm đống, du nây đơm.”

²⁶Tât nar ôi tay ri, Pôl leo khân păng puăn nuyh nây hăn rao săk ndrel păng gay ma kloh tăng nau vay. Jêh ri păng lăp ta jống gung nhieh jan brah ma Kôranh Brah, gay ma mboh moh nar dăng geh ma kloh, nar i khân păng jan brah du huê du huê.

Pôl bu nhũp ta jống gung nhieh jan brah

²⁷Tât bời lôch pơh nar nây, geh mpôl Israel tă bơh bri Asi ri, khân păng say Pôl gũ ta jống gung nhieh jan brah nây, jêh ri nsũk phung bon lan jă nhũp păng.

²⁸Khân păng nter dơu lah: “Hơi phung Israel, kơl nhữp hõm, bunuyh dja hơi i nti dăng lẽ bunuyh ta ăp ntũk, ăn tâm rdâng ma phung bân, ăn tâm rdâng ma nau vay bân, ndrel ma ăn tâm rdâng ma nih jan brah dja. Abao' dja păng leo ndâp ma phung i mâu di phung Israel lăp ta jông gung nih jan brah tih ma nau vay bân, ndri jan ăn bở bớch ntũk kloh ueh dja jât.”

²⁹Khân păng ngơi kơt nđã, yorlah bớh kơi nớh bu say du huê bunuyh tă bớh bon Êphêsô gũ ndrel păng, bunuyh nây rnha Trôphim, ndri dăng khân păng ndôn lah Pôl leo păng lăp ta jông gung nih jan brah nây đống.

³⁰Kơt ndri ta bon nây geh nau uh ah tah tởr hô ngăn. Bunuyh ran văch ta ri ỏk ngăn, tềk mphỏk ôbăl nglôh a dih jông gung nih jan brah, jêh ri ntâl mpông ro.

³¹Dôi khân păng gay ma ứch nkhât Pôl, bu mớh ma kôranh taken kuống ri geh nau uh ah tah tởr bêng bon Yêrusalem ngăn.

³²Jêh ri kôranh taken kuống nây leo kon taken, ndrel ma kôranh taken, khân păng nchuăt ran jũr ta ntũk phung bon lan nây ro. Tât ma say kôranh taken kuống i nây, ndrel ma taken tât ta nây, phung nây bah lơh Pôl.

³³Kôranh taken kuống hăn tât ta Pôl ri, nhữp păng, n'ho ma đă bu kât păng bar ở rse rvăk đống, jêh ri ôp bu, păng bu moh, păng moh ndơ jan.

³⁴Yor ma phung bon lan nter dũt hô, abă lah nđã, abă lah nto, nteh lẽ khôh vêt vê chuê chuăng ngăn, kôranh taken kuống iăt mâu hôm ôh vât, jêh ri đă bu leo Pôl nây hăn ta pôyh ntũk taken.

³⁵Pôl tât ta gung hao jât pôyh ntũk taken ti, phung taken sớm tung păng, yorlah phung bon lan ngo ngăn tâng lơh păng,

³⁶ndâp ma nter lah: “Nkhât lơi păng!”

Pôl dẫn ngơi ma phung bon lan

³⁷Dôi bu bớh leo Pôl lăp ta pôyh ntũk taken gũ, păng ngơi ma kôranh taken kuống lah: “Geh bớh, gáp dẫn ngơi đễ ma may?” Kôranh taken kuống nây lah ma păng: “May blaô ngơi Grek bah?”

³⁸Lah ndri may ơm mâu di phung Êsip bunuyh i leo bu tâm lơh đah phung hên nar a lor nơh? Nđập ma leo phung taken 4000 nuyh du a bri rdah?”

³⁹Pôl ơh ma păng: “Gập jêng phung Israel, deh ta bon Tasos, bon i này geh nau khlay ngăn ta bri Kilikia. Kơt ndri gập dẫn ma may ăn gập ngơi ma phung bon lan dja bốt.”

⁴⁰Jêh ri kôranh taken kuống này ăn Pôl ngơi. Păng dâk ta gung ri, păng yơr ti gay ma ăn bu gũ răk klăk. Tât ma phung bon lan gũ răk klăk, păng ngơi ma phung bon lan này ma nau ngơi Hêbrơ i nau ngơi khân păng nơm, păng lah:

Kôranh Oh Mon 22

¹“Hơi phung oh nô kônkh va, ndrel ma mpôl bu ranh, gập dẫn plơng ơh ma khân ay may, dẫn khân ay may iăt nau gập ngơi dja bốt!”

²Dôl khân păng tăng Pôl ngơi ma nau ngơi Hêbrơ kơt này, bu lơ ma iăt săk răk klăk ngăn, jêh ri păng lah ma khân păng:

³“Gập jêng phung Israel, deh ta bon Tasos, bri Kilikia. Yơn ma gập gũ rêh ta bon dja nơm bơh jẻ ngăn, n'ho ma lăp nti tăng nau vay phung u che bân kăl e nơh lẻ dút nau đơng. Gập nti tă bơh nơm nti Gamaliel i bu lư hô ngăn. Gập nđơr tăng Kôranh Brah kơt khân ay may nar dja này đơng.

⁴A lor nơh gập lẻ jan jêr ma bunuyh i nsing ma Kôranh Yêsu tât ma nkhât bu. Gập nhữp kăt bu krưng ta trôm ndrung, nđập ma bu ur bu klô.

⁵Kôranh jan brah dút kuống, ndrel ma phung kôranh jan kar phung Israel lẻ gít jêh gập ngơi di ngăn ma nđơ i này. Khân păng ăn sambăt ma gập, njuăl ăn ma phung oh nô phung Israel i gũ ta bon Đamas, ăn gập geh nau đơi gay ma nhữp kăt phung i nsing ma Kôranh Yêsu, leo tẻ dôi khân păng ta bon Yêrusalem dja, jêh ri gập hăn ta bon này.”

⁶“Dôl gập hăn rỏ trong bơi tât ta bon Đamas này, klăp lah nar nklang bôk, đô ma geh ang tă bơh kalơ trôk ti chrăt ang jùm gập ngăn.

⁷Gập n'ho ma chôt a neh su, jêh ri tăng nteh ngơi tă bơh kalơ trôk ti lah ma gập: ‘Hơi Sôl! Hơi Sôl! Moh nau may jan jêr ma Gập mêh?’

- ⁸Gâp ôp păng bớh dja: ‘Hơi Kôranh, bu moh May ri?’, Păng ớh tay bớh ti: ‘Gâp dja Yêsu tă bớh bon Nasaret, i may jan jêr nây nớh heh’.
- ⁹Lễ phung i brồ ndrel gâp, khân păng say dadê ndr ang nây, tih ma mâu ôh tăng ngoi.
- ¹⁰Gâp ôp tay Păng: ‘Lah ndri mớh gâp jan, Kôranh mêh?’, Păng ớh bớh ti: ‘May dâk hỏm, hăn ta bon Damas, ta bon nây geh bu mra mớh lễ ndr Kôranh Brah de đã ma may jan’.
- ¹¹Jêh ri geh bu i hăn ndrel gâp nây nớh, khân păng sớh têk ti gâp leo lắp ta bon Damas, yorlah mắt gâp uánh mâu hôm ôh say, yor ma nau chrát ang i nây nớh.
- ¹²Ta bon nây geh du huê bunuyh rnha Ananês, păng jêng bunuyh iắt nau Kôranh Brah tâm di đah nau vay bân, lễ phung Israel ta bon nây rnê păng dadê.
- ¹³Păng brồ dách ta gâp ri, jêh ri lah ma gâp: ‘Hơi nô, ăn mắt may say ang hỏm’. Du n'hâm ta nây mắt gâp say ang ro, gâp uánh say păng.
- ¹⁴Jêh ri păng lah ma gâp: ‘Kôranh Brah i phung u che bân yớk mbah lễ kớih jêh may, gay ma ăn may gít nắl nau Păng ứch, ăn may gít nắl Brah Krist i nớh dắt sớng, ndrel ma ăn may gít tăng nau Păng nớh ngoi,
- ¹⁵yorlah Kôranh Brah ứch ăn may mớh nkoch ma dắng lễ bunuyh lam neh ntu lễ nau khlay i may lễ say lễ tăng.
- ¹⁶Abao dja moh hôm kớp jắt, khỏn may dâk hỏm dớn nau bắptem yắk ma dak, mớh sớh đắn Kôranh Brah rao kloh nau tih may’.”
- ¹⁷“Tắt gâp plớ sắt ta bon Yêrusalem, dól gâp gắ mớh sớh ta jắng gung nhih jan brah, gâp geh nau tâm say.
- ¹⁸Gâp say Kôranh Yêsu lah ma gâp: ‘May dâk hỏm hăn ăn gớnh bớh ntúk dja, yorlah bunuyh ta bon dja bu mâu ôh iắt nau may mớh nkoch nau Gâp’.

¹⁹Jêh ri gâp mboh ma Păng: ‘Hơi Kôranh, bunuyh ta ðon dja lě bu gít jêh gâp hăn rỗ nhìh r̄bũn dâng lě, nhũp dâng lě bunuyh i nsing ma May, rpăt mbang khân păng, tể khân păng ta trôm ndrung.

²⁰Khân păng gít ðồng dôi bu nkhât Satêphan nây nơh, jêng nơm mboh nkoch nau khlay May, gâp gũ ndrel ta nây, ndrel ma lě tâm di nau ma phung nây ðồng, gâp ðồng gũ njrăng bok ao kuông i mpôi nkhât păng droh nây nơh’.

²¹Jêh ri Păng lah ma gâp jât: ‘Mâu ôh, may dâk hăn hõm, Gâp ăn may hăn ta ntũk ngai, ta phung i mâu di phung Israel’.

²²Phung bon lan gũ iăt nau păng ngời tăt tăng păng ngời i nây, jêh ri bu nter drou lah: “Nkhât lơi păng, moh jan rong bunuyh i nây!”

²³Lě phung bon lan nây nter dũt hô, droh mbăr bok ao khân păng nơm, ndâp ma kuak neh sui jât lơ jât, yor ma khân păng ji nuih dũt hô ngăn.

²⁴Yor ma say kớt nây, kôranh taken kuông de ðă bu leo Pôi lăp ta pôi ri, jêh ri ðă bu rpăt păng ma rse, ndrel ma ôp jek ũch gít moh nau dâng bu ji nuih nter kớt ñday.

²⁵Jêh bu kât păng gay ma rpăt, păng ngời ðah kôranh taken i gũ dăch ma păng nây: “Di ðồng may rpăt du huê phung Rôm, lah ê hõ phat dôi?”

²⁶Tăt ma tăng nau păng lah kớt nây, kôranh taken i nây hăn mboh ma kôranh taken kuông ri: “Moh jan mre kớt ñday? Bunuyh i nây jêng phung Rôm ya.”

²⁷Kôranh taken kuông nây hăn ôp Pôi, lah ma păng: “Lõng may mboh ma gâp, ngăn lah may nơh phung Rôm?” Pôi ơh: “Ồ, ngăn ðồng.”

²⁸Kôranh taken kuông lah tay ma păng: “Gâp ăn prăk dũt ők, dâng jêng phung Rôm.” Pôi de ơh ma păng: “Gâp jêng phung Rôm nơm boh ndũl me ngăn.”

²⁹Lě phung i gay ma ôp păng nây du ngai boh păng ro. Lõng kôranh taken kuông nây klach, tăt ma păng gít bunuyh i păng ðă bu kât nây jêng phung Rôm.

Pôi gũ boh năp mpôi kôranh jan kar phung bri Yuđa

³⁰Tât ôi tay ri, kôranh taken kuông này đã bu droh rse rvăk Pôl, jêh ri păng đã mpôl kôranh jan brah, ndrel ma mpôl kôranh jan kar phung bri Yuđa dâng lẽ, rgum ta ntük khân păng, jêh ri păng leo Pôl hăn ta bôh năp khân păng này, yorlah păng ũch gít, moh nau dâng phung bri Yuđa ntôn Pôl này.

Kôranh Oh Mon 23

¹Jêh ri Pôl uănh phông jât mpôl kôranh jan kar phung bri Yuđa ri, lah ma mpôl này: “Hơi phung oh nô kônkh va, lẽ nau gũ ngao gáp ta năp mắt Kôranh Brah, tât nar dja gáp gít lah lẽ sông, mâu ôh geh nau đit prêng.”

²Kôranh jan brah dứt kuông rnha Ananês đã bunuyh i gũ dăch kêng Pôl này tap mbung păng.

³Pôl lah ma kôranh i này: “Kôranh Brah mra lơh may mâu klaih, yorlah may jêng bunuyh i geh nuih n'hâm ndöp mpôn tâm ban ma mpêr lẽ văm i bu hâng ma dak klo nglang. May gũ ta dja gay ma phat dôi h gáp tâm di đah nau vay bân, yơn ma may đã bu tap gáp jêng tih đah ma nau vay bân.”

⁴Bunuyh i gũ dăch kêng păng ri lah păng: “Moh may bãnh ngời rak suai ma păng kớt này, păng i kôranh jan brah dứt kuông i Kôranh Brah lẽ kơih!”

⁵Pôl ơh: “Hơi phung oh nô kônkh va, gáp mâu ôh gít lah păng i kôranh jan brah dứt kuông, lah ndri gáp lẽ tih, yorlah ta Nau Kôranh Brah Ngời geh nchih lah: ‘Lời ôh khân ay may ngời djơh ma kôranh phung bon lan may nơm’ .”

⁶Tât ma Pôl gít bunuyh gũ r̄bũn ta ntük này, geh du mpôl jêng phung Sadôsi, geh du mpôl jât jêng phung Pharisi, jêh ri păng ngời dứt nteh lah ma mpôl kôranh jan kar phung bri Yuđa này: “Hơi phung oh nô kônkh va, gáp dja jêng phung Pharisi, bở gáp nơh jêng phung Pharisi đống, bu ũch phat dôi h gáp, yor ma bân geh nau nơm rkâk bunuyh khât dâk rêh tay!”

⁷Jêh Pôl ngời kớt này, ntük r̄bũn này jêng tâm nkah nkhat băl, yorlah phung Pharisi, đah ma phung Sadôsi geh nau tâm rlăch băl.

⁸Phung Sađôsi tâm rlăch yor ma khân păng mâu iăt ôh lah geh bunuyh khăt dâk rêh tay, mâu iăt ôh lah geh tông păr, mâu lah huêng, yơn ma phung Pharisí iăt lể ndr nây lah geh dadê.

⁹Dôl nây geh nau ngơi khôh vêt vê chuê chuăng ngăn, jêh ri geh nơm nti mpeh ma phung Pharisí dâk lah: “Hên mâu ôh say bunuyh dja geh nau tih ta păng, klăp lah geh huêng, mâu lah tông păr gũ ngơi ndrel păng.”

¹⁰Say geh nau tâm rlăch lơ hô, kôranh taken kuống đă kon taken sỗ mphők Pôl bớh phung nây leo sât ta pôyh, yorlah păng klach bu nkhăt sa hêk Pôl ri.

¹¹Ta mănng nây Kôranh Yêsu tâm mpơl ma Pôl, dâk kêng meng păng ri, lah ma păng: “Hơi Pôl, may lơi klach ôh, iăt ma may mớh nau khlay Gáp ta bon Rôm, kớt may lể mớh ta bon Yêrusalem dja đống.”

Bunuyh abă tâm di nau ứch nkhăt Pôl

¹²Tăt ôi tay ri, phung Israel abă lể tâm di du ntôr nau, khân păng sơm săk ăn tăt geh nkhăt Pôl mớ dăng nhêt dăng sông.

¹³Phung i lể tâm di du ntôr nau nây, geh 40 nuyh rlau.

¹⁴Lể phung nây leo bắ hăn mập ma mpôl kôranh jan brah, ndrel ma mpôl kôranh jan kar, khân păng mớh ma phung nây: “Hên lể jêh sơm săk ta bớh nặp măt Kôranh Brah, lah ê hỏ geh nkhăt Pôl, hên mâu ôh nhêt mâu ôh sông.

¹⁵Lah ndrỉ ăn khân may tâm di bắ đah ma mpôl kôranh jan kar phung bri Yũđa dăng lể, ôp kôranh taken kuống ri, đăn păng leo Pôl ta ntũk khân may rắbũn nây. Khân may jan tâm ban ma ứch gít n'hêl nau păng du tở jăt, hên ma gũ kớp nkhăt păng ê lor păng ma tăt ta dja.”

¹⁶Yơn ma i mon bu klô Pôl ri, păng gít nau nây, jêh ri păng hăn mập Pôl ta pôyh ri, gay ma mớh ăn păng gít.

¹⁷Pôl kuăl du huê kôranh taken mớh ma păng: “Đăn may leo bu klô ndăm dja, hăn mập kôranh taken kuống, yorlah păng geh nau ứch mớh.”

¹⁸Jêh ri păng leo bu klô ndăm nây hăn mập kôranh taken kuống, mớh ma păng: “Bunuyh dôi h rnhă Pôl nây nớh, păng kuăl gáp, ăn gáp leo bu klô

ndăm dja hăn mậ may, yorlah bu klô ndăm i nây geh nau öch mboh ma may.”

¹⁹Jêh ri kôranh taken kuông nây têk ti bu klô ndăm du bah boh bu, ôp êng păng: “Moh nau may öch mboh ma gáp mêh?”

²⁰Bu klô ndăm nây mboh ma păng: “Mpôl kôranh bri Yuda lể tâm di du ntô nau, gay ma dẫn may leo Pôl hăn mậ mpôl kôranh jan kar phung bri Yuda ta nar ôi tay. Khân păng jan tâm ban ma öch gít n'hêl nau păng.

²¹Yơn ma dẫn may lơi ôh iăt nau phung i nây, kôranh, yorlah lể geh 40 nuyh rlau bu lể kôp trong gay ma lơh păng. Phung i nây lể sơm sắk, lah ê hỏ geh nkhât Pôl, khân păng mậ ôh nhêt mậ ôh sông. Abao dja khân păng lể ndrăp lể phiao, hôm kôp lôh nau boh may dôm.”

²²Jêh ri kôranh taken kuông ăh bu klô ndăm nây săt, buay păng lơi ăh nkoch ma bu ôh lể nau i păng lể nkoch nây.

Bu njün Pôl ta bon Sêsara

²³Jêh boh nây, kôranh taken kuông i nây kuăl kôranh taken păng bar hê mboh ma khân păng: “Mong sân mắng dja hăn ta bon Sêsara, khân may ndrăp taken brố jống ăh geh 200 nuyh, taken ncho seh 70 nuyh, ndrel ma taken ndjôt tak 200 nuyh.

²⁴Ndrăp đống du mlôm seh ăh ma Pôl de ncho, gay ma leo păng hăn mậ kôranh kuông Phêlik ma nau đăp mpăn.”

²⁵Jêh ri păng nchih sambüt du n'ha ăh ma kôranh kuông i nây, lah kớh nđa:

²⁶“Sambüt dja tă boh gáp rnhâ Klôdês-Lusia, dẫn kôh mbah lah ueh ma kôranh kuông Phêlik.

²⁷Bu klô dja, phung Israel lể nhữp öch nkhât lơi păng, yơn ma gáp, ndrel ma taken năn sỏ rklaih păng lôh boh phung i nây, tăt ma gáp gít lah păng jêng phung bon lan Rôm.

²⁸Gáp njün păng ma mpôl kôranh jan kar phung bri Yuda, yorlah gáp öch gít moh nau dâng bu ntôn ôbăl.

²⁹Tâng ma nau gáp say bu ntôn ôbă ma nau vay mpeh ma khân păng nôm dôm, păng mâu geh ôh nau tih tât ma khât săk, mâu lah tât ma nhũp ma krũng.

³⁰Jêh ri geh đổng bunuyh hăn mboh ma gáp: Phung Israel abă lě tâm di du ntô nau ũch nkhât păng. Kơt ndri dăng gáp njũn bunuyh dja ma may ro, ntay dăng gáp đã phung i tơm ntôn nây hăn mập mboh nau i nây ma may ta nây.”

³¹Jêh ri phung taken nây leo Pôl hăn ta bon Ōntipatris dăng mǎng ro, boi nau kôranh taken kuống đã ma khân păng ri nơh.

³²Tât ôi tay ri, hôm rong taken ncho seh dôm hăn ndrel Pôl, khân păng nôm ri plở sât tay a pôyh dja.

³³Tât ta bon Sêsara, khân păng ndở sambũt, ndrel ma njũn Pôl nây ăn ma kôranh kuống ri.

³⁴Jêh kôranh kuống nây rỏ sambũt i nây lě phiao, păng ôp Pôl boh tả bri. Tât ma păng gĩt Pôl tả boh bri Kilikia,

³⁵păng lah ma Pôl: “Kộp tât phung tơm ntôn may a dja, dăng gáp ăn may mboh nkoch nau may ma gáp.” Jêh ri păng đã bu krũng Pôl ta nhieh kuống kadăch Hêrôt jan.

Kôranh Oh Mon 24

Mpôl kôranh bri Yuđa lah ntôn Pôl

¹Jêh Pôl hăn truyh ta bon Sêsara, tât prăm nar boh kơi nây, tât kôranh jan brah dũt kuống rnhă Ananês, ndrel ma kôranh bri Yuđa abă. Khân păng leo du huê bunuyh blao tâm mboh dôi h rnhă Tơtulus, ntôn Pôl ta nấp kôranh kuống nây.

²Bu kuăl Pôl văch ta ri, jêh ri Tơtulus nơm ntôn păng kơt nđă: “Gáp dẫn kôh mbah lah ueh ma kôranh kuống Phêlik. Yor ma nau mân ueh may dăng phung hên geh nau đăp mpăn, dăng bri dak hên geh nau rgâl jêng ueh lě jô hơi.

³Kơt ndri hên kah gít lah ueh ma kôranh dút hô ngăn tâm ăp tở, lể nau may ăn ma hên tâm ăp ntũk.

⁴Gập mâu ứch ôh rkhuak kôranh jở jong ir đổng, gập dẫn kôranh geh nau yở ứch iăt nau hên bar pe tong đơm,

⁵yorlah hên say bunuyh dja jan djơh, păng jan ăn nau uh ah ma phung Israel lam neh ntu dja, păng i này jêng kôranh i bu kuăl phung Nasaret .

⁶Jêh ri ndâp ma păng jan bở ma nhieh jan brah ma Kôranh Brah jăt, kơt ndri dăng hên nhữp păng [hên ứch phat dôi h păng tâng ma nau vay hên,

⁷yơn ma geh Lusìa jêng kôranh taken kuống, păng rayh mbang bu, ndrel ma mphök bunuyh dja bớh ti hên,

⁸jêh ri đã phung ntôn păng hăn mập may ta dja.] Tăt may nờm ôp nau bớh păng, may gít ro dăng lể nau i hên ntôn păng.”

⁹Mpôl kôranh bri Yuda iăt nau ntôn này, jêh ri mớh ma kôranh kuống dăng lể nau i này jêng di ngăn.

Pôl ơh nau bu ntôn păng

¹⁰Jêh ri kôranh kuống này nchởng ti đã Pôl ngơi. Pôl ngơi: “O kôranh kuống, lể gập gít jêh may kôranh phat dôi h ta dja lể jở năm, kơt ndri nau gập ơh dja, gập mâu geh ôh nau rvê.

¹¹Yơn ma lah may ôp bu, may gít ro, nchô ma 12 nar bớh kơi nờh đơm gập hăn yớk mbah Kôranh Brah ta jởng gung nhieh jan brah ta Yêrusalem.

¹²Bu mâu prot ôh say gập gủ tâm rlăch đah bu, mâu lah jă bu jan nau uh ah, bol lah ta nhieh jan brah, ta nhieh rbũn, mâu lah lam ntũk ta bon này.

¹³Abơ dja mpôl i này ntôn gập jan djơh, yơn ma joi nớ nhhơ nớ gập jan djơh mâu ôh say.

¹⁴Yơn ma gập ứch nkoch sớng ăn ma kôranh, gập yớk mbah ma Kôranh Brah i phung u che hên yớk mbah đổng. Gập yớk mbah păng tâng nau Kôranh Yêsu nti jêng di ngăn, tih ma kôranh bri Yuda lah nau nti i này nklă, yơn ma

gâp iăt lě nau Môsê nchih, ndrel ma geh nchih ta sambüt mpôl bunuyh ntöyh nau ngöi Kôranh Brah.

¹⁵Gâp geh nau röm nâp rkâk dja ta Kôranh Brah, tâm ban ma mpôl i nây đöng: Bunuyh söng, bunuyh kue dâk rêh dadê.

¹⁶Köt ndri dâng gâp nsrôyh babor, gay ma jan söng mâu geh ôh nau đit prêng ta năp măt Kôranh Brah, ndrel ma ta năp măt dâng lě bunuyh.

¹⁷Gâp du bôh bon Yêrusalem lě jö năm, jêh ri gâp plở sât ndjôt prak gay ma kôl phung o ach ta phung bon lan gâp nôm, ndrel ma jan brah ma Kôranh Brah đöng.

¹⁸Dôi gâp jan brah nây, bu say gâp gũ ta jöng gung nhieh jan brah lě jêh jan nau rao săk gay ma kloh tâng nau vay. Mâu geh ôh tâm rbün bunuyh ök, mâu lah geh nau uh ah.

¹⁹Yôn ma phung i say gâp ta jöng gung nhieh jan brah nây, geh phung Israel abă tă bôh bri Asi, di lah phung i nây hăn ntôn gâp mbôh ma may kôranh, lah khân păng geh nau đah gâp.

²⁰Mâu lah ăn phung dja nkoch, lah khân păng say nau gâp jan tih mâu lah mâu, nôk gâp lě gũ ta năp mpôl kôranh jan kar phung bri Yuda nôh,

²¹lah ma geh nau khân păng lah gâp. Nôk nây gâp geh ngöi dăng ma khân păng köt nđa: ‘Khân may sô gâp phat dôi nar dja, yor ma nau gâp iăt bunuyh khât hôm dâk rêh đöng.’”

²²Phêlik lě gít n'hêl jêh ma nau nsing ma Brah Yêsu. Jêh ri păng ăn bu sât, lah ma khân păng: “Köp tăt kôranh taken kuông Lusia ta dja, dâng gâp phat dôi nar nau khân may dja.”

²³Jêh ri păng đă du huê kôranh taken krông Pôl jăt, yôn ma păng ăn nau dơh ma Pôl, ndrel ma mâu ôh buay bunuyh i hăn kôl păng.

Pôl máp Phêlik, ndrel ma ur păng

²⁴Geh sân, jăt nar bôh kôri nây nôh, kôranh kuông Phêlik hăn ndrel ur păng rnhă Trusil, bu ur nây jêng phung Israel. Păng đă bu kuăl Pôl, jêh ri iăt nau Pôl ngöi nau nsing ma Brah Yêsu Krist.

²⁵Dôl Pôl ngơi ma nau gũ sǒng, ma nau blao mât njrǎng sǎk ǎn gũ di keh, ndrel ma nau phat dôih Kôranh Brah ta nar n'glě dũt tay, Phêlik geh nau klach, jêh ri pǎng lah ma Pôl: “Abao' dja may sât bốt dôh, kǒp moh nar gâp ru, gâp kuǎl tay may.”

²⁶Phêlik rơm lah Pôl blǒl prăk ǎn pǎng, kǒt ndri dâng pǎng đǎ bu kuǎl Pôl hǎn tâm mập nkoch bri ma pǎng ők tở.

²⁷Tât bar năm bớh kơi nây, geh du huê bu klô rnhă Pôrkês-Phêstus jan kôranh kuǒng ntrǒ Phêlik. Yorlah Phêlik ứch ǎn mpôl kôranh bri Yuda rǎm maak ma pǎng, kǒt ndri dâng pǎng mậu mớk Pôl.

Kôranh Oh Mon 25

Pôl ứch ǎn kôranh kađăch phat dôih pǎng

¹Phêstus tât ta bon Sêsara geh pe nar, jêh ri pǎng lôh bớh bon nây hǎn a bon Yêrusalem.

²Ta nây mpôl kôranh jan brah, ndrel ma mpôl kôranh bri Yuda hǎn mập Phêstus gay ma ntôn Pôl. Phung nây bonh Phêstus,

³đǎn pǎng ǎn bu njũn Pôl ta bon Yêrusalem, gay ma ǎn pǎng nhhơ nuih n'hâm ueh pǎng ma kôranh bri Yuda. Yơn ma khân pǎng lě tâm di du ntôr nau kǒp nkhât Pôl rỏ trong.

⁴Phêstus ớh ma phung nây: “Pôl lě bu krũng pǎng ta bon Sêsara, jêh ri gâp plở sât gớnh ta bon nây đổng.

⁵Lah ndri ǎn khân may đǎ kôranh abǎ hǎn ndrel gâp a ri, jêh ri lah geh tih ta pǎng, ntôn pǎng dô.”

⁶Phêstus gũ ta bon Yêrusalem geh sâh, jât nar, jêh ri pǎng plở sât ta bon Sêsara. Tât ôi tay pǎng gũ ta rơm' phat dôih, đǎ bu leo Pôl ta ri.

⁷Tât pǎng ta ri, mpôl kôranh bri Yuda i tǎ bớh bon Yêrusalem gũ njôm jũm pǎng, jêh ri ntôn ôbǎl dôih jru jru ők ngǎn, tih ma mậu ôh say mớh n'hêl nau tih i nây.

⁸Pôl ơh: “Gập mâu ôh prot jan tih đah nau vay phung Israel, đah nhih jan brah ma Kôranh Brah, mâu lah đah kôranh kađäch bon Rôm.”

⁹Yor ma Phêstus păng öch nhhơ nuh n'hâm ueh ma mpôl kôranh bri Yuđa, păng lah ma Pôl kơt nđa: “May öch đōng hăn ta bon Yêrusalem ri ndrel gập, gay ma gập phat dôi h nau dja?”

¹⁰Pôl ơh: “Ta dja jêng ntük phat dôi h kôranh kađäch bon Rôm, di ma phat dôi h gập ta dja. Gập mâu ôh prot jan tih đah ma phung Israel, kơt may lể gĩt n'hêl jêh nau dja.

¹¹Lah gập mập jan kue mâu lah jan tih, geh dôi h jru tât ma khât sắk, gập mâu ôh rlăch khât, yơn ma lah nau khân păng ntôn gập nây mâu ngăn, lah ndri mâu ôh di njũn gập ăn ma khân păng. Gập öch hao nau dja tât a kôranh kađäch ta bon Rôm ri.”

¹²Jêh ri Phêstus tâm nchră đah ma phung kôranh kơl păng ta nây, păng lah ma Pôl: “May đăn hao nau may a kôranh kađäch ri, lah ndri may hăn a păng dō.”

Phêstus nkoch dôi h Pôl ăn ma kađäch Agripa gĩt

¹³Tât sần, jât nar bớh kơi nây, tât brố kađäch Agripa, ndrel ma oh bu ur păng rnha Bêrênis, khân păng hăn ta bon Sêsara, gay ma hăn khõl ôp ueh lăng Phêstus.

¹⁴Kađäch gũ ta bon nây jổ nar, jêh ri Phêstus nkoch nau Pôl ăn ma kađäch nây gĩt, păng lah: “Geh du huê bunuyh dôi h ta trôm ndrung i Phêlik ê hõ phat dôi h hòm rong ta nây.

¹⁵Dôi h gập hăn ta bon Yêrusalem, geh mpôl kôranh jan brah, ndrel ma mpôl kôranh bri Yuđa ntôn păng, đăn ăn gập tể dôi h păng.

¹⁶Gập lah ma khân păng, ta phung Rôm mâu vay geh ôh njũn du huê ăn bu tể dôi h, lah nơm i tơm dôi h ê hõ gũ tâm mập ngơi bớh to bớh dja đah ma nơm i tơm ntôn lor.

¹⁷Tât phung i nây ta dja nớh, kah nar ôi tay gập gũ ta ntük phat dôi h, ndrel ma đă bu leo Pôl ro, mâu ôh kốp jổ.

¹⁸Phung i tởm ntôn păng gũ ta ntũk phat dôih ri dadê đống, yởn ma mâu ôh say ntôn du ntil ndr tih kuống kớt nau gập mân lor.

¹⁹Khân păng man ma tâm rlăch ta nau vay phung khân păng nờm, ndrel ma nau du huê bunuyh rnha Yêsu lể khât, yởn ma Pôl lah hôm rêh du ri đơm.

²⁰Yorlah gập mâu vay phat dôih nau tâm rlăch kớt i nây, ndrri dâng gập ôp Pôl lah păng ứch hăn ta ðon Yêrusalem, gay ma phat dôih ta nây.

²¹Yởn ma păng ứch hao nau dja tât ma kôranh kađăch phat dôih, ndrri dâng gập đă bu krũng păng ta trôm ndrung jât, kớp tât nar gập njũn păng ăn ma kôranh kađăch.”

²²Kađăch Agripa lah ma Phêstus: “Gập ứch iăt nau bunuyh nây ngời đống.” Phêstus ơh: “Nar ôi tay kađăch tăng nau păng ngời.”

Pôl gũ boh nấp mắt kađăch Agripa

²³Tât nar ôi tay ri, kađăch Agripa, ndrel ma Bêrênis, hăn ta ntũk jrô rbũn kuống rừm khừm ngăn. Ta nây geh phung kôranh taken kuống, ndrel ma phung kôranh ta ðon nây hăn ndrel păng. Jêh ri Phêstus đă bu leo Pôl hăn ta ri.

²⁴Phêstus lah: “Gập đăn nkoch ăn ma kađăch, ndrel ma dâng lể bunuyh i văch gũ ndrel gập ta dja, bunuyh dja dâng lể phung Israel ta ðon Yêrusalem, ndrel ma ta ðon dja, khân păng hăn ntôn păng ta gập, ndâp ma nter đă nkhât lơi păng.

²⁵Lõng gập dja mâu ôh say geh nau tih ta păng tât ma khât săk, yởn ma săk păng nờm ứch đăn nau dja hao tât ta kôranh kađăch bân ta ðon Rôm. Ndrri dâng gập mân njũn păng ăn hăn mập kôranh kađăch ta ri.

²⁶Gập ê hỏ ôh geh nau n'hêl naně ma nchih nau păng ma ăn kôranh kađăch i nây gít, kớt ndrri dâng gập đă bu kuăl păng hăn mập khân ay may ta dja, yởn ma nau khlay i hô nờh jêng ứch mập ma kađăch nờm dja. Lah lôch jêh ôp păng, ri mớ gập geh nau abă ma blao nchih ta sambüt.

²⁷Yorlah tâng ma nau mân gập, lah njũn bunuyh dôih, ăn geh nchih nkoch n'hêl naně nau ntôn ta sambüt ri đống.”

Kôranh Oh Mon 26

Pôl oh nau bu ntôn păng ta năp măt kađăch Agripa

¹Kađăch Agripa lah ma Pôl: “Dôl dja gâp ăn may dơi ngời mâu chrao ôh.”
Jêh ri Pôl nta ti lah:

²“Ở kađăch, nar dja gâp răm maak hô ngăn, yor ma gâp dơi plơng ơh dăng lě nau mpôl kôranh bri Yuđa de ntôn gâp dja ta năp măt may kađăch,

³yorlah lě nau vay phung hên lě kađăch gít n'hêl jêh, ndrel ma nau vay khân păng vay hôm tâm rlăch. Ndri gâp đăn kađăch ăt nuh ma iăt nau i gâp ngời dja.

⁴Dăng lě phung Israel lě gít dadê jêh nau gũ rêh gâp ntôm bớh jě. Khân păng lě gít jêh bớh ntôm nớh gâp gũ rêh ta ntũk gâp nôm, ndrel ma ta ðon Yêrusalem.

⁵Lah khân păng ứch nkoch, khân păng lě gít jở ngăn jêh gâp jêng mpôl mpeh ma phung Pharisai. Ta phung Israel hên dja, hên jêng phung i ndjôt nau vay phung Israel đăng rlau bu ngăn.

⁶Yơn ma abao' dja, nau i bu nhũp phat dôih gâp dja, yor ma nau rôm ma nau Kôranh Brah lě ton jêh ma phung u che hên kăl e nớh.

⁷Dăng lě ta rnoi deh hên 12 mpôl, hên rôm nau Kôranh Brah ton dja mra tăt ngăn, ndri dăng hên nsrôyh ndjôt nau yók mbah Kôranh Brah dăng măng dăng nar. Ở kađăch Agripa, yor ma nau rôm i này dăng phung Israel ntôn gâp dja.

⁸Mớh dăng khân ay may ndrôt hih rhôl mâu ứch iăt nau Kôranh Brah jan ăn đăk rêh bunuyh khât?

⁹Săk gâp nôm dja, bớh ntôm nớh gâp mân di ăn tâm rdăng ők đah ma bunuyh i nsing ma Kôranh Yêsu i tă bớh ðon Nasaret.

¹⁰Gâp lě jêh jan ngăn nau i này ta ðon Yêrusalem, jêh ri gâp đơn nau tă bớh mpôl kôranh jan brah, gay ma nhũp phung kloh ueh i này ők ngăn tể ta trôm ndrung. Dôl bu ứch nkhat phung khân păng i này, ndâp ma gâp lě tâm di du ntôl nau ndrel phung i này đống.

11Gâp hăn babor ăp rở nhieh r̄bũn phung Israel, gay ma tễ dôi phung i này, nchâp khân păng đã m̄băr lơi nau nsing i này. Gâp ji nuieh ma khân păng dứt hô ngăn, ndri dâng gâp hăn jan jêr khân păng n'ho tât ta bon ta n'gor bri êng.”

12“Dôi này gâp geh nau dơi đã nau tã bôh mpôl kôranh jan brah. Jêh ri gâp hăn ta bon Đamas.

13Ở kadäch, dôi gâp hăn rở trong này, nôk này klăp lah nar nklang bôk, geh ndr̄ ang chr̄at ngăn tã bôh kalơ trôk ti ang ta gâp ri rlau ma ang nar, ndrel ma ang ta phung khân păng i hăn ndrel gâp ri.

14Dôi này dâng lể phung hên chôt ta neh ri dadê, jêh ri gâp tăng nteh ngơi lah ma gâp ta nau ngơi Hêbr̄ơ: ‘Hơi Sôl, hơi Sôl, moh nau may jan jêr ma Gâp mêh? May jan ma Gâp kơt này geh nau jêr ma may ngăn, tâm ban ma ndrôk tâm tốm ma loyh mplôn, kơt này mâu di vã’.

15Jêh ri gâp ôp Păng: ‘Ở Kôranh, bu moh May ri?’, Păng ơh bôh ti: ‘Gâp dja Yêsu, i may jan jêr này nơh heh.

16Yơn ma abơ dja ăn may dâk hõm, Gâp tâm mpôl ma may dja yorlah Gâp ũch sỏ may jan kar ma Gâp, jêh ri ăn may nkoch nau khlay i Gâp ăn may say dja, ndrel ma nau êng êng Gâp mra tâm mpôl ăn ma may ta nar jât năp tay đống.

17Jêh ri Gâp mra rklaih nau rêh may bôh ti phung Israel, ndrel ma bôh ti phung i mâu di phung Israel nôk khân păng jan jêr ma may. Gâp ăn may hăn ta phung i mâu di phung Israel,

18gay ma nti khân păng ăn pơk nuieh n'hâm ma nau Kôranh Brah, ăn khân păng du lôh tã bôh ntũk ngo, jêh ri hăn ta nau ang, du lôh tã bôh nau dơi Satăng i kôranh mpôl brah djơh, jêh ri plở sât ma Kôranh Brah, ri mớ Kôranh Brah yỏ khân păng mâu hôm kơp nau tih khân păng, jêh ri Kôranh Brah ăn khân păng gũ ndrel phung i Kôranh Brah lể kơp kloh ueh jêh, yorlah nsing ma Gâp’.”

19“Ở kadäch, kơt ndri dâng gâp mâu ôh rlăch đah nau i gâp tâm say này.

²⁰Jêh ri gâp mboh nkoch ăn bu rgâl nuh n'hâm djoh, plở sât ma Kôranh Brah, jêh ri ăn lể ndr i khân păng jan nơh lể geh tâm di đah nau rgâl nuh n'hâm djoh ngăn. Bơh ntơm bôk dak gâp lor mboh nkoch ndr i này ta bon Damas, jêh ri ta bon Yêrusalem, ndrel ma dăng lể bri Yuđa, n'ho tât ma phung i mâu di phung Israel đổng.

²¹Yor ma nau i này dăng phung Israel abă nhữp gâp ta jông gung nhih jan brah, jêh ri ứch nkhât gâp jât.

²²Yơn ma geh Kôranh Brah mât njrăng gâp tât nar dja, ndri dăng gâp hôm rêh dâk ta dja, dăng gâp dơi mboh nkoch nau khlay ta năp phung bu jể bu kuông. Gâp mâu geh mboh nkoch rlau đah ma nau mpôl bunuyh ntơyh nau ngơi Kôranh Brah, ndrel ma nau Môsê i lể geh nchih kăl e nơh.

²³Khân păng ngơi lah Brah Krist i nơm rklaih i Kôranh Brah de njuăl ri iăt ma geh nau jêr jốt tât Păng khât, jêh ri Păng dâk rêh lor bu ma dăng lể bunuyh. Kơt ndri Păng ăn nau ang ta nuh n'hâm phung Israel, ndrel ma phung i mâu di phung Israel, geh nau khlay mboh nkoch ma nau rklaih.”

²⁴Dôi Pôl hôm e ngơi này, Phêstus nter dứt nteh lah păng: “Hơi Pôl, lể trời may này mể, may nti lăn ốk ir dăng jêng trời!”

²⁵Pôl ơh ma păng: “Ồ kôranh Phêstus, gâp mâu geh trời ôh. Nau gâp ngơi jêng ngăn, jêng di.

²⁶Kadăch Agripa dja lể ơm gít nau dja, kơt ndri dăng gâp bảnh mboh nkoch ma păng mâu geh nau klach, yor ma gâp gít kadăch lể gít dadê jêh, yorlah lể nau dja mâu ôh jan mpôn ta ntúk ndöp.

²⁷Ồ kadăch, ah may iăt đổng nau mpôl bunuyh ntơyh nau ngơi Kôranh Brah kăl e nơh? Gâp lể gít ngăn may iăt ngăn ro.”

²⁸Kadăch Agripa lah ma Pôl: “Hôm e du blăt jât, may jan ăn gâp bời jêng bunuyh nsing đổng.”

²⁹Pôl ơh ma kadăch: “Bol lah hôm du blăt, mâu lah hôm jồ bởh năp, gâp vớh vớh ma Kôranh Brah mâu ôh dơn ăn ma kadăch đơm, gâp ứch ăn ma dăng lể

phung i gũ iăt gáp ta nar dja, ăn tâm ban ma gáp đống, tih ma nau i bu kăt ma rse rvăk dja mầu ôh ăn kơt.”

³⁰Jêh ri kađăch Agripa, kôranh kuống Phêstus, Bêrênis, ndrel ma dăng lể bunuyh abă i gũ ta nây, leo bắ dắk đrưm

³¹du lôh bớh ntũk nây, tâm lah ndrăng khân păng: “Bunuyh dja mầu ôh say geh nau tih tăt ma khăt sắk, mầu lah tăt ma kăt ma rse rvăk.”

³²Kađăch Agripa lah ma Phêstus: “Lah bunuyh dja ê hỏ lắn đắn hao nau a kôranh kađăch, đơi bớk ăn păng lôh.”

Kôranh Oh Mon 27

Bu njũn Pôl ta bon Rôm

¹Tăt lể kôranh kuống ăn hên jũr ncho duk hắn ta bon Rôm bri Italy, bu njũn Pôl, ndrel ma bunuyh đơih abă êng ăn ma du huê kôranh taken rnha păng Julês, phung taken păng nây jêng phung taken kôranh kađăch.

²Hên ncho du mlôm duk kuống i tă bớh bon Adramit, i lể ndrăp hắn rỏ meng kớh ta bon êng êng ta bri Asi. Geh Arisđarkus jêng bunuyh bớh bon Têsalônik bri Masêđôn, hắn ndrel hên ta ri đống.

³Tăt nar ôi tay hên nsrũng ta bon Sidôn, Julês geh nuh n'hâm ueh ma Pôl hô ngắn, ăn păng hắn ta jay mắt jắng păng nờm ri, gay ma ăn bu kớl ndr ma păng.

⁴Jêh ri hên lôh bớh bon nây ncho rỏ gồ dak Kipros der rỏ meng i ngai bớh sial, yorlah ncho rlỏ bớh chông sial.

⁵Jêh hên glăt dak vắch dak vắ đắch bri Kilikia, ndrel ma bri Pamphilia, hên tăt ta bon Mira bri Lukê.

⁶Ta bon nây kôranh taken joi geh du mlôm duk kuống tă bớh bon Aleksantri, i ứch hắn ta bri Italy, jêh ri păng leo hên ncho duk i nây.

⁷Hên ncho mbới mbới hắn jắt nắp jỏ nar, dăng geh ma tăt tâm sớng ma bon Kaniđôs, mầu đơh mầu nớnh ngắn, yorlah geh sial khôm tă bớh nắp hên ri.

Jêh ri teng jât ntũk Salmôn ta gôl dak Kret, ncho rỏ gôl dak nây rỏ meng i ngai bớh sial.

⁸Hên ncho rỏ meng nây, hên ncho n'hot ntũk Salmôn i nây mầu dớh mầu nớnh dâng tât ta du ntũk, bu rnha lah 'Ntũk ueh nsrũng duk', dách ma bon Lasê.

⁹Yor ma mbới ir, jêh ri nau nhêt bũn ất sông sa lẻ jêh, ndrel ma khay sial pôh lẻ bới ma tât đống, lah hãn jât nấp jât klach lah geh nau jêr, ndri Pôl mbớh ma khân păng:

¹⁰“Ở khân may, gáp lẻ gít jêh, lah bân mầu gũ ta dja bốt, lah hôm e hãn jât nấp jât mra geh nau tât jêr ngãn, mầu ôh dớn geh jêr ma đrấp ndớ, ndrel ma duk đớm, păng geh nau jêr tât ma sắk bân nớm jât.”

¹¹Yớn ma kôranh taken mầu ứch ôh iất nau Pôl ngới nây, păng iất ma bunuyh i tớm bớk duk, ndrel ma bunuyh i tớm duk nây đớm.

¹²Yor ma ntũk bu nsrũng duk nây mầu lắng ueh ôh ma gũ rlu ta khay sial pôh, ndri dâng geh ốk bunuyh i ứch ấn duk hãn n'hot jât nấp oi. Nkhêp ma đới hãn tât ta bon Phênich, jêng ntũk bu nsrũng duk du ntũk ta gôl dak Kret, gay ma gũ rlu ta ntũk nây ta khay sial pôh. Ntũk i nây geh bar trong ma lôh lắp ta dak vắch dak vắ, jêng ntũk geh n'hũt ma sial ta khay sial pôh.

Geh sial phũt

¹³Dôl nây geh sial khôm lết hêt tắ mpeh bớh đống ri. Khân păng mần lah jêng đi đah nau khân păng ứch. Jêh ri bu uih rse mống loyh n'gống duk tẻ ta kalớ duk ri, nớm ncho hãn rỏ meng gôl dak Kret ri.

¹⁴Yớn ma du blát bớh kới nây, geh du ntil sial phũt dũt dắng, bu rnha lah 'Sial phũt Órakliđôn', khôm tắ bớh gôl dak ri ấn bah ngai.

¹⁵Hên rắng duk jât sial nây mầu hôm ôh đới, jêh ri hên ấn duk tâng sial de rdu.

¹⁶Tât ta du mlóm gôl dak jẻ ri rnha Khlôđá, ta gôl dak i nây hên ncho rỏ ntũk n'hũt, jêh ri hên n'hao duk jẻ bớh dak, kát ta kalớ mầu đớh mầu nớnh ngãn.

¹⁷Jêh n'hao kât lě phiao ri, hên sǎ rse brăt ma put jũm duk kuõng ri, njrăng lơi ăñ blôh chah. Hên klach sial rdu duk tăt ta ntũk thỏi i bu kuăl lah 'Sortis', ndri hên nklăch du mlõm tơm si n'hông gay ma ăñ duk mbơi, jêh ri hên ăñ duk kuõng ri tâng sial de rdu.

¹⁸Tăt nar ôi tay ri, khân păng nklăch mbăř lơi ndr rdeng ta kalơ duk nây gay ma n'gơch duk, yor ma sial phũt dũt hô ngăñ.

¹⁹Tăt nar pe, phung hên i gũ ncho ta kalơ duk ri, nklăch mbăř lơi ndr i đõng ma jan kar ta duk nây đõng.

²⁰Lě jǎ nar hên mâu hõm ôh say nar say mănħ, yorlah geh mih ndăp ma sial phũt nây hõm e dũt đăng ngăñ, jêh ri hên mâu hõm đõng ôh rơm ma rêh.

²¹Lě jǎ nar hên ăt mâu ôh geh sa ndr. Pôl dăk ta n'gul phung khân păng ri, jêh ri lah: "Ổ oh nô, lah khân may iăt nau gập nơh, lơi lôh ôh bỡh gôl dak Kret nây, khân may mâu geh ôh nau jêr, nau roh kớť nđă.

²²Abơ dja gập đăñ khân may lơi ôh bah rơm, yorlah mâu geh ôh du huê bunuyh khăt ta phung khân may, man ma djơh i duk đơm.

²³Gập lě gĩt jêh, yorlah a mănğ nơh, Kôranh Brah i gập yơk mbah, Păng njuăl tồng păř Păng nơm dăk kêng meng gập ri, lah ma gập:

²⁴'Ổ Pôl, may lơi klach ôh, Kôranh Brah lě ăñ may dăk ta năp kôranh kadăch ngăñ ro. Păng lě iăt nau may mbỡh sơm, rklaih đăng lě bunuyh i hăñ ndrel may'.

²⁵Lah ndri, ơ khân may, lơi klach ôh, yorlah gập nsing lě nau ngơi Kôranh Brah ma gập, păng mra geh kớť nây ngăñ.

²⁶Yơn ma duk bân dja, mra khan ta meng ta du ntũk gôl dak."

²⁷Tăt lě 14 nar duk hên n'hông rỏ dak văch dak văř Adrê. Dôl nây klăp lah lě n'gul mănğ, phung i jan kar ta duk ri ndôn lah lě bỡi tăt meng kớh.

²⁸Khân păng nklăch rse veh jru dak, say jru dak 37 met. Tăt du blăt, khân păng veh jăt hõm 28 met.

²⁹Jêh ri khân păng nklăch rse mống loyh n'gống duk puăn mlôm bớh chiăng duk ri, klach lah duk geh tom lữ, n'ho ma gũ mớh sớm dẫn gay ma gớnh ang.

³⁰Phung i tớm duk ứch nhuăt ntlọi duk kuống ri, khân păng drih nklăch duk jẻ jẻ a dak su jan lơh tâm ban ma uih rse mống loyh n'gống duk ma tẻ bớh bôk duk ri.

³¹Jêh ri Pôl lah ma kôranh taken, ndrel ma kon taken: “Lah phung nây mâu hôm ta kalơ duk dja, khân may mâu rêh ôh.”

³²Jêh ri phung taken sreh rse duk jẻ nây tũp rngăt a dak su.

³³Tât bri bới ang, Pôl kuăl bu dăng lẻ, păng lah: “Ớ oh nô, lẻ 14 nar ngăn, khân may gũ rngot đờm ăt mâu geh ôh sa ndơ.

³⁴Abơ dja khân may sa dô, păng ma rêh, yorlah mâu geh ôh du huê bunuyh ta phung khân may roh hêng.”

³⁵Jêh păng ngới kớt nây, păng sớ nũmpăng, lah ueh ma Kôranh Brah ta nấp dăng lẻ bu ri, jêh ri păng gích sa.

³⁶Dăng lẻ bu ta kalơ duk ri, nuih n'hâm khân păng ntớm geh suan jăt, leo bắi sa dadê.

³⁷Dăng lẻ phung hên ta kalơ duk ri, geh 276 nuyh.

³⁸Jêh sa hớm lẻ phiao ri, khân păng pử nklăch ba ấo a dak su, gay ma n'gớch oi duk.

Duk ngóm ta dak

³⁹Tât bri lẻ ang, phung ta kalơ duk ri say du ntúk gôl dak, mâu ôh gít nắi gôl dak i nây, khân păng say kuăl dak geh neh choyh rỏ meng gôl dak ri. Khân păng ứch nsrũng duk ta nây, lah ma đời.

⁴⁰Jêh ri khân păng sreh lơi rse brăt n'gống duk ri a dak su, nkre ma ntlọi mống loyh ta dak ri, ndrel ma drih rse ất duk ri đờng. Jêh ri khân păng đôt n'hao bok ta kalơ duk mpeh bớh nấp duk ri, gay ma ắn sial rdu duk hắn jăt meng kớh ri.

⁴¹Yơn ma duk töl neh choyh ta pläng dak hoch tâm chrôh, n'ho ma khan i bôk duk ta ri, i chiäng duk ri chah lě phiao yor ma dak de rbuh dăng ngă.

⁴²Phung taken ũch nkhât lơi phung bunuyh dôih ta kalơ duk ri ăn lě phiao, klach lah abă bu re nchuăt bôh nây.

⁴³Yơn ma kôranh taken nây ũch kơl rklaih Pôl, kơt ndri dăng păng rơih lơi nau nây, păng đă bu moh i blao re, nsăt re lor a kơh ti.

⁴⁴Bu moh i mầu blao re ri, păng đă nhũp mpuäl kađar, mầu lah ta mpir duk ri. Kơt ndri dăng, dăng lě bunuyh tăt a yôk dadê, mầu ôh geh nau a nau ri.

Kôranh Oh Mon 28

Pôl ta gôl dak Malit

¹Tăt hên lě klaih jêh, ri mơ găt năl lah gôl dak i nây rnha gôl dak Malit.

²Bunuyh ta gôl dak i nây khân păng rom hên ueh ngă, mầu hôm ôh blao ntăt. Khân păng sũnh ũnh jă dăng lě phung hên ri hăn njơ ũnh, yorlah nôk nây geh mih, ndrel ma ji kăt đống.

³Pôl dônkh rkeh rkônkh du mpu tể ta ũnh ri, geh du mlôm bêh ku dônkh ũnh hung lôh bôh nây, chôk ti Pôl ri.

⁴Bunuyh ta gôl dak nây say bêh khan ta ti Pôl ri, khân păng tâm lah: “Bunuyh i nây lě tă nkhât bu ro, bol lah păng mhe klaih tă bôh dak văch dak văr kađôi, brah i plơng nau djơh mầu ôh ăn păng rêh.”

⁵Jêh ri păng rteh bêh nây a ũnh su, yơn ma Pôl nơm ri mầu ôh ji.

⁶Bunuyh ta gôl dak nây, bu kôp uănh păng môr săk jăn, mầu lah chôt khât. Tăt ma jô bu mầu ôh say păng geh nau ji, jêh ri bu plăch nau mân, lah păng brah chrao.

⁷Dăch ta ntũk nây geh neh du ntũk, jêng neh du huê kôranh ta gôl dak nây rnha Pupilês, păng rom hên ueh ngă ăn hên gũ ta nây pe nar.

⁸I bở Pupilês ri ji kop, ndrel ma ji vănh ndũl bêch ta gre, Pôl hăn ta jay păng ri, mbôh sơm tể ti ta păng, jan ăn păng bah.

⁹Kot ndri dâng geh bunuyh ji dâng lě ta gôl dak nây, khân păng leo bảl hăn ta Pôl, jêh ri bah dadê.

¹⁰Khân păng geh nau yơk ma hên ăn nđơ ők ma hên. Tăt nar hên lờh ncho duk bớh ntũk nây, khân păng kơl nđơ ăn hên de ma đống.

Pôl ta bon Rôm

¹¹Hên gũ ta gôl dak nây geh pe khay, jêh ri hên ncho du mlõm duk kuống, rnha ‘Điôsakôh’. Duk i nây tă bớh bon Aleksantri, nsrũng gũ ta gôl dak nây ta khay sial pôh.

¹²Tăt ta bon Sirakus, hên gũ ta bon nây pe nar.

¹³Jêh bớh nây hên ncho rỏ meng tăt ta bon Rêkêm. Tăt ôi tay geh sial tă mpeh bớh đống ri, hên ncho bar nar dâng tăt ta bon Putiyôli.

¹⁴Ta bon nây hên mập ma phung nsing abă, khân păng jă hên gũ ta nây pớh nar. Tă bớh nây tăt ta bon Rôm hên bở hăn ma jống.

¹⁵Phung nsing ta bon Rôm ri, khân păng tăng lữ bu nkoch hên, geh khân păng abă hăn chuă hên tăt ta ntũk bu tách đrăp rnha Aphês, ndrel ma geh abă êng jăt hăn chuă hên ta bon geh jay veh bêch pe mlõm . Tăt Pôl say khân păng ri, păng lah ueh ma Kôranh Brah, jêh ri păng geh săt n'hâm săt suan hô ngăn.

¹⁶Hên tăt ta bon Rôm ri [kôranh taken njũn bunuyh dôi h ma kôranh taken kuống ta mpôl kôranh taken njrăng, yơn ma] Pôl bu ăn păng gũ jay êng. Geh du huê taken gũ uảnh păng.

¹⁷Tăt pe nar nây, Pôl kuăl mpôl kôranh phung Israel ta bon Rôm tâm rbũn. Tăt bu lě râng ta ri dadê jêh, Pôl ngơi: “O’ oh nô kônh va, gập mâu prot ôh geh nau tâm rdâng đah phung Israel, mâu lah đah nau vay phung u che bân kăl e. Bu nhữp chăp gập ta bon Yêrusalem, jêh ri njũn gập ta ti phung Rôm.

¹⁸Jêh phung Rôm ôp jek gập ri, khân păng ũch bớk lời gập, yorlah bu mâu ôh say nau tih ta gập tăt ma khăt sắk.

¹⁹Tih ma mpôl kôranh bri Yuđa mâu ùch ôh, kơt ndri dăng iăt ma gáp hao máp tăt ma kôranh kađăch dja. Yơn ma mâu di ôh lah gáp dja gay ma ùch ntôn phung băl mpôl bân nơm.

²⁰Kơt ndri dăng gáp ùch kuăl khân may, ùch máp khân may, gay ma tâm ngơi băl. Yor ma nau nơm phung Israel i Kôranh Brah njuăl Brah Krist gay ma rklaih phung bân, dăng geh ma gáp geh rse rvăk kơt nđa.”

²¹Phung nây ơh ma păng: “Hên mâu ôh prot đơn sambăt tă bơh bri Yuđa ma nau may dja, mâu prot đơng geh bunuyh hăn m bơh nkoch, mâu lah ngơi nau djơh bơh may.

²²Yơn ma hên ùch iăt nau may ngơi tă bơh nau mân may nơm, yorlah hên lể gít bu tâm rdăng đah ma mpôl khân may i nsing ma Yêsu ăp ntūk.”

²³Jêh ri khân păng tâm nal nar tâm máp băl tay du tở jăt. Tăt nar nây geh bunuyh ők ngăn hăn ta jay Pôl gũ ri. Jêh ri păng m bơh nkoch nau khlay nau Kôranh Brah ùch măt uănh ma bunuyh, nơm bơh ôi tăt măng. Păng sỏ sambăt Nau Vay Môsê, ndrel ma sambăt mpôl bunuyh ntơyh nau ngơi Kôranh Brah kăl e nơh, m bơh nkoch jă khân păng săt nsing ma Brah Yêsu.

²⁴Geh bunuyh abă bu iăt nau păng ngơi nây, geh bunuyh abă dăng ko mâu iăt ôh.

²⁵Pôl say khân păng du lôh bơh ntūk nây mâu geh du ntôr nau, păng lah jăt: “Brah Huêng Ueh i kloh ueh lể m bơh jêh ma u che bân kăl e nơh, Păng m bơh tâng ma bunuyh ntơyh nau ngơi Kôranh Brah rnha Êsai, jêng di ngăn, kơt nđa:

²⁶‘Hăn joi hồm phung bon lan nây, jêh ri m bơh nkoch ma khân păng: ‘Khân ay may tăng bả bơ tih ma mâu văt, Uănh ngăn tih ma mâu ôh say ’,

²⁷Yorlah nau mân khân păng dja jở ngăn văt, Tôr lể nsêt, Khân păng lể nhêp măt. Kơt ndri dăng khân păng uănh mâu say, Iăt mâu tăng, nau mân khân păng mâu văt. Jêh ri lah khân păng mâu kơt nđa, khân păng rgâl nuh n'hâm plở săt ma Gáp, Gay ma Gáp jan bah nau ji, ăn khân păng ueh lăng’ .

²⁸Kơt ndri ănh khân may gĩt, Kôranh Brah mboh nkoch nau Păng rklaih dja ma phung mâu di phung Israel, khân păng mra iăt ro.”

²⁹[Lôch jêh Pôl ngơi nau nây, phung Israel i nây du lôh ndâp ma tâm nchră ndrăng khân păng nơm hô ngănh].

³⁰Pôl gũ ta jay păng nkhôm ri jô bar nănh ngănh, bu moh i hănh mập păng, păng rom dadê.

³¹Păng mboh nkoch nau Kôranh Brah ũch măt uănh ma bunuyh, ndrel ma ntũm nti bu ma nau Kôranh Yêsu Krist. Păng bănh hô ngănh, mâu geh bu buay păng đống.

Rôm

Rôm 1

Nau ôp ueh lăng

¹Sambŭt gâp rnha Pôl nchih, i bunuyh sŏm kŏl jan kar ma Brah Krist Yêsu. Kôranh Brah lě kuăl jêh gâp ăn jan kôranh oh mon, ndâp ma kŏih gâp ăn hăn mbŏh nkoch nau mhe mhan ueh Kôranh Brah.

²Nau mhe mhan ueh i nây, Kôranh Brah lě ton lor jêh ăn ma bunuyh ntŏyh nau ngŏi Păng nŏm kăl e nŏh nchih ta Nau Kôranh Brah Ngŏi i kloh ueh.

³Nau mhe mhan ueh i nây mbŏh nkoch ma Kon Bu Klô Kôranh Brah. Ta neh ntu dja, Kon Kôranh Brah Păng jêng săk jăn bunuyh deh ta rnoi deh kađăch David.

⁴Bu gŭt n'hêl Păng i Kon Kôranh Brah ngăn ta nau Brah Huêng Ueh i kloh ueh jan ăn Păng dăk rêh bŏh nau khăt, ndâp ma geh nau đŏi. Păng Brah Yêsu Krist i Kôranh bân.

⁵Yor ma Brah Yêsu Krist, dăng Kôranh Brah ăn gâp jan kôranh oh mon tă bŏh nau ueh Păng nŏm, gay ma mbŏh nkoch nau Kôranh Brah ăn ma dăng lě phung i mâu di phung Israel, leo khân păng nsing ndâp ma iăt Păng, ăn Păng nŏm geh nau chrêk lŏp.

⁶Khân ay may i gŭ ta bon Rôm ta phung i nây đŏng, Brah Yêsu Krist lě kuăl khân ay may jêng phung bon lan Păng nŏm đŏng.

⁷Gâp dăn njuăl sambŭt dja ăn dăng lě khân ay may jêng phung i lě Kôranh Brah de rŏng, ndâp ma kuăl ăn jêng phung bon lan Păng nŏm. Dăn Kôranh Brah Bŏ bân, ndrel ma Kôranh Yêsu Krist, ăn nau ueh, ăn nau đăp mpăn ma khân ay may.

Nau Pôl ũch khŏl phung nsing ta bon Rôm

⁸Ê lor - gâp dăn lah ueh ma Kôranh Brah i Brah gâp yŏk mbah, yor ma ndr Brah Yêsu Krist lě jan, gâp dăn lah ueh Păng yor ma dăng lě phung khân ay may, yorlah nau nsing khân ay may nŏh lě lŭ lam neh ntu.

⁹Kôranh Brah nôm lě gít gâp mboh sôm ăn ma khân ay may nâng. Gâp sôm kơl jan kar ma Păng ma lě nuh n'hâm, nau sôm kơl jan kar i này jêng mboh nkoch nau mhe mhan ueh Kon Păng nôm.

¹⁰Ăp tở gâp mboh sôm, gâp dân ma Kôranh Brah ăn gâp geh hăn mập khân ay may đống,

¹¹yorlah gâp ếch hăn a khân ay may hô ngăn, gay ma nti nau i Brah Huêng Ueh lě ăn ma gâp, gay ma nau nsing khân ay may ma Kôranh Brah lơ ma nập.

¹²Nôk gâp gũ ndrel khân ay may tay, ăn bản tâm n'hao nuh n'hâm ndrăng bản nôm tả bớh nau nsing bản.

¹³Ở oh nô ta nau nsing, gâp ếch ăn khân ay may gít, babớ ngăn gâp rơ hăn a khân ay may, gay ma leo bu sât nsing ta bon khân ay may, kơt gâp lě geh jan ta phung i mâu di phung Israel ta bri bon êng êng, yơn ma tât nar dja gâp mâu hoch hăn, hôm geh ndơ nking.

¹⁴Iăt ma gâp mboh nkoch nau mhe mhan ueh ăn ma dăng lě ndũl mpôl bunuyh, moh mpôl kađôi, mpôl bunuyh gít blao, mpôl bunuyh rluk mậl đống.

¹⁵Kơt ndri nuh n'hâm gâp ndơ ếch hăn mboh nkoch nau mhe mhan ueh ăn ma khân ay may i gũ ta bon Rôm này đống.

¹⁶Gâp mâu ôh đit prêng ma nau mhe mhan ueh, yorlah nau mhe mhan ueh dja geh nau dơi tả bớh Kôranh Brah gay ma rklaih dăng lě bunuyh i nsing ma Brah Krist, ndập ma phung Israel, ndập ma phung i mâu di phung Israel. Phung Israel sỏ dơn nau rklaih lor bu, jêh ri phung i mâu di phung Israel sỏ dơn nau rklaih bớh kơi khân păng đống.

¹⁷Nau mhe mhan ueh dja ntũm nti bản, mớm dăng bản jêng bunuyh sớng ta nấp mập Kôranh Brah. Nau jêng sớng i này man ma tả bớh nau nsing ma Kôranh Brah dơm. Kơt ma lě geh nchih ta Nau Kôranh Brah Ngơi: 'Bunuyh sớng mra geh nau rêh, tả bớh nau păng nsing' .

Nau tih bunuyh

¹⁸Kôranh Brah i gũ ta kalơ trôk, Păng lẽ nhhơ nau tẻ dôi, Păng tẻ dôi ma dăng lẽ bunuyh i mâu iăt Păng, ndập ma bunuyh djơh. Yor ma nuih n'hâm djơh khân păng nơm, khân păng nking nau ntũm nti i ngăn.

¹⁹Păng tẻ dôi yor ma moh ndơ i bunuyh dơi gĩt ma Kôranh Brah lẽ dơi say n'hêl jêh, yorlah Kôranh Brah lẽ nhhơ ănh khân păng say n'hêl jêh, yơn ma khân păng hơm mâu ũch nsing ma Păng.

²⁰Nau dơi Kôranh Brah hơm n'ho ro. Bơh nơm Păng njêng neh ntu dja bunuyh dơi gĩt vât ma nau dơi Păng i này, ndập ma dơi gĩt vât ma nau brah Păng nơm, tă bỡh say ndơ i Păng nơm lẽ njêng. Khân păng dơi gĩt vât ma nau brah Păng kớ t này, bol lah nau dơi, ndrel ma nau brah Păng này bunuyh mâu ôh dơi say ma măt. Lah ndri bunuyh djơh i này mâu geh ôh nau ma nsih.

²¹Bol lah bunuyh i này lẽ gĩt Kôranh Brah, khân păng mâu ôh yớ k mbah ma Kôranh Brah, khân păng mâu đống lah ueh ma Păng. Nau mân khân păng nỡh lẽ rgâl lêng lang mâu hơm ôh geh khlay, jêh ri nuih n'hâm rluk mât khân păng nỡh jêng tâm ban ma ngo.

²²Khân păng kớ p êng sắ k khân păng nỡm jêng bunuyh gĩt blaol, tih ma khân păng nỡh jêng bunuyh rluk mât chraol.

²³Khân păng mâu ũch ôh yớ k mbah ma Kôranh Brah nỡm i geh nau chrêk lợp mâu blaol khât, bêng ma yớ k mbah nkhorng rup bunuyh i blaol khât, rup siũm nar, rup mpômpa (siũm) jống puăn, mâu lah rup mpômpa (siũm) hung vớ r chraol.

²⁴Kớ t ndri dăng Kôranh Brah bok gor khân păng ănh jan ndơ bỡ bỡch, tâng nau kớnh nuih n'hâm khân păng nỡm, n'ho ma tât jan ndơ bỡ bỡch ma sắ k ndrăng khân păng nỡm đống.

²⁵Khân păng mâu ũch ôh iăt nau ngăn Kôranh Brah, iăt nkhorng nau mbrôh chraol. Khân păng yớ k mbah nkhorng ma ndơ i Kôranh Brah lẽ njêng, mâu ũch ôh yớ k mbah ma Kôranh Brah nỡm tỡm njêng, di lah ma Păng i này ănh bu rnê n'ho ro. Nau i này di ngăn !

²⁶Kốt ndrì dāng Kôranh Brah bok gor khân păng tâng ma nau bở bớch khớh kler khân păng nôm. Phung bu ur ntloì lới nau vay gũ ur sai i bu vay jan, nkhoing ma tâm đống ndrăng bu ur chrao.

²⁷Lõng phung bu klô tâm ban kốt này đống, khân păng ntloì lới nau vay gũ ur sai i bu vay jan, jêh ri nkhoing ma tâm khớh kler ếch hô ngấn ndrăng bu klô khân păng nôm chrao. Khân păng jan nau đit prêng ndrăng bu klô khân păng nôm. Nau Kôranh Brah tể dôi h ma sắk khân păng nôm này nớh jêng tâm di đah ndr bở bớch khân păng nôm lể jan này.

²⁸Ach ma khân păng mâu ếch ôh gít nắl yớk Kôranh Brah, kốt ndrì dāng Kôranh Brah bok gor khân păng geh nau mân djớh, n'ho ma ắn khân păng jan ndr i mâu di ôh ma jan.

²⁹Ta nuih n'hâm khân păng geh nau kue nau djớh ắp ntil ngấn, nau mân djớh mhík, nau kớnh ir ma đrắp ndr, nau janh, jêh ri geh nau mâu nach, nau nkhat bu, nau tâm lốk bắl, nau mbrôh rlắm, nau jan djớh ma bu, nau ngóì kek bu đống,

³⁰nau ngóì nchớ, nau biắnh ma Kôranh Brah, nau hắt janh, nau hứn, ndrél ma nau n'hi êng sắk. Khân păng bunuyh joi nau êng êng ma jan djớh, bunuyh mâu iắt nau mể bở,

³¹bunuyh rluk mắl, bunuyh blép blêr, bunuyh mâu geh nau rống, bunuyh mâu geh nau yố.

³²Khân păng lể gít ndr sớng i Kôranh Brah đắ, lể gít lah jan ndr djớh kốt này di ma tể dôi h tắt khắt. Yớn ma mâu đớn ma khân păng nôm jan tih kốt này, khân păng hóm rnê ma bunuyh êng i jan kốt này jắt.

Rôm 2

Kôranh Brah phat dôi h nau tih

¹Dāng lể khân ay may i phat dôi h nau tih bu, khân ay may mâu geh nau ma nsih đống, yorlah nôk khân ay may phat dôi h nau tih bu, khân ay may dôi tể dôi h ma sắk khân ay may nôm đống, yorlah khân ay may i nôm phat dôi h nau tih bu, jan tih kốt bu đống.

- ²Bân lě gít jêh, Kôranh Brah tể dôih bunuyh i jan tih kơt này jêng di ngăn.
- ³Lõng khân ay may, khân ay may phat nau tih bu, tih ma sắk khân ay may nờm hôm jan tih kơt bu đống. Ah khân ay may ndôn lah sắk khân ay may nờm klaih bớh nau Kôranh Brah tể dôih bớh?
- ⁴Khân ay may mứch nau Kôranh Brah jan ndơ dứt ueh ma khân ay may bớh? Khân ay may mứch nau Păng ăt nuih, nau Păng jở nuih ma khân ay may bớh? Ắn khân ay may gít vát nau Kôranh Brah ứch jan ndơ ueh ma khân ay may, ứch leo khân ay may rgâl nuih n'hâm djơh.
- ⁵Ach ma nuih n'hâm khân ay may hôm dắng ko, mâu ứch ôh rgâl nuih n'hâm djơh, khân ay may pắp nau tih lơ ma ỏk i Kôranh Brah tể dôih tát ta nar Kôranh Brah phat dôih dắng lě bunuyh ma nau sớng.
- ⁶Păng mra ắn nau nkhôm, mâu lah nau tể dôih ma dắng lě bunuyh, tắng ndơ khân pắng nờm lě jêh jan.
- ⁷Păng mra ắn nau rêh n'ho ro ma bu moh i nsrôyh jan ndơ ueh, joi gay ma geh nau chrêk lơp i tă bớh Kôranh Brah, joi gay ma geh nau rnê tă bớh Kôranh Brah, ndrel ma joi gay ma geh nau rêh mâu blao khât i Kôranh Brah ắn.
- ⁸Yờn ma Păng ji nuih tể dôih hô ngắn ma bu moh i gít ma sắk pắng nờm đơm, bu moh i tâm rdắng ma nau ngắn, nkhớng ma ứch jan ndơ djơh chrao.
- ⁹Kôranh Brah ắn nau rêh rnhắl, nau nklỏn rvê ma dắng lě bunuyh jan djơh, Păng ắn ma phung Israel lor bu, jêh ri ndắp ma phung i mâu di phung Israel đống.
- ¹⁰Yờn ma bu moh i jan ueh, Kôranh Brah ắn nau chrêk lơp, nau rnê, nau đắp mpắn. Păng ắn ma phung Israel lor bu, jêh ri ndắp ma phung i mâu di phung Israel đống,
- ¹¹yorlah Kôranh Brah kớp dắng lě bunuyh tâm ban.
- ¹²Lah phung i mâu di phung Israel i mâu gít nắl nau vay Mỗê, khân pắng jan tih, Kôranh Brah tể dôih ma khân pắng i này ro, bol lah khân pắng i này mâu

ôh gít năl nau vay i này. Phung Israel i lể gít năl nau vay i này, jêh ri hôm jan tih, Kôranh Brah tể dôih ma khân păng tâm di đah nau vay i này,

¹³Yorlah bu moh i đơn tăng nau vay i này đơm, Kôranh Brah ê hỏ ôh kớp sớng ta nấp mắt Păng nờm, bunuyh i jan tăng nau vay i này ri mớ Păng kớp lể sớng.

¹⁴Phung i mâu di phung Israel mâu geh ôh nau vay i này, tả bớh nau khân păng hôm jan tăng nau vay i này, khân păng nhớ khân păng lể ơm gít êng nau vay i này, bol lah mâu geh ôh nau vay i này kađôi đớng.

¹⁵Kớp ndri khân păng nhớ nau vay i này i lể geh nchih ta nuih n'hâm khân păng, yorlah nuih n'hâm nau mân khân păng nờm lể mớh êng jêh moh nớ tih moh nớ ueh.

¹⁶Nôk gáp mớh nkoch nau mhe mhan ueh ma bu, gáp lah kớp dja: Geh du nar jât nấp tay Kôranh Brah ă Brah Yêsu Krist phat dôih dăng lể bunuyh, Păng phat dôih dăng lể nớ i ndốp ta bunuyh đớng.

Phung Israel, jêh ri nau vay Môsê

¹⁷Ở khân ay may i jêng phung Israel, khân ay may nsing ma nau vay Môsê i tả bớh Kôranh Brah, jêh ri n'hi êng sắk gủ dắch ma Kôranh Brah.

¹⁸Khân ay may gít năl nau Kôranh Brah ứch, ndrel ma lể gít moh nớ ueh moh nớ djớh, yor ma lể jêh bu ntũm nti nau vay i này ma khân ay may.

¹⁹Khân ay may lể kớp êng sắk khân ay may nờm blao nti nau Kôranh Brah ă ma phung i mâu di phung Israel, nau i này kớp êng sắk khân ay may nờm tâm ban ma bunuyh blao tềk bunuyh cheh mắt, kớp êng sắk khân ay may nờm jêng tâm ban ma nau ang ma bunuyh gủ ta nau ngo.

²⁰Khân ay may kớp phung i mâu di phung Israel jêng bunuyh rluk mắl, jêng kon se, jêh ri gít êng sắk khân ay may nờm blao nti ma khân păng, yorlah khân ay may lể geh nau vay i này, jêh ri ta nau vay i này lể geh dăng lể nau gít blao, lể geh dăng lể nau ngắn.

²¹Ở khân ay may i ntũm nti bu, tih ma mâu ôh ntũm nti sắk khân ay may nờm. Khân ay may nti bu lời ntũng, tih ma sắk khân ay may nờm ntũng.

²²Khân ay may buay bu lơi lôm ur lôm sai, tih ma sǎk khân ay may nôm lôm ur lôm sai. Khân ay may lah sǎk khân ay may nôm biǎnh ma rup brah, tih ma khân ay may ntũng ndr̄ nhiih jan brah ma rup brah i này chrao!

²³Khân ay may n'hi êng sǎk khân ay may nôm gĩt nǎl nau vay i này, tih ma khân ay may mư̄ch Kôranh Brah ach ma khân ay may jan tih đah nau vay i này,

²⁴kốt ma Nau Kôranh Brah Ngơi lể geh nchiih: ‘Ach ma phung khân ay may, đâng phung i mâu di phung Israel ngơi mư̄ch r̄m̄ot Kôranh Brah’ .

²⁵Tâng ma nau vay Môsê, khân ay may i phung Israel koh ntô ma phung bu klô. Nau i này geh nau khlay đơ̄m lah khân ay may jan tâng đâng lể nau vay Môsê, yơn ma lah khân ay may jan tih đah nau vay i này, khân ay may jêng tâm ban ma phung i mâu di phung Israel i mâu geh koh ntô.

²⁶Jêh ri lah geh du huê bunuyh i mâu ôh di phung Israel mâu geh koh ntô, lah pǎng gũ sǒng jan tâng nau vay i này, Kôranh Brah rom pǎng tâm ban ma bunuyh phung Israel lể jêh koh ntô đōng!

²⁷Bunuyh i mâu geh koh ntô mâu ôh di phung Israel, yơn ma lah pǎng jan tâng nau vay i này, pǎng mra tể dōih ma khân ay may i phung Israel ngǎn ro, yorlah phung Israel i lể geh koh ntô jan tih ma nau vay i này, bol lah khân pǎng lể geh nau vay i này nchiih ta Nau Kôranh Brah Ngơi.

²⁸Bunuyh phung Israel i jêng bon lan Kôranh Brah ngǎn ngên, mâu di ôh pǎng jêng bon lan Kôranh Brah tǎ bōh ndr̄l me đơ̄m, mâu lah tǎ bōh geh koh ntô ta sǎk jǎn đơ̄m.

²⁹Bunuyh phung Israel i jêng bon lan Kôranh Brah ngǎn ngên, jêng tǎ bōh ndr̄ i geh ta nuhih n'hâm, tâm ban ma geh koh ntô ta nuhih n'hâm. Ndr̄ i này tǎ bōh Brah Huêng Ueh jan, mâu tǎ bōh ndr̄ bunuyh jan tâng ma nau vay i này. Bunuyh i này mâu ôh joi nau rnê tǎ bōh bunuyh, pǎng joi nau rnê tǎ bōh Kôranh Brah.

Rôm 3

Kôranh Brah hōm rǎp jǎp ma phung Israel

- ¹Lah ndri moh nau khlay ta phung Israel rlau bớh phung a êng? Nau koh ntô ta khân păng moh ndr̄ geh nau khlay?
- ²Nau khlay ta phung Israel geh nau khlay ők ntil. Nau khlay rlau bu jêng Kôranh Brah lể ăñ jêh nau ngơi Păng nỡm ma phung Israel.
- ³Lah geh bunuyh abă ta phung Israel mầu gủ rắp jắp ta Păng, lah ndri mớm jêng? Nau khân păng mầu gủ rắp jắp i này dơi n'groh lơi nau rắp jắp Kôranh Brah đống lah mầu?
- ⁴Mầu ôh! Bol lah dăng lể bunuyh mbrôh dadê, Kôranh Brah hôm rắp jắp, kớt ma lể geh nchih ta Nau Kôranh Brah Ngơi: ‘Ổ Kôranh Brah, dăng lể ndr̄ May ngơi, bu mra say di ngắn, Lah bu ntôn May, hôm dơi May nằg’ .
- ⁵Abaō dja gắp ngơi tằg bunuyh vay ngơi: Lah nau kue phung bunuyh, dằg geh ma say nau sỏng Kôranh Brah lơ ma n'hêl, lah ndri mớm bunuyh lah? Ổm Kôranh Brah mầu sỏng lah Păng tể dôi h ma bunuyh?
- ⁶Mầu ôh, mầu geh ôh. Lah Kôranh Brah mầu sỏng, mớm dằg Pằg di ma phat dôi h dằg lể bunuyh ta neh ntu?
- ⁷Klắp lah geh bunuyh abă lah: “Nau gắp mbrôh jan ăñ nau ngắn Kôranh Brah lơ hô bu lử rnê Pằg, lah geh nau ueh kớt này, mớm dằg Kôranh Brah hôm tể dôi h nau tih gắp?”
- ⁸Geh bunuyh abă ngơi nchớt ma phung nsing bằn, lah ma phung bằn nti kớt nđa: ‘Ăñ bằn jan djớh, gay ma lôh nau ueh’. Bu moh i ngơi kớt này jêng di ngắn geh dôi h!

Dằg lể bunuyh tih dadê

- ⁹Lah ndri di đống hên i phung Israel jêng bunuyh ueh rlau bu êng? Mầu ôh. Lể gắp lah n'hêl jêh dằg lể bunuyh lể jan tih dadê, bol lah phung Israel kađôi, phung i mầu di phung Israel kađôi, dằg lể bằn nớh jan tih dadê.
- ¹⁰Lể geh nchih ta Nau Kôranh Brah Ngơi kớt nđa: ‘Mầu geh ôh bunuyh sỏng, du huê mầu geh đống.
- ¹¹Mầu geh ôh du huê bunuyh geh nau mằn gắt blao ngắn, Mầu geh ôh du huê bunuyh joi ứch jan tằg Kôranh Brah.

¹²Dâng lě bunuyh lě ndôn kơi jêh bơh Kôranh Brah, mâu ứch iăt Păng, dâng lě bunuyh mâu hôm geh nau khlay ma Păng. Mâu geh ôh bunuyh jan ndr uez, Bol lah du huê mâu geh đổng' .

¹³'Nau ngơi lôh bơh mbung khân păng tâm ban ma bô ôm lôh bơh ntu môch mhe, Yorlah ndr khân păng ngơi djơh ngăn, mpiăt khân păng ngơi mbrôh rlăm bu' . 'Nau ngơi lôh bơh mbung khân păng tâm ban ma geh kăch bêh ku bêh uây, yor ma jan ăn bu geh nau ji dứt hô ta nuih n'hâm' .

¹⁴'Nau ngơi lôh bơh mbung khân păng bêng ma nau rtăp nau rak, ndrel ma ngơi sôt' .

¹⁵'Khân păng gơnh ngăn nkhât nchai mham bu,

¹⁶Ah trong khân păng hăn jan ăn bu hêng lě phiao ro, jan ăn bu rêh rnhăl ngăn,

¹⁷Khân păng mâu gít ôh trong đăp mpăn',

¹⁸'Khân păng mâu klach mâu yơk Kôranh Brah đổng' .

¹⁹Bân lě gít dâng lě nau vay Môsê i lě geh nchih, đă ăn ma phung Israel i lě gũ ta nâm nau vay i nây đơm. Lah ndr dâng lě bunuyh iăt ma gũ rklăk mâu hôm geh nau ma nsih, dâng lě bunuyh lam neh ntu geh dôih ta năp măt Kôranh Brah dadê.

²⁰Mâu geh ôh du huê bunuyh i Kôranh Brah kơp sổng yor ma nsrôyh jan tâng nau vay i nây đơm, nau vay man ma ăn bunuyh gít năl lě jan tih đơm.

Bunuyh nsing dâng kơp lě sổng

²¹Yơn ma abơ dja Kôranh Brah lě nhhơ jêh, a mơm bunuyh jan gay ma Păng kơp sổng, yorlah nau Păng kơp sổng mâu ôh tă bơh jan tâng nau vay i nây. Jêh ri a mơm jan gay ma Kôranh Brah kơp sổng lě geh nchih ta nau vay, ndâp ma lě geh nchih ta sambăt mpôl bunuyh ntơyh nau ngơi Kôranh Brah.

²²Kôranh Brah kơp bunuyh sổng yor ma nsing ma Brah Yêsu Krist. Dâng lě bunuyh i geh nau nsing i nây Kôranh Brah kơp sổng dadê, nau i nây di ma dâng lě bunuyh, phung Israel ndâp ma phung i mâu di phung Israel đổng,

²³Yorlah dâng lě bunuyh lě jan tih dadê, mâu geh ôh du huê jan dăt ueh kơt Kôranh Brah ũch.

²⁴Yơn ma Kôranh Brah kơp bân lě sỡng, tã bỡh nau ueh Păng nỡm ăn đờm dam, yorlah lě Păng chuai jêh bân ma ndrơ Brah Krist Yêsu lě jan.

²⁵Kôranh Brah lě ăn jêh Brah Yêsu jêng ndrơ ma jan brah, mham Brah Yêsu chuai nau tih bunuyh i nsing ma Păng. Kôranh Brah jan kơt nây gay ma nhỡ Păng nỡm lě sỡng, bol lah bỡh nỡm nỡh bunuyh jan tih, Păng mâu ôh tễ dôi ro.

²⁶Abơ dja Păng nhỡ nau sỡng Păng nỡm ăn bu gĩt năl, Kôranh Brah lě ỡm sỡng, jêh ri bu moh i nsing ma Brah Yêsu Păng kơp lě sỡng đờng.

²⁷Lah ndrì ah hồm geh du huê bunuyh blao rnê êng săk păng lah jêng bunuyh sỡng? Mâu hồm geh ôh! Yorlah nau Kôranh Brah mâu hồm kơp nau tih bunuyh jêng tã bỡh nau nsing ma Brah Yêsu, mâu ôh tã bỡh nsrỡy h jan tâng nau vay Mỗsê.

²⁸Yorlah bân iăt, bunuyh dâng sỡng yor ma nsing ma Brah Yêsu, mâu di ôh yor ma jan tâng nau vay i nây.

²⁹Ỗm Kôranh Brah i Brah ma phung Israel đờm ăh? Mâu ôh, Păng Brah ndrập ma phung i mâu di phung Israel đờng.

³⁰Geh du huê Kôranh Brah đờm. Păng jan ăn phung Israel dâng geh ma sỡng, yorlah khân păng nsing ma Brah Yêsu, ndrập ma phung i mâu di phung Israel dâng geh ma sỡng, yor ma khân păng nsing ma Brah Yêsu đờng.

³¹Lah ndrì ah nau nsing ma Brah Yêsu geh n'groh lời nau vay Mỗsê lah mâu? Mâu ôh! Yơn ma lah bân nsing ma Brah Yêsu dâng bân ndrjôt ngăn nau vay i nây.

Rôm 4

Nau nsing Abrahăm

¹Lah ndrì kăl e nỡh Abrahăm i che phung Israel, mỡm dâng Kôranh Brah kơp păng sỡng?

- ²Lah Kôranh Brah kơp Abrahăm lể sổng yor ma ndơ ueh păng jan, lah ndri păng geh ndơ ma rnê êng sắk păng nơm ro ta nấp bunuyh. Yờn ma mâu geh ôh ndơ ma rnê êng sắk păng nơm ta nấp mắt Kôranh Brah,
- ³yorlah ta Nau Kôranh Brah Ngơi lể nchih: ‘Abrahăm nsing ma Kôranh Brah, tă bớh nau nsing i này dăng Kôranh Brah kơp păng lể sổng’ .
- ⁴Kơt ndri đổng bunuyh jan kar ăn bu, prăk i bu nkhôm ăn ma păng này mâu di ôh ndơ bu ăn dơm dam, jêng tâm ban ma rnon.
- ⁵Yờn ma Kôranh Brah kơp bunuyh sổng mâu ôh tă bớh ndơ khân păng jan, jêng tă bớh nau nsing khân păng ma Kôranh Brah i yỗ bunuyh tih mâu hôm kơp nau tih khân păng.
- ⁶Ta Nau Kôranh Brah Ngơi kađăch Đavid lể nchih jêh nau ueh maak ma bunuyh i Kôranh Brah lể kơp sổng, mâu di ôh tă bớh ndơ păng jan.
- ⁷Păng nchih: ‘Ueh maak ngăn ma bu moh Kôranh Brah lể yỗ jêh nau tih păng, Bu moh i Kôranh Brah lể nkũm n'ho ro mâu hôm ăn say nau tih păng,
- ⁸Ueh maak ngăn ma bu moh i Kôranh Brah mâu hôm ôh kơp nau tih păng’ .
- ⁹Lah ndri nau ueh maak i này geh ma phung Israel dơm, mâu lah geh đổng ma phung i mâu di phung Israel? Gập lể lah jêh: “Kôranh Brah kơp Abrahăm lể sổng, tă bớh nau păng nsing.”
- ¹⁰Lah ndri nôk Kôranh Brah kơp Abrahăm lể sổng, nôk này păng lể jêh koh ntô, mâu lah nôk này păng ê hỏ koh ntô? Jêng nôk păng ê hỏ koh ntô, mâu di ôh lể jêh koh ntô.
- ¹¹Nau koh ntô jêng nau mbên ma Abrahăm lể geh nau nsing ma Kôranh Brah, ndâp ma Kôranh Brah lể kơp păng sổng ê lor ma păng geh koh ntô. Ndri păng jêng tâm ban ma che ma dăng lể bunuyh i lể nsing mâu koh ntô đổng, jêh ri Kôranh Brah kơp khân păng lể sổng yor ma nau nsing khân păng.
- ¹²Abrahăm jêng tâm ban ma che ma phung Israel i lể geh koh ntô, lah khân păng nsing ma Kôranh Brah tâm ban ma Abrahăm nsing đổng ê lor ma păng koh ntô nơh.

Abrahăm sỏ dơn nau Kôranh Brah ton

¹³Kôranh Brah lě ton ma Abrahăm, ndrel ma rnoi deh păng, ăn neh ntu jêng ndơ ndrây ma păng. Kôranh Brah ton nau i nây mâu ôh yor ma nau păng jan tâm di đah nau vay Môsê, Kôranh Brah ton yor ma nau sồng i tă bớh nau Abrahăm nsing ma Păng.

¹⁴Lah ndơ ndrây i nây geh yor ma jan tâng nau vay, lah ndri nau nsing ma Kôranh Brah mâu ôh geh nau khlay, jêh ri nau Kôranh Brah ton i nây mâu geh khlay đống,

¹⁵yorlah tă bớh nau vay i nây Kôranh Brah ji nuih tể dôih ma bân, mâu geh ôh du huê bunuyh blao jan tâng nâng neng dăng lě nau vay. Lah mâu geh nau vay đơm mâu geh ôh bu jan rlau nau vay.

¹⁶Lah ndri ndơ Kôranh Brah ton, bunuyh sỏ đơn yor ma nau păng nsing ma Kôranh Brah. Nđơ Kôranh Brah ton nây Păng ăn đơm dam. Dăng lě bân mra sỏ đơn ndơ ton i nây, lah bân nsing ma Kôranh Brah tâm ban ma Abrahăm, bol lah bân gủ ta nâm nau vay Môsê, mâu lah mâu ôh gủ ta nâm. Kớh ndri Abrahăm jêng che ma dăng lě bunuyh i nsing ma Kôranh Brah.

¹⁷Ndri ta Nau Kôranh Brah Ngơi lě geh nchih Kôranh Brah mớh ma Abrahăm kớh nđa: ‘Gáp ăn may jêng che ma ndũl mpôl bunuyh êng êng ốk ngănh’. Kôranh Brah ngơi kớh nây, yorlah Abrahăm nsing ma Păng i ăn bunuyh lě khât dăk rêh tay, nđap ma i njêng ndơ mhe i mâu ôh geh bớh ntởm nớh.

¹⁸Bol lah Abrahăm lě ranh mâu hôm geh ôh nau rởm ma geh kon, păng hôm e geh nau rởm ma Kôranh Brah ăn păng jan che ma ndũl mpôl bunuyh êng êng ốk ngănh, yorlah Kôranh Brah lě geh mớh ma păng: ‘Rnoi deh may tay ốk kớh nây’ .

¹⁹Abrahăm gít săk păng nờm bới ma khât, nôk nây păng bới ma tât 100 năm, ndrel ma ur păng rnha Sara lě ranh đống, mâu ôh bả kon. Bol lah kớh nây kađôi Abrahăm hôm nsing nập nanao đống.

²⁰Păng mâu vĩ về ôh ma nau Kôranh Brah ton, nau nsing păng mâu roh đống, păng lơ ma geh nau nsing ma ndơ ton i này, ndập ma rnê Kôranh Brah ăn Kôranh Brah nau chrêk lơp,

²¹yorlah ta nuih n'hâm ri lể iăt dứt hô ngăn Kôranh Brah đơi ăn geh ngăn ro, moh ndơ Kôranh Brah ton.

²²Kốt ndri dâng Kôranh Brah kớp Abrahăm lể sồng yor ma nau păng nsing.

²³Ta Nau Kôranh Brah Ngơi lể nchih: 'Kôranh Brah kớp Abrahăm lể sồng', i này mâu di ôh lah ma du huê păng đơm,

²⁴lah ndập ma bân abao' dja đống, ăn bân gít Kôranh Brah mra kớp bân lể sồng đống, lah bân nsing ma Păng i lể ăn Brah Yêsu i Kôranh bân dâk rêh jêh.

²⁵Brah Yêsu i này lể Kôranh Brah ăn bu de nkhât lơi, gay ma n'groh lơi nau tih bân, jêh ri Păng jan ăn Brah Yêsu này dâk rêh, gay ma kớp bân lể sồng.

Rôm 5

Nau tâm rnglăp đah Kôranh Brah

¹Ndri dâng bân geh nau đăp mpăn đah Kôranh Brah, yorlah Păng lể kớp bân sồng tă bớh nau bân nsing, nau đăp mpăn i này tă bớh ndơ Brah Yêsu Krist i Kôranh bân lể jan nớh.

²Brah Yêsu Krist leo bân lăp gũ ta nau ueh Kôranh Brah i này, yor ma nau bân nsing. Abao' dja bân lể gũ ta nau ueh i này, geh nau răm maak yorlah geh nau rơm mra gũ ta nau chrêk lơp Kôranh Brah.

³Mâu ôh đơn ma nau i này đơm, nôk bân geh nau rêh rnhăl, bân hôm e răm maak nanao, yorlah tă bớh bân rêh rnhăl dâng blao nsrôyh,

⁴tă bớh nau blao nsrôyh dâng bân geh nuih n'hâm i Kôranh Brah rnê, tă bớh geh nuih n'hâm kốt này dâng bân geh nau rơm.

⁵Jêh ri nau rơm i này mâu ôh jan ăn bân nduih tô, yorlah Brah Huêng Ueh i kloh ueh lể ăn jêh nau rống Kôranh Brah ta nuih n'hâm bân. Kôranh Brah nơm ăn Brah Huêng Ueh gũ ta bân.

⁶Ta nôk bân mâu ôh blao rklaih êng sǎk bân nơ̄m bớ̄h nau tih, tât di nar Brah Krist khât ǎn ma bunuyh bân i ê hỏ̄ iǎt nau Kôranh Brah.

⁷Bunuyh i ứ̄ch khât gay ma sớ̄m ntrỗ̄ bunuyh sớ̄ng rklaih nau rêh pǎng geh dũt đễ̄ ngǎn, yớ̄n ma klǎp lah geh đớ̄ng du huê bunuyh bǎnh khât gay ma sớ̄m ntrỗ̄ bunuyh ueh, rklaih nau rêh pǎng.

⁸Lỡ̄ng Kôranh Brah lể̄ nhhớ̄ jêh nau Pǎng rớ̄ng ma bân kớ̄t nđ̄a: Pǎng ǎn Brah Krist khât sớ̄m ntrỗ̄ bân, nôk bân hỏ̄m e jê̄ng bunuyh tih.

⁹Abaō dja Kôranh Brah lể̄ kớ̄p bân lể̄ sớ̄ng yor ma mham Brah Krist, rlau ma nây jât bân mra geh klaih jêh bớ̄h nau Pǎng tể̄ dỏ̄ih.

¹⁰Lah nôk bân hỏ̄m e jê̄ng bunuyh tâm rdâng đ̄ah Kôranh Brah, Pǎng tâm rnglǎp đ̄ah bân yor ma Kon Pǎng khât, yớ̄n ma abaō dja bân lể̄ tâm rnglǎp đ̄ah Pǎng, lah ndri rlau ma i nây jât bân mra geh nau rklaih yor ma Kon Pǎng lể̄ dǎk rêh nđ̄ap ma hỏ̄m rêh.

¹¹Mâu ôh đớ̄n ma kớ̄t nây đớ̄m, abaō dja bân lể̄ geh rǎm maak ma Kôranh Brah yor ma Brah Yê̄su Krist i Kôranh bân lể̄ ǎn bân geh tâm rnglǎp đ̄ah Kôranh Brah.

Adǎm, ndrel ma Brah Krist

¹²Ntớ̄m bớ̄h du huê bunuyh rnha Adǎm jan tih, dǎng geh bunuyh dǎng lể̄ ta neh ntu dja blao jan tih dadê, jêh ri Adǎm khât tǎ bớ̄h nau tih pǎng nớ̄h. Kớ̄t ndri đớ̄ng nau khât i nây tât ta dǎng lể̄ bunuyh, yorlah dǎng lể̄ bunuyh jan tih dadê.

¹³Ê lor ma geh nau vay Mô̄sê, bunuyh lể̄ ớ̄m jan tih, nôk nây Kôranh Brah ê hỏ̄ klǎp ndǎng ôh nau tih, yorlah nau vay i nây ê hỏ̄ ôh geh.

¹⁴Bol lah kớ̄t nây kađôi, bunuyh lể̄ ớ̄m khât ntớ̄m bớ̄h Adǎm, tât ma Mô̄sê i đớ̄n nau vay i nây tǎ bớ̄h Kôranh Brah, nđ̄ap ma phung i mâu rlau nau đǎ n'hêl tǎ bớ̄h Kôranh Brah kớ̄t Kôranh Brah lể̄ đǎ n'hêl ma Adǎm kađôi. Adǎm i nây jê̄ng tâm ntât ma Brah Krist jũr vǎch ta dja bớ̄h kớ̄i Adǎm.

¹⁵Yớ̄n ma nau tih Adǎm, ndrel ma ndớ̄ Kôranh Brah ǎn đớ̄m dam tâm tih bǎl ngǎn. Ach ma nau tih du huê bunuyh, dǎng geh ma dǎng lể̄ bunuyh geh khât.

Yơn ma nau ueh Kôranh Brah, ndrel ma ndơ Kôranh Brah ăn đơm dam lơ ma ők rlau i này jât, Păng ăn ma ők bunuyh, yor ma nau ueh ta du huê bunuyh jêng Brah Yêsu Krist, dâng Păng jut lơi nau tih ők bunuyh.

¹⁶Ndơ Kôranh Brah ăn đơm dam i này, đah ma nau tih du huê bunuyh tâm tih bảl ngăn. Ach ma nau tih du huê bunuyh đơm, dâng lể bunuyh mra geh tể dôiđ dadê. Yơn ma ndơ Kôranh Brah ăn đơm dam jan bunuyh jêng sồng, Păng mâu hôm mra tể dôiđ, bol lah lể jan tih ők kađôi.

¹⁷Ach ma du huê bunuyh jan tih, jêh ri nau khât geh nau đơi yor ma bunuyh i jan tih này. Yơn ma lơ hô rlau ma này jât jêng nau ueh dũt kuông Kôranh Brah, ndrel ma nau sồng i Păng ăn đơm dam, yorlah bu moh i sỗ đơn nau i này, gũ rêh geh nau đơi ma nau tih, ndâp ma nau khât, yor ma du huê Păng Brah Yêsu Krist.

¹⁸Tả bớh nau tih du huê bunuyh, dâng lể bunuyh mra geh tể dôiđ dadê, yơn ma dâng lể bunuyh lể kớp sồng geh nau rêh yor ma du huê bunuyh jan sồng đống.

¹⁹Ach ma du huê bunuyh mâu iắt nau Kôranh Brah, dâng geh ma dâng lể bunuyh nớh jêng bunuyh tih, yơn ma, yor ma du huê bunuyh iắt nau Kôranh Brah dâng ők bunuyh mra jêng bunuyh i Kôranh Brah kớp sồng đống.

²⁰Nau vay lể geh ăn jêh, gay ma dâng lể bunuyh gĩt say dah kuông nau tih khân păng nờm. Yơn ma ah ntũk lơ ma ők geh nau tih, ntũk này geh nau ueh Kôranh Brah lơ ma hô đống.

²¹Nau tih vay geh nau đơi leo ta nau khât gũ ta ndrung ùnh n'ho ro, yơn ma abao' dja nau ueh geh nau đơi ăn nau sồng leo ta nau rêh n'ho ro, yor ma Brah Yêsu Krist i Kôranh bân.

Rôm 6

Nau tih mâu hôm ôh geh nau đơi jât

¹Lah ndri mớm bân lah? Bân hôm ùch jan tih tay, gay ma nau ueh Kôranh Brah lơ hô ők bớh?

- ²Mâu di ôh! Bân tâm ban ma lě khât mpeh ma nau tih, lah ndri mớ m dâng bân hóm dơi gũ rêh jan tih jât?
- ³Ớm khân ay may mâu gít bah? Dâng lě bân i lě geh jêh đơn nau bắptem yũk ma dak, lě gũ tâm rnglăp ndrel Brah Krist Yêsu. Nau bân đơn nau bắptem i nây, jêng tâm ban ma bân khât ndrel Păng đống.
- ⁴Ta nau bắptem yũk ma dak i nây bân tâm ban ma khât ndáp ma tốp ndrel Păng, gay ma bân gũ ta nau rêh mhe kớ Brah Krist đống. Jêh ri abaō dja bân dơi gũ rêh ta nau rêh mhe tâm ban ma Brah Krist i Kôranh Brah Bở lě ăn dâk rêh tay ma nau dơi nau chrêk lợp Păng nờm.
- ⁵Lah bân lě gũ ndrel Brah Krist ta nau khât Păng kớ nây, bân mra dâk rêh tay kớ Păng lě dâk rêh đống.
- ⁶Bân lě gít jêh, nuh n'hâm ớ m bân i ứch jan tih nâng, tâm ban ma lě nkhât jêh ta si tâm rkăng ndrel Brah Krist, gay ma nau tih mâu hóm geh nau dơi ta nau rêh bân. Jêh ri bân lờ hóm ôh jan dâk ma nau tih jât.
- ⁷Ntât lah bu moh i lě khât, lě klaih jêh bớh nau dơi nau tih đống, mâu hóm blao jan tih ta neh ntu.
- ⁸Lah bân lě khât jêh ndrel Brah Krist, bân lě gít, bân tay dâk rêh ndrel Păng đống.
- ⁹Bân lě gít jêh nau i nây, yorlah Brah Krist lě dâk rêh jêh bớh phung khât, Păng mâu hóm ôh blao khât tay, nau khât mâu hóm ôh geh nau dơi ta Păng tay.
- ¹⁰Nau Păng khât i nây, Păng khât du tở đờm mâu hóm ôh khât tay, gay ma n'groh lờ nau tih. Abaō dja Păng rêh, jêng rêh ăn ma Kôranh Brah nờm.
- ¹¹Lah ndri ăn khân ay may tâm ban kớ nây đống, ăn kớ khân ay may nờm tâm ban ma lě khât jêh mpeh ma nau tih lờ hóm ôh jan tih, jêh ri ăn rêh ma Kôranh Brah nờm, yorlah khân ay may lě gũ ndrel Brah Krist Yêsu.
- ¹²Lah ndri khân ay may lờ hóm ôh jan tâng du ntil đờ djờh đờ tih jât, lờ hóm ôh jan tâng nau kớnh djờh ta sắk jăn i hóm blao khât.

¹³Lời hôm ôh ăn du ntil ndơ ta sǎk jǎn khân ay may jan ndơ djơh ndơ tih, yơn ma jao khân ay may nơm ma Kôranh Brah, yorlah bớh ntóm nớh khân ay may tâm ban ma lẽ khât, yơn ma abao' dja khân ay may lẽ geh nau rêh mhe, ndri dǎng, đống dǎng lẽ sǎk jǎn khân ay may, gay ma jan ndơ sǒng ndơ ueh ăn ma Kôranh Brah đô.

¹⁴Khân ay may mâu hôm ôh khǎch jan tâng nuih n'hâm ứch jan tih, khân ay may lẽ geh nau dơi ma nau i nây, yorlah khân ay may mâu hôm gũ ta nâm nau vay Môsê, lẽ gũ jêh ta nâm nau ueh Kôranh Brah.

Nau đã sơm kơl jan kar ma Kôranh Brah

¹⁵Lah ndri mớh bân lah? Lah bân lẽ gũ jêh ta nâm nau ueh Kôranh Brah, mâu hôm ôh gũ ta nâm nau vay Môsê, lah ndri di đống bân hôm jan tih lah mâu? Mâu di ôh!

¹⁶Khân ay may lẽ gĩt jêh, moh ndơ i khân ay may ứch kớih gay ma jan tâng, khân ay may jêng tâm ban ma dǎk ma ndơ i nây. Lah khân ay may jêng dǎk ma nau tih, nau tih leo khân ay may tât ma nau khât. Lah khân ay may kớih iǎt nau Kôranh Brah, nau i nây leo khân ay may tât ma Kôranh Brah kớp khân ay may sǒng.

¹⁷Bớh ntóm nớh khân ay may jêng dǎk ma nau tih, yơn ma lah ueh ma Kôranh Brah, abao' dja khân ay may lẽ iǎt ma lẽ bớh nuih n'hâm ngǎn nau bu lẽ ntũm nti khân ay may.

¹⁸Kôranh Brah lẽ rklaih jêh khân ay may bớh nau tih, jêh ri khân ay may lẽ jêng dǎk ma nau gũ ngao sǒng.

¹⁹Gập ngơi ma nau jan dǎk bu, yorlah khân ay may nớh hôm jêng bunuyh mâu lǎng jan tâng nau Kôranh Brah ứch. Bớh ntóm nớh khân ay may jao sǎk jǎn khân ay may nơm ăn jan dǎk ma nau djơh, ndrel ma nau tâm rdǎng ma Kôranh Brah lơ ma hô. Abao' dja ăn khân ay may jao hǒm sǎk jǎn khân ay may nơm ăn jan dǎk ma nau sǒng, gay ma khân ay may jêng kloh ueh.

²⁰Nôk khân ay may hôm jan dǎk ma nau tih nớh, khân ay may mâu ôh jan tâng nau Kôranh Brah ứch.

²¹Lah ndri nau i khân ay may jan tih i nây nơh, moh ndr̄ geh nau khlay ma khân ay may abao' dja? Abao' dja khân ay may geh nau đit đom ma nau jan i nây. Nau i nây leo khân ay may tât ta nau khât gũ ta ndrung ùnh n'ho ro ta nar jât năp tay!

²²Yơn ma abao' dja khân ay may mâu hôm ôh gũ ta nâm nau đoi nau tih, khân ay may lě jêng dâk ma Kôranh Brah. Nau khlay i lě jêng dâk ma Kôranh Brah, khân ay may jêng bon lan Kôranh Brah jêng kloh ueh, nau i nây leo tât ta nau rêh n'ho ro.

²³Nau jan tih leo tât ta nau khât gũ ta ndrung ùnh n'ho ro. Lõng ndr̄ Kôranh Brah ăn đom dam ma bân jêng nau rêh n'ho ro, tă bõh ndr̄ Brah Krist Yêsu i Kôranh bân lě jan nơh.

Rôm 7

Nau ntât ma nau tâm ndăp ur sai

¹Ở oh nô ta nau nsing! Gâp ùch ngơi ma khân ay may i gĩt blaô ta nau vay Môsê. Khân ay may lě gĩt jêh nau vay i nây geh nau đoi ma bunuyh nôk hôm rêh đom.

²Kơt ma bu ur i lě geh sai, tâng ma nau vay ndăp ur sai, păng jêng ur đah sai i nây nâng nôk sai păng hôm rêh, yơn ma lah sai păng lě khât, păng lě klaih jêh bõh nau vay ndăp ur sai.

³Lah sai păng hôm e rêh, jêh ri păng sỏ tay sai êng jât bu kớp păng jêng bu ur lỏm sai. Yơn ma lah sai păng lě khât jêh, bol lah păng sỏ tay sai êng jât, bu mâu hôm ôh kớp păng jêng bu ur lỏm sai jât, yorlah păng lě klaih jêh bõh nau vay i nây.

⁴Ở oh nô ta nau nsing! Ta phung khân ay may tâm ban ma bu ur i lě khât sai. Khân ay may lě khât jêh ndrel Brah Krist, lah ndri khân ay may mâu hôm khăch đong jăn tâng nau vay Môsê, abao' dja khân ay may gũ tâm rnglăp ndrel Brah Krist i Kôranh Brah lě ăn dâk rêh bõh phung khât, gay ma ăn bân jan ndr̄ ueh ma Kôranh Brah.

⁵Ntơm bớh ndül me nau kớnh nuih n'hâm bunuyh bân ứch jan tih, tă bớh gít nau vay Môsê bân jan tih ngấn, leo tất ta nau khât gũ ta ndrung ứnh n'ho ro.

⁶Yờn ma abao dja bân lể klaih jêh bớh nau vay Môsê, yorlah bân lể khât ndrêl Brah Krist, mâu hòm ôh gũ krúng ta nâm nau vay i này. Bân lể klaih gay ma sớm kớl jan kar ma Kờranh Brah tâng ntil nau gũ rêh mhe i tă bớh Brah Huêng Ueh, mâu hòm ôh jan tâng ntil nau gũ rêh ơm i tă bớh nau vay đả.

Nau vay nhhơ ăn gít nắ nau tih

⁷Lah ndrì mớm bân lah? Nau vay i này jêng nau tih bớh? Mâu di ôh! Yờn ma lah mâu geh nau vay i này, gập mâu gít để ro moh ndrơ i tih. Lah nau vay mâu geh buay lah 'Lời kớnh ndrơ bu', gập kớ mâu gít nắ ndrơ i này jêng tih đớng.

⁸Yờn ma tă bớh nau buay i này, dâng jan ăn gập geh nau kớnh jan tih ỏk ntil ngấn. Lah mâu geh ôh nau vay, gập mâu geh ôh nau ứch jan tih đớng.

⁹Bớh ntơm nớh gập gũ rêh mâu ôh gít moh bả geh đả ta nau vay i này. Tất ma gập lể nti nau vay buay 'Lời kớnh ndrơ bu', gập ntơm kớnh ndrơ bu ro.

¹⁰Jêh ri di ma Kờranh Brah tể dờih ma gập. Kớ ndrì nau vay i gay ma ăn nau rêh n'ho ro i này, nkhớng ma ăn gập geh dờih chrao.

¹¹Tă bớh gít nau buay i này, nuih n'hâm gập i ứch jan tih leo jan tih ma nau buay i này, ăn gập mân geh nau ueh ma gập, bêng ma ăn gập geh dờih gũ ndrung ứnh n'ho ro chrao.

¹²Ndrì nau vay i tă bớh Kờranh Brah jêng kloh ueh, jêh ri nau buay jêng kloh ueh, jêng sớng, jêng ueh đớng.

¹³Lah ndrì ndrơ ueh i này ăn leo gập geh dờih bớh? Mâu di ôh! Nuih n'hâm gập i ứch jan tih ya sớ lời nau ueh ăn gập geh dờih. Ndrì dâng bân say nuih n'hâm bunuyh i ứch jan tih pắng djớh đứt hô ngấn, yor ma sớ nau buay i ueh này leo ăn gập geh dờih đứt jru.

Bunuyh tâm rdâng ma nau ứch jan tih

¹⁴Ndri bân lě gĩt, nau vay jêng tă bớh Kôranh Brah, yớn ma bớh ntóm nớh gáp jêng bunuyh mầu gĩt vát ma ndớ Kôranh Brah. Gáp tâm ban ma dák ma nau tih, mầu ôh blao bah jan tih.

¹⁵Ndớ ueh i gáp ứch jan, gáp mầu ôh jan, tih ma ndớ i gáp mầu ứch jan, gáp jan chrao, gáp mầu gĩt vát ôh mớm dâng gáp jan kớt nây.

¹⁶Lah gáp jan ndớ i geh buay ta nau vay, bol lah gáp mân ndớ i nây mầu ueh, lah ndri say n'hêl, gáp kớp nau buay i nây lě ueh ngăn.

¹⁷Lah ndri mầu di gáp nớm ôh jan ndớ i nây, jêng nuh n'hâm gáp i ứch jan tih ya ăn gáp jan.

¹⁸Gáp lě gĩt nuh n'hâm gáp ứch jan djớh bớh ndũl me, mầu ôh geh ndớ ueh gũ ta nuh n'hâm gáp. Gáp lě gĩt jêh ndớ i ueh, tih ma mầu ôh dới jan.

¹⁹Gáp lě gĩt n'hêl ndớ i ueh, tih ma mầu ôh jan, jan nkhớng ndớ i gáp lě gĩt jêng djớh chrao.

²⁰Lah gáp jan ndớ i gáp mầu ứch jan, mầu di ôh gáp nớm jan ndớ i nây, nuh n'hâm gáp i ứch jan djớh ya jan.

²¹Ta nau gũ ngao, gáp ứch ngăn jan ndớ ueh, tih ma nau mân djớh hóm gũ ta nuh n'hâm gáp mro, ăn gáp jan ndớ djớh nâng.

²²Gáp hóm rằm ngăn ma nau vay Kôranh Brah,

²³yớn ma gáp say nuh n'hâm ứch jan tih tâm rdâng đah nau vay i nây, n'ho ma jan ăn gáp jêng dák ma nau tih.

²⁴Rêh rnhăl ngăn ma gáp! Bu moh hóm dới rklaih gáp bớh nuh n'hâm ứch jan tih i njũn gáp ta nau Kôranh Brah tể dôi gũ ta ndrung ứnh n'ho ro?

²⁵Geh Kôranh Brah dới rklaih gáp, gáp lah ueh ma Păng, yor ma ndớ Brah Yêsu Krist i Kôranh bân lě jêh jan. Gáp ứch ngăn jan tâng nau vay Kôranh Brah, tih ma nuh n'hâm gáp i ứch jan djớh nâng, jan ăn gáp jêng dák ma nau tih chrao.

Rôm 8

Nau rêh gũ ndrel Brah Huêng Ueh

- ¹Lah ndri, abao' dja bu moh i lě gũ tâm rnglăp ndrel Brah Krist Yêsu, mâu hêm ôh Kôranh Brah tể dôih.
- ²Yorlah bân lě gũ tâm rnglăp ndrel Brah Krist Yêsu, Brah Huêng Ueh rklaih bân bo' h nuih n'hâm i ũch jan tih nâng, i leo ta nau Kôranh Brah tể dôih gũ ta ndrung ũnh n'ho ro.
- ³Jan tâng nau vay Môsê mâu ôh dơi rklaih bân, yorlah bân rdja tă bo' h nuih n'hâm bân ũch jan tih ntôm bo' h ndũl me. Ndri dâng Kôranh Brah nôm jan ăn ma bunuyh ndơ i bunuyh mâu ôh blao jan êng tă bo' h jan tâng nau vay i nây. Păng njuăl Kon Păng nôm ta neh ntu dja, jêng bunuyh geh săk jăn tâm ban ma bunuyh bân i blao jan tih đổng. Jêh ri Kôranh Brah jao Kon Păng nôm geh săk jăn nây jêng ndơ jan brah ma ntrở nau tih bân, gay ma n'groh lơi nau dơi nau ũch jan tih ta nuih n'hâm phung bunuyh bân.
- ⁴Tâng ma nau vay Kôranh Brah di ma tể dôih bân, yơn ma Brah Krist sôm ntrở dơn nau tể dôih i nây, ndri nau tể dôih tâng ma nau vay lě jêh jan lě phiao. Nau i nây di ma bân i mâu hêm ôh gũ rêh tâng ma nuih n'hâm i ũch jan tih bo' h ndũl me, jêh ri gũ rêh tâng nau ũch Brah Huêng Ueh hỏ.
- ⁵Yorlah bu moh i gũ rêh tâng nuih n'hâm i ũch jan tih bo' h ndũl me, păng mân ma ndơ djơh tâng nuih n'hâm i nây, yơn ma bu moh i gũ rêh tâng nau ũch Brah Huêng Ueh, păng mân ma ndơ Brah Huêng Ueh ũch dơm.
- ⁶Jêh ri nau mân ma ndơ nuih n'hâm i ũch jan tih bo' h ndũl me, njũn leo ta nau Kôranh Brah tể dôih gũ ta ndrung ũnh n'ho ro. Yơn ma nau mân ma ndơ Brah Huêng Ueh ũch, njũn leo ta nau rêh n'ho ro, ta nau đăp mpăn.
- ⁷Nau mân ma ndơ nuih n'hâm i ũch jan tih bo' h ndũl me nơh jêng tâm rdâng đah Kôranh Brah ngăn, mâu jan tâng nau vay Kôranh Brah, n'ho ma mâu dơi jan tâng đổng.
- ⁸Bu moh i gũ rêh tâng ma nau ũch nuih n'hâm i ũch jan tih bo' h ndũl me, păng mâu ôh blao jan ăn tâm di đah nuih n'hâm Kôranh Brah.
- ⁹Yơn ma lah Brah Huêng Ueh Kôranh Brah lě gũ ta khân ay may, khân ay may mâu hêm gũ rêh tâng ma nuih n'hâm i ũch jan tih bo' h ndũl me, khân ay

may lě gũ rêh jêh tâng nau öch Brah Huêng Ueh. Bu moh i mâu ôh geh Brah Huêng Ueh Brah Krist gũ ta păng, păng i này mâu ôh jêng bon lan Brah Krist.

¹⁰Yơn ma lah Brah Krist gũ ndrel ta khân ay may, bol lah săk jăn khân ay may mra khât yor ma nau jan tih kađôi, Brah Huêng Ueh ăn khân ay may nau rêh n'ho ro, yorlah Kôranh Brah kớp khân ay may lě sông.

¹¹Kôranh Brah jan Brah Yêsu ăn dâk rêh, lah ndri lah Brah Huêng Ueh Kôranh Brah gũ ta khân ay may, Kôranh Brah mra ăn đống khân ay may dâk rêh tay tă bớh nau đơi Brah Huêng Ueh, yor ma Brah Huêng Ueh Kôranh Brah nơm gũ ta khân ay may, bol lah săk jăn khân ay may hôm blao khât kađôi.

¹²Ở oh nô ta nau nsing, lah ndri bân mâu hôm ôh khăch gũ rêh tâng ma nau öch nuh n'hâm i öch jan tih bớh ndũl me.

¹³Lah khân ay may gũ rêh tâng nuh n'hâm i öch jan tih bớh ndũl me, Kôranh Brah mra tể dôi khân ay may gũ ta ndrung ỳnh n'ho ro. Yơn ma lah khân ay may gũ rêh tâng nau öch Brah Huêng Ueh, ndâp ma nkhât lơi nuh n'hâm i öch jan tih bớh ndũl me, lah ndri khân ay may mra geh nau rêh n'ho ro.

¹⁴Yorlah bu moh i geh Brah Huêng Ueh Kôranh Brah leo păng, păng i này jêng kon Kôranh Brah nơm.

¹⁵Brah Huêng Ueh i Kôranh Brah lě ăn ma khân ay may, Păng mâu ôh ăn khân ay may klach Kôranh Brah tể dôi tâm ban ma dâk klach kôranh păng. Yơn ma Păng ăn khân ay may jêng kon Kôranh Brah, tă bớh này bân kuăl Kôranh Brah 'Bớ'.

¹⁶Brah Huêng Ueh nơm mớh ăn bân gít n'hêl ta nuh n'hâm, bân lě jêng kon Kôranh Brah.

¹⁷Jêh ri lah bân lě jêng kon Kôranh Brah ngăn, bân mra sớ đơn ndrây đống, jêng sớ đơn ndrel Brah Krist ndrây tă bớh Kôranh Brah. Lah bân gũ ndrel Brah Krist ta nau jêr jốt Păng, ri mớ bân mra gũ ndrel Păng ta nau chrêk lợp đống.

Nau chrêk lợp ta nar n'glê dũt

¹⁸Gập kộp nau jêr jöt i bân geh abaō dja, mâu ôh dơi ntât đah nau chrêk lộp Kôranh Brah de nhhơ ma bân ta nar jât nấp tay.

¹⁹Dâng lẽ ndơ Kôranh Brah de njêng nơh, gũ kộp rộp hợp ngăn ro, kộp tât Kôranh Brah nhhơ bu moh i jêng phung kon Păng nơm.

²⁰Dâng lẽ ndơ Kôranh Brah nơm njêng nơh, mâu hơm ôh geh nau ueh kọt bớh ntóm nơh, bol lah dâng lẽ ndơ i này mâu ôh ứch kọt này, jêng tă bớh Kôranh Brah nơm ăn kọt này ach ma Ađăm jan tih. Yơn ma Păng ăn dâng lẽ ndơ i này hơm geh nau rơm

²¹ma klaih bớh nau khât nau ôm, gay ma ăn geh nau chrêk lộp n'ho ro tâm ban ma nau chrêk lộp i Kôranh Brah ăn ma phung kon Păng nơm đống.

²²Lẽ bân gít jêh, ntóm bớh Ađăm jan tih, n'ho ma tât abaō dja ro, dâng lẽ ndơ Kôranh Brah de njêng nơh rđơh rđêng hô ngăn, tâm ban ma bu ur ji gũ oh.

²³Mâu ôh dơn ma dâng lẽ ndơ i này dơn, bân nơm rđơh rđêng ta nuih n'hâm đống. Abaō dja bân lẽ sỡ dơn Brah Huêng Ueh gũ ta bân, dâng say ndơ để để i bân mra geh ta nar jât nấp tay. Kọt ndri bân gũ kộp rộp hợp ngăn ro tât ta nar Kôranh Brah ăn bu say n'hêl bân jêng kon Păng nơm ngăn ngên, ăn bân geh sắk jăn mhe.

²⁴Bân rơm ma nau i này ntóm bớh nôk bân lẽ geh nau rklaih. Lah bân lẽ geh du ntil ndơ, bân mâu hơm ôh rơm kớnh geh ma ndơ i này jât!

²⁵Yơn ma lah bân rơm ma ndơ ê hỡ geh ôh, ndri bân gũ kộp rộp hợp ngăn nau i này.

²⁶Nau rơm kớl bân nsrôyh kộp ma nau i này, kọt ndri đống Brah Huêng Ueh sớm kớl nau rdja bân dja. Kọt lah sắk bân nơm mâu gít ôh moh ndơ ngời moh ndơ dẫn ta nau mbớh sớm, yơn ma Brah Huêng Ueh sớm mbớh sớm dẫn ăn ma bân, ma nau rđơh rđêng i mâu hơm ôh blao ma nau ma mbớh nkoch.

²⁷Yơn ma Kôranh Brah i gít năi nuih n'hâm nau mân bunuyh, Păng lě gít vât đōng ta nau mân Brah Huêng Ueh, yorlah Brah Huêng Ueh sơm kơl mboh sơm ăn ma phung bon lan Păng nơm, tâng kơt nau Păng nơm ếch.

²⁸Bân lě gít jêh, moh ndr i geh ta nau rêh bân, Kôranh Brah ăn lôh jêng ndr ueh ma bân i rōng ma Păng, i Păng lě kuăl jêng bon lan Păng nơm tâng nau ếch Păng nơm.

²⁹Kôranh Brah lě ơm gít lor bu moh mra jêng bon lan Păng nơm, Păng kơih bunuyh i nây gay ma jêng tâm ban ma Brah Yêsu i Kon Păng nơm ngăn, gay ma Kon Păng i nây jêng Kon bôk dak jêng nô ma dăng lě bân i kon Kôranh Brah.

³⁰Bu moh i Kôranh Brah lě ơm gít lor jêng bon lan Păng nơm, Păng lě kuăl đōng. Bu moh i Kôranh Brah lě kuăl, Păng lě kơp sōng đōng. Bu moh i Kôranh Brah lě kơp sōng, Păng lě ăn nau chrêk lợp ma khân păng i nây đōng.

Mâu dơi ôh tâm nkah bân bơh nau Kôranh Brah rōng

³¹Lah ndr i dăng lě ndr i nây moh ndr bân hơm blao ngơi? Lah lě Kôranh Brah gũ mpeh bơh bân, lah ndr i mâu hơm geh ôh du ntil ndr dơi tâm rdăng đah bân jât!

³²Yorlah Kôranh Brah lě mâu nhhuach ôh ăn Kon Păng nơm nơh, lě Păng njũn ntrở ăn ma bân jêh, lah ndr i dăng lě ndr êng Păng mra ăn ma bân, ndrêl ma Kon Păng i nây đōng.

³³Ah hơm geh đōng du ntil ndr dơi ntôn ma phung bon lan i Kôranh Brah de lě kơih? Mâu geh ôh, Kôranh Brah nơm lě ăn bân gũ sōng ta năp măt Păng.

³⁴Bu moh hơm dơi tể dôi bân jât? Mâu geh ôh, Brah Krist Yêsu lě khât, lě dâk rêh jêh gũ bơh ma ti Kôranh Brah nơm, n'ho ma sơm kơl dăn ăn ma bân đōng.

³⁵Bu moh hơm dơi tâm nkah bân bơh nau rōng Brah Krist? Bol lah nau rêh rnhăl kađôi, nau nklôn rvê kađôi, nau bu jan jêr kađôi, nau ji sôt ji ngot kađôi, nau bêch kôh lahôk kađôi, nau tât jêr kađôi, mâu lah nau bu ếch nkhat kađôi, kô mâu dơi đōng tâm nkah bân bơh nau rōng Brah Krist.

³⁶Kơt nau lě geh nchih jêh: ‘Ô Kôranh Brah ăp nar bu joi ũch nkhât hên yor ma hên jêng bon lan May, Bu uănh hên tâm ban ma be biăp i bu mbang ma sa’ .

³⁷Yơn ma yorlah Brah Krist rông ma bân, dăng bân geh nau dūt dơi ma dăng lě nau jêr i nây.

³⁸Gâp lě gít n'hêl ngăn, bol lah khât kađôi, rêh kađôi, tông păr kađôi, brah djơh kađôi, nau tât ta nar dja kađôi, nau tât ta nar jât năp tay kađôi, moh ndr i geh nau dơi nau tam kađôi,

³⁹nau dơi ta kalơ trôk kađôi, nau dơi ta bơh đổng neh kađôi, mâu lah ta ndr êng jât i Kôranh Brah de lě njêng kađôi, kỗ mâu dơi ôh tâm nkah bân bơh nau Kôranh Brah rông i lě Păng nhơ jêh ta Brah Krist Yêsu i Kôranh bân.

Rôm 9

Kôranh Brah kơih phung bon lan Israel

¹Brah Krist lě gít đổng gâp ngơi ngăn, gâp mâu ôh ngơi mbrôh. Nuih n'hâm gâp ndâp ma Brah Huêng Ueh i kloh ueh tâm di ma nau gâp nchih bơh đổng dja đổng.

²Gâp geh nau nklôn rvê hô ngăn, ndâp ma geh nau rngot mâu djăng ta nuih n'hâm ri hô đổng, yorlah phung Israel i phung gâp geh ôk mâu ũch nsing ma Brah Krist.

³Lah gâp dơi kơl khân păng ăn geh nau rklaih, bol lah gâp tâm nkah bơh Brah Krist sơm sỏ đơn nau Kôranh Brah tẻ dôi h kađôi, gay ma ăn khân păng klaih bơh nau tẻ dôi h i nây, gâp hôm ũch kơt nây ro. Yơn ma mâu ôh dơi.

⁴Khân păng phung Israel i Kôranh Brah lě kơih ũch sỏ jêng phung kon Păng nơm. Bơh nơm nơh Kôranh Brah lě nhơ nau chrêk lợp Păng nơm ăn ma khân păng, Păng lě jan nau tâm rnglăp đah khân păng, Păng lě ăn nau vay Păng nơm ma khân păng, Păng lě ăn ma khân păng yơk mbah Păng, Păng lě ăn ma khân păng nau ton êng êng.

⁵Khân păng rnoi deh Abrahăm, Isăk ndrel ma Yakôp, jêh ri lah kợp tâng ma rnoi deh bunuyh, Brah Krist jêng rnoi deh pe nuyh khân păng i nây đổng.

Brah Krist Păng Brah tâm ban ma Kôranh Brah, ndâp ma geh nau dơi ma dâng lể ndr, ăn rnê Păng n'ho ro. Ở ăn geh kốt nây ngăn ro!

⁶Abao' dja tâm ban ma ndr Kôranh Brah lể ton mâu ôh hoch ngăn, yorlah geh ôk ta phung Israel mâu ôh geh nau rklaih. Mâu di ôh nau ton i nây mâu ôh hoch, yorlah dâng lể bunuyh ta rnoi deh phung Israel mâu di ôh jêng phung bon lan Kôranh Brah nôm ngăn dadê.

⁷Jêh ri phung i rnoi deh Abrahăm, mâu di đổng jêng phung kon sau păng ngăn dadê, kốt ma Kôranh Brah lể mboh ma Abrahăm nơh: 'Rnoi deh may i số dơn boh nau Gáp ton, kớp boh kon Isăk dơm', bol lah Abrahăm hôm geh kon abă êng đổng.

⁸Tă boh nau i nây bân say, mâu di ôh dâng lể kon i deh tă boh Abrahăm jêng phung kon Kôranh Brah đổng. Mpôl kon i Kôranh Brah ton ma Abrahăm dơm i kớp jêng rnoi deh Abrahăm ngăn.

⁹Yorlah Kôranh Brah ton ma păng kốt nđa: 'Klăp lah nar dja năm tay Gáp pở tay, n'ho ma Sara i ur may geh du huê kon bu klô' .

¹⁰Mâu ôh dơn ma i nây dơm, geh nau kốt nây đổng ma bu ur Rêbêka. Păng gũ oh kon bar, tă boh du huê sai dơm, sai i nây rnha Isăk i che phung Israel.

^{11.12}Bol lah kon i bar ở ta trôm ndũl nây ê hỏ deh kađôi, ê hỏ jan ndr ueh, jan ndr djơh, Kôranh Brah lể lah ma Rêbêka kốt nđa: 'Kon i oh nây mra jan kôranh ma i nô' . Lah ndri Kôranh Brah kơih bunuyh tâng nau Păng nôm ũch, mâu di ôh tă boh ndr bunuyh jan, yơn ma tă boh Kôranh Brah nôm ăn.

¹³Lể geh nchih đổng ma bar ở kon i nây: 'Kôranh Brah lah: 'Gáp mâu ôh rổng ma Êsao, Yơn ma Gáp rổng ma Yakôp i oh păng'' .

¹⁴Lah ndri mơm nau bân lah? Lah Kôranh Brah mâu sổng mâu rổng tâm ban boh? Mâu di ndri ôh!

¹⁵Kôranh Brah lể lah jêh ma Môsê: 'Bu moh i Gáp jan ueh dũt ta Gáp nôm dơm, Bu moh i Gáp yỏ ndach dũt ta Gáp nôm dơm đổng' .

¹⁶Lah ndri nau i nây mâu geh dah bunuyh ũch, dah bunuyh nsrôyh tâng joi, jêng dah Kôranh Brah nôm ũch yố dơm.

¹⁷Ta Nau Kôranh Brah Ngơi lể geh nchih đổng nau Kôranh Brah lah ma Pharaon i kađäch phung Êsip: ‘Gâp ăn may jan kađäch, gay ma nhơ nau dơi Gâp ta may, gay ma bu mboh nkoch rnha Gâp ăn lư lam neh ntu’ .

¹⁸Lah ndri bu moh i Kôranh Brah ũch yố dốt ta Păng nôm, lah Păng ũch jan ăn bu dăng ko dốt ta Păng nôm đổng.

Nau ji nuih, đah ma nau yố

¹⁹Klăp lah khân ay may ũch ôp Gâp kốt nđa: ‘Lah ndri môm dăng Kôranh Brah hôm nduih? Bu moh hôm dơi tâm rdâng đah nau Kôranh Brah nôm ũch?’

²⁰Ồ bunuyh! Dah nâm kuông khân ay may dăng dơi tâm rlăch đah Kôranh Brah kốt nây? Khân ay may bunuyh dơm. Lah ndri ơm geh lah, neh uk lah ma nôm mon kốt nđa: ‘Hay, môm dăng may mon gâp nđa nđơn hiah?’

²¹Yorlah nôm mon dah ũch păng nôm mon, neh uk i păng lể sô nây, abă păng sô mon ndơ khlay, abă păng sô mon ndơ mâu khlay.

²²Kốt ndri đổng, bol lah Kôranh Brah di ma nhơ nau ji nuih, ndrel ma nhơ nau dơi Păng nôm, Păng hôm nsrôyh ăt nuih hô ngăn ma bunuyh i jan ăn Păng ji nuih, bunuyh i Păng jan ma nau roh hêng.

²³Kôranh Brah jan kốt nây Păng ũch nhơ nau chrêk lợp dốt kuông Păng nôm ma bunuyh i Păng yố nđach, bunuyh i Păng lể kơih lor ma sô dơn nau chrêk lợp.

²⁴Dâng lể bân Păng lể kơih lể kuăl ma sô dơn nau chrêk lợp i nây, mâu ôh dơn ma phung Israel dơm, geh nđập ma phung i mâu di phung Israel đổng.

²⁵Ma phung i mâu di phung Israel lể geh nchih jêh ta sambăt Hôse: ‘Kôranh Brah lah: ‘Phung i boh ntôm nơh mâu di phung bon lan Gâp, Gâp mra kuăl khân păng jêng phung bon lan Gâp nôm. Phung i boh ntôm nơh Gâp mâu rông, Gâp mra kuăl khân păng jêng phung i Gâp nôm rông.’

²⁶Jêh ri lě geh nchih đōng: ‘Kôranh Brah lah: ‘Ta ntũk i Gâp lah ma khân păng: ‘Khân ay may mâu ôh di phung bon lan Gâp’, Ta ntũk nây bu mra kuăl khân păng: ‘Phung kon Kôranh Brah nơm i Brah i rêh ngă.’”

²⁷Lǒng ma bunuyh ntōyh nau ngơi Kôranh Brah Êsai lě lah jêh ma phung bon lan Israel kơt nđa: ‘Bol lah phung bon lan Israel ők tâm ban ma choyh rǒ dak văch dak văr kăđoi, bunuyh i geh rklaih geh đễ đễ đơm.

²⁸Dâng lě nau Kôranh Brah lě phat dōih, Păng mra jan ăn gơnh ngă ro ta neh ntu dja’ .

²⁹Jêh ri Êsai lě nchih đōng: ‘Kôranh Brah i Kôranh ma dâng lě tông pâr, lah Păng mâu ôh yǒ nđach rong rnoi deh bân abă, Lah ndri bân lě roh hêng lě phiao tâm ban ma bon Sôđũm, Mâu lah bon Kômôra ro’ .

Phung Israel mâu ũch nsing ma Brah Yêsu

³⁰Lah ndri mơm nau bân lah hă? Phung i mâu di phung Israel i bớh ntơm nớh mâu ôh nsrôyh gũ sǒng ta năp Kôranh Brah, yơn ma abao’ dja Kôranh Brah lě kơp khân păng jêng sǒng chrao tă bớh nau khân păng nsing.

³¹Lǒng ma phung Israel i nsrôyh gũ sǒng jan tâng nau vay Môsê, tih ma Kôranh Brah mâu ôh kơp sǒng.

³²Moh yor? Jêng yor ma khân păng nsing ma nau khân păng jan, mâu ũch ôh nsing ma Brah Krist. Nđri Brah Krist tâm ban ma du mlǒm lữ i ăn khân păng chêh prah srok, yor ma khân păng mâu nsing ma Păng.

³³Kơt ma lě geh nchih jêh lah kơt nđa: ‘Kôranh Brah lah: ‘Uănh hǒm, Gâp tể du mlǒm lữ ta bon Yêrusalem i jan ăn bu chêh srok, du mlǒm lữ kuǒng i jan ăn khân păng chêh prah, Yơn ma bu moh i nsing ma lữ i nây, păng mâu ôh geh nau đit prêng.”

Rôm 10

¹Ở oh nô ta nau nsing, gâp ũch ngă ta nuh n'hâm, gâp nsrôyh mớh sớ m dẫn ma Kôranh Brah, gay ma dâng lě phung Israel geh nau rklaih.

²Gâp gít n'hêl khân păng gơyh ngă jan kar ăn ma Kôranh Brah, tih ma khân păng mâu gít blao jan kar i nây ăn di,

³Yorlah khân păng nơh mâu ôh gít vát bớh tă Kôranh Brah kớp bunuyh sớng. Khân păng nsrôyh joi trong êng khân păng nớm gay ma Kôranh Brah kớp khân păng sớng, mâu ứch ôh sớ đờn trong i Kôranh Brah ăh.

⁴Tă bớh ndrơ Brah Krist lể jêh jan, bân mâu hôm ôh khăch gũ rêh jan tâng ma nau vay Môsê i nây, ndrì dâng bu moh i nsing ma Păng, Kôranh Brah kớp sớng.

Nau nsing geh nau rklaih

⁵Môsê lể nchih jêh lah ma nau Kôranh Brah kớp bunuyh sớng i tă bớh jan tâng nau vay: ‘Bu moh i jan tâng kớt dâng lể nau i nây, păng i nây Kôranh Brah mâu tể dôih, yor ma tă bớh jan tâng nau i nây’ .

^{6.7}Yơn ma nau Kôranh Brah kớp bunuyh sớng i tă bớh nau nsing Kôranh Brah lah kớt nđa ta nau Păng ngơi: ‘Khân ay may lơi ôh mân êng ta nuh n'hâm: ‘Bu moh i hao kalớ trôk?’, lơi ôh ôp: ‘Bu moh i hăn jữr ta ntũk phung khât?’, yorlah bân mâu khăch ôh hao kalớ trôk, gay ma leo Brah Krist jữr ta neh ntu dja, bân mâu khăch ôh hăn jữr ta ntũk phung khât, gay ma leo Brah Krist ăh dâk rêh tay.

⁸Lể geh nchih đờng kớt nđa: ‘Nau ngơi Kôranh Brah lể dăch ngăh kêng khân ay may, Lể ta mbung khân ay may, ndrêl ma ta nuh n'hâm khân ay may đờng’ . Nau ngơi Kôranh Brah i nây, jêng nau ngơi ma nau nsing i bân mớh nkoch.

⁹Bu moh i mớh nkoch ma mbung lah Brah Yêsu jêng Kôranh, nđâp ma iăt ta nuh n'hâm lah Kôranh Brah jan ăh Brah Yêsu dâk rêh, Păng i nây Kôranh Brah rklaih ngăh ro.

¹⁰Yor tă bớh nuh n'hâm bân nsing ma Brah Yêsu dâng Kôranh Brah kớp bân sớng, jêh ri dâng bân geh rklaih yor tă bớh nau bân mớh nkoch ma bu đờng, nau bân nsing i nây.

¹¹Nau i nây tâm di đah Nau Kôranh Brah Ngơi lah: ‘Bu moh i nsing ma Kôranh Brah, mâu geh ôh bu ăh păng geh nau đit prêng’ .

12Phung Israel, jêh ri phung i mâu di phung Israel mâu geh ôh tâm tih bǎl, dâng lǎ khân pǎng nơh geh du huê Kôranh đơm, jêh ri Kôranh i nây iǎt ndâp ma ăn nau geh jêng ma bu moh i kuǎl dǎn Pǎng sơm yǎ.

13Yorlah lǎ geh nchih đōng: ‘Bu moh i kuǎl dǎn Kôranh Brah sơm yǎ, pǎng i nây Kôranh Brah rklaih’.

14Yơn ma lah bu moh i mâu ôh nsing ma Kôranh Brah, mơm dâng pǎng blao kuǎl dǎn sơm yǎ? Lah bunuyh i nây mâu ôh tǎng nau bu mboh nkoch nau Kôranh Brah, mơm dâng pǎng blao nsing ma Kôranh Brah? Jêh ri lah bunuyh i nây mâu geh ôh bunuyh mboh nkoch nau Kôranh Brah, mơm dâng ôbǎl dơi tǎng?

15Jêh ri lah mâu geh ôh bunuyh i bu njuǎl hǎn mboh nkoch, mơm dâng geh bunuyh hǎn mboh nkoch? Lǎ geh nchih đōng: ‘Ueh ngǎn lah geh bunuyh i vǎch ta dja mboh nkoch nau mhe i ueh’ .

16Yơn ma mâu geh ôh dâng lǎ bunuyh iǎt nau mhe mhan ueh. Nau mâu iǎt i nây tâm ban ma nau bunuyh ntơyh nau ngơi Kôranh Brah rnha Êsai lǎ nchih jêh: ‘Ô Kôranh Brah, tâm ban ma mâu geh ôh bunuyh iǎt nau hên mboh nkoch!’

17Lah ndri nau nsing ma Brah Krist jêng tǎ bơh nau tǎng, tǎ bơh nau tǎng bu mboh nkoch ma Brah Krist.

18Yơn ma gâp dǎn ôp, ah phung Israel ơm mâu bah, tǎng nau i nây? Khân pǎng lǎ tǎng ngǎn jêh! Lǎ geh nchih đōng: ‘Bǒr mbung khân pǎng bu tǎng lư lam neh ntu, Nau khân pǎng, bu tǎng tât dūt bri dūt neh’ .

19Gâp ôp tay du tở jât, ah phung Israel ơm mâu bah, vât nau i nây? Khân pǎng lǎ vât. Ta rnôk Môsê Kôranh Brah lǎ mboh jêh ma phung Israel: ‘Gâp mra jan ăn khân ay may i phung Israel mâu nach ma du phung bunuyh i bơh ntơm nơh mâu ôh di phung Gâp, yorlah Gâp kơl ma khân pǎng, Jêh ri Gâp mra jan ăn khân ay may ji nuih ma du phung bunuyh i bơh ntơm nơh mâu gĩt nǎl Gâp , yorlah Gâp yǎ ndach ma khân pǎng’ .

²⁰Jêh ri Êsai lě bãnh lah kơt nđa: ‘Kôranh Brah lah: ‘Bunuyh i mâu joi Gâp, khân păng lě say Gâp, Jêh ri Gâp nhơ nau Gâp ăn ma bunuyh i mâu ôp ma nau Gâp’ .

²¹Jêh ri Kôranh Brah lah đōng ma phung Israel: ‘Gâp nta ti ntơm bơh ôi tât mǎng ma dẫn du phung i mâu ếch iǎt nau, i tâm rdâng đah Gâp, ăn plở sât a Gâp’ .

Rôm 11

Kôranh Brah kơih bunuyh abă ta phung Israel

¹Lah ndri gâp dẫn ôp: Kôranh Brah lě mbăr phung Israel i bon lan Păng nơm bơh? Mâu ôh! Kôranh Brah mâu mbăr ôh, yorlah sǎk gâp nơm i dja phung Israel đōng, jêng rnoi deh Abrahăm ta mpôl Benjamin .

²Kôranh Brah mâu geh ôh mbăr phung Israel i bon lan Păng, i lě ơm Păng nơm kơih bơh a lor. Ơm khân ay may mâu lah gĩt, nau geh nchih ta Nau Kôranh Brah Ngơi lah ma bunuyh ntơyh nau ngơi Kôranh Brah rnha Êliya? Păng ntôn phung Israel ma Kôranh Brah kơt nđa:

³‘Ô Kôranh! Lě khân păng nkhât lě phiao jêh bunuyh ntơyh nau ngơi May, lě khân păng lơh rlôm lơi lě phiao đōng ntũk jan brah May. Hôm e klen du huê gâp đơm, jêh ri bu ếch tâng nkhât gâp jât’ .

⁴Yơn ma mơm Kôranh Brah ơh ma păng? Kôranh Brah ơh ma păng kơt nđa: ‘Gâp lě njrǎng jêh bunuyh 7000 nuyh i hôm yơk mbah ma Gâp, khân păng i nây mâu ôh chon kômök bơh nǎp brah Bal’ .

⁵Kơt ndri abao dja tâm ban kơt nây đōng, hôm e geh bunuyh phung Israel abă i lě Kôranh Brah de kơih ăn geh nau rklaih yor ma nau ueh Păng i Păng ăn đơm dam.

⁶Lah Kôranh Brah kơih khân păng yor ma nau ueh Păng, lah ndri mâu ôh di Păng kơih yor ma nau khân păng jan. Lah Kôranh Brah kơih yor ma nđơ khân păng jan, lah ndri nđơ i bân kuǎl lah: ‘Nau ueh Kôranh Brah’, mâu ôh di ‘Nau ueh’ ngǎn, yor ma mâu hôm jêng nđơ i Păng ăn đơm dam.

⁷Lah ndri morm bân mân đōng? Moh ndơ i phung Israel ũch joi nây, khân păng joi mâu say ôh. Yorn ma geh phung Israel abă đơm i Kôranh Brah lẽ kơih joi say ndơ i nây, jêh ri geh phung Israel abă êng jât khân păng dăng ko ngăn.

⁸Nau i nây di kơt nau lẽ geh nchih jêh: ‘Kôranh Brah ăn nuh n'hâm khân păng jők rai,

Ăn mắt khân păng uảnh mâu say, Tôr khân păng iăt mâu tăng, N'ho ma tăt nar abao' dja' .

⁹Jêh ri kadăch Đavid lẽ lah kơt nda: ‘Dăn ăn ndơ sông sa khân păng jêng dăk ndơm săk khân păng nơm, jêng n'gũp Jan ăn khân păng jan tih, gay ma May tễ dôih plơng ndơ tih khân păng jan.

¹⁰Ăn mắt khân păng jêng ngo, uảnh mâu say ôh, Jêh ri jan ăn ndữr kơi khân păng krô nâng tă bơh nau jêr' .

Kôranh Brah rklaih phung i mâu di phung Israel

¹¹Lah ndri gập dăn ôp, phung Israel i tâm rlăch mâu ũch rom Brah Krist, khân păng tâm ban ma prah srok ri, ah khân păng chôt nkre bơh? Mâu ôh! Ach ma khân păng jan tih mâu ũch rom Brah Krist, ndri dăng phung i mâu di phung Israel geh rklaih. Nau i nây geh gay ma phung Israel geh nau kơnh ma nau rklaih.

¹²Lah nau phung Israel jan tih kơt nây leo dăng lẽ bunuyh ta neh ntu ăn geh nau geh jêng, geh nau khlay lah, phung i mâu di phung Israel geh nau rklaih, yorlah phung Israel tâm rlăch ma Brah Krist, lah ndri lơ ma hô rlau ma nây Kôranh Brah mra ăn nau geh jêng ma dăng lẽ bunuyh ta neh ntu, ta nôk dăng lẽ phung Israel rom Brah Krist tay.

¹³Abao' dja gập ngơi ma khân ay may i mâu di phung Israel: Kôranh Brah đă gập dja jêng kôranh oh mon gay ma kơl phung i mâu di phung Israel. Gập ũch yơk ma ndơ jan kar gập i nây,

¹⁴gay ma nkơnh phung ndũl mpôl gập nơm, nkhêp lah geh bunuyh abă ta phung khân păng geh nau rklaih đōng.

¹⁵Yor ma khân păng mbă̄r lơi Brah Krist, dâng bunuyh lam neh ntu jêng tâm rnglăp đah Kôranh Brah kơt nđă. Lah Kôranh Brah rom tay khân păng mơm jêng? Jêng tâm ban ma dâng lể bunuyh i lể khât dâk rêh ngăn ro!

¹⁶Phung Israel jêng tâm ban ma rnih du rchuăl ma jan nŭmpăng, lah bu sŏ rnih jan du rchuăl ma jan nŭmpăng, jêh ri bu sŏ abă ma nhhơ ma Kôranh Brah, lah ndri dâng lể rchuăl i này jêng ndơ Kôranh Brah nơm đōng. Jêh ri lah reh jêng ndơ Kôranh Brah nơm, n'ging tơm i này jêng ndơ Kôranh Brah nơm đōng. Kơt ndri đōng dâng lể phung Israel jêng bon lan Kôranh Brah, yor ma Abrahăm, nđăp ma phung che khân păng a êng jêng bon lan Kôranh Brah.

Nau ntât ma n'ging tơm Ôlive

¹⁷Phung Israel jêng tâm ban ma tơm Ôlive bon, geh n'ging abă lể bu sreh lơi, jêh ri khân ay may i mâu di phung Israel jêng tâm ban ma n'ging Ôlive bri i bu de put ndop ta ntŭk n'ging i lể bu sreh i này, n'ho ma djrêp dak kah bŏh reh ueh păng ndrel n'ging abă êng i hơm đōng.

¹⁸Lah ndri khân ay may lơi ôh n'hi êng săk ma n'ging i lể bu sreh mbă̄r i này. Lah khân ay may n'hi êng săk, ăn khân ay may gŭt, mâu di ôh khân ay may siăm reh, reh i siăm ăn ma khân ay may!

¹⁹Klăp lah khân ay may lah: “N'ging i này Kôranh Brah sreh mbă̄r lơi, gay ma put ndop hên!”

²⁰Di ngăn! N'ging i này dâng Kôranh Brah sreh mbă̄r lơi yor ma n'ging i này mâu geh nau nsing ma Brah Krist, jêh ri khân ay may dâng krêp năp, yor ma khân ay may geh nau nsing. Lah ndri lơi ôh khân ay may n'hi êng săk, ăn khân ay may geh nau klach ma Kôranh Brah hŏ.

²¹Lah Kôranh Brah sreh lơi mâu rong ma n'ging ơm, Păng dơi sreh lơi mâu rong khân ay may đōng.

²²Lah ndri uănh hŏm nau ueh Kôranh Brah, ndrel ma nau janh Păng. Păng janh ngăn ma bunuyh mâu iăt, jêh ri Păng nhhơ nau ueh Păng nơm ma khân ay may, lah khân ay may hơm gŭ năp ta nau ueh Păng. Lah mâu ôh kơt này, Păng sreh mbă̄r lơi khân ay may đōng.

²³Jêh ri n'ging ơm i lě sreh lơi, lah khân păng rgâl lơi nuih n'hâm i mâu öch nsing nơh, Kôranh Brah mra put ndop tay khân păng đống, yorlah Kôranh Brah dơi put ndop tay khân păng.

²⁴Lah lě Kôranh Brah sreh jêh khân ay may bớh tơm Ôlive bri, jêh ri Păng put ndop ta tơm Ôlive bon, mâu di ôh đah ndr i bu vay jan, lah ndr dờh ngăn Kôranh Brah sớ khân păng i tâm ban ma n'ging ơm i lě sreh nơh, jêh ri put ndop tay du tở jât đah tơm si ơm i ndr khân păng nơm.

Kôranh Brah mra rklaih dăng lě phung Israel

²⁵Ở oh nô ta nau nsing, gay ma khân ay may mâu ôh uảnh êng sắk khân ay may nơm jêng geh nau mân gít blao hô ngăn, gáp öch khân ay may gít vât nau i dja i bớh ntơm nơh hôm ndốp mpôn: Geh bunuyh abă ta phung Israel hôm dăng ko mâu öch nsing ma Brah Krist. Yơn ma tât dăng lě phung i mâu di phung Israel i Kôranh Brah lě kớih lăp nsing ma Brah Krist dadê, ri mớ phung Israel bah dăng ko lăp nsing ma Brah Krist đống.

²⁶Kớh ndr dăng lě phung Israel mra geh rklaih. Nau i nây tâm di ma nau lě geh nchih jêh: ‘Kôranh Brah lah: ‘Mra geh du huê nơm rklaih lôh bớh bon Yêrusalem , Păng mra leo phung Israel rgâl nuih n'hâm bah tâm rdâng đah nau Gáp öch.

²⁷Nau tâm rnglăp Gáp đah khân păng jêng kớh nđa: Gáp sớ lơi nau tih mâu hôm kớp nau tih ta khân păng” .

²⁸Abơ dja geh ők bunuyh ta phung Israel jêng phung rlăng tâm rdâng đah nau mhe mhan ueh, tă bớh nau i nây jêng geh ndr ueh ma khân ay may i mâu di phung Israel. Yơn ma Kôranh Brah hôm rống ma khân păng, yor ma kăl e nơh Kôranh Brah lě kớih che khân păng Abrahăm, Isắk ndrel ma Yakôp.

²⁹Nau i nây tă bớh Kôranh Brah mâu rgâl ôh ndr i lě Păng ăn dờm dam, Păng mâu rgâl đống ma bunuyh i lě Păng kuăl.

³⁰Bớh ntơm nơh khân ay may ê hỏ iăt ôh nau Kôranh Brah, yơn ma abơ dja Kôranh Brah lě kớl khân ay may lě yố jêh ma khân ay may, yor ma phung Israel mâu öch iăt ôh nau Păng.

³¹Abao' dja khân păng mâu ũch iăt ôh, jêh ri Kôranh Brah yố ma khân ay may, lah ndri Kôranh Brah mra yố khân păng kớt Păng yố ma khân ay may đổng.

³²Kôranh Brah ăn dâng lể bunuyh mâu iăt nau Păng, gay ma Păng yố ăn ma dâng lể bunuyh.

Nau Pôi rnê ma Kôranh Brah

³³Ô, nau mân gít blao Kôranh Brah dút jru dút kuống ngăn, mâu geh ôh bunuyh dơi gít vât a mớu nau Păng phat dôi, jêh ri ndơ Păng jan mâu geh đổng bunuyh dơi vât!

³⁴'Bu moh hôm dơi gít năl nau mân Kôranh Brah? Bu moh hôm dơi sớu mớu nau ăn ma Păng đổng?'

³⁵'Mâu ôh geh du huê bunuyh ăn ndơ ma Kôranh Brah lor, Dâng iăt ma Kôranh Brah plơng ăn ndơ ma păng.'

³⁶Dâng lể ndơ jêng tă bớh Kôranh Brah dadê, dâng lể ndơ hôm geh yor ma nau dơi Păng dờm, dâng lể ndơ geh gay ma n'hao nau chrêk lợp Păng nờm. Ăn rnê nau chrêk lợp Păng babơ n'ho ro, nau i này di ngăn !

Rôm 12

Nau rêh tâng nau Kôranh Brah ũch

¹Ở oh nô ta nau nsing, yor ma Kôranh Brah yố ndach khân ay may, gáp đã khân ay may ăn jao hồm sắk khân ay may nờm ma Kôranh Brah tâm ban ma bu nhỡr ndơ ma Kôranh Brah, jêng ndơ i hôm rêh, jêng ndơ kloh ueh, jêng ndơ i ăn Kôranh Brah rằm maak. Nau khân ay may jan kớt này jêng nau yớk mbah ma Kôranh Brah i di ngăn.

²Lời hôm ôh jan tâng nau gũ rêh bunuyh i mâu nsing ma Brah Krist vay jan, ăn Kôranh Brah rgâl lời nuh n'hâm nau mân ớu ăn jêng mhe, gay ma ăn khân ay may gít moh ndơ i Kôranh Brah ũch, jêng ndơ i ueh, i ăn Păng rằm maak, dâng lể ndơ i dút ueh.

³Tă bớh nau ueh Kôranh Brah, Păng ăn nau dơi ma gáp, ndri dâng gáp dơi đã dâng lể khân ay may kớt nda: Lời ôh khân ay may geh nau mân rlau ir ma

khân ay may nôm, yơn ma ăn khân ay may geh nau mân nklôn êng sāk khân ay may nôm ăn n'hêl, tâm di đah nau gít nau blao i Kôranh Brah de ăn ma khân ay may du huê du huê yor ma nau nsing ma Brah Krist.

⁴Ta sāk jăn bunuyh geh ők ntil êng êng, jêh ri dâng lě ntil i nây geh ndơ jan êng êng bāl.

⁵Ta phung bân tâm ban kơt nây đōng, bân geh ők bāl, yơn ma jêng tâm ban ma du rnglay sāk ta Brah Krist đơm, jêh ri dâng lě bân jêng ntil êng êng gũ tâm rnglăp bāl ta sāk i nây.

⁶Tă bớh nau ueh Kôranh Brah, Păng ăn đơm dam nau gít nau blao êng êng ma du huê du huê bân. Lah Kôranh Brah ăn ma du huê ăn blao ntơyh nau ngơi Păng nôm, ăn bunuyh i nây đōng nau blao i nây tâm di ma nau nsing păng đô.

⁷Lah Kôranh Brah ăn du huê blao sơm kơl jan kar ma bu, ăn bunuyh i nây gơyh sơm kơl jan kar ma bu đô. Lah Kôranh Brah ăn du huê blao ntũm nti nau Kôranh Brah ăn ma bu, ăn bunuyh i nây gơyh ntũm nti ma bu đô.

⁸Lah Kôranh Brah ăn du huê blao n'hao nuih n'hâm bu, ăn păng n'hao nuih n'hâm bu đô. Lah ăn du huê blao pã đrăp ndơ păng nôm ăn ma bu êng, ăn păng pã ma bu ma lě nuih n'hâm đô. Lah ăn du huê blao mât uănh bu, ăn păng mât uănh ăn ueh đô. Lah ăn ma du huê geh nau yố ma bunuyh, ăn păng kơl bu ma nau răm maak.

⁹Ăn khân ay may geh nuih n'hâm rōng ma bu ngăn ngên hỏ. Biănh ma nau djơh, jêh ri ndjôt ma nau i ueh hỏ.

¹⁰Ăn khân ay may tâm rōng ndrăng nôm i phung nsing tâm ban ma oh nô du ndũl deh, jêh ri tâm yơk ndrăng nôm kơp bu êng khlay rlau ma sāk khân ay may nôm.

¹¹Ăn geh nuih n'hâm gơyh ta ăp ntil ndơ, lơi blao ôh. Jêh ri sơm kơl jan kar ma Brah Krist i Kôranh bân ma lě nuih n'hâm.

¹²Gũ răm maak hỏm yor ma nau rơm i bân geh ta Brah Krist. Ăn geh nau ăt nuih nôk geh nau jêr jốt. Ăn nsrôyh mớh sơm bảbơ.

¹³Ăn kơl ma phung bon lan Kôranh Brah bu moh i mâu geh mâu tống. Ăn blao vọt rom bu năch rah rơch đống, bol lah khân ay may mâu gít năl kađôi.

¹⁴Ăn khân ay may dẫn Kôranh Brah ăn nau geh jêng ma bu moh i jan jêr đah khân ay may, ăn dẫn nau geh jêng ma khân păng, lơi ôh rtăp rak ma khân păng.

¹⁵Ăn khân ay may răm maak ndrel hồm đah bunuyh i geh nau răm maak, jêh ri nhũm rngot ndrel ma bunuyh i nhũm rngot.

¹⁶Ăn geh nau mân du ntôr nau hỏ, lơi ôh geh nau mân n'hao êng săk, ăn gũ ndrel bunuyh i bu mưch rmot, lơi ôh kớp n'hi êng săk lah jêng bunuyh gít blao hô ngăn.

¹⁷Lơi ôh plơng ndr djơh ma bu jan djơh mħik, ăn nsrôyh jan ndr i dang lể bunuyh kớp ueh.

¹⁸Lah khân ay may dơi jan, ăn khân ay may gũ rêh đăp mpăn ndrel dang lể bunuyh dô.

¹⁹Ở phung gập rống, lơi ôh ăn khân ay may nơm plơng ndr djơh mħik bu jan, ăn Kôranh Brah hỏ tể dôi h ma bunuyh i nây, yorlah lể geh nchih jêh lah kớp nđa: ‘Kôranh Brah lah: ‘Nau tâm plơng dứt ta Gập nơm, Gập sơm plơng ăn ma bu’ .

²⁰Yơn ma lah bu jan djơh ma khân ay may, ăn jan kớp lể geh nchih kớp nđa: ‘Lah bunuyh rlăng đah khân ay may geh nau ji ngot, ăn khân ay may sỏ piăng trao pă ăn păng sông dô, lah păng ji hir dak, sỏ dak ăn păng nhêt, yorlah jan kớp nây jan ăn păng đit prêng êng ’ .

²¹Lơi ôh ăn nau djơh mħik dơi leo khân ay may jan tih, ăn nau ueh hỏ dơi, yor ma khân ay may jan nau ueh.

Rôm 13

lăt nau mpôl kôranh măt uănh

¹Ăn dang lể bunuyh iăt nau mpôl kôranh măt uănh bri dak, yorlah dang lể nau dơi mpôl kôranh i nây jêng tă bơh Kôranh Brah dadê, jêh ri Kôranh Brah nơm đă khân păng jan kar ta nau dơi i nây.

²Kot ndri dâng bu moh i tâm rdâng đah mpôl kôranh mât uãnh bri dak, jêng tâm rdâng đah nau Kôranh Brah đă đống, bunuyh i tâm rdâng này jêng geh dôi ro ta săk păng.

³Lah bu moh jan ueh, bunuyh i này mâu khăch klach ôh ma nôm kôranh mât uãnh, bunuyh i jan djơh đơm klach ma khân păng. Lah khân ay may mâu ếch ôh klach ma nôm kôranh mât uãnh, ăn khân ay may jan ueh dô, ndri khân păng rnê khân ay may.

⁴Yorlah dâng lể khân păng i này jêng nôm sôm kôl jan kar ma Kôranh Brah, gay ma kôl khân ay may gũ rêh ueh. Yơn ma lah khân ay may jan djơh, ăn khân ay may klach hồm, yorlah khân păng geh nau đơi ma tể dôi. Khân păng bunuyh sôm kôl jan kar ma Kôranh Brah, gay ma tể dôi bunuyh i jan djơh.

⁵Lah ndri iăt hồm nau khân păng đă, lơi ôh yor ma klach bu tể dôi đơm, ăn jan gay ma geh nau đăp mpăn ta nuih n'hâm yor ma lể gít mâu geh jan đơ tih.

⁶Kot ndri dâng khân ay may ăn prăk ma mpôl kôranh mât uãnh tâm di đah nau vay bri dak, yorlah khân păng tâm ban ma bunuyh sôm kôl jan kar ma Kôranh Brah, jêh ri khân păng mâu ôh geh jan kar đơ êng jăt.

⁷Ăn khân ay may ăn hồm đơ i di ma ăn bunuyh du huê du huê, ntăt lah: Ăn hồm prăk ma bunuyh i sô prăk bớh bu ma ăn mpôl kôranh mât uãnh bri dak, ăn hồm prăk ma bri dak i di ma ăn, ăn dah ốk i tâm di ma ăn, klach yớk hồm ma nôm i di ma klach yớk, yớk hồm ma nôm i di ma yớk.

Nau tâm rông

⁸Lơi khan rnon đah bu ôh, yơn ma nau rông ma bu jêng tâm ban ma rnon i hôm nâng, kot ndri ăn khân ay may tâm rông ndrăng khân ay may nôm nâng hỏ, yorlah bu moh i rông ma bu êng, păng i này lể jan di tâng nau vay Kôranh Brah găn ro.

⁹Nau vay Kôranh Brah lể buay kot nda: 'Lơi ôh lồm ur lồm sai, lơi ôh nkhăt bu, lơi ôh ntũng, lơi ôh kớnh geh đơ bu'. Jêh ri nau vay dâng lể êng jăt lể

geh ta du nau vay dja dadê dơm: ‘Ăn rông ma phung chiaio meng khân ay may, tâm ban ma rông ma săk khân ay may nơm đơng’ .

¹⁰Bu moh i rông ma bu chiaio meng mâu ôh jan djơh ma khân păng, kơt ndri bu moh i rông ma bu lể jan tâng dăng lể nau vay Kôranh Brah.

Ndrăp săk vơt rom Kôranh Brah

¹¹Ăn khân ay may jan kơt nây, yorlah khân ay may lể gĩt jêh mong dja moh mong, jêng di mong ma khân ay may mhe kah gĩt săk tâm ban ma dăk kah bêch, yorlah abao dja nar Brah Yêsu plở ta dja dăch rlau đah ma nar bân nchô nơm lăp nsing nơh.

¹²Neh ntu dja tâm ban ma ngo ta nôk mănng yor ma nau tih bunuyh, yơn ma mănng i nây bơi ang, nar bơi lôh đơng, nar Brah Yêsu plở ta dja gơnh tât. Lah ndri m̄băr lơi hồm dăng lể nau djơh i tâm ban ma nau ngo, jêh ri gũ rêh jan ueh hồm tâm ban ma soh ao loyh nơ tâm lơh i ang chrat gay ma tâm lơh ma nau djơh m̄hĩk.

¹³Ăn bân gũ rêh ăn di ăn ueh, kơt bu jan nơ ta nôk nar, lơi jan kơt nơ i bu jan ta nôk mănng, lơi gũ ndrel mpôl bunuyh nhêt ndrănh nhũl, lơi ôh tâm đơng gũ blă blơ, lơi tâm lők tâm djrel, lơi ôh tâm mâu nach ndrăng nơm.

¹⁴Yơn ma ăn bân gũ rêh tâm ban ma Brah Yêsu Krist i Kôranh bân hỏ, jêh ri lơi ôh dah ma kơnh nuih n'hâm i ếch jan tih bơh ndũl me.

Rôm 14

Lơi ôh phat nau tih oh nô ta phung nsing

¹Ăn blaio vơt rom bu moh i rdja ta nau nsing ma Brah Krist, lơi ôh tâm rlăch ma khân păng yor ma geh nau mân tâm tih băl.

²Ntât lah, i du huê păng gĩt dơi sa dăng lể ntil nơ, i du huê jât nơm i nsing rdja nây, păng sa n'ha trao play trao dơm.

³Nơm i sa dăng lể ntil nơ lơi ôh mưch ma nơm i mâu sa, jêh ri nơm i mâu sa du ntil nơ lơi dăng lah tih nơm i sa, yorlah lể bar hê nây Kôranh Brah lể rom dadê.

⁴Dah nâm kuỡng khân ay may dâng bãnh phat nau tih dâk bu? Dâk i này kôranh păng rnê mâu lah tể dôih, dứt i kôranh păng nôm dơm. Yơn ma Kôranh Brah mra rnê dâk Păng nôm, yorlah Kôranh Brah geh nau dơi kớl păng.

⁵Geh du huê bunuyh lah du nar geh nau khlay rlau ma du nar, yơn ma geh du huê bunuyh êng jât lah dâng lể nar geh nau khlay tâm ban dơm. Ăn dâng lể ăp nôm ăn gít n'hêl naně ta săk păng nôm hỏ.

⁶Lah bu moh i kớp du nar jêng nar khlay, păng jan gay ma yớk Kôranh Brah. Jêh ri bu moh i sa dâng lể ndơ, păng sa yớk ma Kôranh Brah, yorlah păng lah ueh ma Kôranh Brah. Bu moh i mâu sa, păng mâu sa, yorlah păng ứch yớk ma Kôranh Brah, ndập ma lah ueh ma Kôranh Brah đống.

⁷Mâu geh ôh du huê bunuyh ta phung bân gũ rêh ma păng nôm dơm, jêh ri nau khât săk bân jan ăn geh nau tât ma bu êng đống.

⁸Lah bân rêh, bân rêh ma Brah Krist, lah bân khât, bân khât ma Brah Krist đống. Kớt ndri bol lah bân rêh kađôi khât kađôi, Brah Krist hôm jêng Kôranh ma bân nôm.

⁹Brah Krist lể khât, jêh ri lể dâk rêh nơh, Păng jan kớt này gay ma Păng jêng Kôranh ma phung bunuyh khât, ndập ma phung bunuyh rêh đống.

¹⁰Lah ndri mớm dâng khân ay may phat nau tih oh nô ta nau nsing? Mớm dâng khân ay may mứch oh nô ta nau nsing? Yorlah ta nar jât nấp tay dâng lể bân dâk bớh nấp ntũk Kôranh Brah nôm phat dôih dadê.

¹¹Lể geh nchih lah kớt nđa: ‘Kôranh Brah lah: ‘Gập rêh ngăn, lah ndri dâng lể bunuyh mra chon kômỏk yớk mbah ma Gập, Jêh ri dâng lể bunuyh mra mbớh nkoch Gập i Kôranh khân păng’.

¹²Dâng lể bân ta nar jât nấp tay, iăt ma bân mbớh nkoch ma Kôranh Brah, moh bả ndơ bân lể jan du huê du huê nơh, ndơ ueh mâu lah ndơ djơh.

Lơi ôh jan ăn phung nsing ntlơi nau nsing

¹³Kốt ndri dâng ăn bân mâu hôm ôh tâm phat nau tih ndrăng nôm jât, yơn ma ăn bân gũ rêh mâu ôh jan ndrơ du ntil i ăn oh nô ta nau nsing prah srok, mâu lah ntlọi nau nsing.

¹⁴Tă bớh gáp lể gũ ndrel Kôranh Yêsu, ndri gáp lể gít n'hêl jêh, mâu geh ôh ndrơ sông sa jêng bở êng mâu di ma sa, yơn ma lah geh du huê bunuyh lah ndrơ dja bở, ri mớ ndrơ i này jêng bở mâu di ma sa ma păng i tởm lah i này.

¹⁵Yơn ma lah khân ay may jan ăn oh nô ta nau nsing geh nau rngot rvê yor ma ndrơ khân ay may sông sa i này, lah ndri khân ay may mâu hôm ôh geh nau rông. Lới ôh sỏ ndrơ sông sa i này jan ăn roh nau nsing bunuyh i lể Brah Krist de khât gay ma rklaih.

¹⁶Lah ndri lới jan du ntil ndrơ i khân ay may gít lể ueh jêh, lah jan ndrơ i này leo ăn du huê oh nô ta nau nsing jan tih, jêh ri ăn bu êng ngỏi djởh ma khân ay may i nsing ma Brah Krist,

¹⁷yorlah ta nau Kôranh Brah mât uảnh nau buay ta ndrơ nhêt sông mâu ôh geh nau khlay, yơn ma ndrơ i geh nau khlay jêng nau gũ ngao sông, nau gũ ngao ma nau đấp mpăn đah bu, ndrel ma nau rằm maak, nau i này tă bớh Brah Huêng Ueh i kloh ueh.

¹⁸Bu moh i sớ mớl jan kar ma Brah Krist gũ ngao kốt này, ăn Kôranh Brah geh nau rằm maak ma bunuyh i này, jêh ri bu yớk ma bunuyh i này đống.

¹⁹Lah ndri ăn bân nsrôyh tâng joi nau gũ ngao đấp mpăn đah bu, ndrel ma joi nau ma tâm kớl bảl ma nau gũ ngao lơ ma nập ta nau nsing.

²⁰Lới ôh lớh ndjởh ndrơ Kôranh Brah jan ta du huê bunuyh i Păng lể rklaih yor ma ndrơ sông sa. Dâng lể ndrơ nớh lể ueh lể kloh di ma sa dadê, tih ma lah ndrơ i bân sông sa này jan ăn bu prah srok, nau i này jêng djởh ma nôm i sông sa chrao.

²¹Yơn ma ueh rlau lah bân mâu ôh sa dâng lể puăch, mâu ôh nhêt ndrănh, ndrel ma mâu jan ndrơ abă êng jât, lah nau i này jan ăn oh nô ta nau nsing prah srok ta nau nsing.

²²Moh ndơ i khân ay may mân lẽ di, ăn mân êng khân ay may nơm đah Kôranh Brah hõ. Bu moh i lẽ gít ta nuih n'hâm ndơ i păng jan mâu tih ôh, păng i này geh nau đăp mpăn ngăn.

²³Yơn ma bu moh i lẽ geh nau rvê, klach mâu di ma ndơ i păng nơm sông sa, jêh ri hôm sa, nơm i này lẽ jêng tih, lah ndri păng tể dôih ma săk păng nơm, yorlah păng mâu ôh tâm di ta nuih n'hâm nôk păng sông sa ndơ i này. Kơt ndri dăng lẽ ndơ jan, lah mâu ôh geh tâm di đah nuih n'hâm, dăng lẽ ndơ jan i này jêng tih dadê.

Rôm 15

Ăn bunuyh i lẽ nsing nập geh nau ăt nuih ma phung i nsing rdja

¹Bân i bunuyh lẽ nập jêh ta nau nsing, ăn bân ăt nuih ma phung oh nô ta nau nsing i ê gít vât moh ndơ tih moh ndơ di, lơi ôh bân joi nau răm maak ma săk bân nơm dơm.

²Dăng lẽ bân, ăn nsrôyh jan ndơ i ăn bunuyh a êng răm maak, ndơ i kơl khân păng geh nau nsing ma Brah Krist lơ ma nập.

³Bol lah Brah Krist kỗ mâu jan maak ma săk Păng nơm đong, kơt ma lẽ geh nchih lah ma Păng kơt nđa: ‘O Kôranh Brah, dăng lẽ nau bu mưch rmot nsot May, lẽ geh ta Gập’ .

⁴Dăng lẽ ndơ i lẽ geh bu nchih ta Nau Kôranh Brah Ngơi a lor nơh, jêng nchih gay ma ntũm nti bân, jêng nchih gay ma bân geh nau rơm Kôranh Brah mra jan ngăn ndơ Păng lẽ ton nơh, jêng nchih gay ma n'hao nuih n'hâm bân geh nuih n'hâm ăt nuih kỗp tăt geh nau i này.

⁵Lah ndri dăn Kôranh Brah i kơl n'hao nuih n'hâm, ndrel ma kơl ăt nuih jan ăn khân ay may geh nuih n'hâm du ntôr nau hõ, nau i này di ma bunuyh i tâng Brah Krist Yêsu,

⁶gay ma khân ay may gũ du ntôr nau, gũ tâm rnglăp rnê nau chrêk lơp Kôranh Brah i Bở Brah Yêsu Krist i Kôranh bân.

Nau mhe mhan ueh ăn ma dăng lẽ ndũl mpôl bunuyh

⁷Ăn khân ay may tâm rom ndrăng nơm, tâm ban ma Brah Krist lẽ rom khân ay may đổng, jan kơt nây khân ay may yơk ma Kôranh Brah.

⁸Gập mboh ma khân ay may, Brah Krist väch gay ma sơm kơl jan kar ăn ma phung Israel, gay ma nhhơ Kôranh Brah jan ngăn ndr Päng lẽ ton ma phung che bân käl e nơh.

⁹Jêh ri Brah Krist väch gay ma phung i mâu di phung Israel rnê nau chrêk lợp Kôranh Brah yor ma nau yố Päng đổng, jêng di kơt nau lẽ geh nchih kơt nda: ‘Kơt ndrri gập mra rnê May ta nklang phung i mâu di phung Israel, Gập mra mprõ rnê May’ .

¹⁰Geh nchih đổng kơt nda: ‘Ồ phung i mâu di phung Israel, rằm maak hõm ndrrel phung Israel i phung bon lan Kôranh Brah nơm!’

¹¹Jêh ri geh nchih jât lah kơt nda: ‘Ồ phung i mâu di phung Israel, ăn dâng lẽ khân ay may rnê hõm ma Kôranh Brah, Ồ dâng lẽ ndrül mpôl bunuyh ăn mprõ rnê hõm ma Kôranh Brah’ .

¹²Jêh ri geh ta sambüt bunuyh ntøyh nau ngơi Kôranh Brah rnha Êsai lah kơt nda: ‘Geh du huê tă boh rnoi deh Yêsê i bở kađäch David, Päng mra mât uánh phung i mâu di phung Israel, Phung i nây mra nơm ma Päng’ .

¹³Lah ndrri gập dăn Kôranh Brah i tơm nau nơm ăn khân ay may geh nuh n'hâm rằm maak, ndập ma nau đăp mpăn hô ngăn, yorlah khân ay may nsing ma Päng, gay ma ăn khân ay may geh nau nơm dūt nập rkâk ngăn yor ma nau dơi Brah Huêng Ueh i kloh ueh.

Nau jan kar Pôl ta phung i mâu di phung Israel

¹⁴Ồ oh nô ta nau nsing, gập lẽ gít n'hêl ngăn nau gũ ngao khân ay may lẽ ueh ngăn, ndrrel ma geh nau gít blao jru đổng mpeh ma nau nsing bân, kơt ndrri khân ay may lẽ blao tâm ntũm nti ndrăng khân ay may nơm jât.

¹⁵Yơn ma gập hõm nchih nau abă ta sambüt dja ma nuh n'hâm bãnh, gay ma nkah tôr khân ay may. Gập nchih yorlah Kôranh Brah ăn ma gập tă boh nau ueh Päng nơm,

¹⁶ăn gáp jêng nôm sôm kơl jan kar ma Brah Krist Yêsu ta phung i mâu di phung Israel, ăn gáp jêng nôm jan kar mboh nkoch nau mhe mhan ueh Kôranh Brah nôm, jêng tâm ban ma nau jan kar bunuyh jan brah ta nhih jan brah ma Kôranh Brah. Kôranh Brah đã gáp kơt nây, gay ma leo phung i mâu di phung Israel jêng bunuyh i Kôranh Brah rom tâm ban ma Păng sô dơn nơ như ma Păng, gay ma khân păng jêng phung bon lan Păng nôm tă bơh Brah Huêng Ueh i kloh ueh kơl.

¹⁷Gáp rằm maak ma nơ i gáp lể jan ta nau jan kar ma Kôranh Brah, gáp dơi jan nơ i nây, yor ma Brah Krist Yêsu gũ ta gáp.

¹⁸Gáp mboh nkoch dơn ma nơ i gáp lể jêh jan yor ma Brah Krist gũ ta gáp, gáp mâu ôh bảnh mboh nkoch nau abă êng jât, nau jan kar i nây leo phung i mâu di phung Israel ăn iăt nau Kôranh Brah. Gáp leo khân păng ma nau gáp mboh ngoi, ndập ma nau gáp jan đong.

¹⁹Păng ăn geh nau mbên ndập ma nau khlay lể nau ngăn nơ, tă bơh nau dơi Brah Huêng Ueh Kôranh Brah. Ndri dăng gáp lể mboh nkoch nau mhe mhan ueh lam ntũk, nôm bơh bon kuông Yêrusalem, n'ho ma tât ta bri Ilirikũn, lể lôch jêh.

²⁰Bơh nôm nơ gáp ếch nâng hăn mboh nkoch nau mhe mhan ueh ta ntũk bu mâu ôh vay tăng rnh Brah Krist, gay ma gáp mâu ôh jan ntop dơn ta ntũk bu lể jêh mboh nkoch.

²¹Gáp ếch jan tâng kơt nau lể geh nchih kơt nđa: ‘Bu moh mâu geh bunuyh mboh nkoch nau Kôranh Brah, mra gĩt năl Kôranh Brah, Jêh ri bu moh i mâu ôh tăng nau Păng, mra gĩt vât nau Păng’ .

Nau Pôi ếch hăn ta bon kuông Rôm

²²Yor ma gáp mboh nkoch nau mhe mhan ueh ta dăng lể ntũk i nây, kơt ndri gáp mâu ru ma hăn jở khõl khân ay may.

²³Yơn ma abơ dja ta ăp bri dja gáp lể jêh jan dadê, ndập ma lể jở năm đong gáp rơ hăn a khân ay may.

24Nôk gáp hăn ta bri Êspanh tay, gáp rơm hăn veh khöl khân ay may, gay ma gũ răm maak ndrel khân ay may du blät, jêh ri dân khân ay may kơl gáp hăn jät bri i này jät.

25Yơn ma abaō dja gáp hôm hăn a bon kuông Yêrusalem, gay ma kơl phung bon lan Kôranh Brah ta này bốt.

26Oh nô ta nau nsing ta bri Masêdon, ndrel ma ta bri Akhây, khân păng lể tâm rgum prăk rial ma lể nuih n'hâm ngăn gay ma kơl phung o ach i lể nsing ta bon Yêrusalem ri.

27Khân păng i mâu di phung Israel lể jan ma lể nuih n'hâm kơt này, yorlah khân păng tâm ban ma hôm khan rnon đah phung Israel. Phung i mâu di phung Israel lể geh sỏ đơn ndơ ueh tă bớh Kôranh Brah i bớh ntóm nớh Kôranh Brah lể ton ma phung Israel đơm, kơt ndri di ma phung i mâu di phung Israel tâm pả ndơ ăn ma phung Israel đống.

28Lah ndri nôk gáp jêh jan kar njũn prăk i khân păng lể rgum dja, jêh ri tay gáp ếch hăn ta bri Êspanh, veh mấp khân ay may ta bon Rôm.

29Gáp gĩt ngăn, nôk gáp hăn a khân ay may, Brah Krist mra ăn nau geh jêng ők ngăn ma khân ay may.

30Ở oh nô ta nau nsing, tă bớh ndơ Brah Yêsu Krist i Kôranh bân lể jan, ndrel ma tă bớh nau rống i Brah Huêng Ueh ăn ma khân ay may, gáp dân khân ay may hô ngăn, ăn khân ay may mbớh sỏm dân Kôranh Brah ăn ma gáp, ndri khân ay may jêng lăp nsrôyh jan kar ndrel gáp.

31Ăn khân ay may dân Kôranh Brah njrăng gáp bớh phung Israel i mâu nsing ma Brah Krist ta bri Yuđa, dân Păng đống ăn phung Israel i nsing ma Brah Krist ta bon Yêrusalem sỏ đơn prăk dja i gáp ndjôt ăn ma khân păng.

32Jêh ri lah Kôranh Brah ăn, gáp hăn a khân ay may tay ndập ma geh nuih n'hâm răm maak, jêh ri bân tâm n'hao nuih n'hâm bảl.

33Dân Kôranh Brah tởm nau đăp mpăn gũ ndrel dăng lể khân ay may, ơ ăn geh kơt này ngăn ro!

Rôm 16

Nau ôp nau ueh lăng êng êng

- ¹Gâp dẫn mboh nkoch ăn khân ay may gít năl yôh Phêbê, păng jêng bunuyh kơl jan kar ta phung nsing ta bon Kênkrê ta bri Grek.
- ²Dăn khân ay may rom păng ăn tâm di ma phung bon lan Kôranh Brah, yorlah păng nsing ma Kôranh Yêsu. Dăn khân ay may kơl păng moh ndr i păng ếch, yorlah lể ők bunuyh păng kơl, ndâp ma kơl gâp đống.
- ³Dăn ôp nau ueh lăng bar hê ur sai, yôh Prisil, ndrel ma nô Akilas, khân păng jêng bunuyh jan kar ma Brah Krist ndrel gâp.
- ⁴Bar hê khân păng nây lể bống săk ma khât, gay ma kơl rklaih gâp. Gâp lah ueh ma khân păng, mâu di gâp dơm ôh lah ueh ma khân păng, dăng lể phung nsing i mâu di phung Israel lah ueh ma khân păng dadê đống.
- ⁵Dăn ôp nau ueh lăng phung nsing i rbum ta jay khân păng. Dăn ôp nau ueh lăng nô Êpâynet i bunuyh gâp rống. Păng jêng bunuyh sât nsing ma Brah Krist lor bu ta bri Asi.
- ⁶Dăn ôp nau ueh lăng yôh Mari, jêng nơm jan kar lể nsrôyh ők ngăn ma khân ay may.
- ⁷Dăn ôp nau ueh lăng nô Ăntrunik, ndrel ma yôh Yunêh, jêng ndül mpôl gâp nơm, khân păng lể tă gũ ndrung ndrel gâp đống. Bu lư nau ueh khân păng ők hô ngăn ta mpôl kôranh oh mon . Lor khân păng đống sât nsing ma Brah Krist đah gâp.
- ⁸Dăn ôp nau ueh lăng nô Ămphlêh i bunuyh gâp rống ta Kôranh Yêsu.
- ⁹Dăn ôp nau ueh lăng nô Ởbăn i bunuyh jan kar ma Brah Krist ndrel gâp, ndrel ma dẫn ôp nau ueh lăng nô Satakhih i bunuyh gâp rống.
- ¹⁰Dăn ôp nau ueh lăng nô Apêlêh i Brah Krist kơp păng di. Dăn ôp nau ueh lăng rnăk vâl nô Arihtôbul.
- ¹¹Dăn ôp nau ueh lăng nô Hêrôđên i ndül mpôl gâp nơm. Dăn ôp nau ueh lăng bunuyh ta rnăk vâl nô Narsih i nsing ma Kôranh Yêsu.

¹²Dăn ôp nau ueh lăng yôh Triphen, ndrel ma yôh Triphuh, khân păng i này jan kar ôk ma Kôranh Yêsu. Dăn ôp nau ueh lăng yôh Pơsìh i gáp rông, păng jan kar lě ôk ma Kôranh Yêsu.

¹³Dăn ôp nau ueh lăng nô Ruphus, Kôranh Yêsu lě jêh kơih păng, ndrel ma ôp nau ueh lăng i mễ păng, gáp kơp mễ păng jêng mễ gáp đơng.

¹⁴Dăn ôp nau ueh lăng nô Asin'grit, nô Phlêkôn, nô Hơrmês, nô Patrôpah, nô Hơmah, ndrel ma oh nô ta nau nsing i gũ ndrel khân păng.

¹⁵Dăn ôp nau ueh lăng nô Philôlôk, yôh Julia, nô Nêrôh, ndrel ma oh bu ur păng, jêh ri dăn ôp nau ueh lăng nô Ôlìmpah, ndrel ma dăng lě phung bon lan Kôranh Brah i gũ ndrel khân păng đơng.

¹⁶Dăn khân ay may tâm ôp nau ueh lăng ndrăng nơm ma nau ueh rah rơch . Jêh ri dăng lě phung nsing ma Brah Krist ta ntũk êng êng ta dja ôp nau ueh lăng khân ay may đơng.

Nau Pôl ntũm nti n'glẽ dũt

¹⁷Ở oh nô ta nau nsing, gáp dăn khân ay may hô ngăn, ăn khân ay may njrăng ma mpôl bunuyh i jan tâm nkah phung, ndrel ma i jan ăn bu hiơt ta nau nsing. Ăn njrăng ma mpôl bunuyh i ntũm nti nklă jêng ndr tih đah nau khân ay may lě jêh bu ntũm nti nơh. Lah ndri ăn khân ay may der hõm bõh mpôl kơt này.

¹⁸Mpôl kơt i này mầu ôh jan kar ma Brah Krist i Kôranh bân. Khân păng gĩt ma ndr i săk jăn khân păng ũch đơm, khân păng mbrõh ngơi ueh, ngơi rnê ma bu hô ngăn, jêh ri ndrõm bunuyh i đơh ma iăt.

¹⁹Dăng lě bunuyh lě gĩt jêh ma nau khân ay may iăt nau Kôranh Brah. Kơt ndrri gáp geh nuih n'hâm răm maak ngăn ma khân ay may, yõn ma gáp ũch ăn khân ay may geh nau mân gĩt blao ma jan kar ndr ueh hõ, jêh ri rluk mâl ma jan ndr djơh.

²⁰Hôm du blăt jăt, Kôranh Brah i tơm nau đăp mpăn lơh hêng lơi Satăng i kôranh mpôl brah djơh ăn păng gũ ta nâm jõng khân ay may, mầu hôm ôh

geh nau dơi ma khân ay may jât. Ăn nau ueh Brah Yêsu i Kôranh bân gũ ndrel khân ay may.

²¹Timôthê i bunuyh jan kar ndrel gâp, dẫn ôp nau ueh lăng khân ay may. Jêh ri nô Lukês, nô Yasün, ndrel ma nô Susĩpatrôh, ndül mpôl gâp nôm, khân păng dẫn ôp nau ueh lăng khân ay may đống.

²²Păng i rnha Totêh jêng bunuyh nsing ma Kôranh Yêsu đống, păng sơm nchih nau gâp ta sambüt dja, păng dẫn ôp nau ueh lăng khân ay may đống.

²³Nô Gaiyus i bunuyh rom gâp, ăn gâp gũ ta jay păng, ndrel ma dâng lể phung nsing ta dja ăn gũ rbũn ta jay păng, păng dẫn ôp nau ueh lăng khân ay may. Jêh ri nô Êrastus jêng nôm mât uănh praks bon kuông dja, ndrel ma nô Kuatuh jêng oh nô bân ta nau nsing, bar hê khân păng dẫn ôp nau ueh lăng khân ay may đống.

²⁴[Dẫn nau ueh Brah Yêsu Krist i Kôranh bân gũ ta dâng lể khân ay may! Ở ăn geh kốt này ngăn ro!]

²⁵Ăn rnê ma Kôranh Brah! Păng geh nau dơi jan ăn khân ay may geh nau nsing nập rkâk, di kốt nau mhe mhan ueh i gâp mbơh nkoch ma dâng lể bunuyh. Nau mhe mhan ueh i này ăn bân gĩt nau Brah Yêsu Krist ếch rklaih phung i mâu di phung Israel, ndập ma phung Israel đống. Bơh nôm nờh Kôranh Brah mâu ôh ăn bunuyh gĩt ma nau i này,

²⁶yơn ma abao' dja Kôranh Brah nhơ nau i này ăn bân gĩt, Păng ăn bân gĩt nau i này ta sambüt bunuyh nơyh nau ngời Kôranh Brah lể nchih. Kôranh Brah nôm i rêh n'ho ro đã bân mbơh nkoch ăn bu gĩt nau i này, gay ma ăn dâng lể ndül mpôl bunuyh êng êng nsing ma Păng, ndập ma iăt Păng.

²⁷Ăn rnê ma Kôranh Brah nôm du huê dơm i geh nau mân gĩt blao, ăn rnê nau chrêk lợp Păng babơ n'ho ro ta Brah Yêsu Krist! Ở ăn geh kốt này ngăn ro!

Kôrintô Rôh 1

Kôrintô Rôh 1 1

Nau ôp ueh lăng

¹Sambüt gâp Pôl nchih, gâp jêng kôranh oh mon Brah Krist Yêsu i tă bôh Kôranh Brah kuäl gâp, i tă bôh nau ũch Kôranh Brah nôm đống. Gâp ndrel ma nô Sôsten i nô bân ta nau nsing,

²bar hê hên dẫn ôp nau ueh lăng phung nsing ma Kôranh Brah ta bon Kôrintô. Kôranh Brah lě kuäl jêh khân ay may ăn jêng phung bon lan Păng nôm, ndâp ma jan khân ay may lě jêng bon lan Păng nôm ăn gũ kloh ueh yor ma ndr Brah Krist Yêsu lě jan. Khân ay may jêng bon lan Kôranh Brah, ndrel ma dâng lě bunuyh ta ăp ntük i nsing ma Brah Yêsu Krist i Kôranh bân. Păng jêng Kôranh ma khân păng i nây, ndrel ma jêng Kôranh ma dâng lě phung bân đống.

³Dăn Kôranh Brah Bở bân, ndrel ma Kôranh Yêsu Krist, ăn nau ueh, ăn nau đăp mpăn ma khân ay may.

⁴Gâp lah ueh ma Kôranh Brah babơ ngăn ăn ma khân ay may, yor ma Păng lě ăn nau ueh Păng nôm ma khân ay may tă bôh ndr Brah Krist Yêsu lě jan.

⁵Tă bôh khân ay may gũ ndrel Brah Krist, dâng Kôranh Brah lě ăn ma khân ay may ăp ntil ndr i geh khlay, Păng lě ăn khân ay may ők ntil ndr: Ăn blao nti bu, ndâp ma lě ăn khân ay may gĩt vât ăp ntil mpeh ma nau Păng.

⁶Nau Kôranh Brah ăn i nây ăn khân ay may gĩt n'hêl naně nau Brah Krist i gâp mbơh nkoch ma khân ay may lě di ngăn.

⁷Kơt ndr i abơ dja khân ay may gũ kốp Brah Yêsu Krist i Kôranh bân plở ta neh ntu dja, khân ay may lě geh ăp ntil nau blao i Brah Huêng Ueh ăn đơm dam.

⁸Kôranh Brah jan ăn khân ay may hôm gũ nập nâng ta nau nsing, gay ma mâu ôh geh nau ma nduih ta nar Brah Yêsu Krist i Kôranh bân plở văch ta neh ntu dja.

⁹Kôranh Brah rǎp jǎp ngǎn, Pǎng lě kuǎl jêh khân ay may ǎn gũ tâm rnglǎp ndrel Kon Pǎng nôm, jêng Brah Yêsu Krist i Kôranh bân.

Nau tâm rlǎch ta phung nsing

¹⁰Ở oh nô ta nau nsing, tǎ bớh nau dơi Brah Yêsu Krist i Kôranh bân gũ ta gâp, dâng gâp dẫn khân ay may hô ngǎn, ǎn khân ay may mớh ngời du ntô nau hỏ, lời ôh tâm nkhah mpôl, ǎn geh nau mân du ntô nau hỏ, ǎn geh nuih n'hâm du ntô đổng.

¹¹Ở oh nô ta nau nsing, gâp tăng bunuyh abǎ bớh rnǎk vǎl yôh Klôê mớh nkoch ǎn gâp, ta phung khân ay may geh nau tâm rlǎch bǎl.

¹²Ta phung khân ay may du huê du huê lah êng êng bǎl kớp nđa: “Gâp dja i kon sau Pôl!” “Gâp dja i kon sau Apôlô!” “Gâp dja i kon sau Pêtrô!” “Gâp dja i kon sau Brah Krist!”

¹³Lah ndri ớm Brah Krist geh tâm pǎ ỏk kớp nây lah? Ởm gâp Pôl lě bu nkhât ta si tâm rkǎng ǎn ma khân ay may lah? Mâu lah ớm bu jan bǎptem yũk ma dak ǎn khân ay may ta rnha gâp Pôl lah?

¹⁴Gâp dẫn lah ueh ma Kôranh Brah, gâp mâu ôh jan bǎptem yũk ma dak ǎn ma bunuyh ta phung khân ay may, man ma geh jan ǎn ma nô Krispus, ndrel ma nô Gaiyus bar hê nây dờm.

¹⁵Lah ndri mâu geh ôh du huê bunuyh ta phung khân ay may dơi lah lě geh jan bǎptem yũk ma dak ta rnha sǎk gâp.

¹⁶Ở, gâp lě geh jan bǎptem yũk ma dak ǎn rnǎk vǎl nô Satêphanas đổng, bunuyh a êng gâp mâu hôm ôh kah gít.

¹⁷Brah Krist mâu ôh đǎ gâp hǎn ma jan bǎptem yũk ma dak, Pǎng đǎ gâp gay ma mớh nkoch nau mhe mhan ueh. Yớn ma gâp mớh nkoch nau i nây mâu ôh đổng nau ngời geh nau mân gít blao i ueh ma iǎt, klach lah n'groh lời nau dơi ta nau khât Brah Krist ta si tâm rkǎng.

Brah Yêsu nhhơ nau dơi, ndrel ma nhhơ nau mân gít blao Kôranh Brah nôm

¹⁸Nau nkoch Brah Krist khât ta si tâm rkǎng nây, phung i mâu nsing i mra roh hêng, khân pǎng kớp nau nkoch i nây jêng nđơ rluk mǎl dờm, yớn ma

bân i Kôranh Brah rklaih, bâk kôp nau nkoch i này jêng nau dơi Kôranh Brah.

¹⁹Nau i này tâm di ma nau lể geh nchih ta Nau Kôranh Brah Ngơi: ‘Kôranh Brah lah: ‘Gâp mra n'groh lơi i nau mân gít blao ta bunuyh i geh nau mân gít blao, Gâp mra lờh hêng lơi nau blao mân ta bunuyh i geh nau blao mân đống’ .

²⁰Lah ndri bunuyh i geh nau mân gít blao, bunuyh i nôm nti, ndrel ma bunuyh i blao mêl uánh nau jru jru ta rnôk dja, ơm hôm blao jan đống, lah Kôranh Brah lể lờh lơi i nau gít blao ta neh ntu dja ăn jêng rluk mâl chrao!

²¹Kôranh Brah jan ăn bunuyh ta neh ntu dja mâu ôh dơi gít năl Păng tă bớh nau mân gít blao khân păng nôm, Păng jan kớk này tă bớh nau mân gít blao Păng nôm. Kớk ndri dâng Kôranh Brah rklaih bunuyh i nsing tă bớh nau mbớh nkoch nau mhe mhan ueh i bunuyh a êng de kớp rluk mâl i này.

²²Phung Israel ếch say ndơ mbên nau khlay lor, ri mớ khân păng ếch nsing ma nau mbớh nkoch này. Phung Grek ếch say nau mân gít blao bunuyh ta nau mbớh ngơi, ri mớ khân păng ếch nsing.

²³Yơn ma hên, hên hôm mbớh nkoch ma nau Brah Krist khât ta si tâm rkăng, gay ma rklaih bunuyh bớh nau Kôranh Brah tể dôi. Jêh ri phung Israel rlach mâu ếch ôh nau i này, jêh ri phung i mâu di phung Israel kớp nau i này jêng nau rluk mâl.

²⁴Yơn ma dâng lể phung i lể Kôranh Brah de kuăl jêh, geh ndâp ma phung Israel, ndâp ma phung i mâu di phung Israel, phung i này kớp Brah Krist nhơ nau dơi, ndrel ma nhơ nau mân gít blao Kôranh Brah nôm.

²⁵Moh ndơ i bu kớp rluk mâl ta Kôranh Brah, yơn ma hôm geh nau mân gít blao rlau ma nau mân gít blao bunuyh. Jêh ri moh ndơ i bu kớp mâu ôh geh suan dăng ta Kôranh Brah, yơn ma hôm geh suan dăng rlau ma suan dăng bunuyh đống.

²⁶Ở oh nô ta nau nsing, ăn khân ay may gít ta nau dja: Ta phung khân ay may, nôk Kôranh Brah kuăl khân ay may nớh, mâu lăng geh ôh bunuyh i bu

kợp geh nau mân gít blao, jêh ri bunuyh i kuỡng, mâu lah bunuyh i rnoi deh ndrông kỗ mâu lăng geh đống.

²⁷Yơn ma Kôranh Brah lě kớih jêh nau i bunuyh ta neh ntu de kợp rluk mấl nây, gay ma ăn phung i geh nau mân gít blao đit prêng, jêh ri Păng lě kớih jêh nau i bunuyh ta neh ntu de kợp mâu geh suan dăng nây, gay ma ăn phung i geh suan dăng đit prêng.

²⁸Kôranh Brah lě kớih jêh nau i bunuyh ta neh ntu de kợp dút jế, nau i bu de mựch, ndrel ma nau i bu kợp mâu ôh geh nau khlay du ntil, Păng sỗ dăng lě nau i nây gay ma n'groh lời dăng lě nau i bunuyh kợp geh nau khlay.

²⁹Kôranh Brah jan kớit nây, gay ma dăng lě bunuyh mâu hôm ôh geh du huê blao n'hi êng sắk ta nặp mắt Păng nờm.

³⁰Kôranh Brah jan ăn khân ay may lě gũ ndrel Brah Krist Yêsu, Kôranh Brah jan ăn bân geh nau mân gít blao tă bớh Brah Krist Yêsu. Tă bớh Brah Krist Yêsu, dăng Kôranh Brah kợp bân sồng, jêng bon lan kloh ueh Păng nờm, lě geh nau rklaih.

³¹Lah ndrì nau i nây tâm di ma Nau Kôranh Brah Ngời lě geh nchih jêh: ‘Bu moh i ứch rnê êng sắk păng nờm, ăn păng rnê ma ndr Kôranh Brah jan ta păng dờm hỡ’ .

Kôrintô Rơh 1 2

Nau Brah Krist khât ta si tâm rkăng

¹Ở oh nô ta nau nsing, nôk gáp hăn a khân ay may mbớh nkoch nau Kôranh Brah nờh, gáp mâu geh ôh mbớh ngời dút blao, mâu lah mbớh nkoch nau khlay Kôranh Brah ăn ma khân ay may ma nau mân gít blao jru.

²Nôk gáp gũ ndrel khân ay may nờh, gáp mbớh nkoch ma Brah Yêsu Krist, mbớh nkoch ma nau Păng khât ta si tâm rkăng dờm, gáp mâu ôh mbớh nkoch nau abă êng.

³Gáp hăn a khân ay may nờh mâu ôh geh n'hâm suan, gáp nsờr sắk jăn klach mâu blao jan jêh ndr Kôranh Brah lě đả ma gáp.

⁴Bõr mbung gâp mboh ngoi, ndrel ma nau gâp ntũm nti nây nơh mâu ôh di geh ma nau mân gĩt blaol ueh, yõn ma geh say nau khlay tã bõh nau dõr Brah Huẽng Ueh nõm ăn,

⁵gay ma nau nsing khân ay may lõr ôh tã bõh tãng nau mân gĩt blaol bunuyh, yõn ma tã bõh say nau dõr Kõranh Brah nõm.

Nau mân gĩt blaol Kõranh Brah nõm

⁶Yõn ma bu moh i lẽ geh nau nsing nâp lẽ tâm di keh jẽh, hẽn ntũm nti ma nau mân gĩt blaol đõng, yõn ma mâu di ôh sõ nau mân gĩt blaol tã bõh bunuyh ta neh ntu dja i mra roh hẽng, kõ mâu di đõng tã bõh kõranh mât uãnh ta neh ntu dja i mra roh hẽng đõng.

⁷Hẽn mboh nkoch ma nau mân gĩt blaol Kõranh Brah nõm i bõh nõtõm nõh hõm nõp mpõn. Ê lor ma njẽng neh ntu, Kõranh Brah lẽ ùch jẽh nau mân gĩt blaol i nây ăn bãn geh nau chrẽk lõp.

⁸Phung kõranh mât uãnh ta neh ntu dja mâu geh ôh du huẽ gĩt vât nau mân gĩt blaol Kõranh Brah. Lah khân pãng lẽ gĩt vât, khân pãng mâu ôh nkhât Kõranh Yẽsu i geh nau chrẽk lõp i khân pãng lẽ nkhât ta si tâm rkãng nõh.

⁹Ta Nau Kõranh Brah Ngõr lẽ geh nchih: ‘Mâu geh ôh trõm mât du huẽ bunuyh uãnh say, mâu geh ôh tõr du huẽ bunuyh iãt tãng, Mâu geh ôh nuĩh n'hãm du huẽ bunuyh mân tât, Nau i Kõranh Brah lẽ õm ndrãp ăn ma bu moh i rõng ma Pãng nõm’.

¹⁰Kõranh Brah đã Brah Huẽng Ueh ăn bãn gĩt nau i nây nõh, yorlah Brah Huẽng Ueh gĩt dãng lẽ rngõch nau, bol lah nau mân i jru ta Kõranh Brah, kõ Pãng gĩt đõng.

¹¹Bunuyh mâu ôh gĩt nau mân bunuyh a êng, nuĩh n'hãm pãng nõm dõm gĩt ma nau mân pãng. Kõranh Brah tâm bãn kõt nây đõng, bu êng mâu ôh gĩt nau mân Pãng, i Brah Huẽng Ueh Pãng nõm dõm gĩt ma nau mân Pãng.

¹²Bãn i dja, Kõranh Brah mâu ôh ăn bãn geh nuĩh n'hãm nau mân i tâm bãn ma bunuyh i mâu nsing, bãn lẽ sõ dõn jẽh Brah Huẽng Ueh i tã bõh Kõranh Brah, gay ma gĩt vât dãng lẽ nau i Pãng ăn ma bãn dõm dam.

¹³Bân mboh nkoch nau i này mâu di tă bõh nau mân gít blao bunuyh ntũm nti, yõn ma tă bõh Brah Huêng Ueh ntũm nti. Bân mboh nkoch nau i tă bõh Brah Huêng Ueh ăn ma bunuyh i lẽ geh Brah Huêng Ueh gũ.

¹⁴Yõn ma bu moh i mâu geh Brah Huêng Ueh gũ, pãng i này mâu ôh dơi sỏ dơn nau bõh Brah Huêng Ueh Kờanh Brah. Pãng mân nau i này jêng nau rluk mấl dờm, pãng vậт mâu dơi ôh. Bunuyh i geh Brah Huêng Ueh gũ dờm, dơi gít vậт nau i này.

¹⁵Bunuyh lẽ geh Brah Huêng Ueh gũ, blao gít njing dâng lẽ nau mân. Jêh ri bunuyh i mâu ôh geh Brah Huêng Ueh gũ, mâu ôh blao gít vậт bunuyh i geh Brah Huêng Ueh gũ.

¹⁶Ta Nau Kờanh Brah Ngòi lẽ geh nchih: ‘Ôm geh bunuyh gít vậт nau mân Kờanh Brah nờm lah? Ôm geh bunuyh dơi ntũm nti ăn ma Pãng lah?’ Yõn ma bân, bân lẽ geh jêh nau mân tâm ban ma nau mân Brah Krist nờm.

Kôrintô Rờh 1 3

Nau sỏm kỏl jan kar ndrel ăn ma Kờanh Brah

¹Ở oh nô ta nau nsing, a lor nờh gập mâu ôh dơi ngòi đah khân ay may tâm ban ma ngòi đah bunuyh i lẽ gít vậт nau Brah Huêng Ueh. Gập ngòi đah khân ay may nờh tâm ban ma ngòi đah bunuyh mâu nsing, mâu lah tâm ban ma ngòi đah bunuyh i mhe sắт nsing i tâm ban ma oh bê.

²Gập tâm ban ma mpu khân ay may ma dak toh, gập mâu ôh ăn khân ay may sa ndớ dắng, yorlah khân ay may ê hỏ dơi sa nờh. Bol lah tắт abỏ dja khân ay may hôm e ê hỏ dơi sa đờng,

³yorlah khân ay may hôm geh nuh n'hâm nau mân tâm ban ma bunuyh i mâu nsing kớт ỏm. Ta phung khân ay may hôm geh nau tâm mâu nach, tâm rlắch. Nau i này nhỏ khân ay may hôm geh nuh n'hâm nau mân tâm ban ma bunuyh i mâu nsing, hôm gũ rêh tâm ban ma bunuyh i mâu nsing.

⁴Nỏk du huê bunuyh lah: ‘Gập dja i kon sau Pỏl!’, jêh ri du huê bunuyh jắт lah: ‘Gập dja i kon sau Apỏlỏs!’, nau i này tâm di ma nau gũ rêh bunuyh i mâu nsing ngắn.

⁵Lah ndri Apôlôs păng bu moh? Gâp Pôl bu moh? Hên bar hê jêng bunuyh sôm kơl jan kar i leo khân ay may geh nau nsing nơh, hên jan kar tâng ndơ i Kôranh Brah đă ma hên jan đơm.

⁶Gâp tâm ban ma bunuyh ma tằm, yorlah gâp leo khân ay may sât nsing, jêh ri Apôlôs jêng tâm ban ma bunuyh ma tở dak, yorlah păng nti khân ay may bớh kơi, i nau jêng tă bớh Kôranh Brah nơm ăh.

⁷Lah ndri bunuyh tằm, ndrel ma bunuyh tở dak mâu ôh geh nau khlay, Kôranh Brah nơm đơm i ăh jêng geh nau khlay.

⁸Bunuyh tằm, ndrel ma bunuyh tở dak geh nau ứch tâm ban đơm, jêh ri khân păng mra sỏ đơn ndơ nkhôm tâng ndơ i khân păng nơm lể jan.

⁹Bar hê hên jêng bunuyh sôm kơl jan kar ndrel ma Kôranh Brah. Khân ay may jêng tâm ban ma mir Kôranh Brah, jêng tâm ban ma jay i Kôranh Brah nơm jan.

¹⁰Tă bớh nau ueh Kôranh Brah, Păng lể ăh jêh ma gâp jêng tâm ban ma du huê bunuyh i dứt blao jan jay, jêh ri gâp tằm meh ăh ueh. Bunuyh êng jan kalơ ndơ gâp lể jan nây. Yơn ma bu moh i jan kar jan jay, ăh păng njrăng mớh bả nau păng jan.

¹¹Ta jay Kôranh Brah đơn geh meh i nây đơm, meh i nây jêng Brah Yêsu Krist, mâu hôm geh ôh bunuyh blao tằm meh a êng jât.

¹²Lah bu moh sỏ mayh, prăk, pích, tởm si, ja, rhe ma jan kalơ meh i nây,

¹³ta nar Kôranh Brah văch phat dôi tay, ndơ i du huê du huê bunuyh lể jan nây mra say n'hêl ro, yorlah ta nar nây văch tâm ban ma ứnh, jêh ri ứnh i nây mra rlong su ndơ i bunuyh lể jêh jan du huê du huê sắk nơh.

¹⁴Lah bu moh i ndơ păng lể jan i nây hôm, păng i nây hôm geh ndơ nkhôm.

¹⁵Lah bu moh i ndơ păng jan ứnh de sa lể phiao, păng i nây roh ndơ nkhôm đống, i sắk păng nơm hôm klaih, mâu ôh geh nau jêr, yơn ma klaih tâm ban ma bunuyh hăn glăt rỏ ứnh đơm.

¹⁶Ah khân ay may mâu gít bah, sǎk khân ay may nờm jêng nih jan brah ma Kôranh Brah! Ah khân ay may mâu gít bah, Brah Huêng Ueh Kôranh Brah nờm lể gũ ta khân ay may!

¹⁷Bu moh i ếch lơh rai lơi phung nsing ma Kôranh Brah, pǎng i nây tâm ban ma bunuyh lơh rai lơi nih jan brah ma Kôranh Brah nờm. Kôranh Brah mra lơh rai lơi bunuyh i nây đổng, yorlah nih jan brah ma Kôranh Brah nờm jêng kloh ueh jêng ndơ Kôranh Brah nờm. Jêh ri khân ay may nờm jêng nih jan brah i kloh ueh i nây.

¹⁸Lơi ôh mbrôh êng sǎk khân ay may nờm. Lah bu moh i kớp êng sǎk pǎng nờm jêng bunuyh geh nau mân gít blao i phung mâu nsing kớp khlay, ǎn pǎng i nây jan bunuyh i phung mâu nsing kớp rluk mǎl bốt, gay ma pǎng jêng bunuyh i geh nau mân gít blao ngǎn i tă bớh Kôranh Brah,

¹⁹yorlah Kôranh Brah kớp nau mân gít blao phung bunuyh i mâu nsing jêng rluk mǎl đơm. Nau i nây tâm di ta Nau Kôranh Brah Ngơi lể geh nchih lah: ‘Bunuyh i geh nau mân gít blao, Kôranh Brah đổng nau mân gít blao bunuyh i nây, gay ma tể dôi h bunuyh i nây’ .

²⁰Jêh ri lể geh nchih lah đổng: ‘Kôranh Brah lể gít jêh nau mân phung i geh nau mân gít blao, Pǎng lể gít jêh nau mân i nây mâu ôh geh nau khlay’ .

²¹Lah ndri lơi ôh ǎn geh du huê bunuyh n’hi êng sǎk pǎng nờm yor ma i nờm nti pǎng nờm. Dâng lể ntil ndơ geh gay ma geh nau khlay ma khân ay may dadê:

²²Bol lah gáp, bol lah Apôlô, bol lah Pêtrô kadoi, neh ntu dja, nau rêh, nau khât kadoi, rnôk abao dja, mâu lah rnôk jât nấp tay kadoi, jêng ndơ gay ma geh nau khlay ma khân ay may dadê.

²³Jêh ri khân ay may nây jêng phung bon lan Brah Krist nờm, jêh ri Brah Krist iǎt Kôranh Brah nờm.

Kôrintô Rôh 1 4

Kôranh oh mon Brah Krist

¹Lah ndri dǎn khân ay may kớp Apôlô, ndrel ma gáp jêng bunuyh i sớ m kớl jan kar ma Brah Krist, kớp hên jêng bunuyh i Kôranh Brah đǎ m bớh nkoch nau Pǎng nớ m lể nhớ a bǎo dja hỏ, i bớh nớ m nớ h hỏ m ndỏp mpôn.

²Lah geh bu đǎ du huê bunuyh jan kar du ntil, pǎng ứch bunuyh i nây jan kar rǎp jǎp ngǎn.

³Lỏng gáp i dja, bol lah khân ay may kađôi, mǎu lah bunuyh êng kađôi, geh nau mǎn lah gáp jan kar ueh mǎu lah jan kar mǎu ueh, kỏ gáp mǎu ji bỏk ji tỏ, jêh ri sǎk gáp nớ m kỏ gáp mǎu lah đỏng, gáp jan kar ueh mǎu lah jan kar mǎu ueh.

⁴Ta nuih n'hâm gáp, bol lah gáp geh nau đǎp mpǎn yor ma gít mǎu geh jan ndớ dớ h ndớ mǎu ueh, yớ n ma nau i gáp mǎn kớ t nây, mǎu ôh di jan ǎn gáp dja jêng bunuyh sỏng mǎu geh nau tih, hỏ m geh du huê Kôranh Brah i phat đoih gáp.

⁵Lah ndri lới hỏ ôh tâm phat đoih ndrǎng nớ m ê lor ma tǎt di nar Kôranh Yêsu plớ vǎch phat đoih, yorlah Pǎng nớ m mra sỏ tể a ntủk ang ndớ i bunuyh de lể mpôn ta ntủk ngo, jêh ri Pǎng nhớ nau mǎn nau ứch i đút ndỏp ta trỏm nuih n'hâm bunuyh. Ta nỏk nây Kôranh Brah rnê ma du huê du huê bunuyh, tǎng ndớ i geh nhớ nây.

⁶Ở oh nô ta nau nsing, gáp đỏng Apôlô, ndrel ma đỏng gáp nớ m jêng nau ntǎt gay ma geh khlay ma khân ay may. Gáp ứch khân ay may gít vǎt nau i bu lah kớ t nđǎ: 'Lới ôh jan rlau đǎh ndớ i lể geh nchih ta Nau Kôranh Brah Ngớ i'. Lah ndri khân ay may mǎu hỏ m ôh n'hi êng sǎk nớ m yor ma kớ p du huê nớ m nti kuỏng rlau ma du huê êng jǎt.

⁷Moh bǎ nau geh i jan ǎn du huê ta phung khân ay may ueh rlau ma bu êng? Dǎng lể nau i khân ay may lể geh, jêng tǎ bớ h Kôranh Brah ǎn! Lah khân ay may lể sỏ đớ n jêh dǎng lể nau bớ h Pǎng, mớ m dǎng khân ay may blao n'hi êng sǎk ma nau i nây jan tâm ban ma geh êng, mǎu tǎ bớ h Kôranh Brah ǎn?

⁸Khân ay may mǎn lah khân ay may lể geh jêh dǎng lể nau i khân ay may ứch bớ h nau i Brah Huêng Ueh ứch ǎn. Khân ay may mǎn lah khân ay may lể

kuống ta nau Kôranh Brah i này. Khân ay may mân lah khân ay may lể jêng tâm ban ma kađäch mât uãnh ndrel Brah Krist jêh, yơn ma khân ay may mân lah hên mâu ôh jêng kađäch. Tih ma dăng lể nau i này mâu di ôh. Gập ứch ngấn khân ay may lể jêng kađäch kớt này ngấn, gay ma hên lể jan kađäch ndrel khân ay may.

⁹Tâng ma gập mân, Kôranh Brah ăn hên i kôranh oh mon tâm ban ma jể ta nâm bu, tâm ban ma bunuyh i bu tể dôi h nkhât, jêh ri ăn dăng lể bunuyh mưch rmot, ndập ma tông pãr, ndập ma bunuyh.

¹⁰Bu lah hên bunuyh rluk mâl yor ma hên mboh nkoch nau Brah Krist, lũng khân ay may này kớt êng jêng bunuyh i geh nau mân gít blao yor ma gũ ndrel Brah Krist. Hên tâm ban ma bunuyh i mâu geh n'hâm suan, yơn ma khân ay may này tâm ban ma bunuyh i geh suan dăng ngấn. Khân ay may bu yớk, tih ma hên bu de mưch rmot.

¹¹N'ho ma tât nar dja, hên hôm gũ ta nau ji ngọt ji hir, hôm gũ ta nau bêch kôh lahôk, gũ bre ma rpăt mbang, rêh de n'glă de n'glot.

¹²Hên jan kar rơah rgảnh ngấn ma ti hên nơm gay ma geh ndơ sông sa. Nôk bu rak suai hên, hên dẫn Kôranh Brah ăn nau geh jêng ma khân păng, nôk bu jan jêr jốt ma hên, hên hôm e dơi nsrôyh ăt,

¹³nôk bu ngời nchot hên, hên ơh ma khân păng ma nau ueh. N'ho ma tât nar dja dăng lể bunuyh uãnh hên tâm ban ma ndök mrôm i bu m̄bãr, ndrel ma bu mâu ôh uãnh geh hên.

¹⁴Gập nchih nau i dja ăn ma khân ay may, mâu ôh di gay ma ăn khân ay may geh nau đit prêng, yơn ma gập ứch ntũm nti khân ay may tâm ban ma kon gập nơm i gập rông.

¹⁵Bol lah khân ay may geh nơm nti 10000 nuyh kađôi boh kơi gập gay ma ntũm nti khân ay may ma nau Brah Krist, kỗ mâu geh đổng ốk bunuyh i leo khân ay may sât nsing. Kớt ndri gập tâm ban ma bở khân ay may ta Brah Krist Yêsu, yorlah gập i năk leo nau mhe mhan ueh ăn ma khân ay may nơh.

¹⁶Lah ndri gập dẫn hô ngấn khân ay may jan tâng gập dô.

¹⁷Yor ma nau i nây gâp lě ăn Timôthê i tâm ban ma kon i gâp nôm rông, i bunuyh răp jăp ngăn ta Kôranh Yêsu, ăn păng hăn a khân ay may, gay ma păng nka khân ay may nau gâp gũ ngao ta Brah Krist Yêsu, kơt nau i gâp ntũm nti ăn ma dăng lě phung nsing ta ăp ntũk nơh.

¹⁸Yơn ma geh bunuyh ăbă kơp êng săk khân păng nôm kuông, mân lah gâp mâu ôh hăn a khân ay may jăt, gay ma lah khân păng.

¹⁹Yơn ma gâp mra hăn a khân ay may gơnh ro, lah Kôranh Brah ũch. Nôk nây gâp mra say n'hêl khân păng i nây kuông ma mbung đơm, mâu lah geh nau đơi tă bơh Kôranh Brah ngăn.

²⁰Yorlah nau Kôranh Brah măt uănh mâu ôh di ngơi ma mbung đơm, jêng ndâp ma Kôranh Brah nhơ nau đơi nau khlay.

²¹Lah ndri nôk gâp hăn a khân ay may tay, moh ndr ũch ăn gâp ndjôt? Ừch gâp ndjôt mông, mâu lah ũch gâp ndjôt nau rông, ndrel ma geh nuih n'hâm mleh?

Kôrintô Rơh 1 5

Nau djơh ta ăon Kôrintô

¹Geh tăng lữ geh nau tâm đơng, nau khơh kler ta phung khân ay may, geh du huê bunuyh tâm đơng đah ur mhe i bở păng nôm, jêng du ntil nau khơh kler, bol lah ta phung i mâu gĩt năl Kôranh Brah kỏ mâu geh kơt nây đơng.

²Tih ma khân ay may hôm n'hi êng săk kơp êng săk khân ay may nôm blao ndjôt ma nau nsing. Mơm dăng khân ay may mâu ôh rngot rvê ma nau i nây? Jêh ri ntrũt lơi bunuyh i jan djơh i nây lờh bơh khân ay may nôm.

³Bol lah săk gâp mâu gũ ndrel khân ay may kađôi, lah ngơi ma Brah Huêng Ueh gâp tâm ban ma hôm gũ ndrel khân ay may, jêh ri bunuyh i jan djơh i nây gâp lě jêh phat dôi păng, tâm ban ma gâp lě gũ ndrel khân ay may ngăn.

⁴Ăn khân ay may gũ rgum bắl ta rnha Brah Yêsu i Kôranh bắn, nau mân gâp gũ ndrel khân ay may, jêh ri nau đơi Brah Yêsu i Kôranh bắn gũ ndrel ta nây đơng.

⁵Jao păng i này ăn ma a Satăng i kôranh mpôl brah djơh, gay ma lơh hêng lơi i rnglay sắk păng, yơn ma i huêng păng này hôm geh nau rklaih ta nar Kôranh Yêsu văch tăt.

⁶Khân ay may rnê êng sắk khân ay may nơm ma nau i này mâu ueh ôh. Khân ay may mâu gít bah: ‘Ndrui đễ dơm dơi jan rnih dăng lể lơ ma kuông!’, nau jan djơh tâm ban ma kớt này đổng, lah du huê jan djơh, geh đổng ăn nau jêr ma bu êng, ndập ma bu êng jan tâng kớt này.

⁷Ăn khân ay may ntrút lơi bunuyh jan tih i này tâm ban ma mbăr lơi ndrui ơm, gay ma phung khân ay may jêng kloh tâm ban ma rnih mhe ma jan numpăng i mâu ôh geh ndrui, yorlah phung khân ay may lể jêng kloh tă bớh Brah Krist khât ntrở bân tâm ban ma kon be biăp i bu nkhât ta nar nhêt bũn n'hot.

⁸Lah ndri ăn bân kah gít nau rklaih bân ma nau mbăr lơi nau djơh nau mhĩk ăp ntil, tâm ban ma phung Israel kah gít nau rklaih khân păng bớh bri Êsip ta nau nhêt bũn n'hot ma nau mbăr lơi numpăng geh ndrui, jêh ri ăn bân gũ sổng, geh nuih n'hâm ngời nau ngăn dơm hỏ, jêng tâm ban phung Israel sa numpăng mâu geh ndrui dơm.

⁹Ta sambüt i gáp lể jêh njuăl ăn a khân ay may a lor nớh, gáp lể buay jêh khân ay may lơi ăn ôh gũ ndrel ma bunuyh i tâm đổng i khớh kler.

¹⁰Nau gáp ngời i này mâu di ôh ứch lah ma dăng lể bunuyh i tâm đổng ta neh ntu dja, phung i kớnh đrăp ndr hô ir, phung ntũng bu, mâu lah phung i yớk mbah ma rup brah êng êng. Lah sỏ nau gáp buay kớt này büt ta lỏh bớh neh ntu dja dơm!

¹¹Yơn ma nau gáp ứch ngời i này gáp ngời ma bunuyh i lah êng sắk păng nơm nsing ma Brah Krist, jêh ri nkhớng ma tâm đổng khớh kler, kớnh ndr hô ir, yớk mbah ma rup brah êng êng, rak suai bu, nhêt nhũl blăk blek, ntũng bu. Lah ndri bunuyh i kớt này bol lah sổng sa lơi gũ ndrel đổng.

¹²Mâu ôh di gáp phat dôi h bunuyh i mâu nsing, yorlah i này mâu di nau jan kar gáp. Yơn ma iăt ma khân ay may phat dôi h bunuyh i nsing!

¹³Phung i mâu nsing này, Kôranh Brah mra phat dôih khân păng. Yơn ma khân ay may ‘lăt ma nglôh lơi bunuyh djơh bơh khân ay may dô’, kơt lể geh nchih ta Nau Kôranh Brah Ngơi.

Kôrintô Rơh 1 6

Nau phung nsing tâm ntôn ta ntũk phat dôih

¹Ta phung khân ay may nôk geh bar hê bunuyh tâm lõk bắ, mớ m dāng khân păng hăn joi ta phung i mâu nsing sớ m phat dôih, mâu ứch ôh joi ta phung bon lan Kôranh Brah sớ m phat dôih?

²Ớm khân ay may mâu gít bah, nar jăt nắ tay, phung bon lan Kôranh Brah mra phat dôih dāng lể bunuyh ta neh ntu dja? Lah khân ay may mra phat dôih dāng lể bunuyh kơt này, lah ndrị mớ m dāng nau i jể lể dja khân ay may phat mâu dơ?

³Ớm khân ay may mâu gít lah, bol lah phung tōng pắ, bān hōm mra phat dôih đōng? Lah ndrị mớ m dāng ndrị i jể lể ta nau rēh dja khân ay may phat dôih mâu dơ?

⁴Nôk khân ay may tâm geh nau ndrắng khân ay may nớ m, mớ m dāng khân ay may hăn joi phung i mâu nsing chrao sớ m phat dôih? Yorlah phung nsing mâu yớ k ma phung i này đōng.

⁵Gập ngơi kơt này, gay ma ắn khân ay may đit prēng. Mớ m dāng ta phung khân ay may mâu geh du huê bunuyh i gít blao ma phat nau bunuyh i nsing tâm ntôn nau này?

⁶Yơn ma nôk bar hê bunuyh ta phung nsing tâm ntôn bắ, mớ m dāng khân ay may hăn joi phung i mâu nsing chrao sớ m phat dôih?

⁷Nau i khân ay may tâm ntôn bắ kơt này lể mâu di jēh. Mớ m dāng mâu ắn bu uih đắp ndrị khân ay may? Mớ m dāng mâu ắn ndrắng khân ay may nớ m sớ mbrōh sa nsiắn đắp ndrị khân ay may?

⁸Ta phung khân ay may nớ m lể geh bunuyh uih đắp ndrị ndrắng khân ay may nớ m, i sớ mbrōh sa nsiắn đắp ndrị khân ay may nớ m chrao.

⁹Ah khân ay may mâu gít bah? Bunuyh i jan kue mâu dơi ôh lăp ta nau Kôranh Brah măt uănh. Khân ay may lơi vĩ ôh, phung i tâm đống i khơh kler, phung i yơk mbah ma rup brah, phung i lôm ur lôm sai, phung i tâm đống ndrăng bu klô,

¹⁰phung i ntũng bu, phung i kơnh ndrơ hô ir, phung i nhũl blâk blek, phung i rak suai bu, phung i ntũng bu, dăng lể phung i nây mâu dơi ôh lăp ta nau Kôranh Brah măt uănh.

¹¹A lor nơh ta phung khân ay may abă jêng bunuyh tâm ban kơt i nây đống, yơn ma abơ dja Kôranh Brah lể rao jêh khân ay may lể jan khân ay may ăn kloh, ndâp ma jan khân ay may lể jêng bunuyh sổng yor ma Kôranh Yêsu Krist, yor ma Brah Huêng Ueh Kôranh Brah, Kôranh Brah i bân yơk mbah nây.

Nau der ma nau khơh kler

¹²Geh bunuyh abă lah: ‘Gâp geh nau dơi ma jan dăng lể rngôch ndrơ’, yơn ma dăng lể ndrơ mâu ôh ăn nau ueh ma gâp dadê. ‘Gâp geh nau dơi jan dăng lể rngôch ndrơ’, yơn ma gâp mâu ôh ăn ndrơ jan kôranh ma gâp.

¹³Geh bunuyh abă lah: ‘Ndrơ sông sa ma siăm ndũl, jêh ri ndũl ma sỗ dơn ndrơ sông sa i nây’. Di ngăn, jêh ri Kôranh Brah mra n'groh lơi ndrơ lể bar i nây ăn roh hêng. Yơn ma mâu ôh di ma nau khơh kler, rnglay săk mâu ôh di ma jan ndrơ khơh kler, ăn kloh ueh sơm kơl jan kar rnê Kôranh Brah nơm, jêh ri Kôranh Brah nơm i jêng Kôranh ma rnglay săk bân đống.

¹⁴Kôranh Brah lể jan ăn dăk rêh Kôranh Yêsu, Păng mra jan ăn bân dăk rêh ma nau dơi Păng nơm đống.

¹⁵Ah khân ay may mâu gít bah, săk jăn khân ay may jêng tâm ban ndrơ êng êng ta săk jăn Brah Krist, tâm ban ma măt, tâm ban ma ti? Lah ndri ah di đống bân sỗ ndrơ êng êng Brah Krist ma tâm rnglăp đah bu ur văng târbah? Mâu ôh, mâu di ôh!

¹⁶Ah khân ay may mâu gít bah, bu moh i tâm đổng đah bu ur văng târ, păng i nây jêng du săk jăn đah bu ur i nây đổng? Yorlah lě geh nchih ta Nau Kôranh Brah Ngơi lah: ‘Bar hê khân păng jêng du rnglay săk’ .

¹⁷Yơn ma bunuyh i gũ tâm rnglăp ndrel Kôranh Yêsu, i nuih n'hâm nau mân păng jêng tâm rnglăp ndrel Kôranh Yêsu đổng.

¹⁸Ăn nchuăt der hõm bõh nau tâm đổng nau khơh kler. Nau tih abă êng i bunuyh jan mâu ôh djơh krêp tât ma săk jăn. Yơn ma bu moh i jan ndr khơh kler, păng i nây jan tih djơh krêp tât ma săk jăn păng nơm đổng.

¹⁹Ah khân ay may mâu gít bah, săk jăn khân ay may nây jêng nhih jan brah i ntũk Brah Huêng Ueh i kloh ueh nơm gũ, i khân ay may lě sỡ đơn jêh bõh Kôranh Brah nơm? Khân ay may mâu hõm ôh jêng kôranh ma săk jăn khân ay may nơm jât,

²⁰yorlah Kôranh Brah lě tồm rnoh khlay ők ngăn ma chuai khân ay may. Lah ndr i khân ay may đổng săk jăn khân ay may nơm nây ma rnê Kôranh Brah .

Kôrintô Rơh 1 7

Nau ndăp ur sai

¹Lõng nau ộp ta sambũt i khân ay may lě nchih njuăl ăn gập nơh. Ở, ueh ma bu klô gũ du huê êng mâu ôh sỡ ur.

²Yơn ma geh nau khơh kler, lah ndr i ueh đễ ăn bu klô du huê du huê sỡ ur, jêh ri ueh đễ ăn bu ur du huê du huê sỡ sai.

³Ta nau bêch ndrel ur sai, iăt ma i sai jan tâng nau ũch i ur, jêh ri i ur iăt ma jan tâng nau ũch i sai kớt nây đổng.

⁴I ur mâu ôh đơ i jêng kôranh ma săk jăn păng nơm, yorlah săk jăn i nây jêng ndr i sai. I sai kớt nây đổng, păng mâu ôh đơ i jêng kôranh ma săk jăn păng nơm, yorlah jêng ndr i ur.

⁵Lah ũch tâm ng'ăt ndrăng nơm gay ma geh mong ma mbõh sỡm, ăn tâm di du ntôr nau lor, lơi jõ ir nar. Jêh ri dâng bêch ndrel kớt ơm jât, klach lah Satăng ndrôm yor ma khân ay may ăt mâu đơ i nây.

- ⁶Gâp ngơi kơt này mâu ôh di gâp đả khân ay may tâm ng'ăt ndrăng nơm, yơn ma lah ũch jan, jan kơt này dô.
- ⁷Gâp ũch dâng lể khân ay may mâu sỏ ur sỏ sai kơt gâp đổng, yơn ma du huê du huê sắk geh ndr ueh Kôranh Brah ăn êng êng bắl, du huê geh kơt nđa, du huê geh kơt nto.
- ⁸Gâp dăn mboh ma phung drôh ndăm, ndrel ma bu ur ndrô khât sai: Lah khân păng gủ rêh mâu ôh sỏ ur sỏ sai kơt gâp mâu ôh sỏ ur, lể ueh ngăn.
- ⁹Yơn ma lah khân păng mâu ôh dơi ăt dơi rdâng, ăn sỏ ur sỏ sai dô. Nau sỏ ur sỏ sai i này jêng ueh rlau ma nuh n'hâm kơnh hô ir.
- ¹⁰Lống bunuyh i lể geh ur geh sai jêh, nau i dja mâu di gâp ôh đả, Kôranh Yêsu nơm đả: Ur lơi ôh ntłơi sai.
- ¹¹Lah păng ntłơi sai, lơi hôm ăn ôh sỏ tay sai mhe, mâu lah iăt ma păng plở sỏ tay sai ơm hỏ. Jêh ri i sai lơi ntłơi ur păng nơm đổng.
- ¹²Lống bunuyh abă êng jăt, nau i dja mâu ôh tă boh Kôranh Yêsu, tă boh mbung gâp nơm: Lah bu moh geh ur bunuyh mâu ôh nsing ma Kôranh Yêsu, yơn ma lah i ur này hôm ũch gủ rêh ndrel, lah ndri lơi ôh ntłơi păng.
- ¹³Lah bu moh geh sai bunuyh mâu ôh nsing, yơn ma lah i sai này hôm ũch gủ rêh ndrel, lah ndri lơi ntłơi păng đổng,
- ¹⁴yorlah Kôranh Brah lể kơp kloh i sai bunuyh mâu nsing này yor ma i ur này, jêh ri Păng lể kơp kloh đổng i ur bunuyh mâu nsing này yor ma i sai này . Lah ndr i này mâu ngăn, oh kon khân păng i hôm kon se jêng tâm ban ma oh kon phung i mâu nsing. Yơn ma n'hêl naně oh kon i này lể jêng bon lan Kôranh Brah.
- ¹⁵Lah ur, mâu lah sai i mâu nsing ntłơi khân ay may, ăn păng ntłơi dô, khân ay may mâu ôh geh tih. Kôranh Brah lể kuắl jêh bân gủ ngao nau đắp mpăn.
- ¹⁶Ở bu ur i lể geh sai, klắp lah khân ay dơi leo păng săt nsing, ơ bu klô i lể geh ur, klắp lah khân may dơi leo păng săt nsing.

Nau rgắl nau gủ ngao

¹⁷Ta nau a êng jât, nôk Kôranh Brah kuăl khân ay may sât nsing, iăt ma rgâl lơi nuih n'hâm djơh, yơn ma nau gữ ngao krao sach hôm kơt i khân ay may ê hỡ sât nsing ma Kôranh Yêsu, yorlah ta nau gữ ngao i nây tă bỡh Kôranh Yêsu ăn. Gập vay ntũm nti dăng lể phung nsing ăp ntũk ăn jan kơt nđa.

¹⁸Ntăt lah, lah Kôranh Brah kuăl du huê bunuyh ta nau gữ ngao krao sach jêng phung Israel lể jêh koh ntô tâng nau vay Môsê, ăn păng hôm kơt nây dô. Lah Kôranh Brah kuăl du huê bunuyh mâu ôh di phung Israel mâu geh koh ntô, lơi ôh ăn păng koh ntô lăp jêng phung Israel.

¹⁹Nau koh ntô mâu koh ntô, mâu ôh geh nau khlay. Nđơ i geh nau khlay jan tâng nau Kôranh Brah nỡm đă.

²⁰A mỡm bả nau gữ ngao khân ay may nôk Kôranh Brah kuăl khân ay may nỡh, ăn gữ ngao kơt i nây jât dô.

²¹Lah Kôranh Brah kuăl du huê bunuyh ta nau gữ ngao krao sach jan dâk bu, lơi ôh rngot, yơn ma lah đơi jêng kon me jan dô, đơi đống,

²²yorlah bu moh i jan dâk bu nôk Kôranh Brah kuăl, păng i nây jêng kon me ta Kôranh Brah nỡm, jêh ri bu moh i lể ơm kon me nôk Kôranh Brah de kuăl, păng i nây jan dâk Brah Krist nỡm.

²³Kôranh Brah lể tồm rnoh khlay ők ngăn ma chuai khân ay may. Lah ndri ăn khân ay may gữ ta nâm Kôranh Brah, iăt nau Păng, lơi hôm jan tâng nau tih đah nau Kôranh Brah ữch kơt bunuyh i mâu nsing.

²⁴Ở oh nô ta nau nsing, a mỡm bả nau gữ ngao khân ay may nôk Kôranh Brah kuăl khân ay may nỡh, ăn gữ ngao kơt i nây jât ta năp măt Kôranh Brah.

Nau sỡ ur sai mâu lah mâu

²⁵Lõng phung bu ur drôh i ê hỡ geh sai, gập mâu ôh geh nau đă bỡh Kôranh Brah ta nau sỡ sai, yơn ma Kôranh Brah yỗ nđach ma gập, ăn gập geh nau mân gĩt blao i di ma iăt, jêh ri gập mỡh nkoch ma khân ay.

²⁶Tâng ma nau gập mân, yor ma abao dja geh ők nau jêr, lah bu moh i ê hỡ geh ur ê hỡ geh sai, ăn păng hôm gữ êng kơt ơm jêng ueh rlau.

²⁷Lah bu moh i lě geh ur, lơi ôh ntłơi păng, lah bu moh i ê hō geh ur, lơi ôh sō ur.

²⁸Yơn ma bu moh i sō ur mâu ôh tih, jêh ri bu moh i sō sai kō mâu đōng tih. Yơn ma khân păng i nây mra geh nau jêr ta nau rêh . Jêh ri gáp yố khân ay may, kơt ndrì dāng gáp mboh kơt nây.

²⁹Ở oh nô ta nau nsing, gáp dān mboh ma khân ay may, mong nar Kôranh Yêsu plở vách bời ma tât. Jât dja jât nấp tay, dāng lě bunuyh i lě geh ur ăn păng sơm kơl jan kar ma Kôranh Brah tâm ban ma bunuyh mâu geh ur đōng.

³⁰Bu moh i nhũm rngot, jan tâm ban ma mâu nhũm rngot hō, bu moh i ueh maak, jan tâm ban ma mâu ueh maak hō, bu moh i rvăt đrăp ndr, jan tâm ban ma mâu jêng ma đrăp ndr păng nơm hō,

³¹jêh ri bu moh i đōng đrăp ndr ta neh ntu dja, lơi ta pơh ma rvê đrăp ndr i nây đōng, yorlah neh ntu dja mra roh.

³²Gáp mâu ếch khân ay may geh nau rvê ma ndr ta neh ntu dja. Bu moh i mâu geh ur, păng rvê ma nau Kôranh Brah đơm, mân êng lah, mơm jan gay ma ăn Kôranh Brah de rằm.

³³Lōng bunuyh i lě geh ur, păng rvê ma ndr ta neh ntu dja, mân êng lah, mơm jan gay ma ăn ur de rằm,

³⁴jêh ri ta nau mân păng geh nau rvê bar ntil, rvê ma Kôranh Brah, rvê ma ur đōng. Bu ur i mâu geh sai, ndrêl ma bu ur hơm drôh păng rvê ma nau Kôranh Brah đơm, mân êng lah, mơm sơm kơl jan kar ma Kôranh Brah ma lě nuh n'hâm, ma lě sāk jăn. Lōng bu ur i lě geh sai, păng rvê ma ndr ta neh ntu dja, mân êng lah, mơm jan gay ma ăn sai de rằm.

³⁵Gáp ngơi nau i nây gay ma ueh ma khân ay may, gáp mâu ôh ếch nhập khân ay may, gáp ếch khân ay may gũ ngao ueh, jan kar ăn ma Kôranh Brah mâu geh nau rkhuak.

³⁶Yơn ma lah geh bar hê lě jêng nkuăt ndrôi, lah i bu klô mân mâu di ôh lah mâu ndăp đah ndrôi păng nơm nây, jêh ri lah nuh n'hâm păng đok đol hô

ngăn ếch ndăp, ăn jan tâng nau păng ếch dô, ndăp păng đah bu ur i này, mâu ôh tih.

³⁷Yơn ma lah bu moh i lể mâu ếch ôh tâm ndăp, dơi măt njrăng săk jăn păng nơm, jêh ri dơi ăt nuh n'hâm mâu ôh đôk đôl, bunuyh i này jan ueh.

³⁸Lah ndri bu moh i ndăp đah ndrôi păng nơm bunuyh i này jan ueh, yơn ma bu moh i mâu ôh ndăp gủ dơm hỏ, bunuyh i này lơ ma hô jan ueh.

³⁹Lõng bu ur lể geh sai, nôk sai hôm rêh iăt ma ur gủ đah sai nâng, yơn ma lah sai lể khăt, ri mớ păng dơi sỏ tay sai êng dah ếch păng nơm, dơn sỏ sai ta phung i nsing ma Kôranh Brah hỏ.

⁴⁰Yơn ma tâng ma nau gập mân, lah bu ur i này mâu hôm ôh sỏ sai jăt, păng lơ ma rằm maak. Gập mâu ôh đả nau i này, gập ngời kọt này tả bớh Brah Huêng Ueh Kôranh Brah gủ ta gập.

Kôrintô Rôh 1 8

Ndơ ôp brah

¹Abơ dja dẫn mân ma puăch i bu lể jêh ôp brah này. Bân lể gít jêh, dăng lể bân geh nau gít văt, tih ma nau gít văt jan ăn kớp êng săk nơm kuông gít blao rlau bu, yơn ma nau rông mâu ôh kọt này, nau rông jan ăn tâm kớl rdỏk njêng.

²Lah geh du huê bunuyh mân êng săk păng nơm lah lể gít văt nau jêh, lah ndri păng i này ê hỏ ôh gít văt ngăn.

³Jêh ri bu moh i rông ma Kôranh Brah, Kôranh Brah gít năl păng i này đổng.

⁴Lah ndri ma nau sông sa ndơ ôp brah, bân lể gít jêh brah êng ta kalơ trôk ta neh ntu dja mâu ôh geh nau khlay, geh du huê Kôranh Brah nơm dơm geh nau khlay.

⁵Bol lah geh ndơ i bunuyh de kớp lah brah ta kalơ trôk, mâu lah ta neh ntu dja kađôi, bol lah geh ỏk ndơ bu kớp lah brah, kớp lah kôranh,

⁶yơn ma bân geh du huê dơm, Kôranh Brah i Bở bân. Păng lể njêng dăng lể ntil ndơ, jêh ri bân dja gủ rêh gay ma geh nau khlay ma Păng nơm. Ndri bân

geh du huê Kôranh đơm, jêng Brah Yêsu Krist. Dâng lể ndr̄ geh yor ma tă bớh Păng, jêh ri bân geh nau rêh jêng yor ma tă bớh Păng đổng.

⁷Yơn ma mâu ôh geh dâng lể bunuyh gít vât nau i này. Bunuyh abă nuh n'hâm hôm e mân ma brah êng êng i này, khân păng sa puăch ôp brah tâm ban ma hôm e ôp brah đổng, yorlah nuh n'hâm khân păng mân hôm rdja, jan ăn khân păng mân rvê khân păng lể jan tih.

⁸Yơn ma mâu ôh yor ma ndr̄ sông sa Kôranh Brah rằm ma bân. Lah bân mâu sa kỗ Păng mâu rằm rlau ma bân, lah bân sa kỗ Păng mâu rằm rlau ma bân đổng.

⁹Yơn ma ăn njrăng, klach lah nau đơi i khân ay may đơi sa này jan ăn phung i rdja ta nau nsing geh nau rvê ta nuh n'hâm chrao.

¹⁰Lah geh du huê bunuyh i rdja ta nau nsing say khân ay may gũ sông sa ndr̄ ôp brah ta jay ntũk ôp brah, lah ndr̄i nau i này leo păng sông sa ndr̄ ôp brah đổng, bol lah ta nuh n'hâm păng hôm mân ndr̄ i này jêng tih.

¹¹Lah ndr̄i bunuyh rdja i nsing ma Brah Krist i này roh hêng yor ma tă bớh nau khân ay may gít vât, yơn ma Brah Krist lể khât tâm ntang ma păng đổng.

¹²Lể tih jêh, lah khân ay may jan tih ăn ma oh nô i nsing rdja jan ăn păng rngot rvê ta nuh n'hâm. Ndr̄ i này khân ay may lể jan tih ma Brah Krist đổng.

¹³Kốt ndr̄i lah geh du ntil ndr̄ sông sa i jan ăn du huê oh nô ta nau nsing geh jan tih, gập mâu hôm ếch ôh sa puăch n'ho ro, gay ma lơi ăn du huê oh nô ta nau nsing geh jan tih.

Kôrintô Rơh 1 9

Ndr̄ di ma mpôl kôranh oh mon ôp

¹Ah gập dja ơm mâu geh bah jêng kon me? Ah gập dja ơm mâu di bah jêng kôranh oh mon? Ah gập dja ơm mâu bah say Brah Yêsu i Kôranh bân nơm? Ah khân ay may i này ơm mâu di bah, geh nau rklaih jêng bon lan Kôranh Brah, tă bớh nau gập mbớh nkoch?

²Bol lah geh bu a êng mâu kơp gập jêng kôranh oh mon kađôi, yơn ma gập jêng kôranh oh mon ăn ma khân ay may ngăn, yor ma bu dơi gít say gập jêng kôranh oh mon ngăn, tă bớh khân ay may nsing ma Kôranh Yêsu i gập mớh nkoch.

³Yơn ma gập ứch ớh ma phung i lah gập mâu jêng kôranh oh mon kơt nđa:

⁴Ah gập, ndrel ma nô Barnabas ớm mâu di ấh dơi ma sớ dơn nđơ sớng sa bớh bunuyh i hên ntũm nti?

⁵Ah hên dja ớm mâu di ấh dơi ma leo du huê ur i nsing hăn ndrel, kơt mpôl kôranh oh mon abă êng, kơt oh oh Kôranh Yêsu, kơt Pêtrôs đống?

⁶Mâu lah ớm geh hên dơm lah i iăt ma jan kar siăm êng nau rêh hên nớm nôk ntũm nti bu?

⁷Ớm geh lah bunuyh jan taken sớ đống prăk păng nớm? Ớm geh lah bunuyh tằm tơm play yũng yar ấh du lôk mir, jêh ri mâu ôh sớ sa i play nây? Ớm geh lah bunuyh chiăp du phung be biăp, jêh ri mâu ôh sớ nhêt i dak toh păng nây?

⁸Nau gập ngơi i nây mâu ôh dơn tă nau mân bunuyh dơm, yơn ma ta nau vay Môsê i tă bớh Kôranh Brah lể geh nchih lah kơt nây đống.

⁹Yorlah ta nau vay Môsê lể geh nchih lah: ‘Lơi ôh n'grêp mbung ndrôk nôk păng jot plên ba ’. Nđơ i nây Kôranh Brah lah dơn ma ndrôk dơm bớh? Mâu ôh!

¹⁰Kôranh Brah mâu ôh lah ma ndrôk dơm, Păng lah ma bân đống. Nau i nây geh nchih, gay ma bunuyh i chuởr sre geh nau nớm geh ba bớh sre i nây, jêh ri bunuyh i rpăt plên geh nau nớm geh ba bớh i păng rpăt plên i nây đống.

¹¹Lah hên lể nti khân ay may tâm ban ma lể tuch jêh gấ mpeh bớh Brah Huêng Ueh ăn ta khân ay may, lah ndri a mớm dăng mâu di lah hên sớ nđơ bớh khân ay may ma siăm sắk i tâm ban ma rek?

¹²Lah bu êng i nti khân ay may lě dah này dơi sǎ ma siăm sǎk bớh khân ay may, lah ndri hên lơ hô rlau khân pǎng i này dơi sǎ, yǎn ma hên mâu ôh đǒng nau dơi i này, klach lah nking bu iǎt nau mhe mhan ueh Brah Krist, ueh rlau hên nsrôyh jan kar ndâp ma gũ ăt dǎng lě hǎ.

¹³Ổm khân ay may mâu gĩt Ɣah? Bu moh i jan kar ta nhiih jan brah ma Kôranh Brah, pǎng i này geh ndǎ sǒng sa tǎ bớh ndǎ bu nhhớ ta nhiih jan brah i này đǒng, jêh ri bu moh i jan kar ta nsǎng gũch pur ndǎ jan brah, pǎng i này geh ndǎ sa tǎ bớh ndǎ bu nhhớ ta nsǎng i này đǒng.

¹⁴Kớ t ndri đǒng Kôranh Brah lě đǎ jêh, bu moh i mbớh nkoch nau mhe mhan ueh, di ma pǎng siăm nau rêh tǎ bớh nau jan kar i này đǒng.

¹⁵Yǎn ma gáp, gáp mâu ôh đǒng nau dơi i này, jêh ri nau gáp nchiih i dja, mâu ôh gay ma đǎ khân ay may kớ l gáp jǎt nǎp tay. Ueh rlau ǎn gáp khǎt lơi đǎh ma ǎn gáp jan nau dơi i này, gay ma gáp hǒm dơi n'hi êng sǎk ma nau mbớh nkoch nau mhe mhan ueh đǎm dam.

¹⁶Nau gáp mbớh nkoch nau mhe mhan ueh này, mâu di ôh gáp dja n'hi êng sǎk gáp nǎm, yorlah nau i này tǎ bớh Kôranh Brah đǎ gáp jan. Rêh rnhǎl ngǎn ma gáp, lah gáp mâu ôh mbớh nkoch nau mhe mhan ueh!

¹⁷Lah gáp mbớh nkoch nau mhe mhan ueh này tǎ bớh nuuh n'hâm gáp nǎm ũch đǎm, jêng di ma gáp geh ndǎ nkhôm, yǎn ma nau jan kar i dja mâu ôh đǎm tǎ bớh nuuh n'hâm gáp nǎm ũch đǎm, jêng tǎ bớh Kôranh Brah nǎm jao ǎn ma gáp.

¹⁸Lah ndri moh Ɣǎ ndǎ nkhôm ma gáp geh? Ndǎ nkhôm ma gáp jêng nau mbớh nkoch nau mhe mhan ueh mâu geh sǎ khlay, gáp mâu ôh đǒng nau dơi tǎ bớh nau mbớh nkoch nau mhe mhan ueh.

¹⁹Bol lah gáp mâu ôh jêng đǎk bu mâu geh bunuyh jan kôranh gáp kǎđôi, gáp hǒm jan tâm ban ma đǎk ma đǎng lě bunuyh, gay ma leo bunuyh ők ngǎn ǎn sǎt nsing ma Brah Krist.

²⁰Nôk gáp gũ ndrel phung Israel, gáp gũ ngao tâm ban ma phung Israel, gay ma leo khân pǎng nsing ma Brah Krist. Gáp mâu ôh jêng bunuyh i iǎt ma jan

tâng nau vay Môsê, yơn ma nôk gâp gũ ndrel phung i ndjôt nau vay i này, gâp jan tâng nau vay, gay ma leo khân păng nsing ma Brah Krist.

²¹Nôk gâp gũ ndrel phung i mâu di phung Israel i mâu ndjôt nau vay Môsê, gâp gũ ngao tâm ban ma phung i này đống, gay ma leo khân păng nsing ma Brah Krist, gâp mâu ôh mbăr lơi nau vay Môsê i tă bớh Kôranh Brah, yơn ma gâp lể ndjôt nau vay Brah Krist.

²²Nôk gâp gũ ndrel bunuyh i rdja, gâp jan tâm ban ma bunuyh rdja i này đống, gay ma leo khân păng nsing ma Brah Krist. Gâp gũ ndrel dâng lể bunuyh, gâp jan ăn tâm ban ma khân păng i này đống, gay ma geh rklaih bunuyh abă.

²³Yor ma nau mhe mhan ueh này, gâp nsrôyh jan dâng lể ndơ i này, gay ma sỏ dơn ndrel bu ndơ ueh i tă bớh nau mhe mhan ueh i này đống.

²⁴Khân ay may lể gít jêh, dâng lể phung i pâl tâm rlong nchuăt, khân păng nchuăt dâng lể ma bắ, yơn ma geh du huê dơm i geh ndơ nkhôm. Lah ndri đã khân ay may gũ rêh tâm ban ma pâl tâm rlong nchuăt ăn kớp păng i du huê này dồ, gay ma geh ndơ nkhôm bớh Kôranh Brah.

²⁵Dâng lể phung i pâl tâm rlong i này, khân păng khỏm nsrôyh dứt hô ngắ, gay ma geh ndơ nkhôm i hôm blao ôm roh lêk mâu ôh hôm n'ho ro. Lống bân, bân khỏm nsrôyh gay ma geh ndơ nkhôm i hôm geh n'ho ro mâu ôh blao ôm roh lêk.

²⁶Ndri dâng gâp gũ rêh tâm ban ma nchuăt ăn kớp này, gâp mâu ôh nchuăt pâl dơm, gâp tâm ban ma bunuyh tâm thũk bắ gay ma dơi, mâu di tâm thũk đah sial dơm.

²⁷Gâp nsrôyh nsram đắp sắk jăn gâp nờm ăn dứt hô ngắ, jêh ri jan kôranh ma sắk gâp nờm, gay ma lơi ôh jêh gâp mbớh nkoch nau mhe mhan ueh ăn ma bu êng êng, jêh ri bêng ma Kôranh Brah mbăr gâp.

Kôrintô Rôh 1 10

Njřăng đah brah nklă

¹Ở oh nô ta nau nsing, gáp ếch ăn khân ay may gít n'hêl, nôk Môsê leo phung u che phung Israel hên lôh bớh bri Êsip kăl e nớh, dâng lể khân păng lể hăn ta nâm n'hâm tũk i Kôranh Brah ăn, ndrel ma lể lắp rgăn dak vắch dak vắ đadê.

²Dâng lể khân păng lể hăn ta nâm tũk, lể hăn rgăn dak vắch dak vắ i nây, tâm ban ma geh bắptem yũk ma tũk, ndrel ma dak vắch dak vắ i nây, jêng nau mbên ma dâng lể khân păng jêng phung bunuyh iắt tâng Môsê.

³Dâng lể khân păng i nây lể sông sa jêh Mana ndớ i tá bớh nau dới Kôranh Brah ăn,

⁴jêh ri dâng lể khân păng i nây lể nhêt dak i tá bớh nau dới Kôranh Brah ăn dadê. Khân păng lể nhêt jêh dak i lôh bớh lũ klêr i tá bớh nau dới Kôranh Brah ăn. Lũ klêr i nây jêng nau mbên ma Brah Krist i hăn ndrel khân păng.

⁵Yơn ma geh ốk khân păng i nây mâu ôh di ma nuh n'hâm Kôranh Brah, yorlah khân păng jan tih, ndrì dâng Kôranh Brah ăn khân păng khăt mbrach ta bri rdah.

⁶Dâng lể nau i nây jêng nau nti ăn ma bân, gay ma lơi ăn bân kớnh ma nau djớh kớh khân păng i nây,

⁷gay ma lơi ăn bân yớk mbah ma rup brah, kớh phung u che phung Israel abắ i yớk mbah ma rup brah nây nớh, kớh i lể geh nchih ta Nau Kôranh Brah Ngới lah: 'Phung bon lan gũ nhêt sông sa ndrel, jêh ri khân păng dắk pắl rlũn bớ bớch', nau i nây ngới ma phung khân păng sông sa ndớ jan brah ăn ma rup brah kon ndrôk i mhe mon ma mayh.

⁸Lới ăn bân bok gor sắk tâm dớng jan ndớ i khớh kler kớh phung khân păng abắ nây nớh, jêh ri khân păng i nây khăt roh hêng lể 23000 nuyh ta du nar dớm.

⁹Lới ăn bân rlong nau dới Brah Krist, kớh phung khân păng i nây abắ rlong nau dới Kôranh Brah, jêh ri khăt bêh chốk.

¹⁰Khân ay may lơi ôh ốk bắ njar sêk, kớh phung khân păng abắ i nây, jêh ri Kôranh Brah đắ du huê tồng pắ nkhăt lơi khân păng.

¹¹Dâng lẽ ndơ i này, jêng nau ntũm nti ăn bân, jêh ri lẽ geh nchih ta Nau Kôranh Brah Ngơi, gay ma ntũm nti bân i gũ rêh bời tât ma nar n'glẽ dứt dja.

¹²Lah ndri bu moh i kớp êng sắk pắng nờm lẽ dắk nắp rkắk ngắn ta nau nsing, iắt ma pắng njrắng, klach lah chôt jan tih.

¹³Nau ndơm i geh ma khân ay may, jêng nau ndơm i vay geh ma dâng lẽ bunuyh. Kôranh Brah rắp jắp ngắn, Pắng mắu ôh ăn Satắng i kôranh mpôl brah djơh ndơm khân ay may rlau bớh n'hâm suan khân ay may dơi, yờn ma nôk khân ay may mắp nau ndơm, Pắng mra ăn trong ma khân ay may der, dơi nsrôyh ắt.

Nau nhêt sa ôp brah, jêh ri nau nhêt sa nkeh kloh ueh

¹⁴Ở oh nô ta nau nsing i gắp rờng, lah ndri ăn khân ay may du hỏm bớh nau yớk mbah ma rup brah.

¹⁵Nau gắp ngơi ma khân ay may dja, tâm ban ma gắp ngơi ma bunuyh i gắt blaô, lah ndri ăn khân ay may nklỏn êng dô nau i gắp ngơi dja.

¹⁶Nôk bân nhêt sa nkeh kloh ueh, bân sỏ kchok lah ueh Kôranh Brah, ndơ i này geh nau khlay bân tâm rnglắp ndrel mham Brah Krist, jêh ri nôk bân gích sa nũmpắng, geh nau khlay bân tâm rnglắp du sắk jắn ndrel Brah Krist đờng.

¹⁷Ta này geh nũmpắng du mlỏm dờm, kớt ndri bol lah bân geh ỏk bunuyh sa kađôi, bân hỏm jêng du sắk jắn dờm đờng, yorlah dằng lẽ bân sa bớh nũmpắng i du mlỏm này.

¹⁸Lỏng uắnh hỏm phung Israel, phung i sỏng sa puắch i bu nhhớh jan brah ma Kôranh Brah ta kalớ nsứng gứch pur ndơ jan brah, khân pắng lẽ gũ ndrel Kôranh Brah, yor ma sa puắch nhhớh i này đờng.

¹⁹Nau i gắp ngơi này moh nau khlay? Gắp mắu ôh lah puắch i bu ôp brah ma rup brah geh nau khlay, jêh ri brah nklắ i bu ôp này mắu đờng geh nau khlay.

²⁰Mắu ôh! Nđơ i này mắu ôh geh khlay, yờn ma dằng lẽ ndơ i khân pắng ôp này, khân pắng ôp ma brah djơh, mắu ôh nhhớh ma Kôranh Brah. Kớt ndri

dâng gáp mâu ếch khân ay may tâm gũ ndrel brah djơh, yor ma sa puäch ôp brah i này.

²¹Mâu di ôh khân ay may nhêt nkaH Kôranh Yêsu, jêh ri nhêt ndơ bu ôp brah ma brah djơh đổng. Mâu di ôh khân ay may sông sa nkaH Kôranh Yêsu, jêh ri sông sa ndơ bu ôp brah ma brah djơh đổng.

²²Mâu lah bân ếch ăN Kôranh Brah ji nuih ma bân? Mâu lah ơm bân dăng rlau Kôranh Brah?

Ăn gũ rêh rnê Kôranh Brah

²³Geh bunuyh abă lah: “Gáp geh nau dơi ma jan dâng lể ndơ” yơn ma mâu ôh di dâng lể ndơ geh khlay dadê. “Gáp geh nau dơi ma jan dâng lể ndơ” yơn ma mâu ôh di dâng lể ndơ kỡl nau nsing bân lơ ma nập.

²⁴Lơi ôh ăN du huê du huê bân joi gay ma ueh ma sắk nỡm dỡm, yơn ma ăN du huê du huê bân joi gay ma ueh ma bunuyh a êng.

²⁵Dâng lể ndơ i bu tách ta ntũk bu tách đrăp, khân ay may sông sa dadê dô, mâu ôh khăch ôp ndơ i này tă bỡh ôp brah mâu lah mâu, lơi klach ta nuih n'hâm jan tih nau i này,

²⁶yorlah lể geh nchih jêh nau kỡt nđa: ‘Neh ntu, ndrel ma dâng lể ndơ ta neh ntu jêng ndơ Kôranh Brah nỡm dadê’ .

²⁷Lah du huê bunuyh i mâu nsing ma Brah Yêsu, jă khân ay may hăN nhêt sông, lah khân ay may ếch hăN, khân ay may sông sa dô dâng lể ndơ bu ăN này, mâu khăch ôh ôp, mâu khăch ôh klach ta nuih n'hâm di mâu di.

²⁸Yơn ma lah geh bu mbỡh ma khân ay may: “Trao dja trao ôp brah” khân ay may lơi ôh sa. Jan kỡt này gay ma ueh ma nỡm i nắk lể mbỡh này, ndrel ma nỡm i nắk lể mbỡh này mâu ôh klach rvê ta nuih n'hâm.

²⁹Ta này gáp mâu geh ôh ngời ma nuih n'hâm khân ay may nỡm, gáp ngời ma nuih n'hâm păng i nắk mbỡh này. Lah ta nuih n'hâm bân nỡm lể gít di, jan dô, mâu khăch ôh klach rvê nau bu mân bu lah.

³⁰Lah gáp sông sa ndơ i gáp lể jêh lah ueh ma Kôranh Brah, lah ndri bu êng mâu ôh hồm di jưch ma ndơ sông sa i này.

³¹Lah ndri moh ndơ khân ay may sông sa, mâu lah nhêt, mâu lah moh ndơ jan kađôi, dâng lẽ ndơ khân ay may jan gay ma ăn yơk Kôranh Brah nơm hỏ.

³²Ăn khân ay may lời ôh jan du ntil ndơ nau nking mpeh ma nau nsing, bol lah phung Israel, phung i mâu di phung Israel, khân păng nsing ma Brah Krist mâu lah mâu nsing kađôi.

³³Gập nơm kớt ndri đống, dâng lẽ ndơ gập jan, gập nsrôyh jan gay ma ăn di nuh n'hâm dâng lẽ bunuyh, gập mâu ôh joi gay ma ueh ma săk gập nơm đơm, gập nsrôyh joi gay ma ueh dâng lẽ bunuyh, gay ma khân păng geh nau rklaih.

Kôrintô Rơh 1 11

¹Ăn khân ay may jan tâng gập, kớt gập jan tâng Brah Krist nơm đống.

Ndơ ueh mâu ueh ta nôk yơk mbah ma Kôranh Brah nơm

²[Ô oh nô ta nau nsing], gập răm maak ma khân ay may hôm kah gít gập, gập rnê khân ay may, yorlah dâng lẽ ndơ i gập lẽ đơn ntũm nti khân ay may nơm, khân ay may ndjôt jan tâng kớt dadê.

³Yơn ma gập ếch mboh ăn khân ay may gít, Brah Krist jêng tâm ban ma bôk ma dâng lẽ bu klô, sai jêng tâm ban ma bôk ma ur păng nơm, jêh ri Kôranh Brah jêng tâm ban ma bôk ma Brah Krist.

⁴Bu moh bu klô i mboh sơm, mâu lah ntơyh nau ngơi Kôranh Brah ndập ma geh ndơ ndô ta bôk, bu klô i này jêng mứch ma Brah Krist .

⁵Tih ma bu moh bu ur i mboh sơm, mâu lah ntơyh nau ngơi Kôranh Brah mâu ôh geh ndô bok ta bôk, bu ur i này jêng mứch ma Brah Krist, păng jan kớt này tâm ban ma păng kreh lữn bôk đống.

⁶Lah bu moh bu ur i mâu ndô bok ta bôk, ăn bu ur i này kreh lời sỏk, mâu lah kreh lữn bôk. Lah păng klach đit prêng kreh lời sỏk, mâu lah kreh lữn bôk này, iăt ma ndô bok dô.

⁷Bu klô mâu ôh di ndô bok ta bôk, yorlah Kôranh Brah njêng bu klô tâm ban ma Păng nơm, ndri bu klô nhơ nau chrêk lợp Kôranh Brah ăn bu say. Yơn ma bu ur nhơ nau chrêk lợp bu klô ăn bu say,

⁸Yorlah bớh ntóm nớh Kôranh Brah mầu ôh njêng Ađăm i bu klô lor bu lôh bớh bu ur, Păng njêng bu ur i lôh bớh bu klô.

⁹Jêh ri Kôranh Brah mầu ôh njêng bu klô gay ma tâm kớl bu ur, Păng njêng bu ur gay ma tâm kớl bu klô.

¹⁰Yor ma ndớ i này, ndập ma phung tông pớ, di ma bu ur ndô bok ta bôk păng nớm, jêng ndớ nhớ i sai geh nau dớ ma păng.

¹¹Yớn ma ta nấp mắt Kôranh Yêsu, mầu ôh geh bu ur lah mầu geh bu klô, jêh ri mầu ôh geh bu klô lah mầu geh bu ur đớng, khân păng tâm kớl bắ.

¹²Yớn ma bol lah bu ur dak bôk lôh bớh bu klô, dắng lể bu klô êng bớh kới deh tắ bớh bu ur, jêh ri dắng lể ndớ lôh tắ bớh Kôranh Brah nớm dadê.

¹³Lống khân ay may nklôn êng sắk khân ay may nớm heh: Di đớng bớh, lah ắn bu ur mbớh sớm ma Kôranh Brah mầu geh ndô bok ta bôk?

¹⁴Lống mpeh ma bu klô, ớm mầu gít n'hêl lah jêng ndớ đít prêng ma rong sớk jong?

¹⁵Yớn ma mpeh ma bu ur, rong sớk jong jêng ueh ngắn ma khân pắng. Kôranh Brah lể ắn khân pắng rong sớk jong này, jêng ndớ ndô ta bôk khân pắng nớm.

¹⁶Yớn ma lah geh bunuyh ắch tâm rlắch ma nau i này, hên mầu vay ôh jan êng bớh ndớ i này, jêh ri ta phung nsing ma Kôranh Brah dắng lể ntúk êng jắt kớ mầu vay jan êng bớh ndớ i này đớng.

Nau nhêt sa nkeh kloh ueh

¹⁷Nau gắp mbớh i jắt nắp dja, gắp mầu geh ôh rnê khân ay may, yorlah nau rbún khân ay may mầu ôh tâm kớl rdốk njêng, yớn ma geh nau n'groh chrao.

¹⁸Yorlah gắp lể tắng nôk khân ay may gắ rbún ta nắp Kôranh Brah, khân ay may tâm pắ phung, jêh ri nau i này gắp iắt để để đớng.

¹⁹Iắt ma geh nau tâm pắ phung ta khân ay may, ri mớ say n'hêl bu moh Kôranh Brah de rnê ta khân ay may.

²⁰Nôk khân ay may gắ rbún, khân ay may mầu ôh di nhêt sa nkeh kloh ueh,

²¹yorlah du huê du huê nhêt sa ndơ i păng nơm ndjôt bơh nhih bơh jay khân păng nơm, mâu ôh tâm kốp bảl, jêh ri bunuyh abă hôm ji ngọt, bunuyh abă lể hơm ndâp ma nhũl.

²²Nhìh jay khân ay may nơm ơm mâu geh lah ma gũ nhêt gũ sông sa? Mâu lah khân ay may ếch mưch phung i nsing Kôranh Brah, ndrel ma ếch ăn phung i mâu geh ndơ sông sa ma đit prêng? Lah ndri mớm nau gập ếch ngời ma khân ay may? Ếch rnê khân ay may, mâu lah mâu? Nau i này gập mâu ôh rnê khân ay may!

²³Gập lể sỏ đơn jêh nau nti tă bơh Kôranh Yêsu mबơh đơn ma khân ay may, nôk măng bu nhũp njũn Păng nkhât ta si tâm rkăng, Păng sỏ nũmpăng,

²⁴lah ueh ma Kôranh Brah, jêh ri gích nũmpăng i này n'ho ma lah: “ Dja jêng sắk jăn Gập i Gập ăn ma khân ay may, ăn khân ay may jan kớt nđa let jât nấp tay, gay ma kah gít ma Gập.”

²⁵Kớt ndri đơng, lể jêh sông sa này, Păng sỏ đơng kchok geh ndrănh play yũng yar bon lah: “Ndrănh play yũng yar bon ta kchok dja jêng nau tâm rnglăp mhe, Kôranh Brah ndrel khân may. Nau tâm rnglăp mhe i này, gập jan ma khân may ma mham gập. Ấp tở khân may nhêt, ăn jan kớt nđa, gay ma khân may hôm kah gít ma Gập.”

²⁶Ấp tở khân ay may sa nũmpăng kớt này, ndrel ma nhêt ndrănh play yũng yar bon ta kchok kớt này, jêng nau khân ay may mबơh nkoch nau Kôranh Yêsu khât n'ho ma tât nar Păng văch tay.

²⁷Lah ndri bu moh i sa nũmpăng Kôranh Yêsu i này, ndrel ma nhêt ndrănh play yũng yar bon i này mâu tâm di ma nau yỏk ma Brah Krist, păng i này jan tih, yorlah mâu yỏk ôh ma sắk Kôranh Yêsu, ndâp ma mham Păng nơm.

²⁸Iăt ma dăng lể bunuyh mêt uănh êng nuìh n'hâm păng nơm lor bốt, jêh ri dăng sa nũmpăng, ndrel ma nhêt ndrănh play yũng yar bon ta kchok i này,

²⁹yorlah bu moh i sa nũmpăng, ndrel ma nhêt ndrănh play yũng yar bon ta kchok i này mâu tâm di, păng mâu tâm di ma nau yỏk sắk jăn Kôranh Yêsu. Bunuyh i này tâm ban ma sỏ dôi h tể ta sắk păng nơm ta nau nhêt sa i này.

³⁰Kốt ndri dâng ta phung khân ay may geh ők bunuyh mâu hôm geh suan, ndrel ma geh nau ji, jêh ri abă nkre ma khât đōng.

³¹Yơn ma lah bân mêt uănh êng nuh n'hâm bân nơm lor bốt, Kôranh Brah mâu ôh tể dôi h bân abao dja kốt nây.

³²Yơn ma lah Kôranh Brah tể dôi h bân kốt nây, Păng öch jan ăn bân nhăl, gay ma mâu ôh ăn bân geh dôi h ndrel dâng lể bunuyh i mâu nsing ma Kôranh Yêsu ta nar n'glể dūt.

³³Ở oh nô ta nau nsing, nôk khân ay may r̄bũn nhêt sa nka h klo h ueh i nây, ăn khân ay may tâm kốp ndrăng nơm bốt.

³⁴Lah bu moh i ji ngot ăn păng sông sa lơi bơn jay păng nơm lor dō, gay ma lơi ăn nau gũ r̄bũn khân ay may i nây geh dôi h. Nau i hôm abă êng jât, kốp tât gáp bốt dâng nkra ăn lể.

Kôrintô Rôh 1 12

Nau Brah Huêng Ueh de ăn đơm đơm

¹Ở oh nô ta nau nsing, gáp öch khân ay may gít n'hêl ma nau i Brah Huêng Ueh de ăn đơm đơm.

²Khân ay may nơm lể gít jêh, nôk khân ay may ê hỏ nsing ma Brah Yêsu, geh nđơ êng êng ăn khân ay may öch yók mbah rup brah i mlo.

³Kốt ndri dâng gáp öch mbon ăn khân ay may gít n'hêl, lah du huê bunuyh geh Brah Huêng Ueh i klo h ueh gũ ta păng, bunuyh i nây mâu ôh ngời lah: “Ăn Brah Yêsu geh nau rtăp” jêh ri lah bu moh mâu geh Brah Huêng Ueh gũ, kỏ mâu geh đōng bunuyh đơ lah: “Brah Yêsu jêng Kôranh.”

⁴Nau ăn đơm đơm i nây geh ntil êng êng, yơn ma du huê Brah Huêng Ueh đơm i năk ăn.

⁵Nau kớl bu geh nau jan êng êng, yơn ma kớl jan ăn ma du huê Kôranh Brah đơm.

⁶Nau jan kar geh nau jan êng êng, yơn ma geh du huê Kôranh Brah đơm i ăn nau đơ ma jan kar êng êng i nây ta dâng lể bunuyh.

⁷Brah Huêng Ueh ăn nau blao êng êng ma du huê du huê bunuyh i nsing ma Brah Krist, gay ma tâm kơl ndrăng bunuyh i nsing ma nau blao i này.

⁸Du huê bunuyh Păng ăn mboh ngơi ma nau mân gĩt blao ngăn, jêh ri du huê bunuyh êng jât blao mboh ngơi ma nau gĩt vât tă bơh Brah Huêng Ueh, geh du huê Brah Huêng Ueh dơm i năk ăn dăng lể nau i này.

⁹Ma du huê bunuyh geh nau nsing dũt nập i bu êng mầu ôh geh, geh du huê Brah Huêng Ueh i này đống ăn, jêh ri ma du huê bunuyh êng jât Păng ăn nau dơi ma jan bah bunuyh geh nau ji êng êng, du huê Brah Huêng Ueh i này đống ăn.

¹⁰Păng ăn du huê bunuyh jât ăn nau dơi ma jan ndr lể nau ngăn, ăn du huê bunuyh jât blao ntơyh nau ngơi Kôranh Brah, ăn du huê bunuyh jât blao gĩt năl moh nau tă bơh Kôranh Brah mầu lah mầu, ăn du huê bunuyh jât blao ngơi nau ngơi êng êng i păng mầu geh nti, jêh ri ăn du huê jât ma blao rblang dăng lể nau ngơi i này.

¹¹Dăng lể ndr i này jêng tă bơh du huê Brah Huêng Ueh dơm ăn, Păng pă ăn ma du huê du huê ndr êng êng tâng Păng nơm ứch.

Săk jăn nguai dơm

¹²Brah Krist ntât tâm ban ma du săk jăn dơm, bân i nsing ma Păng jêng ndr êng êng ta săk jăn i này. Bol lah geh ỏk ndr êng êng ta săk jăn bunuyh, yơn ma dăng lể ndr i này tâm rnglăp jêng du săk jăn dơm.

¹³Dăng lể bân bol lah phung Israel, bol lah phung i mầu di phung Israel kađôi, bol lah bunuyh dăk bu, bol lah bunuyh kon me kađôi, dăng lể bân lể jan băptem yũk ma dak ma du huê Brah Huêng Ueh dơm, jêng tâm rnglăp băl ăn jêng tâm ban ma du săk jăn hỏ, jêh ri dăng lể bân lể sỏ dơn du huê Brah Huêng Ueh i này gũ ndrel đống.

¹⁴Ta săk jăn mầu ôh geh du ntil ndr dơm, geh ỏk ntil ndr.

¹⁵Lah jông lah: “Yorlah gập dja mầu ôh jêng ti, dăng gập mầu ôh jêng ndr ta săk jăn dja” yơn ma jông i này hôm e ndr ta săk jăn nanao đống.

- ¹⁶Lah tôr lah: “Yorlah gâp dja mâu ôh jêng trôm mắt, dâng gâp mâu ôh jêng ndơ ta săk jăn dja” yơn ma tôr i này hôm e ndơ ta săk jăn nanao đōng.
- ¹⁷Lah dâng lě ntil ndơ ta săk jăn jêng trôm mắt dadê, mã ndơ ma iăt tăng? Jêh ri lah dâng lě ntil ndơ ta săk jăn jêng tôr dadê, mã ndơ ma gĩt năl bô?
- ¹⁸Yơn ma Kôranh Brah lě ăn jêh ndơ êng êng gũ ta ntũk êng êng ta săk jăn tâng Păng nơm ũch.
- ¹⁹Lah dâng lě rngôch jêng du ntil ndơ dơm, lah ndri mơm dâng hôm jêng săk jăn?
- ²⁰Ndơ ta săk jăn geh ők, yơn ma dâng lě ndơ i này jêng du săk jăn dơm.
- ²¹Trôm mắt mâu dơi lah ti: “Khân may i này gâp mâu khăch ôh” jêh ri bôk mâu đōng dơi lah jōng: “Khân may i này gâp mâu khăch ôh.”
- ²²Yơn ma moh ndơ i bu mân mâu ôh kợp khlay, ndơ i này plăch ma geh nau khlay rlau bu chrao.
- ²³Jêh ri moh ndơ i bân mân mâu lăng ueh ma uănh, ndơ i này plăch ma bân nkrữ ma bok ao rlau bu chrao. Ndri bân njrăng ndơ i mâu lăng ueh ma uănh này ăn ők rlau.
- ²⁴Lōng ndơ i bân uănh lě ueh jêh, ndơ i này bân mâu hôm khăch mân jăt ôh. Kôranh Brah lě ndrăp jêh săk jăn bân, ndrel ma kợp khlay moh ndơ i bu mân kợp khlay,
- ²⁵gay ma lơi ôh ăn geh nau tâm rlăch ta săk jăn, jêh ri gay ma dâng lě ndơ i này ăn blao tâm kợl ndrăng nơm.
- ²⁶Lah geh du ntil ndơ geh nau ji, dâng lě ndơ abă êng geh nau ji dadê đōng, lah geh du ntil ndơ i bu kợp khlay, dâng lě ndơ abă êng jêng ueh maak dadê đōng.
- ²⁷Khân ay may jêng săk jăn Brah Krist nơm, jêh ri du huê du huê jêng ndơ êng êng ta săk jăn i này.
- ²⁸Ta phung nsing ma Brah Krist, lor bu Kôranh Brah kớih ăn geh mpôl kôranh oh mon, jêh ri Păng kớih ăn geh bunuyh ntơyh nau ngơi Păng nơm,

jêh ri jât Păng kơih ăn geh bunuyh năk ntũm nti. Jêh bớh nây jât Păng kơih ăn geh bunuyh năk jan ndr̄ nau khlay lể nau ngăn, ăn bunuyh năk jan bah bunuyh geh nau ji êng êng, ăn bunuyh năk blao kơl bu, ăn bunuyh năk blao mât uănh, ăn bunuyh năk blao mớh ngơi nau ngơi êng êng i mầu ôh geh nti.

²⁹Mầu di ôh lể rngôch bân jêng kôranh oh mon dadê, mầu di ôh lể rngôch bân jêng bunuyh năk ntỡyh nau ngơi Kôranh Brah dadê, mầu di ôh lể rngôch bân jêng bunuyh năk ntũm nti dadê, mầu di ôh lể rngôch bân jan ndr̄ lể nau ngăn dadê,

³⁰mầu di ôh lể rngôch bân geh ăn ndr̄ đơm dam đơi jan bah bunuyh geh nau ji êng êng, mầu di ôh lể rngôch bân blao mớh ngơi nau ngơi êng êng dadê, mầu di ôh lể rngôch bân blao rblang dăng lể nau ngơi i nây dadê.

³¹Lah ndr̄i dăng lể ndr̄ Brah Huêng Ueh ăn đơm dam i nây, ăn khân ay may ndr̄ ứch tâng joi ndr̄ i ueh rlau dô. Abaō dja gập ứch mớh nkoch ăn ma khân ay may nau i ueh rlau bu.

Kôrintô Rôh 1 13

Nau rông ma bu

¹Lah gập blao nau ngơi dăng lể bunuyh ta neh ntu dja, ndr̄el ma blao nau ngơi tông pãr đống, tih ma gập mầu geh ôh nau rông ma bu, gập jêng tâm ban ma nteh ngrông bu tữ châng, mầu lah nteh gong bu goh đơm.

²Lah gập blao ntỡyh nau ngơi Kôranh Brah, ndr̄el ma gít vât dăng lể ndr̄ i ndr̄p mpôn ta Kôranh Brah, ndr̄p ma geh nau gít vât ăp ntil ngăn, jêh ri lah gập geh nau nsing dũt kuông đơi đã yôk du bớh ntũk dja gũ ntũk êng, tih ma gập mầu geh ôh nau rông ma bu, gập jêng bunuyh mầu ôh geh nau khlay du ntil.

³Lah gập sớ dăng lể drăp ndr̄ gập nờm pã ăn bu, jêh ri lah gập jao săk gập nờm ăn bu gũch n'grêh yor ma gập tâng Brah Krist, tih ma mầu geh ôh nau rông ma bu, nau i nây mầu geh nau khlay ma gập du ntil đống.

⁴Bunuyh i geh nuh n'hâm rông ma bu, păng blao ăt nuh, geh nuh n'hâm ueh, jêh ri mâu ôh tâm mâu nach. Bunuyh i geh nuh n'hâm rông ma bu, mâu n'hi êng săk, mâu ôh kớp êng săk păng nờm dừt ta păng đờm.

⁵Bunuyh i geh nuh n'hâm rông, mâu ôh jan nớ mâu tâm di tâng ma nau vay, mâu ôh joi nớ ueh ma săk păng nờm đờm, mâu ôh gờnh nuh, mâu ôh hờm mprây nau tih bu,

⁶mâu ôh ueh maak ma nau kue nau đớh, yờn ma ueh maak ma nau i ngăn.

⁷Bunuyh i geh nuh n'hâm rông ma bu, ăt nuh ma nau tih bu nâng, geh nuh n'hâm nsing nâng ma nớ ueh ta bu, rờm nâng ma nớ ueh ta bu, jêh ri nsrôyh nâng đời ăt nau jêr jốt.

⁸Nau rông mâu ôh blao dừt, yờn ma nau nớyh nau ngời Kờranh Brah mra lôch, nau blao nau ngời êng êng mra lể, jêh ri nau gừt vât mra mâu hờm geh khlay đờng.

⁹Moh nau i bân gừt vât abao' dja ê hỏ gừt lể ôh, jêh ri moh nau i bu nớyh nau ngời Kờranh Brah mâu hỏ gừt lể đờng.

¹⁰Yờn ma tât nar Kờranh Brah ăn dâng lể nau lể jêng dừt ueh lể phiao, nau i mâu hỏ dừt ueh abao' dja, nau i nây mâu hờm geh ôh.

¹¹Nôk gập hờm kon se, gập mbo'h ngời tâm ban ma kon se, gập geh nau mân tâm ban ma kon se, jêh ri nau gập mân nklờn tâm ban ma kon se đờng. Tât ma gập lể kuờng jêh, dâng lể nau i hờm bo'h kon se nờh gập mbảr lời.

¹²Abao' dja bân năl Kờranh Brah ê hỏ n'hêl ôh, hờm e thừl, tâm ban ma uảnh săk nờm ta nớ uảnh muh mắt i mâu lăng say n'hêl, ta jât nấp tay ri mớ bân say n'hêl Păng bo'h nây bo'h dja. Abao' dja bân năl Păng ê hỏ n'hêl ôh, let jât nấp tay ri mớ bân năl Păng n'hêl nanế, tâm ban ma Păng lể năl bân n'hêl nanế đờng.

¹³Geh pe ntil nau i hờm nâng: Nau nsing, nau rờm, nau rông, yờn ma i khlay rlau bu jêng nau rông.

Kờrĩntô Rờh 1 14

Nau đờng nau i Brah Huêng Ueh ăn đờm đam

¹Nsrôyh joi ăn geh nuh n'hâm rông ma bu, jêh ri ùch ndơ kơnh geh ndơ êng êng i Brah Huêng Ueh ăn đơm dam, rlau bơh nây jât ăn ndơ kơnh blao ntơyh nau ngơi Kôranh Brah.

²Bu moh i ngơi nau ngơi êng êng i tă bơh Brah Huêng Ueh, păng i nây ngơi ma Kôranh Brah đơm, mâu ôh ngơi ma bunuyh, yorlah mâu geh ôh bunuyh gít vât nau păng ngơi nây, Brah Huêng Ueh sơm ăn păng ngơi nau i bunuyh mâu gít.

³Yơn ma bu moh i blao ntơyh nau ngơi Kôranh Brah, păng i nây ngơi ma bunuyh, gay ma tâm kơl rdők njêng, gay ma nsük nsôr, gay ma bonh leng bu.

⁴Bu moh i ngơi nau ngơi êng êng i nây, păng i nây rdők njêng êng păng nơm đơm, yơn ma bu moh i ntơyh nau ngơi Kôranh Brah, păng i nây rdők njêng dăng lể phung i nsing ma Brah Krist.

⁵Gập ùch dăng lể khân ay may blao ngơi nau ngơi êng êng i nây, yơn ma i rlau bơh nây jât gập ùch khân ay may blao ntơyh nau ngơi Kôranh Brah. Bu moh i ntơyh nau ngơi Kôranh Brah kuống rlau ma bunuyh i ngơi nau ngơi êng êng i nây jât, yơn ma lah geh du huê bunuyh i blao rblang nau ngơi êng êng i nây, lah ndri păng i ngơi nau ngơi êng êng i nây kuống tâm ban, yor ma kơl rdők njêng ma dăng lể phung nsing đống.

⁶Ở oh nô ta nau nsing, lah gập hăn a khân ay may, jêh ri gập ngơi nau ngơi êng êng i nây, ơm geh nau khlay ma khân ay may bah? Yơn ma lah gập mbơh nkoch ma nau tâm mpơl i Kôranh Brah lể ăn ma gập, mâu lah mbơh nkoch ndơ i gít vât, mâu lah ntơyh nau ngơi Kôranh Brah, mâu lah ntũm nti khân ay may, i nây i geh nau khlay ma khân ay may.

⁷Dăng lể ndơ bu nkrêh ndơ bu ôh i mâu ôh geh nau rêh hơm geh nteh dadê, yơn ma lah ndơ i nây mâu ôh nteh n'hêl, mơm dăng bu dơi gít năl lah dja moh ntil nau nteh.

⁸Tâm ban nôk bu tâm lơh, nững i nteh bu ôh gay ma đã nau ma phung taken, yơn ma lah nững i nây nteh mâu n'hêl, mơm dăng bu gít ma đã ndrăp tâm lơh?

⁹Nau khân ay may ngời tâm ban kơt này đờng. Lah khân ay may ngời nau ngời êng êng i này, yờn ma lah mâu rblang ăn bu vật nau khlay, mớ m dâng bu gít vật nau khân ay may ngời i này? Lah ndri nau i khân ay may ngời i này jêng mâu geh nau khlay.

¹⁰Ta neh ntu dja geh ỏk ntil nau ngời, jêh ri dâng lể nau ngời i này geh nau khlay dadê ma bunuyh i gít vật.

¹¹Lah gập mâu gít vật du nau ngời, gập jêng bu năch bri êng ma bunuyh i này, jêh ri păng i ngời đah gập này jêng bu năch bri êng đah gập đờng.

¹²Khân ay may kơt này đờng. Khân ay may lể đờ đờ kớnh geh nau êng êng i Brah Huêng Ueh ăn đờm dam i này, lah ndri ăn khân ay may nsrôyh joi đô, gay ma rdỏk njêng phung nsing.

¹³Kơt ndri dâng bu moh i ngời nau ngời êng êng i này, ăn păng i này mớ h sớm dẫn ăn blao rblang nau i này đờng.

¹⁴Lah gập mớ h sớm ngời ma nau ngời êng êng i này, nau i này nuih n'hâm gập đờm mớ h sớm, yờn ma nau mân gập gủ đờm mâu ôh geh nklỏn.

¹⁵Lah ndri mớ m gập jan? Gập mớ h sớm ta nau ngời êng êng i này tã bớ h nuih n'hâm gập nờm, jêh ri gập kỏ mớ h sớm đờng nau mân gập nờm đờng. Gập mớ h ta nau ngời êng êng i này tã bớ h nuih n'hâm gập nờm, jêh ri gập kỏ mớ h tã bớ h nau mân gập nờm đờng.

¹⁶Lah khân ay may rnê Kờanh Brah ta nau ngời êng êng i này tã bớ h nuih n'hâm khân ay may nờm đờm, lah ndri bunuyh i gủ iắt ta này mâu ôh gít vật nau i này mớ m blao lah: “Nau i này di ngấn ” ma nau khân ay may ngời lah ueh Kờanh Brah, ôbảl mâu vật ôh nau i khân ay may lah này!

¹⁷Klấp lah khân ay may lah ueh ma Kờanh Brah kơt này lể đừt ueh ngấn, tih ma khân ay may mâu geh ôh rdỏk njêng bunuyh i gủ iắt ta này.

¹⁸Gập lah ueh Kờanh Brah, yorlah gập ngời nau ngời êng êng i này jỏ rlau ma dâng lể khân ay may jât.

¹⁹Yơn ma ta nôk r̄bũn gáp ứch rlau ngơi ta pr̄am tong đơm i nau ngơi bu l̄e gít v̄at, gay ma ntũm nti bunuyh i gũ r̄bũn ta n̄y, đah ma ngơi nau ngơi êng êng i n̄y 10000 tong i mâu geh ôh du huê bunuyh gít v̄at.

²⁰Ở oh nô ta nau nsing, khân ay may lơi ôh jêng tâm ban ma kon se ta nau mân. Tih ma ta nau jan djơh h̄o ăn khân ay may jêng tâm ban ma oh bê i mâu h̄o blao jan djơh, yơn ma ta nau mân ăn khân ay may jêng tâm ban ma bunuyh l̄e kuông.

²¹Ta Nau Kôranh Brah Ngơi l̄e geh nchih lah: “Kôranh Brah lah: ‘Gáp mra njuãl phung i ngơi nau ngơi êng êng, Phung bunuyh bri êng, i phung bon lan i dja mâu gít n̄l, Gay ma mboh nkoch nau ma khân p̄ng, Yơn ma bol lah kơt n̄y kadôi, hôm e khân p̄ng mâu iãt Gáp đơng’.”

²²Ndri d̄ang ngơi nau ngơi êng êng i n̄y i Brah Huêng Ueh ăn, jêng ndr̄ mbên ma phung i mâu nsing đơm, gay ma khân p̄ng say Brah Huêng Ueh gũ ta b̄n, mâu ôh di ndr̄ mbên ma phung i l̄e nsing. Jêh ri nau ntơyh nau ngơi Kôranh Brah, jêng ndr̄ geh nau khlay ma phung i l̄e nsing, mâu ôh di ma phung i mâu nsing.

²³Nôk khân ay may gũ r̄bũn, lah d̄ang l̄e bunuyh gũ r̄bũn ta n̄y mboh ngơi nau ngơi êng êng i n̄y dadê, jêh ri lah geh bu n̄ch mâu ôh gít v̄at nau i n̄y man ma h̄n l̄p r̄bũn, mâu lah geh bunuyh i mâu nsing h̄n l̄p r̄bũn ta n̄y đơng, gít lah khân p̄ng lah khân ay may bunuyh tr̄i ro!

²⁴Yơn ma lah d̄ang l̄e khân ay may ntơyh nau ngơi Kôranh Brah dadê, jêh ri geh bunuyh i mâu nsing, mâu lah bu n̄ch i mâu gít v̄at nau i n̄y h̄n ta n̄y đơng, lah ndr̄i khân p̄ng mra gít v̄at s̄k khân p̄ng n̄m jêng bunuyh tih i Kôranh Brah mra t̄e d̄oih ta nar j̄at n̄p tay.

²⁵Nôk n̄y ndr̄ i p̄n ndr̄p ta nuh n'hâm khân p̄ng n̄m ri, mra nhơ ăn bu say ro, jêh ri khân p̄ng mra p̄n krap a neh, yơk mbah Kôranh Brah n'ho ma lah: “Geh Kôranh Brah gũ ndr̄el khân ay may nḡn!”

Nau vay ta nôk gũ r̄bũn

²⁶Ờ oh nô ta nau nsing, nôk khân ay may gũ r̄bũn, bunuyh ab̄ă ma mprō rnê, bunuyh ab̄ă ma ntũm nti, bunuyh ab̄ă ma mbōh nkoch ma nau tâm mpōl tă bōh Kôranh Brah, bunuyh ab̄ă ma ngōi nau ngōi êng êng i nây, bunuyh ab̄ă jât ma rblang nau ngōi i nây. Iăt ma dâng l̄e ndr̄ jan i nây jan gay ma rdõk njêng phung i nsing.

²⁷Lah geh bunuyh ngōi nau ngōi êng êng i nây, dũt õk ăn geh bar pe nuyh hõ ngōi, du huê du tở du huê du tở, jêh ri ăn geh bunuyh ma năk rblang nau ngōi i nây đõng.

²⁸Ta nôk r̄bũn, lah mâu geh ôh bunuyh ma năk rblang nau ngōi i nây, bunuyh i blao nau ngōi êng êng i nây ăn gũ răk klăk hõ, ăn khân păng ngōi kớt nây ngōi êng ta nuih n'hâm khân păng nơm, ndrel ma ngōi đah Kôranh Brah hõ.

²⁹Mpôl bunuyh ntõyh nau ngōi Kôranh Brah, ăn bar pe nuyh hõ mbōh nkoch, jêh ri phung nsing ma gũ mêt uănh hõ.

³⁰Lah geh du huê bunuyh jât i gũ rgõp ta nây, geh nau tâm mpōl tă bōh Kôranh Brah, lah ndr̄i ăn bunuyh i dõl ngōi nây rlu bõt,

³¹yorlah dâng l̄e khân ay may i blao ntõyh nau ngōi Kôranh Brah dơi ngōi dadê, yõn ma ăn ngōi du huê du tở du huê du tở, gay ma dâng l̄e bảl geh nau ntũm nti, ndrel ma geh rdõk njêng dadê.

³²Bunuyh ntõyh nau ngōi Kôranh Brah, lah geh nau ma ngōi, păng hõm blao ma ngōi, mâu lah mâu ngōi, dũt ta păng nơm dõm,

³³yorlah Kôranh Brah mâu ũch ôh nau uh ah, Păng ũch ma nau đăp mpăn. Dâng l̄e phung bon lan Kôranh Brah ta ăp ntũk, ta nôk gũ r̄bũn,

³⁴ăn bu ur gũ iăt săk răk klăk. Ăn khân ay may jan kớt nây đõng, mâu di ôh ăn bu ur ngōi ta nôk r̄bũn nây, ăn khân păng gũ iăt bu hõ, kớt ma l̄e geh nchih jêh ta nau vay Môsê.

³⁵Lah khân păng ũch gĩt du ntil nau, ăn ôp êng i sai khân păng nơm a jay, yorlah mâu ôh di ma bu ur ngōi ta nôk r̄bũn.

³⁶Ờm nau Kôranh Brah nôm du lôh bớh khân ay may lah? Ờm nau Păng tát ta khân ay may dờm lah?

³⁷Lah geh du huê bunuyh lah êng sắk pắng nôm i bunuyh nơy h nau ngời Kôranh Brah, mâu lah bunuyh i lể gít vát nớ i geh khlay ta Kôranh Brah, ăn pắng i nây sớ dờn nau i gáp nchih nây, nau i nây jêng nau đả tả bớh Kôranh Brah ngắn.

³⁸Lah bu moh i mâu sớ dờn nau i gáp nchih dja, Kôranh Brah kớ mâu rom pắng i nây đờng.

³⁹Ở oh nô ta nau nsing, nớ r kớnh hóm nơy h nau ngời Kôranh Brah, jêh ri lơi ôh buay mâu ăn bu ngời nau ngời êng êng i nây.

⁴⁰Yờn ma dắng lể nớ jan, iắt ma jan ăn tâm di, ndrel ma mâu ôh geh nau uh ah.

Kôrintô Rôh 1 15

Nau dắk rêh Brah Yêsu

¹Ở oh nô ta nau nsing, gáp ứch nkhah tôr khân ay may ma nau mhe mhan ueh i gáp mbớh nkoch ăn ma khân ay may nớ h, jêng nau mhe mhan ueh i khân ay may lể sớ dờn nớ h, n'ho ma i hóm ndjôt nập đờng.

²Lah khân ay may ndjôt nập nau mhe mhan ueh i gáp lể mbớh nkoch ma khân ay may nây nớ h, khân ay may geh nau rklaih yor ma nau mhe mhan ueh i nây đờng. Yờn ma lah khân ay may ntời lơi, nau nsing khân ay may jêng dờm dam.

³Gáp lể jêh mbớh nkoch ma khân ay may nau i dứt khlay, jêng nau i bu đờn mbớh nkoch ăn ma gáp, nau i nây jêng Brah Krist lể khắt jêh gay ma rklaih bắn bớh Kôranh Brah tể đờih yor ma nau tih, di kớ r Nau Kôranh Brah Ngời.

⁴Bu tốp Pắng ta môch, jêh ri tát pe nar Pắng dắk rêh, jêng di kớ r Nau Kôranh Brah Ngời đờng.

⁵Pắng nhớ sắk ăn Pêtrôssay, jêh ri ăn dắng lể 12 nuyh mpól kôranh oh mon say đờng.

⁶Bơh kơi nây Păng nhơ đơng ăn oh nô ta nau nsing say, ők bunuyh rlau 500 nuyh, say dāng lě ma bāl du tở đơm. Phung i say nây ābao dja ők hōm rēh, đễ đơm i lě khāt.

⁷Bơh kơi nây jāt, Păng nhơ đơng sāk ăn Yako say, jēh ri ăn dāng lě mpōl kōranh oh mon say du tở jāt.

⁸N'glě dūt n'glě dēl gāp i bunuyh tâm ban ma kon deh mōu tâm di khay dja, hōm Păng nhơ sāk ăn gāp say đơng.

⁹Ta mpōl kōranh oh mon, gāp dja i kōranh oh mon jě ta nām bu, di lah mōu ôh di bu kuāl gāp dja kōranh oh mon, yorlah gāp a lor nōh lě jan jēr ma phung nsing ma Kōranh Brah nơm.

¹⁰Yor ma tă bōh nau ueh Kōranh Brah nơm, dāng gāp geh kơt nđa. Nau ueh Kōranh Brah ăn ma gāp mōu ôh jēng đơm dam, yorlah gāp lě jan kar ők rlau ma mpōl kōranh oh mon ābā ēng jāt, yōn ma mōu geh gāp ôh jan kar i nây, nau ueh Kōranh Brah i gũ ta gāp ăn geh nđơ jan i nây.

¹¹Lah ndri bol lah gāp kađôi, bol lah mpōl kōranh oh mon i nây kađôi, hēn mbōh nkoch nau mhe mhan ueh dja, jēng nau mhe mhan ueh i khān ay may lě nsing nây.

Nau dāk rēh tay phung nsing ma Brah Yēsu

¹²Lah hēn lě mbōh nkoch jēh Kōranh Brah lě jan ăn Brah Krist dāk rēh bōh dāng lě phung bunuyh khāt, lah ndri mōm dāng ta phung khān ay may ābā lah bunuyh khāt mōu ôh dāk rēh?

¹³Lah bunuyh khāt mōu ôh dāk rēh, Kōranh Brah kō mōu jan ăn Brah Krist dāk rēh đơng.

¹⁴Jēh ri lah Kōranh Brah mōu ôh jan ăn Brah Krist dāk rēh, nau i hēn mbōh nkoch dja jēng đơm dam mōu geh nau khlay, jēh ri nau nsing khān ay may nây jēng đơm dam mōu geh nau khlay đơng.

¹⁵Lah ndri hēn jēng ngōi nchơt ma Kōranh Brah, yorlah hēn nkoch lah Kōranh Brah lě jan ăn Brah Krist dāk rēh. Yōn ma lah Kōranh Brah mōu ôh

jan ăn bunuyh khât dâk rêh, Kôranh Brah kô mâu đống jan ăn Brah Krist dâk rêh,

¹⁶Yorlah, lah Kôranh Brah mâu ôh jan ăn bunuyh khât dâk rêh, Kôranh Brah kô mâu đống jan ăn Brah Krist dâk rêh.

¹⁷Jêh ri lah Kôranh Brah mâu ôh jan ăn Brah Krist dâk rêh ngăn, nau nsing khân ay may jêng dôm dam mâu geh nau khlay, khân ay may hôm gũ ta nau tih nanao.

¹⁸Jêh ri dâng lě bunuyh i lě khât ndâp ma nsing ma Brah Krist, khân păng nkre ma roh hêng dâng lě đống.

¹⁹Lah nau nôm bân ma Brah Krist geh nau khlay ta nau gũ rêh ta neh ntu dja dôm, bân jêng bunuyh i di ma bu yố rlau ma dâng lě bunuyh êng.

²⁰Yơn ma di ngăn Brah Krist lě dâk rêh ngăn bôh phung bunuyh khât, Păng i dâk rêh lor bu ta dâng lě phung bunuyh khât, ndri bân gĩt bân mra dâk rêh đống.

²¹Nau khât bunuyh nơh yor ma du huê bunuyh rnhâ Adăm, kơt ndri bunuyh dâk rêh yor ma du huê bunuyh đống.

²²Dâng lě bunuyh khât yor ma jêng rnoi deh Adăm, kơt ndri đống dâng lě bunuyh i gũ tâm rnglăp ndrel Brah Krist mra dâk rêh,

²³yơn ma Brah Krist i dâk rêh lor bu, bôh kơi nây dâng lě phung i nsing ma Păng dâk rêh nôk Păng plở tât ta dja tay.

²⁴Jêh ri Păng lơh hêng lơi dâng lě kôranh i geh nau dơi, i geh nau dăng, i geh nau mât uảnh ăp ntil. Jêh ri tât n'glě dũt neh ntu dja, jêng nôk Păng njũn nau mât uảnh ăn ma Kôranh Brah i Bở Păng nôm.

²⁵Yorlah iăt ma Brah Krist mât uảnh, n'ho ma tât Păng nklở dâng lě phung rlăng gũ ta nâm jông Păng nôm.

²⁶N'glě dũt bôh kơi, Păng mra n'groh lơi nau khât i tâm ban ma nôm rlăng ma bunuyh,

²⁷Yorlah ta Nau Kôranh Brah Ngơi lể geh nchih lah ma Brah Krist: ‘Kôranh Brah lể ăn dâng lể ndơ gủ ta nâm jông Păng dadê’ . Yorn ma ta nau Păng lah: ‘Dâng lể ndơ’ kơt nây, mâu ôh di lah ndâp ma Kôranh Brah i nơm ăn dâng lể ndơ gủ ta nâm jông Brah Krist.

²⁸Tât ma dâng lể ndơ lể gủ ta nâm Brah Krist dadê, ri mớ Brah Krist i Kon Kôranh Brah nơm mra gủ ta nâm Kôranh Brah i năk lể nklở dâng lể ndơ ăn gủ ta nâm Păng nây nơh, gay ma Kôranh Brah nơm jêng kôranh dadê ma dâng lể rngôch ndơ.

²⁹Lah bunuyh khât mâu ôh dâk rêh, mớ dâng ta phung khân ay may geh bunuyh abă sơm ntang jan bắptem yũk ma dak ăn ma bunuyh lể khât? Moh geh nau khlay sơm ntang bắptem yũk ma dak lah bunuyh khât mâu ôh dâk rêh?

³⁰Lõng hên dja, hên nsrôyh jan ndơ i dơi ăn nau jêr jốt tât khât săk nâng. Lah bunuyh khât mâu dâk rêh, moh geh nau khlay?

³¹Ở oh nô ta nau nsing, di ngăn ăp nar gập lể bơi ma khât babơ. Tâm ban kơt nây đống nau gập n'hi săk ta năp mắt Brah Krist Yêsu i Kôranh bân, yor ma nau khân ay may gủ tâm rnglăp ndrel Păng đống.

³²Yor ma gập mâu ôh geh nau rơm ta nau rêh ta neh ntu dja dờm, ndri gập mâu ôh klach tâm lơh đah mpômpa (siũm) dứt janh ta bon Êphêsô nơh. Lah bunuyh khât mâu ôh dâk rêh, ăn bân jan tâng bu vay lah: ‘Ăn bân gủ nhêt sông hồ, Yorlah nar ôi tay bân khât ro’ .

³³Lơi ôh ăn bu mbrôh khân ay may, yorlah nau bu vay lah dja di ngăn: ‘Gủ ndrel bắ mpôl djơh jan ăn leo nuih n'hâm djơh’.

³⁴Ăn khân ay may kah gít săk hỏm, lơi ôh hôm jan tih, yorlah geh bunuyh abă ta phung khân ay may mâu ôh năl Kôranh Brah, gập lah kơt nây jêng ndơ di ma ăn khân ay may geh nau đit prêng.

Săk jăn bunuyh dâk rêh

³⁵Klăp lah geh du huê bunuyh ta phung khân ay may ôp: “A mớ m gít dâk rêh bunuyh? A mớ m gít săk jăn bunuyh i dâk rêh nây?”

³⁶Ō bunuyh rluk mâl i ôp kơt nây, găr ntil i khân ay may tuch ta neh, lah hơm găr nâng, hon mâu blao đōng.

³⁷Găr i khân ay may tuch nây, kơt lah găr ba, mâu lah găr a êng êng, tăt ma hon mâu hơm ôh kơt tâm ban ma găr.

³⁸Yơn ma Kôranh Brah ăn ntil găr êng êng hon jêng tơm êng êng bắl, tâng Păng nơm lể ứch.

³⁹Dâng lể ndơ i geh nau rêh mâu geh tâm ban bắl đōng, mlay bunuyh êng, mlay mpômpa (siũm) êng, mlay siũm nar êng, mlay ka êng.

⁴⁰Geh ndơ ang ta kalơ trôk, ndrel ma geh ndơ ta neh ntu, yơn ma nau ueh ndơ ta kalơ trôk đah ma nau ueh ndơ ta neh ntu êng êng bắl đōng.

⁴¹Nau ueh nar, đah nau ueh khay ueh êng êng bắl, nau ueh mắnh mbing ueh êng bắl ma nar ma khay, jêh ri nau ueh dâng lể mắnh mbing ueh êng êng bắl đōng.

⁴²Bunuyh khât dâk rêh tâm ban kơt nây đōng, bu tốp sắk jăn bunuyh blao rhok, yơn ma nôk bunuyh dâk rêh sắk jăn mâu ôh blao rhok.

⁴³Bu tốp bunuyh ma nau bở bớch, yơn ma bunuyh dâk rêh ma nau chrêk lợp, bunuyh gũ ta neh ntu dja mâu ôh geh n'hâm suan, yơn ma bunuyh dâk rêh geh n'hâm suan dắng katang.

⁴⁴Bu tốp pắng i sắk jăn di ma gũ rêh ta neh ntu, yơn ma pắng dâk rêh i sắk jăn di ma gũ rêh ta bon ueh. Lah lể geh jêh sắk jăn ta neh ntu, mra geh sắk jăn ta bon ueh đōng.

⁴⁵Ta Nau Kôranh Brah Ngơi lể geh nchih: 'Jêh ri Adăm i bunuyh lor bu geh n'hâm geh suan jêng rêh blư', yơn ma Brah Yêsu Krist bân dơi kuắl đōng 'Adăm n'glể dắt' i nơm ăn nau rêh n'ho ro.

⁴⁶Mâu ôh di ntil sắk jăn i geh lor i di ma gũ ta bon ueh, ntil sắk jăn i geh lor i di ma gũ ta neh ntu, ntil sắk jăn i di gũ ta bon ueh jêng ntil sắk jăn i geh bớh kơi jêh dâk rêh.

- ⁴⁷Đăm i bunuyh lor bu, Kôranh Brah mon tă bôh neh môi. Yơn ma Brah Krist jêng Bunuyh i bôh kơi lôh tă bôh kalơ trôk i ntũk Kôranh Brah nơm.
- ⁴⁸Bunuyh i gũ ta neh ntu dja, geh sắk jăn tâm ban ma bunuyh i geh jan tă bôh neh môi này, bunuyh i gũ ta kalơ trôk, geh sắk jăn tâm ban ma Bunuyh i lôh tă bôh kalơ trôk này.
- ⁴⁹Abơ dja bân jêng kơt ma bunuyh i geh jan tă bôh neh môi này, jăt nặp tay bân mra geh sắk jăn jêng tâm ban ma Bunuyh i lôh tă bôh kalơ trôk này.
- ⁵⁰Ở oh nô ta nau nsing, nau i gập ngơi này lah sắk jăn i geh mlay geh mham n'ho ma blao rhok, mâu ôh dơi lắp gũ ta bon ueh ntũk Kôranh Brah mra măt uảnh tay, sắk jăn i blao rhok mâu ôh dơi gũ rêh n'ho ro.
- ⁵¹Gập ứch mbôh nkoch ndr i bôh nơm nơh hơm ndöpf mpôn: Mâu ôh geh dăng lể bân mra khăt, yơn ma dăng lể bân mra geh rgâl sắk jăn dadê.
- ⁵²Bân i hơm gũ rêh ta nôk Brah Krist plở vắch geh nteh nũng n'glẻ dũt, bân mra geh rgâl sắk jăn ta du blăt, jêng du mrêh măt dơm. Yorlah ta nôk nũng i này nteh, dăng lể bunuyh khăt dắk rêh tay geh sắk jăn mâu hơm ôh blao rhok, jêh ri Kôranh Brah mra rgâl sắk jăn bân i hơm rêh jêng mhe,
- ⁵³yorlah iăt ma sắk jăn i blao rhok dja ma rgâl jêng sắk jăn i mâu blao rhok, sắk jăn i blao khăt dja iăt ma rgâl jêng sắk jăn i mâu ôh blao khăt.
- ⁵⁴Lah lể tăt jêh sắk jăn i blao rhok dja rgâl jêng sắk jăn mâu hơm ôh blao rhok, sắk jăn i blao khăt dja rgâl jêng sắk jăn mâu hơm ôh blao khăt. Lah ndr i ndr i lể geh nchih lah: 'Lể geh nau dơi jêh ma nau khăt' Nau i này lể lôch jêh.
- ⁵⁵'Bunuyh gĩt ma hơm khăt lah? Bunuyh gĩt ma hơm geh nau rngot rvê yor ma nau khăt lah?'
- ⁵⁶Tă bôh nau tih dăng bân khăt, tă bôh nau vay Môsê dăng bân gĩt lah jan tih đah nau Kôranh Brah đă.

⁵⁷Abaoŕ dja ăn bân lah ueh Kôranh Brah! Păng lě ăn bân geh nau dơi ma nau tih ndâp ma nau khât, nau dơi i nây jêng tă bôrh ndrô Brah Yêsu Krist i Kôranh bân lě jan nơh.

⁵⁸Ở oh nô ta nau nsing i gâp rông, lah ndrô ăn khân ay may geh nuh n'hâm nâp rkâk ngăn ta nau nsing ma Kôranh Yêsu Krist. Ăn nsrôyh jan kar ma Kôranh Yêsu Krist ma lě nuh n'hâm, yorlah khân ay may lě gít jêh, ndrô i khân ay may jan kar ma Păng nây mâu ôh jêng đơm dam.

Kôrintô Rơh 1 16

Prăk kol ma phung nsing ta bon Yêrusalem

¹Lông nau rgum prăk ma ăn phung bon lan Kôranh Brah ta bon Yêrusalem: Ăn khân ay may ta bon Kôrintô jan kơt gâp lě ntính jêh ma phung i nsing ta bri Galati nơh.

²Ăp pơh ta nar pơh ăn khân ay may sô prăk abă i khân ay may lě tống bôrh ndrô đong, prăp êng lor ta nhieh jay khân ay may nơm, gay ma nôk gâp tât tay, mâu hôm ôh khăch nchô ma nơm rgum.

³Ăn khân ay may kơih bunuyh abă ndjôt prăk i nây ma hăn ta bon Yêrusalem, tât gâp a khân ay may nây tay, gâp mra nchieh sambăt ăn ma khân păng i nây ndjôt, gay ma phung nsing ta bon Yêrusalem rom khân păng.

⁴Lah di ma gâp hăn đong, hên hăn ndrôl băl.

Nau Pôl ntính êng êng

⁵Gâp ếch hăn rỏ bri Masêđôn lor, jêh hăn rỏ bri Masêđôn nây, gâp mra hăn a khân ay may đong.

⁶Klăp lah gâp gũ ndrôl khân ay may sân, jât nar, mâu lah lě du khay sial pôh mâu gít, gay ma ăn khân ay may kol gâp hăn tay jât năp ntũk i gâp mra hăn jât.

⁷Gâp mâu ếch ôh veh a khân ay may du blăt đơm, yơn ma gâp rơm mra gũ ndrôl khân ay may jô oi, lah Kôranh Brah ăn.

⁸Yơn ma gâp hôm ếch gũ ta bon Êphêsô dja n'ho ma tât jêh nhêt bũn 50 nar phung Israel,

⁹yorlah Kôranh Brah lě pơk mpông ăn gập mboh nkoch nau mhe mhan ueh ta bon dja geh ők bunuyh iăt, bol lah geh ők bunuyh i tâm rdâng đah gập kađôi đống.

¹⁰Lah Timôthê tăt a khân ay may, dẫn rom păng ăn ueh, lời ôh ăn păng geh nau klach khân ay may, yorlah păng bunuyh jan kar Kôranh Brah kơt gập đống.

¹¹Lah ndri lời ôh ăn du huê bunuyh mưch rmot păng. Ăn kơl păng plờ săt a gập ma nau đăp mpăn. Gập ndrel ma oh nô ta nau nsing ta dja gủ kộp păng rộp hơp.

¹²Lõng nô Apôlôs, gập lě ntrôl păng hăn a khân ay may, hăn ndrel ma oh nô abă êng, yơn ma păng ê hỏ ứch ôh hăn abao dja, păng hôm kộp moh nar ueh ma păng hăn.

Nau ntính n'glě dũt

¹³Ăn khân ay may gủ njrăng ngăn hỏ, ăn gủ nập ta nau nsing, ăn geh nuih n'hâm bảnh, ndrel ma ăn geh n'hâm suan dăng.

¹⁴Dâng lě ndơ khân ay may jan, ăn jan ndập ma nuih n'hâm rống.

¹⁵Ở oh nô ta nau nsing, khân ay may lě gít jêh rnăk vâl nô Satêphanas, khân păng jêng bunuyh nsing lor bu ta bri Akhây khân ay may nây, jêh ri lě jao săk khân păng nơm ma jan kar ăn ma phung bon lan Kôranh Brah. Gập dẫn khân ay may hô ngăn,

¹⁶ăn iăt ma bunuyh i geh nuih n'hâm kơt i nây, jêh ri ăn iăt ma dâng lě bunuyh i nsrôyh jan kar ndrel khân păng i nây đống.

¹⁷Gập rằm maak ngăn geh nô Satêphanas, nô Phortinatuh, ndrel ma nô Akhâykuh, khân păng lě tăt ta dja. Gập klõng khân ay may, yơn ma geh khân păng i pe nuyh dja jan ăn nuih n'hâm gập rằm maak,

¹⁸khân păng rthi nuih n'hâm gập, kơt khân păng lě rthi nuih n'hâm khân ay may nơh đống. Ăn khân ay may yơk ma bunuyh i kơt khân păng i nây dô.

¹⁹Phung nsing ta bon êng êng ta bri Asi dja dẫn ôp nau ueh lăng khân ay may dadê. Nô Akilas, ndrel ma yôh Prisil, bar hê ur sai khân păng, ndập ma dâng

lẽ phung nsing i gũ rbũn ta jay khân păng, ôp nau ueh lăng khân ay may ta rnhâ Kôranh Brah đổng.

²⁰Dâng lẽ oh nô ta nau nsing gũ ta dja ôp nau ueh lăng khân ay may dadê đổng. Dẫn khân ay may tâm ôp nau ueh lăng ndrăng nơm ma nau ueh rah rơch .

²¹Nau ôp ueh lăng dja, gập Pôl nchih ma ti gập nơm.

²²Bu moh i mâu rổng Kôranh Yêsu, ăn Kôranh Brah rtăp păng i nây dô. Ở Kôranh Yêsu, dẫn plờ văch hơm!

²³Dẫn nau ueh Kôranh Yêsu gũ ta nuh n'hâm khân ay may!

²⁴Gập rổng dâng lẽ khân ay may ta Brah Krist Yêsu .

Kôrintô Rôh 2

Kôrintô Rôh 2 1

Nau ôp ueh lăng

¹Sambüt gáp Pôl, gáp i kôranh oh mon Brah Krist Yêsu tă bôh nau ũch Kôranh Brah nôm. Gáp, ndrel ma Timôthê i oh nô bân ta nau nsing dân ôp nau ueh lăng phung i nsing ma Kôranh Brah ta bon Kôrintô, ndrel ma dân ôp nau ueh lăng dăng lě phung bon lan Kôranh Brah i gũ lam bri Akhây.

²Dân Kôranh Brah Bở bân, ndrel ma Kôranh Yêsu Krist, ăn nau ueh, ăn nau đăp mpăn ma khân ay may.

Nau n'hao nuih ta bon Kôrintô

³Ăn rnê ma Kôranh Brah i Bở Brah Yêsu Krist Kôranh bân. Păng jêng Bở bân i geh nau yỏ ndach dứt kuông, Păng jêng tơm dăng lě nau kớ rthi nuih n'hâm ăp ntil.

⁴Păng kớ rthi nuih n'hâm bân nôk bân rêh rnhăl ăp ntil, gay ma bân blao kớ rthi nuih n'hâm bunuyh i geh nau rêh rnhăl, kớ Kôranh Brah lě kớ rthi ma bân.

⁵Dah ôk bân lě geh jêh nau jêr jốt êng êng yor ma bân gũ ndrel Brah Krist, lơ ma hô jât bân sỏ đơn nau rthi ta nuih n'hâm yor ma Brah Krist đơng.

⁶Lah hên geh rêh rnhăl, đơ i nây gay ma ăn khân ay may geh rthi nuih n'hâm, ndrel ma geh nau rklaih. Lah Kôranh Brah rthi nuih n'hâm hên, hên blao rthi nuih n'hâm khân ay may, jêh ri khân ay may đơi nsrôyh ma nau jêr jốt êng êng i tâm ban ma nau jêr jốt hên đơng.

⁷Jêh ri nôk hên gũ mân khân ay may, hên geh nau rơm dứt nập ngăn, yor ma hên lě gít n'hêl tăt khân ay may geh nau jêr jốt kớ hên, khân ay may mra geh nau rthi nuih n'hâm kớ hên đơng.

⁸Ở oh nô ta nau nsing, hên ũch khân ay may gít nau jêr jốt i hên lě geh jêh ta bri Asi nơh. Ta nây hên geh nau jêr jốt dứt hô ngăn, bớ ma khât, hên mâu hôm ôh rơm ma rêh jât.

⁹Hên mân lah hên mra khât ngăn ro . Yơn ma ndr i nây gay ma lơi ôh ăn hên nsing ma sāk hên nơm, ăn hên nsing ma Kôranh Brah i jan bunuyh khât ăn dāk rêh hō.

¹⁰Jêh ri Păng rklaih hên bōh nau khât bōh nau roh hêng, jêh ri jât nấp tay Păng hôm rklaih đōng. Ngăn ro, hên nơm Păng hôm rklaih tay hên đōng.

¹¹Dăn khân ay may hôm kơl hên ta nau mboh sơm ma hên đōng. Ồk bunuyh mra lah ueh Kôranh Brah, yorlah Păng ơh nau mboh sơm ồk ma hên kơt nây.

Ndr Pôi ndrăp

¹²Ta nuh n'hâm hên nơm lể gít n'hêl, nau gũ ngao hên ta neh ntu dja hên gũ rấp jấp ma lể nuh n'hâm, ngơi nau ngăn dơm, hên jan kơt nây ta nấp dăng lể bunuyh, lơ ma hô jan ta nấp khân ay may. Ta nau i nây, hên mâu ôh đōng nau mân gít blao bunuyh, yơn ma gũ ngao tâng ma nau Kôranh Brah nơm ừch, tả bōh nau Păng kơl ma nau ueh Păng nơm. Gập rằm maak ngăn ma nau i nây.

¹³Ta sambüt hên lể njuāl ăn khân ay may nơh, hên mâu ôh nchih nau ngơi hô, hên nchih nau ngơi ngăn, nau ngơi n'hêl, nau ngơi i khân ay may dơi gít vât nây dơm. Jêh ri gập nơm lah khân ay may mra gít vât dadê dăng lể nau khlay hên lể nchih nơh,

¹⁴bol lah abao' dja khân ay may gít vât abă dơm. Lah khân ay may gít vât dadê, khân ay may mra rằm maak ma hên ta nar Kôranh Yêsu plở văch ta dja tay, kơt hên mra rằm maak ma khân ay may đōng.

^{15.16}Yor ma nau gập nơm nấp kơt nây, dăng a lor nơh gập ừch veh khōl khân ay may bốt, ê lor ma hăn jât bri Masêdon, jêh ri plở veh tay ta khân ay may du tở jât nôk plở sât bōh bri Masêdon, gay ma geh nau khlay ma khân ay may bar tở. Jêh ri gay ma khân ay may kơl gập hăn ta bri Yuda đōng.

¹⁷Lah ndr i nau i gập lể ndrăp jan kơt nây, ơm gập geh nau mân plăch nấp plăch kơi bōh? Mâu lah nau i gập lể ndrăp ndr, ơm gập ndrăp tâm ban ma bunuyh i mâu nsing ma Brah Krist, i du tở ngơi nđa, du tở ngơi nto kơt nây bōh?

¹⁸Bân lě gít n'hêl Kôranh Brah răp jăp ngăn, kơt ndri đōng nau i hên mboh nkoch ma khân ay may mâu geh ôh du tở ngơi nđa, du tở ngơi nto,

¹⁹yorlah Brah Yêsu Krist i kon Kôranh Brah i pe nuyh hên mboh nkoch ăn ma khân ay may nây nơh, geh gâp, geh Silas, nđâp ma Timôthê, hên mboh nkoch Păng răp jăp nâng, Păng mâu geh ôh ngơi dah ma rplăch năp rplăch kơi, Păng ngơi du tong gít lah du tong ro.

²⁰Dâng lě nau Kôranh Brah ton lě geh ngăn ta Brah Krist dadê. Kơt ndri dâng bân lah 'Nau i nây di ngăn ', ndrel ma rnê nau chrêk lợp Kôranh Brah, yor ma ndơ Brah Krist lě jan ma bân.

²¹Kôranh Brah nơm ăn hên, ndrel ma ăn khân ay may geh nau nsing năp ta Brah Krist, nđâp ma kơih bân ăn jêng bon lan Păng nơm.

²²Lě Păng ăn jêh Brah Huêng Ueh gũ ta nuh n'hâm bân, jêng tâm ban ma tể ndơ pla krêp ta bân, gay ma bân gít n'hêl Păng mra ăn dâng lě ndơ Păng lě ton ma bân jăt năp tay.

²³Geh Kôranh Brah nơm năk tơm say, gâp mâu hoch hăn ôh a bon Kôrintô, yorlah gâp yỏ khân ay may, mâu ứch lah dăng khân ay may.

²⁴Hên mâu ứch jêng kôranh khân ay may, ăn khân ay may iăt nau hên đă dơm, yorlah khân ay may geh nau nsing năp ngăn, hên ứch jan kar ndrel bắ, gay ma ăn khân ay may geh nuh n'hâm răm maak.

Kôrintô Rơh 2 2

¹Ndri dâng gâp lě ứch jêh ta nuh n'hâm gâp nơm, gâp mâu ứch ôh hăn a khân ay may, ăn khân ay may geh nuh n'hâm rngot tay du tở jăt yor ma mập gâp.

²Lah gâp lě jan ăn khân ay may geh nau rngot, lah ndri khân ay may i lě gâp jan ăn rngot jêh, mâu hôm ôh blao jan ăn gâp răm maak.

³Sambüt i gâp nchih njuăl ăn ma khân ay may a lor nơh, gâp nchih gay ma nôk gâp hăn tăt ta khân ay may nây, gâp mâu ôh geh nuh n'hâm rngot, gâp

geh nuih n'hâm rãm maak, yorlah say khân ay may iăt nau gáp. Jêh ri gáp lě gít jêh, lah gáp rãm maak, khân ay may rãm maak ndrel gáp đống.

⁴Gáp nchih sambüt i này njuäl a khân ay may, ndáp ma geh nuih n'hâm rngot rvê hô ngăn, ndáp ma geh nau nhũm hoch dak mắt, yon ma gáp mâu öch ôh ăn nuih n'hâm khân ay may rngot, öch nhơ ăn khân ay may gít gáp rống ma khân ay may dứt hô ngăn.

Nau yố nau tih bu

⁵Lah du huê ta mpôl khân ay may ăn gáp geh nuih n'hâm rngot, păng ăn dăng lě khân ay may geh nuih n'hâm rngot, bol lah mâu hô păng hôm ăn nuih n'hâm khân ay may rngot abă.

⁶Lě ők jêh bunuyh ta phung khân ay may tể dôi ma păng i này, lah ndri lě gáp jêh.

⁷Abơ dja ăn khân ay may yố nau tih păng, ndrel ma n'hao nuih n'hâm păng đô, klach lah păng geh nau rngot dứt hô, n'ho ma mâu hôm geh nau rơm.

⁸Ndri dăng gáp đã khân ay may, gay ma ăn păng gít lah khân ay may rống ma păng.

⁹Gáp nchih sambüt i này, gay ma rlong nuih n'hâm khân ay may, öch gít ah khân ay may jan kơt dăng lě nau gáp đã mâu lah mâu.

¹⁰Lah khân ay may yố nau tih ma du huê bunuyh i jan tih, gáp kố yố păng đống. Nôk bu jan tih ma gáp, gáp lě jêh yố păng ma nau tih i này ta nấp mắt Brah Krist, gay ma geh khlay ma khân ay may.

¹¹Lơi ôh ăn Satăng i kôranh mpôl brah djơh dơi đah bản ta nau păng ndơm. Jêh ri bản lě gít jêh nau păng öch ndrăp nâng.

Pôl geh nau rvê ma Titus

¹²Nôk gáp tăt ta bon Trôas, gay ma mboh nkoch nau mhe mhan ueh Brah Krist, bol lah ta bon i này lě Kôranh Brah pơk mpông ma gáp kađôi,

¹³tih ma ta nuih n'hâm gáp mâu ôh geh nau đăp mpăn, yorlah joi oh Titus mâu say. Ndri dăng gáp nững khân păng ta bon Trôas này, jêh ri gáp hăn jăt nấp jăt bri Masêđôn dja, gay ma joi păng ta dja.

Bunuyh jan kar Kôranh Brah ta nau tâm rnglăp mhe

¹⁴Lah ueh ma Kôranh Brah i geh nau dơi ma dăng lă ntil ndơ. Tă bơn ndơ Brah Krist lă jêh jan, kơt ndri dăng Păng leo hên mbơn nkoch ta ăp ntũk, gay ma bu gĩt say nau dơi Păng, nau mbơn nkoch i này jêng tâm ban ma n'hôl bô kah ta lam ntũk i hên hăn.

¹⁵Ta Kôranh Brah hên jêng tâm ban ma ndơ bô kah Brah Krist nơm i ăn ma dăng lă bunuyh, ăn ma bu moh i dôi geh rklaih, ndrel ma ăn ma bu moh i mâu ôh geh rklaih dôi hăn ta nau roh hêng đổng.

¹⁶Ma phung i roh hêng, hên jêng tâm ban ma ndơ bô ma nau khât, yorlah khân păng mra sô dơn nau tể dôi. Ma phung i geh rklaih, hên jêng tâm ban ma ndơ bô ma nau rêh, yorlah khân păng mra sô dơn nau rêh n'ho ro. Lah ndri bu moh i blao ma nau jan kar i này? Mâu geh ôh du huê bunuyh blao jan tă bơn săk păng nơm.

¹⁷Geh ők bunuyh hăn mbơn nkoch nau Kôranh Brah gay ma geh prăk ma khân păng nơm dơn, yơn ma hên mâu ôh jan kơt này, hên mbơn nkoch nau Kôranh Brah ma nuih n'hâm kloh, ndâp ma nuih n'hâm răp jăp, hên mbơn nkoch nau i này ta năp mắt Kôranh Brah tă bơn Kôranh Brah nơm đă, jêng bunuyh i gũ tâm rnglăp đah Brah Krist.

Kôrintô Rơh 2 3

¹Hên rnê êng tay săk hên nơm du tở jăt bơn? Mâu ôh, geh bunuyh abă ndjôt sambũt bơn bu êng gay ma khân ay may rom, mâu lah ôp khân ay may nchih sambũt kơt này ăn ma khân păng, ndjôt hăn ntũk bon êng gay ma bu rom ta bon này. Ớm hên iăt ma geh sambũt kơt này đổng bah?

²Hên mâu khăch ôh ndjôt sambũt kơt này, yor ma nau khân ay may lă rgâl nau gũ ngao, ndri khân ay may jêng tâm ban ma sambũt kơt này ma hên, jêng tâm ban ma sambũt i nchih ta nuih n'hâm hên, jêh ri dăng lă bunuyh i gĩt năl khân ay may lă gĩt đổng ma nau jan kar hên lă ueh.

³Hên jan kar ăn ma khân ay may nơh, ndri dăng khân ay may này jêng tâm ban ma du mlôm sambũt i bu say lă gĩt lah, kar hên jan này tă bơn Brah Krist

nơm ngăn. Sambüt i này mâu ôh geh nchih ma dak krăk, jêng nchih ma Brah Huêng Ueh Kôranh Brah nơm, Kôranh Brah i rêh ngăn, mâu ôh di sambüt i nchih ta rlat lữ tâm ban ma nau vay Môsê kăl e nơh, jêng sambüt i nchih ta nuh n'hâm bunuyh.

⁴Hên ndjôt nập khân ay may jêng tâm ban ma sambüt ueh kơt này, tă bớh nau nsing hên ta Kôranh Brah, yor ma ndrơ Brah Krist lể jan nơh.

⁵Hên mâu ôh kớp êng hên nơm bunuyh blao tă bớh săk hên nơm, yơn ma moh ndrơ hên blao jan jêng tă bớh Kôranh Brah.

⁶Păng ăn hên blao mbớh nkoch ma nau tâm rnglăp mhe. Nau tâm rnglăp mhe i này mâu ôh di nchih ma rplây rso, yơn ma jêng tâm ban ma nchih ma Brah Huêng Ueh. Nau vay Môsê i nchih ma rplây rso này leo ăn Kôranh Brah tể dôih jêng khât n'ho ro, yơn ma bớh Brah Huêng Ueh ăn geh nau rêh n'ho ro.

⁷Kôranh Brah nchih nau vay ta rlat lữ ăn ma Môsê kăl e nơh, ta này geh ndập ma nau chrêk lợp Kôranh Brah nơm dứt hô ngăn, n'ho ma phung Israel mâu ôh hôm dơi uănh muh mắt Môsê, yorlah ral ngăn, yơn ma nau chrêk lợp ral i này ta muh mắt Môsê mâu ôh jở jong, lơ ma roh để roh để. Lah nau vay i leo ăn khât n'ho ro, lể dah này ngăn geh nau chrêk lợp,

⁸lah ndrị nau jan kar Brah Huêng Ueh i leo ăn geh nau rêh n'ho ro, bởn lơ hô rlau ma này jăt bắh geh nau chrêk lợp?

⁹Lah nau vay Môsê i jan ăn bunuyh geh dôih lể dah này jêh geh nau chrêk lợp, lah ndrị nau Brah Huêng Ueh jan ăn bunuyh jêng sớng ta nắp mắt Kôranh Brah, bởn lơ hô rlau ma i này jăt geh nau chrêk lợp!

¹⁰Lah bắn tâm rdăl nau chrêk lợp i nau vay Môsê lể geh kăl e nơh, đắh nau chrêk lợp i dứt hô ta nau Brah Huêng Ueh jan abơ dja, lah lể tắt jêh nau chrêk lợp i dứt hô này, nau chrêk lợp kăl e nơh bắn uănh tâm ban ma mâu geh ôh.

¹¹Lah nau vay Môsê geh ndập ma nau chrêk lợp, jêh ri nau chrêk lợp i này mâu ôh jở jong, lơ ma roh, lah ndrị nau Brah Huêng Ueh jan geh nau chrêk lợp lơ hô rlau ma này, yorlah nau chrêk lợp i này geh n'ho ro!

¹²Yor ma bân geh nau nôm mra geh nau chrêk lợp n'ho ro kớt này, ndri dâng hên geh nuih n'hâm bân ma mboh nkoch nau Kôranh Brah.

¹³Hên mâu ôh jan tâm ban ma Môsê, păng sỏ bok nkũm lợi i muh mắt păng nôm, mâu ứch ôh ăn phung bon lan Israel say roh nau chrêk lợp i geh ta muh mắt păng này.

¹⁴Yơn ma nuih n'hâm nau mân khân păng hôm dăng ko kớt ỏm n'ho ma tât nar dja, nôk khân păng tăng bu rỏ nau tâm rnglấp ỏm, bok i này tâm ban ma hôm nkũm lợi nuih n'hâm nau mân khân păng nôm. Bok i này hôm nkũm nanao, tât ma khân păng lạp gũ ndrel Brah Krist, mớ dâng bok i này bah bớh nuih n'hâm nau mân khân păng.

¹⁵N'ho ma tât nar dja, ắp tớ khân păng tăng bu rỏ sambũt Nau Vay Môsê, tâm ban ma geh bok i này hôm nkũm nuih n'hâm nau mân khân păng mâu ôh ăn vât.

¹⁶Yơn ma nôk du huê plờ sât nsing ma Kôranh Yêsu, bok i này roh bớh bunuyh i này ro.

¹⁷Lõng Kôranh Yêsu, ndrel ma Brah Huêng Ueh jêng nguai dờm, jêh ri bu moh i geh Brah Huêng Ueh Kôranh Yêsu gũ ta păng, păng i này lể tâm ban ma bunuyh mâu hôm ôh jan dâk bu, mâu hôm khăch ôh jan tâng nau vay gay ma geh rklaih.

¹⁸Dâng lể bân i mâu hôm geh bok i này nkũm nuih n'hâm nau mân, jêh ri bân say nau chrêk lợp Kôranh Yêsu nôm, ndâp ma bu say nau chrêk lợp Păng ta bân tâm ban ma say ta ndớ uảnh muh mắt, jêh ri Brah Huêng Ueh dờl rgâl nuih n'hâm nau mân bân, gay ma lơ hô bân jêng tâm ban ma Păng i lể geh nau chrêk lợp.

Kôrintô Rớh 2 4

Bunuyh năk mboh nkoch nau mhe mhan ueh

¹Lah ndri hên mâu ôh dâk nuih n'hâm ta nau jan kar mboh nkoch nau mhe mhan ueh, yorlah Kôranh Brah đã hên jan tă bớh nau yỏ Păng nôm.

²Hên rlăch mâu ũch ôh jan ndơ ndöpf mpôn i geh nau đit prêng. Hên mâu ôh mbrôh bu, mâu ôh nti nklă nau Kôranh Brah, hên mboh nkoch nau ngăn ta năp mắt Kôranh Brah, jêh ri bu moh i gít năl Kôranh Brah lě gít jêh nau i nây jêng di.

³Lah nau khlay ta nau mhe mhan ueh i hên mboh nkoch nây, bu ê hỏ vât tâm ban ma ndöpf mpôn nkũm ma bok, geh ndöpf mpôn ma phung i roh hêng dơm.

⁴Phung i nây mâu ôh nsing, yorlah lě Satăng i kôranh mpôl brah djơh jan ăn nuh n'hâm khân păng jêng ngo, mâu ôh ăn khân păng say nau ang ta nau mhe mhan ueh, nau mhe mhan ueh i nây nhơ nau chrêk lợp Brah Krist, ndrel ma Păng tâm ban ma Kôranh Brah nơm ngăn.

⁵Hên mâu ôh mboh nkoch ma săk hên nơm, hên mboh nkoch Brah Yêsu Krist jêng Kôranh, jêh ri kợp săk hên nơm jêng bunuyh sơm kợl jan kar ăn ma khân ay may yor ma Brah Yêsu.

⁶Kôranh Brah lě lah jêh: 'Ăn lôh ang hỏm boh nau ngo', jêh ri Păng lě ngaang jêh ta nuh n'hâm bân, ăn bân năl nau chrêk lợp Kôranh Brah nơm, i ang chrat boh muh mắt Brah Krist.

⁷Hên geh nau ang ueh i nây ta nuh n'hâm, yơn ma hên jêng tâm ban ma glah uk i hôm blao chah, yơn ma geh đrăp ndơ khlay ta trôm, gay ma ăn bu say nau dơi i dũt kuống ta hên tă boh Kôranh Brah nơm, mâu ôh tă boh săk hên nơm.

⁸Hên geh nau jêr ăp ntil ngăn, yơn ma nau jêr i nây mâu ôh dơi buay hên, geh đong hên mâu gít ôh mơm jan, yơn ma hên mâu ôh mảr nau nơm.

⁹Abơ dja bu jan jêr ma hên, yơn ma Kôranh Brah mâu ôh ntloại hên, geh bu mbang hên ngăn, yơn ma hên mâu khât ôh.

¹⁰Ta dăng lě nau jêr hên tâm ban ma hên gũ ndrel nâng ta nau jêr ndập ma nau khât Brah Yêsu, yơn ma tă boh dăng lě nau i nây bu dơi say ta săk hên nau dơi Brah Yêsu i lě dăk rêh ngăn, yorlah Păng kợl hên nâng.

¹¹Nau rêh hên boi ma khât nâng yor ma hên sơm kơl jan kar ma Brah Yêsu, yơn ma tă bớh dăng lể nau i này bu đơi say ta sắk hên nau đơi Brah Yêsu i lể dắk rêh ngắn, bol lah sắk hên blao khât.

¹²Kơt ndri hên gũ rêh dắch đah nau khât nâng, yơn ma tă bớh nau i này dăng khân ay may geh nau rêh n'ho ro.

¹³Lể geh nchih ta Nau Kờranh Brah Ngơi: ‘Gập nsing ma Kờranh Brah dăng gập ngơi’ . Ta nuih n'hâm hên geh nau nsing kơt này đống, ndri dăng hên hơm mbớh nkoch nau Kờranh Brah.

¹⁴Yor ma bần gít jêh Kờranh Brah lể jan ăn Kờranh Yêsu dắk rêh nớh, ndri Pắng mra jan ăn bần dắk rêh kơt Kờranh Yêsu đống, jêh ri leo bần gũ ta nắp Kờranh Brah nớm ndrel khân ay may đống.

¹⁵Dăng lể nau jêr hên, gay ma geh nau khlay ma khân ay may. Yorlah geh ốk bunuyh mhe gít nắl nau ueh Kờranh Brah, geh đống lơ ma ốk bunuyh lah ueh Kờranh Brah, ndrel ma rnê nau chrêk lợp Pắng lơ ma hô đống.

Nau rêh n'ho ro

¹⁶Lah ndri hên mâu geh nau dắl ôh ta nau jan kar hên. Bol lah sắk jắn hên n'hâm suan lơ ma lể kắđôi, yơn ma ta nuih n'hâm nau mân hên ri lơ ma geh n'hâm suan mhe ắp nar.

¹⁷Nau jêr jốt i hên geh abao dja tâm ban ma để đắ, ndắp ma du blát đơm, yơn ma nau i này jan ăn hên geh nau chrêk lợp dắt hô ngắn i hơm n'ho ro.

¹⁸Lah ndri hên mâu ôh kợp khlay ma ndơ i uắnh say, yơn ma hên kợp khlay ma ndơ i uắnh mâu say, yorlah ndơ i uắnh say tâm ban ma geh du blát đơm, yơn ma ndơ i uắnh mâu say, jêng ndơ i hơm geh n'ho ro.

Kờrintô Rơh 2 5

¹Bần lể gít jêh, sắk jắn bần ta neh ntu dja tâm ban ma chun i jan ma bok ntúk veh gũ đơm, yơn ma nôk bần khât bần mra geh sắk jắn mhe ta bon ueh, jêng tâm ban ma jay i hơm n'ho ro, mâu ôh jan ma ti bunuyh, yơn ma jan ma ti Kờranh Brah nớm.

- ²Ta neh ntu abao dja bân hô ngăn vớl ùch geh sǎk jǎn i mra geh ta bon ueh, ùch rgâl sǎk jǎn mhe, tâm ban ma rgâl kho ao ơm nsoh kho ao mhe,
- ³yorlah bân mra geh sǎk jǎn mhe, mâu ôh tâm ban ma gũ sǎk kuh.
- ⁴Nôk hôm e geh sǎk jǎn ta neh ntu dja bân hôm vớl ngăn, yorlah hôm geh nau jêr jôt. Yon ma bân mâu ùch ôh khât n'ho ma roh sǎk jǎn, bân ùch geh sǎk jǎn mhe, gay ma sǎk jǎn i blao khât dja rgâl jêng sǎk jǎn i rêh n'ho ro, tâm ban ma ndơ rêh ngăn rnguǎn ndơ blao khât.
- ⁵Kôranh Brah nơm njêng bân gay ma geh nau rgâl kơt nây, jêh ri Păng nơm đống i lẽ ǎn Brah Huêng Ueh gũ ta bân tâm ban ma ndơ nchăm, gay ma gĩt nau i nây mra geh ngăn ro.
- ⁶Ndri dâng bân hôm geh nuih n'hâm nsing nập babơ ngăn. Bân gĩt n'hêl jêh, nôk bân hôm geh sǎk jǎn dja, bân ê hỏ gũ ta bon ueh ntũk Kôranh Yêsu.
- ⁷Abao dja bân gũ rêh ma nau nsing, mâu ôh di gũ rêh ma ndơ uǎnh say.
- ⁸Bân geh nuih n'hâm nsing nập ngăn, jêh ri bân ùch lôh bớh sǎk jǎn dja, ueh rlah hǎn gũ ta bon ueh ndrel Kôranh Yêsu.
- ⁹Kơt ndri dâng bân nsrôyh tâng joi ǎn di nuih n'hâm Păng, bol lah hôm e gũ ta sǎk jǎn dja, mâu lah lôh bớh sǎk jǎn dja kađôi,
- ¹⁰yorlah dâng lẽ bân mâu ôh dơi der gũ bớh nấp ntũk Brah Krist nơm phat đoih, gay ma dâng lẽ bân geh play i tả bớh bân nơm jan nôk hôm gũ ta sǎk jǎn dja, bol lah ndơ ueh, mâu lah ndơ djơh kađôi.

Nau rông Brah Krist

- ¹¹Yor ma hên lẽ nǎl nau klach yók ma Kôranh Yêsu, hên nsrôyh mbớh nkoch ma bunuyh ǎn nsing ma Păng đống. Kôranh Brah lẽ gĩt nǎl nuih n'hâm hên, jêh ri gập rơm khân ay may gĩt nǎl nuih n'hâm hên đống.
- ¹²Ndơ i dja mâu ôh di hên rnê êng sǎk hên nơm, yon ma hên ǎn khân ay may geh nau ngơi ueh ma hên, gay ma khân ay may blao ớh đah ma mpôl i ngơi mâu ueh ma hên, mpôl i nây kơp khlay nau ta kalơ ntô dơm, mâu ôh kơp khlay nau ta trôm nuih n'hâm.

13Lah hên jêng tâm ban ma bunuyh trời, hên trời gay ma geh nau khlay ma Kôranh Brah, lah hên jêng nau mân ueh, hên jêng nau mân ueh này gay ma geh nau khlay ma khân ay may.

14Dâng lẽ ndơ hên jan, yorlah nau rông Brah Krist ntrôl hên. Hên iăt ngăn geh du huê bunuyh lẽ khât ntrô ăn ma dâng lẽ bunuyh, lah ndri dâng lẽ bunuyh tâm ban ma khât dadê đống, mâu hôm khách ôh số đơn nau tể dôi h yor ma nau tih.

15Brah Krist lẽ khât jêh ma dâng lẽ bunuyh, gay ma bu moh i gũ rêh, mâu ôh rêh ma săk păng nơm, yơn ma rêh ma Nơm i lẽ khât ma păng, jêng Nơm i đăk rêh này hỡ.

16Ndri dâng ntrôm bớh abao' dja hên mâu hôm ôh uảnh bunuyh kớp bunuyh i mâu gít năl Kôranh Brah. Bớh ntrôm nớh hên mâu ôh kớp khlay Brah Krist kớp dâng lẽ bunuyh i mâu gít năl Kôranh Brah đống, yơn ma abao' dja hên mâu ôh hôm kớp Păng kớp này.

17Bu moh lẽ gũ tâm rnglăp ndrel Brah Krist, bunuyh i này lẽ Kôranh Brah njêng mhe, dâng lẽ ndơ ơm lẽ rgâl jêng mhe dadê.

18Dâng lẽ nau i này jêng tă bớh Kôranh Brah nơm, Păng tâm boh tâm blai bân ăn tâm di ma Păng nơm, yor ma ndơ Brah Krist lẽ jan, jêh ri Păng ăn bân jan kar năk kớl tâm boh tâm blai dja gay ma ăn bunuyh tâm di đăh Păng nơm đống.

19Ta Brah Krist Kôranh Brah tâm boh tâm blai dâng lẽ bunuyh ăn tâm di đăh Păng nơm, Păng mâu ôh klăp ndăng nau tih bunuyh. Jêh ri Păng ăn hên mbớh nkoch nau tâm boh tâm blai i này ma bu đống.

20Lah ndri hên dja jêng bunuyh i Brah Krist đă hăn, jêng sơm ntang ma Păng nơm, jêng tâm ban ma Kôranh Brah ngơi ma khân ay may ta nau ngơi hên. Hên đăn khân ay may hô ngăn tâm ban ma Brah Krist nơm đăn khân ay may kớp nđă: Ăn khân ay may gũ tâm boh tâm blai ndrel Kôranh Brah!

²¹Brah Krist mâu ôh geh nau tih, yơn ma Kôranh Brah kớp Păng geh nau tih, jêh ri Kôranh Brah tể dôih Păng, gay ma ntrở bản, ndrì Kôranh Brah đơì kớp bản lẽ sớng, yor ma bản nsing ma Brah Krist.

Kôrintô Rôh 2 6

¹Yor ma hên jan kar ndrêl Kôranh Brah, khân ay may lẽ sớ đơn jêh nau ueh Kôranh Brah, lah ndrì hên đăn khân ay may hô ngăn: Khân ay may lơi ôh gũ dah ma ứch đơm, tâm ban ma nau ueh Kôranh Brah mâu geh khlay ma khân ay may.

²Yorlah Păng lẽ lah nớh: ‘Gáp ớh nau khân ay may mboh sớ m ta mong Gáp lẽ ớ m ứch, Gáp kớl khân ay may tăt di nar Gáp lẽ ớ m ứch rklaih khân ay may’ . Nôk abao đja jêng mong i này, nôk nar đja jêng nar Kôranh Brah rklaih.

³Hên nsrôyh gũ ngao ueh, gay ma mâu ôh geh du ntil đơ ă n bu nduih hên, n'ho ma tâm rlăch mâu ôh sớ đơn nau hên ntũm nti, yor ma nau gũ ngao hên mâu ueh này.

⁴Đang lẽ đơ hên jan, hên nhhớ ă n bu say hên bunuyh sớ m kớl jan kar ma Kôranh Brah ngăn ngên: Ta nau gũ nập ta nau nsing, bol lah geh ăp ntil nau jêr jôt, mậ ma nau rêh rnhăl, nau nklôn rvê,

⁵nau bu pũ mbang hên, nau bu tể hên trôm ndrung, nau bu jan nau uh ah, nau hên jan kar rớah rgănh, nau hên rgống măt, nau hên mâu geh đơ sớng sa.

⁶Hên nhhớ ă n bu say hên bunuyh sớ m kớl jan kar ma Kôranh Brah ngăn ngên ma nau gũ ngao ueh, ma nau gĩt năl Kôranh Brah, ma nau blao ăt nuih, ma nau jan ueh ma bu, ma nau Brah Huêng Ueh i kloh ueh gũ ndrêl hên, ma nau geh nuih n'hâm rống ma bu rắp jắp,

⁷ma nau mboh nkoch nau ngăn, ma nau đơì Kôranh Brah nớ m. Nau hên gũ sớng jêng tâm ban ma đớng đao ma tâm lơh ta ti bớh ma, đớng khêl ma njrắng ta ti bớh chiao.

⁸Bu say hên bunuyh sơm kơl jan kar ma Kôranh Brah ta nau bu yơk hên, ta nau bu biãnh, ta nau bu mưch rmot, ta nau bu rnê. Bu kơp hên jêng bunuyh mbrôh, yơn ma hên jêng bunuyh sỡng.

⁹Bol lah bu lữ hên kađôi, ốk bunuyh hôm kơp hên mâu geh nau khlay. Hên bỡi ma khât bảbớ ngắn, yơn ma hên hôm rêh. Bu pữ mbang, yơn ma hên mâu ôh khât sắk.

¹⁰Bu jan ăn hên geh nau nklõn rngot, yơn ma hên ueh maak bảbớ ngắn. Hên bunuyh o ach, yơn ma hên tâm ban ma jan ăn bunuyh jêng ndrõng ốk ngắn, uảnh hên tâm ban ma mâu ôh geh du ntil ndrớ, yơn ma hên geh dadê.

¹¹Ớ oh nô ta nau nsing ta bon Kôrintô, hên ngời ma khân ay may ma lể nuih n'hâm ngắn, hên mâu ôh pôn mo.

¹²Nuih n'hâm hên mâu ôh geh nau keh koh ma khân ay may, bol lah nuih n'hâm khân ay may nỡm i geh nau keh koh nây ma hên.

¹³Hên ngời ma khân ay may tâm ban ma ngời ma kon sau hên nỡm ngắn, lah ndrỉ ăn khân ay may geh nuih n'hâm ueh ma hên dô, tâm ban ma hên lể geh nuih n'hâm ueh ma khân ay may đõng.

Nau tâm nkah đah bunuyh i mâu nsing

¹⁴Bu mâu ôh mbắk ndrel mpômpa (siũm), nguai ndrôk, nguai seh, kớt ndrỉ đõng lơi ôh tâm rnglắp jan ndrel ndrớ ma bunuyh i mâu nsing, yorlah nau sỡng đah nau kue gữ ndrel mâu ôh blao, nau ang đah nau ngo gữ ndrel kớ mâu blao đõng.

¹⁵Brah Krist đah Satắng i kôranh mpôl brah djớh blao tâm lắp bắl đõng bớh? Bunuyh nsing đah bunuyh mâu nsing blao gữ du ntờ nau bắl đõng bớh?

¹⁶Nhiih brah Kôranh Brah nỡm đah ma ntũk ôp brah blao tâm lắp bắl đõng bớh? Yorlah dắng lể bắn jêng tâm ban ma nhiih brah Kôranh Brah nỡm, brah i rêh ngắn, Pắng lể lah jêh kớt nđá: ‘Gắp mra gữ ta khân pắng, jêh ri hắn bớ bắ ndrel khân pắng đõng. Gắp mra jêng i brah khân pắng Jêh ri khân pắng jêng i phung bon lan Gắp nỡm’ .

¹⁷Lě geh nchih đōng: ‘Kôranh Brah lah: ‘Lah ndrī du hōm bōh phung i mâu iăt Gáp nây, Jêh ri gũ êng rnhōh hō Lơi ôh pah ndrī i bở bōch, Ndrī dâng Gáp rom khân ay may’ .

¹⁸“Gáp mra jêng bở ma khân ay may, Jêh ri khân ay may mra jêng i kon bu ur kon bu klô Gáp nơm đōng’ Ndrī nau ngơi Kôranh Brah nơm i dũt geh nau đơi ma dâng lě ntil ndrī’ .

Kôrintô Rơh 2 7

¹Ở oh nô ta nau nsing i gáp rōng, lah bân lě geh jêh nau Kôranh Brah ton i nây, ăn bân mbărlơi dâng lě ndrī bở bōch ta nau rêh bân nơm, ndâp ma ndrī i bân jan, ndâp ma ndrī ta nuh n'hâm, ăn bân gũ dũt kloh ueh, yor ma klach yơk ma Kôranh Brah.

Pôi rằm maak

²Ăn khân ay may kơp khlay ma hên ta nuh n'hâm khân ay may! Hên mâu ôh prot jan tih ma du huê bunuyh, hên mâu ôh prot leo du huê hiơt, hên mâu ôh prot sa nsiăn ndrī bu du huê.

³Hên ngơi kơt nây mâu ôh di gay ma nduih khân ay may. Lě gáp mboh jêh ma khân ay may a lor nơh, hên rōng khân ay may, rêh ndrel khât ndrel khân ay may.

⁴Ta nuh n'hâm gáp, gáp nsing khân ay may jan ueh, gáp nkoch nau ueh khân ay may ma bu êng. Nuh n'hâm gáp lě rthi yor ma khân ay may, gáp rằm maak ma khân ay may dũt hô, bol lah geh ăp ntil nau rêh rnhăl kađoi.

⁵Nôk hên tăt ta bri Masêđôn, nuh n'hâm hên mâu ôh geh nau đăp mpăn. Hên geh ăp ntil nau rêh rnhăl, geh nau tâm rdâng ma bu, ta trôm nuh n'hâm geh nau rvê.

⁶Yơn ma Kôranh Brah nơm i rthi nuh n'hâm bunuyh i geh nau rngot rvê, Păng rthi nuh n'hâm hên yor ma Titus lě tăt jêh ta hên.

⁷Nuh n'hâm hên lě rthi mâu ôh đơn ma păng lě tăt nây đơm, yor ma păng mboh nkoch ma hên nau mhe bōh khân ay may i nau khân ay may rthi nuh n'hâm păng. Păng mboh ma hên, khân ay may hô ngăn ũch mập hên, khân ay

may lě rngot yor ma nau djơh i geh ta khân ay may nơh, ndập ma khân ay may hô ngăn ếch iăt nau gập, dăng lě nau i nây jan ăn gập rằm maak lơ ma hô ngăn.

⁸Bol lah sambüt i gập njuăl a lor nơh jan ăn khân ay may geh nau rngot ta nuih n'hâm kađôi, kỗ gập mâu hôm geh nduih tôr đống, bol lah bớh ntơm nơh gập geh nau nduih tôr du n'hâm, yorlah gập tăng nau i gập nchih nây jan ăn khân ay may geh nuih n'hâm rngot.

⁹Yơn ma abao' dja gập ueh maak, nau gập ueh maak i nây mâu ôh yor ma jan i ăn khân ay may rngot, yơn ma gập ueh maak yor ma nau rngot i nây jan ăn khân ay may rgâl lơi nuih n'hâm djơh nơh, nau khân ay may rngot nơh jêng di đah nau Kôranh Brah ếch. Kớt ndri dăng gập mâu geh ôh jan ăn khân ay may jêng djơh.

¹⁰Nau rngot i di đah nau Kôranh Brah ếch, jan ăn rgâl lơi nuih n'hâm djơh, gay ma geh nau rklaih, nau i nây mâu geh ôh nduih tôr. Yơn ma nau rngot i mâu ôh leo rgâl nuih n'hâm djơh bêng ma leo ta nau Kôranh Brah tể dôi h n'ho ro.

¹¹Lõng khân ay may mân, nau i khân ay may rngot nây nơh moh bả geh nau khlay ma khân ay may: Khân ay may ếch ngăn jan ăn ueh rgâl lơi nau i djơh nơh, khân ay may ji nuih ngăn ma nau djơh i nây, khân ay may klach Kôranh Brah tể dôi h khân ay may ndập ma bunuyh i nây, khân ay may ếch mạp gập ngăn, khân ay may ếch ngăn tể dôi h ma bunuyh i nây. Dăng lě nau i nây jêng nhơ n'hêl nanẽ ngăn khân ay may mâu ôh geh nau tih ta nau i nây.

¹²Lah ndri nau i gập nchih njuăl ăn khân ay may nây nơh, mâu ôh di yor ma du huê bunuyh i jan tih, mâu lah ma bunuyh i sỗ đơn nau tih i nây, nau gập ếch nchih nây gay ma nhơ ta nấp mắt Kôranh Brah nau i khân ay may lě ếch ngăn jan tâng nau hên.

¹³Dăng lě nau i nây jan ăn rthi nuih n'hâm hên. Yơn ma rlau bớh nau rthi i nây jăt hên rằm maak, yor ma Titus rằm maak, tã bớh khân ay may rthi nuih n'hâm păng.

¹⁴Nau i gáp lě nkoch nau ueh khân ay may ăn ma Titus nơh, gáp mâu ôh geh nau đit prêng, yorlah khân ay may lě jan kơt nây ngăn. Dâng lě nau i hên mboh nkoch ma khân ay may nơh di ngăn, kơt ndri đổng nau hên mboh nkoch ma Titus say di ngăn đổng.

¹⁵Nôk păng kah gít ma nau dâng lě khân ay may geh nuih n'hâm iăt păng, ndrel ma rom păng ma nau klach yơk nây nơh, păng geh nuih n'hâm rổng ma khân ay may lơ hô ngăn.

¹⁶Gáp maak dứt hô ngăn, yor ma gáp dơi nsing ma khân ay may dâng lě nơ jan.

Kôrintô Rơh 2 8

Nau tể nhhơ ma Kôranh Brah

¹Ở oh nô ta nau nsing, hên dẫn mboh ăn khân ay may gít nơ i Kôranh Brah lě jan tă boh nau ueh Păng nơm ta phung nsing ma Brah Krist ta ắp ntúk ta bri Masêđôn.

²Bol lah phung khân păng i nây geh nau rêh rnhăl dứt hô kađôi, khân păng hôm geh nau rằm maak dứt hô ngăn, jêh ri bol lah khân păng o ach dứt hô kađôi, khân păng hôm e geh nuih n'hâm nhhơ ők ngăn đổng gay ma kơl bu êng.

³Gáp nơm say, phung khân păng i nây ăn prăk tâng i nau khân păng nơm geh ők, jêh ri ăn ők rlau ma i nây jăt, ăn lě boh nuih n'hâm jăt.

⁴Khân păng mboh ma hên, khân păng dứt hô ngăn ếch, gay ma dơi kơl phung bon lan Kôranh Brah ta bon Yêrusalem, kơt phung nsing ta ntúk êng kơl đổng.

⁵Nau i khân păng nhhơ kơt nây, jêng rlau boh nau hên lě geh mân nơh ngăn, khân păng nhhơ săk khân păng nơm ma Kôranh Brah lor, jan tâng nau Kôranh Brah đă ma lě nuih n'hâm, jêh boh nây khân păng nhhơ săk khân păng nơm ăn iăt nau hên, jêng di đah nau Kôranh Brah ếch ngăn ro.

⁶Kốt ndrì dâng hên ntrôl Titus, plở tay ta khân ay may, gay ma leo khân ay may jan ăn jêh nau nhhơr kar ueh khân ay may i nây, kốt i păng lể jêh ntơm leo khân ay may ma nau i nây nơh.

⁷Gập vay say khân ay may jan dâng lể ndr đút ueh ngăn, nau nsing khân ay may nập ngăn, khân ay may blao nti bu, khân ay may lể gít vât nau Kôranh Brah, khân ay may nsrôyh ta ăp ntil ndr, jêh ri ndâp ma geh nuih n'hâm rông ma hên. Lah ndrì nau rgum prăk nhhơr i nây ăn khân ay may jan đút ueh đổng.

⁸Gập ngơi kốt nây mâu ôh di gập đả khân ay may, yơn ma gập ứch say nuih n'hâm rông khân ay may răp jăp kốt nuih n'hâm rông phung nsing ta ntũk êng mâu lah mâu.

⁹Khân ay may lể gít jêh nau ueh Brah Yêsu Krist, Păng ndrông ngăn ta kalo trôk, yơn ma Păng rgâl jêng o ach jêng bunuyh ta neh ntu, yor ma khân ay may, gay ma ăn khân ay may jêng ndrông tă bơh nau o ach Păng nây.

¹⁰Gập mân lah ueh ma khân ay may jan kốt nđa: Năm e nơh khân ay may lể ứch nhhơr kốt nây lor bu nơh, jêh ri ntơm nhhơr đổng.

¹¹Lah ndrì ăn khân ay may jan jêh hỏm ndr i nây dô. Mơm bả nuih n'hâm khân ay may lể ndr jêh bơh ntơm nơh, ăn jan ngăn jêng tâm di kốt i nây đổng dô, tâng i khân ay may geh.

¹²Lah bân geh nuih n'hâm ứch ăn, Kôranh Brah răm maak ma ndr i ăp nơm dơi ăn, Păng mâu ôh ứch bân ăn rlau ma ndr bân geh.

¹³Gập mâu ôh ứch khân ay may mâu tống tă bơh kớl bunuyh a êng, yơn ma gập ứch dâng lể bảl ăn geh dadê.

¹⁴Abơ dja khân ay may geh ốk rmeh, blao kớl khân păng i mâu tống, lah tât khân păng geh ốk rmeh, khân păng mra kớl khân ay may đổng nôk khân ay may mâu tống. Lah ndrì dâng lể bảl geh tâm ban.

¹⁵Ta Nau Kôranh Brah Ngơi lể nchih jêh ma phung Israel nôk khân păng đôngh ndr sông sa Mana ta bri rdah nơh: 'Bu moh i đôngh geh ốk kớ mâu rmeh đổng, Bu moh i đôngh geh để đả dơm kớ mâu pah pốt đổng' .

Titus, đah bunuyh i jan kar ndrel păng

¹⁶Lah ueh ma Kôranh Brah, yorlah Păng ăn Titus geh nuih n'hâm goyh nđơ ứch kơl khân ay may kơt gập đống.

¹⁷Titus mâu ôh đơn ứch tâng nau hên đăn hăn ta khân ay may du tở tay, rlau bơh nây jât păng geh nuih n'hâm goyh nđơ êng sắk păng nơm hăn a khân ay may.

¹⁸Jêh ri hên ăn du huê oh nô ta nau nsing hăn ndrel, păng bunuyh i phung nsing ta ăp ntũk rnê hô ngăn ma nau păng mboh nkoch nau mhe mhan ueh.

¹⁹Rlau bơh nây jât, phung nsing ntũk êng êng lể kơih jêh păng ăn hăn ndrel hên ta nau rgum prăk nhhơ i nây, nau nhhơ i nây jêng du ntil nau sơm kơl jan kar i yơk Kôranh Brah, ndrel ma ăn bu say đống nau hên geh nuih n'hâm goyh nđơ ứch kơl bu.

²⁰Hên jan kơt nây gay ma mâu ôh geh du huê bunuyh đơi nduih hên ta nau đống prăk i bu nhhơ ăn ők ngăn lể bơh nuih n'hâm nây.

²¹Hên nsrôyh jan ueh ma dâng lể nđơ, mâu ôh đơn ta năp mắt Kôranh Brah đơm, nđâp ma ta năp mắt dâng lể bunuyh đống.

²²Jêh ri hên ăn oh nô du huê jât ăn hăn ndrel khân păng bar hê nây. Hên lể vay rlong nuih n'hâm păng ők tở, say păng goyh hô ngăn jan ăp ntil nđơ. Jông dja păng ứch nhhơ nuih n'hâm goyh nđơ rlau bơh a lor nơh jât, yorlah păng nsing hô ngăn khân ay may ứch kơl ngăn.

²³Titus jêng mât jăng gập jêng bunuyh i sơm kơl jan kar ma khân ay may ndrel gập. Khân păng i bar hê hăn ndrel i nây jêng sơm ntang phung nsing ntũk êng êng, nau gũ rêh bar hê khân păng nây ueh ăn bu rnê ma Brah Krist.

²⁴Lah ndri ăn khân ay may nhhơ nau rông khân ay may ma khân păng dô, gay ma phung nsing ăp ntũk say n'hêl nau hên rnê khân ay may nơh jêng di ngăn.

Kôrintô Rơh 2 9

Nau rgum prăk ma kơl phung nsing ta đon Yêrusalem

¹Gâp mâu hêm ôh khăch nchih sambüt njuäl ăn ma khân ay may jât, gay ma mbơh nkoch nau nhơr prăk ma kơl phung bon lan Kôranh Brah ta bon Yêrusalem,

²Yorlah gâp lě gít jêh khân ay may ếch ngăn kơl khân păng, gâp lě rnê khân ay may mbơh nkoch ăn ma phung nsing ta bri Masêđôn lah: “Phung nsing ta bri Akhây lě ndrăp nhơr bơh năm e nơh.” Jêh ri nau gơyh ndrơ khân ay may lě ntrôl nuih n'hâm bunuyh ők ta bri Masêđôn ma nhơr prăk.

³Yơn ma gâp hêm ăn mpôl oh nô i nây hăn a khân ay may, gay ma khân păng say ndrơ i gâp lě rnê khân ay may nơh jêng ngăn, jêh ri nôk hên tât ta khân ay may tay, khân ay may lě ndrăp jêh prăk nhơr kơt gâp lě ngơi nây.

⁴Lah geh oh nô tă bơh bri Masêđôn hăn ndrel hên a khân ay may, lah say khân ay may ê hữ jêh ndrăp ôh, lah ndrì mâu ôh geh đơn hên đơm geh nau đit prêng, ndâp ma khân ay may kỗ geh nau đit prêng đơng, yorlah hên lě nsing khân ay may hô ngăn.

⁵Kơt ndrì dăng gâp mân di dăn mpôl oh nô i nây hăn lor a khân ay may, gay ma ndrăp prăk ők i khân ay may lě ton nây nơh ăn jêh phiao. Lah ndrì bu mra say khân ay may ăn ma lě nuih n'hâm, mâu ôh tă bơh nau nchâp.

Bu moh i tuch ők geh ők đơng

⁶Ăn khân ay may gít ma nau dja: Bu moh i tuch đễ mra rek geh đễ đơng, yơn ma bu moh i tuch ők mra rek geh ők đơng.

⁷Lah ndrì ăn ăp nơm khân ay may tễ nhơr tâng i nuih n'hâm khân ay may nơm lě ếch, mâu ôh ăn ma nau nhhuach, mâu ôh ăn ma nau nchâp, yorlah Kôranh Brah ếch ma bu moh i ăn ma bu ma nuih n'hâm maak.

⁸Păng đơi ăn nau geh jêng ők rmeh ma khân ay may, gay ma geh ăp ntil ndrơ đơng ma khân ay may ăbơ, jêh ri hêm ők rmeh đơng, gay ma jan ăp ntil ndrơ ueh ma bu.

⁹Kơt Nau Kôranh Brah Ngơi lě geh nchih lah: ‘Bunuyh i pã ndrơ ma bu, i ăn ndrơ ma bunuyh o ach, Nau sỡng păng hêm gũ krêp n'ho ro’ .

¹⁰Kôranh Brah i ăn gǎr ntil ma tuch, ndrel ma ăn ndơ sông sa, pǎng mra mât gǎr ntil khân ay may, ndrel ma ăn gǎr ntil i này geh ők đống, gay ma ndơ ueh i khân ay may jan ma bu geh ők ngǎn, nau i này tâm ban ma geh play ők ngǎn.

¹¹Pǎng mra jan ăn khân ay may jêng ndrǒng ta dǎng lǐ ntil ndơ, gay ma khân ay may geh ndơ nâng ma kǒl bu ma lǐ nuh n'hâm, jêh ri mra geh ők bunuyh lah ueh ma Kôranh Brah prǎk i khân ay may nhhơ hên de ndjôt.

¹²Nau rgum prǎk nhhơ i này mâu ôh đơn ma kǒl ma phung bon lan Kôranh Brah đơm, rlau bǒh này jât lơ ma ők đống bunuyh lah ueh Kôranh Brah ma nau nhhơ i này.

¹³Tǎ bǒh nau rgum prǎk khân ay may i này, bu mra rnê Kôranh Brah, yor ma khân ay may ăn ők prǎk ma khân pǎng, ndâp ma dǎng lǐ phung nsing, bu mra rnê Kôranh Brah đống, yorlah nau khân ay may jan này, nhhơ khân ay may nơm jan tâng nau nti ta nau mhe mhan ueh Brah Krist ngǎn.

¹⁴Khân pǎng mra mbǒh sǒm dǎn Kôranh Brah ăn ma khân ay may, ndâp ma geh nuh n'hâm rǒng ma khân ay may, yor ma khân pǎng say nau ueh Kôranh Brah dứt kuǒng geh ta khân ay may.

¹⁵Dǎn lah ueh Kôranh Brah ma nau i Pǎng ăn ma bân này i mâu hôm ôh blao ntât.

Kôrintô Rơh 2 10

Pôl ơh nau bu ntôn pǎng

¹Geh bunuyh abǎ lah gâp, nôk gâp gũ ndrel khân ay may gâp jan bunuyh mâu bǎnh ngơi dǎng, tih ma nôk gũ ngai jan janh đǎh khân ay may hô ngǎn. Gâp dǎn khân ay may ma nuh n'hâm mleh, ndrel ma nuh n'hâm dêh rhêt Brah Krist,

²gâp dǎn khân ay may hô ngǎn, gay ma nôk gâp hǎn a khân ay may tay lơi ôh ăn gâp geh nuh n'hâm janh đǎh bunuyh i mân lah hên gũ ngao jan ndơ tâm ban ma bunuyh i mâu nsing ma Brah Krist.

³Bol lah hên bunuyh gũ ta neh ntu dja kađôi, kỗ hên mâu ôh tâm lơh kơt bunuyh ta neh ntu dja.

⁴Nđơ tâm lơh i hên đổng này, mâu ôh di nđơ tâm lơh i bu đổng ta neh ntu dja, yơn ma jêng nđơ i geh nau đơi tă bớh Kôranh Brah i đơi lơh rlôm lơi nau mâu bunuyh i tâm rdâng đah Kôranh Brah, tâm ban ma lơh rlôm lơi pôyh.

⁵Hên lơh rlôm lơi dâng lể nau rlăch bunuyh i kớp êng geh nau khlay, i tâm rlăch đah nau nti nau Kôranh Brah. Hên rgum dâng lể nau mâu i tâm rdâng đah nau Brah Krist, jêh ri jan ăn iătt Brah Krist.

⁶Jêh ri tât khân ay may lể jêh iătt dâng lể nau Brah Krist đă, gập lể ndrăp nuinh n'hâm jêh, ma tể đơih bunuyh i hôm đăng ko mâu ếch iătt.

⁷Ăn khân ay may mâu ma nđơ i khân ay may lể say n'hêl, jêh ri bu moh i kớp êng săk păng nờm jêng bon lan Brah Krist, păng i này mra say hên jêng bon lan Brah Krist kớp păng nờm đổng.

⁸Kôranh Brah lể ăn jêh nau đơi ma hên, Păng ăn nau đơi i này gay ma kớl khân ay may, mâu ôh di gay ma lơh lơi khân ay may. Bol lah gập rnê êng săk ma nau đơi i này hô ir kađôi lể, kỗ mâu geh nau đit prêng đổng.

⁹Gập mâu ôh di lah ếch ăn khân ay may klach, yor ma sambũt gập.

¹⁰Geh bunuyh abă ta phung khân ay may lah: “Ta sambũt Pôl geh nau ngơi đăng đăng ngă, yơn ma nôk păng nờm hăn ta dja păng mâu ôh bảnh ngơi đăng, jêh ri nau ngơi mâu đổng geh khlay.”

¹¹Bunuyh i ngơi kớp này ăn păng gĩt văt, mớu nau gập nchih ta sambũt nôk gập mâu ôh gũ ndrel, gập mra jan kớp này đổng nôk gập gũ ndrel.

¹²Mpôl bunuyh ta phung khân ay may, nau i khân păng rnê êng săk khân păng nờm, nau i này mâu ôh ueh. Khân păng kớp khlay ta săk khân păng nờm tă bớh khân păng tâm rdâl ndrăng khân păng nờm ma săk khân păng nờm, mpôl i này rluk măt đơm. Hên mâu ếch ôh tâm rdâl hên nờm đah khân păng.

¹³Yơn ma hên, hên mâu ôh rnê êng sắk hên nỡm rlau ir ma ndơ ueh i hên lể jan, hên ngời ma ndơ Kôranh Brah lể ăh hên jan du ri đơm, jêh ri Păng ăh hên hăn nti tăt ta ntũk khân ay may đờng.

¹⁴Hên lể hăn tăt ta khân ay may jêh, ndập ma leo nau mhe mhan ueh Brah Krist ta ntũk khân ay may lor hên đờng, lah ndri hên mâu ôh rnê êng sắk hên nỡm rlau ir ma nau i hên lể nti khân ay may.

¹⁵Hên mâu ôh ntup ma ndơ bu êng lể jan. Jêh ri hên nỡm, nau nsing khân ay may lơ ma nập ngăn, ndrel ma nau hên jan kar ta khân ay may lơ ma hô jăt.

¹⁶Jêh ri hên đơi hăn mbớh nkoch nau mhe mhan ueh ta ntũk êng êng jăt ngai bớh bri khân ay may nây, ta ntũk ê hỏ geh bu êng hăn mbớh nkoch. Lah ndri bu mâu ôh đơi lah, hên ntup jan ta ntũk bu êng lể jan.

¹⁷Lể geh nchih jêh ta Nau Kôranh Brah Ngời: ‘Bu moh i ngời ndơ ueh ta sắk păng nỡm, ăh păng ngời ma ndơ ueh Kôranh Brah lể jan hỏ’ .

¹⁸Nau rnê êng sắk nỡm mâu ôh geh khlay, yơn ma nau Kôranh Brah rnê i geh nau khlay.

Kôrintô Rớh 2 11

Pôi, ndrel kôranh oh mon nklă

¹Gập dẫn khân ay may yỏ ma gập bắ, yorlah gập ngời tâm ban ma bunuyh rluk mắl bắ, dẫn yỏ ma gập bắ!

²Gập grang khân ay may tâm ban ma Kôranh Brah grang khân ay may, yorlah gập lể tâm ban ma vắng jêh khân ay may ăh geh du huê sai Brah Krist hỏ, gập ứch leo khân ay may, tâm ban ma leo bu ur drôh ntang khat ma ăh Brah Krist.

³Yơn ma gập rvê, klach lah geh bu leo khân ay may lôh bớh nau i khân ay may tâng Brah Krist rắp jắp ma lể nuh n'hâm, tâm ban ma Satắng i kôranh mpôi brah djớh i bết nây leo mbrôh rlắm Êva đơi.

⁴Yorlah nôk geh bunuyh a êng hăn nti nau Brah Yêsu êng bớh hên lể nti nỡh, mâu lah khân pắng nti brah huêng a êng bớh Brah Huêng Ueh i khân ay may

lẽ sỏ đơn nớh, mâu lah khân păng nti nau mhe mhan ueh êng bớh hên lẽ ntũm nti khân ay may nớh, ndrì khân ay may sỏ đơn nau khân păng ntũm nti i này, khân ay may mâu ôh rlăch.

⁵Khân păng n'hi êng sắk khân păng nớm jan kôranh oh mon dứt kuống ngắn, yớn ma khân păng mâu ôh kuống rlau gáp.

⁶Bol lah gáp mớh ngới mâu lắng blao kađôi, gáp hôm geh nau gít blao đờng, kớt gáp lẽ nhớ jêh nau i này ma khân ay may dắng lẽ ntil đớ nớh.

⁷Nôk gáp mớh nkoch nau mhe mhan ueh Kôranh Brah ắn ma khân ay may nớh, mâu ôh gáp sỏ khlay, nau i này gáp lẽ njữr êng sắk gáp nớm, gay ma n'hao khân ay may. Lah ndrì ah gáp jan kớt này tih bớh?

⁸Gáp lẽ sỏ jêh prắk bớh phung nsing ta ntũk êng êng, gáp tâm ban ma ntũng bớh khân păng gay ma sớm kớl jan kar ma khân ay may, mâu ôh sỏ khlay bớh khân ay may.

⁹Nôk gáp gũ ndrel khân ay may nớh, lah gáp geh nau mâu tồng gáp mâu ôh đắn đớ du huê ta mpôl khân ay may, gáp lẽ geh oh nô ta nau nsing tắ bớh bri Masêđôn kớl gáp ta nau mâu tồng i này. Dắng lẽ đớ mâu tồng, gáp mâu ôh ắn khân ay may geh nau jêr yor ma kớl gáp, bol lah jắt nắp tay, gáp mâu đờng đắn khân ay may kớl gáp.

¹⁰Gáp ngới ngắn, yorlah Brah Krist i nau ngắn gũ ta gáp: Gáp mâu mra sỏ đớ bớh du huê ta bri Akhây i bri khân ay may, gay ma gáp hôm blao ngới kớt này nắng.

¹¹Lah ndrì moh yor gáp mâu ắch sỏ đớ bớh khân ay may? Yor ma gáp mâu rồng khân ay may bớh? Mâu ôh! Kôranh Brah lẽ gít jêh gáp rồng khân ay may.

¹²Yớn ma đớ i gáp jan này, gáp hôm jan jắt nắp jắt, gay ma khân păng i nti êng bớh i hên lẽ ntũm nti, mâu geh nau ma lah nau jan kar khân păng ueh tâm ban ma nau jan kar hên.

¹³Khân păng i này jêng kôranh oh mon nklă, jêng mpôl mbrôh, nklă sắk khân păng nớm jan kôranh oh mon Brah Krist đớm.

¹⁴Nđơ i nây khân ay may lơi dăng ôh ndrốt hih rhöl, bol lah Satăng i kôranh mpôl brah djơh njêng sắk păng nơm jan tông pǎr Kôranh Brah i tông pǎr nau ang đống.

¹⁵Lah ndri mâu ôh geh nau ndrốt hih rhöl, lah mpôl i jan kar ma Satăng nây, khân păng nklă sắk khân păng nơm jan bunuyh sồng i sơm kơl jan kar ma Kôranh Brah. Ta nar n'glě dút tay Kôranh Brah mra tể dôi h ma khân păng tâng nđơ i khân păng nơm lể geh jan nây.

Nau Pôl ngơi ma sắk păng nơm

¹⁶Gập dẫn mboh tay du tở jât, lơi ôh ăn du huê bunuyh kớp gập jêng bunuyh rluk mál yor ma nđơ gập nchih ma sắk gập nơm, yơn ma lah khân ay may kớp gập jêng bunuyh rluk mál kađôi, ăn khân ay may hôm sỏ đơn ma nđơ gập nchih n'hi êng sắk dja.

¹⁷Nau i gập nchih dja ma nđơ ueh nđơ khlay ta sắk gập nơm, mâu ôh tâm di ma nau Kôranh Yêsu rnê, yơn ma gập jan tâm ban ma bunuyh rluk mál.

¹⁸Yor ma geh ők bunuyh i n'hi êng sắk ma nđơ khân păng jan i bunuyh mâu nsing kớp ueh kớp khlay. Ndri gập n'hi êng sắk kọt nây đống,

¹⁹yorlah khân ay may rằm maak sỏ đơn nau bunuyh rluk mál kọt nây, kớp êng sắk khân ay may nơm jêng bunuyh gít blao.

²⁰Khân ay may lể ăn bu jan kôranh tũn jot khân ay may, ăn bu sa nsiăn nđơ khân ay may, ăn bu sỏ đrăp nđơ khân ay may, ăn bu mưch khân ay may, ndrel ma ăn bu tap tâm bom khân ay may.

²¹Gập mâu ôh jan kọt khân păng i nây, klăp lah geh bunuyh abă lah gập mâu ôh geh nau đơi ma jan kọt khân păng i nây. Mâu di ôh, jêh ri gập mâu ôh đit prêng, yor ma mâu ôh jan kọt khân păng i nây. Moh nđơ i bu bảnh ngơi nđơ ueh ta sắk păng nơm, gập bảnh ngơi đống, bol lah ngơi kọt nây jêng ngơi tâm ban ma bunuyh rluk mál kọt nđă:

²²Ah mpôl i nây blao ngơi nau ngơi Hêbrơ bơh? Gập dja blao ngơi nau ngơi Hêbrơ đống! Ah mpôl i nây jêng phung Israel bơh? Gập dja jêng phung Israel

đồng! Ah mpôl i nây i rnoi deh Abrahăm bôh? Gâp dja i rnoi deh Abrahăm
đồng!

Nau jêr Pôl nôk nsong jan kar

²³Ah mpôl i nây jêng bunuyh sôrm kôl jan kar ma Brah Krist bôh? Ta dja gâp
ngôi tâm ban ma bunuyh trơi ngă, gâp jêng bunuyh i sôrm kôl jan kar ôk
rlau ma mpôl i nây jât. Gâp jan kar rơah rgănh rlau ma mpôl i nây, geh
ndrung kô ôk rlau ma mpôl i nây đōng, bu rpăt bu mbang ôk rlau, jêh ri geh
ôk tở gâp bôri ma khăt đōng.

²⁴Prăm tở phung Israel rpăt gâp ma mōng rse 39 tong.

²⁵Bu mbang gâp ma mōng pe tở, ntũp gâp ma lũ du tở, geh ngôm duk kuōng
pe tở, geh du tở dak văch dak văr de rdu du năng du nar.

²⁶Gâp nsong trong năng, gâp bôri ma khăt nôk rgănh dak rlai êng êng, gâp bôri
ma khăt nôk mập đah mpôl ntũng, gâp bôri ma khăt yor ma phung Israel i
phung gâp nôm, gâp bôri ma khăt yor ma phung i mâu di phung Israel, gâp
bôri ma khăt ta bon kuōng, gâp bôri ma khăt ta bri rdah, gâp bôri ma khăt rỏ
dak văch dak văr, gâp geh nau jêr tă bôh mpôl oh nô ta nau nsing i nklă.

²⁷Gâp jan kar ma nau rơah rgănh, ma nau jêr jôt, ma nau rgeh ôk măng, ma
nau ji ngot ma nau ji hir, ôk tở gâp mâu ôh geh ndơ sông sa, ôk tở gâp geh ji
kăt ji go, gũ kôh lahôk.

²⁸Rlau bôh nây jât, ăp nar gâp geh nau rvê đōng ma dăng lě phung nsing ăp
ntũk.

²⁹Lah geh du huê bunuyh lě suan, gâp kô geh nau rvê ma păng đōng, lah geh
bu leo du huê oh nô ta nau nsing jan tih, gâp ji nuih hô ngă!

³⁰Lah ma gâp ngôi nau ueh ta săk gâp nôm, gâp ứch ngôi ma nau êng êng i
nhhơ gâp i bunuyh ta nâm bu dơm.

³¹Kôranh Brah i bở Kôranh Yêsu, Păng gít jêh gâp mâu ôh ngôi mbrôh, dăn
rnê ma Păng babơ n'ho ro.

³²Nôk gâp gũ ta bon Đamas nơh, kôranh bon i gũ ta nâm kadăch Arêtah, đă
kon taken gũ kôp ta bôk mpông bon, gay ma nhũp gâp,

³³yơn ma gâp lăp gũ ta du mlôm bĩ, jêh ri bu yur gâp rỏ mpông bloh mpêr bon, ndrì gâp klaih bớh ti păng nây.

Kôrintô Rôh 2 12

Pôl nkoch nau tâm say

¹Bol lah nau n'hi êng sắk gâp nờm mầu geh nau khlay kađôi, hôm iắt ma gâp ngời ma ndrì i Kôranh Brah lể nhớ jêh ma gâp ta nau tâm say, ndrêl ma ndrì i Păng pớk ăn gít.

²Gâp nắl du huê bu klô i nsing ma Brah Krist, nôk 14 năm a lor nớh, Kôranh Brah pứ păng ta kalớ trớk i ntúk Kôranh Brah nờm tát ta ntúk pe đắp - yơn ma gâp mầu gít lah sắk jắn hao ngắn, mầu lah man ma tâm say đờm, Kôranh Brah đờm i nắk gít.

³Gâp gít Kôranh Brah pứ bu klô i nây a bon ueh - yơn ma gâp mầu gít ôh lah sắk jắn păng hao ngắn, mầu lah man ma tâm say đờm, Kôranh Brah đờm i nắk gít.

⁴Păng tắng nau i đứt nau ngắn, yơn ma Kôranh Brah buay mầu ôh ăn bunuyh i blao khắt mớh nkoch nau i nây ma bu.

⁵Gâp ngời rnê êng sắk ma bu klô i nây, yơn ma gâp mầu ôh rnê êng sắk gâp nờm, gâp man ma rnê moh ndrì i rdja ta sắk gâp nờm đờm.

⁶Lah gâp ứch rnê êng sắk, gâp kớ mầu đớng jêng bunuyh rluk mắl, yorlah nau i gâp ngời nây jêng nau ngắn. Yơn ma gâp mầu hôm ôh ngời ma nau i gâp lể tâm say nây nớh, klach lah bu kớp gâp dja kuống rlau bớh ndrì i khắn păng lể say ta nau gũ ngao gâp, lể tắng ta nau gâp nti nây.

⁷Kôranh Brah ăn du ntil ndrì ta sắk jắn gâp i tâm ban ma lok, tâm ban ma geh tồng pắr Satắng i kôranh mpól brah đớh ma kớp nkrit ta sắk jắn gâp, Kôranh Brah jan kớp nây gay ma gâp mầu ôh kớp êng sắk gâp nờm kuống ir tắ bớh ndrì đứt nau ngắn i Kôranh Brah lể ăn gâp say nớh.

⁸Lể pe tớ gâp đắn Kôranh Brah hô ngắn, tắk lời lok i nây bớh sắk jắn gâp,

⁹yơn ma Păng lah ma gâp: “Gâp kớl may tắ bớh nau ueh Gâp nờm lể gắp jêh ma may, yorlah nau đời Gâp nờm, lớ ma hô bu say n'hêl lah Gâp ăn ma

bunuyh i rdja.” Lah ndri gâp ũch rnê moh ndr i rdja ta sâk gâp nôm ndâp ma nuih n'hâm râm maak, gay ma nau dơi Brah Krist nôm gũ ta gâp.

¹⁰Kơt ndri gâp ueh maak nôk gâp rdja, nôk bu rak suai gâp, nôk gâp geh nau jêr, nôk bu jan jêr gâp, nôk gâp geh nau nklôn rvê, yor ma gâp jan kar ma Brah Krist. Gâp ueh maak nôk gâp rdja, yorlah nôk nây Brah Krist gũ ta gâp ma nau dơi Păng nôm.

Pôl rvê ma phung nsing ta ðon Kôrintô

¹¹Gâp rnê êng sâk kơt nây tâm ban ma bunuyh i rluk mâl, yor ma khân ay may nchâp gâp jan. Di lah khân ay may koh gâp rnê gâp. Bol lah gâp i bunuyh mâu khlay kađôi, kô gâp mâu đống jẻ ta nâm mpôl i bunuyh abă kơp lah kôranh oh mon i dũt kuông i nây.

¹²Nôk gâp gũ ndrel khân ay may nơh, gâp jan nau mbên êng êng i ăn gĩt n'hêl lah gâp i dja jêng kôranh oh mon ngăn, geh nau mbên, geh nau jan dũt nau ngăn, geh nhhơ nau dơi Kôranh Brah, ndrel ma geh nau ăt nuih dũt hô.

¹³Moh bả gâp jan tih ta khân ay may? Gâp kơl khân ay may tâm ban ma gâp kơl ma phung nsing ta ntũk êng êng, yorn ma gâp mâu ôh ăn khân ay may geh nau jêr ma kơl gâp, lah gâp jan tih mâu ăn khân ay may kơl gâp, dãn khân ay may yỏ ma gâp bả!

¹⁴Abơ dja gâp ndrăp hăn a khân ay may lẻ pe tở ma dja, jêh ri gâp kô mâu đống ăn khân ay may geh nau jêr ma kơl gâp, yorlah gâp mâu ôh ndr ũch geh đrăp ndr khân ay may, gâp ũch khân ay may jan tâng nau Brah Krist ũch ma lẻ nuih n'hâm, ndâp ma iăt gâp đống. Mâu di ôh oh kon sơm rgum prăp đrăp ndr ma ăn mẽ bở, mẽ bở i di sơm rgum prăp đrăp ndr ma ăn oh kon!

¹⁵Gâp tâm ban ma mẽ bở khân ay may, gâp ũch ngăn sỏ đống đrăp ndr i gâp nôm geh, ndâp ma sâk gâp nôm sơm jan kar ăn ma khân ay may, gâp jan ma nuih n'hâm râm maak. Lah lẻ dah nây jêh nau kuông gâp rống ma khân ay may, lah ndri mơm dâng khân ay may rống ma gâp lơ ma đễ dơ?

¹⁶Klăp lah geh bunuyh abă ta phung khân ay may lah gâp: “Păng mâu ôh sỏ đrăp ndr bân kađôi, tih ma păng hơm mbrôh rlăm đrăp ndr bân.”

¹⁷Ớm gáp sa nsiăn drăp ndrô khân ay may tă bớh bunuyh i gáp đả hăn a khân ay may nớh bớh?

¹⁸Gáp đăn Titus hô ngăn hăn a khân ay may nớh, jêh ri gáp đả du huê bu klô jât hăn ndrel păng đống, lah ndrô ớm Titus i nây sa nsiăn drăp ndrô khân ay may bớh? Ớm mâu di lah hên bar hê dja jêng du ntô nau đơm, ndrel ma hăn tâng têl du ntô nau bớh?

¹⁹Klăp lah khân ay may mân lah hên nchih dăng lể nau ta sambüt dja gay ma plong ớh khân ay may đơm. Mâu ôh, hên nchih jêng bunuyh sớm kớl jan kar ma Brah Krist, nchih ta năp mắt Kôranh Brah. Ở ớh nô i hên rống, dăng lể ndrô hên jan, hên jan gay ma rdök njêng khân ay may.

²⁰Gáp klach nôk gáp hăn a khân ay may, gáp say khân ay may êng bớh nau i gáp ứch say, jêh ri khân ay may say gáp êng bớh nau i khân ay may ứch say đống. Gáp rvê klach lah ta khân ay may geh nau tâm rdăng, tâm mâu nach, tâm ji nuih, tâm nkah mpôl, tâm ngới kek, tâm ngới nchot, tâm mớch, geh nau uh ah.

²¹Gáp klach, nôk gáp hăn jống kới dja, gáp mra geh nau đit prêng ta năp mắt Kôranh Brah i brah gáp yớk mbah nây yor ma khân ay may. Jêh ri gáp klach gáp mra nhũm rngot, yor ma geh ốk bunuyh ta khân ay may i jan tih a lor nớh, ê hỏ ôh bah jan tih, mâu ôh rgâl lới nuih n'hâm djớh bớh nau jan ăp ntil ndrô djớh, nau khớh kler, ndrel ma nau tâm đống i khân păng vay jan nây nớh.

Kôrintô Rớh 2 13

Nau ntính n'glê dũt

¹Lể pe tớ ma dja jêh gáp hăn a khân ay may. Ăn khân ay may kah gít ma nau i lể geh nchih ta Nau Kôranh Brah Ngới: 'Iăt ma geh bunuyh bar hê, mâu lah pe nuyh jêng bunuyh tớm say, mớ dăng iăt nau bu ntôn', lah ndrô gáp mra jan kớt nây đống ma dăng lể nau ntôn.

²Nôk gáp gũ ndrô khân ay may tồl bar nớh, gáp lể mbớh ma mpôl bunuyh i jan tih: Gáp mâu mra chrê jât ôh. Ấbao' dja nôk gáp hôm e gũ ngai, gáp ứch

mboh ăn ma mpôl i này, ndrel ma dâng lể bunuyh abă êng jât ăn gít lor: Tât gâp hăn a khân ay may, gâp mâu ôh hôm chrê ma du huê bunuyh i jan tih.

³Khân ay may ũch gít n'hêl nau gâp ngơi tă bớh Brah Krist ngăn, ndrì tât gâp hăn a khân ay may, gâp mra nduih bunuyh i jan tih tâm di ma nau Brah Krist đã, Păng geh nau dơi ma tể dôi, jêh ri Păng mra tể dôi ngăn ro ma nau dơi.

⁴Bol lah bu nkhât Păng ta si tâm rkăng tâm ban ma Păng mâu geh nau dơi kađôi, yơn ma Păng hôm rêh yor ma nau dơi Kôranh Brah đổng. Hên tâm ban kớh này đổng, ndr i hên jan ta khân ay may, bol lah hên jêng bunuyh mâu ôh geh nau dơi, yơn ma hên hôm rêh ndrel Păng đổng, ndâp ma geh nau dơi Kôranh Brah.

⁵Ăn khân ay may rlong mêl uănh êng săk khân ay may nờm, ah khân ay may hôm geh nau nsing ma Brah Yêsu Krist mâu lah mâu? Ăn khân ay may mêl uănh êng săk khân ay may nờm hỏm, ỏm khân ay may mâu gít bah Brah Yêsu Krist gũ ta khân ay may? Lah mâu ôh gít, yor ma khân ay may mâu nsing ngăn, jêh ri Brah Yêsu Krist mâu đổng rom khân ay may.

⁶Yơn ma hên dja geh nau nờm, khân ay may gít lah Brah Yêsu Krist gũ ndrel hên ngăn ro.

⁷Hên mboh sỏm dăn ma Kôranh Brah, gay ma khân ay may lời ôh jan ndr tih. Hên nờm lah nôk hên tât a khân ay may này hên mâu ôh geh nau ma nhhơ nau dơi ta nau tể dôi. Ăn khân ay may jan ndr ueh hỏ ê lor hên tât. Mâu chrao ôh lah bunuyh abă hôm mâu yớk hên, yor ma mâu ôh say hên geh nau dơi.

⁸Hên mâu ôh dơi tâm rdâng đah nau ngăn, hên man ma dơi jan ndr i tâm di đah nau ngăn đờm.

⁹Hên geh nau ueh maak, nôk hên tâm ban ma mâu geh nau dơi, jêh ri khân ay may geh nau dơi. Hên mboh sỏm dăn Kôranh Brah ăn khân ay may jêng tâm di kớh nau Păng nờm ũch ngăn ngên.

10Kơt ndri dāng gāp nchih sambūt dja ănh khān ay may nôk gāp hōm gũ ngai, gay ma nôk gāp tāt a khān ay may, gāp māt hōm khăch ôh mboh ngoi dāng đah khān ay may ma nau đoi i Kōranh Yēsū de lē ănh ma gāp nāt. Pāng ănh nau đoi i nāt ma gāp, māt ôh di gay ma lōh hēng lōi khān ay may, jēng gay ma rdōk njēng khān ay may.

11Ở oh nô ta nau nsing, n'glē dūt dja gāp ũch ntính khān ay may, ănh khān ay may geh nau rām maak dō, ănh khān ay may gũ tâm di đah Kōranh Brah nōm ũch ta dāng lē ntil ndr ngănh, ănh khān ay may tâm n'hao nuh ndrăng nōm, ănh khān ay may geh nuh n'hâm du ntōr nau hō, ănh khān ay may gũ ta nau đăp mpăn đah bu, jēh ri Kōranh Brah i tōm nau rōng, ndrēl ma i tōm nau đăp mpăn Pāng mra gũ ndrēl khān ay may ro.

12Tâm ôp nau ueh lăng ndrăng khān ay may nōm ma nau ueh rah rōch . Dāng lē phung bon lan Kōranh Brah ta dja ôp nau ueh lăng khān ay may đōng.

13Dănh geh nau ueh Kōranh Yēsū Krist, nau rōng Kōranh Brah nōm, ndrēl ma Brah Huēng Ueh i kloh ueh nōm gũ ndrēl dāng lē khān ay may.

Galati

Galati 1

Nau ôp ueh lăng

¹Sambüt gâp Pôl nchih, gâp dja jêng kôranh oh mon. Mâu ôh di du huê bunuyh, mâu lah du phung bunuyh i đã gâp jan kôranh oh mon, geh Brah Yêsu Krist, ndrel ma Kôranh Brah Bở nơm i ăn Brah Yêsu Krist dâk rêh này, Khân Păng đã gâp jan kôranh oh mon.

²Gâp, ndrel ma dâng lě oh nô ta nau nsing i gũ ndrel gâp, dẫn ôp nau ueh lăng phung nsing ma Brah Yêsu Krist i gũ ta ntũk êng êng ta bri Galati.

³Dẫn Kôranh Brah Bở bân, ndrel ma Kôranh Yêsu Krist, ăn nau ueh, ăn nau đăp mpăn ma khân ay may.

⁴Kôranh Yêsu Krist lě jao jêh săk jăn Păng nơm ma khât yor ma nau tih phung bân, gay ma rklaih phung bân bớh dâng lě nau djơh ta neh ntu dja, jêng tâng nau Kôranh Brah ịch i Bở bân nơm.

⁵Ăn bân rnê nau chrêk lợp Kôranh Brah bảbớ n'ho ro. Ở ăn geh kớt này ngăn ro !

Nau mhe mhan ueh geh nguai đơm

⁶Gâp ndrôt hih rhõl mâu vât ôh say khân ay may ngăch ngăn mbăr lời Kôranh Brah i lě kuăl jêh khân ay may jêng phung bon lan Păng nơm tă bớh nau ueh Brah Krist nớh, jêh ri bêng ma tâng nau nti a êng i bunuyh abă kuăl lah 'Nau mhe mhan ueh' đờng.

⁷Yờn ma mâu hôm ôh geh nau mhe mhan ueh a êng jât, geh bunuyh abă đơm jan ăn khân ay may geh nau vĩ, ịch jan ndjờh lời nau mhe mhan ueh Brah Krist.

⁸Bol lah hên nơm, mâu lah du huê tông păr tă bớh kalo' trôk i ntũk Kôranh Brah kađôi, bu moh mbớh nkoch nau mhe mhan ueh tih bớh nau mhe mhan ueh i lě hên mbớh nkoch ma khân ay may nớh, ăn Kôranh Brah rtăp bunuyh i này dờh!

⁹Nau i gâp lě jêh lah nây nơh, gâp dăn lah tay du tở jât, lah bu moh i mboh nkoch nau mhe mhan ueh i tih boh nau mhe mhan ueh i khân ay may lě sỏ đơn jêh nây, ăn Kôranh Brah rtăp bunuyh i nây dờh!

¹⁰Ta nau gâp ngơi i nây, ơm gâp ứch bunuyh rnê gâp, mâu lah ứch Kôranh Brah rnê gâp? Ơm gâp ứch jan ăn bunuyh đơm rằm maak boh? Lah gâp hôm ứch jan ăn bunuyh đơm rằm maak, lah ndri gâp mâu ôh di jêng nờm sỏm kỏl jan kar ma Brah Krist!

Brah Yêsu ăn Pôl gít năl Păng nờm

¹¹Ơ oh nô ta nau nsing, gâp ứch ăn khân ay may gít, nau mhe mhan ueh i gâp lě mboh nkoch ăn ma khân ay may nây nơh, mâu ôh di lôh tă boh bunuyh,

¹²yorlah sắk gâp nờm i dja mâu geh ôh sỏ đơn nau mhe mhan ueh tă boh bunuyh, mâu đờng tă boh bunuyh ntũm nti gâp, yờn ma tă boh Brah Krist nờm nhơ ăn gâp gít năl.

¹³Khân ay may lě tăng đờng nau bu mboh nkoch ma ndơ gâp jan a lor nơh, nôk gâp hôm gũ ta nau vay phung Israel nơh, gâp lě jan jêr jốt dũt hô ngăn ma phung nsing ma Brah Yêsu Krist jêng phung bon lan Kôranh Brah nờm, ứch lơh hêng lơi phung i nây.

¹⁴Boh ntỏm nơh, nau vay phung Israel gâp lě ndjôt dũt ueh ngăn rlau ma phung bon lan gâp nờm i kuống rờh gâp, yorlah gâp gờyh rlau ma khân păng jan tâng nau đơn tă boh phung u che hên.

¹⁵Yờn ma Kôranh Brah lě ơm kờih jêh gâp boh trôm ndũl me, jêh ri kuẩl gâp tă boh nau ueh Păng nờm. Tă boh nau ueh i nây

¹⁶dâng Păng nhơ Kon Păng nờm ăn gâp gít năl nơh, gay ma gâp mboh nkoch nau mhe mhan ueh Kon Păng nây ăn ma phung i mâu di phung Israel. Jêh ri gâp hăn mboh nkoch ro, gâp mâu ôh hăn ôp du huê bunuyh êng.

¹⁷Gâp kỏ mâu geh hăn ta bon Yêrusalem gay ma tâm mập đah mpôl i jan kôranh oh mon i lor boh năp gâp nây đờng, yờn ma gâp hăn ta bri Arăp ro, jêh ri plờ tay ta bon Đamas.

¹⁸Tât pe năm jêh bớh nây, gáp hăn ta bon Yêrusalem, gay ma ùch gít năl Pêtrôs, jêh ri gũ ndrel păng ta nây jở 15 nar.

¹⁹Hôm geh mập ma Yakơ i oh Kôranh Yêsu du huê đống, yơn ma mập geh ôh mập ma kôranh oh mon abă êng jât.

²⁰Nau i gáp nchih ăn ma khân ay may dja, gáp mập mbrôh ôh, geh Kôranh Brah i năk gít say.

²¹Jêh bớh nây, gáp hăn đống ta bri Siri, ta bri Kilikia,

²²yơn ma ta ntúk êng êng ta bri Yuđa, phung i nsing ma Brah Krist ê hỏ ôh gít năl gáp.

²³Khân păng man ma gít tăng bu mbrôh nkoch lah: “Bunuyh i vay jan jêr jốt ma bân a lor nớh, abao dja păng lể mbrôh nkoch nau mhe mhan ueh i pre ùch lơh hêng a lor nớh chrao!”

²⁴Jêh ri khân păng rnê Kôranh Brah, tă bớh nau Kôranh Brah jan ta gáp.

Galati 2

Kôranh oh mon abă êng rom Pôi

¹Tât 14 năm bớh kới nây, gáp hăn tay ta bon Yêrusalem du tớ jât, ndrel ma Barnabas, ndâp ma leo Titus hăn ndrel đống.

²Gáp hăn ta bon Yêrusalem kớt nây, yorlah Kôranh Brah nhhơ ăn gáp hăn. Nôk gáp hăn, gáp mập êng ma phung kôranh phung nsing ma Brah Krist, mbrôh nkoch ma khân păng nau i gáp lể nti nôk mbrôh nkoch nau mhe mhan ueh ăn ma phung i mập di phung Israel nớh, gay ma lơi ăn nau i gáp dôi hôm nti ma bu, ndâp ma nau i gáp lể jêh nti nây nớh nkhorng ma mập geh nau khlay chrao.

³Khân păng tâm di du ntôr nau ma gáp. Bol lah ê lor ma Brah Krist dâk rêh nớh, bu moh i mập di phung Israel, jêh ri sât nsing ma Kôranh Brah, iăt ma koh ntô gay ma jêng bon lan Kôranh Brah, lống Titus i oh nô bân ta nau nsing i hăn ndrel hên nây, bol lah păng jêng phung Grek, bu kỏ mập ncháp păng koh ntô đống.

⁴Geh đōng bunuyh abă i ndra jan nsing ma Brah Krist, lăp ntŭng ta phung hên, ũch Titus koh ntô kađôi, yōn ma phung kôranh ta phung nsing kô mâu nchăp păng đōng. Khân păng man ma lăp gay ma mêt uănh gít hên hôm jan tâng dăng lă nau vay Môsê mâu lah mâu, khân păng ũch dăng lă phung nsing jan tâng nau vay i nây tâm ban ma jêng dăk ma nau vay i nây, tih ma yorlah Brah Krist lă rklaih bu moh i nsing ma Păng, lah ndri mâu hôm khăch ôh jan tâng dăng lă nau vay i nây.

⁵Hên mâu ôh tâm di nau ma khân păng i nây, bol lah đê kô mâu ơm đōng, gay ma nau ngăn i nau mhe mhan ueh hôm geh năng ta khân ay may.

⁶Lōng phung i bu yōk i bu kōp khân păng jêng kôranh ta phung nsing, mâu ôh đă gâp ntop ndơ ta nau gâp nti ma bu. Bol lah khân păng kôranh dah kuōng kađôi, kô gâp mâu ji bôk ji tôr đōng, yorlah Kôranh Brah mâu ôh kōih bunuyh.

⁷Khân păng lă say jêh, Kôranh Brah đă gâp mbơh nkoch nau mhe mhan ueh dja ăn ma phung i mâu di phung Israel, tâm ban ma Kôranh Brah lă đă jêh Pêtrôh ma mbơh nkoch nau mhe mhan ueh ăn ma phung Israel đōng,

⁸yorlah Kôranh Brah i lă ăn jêh Pêtrôh geh nau dơi jêng kôranh oh mon mbơh nkoch nau mhe mhan ueh ăn ma phung Israel, Păng ăn gâp geh nau dơi jêng kôranh oh mon mbơh nkoch nau mhe mhan ueh ăn ma phung i mâu di phung Israel tâm ban kōt nây đōng.

⁹Lōng Yakơ, Pêtrôh, ndrel ma Yôhan i bu kōp khân păng dŭt khlay jêng tâm ban ma meh ta phung nsing, tăt khân păng lă say jêh Kôranh Brah lă ăn ma gâp nau dơi i nây, khân păng nhŭp ti tâm rŭnglăp ndrel gâp, nhŭp ti tâm rŭnglăp ndrel Barnabas đōng, tâm di nau hên ma hăn mbơh nkoch ăn ma phung i mâu di phung Israel, jêh ri khân păng ma mbơh nkoch ăn ma phung Israel.

¹⁰Geh du nau dơm khân păng ntŭnh ma hên, lơi ta chuêl kōl ma phung kro o ach ta phung nsing ta bon Yêrusalem, ndơ i nây jêng ndơ i gâp ndơr jan năng.

Pôi mâu ôh tâm di bải ma Pêtrôh

11Yơn ma nôk Pêtrôh hăn tât ta bon Öntiyôk bri Siri, gáp tâm rdâng đah păng ta nklang bu bäl, yorlah păng lě jan tih.

12Yakơ njuäl phung Israel i nsing ma Brah Krist abă ăn hăn ta nây đöng. Nôk khân păng i nây ê hõ tât, Pêtrôh lě vay gũ sông sa ndrel phung i mâu di phung Israel, yơn ma nôk khân păng i nây lě tât ta ri, Pêtrôh bah gũ ndrel phung i mâu di phung Israel, yorlah păng klach khân păng i phung Israel nây lah .

13Löng phung Israel i nsing ma Brah Krist abă êng leo bäl jan nau ndöp mpôn kơt Pêtrôh nây đöng, ndâp ma Barnabas jan ntut nau ndöp mpôn tâng khân păng i nây jât.

14Tât ma gáp say khân păng mâu hôm tâng nau ngăn i nau mhe mhan ueh nây, gáp ôp Pêtrôh ta nklang bu bäl: “Lah may i phung Israel, mâu hôm ôh jan tâng nau vay phung Israel, jan gũ ngao tâm ban ma phung i mâu di phung Israel chrao, lah ndri mơm may dơi nchâp phung i mâu di phung Israel ăn jan tâng nau vay phung Israel?”

15Löng bân dja phung Israel bõh ndül me ngăn, bân mâu ôh jêng phung i mâu di phung Israel i mâu gĩt näl nau vay Môsê, i jan rlau nau vay i nây nâng.

16Bân lě gĩt jêh, Kôranh Brah mâu ôh kơp bunuyh lě sông yor ma jan tâng nau vay i nây, Păng kơp lě sông jêng yor ma nau nsing ma Brah Yêsu Krist dơm. Lah ndri bân lě nsing ma Brah Yêsu Krist đöng, gay ma Kôranh Brah kơp bân lě sông yor ma nau nsing ma Brah Krist dơm, mâu ôh lě kơp sông tă bõh jan tâng nau vay. Mâu geh ôh bunuyh lě kơp sông tă bõh jan tâng nau vay i nây, du huê mâu ơm.”

17Abơ dja hên i phung Israel i lě nsing ma Brah Krist, öch Kôranh Brah kơp hên lě sông tă bõh nau nsing i nây. Hên lě vât jêh, hên jêng bunuyh tih tâm ban ma phung i mâu di phung Israel đöng, bol lah hên nsrôyh jan tâng nau vay Môsê kađôi. Hên nsing ma Brah Krist, ndri hên mâu hôm ôh jan tâng nau vay Môsê, gay ma Kôranh Brah kơp hên sông. Lah ndri ơm hên jêng bunuyh tih, yor ma mâu hôm jan tâng nau vay i nây bõh? Lah ndri ơm Brah Krist leo

ăn hên jêng bunuyh tih, yor ma mâu hôm jan tâng nau vay i này bớh? Mâu di ôh!

¹⁸Yơn ma lah du huê bunuyh lể jêh mbărlơi nau vay i này, jêh ri abao' dja ũch jan tâng tay nau vay i này gay ma Kôranh Brah kớp sớng, pắng i này tâm ban ma bunuyh ũch rdỏk tay jăt ndơ i a lor nớh lể lớh rlỏm lơi. Lah ndri pắng i này nhhơ sắk pắng nờm lể jan tih đah nau vay i này.

¹⁹Lỏng gập, nỏk gập nsrỏyh jan tâng nau vay nớh, gập hôm geh dỏih yor ma nau vay i này. Nỏk bu nkhăt Brah Krist ta si tâm rkắng, gập tâm ban ma khăt ndrel Pắng, lah ndri abao' dja gập tâm ban ma khăt mpeh ma nau vay, nau vay mâu hôm ôh geh nau đơi ma gập jăt, gập gủ rêh gay ma geh khlay ma Kôranh Brah nờm.

²⁰Gập mâu hôm gủ rêh tâng nau ũch gập nờm, abao' dja gập gủ rêh tâng nau ũch Brah Krist i gủ ta gập. Nau rêh i gập gủ rêh abao' dja, gập rêh ndập ma nsing ma Kon Kôranh Brah nờm đơm, i Pắng lể rỏng jêh ma gập, lể jao sắk Pắng nờm khăt ma ntrỏ gập.

²¹Lah gập hôm jan tâng tay nau vay Mỗê, gay ma Kôranh Brah kớp gập sớng, gập jêng mbărlơi nau ueh Kôranh Brah. Yơn ma gập lể gít jêh Kôranh Brah mâu ôh kớp sớng tă bớh jan tâng nau vay Mỗê, kớp ndri dắng gập mâu ôh mbărlơi nau ueh Kôranh Brah i này. Lah Kôranh Brah kớp sớng tă bớh jan tâng nau vay, nau khăt Brah Krist jêng đơm dam, mâu ôh geh khlay.

Galati 3

Nau nsing, ndrel ma nau vay

¹Ở phung Galati i phung rluk mắl! Mớm dắng khắn ay may iắt nau nti i mâu ôh di, nau nti i đắ khắn ay may jan tâng nau vay Mỗê, gay ma Kôranh Brah kớp sớng? A lor nớh gập lể nti khắn ay may n'hêl nanẻ ngắn ma Brah Yêsu Krist khăt ta si tâm rkắng.

²Gập ũch ỏp khắn ay may du nau: Nỏk khắn ay may sỏ đơn Brah Huêng Ueh nớh, Kôranh Brah ăn yor ma khắn ay may jan tâng nau vay Mỗê, mâu lah

yor ma khân ay may nsing ma nau mhe mhan ueh i khân ay may tăng này nơh?

³Mớm dâng khân ay may mâu ôh geh nau mân! Khân ay may lẽ geh jêh nau rêh mhe i nớm geh tă bớh Brah Huêng Ueh, mớm dâng abaọ dja khân ay may ếch Kôranh Brah kớp sớng tă bớh nớ i khân ay may jan này chrao?

⁴Khân ay may i lẽ mấp nau bu jan jêh hô này nơh, yor ma nsing ma Brah Yêsu Krist, khân ay may kớp nau i này mâu geh nau khlay bớh? Mâu ôh, mâu đi lah mâu khlay ôh!

⁵Kôranh Brah lẽ ăn jêh Brah Huêng Ueh gũ ta khân ay may, ndập ma lẽ jan nớ khlay êng êng ta nklang khân ay may, ndri Kôranh Brah jan kớp này yor ma khân ay may jan tăng nau vay i này, ớm mâu lah yor ma khân ay may nsing ma nau gập mớh nkoch nau Brah Krist này nơh?

⁶Kớp ndri đớng, Abrahăm i che phung Israel nsing ma Kôranh Brah, ndri dâng Kôranh Brah lẽ kớp păng sớng.

⁷Lah ndri ăn khân ay may gít vật đớng, bu moh i nsing ma Kôranh Brah, păng i này jêng tâm ban ma kon Abrahăm ngăn.

⁸Ta Nau Kôranh Brah Ngời lẽ geh nchih lor jêh, Kôranh Brah mra kớp phung i mâu đi phung Israel sớng yor ma nau nsing. Nau i này Kôranh Brah lẽ mớh nkoch lor ăn ma Abrahăm kăi e nơh: ‘Dâng lẽ bunuyh dâng lẽ bri dak, mra sớ dờn nau geh jêng tă bớh may này’.

⁹Kớp ndri bu moh i geh nau nsing ma Kôranh Brah, păng i này lẽ sớ dờn jêh nau geh jêng ndrel Abrahăm i bunuyh geh nau nsing này đớng.

¹⁰Yớn ma bu moh i nsing ma nớ jan tăng nau vay Môsê, păng i này lẽ geh nau rtăp, yorlah lẽ geh nchih jêh ta Nau Kôranh Brah Ngời: ‘Bu moh i mâu jan tăng dâng lẽ i lẽ geh nchih jêh tâm sambũt nau vay dja, păng i này lẽ geh nau rtăp ro’ .

¹¹Jêh ri nanẽ ngăn, mâu geh ôh du huê bunuyh i Kôranh Brah kớp sớng, ndập ma geh nau rêh n’ho ro, yor ma jan tăng nau vay i này, yorlah lẽ geh nchih

jêh: ‘Bunuyh i Kôranh Brah kơp sớng mra hơm gũ rêh yor ma nau păng nsing’, nau ‘Gũ rêh’ i này ngời ma nau rêh n'ho ro.

¹²Lah geh du huê bunuyh jan tâng nâng neng dâng lể nau buay nau đả ta nau vay i này, păng mâu khăch ôh nsing gay ma Kôranh Brah kơp sớng ăn nau rêh n'ho ro, yorlah ta Nau Kôranh Brah Ngời lể geh nchih lah: ‘Bu moh i jan tâng nau vay i này, păng i này mra hơm gũ rêh yor ma jan tâng nau vay i này’.

¹³Brah Krist lể chuai jêh bân ăn klaih bớh nau tể dôih i tả bớh nau vay, yorlah Păng lể sớ dơn jêh ma nau rtăp i này ma ntrố bân, yorlah ta Nau Kôranh Brah Ngời lể geh nchih đống, lah kơt nđă: ‘Bu moh i bu de yông krêp ta tơm si, lể Kôranh Brah de rtăp jêh’.

¹⁴Brah Krist Yêsu jan kơt này, gay ma nau geh jêng i Kôranh Brah lể ton ma Abrahăm a lor nớh ăn hoch tât ma phung i mâu di phung Israel đống. Nđri dâng bân đơi sớ dơn Brah Huêng Ueh i Kôranh Brah lể ton, yor ma bân lể nsing ma Brah Krist.

Nau vay Môsê, jêh ri nau Kôranh Brah ton

¹⁵Ở oh nô ta nau nsing, gập dẫn ntât du nau ta nau gũ ngao bân: Nau ntĩnh bunuyh i ê lor ma khât lể geh nchih jêh a mớm jan ma nđơ păng nớm geh, jêh păng khât, mâu geh ôh bunuyh hơm đơi n'groh, hơm đơi rhuăt, hơm đơi ntop nđơ.

¹⁶Lống nau ton i này, Kôranh Brah ton ma Abrahăm, ndrel ma ton ta du huê ta rnoi deh păng nớm. Nau ton i này mâu geh ôh nchih lah: ‘Ta phung rnoi deh’, mâu geh ôh lah ta rnoi ốk, ứch ntrống ma du rnoi đơm, jêng ‘Ta du huê ta rnoi deh’, jêng du huê bunuyh, bunuyh i này Brah Krist.

¹⁷Gập ngời kơt này, ứch mớh ăn gít, Kôranh Brah ton nau i này ma Abrahăm lể geh 430 năm ê lor ma Kôranh Brah ăn nau vay ma Môsê, nau vay i này mâu ôh n'groh lới nau Kôranh Brah ton ma bu i ớm rlau, Kôranh Brah mâu ôh ton mbrôh.

18Lah Kôranh Brah ăn nau geh jêng i tâm ban ma ndrô ndrây i Păng lể ton nơh yor ma jan tâng nau vay, lah ndrô Păng mâu ôh ăn nau geh jêng i này yor ma jan tâng nau ton. Yơn ma Kôranh Brah ăn nau geh jêng i này ma Abrahăm nơh jêng tâng ma nau Păng nơm ton tă bớh nau ueh Păng nơm.

19Lah ndrô, nau vay moh geh nau khlay? Nau vay i tât bớh kới này gay ma ăn bunuyh gít ma nau tih n'ho ma tât ta du huê bunuyh ta rnoi deh Abrahăm i lể geh ta nau ton này nơh. Kôranh Brah đã phung tông pớ ăn nau vay i này ma Môsê, jêh ri Môsê jêng nơm sớ kớ ăn tâm rngláp Kôranh Brah đah phung Israel.

20Yơn ma ta nôk Kôranh Brah ton ndrô ma Abrahăm, mâu geh ôh nơm sớ kớ ma nau ton i này, yorlah geh du huê đóm nơm ton, nơm i này jêng Kôranh Brah.

21Lah ndrô ơm nau vay jêng tâm rdâng đah nau Kôranh Brah lể ton bớh? Mâu ôh. Yơn ma lah bunuyh đới geh nau rêh n'ho ro tă bớh jan tâng nau vay i này, lah ndrô Kôranh Brah kớp bunuyh i này lể sớng jêng tă bớh jan tâng nau vay i này ngăn ro.

22Yơn ma ta Nau Kôranh Brah Ngới lể geh nchih jêh, dâng lể bunuyh jêng gũ ta nâm nau tih lể jan tih dadê. Ndrô dâng Kôranh Brah ăn nau rêh n'ho ro i Păng lể ton nơh ma bu moh i nsing ma Brah Yêsu Krist đóm.

23Ê lor ma tât nau nsing i này, bân hóm gũ ta nâm nau vay tâm ban ma gũ ta ndrung, n'ho ma tât Kôranh Brah nhhơ nau Păng kớp sớng tă bớh nau nsing i này.

24Ndrô nau vay geh nau khlay leo bân jan tâng, n'ho ma tât Brah Krist vớch, gay ma Kôranh Brah kớp bân sớng tă bớh nau nsing i này.

25Yơn ma abơ dja lể tât jêh nau Kôranh Brah kớp sớng tă bớh nau nsing, bân mâu hóm ôh gũ ta nâm nau vay i này jât.

26Dâng lể khân ay may lể jêng kon Kôranh Brah nơm dadê, tă bớh khân ay may nsing ma Brah Krist Yêsu.

²⁷Bu moh i nsing ma Brah Krist Yêsu nây, jêh ri sô đơn nau bắptem yũk ma dak lể gũ tâm rnglăp ma Brah Krist, bunuyh i nây gũ rêh tâng nau Brah Krist ũch, mâu hôm ôh gũ rêh kớt ơm, tâm ban ma nsoh bok ao mhe lể mbăr lơi bok ao ơm.

²⁸Kôranh Brah kớp dăng lể bân tâm ban dadê, mâu hôm ôh kớp phung Israel êng, phung i mâu di phung Israel êng, mâu đổng kớp bunuyh dâk bu êng, bunuyh kon me êng, bu ur êng, bu klô êng, yorlah dăng lể khân ay may tâm ban ma lể jêng du mlôm săk jăn ta Brah Krist Yêsu.

²⁹Lah khân ay may lể gũ ndrel ma Brah Krist jêh, khân ay may jêng tâm ban ma rnoi deh Abrahăm, jêh ri sô đơn ndrel rnoi deh Abrahăm dăng lể nau i Kôranh Brah lể jêh ton ma Abrahăm nơh.

Galati 4

¹Gập dẫn lah, ta nau vay bân, bunuyh kon đơi i geh ndơ ndrây tă bớh mể bở păng nơm, nôk păng hôm kon se, nau gũ rêh păng i nây mâu ôh tâm tih ma bunuyh i jan dâk bu, yorlah hôm geh bunuyh mât uănh păng, bol lah păng jêng nơm kôranh ma dăng lể đrăp ndơ ndrây i nây kađôi.

²Păng i nây hôm gũ ta nâm nơm i mât păng, ndrel ma ta nâm nơm kôranh mât uănh đrăp ndơ i nây, n'ho ma tât di nar i bở păng lể tâm nal nơh.

³Ê lor ma bân nsing ma Brah Krist, bân tâm ban ma kon se kớt nây đổng, bân jêng dâk ma nau đơi brah êng êng i geh ta neh ntu dja.

⁴Yờn ma tât di nar i Kôranh Brah lể ơm nal nơh, Kôranh Brah njũn Kon Păng nơm ăn deh bớh du huê bu ur, jêh ri Păng gũ rêh ta nâm nau vay Môsê đổng,

⁵gay ma rklaih dăng lể bunuyh i gũ ta nâm nau vay i nây, ăn jêng kon Kôranh Brah nơm ngăn.

⁶Yor ma khân ay may lể jêng kon Kôranh Brah ngăn, Păng lể njũn jêh Brah Huêng Ueh Brah Krist Kon Păng nơm gũ ta nuih n'hâm khân ay may, ndri bân blao kuăl Păng: 'Bở'.

⁷Ndri dâng khân ay may mâu hôm ôh jêng dâk jât, lě jêng kon Kôranh Brah nôm. Lah khân ay may lě jêng kon ngăn, khân ay may mra sô dơn dâng lě nau i tâm ban ma ndr ndrây i Kôranh Brah de ăn nây đổng.

Pôl geh nau rvê ma phung nsing ta bri Galati

⁸A lor nơh khân ay may ê hỏ ôh gít năl Kôranh Brah, hôm jêng dâk ma brah êng êng i mâu di brah ngăn.

⁹Yơn ma abơ dja, khân ay may lě gít năl Kôranh Brah, ngơi du tong lah Kôranh Brah lě năl khân ay may, lah ndri mớ m dâng khân ay may hôm ứch plở tâm rnglăp tay ma phung brah i mâu ngăn nây, i rdja, i mâu geh nau khlay, jêh ri ứch jan dâk ma khân păng du tở jât?

¹⁰Gập ngơi kớt nây, yor ma gập say khân ay may hôm jan tâng nau vay Môsê kớp nar abă khlay rlau, khay abă khlay rlau, năm abă khlay rlau.

¹¹Gập klach lah dâng lě ndr i gập lě jan kar rơah rğănh ma khân ay may nơh, jêng dơn dam.

¹²Ở oh nô ta nau nsing, gập dẫn hô ngăn khân ay may, ăn khân ay may gủ ngao tâm ban ma gập, yorlah gập lě nsing ma Brah Yêsu, ndri gập mâu hôm gủ ta năm nau vay, kớt gập lě gủ ngao kớt khân ay may mâu ôh jan tâng nau vay Môsê nơh đổng. Khân ay may mâu geh ôh jan tih ma gập, nôk gập hăn a khân ay may dak bôk nơh.

¹³Khân ay may lě gít jêh, nôk gập mborh nkoch nau mhe mhan ueh ăn ma khân ay may nơh, gập geh nau ji ta săk jăn .

¹⁴Bol lah nau ji gập i nây jan ăn khân ay may geh nau jêr jôt kađôi, hôm khân ay may mâu mbă gập, mâu uănh bở gập đổng, yơn ma khân ay may rom gập tâm ban ma rom tông păr Kôranh Brah nôm, mâu lah tâm ban ma rom Brah Krist Yêsu ngăn.

¹⁵Lah ndri nau răm maak i khân ay may lě geh nôk nây nơh ah ntúk ăn? Yorlah gập lě gít n'hêl, nôk nây nơh khân ay may ứch ma rvek găr măt khân ay may nôm ăn ma gập ro lah ma blao jan.

¹⁶Abao' dja móm dâng khân ay may tâm rdâng đah gâp chrao, yor ma gâp ngời nau ngấn bớh?

¹⁷Phung nóm nti nklă i nti iăt ma jan tâng nau vay Môsê, khân păng geh nuh n'hâm goryh ngấn ma khân ay may, yorn ma i nau ếch ntrống mâu ueh ôh, khân păng ếch tâm nkha khân ay may bớh hên, gay ma ăn khân ay may geh nuh n'hâm goryh tâng khân păng dứt hô hỏ.

¹⁸Ueh ngấn lah geh nuh n'hâm goryh tâng dứt hô ngấn ma du ntil nau, lah nau i nây ueh, ueh ngấn lah tâng nau ueh babo', mâu ôh đơn tâng nôk gâp hóm gũ ndrel đơn.

¹⁹Ở oh nô ta nau nsing i tâm ban ma kon sau gâp nóm, nau gâp leo khân ay may sât nsing ma Brah Krist nớh, tâm ban ma nau gũ oh, abao' dja gâp geh nau jêr ma khân ay may du tớ jât, tâm ban ma nau gũ oh ma khân ay may du tớ jât, n'ho ma tât Brah Krist jêng kôranh ta nau rêh khân ay may ngấn.

²⁰Nau gâp ngời nchih ta sambút dja dăng đễ, gâp ếch ngấn gũ ndrel khân ay may, gay ma gâp mbớh ngời rdở rbăn, yorlah gâp mâu hóm ôh geh nau mân ma nchih njuăl ăn khân ay may.

Nau tâm rnglăp ơm, ndrel ma nau tâm rnglăp mhe

²¹Ở oh nô ta nau nsing, khân ay may i ếch gũ ta nâm nau vay Môsê, lống khân ay may mbớh ma gâp hóm: Ah khân ay may mâu gít bah moh bả geh nchih ta nau vay i nây?

²²Yorlah lể geh nchih ta nau vay i nây lah, Abrahăm geh bar hê kon bu klô, i du huê i kon, bu ur rnha Hakar jêng dâk păng nóm, i du huê jât i kon, bu ur rnha Sara jêng bunuyh kon me.

²³Tih ma kon i deh bớh bu ur dâk păng nóm nây, jêng tă bớh nau gũ ur sai đơn, yorn ma kon i deh bớh ur păng nóm i bunuyh kon me nây, jêng kon i deh tă bớh Kôranh Brah de ton.

²⁴Lah ndri nau i dja jêng tâm ban ma nau ntât du nau đống, yorlah bu ur bar hê i nây jêng nau ntât ma bar ở nau tâm rnglăp Kôranh Brah. I du huê rnha Hakar jêng tâm ntât ma nau tâm rnglăp i geh ta yôk Sinai nôk Kôranh Brah

ăn nau vay ma Môsê nơh, bunuyh i gũ ta nâm nau vay Môsê jêng tâm ban ma dâk ma nau vay i nây, kơt Hakar jêng dâk Abrahăm.

²⁵Hakar jêng tâm ntât ma yôk Sinai ta bri Arăp, jêh ri jêng nau ntât đổng ma bon kuông Yêrusalem ta neh ntu dja, jêh ri bon i nây jêng nau ntât ma dâng lể phung Israel i ndjôt nau vay Môsê, khân păng jêng tâm ban ma kon Hakar, ndri khân păng jêng tâm ban ma dâk ma nau vay i nây.

²⁶Lõng Sara i bunuyh kon me jêng ntât ma bon Yêrusalem i gũ ta kalơ trôk i ntũk Kôranh Brah, jêh ri bon i nây jêng nau ntât ma dâng lể bunuyh nsing ma Brah Krist, păng tâm ban ma mẽ bân, ndri bân jêng tâm ban ma kon me đổng.

²⁷Yorlah ta Nau Kôranh Brah Ngơi lể geh nchih lah: ‘Ổ bu ur i mâu bả kon i mâu geh kon

Ăn ueh maak hõm! Ay mâu ôh mậ nau ji gũ oh,

Ăn nter rằm maak hõm, Yorlah kon i bu ur mâu ôh geh sai, Geh ők rlau ma kon i bu ur geh sai jât’ .

²⁸Ổ oh nô ta nau nsing, dâng lể khân ay may tâm ban ma Isăk kon Sara đổng, jêng kon Kôranh Brah tă bớh Kôranh Brah lể ton lor.

²⁹Ta rnôk Abrahăm, kon i deh jêng tă bớh nau gũ ur sai đơm jan jêr ma kon i deh tă bớh nau đơi Brah Huêng Ueh. Abao dja geh tâm ban kơt nây đổng.

³⁰Yơn ma ta Nau Kôranh Brah Ngơi, a mớ m lah? Geh nchih kơt nđa: ‘Ăn may ntrũt lơi bu ur dâk bu, ndrel ma i kon bu klô păng nây, gay ma i kon bu ur dâk bu mâu ôh sỏ đơn nđơ ndrây ndrel i kon bu klô bu ur kon me’.

³¹Ổ oh nô ta nau nsing, lah ndri dâng lể bân mâu ôh di i kon bu ur dâk bu, dâng lể bân jêng i kon, bu ur kon me.

Galati 5

Nau jêng kon me ta Brah Krist

- ¹Brah Krist lě chuai jêh bân bôh jan dâk bu gay ma jêng kon me ngăn, lah ndri ăn bân gũ nập rấp jấp ta nau mâu hôm jan dâk bu nây, lơi hôm ôh bok gor săk ăn jêng dâk ma nau vay tay.
- ²Iăt gâp hồm, gâp Pôl mboh ma khân ay may, lah khân ay may sô dơn ma nau jan koh ntô tâng nau vay Môsê gay ma Kôranh Brah kớp sồng, ndri Brah Krist mâu hôm ôh geh nau khlay ma khân ay may jât.
- ³Gâp dẫn nkah tay du tở jât, lah bu moh i ếch sô dơn ma nau jan koh ntô i nây, iăt ma păng i nây ndjôt tâng dâng lě nau vay i nây ngăn dô.
- ⁴Bu moh i ếch Kôranh Brah kớp sồng yor ma jan tâng nau vay, păng i nây tâm nkah bôh Brah Krist, jêh ri nau ueh Kôranh Brah mâu hôm đổng geh ma păng.
- ⁵Yơn ma dâng lě bân, tă bôh nau nsing ma Brah Krist, ndâp ma nau Brah Huêng Ueh kớl, bân gũ nập rkâk ta nau nôm ma Kôranh Brah kớp bân sồng.
- ⁶Ta nau nsing ma Brah Krist Yêsu, nau koh ntô, mâu lah mâu koh ntô i nây mâu ôh geh nau khlay. Nđơ i geh nau khlay dơn jêng nau nsing ma Brah Krist, ndâp ma nhơ nau nsing i nây ăn bu say bân geh nuih n'hâm rống ma bu.
- ⁷Bôh nôm nơh khân ay may lě nsing lě ueh ngăn tâm ban ma tâm rlong nchuăt ueh ngăn, lah ndri bu moh i buay khân ay may mâu hôm ăn iăt nau ngăn i mboh nkoch ma Brah Krist kớp nây?
- ⁸Nau nti nsôch i nây mâu ôh di lôh bôh Kôranh Brah i lě kuăl khân ay may nơh.
- ⁹Ăn khân ay may kah gít ma nau bu vay lah: ‘Nôk jan numpăng, bu sô ndrui đễ dơn, dơi jan ők rnih Ba Prăng dâng lě ăn dang’, nau nti nklă i nây tâm ban kớp nây đổng.
- ¹⁰Gâp nsing ma Kôranh Brah, Păng mra njrăng khân ay may mâu ăn iăt ma nau nti nklă i nây. Lống păng i nti nklă jan ăn khân ay may geh nau mân vĩ nây, Kôranh Brah mra tể dôi ma păng, bol lah dah kuống păng kađôi.

11Ở oh nô ta nau nsing, geh bunuyh abă lah gâp nti bu ăn koh ntô, yơn ma lah gâp hôm nti bu ăn koh ntô jât, lah ndri mớ m dâng phung Israel i mâu nsing ma Brah Krist hôm jan jêr ma gâp jât? Lah gâp mâu hôm ntũm nti nau rklaih man ma tă bớh nsing ma nau Brah Krist i khât ta si tâm rkăng đơ m, mâu hôm ôh geh bu tâm rdâng đah gâp jât ro.

12Lõng bunuyh nti nklă i này i jan ăn khân ay may geh nau uh ah ta nuih n'hâm, ăn khân păng koh char êng săk khân păng nớ m dô.

Nau rêh ta Brah Huêng Ueh

13Ở oh nô ta nau nsing, Kôranh Brah lể kuăl jêh khân ay may ăn jêng kon me bah jan dâk ma nau vay, yơn ma lơi ôh đờng nau i lể jêng kon me i này ma jan tâng nau kớnh nuih n'hâm ớ m i ứch jan tih nớ m bớh ndũl me, yơn ma ăn bân tâm sớ m kớ l bắ ma nau rờng hỏ,

14yorlah dâng lể nau vay Môsê tă bớh du nau đă đờ m kớ t nđă: 'Ăn rờng ma phung chiaio meng khân ay may, tâm ban ma rờng săk khân ay may nớ m đờng' .

15Yơn ma lah khân ay may tâm kắ p tâm hot ndrăng nớ m kớ t này nằ ng, ăn khân ay may nớ rắ ng klach lah khân ay may tâm n'groh bắ ndrăng khân ay may nớ m.

16Yơn ma gâp đăn mbớh ma khân ay may, ăn gử rêh tâng Brah Huêng Ueh hỏ, ndri khân ay may mâu ôh jan tâng nau kớnh nuih n'hâm ớ m i ứch jan tih nớ m bớh ndũl me,

17yorlah nau kớnh i này tâm rdâng hô ngắ đah Brah Huêng Ueh. Jêh ri Brah Huêng Ueh tâm rdâng đah nuih n'hâm ớ m i này đờ i Pắ ng đờng. Nau kớnh i này, ndrel ma Brah Huêng Ueh tâm rdil bắ ngắ, ndri dâng khân ay may jan mâu hôm blao ôh nớ ueh i khân ay may ứch jan này.

18Lah Brah Huêng Ueh leo khân ay may ta ắ p ntil nớ ta nau gử rêh, khân ay may mâu hôm ôh gử ta nằ m nau vay Môsê jât.

19Nớ jan tâng ma nuih n'hâm ớ m i này bân lể gít nắ n'hêl nanế jêh, ta này geh nau tâm đờng, nau bớ bớch kớ h kler, nau gử bắ bớ,

²⁰nau y'ok mbah ma rup brah, nau jan n'ang, nau tâm rdâng bǎl, nau tâm biǎnh, nau tâm mâu nach, nau ji nuih, nau gít ma sǎk n'om d'om, nau tâm rlǎch bǎl, nau tâm pǎ phung,

²¹nau tâm ngây rngõ, nau nhũl ndrǎnh, nau nhêt sa blâk blek, ndrel ma ndr'êng êng êng jât i tâm ban k'ot nây đ'ong. Gáp dẫn m'ơh ǎn khân ay may gít lor, k'ot gáp lǎ jêh m'ơh a lor n'ơh, dâng lǎ bunuyh i jan k'ot nây, Kôranh Brah mâu ôh rom khân pǎng jêng phung ðon lan Pǎng n'om.

²²Y'ơn ma play i tǎ b'ơh Brah Huêng Ueh ta nây geh k'ot n'đa: Nau r'ong ma bu, nau rǎm maak, nau đǎp mpǎn, nau blao ǎt nuih, nuih n'hâm l'ong, nuih n'hâm ueh, nuih n'hâm rǎp jǎp,

²³nuih n'hâm mleh, ndrel ma nau blao mât n'rǎng sǎk ǎn gũ di keh. Mâu h'om geh ôh nau vay i buay dâng lǎ nau i nây.

²⁴Jêh ri bu moh i jêng ðon lan Brah Krist Yêsu, lǎ nkhât l'oi nuih n'hâm ơm i ũch jan tih n'om b'ơh ndr'ul me, ndr'ap ma lǎ nkhât đ'ong ǎp ntil nau k'ơnh hô ir, tâm ban ma lǎ nkhât jêh ta si tâm rkǎng Pǎng.

²⁵Brah Huêng Ueh lǎ ǎn bân nau rêh mhe, lah ndr'i ǎn Pǎng leo bân n'ang ta ǎp ntil ndr'.

²⁶Bân l'oi ôh n'hi êng sǎk, tâm jreh bǎl, tâm ngây rngõ.

Galati 6

Tâm k'ol n'ok geh nau jêr ndrǎng n'om

¹Ở oh nô ta nau n'ing, lah geh du huê bunuyh i bu ban d'ol jan ndr' d'ơh, bu moh i geh Brah Huêng Ueh gũ, ǎn đǎp nkra bunuyh i nây ma nuih n'hâm mleh. Y'ơn ma n'rǎng sǎk pǎng n'om, klach lah geh nau ndr'om k'ot bunuyh i nây đ'ong.

²ǎn tâm k'ol moh geh nau jêr ndrǎng n'om, jan k'ot nây khân ay may jan tâng nau vay Brah Krist ngǎn.

³Lah bu moh i k'op êng sǎk pǎng n'om jêng bunuyh geh nau khlay, tih ma mâu ôh geh nau khlay, pǎng i nây jêng m'brôh êng sǎk pǎng n'om d'om.

⁴Ăn du huê du huê mêt uãnh êng sắk păng nơm jan hỏ, ăn gủ rằm maak ma ndơ păng nơm jan hỏ, lơi ôh rdâl ma bunuyh êng,

⁵yorlah ta nar jât nấp tay, dăng lẽ bunuyh iăt ma mboh ma Kôranh Brah dăng lẽ ndơ khân păng jan .

⁶Bu moh i bu ntũm nti nau Kôranh Brah, ăn khân păng sỏ đrấp ndơ i khân păng nơm geh abă pă ăn ma nắk i ntũm nti ma khân păng này.

⁷Dăn khân ay may lơi ôh vĩ, mâu dơi ôh mbrôh Kôranh Brah, Păng mra tẻ dôihi ma bu moh i mưch Păng. Moh gắr ntil i bu tuch ta neh, bu mra rek bớh gắr ntil i này ro.

⁸Bu moh i jan tâng nuhi n'hâm ỏm i ứch jan djớh bớh ndũl me, păng i này tâm ban ma tuch gắr djớh, jêh ri Kôranh Brah mra tẻ dôihi ma păng i này ro, tâm ban ma păng i này rek nau tẻ dôihi. Yỏn ma bu moh i gủ rêh gay ma Brah Huêng Ueh rằm maak, păng i này tâm ban ma tuch gắr ueh, jêh ri păng mra geh nau rêh n'ho ro tắ bớh Brah Huêng Ueh.

⁹Ăn bân lơi ôh dâl jan nau ueh, tăt di nar ri tay bân mra geh rek play ueh ro, lah bân jan ueh nâng.

¹⁰Lah ndri lah bân dơi jan, ăn bân jan ndơ ueh ma dăng lẽ bunuyh dỏ, lơ ma hô jan ndơ ueh ma oh nô ta nau nsing.

Nau ntũm nti n'glẻ dủt

¹¹Uãnh hỏm, rplây rso i kuởng kuởng i khân ay may uãnh nỏm bớh ntũk dja jăt đởng jẻng ti gắp nỏm nchih.

¹²Mpỏl bunuyh phung Israel i nchập khân ay may koh ntỏ tâng nau vay Mỏsẻ, khân păng ứch bu lử ma khân păng nỏm, khân păng man ma jan kớt này gay ma lơi ăn phung Israel jan jẻr dỏm, yỏr ma nti lẽ rklaih jẻh tắ bớh nsing ma Brah Krist i khắt ta si tâm rkắng, mâu ôh khắch jan du ntil ndơ a êng jăt.

¹³Bol lah phung i lẽ koh ntỏ này, sắk khân păng nỏm mâu ôh ndjỏt tâng dăng lẽ nau vay Mỏsẻ, khân păng đắ khân may koh ntỏ này, gay ma păng n'hi êng sắk khân păng nỏm, yỏr ma khân may lẽ iăt tâng nau khân păng đắ.

¹⁴Yơn ma gâp dja, lơi ăn gâp n'hi êng săk ma du ntil ndơ, man ma n'hi êng săk ma nau khât Brah Yêsu Krist ta si tâm rkăng i Kôranh bân hỏ. Yor ma ndơ Brah Yêsu Krist jan ta si tâm rkăng i này, dâng lể ndơ ta neh ntu dja mâu hôm ôh geh khlay ma gâp, jêng tâm ban ma nkhât ta si tâm rkăng i này, jêh ri gâp tâm ban ma lể khât ta si tâm rkăng đống, ndri bunuyh i mâu nsing ma Brah Yêsu Krist mâu ôh kợp gâp khlay.

¹⁵Nau geh koh ntô, nau mâu geh koh ntô, mâu ôh geh nau khlay. Nđơ i geh nau khlay jêng nau Kôranh Brah ăn nau rêh mhe, nau i này tâm ban ma Păng njêng bân du tở jât.

¹⁶Dăn Kôranh Brah ăn nau đăp mpăn, ndrel ma nau yỗ nđach ma bu moh i ndjôt tâng nau rêh mhe i này, nđâp ma dâng lể phung i jêng bon lan Kôranh Brah nơm ngăn .

¹⁷Ntơm bớh dja jât năp, lơi ôh ăn bunuyh jan ăn gâp geh nau jêr jât tă bớh nau bu nti nklă, yorlah khap Brah Yêsu nơm lể geh ta săk gâp jêh, jêng nau bu rpăt mbang ma gâp.

¹⁸Ở oh nô ta nau nsing, dăn nau ueh Brah Yêsu Krist i Kôranh bân nơm gũ ndrel ta nuih n'hâm khân ay may. Ở ăn geh kợp này ngăn ro .

Êphêsô

Êphêsô 1

Nau ôp ueh lăng

¹Sambüt gáp Pôl nchih, gáp i kôranh oh mon Brah Krist Yêsu tă bôh nau ũch Kôranh Brah nôm. Gáp dẫn ôp nau ueh lăng khân ay may i phung bon lan Kôranh Brah ta bon Êphêsô, jêng phung gũ nập ta nau nsing ma Brah Krist Yêsu.

²Dăn Kôranh Brah Bở bân nôm, ndrel ma Kôranh Yêsu Krist ăn nau ueh, nau đăp mpăn ma khân ay may.

Nau geh jêng Kôranh Brah i Păng ăn ma phung nsing

³Dăn rnê Kôranh Brah i Bở Brah Yêsu Krist Kôranh bân. Yor ma bân gũ ndrel Brah Krist, Kôranh Brah lě ăn jêh ma bân ăp ntil ndr ueh i mắt bunuyh mâu blaosay i geh nau khlay ta nuih n'hâm bân, ndập ma ăn bân nau rêh n'ho ro .

⁴Bôh nôm ê hỏ njêng neh ntu nôm, Păng lě ơm kơih jêh bân gay ma gũ ndrel Brah Krist. Păng kơih bân gay ma jêng kloh ueh, mâu geh ôh nau ma nduih ta năp mắt Păng. Păng jan kơt nây, yor ma Păng geh nuih n'hâm rông ma bân.

⁵Bôh nôk nây nôm Păng lě ơm ũch bân jêng phung kon Păng nôm yor ma ndr Brah Yêsu Krist lě jan, jêng di kơt nau Păng nôm ũch, ndập ma ăn Păng rằm maak.

⁶Păng jan kơt nây gay ma bân rnê nau ueh Păng nôm i dứt kuông ngăn, nau ueh i nây Păng lě ăn jêh đơm dam ma bân i gũ ndrel Kon Păng nôm. Păng rông hô ngăn ma Kon Păng nôm.

⁷Yor ma mham Brah Krist i Kon Păng nôm nây, Păng lě chuai jêh bân bôh nau tể dôi, lě yỏ bân mâu hôm ôh kơp nau tih bân. Nau i nây tă bôh nau ueh Păng dứt kuông ngăn.

⁸Nau ueh i nây Păng ăn ma bân ỏk rmeh ler ngăn, Păng ăn bân nau mân gĩt blaos, ndrel ma ăn bân gĩt văt ăp ntil ndr.

⁹Păng lẽ ăn bân gít năi nau ếch Păng i a lor nơh bunuyh mâu ôh gít, abao' dja Păng lẽ nhơ ma bân ndơ i Păng ếch jan ta Brah Krist.

¹⁰Nau i này Păng ăn geh ngăi tăt di nar Păng lẽ ếch, ta nar i này Păng mra rgum dăng lẽ ndơ ta kalơ trôk, ndrel ma dăng lẽ ndơ ta neh ntu ăn gũ gum ta nâm Brah Krist jêng du huê kôranh đơm.

¹¹Hên i phung Israel i nsing ma Brah Krist lẽ Kôranh Brah de kơih jêh gay ma sô đơn ndơ Păng lẽ ton ma hên kăi e nơh, yor ma hên gũ ndrel Brah Krist. Păng lẽ ơm kơih hên kơt này jêng tâng nau măn Păng nơm ếch. Dăng lẽ ndơ Păng ếch ăn geh, jêng geh ngăi tâng nuih n'hâm Păng nơm ếch.

¹²Ndri hên lẽ geh nau nơm ta Brah Krist lor bu. Păng jan kơt này gay ma hên gũ rêh rênê nau chrêk lợp Păng nơm.

¹³Abao' dja khân ay may i mâu di phung Israel lẽ Kôranh Brah de ăn Brah Huêng Ueh i kloh ueh gũ ndrel khân ay may đơng, yor ma khân ay may gũ ndrel Brah Krist. Nau i này Păng nơm lẽ ton, jêh ri nau i này tâm ban ma tễ pla krêp ta khân ay may. Păng ăn Brah Huêng Ueh, jêh khân ay may nsing ma Brah Krist ta nôk khân ay may tâng nau ngơi ngăi, tâng nau mhe mhan ueh. Jêh ri khân ay may geh nau rklaih yor ma nau mhe mhan ueh i này.

¹⁴Păng ăn Brah Huêng Ueh i kloh ueh này nchăm nuih n'hâm bân, ăn bân gít ngăi, Păng mra ăn bân dăng lẽ ndơ i Păng lẽ ton jêh, ăn bân gít ngăi Păng lẽ chuai bân gay ma jêng phung bon lan Păng nơm. Păng jan kơt này gay ma bân rênê nau chrêk lợp Păng nơm.

Nau Pôl mboh sơm ăn ma phung nsing ta bon Êphêsô

¹⁵Yor ma dăng lẽ ndơ i này, gập lah ueh ma Kôranh Brah ngăi. Nơm bơh gập lẽ tâng jêh nau bu nkoch nau nsing khân ay may ta Kôranh Yêsu, ndrel ma tâng nau khân ay may rông ma dăng lẽ phung bon lan Kôranh Brah,

¹⁶ndri dăng gập mâu rlu ôh lah ueh Kôranh Brah, yor ma khân ay may này. Ấp tở gập mboh sơm, gập mboh sơm ma khân ay may đơng.

¹⁷Gập dẫn Kôranh Brah i Bở Brah Yêsu Krist Kôranh bân nơm, Păng i Bở i geh nau chrêk lợp. Gập dẫn Păng ăn Brah Huêng Ueh ăn khân ay may geh

nau mân gít blao, ndrel ma ăn Brah Huêng Ueh nhơ Păng nơm ma khân ay may, gay ma khân ay may gít năl Păng lơ ma hô ngăn.

¹⁸Gập dẫn Kôranh Brah kớ khân ay may, ăn khân ay may gít vật n'hêl ta nuh n'hâm nau mân dăng lể ndơ Kôranh Brah ứch ăn ma khân ay may. Nđơ i nây khân ay may hôm nơm ma sỏ đơ, yorlah Păng lể kuăl khân ay may jêng phung bon lan Păng nơm, ndơ i nây tâm ban ma ndơ ndrây, geh nau khlay hô ngăn, geh nau chrêk lơp đống.

¹⁹Gập dẫn kớ nây, gay ma khân ay may gít vật n'hêl nau đơ Kôranh Brah i dứt kuống i mâu ôh geh ndơ ma ntât. Kôranh Brah kớ bân i nsing ma Brah Krist ma nau đơ i nây. Nau đơ i nây

²⁰ăn Brah Krist dâk rêh tay nơh, ndrel ma ăn Păng gủ mpeh bớh ma Kôranh Brah ta ntũk Kôranh Brah nơm ta kalơ trôk.

²¹Nau đơ i nây ăn Brah Krist jêng kôranh dứt kuống dứt prêh rlau ma dăng lể kôranh i geh nau đơ i geh nau dăng i geh nau mât uảnh ăp ntil . Mâu geh ôh du huê kuống prêh rlau Păng ta rnôk abao dja, n'ho ma rnôk jât năp tay jêng rnôk i n'ho ro đống.

²²Kôranh Brah lể ăn dăng lể ndơ gủ ta nâm nau mât uảnh Brah Krist nơm, nđâp ma ăn Păng jêng kôranh ma dăng lể bunuyh i nsing ma Păng. Păng tâm ban ma bôk,

²³phung i nsing tâm ban ma săk jăn Păng. Păng ăn nau rêh nđâp ma mât uảnh dăng lể phung nsing. Păng ăn nau rêh nđâp ma mât uảnh dăng lể ndơ i geh njêng .

Êphêsô 2

Phung nsing ma Brah Krist geh nau rêh tay

¹Ê lor ma khân ay may nsing ma Brah Krist nơh, khân ay may jan tih nâng, jan rlau đah nau Kôranh Brah đă, jêng tâm ban ma lể khât yor ma jan nau tih i nây

²i khân ay may vay jan nâng ta nôk hôm gủ rêh jan kớ bunuyh i mâu nsing ma Brah Krist. Khân ay may vay jan tâng nau ứch Satăng i kôranh mpôl brah

djoh. Păng i nây abao dja hôm kuăn bunuyh i tâm rdâng đah nau Kôranh Brah ũch.

³Dâng lẽ bân a lor nơh jan kơt khân păng i nây đổng, bân vay jan tâng rnglay sắk kơnh, bân vay jan ndơ êng êng tâng i nau mân kơnh. Kơt ndri dâng bơh ntơm nơh dâng lẽ bân jêng bunuyh i di ma Kôranh Brah tễ dôiđ dadê ntơm bơh ndũl me kơt khân păng i nây đổng.

⁴Yơn ma Kôranh Brah geh nau yỗ ndach dứt hô chrao. Păng hôm geh nau rống ma bân dứt hô,

⁵bol lah bân i gũ ngai bơh Kôranh Brah jêng tâm ban ma lẽ khât yor ma nau tih bân nơm kađôi, Kôranh Brah hôm jan ăn bân tâm ban ma dâk rêh ndrel Brah Krist đổng, ăn bân geh nau rêh n'ho ro tay. Yor ma nau ueh Kôranh Brah nơm Păng lẽ rklaih jêh khân ay may.

⁶Păng ăn bân dâk rêh tay ndrel Brah Krist, jêh ri ăn bân gũ ta ntũk Păng nơm ta kalo trôk ndrel Brah Krist nơm đổng.

⁷Păng jan kơt nây, gay ma nhơ nau ueh Păng nơm i Păng ăn bân yor ma bân gũ ndrel Brah Krist Yêsu, Păng ăn bu say gĩt năl ta ăp rnôk jât năp tay. Nau ueh Păng nơm dứt kuống ngăn mâu geh ôh ndơ ma ntât.

⁸Tă bơh nau ueh Kôranh Brah, dâng Păng rklaih khân ay may, yor ma khân ay may nsing ma Brah Krist. Nau rklaih i nây mâu ôh tă bơh ndơ khân ay may nơm jan, jêng tă bơh Kôranh Brah nơm ăn đơm dam.

⁹Mâu đổng di tă bơh bunuyh jan ueh, gay ma lơi ăn du huê bunuyh n'hi êng sắk păng nơm.

¹⁰Kôranh Brah lẽ ăn bân geh nau rêh mhe, Păng njêng bân du tở jât, yor ma bân lẽ gũ ndrel Brah Krist Yêsu. Păng jan kơt nây, gay ma ăn bân dơi jan ndơ ueh i lẽ Păng ndrăp lor ăn ma bân jan tâng kơt.

Nau tâm rnglăp bắl ta Brah Krist

¹¹Lah ndri ăn khân ay may kah gĩt hồm, khân ay may nơh jêng phung i mâu di phung Israel bơh ndũl me. Jêh ri phung Israel jêng phung geh koh ntô, ndri dâng khân păng kơp êng sắk khân păng nơm lẽ jêng phung bon lan

Kôranh Brah nôm, yơn ma khân păng geh koh ntô ta săk jan ma ti bunuyh đơm. Jêh ri khân păng kuăl mưch khân ay may ‘Phung mâu koh ntô’.

¹²A lor nơh khân ay may hơm gũ ngai bớh Brah Krist. Khân ay may này Kôranh Brah mâu ôh kớih jêng phung bon lan Păng nôm, yơn ma phung Israel đơm Kôranh Brah lể kớih jêng phung bon lan Păng nôm. Nau ton Kôranh Brah nôk Păng tâm rnglăp ma phung Israel kăl e nơh mâu di ma khân ay may đống. Khân ay may gũ rêh ta neh ntu dja mâu geh nau rnom ma nau rklaih, ndrel ma mâu geh Kôranh Brah đống.

¹³A lor nơh khân ay may gũ ngai ngă bớh dăng lể ndr i này, yơn ma abao dja Kôranh Brah lể ăn khân ay may jêng phung bon lan Păng nôm, yor ma mham Brah Yêsu Krist nôm hoch ta si tâm rkăng.

¹⁴Brah Krist ăn nau đăp mpăn ma dăng lể bân. Yor ma nau Păng khăt, Păng ăn bar phung i này, phung Israel, ndăp ma phung i mâu di phung Israel jêng phung bon lan du phung đơm. Ndr i này tâm ban ma rớih lới mpêr i nching tâm rdah bar phung i này, ăn bân bah tâm rlăng băl.

¹⁵Yor ma nau khăt Brah Yêsu, bân mâu hơm khăch jan tâng nau vay phung Israel i geh đă i geh buay êng êng này. Păng jan kớh này gay ma lể bar phung i này jêng phung bon lan mhe du phung hỏ ta Păng nôm, ndr i Păng ăn nau đăp mpăn lể bar phung i này.

¹⁶Nôk Brah Krist khăt ta si tâm rkăng nơh, Păng lể jan bar phung i này ăn tâm rnglăp băl jêng du rnglay săk hỏ, ndrel ma ăn khân păng tâm di băl ma Kôranh Brah. Ndr i dăng Păng n'groh lới nau tâm rlăng băl i này.

¹⁷Păng văch ta neh ntu dja nơh, mbớh nkoch nau mhe mhan ueh geh nau đăp mpăn ma Kôranh Brah nôm, ăn ma phung i mâu di phung Israel i vay gũ ngai bớh Kôranh Brah, ndrel ma ăn ma phung Israel i phung bon lan Păng nôm đống.

¹⁸Yor ma Brah Yêsu này dăng Kôranh Brah rom bân bar phung, tăng nau đăn bớh dăng lể bân. Nau i này tă bớh geh du huê Brah Huêng Ueh đơm i gũ ta dăng lể bân ma kớl.

¹⁹Kơt ndri dāng khān ay may mâu hōm ôh jēng tâm ban ma phung bu năch i gũ ta bri êng, khān ay may lě gũ jēh ta bri phung bon lan Kôranh Brah. Khān ay may lě jēng bǎl mpôl du phung dơm, ndrel ma dāng lě phung i lě nsing ma Brah Yêsu, jēng rñăk vâl Kôranh Brah nơm.

²⁰Phung i nây tâm ban ma du mlǒm nhieh i gũ nập yor ma mpôl kôranh oh mon, ndrel ma mpôl bunuyh ntơyh nau ngơi Kôranh Brah i tâm ban ma meh, jēh ri Brah Krist Yêsu nơm i tâm ban ma meh dũt nập dũt khlay.

²¹Yor ma Păng dāng geh ma dāng lě phung nsing ma Păng tâm krêp bǎl tâm ban ma du mlǒm nhieh, dāng geh ma jēng nhieh jan brah i kloh ueh, jēng ndơ Kôranh Brah nơm.

²²Kơt ndri đōng, yor ma khān ay may gũ ndrel Brah Krist, khān ay may tâm ban ma tâm krêp bǎl, jēng nhieh ma Kôranh Brah gũ. Nđơ i nây yor ma Brah Huêng Ueh gũ ta sǎk khān ay may.

Êphêsô 3

Pôl leo phung i mâu di phung Israel sât nsing ma Kôranh Brah

¹Yor ma dāng lě ndơ i nây, gập mboh sơm dǎn Kôranh Brah ănh khān ay may. Gập dja bunuyh geh ndrung, yor ma gập mboh nkoch nau Brah Krist Yêsu ănh ma phung i mâu di phung Israel.

²Nau dja khān ay may lě gĩt jēh ma nau Kôranh Brah đǎ gập mboh nkoch nau ueh Păng nơm ănh ma khān ay may, ănh ma dāng lě phung i mâu di phung Israel.

³Gập lě geh nchieh jēh nau để ta sambũt dja ănh ma khān ay may, Kôranh Brah lě nhhơ ănh gập ta nau tâm say nau Brah Krist i a lor nơh hōm ndöpf mpôn.

⁴Nôk khān ay may rỏ nau i nây, khān ay may gĩt vât ro ma nau gập gĩt blao ta nau Brah Krist i a lor nơh hōm ndöpf mpôn.

⁵Bơh ntơm nơh bunuyh bân ê hỏ gĩt vât ôh nau i nây, abơ dja Kôranh Brah lě nhhơ jēh ănh ma mpôl kôranh oh mon i kloh ueh, ndrel ma mpôl bunuyh ntơyh nau ngơi Păng nơm. Brah Huêng Ueh ănh nhhơ ndơ i nây ma khān păng.

⁶Nau ndöp mpôn i này Păng nhhơ phung i mâu di phung Israel dơi sớ đơn ndơ khlay ndơ ueh bớh Kôranh Brah ndrel phung Israel đổng. Phung i mâu di phung Israel dơi sớ đơn ndơ khlay ndơ ueh i này yor ma ndơ Brah Krist lẽ jan. Păng nhhơ phung i mâu di phung Israel dơi sớ đơn nau i Kôranh Brah lẽ ton ta Brah Krist Yêsu ndrel phung Israel đổng. Bar ở phung i này lăp jêng du rnglay sắk.

⁷Gập lẽ sớ đơn jêh jan kar mớh nkoch nau mhe mhan ueh ma Brah Krist i này. Kôranh Brah ăn nau jan kar i này ma gập yor ma nau ueh Păng nờm. Tă bớh nau dơi Păng, Păng ăn ma gập nau jan kar i này.

⁸Bol lah gập jêng bunuyh dút jẻ ta nâm bu đơm kađôi ta phung bon lan kloh ueh, Kôranh Brah hơm kớih gập ma leo nau mhe mhan ueh ăn ma phung i mâu di phung Israel. Păng kớih gập tă bớh nau ueh Păng nờm. Păng ăn gập mớh nkoch ma ndơ Brah Krist ứch ăn, ndơ i này dút ueh dút khlay mâu blao dút ôh.

⁹Kôranh Brah nờm i rhăk njêng dăng lẽ ndơ đă gập ăn dăng lẽ bunuyh gít say n'hêl nau Păng ứch jan i Păng ăn ndöp mpôn bớh nờm saóm nờh.

¹⁰Kôranh Brah ứch phung i nsing ma Păng, ăn dăng lẽ phung kôranh, ndập ma dăng lẽ phung măt uảnh ta kalơ trôk gít năl ăp ntil nau mân gít blao Kôranh Brah nờm.

¹¹Nau ứch i này lẽ ơm Kôranh Brah nờm ndrăp jan kớh này nờm bớh saóm nờh ngăn, jêh ri Păng jan ngăn nau i này ta Brah Krist Yêsu i Kôranh bân.

¹²Yor ma bân gủ ta Brah Krist Yêsu, ndrel ma yor ma bân geh nau nsing ma Păng, ndri bân geh nuih n'hâm bảnh mâu geh klach hăn dăch ta Kôranh Brah, gay ma rnê Păng, ndập ma đăn Păng ăp ntil ndơ.

¹³Kớh ndri dăng gập đăn khân ay may lời ôh rdja ta nuih n'hâm yor ma say gập geh nau jêr jốt dja, gập geh nau jêr jốt dja yor ma ứch kớh khân ay may, jêh ri gay ma ăn khân ay may geh nau chrêk lợp.

Nau rống Brah Yêsu mâu blao dút

¹⁴Kớh ndri dăng gập chon kômốk mớh sớm ma Kôranh Brah Bở nờm.

¹⁵Dâng lẽ ndơ i geh nau rêh ta kalơ trôk, ta neh ntu dja đổng jêng tă bớh Păng dadê.

¹⁶Gập dẫn Păng ăn Brah Huêng Ueh Păng nờm ăn khân ay may geh n'hâm suan dăng katang ta nuih n'hâm, tă bớh nau dơi dũt kuông Păng nờm.

¹⁷Dẫn Brah Krist gũ ta nuih n'hâm khân ay may yor ma nau nsing khân ay may. Gập dẫn Păng ăn khân ay may geh nau rông jru ta nuih n'hâm ma dăng lẽ bunuyh, ma Păng nờm đổng, tâm ban ma tơm si i hon reh jru ta neh.

¹⁸Gập dẫn Păng ăn khân ay may, ndrel ma dăng lẽ phung bon lan Kôranh Brah dơi gĩt vât dah kuông nau rông Brah Krist ma bân, nau huy, nau jong, nau jru, nau prêh ta nau rông Păng này.

¹⁹Jêh ri gập dẫn ăn khân ay may gĩt năl ta nau rông Brah Krist ma bân i kuông rlau ma nau mân bunuyh dơi gĩt vât, gay ma dăng lẽ ndơ i geh ta Kôranh Brah, geh ta khân ay may đổng .

²⁰Kôranh Brah dơi jan dăng lẽ ndơ rlau bớh nau i bân blao dẫn, rlau bớh nau i bân blao mân. Nau dơi Păng nờm lẽ gũ ta bân gay ma kớl bân.

²¹Ăn rnê nau chrêk lợp Kôranh Brah nờm ta phung nsing ma Păng yor ma Brah Krist Yêsu. Ăn rnê Păng ta ăp rnôk bunuyh babơ n'ho ro. Ở ăn geh kớl này ngăn ro !

Êphêsô 4

Phung nsing ma Brah Yêsu tâm rnglăp jêng nguai

¹Gập gũ ta trôm ndrung dja, yor ma gập sơm kớl jan kar ma Kôranh Yêsu. Lah ndri gập dẫn hô ngăn khân ay may gũ ngao tâm di đah nau Kôranh Brah ũch ma phung i Păng lẽ kuăl này dô.

²Ăn khân ay may njữr săk khân ay may nờm, geh nuih n'hâm mleh dêh rhêt, blao ăt nuih. Jêh ri blao nsrôyh tâm rông ndrăng nờm, bol lah bunuyh i này jan mâu ueh ma khân ay may kađôi.

³Brah Huêng Ueh lẽ ăn khân ay may jêng tâm rnglăp bắl. Ndri ăn khân ay may nsrôyh gũ du ntôr nau ndrel bắl ma nau đăp mpăn.

⁴Phung i nsing ma Brah Krist jêng nguai đơ, jêng tâm ban ma du rnglay sắk đơ, geh du huê Brah Huêng Ueh đơ, jêh ri Kôranh Brah lể kuẩl jêh khân ay may ăn geh nguai nau rơm này đơng.

⁵Geh du huê kôranh đơ, geh du ntil nau nsing đơ, geh du ntil nau jan bắptem yủk ma dak đơ.

⁶Geh du huê Kôranh Brah đơ i Bở dăng lể bân. Pắng Kôranh ma dăng lể bân, Pắng đơng dăng lể bân jan kar ndr i Pắng nơm ứch, Pắng gủ ndrel dăng lể bân.

⁷Yơn ma dăng lể bân du huê du huê lể Brah Krist ăn đơ dam nau dơi êng êng tắng Pắng nơm ứch.

⁸Kốt ndrri dăng Nau Kôranh Brah Ngơi lể geh nchih kốt nđa: ‘Jêh Pắng dơi đah phung rlắng Pắng, nôk Pắng hao ta kalo’ trôk ntủk dủt prêh, Pắng leo bunuyh i Pắng nhủp kát này bở bớh kơi Pắng nơm, Jêh ri ăn ndr ueh đơ dam ma phung bon lan Pắng nơm’ .

⁹Nau lah: ‘Hao ta kalo’ i này moh bắ geh nau khlay? Nau i này geh nau khlay Brah Krist lể lor jủr jêh ta neh ntu i dủt dêh dja bốt.

¹⁰Pắng i jủr này jêng nơm i hao ta ntủk dủt prêh ta kalo’ trôk, gay ma jêng kôranh ma dăng lể ndr.

¹¹Pắng ăn đơ dam ndr ueh ma phung bon lan Pắng nơm, Pắng ăn ma bunuyh abắ jêng kôranh oh mon, abắ jêng nơm ntớyh nau ngơi Kôranh Brah, abắ jêng nơm mbớh nkoch nau mhe mhan ueh, abắ jêng kôranh mắt uắnh phung nsing, ndrel ma abắ jắt jêng nơm ntủm nti.

¹²Pắng ăn ndr ueh i này gay ma kớl dăng lể phung bon lan Pắng nơm blao jan kar ma Pắng nơm, nđáp ma rdỏk njêng phung i nsing ma Brah Krist i jêng tâm ban ma sắk jắn Pắng nơm

¹³n'ho ma tắt dăng lể bân tâm rnglắp bắl yor ma bân nsing ma Kon Kôranh Brah. Pắng ăn ndr i này gay ma dăng lể bân tâm rnglắp bắl, yorlah bân gắt nắl Pắng, jêh ri dăng lể bân jêng tâm ban ma bunuyh lể kuổng ta nau nsing ta

nau gũ ngao, n'ho ma tât nuih n'hâm nau gũ ngao dâng lě bân jêng tâm ban ma Brah Krist ngă.

¹⁴Lah ndri bân mâu hêm tâm ban ma kon se dah ma iăt nau bu ntũm nti nklă ũch đôt ũch tэк bân. Bân mâu hêm ôh tâm ban ma ndơ n'hông kalơ dak sial khôm jât năp khôm jât kơi, jêh ri mâu hêm dah ma iăt nau bu blao mbrôh bu blao rlăm nây đống.

¹⁵Yơn ma nôk bân ngơi nau ngă ma bu, ăn ngơi ma nau dêh rhêt. Ăn bân lơ ma hô dâng lě ta ăp ntil nau jêng tâm ban ma Brah Krist. Păng kôranh bân tâm ban ma bôk jêng kôranh ma săk jăn.

¹⁶Păng jan ăn bân tâm rnglăp băl, tâm ban ma kỗ êng êng ta săk jăn tâm ntrũp tâm nkrêp băl. Lah ndri lah dâng lě bân du huê du huê jan ăn ueh tâng nau Păng ũch, ndâp ma geh nau tâm rông băl ma dâng lě phung nsing, ndri dâng lě bân tâm rdők njêng băl.

Nau rêh ơm, ndrel ma nau rêh mhe

¹⁷Gập mboh đã khân ay may jêng ndơ tâm di ma nau ũch Kôranh Yêsu ngă: Lơi hêm ôh gũ ngao kơt phung i mâu nsing ma Brah Krist, yorlah nau mân nau gĩt khân păng i nây mâu geh ôh nau khlay.

¹⁸Nuih n'hâm khân păng ngo ngă, khân păng gũ tâm nkah đah Kôranh Brah, mâu ôh geh nau rêh i tă boh Păng, yorlah khân păng mâu ôh gĩt năl nau Păng. Nuih n'hâm khân păng dăng ko mâu ũch iăt nau Kôranh Brah.

¹⁹Khân păng mâu ôh blao gĩt ma ndơ ueh ndơ djơh, khân păng jêng bunuyh tâm đống, jan ndơ djơh ăp ntil ngă tâng rnglay săk kơnh, tâng nuih n'hâm khân păng nơm kơnh.

²⁰Lống khân ay may, khân ay may bu nti ma Brah Krist mâu geh ôh kơt đđay.

²¹Khân ay may lě tăng bu mboh nkoch nau Brah Yêsu, bu lě ntũm nti khân ay may ma nau ngă dadê i gũ ta Brah Yêsu.

²²Bu ntũm nti ma khân ay may mbărlơi nau vay gũ ngao ơm a lor nơh, mbărlơi nuih n'hâm ơm, ndrel ma mbărlơi dâng lě nau mân ơm i djơh dadê. Nau

mân ơm i này lơ ma hô mâu ôh blao gít ma ndơ di ndơ tih, yor ma nau kơnh hô ir, yor ma nau mbrôh.

23 Ặn Brah Huêng Ueh jan nuh n'hâm nau mân khân ay may mhe dadê lể phiao.

24 Tâm ban ma bu nsoh n'gut kho ao mhe, Ặn khân ay may gủ ngao tâng ma nuh n'hâm nau mân mhe i Kôranh Brah lể njêng jêng tâm ban ma Păng nơm, geh nau sồng ngăn, geh nau kloh ueh.

25 Lah ndri khân ay may lơi hơm ôh tâm ngơi mbrôh, Ặn ngơi nau ngăn hỏ ndrăng khân ay may nơm, yorlah dăng lể bân tâm ban ma du sắk jăn đơm .

26 'Lah khân ay may ji nuh, njrăng lơi ôh jan tih' . Jêh ri lơi ôh hơm ji nuh n'ho ma tât nar lể nhỏp.

27 Lơi Ặn Satăng i kôranh mpôl brah djơh geh nau ma ndơm jan tih yor ma nau ji nuh.

28 Bu moh i vay ntũng, lơi hơm ntũng jât ôh, Ặn păng nsrôyh jan kar rắp jắp ma sắk păng nơm hỏ, gay ma geh ndơ ma păng nơm ndập ma geh ndơ ma kớl phung i mâu geh.

29 Lơi ôh Ặn nau djơh lôh bớh mbung khân ay may du nau, Ặn lôh nau i ueh ueh đơm gay ma tâm kớl rdỏk njêng ma bunuyh i tăng . Ặn ngơi nau i geh nau khlay ma bu, gay ma nau ueh Ặn ma mpôl i gủ iắt đớng.

30 Lơi ôh jan Ặn Brah Huêng Ueh Kôranh Brah rngot. Lể Kôranh Brah Ặn Brah Huêng Ueh i kloh ueh gủ ta khân ay may, Brah Huêng Ueh i jêng tâm ban ma ndơ pla krêp ta khân ay may, gay ma khân ay may gít n'hêl geh nau rklaih ngăn tât ta nar Brah Krist plở vắch.

31 Ặn khân ay may mbắr lơi i nuh n'hâm keh koh, nuh n'hâm hắt janh, nuh n'hâm ji nuh, nau tâm vắl tâm mprat, nau ngơi nchớt bu, ndrel ma Ặp ntil ndơ djơh.

32 Ặn khân ay may geh nuh n'hâm lỏng, ndập ma tâm yỏ ndach ndrăng nơm. Ặn tâm yỏ ndrăng khân ay may nơm mâu hơm tâm kớp nau tih, kớt Kôranh

Brah lě yố khân ay may mâu hôm kớp nau tih khân ay may đổng yor ma ndr
Brah Krist lě jêh jan.

Êphêsô 5

Nau rêh gũ ta nau ang

¹Lah ndrì ăn khân ay may jan tâng Kôranh Brah de jan, yorlah khân ay may jêng kon i Kôranh Brah nôm rông.

²Gũ hồm ta nau rông ma bu ta nau gũ ngao khân ay may, kớp Brah Krist lě rông ma bân, jêh ri Păng jao săk Păng nôm ma khât gay ma rklaih bân. Nau jao săk i nây tâm ban ma ndrì jan brah ma Kôranh Brah i ăn Kôranh Brah răm hô ngăn.

³Yor ma khân ay may lě jêng phung bon lan Kôranh Brah jêh, ta phung khân ay may lời ôh ăn geh nau tâm đổng, nau bở bớch khớh kler ăp ntil, mâu lah nuh n'hâm rvan kớnh geh ma đrăp ndrì. Man ma ngời đơm ma ndrì i nây, hôm mâu di ma phung bon lan Kôranh Brah đổng.

⁴Jêh ri lời mớh ngời ndrì đjớh i jan ăn bu geh nau đit prêng, lời ngời nau nkhớng, lời ngời pâl lă lêng. Dâng lě nau i nây mâu ueh ôh. Ăn mớh ngời i lah ueh ma Kôranh Brah hỏ.

⁵Ăn khân ay may gĩt n'hêl naně, bunuyh i tâm đổng, bunuyh i jan nau bở bớch, bunuyh i nây mâu đời ôh lăp ta nau Brah Krist măt uănh ta nau Kôranh Brah măt uănh. Bunuyh i kớnh đrăp ndrì hô ir mâu đời lăp kớp nây đổng. Nau kớnh đrăp ndrì tâm ban ma yớk mbah ma brah êng đổng.

⁶Geh bunuyh lah: “Nau i nây mâu chrao ôh.” Lời ôh ăn bunuyh i nây ndrôm khân ay may ma nau ngời lă lêng nau ngời i mâu geh nau khlay, yorlah Kôranh Brah ji nuh tể đờih ngăn ro ma bunuyh i jan ndrì i nây i tâm rdâng đah Păng.

⁷Lah ndrì lời ôh tâm rnglăp ndrêl bunuyh kớp i nây.

⁸Bớh nôm nớh khân ay may ê hỏ gĩt năl Kôranh Brah, jêng tâm ban ma gũ ta nau ngo. Yớn ma abao dja khân ay may lě tâng Kôranh Yêsu, jêng tâm ban

ma lě gũ ta nau ang. Lah ndri ăn khân ay may gũ ngao jêng tâm di ma bunuyh i lě geh jêh nau ang ta nuih n'hâm păng nơm.

⁹Jêh ri tă bớh geh nau ang i này, bunuyh gũ ngao blao jan ăp ntil ndơ ueh, jan sồng, ndrel ma ngơi nau ngăn.

¹⁰Ăn khân ay may nsrôyh nti ndơ i ăn Kôranh Brah rằm.

¹¹Lơi jan ndơ djơh ndrel bunuyh i hôm tâm ban ma gũ ta nau ngo, yorlah tă bớh nau ngo i này mâu geh ôh ndơ geh khlay. Iăt ma ăn bu gĩt ndơ djơh i păng jan.

¹²Moh ndơ bunuyh i này jan ma nau ndöpf mpôn, nau i này man ma bu sớ ngơi đơm hôm e geh nau bở bớch đống.

¹³Dâng lě ndơ i geh ta ang, bu gĩt say n'hêl nanế ngăn,

¹⁴yorlah nau ang ăn bu đơi say dâng lě ndơ. Kớt ndri dâng geh lah kớt nđa: 'Khân ay may i lě hăk bêch, kah rngăl hồm!

Ăn dăk bớh phung bunuyh khăt hồm, ntay dâng Brah Krist ang nchrat ta khân ay may ' .

¹⁵Lah ndri ăn khân ay may njrăng hồm nau gũ ngao khân ay may. Lơi ôh jan tâm ban ma bunuyh rluk măt. Ăn jan tâm ban ma bunuyh i geh nau mân gĩt blao hỏ.

¹⁶Ăn gũ ndrăp săk nâng ma jan ndơ ueh jan ndơ i Kôranh Brah ứch, yorlah rnôk dja djơh mhĩk ngăn.

¹⁷Lah ndri lơi ôh jan bunuyh rluk măt, ăn khân ay may gĩt văt ndơ i Kôranh Brah nơm ứch chrao.

¹⁸Lơi ôh ứch ma ndrănh ốk, lơi ôh nhũl ndrănh, yorlah nhũl leo bunuyh jan djơh. Yơn ma ứch Brah Huêng Ueh gũ dăch gay ma leo khân ay may nâng hỏ.

¹⁹Nôk gũ ndrel bắl ăn khân ay may mpro' ma nau mpro' ơm tă bớh Nau Kôranh Brah Ngơi, ma nau mpro' rnê Kôranh Brah, ndrel ma nau mpro' i tă bớh Brah Huêng Ueh. Ăn mpro', ndrel ma rnê Kôranh Brah ăn lě nuih n'hâm.

²⁰Ăn lah ueh nâng ma Kôranh Brah Bở ma dăng lẽ ndơ ta rnha Brah Yêsu Krist i Kôranh bân nơm.

Nau gủ ngao ur sai

²¹Yor ma khân ay may i tâm rnglăp đah Brah Krist, ăn khân ay may tâm iăt ndrăng khân ay may nơm đổng.

²²Ở rôh me i lẽ geh sai, ăn iăt ma sai khân ay nơm, tâm ban ma iăt đah Kôranh Yêsu đổng,

²³yorlah sai jêng tâm ban ma bôk ma ur, kốt Brah Krist jêng tâm ban ma bôk ma phung i nsing ma Păng nơm. Jêh ri Păng nơm rklaih phung i này.

²⁴Phung nsing iăt Brah Krist, kốt ndri đổng ăn ur iăt ma sai păng nơm ta ăp ntil ndơ.

²⁵Ở phung oh nô ta nau nsing i lẽ geh ur, ăn khân may rông ma ur khân may nơm, tâm ban ma Brah Krist lẽ rông ma phung nsing ma Păng đổng, n'ho ma Păng jao săk khât ăn ma phung i này,

²⁶gay ma jan ăn phung nsing jêng kloh ueh. Păng n'groh lơi nau tih bân, jan ăn bân kloh ma nau Păng ngơi, tâm ban ma bu rao săk ma dak .

²⁷Kốt ndri Brah Krist öch nhhơr phung nsing ma Păng nơm, jêng phung i ueh chrêk lợp, i mâu geh nau rmao, i mâu geh nau ntăk, i mâu geh ôh djơh du ntil, lẽ kloh ueh dadê jêh, mâu hơm geh ôh nau ma nduih.

²⁸Kốt ndri đổng iăt ma sai rông ma ur kốt păng rông ma săk păng nơm đổng. Bu moh i rông ma ur, păng i này lẽ rông ma săk păng nơm đổng.

²⁹Mâu geh ôh bunuyh mâu öch mât nsiăm săk păng nơm, yơn ma păng öch ngăn mât nsiăm săk păng nơm ăn ueh, kốt ma Brah Krist mât nsiăm phung nsing.

³⁰Dăng lẽ bân jêng tâm ban ma ndơ êng êng ta săk jăn Brah Krist .

³¹Lẽ geh nchih ta Nau Kôranh Brah Ngơi: ‘Yor ma nau i này bu klô lôh du bơh mẽ bở, hăn gủ a ur, jêh ri khân păng bar hê ur sai jêng du rnglay săk’ .

³²Nau khlay ma nau i này hôm geh nau ndöpf mpôn jru ngăn, gáp mboh dơm ma nau khlay mpeh ma Brah Krist, ndrel ma phung i nsing ma Păng.

³³Yơn ma iăt ma dăng lẽ khân may rông ma ur khân may nơm, kốt rông ma sāk khân may nơm, jêh ri iăt ma dăng lẽ rôh me i geh sai ăn blao yơk ma sai khân ay nơm đống.

Êphêsô 6

Nau tâm rnglăp mẽ bở, ndrel ma kon

¹Ở phung kon se, iăt hồm nau mẽ bở khân ay may nơm yor ma khân ay may gũ ndrel Kôranh Yêsu, jan kốt nđay mơ dăng di.

²Ta Nau Kôranh Brah Ngơi geh nchih: ‘Ăn yơk ma mẽ bở khân ay may nơm’. I này jêng nau vay tởl nguai i geh nđập ma nau Kôranh Brah de ton đống:

³‘Lah khân ay may yơk ma mẽ bở, khân ay may geh nau rêh ueh đăp mpăn, ndrel ma gũ rêh jở năm ta neh ntu dja’ .

⁴Ở phung jêng i mẽ bở, lơi ôh jan ăn nuh n'hâm oh kon khân ay may ji nuh, yơn ma ntũm nti khân păng ăn gũ ngao ueh, ăn gít nau ntũm nti tă bớh Kôranh Yêsu.

Nau tâm rnglăp bunuyh dâk bu, ndrel ma kôranh

⁵Ở phung dâk bu, ăn khân ay may iăt nau kôranh khân ay may nơm ta neh ntu dja ma nau klach ma nau yơk răp jăp ngăn kốt iăt nau Brah Krist đống.

⁶Lơi ôh jan nôk kôranh say, gay ma ăn păng rnê dơm. Ăn jan ma lẽ nuh n'hâm tâm ban ma jêng dâk Brah Krist, ăn jan nau Kôranh Brah ứch.

⁷Iăt ma sơm kớl jan kar ma kôranh khân ay may ma lẽ nuh n'hâm. Lơi ôh kớp nau jan kar i này sơm kớl jan kar ăn ma bunuyh, yơn ma kớp nau jan kar i này sơm kớl jan kar ăn ma Kôranh Yêsu hỏ.

⁸Yorlah bân lẽ gít jêh dăng lẽ bân, bol lah bunuyh dâk bu, mầu lah bunuyh kon me kađôi, mra geh sỏ dơn nau nkhôm tă bớh Kôranh Yêsu dadê ma dăng lẽ ndr ueh i bân jan.

⁹Ở phung i kôranh bu, ăn khân ay may jan ma dâk khân ay may nôm tâm ban kơt này đống, lơi ôh r'ốt grap khân păng. Khân ay may lẽ gít jêh, ndâp ma khân ay may nôm, ndâp ma khân păng lẽ geh jêh du huê Kôranh đơm ta kalơ trôk, Păng mâu ôh kơih bunuyh.

Nđơ i phung nsing sô ma tâm lơh

¹⁰Jêh ri ăn khân ay may lơ ma gũ nập ngấn ta nau nsing ta Kôranh Yêsu, ndrel ma nau nsing ma nau đơi dứt kuống Păng nôm.

¹¹Ăn khân ay may nsoh dâng lẽ nđơ tâm lơh i tă bớh Kôranh Brah nôm, gay ma đơi nôk tâm lơh đah nau mbrôh nau nđơm Satăng i kôranh mpôl brah djơh.

¹²Yorlah lah bunuyh jan jêr ma bân, mâu di ôh tâm lơh đah bunuyh, bân tâm lơh đah brah djơh i jan kôranh mât uánh, đah brah djơh i geh nau đơi, đah nau đơi djơh ngo neh ntu dja, jêh ri tâm lơh đah ma brah djơh ăp ntil ta kalơ trôk i geh nau đơi.

¹³Lah ndri ăn khân ay may sô hôm nđơ tâm lơh tă bớh Kôranh Brah nôm, gay ma đơi nôk nau tâm lơh đah ma nau djơh i này, jêh ri tât ma jêh lẽ phiao nau tâm lơh i này, hôm gũ nập rkâk kơt ơm.

¹⁴Kơt ndri dâk nập rkâk hôm, sô nau ngấn tâm ban ma taken vãn rse bũt, sô nau sổng tâm ban ma nsoh ao loyh.

¹⁵Ăn khân ay may lẽ jêh ndrăp nâng ma mbớh nkoch nau mhe mhan ueh, ma mbớh nkoch nau đăp mpăn i tă bớh Kôranh Brah, tâm ban ma taken nsoh nô jot ma ndrăp tâm lơh.

¹⁶Jêh ri sô nau nsing tâm ban ma sô khêl, gay ma khân ay may đơi đah nau nđơm Satăng tâm ban ma khêl đơ hăr ỳnh.

¹⁷Sô nau rklaih tâm ban ma ndô môk loyh, ndrel ma sô nau ngơi Kôranh Brah nôm i tâm ban ma đao i Brah Huêng Ueh ăn ma khân ay may.

¹⁸Ăn mbớh sơm ăp ntil bảbớ tâng Brah Huêng Ueh nôm ăn, đăn Kôranh Brah kơl ta ăp ntil nđơ. Lah ndri gũ rgeh njrăng ndâp ma mbớh sơm đăn Kôranh Brah nâng ma kơl dâng lẽ phung bon lan Kôranh Brah.

¹⁹Dăn kớl mbõh sớm ăn ma gáp bả đớng, gay ma Kờranh Brah ăn gáp blaos mbõh nkoch nau mhe mhan ueh ma bu, ndập ma nuih n'hâm bảnh, jềng nau mhe mhan ueh i bunuyh mầu gít nắl ôh a lor nớh.

²⁰Kờranh Brah đả gáp mbõh nkoch nau i nây, gáp hờm gủ ta trờm ndrụng yor ma nau i nây. Iắt ma gáp hờm mbõh nkoch nau i nây, lah ndrị đả khân ay may đản Kờranh Brah ăn gáp geh nuih n'hâm bảnh.

Nau n'glẻ đứt

²¹Gay ma ăn khân ay may gít nau gủ rềh gáp, ndrẻl ma đảng lẻ kar i gáp jan ta dja, gáp đả nô Tikhikus i bunuyh ndrjờt sambứt dja ăn ma khân ay may, n'ho ma mbõh nkoch đảng lẻ ndr i nây ăn ma khân ay may. Pắng jềng oh nô ta nau nsing i gáp rờng ngắn, pắng bunuyh jan kar rắp jắp ngắn ma Kờranh Yêsu nớm.

²²Gáp đả pắng hắn a khân ay may, gay ma mbõh nkoch nau hờn i nây, ndrẻl ma n'hao nuih n'hâm khân ay may đớng.

²³Dăn Kờranh Brah Bở, ndrẻl ma đản Brah Yêsu Krist i Kờranh bân ăn nau đắp mpắn, ăn nau rờng Pắng, ndập ma ăn nau nsing ma khân ay may.

²⁴Dăn nau ueh Kờranh Brah gủ n'ho ro ta đảng lẻ bunuyh i rờng ma Brah Yêsu Krist i Kờranh bân nây .

Philip

Philip 1

Nau ôp ueh lăng

¹Sambüt gáp Pôl nchih. Gáp ndrel ma Timôthê, hên bunuyh sôm kôl jan kar Brah Krist Yêsu, jêh ri hên njuăl sambüt dja ăn ma khân ay may i phung bon lan Kôranh Brah ta bon Philip i gũ ndrel Brah Krist Yêsu, ndâp ma njuăl ăn ma mpôl kôranh mât uănh phung nsing, ndrel ma mpôl kôl jan kar phung nsing đống.

²Dăn Kôranh Brah Bở bân nôm, ndrel ma Kôranh Yêsu Krist ăn nau ueh, nau đăp mpăn ma dăng lě khân ay may.

Nau Pôl mboh sôm

³Ăp tở gáp kah gít ma khân ay may, gáp lah ueh ma Kôranh Brah bảbơ.

⁴Ăp tở gáp dăn Kôranh Brah kôl dăng lě khân ay may, gáp mboh sôm ma nuh n'hâm maak,

⁵yorlah khân ay may lě geh lăp ndrel gáp ta nau mboh nkoch nau mhe mhan ueh, bởh nôm khân ay may mhe nsing n'ho ma tăt abao' dja.

⁶Gáp lě gít n'hêl jêh nau dja: Kôranh Brah i nôm nôm jan ndơ ueh ăn ta nuh n'hâm khân ay may này, Păng hôm jan nâng ăn tăt jêh nau i này n'ho ma tăt nar Brah Krist Yêsu văch tay.

⁷Nau gáp rằm maak ma dăng lě khân ay may kôl nđa jêng di ngăn, yorlah ta nuh n'hâm gáp ũch rống ma khân ay may. Bol lah gáp geh ndrung, mầu lah hôm mboh nkoch ma nau mhe mhan ueh ta bởh năp bunuyh i tâm rdăng đah nau i này kađôi, dăng lě khân ay may hôm gũ jan kar kôl gáp đống ta nau dja i tă bởh nau ueh Kôranh Brah nôm ăn ma gáp.

⁸Kôranh Brah lě gít jêh dah hô nau gáp klông ma dăng lě khân ay may, yor ma gáp yỏ rống ma khân ay may tâm ban ma Brah Yêsu Krist yỏ rống ma khân ay may đống.

⁹Gáp mboh sôm dăn Kôranh Brah ăn ma khân ay may geh nau rống lơ ma hô lơ ma hô, ăn geh nau mân gít blaô ăp ntil đống.

¹⁰Gâp mboh sơm kơt này, yorlah lah geh nau i này khân ay may gĩt n'hêl naně moh ndr i dũt ueh. Jêh ri tât nar Brah Krist vâch khân ay may lě kloh ngăn, mâu ôh geh nau ma nduih.

¹¹Gâp dân đống khân ay may jan ndr dũt ők ma nau sồng i Brah Yêsu Krist de kơl, gay ma Kôranh Brah geh nau chrêk lơp, geh bu rnê Păng.

Pôl gũ ta trôm ndrung

¹²Ở oh nô ta nau nsing, gâp ũch khân ay may gĩt nau dja: Dâng lě ndr bu jan jêr gâp dja, bêng ma jêng ueh chrao kơl bunuyh ők tăng nau mhe mhan ueh.

¹³Ndri dâng lě phung taken njrăng nhieh kôranh kađăch, ndrel ma bunuyh êng jât ők ngăn lě gĩt n'hêl naně jêh nau gâp geh ndrung dja jêng yor ma gâp tâng Brah Krist đơm.

¹⁴Ốk bunuyh nsing ma Kôranh Yêsu geh nuih n'hâm bãnh yor ma lě gĩt gâp geh ndrung dja, jêh ri lơ ma hô bãnh mboh nkoch nau Kôranh Brah mâu ôh geh nau klach.

¹⁵Geh bunuyh abă mboh nkoch nau mhe mhan ueh ma Brah Krist, nuih n'hâm geh nau tâm mâu nach ma gâp, ũch jêng kuống rlau ma gâp, yơn ma geh bunuyh abă jât mboh nkoch ma nuih n'hâm ueh.

¹⁶Lõng khân păng i mboh nkoch ma nuih n'hâm ueh này, mboh nkoch ma nuih n'hâm rống ma gâp, yorlah gĩt Kôranh Brah lě ăn jêh gâp gũ ta dja gay ma plơng ơh đah bunuyh i tâm rdâng đah nau mhe mhan ueh dja.

¹⁷Tih ma mpôl i mboh nkoch nau mhe mhan ueh Brah Krist ma nuih n'hâm ũch jêng kuống đơm, khân păng mâu ôh geh nuih n'hâm sồng. Khân păng mân ntop nau jêr jốt lơ ma hô jât ma gâp nôk gâp hơm gũ ta trôm ndrung dja.

¹⁸Mâu chrao ôh! Nau i bu mboh nkoch nau mhe mhan ueh Brah Krist, bol lah ndra ma jan kađôi, bol lah jan ngăn kađôi, gâp hơm rằm maak ma nau i này. Jêh ri gâp hơm rằm maak jât,

¹⁹Yorlah gâp lě gít gâp mra geh nau rklaih bôh nau jêr jôt dja chrao. Gâp mra geh nau rklaih tă bôh khân ay may mboh sôm dân ăn ma gâp, ndrel ma Brah Huêng Ueh i Brah Yêsu Krist de đã kơl gâp.

²⁰Gâp ũch hô ngăn, ndrel ma nôm nâp rkâk, gâp mâu ôh geh nau đit prêng ta nâp Kôranh Brah, để mâu ơm, yorlah gâp hôm gũ nâp ta Păng tât lôch. Jêh ri gâp ũch hô ngăn, ndrel ma nôm nâp rkâk, gâp mâu ôh geh nau đit prêng tă bôh gâp hôm mboh nkoch Brah Krist ma nuh n'hâm dứt bãnh kơt ơm đổng, Brah Krist geh nau rnê tă bôh sâk gâp, bol lah gâp hôm rêh, mâu lah khât kađôi.

²¹Lõng gâp dja, lah hôm rêh gâp gũ ngao gay ma ăn nau rnê ma Brah Krist, jêh ri lah gâp khât hôm ueh ma gâp jât.

²²Yơn ma lah gâp hôm rêh ta neh ntu dja jât, gâp hôm dơi jan kar ma geh ôk play jât. Gâp mâu gít ôh moh nơ i gâp ũch.

²³Nuh n'hâm gâp vĩ vẽ dân lě bar ding ngăn. Gâp ũch ngăn lôh bôh neh ntu dja hăn gũ ndrel ma Brah Krist nôm ta kalơ ri, i này jêng ueh rlau ma gâp ngăn.

²⁴Yơn ma lah hôm gũ rêh ta neh ntu dja hôm jan kar ma Brah Krist jât, i này geh nau khlay rlau ăn ma khân ay may.

²⁵Jêh ri yor ma gâp iăt n'hêl naně nau i này, gâp lě gít jêh, gâp hôm gũ rêh ta neh ntu dja, gay ma jan kar kơl dân lě khân ay may. Gâp hôm gũ rêh gay ma ăn khân ay may geh nau nsing lơ ma nâp, nđâp ma khân ay may geh nuh n'hâm rãm maak.

²⁶Jêh ri nôk gâp plờ khöl khân ay may tay, khân ay may lơ ma rnê Brah Krist Yêsu, yor ma nơ Brah Krist jan ta gâp.

Nau jêr jôt ma phung nsing

²⁷Ăn khân ay may gũ ngao krao sach tâm di đah nau nti ta nau mhe mhan ueh Brah Krist nôm. Lah ndri bol lah gâp hăn khöl khân ay may kađôi, mâu hăn kađôi, tăng bu nkoch nau bôh khân ay may dơ, gâp lě gít n'hêl jêh

khân ay may gũ nập ta du ntôr nau, nsrôyh jan kar ndrel bắl ma nau nsing ta nau mhe mhan ueh ma nau mân nguai đơ̄m,

²⁸mâu geh ôh klach du ntil ma phung rlắng ứch tâm rdắng ma khân ay may. Tắt phung rlắng i nắy say nau bắnh khân ay may, ri mớ khân pắng gắt vắt Kôranh Brah mra lơh khân pắng roh hắng, yớ̄n ma khân ay may lắ geh jềh nau rklaih. Nau i nắy jềng geh tắ bớ̄h Kôranh Brah,

²⁹tắ bớ̄h nau ueh Pắng nớ̄m, Pắng lắ ắn jềh khân ay may nsing ma Pắng, mâu ôh đớ̄n nsing ma Pắng đớ̄m, yớ̄n ma Pắng ắn khân ay may geh nau jề̄r jắt yor ma Pắng jắt.

³⁰Abaō dja khân ay may lắ geh nau jề̄r jắt jề̄h, kớ̄t gắp lắ geh nôk gắp gũ ta bon khân ay may nớ̄h. Khân ay may vay say ndớ̄ i nắy, jề̄h ri lắ tắng đớ̄ng gắp abaō dja hôm geh nanao.

Philip 2

Brah Krist njữ̄ êng sắk, jề̄h ri sớ̄ đớ̄n nau chrêk lơp

¹Lah khân ay may lắ sớ̄ đớ̄n jề̄h nau n'hao nuh n'hắm tắ bớ̄h nau gũ ndrel Brah Krist, lah lắ geh jề̄h nau rắng Brah Krist bonh leng khân ay may, lah Brah Huềng Ueh lắ gũ ndrel khân ay may, lah Brah Krist lắ yắ̄o nđach khân ay may,

²lah ndri đắ khân ay may geh nau mân du ntôr nau, geh nau tâm rắng bắl, geh nuh n'hắm du ntôr nau, ndrel ma geh nau mân nguai đớ̄m. Lah khân ay may lắ geh đắng lắ nau i nắy, gắp rắm maak ngắn.

³Lớ̄i ôh jan ndớ̄ ma jề̄ng kuố̄ng đớ̄m, lớ̄i ôh jan ndớ̄ gay ma n'hi êng sắk nớ̄m. Yớ̄n ma ắn njữ̄ êng sắk nớ̄m, jề̄h ri kớ̄p bu êng kuố̄ng rlau ma sắk nớ̄m.

⁴Lớ̄i ôh du huề du huề sắk mân ma sắk pắng nớ̄m đớ̄m, ắn mân ma bunuyh a êng đớ̄ng.

⁵Ắn ma khân ay may geh nuh n'hắm tâm ban ma Brah Krist Yê̄su hắ̄.

⁶Bol lah Brah Krist Yê̄su tâm ban ma Kôranh Brah nớ̄m ngắn kađôi, Pắng kớ̄ mâu ôh sớ̄ pắp ma sắk Pắng nớ̄m Nau i Pắng tâm ban ma Kôranh Brah i nắy.

⁷Yơn ma Păng mbă̄r lơi nau i nây, Jêh ri jêng tâm ban ma dâk bu, Păng deh jêng bunuyh. Lẽ jêng bunuyh ngă̄n

⁸Păng njür êng săk Păng nơm iă̄t jan tâng nau Kôranh Brah đă̄, n'ho ma tât khăt săk. Rlau bôh nây jăt n'ho ma Păng đơn nau khăt ta si tâm rkăng i đit prêng tâm ban ma bunuyh dôih.

⁹Kốt ndri dâng Kôranh Brah n'hao Păng đút prêh kalơ, Nđâp ma jan ăn Păng kuông Rlau ma dâng lể ndơ jăt,

¹⁰Gay ma nôk tăng rnhă Brah Yêsu tay, Dâng lể ndơ ta kalơ trôk ntũk Kôranh Brah nơm, Nđâp ma ta neh ntu, nđâp ma ta nâm neh ntu đổng, ăn leo bă̄l chon kômők mbah Păng dadê.

¹¹Kôranh Brah n'hao Păng gay ma ăn dâng lể bở mbung mbôh lah: Brah Yêsu Krist Păng kôranh. Kốt ndri rnê Kôranh Brah i Bở ăn nau chrêk lợp ma Păng.

Phung nsing ma Brah Krist jêng nau ang ma neh ntu

¹²Ở phung i gâp rông, khân ay may lể vay iă̄t bảbơ nau gâp đă̄. Kốt ndri ăn khân ay may iă̄t nau gâp đă̄ tay jăt dô, mâu ôh đơn ma nôk gâp hôm gũ ndrel đơm, yơn ma nôk gâp gũ ngai kađôi. Ăn khân ay may hôm nsrôyh gũ rêh tâm di ma nau Kôranh Brah ếch, nđâp ma klach yơk Păng. Nau i nây jêng di ma khân ay may i lể sỏ đơn nau rklaih,

¹³yorlah Kôranh Brah nơm jan ăn ma khân ay may geh nuih n'hâm ếch jan tâng nau Păng ếch, nđâp ma ăn khân ay may đơi jan tâng nau Păng ếch đổng.

¹⁴Dâng lể ndơ khân ay may jan, lơi ôh ők bảr njâr sêk, mâu lah geh nau rlăch,

¹⁵gay ma ăn khân ay may jêng lể ueh di keh, mâu geh nau ma nduih, lể jêng kloh, jêng kon Kôranh Brah nơm ngă̄n, bol lah khân ay may gũ ndrel bunuyh tih, bunuyh đjơh ta rnôk dja. Khân ay may lể jêng tâm ban ma nau ang ta phung khân păng, tâm ban ma ndơ ang ta neh ntu dja.

¹⁶Ăn khân ay may ndjôt nâp nau nti ma nau rêh n'ho ro . Lah khân ay may jan kơt nây, gâp blao n'hi êng sắk ta nar Brah Krist vắch tay, yor ma say nau gâp nsrôyh jan kar rơah rgắnh nti khân ay may nơh mâu ôh jêng đơm dam.

¹⁷Nđơ i khân ay may jan yor ma khân ay may nsing ma Brah Krist jêng tâm ban ma đơ khân ay may nhhơr ma Kôranh Brah. Lah bu nkhăt gâp, nau i nây tâm ban ma đơ nhhơr ma Kôranh Brah i geh ntop đơ khân ay may nhhơr ma Pắng đống, jêh ri gâp rắm maak. Jêh ri gâp ứch khân ay may geh nuih n'hâm rắm maak ndrel gâp.

¹⁸Kơt nây đống, ăn khân ay may rắm maak, ơ, ăn khân ay may rắm maak ndrel gâp.

Timôthê, ndrel ma Êpaprôđit hắn nsong

¹⁹Lah Kôranh Yêsu kơl, gâp ứch ăn Timôthê hắn a khân ay may gơnh ro, gay ma ndjôt nau bơh khân ay may ăn n'hao nuih n'hâm gâp.

²⁰Ta dja gâp mâu hôm ôh geh bunuyh a êng jăt i geh nau mân tâm ban ma pắng, pắng hô ngắn mân rvê khân ay may.

²¹Yorlah dắng lắ bunuyh a êng ứch mân ma sắk khân pắng nơm đơm, khân pắng mâu ôh mân ma đơ Brah Krist ứch.

²²Khân ay may lắ gắt say nuih n'hâm ueh Timôthê, pắng jan kar ndrel gâp ta nau m bơh nkoch nau mhe mhan ueh, tâm ban ma kon jan kar ăn ma bở.

²³Lah ndri gâp hôm gắ kốp bu m bơh moh đơ i bu jan ma gâp, jêh gâp gắ n'hêl naně đơ i nây, gâp ứch ăn pắng hắn gơnh ro a khân ay may.

²⁴Gâp nsing ma Kôranh Brah bu mra pơk gâp gơnh bơh ndrung, jêh ri gâp mra hắn a khân ay may gơnh đống.

²⁵Yơn ma gâp mân lah, hôm ueh ma ăn nô Êpaprôđit plờ sắt a khân ay may abao đja. Pắng jêng oh nô gâp ta nau nsing, jêng bunuyh jan kar ndrel gâp, jêh ri pắng jêng bunuyh nsrôyh ndrel bắn, bol lah geh ốk bunuyh tâm rdắng . Khân ay may lắ ăn pắng hắn a gâp, gay ma m bơh nau bơh khân ay may, nđáp ma kơl moh đơ i gâp ứch.

²⁶Păng klöng khân ay may dứt hô ngăn, păng geh nau rngot ngăn yor ma păng lě gít khân ay may lě tăng lữ păng geh nau ji nơh.

²⁷Păng geh nau ji dứt hô bơi ma khât ngăn đống, yơn ma Kôranh Brah yố ndach păng ăn păng bah ji. Kôranh Brah mâu ôh đơn yố ndach du huê păng đơm, yố ndach gáp đống, gay ma lơi ăn gáp geh nau rngot lơ ma hô jât.

²⁸Kơt ndri gáp ếch ăn păng plớ sât a khân ay may gơnh ro, gay ma khân ay may rằm maak tât say păng. Jêh ri gáp mâu hôm đống rvê nau i khân ay may lě rvê păng nơh.

²⁹Lah ndri ăn khân ay may rom păng ma nau rằm maak ăn dứt hô, yor ma păng jêng oh nô bản ta nau nsing ma Kôranh Yêsu. Jêh ri yơk ma bunuyh i kơt păng này dô,

³⁰yor ma păng bơi khât sắk này nơh jan kar ma Brah Krist. Păng lě ndrăp jao jêh sắk păng nơm ma khât gay ma sơm kơl khân ay may i khân ay may mâu ôh đơi hăn kơl gáp.

Philip 3

Nau gũ ngao tâm di đah nau Kôranh Brah ếch

¹Ở oh nô ta nau nsing, geh du nau jât, ăn khân ay may rằm maak dô yor ma ndơ Kôranh Yêsu lě jan ma khân ay may. Gáp mâu dâl ôh nchih du tở jât nau i gáp lě nchih jêh ăn ma khân ay may a lor nơh. Gáp nchih kơt nda gay ma ăn khân ay may nsing nập.

²Ăn khân ay may njrăng ma mpôl bunuyh djơh i tâm ban ma so ếch sa hêk, njrăng ma mpôl bunuyh i nti nklă lah: ‘Geh koh ntô mơ dâng Kôranh Brah rklaih’.

³Yơn ma bản jêng bunuyh i Kôranh Brah rom ngăn, jêng tâm ban ma bunuyh i koh ntô ngăn, bol lah mâu ôh geh koh ntô ta rnglay sắk. Bản jêng bunuyh Kôranh Brah rom, yorlah bản yơk mbah Kôranh Brah ndập ma Brah Huêng Ueh gũ ta bản. Bản nsing ma Brah Krist Yêsu gay ma rklaih, bản mâu ôh nsing ma ndơ jan ta rnglay sắk jan tâng nau vay gay ma rklaih.

⁴Lah jan ndơ tăng rnglay sǎk tăng nau vay jêng geh nau khlay, gâp geh ndơ ők ma nsing. Lah geh du huê bunuyh dơi n'hi êng sǎk yor ma ndơ i này, gâp dơi rlau ma pǎng ngǎn ro:

⁵Yorlah bu koh ntô gâp jêh gâp deh lǎ geh pham nar, gâp phung Israel, deh ta rnoi mpôl Benjamin . Gâp ndâp ma mẽ bở gâp hôm ngơi nau ngơi Hêbrơ đổng. Lah gĩt ma mpeh ma nau vay phung Israel, gâp jêng phung Pharisi i bu lư hô ngǎn ndjôt nau vay phung Israel.

⁶Lah ngơi ma nau gơyh ma nau vay phung Israel, gâp gơyh hô ngǎn n'ho ma tât jan jêr jốt ǎn ma phung nsing ma Brah Krist jât . Lah ngơi ma nau sồng yor ma jan tăng nau vay phung Israel, gâp mâu ôh geh nau ma nduih.

⁷A lor nơh gâp kơp dâng lǎ ndơ i này geh nau khlay ngǎn, yơn ma abao' dja gâp khat ngǎn dâng lǎ ndơ i gâp lǎ jan này nơh, yor ma abao' dja gâp nsing ma Brah Krist.

⁸Rlau bơh này jât gâp kơp dâng lǎ ndơ mâu ôh hôm geh nau khlay, yor ma gĩt nǎl Brah Krist Yêsu i Kôranh gâp geh nau khlay dút hô rlau bu. Yor ma Pǎng gâp mbǎr dâng lǎ ndơ, gâp kơp dâng lǎ ndơ i này tâm ban ma ndők dơm, gay ma gâp gũ ndrel Brah Krist,

⁹gay ma jêng bon lan Pǎng nơm. Kôranh Brah kơp gâp lǎ sồng yor ma gâp nsing ma Brah Krist, mâu di ôh yor ma ndơ gâp nơm jan tăng nau vay phung Israel. Nau Kôranh Brah kơp bân sồng tǎ bơh Pǎng nơm ǎn yor ma nau bân nsing.

¹⁰Gâp ếch ngǎn gĩt nǎl Brah Krist, gâp ếch gĩt say nau dơi i ǎn Pǎng dâk rêh tay nơh, gâp ếch gũ ndrel Pǎng ta nau jêr jốt tât ma khât sǎk tâm ban ma Pǎng đổng.

¹¹Gâp ếch ngǎn jan kơt này, gay ma jêh gâp khât gâp dâk rêh đổng ta nar Kôranh Brah ǎn dâng lǎ bunuyh i nsing ma Brah Krist dâk rêh tay.

Nau ntât ma tâm rlong nchuăt

¹²Gâp mâu hổ sỏ dơn, mâu hổ jan jêh dâng lǎ nau i này. Gâp mâu hổ jêng du huê bunuyh lǎ tâm di ma dâng lǎ nau ếch Brah Krist Yêsu. Yơn ma gâp ếch

ngăn jêng du huê bunuyh kớt nây, yorlah Brah Krist Yêsu rklaih gâp gay ma jêng du huê bunuyh kớt nây.

13Ở oh nô ta nau nsing, gâp mâu hỏ jêng du huê bunuyh kớt nây, yơn ma gâp ếch jêng bunuyh kớt nây. Ndri dâng gâp mảr lơi mâu hôm kớt khlay ma ndr i ơm bớh kới nớh, jêh ri gâp nsrôyh jan kar gay ma sỏ đờn ndr i hôm jât nấp tay.

14Gâp nsrôyh jan kar tâm ban ma bunuyh tâm rlong nchuăt nsrôyh nchuăt tât ta ntũk lôch nchuăt, gay ma sỏ đờn nau nkhôm ndr Kôranh Brah ếch ăn ma gâp. Păng kuẩl bân gay ma bân sỏ đờn nau i nây ta kalỏ trỏk, tả bớh ndr Brah Krist lẻ jêh jan.

15Lah ndri dâng lẻ bân i lẻ gít mân jru ta nau nsing ma Brah Krist Yêsu, ăn geh nau mân kớt nau gâp nchih nây. Lah khân ay may geh nau mân êng bớh gâp ta plăng du ntil nau, Kôranh Brah mra nhỏr ăn khân ay may gít vât ma ndr i nây ro.

16Iẩt ma bân hôm gủ ngao tâm di ma ndr Kôranh Brah lẻ nhỏr ăn bân gít vât hỏ, bol lah geh nau mân êng kađôi.

17Ở oh nô, ăn dâng lẻ khân ay may jan tâng nau gủ ngao gâp. Jêh ri uẩnh bunuyh i jan tâng nau ueh gâp i khân ay may lẻ say jêh ta gâp.

18Gâp lẻ vay mớh nkoch ăn ma khân ay may bảbớ ngăn, jêh ri ảbảớ dja gâp mớh nkoch tay ăn ma khân ay may ndập ma dak mắt: Geh ỏk bunuyh ngời ma mbung đờm khân păng nsing ma Brah Krist, yơn ma nau gủ rêh khân păng jêng tâm ban ma phung rlẩng đah nau nti Brah Krist nớm i khât ta si tâm rkẩng nớh chrao.

19Tât nar n'glẻ dũt tay dâng lẻ khân păng i nây khât roh hêng, khân păng gít ma ndr i sắk jẩn khân păng ếch đờm, tâm ban ma yỏk mbah ma sắk khân păng nớm, khân păng sỏ ndr i đit prêng ma n'hi êng sắk, jêh ri khân păng pớh ma rvê ma ndr ta neh ntu dja đờm.

²⁰Lõng dâng lě bân, ntũk ðon bân nřm ngãn jęng ntũk ðon ueh ta kalř ri, jęh ri bân hřm gũ křp ũch hř ngãn Křranh Yęsu Krist i nřm rklaih bân gřnh jřr tã břh ta kalř ri tay.

²¹Păng mra rgâl lři săk jăn bân i blao ji blao khât, ăn jęng tâm ban ma săk jăn dũt ueh Păng nřm i geh nau chręk lřp. Păng jan ndr i nây tã břh nau dři Păng nřm, nau dři i nây ăn Păng jęng křranh dâng lě ndr đřng.

Philip 4

¹Ố oh nô ta nau nsing, gâp rřng ma khân ay may, gâp klřng khân ay may. Khân ay may jan ăn gâp răm maak, khân ay may tâm ban ma ndr nkhřm dũt khlay ma nau jan kar gâp. Ố oh nô i gâp rřng, ăn khân ay may hřm gũ nâp ndrrel Křranh Yęsu jat đř!

Nau nkađ eng eng

²Ố yřh Ốrudia, ndrrel ma yřh Sũndich, gâp đăn ma khân ay hř ngãn ăn geh nau mân du ntřr nau hř, lři hřm tâm rlăch băl, yor ma bar hę khân ay nsing ma Křranh Yęsu tâm ban.

³Ố nô i mât jăng răp jăp gâp, gâp đăn may křl yřh bar hę nây bă, yorlah khân păng lě mbřh nkoch nau mhe mhan ueh ndrrel ma gâp, bol lah bu jan jęr ma hęn kađři. Bar hę khân păng nây geh jan kar křt nây, ndrrel nô Klēmęn, đđp ma bunuyh abă eng jat. Rnha khân păng lě Křranh Brah nchih jęh ta sambũt nau ręh i geh nchih săk dâng lě bunuyh i geh nau ręh n'ho ro đřng.

⁴Ố oh nô ta nau nsing, ăn khân ay may geh nuh n'hâm răm maak năng yor ma khân ay may gũ ndrrel Křranh Yęsu. Gâp đăn mbřh tay du tř jat: Ăn răm maak hřm!

⁵Ăn dâng lě bunuyh gřt năl nuh n'hâm mleh khân ay may. Nar Brah Yęsu văch tay bři tăt jęh.

⁶Lři řh mân rvę ma du ntil ndr, yřn ma dâng lě ndr, ăn khân ay may mbřh sřm đăn Křranh Brah. Mbřh sřm đăn ma Păng, đđp ma lah ueh Păng đřng.

⁷Jan kơt nây, nau đăp mpăn Kôranh Brah i rlau bớh nau gĩt mân bunuyh mra gũ ta nuih n'hâm nau mân khân ay may, njrăng khân ay may gay ma mâu geh nau klach nau rvê, yor ma khân ay may gũ ndrel Brah Krist Yêsu.

⁸Lah ndri ê lor ma lôch, ơ oh nô ta nau nsing, ăn khân ay may gĩt mân ma moh ndơ i nau ngăn, moh ndơ i nau sớng, moh ndơ i di ma yớk, moh ndơ i kloh, moh ndơ i di ma rằm maak, moh ndơ i lể tâm di keh, moh ndơ i dũt ueh, moh ndơ i di ma rnê hỏ.

⁹Jêh ri moh nau i khân ay may lể jêh nti, lể jêh sớ đơn, lể jêh tắng, ndrel ma lể jêh say gập jan, ăn khân ay may hôm jan tắng kơt i nây dô. Lah khân ay may jan kơt nây, Kôranh Brah i tớm nau đăp mpăn gũ ndrel ta khân ay may ro.

Pôl lah ueh phung nsing ta bon Philip

¹⁰Abơ dja gập rằm maak hô ngăn lah ueh ma Kôranh Brah, yor ma gĩt khân ay may lể mân nklõn tay ma kớl gập du tớ jăt. Lể jỏ jêh khân ay may lể kớl gập. Khân ay may lể mân nklõn ma gập nắng, yớn ma mâu geh trong ma kớl gập.

¹¹Gập mâu geh pah pốt dắng gập ngơi kơt ndri, nuih n'hâm gập đăp mpăn nắng ma ndơ i gập lể geh, bol lah geh ỏk kađôi, pah pốt kađôi.

¹²Geh đớng gập geh để đơm, geh đớng gập geh ỏk rmeh. Gập lể ntũm nti jêh ăn geh nuih n'hâm đăp mpăn nắng ma ắp ntil nau, ma dắng lể ntil ndơ, bol lah sớng sa hớm, bol lah ji ngot, bol lah geh rmeh, bol lah mâu tắng.

¹³Moh ndơ geh ma gập kađôi mâu chrao ôh gập đơi dadê, yor ma Brah Krist ăn n'hâm suan ma gập.

¹⁴Yớn ma hôm ueh ngăn khân ay may kớl gập ta nau jêr jốt dja.

¹⁵Ở oh nô ta nau nsing gũ ta bon Philip bri Masêđôn, khân ay may nớm lể gĩt jêh nôk gập mhe mbớh nkoch nau mhe mhan ueh ăn ma khân ay may nớh, jêh gập lể lờh bớh bri Masêđôn nớh, phung nsing ta bon abă êng mâu ôh geh kớl gập. Geh khân ay may đơm kớl gập ma prắk rial

¹⁶nôk gâp hôm gũ ta ðon Têsalônîk nơh, khân ay may lẽ kơl prăk rial ăn ma gâp bar pe tờ ðồng.

¹⁷Mâu di ôh gâp ếch geh ndơ tă bơh khân ay may, yơn ma gâp ếch ăn khân ay may geh sỗ đơn nau nkhôm tă bơh Kôranh Brah lơ ma ők, yor ma khân ay may kơl gâp.

¹⁸Gâp lẽ sỗ đơn ndơ ők ngăn bơh khân ay may, geh ők rmeh, abao' dja gâp geh ők ngăn, yor ma lẽ geh sỗ đơn jêh ndơ khân ay may njuăl ta nô Êpaprôđit ăn ma gâp nơh. Nđơ i nây tâm ban ma ndơ nhhơr i ăn Kôranh Brah răm maak, tâm ban ma ndơ jan brah i Kôranh Brah ếch sỗ đơn ngăn, ndrel ma di nuih n'hâm Păng ðồng.

¹⁹Kôranh Brah i gâp yơk mbah, Păng geh nau chrêk lơp, đrăp ndơ Păng mâu blaol lẽ. Nđri Păng ăn dâng lẽ ndơ ma khân ay may, moh ndơ i khân ay may ếch, i khân ay may mâu tống, yor ma khân ay may gũ ndrel Brah Krist Yêsu.

²⁰Ăn rnê Kôranh Brah i Bờ bân i hôm ðabơ n'ho ro. Ở ăn geh kơt nây ngăn ro!

Nau ntính n'glẽ dũt

²¹Dăn sơm ôp nau ueh lăng dâng lẽ phung nsing i gũ ndrel Brah Krist Yêsu. Oh nô i gũ ndrel gâp, khân păng ôp nau ueh lăng khân ay may ðồng.

²²Dâng lẽ phung ðon lan Kôranh Brah i gũ ta ntũk dja ôp ueh lăng khân ay may, rlau bơh nây jât phung nsing i gũ jan kar ma kôranh kađăch Sêsar, khân păng ôp nau ueh lăng khân ay may ðồng.

²³Dăn nau ueh Kôranh Yêsu Krist gũ ta nuih n'hâm dâng lẽ khân ay may!

Kôlôh

Kôlôh 1

Nau ôp ueh lăng

¹Sambüt gáp Pôl nchih, gáp kôranh oh mon Brah Krist Yêsu tă bôh nau ũch Kôranh Brah nôm. Gáp ndrel ma Timôthê

²dăn ôp nau ueh lăng phung bon lan Kôranh Brah, phung oh nô i nsing nập ma Brah Krist ta bon Kôlôh. Dăn Kôranh Brah i Bở bân, ăn nau ueh, ăn nau đăp mpăn ma khân ay may.

Nau Pôl lah ueh, ndrel ma nau păng mboh sôm

³Hên lah ueh ma Kôranh Brah i Bở Brah Yêsu Krist i Kôranh bân nôm babơ ngăn, ta ăp tở hên mboh sôm ma khân ay may,

⁴yorlah hên lể tăng jêh nau bu nkoch khân ay may nsing ma Brah Krist Yêsu, ndrel ma nau khân ay may rông ma dăng lể phung bon lan Kôranh Brah.

⁵Nau nsing, nau rông i nây tă bôh nau nôm khân ay may gay ma sô dơn nớ i Kôranh Brah lể ndrăp jêh ta kalơ trôk ntúk Păng nôm ăn ma khân ay may. Nau nôm i nây khân ay may lể tăng jêh nôk bu mboh nkoch nau ngăn i nau mhe mhan ueh ăn ma khân ay may nớh.

⁶Lam neh ntu dja bu mboh nkoch nau mhe mhan ueh i nây. Jêh ri bunuyh lơ ma ők nsing ma Brah Yêsu, ndrel ma rgâl nau rêh. Khân ay may nsing, khân ay may rgâl nau rêh đống nôm bôh nar khân ay may tăng nau i nây, tă bôh gít vât n'hêl nanê nau ueh Kôranh Brah.

⁷Nô Êpapas nti dăng lể nau i nây ăn ma khân ay may nớh. Păng bunuyh hên rông, păng jan kar ndrel hên, păng bunuyh jan kar Brah Krist răp jăp nâng ăn ma khân ay may .

⁸Jêh ri păng lể mboh nkoch jêh ma hên nau khân ay may tâm rông ndrăng phung nsing jêng nau rông i tă bôh Brah Huêng Ueh ăn.

⁹Ndri hên mâu rlu ôh mboh sôm dăn Kôranh Brah kớ khân ay may, nôm bôh hên tăng nau bu nkoch nau khân ay may nây. Hên dăn Kôranh Brah ăn

Brah Huêng Ueh kơl khân ay may geh nau mân gít blao ăp ntil, gay ma khân ay may gít năl nau Kôranh Brah ứch n'hêl nanế ngăn.

¹⁰Hên dẫn kơt nây gay ma khân ay may gũ rêh tâm di đah nau Kôranh Brah ứch, ăn Păng rằm maak dăng lể ndơ khân ay may jan. Jêh ri khân ay may jan ndơ ueh ăp ntil, ndrel ma gít năl Kôranh Brah lơ ma hô lơ ma hô ngăn.

¹¹Dăn dăng lể nau dơi dứt kuông Kôranh Brah kơl khân ay may, gay ma khân ay may geh nau ăt nuh nâng ta nau jêh,

¹²ndập ma lah ueh Kôranh Brah i Bở bân ma nau rằm maak. Păng lể ăn khân ay may sỏ dơn ndơ i Păng lể ndrăp ma phung bon lan Păng nơm i gũ ta nau ang.

¹³Păng lể rklaih jêh bân bớh ntúk ngo bớh nau dơi Satăng i kôranh mpôl brah djơh, jêh ri leo bân ăn lăp ta nau Kon Păng nơm măt uảnh, jêng Kon i Păng rông.

¹⁴Kon Păng nây lể chuai jêh bân, yỏ ndrăch mầu hơm ôh kợp nau tih bân jăt .

Brah Krist kuông rlau bu

¹⁵Brah Krist tâm ban ma Kôranh Brah ngăn. Bunuyh mầu ôh blao say Kôranh Brah, yơn ma lah bân gít năl nuh n'hâm, gít năl nau dơi Brah Krist i Kon Păng, bân gít năl nuh n'hâm, gít năl nau dơi Kôranh Brah đổng. Brah Krist kuông rlau ma dăng lể ndơ i geh rhăk njêng, tâm ban ma kon bôk dak kuông rlau ma i oh .

¹⁶Ta Brah Krist geh rhăk njêng dăng lể ndơ ta kalơ trôk ndơ ta neh ntu, bol lah ndơ uảnh say ndơ uảnh mầu say, bol lah huêng brah êng êng, geh nau dơi geh nau dăng, geh nau kuông, geh nau măt uảnh kađôi. Kôranh Brah ăn Kon Păng rhăk njêng dăng lể ndơ, gay ma dăng lể ndơ yớk ma Kon Păng dadê.

¹⁷Brah Krist lể ơm geh đah lể rngôch ndơ êng êng, jêh ri dăng lể rngôch ndơ hơm geh yor ma Păng ăn.

¹⁸Păng kôranh ma dâng lě phung nsing ma Păng, tâm ban ma bôk kôranh ma săk jăn. Păng jêng tơm nau rêh n'ho ro, Păng i dâk rêh lor bu ta dâng lě bunuyh khât, gay ma Păng nôm jan kôranh ma dâng lě rngôch ndr.

¹⁹Kôranh Brah gũ ta Brah Krist ngăn ngên, ăn jêng Brah Krist tâm ban ma Păng nôm ta ăp ntil ndr, Păng ứch hô ngăn jan kơt nây.

²⁰Yor ma mham kon Păng nôm hoch nôk khât ta si tâm rkăng nơh, dâng Kôranh Brah ăn geh nau đăp mpăn Păng nôm đah dâng lě rngôch ndr, bol lah ndr ta neh ntu, mâu lah ndr ta kalơ trôk ta ntũk Păng nôm gũ.

²¹Bơh ntôm nơh khân ay may tâm nkah gũ ngai đah Kôranh Brah, jêng bunuyh tâm rdâng ma Păng ma nau mân djơh, ndrel ma jan ndr djơh.

²²Yơn ma abơ dja Păng lě ăn nau đăp mpăn jêh ma khân ay may đah Păng nôm, khân ay may dơi gũ ndrel đah Păng, yor ma săk jăn Kon Păng lě khât jêh gay ma ăn khân ay may jêng kloh ueh. Khân ay may mâu hôm geh nau ma nduih, mâu hôm geh du ntil nau tih ôh ta năp Păng.

²³Kôranh Brah ăn nau đăp mpăn i nây, lah khân ay may gũ ndjôt năp rkâk nâng nau nsing, mâu ôh nkơi bơh nau rơm ma ndr Păng lě ton ta nau mhe mhan ueh. Nau mhe mhan ueh i nây khân ay may lě tăng jêh, lě bu mboh nkoch ăn ma dâng lě bunuyh lam neh ntu. Jêh ri gâp dja lě jan kar ma mboh nkoch nau mhe mhan ueh i nây đống.

Nau kar Pôl dũt jêr ngăn

²⁴Abơ dja gâp geh nau răm maak ngăn, yor ma gâp sô đơn nau bu jan jêr jôt, nau jêr jôt gâp dja kơl khân ay may. Nau jêr jôt gâp i nây kơl dâng lě phung nsing ma Păng. Nau jêr jôt ta săk jăn gâp dja jêng du ntil nau jêr jôt ma dâng lě nau jêr jôt i nây. Iăt ma hôm geh nau jêr jôt Brah Krist. Jêh ri, phung nsing jêng tâm ban ma săk jăn Păng nôm.

²⁵Gâp dja jêng bunuyh kơl jan kar ăn ma dâng lě phung nsing, gâp sô đơn nau jan kar i nây tă bơh Kôranh Brah đă, ndri Păng lě đă gâp mboh nkoch dâng lě nau Păng ăn ma khân ay may đống.

²⁶Nau Păng i này a lor nơh ndöpf mpôn tâm ăp rnôk ngăn, yơn ma abao dja Păng lẽ nhhơ jêh ăn ma phung bon lan Păng nơm gít năl gít say.

²⁷Kôranh Brah lẽ öch phung bon lan Păng nơm gít vât nau Brah Krist mâu ôh đơn geh nau khlay ma phung Israel đơm, yơn ma geh nau khlay ma phung i mâu di phung Israel đơng. Nau Brah Krist i này geh nau chrêk lợp dứt kuống. Jêh ri moh nau ndöpf mpôn i này? Jêng Brah Krist gũ ndrel ta khân ay may. Ndri khân ay may lẽ gít n'hêl naně jêh, khân ay may geh nau chrêk lợp ndrel Brah Krist đơng.

²⁸Hên mboh nkoch nau Brah Krist ăn ma dâng lẽ bunuyh, đă njrăng săk, ndrel ma ntũm nti ma lẽ nau mân gít blao i hên geh, gay ma dâng lẽ phung nsing mâu hôm jêng tâm ban ma kon se ta nau gũ ndrel Brah Krist.

²⁹Gập jan kar ta nau mboh nkoch nau i này nsrôyh hô ngăn, bol lah geh nau jêr kađôi. Gập jan tă boh nau đơi kuống Brah Krist ăn ma gập.

Kôlôh 2

¹Gập öch ăn khân ay may gít nau i gập nsrôyh jan kar geh nau jêr kađôi. Gập jan kar ăn ma khân ay may, ăn ma phung i gũ ta bon Laođisê, ndrel ma dâng lẽ bunuyh i mâu vay mập gập đơng.

²Gập öch dâng lẽ khân ay may geh nau n'hao nuih n'hâm, geh gũ du ntôr nau ta nau rống ndrăng khân ay may nơm, gay ma khân ay may gít vât n'hêl naně dứt jru nau Kôranh Brah i ndöpf mpôn a lor nơh, jêng nau Brah Krist.

³Nau Brah Krist i này geh nau khlay, yorlah dâng lẽ nau mân gít blao dứt khlay mpôn ta Brah Krist này dadê.

⁴Gập ngơi kơt này, gay ma lợi ôh ăn bu mbrôh khân ay may yor ma nau bu ngơi blao ueh rah rơch.

⁵Bol lah săk gập gũ ngai boh khân ay may kađôi, yơn ma nuih n'hâm gập hôm gũ ndrel khân ay may, jêh ri gập rằm maak ngăn tăng khân ay may gũ rêh ueh, ndrel ma geh nau nsing nập ta Brah Krist kơt này.

Nau rêh gũ ndrel Brah Krist

⁶Yorlah khân ay may lẽ sớ đơn Brah Yêsu Krist jêng kôranh khân ay may nơm, lah ndri ăn khân ay may hôm gũ rêh tâm rnglăp đah Păng kot này jât dô.

⁷Ăn nau nsing khân ay may ma Păng ăn nập tâm ban ma tơm si i hon reh jru ngăn, mâu lah tâm ban ma jay i bu jan dứt nập ngăn. Lah ndri nau nsing khân ay may nập tâng nau bu lẽ ntũm nti khân ay may nơh. Jêh ri ăn khân ay may lah ueh ma Kôranh Brah lơ ma hô.

⁸Khân ay may njrăng lơi ăn bu mbrôh rlăm khân ay may yor ma bu đong ma nau ntũm nti dứt blao, mâu lah ma nau mbrôh ngơi mbrôh rlăm i mâu geh nau khlay, jêng nau nti bunuyh đơn tă bớh kăl e đơn, jêng nau nti mpeh ma nau brah êng êng neh ntu, mâu ôh tâng mpeh ma Brah Krist.

⁹Dâng lẽ ndơ Kôranh Brah geh, geh ta Brah Krist đong, bol lah Păng jêng săk jăn bunuyh.

¹⁰Lông i khân ay may này, dâng lẽ ndơ Brah Krist geh, khân ay may lẽ geh đong, yor ma khân ay may gũ ndrel Păng. Păng i geh nau đơi ma dâng lẽ brah đơh i jan kôranh măt uănh, ma dâng lẽ brah đơh i geh nau đơi.

¹¹Phung Israel geh koh ntô ta săk jăn gay ma jêng bon lan Kôranh Brah. Lông i khân ay may này lẽ jêng bon lan Kôranh Brah đong, mâu ôh ti bunuyh jan, yơn ma geh Brah Krist lẽ sớ lơi nuih n'hâm đơh khân ay may. Khân ay may jêng bon lan Kôranh Brah nơm ngăn, yor ma khân ay may lẽ gũ ndrel Păng, ndri dâng Păng jan tâm ban ma koh ntô ta nuih n'hâm khân ay may.

¹²Nôk khân ay may đơn nau bắptem yũk ma dak nơh, khân ay may jêng tâm ban ma lẽ khăt ta dak tốp ndrel Brah Krist, jêh ri Kôranh Brah ăn khân ay may dăk rêh ndrel Păng đong, yorlah khân ay may nsing ma nau đơi Kôranh Brah i ăn Brah Krist dăk rêh.

¹³Bớh nơm nơh khân ay may tâm ban ma lẽ khăt jêh yor ma nau tih khân ay may, ndrel ma khân ay may mâu geh sớ đơn nau koh ntô ta nuih n'hâm i này, yơn ma Kôranh Brah ăn khân ay may geh nau rêh ndrel Brah Krist. Păng yỗ bân mâu hôm kớp dâng lẽ nau tih bân.

¹⁴Sambüt ntôn bân i geh nchih dâng lě nau tih bân, Păng lě jut lơi, yor ma nau Brah Yêsu khât ta si tâm rkăng. Nau i này tâm ban ma sǒ lơi sambüt i này pǒng ta si tâm rkăng.

¹⁵Păng lě sǒ lơi i nau dơi bớh brah djơh i jan kôranh mât uảnh, bớh brah djơh i geh nau dơi, Păng lě jan ăn khân păng đit prêng sǎk khân păng nơm ta bớh nấp phung ők, dơi Păng ngănh đah khân păng, tǎ bớh Brah Krist khât ta si tâm rkăng.

¹⁶Lah ndri lơi ôh iăt lah bu jưch khân ay may ma ndơ sông sa, ma ndơ nhêt, mâu lah ma nau nhêt bũn êng êng, nau lăp khay, nau nar Sabăt i nar rlu phung Israel.

¹⁷Dâng lě ndơ i này tâm ban ma gui i bu uảnh mâu ôh say ndơ ngănh, yơn ma ndơ ngănh geh ta nar jăt nấp tay, geh ta Brah Krist dơm.

¹⁸Lơi ôh iăt bunuyh i lah khân ay may mâu di ma sǒ ndơn ndơ nkhôm bớh Kôranh Brah, bunuyh i này đǎ bu jan sǎk dềh rhêt ngănh, ndập ma đǎ bu yók mbah ma tông pǎr đổng. Bunuyh kớt này ngơi ők ma ndơ tâm say khân păng nơm, khân păng n'hi êng sǎk khân păng nơm ma ndơ mâu geh nau khlay, nau mân khân păng mpeh ma neh ntu dơm [mâu ôh mân mpeh ma Brah Huêng Ueh].

¹⁹Khân păng i này mâu ôh gũ ndrel Brah Krist i tâm ban ma bôk ma phung nsing, bôk i này i mât du mlǒm sǎk ăn geh n'hâm suan nting ndăng brăt suan dâng lě lơ ma kuống tâng ma Kôranh Brah nơm ăn.

Khât ndrel, rềh ndrel Brah Krist

²⁰Lah khân ay may tâm ban ma lě khât ndrel Brah Krist, jêh ri lě klaih jêh bớh nau dơi nau brah neh ntu, lah ndri mớm dâng khân ay may hơm gũ rềh tâng nau vay bunuyh i mâu nsing ma Brah Krist?

²¹Kớt lah: 'Lơi pah! Lơi nhêt sa! Lơi gổ ôh!'

²²Dâng lě nau buay i này geh nau khlay ma ndơ i roh dơm lah đổng, jêng nau ntũm nti bunuyh dơm.

²³Dâng lẽ nau buay i này uảnh tâm ban ma geh nau mân gít blao ngăn, yor ma nau yor mbah dút hô, jan nuih n'hâm dêh rhêt, ndrel ma jan jêr ma săk nôm. Yon ma dâng lẽ nau i này mâu ôh geh nau khlay gay ma dúp nau kơnh djơh ta nuih n'hâm.

Kôlôh 3

¹Lah ndri, yorlah khân ay may tâm ban ma lẽ dâk rêh ndrel Brah Krist, ăn khân ay may joi hóm ndơ i geh nau khlay ta ntúk Kôranh Brah nôm, jêng ntúk i Brah Krist gủ mpeh bơh ma ti Păng nôm ta ntúk bu yor rlau bu.

²Ăn mân ma ndơ geh nau khlay ta ntúk Kôranh Brah nôm hỏ, lơi mân ôh ndơ ta neh ntu dja,

³yorlah khân ay may tâm ban ma lẽ khât jêh, jêh ri abao dja khân ay may lẽ geh jêh nau rêh mhe i này, bol lah ê hỏ say kađôi.

⁴Brah Krist ăn khân ay may geh nau rêh mhe i này, tât nar Păng nsôh săk ăn ma dâng lẽ bunuyh say nau chrêk lợp Păng, ta nar i này đống Kôranh Brah ăn khân ay may gủ ndrel Păng ta nau chrêk lợp i này.

Nau rêh ơm, ndrel ma nau rêh mhe

⁵Lah ndri ăn khân ay may nkhât lơi hóm dâng lẽ ndơ djơh ta nuih n'hâm. Jêng nau tâm đống, nau kơnh hô ir, nau kơnh ma nau khơh kler, nau kơnh ma ndơ djơh, ndrel ma nuih n'hâm rvan kơnh geh ma đrăp ndơ. Nau rvan kơnh geh ma đrăp ndơ i này jêng tâm ban ma yor mbah brah êng.

⁶Yor ma khân păng jan dâng lẽ ndơ i này, dâng Kôranh Brah mra tẻ dôi ta nar jât năp tay ma phung bunuyh i mâu iăt Păng.

⁷Bơh ntôm nơh khân ay may lẽ vay jan dâng lẽ ndơ i này đống, ê lor ma khân ay may săt nsing ma Brah Yêsu.

⁸Yon ma abao dja iăt ma khân ay may mbăr lơi hóm dâng lẽ ndơ dja, nau ji nuih, nau dôi nuih, nau nuih n'hâm djơh, nau ngơi nchơt bu, ndrel ma nau mbơh ngơi bir lôh bơh bở mbung khân ay may này.

⁹Lơi ôh tâm mbrôh bắ, yor ma khân ay may lẽ mbăr lơi nuih n'hâm ơm i ứch jan djơh.

10Khân ay may lě geh nuih n'hâm mhe i lơ ma mhe, yor ma khân ay may lơ ma hô gít năl Nơm rhăk njêng khân ay may. Khân ay may lơ ma jêng tâm ban ma Păng. Nơ i này tâm ban ma droh lơi kho ao ơm, nsoh kho ao mhe.

11Mâu hôm geh ôh phung i mâu di phung Israel, mâu lah phung Israel đống, phung i lě koh ntô, mâu lah phung i mâu koh ntô đống, phung bunuyh bri, mâu lah phung bu năch êng đống, phung dăk bu, mâu lah phung kon me đống, yorlah Brah Krist đơm geh nau khlay, Păng gũ ndrel dăng lě bân.

12Kôranh Brah lě kơih jêh khân ay may jêng phung bon lan Păng nơm, ndrel ma Păng rống khân ay may. Lah ndri ăn khân ay may geh nuih n'hâm yố ndach, nuih n'hâm ueh, nuih n'hâm dêh rhêt, nau blao njữr êng săk, ndập ma nau ăt nuih.

13Ăn nsrôyh gũ ndrel băl, bol lah geh nau bu mâu lăng jan ueh kađôi. Lah geh du huê bunuyh nduih bunuyh a êng jan djơh, ăn tâm yố, lơi hôm tâm klăp ndăng. Brah Yêsu lě yố jêh khân ay may, mâu hôm klăp ndăng, lah ndri ăn khân ay may jan tâng kơt Păng đống.

14Rlau bơh này jăt, ăn khân ay may geh nuih n'hâm rống dăng lě bunuyh, yorlah nau rống jan ăn tâm gũ ndrel dũt ueh ngăn, ăn geh nuih n'hâm nau mân du ntôr nau.

15Ăn nau đăp mpăn Brah Krist jêng kôranh ta nuih n'hâm khân ay may, gay ma gũ ta nau đăp mpăn ndrăng phung nsing. Jan kơt này yorlah lě Kôranh Brah kuăl jêh khân ay may nơh jêng du mpôl tâm ban ma du săk jăn đơm. Jêh ri ăn lah ueh ma Kôranh Brah nâng.

16Ăn nau ntũm nti Brah Krist jêng kôranh ma dăng lě nơ khân ay may gít, khân ay may jan. Jêh ri tâm ntũm nti, tâm nkah ndrăng nơm ma nau gít blao ăp ntil. Ăn mprō geh nuih n'hâm lah ueh ma Kôranh Brah, ma nau mprō ơm, ma nau mprō rnê ma Kôranh Brah, ndrel ma nau mprō tă bơh Brah Huêng Ueh.

¹⁷Dâng lẽ ndơ khân ay may jan, bol lah nau mboh ngoi, mâu lah nau a êng kađôi, iăt ma jan tâng nau öch Kôranh Yêsu dadê, ndâp ma lah ueh Kôranh Brah Bở bân, yor ma khân ay may tâm rnglăp ma Kôranh Yêsu.

Nau đă ma rnăk vâl i nsing ma Brah Krist

¹⁸Ở rôh me i lẽ geh sai, ăn iăt sai khân ay nơm, yorlah nau i này jêng di ma phung nsing ma Kôranh Yêsu.

¹⁹Ở kôngh va i lẽ geh ur, rông hồm đah ur khân may nơm, lơi ôh jan djơh ma păng.

²⁰Ở phung kon se, ăn iăt hồm nau mẽ bở ma dâng lẽ ndơ jan, yorlah jan kơt này di nuih n'hâm Kôranh Brah ngăn.

²¹Ở phung i lẽ jêng bở, lơi ôh gở lők kon khân may, klach lah khân păng rdja nuih n'hâm.

²²Ở khân ay may i jêng dâk bu, iăt hồm kôranh khân ay may nơm ta neh ntu dja ma dâng lẽ ndơ i khân ay may jan. Mâu ôh di jan kơt này nôk kôranh say gay ma ăn păng rnê đơm, ăn khân ay may jan ma lẽ nuih n'hâm, yorlah khân ay may klach yơk ma Kôranh Yêsu.

²³Dâng lẽ ndơ i khân ay may jan, ăn khân ay may jan hồm ma lẽ nuih n'hâm, tâm ban ma jan ăn ma Kôranh Yêsu, mâu di ôh jan ăn ma bunuyh đơm.

²⁴Yorlah khân ay may lẽ găt jêh geh nau nkhôm tă bơh Kôranh Yêsu, ndri khân ay may mâu di ôh sơm kơl jan kar ma bunuyh, yơn ma sơm kơl jan kar ma Brah Krist kôranh bân.

²⁵Bu moh jan tih, Kôranh Brah mra plơng ma ndơ tih păng jan, Kôranh Brah mâu ôh kơih bunuyh.

Kôlôh 4

¹Ở phung i jan kôranh bu, ăn khân ay may jan ma dâk khân ay may nơm ma nau sông, ma nau tâm di ma ndơ khân păng jan, yorlah khân ay may lẽ găt jêh, khân ay may nơm, ndrel ma dâk khân ay may lẽ geh du huê kôranh đơm i gữ ta kalơ trôk.

Nau nkah, ndrel ma ôp nau ueh lăng êng êng

- ²Ở phung nsing ta ðon Kôlôh, ăn khân ay may nsrôyh ma nau mboh sớm nâng, ăn mboh sớm ma lẽ nuh n'hâm, ndâp ma lah ueh Kôranh Brah.
- ³Dẫn kơl mboh sớm ăn hên bả, gay ma Kôranh Brah pơk trong ăn hên mboh nkoch nau Kôranh Brah, mboh nkoch nau Brah Krist i a lor nơh bunuyh mâu ôh gít. Yor ma mboh nkoch nau i này dâng gập gũ ta trôm ndrung dja.
- ⁴Dẫn kơl mboh sớm ma Kôranh Brah ăn gập dơi mboh nkoch nau Kôranh Brah n'hêl nanẽ ngãn. Kôranh Brah lẽ ðã gập jan kơt này.
- ⁵Ăn khân ay may gũ ngao ma nau mân gít blao ðah ma bunuyh i mâu ôh nsing ma Brah Krist. Ăn khân ay may gũ ndrăp nâng ma jan ueh ma bu, ndâp ma mboh nkoch nau Brah Krist ma bu.
- ⁶Dẫn khân ay may mboh ngơi ma nau rdở rbăn babơ, ndâp ma ngơi geh nau khlay, gay ma ăn khân ay may gít mớm bả nau ơh ueh ma nau ôp ma dâng lẽ bunuyh.
- ⁷Nô Tikhikus i bunuyh gập rờng, păng jêng bunuyh jan kar sờng, ndrel ma kơl gập ta nau sớm kơl jan kar ăn ma Kôranh Brah. Păng mra mboh nkoch ăn khân ay may gít dâng lẽ nau geh ta gập.
- ⁸Gập ðã păng hãn a khân ay may, gay ma ăn khân ay may tăng nau bơh gập, ndâp ma ăn păng n'hao nuh khân ay may ðờng.
- ⁹Gập ăn păng hãn ndrel nô Ônêsim i gập rờng, Ônêsim jêng bunuyh jan kar sờng, jêng bunuyh i lôh tả bơh bri khân ay may nơm ðờng. Bar hê khân păng i này mra mboh nkoch ăn ma khân ay may gít, moh bả nau geh ta ntũk dja.
- ¹⁰Nô Arisđarkus i bunuyh geh ndrung ndrel gập, păng ôp nau ueh lăng khân ay may, jêh ri nô Markôs i oh nô du u ndrel Barnabas, păng ôp nau ueh lăng khân ay may ðờng. Lẽ gập ðã khân ay may rom păng, lah păng hãn a khân ay may.
- ¹¹Nđâp ma nô Yêsu i bu kuăl Yustus ðờng, păng ôp nau ueh lăng khân ay may ðờng. Ta mpôl bunuyh jan kar mboh nkoch ma nau Kôranh Brah mât uănh ndrel gập, geh pe nuyh khân păng i này đơm i tả bơh phung Israel, jêh ri khân păng i này ðờng n'hao nuh n'hâm gập.

¹²Nô Êpapas i tă bớh bri khân ay may nớm, păng ôp nau ueh lăng khân ay may đống. Păng jêng bunuyh sớm kớl jan kar ma Brah Krist Yêsu, păng nsrôyh ngă mớh sớm ăn ma khân ay may mầu rlu ôh, gay ma khân ay may gũ nập ta nau nsing lể tâm di keh ngă, ndrel ma ứch jan tâng nau Kôranh Brah ứch dăng lể ntil.

¹³Gập bắh mớh nkoch ngă păng ma khân ay may, păng lể nsrôyh ngă jan kar ăn ma khân ay may, ăn ma phung ta bon Laodisê, ndập ma dăng lể phung ta bri Hêrôl.

¹⁴Nô Luka i kôranh dak si jêng bunuyh i hên rống, ndrel ma nô Đêmas, khân păng ôp nau ueh lăng khân ay may đống.

¹⁵Dăn ôp nau ueh lăng oh nô ta nau nsing ta bon Laodisê, dăn ôp nau ueh lăng yôh Nymphas, ndập ma phung i gũ rắn ta jay păng nây đống.

¹⁶Jêh khân ay may rớ sambút dja ăn ma oh nô khân ay may nớm ta nau nsing iăt, leo đống sambút dja ăn ma phung nsing ta bon Laodisê ăn khân păng rớ đống, jêh ri sambút i gập nchih ma phung khân păng ăn khân ay may rớ ta ntúk khân ay may đống.

¹⁷Jêh ri dăn mớh ăn ma nô Akhipus, ăn păng nsrôyh jan jêh kar i păng lể sớ dơn bớh Brah Yêsu.

¹⁸Nau ôp ueh lăng dja jêng ti gập nớm Pôl nchih. Khân ay may lới ôh chuêl gập gũ ta trôm ndrung. Dăn nau ueh Kôranh Brah gũ ndrel dăng lể khân ay may.

Têsalônîk Rôh 1

Têsalônîk Rôh 1 1

Nau ôp ueh lăng

¹Sambüt gáp Pôl nchih. Gáp, Silas, ndrel ma Timôthê, pe nuyh hên njuäl ăn ma phung nsing ma Kôranh Yêsu Krist ta bon Têsalônîk, i gũ ndrel Kôranh Brah Bở bân nôm, ndrel Kôranh Yêsu Krist. Dăn Păng ăn nau ueh, ndrel ma nau đăp mpăn ma khân ay may.

²Hên lah ueh Kôranh Brah babơ ma dăng lě khân ay may, hên mboh sơm ăn ma khân ay may babơ đổng.

³Hên kah gít dăng lě khân ay may babơ ngăn ta năp mắt Kôranh Brah Bở bân nôm. Hên kah gít dăng lě ndơ i khân ay may jan yor ma nau nsing khân ay may, hên kah gít đổng ndơ i khân ay may jan rơah rgănh yor ma nau rống khân ay may ma bu, ndrel ma ndơ i khân ay may geh nau rơm năp rkâk ma Brah Yêsu Krist i Kôranh bân.

⁴Ở oh nô ta nau nsing i Kôranh Brah nôm rống, hên gít ngăn jêh Kôranh Brah lě kơih khân ay may,

⁵Yorlah nôk hên mboh nkoch nau mhe mhan ueh ma khân ay may nơh, mâu ôh đơn ma nau mboh ngơi đơm, jêng geh nau Brah, geh Brah Huêng Ueh i kloh ueh gũ ndrel, ndăp ma khân ay may geh nuh n'hâm nsing dũt năp rkâk đổng. Nôk hên hôm gũ ndrel khân ay may nơh, khân ay may lě gít say đổng nau gũ rêh hên gay ma kơl khân ay may.

⁶Khân ay may lě jan tâng kơt hên, ndrel ma lě jan tâng kơt Kôranh Yêsu. Bol lah khân ay may geh mập ma nau jêr jốt dũt hô kăđôi, khân ay may sỏ đơn nau Kôranh Brah ma nau răm maak i tă bơh Brah Huêng Ueh i kloh ueh đổng.

⁷Kơt ndri dăng khân ay may jêng nôm leo dăng lě phung nsing ta bri Masêđôn, ta bri Akhây ăn tâng jan ueh đổng.

⁸Yorlah nau Kôranh Brah i lôh tă bơh khân ay may nơh, mâu ôh đơn ma bu lữ ta bri Masêđôn, ndrel ma ta bri Akhây đơm, lam ntũk ngăn bu lữ khân ay

may nsing ma Kôranh Brah. Lah ndri nau nsing khân ay may nây, hên mâu hôm ôh khăch mboh nkoch.

⁹Ōk ngăn bunuyh ta bri i nây mboh nkoch ma hên, nau i khân ay may rom hên nôk hên hăn a khân ay may nơh, nau i khân ay may mbăr lơi brah nklă, jêh ri sât ma Kôranh Brah, gay ma yơk mbah ma Păng i Brah rêh mâu blao khât, Păng i Brah ngăn.

¹⁰Bu mboh nkoch đōng nau khân ay may hôm gũ kōp Kon Kôranh Brah nơm i mra jūr tă bōh trōk. Păng Brah Yêsu i Kôranh Brah de lể jan ăn dâk rêh jêh. Păng i nây rklaih bân bōh nau tể dōih Kôranh Brah ta nar jât năp tay.

Têsalônîk Rơh 1 2

Nau Pôl gũ jan kar ta bon Têsalônîk

¹Ở oh nô ta nau nsing, khân ay may nơm lể gĩt jêh, hên hăn a khân ay may nơh mâu ôh jêng dơm dam.

²Khân ay may lể gĩt jêh, jêh hên đơn nau jêr jốt, nau bu rak suai hên ta bon Philip nơh, Kôranh Brah ăn hên geh nuih n'hâm bãnh mboh nkoch nau mhe mhan ueh Păng tât ma khân ay may đōng, bol lah geh nau tâm rdâng dũt hô kađôi.

³Hên geh nuih n'hâm bãnh, yorlah nau i hên ntũm nti nây nơh, mâu geh rlăm, mâu geh bở bớch, mâu geh mbrôh ôh.

⁴Kôranh Brah kớp hên di, ndri dâng Păng njũn nau jan kar mboh nkoch nau mhe mhan ueh dja ăn ma hên, jêh ri hên mboh nkoch tâng ndơ i nây đōng. Hên mâu ôh mboh nkoch gay ma bunuyh rnê, yơn ma hên mboh nkoch gay ma Kôranh Brah rnê, jêh ri Păng rlong nuih n'hâm hên đōng.

⁵Khân ay may lể gĩt jêh, hên mâu prot ôh mboh ngơi lể ueh rlau keh ir, hên mâu prot đōng mboh ngơi gay ma geh sữ đơn prăk sữ đơn đrăp ndơ bōh khân ay may. Geh Kôranh Brah i năk tơm say.

⁶Hên mâu đōng joi nau rnê i tă bōh bunuyh, bol lah tă bōh khân ay may, mâu lah tă bōh bunuyh êng kađôi.

⁷Hên jêng kôranh oh mon Brah Krist geh nau dơi đã khân ay may, yơn ma hên gũ ndrel khân ay may mleh rmên ngă, tâm ban ma mẽ măt kon bê păng nơm đổng.

⁸Yor ma hên geh nuih n'hâm rông ma khân ay may dứt hô kớt này, hên öch ăn ma khân ay may mâu ôh dơn ma nau mhe mhan ueh Kôranh Brah dơn, ndâp ma nau rêh hên nơm ăn ma khân ay may jăt, yorlah hên rông khân ay may dứt hô ngă.

⁹Ở oh nô ta nau nsing, khân ay may hôm kah găt nôk hên gũ ndrel khân ay may nơh, hên jan kar jök rơah ngă, jan kar dăng mắg dăng nar, gay ma lơi ăn khân ay may jêr kớl siăm hên, nôk hên mbơh nkoch nau mhe mhan ueh Kôranh Brah ăn ma khân ay may.

¹⁰Hên gũ ndrel khân ay may i bunuyh nsing ma Brah Yêsu, ma nau kloh, ma nau sổng, mâu ôh geh nau ma nduih. Geh khân ay may, geh Kôranh Brah i năk tơm say hên.

¹¹Khân ay may lể găt đổng, hên lể jan ma du huê du huê khân ay may nơh tâm ban ma bở jan ma kon ngă.

¹²Hên ntrôl, ndâp ma n'hao nuih n'hâm khân ay may, jêh ri dăn khân ay may hô ngă hôm gũ rêh tâm di đah nau Kôranh Brah öch. Păng kuăl khân ay may lắp gũ ta nau măt uănh Păng nơm, ndrel ma gũ ta nau chrêk lợp Păng nơm.

¹³Kớt ndri dăng hên lah ueh ma Kôranh Brah bảbơ ngă, yorlah nôk hên leo nau mhe mhan ueh mbơh nkoch ăn ma khân ay may nơh, khân ay may sỏ dơn ro, mâu ôh kợp nau i này jêng nau ngời bunuyh, khân ay may kợp nau i này jêng nau ngời Kôranh Brah ngă. Di ngă jêng nau ngời Kôranh Brah nơm i ăn geh nuih n'hâm lơ ma ueh ma bunuyh i nsing ma Păng.

¹⁴Ở oh nô ta nau nsing, khân ay may lể jêng tâm ban ma phung êng êng i nsing ma Kôranh Brah ta bri Yũđa i phung gũ ndrel Brah Krist Yêsu, yorlah khân ay may geh nau jêr jốt tắ bớh bắl mpôl khân ay may nơm jan djơh ma khân ay may, kớt phung êng êng i nsing ma Kôranh Brah ta bri Yũđa geh sỏ

dơn nau jêr jöt tă bớh bắl mpôl khân pắng nớm i phung Israel jan djớh ma khân pắng.

¹⁵Phung Israel jan djớh i này lể nkhat lời Kôranh Yêsu, ndrel ma lể nkhat lời mpôl bunuyh ntớyh nau ngới Kôranh Brah kắl e nớh, jêh ri mprớh hên đớng. Dắng lể khân pắng i này mắu ôh jan maak ma Kôranh Brah, jêh ri jêng phung tâm rdắng ma dắng lể bunuyh đớng!

¹⁶Khân pắng buay hên mắu ắn ôh mớh nkoch nau mhe mhan ueh tắt ma phung i mắu di phung Israel gay ma geh nau rklaih. Khân pắng jan kớt này nau tih khân pắng lớ ma hô ốk tắt ma di Kôranh Brah tể dớih, yớn ma nau Kôranh Brah tể dớih tắt ta khân pắng i này ngắn ro.

Nau Pôl ứch hắn ta ắn Tắsalônik

¹⁷Ớ oh nô ta nau nsing, bol lah rnglay sắk bắn tâm ắh ngai du blắt, yớn ma nuih n'hắm hóm tâm dắch đắh khân ay may mro. Hên ứch ngắn gay ma say muh mắt khân ay may, yorlah hên klống khân ay may hô ngắn.

¹⁸Kớt ndri dắng hên hô ngắn ứch hắn a khân ay may, gắp nớm Pôl i dja bar pe tớ ngắn ứch hắn a khân ay may, tih ma Satắng i kôranh mpôl brah djớh nking mắu ắn hắn ôh.

¹⁹Bớh tă nau nớm hên, nau rắm maak hên, nau rnê êng sắk hên ta bớh nắp Brah Yêsu i Kôranh bắn tắt Pắng vắch tay? Tắ bớh khân ay may. Ndri hên ứch hắn ta khân ay may.

²⁰Yor ma khân ay may hên geh nau rnê, hên geh nau rắm maak.

Tắsalônik Rớh 1 3

¹Yor ma hên rvê hô ir, dắng hên hóm ứch gắ bar hê êng ta ắn Athen.

²Jêh ri đắ Timôthê hắn, gay ma kớl n'hao nuih n'hắm, ndrel ma kớl ắn nau nsing khân ay may nắp rkắk ngắn. Pắng i oh hên i bunuyh jan kar Kôranh Brah mớh nkoch nau mhe mhan ueh Brah Krist ndrel hên.

³Hên đắ pắng hắn gay ma lời ôh ắn du huê bah nsing yor ma nau jêr jöt i bu jan jêr geh abao' dja. Khân ay may lể gắt jêh nau i này, Kôranh Brah lể ắn ma bắn geh nau jêr jöt kớt này.

⁴Nôk hên hôm gũ ndrel khân ay may nơh, hên lể mboh jêh ma khân ay may lor: Bân mra geh nau jêr jôt. Jêh ri nau jêr jôt geh ngăn ro, kơt khân ay may lể gĩt jêh.

⁵Kơt ndri gập ăt mâu hôm dơi, dăng gập ăñ Timôthê hăn a khân ay may gay ma gĩt nau nsing khân ay may. Gập klach Satăng ndơm khân ay may dơi, jêh ri nau rơah rgăn hên nơh jêng dơm dam.

⁶Abơ dja Timôthê lể sât tât a hên dja, păng lể mboh nkoch ma hên nau nsing khân ay may, ndrel ma nau rông khân ay may ma bu. Păng mboh ma hên, khân ay may hô ngăn klông hên, ứch mập hên hô ngăn, kơt hên ứch mập khân ay may đống.

⁷Ở oh nô ta nau nsing, yor ma nau nsing khân ay may, jan ăñ nuh n'hâm hên lể ueh đăp mpăn jêh, bol lah geh nau jêr jôt bu jan jêr dũt hô kađôi.

⁸Abơ dja nuh n'hâm hên lể răm ngăn yor ma lể gĩt khân ay may hôm gũ nập ta nau nsing ma Kôranh Yêsu kơt này.

⁹Hên joi nau ma lah ueh Kôranh Brah mâu hôm blao lể, yor ma ndơ i khân ay may hôm nsing nập rkâk jan ăñ hên răm maak ta nặp mắť Kôranh Brah.

¹⁰Dăng mắng dăng nar ngăn hên nsrôyh mboh sơm dăn ma Kôranh Brah, ăñ say muh mắť khân ay may, jêh ri ăñ nau nsing khân ay may lể rắng ngăn, mâu hôm ôh geh ntũk mâu tống.

¹¹Dăn Kôranh Brah i Bở bân, ndrel ma Brah Yêsu i Kôranh bân, sơm ndrăp trong ăñ hên hăn a khân ay may.

¹²Dăn Kôranh Brah ăñ khân ay may geh nau rông lơ ma ốk bêng ler ngăn, ma tâm rông ndrăng nơm, ndập ma rông ma dăng lể bunuyh, kơt hên lể rông ma khân ay may đống.

¹³Dăn Kôranh Brah ăñ khân ay may geh nau nsing nập rkâk, gay ma khân ay may gũ rêh kloh ueh mâu ôh geh nau ma nduih ta nặp mắť Kôranh Brah i Bở bân, tât Brah Yêsu i Kôranh bân vắch ndrel phung lể rklaih!

Têsalônik Rơh 1 4

Nau gũ rêh di ta Kôranh Brah

¹Ở oh nô ta nau nsing, khân ay may lẽ sớ đơn jêh nau ntũm nti tă bớh hên ma nau gũ rêh i Kôranh Brah ếch, jêh ri n'ho ma lẽ jan tâng kớt. Yờn ma du tớ jât hên dẫn khân ay may hô ngấn, ndrel ma ntrôl khân ay may yor ma Kôranh Yêsu, dẫn ăn khân ay may jan ndơ i này lơ ma hô ueh jât!

²Yorlah khân ay may lẽ gít jêh moh nau hên đã khân ay may ma nau đơi i tă bớh Kôranh Yêsu đã nớh.

³Kôranh Brah ếch khân ay may jan tâng nau ếch Păng nờm lẽ bớh nuih n'hâm khân ay may. Ăn khân ay may der bớh nau tâm đổng,

⁴jêh ri ăn khân ay may du huê du huê blao mât njrăng sắk khân ay may nờm ăn tâm di bớh nấp mắt Kôranh Brah nờm, ndập ma ăn geh nau bu rnê hỏ.

⁵Lời ôh bok gor tâng nau khớh kler boi rnglay sắk ếch kớt phung i mâu di phung Israel i mâu gít nắl Kôranh Brah.

⁶Lời ôh ăn du huê bunuyh jan tih jan djớh ndơ i này ma oh nô phung nsing a êng, yorlah Kôranh Brah tể dôi h ma bu moh i jan tih dăng lẽ ndơ i này, kớt hên lẽ jêh mớh, lẽ jêh buay ma khân ay may nớh.

⁷Yorlah Kôranh Brah kuắl bân gay ma kloh ueh, mâu ếch ôh ăn bân jêng bớ bớch.

⁸Ndri dăng bu moh i mâu ếch sớ đơn nau ntũm nti i này, mâu ôh di rlách ma bunuyh đơm, jêng rlách ma Kôranh Brah i ăn Brah Huêng Ueh i kloh ueh Păng nờm ma khân ay may đổng.

⁹Lống nau tâm rống ndrăng oh nô phung nsing, hên mâu ôh khắch nchih mớh ăn ma khân ay may, yorlah lẽ Kôranh Brah ntũm nti jêh khân ay may ăn blao tâm rống ndrăng khân ay may nờm,

¹⁰kớt khân ay may lẽ rống jêh ma oh nô phung nsing lam bri Masêđôn đổng. Ở oh nô ta nau nsing, hên ếch khân ay may ăn nau rống khân ay may ma bu lơ ma hô ốk jât.

¹¹Ăn khân ay may nsrôyh nsram ngăn, gũ rêh ndrel bu ta nau đăp mpăn, mân jan i ndơ khân ay may nơm hỡ, lơi mân ir ma ndơ bu, jêh ri jan kar ma siăm săk khân ay may nơm, kơt hên lể đă jêh ma khân ay may nỡh.

¹²Lah jan kơt nây bunuyh i mâu nsing ma Brah Yêsu rnê ma khân ay may ngăn, jêh ri khân ay may mâu ôh khăch đăn bu ma kơl siăm săk jăt.

Nau Brah Yêsu plở văch

¹³Ở oh nô ta nau nsing, hên ứch ăn khân ay may gít n'hêl ma phung i lể khăt jêh, gay ma khân ay may lơi hôm rngot ôh tâm ban ma phung abă êng i mâu geh nơm ma nau rêh n'ho ro yor ma khân păng mâu nsing ma Brah Yêsu.

¹⁴Bân iăt lah Brah Yêsu lể khăt ngăn, jêh ri lể dăk rêh ngăn đống. Lah ndri bân gít lah Kôranh Brah mra leo phung nsing i lể khăt nây ăn dăk rêh gũ ndrel Păng nơm yor ma ndơ Brah Yêsu lể jan đống.

¹⁵Gập mboh ma khân ay may tâng nau ngơi tă boh Kôranh Brah nơm ma bân i hôm gũ rêh dja: Tăt Brah Yêsu plở văch bân i hôm gũ rêh dja mâu ôh hăn lor phung i lể khăt nây.

¹⁶Yorlah tăt Păng jữr boh kalơ trôk i ntũk Kôranh Brah nơm, Păng nter đă, jêh ri nteh bởr kôranh tông păr dũt kuống, ndrel ma nteh nũng Kôranh Brah nơm. Jêh ri dăng lể phung i nsing ma Brah Krist i lể khăt, dăk rêh lor.

¹⁷Jêh ri dăng Kôranh Brah n'hao bân i hôm gũ rêh hao a trôm ndởr tũk ndrel khân păng ta nây, gay ma mập Kôranh Yêsu ta nây, ndri bân nkre gũ ndrel Kôranh Yêsu n'ho ro.

¹⁸Lah ndri ăn khân ay may sỡ nau dja ma tâm n'hao nuih n'hâm ndrăng khân ay may nơm.

Têsalônik Rơh 1 5

¹Ở oh nô ta nau nsing, ta plăng mong nar i Kôranh Yêsu plở văch nây, hên mâu khăch ôh nchih mboh nkoch ma khân ay may,

²yorlah khân ay may nơm lể gít n'hêl jêh: Mâu gít ôh moh mong Kôranh Yêsu plở văch nây, jêng tâm ban ma bunuyh ntũng hăn ntũng ta nôk măng mâu gít ôh moh mong.

³Nôk bunuyh ngoi kơt nda: “Lễ geh nau đăp mpăn! Mâu ôh geh nau klach rvê!” Dô ma geh nau roh hêng ndal tât ma khân păng mâu hôm klaih ôh, tâm ban ma nau ji i bu ur ji ndũl gũ oh.

⁴Ở oh nô ta nau nsing, khân ay may mâu ôh jêng bunuyh gũ ta ntũk ngo i mâu gĩt ma nar i nây tât, ndrì dăng nar i nây mâu jan ăn khân ay may ndrốt ndal tâm ban ma nôk bunuyh ntũng lăp ntũng.

⁵Dăng lễ khân ay may nây jêng kon nau ang kon nar, bân mâu ôh di kon măng kon ngo.

⁶Kơt ndrì ăn bân gũ rgeh njrăng săk mro, mâu ôh jêng tâm ban ma bunuyh aă êng i nhũl ndrănh hăk bêch.

⁷Yorlah bunuyh i hăk bêch jêng bêch ta nôk măng, bunuyh i nhũl ndrănh jêng nhũl ta nôk măng đống.

⁸Yơn ma bân i kon nau ang, iăt ma bân blao măt njrăng săk, jan ndr uez đơ. Ăn bân geh nau nsing geh nau rống ma bu gay ma njrăng săk tâm ban ma taken nsoh ao loyh ma njrăng săk, jêh ri ăn bân geh nau rơm nập ta nau rklaih gay ma njrăng nau mân tâm ban ma taken ndô môk loyh ma njrăng bôk.

⁹Ăn jan kơt nây, yorlah Kôranh Brah mâu ôh ndrăp bân ma tể dôih, Păng ndrăp ma rklaih yor ma ndr Brah Yêsu Krist i Kôranh bân lễ jan.

¹⁰Păng lễ khât jêh ma bân, gay ma ăn bân gũ rêh ndrêl Păng n'ho ro, bol lah ta nôk Păng văch, bân hôm rêh kađôi, lễ khât kađôi.

¹¹Lah ndrì ăn tâm n'hao nuih n'hâm ndrăng nơm, ăn tâm kơl ndjôt nập nau nsing ndrăng nơm, kơt ma khân ay may lễ geh jan.

Nau nkađ êng êng, ndrêl ma ôp nau ueh lăng

¹²Ở oh nô ta nau nsing, hên dăn ma khân ay may, ăn khân ay may yơk ma mpôl i jan kar ma khân ay may, jêng mpôl i leo trong khân ay may ta nau nsing, jêng mpôl i ntũm nti khân ay may nau Kôranh Yêsu.

¹³Kơp khân păng jêng bunuyh geh nau khlay ngăn, rông ma khân păng, yor ma ndr i khân păng jan nây. Ăn khân ay may gũ ngao đăp mpăn ndrăng khân ay may nơm.

¹⁴Ở oh nô ta nau nsing, gáp ếch nkah khân ay may, ăn khân ay may nduih ma phung i blao jan kar, n'hao nuih n'hâm ma phung i geh nau nklôn rvê, kơl ma phung rdja, lơi ôh dâl ma dăng lể bunuyh đống.

¹⁵Ăn khân ay may njrăng, lơi ôh jan ndr djơh plơng ma ndr djơh bu. Ăn nsrôyh jan ndr ueh nâng hỏ ndrăng khân ay may nơm, ndrel ma đah dăng lể bunuyh đống.

¹⁶Gũ rằm maak bảbơ,

¹⁷gũ mboh sớm lơi ôh rlu.

¹⁸Ăn lah ueh ma Kôranh Brah ta lể nau tât, yorlah Kôranh Brah ếch khân ay may i nsing ma Brah Krist Yêsu jan kơt i nây.

¹⁹Lơi ôh nking nau jan kar Brah Huêng Ueh.

²⁰Lơi ôh mưch rmot ma nau bunuyh ntơyh nau ngơi Kôranh Brah.

²¹Ăn khân ay may rlong mêt uảnh dăng lể nau i khân păng mboh nkoch nây, jêh ri ndjôt prăp moh ndr i di i ueh hỏ.

²²Ăn khân ay may der dăng lể ndr djơh mhịk.

²³Dăn Kôranh Brah i tơm nau đăp mpăn jan ăn khân ay may ăn kloh ueh ăn lam. Jêh ri dăn Păng mât njrăng nuih n'hâm, nau mân, sắk jăn ăn kloh ueh mầu ôh geh nau ma nduih ta nar Brah Yêsu Krist i Kôranh bân nơm vắch ta dja.

²⁴Kôranh Brah i kuăl khân ay may nây, Păng geh nuih n'hâm rắp jắp, Păng jan nau i nây tât ngăn ro.

²⁵Ở oh nô ta nau nsing, dăn mboh sớm ăn ma hên bắ.

²⁶Dăn ôp nau ueh lắng dăng lể oh nô ta nau nsing ma nau ueh rah rớch .

²⁷Gâp đã khân ay may ta Kôranh Yêsu rǒ sambŭt i dja ăn ma dâng lě oh nô i nsing iăt.

²⁸Dăn Brah Yêsu Krist i Kôranh bân nơm ăn nau ueh Păng ma khân ay may.

Têsalônîk Rôh 2

Têsalônîk Rôh 2 1

Nau ôp ueh lăng

¹Sambüt gáp Pôl nchih. Gáp, Silas, ndrel ma Timôthê, pe nuyh hên njuäl ăn ma phung nsing ma Kôranh Yêsu Krist ta bon Têsalônîk, i gũ ndrel Kôranh Brah Bở bân nôm, i gũ ndrel Kôranh Yêsu Krist.

²Dăn Kôranh Brah Bở bân nôm, ndrel ma Kôranh Yêsu Krist ăn nau ueh, ăn nau đăp mpăn ma khân ay may.

³Ở oh nô ta nau nsing, iăt ma hên lah ueh Kôranh Brah bảbở ngăn yor ma khân ay may. Hên lah ueh kớt nđă jêng di ngăn, yorlah nau nsing khân ay may lơ ma hô ngăn, jêh ri nau rông dăng lể ndrăng khân ay may nôm lơ ma hô đống.

⁴Kớt ndri dăng hên mbớh nkoch ma phung nsing ma Kôranh Brah ta bon êng êng, ăn bu lữ khân ay may hôm nsing, hôm nsrôyh ăt nuh, nôk bu jan jêr jốt ăp ntil ma khân ay may, ndrel ma geh nau jêr êng êng jăt kađôi.

⁵Lah ndri ta nau khân ay may gũ nập ta nau nsing ma Kôranh Brah, bân say n'hêl naně ngăn nau Kôranh Brah phat dôi h sồng ngăn. Păng kớp khân ay may di ma lăp ta nau Păng nôm măt uănh, jêh ri khân ay may geh nau jêr jốt yor ma khân ay may jêng bon lan Păng nôm.

⁶Kôranh Brah jan ndơ sồng ngăn, Păng mra plơng ăn nau jêr ma bu moh i jan jêr ma khân ay may nờh.

⁷Jêh ri Păng mra ăn khân ay may i geh nau jêr jốt nây gũ rlu ndrel hên ta nôk Brah Yêsu nhhơ săk tă bớh kalơ trôk. Păng văch tay ndrel phung tông păr Kôranh Brah. Phung tông păr i nây geh nau dơi ngăn.

⁸Păng hăn ma ũnh i dốt hit, tể dôi h dăng lể phung i mầu gĩt năl mầu iăt Kôranh Brah, ndrel ma dăng lể phung i mầu iăt ôh nau mhe mhan ueh Brah Yêsu i Kôranh bân.

⁹Khân păng i nây mra sỏ dơn nau roh lêk n'ho ro, gũ nkah ngai bớh măt Kôranh Yêsu, nđăp ma gũ nkah ngai bớh nau dơi Păng i geh nau chrêk lơp.

¹⁰Ta nar i này Păng väch, gay ma phung kloh ueh Păng rnê nau chrêk lợp Păng nờm, jêh ri dâng lể bunuyh i nsing ma Păng rnê Păng lể nau ngăn. Lợng khân ay may, khân ay may gũ ta mpôl i này đờng, yor ma khân ay may lể nsing jêh ma nau hên mboh nkoch.

¹¹Kợt ndrì dâng hên mboh sỡm ăn ma khân ay may babớ. Kờranh Brah lể kuẩ khân ay may ma geh nau rêh n'ho ro. Hên dẫn Kờranh Brah i Brah bân yớk mbah ăn khân ay may gũ rêh ăn tâm di ma nau kuẩ i này. Hên mboh sỡm dẫn Păng ăn nau đời Păng nờm ma khân ay may, gay ma jan jêh dâng lể ndrờ ueh i khân ay may ứch jan, ndrêl ma jan jêh dâng lể ndrờ i khân ay may jan yor ma nau nsing khân ay may.

¹²Ndrì dâng khân ay may ăn geh nau chrêk lợp ma rnhà Brah Yêsu i Kờranh bân nờm, jêh ri Păng ăn nau chrêk lợp ma khân ay may đờng yor ma nau ueh Kờranh Brah i Brah bân yớk mbah, ndập ma nau ueh Kờranh Yêsu Krist đờng.

Têsalônìk Rờh 2 2

Ndrờ tât ê lor ma Brah Yêsu väch

¹Ở oh nô, gập ứch nchih ma khân ay may ma nau väch Brah Yêsu Krist i Kờranh bân nờm, ndập ma nau Păng rgum bân gay ma gũ ndrêl Păng. Hên dẫn khân ay may hô ngăn

²Lời ôh gớnh geh nuìh n'hâm vĩ, mâu lah geh nau ndrốt rvê yor ma tăng bu mboh nkoch lah nar Brah Yêsu väch lể tât jêh. Bol lah geh bunuyh abả lah Brah Huêng Ueh lể mboh nkoch ma khân păng, mâu lah geh bunuyh mboh nkoch êng, mâu lah geh bunuyh lah hên lể geh nchih ta sambũt kađôi.

³Lời ôh ăn bu mbrôh khân ay may, để mâu ỡm, yorlah ê lor ma nar Brah Yêsu väch này, geh ỏk bunuyh tâm rdâng mbả lời Kờranh Brah, ndrêl ma bu say geh du huê bunuyh tihnsôh sắk, yờn ma Kờranh Brah lể ndrấp nau roh hêng ma păng ngăn ro.

⁴Păng i này tâm rdâng đah dâng lể ndrờ i bu kợp lah brah, ma dâng lể ndrờ i bu yớk mbah, n'hao êng sắk păng nờm khlay rlau ma dâng lể ndrờ i này, n'ho

ma păng gũ ta ntũk nhieh jan brah ma Kôranh Brah, jêh ri mboh êng sãk păng nôm lah Kôranh Brah đổng.

⁵Ah khân ay may hôm kah gĩt đổng, nôk gáp gũ ndrel khân ay may nơh? Nau i này gáp lẽ mboh nkoch ma khân ay may lẽ phiao.

⁶Yơn ma abaō dja, ndơ i nking păng, khân ay may lẽ nãl jêh, păng nsôh sãk tât di nar păng nsôh mớ.

⁷Abaō dja Satăng i kôranh mpôl brah djơh lẽ ăn bunuyh tâm rdâng ma nau vay Kôranh Brah, yơn ma hôm jan mpôn, n'ho ma tât di nar du huê bunuyh i nking păng ri lẽ roh klök jêh.

⁸Ri mớ bunuyh dứt tih i này nsôh sãk, jêh ri Brah Yêsu lơh hêng păng ma n'hâm i lôh tă bớh mbung Brah Yêsu nôm, ma nau chrêk lơp ta nau vấch Brah Yêsu nôm n'groh lơi păng.

⁹Ê lor ma nar i này, bunuyh dứt tih i này, păng vấch ma nau dơi Satăng, păng jan ăp ntil ndơ kuông, jan ndơ dứt nau ngãn, jan nau mbên êng êng. Yơn ma dâng lẽ ndơ i này jêng nau nklă dadê.

¹⁰Păng jan nau kue nau mbrôh ăp ntil ngãn, ăn ma dâng lẽ mpôl i mra sỏ dơn nau roh hêng. Mpôl i này sỏ dơn nau roh hêng yor ma mâu ứch ôh sỏ dơn nau ngãn, mâu ứch ôh rông nau ngãn, bol lah nau ngãn i này dơi rklaih khân păng.

¹¹Kơt ndri dâng Kôranh Brah njũn nau nklă ma jan ăn khân păng hiơt, ăn khân păng iăt nau mbrôh chrao,

¹²gay ma tể dôi h ma mpôl i mâu iăt ôh nau ngãn, jêh ri rãm ma jan ndơ kue chrao.

Nau gũ nập ta nau nsing

¹³Ở oh nô, Kôranh Brah rông ma khân ay may. Hên lah ueh Kôranh Brah bảbớ ngãn ma khân ay may, yorlah lẽ Kôranh Brah kơih khân ay may ma nau rklaih bớh ntôm njêng neh ntu ngãn . Khân ay may geh nau rklaih yor ma Brah Huêng Ueh jan ăn khân ay may kloh ueh, geh nau rklaih yor ma khân ay may nsing ma nau ngãn đổng.

¹⁴Kôranh Brah lě kuăl khân ay may nây ma nau mhe mhan ueh i hên lě mboh nkoch, Păng kuăl khân ay may gay ma ăn khân ay may sô đơn nau rklaih i nây, Păng ếch khân ay may geh nau chrêk lợp Brah Yêsu Krist nơm i Kôranh bân.

¹⁵Lah ndri ơ oh nô, ăn khân ay may gủ nập rkâk hỏ, jêh ri ndjôt dâng lě nau i hên lě ntũm nti ăn ma khân ay may nớh. Hên ntũm nti khân ay may ma bở mbung hên nơm ngời nớh, ndrel ma ta sambũt i hên lě nchih.

¹⁶Kôranh Brah i Bở bân, Păng geh nau rống ma bân. Yor ma nau ueh Păng nơm, Păng bonh leng bân nâng n'ho ro, ndập ma lě ăn bân nau nơm nập rkâk. Dăn Brah Yêsu Krist i Kôranh bân, ndrel ma Kôranh Brah i Bở bân,

¹⁷n'hao nuih n'hâm khân ay may, ăn khân ay may geh n'hâm suan ma jan ăp ntil đơ ueh, ndrel ma mboh nkoch nau ueh đống.

Têsalônîk Rôh 2 3

Nau dăn mboh sơm

¹Ở oh nô ta nau nsing, ta đơ n'glě dũt, hên dăn khân ay may mboh sơm ma hên bả, gay ma nau Kôranh Brah ăn mboh nkoch gơnh lợ ma ỏk ntũk ro, ndrel ma ăn bu yỏk nau Kôranh Brah ăp ntũk, kớta ta ntũk khân ay may lě geh đống.

²Mboh sơm ăn ma hên gay ma klaih bớh bunuyh kue, bớh bunuyh djớh, yorlah mâu geh ôh dâng lě bunuyh i geh nsing.

³Yờn ma Brah Yêsu geh nuih n'hâm rắp jắp, Păng mra jan ăn khân ay may geh nuih n'hâm nập, njrắng khân ay may mâu ôh ăn tũp ta ti Satắng i kôranh mpôl brah djớh .

⁴Kôranh Yêsu lě gủ ndrel khân ay may, ndri hên nsing lah khân ay may lě tâng jan kớta nau i hên lě đả khân ay may nây, jêh ri hên nsing khân ay may hôm jan tâng kớta đống.

⁵Dăn Kôranh Yêsu kớl khân ay may vậta nau rống Kôranh Brah lợ ma jru, kớl khân ay may nsrôyh gủ nập ta nau nsing, bol lah geh nau jêr jỏt kađôi, tâm ban ma Brah Krist nsrôyh gủ nập ta nau jêr jỏt Păng nớh đống .

⁶Ở oh nô, abao dja hên đã khân ay may ta rnhã Kôranh Yêsu Krist, ăn khân ay may der ngai hõm bõh bunuyh i nsing ma Brah Krist blaõ jan kar, gũ tih bõh nau hên lẽ ntũm nti khân ay may.

⁷Khân ay may nờm lẽ gĩt jêh ndơ i di ma khân ay may di jan, jêng ndơ i khân ay may jan tâng kớt hên. Nôk hên gũ ndrel khân ay may nờh hên mâu blaõ ôh.

⁸Hên mâu geh ôh sông sa dờm piăng trao du huê bunuyh mâu geh ăn prăk. Hên nsrôyh jan kar rgăn nhữg dâng mảng dâng nar, gay ma lơi ôh ăn khân ay may jêr mât siãm hên.

⁹Di đõng lah hên đã khân ay may mât siãm hên, yõn ma hên jan kớt nũa ũch leo nau ueh ăn khân ay may tâng kớt.

¹⁰Nôk hên hõm gũ ndrel khân ay may nờh, hên lẽ ntĩnh jêh ma khân ay may: ‘Bu moh i mâu ũch jan kar, bunuyh i nây mâu ăn pảng sông đõng’.

¹¹Yorlah hên tẳg geh bunuyh abã ta phung khân ay may gũ rêh blaõ dờm, khân pảng geh ngời bõch bõr dờm ma mbung, tih ma mâu ôh jan kar.

¹²Hên ntĩnh đã ma bunuyh i kớt nây ta rnhã Kôranh Yêsu Krist, ăn jan kar ăn ueh, sông sa tả bõh brăt suan i nờm jan hõ.

¹³Ở oh nô, khân ay may lơi ôh dâl jan ndơ ueh.

¹⁴Lah bu moh i mâu iăt ôh nau hên nchih ta sambũt dja, ăn khân ay may gĩt ma bunuyh i nây, jêh ri lơi ôh tâm rnglăp ma pảng i nây, gay ma ăn pảng geh nau đit prêng.

¹⁵Yõn ma lơi ôh kớt pảng jêng bunuyh rlăng, ăn nkah pảng jêng tâm ban ma oh nô hõ.

¹⁶Dăn Kôranh Yêsu i tởm nau đẳp mpăn, ăn nau đẳp mpăn ăp ntil ma khân ay may ăp mong ăp nar! Dăn Pảng gũ ndrel ma dâng lẽ khân ay may.

¹⁷Nau ôp ueh lảng dja, gập Pôl nchih ma ti gập nờm. Tăt say nau nchih dja, khân ay may nảl gập i tởm nchih, yor ma dâng lẽ sambũt gập nchih nờh, geh nau nchih kớt nây dadê.

¹⁸Dăn nau ueh Brah Yêsu Krist i Kôranh bân gũ ta dâng lě khân ay may!

Timôthê Rơh 1

Timôthê Rơh 1 1

Nau ôp ueh lăng

¹Sambüt gáp Pôl nchih, gáp kôranh oh mon Brah Krist Yêsu. Gáp jêng kôranh oh mon tă bớh Kôranh Brah nờm, ndrel ma tă bớh Brah Krist Yêsu đă. Kôranh Brah jêng nờm rklaih phung bân, nau nờm phung bân ta Brah Krist Yêsu đơm.

²Gáp njuăl sambüt dja ăn ma may Timôthê, i tâm ban ma kon gáp nờm ngăn yor ma gáp leo may sât nsing ma Brah Yêsu. Dăn Kôranh Brah, ndrel ma Brah Krist Yêsu ăn nau ueh, nau yỗ, nau đăp mpăn ma may. Kôranh Brah jêng Bở bân, Brah Krist Yêsu jêng kôranh bân.

Njřng nau ntũm nti nklă

³Nôk gáp lôh bớh bon Êphêsô hăn ta bri Masêđôn, gáp lě ăn may hôm gũ ta bon Êphêsô gay ma buay bu lơi ôh ăn ntũm nti nau nklă. Abao' dja gáp hôm ăn may gũ ta nây hỏ gay ma hôm jan kớ nây đống,

⁴buay lơi ăn bu nkoch nđơn ốk, lơi ăn nkoch yao rũng i jong rhêng ngăn nây, yorlah nau i nây jêng tâm ôp rkhêl đơm, mâu ôh kớ bân jan tâng nau Kôranh Brah ứch. Yờn ma nau nsing ma Brah Yêsu kớ ăn bân jan tâng nau Kôranh Brah ứch.

⁵Nau nti ta phung nsing ma Brah Yêsu Krist ứch ăn phung nsing geh nau rống ma bu, nau rống i lôh bớh nuh n'hâm kloh, lôh bớh nuh n'hâm sớng, ndrel ma lôh bớh nau nsing răp jăp ngăn.

⁶Bunuyh abă lě du der jêh bớh dăng lě nau i nây, abao' dja khân păng mớh ngời lă lêng đơm.

⁷Khân păng i nây ứch jêng nờm nti nau vay phung Israel, yờn ma khân păng nờm mâu gít vât ôh nau i khân păng ngời. Jêh ri nđơ i khân păng nti bảnh ngăn nây mâu gít vât đống ma nau khlay.

⁸Bân lě gít nau vay phung Israel jêng ueh, lah bân blao đống ăn di.

⁹Ăn bân kah gít, nau vay phung Israel, Kôranh Brah mâu ôh ndrăp gay ma tể dôih ma bunuyh sǒng, yǒn ma Pǎng ăn nau vay i nây ma tể dôih ma phung i mâu jan tâng nau vay, phung mâu iătt nau, phung mâu yǒk ma Kôranh Brah, phung jan djǒh nâng, phung mâu kloh ueh, phung rak suai Kôranh Brah, phung nkhât mẽ bở, phung nkhât bu.

¹⁰Pǎng ăn nau vay i nây gay ma tể dôih ma phung khǒh kler, phung bu klô gũ tâm dǒng ndrăng phung bu klô, phung tǎch rgâl bunuyh, phung mbrôh, phung ngǒi nchǒt, ndrel ma dâng lể phung êng jât i tâm rdâng đah nau ntũm nti di.

¹¹Nau ntũm nti di tă bǒh nau mhe mhan ueh i Kôranh Brah ăn gâp mbǒh nkoch ma bu. Nau mhe mhan ueh i nây tă bǒh Kôranh Brah i dũt ueh, ndâp ma geh nau chrêk lǒp.

Nau lah ueh ma nau yǒ Kôranh Brah

¹²Gâp lah ueh ma Brah Krist Yêsu i kôranh bân, Pǎng lể ăn n'hâm suan ma gâp dǒi jan kar ma Pǎng. Gâp lah ueh ma Pǎng, yorlah lể Pǎng kǒp gâp nâp rkâk ngăn, ndâp ma ăn gâp jan kar ma Pǎng đǒng.

¹³Pǎng ăn gâp jan kar ma Pǎng, bol lah gâp bǒh ntǒm nǒh jêng bunuyh rak thăm, bunuyh jan jêr, bunuyh hăt janh ma phung i nsing ma Pǎng kađôi. Pǎng hǒm yǒ ndach gâp đǒng, bol lah nôk nây gâp ê hǒ ôh geh nau nsing ma Pǎng, jêh ri mâu gít đǒng moh ndr i gâp jan nây.

¹⁴Yǒn ma nau yǒ Kôranh Brah ők rmeh ler ngăn, Pǎng jan ăn gâp geh nau nsing, geh nau rǒng ma bu. Lể ndr i nây jêng tă bǒh Brah Krist Yêsu nǒm ăn.

¹⁵Bu lah: 'Brah Krist Yêsu văch ta neh ntu dja gay ma rklahi bunuyh tih'. Nau i nây jêng di ngăn, ndrel ma di ma sǒ dǒn đǒng. Lǒng gâp dja i bunuyh tih rlau bu ngăn.

¹⁶Yor ma gâp i bunuyh tih rlau bu ngăn, Brah Krist Yêsu yǒ ma gâp, gay ma nhhǒ nau ăt nuh Pǎng dũt hǒ ngăn ngên, kǒt ndr i Pǎng jan gâp jêng nau ntât ma dâng lể bunuyh i sât nsing ma Pǎng, dâng geh nau rêh n'ho ro.

¹⁷Kốt ndri ăn bân yók ma Kôranh Brah babơ n'ho ro, ăn Păng geh nau chrêk lợp babơ n'ho ro. Păng jêng kađăch i hôm geh n'ho ro, i mâu ôh blao khât. Bunuyh uảnh Păng mâu blao say ôh, jêh ri mâu hôm ôh geh brah i ngăn a êng jât. Nau i này di ngăn !

¹⁸Ở Timôthê kon gập, gập ntĩnh ma may jêng tâm di ma nau i bunuyh ntợyh nau ngời Kôranh Brah lể mboh nkoch jêh ma may nớh, ăn nau mboh nkoch i này n'hao nuih n'hâm may, ăn may tâm rdâng đah ăp ntil nau djợh, tâm ban ma taken tâm lợh đah bu gay ma dơi păng.

¹⁹Nôk may geh nau tâm rdâng ăn may ndjôt nập nau nsing, ndrel ma jan ndợ i di đah Kôranh Brah ứch đơm. Yor ma bunuyh abă rlăch ma ndợ i di đah Kôranh Brah ứch, nau nsing khân păng i này lể roh lể phiao.

²⁰Ta mpôl bunuyh i này geh Himênês ndrel ma Alêksăntrus. Gập lể njũn jêh khân păng ăn ma Satăng i kôranh mpôl brah djợh gay ma lợh khân păng, gay ma khân păng lợi hôm mứch rmot Kôranh Brah.

Timôthê Rợh 1 2

Nau mboh sơm

¹Ndợ i gập dẫn ntĩnh may i geh nau khlay rlau bu, ăn dâng lể phung nsing mboh sơm dẫn ma Kôranh Brah, dẫn Păng ma dâng lể bunuyh, ăn khân ay may lah ueh ma Păng ăn ma dâng lể bunuyh đống.

²Ăn jan kốt nđă ma kađăch, nđập ma dâng lể phung kôranh mât uảnh đống, gay ma bân geh nau đăp mpăn, gủ ueh răk klăk tâm nau klach yók ma Kôranh Brah, ndrel ma gủ ta nau rêh ueh.

³Nau mboh sơm i này jêng ndợ ueh ta năp Kôranh Brah, ndrel ma nau Kôranh Brah ứch i nơm rklaih bân.

⁴Păng ứch dâng lể bunuyh geh rklaih, nđập ma gít năl nau ngăn.

⁵Yorlah Geh du huê Kôranh Brah đơm, Geh nơm ma jan ăn nau tâm rnglăp du huê đơm i gủ ta nklang vah vang Kôranh Brah nơm ma bunuyh. Păng i này Brah Krist Yêsu, Păng jêng bunuyh đống.

⁶Păng lě jao sǎk Păng nơm ma khât, gay ma chuai dâng lě bunuyh. Nau i này Kôranh Brah lě nhơ ta di nar Păng ếch.

⁷Jêh ri Kôranh Brah lě kơih jêh gập, ăn gập mboh nkoch nau khlay i dja, ăn gập jan kôranh oh mon, jan nơm nti ma phung i mâu di phung Israel, nti khân păng ma nau nsing ma Brah Yêsu, ndâp ma nau ngăn. Gập ngơi nau ngăn, mâu geh mbrôh ôh.

⁸Gập ếch phung bu klô ăp ntük i geh bunuyh nsing i geh tâm rbũn ăn mboh sơm yơr ti ma nuih n'hâm kloh ueh, mâu geh ôh nau nuih, mâu lah nau tâm rlăch.

⁹Ma phung bu ur gập ếch khân păng nsoh n'gut ăn tâm di, jêng di đah nau vay gũ ngao, lơi ôh rlau keh ir. Lơi păch sők, lơi ta ndok vãn mayh, mâu lah ők lữ pích mlöm (lữ glo), ndâp ma lơi ôh soh ndr i khlay khlay ir, gay ma bu rnê.

¹⁰Yơn ma ăn khân păng jan ndr ueh ma bu hỏ. Jan kơt này tâm ban ma nkrở sǎk ma ndr khlay ta boh năp Kôranh Brah. Nau i này di ma phung bu ur i kơp sǎk păng nơm yơk ma Kôranh Brah.

¹¹Nôk bu nti nau Kôranh Brah, phung bu ur ăn gũ iăt sǎk rǎk klăk hỏ, jêh ri iăt dâng lě nau bu nti này.

¹²Gập mâu ăn ôh bu moh bu ur nti nôk rbũn, mâu lah jêng kôranh măt uảnh bu klô, ăn khân păng gũ iăt sǎk rǎk klăk hỏ nôk tâm rbũn,

¹³yorlah Kôranh Brah njêng Adăm i bu klô lor, jêh ri njêng Êva i bu ur boh kơi.

¹⁴Mâu di Adăm ôh iăt nau mbrôh, yơn ma Êva iăt nau mbrôh ndâp ma rlau nau vay Kôranh Brah jăt.

¹⁵Ndri dâng phung bu ur geh nau jêr gũ oh. Yơn ma khân păng hơm geh nau rklaih lah khân păng gũ nập ta nau nsing, ta nau rống ma bu, ta nau kloh ueh, ndrel ma ta nau gũ ngao mâu ôh rlau keh ir.

Timôthê Rơh 1 3

Kôranh ta phung nsing ma Brah Yêsu Krist

¹Nau ngơi dja di ngăn: ‘Bu moh i öch jan kôranh mâť uănh phung nsing ma Brah Krist Yêsu, kar i păng öch jan jêng ntil kar i bu yôk ngăn’.

²Lah ndrĩ nôm kôranh mâť uănh phung nsing ma Brah Krist Yêsu, ăn păng jêng bunuyh mâu geh ôh jan du ntil ndrĩ djơh ta păng, jêng bunuyh geh ur nguai đơm hỏ, bunuyh gĩt njing nau ueh nau djơh, bunuyh blao mâť njrăng săk, gũ ngao ueh, blao rom bu năch ta jay păng nôm, blao ntũm nti bu,

³yơn ma mâu nhũl ndrănh, mâu tâm lỏk tâm rlăch băł, mâu joi nau ma bu, mâu kơnh ir ma prăk, jêh ri geh nuih n'hâm mleh rmên hỏ.

⁴Ăn păng jêng bunuyh blao mâť ur kon rnăk vâl păng nôm, ndrĩp ma oh kon păng blao iăť nau, jêh ri yôk păng đơng.

⁵Lah păng mâu blao mâť uănh rnăk vâl păng nôm, mớĩm păng blao mâť uănh phung nsing Kôranh Brah!

⁶Bunuyh mhe săt nsing, mâu ôh ăn păng jan kôranh mâť uănh, klach lah păng n'hi êng săk, jêh ri jêng geh đơih tâm ban ma Satăng i kôranh mpôł brah djơh.

⁷Rlau bớĩh nây ăn kôranh mâť uănh phung nsing ma Brah Yêsu Krist tăng nkoch nau ueh ma păng bớĩh phung i mâu nsing ma Brah Yêsu đơng, klach lah bu mớĩch rmot păng, jêh ri tũp ta nau ndrĩm Satăng.

Bunuyh kớĩ jan kar ta phung nsing ma Brah Yêsu Krist

⁸Jêh ri phung bunuyh i kớĩ jan kar ta phung nsing ma Brah Yêsu Krist tâm ban kớĩ nây đơng, ăn păng jêng bunuyh gũ ngao ueh, mbớĩh ngơi sớĩng, mâu rỏng ma ndrănh, mâu ôh kơnh ma prăk.

⁹Ăn bunuyh i nây jêng bunuyh ndrĩôt năp dăng lẻ nau nsing ndrĩ i Kôranh Brah lẻ nhỏ jêh ma bân, ăn păng jêng bunuyh i lẻ gĩt ta nuih n'hâm mâu ôh jan ma ndrĩ djơh ndrĩ mâu ueh.

¹⁰Ăn bu rlong nuih n'hâm păng lor bớĩt, lah mâu ôh say geh nau ma ndrĩuih ta păng, ăn păng jan kar jêng bunuyh kớĩ jan kar ta phung nsing ma Brah Yêsu Krist đơ.

¹¹Lõng i ur păng ăn geh kơt nây đống, ăn gũ ngao ueh, lơi ngơi kek bu, ăn jêng bunuyh i gĩt njing nau ueh nau djơh, jêh ri ta ndơ păng jan ăn sồng dadê.

¹²Bunuyh i kơl jan kar, jêng bunuyh geh ur nguai đơm hõ, jêh ri blao măt uảnh oh kon, ndập ma rnăk vâl păng nơm đống.

¹³Lah bunuyh kơl jan kar păng jan ueh, bu mra yơk păng, jêh ri păng blao mboh nkoch ma nau nsing ma Brah Krist Yêsu ndập ma nuih n'hâm bảnh đống.

Nau Pôl ếch mboh lor

¹⁴Gập nchih sambüt dja njuäl ăn may lor, gập ếch hăn mập may gơnh, yơn ma ê hõ gĩt.

¹⁵Lah gập jõ tât, sambüt dja mra kơl may, ăn may gĩt moh ndơ ueh ma jan ta phung nsing ma Kôranh Brah, jêng bäl mpôl Kôranh Brah i rêh ngăn. Phung i nây Kôranh Brah ăn njrăng nau ntũm nti ma nau ngăn, ndrel ma mboh nkoch nau ngăn Păng nơm, ndri khân păng jêng nập tâm ban ma meh ntur jan ăn jay jêng nập.

¹⁶Mâu geh bunuyh dơi tâm rlăch ndơ boh đống dja, dứt kuống ngăn ndơ i Kôranh Brah lể nhhơ ăn bân ta nau nsing, ndơ i ndöp a lor nơh: Kôranh Brah lể nhhơ jêh ăn bân gĩt năl Brah Krist i jêng bunuyh ngăn, Brah Huêng Ueh lể nhhơ Păng sồng ngăn, Phung tông pãr lể say Păng. Bu mboh nkoch Păng lam phung i mâu di phung Israel, Bu nsing ma Păng ta lam neh ntu dja, Jêh ri Kôranh Brah n'hao Păng gũ ndrel Păng nơm ta kalơ trôk.

Timôthê Rơh 1 4

Nơm nti nklă

¹Brah Huêng Ueh lể mboh n'hêl ngăn jêh, ta nar jât năp tay mra geh bunuyh abă mbăr lơi nau nsing, yor ma tâng iăt nau mbrôh ndơm bunuyh i tă boh brah djơh, ndrel ma tâng iăt nau ntũm nti bunuyh i tă boh brah djơh đống.

²Khân păng i bunuyh nti nau i nây geh nuih n'hâm ndöp mpôn i mâu hơm blao gĩt năl ndơ ueh ndơ djơh.

³Khân păng buay mâu ăn tâm sǒ ur sai, khân păng mâu ăn ndơ sa abă, yǒn ma Kôranh Brah lě jêh njêng trao i nây, kơt ndri mâu chrao ôh ma phung nsing i lě gĩt năi nau ngăn sǒng sa trao i nây ndâp ma nau lah ueh Kôranh Brah.

⁴Dâng lě ndơ sǒng sa i Kôranh Brah lě jêh njêng, jêng ueh dadê, mâu geh ôh du mlǒm mǎr. Ăn sǒng sa ma nau lah ueh Kôranh Brah.

⁵Nau ngơi Kôranh Brah nǒm, ndrel ma nau lah ueh Kôranh Brah, jan ndơ sǒng sa ăn jêng lě ueh.

Bunuyh jan kar ueh ma Brah Krist Yêsu

⁶Lah may ntǔm nti nau i dja ăn ma phung nsing, may jêng bunuyh jan kar ueh ngăn ăn ma Brah Krist Yêsu, jêng bunuyh i geh n'hâm suan ta nuh n'hâm yor ma ndjôt nâp nau nti ma nau nsing nau nti di. Jêh ri may lě iăt nau nti di i nây.

⁷May lơi iăt ôh ndơn bu nkoch tă bớh kăi e i mâu geh nau khlay ma nau nsing, đễ kǒ mâu iăt đǒng. Ăn may nsrôyh nti ma săk may nǒm, gay ma iăt jan tâng nau Kôranh Brah lơ ma ők hǒ.

⁸Lah bân nsrôyh gay ma geh n'hâm suan dăng geh nau khlay abă đơm, yǒn ma lah bân nsrôyh nti ma săk bân nǒm, gay ma iăt jan tâng nau Kôranh Brah, bân sǒ đơn nau geh jêng Kôranh Brah i Păng lě ton jêh nôk bân rêh abơ dja, ndrel ma tăt bân dăk rêh tay đǒng.

⁹Nau ngơi i nây jêng di ngăn, jêh ri di ma sǒ đơn đǒng.

¹⁰Kơt ndri dăng bân nsrôyh jan kar [ndrel ma sǒ đơn nau bu mứch rmot], yorlah bân geh nau nsing ma Kôranh Brah i rêh ngăn. Păng ứch rklaih ma dăng lě bunuyh, yǒn ma Păng rklaih ngăn ma bunuyh i nsing ma Păng.

¹¹Ăn may đă phung nsing, ndrel ma ntǔm nti nau i nây ma khân păng.

¹²Lơi ôh ăn bu mứch may yor ma may hơm kon se, yǒn ma ta nau mớh ngơi, ta nau gũ ngao, ta nau rǒng, ta nau nsing, ta nau kloh ueh, ăn may leo nau ueh ma lě rngôch phung nsing.

¹³Ăn gôyh rồ ăn nteh Nau Kôranh Brah Ngơi ăn bu tăng, gôyh ntrôl bu, ndrel ma gôyh ntũm nti bu, n'ho ma tât nar gâp tât a may.

¹⁴Nôk phung kôranh phung nsing ma Brah Yêsu Krist tể ti mbơh sơm ma may nơh, geh du huê bunuyh ntôyh nau ngơi Kôranh Brah mbơh ăn ma may, ndâp ma Kôranh Brah ăn đơm dam ma may nau đơi du ntil i tă bơh Brah Huêng Ueh. Lơi blao ôh đơng nau đơi i này.

¹⁵Ăn may jan kơt gâp lể đả dja, ăn lơ ma hô nsrôyh jât ma đơ i này, gay ma đâng lể bunuyh say nau nsing may lơ ma hao ngăn.

¹⁶Ăn may nơm njrăng hồm ma nau gũ ngao, ndrel ma njrăng nau i may ntũm nti này. Lah may nsrôyh jan kơt này, may mra geh nau rklaih ro, may nơm, ndâp ma phung i iât nau may đơng.

Timôthê Rơh 1 5

Nti nau mât phung nsing

¹Lơi ôh lah bu klô ranh, yơn ma ăn ntũm nti păng tâm ban ma bở hỏ, jêh ri phung ndăm kơp tâm ban ma oh nô.

²Phung bu ur ranh kơp tâm ban ma mể hỏ, jêh ri phung bu ur drôh kơp tâm ban ma oh rôh may nơm hỏ, n'ho ma njrăng sắk ăn nuh n'hâm may mân ma khân păng ăn dũt ueh.

³Ăn kơl ma bu ur ndrô lể khât sai, i mâu hồm geh ntũk nsing ngăn.

⁴Yơn ma lah bu ur ndrô lể khât sai i geh kon, geh sau, lah ndri ăn kon sau i này nti blao kơl ma rnăk vâl khân păng nơm, ndrel ma blao plơng mât mể bở khân păng nơm. Nau i này khlay dũt hô ngăn. Jan kơt này Kôranh Brah rằm.

⁵Bu moh bu ur ndrô lể khât sai mâu hồm geh ntũk nsing ngăn, gũ rêh du huê êng đơm, lah ndri ăn nsing ma Kôranh Brah, jêh ri mắng nar ăn păng nsrôyh mbơh sơm, đả Kôranh Brah kơl.

⁶Yơn ma lah bu ur ndrô lể khât sai hồm e pơh ma rồng ma rnglay sắk ứch, ndri păng jêng tâm ban ma bunuyh lể khât jêh, bol lah hồm rêh kađôi.

⁷Nau i này ăn may đã ma phung nsing, gay ma bu mâu geh ôh nau ngơi djơh ma phung nsing.

⁸Lah bu moh i mâu uảnh geh ôh ma ndül mpôl păng nơm, rlau ma này jât mâu uảnh geh ma rñăk vâl păng nơm, nơm i này lẽ mbăr nau nsing jêh, jêh ri păng i này djơh rlau ma bunuyh i mâu nsing ma Brah Yêsu jât.

⁹Lõng sambüt bu nchih săk ma ăn prăk phung bu ur ndrô lẽ khât sai, ăn may nchih săk bu ur ndrô lah lẽ tât 60 năm, lah păng mâu ôh vay joi bu klô êng jât nôk sai păng hôm rêh nơh,

¹⁰ndrel ma lah lẽ geh bu nkoch nau ueh ndrơ păng jan, lẽ geh ntüm nti oh kon, lẽ geh vớt rom phung bu năch ta jay păng nơm, lẽ geh kơl jan kar phung nsing ma Brah Yêsu Krist, lẽ geh kơl ma bunuyh i gũ ta nau rêh rnhăl, lẽ nsrôyh jan dăng lẽ ndrơ ueh. Ndri may nchih săk bu ur ndrô i này.

¹¹Lah geh bu ur ndrô lẽ khât sai hôm e kon se, lơi ôh nchih săk păng ta sambüt i này, klach lah bơh kơi này păng ếch sỏ sai jât, mâu hôm ếch kơl jan kar ma Brah Krist

¹²kơt i păng lẽ jêh ton nơh, jêh ri lah păng sỏ sai ngăn kơt nda, păng geh dôi.

¹³Nguai jât bu ur i này gũ dơm, brố pâl ăp nhieh rông mpông năk dơm, mâu ôh dơn ma mâu jan kar dơm, geh ndâp ma nguảnh mbung, ngơi bôch bôr, ndrel ma ngơi ndrơ i mâu di ma ngơi đống.

¹⁴Lah ndri gập ếch ăn bu ur ndrô khât sai i hôm kon se, ăn păng sỏ tay sai, geh oh geh kon, mât nhieh jay păng nơm, gay ma lơi ôh ăn phung i tâm rdâng ma bân geh ngơi nau djơh ma bân,

¹⁵yorlah lẽ geh bu ur ndrô i này abă lẽ ndôn kơi, jêh ri tâng Satăng i kôranh mpôl brah djơh.

¹⁶Lah du huê bu ur [mâu lah du huê bu klô] i nsing ma Brah Krist, jêh ri lah geh bu ur ndrô lẽ khât sai abă ta ndül mpôl păng, lah ndri ăn păng kơl mât siăm ma bu ur ndrô i này, lơi ôh ăn phung nsing ma Brah Yêsu Krist jêr mât

siăm. Lah jan kơt ndrì phung nsing ma Brah Yêsu Krist hơm geh kơl măt siăm ma bu ur ndrô khât sai i mâu hơm geh bunuyh ma nsing ngăn.

¹⁷Phung kờranh i măt uảnh phung nsing ma Brah Yêsu Krist i jan ueh, ăn yơk ma păng, ndrêl ma ăn prăk ma păng ma nau jan kar păng ta phung nsing ma Brah Yêsu Krist. Lah păng uảnh Nau Kờranh Brah Ngơi đờng, mâu lah ntũm nti bu, ăn yơk ma păng rlau i nây jăt.

¹⁸Yorlah ta Nau Kờranh Brah Ngơi lể geh nchih: ‘Lơi ôh n'grêp mbung ndrôk nôk păng jot plên ba ’. Jêh ri ‘Bunuyh jan kar ăn geh ndrô nkhôm ma păng’.

¹⁹Lah geh du huê kờranh phung nsing ma Brah Yêsu Krist bu ntôn, lơi ta iăt ôh, ăn geh bunuyh tơm say bar hê, mâu lah pe nuyh ri mớ.

²⁰Yơn ma lah păng hơm jan tih nâng, ăn lah păng i nây ta nấp phung nsing ma Brah Yêsu Krist dô, gay ma bunuyh a êng jăt klach đờng.

²¹Ta nấp măt Kờranh Brah, ta nấp măt Brah Krist Yêsu, ndrêl ma ta nấp măt phung tông pãr i lể Kờranh Brah de kờih jêh, gập đả may jan tâng nau gập ntĩnh dja. Ăn may jan kơt nây ma dâng lể bunuyh, lơi ôh kờih bunuyh i may rờng.

²²Lơi ôh ngăch ir tể ti ta du huê bunuyh gay ma đả jan kar ta phung nsing ma Brah Yêsu Krist, gay ma bu lơi kớp may jan tih ndrêl bunuyh i nây, lah nau gũ ngao păng mâu ueh. Ăn gũ măt săk may nơm ăn kloh ueh hỏ.

²³Lơi ôh nhêt dờm dak, ăn nhêt ndrăn̄h bả, gay ma kớl khũng may, yorlah may geh nau ji bảbớ ngăn.

²⁴Nau tih bunuyh abả lể mpơl say n'hêl ê lor ma phat dờih mâu khăch ôh mêt uảnh ngăn, yơn ma nau tih bunuyh abả jăt mpơl nôk mêt uảnh ngăn.

²⁵Tâm ban đờng nau ueh bu jan abả mpơl say n'hêl ro, jêh ri bol lah ê hỏ mpơl say n'hêl kađôi, hơm e mâu dời pôn ăn ndrôp đờng.

Timôthê Rơh 1 6

¹Bu moh i jan dâk bu, ăn păng kơp kôranh păng nơm i này jêng bunuyh i păng yơk ngăn, gay ma lơi ôh ăn bu ngơi djơh ma rnhă săk Kôranh Brah, ndrel ma nau bân ntũm nti.

²Lah du huê kôranh dâk bu jêng bunuyh nsing, i dâk này lơi ôh mân i kôranh lể nsing jêh, jêh ri mâu khăch ôh yơk ma păng. Lơ hô jan kar ma păng jât, jan kar ueh, yor ma păng jêng oh nô Kôranh Brah rống.

Nau ntũm nti nklă, ndrel ma nau kơnh đrăp ndr ta neh ntu dja

Jêh ri ntũm nti nau dja ăn bu iăt đống.

³Lah bunuyh ntũm nti nau a êng, mâu tâm di ma nau ngăn Brah Yêsu Krist i Kôranh bân, lah păng ntũm nti ndr i mâu tâm di ma nau Kôranh Brah ũch ma nau rêh bân,

⁴păng i này geh nuih n'hâm hữn đơm, du ntil nau mâu gít ôh. Nuih n'hâm păng djơh, ũch tâm ôp rkhêl nau mâu khlay, ndrel ma tâm rlăch ma nau ngơi. Tă bơh nau i này jan ăn nau tâm mâu nach, nau tâm nkhhah phung, nau ngơi nchơt, nau ntôn bu a êng jan djơh,

⁵nau tâm rlăch nâng. Bunuyh kơt nđă mâu hơm ôh gít tih gít di, mâu hơm ôh geh nau ngăn. Khân păng nđôn lah nau ũch iăt ma Kôranh Brah, jêng trong ma joi đrăp ndr.

⁶Yơn ma geh nau khlay hô ngăn lah bunuyh ũch iăt ma Kôranh Brah, lể sỗp tống jêh ma đrăp ndr păng nơm lể geh đống,

⁷yorlah dăng lể bân mâu geh ôh ndjôt ndr du ntil hăn ta neh ntu dja nôk deh bơh ndũl me, jêh ri mâu đống bân đơi sỗ bơh neh ntu dja.

⁸Lah ndri lah bân geh ndr sông sa, geh bok n'gut ao nsoh, ăn bân lể sỗp tống jêh.

⁹Lống bunuyh i kơnh geh kơnh ndrống, khân păng tũp ta nau ndrôm, geh đăk yorlah nau ndrơ êng êng. Nau ndrơ abă này i mâu geh nau khlay đơm, abă êng jât jan djơh ma păng nơm, nau i này nkrôm lơi bunuyh ăn roh hêng.

¹⁰Tơm si geh yor ma i reh păng, kơt ndri đống ők ntil nau djơh geh yor ma nau rống ir ma prăk. Bunuyh abă yor ma lể rống ma prăk hô ir, n'ho ma jêng

hiot bah ngai bôh nau nsing ma Brah Krist, jêh ri lơh êng sắk pắng nờm geh nau jêh jốt hô ngắn.

Nau ntũm nti n'glẻ dũt ắn ma Timôthẻ

11Yờn ma may nằy, may jẻng nờm jan kar ma Kờranh Brah, ắn may du ngai hỏm bôh nau i nằy. Jẻh ri tắng joi nau sỏng, nau ứch iắt ma Kờranh Brah, nau nsing, nau rỏng ma bu, nau ắt nuih nằng ta nau jẻh, ndrel ma nau mleh.

12Ắn may nsrỏyh tắng joi nau nsing ma lẻ nuih n'hằm tằm ban ma bu nsrỏyh ta nau tằm lơh gay ma dời, gay ma dờn nau rẻh n'ho ro ngắn. Kờranh Brah lẻ kuắl jẻh may gay ma sỏ dờn nau rẻh n'ho ro, ndrel ma may lẻ mbỏh đờng nau may nsing ta bỏh nắp bunuyh ỏk.

13Gắp dắn nằnh ắn ma may ta nắp mắt Kờranh Brah i nờm ắn nau rẻh dằng lẻ ndỏr geh nau rẻh, ndrel ma ta nắp mắt Brah Krist Yẻsu i nờm lẻ mbỏh jẻh nau ngắn bỏh nắp mắt Pủntẻs-Pilat:

14Ắn may ndjỏt nằp ắn dũt ueh nau i Kờranh Brah lẻ đắ, mằu ôh geh nau bu ma nduih, n'ho ma tằt Brah Yẻsu Krist i Kờranh bằn nờm vắch.

15Tằt di nar ri tay, Kờranh Brah mra nhỏr Pắng ắn say. Kờranh Brah dũt ueh, geh Pắng nờm dờm jẻng kờranh mằt uắnh, jẻng kắđắch kuỏng rlau ma dằng lẻ kắđắch, jẻh ri kờranh kuỏng rlau ma dằng lẻ kờranh.

16Geh du huẻ Pắng dờm mằu blao khằt, Pắng gủ ta ntủk ang. Mằu geh ôh bunuyh dời hắn dắch ta nau ang i nằy, mằu geh ôh bunuyh lẻ say Pắng, mằu dời ôh bunuyh say Pắng đờng. Ắn dằng lẻ bunuyh yỏk ma Pắng, ắn Pắng geh nau dời ma mằt uắnh n'ho ro, ỏ ắn geh kỏt nằy ngắn ro !

17Dắn may buay hỏm ma phung ndrỏng ta neh ntu dja, lơi ắn khằn pắng n'hi êng sắk, lơi ắn nờm ma đrắp ndỏr i mằu gít ôh ta nar jắt nắp tay. Yờn ma iắt ma nờm ma Kờranh Brah hỏ, Nờm i ắn dằng lẻ ndỏr bằn de ma đờng ỏk rmeh ngắn, gay ma bằn rằm maak.

18Đắ khằn pắng jan ndỏr ueh kỏl bu ắn ỏk, lah jan kỏt nằt tằm ban ma geh đrắp ndỏr ngắn i ỏk. Đắ khằn pắng geh nuih n'hằm lỏng gay ma kỏl phung o ach, ndrel ma ndrắp sắk ma pắ ndỏr ắn bu bắbỏ.

¹⁹Jan kơt nậy mớ khân păng tâm ban ma r̄bũn đrăp ndr̄ prăp ta ntũk Kôranh Brah ta kalơ trôk ri, ri mớ geh ndr̄ ma nsing ta nar Kôranh Brah tễ dôih ma dăng lễ bunuyh tay, jêh ri geh nau rêh n'ho ro i jêng nau rêh ngăn.

²⁰Ơ Timôthê, dăng lễ nau Kôranh Brah lễ ăn jêh ma may, ăn may mât ueh hỏm. Jêh ri der nau tâm nkoch ma bu ndr̄ i mâu geh nau khlay, der nau tâm rlăch tâm rdăng ma nau ngơi i bu lah gĩt blaol, yơn ma gĩt blaol nklă chraol,

²¹yorlah geh bunuyh abă lễ ndjôt nau i nậy, jêh ri lễ ntlơi bớh nau nsing bân. Dăn nau ueh Kôranh Brah gũ ndrel dăng lễ ma khân ay may.

Timôthê Rôh 2

Timôthê Rôh 2 1

Nau ôp ueh lăng

¹Sambüt gâp Pôl nchih, gâp kôranh oh mon Brah Krist Yêsu tâng Kôranh Brah ũch, jêng nôm mboh nkoch ma nau rêh i Kôranh Brah lě ton ma ăn bunuyh i nsing ma Brah Krist Yêsu.

²Gâp ũch njuăl ăn ma may Timôthê, jêng kon gâp i gâp rông ngăn ngên. Dẫn Kôranh Brah, ndrel ma Brah Krist Yêsu ăn nau ueh, nau yố, nau đăp mpăn ma may. Kôranh Brah Bờ bân, Brah Krist Yêsu kôranh bân.

³Gâp lah ueh ma Kôranh Brah yor ma may, gâp jan kar ma Păng lě gít ta nuh n'hâm, mâu ôh jan ma ndơ djơh ndơ mâu ueh, kơt phung u che gâp lě jan nơh. Gâp kah gít ma may nâng nôk gâp mboh sơm ăp măn ăp nar, mâu chuêl ôh.

⁴Gâp kah gít dak mắt may hor nôk bân tâm nkah nơh, jêh ri gâp ũch ngăn mậ may, gay ma nuh n'hâm gâp răm maak hô ngăn.

⁵Gâp kah gít nau nsing may răp jăp ngăn, nau nsing i nây geh lor ta u may rnha Lois, ndrel ma ta mẽ may rnha Ủnhi đống, jêh ri gâp lě gít may geh nau nsing i nây đống.

Nau n'hao nuh Timôthê

⁶Kơt ndri dăng gâp nkah may, ăn may đống lơ ma hô nau dơi i tă bơh Brah Huêng Ueh i Kôranh Brah lě ăn dơm dam ma may nôk gâp mboh sơm tể ti nơh,

⁷yorlah Kôranh Brah mâu ăn ôh nuh n'hâm i ăn bân klach, yơn ma Păng ăn bân Brah Huêng Ueh i ăn bân geh nau dơi, geh nau rông ma bu, ndăp ma blao mậ njrăng săk.

⁸May lơi ôh đit prêng mboh nkoch nau khlay Kôranh Yêsu bân nôm, lơi ôh đit prêng ma gâp i gũ ta trôm ndrung dja yor ma mboh nkoch nau Păng. Yơn ma ăn may dơn hóm nau jêr jốt ndrel gâp ta nau mboh nkoch nau mhe mhan ueh. Kôranh Brah ăn nau dơi ăt nau jêr jốt i nây.

⁹Păng lě rklaih jêh bân, lě kuăl jêh bân ăn jêng phung bon lan Păng nôm . Păng kuăl kơt nây mâu ôh yor ma ndơ bân lě jêh jan, jêng tă bơh Păng nôm lě ơm ứch ê lor ma rhăk njêng neh ntu, ndrel ma tă bơh nau ueh Păng. Nau ueh i nây Păng lě ăn jêh ma bân ta Brah Krist Yêsu.

¹⁰Abơ dja Kôranh Brah lě nhơ jêh ăn bân say nau ueh Păng nôm, bân say nau ueh Păng yor ma Brah Krist Yêsu i nôm rklaih bân lě văch ta dja. Brah Krist Yêsu lě lơh n'gơh lơi nau khăt, jêh ri nhơ ăn bân gít năl nau rêh, nau mâu hôm blao khăt tă bơh nau mhe mhan ueh.

¹¹Kôranh Brah lě kơih gập jêng kôranh oh mon Păng, kơih gập gay ma m bơh nkoch ntũm nti nau mhe mhan ueh dja ma bu .

¹²Ndri dăng gập geh nau jêr jốt dja, yơn ma gập mâu ôh đit prêng, yorlah gập gít jêh Kôranh Brah i gập nsing dja. Păng geh nau dơi măt njrăng dăng lě ndơ i Păng lě jao ma gập n'ho ma tăt nar Brah Krist Yêsu plở văch tay.

¹³Ăn may ndjôt nập nau nti di i may lě tăng jêh bơh gập nơh, jêh ri jan tâng kơt. Ăn may gũ ueh ta nau nsing, ta nau rống ma bu i tă bơh Brah Krist Yêsu ăn.

¹⁴Ăn may măt dăng lě ndơ ueh i Kôranh Brah de jao jêh ăn may, Brah Huêng Ueh i kloh ueh i gũ ta bân mra kơl ma may ta nau i nây.

¹⁵May lě gít jêh ốk ngăn bunuyh ta bri Asi lě ntơi gập, ta phung i nây geh Phikeluh ndrel ma Hơmôkên đống.

¹⁶Gập dẫn Kôranh Brah ăn nau yỗ ma rnăk vâl Ônêsiphor, yorlah ốk tở ngăn păng n'hao nuih ăn gập, păng mâu ôh đit prêng mập gập, bol lah gập gũ ta trôm ndrung.

¹⁷Nôk păng tăt ta bon kuống Rôm, păng nsrôyh joi gập tăt say.

¹⁸Gập dẫn Kôranh Brah ăn nau yỗ ma păng ta nar Kôranh Yêsu văch. May lě gít jêh păng kơl gập ốk ngăn ta bon Êphêsô nơh đống.

Timôthê Rơh 2 2

Tahen ueh Brah Krist

- ¹Lah ndri ở kon, ăn may gủ nập ta nau nsing yor ma nau ueh bân geh tả bớh Brah Krist Yêsu.
- ²Dâng lẽ nau gập i may lẽ tăng jêh ta nấp bunuyh ốk nớh, ăn may jao nau i nây ma bunuyh i rấp jấp i blao đơn ntũm nti bunuyh êng jât.
- ³Jêh ri nsrôyh đơn nau jêr jốt tâm ban ma gập, tâm ban ma du huê taken ueh Brah Krist Yêsu.
- ⁴Nôk taken hăn tâm lơh, păng mâu hôm ôh mân rvê kớt nôk gủ bon lan jât, păng ếch jan ăn ma kôranh păng nờm nây geh nuih n'hâm rằm ma păng đơm.
- ⁵Jêh ri lah geh bunuyh ếch tâm rlong nchuăt gay ma geh ndơ nkhôm, lah păng mâu nsrôyh nchuăt ueh di tâng nau vay bu đả, mâu ôh geh ndơ nkhôm.
- ⁶Jêh ri bunuyh i jan mir hốt rớah, păng i nây kách ba sông piăng mhe lor bu đống.
- ⁷Ăn may jan tâng nau ntât i nây ta nau jan kar ma Kôranh Brah. Ăn may mân êng nau gập lah ma may dja, yorlah Kôranh Brah ăn may geh nau mân gít blao, đơi gít vật dâng lẽ ntil ndơ.
- ⁸Jêh ri ăn may kah gít Brah Yêsu Krist jêng rnoi deh kađách Đavid, Păng khât dâk rêh kớt gập ntũm nti nau mhe mhan ueh.
- ⁹Yor ma nau mhe mhan ueh i nây gập đơn nau jêr jốt, n'ho ma tât bu nhữp bu kât gập tâm ban ma bunuyh dôih. Yờn ma nau Kôranh Brah, bu mâu ôh blao nhữp blao kât, bu hôm mớh nkoch.
- ¹⁰Kớt ndri dâng gập nsrôyh đơi ất nau jêr jốt, gay ma bunuyh i lẽ Kôranh Brah de kớih jêh đơn nau rklaih i geh tả bớh Brah Krist Yêsu. Ăn khân păng geh nau chrêk lợp n'ho ro.
- ¹¹Nau i dja jêng di ngãn: Lah bân lẽ khât ndrel Brah Krist Yêsu, Bân tay gủ rêh ndrel Păng đống.
- ¹²Lah bân nsrôyh đơi ất nau jêr jốt, Bân mra gủ mât uảnh ndrel Păng đống. Lah bân rlách mâu ôh gít năl Păng, Păng mra rlách mâu đống gít năl bân.

¹³Bol lah bân mâu ôh gũ rǎp jǎp ma Pǎng, Yơn ma Pǎng mâu ôh ntlọi bân, Yorlah Pǎng mâu ôh dơi rlǎch ma sǎk Pǎng nơm, Pǎng hōm jan nâng ma ndr Pǎng lě ton.

Bunuyh jan kar sōng

¹⁴Ăn may nkah dāng lě phung nsing nau i nây, jêh ri buay ngǎn khân pǎng ta nǎp mǎt Kôranh Brah, lơi ôh ǎn khân pǎng gũ tâm rlǎch ma nau mâu geh nau khlay, yorlah nau i nây jan ǎn nơm i gũ iǎt geh nau vĩ, jan ǎn roh hêng nau nsing dơm.

¹⁵Nsrôyh jan kar ueh gay ma Kôranh Brah rnê. Ăn may mbơh nkoch nau Kôranh Brah ma nau ngơi ngǎn, ma nau di, jêng bunuyh jan kar ma bu mâu ôh geh nau đit prêng, yorlah lě gĩt pǎng nơm jan ueh.

¹⁶Yơn ma ǎn der hōm bơh nau ngơi i mâu ueh i mâu geh nau khlay, yorlah nau ngơi i nây ǎn bu n'ho ma lơ ma hô jan tih ma nau Kôranh Brah ứch.

¹⁷Nau ngơi i nây tâm ban ma sôt sa kũr ta trôm mâu ôh blao bah. Ta mpôl bunuyh i kốt nây, ta nây geh bar hê bu klô, du huê rnha Himênês ndrel ma Philêl.

¹⁸Khân pǎng lě du ngai jêh bơh nau ngǎn, khân pǎng nti nklǎ lah bunuyh khât lě dāk rêh jêh . Ndri dāng khân pǎng lơh n'groh lơi nau nsing bu abǎ.

¹⁹Yơn ma nau ngǎn Kôranh Brah dũt nập tâm ban ma meh nập mâu blao n'gơ, jêh ri lě geh nchih lah kốt nđa: ‘Kôranh Brah lě gĩt nǎl jêh bu moh jêng bon lan Pǎng nơm’, jêh ri ‘Bu moh i mbơh nkoch pǎng nơm lě nsing ma Kôranh Brah, ǎn du ngai hōm bơh nau jan djơh’ .

²⁰Ntât lah ta trôm jay kuống bunuyh ndrōng mâu geh ôh ndoh ndr bu jan ma prǎk, ma mayh dơm, geh ndoh ndr i bu jan ma si, ndrel ma mon ma neh uk đōng. Nдох ndr abǎ bu đōng ma nau khlay, ndoh ndr abǎ jât bu đōng ma nau mâu khlay. Kốt ndri đōng geh ntil êng êng bunuyh ta phung nsing ma Brah Yêsu.

²¹Lah ndri bu moh i du ngai bôh ndơ djơh i nây gũ nau kloh ueh, păng jêng tâm ban ma ndơ đổng ma nau khlay, geh nau khlay ngăn ma tơm jay i nây. Bunuyh i nây blao ma jan ndơ ueh ăp ntil.

²²Lah ndri ăn may der hõm bôh nau kớnh phung drôh ndăm öch, jêh ri nsrôyh tâng joi nau sồng, nau nsing, nau rống ma bu. Ăn geh nau đăp mpăn ndrel mpôl yơk mbah ma Kôranh Brah ma nuih n'hâm kloh hõ.

²³Ăn may der nau tâm rlăch rluk, may lể gít jêh nau tâm rlăch i nây jêng geh nau tâm janh dơm.

²⁴Iăt ma bunuyh i sơm kớl jan kar ma Kôranh Brah mầu ôh geh nau tâm rlăch. Iăt ma bunuyh i nây geh nuih n'hâm mleh ma dăng lể bunuyh, iăt ma blao ntũm nti bu, ndâp ma blao ăt nuih đổng.

²⁵Ăn bunuyh i nây nkah ma bunuyh i tâm rlăch ma păng nơm ma nuih n'hâm mleh, nkêp lah Kôranh Brah ăn khân păng rgâl lơi nuih n'hâm djơh, gay ma gít năl nau ngăn,

²⁶jêh ri ăn khân păng kah gít săk du klaih bôh dăk Satăng i kôranh mpôl brah djơh, i lể nhũp kăt khân păng, nchâp khân păng đă jan tâng nau păng öch.

Timôthê Rơh 2 3

Ndơ geh ta nar n'glẽ dũt

¹Ăn may gít nau dja: Ta rnôk bơi ma tât nar n'glẽ dũt tay geh nau jêr ngăn.

²Nôk nây geh ők bunuyh rống ma săk păng nơm dơm, rống ma prăk, n'hi êng săk, mưch bu, mưch Kôranh Brah, mầu iăt nau mẽ bở, mầu gít tô, mầu yơk ma Kôranh Brah,

³mầu geh nau rống ma bu, mầu geh nau yố, ngơi nchơt, mầu blao ăt nuih, geh nuih n'hâm janh, biănh ma dăng lể ndơ ueh,

⁴geh nuih n'hâm rlăng, nuih n'hâm n'gơch, nuih n'hâm hữn hô ngăn, jêh ri kớnh ma pâl maak rlau ma rống Kôranh Brah.

⁵Khân păng yor mbah Kôranh Brah bôh dih ntô dôm, yon ma nau dôi Kôranh Brah i blao rgâl nuih n'hâm djôh khân păng, khân păng rlăch loi. Lah ndri ăn may du ngai hôm bôh bunuyh i kôt này,

⁶yorlah ta mpôl khân păng i này, geh bunuyh abă hăn ta jay bu, jêh ri mbrôh rlăm phung bu ur i rluk mâl ma nau nti tih khân păng. Phung bu ur i này dôi nau tih khân păng nôm hô ngăn, ta săk khân păng ri geh nau kônh ăp ntil ngăn.

⁷Phung bu ur i này nti babô ngăn, yon ma nau ngăn mâu gít vât.

⁸Nau nsing phung nôm nti này mâu geh ngăn ôh, nuih n'hâm khân păng djôh hô ngăn, khân păng tâm rlăch đah nau ngăn tâm ban ma Yanês, ndrel ma Yamprês tâm rdâng hô ngăn đah Môsê rnôk kăl e nơh.

⁹Nau jan kar khân păng mâu hôm jêng ôh, yorlah ta jât năp tay dâng lă bunuyh say nau mân rluk mâl ta khân păng, tâm ban ma bu say nau mân rluk mâl Yanês, ndrel ma Yamprês kăl e nơh đong.

Nau ntinh ma Timôthê

¹⁰Lông i may này, may lă iăt jêh nau gáp ntôm nti, lă say lă tâng đong ndơ gáp jan, ndơ gáp ntrông ta nau rêh gáp, nau gáp nsing, nau gáp ăt nuih, nau gáp rông ma bu, nau gáp nsrôyh đon nau jêr.

¹¹Jêh ri may lă say đong nau bu jan jêr ma gáp, ndrel ma nau jêr jôt gáp ta bon Ôntiyôk, bon Ikôniam, bon Lisatra. Bol lah gáp geh nau jêr jôt dứt hô kôt này kađôi, yon ma Kôranh Brah lă rklaih gáp dôi dâng lă bôh nau i này.

¹²Bu moh i öch gũ rêh tâm di ma nau Kôranh Brah öch, nsing ma Brah Krist Yêsu, geh bu jan jêr đong.

¹³Lông phung djôh mhĩk, phung mbrôh klôr, khân păng jan ndơ djôh lơ ma hô lơ ma hô ngăn, leo bu ma nau mbrôh, jêh ri geh bu a êng leo khân păng ma nau mbrôh đong.

¹⁴Yon ma may, ăn may ndjôt năp hôm moh ndơ i may lă jêh nti, ndrel ma ndjôt năp hôm moh ndơ i may lă geh nsing, yor ma may lă gít n'hêl jêh, bu moh ntôm nti nau i này nơh ăn ma may!

¹⁵Ntôm bớh may hôm jể may gít năl Nau Kôranh Brah Ngời. Nau Kôranh Brah Ngời i nây ăn may geh nau mân gít blao, gay ma geh nau rklaih yor ma nsing ma Brah Krist Yêsu.

¹⁶Dâng lể Nau Kôranh Brah Ngời, jêng tă bớh Kôranh Brah ăn Brah Huêng Ueh ăn bu nchih, geh nau khlay ma ntũm nti, ma nkah ăn kah gít sắk, ntũm nti hăn di trong, ntũm nti nau gũ rêh ăn sớng,

¹⁷gay ma nớm jan kar ma Kôranh Brah gũ geh nau gít blao, ndrel ma geh ndrăp sắk, gay ma jan ndr uez ăp ntil.

Timôthê Rớh 2 4

¹Gập dẫn mớh ma may dũt nau ngăn ta năp mắt Kôranh Brah, ndrel ma ta năp mắt Brah Krist Yêsu i nớm phat dôi h bunuyh khât ndăp ma bunuyh rêh, jêh ri gập dẫn mớh ma may dũt hô ngăn, yor ma Brah Krist Yêsu mra plở vắch gay ma măt uănh bri kađăch Păng nớm:

²Ăn may mớh nkoch nau Kôranh Brah, jêh ri nsrôyh ngăn, bol lah nôk ueh kađôi mâu ueh kađôi, nti n'hêl ăn bu văt, lah bu ăn dăng, n'hao nuih n'hâm bu. Ăn may jan ndr i nây lới ôh dâl, ntũm nti bu rắp jắp,

³yorlah jăt năp tay bunuyh mâu ứch ôh iăt nau ntũm nti di. Lớng khân păng joi nớm nti ốk ngăn tâng nuih n'hâm khân păng nớm ứch, gay ma ueh tôr iăt đớm.

⁴Khân păng mâu ứch ôh iăt nau ngăn, iăt nkhoing bu nkoch ndr ớn i mâu ngăn chrao.

⁵Yớn ma may nây, ăn may geh nuih n'hâm năp rkăk dăng lể ntil ndr, nsrôyh đớn nau jêr jốt, ăn may jan kar mớh nkoch nau mhe mhan ueh, ndăp ma jan kar may nớm ăn ueh uắch đớng.

⁶Lớng i gập dja, mong bu nchai mham gập tâm ban ma bu nkhit ndrănh ma jan brah lể bới tăt jêh, nar gập khât bới tăt.

⁷Gập lể tâm lớh jêh nau tâm lớh ueh, gập nsrôyh jan lể ndr i Kôranh Brah ăn ma gập jan n'ho ma tăt nar dja, jêh ri nau nsing gập hôm năp kớt ớm đớng.

⁸Abao' dja Kôranh Yêsu, i Kôranh phat dôih sồng, lě ndrăp jêh ndră nkhôm nau rêh sồng ăn ma gâp. Ndră i nây Păng ăn ta nar Păng văch tay, Păng mâu ôh ăn ma du huê gâp dơm, Păng ăn dăng lě bunuyh i gũ kôp Păng văch đống.

Nau ntinh ăn ma Timôthê nom

⁹Jêh ri nsrôyh hăn a gâp ăn gơnh.

¹⁰Nô Đêmas lě mbărlơi gâp, yorlah păng rống neh ntu dja, abao' dja păng lě hăn ta bon Têsalônik. Nô Krêsên lě hăn ta bri Galati, jêh ri nô Titus lě hăn ta bri Đălmatia đống.

¹¹Hôm e du huê nô Luka dơm gũ ndrel gâp. Gâp dăn may leo nô Markôs hăn ndrel ta dja đống, yorlah păng geh nau khlay ma kôl ta ndră gâp jan.

¹²Gâp lě njuăl nô Tikhikus hăn ta bon Êphêsô.

¹³Nôk may hăn ta dja tay, ăn may ndjôt ao kuống gâp ta jay nô Karpôs ta bon Trôas nây, ndrel ma ndjôt sambüt gâp đống, jêh ri i khlay rlau bu jêng sambüt i nchih ta ntô.

¹⁴Nô Alêksăntrus i bunuyh blao jan ndră ma kông, păng jan djơh ma gâp hô ngăn. Yơn ma Kôranh Brah mra plơng ma păng tâng nau păng jan.

¹⁵Lah ndră ăn may njrăng păng đống, yorlah păng tâm rdăng hô ngăn đah nau bân ntũm nti.

¹⁶Nôk gâp ngơi plơng ơh ma bu bôk dak ta năp kôranh phat dôih, mâu geh ôh du huê bunuyh gũ kôl gâp. Dăng lě khân păng mbărlơi gâp dadê. Dăn Kôranh Brah lơi ôh klăp ndăng nau i nây ma khân păng.

¹⁷Yơn ma geh Kôranh Brah kôl gâp, ndrel ma ăn gâp geh n'hâm suan, gay ma gâp dơi mbơh nkoch nau mhe mhan ueh ăn ma dăng lě phung i mâu di phung Israel ta nây iăť. Jêh ri Păng lě rklaih jêh gâp i bu bơi ma tể dôih ma nkhăt gâp đống.

¹⁸Kôranh Brah mra rklaih gâp bơh dăng lě nau djơh, Păng mra măt njrăng gâp ăn gâp gũ ta bri kadăch Păng ta kalơ trôk ntũk Păng nơm gũ ri. Ăn rnê nau chrêk lơp Kôranh Brah nơm băbơ n'ho ro, ơ ăn geh kơt nây ngăn ro .

Nau ntính n'glě dũt

¹⁹Dăn ôp nau ueh lăng ma yôh Prisil, nô Akilas, ndâp ma rnăk vâl nô Ônêsiphor đống.

²⁰Nô Êrastus hôm gũ ta bon Kôrintô, jêh ri nô Trôphim geh nau ji. Ndri gâp hôm ăn păng gũ ta bon Milêt, nôk gâp lôh bôh bon i nây nơh.

²¹Lah ndri ăn may nsrôyh hăn ê lor ma khay ji kăt. Nô Ôbulus, nô Puđen, nô Linus, yôh Klôdia, ndrel ma dâng lě oh nô êng jât, khân păng ôp nau ueh lăng may dadê.

²²Dăn Kôranh Yêsu gũ ndrel may, dăn nau ueh Kôranh Brah gũ ndrel khân ay may!

Titus

Titus 1

Nau ôp ueh lăng

¹Sambüt gâp Pôl nchih, gâp i bunuyh sôm kơl jan kar ma Kôranh Brah, ndrel ma i kôranh oh mon Brah Yêsu Krist đōng. Kôranh Brah đã gâp gay ma kơl bu moh i lể Kôranh Brah de kơih ăn khân păng geh nau nsing lơ ma hô, ndâp ma kơl bu gĩt năl nau ngăn Păng nơm. Nau ngăn i này leo bu gữ rêh tâng Kôranh Brah nơm ứch.

²Păng đã gâp ăn bu gĩt lah bân lể geh nau nơm ma nau rêh n'ho ro. Nau rêh i này Păng lể jêh ton bơh ê hỡ njêng neh ntu nỡh ngăn, Păng mâu mbrôh ôh.

³Jêh ri tât di nar Kôranh Brah de ăn bu gĩt say nau Păng nơm, Păng ăn gĩt say nau i này ma nau mbrôh nkoch, jêh ri Păng i nơm rkлайh bân đã gâp mbrôh nkoch nau i này ma bu đōng.

⁴Gâp njuăl sambüt dja ăn ma may Titus jêng kon gâp n'hêl naně ngăn ta nau nsing ma Brah Krist Yêsu i bân lể geh ndrel. Dăn Kôranh Brah i Bờ bân, ndrel ma Brah Krist Yêsu i nơm rkлайh bân ăn nau ueh, nau đăp mpăn ma may.

Kar ăn Titus jan ta gôl dak Kret

⁵Nôk gâp lôh bơh gôl dak Kret, gâp đã may hôm gữ ta này, gay ma ăn may jan ndr i ê hỡ jêh ueh ôh. Kơt gâp lể jêh mbrôh ma may nỡh, ăn may kơih phung kôranh phung nsing ma Brah Yêsu Krist ăp bon.

⁶Ăn may kơih bunuyh i mâu geh ôh nau ma nduih, bunuyh i geh du huê ur hỡ, oh kon păng nsing ma Brah Yêsu đōng, oh kon păng mâu geh nau bu ngơi ntôn djơh mhĩk, mâu ôh bunuyh dăng bôk.

⁷Bunuyh jêng nơm kôranh mât uảnh phung nsing ma Brah Yêsu Krist, păng jan kar ma Kôranh Brah. Ndri ăn păng jêng bunuyh mâu geh ôh nau ma nduih, bunuyh mâu mứch bu, mâu gơnh nuih, mâu nhêt ndrănh tât nhũl, mâu tâm lők tâm janh, mâu ôh kơnh ir prăk .

⁸Yơn ma ăn păng blao rom bu năch ta jay păng nơm, rông ma jan ndơ ueh hỏ, blao măt njrăng săk ăn gủ di keh, gủ rêh sồng, geh nuih n'hâm rông ma Kôranh Brah ngăn, geh nuih n'hâm jök.

⁹Nau Kôranh Brah i bu lể ntům nti jêh ma bân di ngăn. Ăn păng ndjôt nập nau i nây, gay ma păng blao ntům nti ma bunuyh êng ma nau ntům nti ngăn, ndâp ma dơi plơng ơh ma phung i tâm rdâng đah nau i nây đống.

Dơi đah phung ntům nti tih

¹⁰Ta gôl dak Kret geh bunuyh nsing ma Brah Krist ők ngăn dăng ko mâu ôh iăt nau Kôranh Brah, mboh ngơi ők ndơ mâu ôh geh nau khlay, ndrel ma mbrôh bu. Ta phung Israel i nsing ma Brah Krist Yêsu geh bunuyh ők kơt nây đống.

¹¹Iăt ma buay khân păng bah ntům nti, yorlah khân păng ăn dăng lể ta rănăk vâl abă bah nsing ma nau nti i di. Khân păng nti ndơ i mâu di gay ma geh prak dơm, ndơ i nây djơh ngăn.

¹²Kăl e nơh, geh du huê bunuyh ta phung gôl dak Kret, jêng bunuyh geh nau mân gít blao ngăn ta khân păng nơm, lah kơt nđa: ‘Dăng lể phung gôl dak Kret jêng bunuyh mbrôh nâng, jêng tâm ban ma mpôl mpômpa (siũm) janh, khân păng blao hô ngăn, nhêt sa dũt hay!’

¹³Nau ngơi i nây di ngăn, lah ndri ăn may lah khân păng dăng ngăn, gay ma ăn khân păng geh nau nsing di ta Brah Yêsu Krist, ndrel ma nập ngăn.

¹⁴Lơi hơm ôh ăn khân păng iăt nau nti tă bơh nđơn i mâu ngăn ta phung Israel . Lơi hơm ôh ăn khân păng iăt ma nau bunuyh i tâm rlăch ma nau ngăn nây đă.

¹⁵Bunuyh i geh nuih n'hâm kloh dăng lể ndơ jêng kloh dadê. Yơn ma bunuyh i geh nuih n'hâm bở bớch, mâu ứch ôh nsing, dăng lể ndơ mâu ôh kloh, yorlah nau mân khân păng nơm bở bớch ngăn, ta nuih n'hâm khân păng nơm mâu hơm gít năl ndơ ueh ndơ djơh.

¹⁶Khân păng mboh ma bu sāk khân păng nơm gīt nāl Kôranh Brah, yơn ma ndơ khân păng jan mâu tâm di ma nau Kôranh Brah ếch. Khân păng jêng bunuyh bở bớch, mâu iăt nau Kôranh Brah, mâu blao ôh jan ndơ ueh.

Titus 2

Nau ntũm nti di

¹Lõng i may nây, ăn may ntũm nti tâm di đah nau ntũm nti di.

²Ntũm nti mpôl bu ranh ăn gũ rêh gīt njing nau ueh nau djơh, gũ ngao ueh, dũp nuih lơi ăn jan tâng nau kỡnh, geh nau nsing nập, geh nau rống ma bu nâng, ndrel ma blao ăt nuih nâng ta nau jêr.

³Ăn may ntũm nti ma phung bu ur ranh kớt nây đống, ăn khân păng gũ ngao krao sach tâm di ma bunuyh i yớk mbah ma Kôranh Brah. Lơi ôh ăn khân păng ngời kek bu, mâu lah hay ma nhêt ndrănh. Ăn khân păng ntũm nti phung bu ur i hôm kon se ma nau i ueh hỏ,

⁴gay ma n'hao nuih n'hâm khân păng ăn rống ma kon rống ma sai khân păng nơm,

⁵ăn blao măt njrăng sāk ăn gũ di keh, jêh ri gũ ngao ăn tâm di, blao jan kar ta nhih jay, geh nuih n'hâm ueh, blao yớk ma sai. Jan kớt nây gay ma lơi ôh ăn bu mứch nau Kôranh Brah.

⁶Phung bu ndăm đă khân păng kớt nây đống, ăn khân păng blao măt njrăng sāk ăn gũ di keh.

⁷Lõng i may nây, ăn gũ rêh ueh dâng lể ntil ndơ, leo nau ueh ăn ma bu. Nôk may ntũm nti bu, sāk may nơm gũ ăn tâm di đống, ntũm nti ma nuih n'hâm sồng,

⁸mboh ngời di, mâu ôh hôm blao bu jứch. Lah jan kớt nây bunuyh i tâm rdâng ma bân mra đit prêng ro, ngời ndơ djơh ma bân mâu hôm ôh blao.

⁹Nti phung bunuyh i jan dâk bu, ăn khân păng iăt nau kôranh khân păng nơm dâng lể ntil ndơ jan, ăn i kôranh di nuih n'hâm. Lơi ăn khân păng tâm rlăch,

¹⁰lời ôh nsiăn drăp ndrô kôranh khân păng nôm, ăn gũ ngao ueh sổng srăng nâng hỏ dâng lể ntil ndrô. Lah ndrô dâng lể bunuyh i say khân păng jan kôt nây, bu rnê ueh dâng lể nau ntũm nti i tă bôh Kôranh Brah i nôm rklaih phung bân.

¹¹Ăn gũ rêh kôt nây, yorlah nau ueh Kôranh Brah lể mpoł jêh ma bunuyh say, Păng ếch ăn nau rklaih ma dâng lể bunuyh.

¹²Păng ntũm nti đả bân mbăr lời dâng lể nau i Păng mâu ếch, ndrêl ma mbăr lời dâng lể nau phung bunuyh i mâu yôk ma Păng, nau khân păng kônh ta neh ntu dja. Jêh ri gũ rêh ta neh ntu dja ăn blaô mât njrăng sắk ăn gũ di keh, gũ rêh sổng, jan tâng ma nau Kôranh Brah nôm ếch hỏ,

¹³n'ho ma bân hôm nôm gũ kôp nau plở vắch Brah Yêsu Krist ta nau chrêk lợp. Păng i nôm rklaih bân, Păng i brah đút kuống i Brah bân yôk mbah.

¹⁴Brah Yêsu lể njũn jêh sắk Păng nôm ma khât, gay ma rklaih bân klaih bôh nau tih ăp ntil, ndrôp ma jan kloh bunuyh du phung ăn ma Păng nôm, jêng bon lan i goryh jan ndrô ueh.

¹⁵Lể nau i nây ăn may ntũm nti, ndrêl ma mbôh nkoch gay ma n'hao nuh n'hâm bu, jêh ri ăn may lah bunuyh i jan tih. Lời may đit ôh, ăn may jan ndrô i nây ma lể nau đoi, lời ôh ăn geh bu mứch ma may.

Titus 3

Nau rêh jêng phung nsing

¹Nkah đổng phung nsing ăn yôk ma kôranh mât uánh bri dak, ndrêl ma phung i geh nau đoi. Ăn khân păng iắt, jêh ri ndrăp nâng ma jan ndrô ueh ăp ntil.

²Nkah khân păng đổng, lời ôh ăn khân păng ngơi nau djôh bu ma bunuyh êng, ăn khân păng der bôh nau tâm lỏk tâm janh ma bu, ăn khân păng geh nuh n'hâm mleh, n'ho ma yôk ma dâng lể bunuyh.

³Bôh nôm nớh phung bân bunuyh rluk mắl, bunuyh đắng bôk, bunuyh i iắt nau bu mbrôh, bunuyh bở bớch, bunuyh đắk ma ndrô kônh, rống ma rnglay

săk ũch ăp ntil, geh nuh n'hâm janh, geh nuh n'hâm mâu nach, ndâp ma tâm biănh ndrăng nôm.

⁴Yôn ma tât Kôranh Brah i nôm rklaih phung bân nhơ nau ueh nau rông Păng nôm ăn ma bunuyh,

⁵Păng rklaih phung bân. Mâu di ôh Păng rklaih yor ma bân lě jan sồng, Păng geh nau yố ndach đơm, dăng Păng rklaih bân dja. Ndâp ma Păng ăn Brah Huêng Ueh i kloh ueh gũ ta săk bân, jêh ri nau đơ Brah Huêng Ueh jan nuh n'hâm bân ăn mhe tâm ban ma deh du tở jât, Păng tâm ban ma rao phung bân ăn kloh. Kơt ndrì Păng rklaih phung bân.

⁶Păng ăn Brah Huêng Ueh jan đơ khlay ốk ngă ta phung bân, yor ma đơ Brah Yêsu Krist i nôm rklaih phung bân lě jan nơh.

⁷Yor ma nau ueh Păng nôm, Kôranh Brah kơp phung bân jêng bunuyh sồng, jêh ri ăn phung bân geh nau nôm nập sỏ đơ nau rêh n'ho ro ta jât năp tay .

⁸Nau i nây jêng ngă. Găp ũch may nti n'hêl naně ngă dăng lě nau i nây, gay ma bu moh i lě nsing ma Kôranh Brah nsrôyh jan đơ ueh. Nau i nây jêng ueh, ndrêl ma geh nau khlay ngă ăn ma dăng lě bunuyh.

⁹Yôn ma der hóm nau ngơ tâm rlăch rluk mâl, nau nkoch deh, nau tâm lők bắ, nau tâm rlăch ma nau vay phung Israel, yorlah dăng lě nau i nây mâu ôh geh nau khlay, jêng đơm dam dadê.

¹⁰Bunuyh i jan nau tâm nkah mpôl, ăn lah păng du tở ma bar tở, jêh ri lơi hóm mậ păng,

¹¹yor ma lě gít jêh bunuyh i jan kơt nây lě đơh jêh, păng jan tih, ndrêl ma tể đơih êng săk păng nôm.

Nau ntính n'glě đút

¹²Nar jât năp tay găp ăn nô Artêmas, mâu lah nô Tikhikus hăn a may, tât păng a may, ăn may nsrôyh hăn gơnh a găp ta bon Nikôpôlis ro, yorlah găp lě ũch gũ ta ntük nây nôk khay ji kăt.

¹³Nsrôyh kơl ndơ ăn ma nô Sênas kôranh nơm nti nau vay, ndrel ma nô Apôlô, gay ma khân păng hăn jât năp, lơi ôh ăn khân păng pah pốt du ntil ndơ.

¹⁴Ăn phung nsing nsrôyh jan ndơ ueh, gay ma kơl nau jêr bu ta ndơ gũ rêh ăp nar, kơt ndri nau rêh khân păng geh nau khlay.

¹⁵Dâng lể bunuyh i gũ ndrel gập, khân păng ôp nau ueh lăng may dadê. Đă may ôp nau ueh lăng dâng lể bunuyh i nsing i rông ma hên yở. Jêh ri ăn nau ueh Kôranh Brah gũ ndrel dâng lể khân ay may.

Philêmôn

Philêmôn 1

Nau ôp ueh lăng

¹Sambüt gâp Pôl nchih, gâp i bunuyh geh ndrung yor ma jan kar ma Brah Krist Yêsu, ndâp ma sambüt oh nô bân Timôthê đống. Gâp nchih sambüt dja ăn ma may nô Philêmôn. Hên njuäl sambüt dja dẫn ôp nau ueh lăng may i mât jăng ueh, i bunuyh jan kar kơt hên .

²Njuäl sambüt dja ăn ma yôh Aphia đống, njuäl ăn ma nô Akhipus i bunuyh jan kar ndrel hên, bol lah geh ők bunuyh tâm rdâng đah hên, njuäl ăn ma phung nsing gũ rbũn ta jay may đống, dẫn ôp nau ueh lăng dăng lě khân ay may.

³Dăn Kôranh Brah Bở bân, ndrel ma Kôranh Yêsu Krist, ăn nau ueh, ăn nau đăp mpăn ma khân ay may.

⁴Ăp tở gâp mboh sơm ma may, gâp lah ueh ma Kôranh Brah i Brah gâp yơk mbah,

⁵yorlah gâp tăng nau bu mboh nkoch nau may nsing ma Kôranh Yêsu, nau may rống ma dăng lě phung bon lan Kôranh Brah.

⁶Gâp dẫn Kôranh Brah ăn nau nsing may i may lě geh ndrel hên ăn lơ ma jru, n'ho ma may vât dăng lě ndr ueh i bân lě geh ta Brah Krist.

⁷Ở nô, say may geh nuih n'hâm rống ma phung nsing ma Brah Yêsu Krist, lě geh n'hao nuih n'hâm gâp, ndrel ma ăn gâp geh nuih n'hâm răm maak hô ngăn, yor ma may lě jan ăn khân păng geh n'hao nuih n'hâm đống.

Pôl kơl n'gang ma Ônêsim

⁸Bol lah gâp geh nau dơi tă bơh Brah Krist, dơi đă may jan ndr i di ma may jan kadôi,

⁹yơn ma gâp dẫn may jan du nau yor ma may geh nau rống. Gâp Pôl dja lě ranh hơi, abơ dja geh ndrung yor ma jan kar ma Brah Krist Yêsu jât.

¹⁰Ndri gâp dẫn may jan du nau ăn ma nô Ônêsim i gâp kơp tâm ban ma kon gâp nơm, i gâp leo păng nsing ma Brah Yêsu dôi gâp geh ndrung.

- 11**Ntơm nơh păng mâu ôh geh nau khlay ma may, yơn ma abao' dja păng geh nau khlay ma may, jêh ri ndâp ma gâp đong .
- 12**Gâp mplơ păng a may nơm, dẫn may rom păng dô, yorlah păng i bunuyh gâp rông hô ngăn.
- 13**Gâp ếch ngăn ăn păng hôm gũ ndrel gâp, gay ma ăn păng jan kar ntrở may dôi gâp geh ndrung yor ma mboh nkoch nau mhe mhan ueh.
- 14**Yơn ma gâp mâu ếch ôh jan, lah ê hõ ếch tă bơh may, gay ma lơi ôh nhập may jan ndr' ueh dja, ăn may jan ma lể nuh n'hâm hõ.
- 15**Klăp lah Ônêsim tâm nkah bơh may du blât, gay ma ăn may geh tay păng n'ho ro,
- 16**mâu hôm ôh jêng dâk dơm, yơn ma jêng bunuyh geh nau khlay rlau ma dâk jât, jêng oh bân i dũt rông ngăn hõ. Păng jêng oh nô gâp i dũt rông ngăn, yơn ma may rông păng rlau ma gâp ngăn, yor ma păng dâk may, ndâp ma jêng oh may ta Kôranh Yêsu đong.
- 17**Lah ndri, lah may kơp gâp jêng oh nô may ta nau nsing ngăn, dẫn may rom păng ăn tâm ban ma rom gâp đong.
- 18**Lah păng geh jan tih ma may, mâu lah hôm rnon ma may, rnon i nây ăn may kơp ta gâp hõ.
- 19**Nau dja gâp nơm Pôl nchih ma ti gâp nơm: Gâp mra tòm rnon i nây ma may. Gâp mâu ếch nkah tôr may nau i gâp leo may geh nau rêh n'ho ro, ndr' i nây tâm ban ma rnon săk may hôm manh gâp.
- 20**Ở nô, gâp dẫn may kơl nau i nây yor ma may nsing ma Kôranh Yêsu, dẫn n'hao nuh n'hâm gâp ta Brah Krist đong.
- 21**Gâp nchih sambũt dja njuăl ăn may, gâp nsing jêh may iăt kơt nau gâp dẫn dja, jêh ri gâp gĩt n'hêl may mra jan rlau bơh nau gâp dẫn dja jât.
- 22**Gâp ếch dẫn ma may hôm du nau đong, dẫn may ndrăp du ntũk gũ ăn ma gâp, yorlah gâp rơm mập khân ay may, yor nau khân ay may mboh sơm dẫn Kôranh Brah ăn gâp lôh bơh ndrung dja.

Nau ntính n'glě dũt

²³Nô Êpapras i geh ndrung ndrel gâp yor ma jan kar ma Brah Krist Yêsu, păng ôp nau ueh lăng may.

²⁴Jêh ri nô Markôs, nô Arisdarkus, nô Êêmas, ndrel ma nô Luka bunuyh i jan kar ndrel gâp, khân păng ôp nau ueh lăng may đống.

²⁵Dăn nau ueh Kôranh Yêsu Krist gũ ndrel nuih n'hâm khân ay may.

Hebrơ

Hebrơ 1

Nau ntơm mbơh nkoch

¹Bơh ntơm nơh Kôranh Brah lể ngời ma phung u che bân i phung Israel, Păng ngời tâng ma mpôl bunuyh ntơyh nau ngời Păng nơm, Păng ngời lể ők tở, ndâp ma ők ntil nau ngăn.

²Yơn ma ta rnôk n'glể dũt abao' dja, Kôranh Brah ngời ma bân tâng ma Kon Bu Klô Păng nơm. Bơh ntơm nơh Păng ăn Kon Păng nơm rħăk njêng dâng lể ndr nơh, jêh ri Păng lể kơih jêh Kon Păng nơm đống, gay ma jao dâng lể rngôch ndr ăn ma Păng măt uănh n'ho ro.

³Kon i nây chrăt ang nau chrêk lợp Kôranh Brah, ndrel ma Păng tâm ban ma Kôranh Brah nơm ngăn ngên ta ăp ntil nau, mâu ôh geh nau tâm tih bắl. Dâng lể ntil ndr hôm geh tă bơh nau dơi nau ngời Kon i nây dơm. Jêh Păng n'groh lời nau tih bân, jan ăn bân kloh, jêh ri Păng hao ta kalo' trôk gũ bơh ma ti Kôranh Brah i nơm dũt kuống.

⁴Kơt ndrì Păng lể jêng dũt kuống rlau ma phung tông pắr ngăn, jêh ri nau Kôranh Brah kuắl Păng 'Kon' nhơ Păng kuống rlau ma dâng lể nơm i Kôranh Brah kuắl 'Tông pắr' dơm.

Brah Yêsu Krist kuống rlau ma phung tông pắr

⁵Mâu geh ôh Kôranh Brah lah ma du huê tông pắr kơt Păng lah đah Brah Yêsu: 'May dja Kon Gáp nơm, Nar dja Gáp ăn bu gít, Gáp Bở May ngăn' . Jêh ri Păng lah: 'Gáp mra jêng i Bở Păng, Păng mra jêng i Kon Gáp' .

⁶Jêh ri du tở jăt, nôk Kôranh Brah ăn Kon Bu Klô dak bôk Păng nơm vắch ta neh ntu, Kôranh Brah lah: 'Dâng lể phung tông pắr Gáp nơm, ăn yớk mbah ma Păng'

⁷Kôranh Brah ngời ma phung tông pắr Păng nơm: 'Gáp ăn phung tông pắr Gáp nơm ma jêng tâm ban ma sial, Gáp ăn khân pắng i phung sơm kớl jan kar ma Gáp jêng tâm ban ma mpiăt ũnh đống' .

⁸Yơn ma Kôranh Brah lah ma Kon Păng nôm: ‘O Kôranh Brah, nau May mât uãnh gũ ta n’l kadăch hôm bab’ n’ho ro, May mât uãnh ma nau sǒng ngă, ndjôt mǒng kadăch i ndr mbên ma nau dơi May nôm.

⁹Yorlah May ũch hô ngă ma nau sǒng, May biănh ngă ma nau kue. Kơt ndrri dăng Kôranh Brah i brah May nôm y’ok mbah, tǒ dak ngi ta May, jêng ndr mbên Păng đă May jan kadăch, Păng ăn May geh nau răm maak dūt hô rlau ma băl mpôl May’ .

¹⁰Kôranh Brah lah jât ma Kon Păng nôm: ‘O Kôranh, bớh ntóm saóm saam n’h, May nôm rhăk njêng neh ntu, Trôk jêng tă bớh ti May nôm đǒng njêng.

¹¹Neh ntu, ndrrel ma trôk mra roh lêk lě phiao, yơn ma May hôm e n’ho ro. Neh ntu, ndrrel ma trôk mra sat tâm ban ma bok ao,

¹²May mra mbăr l’oi neh ntu, mbăr l’oi trôk, tâm ban ma bu klôn mbăr l’oi ao kuông sat, May mra rgâl neh ntu, rgâl trôk jêng mhe tâm ban ma bu t’oh kho ao, Yơn ma May nôm hôm kơt ơm nâng n’ho ro d’om’ .

¹³Jêh ri Kôranh Brah mâu geh ôh lah ma du huê tông păr: ‘Ăn May gũ hǒm bớh ma Gáp ta ntúk bu l’r, Kǒp Gáp nhũp kăt l’oi phung i rlăng đah May ăn gũ ta nâm mpang jǒng May’ .

¹⁴Dăng lě phung tông păr bunuyh mâu ôh blao say, khân păng jêng nôm s’om k’ol jan kar ma Kôranh Brah, Kôranh Brah đă khân păng hăn s’om k’ol jan kar ma phung bunuyh i Păng ũch rklaih.

Hebr 2

Nau rklaih dūt khlay hô ngă

¹Kơt ndrri dăng bân gũ n’răng ngă hǒ, ăn iăt ngă nau ntũm nti i bân lě tăng nây, klach lah jǒ jǒ nau i bân lě ntũm nti nây l’r ma roh.

²Kăl e n’oh tông păr abă m’bớh nkoch ma M’ôse nau vay phung Israel n’oh, nau vay i nây jêng nau ngă dadê, jêh ri dăng lě mpôl i jan rlau, mâu lah mâu ũch iăt ôh nau vay i nây, lě geh tể d’oih jêh tâm di ma nau khân păng jan n’oh.

³Nau rklaih bôh nau tể dôih, Kôranh Yêsu lể mboh nkoch lor bu, jêh ri phung i iăt nau i mboh nkoch i nây, mboh nau i nây ma bân. Nau rklaih i nây dăt ueh ngăn, yon ma lah bân rlăch mâu ôh sô dơn nau rklaih i nây i Kôranh Yêsu nôm lể mboh ma bân nơh, môm dăng bân dơi klaih bôh nau Kôranh Brah tể dôih?

⁴Gay ma bân găt nau i nây tă bôh Kôranh Brah ngăn, Kôranh Brah ăn nau mbên, ndơ kuông, ndập ma ndơ dăt nau ngăn êng êng, ndrel ma pã ăn dơn dam nau êng êng tă bôh Brah Huêng Ueh i kloh ueh, tâng Păng nôm ịch.

⁵Jăt nấp tay Kôranh Brah mra njêng neh ntu mhe, Păng mâu ôh đã phung tông pãr măt uảnh neh ntu mhe i nây.

⁶Yon ma geh du huê lể geh nchih ta du ntũk ta Nau Kôranh Brah Ngơi lah kơt nđa: ‘O Kôranh Brah, a môm bunuyh , dăng May hôm mân ma păng? Dah nâm kuông kon bu klô bunuyh , dăng nuih n'hâm May ịch ma păng?’

⁷May jan păng geh nau dơi ta nâm phung tông pãr đễ dơn, May ăn păng nau chrêk lợp, ndrel ma ăn bu yơk ma păng, tâm ban ma ăn ndô môk kađăch ta păng.

⁸May đã dăng lể rngôch ndơ ăn gũ ta nâm jông bunuyh dadê’ . Lah Kôranh Brah ăn dăng lể rngôch ndơ gũ ta nâm khân păng, mâu geh ôh du ntil ndơ mâu gũ ta nâm Păng. Yon ma abao dja bân ê hỏ say dăng lể rngôch ndơ gũ ta nâm Păng.

⁹Yon ma bân lể găt ma Brah Yêsu, Kôranh Brah de ăn Păng jêng jể ta nâm phung tông pãr du blăt dơn. Yorlah Păng lể sô dơn nau jêr jốt tăt khăt, abao dja Kôranh Brah lể ăn Păng nau chrêk lợp, ndrel ma ăn bu yơk ma Păng . Yor ma nau ueh Kôranh Brah nôm, Păng khăt jêh, gay ma ntrở dăng lể rngôch bunuyh.

¹⁰Kôranh Brah lể rhăk njêng dăng lể rngôch ndơ, gay ma dăng lể ndơ i nây geh khlay ma Păng nôm. Jêh ri Păng ăn Brah Yêsu geh nau jêr jốt, tă bôh nau jêr jốt i nây dăng Brah Yêsu jêng Kôranh dăt ueh ngăn. Di ma Kôranh Brah jan kơt nây, gay ma Păng jêng Nôm leo ők bunuyh geh nau chrêk lợp,

ndâp ma geh nau rklaih bớh nau tể dôih yor ma nau tih. Phung bunuyh i này jêng kon Păng nờm.

¹¹Brah Yêsu i nờm jan ăn bân jêng kloh ueh, ndrel ma phung bunuyh i Păng lể jan ăn kloh ueh, geh du huê Bớ dờm. Kớt ndri dâng Brah Yêsu mâu ôh đit prêng kuẩl bân phung oh Păng nờm.

¹²Brah Yêsu lah ma Kôranh Brah kớt nđa: ‘Gập mra mớh nkoch May ăn ma phung oh nô Gập, Gập mra mớr rñê May ta nôk phung bon lan May gũ rbũn’ .

¹³Păng lah jât: ‘Gập nsing ma May ngấn’ , Jêh ri Păng lah jât: ‘Dja Gập, ndrel ma phung kon i May lể ăn Gập mât uẩnh’ .

¹⁴Yor ma phung kon i này geh sắk jăn geh mham blao khât, dâng Brah Yêsu sớ dờn sắk jăn kớt bunuyh, jêh ri khât kớt bunuyh đờng, gay ma tắ bớh nau Păng khât này nờh, Păng dời lớh hêng lời nờm i leo bunuyh geh nau khât, jêng Satăng i kôranh mpôl brah djớh. A bớ dja Satăng i tớm ăn bunuyh khât mâu hôm ôh geh nau dời,

¹⁵ndri Brah Yêsu lể rklaih phung bunuyh i hô klach ma nau khât, yorlah klach ma nau khât du bông nau rêh.

¹⁶Bân lể gít n'hêl jêh Brah Yêsu mâu ôh vắch gay ma kớl phung tông pắr, Păng vắch gay ma kớl rnoi deh Abrahăm.

¹⁷Lah ndri Kôranh Brah ăn Păng jêng bunuyh ngấn tâm ban ma bân i phung oh Păng, mâu geh du ntil tâm tih bắl, gay ma Păng jêng kôranh jan brah dắt kuống ma bân, geh nau yố nđach, sớ m kớl jan kar ma Kôranh Brah ăn rắp jắp, gay ma nhhớ ndớ jan brah i sớ lời dâng lể nau tih phung bon lan, jêh ri Kôranh Brah mâu hôm tể dôih ma khân pắng i này.

¹⁸Yorlah Păng lể mắp jêh nau jêr, ndâp ma nau ndờm nờh, ndri dâng Păng blao kớl bu moh i geh nau ndờm mâu ôh ăn bunuyh i này tắp ta nau ndờm.

Hebrơ 3

Brah Yêsu kuống rlau ma Môsê

¹Ở phung oh nô ta nau nsing i bon lan Kôranh Brah i lẽ Kôranh Brah de kơih jêh ndrel hên, ăn khân ay may mân hồm ma Brah Yêsu i bân mbơh nkoch. Kôranh Brah lẽ đã Păng hăn ta neh ntu dja nơh, Păng jêng kôranh jan brah dũt kuống đống.

²Jêh Kôranh Brah kơih Brah Yêsu, Brah Yêsu jan tâng nau Păng đã ăn rấp jăp, tâm ban ma Môsê jan kar rấp jăp tâng nau Kôranh Brah đã ta dâng lẽ bon lan Kôranh Brah đống.

³Yơn ma di lư Brah Yêsu rlau ma lư Môsê, tâm ban ma bu lư bunuyh i jan jay rlau ma lư ueh i jay nây đống.

⁴Dâng lẽ rngôch nhieh jay geh bunuyh năk jan, yơn ma dâng lẽ rngôch nơ đơ nơh jêng tă bơh Kôranh Brah dadê jan.

⁵Nau Môsê jan kar jêng nau ntât ma nau khlay i Kôranh Brah ăn bunuyh gĩt vât abao đja, Păng mât uănh phung bon lan Kôranh Brah rấp jăp, yorlah jêng bunuyh sơm kơl jan kar ma Kôranh Brah.

⁶Lõng Brah Krist, Păng mât uănh phung bon lan Kôranh Brah rấp jăp, yorlah jêng Kon Kôranh Brah. Jêh ri bân jêng phung bon lan Kôranh Brah lah bân hôm geh nuieh n'hâm nập, ndập ma ndjôt nập rkâk nau rơm ma dâng lẽ nau i Kôranh Brah de lẽ ton.

Lời ta m̄băr nau nsing

⁷Ta Nau Kôranh Brah Ngơi geh nchieh nau Brah Huêng Ueh i kloh ueh lah ma phung Israel kơt nda: ‘Nar đja, nôk khân ay may tăng bởr mbung Kôranh Brah nơm,

⁸Lời ôh geh nuieh n'hâm dăng ko, kơt phung u che khân ay may jan, jêh ri tâm rdâng đah Kôranh Brah Nôk Kôranh Brah rlong khân păng ta bri rdah nơh.

⁹Kôranh Brah lah: ‘Ta ntũk i nây phung u che khân ay may rlong Gáp, Bol lah khân păng lẽ say dâng lẽ nau khlay Gáp jan

¹⁰Jö geh 40 năm nơh. Kơt ndri dāng Gāp ji nuh tể dōih ma bunuyh rnōk i nāy, Jêh ri Gāp lah kơt nđā: ‘Nuih n'hâm khân păng du ngai mro bớh trong Gāp, Khân păng mầu ôh gít năl trong Gāp nơm’,

¹¹Ndri dāng Gāp ji nuh ma khân păng, jêh ri ton lah: ‘Khân păng mầu ôh mra lăp ta nau gũ rlu Gāp nơm’” .

¹²Ở oh nô ta nau nsing, lah ndri ăn khân ay may gũ njrăng hõm, gay ma lơi ôh geh bunuyh ta phung khân ay may geh nuh n'hâm djơh mħĩk, mầu ôh nsing, n'ho ma mắb ớ lơi Kôranh Brah i rêh ngăn.

¹³Yờn ma ăn khân ay may tâm ntrôl ndrăng nơm ăp nar, nôk i bân hơm kuăl lah ‘Nar dja’, nôk hơm dơi rgâl nuh n'hâm, gay ma lơi ôh ăn ta phung khân ay may geh bunuyh nuh n'hâm dăng ko mầu ứch iăt nau Kôranh Brah, yor ma mắrôh êng ta nuh n'hâm: “Mầu chrao ôh lah jan tih.”

¹⁴Lah bân hơm ndjôt nập nau nsing kơt ơm, kơt i bân geh bớh ntơm bân săt nsing nơh n'ho ma tăt lôch, lah ndri bân mra gũ ndrel Brah Krist ro.

¹⁵Ta Nau Kôranh Brah Ngơi lah kơt nđā: ‘Nôk tăng Kôranh Brah đă nau ma khân ay may nar dja, ăn khân ay may iăt nau Păng dō, lơi ôh geh nuh n'hâm dăng ko kơt nôk phung u che khân ay may tâm rdāng đah Kôranh Brah nơh’ .

¹⁶Phung i lể tăng jêh nau Kôranh Brah đă ta nar i nāy nơh, nđập ma hơm tâm rdāng đah Păng, dāng lể phung i nāy jêng phung i Mỗê de leo lôh bớh bri Êsip nơh.

¹⁷Yờn ma ta 40 năm nāy, bu moh i Kôranh Brah ji nuh? Ởm mầu di bah dāng lể phung i jan tih ma Kôranh Brah, jêh ri i khăt mbrach ta bri rdah?

¹⁸Jêh ri nôk nāy nơh, bu moh i Kôranh Brah lể lah mầu ăn lăp gũ ta bri dak i Păng lể ton ăn lăp a lor nơh, gay ma gũ rlu ndrel Păng nơm? Ởm mầu di bah phung i mầu ứch iăt nau Păng?

¹⁹Lah ndri bân say, phung i nāy mầu ôh dơi lăp, yorlah khân păng mầu nsing ma Păng.

Hebrơ 4

Nau ton lăp ta nau gũ rlu

- ¹Abao' dja nau i Kôranh Brah ton ăn bân lăp ta nau gũ rlu Păng nôm hôm e, lah ndri ăn bân gĩt klach njrăng, gay ma lơi ôh geh bunuyh ta phung bân tăt nar n'glě dũt, Kôranh Brah kớp păng mầu ôh di ma lăp.
- ²Nau mhe mhan ueh i mbo' h nkoch ma nau bân lăp ta nau gũ rlu Kôranh Brah, nau i nây bân lě tăng jêh, nau i nây jêng tâm ban ma phung Israel nôk hôm gũ ta bri Êsip lě tăng nau Kôranh Brah ton ăn bri dak mhe ma lăp ta nau gũ rlu nây đống. Yơn ma nau Kôranh Brah i khân păng tăng nây mầu ôh geh nau khlay ma khân păng, yorlah khân păng mầu ôh ndjôt nau khân păng tăng nây ndâp ma nau nsing.
- ³Lống bân i nsing ma Păng, bân lăp ta nau gũ rlu Păng. Yơn ma bunuyh i mầu nsing, Kôranh Brah lah kớt nđa: 'Gâp ji nuh ma khân păng, ndri dâng Gâp lah: 'Gâp mầu ôh ăn khân păng lăp ta nau gũ rlu Gâp" . Di ngăn, ntũk gũ rlu lě ơm ndrăp jêh lě phiao, bo' h nôk Kôranh Brah jêh njêng neh ntu nơh,
- ⁴yorlah geh du ntũk ta Nau Kôranh Brah Ngơi lah ma nar pơh kớt nđa: 'Jêh ri Păng gũ dờm mầu hôm jan kar ta nar pơh i nây'.
- ⁵Yơn ma geh nchih kớt ta kalơ đống: 'Gâp mầu ôh ăn khân păng lăp ta nau gũ rlu Gâp' .
- ⁶Lah ndri bunuyh abă Kôranh Brah hôm ăn lăp gũ rlu, yơn ma phung i lě tăng jêh nau ton a lor nơh mầu geh lăp ôh, yorlah khân păng mầu ôh iăt Kôranh Brah.
- ⁷Ndri dâng Kôranh Brah tể nar nguai jăt lah: 'Nar dja', Păng lah tâng ma kađăch Đavid lě jô năm bo' h kới phung Israel gũ ta bri rdah nơh, kớt nau lah bo' h lơ dja: 'Nar dja, nôk khân ay may tăng bởr mbung Kôranh Brah nôm, lơi ôh geh nuh n'hâm dăng ko' .
- ⁸Lah Yôsuê lě leo phung Israel ăn gũ rlu ngăn, lah ndri nar jăt năp Kôranh Brah mầu hôm lah ma du nar a êng jăt ôh.
- ⁹Lah ndri hôm e geh nau gũ rlu nguai jăt i tâm ban ma nau rlu nar Sabăt, i Kôranh Brah ăn ma phung bon lan Păng nôm ta nar jăt năp tay.

¹⁰Bu moh i lăp ta nau gũ rlu Kôranh Brah này, păng i này lể rlu bớh nđơ păng nờm jan kar, tâm ban ma Kôranh Brah gũ đờm mâu hôm jan kar đờng, jêh Păng njęng neh ntu nờh.

¹¹Lah ndri ăn bân nsrôyh gay ma hăn lăp ta nau gũ rlu i này, gay ma mâu ăn ôh geh bunuyh roh hêng, lơi ôh tâng phung i mâu ứch iătt này.

¹²Nau ngời Kôranh Brah nờm geh nau rêh, geh nau đơi ngăn, sôt hờr rlau ma đao bar mắt jăt. Jêh ri sreh nuih n'hâm, ndrel ma huêng, sreh nting nđăng, ndrel ma i glo păng. Nau ngời Kôranh Brah phat dôi h nau mân, ndrel ma nau ứch nau ntrờng ta trôm nuih n'hâm bunuyh.

¹³Dâng lể nđơ i Kôranh Brah lể njęng, mâu geh ôh du mlôm nđơ Kôranh Brah uănh mâu say, dâng lể rngôch nđơ mâu geh ôh nau nking ta năp mắt Păng, jêng tâm ban ma gũ săk kuh rngũch đờm. Iătt ma dâng lể bân mbớh nkoch ma Păng dadê dâng lể nau ta nau rêh bân.

Brah Yêsu kuống rlau ma kôranh jan brah dũt kuống

¹⁴Bân lể geh jêh du huê kôranh jan brah dũt kuống, i lể hao jêh ta kalơ trôk i ntũk Kôranh Brah, Păng Brah Yêsu i Kon Kôranh Brah nờm, lah ndri ăn bân nsing năp ro ta nau i bân lể mbớh nkoch ma bu này.

¹⁵Brah Yêsu i này lể geh nau rlong geh nau nđờm ăp ntil kớtt bân đờng, yờn ma Păng nờm mâu ôh jan tih. Lah ndri bân lể geh jêh du huê kôranh jan brah dũt kuống i lể gĩt lể mập nau jêr tâm ban ma bân đờng, kớtt ndri Păng lể năl nau rdja bunuyh, nđăp ma blao yỗ đờng.

¹⁶Lah ndri ăn bân geh nuih n'hâm bắnh, đăn Kôranh Brah i gũ ta rnoł kadăch Păng nờm, yorlah Păng geh nuih n'hâm dũt ueh. Bân đăn gay ma Păng yỗ nđach kớtt ta nôk bân geh nau jêr.

Hebrơ 5

¹Dâng lể kôranh jan brah dũt kuống jêng bunuyh i Kôranh Brah nờm kớih bớh phung bunuyh i blao khăt, gay ma sờm ntang phung bon lan ta năp mắt Kôranh Brah. Păng i này sờm nhhờr nđơ, ndrel ma sờm jan brah ma Kôranh Brah, gay ma đăn Kôranh Brah yỗ mâu hôm kớtt nau tih.

²Kôranh jan brah düt kuông i nây păng rdja, hôm jan tih kơt phung bon lan đống, kơt ndri păng geh nuih n'hâm mleh blao yố bunuyh i jan tih, bunuyh i rluk mâl mâu ôh gít ndơ ueh ndơ djơh.

³Tă bơh nau rdja jan tih i nây, dăng păng iăt ma nhhơr ndơ jan brah, gay ma Kôranh Brah yố nau tih sắk păng nơm, ndập ma nau tih phung bon lan đống.

⁴Mâu geh ôh du huê dơi n'hao êng sắk păng nơm jêng kôranh jan brah düt kuông, Kôranh Brah nơm đơm kơih, kơt Păng lể kơih đống ma Arôn kăl e nơh jêng kôranh jan brah düt kuông.

⁵Kơt ndri đống Brah Krist Păng mâu ôh n'hao êng sắk Păng nơm jêng kôranh jan brah düt kuông, Kôranh Brah nơm kơih Păng. Kôranh Brah lah ma Păng: 'May dja Kon Gập nơm, Nar dja Gập ăn bu gít, Gập Bở May ngăn' .

⁶Kôranh Brah lah jăt ma Păng ta trong êng kơt nđa: 'May jêng bunuyh jan brah bảbơ n'ho ro Kơt kađăch Mĩlkisađek i bunuyh jan brah đống' .

⁷Nôk Brah Yêsu gũ rêh ta neh ntu dja nơh, Păng nter mbơh sơm ma Kôranh Brah hô ngăn ndập ma lôh dak mắt, dẫn Kôranh Brah i dơi rklaih Păng bơh nau khăt. Jêh ri Kôranh Brah iăt nau Păng dẫn nây, yorlah Păng yớk Kôranh Brah, ndập ma iăt jan tâng nau Kôranh Brah de đă.

⁸Jêh ri bol lah Păng i Kon Kôranh Brah nơm kađôi lể, Păng hôm e nti iăt nau Kôranh Brah đă, tă bơh nau jêr jốt Păng nơm .

⁹Tăt ma Păng lể jan lôch lể phiao ndơ Kôranh Brah đă ma Păng, Păng jêng tơm nau rklaih n'ho ro bơh nau tể dôiăh ăn ma dăng lể bunuyh i iăt nau Păng,

¹⁰ndập ma Kôranh Brah kơih Păng jêng kôranh jan brah düt kuông kơt tâng ntil kađăch Mĩlkisađek jan bunuyh jan brah đống.

Nau iăt, ndrel ma nau nsrôyh

¹¹Gập hôm geh ốk nau ứch mbơh nkoch ma nau i nây, yơn ma jêr ngăn ma mbơh nkoch, yorlah khân ay may iăt jố ngăn văt.

¹²Di lah khân ay may lể jan nơm nti, tih ma hôm iăt ma bu nti khân ay may nau Kôranh Brah i nchô ma ntôm tâm ban ma bunuyh i mhe săt nsing. Khân

ay may tâm ban ma oh bê i blao nhêt đơm ma dak toh, ê hỏ ôh blao sông sa ma ndr dăng.

¹³Bu moh i hôm ứch đơm ma dak toh, păng i này ê hỏ ôh vât ma ndr jan sông, yorlah păng hôm e oh bê đơm.

¹⁴Yơn ma ndr sông sa dăng prăp ăn ma bu ranh, geh nau khlay lah nau nti jru, di ma bunuyh i lể vay gít moh ndr ueh ndr djơh đơm.

Hebrơ 6

¹Lah ndrì lơi ăn bân ngơi tay du tở jât nau nti ma Brah Krist i nchô ma ntơm, yơn ma ăn bân mboh ngơi ma nau nti i jru. Hên mâu ứch nti nâng nau i bu nti ma bunuyh i mhe sât nsing đơm, kơt ma nau rgâl lơi nuih n'hâm djơh, bah jan ndr djơh, nau nsing ma Kôranh Brah,

²nau bắptem yúk ma dak, nau mboh sơm tể ti, nau dâk rêh tay, mâu lah nau Kôranh Brah tể dôi h n'ho ro.

³Lah Kôranh Brah ứch, hên mra nti ma khân ay may nau i jru đổng.

⁴Mâu ôh đơi leo bu moh i lể nsing ma Brah Krist, jêh ri mbăr lơi nau nsing i này, ăn rgâl lơi nuih n'hâm djơh sât nsing tay du tở jât. Yorlah khân păng lể gít năl Brah Krist, ndâp ma lể geh say ndr Kôranh Brah ăn đơm dam tă bơh kalơ trôk i ntúk Păng, lể jêng bunuyh ta phung geh Brah Huêng Ueh i kloh ueh gũ ndrel,

⁵lể mập say nau ueh ta nau ngơi Kôranh Brah nơm, ndâp ma lể mập say abă nau brah i Păng mra nhơ ta nar jât năp tay.

⁶Mâu ôh đơi leo bunuyh kơt này i lể mbăr nau nsing, ăn rgâl lơi nuih n'hâm djơh sât nsing tay du tở jât, nau khân păng mbăr lơi nau nsing i này, jêng tâm ban ma nkhât Kon Kôranh Brah du tở jât ta si tâm rkăng, ăn bu mựch Păng.

⁷Ntúk neh i ốk túp dak mih, jêh ri geh play ăn ma nơm i tơm jik tơm chuở này, neh i này geh jêng tă bơh Kôranh Brah ngăn, geh bunuyh abă i tâm ban ma neh kơt này.

⁸Yơn ma ntük neh i hon rệp hon lok đơm, bu mâu hôm ôh đờng neh i này jât, bời ma rtấp jêh, jêh ri tât n'glẽ dứt tay bu su mbăr lơi ro, geh bunuyh abă i tâm ban ma neh kớt này đờng.

⁹Ở oh nô ta nau nsing i hên rờng, bol lah hên ngời kớt nda kađôi, hên gít lah khân ay may mâu ôh di bunuyh i lẽ mbăr nau nsing i này, yơn ma hên gít lah khân ay may jan ndơ ueh i tâm di ma bunuyh i Kôranh Brah lẽ rklaih.

¹⁰Kôranh Brah sờng ngăn, Păng mâu ôh chuêl ndơ i khân ay may goryh jan nơh, Păng hôm kah gít nâng đờng nau rờng khân ay may lẽ nhơ ma Păng ta nau sỡm kớl ma phung bon lan Păng nỡm, jêh ri khân ay may hôm jan kớt này jât.

¹¹Hên ứch ngăn khân ay may du huê du huê hôm goryh jan kớt này n'ho ma tât lôch, gay ma gít n'hêl nau nỡm khân ay may ta Brah Krist mra geh ngăn.

¹²Lah ndri lơi ôh ăn khân ay may blao dâl, yơn ma ăn khân ay may jan tâng nau leo ueh phung i sỡ đờn ngăn ndơ i Kôranh Brah de lẽ ton ăn, yorlah khân păng i này geh nau nsing, ndrel ma nau nsrôyh ndâp ma gũ kớp ma nau ăt nuh ngăn.

Nau Kôranh Brah ton mâu geh rgâl ôh

¹³Nôk Kôranh Brah ton ma Abrahăm nờh, Păng ton ta rnha Păng nỡm, yorlah mâu hôm geh ôh nỡm a êng kuống rlau ma Păng nỡm, gay ma sỡ nỡm tỡm say nỡm tỡm tâng nau ton i này, dứt ta Păng nỡm đờm.

¹⁴Kôranh Brah ton ma păng: ‘Gập mra ăn nau geh jêng ma may ốk bêng ler ngăn ngên, jêh ri jan rnoi deh may ăn ốk bậk rờ đờng’ .

¹⁵Ndri dâng Abrahăm geh nau nsrôyh ndâp ma gũ kớp ma nau ăt nuh ngăn, n'ho ma tât păng sỡ đờn ndơ i Kôranh Brah lẽ ton này.

¹⁶Nôk bunuyh ton, khân păng sỡ rnha nỡm i kuống rlau khân păng nỡm, gay ma ăn bu gít nau khân păng ton này jêng ngăn, mâu hôm geh ôh nau tâm rlăch ndrăng khân păng nỡm jât.

¹⁷Kôranh Brah mâu ôh dơn ngơi dơn nau i này, yơn ma Păng ton gay ma bunuyh i sỡ dơn nau ton i này gít n'hêl nanế ngă, Kôranh Brah mâu ôh rgâl nuh n'hâm nau mân ndr i Păng lể ton này.

¹⁸Kôranh Brah ngơi đổng, ton đổng, bar ntil i này mâu ôh dơi rgâl, ndâp ma Kôranh Brah mâu ôh blao mbrôh, lah ndr i bân i lể du nchuăt nde ta Păng geh nau n'hao nuh n'hâm hô ngă, ndrrel ma ndrjôt nâp nau rơm i Păng lể ăn ma bân.

¹⁹⁻²⁰Bân geh nau rơm dút nâp ma nau Kôranh Brah lể ton, nau rơm i này nâp tâm ban ma duk bu lể nklể ma nglể loyh ăn gủ du ntúk mâu hôm bở jât chiaio jât ma. Bân lể gít n'hêl ngă, Kôranh Brah mra jan tâng nau Păng lể ton nơh, yorlah Brah Yêsu lể hăn lor bớh nâp bân ta ntúk Kôranh Brah, Păng sỡm dăn ăn ma bân kớ kôranh jan brah dút kuống lăp ta trôm jrô ntúk dút kloh ueh i geh bok nching. Brah Yêsu jêng kôranh jan brah dút kuống n'ho ro, kớ tâng ntil kađăch Mĩlkisađek i bunuyh kôranh jan brah đổng.

Hebrơ 7

Kađăch Mĩlkisađek, jêng bunuyh jan brah

¹Lõng kađăch Mĩlkisađek kăl e nơh, păng jêng kađăch ta ðon Salem, ndrrel ma jêng bunuyh jan brah ma Kôranh Brah i dút kuống đổng. Kađăch Mĩlkisađek này i hăn mập Abrahăm nôk Abrahăm plớ sât tâm lơh dơi păng ðah ma mpôl kađăch êng êng, ndrrel ma ngơi ăn nau geh jêng tă bớh Kôranh Brah ma păng nơh.

²Jêh ri Abrahăm sỡ dâng lể drăp ndr i păng geh tă bớh tâm lơh nơh, n्हơ ăn ma kađăch Mĩlkisađek du kớ tâm jât (1/10). Rnha kađăch i này geh nau khlay lah 'Kađăch i nau sỡng', jêh ri păng nơh jêng kađăch ta ðon Salem đổng, 'Kađăch Salem' geh nau khlay lah 'Kađăch i nau đăp mpăn'.

³Ta Nau Kôranh Brah Ngơi mâu ôh geh nchih ma mẽ ma bở păng, mâu ôh geh nchih ma nau nkoch yao păng, nar deh păng mâu ôh geh nchih, nar khât păng mâu đổng geh nchih. Ndr i păng tâm ban ma hôm jan bunuyh jan brah ðabớ n'ho ro, kớ Kon Kôranh Brah nơm.

⁴Ăn khân ay may nklôn uảnh kađäch Mĩlkisađek này, dah năm kuống păng dăng geh ma Abrahăm i che phung Israel bân sớ du kớ tâm jât (1/10) dăng lẽ nđơ geh tă bớh tâm lơh nhhơr ăn ma păng kớh này!

⁵Phung bunuyh i di ma jan brah ta phung Israel jêng i kon sau Lêvi đơm, Lêvi jêng i kon sau Abrahăm. Nau vay Môsê đã phung bunuyh jan brah sớ đơn du kớ tâm jât (1/10) bớh phung Israel i ndũl mpôl khân păng nờm, bol lah phung Israel này tă bớh rnoi deh khân păng nờm bớh Abrahăm dadê.

⁶Tih ma kađäch Mĩlkisađek i này, păng mâu geh ôh rnoi deh ta kon sau Lêvi, yờn ma păng lẽ sớ jêh nđơ du kớ tâm jât (1/10) bớh Abrahăm, jêh ri păng dẫn Kôranh Brah ăn nau geh jêng ma Abrahăm i lẽ sớ đơn jêh nau ton tă bớh Kôranh Brah!

⁷Bân vay say, bunuyh i kuống rlau ăn nau geh jêng ma bunuyh i jẻ ta năm, nau i này jêng di ngấn mâu ôh rlăch.

⁸Yờn ma mpôl Lêvi i sớ du kớ tâm jât (1/10) khân păng hôm blao khât, lũng kađäch Mĩlkisađek tâm ban ma hôm rêh, yorlah ta Nau Kôranh Brah Ngơi mâu geh ôh nchih ma nau păng khât.

⁹Nau Abrahăm ăn du kớ tâm jât (1/10) ma kađäch Mĩlkisađek đờng, tâm ban ma mpôl Lêvi ăn du kớ tâm jât (1/10) ma kađäch Mĩlkisađek, bol lah abao' dja mpôl Lêvi sớ du kớ tâm jât (1/10) bớh 11 mpôl ta phung Israel.

¹⁰Lah ndri tâm ban ma mpôl Lêvi ăn du kớ tâm jât (1/10) ma kađäch Mĩlkisađek đờng, yorlah nôk kađäch Mĩlkisađek hăn mập Abrahăm nờh, Lêvi ndập ma kon sau păng ê ôh deh, tâm ban ma hôm gũ ta sắk jăn Abrahăm.

¹¹Ta nau vay Môsê đã Arôn i kon sau Lêvi jêng che ma dăng lẽ mpôl bunuyh jan brah. Lah mpôl bunuyh jan brah lẽ đơi n'groh lơi nau tih bunuyh ngấn, mớh dăng bớh kới nau vay i này hôm geh nchih ma du huê êng bunuyh jan brah tâng kớh kađäch Mĩlkisađek? Mớh dăng du huê bunuyh jan brah i này mâu ôh di bunuyh jan brah tâng kớh Arôn?

¹²Lah geh du huê a êng jêng bunuyh jan brah mâu ôh di ta rnoi deh Arôn, lah ndri iăt ma rgâl ta nau vay đờng.

13Yorlah Brah Krist i du huê bunuyh jan brah i geh nchih nây, mâu ôh di rnoi deh Arôn, Păng jêng bunuyh tă bôh du mpôl ta phung Israel i mâu ôh vay jan bunuyh jan brah sôm kôl jan kar ta nsưng gũch pur ndơ jan brah.

14Brah Yêsu i Kôranh bân dâng lě bân lě gít n'hêl naně ngãn Păng deh ta rnoi mpôl Yuđa, yơn ma ta nau vay Môsê mâu geh ôh ngơi ma bunuyh jan brah tă bôh rnoi deh mpôl Yuđa nây.

15Nau rgâl ta nau vay lơ ma kloh rah vah rlau jât, lah geh du huê jât bunuyh jan brah mhe tâng kôt ma kađăch Mĩlkisađek

16i mâu ôh di jêng bunuyh jan brah tâng rnoi deh i geh đă ta nau vay, yơn ma Păng jêng bunuyh jan brah tă bôh nau dơi geh nau rêh n'ho ro i mâu ôh blao roh,

17yorlah ta Nau Kôranh Brah Ngơi lě nchih jêh lah ma Păng kôt nđa: ‘May jêng bunuyh jan brah bađơ n'ho ro Kôt kađăch Mĩlkisađek i bunuyh jan brah đổng’ .

18Nau đă i lě geh a lor nơh lě ntlơi, yorlah mâu dơi ma rklaih bunuyh, mâu ôh geh nau khlay.

19Nau vay mâu ôh dơi jan ăn bunuyh dũt ueh tâm di ma nau Kôranh Brah ũch. Lah ndri Kôranh Brah ăn trong mhe i ueh rlau ma trong ơm, gay ma bân dơi hãn dăch a Kôranh Brah.

20Trong mhe i nây geh ma nau ngơi Kôranh Brah lě ton, yơn ma dâng lě mpôl bunuyh jan brah tâng nau vay mâu ôh geh nau ngơi Kôranh Brah ton.

21Yơn ma Brah Yêsu jêng bunuyh jan brah nđâp ma Kôranh Brah ngơi ton ma Păng kôt nđa: “May jêng bunuyh jan brah bađơ n'ho ro ’, Kôranh Brah lě ton jêh, Păng mâu hôm ôh rgâl’ .

22Tă bôh nau ton i nây, nau tâm rnglăp ta Brah Yêsu jêng nau tâm rnglăp ueh rlau đah nau tâm rnglăp ta nau vay Môsê.

23Rlau bôh nây jât mpôl bunuyh jan brah tâng ma nau vay Môsê geh ôk ngãn, yorlah khân păng blao khât, khân păng mâu ôh jan kar n'ho ro.

²⁴Yơn ma Brah Yêsu jan kar bunuyh jan brah, Păng mâu hôm ôh rgâl ăn bu êng, yorlah Păng hôm gũ rêh ãbơ n'ho ro.

²⁵Kơt ndri dâng Păng dơi rklaih dadê dâng lể bunuyh i hăn a Kôranh Brah ndâp ma geh nau nsing ma Păng, yorlah Păng rêh n'ho ro, gay ma sơm kơl dẫn Kôranh Brah ăn ma khân păng.

²⁶Iăt ma bân geh kôranh jan brah dăt kuống i kloh ueh, mâu geh nau ma nduih, mâu ôh geh nau tih, Păng gũ ta ntũk mâu geh bunuyh tih, n'ho ma Kôranh Brah ăn Păng gũ ta ntũk dăt prêh ta kalơ trôk i ntũk Kôranh Brah nơm, Păng i nây Brah Yêsu.

²⁷Păng lể nhhơ sắk Păng nơm ma phung bon lan jêh du tở, jêh ri lể phiao, ndri dâng Păng mâu khăch ôh nhhơ ndơ jan brah ăp nar ăp nar kơt ma kôranh jan brah dăt kuống abă êng i nhhơ ndơ jan brah ma Kôranh Brah, gay ma dẫn Kôranh Brah yỗ nau tih sắk khân păng nơm, ndrel ma nau tih phung bon lan.

²⁸Tâng ma nau vay Môsê, geh bunuyh jan kôranh jan brah dăt kuống, tih ma dâng lể bunuyh i nây jêng bunuyh rdja dadê đơm. Bơh kơl lể jêh geh nau vay Môsê, Kôranh Brah đă Kon Păng nơm jan kôranh jan brah dăt kuống ta kalơ trôk ma nau ngơi Păng ton, jêh ri Kon i nây jan kôranh jan brah dăt kuống i dăt ueh ãbơ n'ho ro.

Hebrơ 8

Nau tâm rnglăp i ueh rlau

¹Dâng lể ndơ i hên lể mboh nkoch i nây nơh jêng kơt nđa: Bân lể geh jêh du huê kôranh jan brah dăt kuống, i gũ mpeh boh ma rnoł kađăch Kôranh Brah nơm i dăt prêh ta kalơ trôk i ntũk Păng nơm ri.

²Păng gũ jan kar kôranh jan brah dăt kuống ta ntũk kloh ueh ta chun bok jan brah ma Kôranh Brah i ngăn ta kalơ trôk, i Kôranh Brah nơm jan, mâu ôh bunuyh jan.

³Nau jan kar ma dâng lě rngôch mpôl kôranh jan brah dăt kuông, jêng nhhơ ndơ ma dăn Kôranh Brah yố nau tih, ndrel ma nhhơ ndơ êng êng jât, lah ndri iăt ma khân păng geh ndơ ma nhhơ.

⁴Lah Brah Yêsu hôm gũ ta neh ntu dja, Păng mâu ôh dơi jan bunuyh jan brah, yorlah lě geh jêh mpôl bunuyh jan brah ma nhhơ ndơ ma Kôranh Brah tâng kốt lě geh nchih ta nau vay Môsê.

⁵Khân păng sơm kớl jan kar ta ntũk jan brah i bu jan tâng ntũk jan brah i ngăn ta kalơ trôk i ntũk Kôranh Brah nơm, yorlah nôk Môsê jan chun bok jan brah ma Kôranh Brah i nây nơh, Kôranh Brah lě đã n'hêl păng kốt nđã: ‘Ăn may njrăng, jan dâng lě tâng rup i Gáp lě nhhơ jêh ma may, nôk may gũ ta kalơ yôk dja’, ndri dâng ntũk khân păng jan brah i nây jêng tâm ban ma gui i bu uảnh mâu ôh say ndơ ngăn.

⁶Abơ dja Kôranh Brah lě kớih Brah Yêsu ma jan kar kôranh jan brah dăt kuông ta kalơ trôk, nau jan kar i nây ueh rlau ma nau jan kar bunuyh jan brah ta neh ntu dja, Păng jêng nơm leo ma nau tâm rnglăp mhe Kôranh Brah đah bunuyh i ueh rlau ma nau tâm rnglăp i ơm, jêh ri nau tâm rnglăp mhe i nây geh nau Kôranh Brah ton i ueh rlau.

⁷Lah nau tâm rnglăp i ơm nây lě dăt ueh jêh, lah ndri mâu khăch ôh geh nau tâm rnglăp a êng jât ma ntrỗ.

⁸Yơn ma Kôranh Brah lě say phung bon lan jan rlau bớh nau tâm rnglăp ơm, dâng Păng lah kốt nđã: ‘Ta nar jât năp tay Gáp mra ăn nau tâm rnglăp mhe ma phung Israel ro, Ma mpôl Yuđa.

⁹Nau tâm rnglăp mhe dja mâu ôh tâm ban ma nau tâm rnglăp nôk Gáp tâm rnglăp ndrel u che khân păng, Nôk Gáp tềk khân păng du lôh bớh bri Êsip nơh. Khân păng mâu ôh gũ răp jăp ndjôt tâng nau tâm rnglăp ndrel Gáp nây, Ndri Gáp kớ mâu hôm gũ ndrel ma khân păng đống’, dja jêng nau ngơi Kôranh Brah nơm.

¹⁰Jêh ri Kôranh Brah lah: ‘Nau tâm rnglăp i Gáp tâm rnglăp ndrel phung Israel ta nar jât năp tay, jêng kốt nđã: Gáp mra tề dâng lě nau Gáp đã kăr ta

tôr khân păng, Ndreġ ma nchih nau đă i nây ta trôm nuh n'hâm khân păng, Jêh ri Gâp mra jêng brah i khân păng yôk mbah, Khân păng mra jêng phung bon lan Gâp nôm.

¹¹Ta nôk nây tay, mâu hôm khăch ôh geh bunuyh ntũm nti ma bunuyh chiaio meng, ndrel ma ndũl mpôl khân păng nôm lah: ‘Ăn khân ay may gĩt năġ Kôranh Brah’ Yorlah ntôm bôh bunuyh jễ ta nâm bu, tăt ma bunuyh kuông rlau bu, Dâng lễ khân păng mra gĩt năġ Gâp dadê,

¹²Gâp mra yỗ ndach dâng lễ nau djôh nau tih khân păng, Jêh ri Gâp mâu hôm ôh nkah ma nau tih khân păng jăt’ .

¹³Yor ma Kôranh Brah lễ lah nau tâm rnglăp dja jêng nau tâm rnglăp mhe, ndrĩ dâng nau tâm rnglăp i ơm mâu hôm ôh khlay ma jan tâng. Jêh ri ndr ơm i mâu hôm geh khlay ma jan tâng bôĩ ma lễ roh jêh.

Hebrơ 9

Nau vay ơm, ndrel ma nau vay mhe

¹Nau tâm rnglăp i ơm a lor nơh, geh nau đă êng êng ma yôk mbah Kôranh Brah, ndrel ma geh ntũk jan brah ta neh ntu dja đống.

²Tâng ma nau đă i nây, bu jan du mlôm chun bok jan brah ma Kôranh Brah, ta chun nây geh bar ở jrô, jrô i bôh năp bu, khân păng kuăl ‘Ntũk kloh ueh’, ta ntũk nây geh tễ n'gông sagêng, nsưng ndâp ma nũmpăng tễ nhhơ.

³Ta vah vang jrô bôh năp jrô bôh kơĩ geh bok nching, jrô i bôh kơĩ dũt nây khân păng kuăl ‘Ntũk dũt kloh ueh’.

⁴Ta jrô i nây geh nsưng mayh ma gũch ndr bô kah, ndrel ma geh hũp nau tâm rnglăp, lam hũp i nây nkrêp ma mayh dadê, ta trôm hũp i nây geh du mlôm ngan mayh i bu tễ ndr sông sa Mana, geh mông jra Arôn lôh nkot, ndrel ma geh rlat lũ nchih nau tâm rnglăp ơm đống.

⁵Ta bôh lơ hũp i nây geh rup Chêrupinjêng mbên Kôranh Brah gũ dăch ta nây, i nar Chêrupin nkrum bôh lơ ndrũp hũp i nây jêng ntũk kôranh jan brah dũt kuông ma djrah mham ma đăn yỗ nau tih. Yơn ma nau i nây hên mâu ôh đơĩ mbôh nkoch ăn lễ abơ dja.

⁶Nđơ ta chun bok jan brah ma Kôranh Brah lě jêh ndrăp kơt nây, mpôl bunuyh jan brah lăp jan kar ăp nar ta jrô ntũk kloh ueh.

⁷Yơn ma ta jrô ntũk dũt kloh ueh nây, geh kôranh jan brah dũt kuông đơm đơi lăp, du năm lăp du tở đơm. Păng lăp iăt ma geh ndjôt ndâp ma mham mpômpa (siũm) i păng lě nhhơ ma Kôranh Brah, gay ma đơi đăn Kôranh Brah yỗ nau tih săk păng nơm, ndrel ma nau tih phung bon lan i săk khân păng nơm mâu ôh gĩt lah geh jan tih.

⁸Nđri dăng Brah Huêng Ueh i kloh ueh ăn bân gĩt, nôk chun bok jan brah ma Kôranh Brah hơm e geh, phung bon lan ê hỏ geh trong ma lăp ta jrô ntũk dũt kloh ueh.

⁹Nau i nây jêng ntăt ma nôk abao' dja, yorlah ta rnôk abao' dja ndơ nhhơ ma đăn Kôranh Brah yỗ nau tih, ndrel ma ndơ nhhơ êng êng jăt, mâu ôh đơi jan ăn kloh ngăn nuih n'hâm nau mân bunuyh i nhhơ ndơ nây.

¹⁰Yorlah ndơ jan tâng nau đă ta nau tâm rnglăp ơm, đă ma ndơ sông sa, ndơ nhêt, ndrel ma ndơ jut rao săk êng êng đơm, nau đă i nây man ma geh ta săk jăn, jêh ri geh nau khlay n'ho ma tăt nau đă ta nau tâm rnglăp i ueh rlau.

Mham Brah Krist khlay rlau ma mham mpômpa (siũm)

¹¹Abao' dja Brah Krist lě jêng kôranh jan brah dũt kuông, Păng lě tăt jêh, Păng măt uảnh dăng lě ndơ ueh ta nau tâm rnglăp mhe. Păng lě lăp jêh rỏ chun bok jan brah ma Kôranh Brah ta kalơ trôk i ueh rlau, i dũt ueh ngăn, chun i nây mâu ôh ti bunuyh jan, kỏ mâu đống geh ta neh ntu dja i Kôranh Brah rhăk njêng.

¹²Păng tâm ban ma lăp ta ntũk i dũt kloh ueh jêh lě phiao du tở, Păng mâu ôh ndjôt mham kon be nkuông, mâu lah mham kon ndrôk, Păng ndjôt mham săk Păng nơm chuai bân babơ n'ho ro.

¹³Lah mham be nkuông, ndrel ma mham ndrôk nkuông, ndâp ma buh ndrôk đrôh i bu lai ma dak i bu djrah ta bunuyh i mâu ôh kloh tâng ma nau vay, lě jan ăn khân păng jêng kloh ta săk jăn,

¹⁴lah ndri bôn rlau ma i này bah, mham Brah Krist jan ăn nuih n'hâm nau mân bân ăn kloh bôh nau tih, gay ma bân dơi yôk mbah ngăn ma Kôranh Brah i rêh ngăn, yorlah Brah Krist i mâu ôh geh nau ma nduih, nhhơr sắk Păng nơm ăn ma Kôranh Brah ta nau dơi Brah Huêng Ueh i hôm n'ho ro.

¹⁵Kơt ndri dâng Brah Krist jêng nơm leo ma nau tâm rnglăp mhe, gay ma bu moh i lể Kôranh Brah de kuăl jêh, sỏ dơn ndơ i Kôranh Brah lể ton nơh i tâm ban ma ndơ ndrây i hôm n'ho ro. Yorlah Brah Krist lể khăt jêh gay ma rklaih bunuyh ăn klaih bôh nau Kôranh Brah tể dôi h yor ma nau tih khân păng nơm, nau tih i khân păng nơm jan nôk hôm gủ ta nâm nau tâm rnglăp ơm nơh.

¹⁶Lah du huê bunuyh nchih lor sambăt nau ntĩnh pả đrăp ndơ khlay păng nơm tăt păng lể khăt, iăt ma gít n'hêl nanẻ ngăn nơm i tơm đrăp ndơ khlay này lể khăt,

¹⁷yorlah đrăp ndơ khlay i này dâng dơi tâm pả, tăt păng nơm i tơm này lể khăt, nôk păng nơm i tơm này hôm e rêh, sambăt i này mâu ôh geh khlay.

¹⁸Nau tâm rnglăp ơm a lor nơh, tăt ma bu nkhăt mpômpa (siũm) nchai mham đổng mớ dâng geh khlay:

¹⁹Nôk Môsê lể jêh mboh ăn ma dâng lể phung bon lan gít dâng lể nau Kôranh Brah đã ta nau vay i này nơh, păng sỏ mham kon ndrôk, ndrel ma mham kon be nkuông, lai ma dak, jêh ri sỏ rsau be biăp i lể jêh nhóm ma dak chăng put ta n'ging si Hisôp yũk ta mham i này djrah ta sambăt klôn i Môsê de lể nchih nau vay, ndrel ma djrah ta dâng lể phung bon lan đổng.

²⁰Păng lah ma khân păng: 'Dja jêng mham i jan nau tâm rnglăp Kôranh Brah đah khân ay may, ăn khân ay may ndjôt lể nau Păng đã' .

²¹Jêh ri păng djrah mham i này ta chun bok jan brah ma Kôranh Brah, ndrel ma ta ndơ đổng ma yôk mbah Kôranh Brah kơt này đổng.

²²Tâng ma nau vay phung Israel bân, bời ma dâng lể ndơ gay ma jan ăn kloh ta nấp mắt Kôranh Brah iăt ma sỏ đổng mham. Lah mâu geh ôh hoch mham, Kôranh Brah mâu ôh yỏ nau tih, nau tih bunuyh hôm krêp kơt ơm.

Brah Krist jêng ndơ jan brah

²³Kơt ndri đổng chun bok jan brah ma Kôranh Brah, ndập ma dăng lẽ ndơ ta trôm, iăt ma bu de sỗ mham gay ma jan ăn kloh ta nấp mắt Kôranh Brah, dăng lẽ ndơ i này bu jan tâng nau Kôranh Brah nơm đã kơt i lẽ geh ta kalơ trôk i ntũk Păng. Yơn ma ndơ i geh ta kalơ trôk này, iăt ma sỗ mham bớh ndơ jan brah i ueh rlau ma mham mpômpa (siũm) gay ma jan ăn kloh!

²⁴Brah Krist mâu ôh lăp ta chun bok ta jrô ntũk kloh ueh i bunuyh jan gay ma mập Kôranh Brah, jrô i này mâu di ôh ndơ i ngăn, bu man ma jan tâng kơt ndơ ta kalơ trôk ri dơm. Yơn ma Brah Krist lẽ lăp ta ntũk ta kalơ trôk ri, gay ma mập Kôranh Brah nơm, Păng gũ ta này gay ma sỡm dẫn ăn ma bân.

²⁵Ăp năm ăp năm kôranh jan brah dũt kuống sỗ mham mpômpa (siũm) lăp ta trôm jrô ntũk dũt kloh ueh, păng mâu ôh sỗ mham păng nơm. Lõng Brah Krist Păng lẽ jêh lăp ta ntũk ta kalơ trôk ri, gay ma nhhỡr sắk Păng nơm du tỡ dơm, mâu ôh ăp năm ăp năm kơt kôranh jan brah dũt kuống i này vay jan.

²⁶Lah Brah Krist jan kơt này ăp năm, Păng dơn nau jêr jốt bắbớ ngăn ntỡm bớh njêng neh ntu, n'ho ma tăt abao' dja. Abao' dja jêng rnôk bới tăt nar n'glẽ dũt i nar Kôranh Brah phat dôi h ma dăng lẽ bunuyh. Ta rnôk dja Păng lẽ jêh hăn ta neh ntu dja jao sắk Păng nơm jêng ndơ jan brah ma Kôranh Brah gay ma n'groh lời nau tih bunuyh, Păng jao sắk Păng nơm du tỡ dơm, mâu hôm ôh jan jăt.

²⁷Dăng lẽ bunuyh geh khăt du tỡ dơm, jêh ri Kôranh Brah nơm phat dôi h,

²⁸kơt ndri đổng Brah Krist geh khăt du tỡ dơm nôk Păng jêng ndơ jan brah jao sắk Păng nơm gay ma n'groh lời nau tih ốk bunuyh. Ta nar jăt nấp tay Păng plỡ tay du tỡ jăt, mâu hôm ôh sỗ mắbớ lời nau tih jăt, Păng vắch gay ma rklaih bu moh i hôm gũ rắp jắp kốp Păng.

Hebro 10

¹Nau vay Mỗê tâm ban ma gui bu uảnh mâu say ndơ ngăn, ndơ i ngăn này ueh ngăn, jêh ri nar jăt nấp tay bân mra say ndơ i này, ndri nau vay i này

mâu ôh di ndơ i ngăn. Kơt ndri dăng bunuyh i jan tâng nau vay i nây, khân păng hăn ăp năm ăp năm ndjôt ndơ nhhơr ma dăn Kôranh Brah yố nau tih, tih ma hôm e geh nau tih nâng mâu ôh dơi jêng kloh ngăn.

²Lah geh khân păng yớk mbah ma Kôranh Brah kơt i nây, jêh ri say jêng kloh nâng ngăn, khân păng mâu ôh gít ma nau tih i hôm krêp đổng, lah ndri khân păng mâu hôm nhhơr ndơ ma dăn Kôranh Brah yố nau tih.

³Nau i khân păng nhhơr jan brah ăp năm i nây, bêng ma nkah tôr khân păng ma nau jan tih nơh,

⁴yorlah mham ndrôk nkuống, mham be nkuống, mâu ôh dơi sớ lơi nau tih bunuyh bân.

⁵Lah ndri nôk Brah Krist văch ta neh ntu dja, Păng ngơi ếch jao săk Păng nơm ma jan brah yor ma nau tih bunuyh, Păng lah ma Kôranh Brah tâng i lể nchih ta sambüt Nau Mprơ Ơm kơt nđă: ‘May mâu ếch ôh ma ndơ jan brah, mâu lah ma ndơ nhhơr, Yơn ma May lể jêh ăn Gập geh săk jăn ma nhhơr.

⁶May mâu ôh răm nuh n'hâm ma ndơ nhhơr gũch pur, Ma ndơ jan brah ma dăn May yố mâu hôm kơp nau tih.

⁷Jêh ri Gập lah: ‘Ồ Kôranh Brah, Gập dja hăn ếch jan tâng nuh n'hâm May nơm ếch, Jêng di kơt nau lể geh nchih jêh lah ma Gập ta sambüt May’ .

⁸Nau vay Môsê đă bunuyh jan brah nhhơr ndơ êng êng, ndrel ma jan brah ma ndơ êng êng gay ma dăn Kôranh Brah yố mâu hôm kơp nau tih. Lah ndri mơm dăng Brah Krist lah ta trong i nây: “Kôranh Brah mâu ếch ôh ndơ jan brah, ndơ nhhơr, ndơ nhhơr gũch pur, nđăp ma ndơ jan brah ma dăn yố mâu hôm kơp nau tih i nây, Păng mâu ôh răm ma ndơ i nây”?

⁹Bơh kơi nây Brah Krist lah jât: “Gập dja ếch jan tâng nuh n'hâm May nơm ếch.” Kơt ndri Brah Krist jao săk Păng nơm ma jan brah gay ma ntrở dăng lể ndơ êng êng bu geh nhhơr jan brah nơh, ndri nau tâm rnglăp ơm mâu hôm ôh geh nau khlay, nau tâm rnglăp mhe dơm geh nau khlay.

¹⁰Tâng nuh n'hâm Kôranh Brah nơm ếch, Brah Krist lể nhhơr jêh săk Păng nơm ma jan brah du tở dơm, mâu hôm ôh jan tay, nau Păng lể jêh jan nơh

ăn bân jêng bon lan Păng nôm, ndri dăng bân mâu khăch ôh jan brah nâng kôt ơm.

11Ta nau tâm rnglăp ơm dăng lă mpôl jan brah gũ jan kar ta nhiih jan brah ăp nar ăp nar, ndrel ma nhhơr ndr' jan brah kôt ơm nâng neng dơm, bol lah ndr' jan brah i này mâu ôh dơi n'groh lơi nau tih.

12Yơn ma Brah Krist Păng nhhơr săk Păng nôm du tở dơm gay ma jêng ndr' jan brah, jêh ri Păng gũ rgơp bơh ma ti Kôranh Brah nôm.

13Abơ dja Brah Krist hơm gũ kợp n'ho ma tăt Kôranh Brah nhũp kăt lơi phung rlăng Păng, ăn gũ ta nâm mpang jông Brah Krist .

14Tă bơh Păng de nhhơr săk Păng nôm ma jan brah du tở dơm, dăng phung bon lan Kôranh Brah jêng kloh lă tâm di keh n'ho ro, dăng lă nau tih lă n'groh lơi.

15Brah Huêng Ueh i kloh ueh mbơh ăn bân gĩt n'hêl đong ma nau i này, Păng lah kôt nđa ta Nau Kôranh Brah Ngơi:

16'Kôranh Brah lah: 'Nar jăt năp tay Găp jan nau tâm rnglăp mhe ndrel khân păng kôt nđa: Găp tể nau vay Găp nôm ta nuhih n'hâm khân păng, Nchiih ăn kăr ta nau mân khân păng" .

17Jêh ri Păng ngơi jăt: 'Nau tih nau jan djơh khân păng nơh, Găp mra mâu hơm ôh kah gĩt jăt' .

18Lah lă Kôranh Brah yỗ hơyh mâu hơm kợp nau tih bân, lah ndri mâu hơm ôh khăch jan brah ma dăn Păng yỗ nau tih jăt.

19Ở oh nô ta nau nsing, lah ndri bân lă geh nuhih n'hâm bảnh ma hăn lăp ta ntũk i dũt kloh ueh i ntũk Kôranh Brah, nau bảnh i này tă bơh mham Brah Yêsu lă rklaih nau tih bân.

20Ndri bân lă geh du trong mhe hăn tăt ta Kôranh Brah ro, trong i này ăn geh nau rêh. Ê lor ma Brah Yêsu khăt hơm e geh bok nking mâu ăn bunuyh lăp ta jrô ntũk dũt kloh ueh. Abơ dja bân mâu hơm ôh say geh bok nking, yorlah lă Brah Yêsu nhhơr săk Păng nôm.

- 21**Brah Yêsu jêng kôranh jan brah dût kuông, Păng mât uảnh bân i phung bon lan Kôranh Brah nôm,
- 22**kốt ndri ăn bân hăn tât ta Kôranh Brah nôm hỏ, ndâp ma geh nuih n'hâm nsing ma Păng nâp rkâk ngăn, yorlah nuih n'hâm bân lể tâm ban ma geh mham Brah Krist djrah, gay ma jut lơi nau mân i hôm kah gít ndơ jan djơh nơh, jêh ri sắk jăn bân lể tâm ban ma geh rao kloh ma dak.
- 23**Ăn bân geh nau nôm nâp rkâk ma nau i bân mboh nkoch nau Kôranh Brah ứch ăn tay, yorlah moh nau Kôranh Brah lể jêh ton, Păng jan rắp jắp ngăn.
- 24**Ăn bân tâm mât tâm uảnh ndrăng nôm, gay ma tâm nsúk nsôr ăn geh nuih n'hâm rông ma bu, ndrel ma jan ndơ ueh.
- 25**Lơi ntłơi ôh nau tâm rbũn kốt ma bu abă lể ntłơi, ăn bân lơ ma hô tâm n'hao nuih ndrăng nôm lơ ma hô, yorlah bân lể gít nar Kôranh Brah tât bời ma tât ngăn.
- 26**Lah bân lể gít năl jêh nau ngăn, jêh ri hôm dăng ko plở jan tih tay jât, ta nây mâu hôm ôh geh ndơ jan brah a êng jât ma dơi kớl rklaih boh nau tih,
- 27**dơn gũ kốp ma nau krit ma nau klach, gũ kốp ma nau phat dôi, ndrel ma gũ kốp ma ứnh i dût hit i mra sa ma phung tâm rdâng đah Kôranh Brah nây dơ!
- 28**Bu moh i tâm rlăch jan rlau nau vay Môsê, păng i nây bu nkhât lơi ro mâu hôm ôh rong rêh, mâu ôh yỏ, lah geh bunuyh i tơm say bar hê, mâu lah pe nuyh.
- 29**Lah ndri lống khân ay may nklôn, lah bu moh i mứch rmot Kon Kôranh Brah nôm, mứch rmot mham nau tâm rnglăp Păng i jan ăn bân kloh ueh, jêh ri mứch rmot Brah Huêng Ueh i leo nau ueh Kôranh Brah nôm ta bân, uảnh ndơ nây tâm ban ma mâu ôh khlay, ndri bunuyh i nây mra geh dôi jru rlau ma i nây ngăn!
- 30**Yorlah bân gít năl Kôranh Brah i lah kốt nđa: 'Nau tâm plơng dût ta Gáp nôm, Gáp nôm plơng ma bu', jêh ri lể geh nchih lah kốt nđa đong: 'Kôranh Brah mra phat dôi phung bon lan Păng nôm' .

31Geh nau dūt klach ngăn, bu moh i Kôranh Brah nôm nhữp tể dôih, yorlah Păng i Brah rêh ngăn.

32Ăn khân ay may hôm kah gít, nôk khân ay may nôm sât nsing bớh a lor nớh, bol lah geh ỏk nau jêr jốt ngăn, khân ay may hôm gũ nập ta nau nsing.

33Geh đống bu mựch rmot khân ay may ta nklang bảl phung, ndập ma jan djớh, geh đống khân ay may lẽ kớl bunuyh i bu jan jêr kớt nây đống.

34Nôk nây khân ay may yỏ ndach ma mpôl i geh ndrung, jêh ri geh nuih n'hâm rằm maak ma nau bu sỏ uih đrăp ndr khân ay may nôm, yorlah khân ay may lẽ gít n'hêl jêh geh đrăp ndr ta bon ueh ta kalớ jêng đrăp ndr i ueh rlau, jêh ri hôm n'ho ro.

35Lah ndri lơi mbăr ôh nuih n'hâm khân ay may nsing nập, yorlah nau nsing i nây jêng geh nau nkhôm dūt kuống ngăn.

36Ăn khân ay may gũ nập bol lah geh nau jêr, gay ma jan jêh phiao nau Kôranh Brah nôm ứch, jêh ri Păng mra ăn khân ay may ndr i Păng lẽ ton.

37Yorlah Kôranh Brah lẽ lah nớh: ‘Hôm du blăt jăt mra lôch ngăn, Nôm i văch, Păng văch ngăn ro, mâu ôh mbrế mbrới.

38Yờn ma phung bon lan Gập i gũ sớng mra geh nau rêh yor ma nau nsing ma Gập, Tih ma bu moh i plớ jăt kới, nuih n'hâm Gập mâu ôh rằm ma păng i nây’ .

39Yờn ma bân, bân mâu ôh di bunuyh i plớ jăt kới i roh hêng nây, bân jêng bunuyh i geh nau nsing, ndri klaih bớh nau Kôranh Brah tể dôih.

Hebrơ 11

Nau nsing

1Lah bân nsing ma Kôranh Brah, bân ndjôt dūt nập ma ndr i bân nôm mra geh ngăn ro, jêh ri bân gít n'hêl nanế ngăn, ndr i bân uảnh mâu say, yờn ma geh ngăn.

2Phung u che bân kăl e nớh geh nau nsing ma Kôranh Brah, ndri dăng Kôranh Brah rnê khân păng.

³Yor ma bân nsing, bân gít dâng lě ndơ geh njêng, jêng tă bơh nau ngơi Kôranh Brah nơm. Kơt ndri dâng lě ndơ i bân uảnh say dja, mâu ôh di geh bơh ndơ i lě say.

⁴Yor ma nau nsing, dâng ndơ jan brah Abel nhhơr ma Kôranh Brah, Kôranh Brah sỗ đơn, tih ma ndơ jan brah Kain i nô Abel nơh, Kôranh Brah mâu ôh sỗ đơn. Yor ma nau nsing i nây Kôranh Brah rnê Abel kơp păng jêng bunuyh sỗng. Jêh ri Kôranh Brah rnê ma ndơ nhhơr păng. Ndri nau nsing păng nây ăn bân hơm kah gít ma nau khlay ta nau nsing, bol lah păng lě khât kađôi.

⁵Yor ma nau nsing, dâng Kôranh Brah pư Hênök hao ta kalơ trôk i ntũk Kôranh Brah nơm, păng mâu khât ôh, bu mâu hơm say păng đơng, yorlah lě Kôranh Brah de pư. Lě geh nchih ta Nau Kôranh Brah Ngơi lah, ê lor ma Kôranh Brah pư păng hao ta kalơ, Kôranh Brah răm ma păng.

⁶Bunuyh i mâu ôh geh nau nsing, Kôranh Brah mâu ôh răm. Bunuyh i hăn a Kôranh Brah, iăt ma nsing lah geh Kôranh Brah ngăn, jêh ri nsing Kôranh Brah ăn ndơ nkhôm ma bu moh i joi Păng.

⁷Yor ma nau nsing, Nôê jan du mlôm duk dũt kuông gay ma rklaih rnăk vâl păng nơm bơh dak lêng dak đơng, păng klach yơk, păng iăt ngăn nau Kôranh Brah mboh nkoch ăn păng gít lor, jêh ri jan tâng, bol lah ê hữ say nau i mboh nkoch nây kađôi. Nau păng nsing kơt nây, nhhơ di ma Kôranh Brah tể dôi dâng lě bunuyh ta neh ntu, yorlah khân păng mâu ôh nsing ma nau Nôê mboh nkoch, jêh ri Kôranh Brah kơp Nôê jêng sỗng yor nau păng nsing.

⁸Yor ma nau nsing, Abraham iăt nau Kôranh Brah đă, nôk Kôranh Brah đă păng lôh bơh bri păng nơm hăn jât bri êng, bol lah păng mâu ôh gít ntũk bri păng hăn, Kôranh Brah man ma mboh nkoch mra ăn bri a êng ma păng jêng ndơ păng nơm, nkre ma tât kon tât sau păng.

⁹Yor ma nau nsing, păng gũ ta bri ntũk Kôranh Brah lě jêh ton ăn ma păng, păng gũ ta chun bok, tâm ban ma gũ veh bêch ta bri bu êng, yorlah Kôranh Brah ê hữ ăn ngăn bri dak i nây ma păng, yơn ma păng nsing ngăn Kôranh Brah mra ăn jât nấp tay. Kon păng Isăk, ndrel ma Yakôp i sau păng hơm gũ ta

chun bok geh nau nsing kơt nây đống, yorlah Kôranh Brah lě jêh ton ăn ma khân păng đống.

¹⁰Abrahăm gũ kơt nây yor ma păng lě gĩt n'hêl naně ngăn nar jât nấp tay păng gũ ta ðon ueh ta kalơ i n'ho ro, i Kôranh Brah nơm lě ndrăp, lě rdők njêng.

¹¹Yor ma nau nsing, Sara i ur Abrahăm hôm bả kon, bol lah păng lě ranh ngăn kađôi, ndấp ma jêng bu ur mâu bả kon. Yorlah păng nsing ma nau Kôranh Brah lě jêh ton, nsing ma Kôranh Brah i rấp jấp, Kôranh Brah jan kơt nây ngăn đống.

¹²Jêh ri tă bớh Abrahăm i lě ranh bớh ma khât nây, jêng geh bunuyh du phung dứt ők tâm ban ma ők mảnh kalơ trök, ndrel ma tâm ban ma ők choyh rgỗ dak văch dak văr, mâu hôm blao kơp.

¹³Dâng lě khân păng i nây khât lě phiao ndấp ma hôm geh nau nsing kơt ơm mra sỗ đơn ndơ Kôranh Brah lě ton, bol lah khân păng ê hỏ ôh geh sỗ đơn ta neh ntu dja. Khân păng man ma gĩt lor ndơ i nây mra geh ngăn, khân păng tâm ban ma say ndơ i nây bớh ngai, jêh ri rằm maak ndơ i nây. Khân păng nhhơ sắk khân păng nơm gũ rêh ta neh ntu dja jêng tâm ban ma bunuyh bu năch bri êng veh bêch đơm.

¹⁴Bu moh i gũ rêh kơt nây, jêng nhhơ păng hôm joi bri ma păng nơm.

¹⁵Lah khân păng hôm nklõn öch plờ sât tay ta bri khân păng nơm lě lỏh nây nớh, khân păng hôm dơi plờ.

¹⁶Yơn ma khân păng hôm joi du ntũk i ueh rlau, jêng ðon ueh ta kalơ. Kơt ndrì dâng Kôranh Brah mâu ôh đit prêng khân păng kuăl Păng i Brah ma khân păng, yorlah lě Păng ndrăp jêh du mlòm ðon ăn ma khân păng i nây gũ.

¹⁷Yor ma nau nsing, Abrahăm sỗ kon păng nơm Isắk ma jan brah nhhơ ma Kôranh Brah, nỏk Kôranh Brah rlong păng. Kôranh Brah lě ơm ton kon i nây ma păng, yơn ma păng lě öch nhhơr kon păng nơm ơm nguai ở đơm,

¹⁸bol lah Kôranh Brah lě jêh lah ma păng kơt nđa: 'Rnoi deh ők i Gập ton ma may, jêng tă bớh Isắk' kađôi.

19Păng gít Kôranh Brah dơi jan bunuyh khât ăn dâk rêh, jêh ri păng sỏ tay kon i nây tâm ban ma tă bớh khât .

20Yor ma nau nsing, Isăk mớh ma bar hê kon păng nờm, Yakôp, ndrel ma Êsao, Kôranh Brah mra ăn nau geh jêng ma khân păng ta nar jât nấp tay.

21Yor ma nau nsing, Yakôp mớh ma bar hê i sau jêng i kon Yôsep, Kôranh Brah mra ăn nau geh jêng ma khân păng ta nar jât nấp tay, nôk nây Yakôp bới khât, păng yớk mbah Kôranh Brah ndập ma kuăn rdâng mông jra păng nờm.

22Yor ma nau nsing, Yôsep ntĩnh lời phung Israel ma nau khân păng mra lôh bớh bri Êsip, đã khân păng ndjôt nting păng đổng, nôk nây păng bới ma tách n'hâm.

23Yor ma nau nsing, mễ bở Môsê pôn păng jêh gủ păng pe khay, yor ma say păng ueh rmông ngăn, mâu klach ôh nau kađăch lể đã ăn nkhât lời dâng lể oh bê bu klô.

24Yor ma nau nsing, Môsê nôk păng lể ndăm, păng rlăch mâu ôh ăn bu kuăl păng i kon, kon bu ur Pharaon i kađăch phung Êsip.

25Păng ứch rlau sỏ dơn nau jêr jốt ndrel phung Israel i bon lan Kôranh Brah nờm, đah ma geh nau răm maak gủ rêh ta neh ntu dờm.

26Păng ứch nau bu mứch rmot yor ma păng nsing Kôranh Brah mra đã du huê Brah Krist văch ta nar jât nấp tay, rlau ma geh dâng lể drăp ndơ ta bri Êsip, yorlah păng gít ma ndơ nkhôm Kôranh Brah mra ăn ma păng ta nar jât nấp tay.

27Yor ma nau nsing, păng du lôh bớh bri Êsip mâu klach ôh kađăch ji nuih, păng gủ nấp bol lah geh nau jêr, tâm ban ma uănh Kôranh Brah say, i bunuyh uănh mâu dơi say.

28Yor ma nau nsing, păng đã phung Israel jan bũn n'hot, ndập ma hâng mham ta bôk mpông jay gay ma lời ăn nờm n'groh lăp nkhât lời kon bu klô bôk dak khân păng nờm.

²⁹Yor ma nau nsing, phung bon lan Israel hăn lăp rỏ dak văch dak văr chăng, tâm ban ma hăn rỏ kỏh, lỏng phung Êsip rlong lăp đổng, tih ma rmok dak bũk lẻ phiao.

³⁰Yor ma nau nsing, phung Israel leo bắ hăn jũm bon Yêrikhỏ phỏh nar, jẻh ri mpẻr bon i nậy rlỏm lẻ phiao.

³¹Yor ma nau nsing, bu ur vắng târ rnha pắng Rahap ta bon Yêrikhỏ nậy, mầu ôh khăt roh hêng ndrel phung bon i nậy i tâm rdắng đah Kỏranh Brah, yorlah pắng lẻ rom bar hẻ phung Israel i hăn uắnh ntũng ta bri nậy gay ma ndrắp lỏh.

³²Gấp mầu hỏm ôh đỏi mẻỏh nkoch nau bunuyh êng jăt, mầu geh mong ma mẻỏh nkoch nau Gẻđẻôn, nau Barắk, nau Sắmsũn, nau Yeptha, nau kadắch David, nau Samuel, ndrel ma nau mpỏl bunuyh ntỏyh nau ngỏi Kỏranh Brah.

³³Yor ma nau nsing, đắng lẻ khắn pắng i nậy geh nau đỏi êng êng bắ, lẻ đỏi tâm lỏh đah bri dak êng êng, măt uắnh bu ma nau sỏng, sỏ đỏi nỏ Kỏranh Brah lẻ ton, hỏm rẻh bol lah gũ đah yao mửr phung,

³⁴lẻ nhắh ửnh hit đứt hỏ, lẻ klaih bẻh măt đao, lẻ geh suan đắng đỏi mầu hỏm geh n'hằm suan, lẻ đỏi nỏk tâm lỏh, jan ắn phung taken phung rlắng nchủắt chah chrai lẻ phiao.

³⁵Geh bu ur ắbắ say i ndũl mpỏl khắn pắng nỏm lẻ khăt nậy lẻ đắk rẻh tay. Bunuyh ắbắ bu jan jẻr jỏt tắt khăt yor ma nsing ma Kỏranh Brah, khắn pắng mầu ôh ntỏi nau nsing i nậy gay ma bu bẻk, yorlah khắn pắng rnỏm mra geh nau rẻh i ueh rlau jẻh đắk rẻh tay.

³⁶Bunuyh ắbắ jăt bu gỏm mứch rmot, ndắp ma bu mbang ma mỏng rse, bunuyh ắbắ jăt bu nkỏng tẻ trỏm ndrung.

³⁷Bunuyh ắbắ bu nkhăt ntũp ma lử, ắbắ bu nkhăt koh ma rna tắch n'gul sắk, ắbắ bu nkhăt ma đao. Ắbắ du de n'glắ de n'glỏt, sỏ ntỏ be biắp, ndrel ma ntỏ be đỏi nsoh n'gut, kro o ach hỏ ngắn, bu tũn jot bu lỏh đỏih.

³⁸Khân păng dah ma du de n'glă de n'glôt rō bri rdah, rō yōk, gū nde rō trôm yōk trôm neh. Phung bunuyh i mâu nsing ma Kôranh Brah ta neh ntu dja mâu ôh di ma gū ndrel khân păng.

³⁹Kôranh Brah răm maak ma dâng lă bunuyh i nây, yor ma nau khân păng nsing, yor ma dâng lă khân păng i nây mâu ôh sô đơn nau i Kôranh Brah lă ton nây,

⁴⁰yorlah Kôranh Brah lă jêh ndrăp ndr i ueh rlau, ndr i nây Păng ũch ăn ma bân ndrel khân păng dâng lă ma bāl ta nar jât năp tay, ndr i dâng Păng kōp tăt bân di ma sô đơn ndr i nây ndrel khân păng đōng.

Hebro 12

Kôranh Brah i Bở bân

¹Dâng lă khân păng i nsing nâp ma Kôranh Brah kăl e nây nơh, abao dja tâm ban ma gū uănh jũm bân, lah ndr i ăn bân m̄băr lơi dâng lă ndr i rkhuak bân ta nau nsing, ndrel ma nau tih i ũch krêp ta bân, jêh ri ăn bân nsrôyh gū ngao ăn tâm di đah Kôranh Brah ũch, tâm ban ma bunuyh nsrôyh nchuăt ta nau tâm rlong.

²Ăn uănh nâng jât Brah Yêsu i nơm tơm nau nsing hō, nau bân nsing tă bōh Păng, jêh ri Păng sơm kōl bân ăn geh nau nsing dūt nâp đōng. Păng sô đơn nau jêr jōt ta si tâm rkăng, Păng mâu ôh klach nau đit prêng ma nau i nây, yorlah Păng mân ma nau răm maak i hōm jât năp tay, jêh ri abao dja Păng lă gū jêh bōh ma rnoł kađăch Kôranh Brah nơm.

³Lah ndr i ăn khân ay may kah gīt ma Brah Yêsu i lă gū nâp jêh nôk phung bunuyh tih tâm rdâng đah Păng, gay ma khân ay may lơi ôh dâl ta nuh n'hâm, lơi ôh roh nau rơm.

⁴Ta nau tâm lơh đah nau tih, khân ay may ê hō ôh gū tâm rdâng tăt ma khăt nchai mham.

⁵Ơm khân ay may lă chuêl bah nau i lă geh nchih, jêh ri kuăl khân ay may kon kōt nda?: ‘Ồ kon, lơi mưch ôh nau Kôranh Brah bắp ntũm may, Jêh ri lơi đōng roh nau rơm nôk Păng lah may,

⁶Yorlah Kôranh Brah bắp ntũm bu moh i lể Pắng rồng jêh, Jêh ri Pắng lah rpăt bu moh i lể Pắng kớp jêng kon Pắng đống' .

⁷Ăn khân ay may nsrôyh gũ ta nau jêr jốt, nau i này jêng tâm ban ma nau bắp ntũm. Ta nau i này nhhơ Kôranh Brah lể kớp khân ay may jêng kon Pắng, yorlah mâu geh ôh bở mâu bắp ntũm ma kon.

⁸Dâng lể kon Kôranh Brah mập ma nau bắp ntũm dadê, lah khân ay may mâu ôh mập nau bắp ntũm, khân ay may jêng kon nklă đơm, mâu ôh kon Pắng ngăn.

⁹Bở bân ta neh ntu dja vay bắp ntũm bân, jêh ri bân hôm klach yớk ma pắng đống. Lah ndri rlau ma i này jât, ăn bân iăt nau Kôranh Brah bắp ntũm i jêng Bở bân ta kalơ trôk, jêh ri bân geh nau rêh n'ho ro.

¹⁰Bở bân ta neh ntu dja bắp ntũm bân du blăt đơm, tâng i nau pắng mân geh khlay ma bân. Yớn ma Kôranh Brah bắp ntũm bân, gay ma geh khlay ma bân ngăn, gay ma bân gũ ndrel Pắng ta nau kloh ueh Pắng nờm.

¹¹Nau bắp ntũm này ăn bân geh nau ji nau rngot, mâu ôh ăn bân geh nau rằm maak. Yớn ma bớh kới này bu moh i lể sớ đờn jêh nau bắp ntũm kới này, pắng i này jêng geh play, geh nau đắp mpăn, gũ rêh sớng.

¹²Lah ndri ăn ndjôt nập hỏm nau nsing tâm ban ma 'Ăn yớr ti rbăn, ndập ma ăn nsống kômỏk khân ay may ăn nập đống'

¹³Jêh ri kới lể geh nchih: 'Ndrắp hỏm trong sớng gay ma khân ay may đờh hăn', ăn jan tâng nau nti i di nâng, gay ma bunuyh i rdja ta nau nsing i tâm ban ma bunuyh rven jống, mâu ôh bah nsing, yớn ma geh nau nsing lơ ma nập, tâm ban ma bah ji jống.

Lời ôh tâm rdâng đah Kôranh Brah

¹⁴Ăn nsrôyh nau gũ ueh đắp mpăn ndrel ma dâng lể bunuyh dô, ndập ma nsrôyh gũ rêh kloh ueh, yorlah bu moh i mâu gũ rêh kloh ueh, mâu ôh đời gũ ndrel Kôranh Yêsu jât nấp tay.

¹⁵Ăn tâm kớl ndrăng khân ay may nờm, gay ma lời ôh geh du huê i mâu ôh sớ đờn nau ueh Kôranh Brah. Lời ôh geh bunuyh ta mpôl khân ay may i mâu

ôh ùch sǎ dǎn nau ueh Kôranh Brah, bunuyh i nây tâm ban ma tǎm khêh jan jêr ta mpôl khân ay may, klach lah mplum nau tih ăn ma bunuyh a êng ôk jât.

¹⁶Njrăng hǎm lǎi ăn geh bunuyh tâm dǎng ta mpôl khân ay may, lǎi ôh geh bunuyh ta mpôl khân ay may i mưch ma nau Kôranh Brah tâm ban ma Êsao i lǎ tǎch lǎi i nau khlay pǎng nǎm kon bôk dak, yor ma kǎnh geh ma ndǎ sǎng sa i du ngan nây dǎm.

¹⁷Khân ay may lǎ gít đǎng, tât bǎnh kǎi nây pǎng nhhuach ndǎ pǎng lǎ jan nây nǎnh, pǎng kǎnh hô ngǎn sǎ dǎn nau geh jêng tǎ bǎnh bǎ pǎng nǎm i di ma kon bu klô dak bôk sǎ dǎn. Bol lah pǎng đǎn hô ngǎn ndǎp ma hor dak mǎt kǎđôi, kǎ mǎu ôh dǎi rgâl ndǎ i lǎ jan nǎnh.

¹⁸Nau khân ay may hǎn đǎch a Kôranh Brah abǎ dǎ, êng bǎl ma nau phung Israel gǎ ta yôk Sinai, jêng yôk i ntúk Kôranh Brah tâm rnglǎp đǎh khân pǎng nǎnh. Yôk i nây dǎi pah ma ti, geh ùnh hit, geh ngo chêk kôlǎk, ndrel ma geh phút sial đǎng,

¹⁹geh tǎng nteh nǎng đút đǎng, ndrel ma geh tǎng nteh bǎi i ăn khân pǎng klach, tât ma khân pǎng đǎn Kôranh Brah hô ngǎn lǎi hǎm ăn Kôranh Brah ngǎi jât đǎh khân pǎng,

²⁰yorlah khân pǎng mǎu ôh dǎi ăt ma nau Kôranh Brah de đǎ kǎt ndǎ: ‘Bu moh i pah yôk dǎ, bol lah mpômpa (siúm) dǎm kǎđôi, iăt ma sǎ lǎ ntúp ăn khât’ .

²¹Ndǎ i khân pǎng say nây klach đút hô ngǎn, ndri đǎng Mǎsê lah: ‘Gǎp klach nsǎr đút hô ngǎn’ .

²²Yǎn ma khân ay may lǎ hǎn đǎch a Kôranh Brah ngǎn, tâm ban ma hǎn ta yôk Siôn ta đǎn kuǎng Kôranh Brah nǎm Pǎng i rêh ngǎn, ta đǎn kuǎng Yêrusalem i ta kalǎ trôk i ntúk Kôranh Brah nǎm, ta ntúk geh phung tǎng pǎr ôk rưn rsen gǎ rǎn ma nau rǎm maak,

²³jêng ntúk gǎ gum phung kon Kôranh Brah i Pǎng kǎp jêng kon dak bôk dadê, ndǎp ma geh nchih rnhǎ sǎk ta kalǎ trôk. Khân ay may lǎ hǎn đǎch a

Kôranh Brah i Kôranh phat dôih dâng lě bunuyh, lě hăn ta ntũk phung i nsing ê lor ma khân păng khât nơh, i lě jêng tâm di keh.

²⁴Khân ay may lě hăn dăch a Brah Yêsu jêng Nơm leo ma tâm rnglăp mhe bân đah Kôranh Brah, khân ay may lě sữ đơn mham Brah Yêsu, i mham ăn bân rklaih bớh nau Kôranh Brah tể dôih, mham i nây geh khlay rlau ma mham Abel jât, yorlah mham Abel jêng mbên ma nau Kôranh Brah tể dôih đơm.

²⁵Ăn njrăng hõm, lơi rlăch ôh ma Kôranh Brah i ngơi đah khân ay may. Lah phung Israel i mâu iăt nau Môsê ntũm nti ta neh ntu dja kăl e nơh, lě mâu klaih ôh bớh dôih khân păng nơh, lah ndri lũng bân i dja, i lě tâng nau Kôranh Brah nơm ntũm nti ta Brah Yêsu tă bớh kalơ trôk i ntũk Păng nơm, bõn lơ hô rlau ma i nây bah mâu dơi klaih?

²⁶Bớh ntơm nơh nôk Kôranh Brah ngơi ta yôk Sinai neh ntu n'găr hô ngăn, yơn ma rnôk abao' dja Păng ton kơt nđa ta nau Păng ngơi: 'Jât năp tay, Gập mra ăn trôk geh n'găr đõng, mâu ôh đơn ma neh ntu đơm geh n'găr' .

²⁷Jêh ri nau lah i dja: 'Nar jât năp tay', mbớh ăn gít, dâng lě ndơ i Kôranh Brah njêng nơh n'găr, jêh ri roh lě phiao, gay ma ndơ i mâu blao n'găr đơm hôm e kơn.

²⁸Yor ma bân sữ đơn du bri dak Kôranh Brah i mâu blao n'găr nây, lah ndri ăn bân lah ueh Kôranh Brah, jêh ri ăn bân sơm kơl jan kar hõm ma Păng, tâng nau Păng ũch, ndrel ma klach yơk ma Păng,

²⁹yorlah Kôranh Brah i bân yơk mbah, nau Păng tể dôih tâm ban ma ũnh sa lěk lě phiao.

Hebrơ 13

Nau gũ rêh tâm di ma nau Kôranh Brah ũch

¹Ăn khân ay may tâm rống bảl jêng oh nô nâng.

²Lơi chuêl ôh rom bu năch ma nuh n'hâm ueh rah rớch, bu năch i khân ay may mâu gít năl. Yor ma nau rom kơt i nây, bunuyh abă lě geh rom tông păr nđâp ma mâu ôh gít khân păng jêng tông păr.

³Ăn khân ay may kah gít ma mpôl i geh ndrung, tâm ban ma sǎk khân ay may nôm geh ndrung ndrel khân pǎng. Jêh ri ǎn kah gít ma mpôl i bu jan djơh yor ma khân pǎng nsing ma Brah Yêsu, tâm ban ma bu jan djơh ma sǎk khân ay may nôm đống.

⁴Ăn dâng lể khân ay may kớp khlay ta nau tâm nđáp ur sai, lơi ôh tâm lồm ur lồm sai, yorlah Kôranh Brah mra tể dôi h ma bu moh i tâm đống, bu moh i lồm ur lồm sai.

⁵Lơi rvan ôh ma prăk, ǎn khân ay may sớp tống ma đrăp ndr i lể geh nây hỏ, yorlah Kôranh Brah lể lah kớp nđa: ‘Mâu geh ôh Gập ntlơi khân ay may, kớ mâu geh đống Gập mǎr khân ay may’.

⁶Kớp ndr i bân ngơi ma nuih n'hâm bǎnh kớp nđa: ‘Gập mâu ôh klach, Kôranh Brah jêng nôm kớl gập Lah ndr i mớ m bunuyh hôm đơi lớ h ma gập?’

⁷Ăn khân ay may mêt uǎnh mpôl kôranh khân ay may i mboh nkoch nau ngơi Kôranh Brah ǎn ma khân ay may iǎt nớ h. Uǎnh moh ndr ueh ta nau gữ rêh khân pǎng, jêh ri tâng kớp nau nsing khân pǎng i nây dô.

⁸Brah Yêsu Krist hôm kớp ơm, Pǎng mâu geh ôh rgâl, bớ h a lor nớ h tât ma nar dja, ndrel ma n'ho ro.

⁹Khân ay may lơi ôh iǎt lơi ôh tâng ǎp ntil nau nti mhe i êng, n'hâm suan khân ay may tǎ bớ h nau ueh Kôranh Brah, mâu ôh di tǎ bớ h nau đǎ nau ver ta ndr sông sa, yorlah nau đǎ nau ver i nây mâu ôh kớl ma bunuyh i jan tâng.

¹⁰Bân i nsing ma Brah Yêsu, Kôranh Brah lể yỏ nau tih bân yor ma Brah Yêsu lể khât ta si tâm rkǎng, yỏn ma bu moh i hôm nsing ma nau nhhớ r mpômpa (siũm) gay ma đǎn Kôranh Brah yỏ nau tih khân pǎng nôm, Kôranh Brah mâu ôh yỏ nau tih khân pǎng .

¹¹Ta nau tâm rnglǎp ơm, kôranh jan brah đút kuống sỏ mham mpômpa (siũm) i pǎng nkhât gay ma đǎn Kôranh Brah yỏ nau tih, pǎng ndjôt mham i nây djrah ta jrô ntũk đút kloh ueh, yỏn ma i sǎk mpômpa (siũm) i nây bu gũch pur bớ h dih bon.

¹²Brah Yêsu tâm ban kơt nây đōng, Păng gũ bớh dih ðon nôk Păng sỏ đơn nau jêr jốt tât ma khât sắk, gay ma jan phung ðon lan ăn kloh ueh tă bớh mham sắk Păng nờm.

¹³Lah ndri ăn bân jan tâng nau ntât Brah Yêsu, hăn ta Păng ta bớh dih ðon, yor ma nau bân nsing jêng tâm ban ma hăn a Brah Yêsu ta bớh dih ðon, sỏ đơn nau bu jan jêr jốt, ndâp ma nau bu mưch kơt i Păng lể sỏ đơn đōng,

¹⁴yorlah neh ntu dja mâu ôh di ðon bân gũ n'ho ro, bân gũ kỏp ma ðon i hỏm jât nấp.

¹⁵Yor ma ndơ Brah Yêsu jan nây, ăn bân rnê Kờanh Brah nâng, nau rnê tâm ban ma nhhờ ndơ jan brah ma Păng, jêng nau loh bớh bởr mbung i di ma bu moh mbớh nkoch sắk Păng nờm nsing ma Brah Yêsu.

¹⁶Lời chuêl ôh jan ndơ ueh ma bu, ndrel ma kớl bu êng, yorlah jan kơt nây tâm ban ma nhhờ ndơ ma Kờanh Brah i ăn Kờanh Brah rằm ngăn.

¹⁷Ăn khân ay may iăt hỏm nau kờanh i mât uánh khân ay may i phung lể nsing, ndâp ma jan tâng nau khân păng đả đōng, yorlah khân păng mât njrăng khân ay may, jêh ri ta nar jât nấp tay Kờanh Brah mra ôp ma ndơ khân păng jan. Lah khân ay may iăt jan tâng nau khân păng đả, khân păng rằm maak êng ma nau jan kar khân păng i nây, yờn ma lah khân ay may mâu iăt jan tâng, nau jan kar khân păng jêng geh nau rngot, jêh ri mâu ôh ueh ma khân ay may nờm đōng.

Nau ntính n'glẻ dủt

¹⁸Dăn kớl mbớh sỏm ăn hên bả. Hên lể gít jêh, hên jan ndơ i di ta nấp măt Kờanh Brah đơm, ndrel ma ứch ngăn gũ rêh tâm di nau Kờanh Brah ứch ta dâng lể ntil ndơ.

¹⁹Lơ ma hô ngăn gập dăn khân ay may kớl mbớh sỏm ăn gập, gay ma gập gờnh plở a khân ay may.

²⁰Kờanh Brah lể jêh ăn Brah Yêsu i Kờanh bân dâk rêh bớh phung khât. Jêh ri jan nau tâm rnglấp n'ho ro đah bân ma mham Brah Yêsu i nờm mât uánh

bân dũt ueh, tâm ban ma nơm chiăp măt uănh ma phung be biăp păng nơm.
 Dẫn Kôranh Brah i tơm nau đăp mpăn

²¹ăn khân ay may blao jan dăng lẽ ntil ndơ i Păng nơm ếch. Dẫn Kôranh Brah
 jan dăng lẽ ntil ndơ i ăn Păng răm maak ta khân ay may, yor ma ndơ Brah
 Yêsu Krist lẽ jan nơh. Dẫn rnê nau chrêk lợp Brah Yêsu Krist bảbơ n'ho ro! Ở
 ăn geh kớ t này ngăn ro!

²²Ở oh nô ta nau nsing, gập dẫn khân ay may hô ngăn ăn sỏ dơn dăng lẽ nau
 ntũm nti i dja, yorlah sambũt i gập nchih ăn ma khân ay may dja tâm ban ma
 gleh dơn.

²³Dẫn khân ay may gít đổng ma nô bân Timôthê, păng lẽ bu bớk jêh bớh
 trôm ndrung. Lah păng tăt gớnh a gập, gập mra hăn a khân ay may, ndrel ma
 păng đổng.

²⁴Dẫn ôp nau ueh lăng mpôl kôranh i măt uănh khân ay may, ndrel ma dẫn
 ôp nau ueh lăng dăng lẽ phung bon lan Kôranh Brah đổng. Phung nsing i tă
 bớh bri Italy, ôp nau ueh lăng khân ay may đổng.

²⁵Dẫn nau ueh Kôranh Brah nơm gũ ndrel dăng lẽ khân ay may .

Yako

Yako 1

Nau ôp ueh lăng

¹Gâp Yako, i bunuyh sôm kơl jan kar ma Kôranh Brah, ndrel ma sôm kơl jan kar ma Kôranh Yêsu Krist. Gâp dẫn ôp nau ueh lăng dăng lể phung bon lan Kôranh Brah i gũ chah chrai lam neh ntu dja.

Nau rlong, ndrel ma nau ndom

²Ở oh nô ta nau nsing, lah khân ay may geh nau jêr jốt ăp ntil, ăn khân ay may kơp nau i nây jêng ndơ rằm maak hô ngăn hõ.

³Khân ay may lể gĩt jêh, nau jêr jốt ăp ntil jêng nau rlong uănh ta nau nsing khân ay may, yorlah tă bớh nau rlong uănh i nây, dăng khân ay may lơ ma blao ăt nuih.

⁴Ăn khân ay may blao ăt nau jêr jốt kơt nây, gay ma khân ay may gũ nập ta nau nsing lể tâm di keh ngăn, mâu hôm ôh geh nau ma nduih.

⁵Ta phung khân ay may, bu moh i mâu lăng geh nau mân gĩt blao, ăn dẫn hõm ma Kôranh Brah, Păng mra ăn ro, yorlah Păng i ăn ma dăng lể bunuyh ma nuih n'hâm lũng, Păng mâu ôh nduih yor ma dẫn,

⁶yơn ma iăt ma bunuyh i nây dẫn ma nau nsing nập, lơi ôh mân lah yõng ma geh, yorlah bu moh i hôm geh nuih n'hâm mân kơt nây jêng tâm ban ma nchõch dak văch dak văr tâng sial khôm.

⁷Bunuyh i kơt nây lơi ôh mân geh sỏ dơn ndơ bớh Kôranh Brah,

⁸yorlah geh nuih n'hâm bar, mâu geh nập ôh ta dăng lể ndơ i păng jan păng mân.

⁹Oh nô ta nau nsing i o ach, ăn khân ay may rằm maak hõm, yorlah Kôranh Brah lể kơp khân ay may khlay.

¹⁰Oh nô ta nau nsing i ndrõng ăn khân ay may rằm maak tâm ban đõng, lah khân ay may gĩt văt đrăp ndơ i khân ay may lể geh, mâu ôh geh nau khlay ta Kôranh Brah, yorlah khân ay may mra roh tâm ban ma kao si bri đõng.

¹¹Tât dôh nar, i tơm kao si bri i này ndro, i kao păng rŭng, jêh ri nau ueh ta păng kô mâu hôm geh ôh. Kơt này đổng bunuyh ndrŏng mra khât roh ndrêl ma ndr i păng jan này.

¹²Ueh maak ngăn ma bu moh i gŭ nập, bol lah geh nau jêr jŏt ăp ntil kađôi, yorlah lôch jêh nau i này, Kôranh Brah mra ăn ndr nkhôm ma bunuyh i này, jêng nau rêh n'ho ro, i Kôranh Brah lể ton jêh ma bu moh i rŏng ma Păng nơm.

¹³Nôk khân ay may mập ma nau ndrôm, lơi ôh lah: “Kôranh Brah ndrôm gập jan djơh” yorlah mâu geh ôh du ntil ndr dơi ndrôm Kôranh Brah jan djơh, jêh ri Kôranh Brah kô mâu đổng ndrôm bunuyh jan djơh.

¹⁴Dâng lể bunuyh geh mập nau ndrôm, yor ma bân geh nuih n'hâm kơnh hô ir leo bân jan tih.

¹⁵Dâng lể nau jan tih jêng tâm ban ma nau gŭ rêh bunuyh, bơh nơm nơh geh nau kơnh ma jan tih dơm, nau i này tâm ban ma nơm geh kon ta bu ur mhe roh khay, tât ma jan tih ngăn tâng nau kơnh i này, tâm ban ma tât kon i này deh đổng. Jêh ri n'glể dŭt tă bơh nau tih i này Kôranh Brah tể dôih gŭ ta ndrung ũnh n'ho ro, jêng tâm ban ma khât săk.

¹⁶Ở oh nô ta nau nsing i gập rŏng, lơi ôh mbrôh êng khân ay may nơm.

¹⁷Dâng lể ndr ueh, dâng lể ndr i ueh mâu hôm ôh blao ntât i bân sŏ đơn, dâng lể ndr i này jêng tă bơh Kôranh Brah i Bở bân i năk njêng dâng lể ndr ang ta kalơ trôk nơh. Nau ang i này blao rgâl, gui nau ang i này hôm blao rgâl đổng, yơn ma nuih n'hâm Kôranh Brah mâu ôh blao rgâl, để mâu ơm.

¹⁸Tă bơh nau Păng nơm ũch, ndập ma bân nsing ma nau nti i ngăn, Păng jan ăn bân jêng kon Păng nơm, Păng ũch bân jêng ndr dŭt khlay rlau ma dâng lể ndr Păng njêng, bân tâm ban ma play bôk dak i geh nhhơr lor, ê lor ma pể dâng lể play abă êng.

Nau iăt ma tơm dơm, ndrêl ma nau jan tâng nau vay Kôranh Brah

¹⁹Ở oh nô ta nau nsing i gập rŏng, ăn khân ay may jêng bunuyh gŭt blao dadê, ăn khân ay may nsrôyh iăt hŏm, lơi gơnh ngơi, lơi ôh gơnh nuih,

²⁰yorlah nau ji nuih bunuyh mâu ôh leo ta nau gũ ngao sǝng i Kôranh Brah ũch.

²¹Lah ndri ăn khân ay may mbăř lơi hǝm dâng lě nau bǝ bǝch ăp ntil, dâng lě ndǝ djǝh ăp ntil ta nau gũ ngao khân ay may, jêh ri sǝ đǝn iăť nau nti ma lě nuih n'hâm hǝ i Kôranh Brah lě tể ta nuih n'hâm bân i geh nau đǝi leo khân ay may geh nau rklaih bǝh nau Kôranh Brah tể dǝih.

²²Ăn khân ay may jan tâng nau nti i nây hǝm, lơi ôh iăť ma tǝ đǝm, yorlah bu moh i iăť ma tǝ đǝm jêng mbrôh êng săk păng nǝm, lah păng lah săk păng nǝm lě geh rklaih.

²³Lah bu moh i iăť ma tǝ đǝm nau Kôranh Brah, jêh ri mâu ôh jan tâng kǝť, păng i nây jêng tâm ban ma bunuyh i uănh muh măt păng nǝm ta ndǝ uănh muh măt,

²⁴jêh uănh, păng hăn du bǝh ntũk nây, jêh ri chuêl ro muh măt păng nǝm.

²⁵Nau vay Kôranh Brah dũť ueh ngăn, jêng nau vay i ăn bunuyh jêng kon me tâm ban ma bǝk bǝh nau jan dăk bu. Bu moh i đǝn iăť ma tǝ đǝm, jêh ri chuêl, mâu ôh geh nau ueh maak, yǝn ma bu moh i mân ma nau vay i nây, jêh ri nsrôyh jan tâng kǝť, păng i nây geh nau ueh maak ngăn ma dâng lě ndǝ păng jan.

²⁶Yǝn ma bu moh i kǝp êng săk păng nǝm jan tâng nau vay Kôranh Brah ngăn, tih ma mâu ôh njrăng mpiăť dah ma ngǝi, păng i nây jêng bunuyh mbrôh êng săk păng nǝm đǝm, jêh ri nau păng jan tâng nau vay i nây mâu đǝng geh nau khlay.

²⁷Nđǝ jan i kloh i ueh ta năp măt Kôranh Brah i Bǝ bân jêng kǝť nđă: Hăn kǝl bunuyh kon đǝi, ndrel ma bu ur ndrô i geh nau jêr jǝť, nđăp ma blao njrăng săk mâu ôh jan ndǝ djǝh tâng bunuyh i mâu nsing ma Kôranh Brah ta neh ntu dja.

Yako 2

Phung nsing ma Brah Yêsu mâu ôh kǝih bunuyh

- ¹Ở oh nô ta nau nsing, khân ay may lě geh nau nsing jêh ma Brah Yêsu Krist. Păng jêng Kôranh bân i geh nau chrêk lợp, lah ndri khân ay may lợi ôh kớih bunuyh.
- ²Ntât lah, lah geh du huê bunuyh ndrông lăp rỗn ndrel khân ay may, păng ndok rgên mayh, ndrel ma nsoh bok ao i khlay khlay ngăn, jêh ri geh du huê bunuyh kro o ach nsoh bok ao sat lăp rỗn ta ri đống,
- ³lah khân ay may gít đơm ma bunuyh i nsoh bok ao i khlay khlay ngăn nây, lah ma păng: “Dăn gũ a ntũk i bu lữ dja”, jêh ri lah ma bunuyh i kro o ach nây: “Hăn dâk a njôn h rĩ!” Mâu lah “Hăn gũ hỏm ta neh kêng jống gập djă!”
- ⁴Lah khân ay may kớih bunuyh kớit nây, khân ay may lě geh nuih n'hâm djớh jêh.
- ⁵Ở oh nô ta nau nsing i gập rống, dăn khân ay may iăt gập, Kôranh Brah lě kớih jêh phung bunuyh kro o ach ta neh ntu dja ăn jêng ndrông ta nau nsing, ndrel ma Kôranh Brah măt uảnh nâng, kớit Păng lě ton ăn jêh ma bu moh i rống Păng,
- ⁶tih ma khân ay may mứch phung kro o ach chrao. Ốm mâu di lah phung ndrông tũn jot khân ay may, uih mphỏk khân ay may hăn ta năp kôranh phat dôi h heh?
- ⁷Ốm mâu di lah phung i nây mứch rmot Brah Yêsu Krist i ueh hô ngăn, i Kôranh bân heh?
- ⁸Lah khân ay may jan tâng nau vay i dũt khlay ta Nau Kôranh Brah Ngời: ‘Ăn rống ma bu chiaio meng kớit rống ma săk khân ay may nỏm đống’, lah ndri khân ay may jan ueh ngăn.
- ⁹Yỏn ma lah khân ay may kớih bunuyh, khân ay may lě jan tih jêh, jêh ri khân ay may jêng bunuyh jan rlau đah nau vay,
- ¹⁰yorlah bu moh i lě jan tâng nau vay ăp lě phiao ngăn, yỏn ma hỏm geh jan rlau ta du ntil đơm ta nau vay i nây, kỏ tâm ban ma jan rlau lě rngỏch nau vay i nây đống.

¹¹Kôranh Brah lah: ‘Lơi ta lôm ur lôm sai’, jêh ri Păng lah đống: ‘Lơi ta ôh nkhât bunuyh’. Bu moh i mâu ôh tâm lôm ur lôm sai, yơn ma nkhât bu, lah ndri bunuyh i này lẽ jan rlau đah nau vay jêh.

¹²Ăn khân ay may mboh ngoi, ndrel ma gũ rêh ăn tâm di đah nau vay i dứt khlay này i đã rống ma bu i ăn bunuyh jêng kon me tâm ban ma bók boh nau jan dâk bu, nau vay i này i phat dôi khân ay may,

¹³yorlah bu moh i mâu geh nau yố ndach ma bu, Kôranh Brah mra tể dôi păng i này mâu geh nau yố ndach đống. Yơn ma bu moh i geh nau yố ndach ma bu, păng i này mâu ôh geh nau ma klach nôk Kôranh Brah phat dôi, yorlah Kôranh Brah yố ndach ma păng.

Nau nsing, ndrel ma nau jan ueh

¹⁴Ồ oh nô ta nau nsing, lah bu moh i kớp êng săk păng nôm geh nau nsing ma Brah Krist, tih ma mâu ôh jan ueh ma bu, lah ndri moh geh nau khlay? Lah ndri ah nau păng nsing i này ơm dơi rklaih păng đống boh?

¹⁵Ntât lah geh du huê oh nô bu klô mâu lah bu ur ta nau nsing, mâu geh ôh bok ao nsoh, mâu geh ôh ndơ sông sa ăp nar,

¹⁶jêh ri lah geh du huê bunuyh ta phung khân ay may lah ma ôbăl i này: “Hăn ăn geh nau ueh lăng đăp mpăn yố, ăn geh nau dôi răm yố, sông sa hơm yố!”, yơn ma mâu geh ôh ăn ndơ kớl păng, lah ndri nau i này ơm geh nau khlay đống lah mâu?

¹⁷Nau nsing kớ tâm ban kớ này đống, lah du huê bunuyh nsing mâu ôh say păng jan tâng kớ, nau nsing i này mâu ôh geh khlay.

¹⁸Geh bunuyh abă lah: “Bunuyh abă geh nau nsing, bunuyh abă jan nau ueh ma bu.” Yơn ma gáp lah: “A mớ m blao nhhơ nau nsing ăn say, lah mâu ôh jan ueh ma bu? Gáp mra nhhơ nau nsing ta nau ueh gáp jan ăn bu say đống.”

¹⁹Bunuyh abă lẽ iăt lah geh du huê Kôranh Brah đơm, nau i này ueh ngăn, yơn ma mpôl brah djơh lẽ iăt kớ này đống, jêh ri ndâp ma klach nsờ săk jăn jăt, yorlah lẽ gít jêh Kôranh Brah mra tể dôi khân păng.

²⁰Bu moh i gít lah geh nau rklaih tă bớh nau nsing đơm, mâu khăch ôh say nau ueh păng jan ta nau gũ rêh păng, bunuyh i này rluk mâl ngăn. Gáp mớh ma khân ay may, mâu ôh geh khlay lah du huê bunuyh i nsing, yớn ma ta nau gũ rêh păng mâu ôh say nau ueh păng jan.

²¹Abrahăm i che phung Israel, păng sỏ kon păng nớm rnhă Isăk tẻ ta kalỏ ntũk gũch pur ndớ jan brah, gay ma gũch nhhớ ăn ma Kờanh Brah. Ndri dăng Kờanh Brah kớp păng sớng, yor ma păng jan tâng kớt nau Kờanh Brah đả.

²²Ndri khân ay may say nau nsing păng ndập ma ndớ păng jan jêng tâm di, jêh ri nau păng jan i này jan ăn nau păng nsing jêng ueh tâm di keh ngăn.

²³Ndri geh ngăn, nau i lẻ geh nchih ta Nau Kờanh Brah Ngỏi: ‘Abrahăm nsing ma Kờanh Brah, tă bớh nau nsing i này dăng Kờanh Brah kớp păng lẻ sớng’ . Jêh ri Kờanh Brah kuăl Abrahăm jêng mât jăng Păng nớm đớng.

²⁴Lah ndri khân ay may say Kờanh Brah kớp bunuyh jêng sớng tă bớh ndớ i khân păng jan, ndập ma nau nsing, mâu ôh đớn yor ma nau nsing đơm.

²⁵Tâm ban kớt này đớng, du huê bu ur văng târ rnhă Rahap, Kờanh Brah kớp păng lẻ sớng tă bớh ndớ păng jan, yorlah păng rom mpôl i hăn uănh ta bri này gay ma ndrăp tâm lớh, jêh ri kớl khân păng sât rỏ trong êng, bah bu nhũp khân păng.

²⁶Lỏng săk jăn lah mâu ôh geh huêng mâu ôh hỏm rêh, kớt ndri đớng nau nsing lah mâu ôh say jan ndớ ueh, nau nsing i này mâu ôh geh nau khlay.

Yako 3

Mpiăt bunuyh

¹Ớ oh nô ta nau nsing, ta phung khân ay may, ueh lah geh đẻ đơm bunuyh jan nớm nti, yorlah khân ay may lẻ gít jêh, Kờanh Brah phat dỏih hên i nớm nti jru rlau bu.

²Dăng lẻ bân hỏm jan tih ỏk, bu moh i mâu ôh jan tih ta nau păng mớh ngỏi, păng i này jêng bunuyh lẻ di keh, ndập ma blaos mât njrăng lẻ rngỏch săk jăn păng nớm ro.

³Ta mbung seh bân tể loyh, gay ma ăn păng iăt bân, lah ndri bân mphök rse jăt let bân ũch, dăng lể sắk păng hăn jăt nây ro .

⁴Ăn khân ay may uảnh ma duk kuống, bol lah păng kuống ngăn, jêh ri ndập ma geh sial khôm dăng kađôi, hôm e păng i nắk bớk duk i nây, hôm dơi juet tâng nuh n'hâm păng ũch, yor ma ndơ juet i dứt jể nguai nây.

⁵Lõng mpiăt tâm ban kớt nây đống, păng jêng ndơ i jể ta sắk jăn, yơn ma păng dơi jan kar kuống ngăn. Bol lah du mlöm ũnh jể, yơn ma dơi sa bri dứt kuống ngăn.

⁶Mpiăt jêng ũnh du ntil đống, păng jêng ndơ dứt djơh ta sắk jăn bân i jan ăn sắk jăn bân lể rngôch jêng bớ bớch, ndrel ma su djeh ta nau rêh bân, yorlah ta mpiăt i nây geh ũnh nau djơh tă bớh ndrung ũnh.

⁷Dăng lể mpômpa (siũm) bunuyh dơi đấp dadê, ndập ma mpômpa (siũm) ta bri, mpômpa (siũm) nar, mpômpa (siũm) hung vớ, mpômpa (siũm) ta dak,

⁸yơn ma mpiăt mâu geh ôh du huê bunuyh dơi đấp păng, yorlah jêng ndơ i dứt djơh, dah ma lôh lă lôh lêng i njũn ma nau khăt tâm ban ma khêh i tăt khăt.

⁹Mpiăt bân mpro' rnê Kôranh Brah Bớ bân, jêh ri mpiăt đống, bân geh nau tâm rak tâm rtăp bunuyh i Kôranh Brah lể njêng jêh i tâm ban ma Păng nờm nờh.

¹⁰Lah ndri tă bớh mbung du huê bunuyh dờm geh ndập ma nau rnê Kôranh Brah, geh ndập ma nau rak rtăp. Ở oh nô ta nau nsing, jan kớt nây mâu di ôh!

¹¹Ah mập đống bớh, geh tu dak nguai dờm, geh dak kah, geh dak tăng đống?

¹²Ở oh nô ta nau nsing, ah tởm rvi blao đống bớh, jêng play Ôlive? Mâu lah tởm play yũng yar bon blao đống bớh, jêng play rvi? Tu dak tăng, mâu đống blao lôh jêng dak kah.

Nau mân gít blao i tă bớh Kôranh Brah

¹³Ta phung khân ay may, bu moh i geh nau mân gít blao, ndập ma nau gít vật ta nau Kôranh Brah, ăn păng jan ndơ ueh ta nau gũ rêh dô, ndập ma jan

nau ueh ăn ma bu êng ma nau mleh rmên i tă bớh nau mân gít blao, ri mớ bu kớp pắng geh nau mân gít blao ngắn.

¹⁴Yớn ma lah geh nuih n'hâm mâu nach dứt hô ngắn, ndrel ma gít ma sắk pắng nớm dớm, lah ndri lớ i dắng n'hi êng sắk geh nau mân gít blao, yorlah jan kớt nắy jềng nau mbrớh tâm rdắng nkhớng đầh nau ngắn.

¹⁵Nau mân gít blao kớt nắy, mâu ôh di tă bớh Kớranh Brah, jềng tă bớh nau mân djớh phung bunuyh i mâu nsing, tă bớh nau ứch djớh ta nuih n'hâm, ndrel ma tă bớh brah djớh dớm,

¹⁶yorlah ah ntúk geh nau tâm mâu nach, ndrel ma nau gít ma sắk pắng nớm dớm, ta ntúk nắy geh nau uh ah, ndrel ma geh nau djớh ắp ntil ngắn.

¹⁷Yớn ma bunuyh i geh nau mân gít blao i tă bớh Kớranh Brah, lor bu jềng nau gử ngao pắng ueh nắng, pắng gử nau đắp mpắn đầh bu êng, pắng geh nuih n'hâm mleh rmên, nuih n'hâm blao iắt nau bu, geh nau yỏ ndach hô ngắn, ndrel ma jan ndớ ueh ma bu, pắng mâu ôh kớih bunuyh, jềh ri mâu geh đớng nuih n'hâm ndốp mpôn.

¹⁸Bu moh i kớl bu êng gử ta nau đắp mpắn ndrắng bắl, pắng i nắy tâm ban ma bunuyh tuch nau đắp mpắn, jềh ri rek ma nau sớng, gử rềh tâm di ma nau Kớranh Brah ứch.

Yako 4

Nau rớng ndớ ta neh ntu

¹Bớh tă lớh nau tâm rdắng, nau tâm lớk tâm djrel ta phung khắn ay may? Ởm mâu di lah tă bớh nau kớnh djớh ta nuih n'hâm, i tâm lớh ta sắk khắn ay may?

²Khắn ay may geh nuih n'hâm kớnh hô ir ma ndớ i khắn ay may mâu geh, ndri khắn ay may nkhắt bu gay ma geh ndớ i nắy. Khắn ay may geh nuih n'hâm mâu nach ma ndớ bu, yớn ma mâu ôh dớ i geh ndớ i nắy, ndri khắn ay may joi nau tâm lớk tâm rdắng bắl. Khắn ay may mâu geh ndớ nớh, yorlah khắn ay may mâu đắn Kớranh Brah.

³Khân ay may dẫn đống, tih ma mâu ôh geh, yorlah nau öch ntröng ta nuih n'hâm mâu ôh ueh, ndrel ma khân ay may kớnh geh gay ma rãm maak khân ay may nớm dờm.

⁴Khân ay may bunuyh mâu gủ nập ta Kờranh Brah tâm ban ma bu ur lồm sai . Lah khân ay may öch phung bunuyh i mâu nsing ma Kờranh Brah kớp khân ay may tâm di đah nuih n'hâm khân pãng nớm, lah ndri khân ay may jêng bunuyh tâm rlăng đah Kờranh Brah, ớm khân ay may mâu gít nau i này bah? Bu moh i öch phung bunuyh i mâu nsing ma Kờranh Brah kớp pãng tâm di nuih n'hâm, pãng i này jêng bunuyh tâm rlăng đah Kờranh Brah.

⁵Ta Nau Kờranh Brah Ngời geh nchih lah: 'Kờranh Brah grang bân hô ngăn, mâu ăn bân rống ma brah a êng' . Gít khân ay may mân nau i này geh nchih dờm dam hớ?

⁶Yờn ma ta nau ueh Kờranh Brah nớm Pãng öch kớl bân hô ngăn, kớp ndri geh nchih ta Nau Kờranh Brah Ngời kớp nđa: 'Kờranh Brah tâm rdâng ma bunuyh i n'hi êng sắk, Yờn ma Pãng kớl ma bunuyh i njữr êng sắk öch iăt Pãng' .

⁷Lah ndri ăn khân ay may iăt jan tâng nau Kờranh Brah. Ăn gủ nập rkâk dô, lời ôh iăt lời ôh jan tâng nau Satăng, ndri dâng pãng mra du nchuăt bớh khân ay may ro.

⁸Ăn khân ay may gủ dách a Kờranh Brah dô, ndri Pãng mra gủ dách a khân ay may đống. Ở phung bunuyh tih, rgâl hỏm nuih n'hâm djớh khân ay may nớm, tâm ban ma rao ti ăn kloh, ớ phung bunuyh geh nuih n'hâm bar, jan hỏm nuih n'hâm khân ay may nớm ăn kloh, tâng du huê Kờranh Brah dờm hỏ!

⁹Ăn khân ay may geh nuih n'hâm rngot, nhhiăng nhũm hỏm yor ma ndớ djớh i khân ay may lể vay jan, ăn nau gớm khân ay may plách rgâl jêng nau rdớh rdêng hỏm, ăn nau rãm maak khân ay may plách rgâl jêng nau rngot klống chrao.

¹⁰Ăn khân ay may njür êng sǎk ta nǎp mắt Kôranh Brah, ếch iǎt Pǎng, ndrì Pǎng mra n'hao khân ay may ro.

Lơi ôh tâm kek tâm jưch ndrǎng nơm

¹¹Ở oh nô ta nau nsing, khân ay may lơi ôh tâm kek ndrǎng nơm. Bu moh i tâm kek, mâu lah tâm jưch ndrǎng khân pǎng nơm, khân pǎng i nây tâm ban ma ngơi kek ngơi jưch nau vay Kôranh Brah đống. Bu moh i jưch nau vay Kôranh Brah, pǎng i nây mâu hôm ôh jan tâng nau vay i nây, jêng kôranh ma nau vay i nây chrao.

¹²Geh Kôranh Brah nơm đơm i ǎn nau vay i nây, ndrì ma i Kôranh phat dôi. Pǎng nơm đơm geh nau đơi ma kơl rklaih, ndrì ma lơh hêng lơi. Lah ndrì dah nâm kuống khân ay may, dâng bǎnh jưch ma bunuyh êng kơt nây!

Lơi ôh ngơi n'hi êng sǎk ma ndr ấp nǎp

¹³Abơ dja bunuyh i lah: “Nar dja, mâu lah ôi tay, gáp hǎn ta bon ri, jêh ri gũ ta bon i nây du nǎm gay ma tǎch rgâl ǎn geh ốk kon prǎk!”

¹⁴Yơn ma gáp dẫn mboh ma khân ay may, mâu gĩt ôh nau rêh khân ay may moh bǎ geh ta nar ôi tay, nau rêh khân ay may jêng tâm ban ma thũl tũk lêm i say ta du blát đơm, jêh ri mâu hôm say ôh.

¹⁵Ueh rlau ǎn khân ay may ngơi kơt nđa: “Lah Kôranh Brah ếch, gáp hôm gũ rêh, gáp jan ndr dja, mâu lah jan ndr i to.”

¹⁶Tih ma khân ay may ngơi n'hi sǎk chrao, nau i khân ay may ngơi n'hi sǎk kơt nây jêng djơh.

¹⁷Lah bu moh i lể gĩt jêh du ntil ndr i di i ueh ma jan ǎn ma bu êng, tih ma mâu ôh jan, lah ndrì bunuyh i nây lể jan tih jêh.

Yako 5

Nau nduih phung ndrǒng djơh

¹Lǒng ma phung i bunuyh ndrǒng, ǎn khân ay may nhhiǎng nhũm nter vớl đô, yorlah nau rêh rnhǎl mra geh ta phung khân ay may ro,

²drǎp ndr khân ay may ôm lể phiao, bok ao khân ay may lể tǎpdâr sa đống.

³Prăk mayh khân ay may lě äch găm sa, tăt ma say äch găm sa, ri mớ bu gít lah mâu ôh geh sỏ prăk mayh ma kớl bu, gít ma sắk khân ay may nờm đờm, lah ndri Kờranh Brah mra tể dờih khân ay may tâm ban ma ửnh de sa đờng. Rnỏk dja jẻng rnỏk n'glẻ dủt, yờn ma khân ay may hỏm rgum đrấp ndrỏ ma prấp,

⁴khân ay may mâu ôh bớk prăk nkhỏm ỏn ma mpỏl i rek ba ta sre khân ay may, jẻh ri bu mra ntỏn khân ay may yờn ma khân ay may mâu bớk prăk i nậy. Lỏng nau nter mpỏl i nậy tẻng tăt a Kờranh Brah i dủt geh nau đời ma đẻng lẻ ntil ndrỏ.

⁵Khân ay may gủ rẻh ta neh ntu dja pớh ma sa kah vah ngi, rỏng ma rnglay sắk ửch dủt ueh rằm maak ngỏn, tâm ban ma ndrỏk sa lậy, yờn ma bu mra mbang pẻng ma sa, kớt nậy đờng, khân ay may jan tih ỏk pớh ma rằm maak khân ay may nờm đờm, yờn ma Kờranh Brah mra tể dờih jru ma khân ay may.

⁶Rlau bớh nậy jắt, khân ay may lẻ tể dờih, ndrel ma lẻ nkhắt lời đờng bunuyh sỏng ỏbả, bol lah khân pẻng mâu ôh tâm rdẻng đah khân ay may.

Nau ỏt nuih ta nau jẻr jỏt

⁷Ở oh nô ta nau nsing, ỏn khân ay may ỏt nuih n'ho ma tăt nar Kờranh Yẻsu plỏ vắch. Lỏng uỏnh mpỏl i jan mir jan sre, ntỏm bớh tuch khân pẻng geh nuih n'hỏm ỏt nuih gủ kỏp dak mih n'ho ma tăt ba dủm geh play i ueh i tả bớh neh nậy .

⁸Ăn khân ay may gủ kỏp ma nuih n'hỏm ỏt nuih tâm ban kớt nậy đờng, ỏn khân ay may geh nuih n'hỏm nập, yorlah nar Kờranh Yẻsu plỏ vắch bới tăt jẻh.

⁹Ở oh nô ta nau nsing, lời ôh ỏk bảr njỏr sẻk ndrẻng nờm, gay ma lời ta Kờranh Brah tể dờih, yorlah nờm i phat dờih, Pẻng lẻ đảk ta bỏk mpỏng jẻh.

¹⁰Lỏng uỏnh mpỏl bunuyh ntỏyh nau ngỏi Kờranh Brah kỏl e nớh, khân pẻng mbớh nkoch ta rnha Kờranh Brah ndập ma nuih n'hỏm ỏt nuih, bol lah bu jan jẻr jỏt ma khân pẻng kỏđoi, ỏn khân ay may jan tẻng khân pẻng đỏ.

¹¹Lõng bu moh i vay gũ nâp ta nau jêr jõt, bân kơp bunuyh i nây Kôranh Brah ăn nau geh jêng. Kơt lah khân ay may lẻ vay tăng jêh ma du huê Yôp kăl e nơh, păng vay gũ nâp ta nau jêr jõt, jêh ri khân ay may lẻ gĩt đổng tăt bơh kơi nây Kôranh Brah ăn nau geh jêng ma păng lơ ma hô, yorlah Kôranh Brah geh nuih n'hâm ueh, geh nuih n'hâm yố nđach dũt hô ngăn.

¹²Ở oh nô ta nau nsing, i khlay rlau lơi ôh ton ma trôk, ma neh, mâu lah ma ndr êng êng jăt. Lah khân ay may lah 'Ở', ăn gĩt lah 'Ở', lah khân ay may lah 'Mâu', ăn gĩt lah 'Mâu', gay ma lơi ăn geh dôi.

Nau mboh som

¹³Ta phung khân ay may, lah geh du huê bunuyh geh nau jêr jõt, ăn păng mboh som. Lah bu moh i geh nau răm maak, ăn păng mpro rne Kôranh Brah.

¹⁴Lah geh bunuyh ji, ăn păng kuăl mpôl kôranh phung nsing, gay ma kơl mboh som ma bunuyh ji i nây, ndrel ma hâng dak ngi ta săk bunuyh ji nây, dăn ta rnha Kôranh Yêsu.

¹⁵Lah khân păng mboh som ndâp ma nau nsing, bunuyh i nây mra bah ji ro, Kôranh Yêsu mra jan bah păng i nây ro. Lah păng geh jan tih, Kôranh Brah mra yố nau tih păng.

¹⁶Lah ndri ăn khân ay may tâm nkoch nau tih ăn ma ndrăng nơm, n'ho ma tâm kơl mboh som ndrăng nơm, gay ma bah nau ji. Nau mboh som bunuyh sổng geh nau dơi geh nau tam ngăn.

¹⁷Geh du huê bunuyh ntơyh nau ngơi Kôranh Brah kăl e nơh, rnha Êliya, păng bunuyh kơt bân đổng, păng mboh som ma lẻ nuih n'hâm dăn mâu ăn geh dak mih ta bri Israel, jêh ri trôk prăng jố pe năm n'gul.

¹⁸Jêh pe năm n'gul nây păng mboh som tay du tở jăt ăn geh dak mih, trôk geh mih ro, jêh ri neh ntu hon ndr geh play.

¹⁹Ở oh nô ta nau nsing, lah geh du huê bunuyh ta phung khân ay may hiot gũ ngai bơh nau nti i ngăn, jêh ri lah geh du huê bunuyh jăt leo păng plở săt ma Kôranh Brah,

²⁰ăn khân ay may gít, lah bu moh i leo bunuyh tih plở sât ma Kôranh Brah, ntlơi bớh trong tih păng nây, bunuyh i nắk leo nây jêng rklaih păng bớh nau khât, jêh ri Kôranh Brah yỗ dâng lể nau tih ta păng i nây.

Pêtrôh Rôh 1

Pêtrôh Rôh 1 1

Nau ôp ueh lăng

¹Sambüt gáp Pêtrôh i kôranh oh mon Brah Yêsu Krist. Dăn ôp nau ueh lăng khân ay may i lě Kôranh Brah de kơih jêh, i gũ chah chrai jêng tâm ban ma phung bu năch tă bớh bri êng i gũ ta bri Püntus, bri Galati, bri Kapadôkia, bri Asi ndrel ma ta bri Bithunia.

²Kôranh Brah bở lě ơm jêh kơih khân ay may, jêh ri Brah Huêng Ueh jan ăn khân ay may jêng bon lan Kôranh Brah, gay ma khân ay may iăt nau Brah Yêsu Krist, ndrel ma geh yố nau tih tă bớh nau djrah mham Brah Yêsu Krist nơm ta phung khân ay may. Dăn nau ueh, ndrel ma nau đăp mpăn Kôranh Brah nơm gũ ta khân ay may lơ ma hô lơ ma ők.

Nau nơm phung nsing

³Ăn rnê Kôranh Brah i bở Brah Yêsu Krist i Kôranh bân. Tă bớh nau yố dăt kuông Păng nơm, Kôranh Brah lě jan jêh nuh n'hâm bân ăn mhe tâm ban ma ăn bân deh du tở jăt, yor ma Păng lě jan Brah Yêsu Krist ăn dăk rêh bớh phung khăt, ndri bân geh nau nơm nập rkăk ngăn Păng mra ăn bân dăk rêh đống.

⁴Jêh ri bân mra sỏ dơn ndơ i bân mra geh ma bân nơm i mâu blao ôm, i mâu blao bở bớch, i mâu blao huănh. Kôranh Brah lě ndrăp lě prăp jêh ndơ i bân mra geh ma bân nơm i nây ta kalơ trôk i ntük Păng nơm.

⁵Păng măt njrăng khân ay may ma nau dơi Păng nơm, yor ma nau khân ay may nsing ma Brah Krist n'ho ma tăt khân ay may sỏ dơn nau rklaih bớh nau Kôranh Brah tể dôi ta jăt năp tay. Nau rklaih i nây Păng lě jêh ndrăp, gay ma nhơ ta nar n'glě dăt.

⁶Kơt ndri dăng khân ay may răm maak hô ngăn, bol lah rnôk dja khân ay may mập nau jêr jốt êng êng i geh ta nau rêh dja du blăt dơm kađôi.

⁷Nau jêr jốt i nây ứch rlong nau nsing khân ay may gay ma say nau nsing i nây jêng ueh ngăn ngên, jêh ri nau nsing khân ay may geh nau khlay rlau ma

mayh i mra roh, bol lah bu gŭch ma ũnh. Ta nar Brah Yêsu Krist nhhơ sắk ăn dăng lể bunuyh say, khân ay may mra geh nau rnê, geh nau chrêk lợp, ndrel ma geh nau yơk yor ma nau nsing i nây.

⁸Khân ay may mâu ôh vay say Păng, yơn ma khân ay may hơm rống Păng. Bol lah abaō dja khân ay may mâu ôh say Păng kađôi, khân ay may hơm e nsing ma Păng đống, jêh ri geh nau răm maak dŭt hô ngăn, mâu hơm ôh blao ntât,

⁹yor ma khân ay may sỗ đơn nau rklaih i jêng nau nkhôm tă bớh nau khân ay may nsing.

¹⁰Lống mpôl bunuyh ntơyh nau ngơi Kôranh Brah kăl e nơh, lể nkoch lor ma nau ueh i khân ay may sỗ đơn abaō dja. Khân păng mêt uảnh nsrôyh joi ma nau rklaih i nây,

¹¹gay ma gŭt moh nar, mớm dăng mra geh nau rklaih i nây, yorlah Brah Huêng Ueh Brah Krist i gŭ ta khân păng ăn khân păng gŭt lor ma nau jêr jốt Brah Krist, ndrel ma nau chrêk lợp ta Păng bớh kơi nau jêr jốt i nây.

¹²Yơn ma Kôranh Brah lể mớh ma khân păng, nau i khân păng mớh nkoch nây nơh, mâu ôh geh nau khlay ăn ma khân păng nơm, jêng geh nau khlay ăn ma bân. Abaō dja mpôl i mớh nkoch nau mhe mhan ueh, lể mớh nkoch jêh dăng lể nau i nây ăn ma khân ay may ta nau đơi Brah Huêng Ueh i kloh ueh i Kôranh Brah nơm đă hăn tă bớh kalơ trôk. Bol lah phung tông pãr kỗ ũch gŭt vât nau i nây hô ngăn đống.

Nti ăn phung nsing gŭ rêh tâm di đah nau Kôranh Brah ũch

¹³Lah ndri ăn khân ay may ndrăp nuh n'hâm nau mân ma jan kar, ndrel ma ăn blao măt njrăng sắk ăn gŭ di keh, ăn geh nau rơm nập ma nau rklaih i Brah Yêsu Krist mra ăn khân ay may ta nar Păng nhhơ sắk ăn ma dăng lể bunuyh say. Nau rklaih i nây tă bớh nau ueh Kôranh Brah.

¹⁴Ăn khân ay may iăt nau Kôranh Brah tâm ban ma kon iăt nau mẽ bở, lợi ôh jan tâng nau kớnh đjơh i geh ta nuh n'hâm kớ khân ay may vay jan nôk ê hỏ gŭt năl nau Kôranh Brah nơh.

¹⁵Dâng lẽ nau jan ăn khân ay may gũ kloh ueh dadê, tâm ban ma Kôranh Brah i lẽ kuäl khân ay may nơh Păng kloh ueh đống,

¹⁶Yorlah ta Nau Kôranh Brah Ngơi lẽ geh nchih jêh Kôranh Brah lah kơt nđa: ‘Ăn khân ay may jêng kloh ueh, yorlah Gáp lẽ kloh ueh’.

¹⁷Yorlah khân ay may kuäl joi Kôranh Brah kơp Păng jêng Bở, ăn klach yơk ma Păng dô, nôk khân ay may hôm gũ ta neh ntu dja tâm ban ma bu năch bri êng i veh bêch dơm, ăn klach yơk ma Păng dô, yorlah Păng phat dôih bunuyh tâng nau khân păng nơm jan du huê du huê săk, Păng mâu ôh kơih bunuyh.

¹⁸Khân ay may gĩt jêh, Păng lẽ chuai jêh khân ay may bơh nau gũ rêh ơm i mâu geh khlay, i đơn tă bơh u che khân ay may. Mâu ôh di Păng lẽ chuai jêh khân ay may ma nơ i blao roh tâm ban ma prăk mayh,

¹⁹yơn ma Păng lẽ chuai khân ay may ma mham khlay Brah Krist nơm i mâu ôh geh nau tih, Păng tâm ban ma kon be biăp i dũt ueh i mâu ôh geh nau sôt grayh .

²⁰Kôranh Brah lẽ kơih Păng bơh ê hỏ geh neh ntu nơh ngăn, jêh ri nhơ ăn bunuyh rnôk n'glẽ dũt dja say, gay ma geh khlay ma khân ay may.

²¹Yor ma Păng, khân ay may lẽ nsing jêh ma Kôranh Brah i ăn Păng dăk rêh bơh phung khăt, jêh ri ăn Păng geh nau chrêk lợp, gay ma khân ay may geh nau nsing, ndrel ma geh nau nơm ma Kôranh Brah.

²²Khân ay may tâm ban ma lẽ tho ăn kloh jêh khân ay may nơm, yor ma iăt nau ngăn, ndri khân ay may lẽ blao tâm rống ndrăng nơm hô ngăn. Lah ndri ăn khân ay may tâm rống ndrăng nơm dũt hô ma lẽ nuih n'hâm ngăn.

²³Khân ay may lẽ geh nuih n'hâm mhe tâm ban ma deh du tở jăt, mâu ôh di bơh rnoi i blao ôm, jêng bơh rnoi i mâu blao ôm, tă bơh nau ngơi Kôranh Brah i rêh i hôm babơ n'ho ro.

²⁴Kơt lẽ geh nchih jêh ta Nau Kôranh Brah Ngơi: ‘Dâng lẽ bunuyh jêng tâm ban ma rệp, Nau ueh khân păng tâm ban ma nau ueh kao si bri. Rệp i này huănh, Kao i này rũng đống,

²⁵Yơn ma nau ngời Kôranh Brah hôm ðabơ n'ho ro' . Nau ngời Kôranh Brah i nây jêng nau mhe mhan ueh i lě bu mbơh nkoch ăn ma khân ay may nây nơh.

Pêtrôh Rôh 1 2

Phung bon lan Kôranh Brah

¹Lah ndri ăn khân ay may mbărlơi hôm dăng lě ndơ djơh, mbărlơi nau mbrôh ndơm ăp ntil, nuih n'hâm ndöp mpôn, nuih n'hâm mâu nach, ndrel ma mbărlơi nau ngời kek bu ăp ntil!

²Ăn khân ay may ndơr joi nau nti bơh Kôranh Brah, tâm ban ma oh bê ùch ngăn ma dak toh me, gay ma khân ay may têh kuống, ndrel ma tât khân ay may geh nau rklaih ngăn,

³yorlah abao dja khân ay may lě say jêh nau ueh Kôranh Yêsu.

⁴Ăn khân ay may hăn a Kôranh Yêsu i geh nau rêh n'ho ro, Păng tâm ban ma lữ blon dũt khlay ta nhih jan brah ma Kôranh Brah, jêng lữ blon i bunuyh de blao jan jay lě mbărlơi, yơn ma lě Kôranh Brah de kơih Păng, jêh ri kơp Păng jêng geh nau khlay ngăn.

⁵Kơt ndri đổng khân ay may nây geh nau rêh n'ho ro, khân ay may jêng tâm ban ma lữ blon đổng, lah ndri ăn Kôranh Brah sữ khân ay may tâm rnglăp bảl jêng tâm ban ma jan du mlôm jay ma Păng nơm, ăn Păng jan khân ay may jêng mpôl bunuyh jan brah i kloh ueh, i nhhơr ndơ jan brah i ăn Păng rằm, yor ma ndơ Brah Yêsu Krist lě jan nơh. Jêh ri Brah Huêng Ueh kơl khân ay may ta nau i nây.

⁶Lě geh nchih ta Nau Kôranh Brah Ngời kơt nđa: 'Kôranh Brah lah: 'Lống uảnh hôm, Gập tể du mlôm lữ blon ma jan jay ta bon Yêrusalem, Lữ blon i nây dũt khlay dũt ueh ngăn. Bu moh i nsing ma lữ i nây, mâu geh ôh bu ăn păng geh nau đit prêng' .

⁷Ma khân ay may i nsing, lữ blon i nây dũt geh nau khlay, yơn ma bunuyh i mâu ôh nsing geh nchih ma khân păng kơt nđa: 'Du mlôm lữ blon i nây,

bunuyh blao jan jay lǔ blon lǎ mbǎr lơi, Yơn ma lǔ blon i này jêng lǔ blon khlay rlau bu chrao ma jan jay dǔt nập’

⁸Jêh ri ‘Jêng lǔ blon i jan ăn bu geh nau chêh prah, Jêng lǔ blon i ăn bu chôt du ngai bớh nau nsing ma Kôranh Brah’. Khân păng i này dâng geh ma tâm ban ma chêh prah, yor ma mâu ôh iǎt nau ngơi Kôranh Brah, nau i này lǎ ơm Kôranh Brah ndrăp ma khân păng.

⁹Yơn ma khân ay may này, khân ay may lǎ jêng du phung i Kôranh Brah de lǎ kơih jêh, jêng mpôl bunuyh jan brah ma Kôranh Brah i kađăch, jêng mpôl i kloh ueh, jêng bon lan i Kôranh Brah lǎ sǎ prăp ma Păng nơm, gay ma mbớh nkoch nau dǔt ueh i Kôranh Brah lǎ jan, Păng i lǎ kuǎl khân ay may lôh bớh ntũk ngo, hǎn gũ a ntũk ang ntũk Păng nơm i ueh dǔt nau ngǎn này.

¹⁰Bớh nơm nớh khân ay may mâu ôh jêng du phung bunuyh, Yơn ma abao’ dja khân ay may lǎ jêng du phung, jêng phung bon lan Kôranh Brah nơm. Bớh nơm nớh khân ay may mâu ôh Kôranh Brah yǎ ndach, Yơn ma abao’ dja khân ay may lǎ Kôranh Brah yǎ ndach.

Nau gũ ngao phung nsing ma Brah Yêsu

¹¹Ở oh nô ta nau nsing i gáp rǒng, khân ay may i tâm ban ma bunuyh phung bu nǎch bri êng ta neh ntu dja, i tâm ban ma bunuyh i gũ njớh ta neh ntu dja du blát đơm, gáp dǎn khân ay may hô ngǎn, ăn khân ay may der hǒm bớh nau kớnh djớh, yorlah nau kớnh i này tâm ban ma tâm rdâng đah khân ay may, ứch nking khân ay may mâu ăn iǎt nau Kôranh Brah ứch.

¹²Ăn khân ay may gũ ngao sǒng ta nklang phung i mâu ôh nsing ma Brah Yêsu Krist, gay ma moh ndrơ i bu ngơi nchơt khân ay may jan djớh, khân păng hơm say ndrơ ueh khân ay may jan, jêh ri rnê Kôranh Brah ma ndrơ ueh i này ta nar Păng phat dôi h dâng lǎ bunuyh.

¹³Ăn khân ay may yớk ma dâng lǎ bunuyh i geh nau đơi êng êng ta bri dak ta neh ntu, yorlah khân ay may nsing ma Kôranh Yêsu. Ăn yớk ma kađăch jêng bunuyh i geh nau đơi rlau bu,

¹⁴ăn yơk ma kôranh kuông i kađäch de ăn jan kar gay ma tể dôih bunuyh i jan djơh, jêh ri rnê ma bunuyh i jan ueh.

¹⁵Kôranh Brah ếch khân ay may jan ndrơ ueh. Lah khân ay may jan kơt nây, ndrì dâng bunuyh i rluk mâl i mâu ôh gĩt năl Păng, mâu hơm ôh blaơng nơng nau djơh ta khân ay may.

¹⁶Dâng lể bân mâu hơm ôh gũ ta nâm dah ma nau bu đă, yơn ma lơi ôh dah ma bân nơm ếch jan bêng ma nsôh nau jan djơh chrao, yorlah khân ay may hơm jêng bunuyh sơm kơl jan kar ma Kôranh Brah.

¹⁷Ăn khân ay may yơk ma dâng lể bunuyh, ăn rông ma bunuyh i lể nsing, jêh ri klach yơk ma Kôranh Brah, ndrêl ma yơk ma kađäch.

Nau jêr jốt ta Brah Yêsu Krist

¹⁸Ở phung dâk bu, ăn khân ay may iăt, ndrêp ma yơk hơm kôranh khân ay may nơm, mâu ôh đơn yơk ma kôranh i ueh i mleh đơm, kôranh i mâu ueh i janh, ăn khân ay may klach yơk ma păng đơng.

¹⁹Kôranh Brah rằm maak ma bân, lah bân jan tâng nau Păng nơm ếch, bol lah bu jan jêr jốt mâu geh kỗ mâu geh nau kađôi đơng, ndrêp ma gũ iăt săk rklăk hỏ, yor ma kah gĩt ma Kôranh Brah.

²⁰Lah bân đơn nau bu rpăt mbang yor ma bân jan tih, lah ndrì Kôranh Brah mâu ôh rnê bân, yơn ma lah bân jan ueh, jêh ri bu hơm jan jêr jốt, ndrì Kôranh Brah rnê bân.

²¹Kôranh Brah kuăl bân gay ma đơn nau jêr jốt kơt nây, yorlah Brah Krist lể đơn jêh nau jêr jốt ntrở bân, gay ma leo nau ueh, ăn bân tâng kơt Păng đơng.

²²Lể geh nchih lah ma Păng: ‘Păng mâu ôh prot jan tih, Mbung Păng kỗ mâu đơng prot geh nau nơng mbrôh’.

²³Bol lah bu rak suai Păng, Păng kỗ mâu plơng bu đơng, bu jan nau jêr jốt Păng, kỗ Păng mâu ôh thăm rmat bu, păng jao ma Kôranh Brah nơm phat dôih ta nar n'glể đũt nau i bu jan djơh Păng nây, jêh ri Kôranh Brah nơm năk phat dôih ma nau sỡng.

²⁴Brah Krist lě dōr jêh nau tih bân ta sǎk jǎn Pǎng krêp ta si tâm rkǎng, gay ma bân mâu hôm ôh geh nau tih, jêh ri gũ ngao sǒng. Nau ji bân lě bah jêh, bân lě gũ tâm di ma Kôranh Brah, tă bōh sôt rmanh Pǎng.

²⁵A lor nơh bân tâm ban ma be biăp i lě hiơt, yơn ma abao dja bân lě plở jêh ta Brah Krist i nơm chiăp bân, i nǎk măt njrǎng bân.

Pêtrôs Rơh 1 3

Nau tâm rnglăp ndrǎng ur sai

¹Ở rôh me i lě geh sai, ǎn iăt sai khân ay nơm, gay ma nau gũ ngao khân ay leo sai i hôm tâm rdâng ma nau mhe mhan ueh sât nsing, yorlah khân pǎng say ur gũ ngao ueh kớt nây, mâu ôh khăch mboh nkoch ma nau mhe mhan ueh,

²yor ma lě khân pǎng say khân ay gũ ngao dũt ueh, ndrel ma blao klach yơk Kôranh Brah.

³Lơi ôh mân ma nkrở sǎk, kớt lah pǎch sǒk, vǎn ndok kông nhong mayh, mâu lah nsoh bok ao i ueh ueh,

⁴yơn ma ǎn blao nkrở ta trôm nuh n'hâm khân ay, jêng ndr nkrở i mâu blao ôm, jêng nuh n'hâm mleh rmên, rah rơch, ndr i nây i geh nau khlay dũt hô ta nǎp măt Kôranh Brah.

⁵Kǎl e nơh, mpôl bu ur i kloh ueh i klach yơk ma Kôranh Brah, ndâp ma nơm ma Kôranh Brah ma lě nuh n'hâm, khân pǎng nkrở khân pǎng nơm ta trôm nuh n'hâm kớt i nây đōng, ndâp ma iăt sai khân pǎng nơm.

⁶Kớt ndr đōng u Sara iăt nau che Abrahăm i sai pǎng nơm, n'ho ma kuăl pǎng 'Kôranh' đōng. Lah khân ay jan ndr ueh, ndâp ma mâu ôh geh nau klach ma bu lah yor ma nau nsing, lah ndr khân ay tâm ban ma kon pǎng đōng.

⁷Ở oh nô i lě geh ur, ǎn tâm ban kớt i nây đōng, gũ đah ur iăt ma blao yơk khân pǎng jêng bunuyh i geh suan đễ ta nâm, khân pǎng jêng nơm Kôranh Brah ǎn nau rêh n'ho ro ndrel khân may đōng, jan kớt nây gay ma Kôranh Brah hôm iăt nau khân may mboh sơm.

Nau tâm rnglăp ndrăng phung nsing

⁸N'glě dŭt dja, ăn dăng lě khân ay may geh nuih n'hâm du ntôr nau hŏ, ăn blao tâm kŏl nau jêr jŏt ndrăng nŏm, ăn tâm rŏng ndrăng nŏm tâm ban ma jêng oh nô du ndŭl deh hŏ, ăn geh nuih n'hâm yŏ ndrăch, ndrêl ma njŭr êng săk.

⁹Lŏi ôh jan ndrŏ djŏh plŏng ma ndrŏ djŏh bu jan, lŏi ôh rak suai plŏng ma nau bu rak suai khân ay may, ăn khân ay may plŏng ăn ma nau geh jêng ma bu hŏ, yorlah Kôranh Brah lě ũch khân ay may jan kŏt i nây, gay ma khân ay may sŏ dŏn đŏng nau geh jêng Kôranh Brah.

¹⁰Yorlah lě geh nchih 'Bu moh i ũch gŭ rêh răm maak, Nđâp ma geh nau rêh ueh, iăt ma păng i nây dŏi măt bŏr mbung păng nŏm, lŏi ôh lôh ngŏi nau djŏh, Lŏi ôh lôh ngŏi nau mbrôh rlăm.

¹¹Iăt ma păng du lôh bŏh nau djŏh, jan ndrŏ ueh hŏ, iăt ma nsrôyh joi tâng boi nau đăp mpăn ma bu hŏ.

¹²Yorlah Kôranh Brah uănh treng jăt bunuyh i sŏng, Jêh ri iăt nau khân păng mbŏh sŏm, Tih ma Păng tâm rdăng ma bu moh i jan djŏh' .

¹³Lah khân ay may ndrŏr jan ndrŏ ueh, măt geh ôh bunuyh ũch jan djŏh ma khân ay may,

¹⁴yŏn ma lah khân ay may dŏn nau bu jan jêr jŏt, yor ma ndrŏ ueh khân ay may jan, lah ndrŏi Kôranh Brah mra ăn nau geh jêng ma khân ay may. 'Lŏi ôh klach ma ndrŏ bu êng klach, lŏi đŏng rŭng răng' .

¹⁵Ăn geh Brah Krist jêng kôranh ta nuih n'hâm nau măt khân ay may nŏm. Jêh ri gŭ ndrăp lor năng ro, gay ma blao tâm ôh đăh bu moh i ôp a mŏm nau nŏm khân ay may yor ma khân ay may nsing ma Brah Krist.

¹⁶Yŏn ma tăt bu ôp khân ay may, ăn khân ay may ôh ma bu ma nau rdŏ rbăn, ma nau yŏk, ndrêl ma geh nuih n'hâm sŏng ueh, gay ma ăn bu moh i ngŏi nchŏt khân ay may geh nau đit prêng chrao, yorlah say ueh nau gŭ ngao khân ay may i bon lan Brah Krist.

¹⁷Lah Kôranh Brah ăn, ueh rlau lah geh nau jêr jôt tă bôh jan ndr ueh, đah ma geh nau jêr jôt tă bôh jan ndr djôh.

¹⁸Brah Krist lẽ đơn jêh nau jêr jôt n'ho ma tât khât, yor ma nau tih bân đơng, Păng mâu ôh khăch khât tay du tở jât gay ma n'groh lơi nau tih bân. Bol lah Păng jêng nơm i sớng, Păng hôm đơn ntrở nau jêr jôt ăn ma phung bân i bunuyh djôh, gay ma leo phung bân gũ ndrel a Kôranh Brah nơm. Nôk Păng jêng bunuyh, bu nkhât Păng, yờn ma Brah Huêng Ueh lẽ ăn Păng đak rêh jêh.

¹⁹Jêh ri Păng hăn mbôh nkoch nau Kôranh Brah ăn ma huêng phung i gũ ta trôm ndrung .

²⁰Huêng phung i này kăl e nớh tâm rdâng mâu iăt Kôranh Brah ta rnôk Nôê jan duk kuống nớh, yờn ma Kôranh Brah hôm ăt nuh, nkhêp lah khân păng hôm rgâl nuh n'hâm djôh dôi hôm jan duk này. Jêh ri geh bunuyh gũ ta trôm duk này đễ đơm, geh pham nuyh đơm i klaih bôh dak lêng dak đơng lam neh ntu dja.

²¹Dak lêng dak đơng i này jêng ndr ntăt nau jan bắptem yũk ma dak, nau bắptem i này rklaih khân ay may abao đja, nau bắptem yũk ma dak i này mâu ôh di tho ăn kloh sắk jăn, yờn ma jêng nau đăn ma Kôranh Brah yỏ mâu hôm kớp nau tih bân, nau bân đăn i này ăn bân geh ngăn yor ma Brah Yêsu Krist lẽ đak rêh.

²²Păng lẽ hao ta kalớ trôk, gũ bôh ma Kôranh Brah nơm, geh phung tông pắ, phung kôranh i geh nau đơi, ndrel ma phung kôranh i geh nau đăng gũ ta nâm Păng dadê.

Pêtrô's Rôh 1 4

Nau rêh mhe gũ ta Brah Krist

¹Yorlah Brah Krist lẽ đơn jêh nau jêr jôt ta sắk jăn Păng nơm nớh, lah ndr i ăn khân ay may ndrăp sắk sớ đơn nau bu jan jêr jôt tâm ban ma Păng đơng. Bu moh i sớ đơn nau jêr jôt ta sắk jăn yor ma Brah Krist, păng i này mâu hôm ôh ũch jan tih jât.

²Lah ndri păng i này mâu hôm ôh gũ rêh tâng nau kơnh djơh ta nuih n'hâm, yơn ma gũ rêh tâng nau Kôranh Brah ứch đơm, n'ho ma tât khât.

³Bơh nơm nơh lể jồ jêh khân ay may gũ ngao jan tâng bunuyh i mâu gĩt năl Kôranh Brah, tâm đống, jan tâng nau kơnh djơh ta nuih n'hâm, nhêt sông nhũl blâk blek, ndrel ma yơk mbah ma rup brah jêng nơ đờ bớ bớch.

⁴Bu mâu vât ôh, say khân ay may mâu hôm lăp ndrel khân păng jan tay nơ djơh i dũt ốk dũt hô này jât, ndri dăng khân păng ngơi mứch khân ay may.

⁵Yơn ma khân păng i này mra mớh nkoch ta năp măt Kôranh Brah nơ i khân păng nơm lể jan này nơh. Kôranh Brah lể jêh ndrăp gay ma phat dôi dăng lể bunuyh, ndăp ma bunuyh hôm rêh, ndăp ma bunuyh i lể khât.

⁶Yor ma nau phat dôi i này, bu mớh nkoch đống nau mhe mhan ueh ma bunuyh i ăbao dja lể khât jêh, gay ma khân păng gũ rêh ndrel Kôranh Brah n'ho ro, bol lah săk jăn khân păng lể khât tâm ban ma dăng lể bunuyh êng kađôi.

Nau gũ rêh ta Brah Krist

⁷Nar n'glẻ dũt neh ntu dja lể bời ma tât jêh, lah ndri ăn khân ay may geh nuih n'hâm nau mân năp rkăk, njrăng săk gũ di keh, gay ma blao mớh sơm.

⁸Nau i khlay rlau bu ăn khân ay may tâm rống ndrăng khân ay may nơm ăn dũt hô ngăn, yorlah nau rống n'groh lơi nau tih ốk rốk ngăn.

⁹Ăn blao tâm rom ndrăng khân ay may nơm ta nhiih jay khân ay may ma nuih n'hâm rah rớch, lơi ôh ốk bār njâr sêk.

¹⁰Ăp nơm khân ay may lể geh jêh nơ Kôranh Brah ăn đơm dam, geh nơ êng êng bảl, lah ndri ăn khân ay may blao đống nơ i này gay ma tâm kớl jan kar ndrăng khân ay may nơm, jêng bunuyh sơm kớl jan kar răp jăp ma Kôranh Brah.

¹¹Bu moh i mớh nkoch, ăn păng mớh nkoch tâm ban ma mớh nkoch nau ngơi Kôranh Brah. Bu moh i sơm kớl jan kar ăn bu, ăn păng sơm kớl jan kar ma lể n'hâm suan i Kôranh Brah ăn, gay ma dăng lể nơ jan ăn bu rnê nau chrêk lợp Kôranh Brah nơm tă bớh nơ Brah Yêsu Krist lể jan. Ăn rnê nau

chrêk lợp Păng, ndrel ma nau đơi Păng bảơ n'ho ro! Ở ănh geh kớť nây ẵnh ro .

Nau jêť jốť phung nsing ma Brah Krist

12Ở oh nô ta nau nsing i gáp rốnh, khân ay may lợi ôh ndrốť hih rhốl nau bu jan jêť jốť i đứť hô i geh ta khân ay may nây, jênh đơ i rlong khân ay may. Dâng lể phung nsing ma Brah Krist geh nau jêť jốť.

13Lah ndri ănh khân ay may rắnh maak đô, yorlah khân ay may lể geh jêh nau jêť jốť ndrel Brah Krist abảơ dja. Lah ndri khân ay may mra rắnh maak đứť hô ẵnh đốnh ta nôk Păng plớ vắnh nhử nau chrêk lợp Păng nờm.

14Lah geh bu rak suai khân ay may yor ma khân ay may nsing ma Brah Krist, khân ay may lể geh nau ueh maak ẵnh, yorlah Brah Huênh Ueh i geh nau chrêk lợp, jênh Brah Huênh Ueh Kờanh Brah nờm lể gử jêh ta khân ay may.

15Ta phung khân ay may lợi ôh geh du huê bunuyh đờn nau jêť jốť yor ma nkhăt bu, nẵnh bu, jan đờ djờh, mâu lah jan ê gít he ma nau bu ênh.

16Yờn ma lah khân ay may đờn nau jêť jốť yor ma nsing ma Brah Krist, lợi ôh đít prênh ma nau i nây, yờn ma rnê nau chrêk lợp Kờanh Brah yorlah khân ay may lể jênh bon lan Brah Krist.

17Mong Kờanh Brah phat đôih dằnh lể bunuyh ta neh ntu bới tăt jêh, Pằnh phat đôih phung bon lan Pằnh nờm lor bu. Lah Pằnh nờm phat đôih bằnh lor, lah ndri lốnh phung i mâu nsing ma nau mhe mhan ueh Kờanh Brah, bớnh lờ hô ma nây bằnh!

18‘Lah bunuyh i sớnh lể geh nau jêť dằnh geh nau rklaih, Lah ndri lốnh bunuyh djờh, bunuyh i jan tih, bớnh lờ hô ma nây bằnh mra geh nau jêť!’

19Lah ndri bu moh i geh nau bu jan jêť jốť tằnh nuh n'hằnh Kờanh Brah ứch, ănh bunuyh i nây hỏm jan ueh đô, jêh ri nsing ma Kờanh Brah i nắnh nằnh khân pằnh nờm hỏ, Pằnh rắnh jắnh.

Pêtrỏs Rỏh 1 5

Bunuyh i mắnh uằnh phung nsing

¹Lõng phung i kôranh ta phung nsing, gáp dja jêng kôranh ma phung nsing đống, jêng bunuyh i lě say ma mắt nau jêr jốt Brah Krist, ndrel ma jêng bunuyh i mra sỏ đờn ndrel nau chrêk lợp nôk Păng nhhơ sắk, gáp dẫn lah ma phung i kôranh ta phung nsing

²Ăn mắt njrăng phung nsing i tâm ban ma be biấp phung Kôranh Brah ăn ueh ma lě nuh n'hâm, mâu ôh di tâm ban ma bu nchập, kỏ mâu di đống ma kớnh geh prăk, yờn ma ăn geh nuh n'hâm nđờ ma jan, ndri mớ di ta nấp mắt Kôranh Brah.

³Phung bunuyh i Kôranh Brah de jao ăn mắt njrăng này, lời ôh đống nau đời ma tũn jot khân păng, yờn ma ăn leo nau ueh ma khân păng i tâm ban ma be biấp phung.

⁴Jêh ri ta nôk Kôranh Chiấp be biấp tất ta dja, Păng mra ăn nđờ nkhom i hôm nâng i geh nau chrêk lợp.

Bunuyh i nsing ma Kôranh Brah

⁵Ở phung drôh nđăm ăn tâm ban kớ này đống, ăn iăt nau mpôl kôranh . Ăn dăng lě khân ay may njữr êng sắk khân ay may nờm, yorlah 'Kôranh Brah tâm rdâng đah bunuyh i n'hi êng sắk, Yờn ma Păng yỏ nđach ma bunuyh i njữr êng sắk ứch iăt nau Păng'.

⁶Lah ndri ăn khân ay may njữr êng sắk ta nâm Kôranh Brah nờm i geh nau đời đờ, gay ma Păng n'hao khân ay may, tất di mong Păng tay.

⁷Jêh ri njuyh dăng lě nau nklỏn rvê khân ay may ta Păng, yorlah Păng hô ngăn mân ma khân ay may.

⁸Ăn gủ rgeh, jêh ri njrăng sắk ăn gủ di keh, yorlah Satăng i nờm rlăng đah khân ay may tâm ban ma yao mửr ngrông, nđach jũm bunuyh, ứch ma sa hêk.

⁹Lời ôh iăt jan tâng nau păng, ăn khân ay may gủ nấp rkâk, ăn geh nau nsing nấp, yorlah khân ay may lě gít jêh, phung oh nô khân ay may ta nau nsing lam neh ntu dja, khân păng geh nau jêr jốt kớ khân ay may đống.

10Kôranh Brah dūt geh nau ueh ăp ntil ngăn, Păng lě kuăl jêh khân ay may nây, gay ma ăn khân ay may sô đơn nau chrêk lợp i hơm ăbơ n'ho ro yor ma đơ Brah Krist lě jan nơh. Jêh khân ay may lě đơn nau jêr jốt i du ălăt nây, Păng mra rdők njêng khân ay may, ăn n'hâm suan ma khân ay may, ăn khân ay may dăng katang, ndrel ma ăn khân ay may gũ nập rkâk.

11Ăn nau đơ Păng hơm ăbơ n'ho ro! Ở ăn geh kơt nây ngăn ro .

Nau ntính n'glě dūt

12Nô Silas i gập kợp jêng oh nô ta nau nsing răp jăp ngăn, păng kợl gập nchih sambūt gleh i dja, ndrel ma njuăl. Gập nchih sambūt dja gay ma n'hao nuh n'hâm khân ay may, ndrel ma ăn khân ay may gĩt n'hêl nau ueh ngăn ngên Kôranh Brah. Ăn khân ay may gũ nập ta nau ueh i nây.

13Phung nsing ma Kôranh Brah i gũ ta ăon i bu kuăl Babilôn đơng, i lě Kôranh Brah de kơih kơt khân ay may nây, khân păng ôp nau ueh lăng khân ay may, jêh ri nô Markôs i gập kợp tâm ban ma kon gập nơm, dẫn ôp nau ueh lăng khân ay may đơng.

14Ăn khân ay may tâm ôp nau ueh lăng ndrăng nơm ma nau ueh rah rơch . Dẫn Kôranh Brah ăn nau đăp mpăn dăng lě khân ay may i gũ ndrel Brah Krist.

Pêtrô's Rôh 2

Pêtrô's Rôh 2 1

Nau ôp ueh lăng

¹Sambüt gáp Simôn i bu kuăl Pêtrô's nchih. Gáp bunuyh sô'm kôl jan kar ma Brah Yêsu Krist, ndrel ma i kôranh oh mon Păng, dân ôp nau ueh lăng khân ay may i lě sô dơn jêh nau nsing ma Păng i dŭt khlay, i tâm ban ma nau nsing hên. Bân lě sô dơn jêh nau nsing i này tă bôh nau sông Brah Yêsu Krist i Brah bân, ndrel ma i nôm rklaih bân.

²Dân nau ueh, ndrel ma nau đăp mpăn gŭ ta khân ay may lơ ma hô ôk, tă bôh khân ay may lơ ma n'hêl gŭt năl Kôranh Brah, ndrel ma lơ ma n'hêl gŭt năl Brah Yêsu i Kôranh bân này.

Nau đă ăn lơ ma jru ta nau nsing ma Brah Yêsu Krist

³Tă bôh nau dôi Kôranh Brah nôm, Păng lě kôl bân ta ăp ntil nau, gay ma bân dôi gŭ ngao tâm di đah nau Păng nôm ũch. Bân sô dơn nau kôl i này tă bôh bân gŭt năl Păng, Păng lě kuăl jêh bân jêng bon lan Păng nôm, tă bôh nau chrêk lơp Păng nôm, ndrel ma tă bôh nau ueh Păng nôm.

⁴Tă bôh nau chrêk lơp, ndrel ma nau ueh Păng nôm này, dâng Kôranh Brah ton ăn nau dŭt kuông nau dŭt khlay ma bân. Păng ton kô't này, gay ma nuih n'hâm bân jêng tâm ban ma nuih n'hâm Kôranh Brah, ndâp ma bân klaih bôh nau djôh i tă bôh nau kônh jan djôh i geh ta neh ntu dja.

⁵Lah ndri ăn khân ay may nsrôyh ma lě nuih n'hâm, ăn ntop đổng nau geh nuih n'hâm ueh ta nau khân ay may nsing ma Brah Yêsu Krist, jêh ri ăn ntop đổng nau gŭt vât nau Kôranh Brah ũch ta nau geh nuih n'hâm ueh,

⁶ăn ntop đổng nau blao mât njrăng săk ăn gŭ di keh ta nau gŭt vât nau Kôranh Brah ũch, ăn ntop đổng nau ăt nuih n'hâm bol lah geh nau jêr ta nau blao mât njrăng săk ăn gŭ di keh, ăn ntop đổng nau gŭ ngao tâm di đah nau Kôranh Brah ũch ta nau ăt nuih n'hâm bol lah geh nau jêr,

⁷ ǎn ntop đống nau tâm rống bǎl ndrǎng oh nô ta phung nsing ta nau gũ ngao tâm di đah nau Kôranh Brah ǔch, jêh ri ǎn ntop đống nau rống ma dâng lě bunuyh ta nau tâm rống bǎl ndrǎng oh nô ta phung nsing.

⁸ Lah khân ay may geh dâng lě nau i nây lơ ma hô, lah ndri nau rêh khân ay may geh khlay, geh play ta nau gĩt nǎl lơ ma n'hêl Brah Yêsu Krist i Kôranh bân.

⁹ Yơn ma bu moh i mâu geh ôh dâng lě nau i nây, pǎng i nây jêng tâm ban ma bunuyh cheh mắt, uǎnh ngai mâu ôh say, jêh ri lě chuêl nau Kôranh Brah jut ǎn kloh nau tih i pǎng lě jan ê lor ma sât nsing nơh.

¹⁰ Ở oh nô ta nau nsing, ǎn khân ay may nhhơ nau ueh ta nau gũ ngao khân ay may, gay ma bu say Kôranh Brah lě kơih khân ay may jêng phung bon lan Pǎng nơm ngǎn. Lah jan kơt nây, nau nsing khân ay may mra hôm nập nâng, mâu ôh roh.

¹¹ Jêh ri khân ay may mra lǎp ta nau Brah Yêsu Krist mât uǎnh n'ho ro, ndập ma nau rǎm maak, jêng nau mât uǎnh i Kôranh bân, i nơm rklaih bân.

Nau Pêtrôs ntính nôm pǎng boi khât

¹² Gập hôm nkah nau i nây ǎn ma khân ay may bǎbơ, bol lah khân ay may lě gĩt jêh nau i nây, ndrel ma lě ndjôt nập nau ngǎn i bu lě ntũm nti ma khân ay may nây nơh kadôi.

¹³ Nôm gập hôm gũ rêh ta neh ntu dja, di ma gập nkah khân ay may ǎn khân ay may hôm kah gĩt bǎbơ,

¹⁴ yorlah gập lě gĩt jêh, gập gũ rêh ta neh ntu dja hôm du blât dơm, jêh ri gập khât, nau i nây Brah Yêsu Krist i Kôranh bân lě nhhơ ǎn gập gĩt lor.

¹⁵ Lah ndri gập gơyh ngǎn nkah khân ay may, gay ma khân ay may hôm kah gĩt bǎbơ dâng lě nau i nây, jêh gập mâu hôm gũ ôh ta neh ntu dja.

Nau chrêk lơp Brah Yêsu

¹⁶ Nau i hên mbơh nkoch ǎn khân ay may gĩt nǎl nau dơi Brah Yêsu Krist i Kôranh bân, ndrel ma nau Pǎng mra plở vǎch nây, mâu ôh di hên mbơh

nkoch dūt blao nau nklă, yorn ma hên lě say nau chrêk lợ Păng nây ma trôm mắt hên nơm.

¹⁷Kôranh Brah Bờ nơm lě york Păng ăn Păng nau chrêk lợ ta nôk Kôranh Brah lah ma Păng, ndâp ma nau ang ral hô ngăn: ‘Păng dja Kon Gâp i Gâp rông hô ngăn, hô ngăn Gâp rằm Păng’ .

¹⁸Hên lě tăng jêh bở i nây tă bớh kalợ trôk, nôk hên gũ ndrel ma Păng ta kalợ yôk kloh ueh.

¹⁹Yor ma nau i nây bân lě gít lợ ma n'hêl ngăn, dâng lě nau ngời mpôl bunuyh ntôyh nau ngời Kôranh Brah kăl e nớh lě di ngăn. Ueh ngăn lah khân ay may iăt ngăn nau i nây, yorlah dâng lě nau i nây jêng tâm ban ma ùnh sagêng i ngaang ta ntúk ngo n'ho ma tât lôh nar, i mong Brah Krist plở văch lôh ang ta nuih n'hâm bân, jêh ri Brah Krist i rnha ‘Mbing A Ôi’ đống.

²⁰Nau i khlay rlau bu ăn khân ay may gít, dâng lě nau ntôyh i geh nchih ta Nau Kôranh Brah Ngời, mâu geh ôh bunuyh dah ma mbớh nkoch tâng nuih n'hâm păng nơm ũch,

²¹yorlah dâng lě nau ntôyh i lôh bớh mpôl bunuyh ntôyh nau ngời Kôranh Brah, mâu ôh di lôh tă bớh nuih n'hâm bunuyh, jêng lôh tă bớh Brah Huêng Ueh i kloh ueh nsúk nsôr nuih n'hâm khân păng i nây.

Pêtrôh Rôh 2 2

Phung nơm nti nklă

¹Kăl e nớh geh mpôl bunuyh ntôyh nklă nau ngời Kôranh Brah gũ ndrel ma phung Israel đống. Kợt ndri đống mra geh nơm nti nklă ta phung khân ay may. Khân păng mra nti nklă blao hô ngăn, yorn ma nau nti i nây njũn bunuyh ta nau roh hêng. Khân păng mâu ôh ũch ăn Brah Yêsu Krist i Kôranh bân jan kôranh ma khân păng, bol lah Kôranh Yêsu Krist lě chuai khân păng nơm bớh nau tih, ndri dâng khân păng mra roh hêng gớnh ro.

²Jêh ri mra geh ốk bunuyh ta phung nsing tâng nau khớh kler khân păng i nây, ndrel ma geh ốk bunuyh mớch nau nti i nau ngăn, yor ma mpôl khân păng i nây.

³Khân păng kơnh ma prăk hô ngăn, jêh ri mbrôh, gay ma geh prăk khân ay may. Kăl e nơh Kôranh Brah lě ơm mbrôh nkoch nau tể dôih khân păng, jêh ri nau lơh hêng lơi khân păng mâu ôh kộp jố.

⁴Bol lah phung tông pãr i lě jan tih kăl e nơh, Kôranh Brah kỗ mâu yố đổng, Kôranh Brah nklăch khân păng ta ntu brông dứt ngo, kât krưng khân păng ta ntũk này gũ kộp tât nar Kôranh Brah phat dôih tay .

⁵Phung bunuyh djơh ta neh ntu kăl e nơh kỗ Kôranh Brah mâu yố đổng, nôk Păng ăn dak lêng dak đơng bũk dăng lě bunuyh djơh ta neh ntu. Yơn ma Păng hôm rklaih bunuyh pơh nuyh, pham ma Nôê i bunuyh mbrôh nkoch nau sổng này đơm.

⁶Lõng bon Sôđũm, ndrel ma bon Kômôra Kôranh Brah lě tể dôih đổng, ăn lêk jêng ũnh buh, i này jêng nau ntât, Păng ũch nhơ moh mra geh ta bunuyh djơh ta nar jât năp tay.

⁷Yơn ma Kôranh Brah lě rklaih du huê bu klô nha Lũt i bunuyh sổng, i bunuyh rngot ngăn ta nuih n'hâm yor ma say bunuyh ta nôk này jan djơh nâng ăp nar, tâm đổng ăp ntil.

⁸Lũt i bunuyh sổng i này ăp nar ngăn păng gũ ta nklang phung bunuyh djơh i này. Jêh ri yor ma păng jêng bunuyh sổng, ta trôm nuih n'hâm păng geh nau rngot dứt hô tã bơh păng say păng tăng dăng lě nđơ djơh ta phung khân păng i này jan.

⁹Kot ndri Kôranh Brah blao bớk lơi, ăn klaih bớh nau jêr nau nđơm ma phung i tăng iăt nau Păng, yơn ma phung djơh Păng krưng lơi ma tể dôih ta nar Păng phat dôih ri tay.

¹⁰Păng tể dôih lơ ma hô ma phung i nđơr jan djơh tăng rnglay săk kơnh, ndrel ma phung i mứch rmot tâm rdăng ma bu moh i jan kôranh ma khân păng. Dăng lě phung i này khân păng n'hi êng săk, ndrel ma dăng bôk hô ngăn, mâu ôh klach ngơi djơh mứch rmot ma nơm êng êng ta kalơ trôk i geh nau chrêk lơp.

11Bol lah tông pãr i geh n'hâm suan dăng, ndrel ma geh nau dơi rlau ma phung i này, phung tông pãr i này kỗ mâu bãnh đổng ngơi djơh mưch rmot nơm êng êng kớt này ta nấp mắt Kôranh Brah.

12Yơn ma phung i này ngơi djơh mưch rmot ma ndơ êng êng i khân păng mâu gít vât, khân păng jêng tâm ban ma mpômpa (siũm) i mâu ôh geh nau mân mâu ôh gít vât ndơ, i ăn bre ma nhữp nkhât roh hêng, bu mra nkhât roh hêng khân păng tâm ban kớt ma mpômpa (siũm) đổng.

13Nau tẻ dôi khân păng tay, jêng tâm di ma ndơ djơh khân păng jan. Khân păng i này lẽ jan tâng nau kớnh djơh khân păng nơm ta ang nôk nar kađôi, gay ma rãm maak ma khân păng nơm dơm. Khân păng jêng bunuyh nuih n'hâm bở bớch ăn khân ay may đit prêng, mbrôh khân ay may nôk khân păng gũ nhêt sông sa kuống đah khân ay may.

14Nuih n'hâm khân păng ứch ngăn ma lồm ur lồm sai, mâu ôh blao dâl jan tih. Khân păng ứch ngăn tềk mphỏk phung i mâu lãng geh nau nsing nập, jêh ri khân păng hô ngăn kớnh geh prăk ỏk. Dâng lẽ khân păng i này, Kôranh Brah rtăp ma khân păng!

15Khân păng i này lẽ mbãr lơi trong di, lẽ hiớt, jêh ri hăn tâng trong du huê bu klô rnha Balam i kon Bêor, păng lẽ nti bu blao ndơm phung Israel kăl e nớh, jêng bunuyh i kớnh geh prăk ỏk tă bớh bu nkhôm ma jan ndơ djơh.

16Yơn ma bunuyh i này lẽ geh nau nduih jêh ma nau tih păng: Seh lia mâu blao ngơi, jêng blao ngơi tâm ban ma bunuyh, buay păng mâu ăn jan ndơ rluk này.

17Dâng lẽ phung ndờr jan djơh i này tâm ban ma tu dak i lẽ kroh nkổng, mâu lah tâm ban ma tũk lêm i sial phứt de rdu, lẽ geh ndrăp jêh ntũk ngo chềk kôlăk ngăn ro ma ăn khân păng gũ.

18Khân păng mớh ngơi n'hi êng săk dũt nau ngăn, tih ma mâu ôh geh nau khlay. Khân păng tềk mphỏk mpôl i mhe sât nsing mhe klaih bớh nau gũ ngao djơh, mpôl i này ứch iăt nau khân păng, yor ma khân păng jă đổng nau ndờr kớnh djơh ta nuih n'hâm bunuyh.

¹⁹Khân păng lah ma mpôl i nây: “Lah khân ay may jan tâng nau hên dja, mâu ôh khăch jan tâng nau bu đă bu buay tâm ban ma jan dâk ma nau đă buay i nây, dah nôm ếch jan hỏ” tih ma khân păng nôm jêng tâm ban ma dâk ma nau tih chrao mâu hôm ôh blao bah jan tih, yorlah bunuyh jêng tâm ban ma dâk ma dâng lě nau i geh nau dơi ma păng nôm.

²⁰Khân păng a lor nớh lě klaih jêh bớh nau djớh ta neh ntu dja tă bớh năl Brah Yêsu Krist i Kôranh bân, i nôm năk rklaih bân, jêh ri plở lăp tay ta nau djớh i nây du tở jât. Nau tih dơi ma khân păng, lah ndri nau rêh khân păng i nây geh nau jêr rlau ma i bớh nôm nớh jât.

²¹Ueh rlau lah khân păng mâu ôh gít năl trong i ăn Kôranh Brah kớp khân păng sớng nớh, đah ma gít năl, jêh ri plở jât kới tâm rlăch mâu ếch jan tâng nau Kôranh Brah đă i bu lě nti ma khân păng nớh.

²²Nau i geh ta khân păng i nây jêng di ngăn ta nau ngời hôr i bu vay lah: ‘So plở sa hok păng nôm’ Jêh ri: ‘Sửr lě jêh bu ndũm plở pung tay ta dak bỏk’.

Pêtrôh Rớh 2 3

Nau Kôranh Yêsu plở văch

¹Ở oh nô ta nau nsing i gáp rống, dja jêng sambút rớh bar i gáp nchih njuăl ăn ma khân ay may. Nau ta trôm sambút lě bar dja, gáp lě nkhah khân ay may ăn khân ay may geh nuih n'hâm nau mân ueh.

²Khân ay may lới ôh chuêl dâng lě nau i mpôl bunuyh ntớyh nau ngời Kôranh Brah lě nchih jêh kăl e nớh, dâng lě khân păng i nây i bunuyh kloh ueh. Lới chuêl đống nau Brah Yêsu Krist đă, Păng i Kôranh i nôm Năk Rklaih bân, nau đă i nây hên i mpôl kôranh oh mon lě jêh ntũm nti khân ay may nớh.

³Ăn khân ay may gít nau i khlay rlau bu dja: Ta rnôk n'glě dũt mra geh bunuyh i gũ ngao tâng rnglay săk khân păng nôm kớnh dờm, jêh ri gờm mứch nau nti i ngăn.

⁴Khân păng mra lah: “Khân ay may lah Brah Yêsu Krist lě ton plở văch tay ta neh ntu dja, ah Păng abao đja hio? Nôm bớh phung u che bân khât tât ma

abao' dja hom kot om nang dom, no' ta neh ntu dja hom kot om, kot nom njeng neh ntu no' dong, mau oh say geh nau rgâl!"

⁵Yon ma khan pang i nay jan lah chuel, Koranh Brah jeng trok, ndrel ma neh ntu jeng ta boh nau ngoi Pang nom, koh neh loh ta boh dak, jeh ri koh gu ta nklang dak.

⁶Jeh ri Pang dong dak leng dak dong gay ma n'groh loi dang le no' ta neh ntu le phiao.

⁷Jeh ri ta boh nau ngoi Koranh Brah dong, trok, ndrel ma neh ntu abao' dja, Koranh Brah le ndrăp an ũnh ma su loi le phiao ta nar Pang phat doih dang le bunuyh, ndăp ma n'groh loi phung bunuyh djoh an le phiao.

⁸O' oh no' ta nau nsing i gap rong, an khan ay may kah git nau dja: Ma Koranh Brah, du nar tam ban ma 1000 nam, jeh ri 1000 nam tam ban ma du nar dom dong.

⁹Koranh Yesu mra vach gan tang nau Pang ton i nay, Koranh Brah mau oh chuel mau oh jo' ir kot bunuyh abă man. Yon ma Pang at nuh ma ban, yorlah Pang mau uch oh an du hue bunuyh roh heng, Pang uch gan an dang le bunuyh rgâl loi nuh n'hâm djoh.

¹⁰Nar Koranh Yesu vach, bu mau oh git lor, jeng tam ban ma bunuyh ntung han ntung bu. Nok nay trok mra lek le phiao ndăp ma dut nteh, jeh ri dang le ntil no' ũnh mra sa le phiao, jeh ri neh ntu, ndăp ma dang le no' bu jan ta neh ntu no' bu mra say n'hel naně gan, gay ma Koranh Brah phat doih.

¹¹Lah dang le no' i nay mra roh lek le phiao kot nay gan, lah ndri ta nau gu ngao khan ay may an khan ay may jan an dut ueh, ndrel ma gu tam di ma nau Koranh Brah uch ho gan do!

¹²An khan ay may nsroyh gu kop, jeh ri an kol gay ma nar Koranh Brah phat doih nay an gonh tat, jeng nar i trok mra lek ũnh sa le phiao, jeh ri dang le no' mra roh lek ta ũnh le phiao dong.

¹³Ndri dang ban gu kop tat geh trok mhe, ndrel ma neh ntu mhe i geh nau ueh nau song i le Pang ton jeh.

14Ở oh nô ta nau nsing i gâp rông, yorlah khân ay may hôm gũ kốp dâng lẽ nau i nây, ăn khân ay may geh nuih n'hâm gơyh hô ngấn, gay ma Kôranh Brah mâu ôh say nau ma nduih ta khân ay may i tâm ban ma nau uk rmao, gay ma Păng say khân ay may gũ rêh đăp mpăn ndrel Păng hỏ,

15Jêh ri ăn khân ay may vât nau dja, nau Kôranh bân ăt nuih ê hỏ Păng pờ văch nây, tă bớh Păng ứch bunuyh geh nau rklaih. Kớh nây đổng, Pôl i oh nô ta nau nsing i gâp rông, păng lẽ nchih ta sambüt i păng njuăl ăn ma khân ay may nớh, păng nchih tâng ma nau mân gít blao i Kôranh Brah lẽ ăn jêh ma păng.

16Ăp sambüt i păng lẽ geh nchih, păng nchih kớh i nây dadê đổng. Ta sambüt păng geh nau abă i jêr vât, jan ăn bunuyh i rluk, ndrel ma bunuyh i nsing mâu nập rgâl nau jêr vât jêng tih ma nau khlay ơm, kớh ma khân păng lẽ geh rgâl nau khlay ta Nau Kôranh Brah Ngơi abă êng đổng, kớh ndri jan ăn sắk khân păng nớh n'ho ma roh hêng.

Nau đă njrăng n'glẽ dũt

17Ở oh nô ta nau nsing i gâp rông, gâp lẽ ăn khân ay may lẽ gít dâng lẽ nau i nây jêh, lah ndri ăn khân ay may gũ njrăng sắk, gay ma khân ay may mâu ôh iăt tâng nau nti nklă mpôl bunuyh djơh i nây, jêh ri chuêl nau nti ngấn i khân ay may lẽ ndjôt.

18Yơn ma ăn khân ay may lơ ma hô gũ nập ta nau ueh Brah Yêsu Krist, ndập ma ta nau gít năl Păng i kôranh bân, i nớh rklaih bân. Jêh ri đăn rnê ma nau chrêk lơp ta Păng rnôk abao dja, n'ho ma babơ n'ho ro. Ở ăn geh kớh nây ngấn ro .

Yôhan Rôh 1

Yôhan Rôh 1 1

Brah Yêsu jêng Nau Ngoi i ăn nau rêh

¹Nau lě ơm geh bớh nôm saôm nớh ngăn, Nau hên i kôranh oh mon lě say lě tăng jêh, Nau i nây hên mớh nkoch ma khân ay may. Hên lě say Nau i nây ma mắt hên nôm, hên lě geh pah Nau i nây ma ti hên nôm đống, Nau i nây jêng Brah Yêsu Krist nôm, Păng jêng Nau Ngoi i ăn nau rêh.

²Păng i ăn nau rêh nây, Kôranh Brah lě nhơ sắk Păng ăn hên say jêh, hên dja i tơm say, ndrel ma mớh nkoch ăn ma khân ay may Păng i jêng nau rêh n'ho ro nây. A lor nớh Păng gũ ndrel Bở Păng nôm ta kalơ ri, jêh ri Kôranh Brah lě nhơ Păng ăn hên ma say.

³Hên mớh nkoch ăn ma khân ay may moh ndơ i hên lě say lě tăng jêh, gay ma khân ay may lăp gũ tâm rnglăp ndrel hên đống, jêh ri bân lě gũ tâm rnglăp jêh ndrel Kôranh Brah Bở, ndrel Brah Yêsu Krist i Kon Păng nây.

⁴Jêh ri gập nchih dâng lě nau i dja njuăl ăn khân ay may, gay ma bân geh nau răm maak dũt hô.

Nau gũ rêh ta nau ang

⁵Dja jêng nau hên ntính i hên lě tăng bớh Brah Yêsu Krist. Hên mớh nkoch nau i nây ăn ma khân ay may tăng đống: Kôranh Brah jêng nau ang, mâu geh ôh nau ngo gũ ta Păng, để mâu ơm.

⁶Lah bân lah, bân nôm gũ tâm rnglăp ndrel Kôranh Brah, tih ma mâu ôh gũ rêh tâng nau Păng ứch, bân tâm ban ma hôm gũ ta nau ngo chrao, lah ndri bân lě ngoi mbrôh jêh, mâu ôh tâng jan nau ngăn.

⁷Yơn ma lah bân gũ rêh tâng nau Păng ứch, bân tâm ban ma gũ ta nau ang, kớ Păng gũ ta nau ang đống. Lah ndri bân lě gũ tâm rnglăp bắl ndrel mham Brah Yêsu nôm i Kon Kôranh Brah tâm ban ma rao dâng lě nau tih bân ăn bân jêng kloh ta năp mắt Kôranh Brah.

Nau tih, ndrel ma nau yỗ

⁸Lah bân lah, bân mâu ôh geh nau tih, bân mbrôh êng sâk bân nôm, jêh ri nau ngăn mâu ôh gũ ta bân.

⁹Yôn ma lah bân mbrôh nau tih bân nôm ma Kôranh Brah, Kôranh Brah yố mâu hôm kớp nau tih bân, n'ho ma tâm ban ma rao bân ăn jêng kloh mâu hôm geh nau djôh nau kue, yorlah Păng rắp jắp, Păng sồng, Păng jan tâng dâng lể nau Păng ton nôm.

¹⁰Lah bân lah: “Bân mâu ôh jan tih” i này jêng bân lah Kôranh Brah jêng nôm mbrôh, jêh ri nau ngời Kôranh Brah mâu ôh gũ ta bân.

Yôhan Rôh 1 2

¹Ở phung oh nô ta nau nsing i tâm ban ma kon sau gáp, gáp ứch nchih dâng lể nau dja ăn khân ay may, gay ma khân ay may mâu ôh jan tih. Yôn ma lah bu moh i hôm jan tih, bân lể geh jêh du huê nôm sôm kớ koh bân ta nắp mắt Kôranh Brah Bở, nôm i này Brah Yêsu Krist i nôm sồng ngăn.

²Păng nôm lể jan brah ma sâk Păng nôm, gay ma chuai bân bớh nau i Kôranh Brah mra tể dôih yor ma nau tih bân, jêh ri mâu ôh đơn ma chuai bân đơn, ndâp ma chuai dâng lể bunuyh ta neh ntu dja đống.

Nau vay mhe

³Lah bân lể ndjôt nau Kôranh Brah nôm đả, ndri mớ bân gít n'hêl naně ngăn lah, bân lể nắ Kôranh Brah.

⁴Bu moh lah: “Gáp lể nắ Kôranh Brah” yôn ma mâu ôh ndjôt nau Păng đả, bunuyh i này ngời mbrôh đơn, nau ngăn mâu ôh gũ ta sâk păng.

⁵Yôn ma bu moh i ndjôt tâng nau Kôranh Brah, nau rống Kôranh Brah gũ ta bunuyh i này ngăn ro. Mớ dâng bân đơi gít bân lể gũ ndrel Kôranh Brah?

⁶Bu moh i lah sâk păng nôm lể gũ ndrel Kôranh Brah, jêh ri gũ ngao jan tâng Brah Yêsu ngăn, ri mớ bân đơi gít păng lể gũ ndrel Kôranh Brah.

⁷Ở phung i gáp rống, gáp mâu geh ôh nchih nau đả mhe ăn ma khân ay may, gáp nchih nau đả ớm, jêng nau đả i khân ay may lể nắ bớh nôm. Jêh ri nau đả ớm i này, đả ăn rống ma bu, jêng nau mbrôh nkoch i khân ay may lể vay tâng jêh.

⁸Yơn ma nau đă i nây mhe đổng. Nau ngăn ta nau đă i nây say ta Brah Krist, ndrel ma i say ta nau rêh phung khân ay may đổng, yorlah nau ngo lơ ma roh, jêh ri nau ang i ngăn lể ang jêh.

⁹Bu moh i kớp êng sắk pắng nớ m gũ ta nau ang, yơn ma ji biảnh ma du huê oh nô ta nau nsing, bunuyh i nây hóm gũ ta nau ngo kớ t ớ m.

¹⁰Bu moh i rống ma oh nô ta nau nsing, bunuyh i nây gũ ta nau ang, jêh ri mâu geh ôh ndớ leo ă n pắng jan nau tih.

¹¹Yơn ma bu moh i ji biảnh đah ma du huê oh nô ta nau nsing, bunuyh i nây hóm gũ ta nau ngo, jêh ri brố ta nau ngo, n'ho ma mâu gít ôh ah trong ma hă n, yorlah nau ngo lể nkũ m lơi trôm mắ t pắ ng, pắ ng tâm ban ma cheh mắ t.

¹²Ớ phung kon se, gắ p nchih sambũ t dja njuă l ă n khân ay may Yorlah Kôranh Brah lể yố jêh nau tih khân ay may, mâu hóm kớ p nau tih khân ay may, yor ma Brah Yêsu.

¹³Ớ phung bu ranh i geh oh geh kon, gắ p nchih sambũ t dja njuă l ă n khân ay may Yorlah khân ay may lể nă l jêh Brah Yêsu Krist i lể ớ m geh bớ h nớ m njê ng neh ntu nớ h ngă n. Ớ phung drôh ndă m, gắ p nchih sambũ t dja njuă l ă n khân ay may Yorlah khân ay may lể dớ i jêh đah nớ m djớ h.

¹⁴Ớ phung kon se, gắ p nchih sambũ t dja njuă l ă n khân ay may Yorlah khân ay may lể nă l jêh Kôranh Brah Bớ . Ớ phung bu ranh, gắ p nchih sambũ t dja njuă l ă n khân ay may Yorlah khân ay may lể nă l jêh Brah Yêsu Krist i lể ớ m geh bớ h nớ m njê ng neh ntu nớ h ngă n. Ớ phung drôh ndă m, gắ p nchih sambũ t dja njuă l ă n khân ay may Yorlah khân ay may geh n'hâm suan đắ ng, Jêh ri nau Kôranh Brah gũ ta khân ay may, Khân ay may lể dớ i jêh đah nớ m djớ h.

¹⁵Lớ i ôh rống nau gũ ngao bunuyh i mâu gít nă l Kôranh Brah, ndrel ma ndớ ta neh ntu dja. Bu moh i rống nau gũ ngao bunuyh i mâu gít nă l Kôranh Brah, nau rống Kôranh Brah Bớ mâu ôh gũ ta pắ ng i nây.

¹⁶Ta neh ntu dja, geh nau nuih n'hâm bunuyh kớ nh jan hô ir, geh nau nuih n'hâm kớ nh yor ma trôm mắ t say, ndrel ma geh nau n'hi ê ng sắ k yor ma đắ p

ndơ păng nơm. Dâng lẽ nau djơh i nây mâu ôh tă bớh Kôranh Brah Bở, jêng tă bớh nau mân i mâu gít năl Kôranh Brah.

¹⁷Jêh ri neh ntu dja, ndrel ma nau ếch nau kớnh hô ir lẽ nơm roh jêh. Yơn ma bu moh i jan tâng nau Kôranh Brah nơm ếch, mra hôm gũ rêh n'ho ro.

Bunuyh i tâm rdâng đah Brah Krist

¹⁸Ở phung oh nô ta nau nsing i tâm ban ma kon sau gập, dja jêng mong n'glẽ dút ê lor ma Brah Yêsu Krist plờ văch. Khân ay may lẽ tăng jêh, geh du huê kôranh i tâm rdâng đah Brah Krist i văch. Jêh ri abơ dja bunuyh i tâm rdâng đah Brah Krist nây lẽ ốk ngăn văch, ndri dâng bân gít, dja jêng mong n'glẽ dút.

¹⁹Khân păng i nây lẽ du lôh bớh bân, yơn ma khân păng i nây lẽ ơm mâu ôh di mpôl bân ngăn. Lah khân păng jêng mpôl bân ngăn, khân păng hôm gũ ndrel bân mro ro. Yơn ma khân păng lẽ du lôh jêh bớh bân, ndri dâng bân say khân păng mâu ôh di mpôl bân.

²⁰Lõng phung khân ay may nây, lẽ Kôranh Brah de ăn Brah Huêng Ueh gũ ta khân ay may, jêh ri dâng lẽ khân ay may lẽ gít nau ngăn dadê.

²¹Gập nchih sambút dja njuăl ăn khân ay may, mâu di ôh yorlah khân ay may ê hỏ gít năl nau ngăn, yơn ma gập nchih yor ma khân ay may lẽ gít năl jêh nau ngăn, jêh ri khân ay may lẽ gít jêh nau ngăn mâu ôh lôh jêng nau mbrôh.

²²Lah ndri bu moh bunuyh i năk mbrôh? Ởm mâu di lah phung i rlăch lah Brah Yêsu mâu di Brah Krist i nơm rklaih tă bớh Kôranh Brah de njuăl. Bu moh i rlăch mâu ôh rom Kôranh Brah Bở, ndập ma Kon Păng nơm, bunuyh i nây jêng bunuyh i tâm rdâng đah Brah Krist.

²³Bu moh i rlăch lah Brah Yêsu mâu di i Kon Kôranh Brah, bunuyh i nây mâu geh ôh Kôranh Brah Bở gũ ndrel. Yơn ma lah bu moh i sỏ dơn mbrôh lah Brah Yêsu i Kon Kôranh Brah, bunuyh i nây geh Kôranh Brah Bở gũ ndrel đống.

²⁴Lah ndri dâng lẽ nau i khân ay may lẽ tăng jêh bớh nơm khân ay may nsing ma Brah Krist nớh, dăn nau i nây hôm kăr ta nuih n'hâm khân ay may. Lah dâng lẽ nau i khân ay may lẽ tăng jêh bớh nơm khân ay may nsing ma

Brah Krist nơh hôm kǎr ta khân ay may ngǎn, lah ndri khân ay may hôm gũ nập ndrel Kon Kôranh Brah nơm, ndrel ma Kôranh Brah Bở nơm đổng.

²⁵Pǎng lẽ ton ǎn nau rêh n'ho ro ma bân.

²⁶Gập nchih sambüt dja njuǎl ǎn khân ay may, yor ma bu öch mbrôh rlăm khân ay may, jan ǎn khân ay may hiơt.

²⁷Brah Huêng Ueh i Kôranh Brah lẽ ǎn jêh ma khân ay may, Pǎng hôm gũ ta khân ay may, ndri khân ay may mâu hôm khăch ôh ǎn bu êng ntüm nti khân ay may jât. Brah Huêng Ueh mâu mbrôh ôh, Pǎng jêng nau ngǎn. Brah Huêng Ueh ntüm nti ma ǎp ntil ndơ ǎn ma khân ay may dadê. Lah ndri ǎn khân ay may gũ nập hôm ta Brah Krist, kơt Brah Huêng Ueh lẽ ntüm nti jêh ma khân ay may.

²⁸Ở kon sau, abao' dja, ǎn khân ay may hôm gũ nập ta Brah Krist dô, gay ma ta nar Pǎng vǎch nsôh sǎk, bân geh nuh n'hâm bǎnh, mâu ôh geh nau đit prêng ta nấp Pǎng.

²⁹Khân ay may lẽ gĩt jêh Pǎng jêng nơm sổng, lah ndri khân ay may dơi gĩt n'hêl đổng, bu moh i jan kar sổng, lẽ jêng kon Kôranh Brah dadê đổng.

Yôhan Rơh 1 3

Kon Kôranh Brah nơm

¹Uǎnh hôm, nau rổng Kôranh Brah Bở bân kuông hô ngǎn, tât ma Pǎng kuǎl bân kon Pǎng nơm. Jêh ri bân jêng kon Pǎng ngǎn. Bunuyh i mâu nsing ma Brah Krist mâu ôh gĩt nǎl bân jêng kon Pǎng, yor ma khân pǎng mâu gĩt nǎl Kôranh Brah.

²Ở phung i gập rổng, abao' dja dǎng lẽ bân lẽ jêng kon Kôranh Brah nơm jêh. Yơn ma Pǎng ê hỏ nhơ ma bân a mơm bân jêng ta nar Brah Krist nsôh sǎk ri tay. Ta nar i nây bân jêng tâm ban ma Brah Krist, yorlah bân mra say Pǎng n'hêl nanẻ ngǎn đổng.

³Bu moh i geh nau nơm say Pǎng kơt nây, bunuyh i nây gũ rêh lơ ma ueh tâm di đah nau Pǎng öch, ntlo'i lơi nau jan djơh, kơt Pǎng nơm lẽ kloh gũ sổng đổng.

⁴Bu moh i jan tih, păng i này jan rlau bớh nau Kôranh Brah đă, yorlah jan tih jêng jan mâu tâm di bớh nau Kôranh Brah đă.

⁵Khân ay may lể gít jêh, Brah Yêsu vắch ta dja, gay ma sớ lới nau tih bân, yớh ma ta Păng nớh mâu ôh geh nau tih.

⁶Bu moh i gũ ta Păng, bunuyh i này mâu hóm ôh jan tih. Yớh ma bu moh i mâu ôh bah jan tih, bunuyh i này mâu ôh gít nắl Păng, mâu đống gít say Păng.

⁷Ở kon sau, lới ôh ăh bu mbrôh khân ay may. Bu moh i jan kar sớng, păng i này jêng bunuyh sớng, tâm ban ma Brah Yêsu sớng đống.

⁸Yớh ma bu moh i jan tih, păng i này kon kôranh mpôl brah djớh, yorlah kôranh mpôl brah djớh lể ớm jan tih nớh bớh saóm nớh ngắn. Nđri dắng Brah Krist i Kon Kôranh Brah vắch ta dja, gay ma n'groph lới dắng lể nau kar kôranh mpôl brah djớh i này.

⁹Bu moh i lể jêng kon Kôranh Brah, păng i này mâu ôh jan tih, yorlah păng lể geh nau rêh mhe tắ bớh Kôranh Brah. Jêh ri păng mâu hóm ôh blao jan tih, yorlah păng lể jêng kon Kôranh Brah.

¹⁰Ta nau i dja bân đơi gít nắl n'hêl bu moh i jêng kon Kôranh Brah nớh, bu moh i jêng kon kôranh mpôl brah djớh: Bu moh i mâu ôh jan sớng, păng i này mâu ôh di kon Kôranh Brah, jêh ri bu moh i mâu rống ôh ma oh nô ta nau nsing, păng i này mâu đống di kon Kôranh Brah.

Nau tâm rống ta phung nsing ma Brah Krist

¹¹Ăh bân tâm rống ndrắng ma phung nsing. Nau i này khân ay may lể tăng bớh nớh khân ay may nsing ma Brah Krist nớh.

¹²Bân lới ôh jan tâm ban ma Kain i jêng kon kôranh mpôl brah djớh, jêh ri nkhăt lới i oh păng nớh. Mớh dắng păng nkhăt lới i oh păng nớh kớh này? Yorlah păng nớh lể vay jan djớh, yớh ma i oh păng vay jan sớng.

¹³Ở oh nô ta nau nsing, lah geh bunuyh i mâu nsing ma Brah Krist ji biắnh ma phung khân ay may, lới ôh khân ay may ndrốt hih rhốl.

14Bân lě gít sǎk bân nơm lě klaih jêh bớh nau mra gũ ta ndrung ùnh n'ho ro, lě geh nau rêh n'ho ro. Bân lě gít nau i nây yor ma bân blao tâm rông đah phung oh nô ta nau nsing. Yờn ma bu moh i mâu blao rông oh nô ta nau nsing, păng i nây mra gũ ta ndrung ùnh n'ho ro.

15Bu moh i ji biãnh ma oh nô ta nau nsing ma Brah Krist, Kôranh Brah kớp păng i nây tâm ban ma bunuyh nkhât bu. Jêh ri khân ay may lě gít jêh, bunuyh i nkhât bu nây mâu ôh geh nau rêh n'ho ro.

16Brah Yêsu lě jao nau rêh Păng nơm gay ma rklaih bân bớh nau Kôranh Brah tể dôih, ta nây bân say nau rông ngăn. Lah ndri ăn bân jan kớp nây đổng jao nau rêh bân ăn ma oh nô ta nau nsing ma Brah Krist.

17Lah bu moh i geh đrăp ndớ ta neh ntu dja, jêh ri say du huê oh nô ta nau nsing ma Brah Krist i mâu geh mâu tống, yờn ma mâu ôh uảnh geh ma ôbǎl, lah ndri mớ m dâng păng i geh đrăp ndớ nây blao lah sǎk păng nơm rông ma Kôranh Brah?

18Ở kon sau, bân mâu ôh di rông ta bớ mbung ngời đờm, ăn bân rông ta ndớ i bân jan, jan kớp nây mớ geh nau rông ngăn.

19Lah bân geh nau rông kớp nây bân đời gít nǎl bân kon Kôranh Brah, ndập ma jan tâng nau nti i ngăn, jêh ri nuh n'hâm nau mân bân mâu hôm ôh klach rvê ta nấp mắt Kôranh Brah,

20bol lah bân mân ta nuh n'hâm di ma Kôranh Brah tể dôih ma bân. Kôranh Brah gít n'hêl rlau ma bân nây, Păng gít dadê dâng lě ndớ.

21Ở phung i gáp rông, lah bân mâu ôh mân ta nuh n'hâm di ma Kôranh Brah tể dôih ma bân, ndri bân geh nuh n'hâm bǎnh gũ ta nấp Kôranh Brah mâu đổng geh nuh n'hâm klach rvê.

22Lah ndri moh ndớ i bân dẫn bớh Păng, bân mra geh kớp nây ngăn ro, yorlah bân lě ndjôt tâng nau Păng đǎ, ndập ma lě jan tâng ndớ i Păng rǎm maak.

²³Nau đă i Păng ăn ma bân nây kơt nđă: Iăt ma bân nsing ma Brah Yêsu Krist i Kon Păng nơm, ndrel ma tâm rống ndrăng nơm, tâng kơt nau i Păng lể đă ma bân nơh.

²⁴Bu moh i ndjôt tâng nau Kôranh Brah đă, păng i nây gũ nập ta Kôranh Brah ngăn, jêh ri Kôranh Brah gũ ta păng i nây đống. Bân dơi gĩt năl Kôranh Brah gũ ta bân, yor ma Brah Huêng Ueh i Păng ăn ma bân.

Yôhan Rơh 1 4

Bunuyh ntơyh nklă

¹Ở phung i gập rống, ta neh ntu dja geh ők bunuyh ntơyh nklă nau ngơi Kôranh Brah. Lah ndri lơi hỏ iăt ôh dâng lể bunuyh i mboh êng săk păng nơm geh Brah Huêng Ueh gũ ta khân păng. Iăt ma khân ay may rlong uảnh khân păng bốt, gay ma gĩt n'hêl ndr khân păng mboh nkoch nây tă bơh Kôranh Brah ngăn mâu lah mâu.

²Kơt nđă bân dơi gĩt năl Brah Huêng Ueh Kôranh Brah gũ ta du huê bunuyh: Bu moh păng i mboh nkoch Brah Yêsu Krist jêng bunuyh ngăn, bunuyh i nây geh Brah Huêng Ueh ngăn gũ ta păng.

³Yơn ma lah bu moh i lah Brah Yêsu Krist mâu ôh jêng bunuyh ngăn, păng i nây mâu geh ôh Brah Huêng Ueh gũ ta păng, păng i nây jêng lờh tă bơh kôranh i tâm rdâng đah Brah Krist chrao. Khân ay may lể tâng jêh kôranh i tâm rdâng đah Brah Krist văch, abơ dja păng lể gũ ta neh ntu dja đống.

⁴Ở kon sau, khân ay may kon Kôranh Brah, jêh ri khân ay may lể dơi đah ma mpôl bunuyh ntơyh nklă nau ngơi Kôranh Brah i nây, yorlah Brah Huêng Ueh gũ ta khân ay may. Păng geh nau dơi kuống rlau ma kôranh mpôl brah djơh i gũ ta phung bunuyh i mâu nsing ma Brah Krist jăt.

⁵Bunuyh ntơyh nklă nau ngơi Kôranh Brah mâu ôh nsing ma Brah Krist, ndri dâng nau nti khân păng tâm di ma bunuyh mâu nsing ma Brah Krist, jêh ri dâng lể bunuyh i mâu nsing ma Brah Krist iăt nau khân păng đống.

⁶Yơn ma bân, bân jêng kon Kôranh Brah, ndri dâng bu moh i gĩt năl Kôranh Brah, păng i nây iăt nau bân đống. Jêh ri bu moh i mâu ôh jêng kon Kôranh

Brah, păng i này mâu ôh iăt nau bân. Tă bớh nớ i này bân đoi gít năl bu moh i geh Brah Huêng Ueh gũ ta păng, jêh ri bu moh i nti nklă mbrôh bu.

Kôranh Brah jêng nau rông

⁷Ở kon sau i gập rông, ăn bân tâm rông ndrăng ma bunuyh i nsing ma Brah Krist, yorlah nau rông jêng tă bớh Kôranh Brah. Bu moh i tâm rông ndrăng ma bunuyh i nsing ma Brah Krist, păng i này kon Kôranh Brah, jêh ri gít năl Kôranh Brah đổng.

⁸Yơn ma bu moh i mâu ôh tâm rông ndrăng ma bunuyh i nsing ma Brah Krist, bunuyh i này mâu ôh gít năl Kôranh Brah, yorlah Kôranh Brah jêng nau rông.

⁹Kôranh Brah lể nhớ jêh nau rông Păng ăn ma bân kớp nđă: Păng lể njuăl Kon Păng nờm nguai ở ăn jũr ta neh ntu dja, gay ma ăn bân geh nau rêh n'ho ro yor ma tă bớh Kon Păng này.

¹⁰Dja jêng nau Kôranh Brah rông: Mâu di ôh bân i lể rông ma Păng lor, yơn ma Păng i lể rông ma bân lor, ndrel ma lể njũn Kon Păng nờm này jêng nớ jan brah ma chuai bân bớh nau i Kôranh Brah mra tể dôi h yor ma nau tih bân.

¹¹Ở kon sau i gập rông, lah dah này jêh Kôranh Brah rông ma bân, iăt ma ăn bân tâm rông ndrăng ma bunuyh i nsing ma Brah Krist đổng.

¹²Mâu geh ôh du huê bunuyh lể say Kôranh Brah. Yơn ma lah bân tâm rông ndrăng ma bunuyh i nsing ma Brah Krist, Kôranh Brah gũ ta bân, jêh ri nau rông dứt kuông Păng nờm gũ ta bân ngăn ngên.

¹³Bân lể gít bân gũ ta Păng, jêh ri Păng gũ ta bân, tă bớh nau Păng ăn Brah Huêng Ueh Păng nờm lể gũ ta bân.

¹⁴Hên lể say, nđập ma mớh nkoch, Kôranh Brah njũn Kon Păng nờm hăn ta neh ntu dja gay ma rklaih dăng lể bunuyh.

¹⁵Bu moh i mớh nkoch ma bu Brah Yêsu jêng Kon Kôranh Brah nờm, păng i này geh Kôranh Brah gũ ta păng, jêh ri păng nờm gũ ta Kôranh Brah đổng.

¹⁶Bân lě gít jêh, nau rǒng Kôranh Brah ma bân kuǒng hô ngǎn, jêh ri bân nsing ma nau rǒng Pǎng nây. Kôranh Brah jêng nau rǒng, jêh ri bu moh i geh nau rǒng ma bu nâng, pǎng i nây gũ ta Kôranh Brah, jêh ri Kôranh Brah gũ ta pǎng i nây đǒng.

¹⁷Nau rǒng dǔt kuǒng Kôranh Brah nǒm gũ ta bân ngǎn ngên, ndri bân geh nuh n'hâm bǎnh mǎu hǒm ôh klach rvê ta nar Kôranh Brah phat dôi h dǎng lě bunuyh tay, yorlah ta neh ntu dja bân lě gũ rêh tâm ban ma Brah Krist.

¹⁸Lah ta nuh n'hâm bân lě geh jêh nau rǒng, bân mǎu hǒm ôh geh nau klach rvê ma Kôranh Brah jât. Lah nau rǒng ta nuh n'hâm bân lě rǎng jêh, nau rǒng i nây mprǒh nau klach bǒh nuh n'hâm, yorlah nau klach rvê tǎ bǒh gít nau Kôranh Brah tể dôi h tay. Bu moh i hǒm geh nau klach, nau rǒng ta nuh n'hâm pǎng ê hǒ ôh rǎng.

¹⁹Kôranh Brah lě rǒng jêh ma bân lor, dǎng bân geh nuh n'hâm rǒng ma Pǎng, geh nuh n'hâm rǒng ma oh nô ta nau nsing đǒng.

²⁰Lah geh du huê bunuyh lah: “Gâp rǒng Kôranh Brah” yǒn ma ji biǎnh ma oh nô ta nau nsing ma Brah Krist, bunuyh i nây ngǒi mbrôh đǒm. Yorlah oh nô i nây i lě mǎt pǎng nǒm say nây pǎng hǒm ma mǎu rǒng, lah ndri mǒm pǎng i nây blao rǒng ma Kôranh Brah i mǎt pǎng uǎnh mǎu ôh say?

²¹Bân lě geh jêh nau đǎ dja tǎ bǒh Kôranh Brah, Pǎng lah: “Bu moh i rǒng Kôranh Brah, iǎt ma pǎng i nây rǒng ma oh nô ta nau nsing ma Brah Krist đǒng.”

Yôhan Rǒh 1 5

Nau nsing ma Brah Yêsu

¹Bu moh i iǎt Brah Yêsu i jêng Brah Krist i nǒm rklaih tǎ bǒh Kôranh Brah de njuǎl, pǎng i nây jêng kon Kôranh Brah ngǎn. Jêh ri bu moh i rǒng ma Kôranh Brah Bǒ, pǎng i nây rǒng ma dǎng lě phung kon Kôranh Brah đǒng.

²Lah bân lě rǒng jêh Kôranh Brah, ndrel ma lě ndjôt dǎng lě nau Pǎng đǎ, tǎ bǒh nau i nây dǎng bân dǒi gít, bân lě rǒng jêh ma dǎng lě phung kon Pǎng.

³Lah bân rông ma Kôranh Brah, bân ndjôt dâng lě nau i Păng đã nây đống. Jêh ri nau đã i nây mâu ôh jök jêh.

⁴Dâng lě bunuyh i lě jêng kon Kôranh Brah, jêng phung i lě dơi jêh bớh nau djơh ta neh ntu dja, jêh ri nau dơi bớh nau djơh i nây tă bớh nau bân nsing ma Brah Krist.

⁵Lah ndri bu moh i dơi tâm lơh đah nau djơh ta neh ntu nây? Geh bunuyh i iăt lah Brah Yêsu i Kon Kôranh Brah ngăn, bunuyh i nây i dơi tâm lơh đah nau djơh ta neh ntu dja.

Nau rêh n'ho ro

⁶Brah Yêsu Krist văch ta neh ntu dja ma dak jêng ta nau yũk bắptem ma dak, ndrel ma mham jêng nau Păng lě khăt ta si tâm rkăng, mâu ôh đơn ma dak đơm, yơn ma ndập ma dak, ndập ma mham đống. Brah Huêng Ueh mớh nau i nây jêng di ngăn, Brah Huêng Ueh i nau ngăn.

⁷Geh pe ntil nau khlay i mớh nkoch ma Brah Yêsu Krist jêng Kon Kôranh Brah .

⁸Geh Brah Huêng Ueh, geh dak nau bắptem yũk ma dak, geh mham Brah Yêsu i hoch ta si tâm rkăng, lě pe dja jêng du ntôh nau đơm.

⁹Bân lě sô đơn jêh nau mớh nkoch i tă bớh bunuyh, yơn ma nau mớh nkoch i tă bớh Kôranh Brah geh nau khlay lơ ma rlau nây jăt, jêh ri Kôranh Brah lě mớh nkoch ma Kon Păng nơm jêh.

¹⁰Bu moh i lě nsing ma Kon Kôranh Brah nơm, păng i nây lě ndjôt nau mớh nkoch i nây ta nuih n'hâm păng nơm. Bu moh i mâu ôh nsing, păng kợp Kôranh Brah mbrôh, yorlah păng mâu ôh iăt ma nau Kôranh Brah lě mớh nkoch ma Kon Păng nơm nây.

¹¹Kôranh Brah lě ăh jêh nau rêh n'ho ro ma bân, jêh ri nau rêh i nây jêng geh ta Kon Păng nơm, nau i nây jêng ndr Kôranh Brah mớh nkoch ma bân.

¹²Bu moh i gũ tâm rnglăp ndrel Kon Kôranh Brah nơm, păng i nây geh nau rêh n'ho ro đống, yơn ma bu moh i mâu ôh gũ tâm rnglăp ndrel Kon Kôranh Brah nơm, păng i nây mâu ôh geh nau rêh n'ho ro.

13Gâp nchih sambüt dja njuäl ăn khân ay may, gay ma ăn khân ay may gít i lě nsing jêh ma Kon Kôranh Brah nôm, khân ay may lě geh nau rêh n'ho ro jêh.

14Kơt ndrì dâng bân geh nuh n'hâm bãnh ta nấp mắt Kôranh Brah, lah moh ndrì i bân dãn tâng nau Păng ứch, Păng iăt kơt nau bân dãn nây ngãn ro.

15Lah bân lě gít jêh Păng iăt kơt nau i bân dãn nây, lah ndrì moh ndrì i bân dãn tã bớh Păng, bân lě gít đống geh ndrì i nây ngãn ro.

16Lah bu moh i say ta phung oh nô i nsing ma Brah Krist geh jan tih i Kôranh Brah hơm yỗ ndach mâu ôh tăt gũ ta ndrung ứnh n'ho ro, ăn păng i say nây dãn hồm ma Kôranh Brah, jêh ri Kôranh Brah mra ăn nau rêh ma bunuyh i nây ro. Nau tih i gâp ngơi nây jêng nau tih i Kôranh Brah hơm yỗ ndach đơm. Yơn ma geh nau tih i êng i Kôranh Brah mâu hơm yỗ ndach. Nau tih i nây gâp mâu ôh ăn khân ay may dãn.

17Dâng lě ntil nau djơh, jêng nau tih dadê, yơn ma geh nau tih i Kôranh Brah hơm yỗ ndach.

18Bân lě gít jêh, bu moh i lě jêng kon Kôranh Brah, păng i nây mâu ôh jan tih, yorlah Brah Yêsu Krist nôm njrăng păng i nây, jêh ri i kôranh mpôl brah djơh mâu hơm ôh geh nau đơi ma păng i nây jăt.

19Bân lě gít jêh, bân jêng kon Kôranh Brah, yơn ma dâng lě bunuyh i mâu nsing ma Brah Krist jêng gũ ta nâm nau đơi i kôranh mpôl brah djơh nây dadê.

20Bân lě gít đống, Brah Yêsu Krist i Kon Kôranh Brah nôm lě vãnh ta dja, Păng ăn nau gít blao gay ma bân gít năl Kôranh Brah i ngãn ngên. Bân gũ ndrêl Păng i Kon Kôranh Brah nôm, Păng i Brah nanễ ngãn, ndập ma Păng i tơm nau rêh n'ho ro.

21Ở phung kon sau, ăn khân ay may der ăn ngai lơi ôh yơk mbah brah nklă.

Yôhan Rôh 2

Yôhan Rôh 2 1

Nau ôp ueh lăng

¹Sambüt dja tă bôh gáp Yôhan i kôranh ta phung i nsing ma Brah Yêsu Krist. Dăn ôp nau ueh lăng ma yôh bu ur, ndrel ma phung oh kon bu ur i này . Lẽ Kôranh Brah de kôih khân ay may jêh. Gáp rông khân ay may ngăn ngên. Mâu ôh dơn du huê gáp dơn i geh nau rông i này, dăng lẽ mpôl i lẽ gít năl Nau Ngăn, khân păng geh nau rông i này đổng.

²Nau rông i này geh yorlah Nau Ngăn lẽ gũ jêh ndrel bân abao' dja, jêh ri hôm gũ ndrel bân ãbô' n'ho ro.

³Dăn Kôranh Brah Bở, ndrel ma Brah Yêsu Krist i Kon Kôranh Brah Bở nôm, ăn nau ueh, nau yỗ, nau đăp mpăn ma phung bân i gũ ta nau nti i ngăn, ndrel ma gũ ta nau rông.

Nau tâm rông ndrăng oh nô ta nau nsing

⁴Gáp geh nau rằm maak hô ngăn, yor ma say oh kon ay abă i lẽ gũ rêh jan tâng nau nti i ngăn, jêng tâm di đah nau Kôranh Brah Bở đă bân nơh.

⁵Ở yôh ta nau nsing, ta sambüt i gáp nchih njuăl dja, gáp ứch nka'h tô' ay, ăn phung bân tâm rông ndrăng bân nôm. Nau đă ma nau rông i này mâu di ôh nau đă mhe, jêng nau đă ơm i phung bân lẽ ơm geh nôm bôh saôm nơh.

⁶Nau tâm rông ndrăng bân nôm geh nau khlay lah jan tâng nau Kôranh Brah lẽ đă ma phung bân. Păng đă phung bân tâm rông ndrăng bân nôm, ndri ay lẽ tăng nôm bôh saôm nơh.

Nôm nti nklă

⁷Ta neh ntu dja lẽ geh ôk mpôl i mbrôh bu ăn jan tih, mpôl i này nti kô' nđă: Brah Yêsu Krist văch ta dja mâu ôh jêng rnglay săk bunuyh ngăn. Bu moh i nti kô' này, păng jêng bunuyh mbrôh bu, jêng bunuyh i tâm rdăng đah Brah Krist.

⁸Ăn khân ay may njrăng ngăn hõm, klach lah roh nau nkhôm ma ndr i dâng lể bân lể nsrôyh jan kar. Yõn ma ăn khân ay may nsrôyh jan kar gay ma sỏ dõn nau nkhôm i nây ăn râng.

⁹Bu moh i mâu ndjôt nâp nau nti Brah Krist, jan rlau ta nau nti i nây, pãng i nây mâu geh ôh Kôranh Brah gũ ndrel. Yõn ma bu moh i ndjôt nâp nau nti i nây, pãng i nây geh Kôranh Brah Bở, ndrel ma Kon Kôranh Brah nờm gũ ndrel ta pãng.

¹⁰Lah bu moh i hãn ta khân ay may, mâu nti nau i nây ma khân ay may, lơi ôh rom pãng gũ ta trôm jay khân ay may, jêh ri lơi ôh ôp nau ueh lãng pãng đõng.

¹¹Bu moh i ôp nau ueh lãng bunuyh i kớt nây, jêng lể tâm di nau ndrel nau djõh bunuyh i nây jan đõng.

¹²Geh ỏk nau jât i gâp ứch nchih ăn ma khân ay may, yõn ma gâp mâu ứch ôh nchih ma dak krăk ta n'ha rđayh, yorlah gâp rờm hãn khỏl khân ay may, tâm ngời ndrel khân ay may, gay ma dâng lể bân geh nau rãm maak lơ ma hô ngăn.

¹³Lõng oh kon yôh khân ay may i lể Kôranh Brah de kớih nờh, khân pãng ôp nau ueh lãng khân ay may đõng.

Yôhan Rôh 3

Yôhan Rôh 3 1

Nau ôp ueh lăng

¹Sambüt dja tă bôh gâp Yôhan i kôranh ta phung i nsing ma Brah Yêsu Krist. Dăn ôp nau ueh lăng ma nô Gaiyus i gâp rông ngăn ngên.

²Ở nô i gâp rông, gâp rơm may geh nau ueh lăng, kôt may lě geh gủ nập ta nau nsing ma Brah Krist đổng.

³Gâp geh răm maak hô ngăn, nôk oh nô ta nau nsing abă i sât tât a gâp, yorlah khân păng mboh nkoch may hôm gủ răp jăp ta nau ngăn, hôm jan tâng nau nti ngăn.

⁴Gâp mâu ôh geh nau răm maak i kuông rlau ma nau răm maak i gâp tăng kon sau gâp ta nau nsing jan tâng nau nti i ngăn.

Nau rnê ma Gaiyus

⁵Ở nô ta nau nsing i gâp rông, may lě răp jăp ngăn kôl ma phung oh nô ta nau nsing i hăn trong rồ bon êng êng tât ta ntük may, bol lah may mâu gít năl khân păng.

⁶Khân păng i này lě mboh nkoch ta phung nsing ta ntük dja nau i may lě nhhơ nau rông ma khân păng này. Jêh ri đã may hôm kôl ndơ khân pre ma hăn rồ trong, jêng tâm di ma ndơ jan kar i ăn Kôranh Brah răm maak,

⁷yorlah khân păng hăn nsak nsong mboh nkoch nau Brah Yêsu, jêh ri khân păng mâu geh ôh sô dơn ndơ du ntil tă bôh phung i mâu nsing ma Brah Yêsu.

⁸Lah ndri iăt ma bân blao kôl ma bunuyh i kôt này, gay ma bân jan kar ndrel băl ta nau nti i ngăn.

Nau nduih ma Điotrep, jêh ri rnê ma Đêmêtrus

⁹Gâp lě jêh njuăl sambüt ăn ma phung nsing ta ntük may, yơn ma geh du huê bu klô rnhă Điotrep i bunuyh ũch jan kôranh kuông rlau bu, păng mâu ôh iăt nau hên.

10Yơn ma nôk gáp hăn tăt ta nây, gáp mra nkaḥ păng dāng lě ndơ i păng jan nây. Păng ngơi nchơt ngơi djơh hên ăn ma bunuyh êng, mâu đơn ma ndơ i nây, jêh ri păng mâu ôh rom phung oh nô ta nau nsing, buay phung i ếch rom mâu ăn rom đōng, jêh ri mproh phung i ếch rom du lôh bơh phung nsing ta nây jăt.

11Ở nô i gáp rōng, lơi ôh tâng jan ndơ djơh, ăn tâng jan ndơ ueh hō. Bu moh i jan ndơ ueh, păng i nây jêng kon Kôranh Brah, yơn ma bu moh i jan ndơ djơh, păng mâu ôh găt năl Kôranh Brah.

12Yơn ma nô Đêmêtrus dāng lě bunuyh ngơi ueh ta păng dadê, bol lah i Nau Ngăn mbơh nkoch ueh ta păng đōng. Lōng gáp tâm ban kơt nây đōng, lě mbơh nkoch nau ueh ta păng đōng, may lě găt jêh nau i gáp mbơh nkoch nây jêng di ngăn.

13Geh ők nau i gáp ếch nchih njuăl ăn may, yơn ma gáp mâu ếch ôh nchih ma dak krăk, ma mōng nchih.

14Gáp geh nau rơm mập may gơnh ta nar bơh nấp dja tay, ndri gáp ếch ngơi ndrel may ro.

15Dăn nau đăp mpăn gủ ta may, dāng lě măt jăng ta dja ôp nau ueh lăng may đōng. Lah ndri dăn may ôp nau ueh lăng ma măt jăng ta nây bả.

Yuđas

Yuđas 1

Nau ôp ueh lăng

¹Sambüt dja tă bôh gâp Yuđas i bunuyh sôm kơl jan kar ma Brah Yêsu Krist, ndrel ma gâp dja i oh Yako' đổng. Gâp nchih sambüt dja njuäl ăn ma dâng lě bunuyh i Kôranh Brah Bở nơm lě kơih jêh, i Păng rổng đổng. Brah Yêsu Krist njrăng khân ay may.

²Dăn Kôranh Brah ăn nau yố, nau đăp mpăn, nau rổng ma khân ay may ăn lơ ma ôk ngăn.

Nôm nti nklă

³Ở oh nô ta nau nsing i gâp rổng, gâp nđơ hô ngăn ma nchih nau rklaih ăn ma khân ay may, nau rklaih i dâng lě bân lě geh jêh. Yơn ma gâp mân iăt ma gâp nchih ma nđơ a êng ăn ma khân ay may, đă khân ay may njrăng ngăn nau nti ma nau nsing bân. Kôranh Brah lě ăn nau i nây ma phung bon lan Păng nơm, Păng mâu hôm ôh rgâl nau i nây jăt.

⁴Gâp đă kơt nây yorlah geh bunuyh abă i lăp ntũng ta phung khân ay may, bunuyh i nây djơh hô ngăn jan tih đah nau Kôranh Brah ứch, khân păng nti lah mâu chrao ôh lah jan tih ăp ntil, yor ma Kôranh Brah hôm yố tă bôh nau ueh Păng nơm. Khân păng tâm rdâng ma Brah Yêsu Krist i Kôranh bân du huê đơm. Bôh kăl e nơh lě geh nchih ma nau tể dôi h ma bunuyh kơt khân păng nây.

⁵Dâng lě nau i dja khân ay may lě ơm găt jêh, yơn ma gâp dăn hôm nkah khân ay may: Bôh kơi Kôranh Brah lě rklaih phung bon lan Israel du lôh bôh bri Êsip nơh, jêh ri Păng lơh hêng lơi phung i mâu iăt ôh ma Păng ta phung i Păng lě rklaih i nây.

⁶Geh phung tông păr i jan rlau ma nau Kôranh Brah đă, jêh ri lôh bôh ntük Kôranh Brah lě ăn khân păng gũ, Kôranh Brah kăt n'ho ro khân păng ma se rvăk krũng khân păng ta ndrung ngo, ăn kôp tăt di nar Kôranh Brah phat dôi h, jêng nar i dăt kuông ngăn.

⁷Kốt ndri đống, nôk kăl e nơh, geh bon Sôđũm, bon Kômôra, ndrel ma bon êng êng jât i tâm dăch. Dâng lẽ bunuyh ta bon i này leo bắl jan nau khơh kler, nau i tih đah ma nau vay, jan tih kốt phung bon lan Israel i này, ndập ma kốt phung tông pắr i này đống. Dâng lẽ bon i này Kôranh Brah n'groh lơi ma ũnh bớh kalo' trôk, jêng nau ntât say lor ma nau Kôranh Brah mra rmal tâm ũnh hit n'ho ro.

⁸Kốt i này đống abao' dja mpôl bunuyh i nti lah mâu chrao ôh lah jan tih ăp ntil i này, khân pắng lah, khân pắng geh mboi tă bớh Kôranh Brah, ăn khân pắng jan ndơ bớ bớch sắk khân pắng nơm. Khân pắng mâu ũch geh kôranh ma khân pắng, ndrel ma mứch rmot phung tông pắr.

⁹Bol lah geh du huê tông pắr rnhă Mikel jêng kôranh tông pắr i dứt kuống, nôk pắng tâm rlăch đah Satăng i kôranh mpôl brah djơh ma nau sắk Môsê i lẽ khât này nơh, pắng mâu ôh bắnh ngơi mứch rmot, ndrel ma mâu ôh bắnh phat dôih Satăng, yơn ma pắng lah đơm: 'Đăn Kôranh Brah lah may!'

¹⁰Yơn ma mpôl bunuyh i này bêng ma leo bắl mứch rmot ma ndơ êng êng, bol lah sắk khân pắng nơm mâu ôh gít văt ma ndơ i này. Moh ndơ i khân pắng lẽ ơm gít ta nuih n'hâm tâm ban ma mpômpa (siũm) i mâu gít nau đơm, jêh ri nau khân pắng jan i này jan ăn sắk khân pắng nơm roh hêng.

¹¹Rêh rnhắl ngắn ma khân pắng. Khân pắng lẽ hắn tắng trong Kain i bunuyh nkhăt i oh pắng nơm. Khân pắng mbrôh bu gay ma geh pắk tâm ban ma Balam. Khân pắng geh nau roh hêng tâm ban ma mpôl i tắng du huê rnhă Kôre i geh nau roh hêng yor ma tâm rdắng đah Kôranh Brah ta rnôk Môsê kăl e nơh.

¹²Nôk khân ay may gũ sông sa ndrel gay ma nhơ nau rồng Kôranh Brah, khân pắng jêng tâm ban ma ndơ bớ bớch tâm ban ma geh ntắk ta bok ao i pih mâu hôm đơi kloh, sông sa iắt ma hơm ndũl khân pắng nơm đơm, mâu geh ôh nau đit prêng. Khân pắng mâu geh khlay jêng tâm ban ma n'hâm mih i mâu hoch mih i sial de dah ma rdu, tâm ban ma tơm si i mâu geh play ta khay play, rlau bớh này jât tơm si i lẽ rôk kloh reh lẽ khât ngắn.

¹³Khân păng jêng tâm ban ma nchöch rbuh dak väch dak văr i düt dăng, lôh mpũnh, ndr đit prêng i khân păng jan say n'hêl tâm ban ma nau mpũnh i nây. Mâu ôh dơi nsing ma khân păng, khân păng jêng tâm ban ma mănch i lă hiot ntũk, Kôranh Brah lă ndrăp jêh khân păng ma ăn ta ntũk ngo chêk kôlăk n'ho ro!

¹⁴Jêh ri Hênöch i sau Mahalêlêl jêng i sãn Adăm i bunuyh töl nguai Kôranh Brah njêng nây, păng jêng bunuyh ntøyh nau ngơi Kôranh Brah, lă lah lor ma khân păng kơt nđa: 'Uănh hóm! Kôranh Brah hăn ndrel phung kloh ueh Păng nơm i düt ők ngăn, mâu hóm ôh blao kơp,

¹⁵gay ma phat dôi h dăng lă bunuyh, jêh ri tễ dôi h dăng lă bunuyh tâng ndr đjơh khân păng lă jan ta nau i tâm rdăng ma Kôranh Brah, tễ dôi h ma nau ngơi đjơh i phung bunuyh tih ngơi tâm rdăng đah Kôranh Brah'.

¹⁶Khân păng i nây jêng bunuyh ők bār njâr sêk hô ngăn, nuih n'hâm mâu geh ôh rãm maak. Khân păng gũ rêh jan tâng nau kơnh hô ir ma khân păng nơm đơm. Nau mbơh ngơi khân păng n'hi êng săk düt hô ngăn, ngơi ueh ma bu gay ma geh ndr bu ăn ma săk khân păng nơm.

Nau ntĩnh êng êng

¹⁷Ở oh nô ta nau nsing i gáp rông, ăn khân ay may hóm kah gĩt hóm nau mpôl kôranh oh mon Brah Yêsu Krist i Kôranh bân lă ơm mbơh nkoeh a lor nơh.

¹⁸Khân păng lă lah: 'Ta rnôk n'glě düt tay, mra geh phung ngơi mưch ma nau nsing bân, phung i nây jan tâng rnglay săk khân păng nơm kơnh đơm, jêng ndr i tâm rdăng đah nau Kôranh Brah ũch'.

¹⁹Khân păng jan ăn geh nau tâm nkah mpôl ta phung khân ay may, khân păng jan tâng nuih n'hâm nau mân khân păng nơm kơnh đơm, mâu geh ôh Brah Huêng Ueh gũ ndrel ta khân păng.

²⁰Yơn ma khân ay may nây i phung oh nô ta nau nsing i gáp rông, ăn khân ay may tâm n'hao hóm nau nsing khân ay may nơm, gay ma nau nsing khân ay

may lơ ma hô nập, jêh ri nau nsing i này jêng ndrô Kôranh Brah ngăn ngên. Jêh ri ăn Brah Huêng Ueh i kloh ueh leo khân ay may ta nau mboh sớm.

²¹Ăn khân ay may gũ nập ta nau rông Kôranh Brah, ndrel ma gũ kôp nau yố ndach Brah Yêsu Krist nôm i Kôranh bân, tât Păng ăn nau rêh n'ho ro ma khân ay may.

²²Đã khân ay may yố ndach ma phung abă i geh nau nsing ê hỏ nập.

²³Đã khân ay may kớl rklaih phung abă jât, tâm ban ma uih mphỏk khân păng ăn klaih bớh ứnh. Jêh ri phung abă êng, đã khân ay may yố ndach ma khân păng đổng, yờn ma ăn njrăng sắk nôm, klach lah đơi khân păng leo khân ay may jan tih, kớt ndrô ăn biảnh dăng lể nau tih khân păng jan, tâm ban ma khân ay may bớ bớch ma kho ao rmao bô chrỉ.

²⁴Ăn rnê nau chrêk lơp Kôranh Brah, Păng đơi njrăng khân ay may mâu jan tih mâu bah nsing, Păng đơi kớl khân ay may gũ ta bớh nấp mắt Păng nôm i ntúk geh nau chrêk lơp, nôk này khân ay may geh nau rằm maak dứt hô mâu geh ôh du nau ma nduih.

²⁵Ăn rnê nau chrêk lơp Păng, Păng đơm i brah ngăn ngên, Păng i nắk rklaih bân yor ma Brah Yêsu Krist i Kôranh bân nôm. Nau chrêk lơp, nau dứt ueh, nau đơi, nau brah, lể ớm geh gũ ta Păng bớh ntôm saóm ngăn, tât ma abao dja, nkre ma n'ho ro! Ở ăn geh kớt này ngăn ro .

Nau Tâm Mpoł

Nau Tâm Mpoł 1

Nau bôk

¹Sambüt dja jêng nau mboh nkoch Brah Yêsu Krist lë nhơ ăn gâp Yôhan say. Kôranh Brah ăn Păng nhơ ma phung sôm kôl jan kar ma Kôranh Brah nôm moh nau mra gơnh tât ta nar jât năp tay. Brah Yêsu Krist ăn du huê tông pă Păng nôm hăn ta gâp i bunuyh sôm kôl jan kar ma Păng nôm, gay ma ăn gâp gít nau i nây.

²Dâng lë nau i gâp lë nchih jêh dja, gâp lë say ma mắt gâp nôm, nau i nây jêng di ngăn, jêng nau ngơi Kôranh Brah, ndrel ma mboh nkoch Brah Yêsu Krist jêng Kôranh bân.

³Ueh maak ngăn ma bu moh i rồ i tăng nau ntơyh nau ngơi Kôranh Brah ta sambüt dja, ndâp ma ueh maak ngăn ma bu moh i lë tăng, jêh ri jan tăng kơt dâng lë nau i lë geh nchih jêh ta dja, yorlah tât di nar ma lôch nau ntơyh i nây lë bơi tât jêh.

Nau ôp ueh lăng

⁴Sambüt gâp Yôhan, njuăl ăn ma phung nsing i rbũn ta pơh ở bon ta bri Asi. Dăn Kôranh Brah ăn nau ueh, ndâp ma nau đăp mpăn ma khân ay may. Păng gũ rêh abao dja, Păng lë ơm gũ rêh nơh, jêh ri Păng mra văch. Dăn Brah Huêng Ueh i gũ bơh năp rơl kađăch Kôranh Brah nôm ăn nau ueh, ndâp ma nau đăp mpăn ma khân ay may.

⁵Dăn Brah Yêsu Krist ăn nau ueh, ndâp ma nau đăp mpăn ma khân ay may đổng, Păng jêng nôm răp jăp mboh nkoch nau ngăn dơm, Păng jêng nôm lor bu dăk rêh bơh phung khât, jêh ri Păng jêng Kôranh dâng lë kađăch ta neh ntu dja. Păng rông ma bân, ndrel ma rklaih bân ma mham Păng nôm bơh nau tể dôi h yor ma nau tih bân.

⁶N'ho ma Păng jan ăn bân jêng mpôl kađăch măt uănh ndrel Păng nôm, Păng ăn bân jêng mpôl jan brah ma sôm kôl jan kar ma Kôranh Brah i Bở Păng Nôm. Ăn rnê nau chrêk lợp Păng, ndrel ma nau dơi Păng ba bơ n'ho ro! Ở ăn geh kơt nây ngăn ro .

⁷Uánh hõm, Păng väch rõ ndõr tũk, Dâng lě bunuyh mra say Păng dadê, Bol lah phung i tă ntõp Păng nơh say Păng đõng. Dâng lě ndũl mpõl bunuyh ta neh ntu dja mra nhũm rngot yor ma Păng nây dadê, ơ ngãn! Ở ăn geh kõt nây ngãn ro.

⁸Kõranh Brah i Kõranh ngãn, Păng lah: “Gập dja jêng Alpha, ndrel ma Ômêka.” Păng gũ rêh abao dja, Păng lě ơm gũ rêh, jêh ri Păng mra väch, Păng dũt geh nau dơi ma dâng lě ntil ndõ.

Yõhan tâm mpõl say Brah Yêsu

⁹Gập Yõhan jêng oh nô khân ay may ta nau nsing ma Brah Yêsu, geh bu jan jêr jõt kõt khân ay may, geh đõng Kõranh Brah mât uánh kõt khân ay may, ndrel ma geh nsrõyh nâng ta nau bu jan jêr kõt khân ay may đõng, yor ma bân gũ ndrel Brah Yêsu. Gập dja bu đã du gũ ta du gõl dak rnha Patmõh, yor ma gập mbõh nkoch nau Kõranh Brah, ndrel ma mbõh nkoch Brah Yêsu jêng Kõranh gập nơm.

¹⁰Ta nar pơh, Brah Huêng Ueh ăn gập mâu hõm õh kah gĩt sãk, jêh ri gập tăng nteh bõr mbung bõh kõi gập ri, dũt nteh ngãn, tâm ban ma nteh õh nũng

¹¹lah ma gập kõt nda: “Moh ndõ i may say abao dja, ăn may nchih du mlõm sambũt, jêh ri njuãl ăn ma phung nsing pơh ðon ta bri Asi dja: Bon Êphêsõ, ðon Samirna, ðon Põkamuh, ðon Thiathira, ðon Sardih, ðon Philadĩphia, ndrel ma ðon Laodisê.”

¹²Jêh ri gập n'gãl jãt kõi gay ma say Nõm i ngõi ma gập nây, ta nây gập say pơh ở n'gõng ãnh sagêng mayh.

¹³Ta nklang n'gul n'gõng sagêng i nây geh du huê tâm ban ma Kon Bunuyh, nsoh ao jong rjai tãt a mpang jõng, jêh ri geh rse mayh kãt ta nơh ri jãt.

¹⁴Sõk ta bõk Păng nglang tâm ban ma mli, i măt Păng tâm ban ma mpiãt ãnh,

¹⁵jõng Păng chrêk dũm tâm ban ma kõng i bu gũch ta ãnh jêh ri tho, nteh ngõi Păng tâm ban ma n'gõr hoch dak kuõng,

¹⁶ti bôh ma Păng ri ndjôt pơh ở măn, jêh ri mbung Păng geh đao mắt bar mplôngh ngăn, i muh mắt Păng ang chrăt tâm ban ma nar nklang bôk.

¹⁷Tât gâp say Păng, gâp khât yơh ro chôt ta neh kêng jông Păng ri. Yơn ma Păng tễ ti bôh ma bôh lơ gâp, n'ho ma lah: “Lơi klach ôh, Gâp dja i bôk dak lor bu, ndrel ma n'glẽ dứt ma dăng lẽ ndr.”

¹⁸Gâp dja i Nơm rêh nâng, Gâp nơh tă khât, lũng abao dja Gâp geh nau rêh babơ n'ho ro. Bunuyh i lẽ khât dứt ta Gâp nơm, Gâp be geh nau đơi ăn bu dâk rêh du lôh bôh ntũk môch.

¹⁹Lah ndrỉ ăn may nchih hồm dăng lẽ ndr i may lẽ say nây, ndr i geh abao dja, ndrel ma ndr i geh jât nấp tay.

²⁰Măn pơh ở i may say Gâp ndjôt ta ti bôh ma Gâp dja, ndrel ma n'gông sagêng mayh pơh ở i dja, nau khlay ndr i nây a lor nơh hôm ndöp mpôn, abao dja Gâp mbôh ma may: Măn pơh ở i nây, jêng pơh ở tông pãr ma njrăng phung nsing ta pơh ntũk bon i nây đống, jêh ri n'gông sagêng pơh ở i nây, jêng phung nsing ta pơh ntũk bon i nây đống.”

Nau Tâm Mpo1 2

Sambüt njuäl ăn phung nsing ta bon Êphêsô

¹Jêh ri Păng lah jât: “Ăn may nchih njuäl ăn ma kôranh phung nsing ta bon Êphêsô ri, lah kơt nđa: ‘Nơm i ndjôt măn pơh ở ta ti bôh ma Păng, nđap ma bở rsong ta pơh ở n'gông sagêng, Păng lah kơt nđa:

²‘Gâp lẽ gít jêh ndr may jan, nau may jan kar rơah rgãnh, ndrel ma nau may nsrôyh đơn nau jêr. Gâp gít jêh nđap ma rnê may, may mâu ôh ăn bunuyh djơh gũ ndrel may, jêh ri may lẽ rlong ma mpôl i kơp êng sãk khân păng nơm lah mpôl kôranh oh mon, yơn ma khân păng mâu ôh di mpôl kôranh oh mon, jêh ri may say mpôl i nây jêng mpôl nklă chrao.

³Gâp lẽ gít đống may lẽ nsrôyh đơn nau jêr jốt yor ma tâng Gâp, jêh ri hôm gũ nấp, may mâu ôh bah nsing.

⁴Tih ma Gâp nduih may du nau, may mâu hôm geh ôh nau rông ma Gâp, ndrel ma nau rông ndrăng phung nsing kơt bôh nơm nơh.

⁵Lah ndri ăn may kah gít tay hõm dah kuõng nau rõng may a lor nõh, ăn may rgâl tay nuh n'hâm, jêh ri jan tay kõt may bõh ntõm nõh. Lah mâu say may rgâl nuh n'hâm, Gáp mra hãn a may, sỏ lời n'gõng sagêng may nõm bõh ntũk ỏm pãng ro.

⁶Yõn ma Gáp rnê may du nau, may biãnh ma ndỏ mpõl Nikõlas de jan, Gáp kỏ biãnh đõng.

⁷Bu moh i geh tỏr ăn pãng iắt ngãn hõm nau Brah Huêng Ueh de ngỏi ăn ma dâng lẻ phung nsing ắp ntũk. Bu moh i dỏi ma nau djỏh, Gáp mra ăn pãng i nây sa play si i pẻ bõh tỏm i ăn nau rêh i geh ta bon ueh Kờranh Brah”.

Sambũt njuăl ăn phung nsing ta bon Samirna

⁸Jêh ri Pãng lah jât: “Ăn may nchih njuăl ăn ma kờranh phung nsing ta bon Samirna ri, lah kõt nũa: ‘Nỏm i gũ bỏk dak lor bu, ndrel ma i n'glẻ dũt ma dâng lẻ ndỏ, Nỏm i lẻ khât nõh, ndrel ma i dâk rêh tay, Pãng lah:

⁹Gáp gít jêh nau rêh rnhăl, ndrel ma nau o ach ta may, yõn ma may ndrõng chrao. Gáp gít đõng geh phung ngỏi nchỏt may, phung i nây kỏp êng sắk khân pãng nõm lah phung Israel, yõn ma phung i nây mâu ôh di phung Israel, jêng phung gũ rbũn ma Satãng đờm.

¹⁰May lời ôh klach nau jêr jỏt i gỏnh geh ta may nây. Gáp ứch ăn may gít kờranh mpõl brah djỏh mra ăn bu nhũp bunuyh abả ta phung nsing ta bon may, krũng ta trỏm ndrung, gay ma rlong uảnh phung nsing ta bon may, jêh ri phung nsing ta bon may mra đờn nau bu jan jêr jỏt jỏ tât jât nar. Lah ndri ăn may hỏm gũ rắp jấp nanao bol lah tât ma khât sắk kađoi, jêh ri Gáp mra ăn nau nkhỏm kuõng jêng nau rêh n'ho ro .

¹¹Bu moh i geh tỏr, ăn pãng iắt ngãn hõm nau Brah Huêng Ueh de ngỏi ăn ma dâng lẻ phung nsing ắp ntũk. Bu moh i dỏi ma nau djỏh, nau khât tỏl bar i gũ ta nglao ứnh n'ho ro mâu ôh geh ta pãng i nây”.

Sambũt njuăl ăn phung nsing ta bon Pỏkamuh

¹²Jêh ri Pãng lah jât: “Ăn may nchih njuăl ăn ma kờranh phung nsing ta bon Pỏkamuh, lah kõt nũa: ‘Nỏm i geh đao mắt bar i mplỏnh ngãn, Pãng lah:

¹³Gâp gít ntúk may gũ rêh, ntúk i này Satăng i kôranh mpôl brah djơh mât uảnh, yơn ma may hôm gũ nập ma Gâp. Bol lah nôk bu nkhât du huê rnhă Öntipas ta bon may i ntúk Satăng gũ rêh, hôm e may mầu đống mbăr nau may nsing ma Gâp. Öntipas i này bunuyh mbơh nkoch rắp jăp ngăn nau khlay Gâp.

¹⁴Yơn ma Gâp nduih may nau abă, geh bunuyh abă ta phung may ndjôt nau ntũm nti bơh du huê rnhă Balam i bơh kăl e nơh. Balam i này lẽ ntũm nti ăn ma kađăch Balăk leo ndơm phung Israel jan tih, leo khân păng sông sa ndơ bu ôp brah, ndrel ma ăn khân păng jan nau tâm đống, nau khơh kler jât.

¹⁵Lõng ta may kơt này đống, geh bunuyh abă ta phung may ndjôt nau mpôl Nikôlas ntũm nti.

¹⁶Lah ndri ăn rgâl lơi hồm nuih n'hâm djơh! Lah mầu ôh rgâl, Gâp mra văch gơnh a may, ndjôt đao i lôh bơh mbung Gâp tâm lơh đah phung i này.

¹⁷Bu moh i geh tôr, ăn păng iăt ngăn hồm nau Brah Huêng Ueh de ngơi ăn ma dăng lẽ phung nsing ăp ntúk. Bu moh i dơi bơh nau djơh, Gâp ăn ndơ sông sa Mana mpôn mo ta kalơ trôk ma păng i này, ndrel ma ăn du mlôm lữ nglang ma păng đống, ta kalơ lữ i này geh nchih du rnhă mhe mầu ôh geh bunuyh gít, geh păng nơm i dơn này dơm gít”.

Sambăt njuăl ăn phung nsing ta bon Thiathira

¹⁸Jêh ri Păng lah jât: “Ăn may nchih njuăl ăn ma kôranh phung nsing ta bon Thiathira, lah kơt nđă: ‘I Kon Bu Klô Kôranh Brah nơm, trôm măt Păng ang tâm ban ma mpiăt ũnh, jông Păng chrêk dũm tâm ban ma kông lẽ jêh tho, Păng lah:

¹⁹Gâp gít jêh ndơ may jan, nau may rông ma Gâp, nau may rông ma bu, nau may nsing ma Gâp, nau may sơm kơl bu, nau may nsrôyh dơn nau jêr. Jêh ri dăng lẽ ndơ i may jan abao dja, jêng ők rlau ma ndơ i may lẽ jan bơh kơi nơh jât.

²⁰Yơn ma Gâp nduih may nguai, may hôm rom ăn bu ur Yêsibĩl, i kơp êng săk păng nơm lah bunuyh ntơyh nau ngơi Kôranh Brah, jêh ri ntũm nti

phung sơm kơl jan kar ma Gáp ăn tâm đōng jan ndrơ khơh kler, ndrel ma ăn sōng sa ndrơ ôp brah ma rup brah êng êng.

²¹Lễ jō nar jêh, Gáp lễ ăn păng rgâl lơi nuh n'hâm djơh, tih ma păng mâu ứch ôh rgâl, păng hơm jan ndrơ khơh kler nanao.

²²Kơt ndrì dāng Gáp jan ăn păng ji, bêch ta gre, jêh ri bunuyh i lōm ur tâm đōng đah păng, Gáp ăn geh nau jêr dūt hō kơt păng đōng, lah khân păng mâu rgâl lơi nuh n'hâm djơh, bah jan ndrơ djơh tâng păng.

²³Gáp mra nkhât lơi phung oh mon păng, nôk nây dāng lễ phung nsing ăp ntũk mra gĩt Gáp dja i mêt uánh nau măn ta nuh n'hâm bunuyh, jêh ri Gáp mra ăn ndrơ nkhôm, mâu lah tễ dōih ma khân păng du huê du huê, tâng ndrơ i khân păng nơm lễ jan nơh.

²⁴Khân păng kuāl nau ntũm nti khân păng 'Ndrơ dūt jru Satāng'. Yơn ma dāng lễ bunuyh abă êng jāt ta phung nsing ta ðon may i gũ ta ðon Thiathira, i mâu ứch ôh ndjôt nau ntũm nti i nây, i mâu ôh nti nau ntũm nti i nây, Gáp mboh ma khân păng, Gáp mâu ôh đả nau jêr ma khân păng jan,

²⁵yơn ma ndrơ i khân păng lễ geh jêh, ăn khân păng ndjôt nập n'ho ma tāt nar Gáp văch.

²⁶Bu moh i dơi bơh nau djơh, ñđập ma jan nau jan kar Gáp tāt lôch, Gáp mra ăn păng i nây geh nau dơi măt uánh dāng lễ ndũl mpôl bunuyh êng êng,

²⁷Gay ma păng i nây măt uánh dāng lễ khân păng i nây, lơh bunuyh djơh i tâm rdāng đah păng, Tâm ban ma bu nchah glah uk, ăn hăch rdők ma mōng jra loyh.

²⁸Păng i nây geh nau dơi tâm ban ma nau dơi i Gáp lễ sō dơn jêh bơh Bở Gáp. Jêh ri Gáp mra ăn du mlōm mbing i ang nôk ôi ăn ma păng i nây.

²⁹Bu moh i geh tōr, ăn păng iăt ngăn hōm nau Brah Huêng Ueh de ngơi ăn ma dāng lễ phung nsing ăp ntũk”.”

Nau Tâm Mpơl 3

Sambũt njuāl ăn phung nsing ta ðon Sardih

¹Jêh ri Păng lah jât: “Ăn may nchih njuăl ăn ma kôranh phung nsing ta bon Sardih, lah kơt nđa: ‘Păng i geh Brah Huêng Ueh Kôranh Brah nơm, ndrel ma geh pơh ở mảnh lah: ‘Gập gít năl nđơ i may jan nây, săk may bu lư rêh ngăn, tih ma may tâm ban ma lể khât!

²Ăn may kah rngăl hồm! Ăn kah gít ma nđơ i geh nau khlay ma gập, ăn nau nsing may i lể bời ma roh nây, ăn geh nau dăng mhe tay du tở jât, yorlah Gập ê hỏ say ôh nđơ i may jan nây jêng di keh ta bờh nấp mắt Kôranh Brah i Bở Gập.

³Lah ndri ăn may kah gít săk hồm, nđơ i may lể sỏ đơn jêh, nđơ i may lể tăng jêh, jêh ri ăn may tâng jan dô, ndrel ma rgăl lơi hồm nuh n'hâm djơh. Lah may mâu ôh kah rngăl, Gập mra văch phat dôih a may mâu gít ôh moh mong, tâm ban ma bu mâu gít đống moh mong bunuyh ntũng hăn ntũng.

⁴Yơn ma ta bon Sardih hôm geh bunuyh abă ta phung khân ay may mâu geh ôh jan tih tâm ban ma jan kho ao bở rmao, khân păng mra hăn ndrel Gập, nđập ma nsoh kho ao nglang, yorlah khân păng i nây jêng di ma nsoh kho ao i nây.

⁵Bu moh i dơi ma nau djơh, păng i nây mra nsoh kho ao nglang kơt khân păng đống. N'ho ma Gập mâu mra jut rnha păng bờh sambăt nau rêh n'ho ro, Gập mra mơh păng i nây jêng oh mon Gập ta bờh nấp Bở Gập, ndrel ma ta bờh nấp mắt phung tông pả Bở Gập nơm đống.

⁶Bu moh i geh tôh ăn păng iăt ngăn hồm nau Brah Huêng Ueh de ngơi ăn ma dăng lể phung nsing ăp ntũk”.”

Sambăt njuăl ăn ma phung nsing ta bon Philadĩphia

⁷Jêh ri Păng lah jât: “Ăn may nchih njuăl ăn ma kôranh phung nsing ta bon Philadĩphia, lah kơt nđa: ‘Nơm i kloh ueh, Nơm i rấp jăp, Păng i ndjôt kon so kadăch David i nhơ Păng geh nau dơi ma măt uănh, Lah Păng pơk mpông, mâu geh ôh du huê dơi ntâl, Jêh ri lah Păng ntâl mâu geh đống du huê dơi pơk, Păng lah:

⁸Gâp gít năi ndơ i may jan nây. Lông, Gâp lể pơk mpông bớh nấp may jêh, mâu geh ôh du huê dơi ntâl. Bol lah may geh nau dơi đễ dơm, may hôm ndjôt nau Gâp đổng, may mâu ôh rlăch lah mâu gít năi Gâp.

⁹Phung bunuyh ta nhiih r̄bũn phung Israel, nhiih r̄bũn i nây jêng ndơ Satăng i kôranh mpôl brah djơh, jêh ri phung i nây lah êng săk khân păng nơm jêng phung Israel, yơn ma khân păng mâu ôh jêng phung Israel ngăn, khân păng mbrôh. Gâp mra ăn dăng lể khân păng i nây hăn păn ta jông may, jêh ri khân păng mra gít lah Gâp lể rông ngăn ma may.

¹⁰Yor ma may lể iăt nau Gâp đã ăn may nsrôyh dơn nau jêr, Gâp mra njrăng may ăn dơi ta nar geh nau jêr lam neh ntu dja, nau jêr i nây gay ma rlong dăng lể bunuyh ta neh ntu dja.

¹¹Gâp mra văch gơnh, moh nau i may lể geh, ăn may ndjôt ăn nập, gay ma lơi ôh ăn bu pit ndơ nkhôm may nơm.

¹²Bu moh i dơi bớh nau djơh, Gâp ăn păng i nây jêng du mlôm meh ta nhiih jan brah Kôranh Brah Bở Gâp nơm, jêh ri păng gũ ta ntũk nây n'ho ro, mâu ôh khăch lôh jăt. Gâp mra nchiih rnha Kôranh Brah Bở Gâp nơm ta săk păng, ndrel ma nchiih rnha bon Kôranh Brah Bở Gâp nơm ta păng đổng. Bon i nây jêng bon Yêrusalem mhe tă bớh kalơ trôk ntũk Kôranh Brah Bở Gâp nơm. Jêh ri Gâp nchiih rnha mhe Gâp nơm ta păng i nây đổng.

¹³Bu moh i geh tở, ăn păng iăt ngăn hồm nau Brah Huêng Ueh de ngơi ăn ma dăng lể phung nsing ăp ntũk”.

Sambũt njuăl ăn phung nsing ta bon Laodisê

¹⁴Jêh ri Păng lah jăt: “Ăn may nchiih njuăl ăn ma kôranh phung nsing ta bon Laodisê, lah kớt nđa: ‘Dja nau ngơi Nơm i bu kuăl ‘Amen’ đổng, Nơm i rấp jăp mbớh nkoch nau ngăn dơm, Păng jan kôranh ma dăng lể ndơ i Kôranh Brah lể njêng, Păng lah:

¹⁵‘Gâp gít năi ndơ i may jan nây, may tâm ban ma dak pah pốt pah bla dờh ma ndik, geh nau khlay lah, may mâu ôh tâm rdâng ma Gâp, may mâu đổng nsing ma Gâp lể nuhih n'hâm. Gâp ũch ngăn may dờh mâu lah ndik!

¹⁶Yor ma may pah pöt pah bla, dōh m̄au dōh, ndik m̄au ndik k̄ot n̄ay, k̄ot ndri Ḡap mra jrih l̄oi may b̄oh mbung Ḡap ro.

¹⁷May k̄ot n'hi êng s̄ak 'Ô! Ḡap j̄eng bunuyh ndr̄ong nḡan, ḡap geh dr̄ap ndr̄o dūt ők, ḡap m̄au h̄om ôh kh̄ach ma ndr̄o j̄at'. Yon ma may m̄au ôh ḡit s̄ak may geh nau r̄eh rnh̄al, i di ma ȳo nd̄ach, kro o ach nḡan, cheh m̄at, gũ lahôk.

¹⁸Ndri d̄ang Ḡap lah ma may: Ăn may rv̄at mayh b̄oh Ḡap h̄o, mayh dūt ueh i l̄e j̄eh gũch nkret ta ũnh, gay ma may j̄eng bunuyh ndr̄ong nḡan, j̄eh ri rv̄at bok ao Ḡap bah đit bu gũ lahôk, ndrel ma rv̄at dak si t̄e m̄at b̄oh Ḡap đong, gay ma may ūanh say kloh rah vah.

¹⁹D̄ang l̄e bunuyh i Ḡap r̄ong, Ḡap nduih kh̄an p̄ang, Ḡap nt̄um nti nd̄ap ma k̄ot jan t̄ang nau Ḡap đ̄a. Lah ndri ăn ḡoyh h̄om, j̄eh ri rḡal l̄oi nuih n'h̄am dj̄oh!

²⁰L̄ong Ḡap gũ b̄oh dih mp̄ong, nd̄ap ma kūal đong, lah bu moh t̄ang b̄or Ḡap, p̄ok mp̄ong ăn Ḡap, Ḡap l̄ap gũ ndrel p̄ang, j̄eh ri s̄ong sa ndrel p̄ang, p̄ang ndrel Ḡap đong.

²¹Bu moh i d̄oi ma nau dj̄oh, Ḡap ăn p̄ang gũ ta r̄n̄ol kađ̄ach ndrel Ḡap, tâm ban ma Ḡap l̄e d̄oi j̄eh, j̄eh ri gũ ta r̄n̄ol kađ̄ach ndrel B̄or Ḡap đong.

²²Bu moh i geh t̄o, ăn p̄ang īat nḡan h̄om nau Brah Huêng Ueh de nḡoi ăn ma d̄ang l̄e phung nsing ăp nt̄uk”.”

Nau Tâm M̄p̄ol 4

Nau ȳok mbah ta kal̄o tr̄ok

¹J̄eh n̄ay ḡap say du ml̄om mp̄ong p̄ok ta kal̄o tr̄ok ri, j̄eh ri nteb b̄or i ḡap t̄ang a lor n̄oh tâm ban ma nteb n̄ung, lah ma ḡap: “Hao a d̄ja h̄om, Ḡap ũch nh̄o ăn may say moh ndr̄o i geh j̄at n̄ap tay.”

²Du n'h̄am ta n̄ay d̄o ma Brah Huêng Ueh s̄o ḡap. J̄eh ri ḡap say du ml̄om r̄n̄ol kađ̄ach ta kal̄o tr̄ok ri, geh du huê gũ ta r̄n̄ol i n̄ay.

³N̄om i gũ ta r̄n̄ol kađ̄ach n̄ay, ūanh ang chrat tâm ban ma l̄ũ khlay M̄oni, ndrel ma tâm ban ma l̄ũ khlay T̄otâm, j̄eh ri j̄um r̄n̄ol kađ̄ach i n̄ay geh tâm ban ma b̄eh ch̄ung t̄ang, tâm ban ma l̄ũ khlay âr Mork̄ut.

⁴Njueng jüm rno̤l kađäch i này geh rno̤l kađäch 24 ở jât, jêh ri geh mpôl kôranh 24 nuyh gũ ta rno̤l i này, nsoh n'gut bok ao nglang dadê, ndrel ma ndô môk kađäch mayh ta bôk.

⁵Lôh bôh rno̤l kađäch i ta nklang n'gul i này geh lợp nglayh, geh nteh ntở mih, ndâp ma geh nglayh. Bôh nấp rno̤l kađäch i này geh pơh ở ùnh rdo, jêng Brah Huêng Ueh Kôranh Brah nơm.

⁶Bôh nấp rno̤l kađäch i này, geh đống ndở tâm ban ma dak văch dak vă, rsang tâm ban ma kchok nglang. Njueng jüm dăch kêng rno̤l kađäch i này, geh puăn nuyh ndở geh nau rêh, i geh trôm mắt lam săk, ndâp ma bôh nấp bôh kơi.

⁷Ndở tởl nguai i geh nau rêh này, tâm ban ma yao mữ, ndở tởl bar i geh nau rêh tâm ban ma ndrôk nkuống, ndở tởl pe i geh nau rêh muh mắt tâm ban ma bunuyh, ndở tởl puăn i geh nau rêh tâm ban ma klang mbuk mbok mpă.

⁸Puăn nuyh ndở geh nau rêh i này, geh prao ở nar dadê, ndrel ma geh trôm mắt lam săk, ndâp ma kalở nar ta nâm nar. Khân păng i này mâu rlu ôh dâng măng dâng nar lah: “Kloh ueh, kloh ueh, kloh ueh, Jêng Kôranh Brah i dút geh nau dơi ma dâng lể ntil ndở, Păng lể ơm gũ rêh nơh, Păng gũ rêh ābaơ dja, jêh ri Păng mra văch.”

⁹Nơm i gũ ta rno̤l kađäch này gũ rêh bảbơ n'ho ro. Ấp tở puăn nuyh ndở i geh nau rêh i này rnê nau chrêk lợp, yơk, ndrel ma lah ueh Păng,

¹⁰jêh ri mpôl kôranh i 24 nuyh này leo bảl păn a neh dadê, păn bôh nấp Nơm i gũ ta rno̤l kađäch này, yơk mbah ma Păng i geh nau rêh bảbơ n'ho ro, n'ho ma droh môk kađäch khân păng nơm bôh bôk tể bôh nấp rno̤l kađäch, jêh ri lah:

¹¹“Ở Kôranh Brah i Kôranh phung hên, May di ngăn ma vọt dơn nau chrêk lợp, ndrel ma nau yơk, yorlah May geh nau dơi dút kuống. May nơm i njêng dâng lể ntil ndở geh dadê nơh, Jêh ri geh yor ma May nơm ũch.”

Nau Tâm Mpo̤l 5

Sambüt geh pơh ở tra, ndrel ma Kon Be Biăp Kôranh Brah

- ¹Jêh ri gâp say du mlôm sambüt klôn kuân ta ti bôh ma Nôm i gũ ta rnoł kađäch này, ta sambüt i này geh nchih rplây nau, ndâp ma ta trôm, ndâp ma ta bôh dih đöng, ndrel ma geh pơh ở tra mbang ta bôh lơ sambüt ri, gay ma buay mâu ăn dah ma pơk.
- ²Jêh bôh này, gâp say du huê tông pãr dũt dăng nter dũt dăng: “Bu moh i di ma plôk tra dja, jêh ri di ma pơk sambüt dja?”
- ³Yơn ma mâu geh ôh du huê ta kalơ trôk kađôi, ta neh ntu kađôi, mâu lah ta nâm neh kađôi i dơi pơk i dơi uãnh sambüt i này.
- ⁴Nôk này gâp nhũm dũt hô ngãn, yorlah mâu geh ôh du huê i di ma pơk i di ma uãnh sambüt i này.
- ⁵Jêh ri dô ma geh du huê bôh mpôl kôranh i này lah ma gâp: “Lời nhũm! Uãnh ri, geh du huê bunuyh i bu kuäl ‘Yao Mũr’ i ta ndũl mpôl Yuđa, jêng kon sau kađäch Đavid, Păng lẽ dơi jêh đah ma Satăng i kôranh mpôl brah djơh, Păng di ma plôk pơh ở tra, ndrel ma pơk sambüt i này.”
- ⁶Jêh ri gâp say du mlôm Kon Be Biăp dâk ta nklang bôh năp rnoł kađäch ri, ta nklang ndơ i geh nau rêh, ndrel ma ta nklang mpôl kôranh. Kon Be Biăp i này uãnh tâm ban ma lẽ jêh bu nkhât, geh pơh ở nke, ndrel ma geh pơh ở trôm mắt đöng, trôm mắt i này jêng Brah Huêng Ueh Kôranh Brah nôm, i Păng ăn hãn lam neh ntu.
- ⁷Kon Be Biăp i này hãn sỗ sambüt bôh ti ma Nôm i gũ ta rnoł kađäch này.
- ⁸Jêh Păng sỗ sambüt i này, puăn nuyh ndơ i geh nau rêh, ndrel ma mpôl kôranh i 24 nuyh này leo bäl pãn bôh năp Păng dadê, dăng lẽ mpôl kôranh i này du huê du huê ndjôt du mlôm gong rêng, ndrel ma du mlôm ngan mayh geh bêng ma ndơ bô kah ma su, ndơ bô kah i này jêng nau mbôh sơm phung bon lan Kôranh Brah.
- ⁹Jêh ri khân păng mprō nau mprō mhe du nau: “May di ngãn ma sỗ sambüt i này N'ho ma plôk tra đöng, Yorlah May lẽ bu nkhât lời, jêh ri May lẽ chuai jêh bunuyh ma mham May nôm, Gay ma khân păng jêng bon lan Kôranh

Brah, bôh dâng lě rnoi deh, bôh dâng lě nau ngoi, Bôh dâng lě ndül mpôl bunuyh, ndrel ma bôh dâng lě bri dak.

¹⁰May lě jan khân păng ăn jêng du phung bon lan i geh kađäch, Ndrel ma jêng bunuyh jan brah, sôm kôl jan kar ma Kôranh Brah i bân yôk mbah. Jêh ri dâng lě khân păng i nây mra mât uãnh neh ntu.”

¹¹Jêh ri gâp uãnh du tở jât, tăng nteh phung tông pâr düt ôk jüm rnoł kađäch, jüm ndơ i geh nau rêh, jüm mpôl kôranh i nây. Phung tông pâr i nây ôk rmuñ rsen, düt ôk ngăn,

¹²Jêh ri leo bảl lah düt dăng ngăn: “Kon Be Biăp i bu nkhât lơi nây nơh, Păng di ngăn ma vọt dơn nau dơi, nau mân gít blao, nau dăng, Nau yôk, nau chrêk lộp, nau rnê, ndrel ma sỏ ndơ düt khlay!”

¹³Jêh ri gâp tăng dâng lě ndơ i geh nau rêh ta kalơ trôk, ta neh ntu, ta nâm neh, ta dak vách dak văr, ndâp ma dâng lě ndơ i gủ dâng lě ntúk i nây lah düt dăng ngăn: “Ăn rnê, ăn yôk, ăn rnê nau chrêk lộp, ndrel ma ăn nau dơi Babơ n'ho ro Ma Păng i gủ ta rnoł kađäch, ndrel ma i Kon Be Biăp.”

¹⁴Jêh bôh nây puăn nuyh ndơ i geh nau rêh i nây lah: “Ớ ăn geh kớt nây ngăn ro !” Jêh ri mpôl kôranh leo bảl păn yôk mbah Păng i gủ ta rnoł kađäch, ndrel ma Kon Be Biăp i nây.

Nau Tâm Mpoł 6

Kon Be Biăp plôk tra

¹Jêh ri gâp uãnh say Kon Be Biăp plôk tra tởl nguai ta pơh ở tra i nây, jêh bôh nây gâp tăng nteh bở du huê ndơ ta puăn nuyh ndơ i geh nau rêh i nây nter tâm ban ma ntở nglayh lah: “Hăn ta dja hỏm!”

²Gâp uãnh say du mlôm seh nglang, păng i ncho seh nây ndjôt na đut. Bu ăn ma păng du mlôm môk kađäch jêng mbên ma nau dơi păng, păng lờh bôh nây gay ma tâm lơh dơi, jêh ri dơi ngăn.

³Nôk Kon Be Biăp plôk tra tởl bar, gâp tăng nteh ndơ i geh nau rêh tởl bar lah: “Hăn ta dja hỏm!”

⁴Dô ma say du mlôm seh jât brồ ta nây, seh i nây dùm kơt ùnh. Păng i ncho ta kalơ seh nây bu ăn geh nau dơi ma rhuăt lơi nau đăp mpăn ta neh ntu, gay ma ăn bunuyh tâm nkhât ndrăng nơm. Bu ăn ma păng du n'gờr đao kuông ngăn.

⁵Nôk Kon Be Biăp plôk tra tồl pe, gâp tăng nteh ndơ i geh nau rêh tồl pe lah: “Hăn ta dja hồm!” Gâp uảnh say du mlôm seh krăk, păng i ncho ta kalơ seh nây ndjôt du mlôm ndơ njing.

⁶Jêh ri gâp tăng nteh lôh bớh nklang n'gul bớh puăn nuyh ndơ i geh nau rêh i nây lah: “Ăn hao khlay phe Ba Prăng, tât ma dơi rvăt du kilôgram dờm ma prăk nkhôm jan kar bêng du nar, jêh ri ăn hao khlay phe Ba Prăng ntil thok tât ma dơi rvăt pe kilôgram dờm ma prăk nkhôm jan kar bêng du nar, yờn ma lơi gồ ôh dak ngi Ôlive, ndrel ma ndrănh play yũng yar bon.”

⁷Nôk Kon Be Biăp plôk tra tồl puăn, gâp tăng nteh ndơ i geh nau rêh tồl puăn lah: “Hăn ta dja hồm!”

⁸Gâp uảnh say du mlôm seh, seh i nây âr pal, păng i ncho ta kalơ seh nây rnha ‘Nau khât’, jêh ri phung bunuyh i lể khât jêh i gũ ta ntũk phung khât tăng păng bớh kơi. Nơm rnha ‘Nau khât’, ndrel ma phung bunuyh i lể khât nây sỏ dờn nau dơi ma nkhât ỏk bunuyh ta neh ntu, puăn nuyh nkhât lơi du huê, gay ma khân păng nkhât lơi bunuyh ma đao, ma ji sốt ji ngọt kuông, ma ji khât rũng khât rặng, ndrel ma nkhât lơi bunuyh ma mpômpa (siũm) janh ta neh ntu.

⁹Nôk Kon Be Biăp plôk tra tồl prăm, ta nâm nsửng gũch pur ndơ jan brah ri, gâp say huêng bunuyh i lể bu nkhât lơi yor ma tăng iăt nau ngơi Kôranh Brah, ndrel ma mớh nkoch răp jăp Brah Yêsu jêng Kôranh khân păng nơm.

¹⁰Huêng khân păng i nây nter dũt dăng dăng lah: “Ồ Kôranh, Nơm i kloh ueh, Nơm i răp jăp, dah hồm jồ dăng May phat dôi, jêh ri plơng lơh bu ta neh ntu dja, yor ma khân păng nchai mham hên nờh?”

¹¹Jêh ri geh bu ăn ao nglang jong du huê nguyay nguyay ăp khân păng i nây, n'ho ma bu mớh ma khân păng: “Kốp hồm du blăt jât dờm, kốp bu nkhât lơi

bunuyh i sơm kơl jan kar kơt khân ay may, ndrel ma oh nô khân ay may ta nau nsing tăt râng, bu nkhât khân păng kơt khân ay may đống.”

¹²Tăt gáp say Kon Be Biăp plôk tra töl prao, jêh ri geh neh n'găr düt hô, nar jêng ngo tâm ban ma bok krăk, khay jêng düm dadê ngăn tâm ban ma mham.

¹³Löng măn̄h ta kalơ trôk tụp a neh, tâm ban ma rúng play Rvi nse nôk sial khôm i tơm păng n'gơ düt dăng.

¹⁴Trôk jêng roh klök tâm ban ma bu klôn sambüt prăp, jêh ri dăng lě yôk, ndrel ma gôl dak geh trôn bớh ntúk ơm khân păng nơm nây đống.

¹⁵Mpôl kađăch ta neh ntu, phung kuống, phung kôranh taken, phung ndrống, phung geh nau dơi, phung dâk bu, phung kon me, dăng lě phung bunuyh leo bảl nchuăt krap rỏ trôm yôk, rỏ ta nâm pữ lủ dadê.

¹⁶Khân păng lah ma yôk, ma lủ i nây: “Rlöm ntũn hõm bớh lơ hên dja, kơl nking hên bớh trôm mắt Nơm i gũ ta rơl kađăch, ndrel ma bớh nau ji nuih Kon Be Biăp nơm,

¹⁷yorlah nar i düt kuống ngăn jêng nar Khân Păng tể dôi h lě tăt jêh, mâu geh ôh bunuyh dơi klaih bớh nau i nây.”

Nau Tâm Mpọl 7

Bon lan Kôranh Brah nơm

¹Bớh kơi nây gáp say geh puăn nuyh tông pảr, dâk ăp puăn njôn̄h neh ntu. Dăng lě tông pảr i nây nking lơi sial ăp puăn njôn̄h, mâu ôh ăn khôm mprat ta neh ntu, ta dak văch dak văr, mâu lah ta tơm si du tơm.

²Jêh ri gáp say du huê tông pảr jât tă bớh mpeh lôh nar ri, ndjôt ndâp ma tra Kôranh Brah nơm i rêh ngăn. Tông pảr i nây nter düt dăng lah ma puăn nuyh tông pảr i lě geh jêh nau dơi ma jan djơh ma neh ntu, ndrel ma dak văch dak văr:

³“Lơi hỏ ôh jan djơh ma neh ntu, ma dak văch dak văr, mâu lah ma tơm si du tơm, kốp jêh hên mbang tra ta ndăng kleng phung sơm kơl jan kar ma Kôranh Brah nơm i bân yôk mbah nây bốt.”

⁴Nôk nây gâp tăng dâng lě phung i geh mbang tra nây, geh 144000 nuyh, phung i nây jêng tă bớh dâng lě 12 mpôl phung Israel dadê:

⁵12000 nuyh jêng tă bớh rnoi mpôl Yuđa, 12000 nuyh jêng tă bớh rnoi mpôl Rupên, 12000 nuyh jêng tă bớh rnoi mpôl Gat,

⁶12000 nuyh jêng tă bớh rnoi mpôl Asớr, 12000 nuyh jêng tă bớh rnoi mpôl Năptali, 12000 nuyh jêng tă bớh rnoi mpôl Manasê,

⁷12000 nuyh jêng tă bớh rnoi mpôl Simêôn, 12000 nuyh jêng tă bớh rnoi mpôl Lêvi, 12000 nuyh jêng tă bớh rnoi mpôl Isakhar,

⁸12000 nuyh jêng tă bớh rnoi mpôl Sapulôn, 12000 nuyh jêng tă bớh rnoi mpôl Yôsep, ndrel ma 12000 nuyh jêng tă bớh rnoi mpôl Benjamin i bu mbang tra.

Phung bon lan dũt ốk bớh năp rnoi kađăch

⁹Bớh kớri nây gâp say đống bunuyh dũt ốk ngăn, mâu ôh geh bunuyh đớri kớp, dâng lě phung i nây jêng tă bớh dâng lě bri dak, dâng lě rnoi deh, dâng lě ndũl mpôl bunuyh, ndrel ma dâng lě nau ngới. Dâng lě khân păng nsoh ao nglang jong dadê, dăk bớh năp rnoi kađăch, ndrel ma bớh năp mắt Kon Be Biăp ri, ndăp ma ndjôt n'ha jôm ta ti đống.

¹⁰Khân păng nter dũt dăng dăng: “Geh Kôranh Brah i gũ ta rnoi kađăch nây, ndrel ma Kon Be Biăp đớm i rklaih bunuyh.”

¹¹Nôk nây dâng lě tông păr i gũ jũm rnoi kađăch, jũm mpôl kôranh i 24 nuyh, ndrel ma jũm puăn nuyh đớ i geh nau rêh ri, leo băl păn bớh năp rnoi kađăch kũnh muh mắt a neh su yớk mbah ma Kôranh Brah,

¹²khân păng lah: “Nau i nây di ngăn ! Ăn rnê ma Kôranh Brah i Brah bân yớk mbah

Ăn lah ueh ma Păng, ndăp ma ăn yớk ma Păng babớ n'ho ro! Păng geh nau chrêk lớp, Păng geh nau mân gít blao, Păng geh nau dăng, ndrel ma nau đớri babớ n'ho ro! Nau i nây di ngăn!”

¹³Jêh ri geh du huê kôranh ta mpôl kôranh i nây ốp gâp: “Phung i nsoh ao nglang jong nây, bu moh khân păng, bớh tă khân păng?”

¹⁴Gâp ơh ma păng: “Ồ kôranh, may lẽ gít jêh.” Jêh ri păng lah ma gâp: “Dâng lẽ phung i này lẽ mập jêh nau jêr jôt dứt kuống. Khân păng lẽ pih jêh ao khân păng nơm ăn kloh ma mham Kon Be Biăp i này.

¹⁵Kơt ndri dâng khân păng hôm gũ ta bớh năp rơl kađăch Kôranh Brah nơm, Ndrel ma sơm kơl jan kar ăn ma Păng ndăng măng ma nar ta nhih jan brah Păng nơm. Nơm i gũ ta rơl kađăch này ăn ntũk khân păng ma gũ nde.

¹⁶Khân păng mâu hôm ôh ji ngot mâu hôm ji hir jât, Mâu hôm đống gũ thống ta nar, Mâu hôm ôh dơh nar hiăk ma khân păng jât,

¹⁷Yorlah Kon Be Biăp i gũ ta rơl kađăch này, Păng mra măt uănh khân păng tâm ban ma bu chiăp be biăp, Ndrel ma leo khân păng ta ntũk tu dak ăn nau rêh, Jêh ri Kôranh Brah mra jut lơi dâng lẽ dak măt bớh trôm măt khân păng nơm.”

Nau Tâm Mpoł 8

Kon Be Biăp plôk tra tởl pơh

¹Tăt Kon Be Biăp plôk tra tởl pơh, dơ ma ta kalơ trôk i ntũk Kôranh Brah nơm mâu hôm tăng nteh đe re nkuây klăp lah geh n'gul mong.

²Jêh ri gâp say pơh nuyh tông păr i dăk bớh năp Kôranh Brah ri nâng, bu ăn pơh ở nững ma khân păng đống.

³Geh đống du huê tông păr văch dăk ta nsưng jan brah ri, ndâp ma ndjôt du mlôm khăl mayh. Bu ăn ma păng ndơ bô kah ốk ngăn ma gũch, gay ma gũch nhhơ, ndrel ma nau mớh sơm phung bon lan Kôranh Brah ta kalơ nsưng jan brah mayh i bớh năp rơl kađăch này.

⁴Jêh ri n'hôl ndơ bô kah, ndrel ma nau mớh sơm phung bon lan Kôranh Brah lờh bớh ti tông păr hao jât lơ bớh năp Kôranh Brah này.

⁵Jêh này tông păr i này sỏ khăl i này, sỏ ũnh bớh nsưng jan brah tẻ bêng khăl, jêh ri ntũp pru ta neh ntu, geh nglayh, nteh ntởr mih, lơp nglayh, ndâp ma n'gơ neh ntu đống.

Pơh ở nững

⁶Jêh ri pơh nuyh tông păr i ndâp ma ndjôt pơh ở nững i này, ndrăp ôh.

⁷Tông pǎr tǒl nguai ôh nǔng pǎng nǒm, dô ma geh pler, ndrel ma ùnh pot lai đah mham, bu ntǔp pru ta neh ntu. Neh ntu ùnh sa lě du kǒ tâm pe (1/3), tǒm si ùnh sa lě du kǒ tâm pe (1/3), ndâp ma dâng lě rêp ja ndâr ùnh sa lě phiao đǒng.

⁸Tông pǎr tǒl bar ôh nǔng pǎng nǒm, dô ma geh tâm ban ma du mlǒm yôk dǔt kuǒng hit ùnh dadê, bu ntǔp ta nklang dak vǎch dak vǎr, dak vǎch dak vǎr i nây du ntǔk tâm pe (1/3) jêng mham,

⁹jêh ri dâng lě kât ka mpômpa (siǔm) i gǔ rêh ta dak vǎch dak vǎr ăp pe ở khât du mlǒm, jêh ri duk rǒ dak vǎch dak vǎr ăp pe lơh hêng du mlǒm đǒng.

¹⁰Tông pǎr tǒl pe ôh nǔng pǎng nǒm, dô ma geh du mlǒm mǎnh kuǒng, hit ùnh tâm ban ma ùnh rdo tǔp bớh lơ trôk ti. Mǎnh i nây tǔp geh ta dak rlai dâng lě du kǒ tâm pe (1/3), ndrel ma tǔp ta dâng lě tu dak du kǒ tâm pe (1/3) đǒng.

¹¹Rnha mǎnh i nây ‘Play mpăt’, dak du kǒ tâm pe (1/3) jêng tăng khêh, geh ők bunuyh khât yor ma nhêt dak tăng i nây.

¹²Tông pǎr tǒl puǎn ôh nǔng pǎng nǒm, dô ma geh nar, khay, ndrel ma mǎnh jêng ngo dâng lě du kǒ tâm pe (1/3), nôk nar geh ngo du kǒ tâm pe (1/3), nôk mǎng mâu hôm geh ndr ang du kǒ tâm pe (1/3) đǒng.

¹³Jêh ri gáp uǎnh say du mlǒm klang mbuk mbok mpǎr kalơ trôk, ndâp ma tăng pǎng nter dǔt dǎng dǎng: “Rêh rnhǎl ngǎn! Rêh rnhǎl ngǎn! Dâng lě bunuyh ta neh ntu mra rêh rnhǎl ngǎn, yor ma hôm tăng nteh nǔng pe nuyh tông pǎr jât i lě ntǒm ndrǎp ôh!”

Nau Tâm Mpọl 9

¹Tông pǎr tǒl prǎm ôh nǔng pǎng nǒm, jêh ri gáp say du mlǒm mǎnh i lě tǔp jêh bớh kalơ trôk ta neh ntu, bu ǎn ma mǎnh i nây kon so ntu brǒng dǔt jru.

²Jêh pǎng pơk ntu brǒng i nây, dô ma geh nhhuk lôh bớh ntu i nây, tâm ban ma nhhuk ùnh mpuyh dǔt kuǒng. Nôk nây nar, ndrel ma trôk jêng ngo dadê, yor ma nhhuk i lôh bớh ntu nây.

³Geh krah ők ngăn lōh bōh ntūk nhhuk nây, mpăr ta neh ntu, dâng lě krah i nây bu ăn geh nau dơi ăn bunuyh ta neh ntu geh nau ji tâm ban ma ji ndơ ving sōch đōng.

⁴Dâng lě krah i nây bu buay khân păng, mâu ôh ăn lơh hêng lơi rệp ja tơm si tơm gle, ăn lơh hêng lơi ma bunuyh i mâu geh tra Kôranh Brah ta ndăng kleng khân păng nơm nơh hō.

⁵Dâng lě krah i nây mâu ôh geh nau dơi ma nkhât bunuyh tât khât, păng geh nau dơi ma nkrit ji jō prăm khay dơm, păng ăn bunuyh ji tâm ban ma ji ndơ ving sōch đōng.

⁶Nôk nây bunuyh joi nau khât mâu ôh say, bu öch ngăn ma nau khât, tih ma mâu blao khât.

⁷Dâng lě krah i nây uănh tâm ban ma seh bu ndrăp ma hăn tâm lơh, ta bōk khân păng tâm ban ma ndô môk mayh kađăch, jêh ri i muh mắt khân păng tâm ban ma muh mắt bunuyh.

⁸I sōk khân păng tâm ban ma sōk bu ur, jêh ri i sêk tâm ban ma sêk yao mữr.

⁹Săk khân păng geh ndơ tâm ban ma ao loyh ma tâm lơh. Nteh nar khân păng tâm ban ma nteh nchuăt rdeh seh ők hăn tâm lơh.

¹⁰I chiăng khân păng geh mpôch tâm ban ma ndơ ving, chiăng khân păng nây geh nau dơi ma nkrit bunuyh jō prăm khay.

¹¹Krah i nây geh du huê kađăch ma măt uănh khân păng đōng, jêng tông păr ta mpôl brah djơh ma măt uănh ntu brōng i nây, ta nau ngơi Hêbrơ rnha ‘Apađôn’, ta nau ngơi Grek rnha ‘Apŭliiôn’, lě bar rnha i nây geh nau khlay lah: ‘Nơm n'groh lơi’.

¹²Lě lôch jêh nau rêh rnhăl tōl nguai nơh, hơm geh bar tở nau rêh rnhăl jăt tât tay bōh kơi.

¹³Tông păr tōl prao ôh nŭng păng nơm, jêh ri gáp tăng nteh bởr ngơi lōh bōh puăn ở nke ta nsŭng jan brah i ta bōh năp Kôranh Brah nây, nsŭng jan brah i nây jan ma mayh.

¹⁴Bõr ngõi i này lah ma tông pãr tõi prao i ndjõt nũng ta ti này: “Drih lơi hõm puãn nuyh tông pãr i bu kât ta meng dak rlai kuõng, i bu kuãl lah dak rlai Ởprat này.”

¹⁵Jêh ri bu drih puãn nuyh tông pãr i này, gay ma puãn nuyh tông pãr i này nkhât lơi du kõi tâm pe (1/3) ta dâng lẽ bunuyh, tông pãr i này lẽ ndrãp ma drih tât mong, nar, khay, ndrel ma năm i này.

¹⁶Gập tăng bu mboh õk taken ncho seh i tăng puãn nuyh tông pãr i này geh 200 rkeh.

¹⁷Ta nau tâm say gập, gập say seh, ndrel ma taken ncho seh này, phung taken i này nsoh ao loyh dũm ru bu tâm ban ma ùnh, âr rứt nhưt tâm ban ma trõk, ndrel ma êr tâm ban ma nsiu. I bõk bõk seh này tâm ban ma bõk yao mữr, geh ùnh, geh nhhuk ùnh, ndrel ma geh hit nsiu lôh boh mbung khân pãng.

¹⁸Bunuyh du kõi tâm pe (1/3) khât, yor ma ndr djo'h pe ntil này, khân pãng khât yor ma ùnh, yor ma nhhuk ùnh, ndrel ma nsiu i lôh tă boh mbung seh i này.

¹⁹Nau dơi seh i này ta mbung, ndrel ma ta chiãng. I chiãng khân pãng tâm ban ma geh õk bêh, dâng lẽ bõk bêh i này jan ăn bunuyh geh nau ji.

²⁰Lõng bunuyh i hôm rêh, i mâu khât ôh yor ma ndr djo'h dâng lẽ i này, hôm kõi mâu ùch rgâl đõng nuh n'hâm djo'h boh ndr djo'h khân pãng jan, mâu ùch ôh bah yõk mbah ma brah djo'h, ma rup brah nklã i jan ma mayh, ma prãk, ma kông, ma lữ, ndrel ma jan ma tøm si, jêng rup brah i mâu blao uãnh say, mâu blao tăng, mâu blao brõ này.

²¹Khân pãng mâu ùch rgâl lơi đõng nuh n'hâm djo'h i ăn khân pãng jan tih, i nkhât bu, i jan n'ang, i tâm đõng, ndrel ma ntũng bu.

Nau Tâm Mpoł 10

Tông pãr njũn du mlõm sambũt jẽ ăn ma Yõhan

¹Jêh ri gập say du huê tông pãr i dâng jât jũr boh lơ trõk ti, jũm sãk pãng ri geh tũk, ta kalõ bõk pãng geh bêh chũng tăng, i muh mắt pãng tâm ban ma nar, jêh ri i jõng tâm ban ma n'gõng hit ùnh.

- ²Ta ti păng ndjôt du mlöm sambüt klôn jě lě jêh pơk, i jöng bơh ma păng jot a nklang dak väch dak văr, i jöng bơh chiaio a kalơ kơh.
- ³Jêh ri păng nter düt dăng tâm ban ma n'grông yao mữr, jêh păng nter này geh bởr ngơi tâm ban ma ntởr mih pơh tở đöng.
- ⁴Jêh tăng nteh ngơi ntởr mih pơh tở kơt này, gập gay ma ndrăp nchih, yơn ma tăng nteh bởr tă bơh trôk lah ma gập: “Nau ntởr mih pơh tở i này lě lah, lơi ăn bu gít, may lơi ôh nchih.”
- ⁵Jêh ri tông pără i gập say dâk ta dak väch dak văr, ndrel ma ta kalơ kơh ri nơh, Păng yờr ti bơh ma jât lơ trôk,
- ⁶N'ho ma ton ta rnhă Nơm i gữ rêh bảbơ n'ho ro, I Nơm tơm njêng trôk, ndrel ma dăng lě ndơ i geh ta kalơ trôk, i Nơm tơm njêng neh ntu, ndrel ma dăng lě ndơ i geh ta neh ntu, i Nơm tơm njêng dak väch dak văr, ndrel ma dăng lě ndơ i geh ta dak väch dak văr. Păng lah: “Mâu hôm ôh ndom jât,
- ⁷ta nôk tông pără i tởl pơh ndrăp ôh nũng, lě geh jêh ndơ Kôranh Brah i hôm ndöpf mpôn a lor nơh, kơt Kôranh Brah lě mbơh ăn gít lor ma phung ntơyh nau ngơi Păng nơm, i phung sơm kơl jan kar ma Păng nơm nơh.”
- ⁸Jêh ri nteh bởr i gập tăng tă bơh kalơ trôk này nơh, lah tay ma gập du tở jât kơt nđă: “Hăn may sỏ hỏm sambüt klôn jě i lě jêh pơk ta ti tông pără i dâk ta dak väch dak văr, ndrel ma ta kalơ kơh i này.”
- ⁹Jêh ri gập hăn a tông pără i này, dăn sỏ sambüt i này. Păng lah: “Dja sambüt, may sỏ sa hỏm. Sambüt dja jan ăn may tăng ta ndũl, yơn ma ta mbung may njũng tâm ban ma dak sũt.”
- ¹⁰Gập sỏ sambüt i này bơh tông pără sa, lỏng ta mbung gập ri njũng tâm ban ma dak sũt ngăn, tât ma jêh sa ri, geh tăng ta ndũl.
- ¹¹Jêh ri bu đă gập: “Iăt ma may ntơyh tay du tở jât nau ngơi Kôranh Brah ma ỏk phung ndũl mpôl bunuyh, ma ỏk bri dak, ma ỏk phung bunuyh nau ngơi êng êng, ndrel ma ỏk kađăch jât.”

Nau Tâm Mpo1 11

Bunuyh bar hê jan nau khlay

- ¹Jêh ri bu ăn du mlöm tơm treng ma gáp tâm ban ma mống veh, Kôranh Brah lah ma gáp: “Ăn may dâk hăm, hăn veh nhieh jan brah ma Kôranh Brah nơm, veh nsưng jan brah, ndrel ma kớp dăng lể bunuyh i yớk mbah ma Kôranh Brah ta ntũk nây đống.
- ²Yờn ma lờih ôh veh ta jống gung nhieh jan brah i bớh dih, yorlah ta ntũk nây lể bu ăn ma phung i mâu di phung bon lan Kôranh Brah, khân păng mra tũn jot bon kloh ueh jố 42 khay.
- ³Jêh ri Gáp mra ăn nau dơi ma bar hê bunuyh tơm mớh nkoch nau khlay Gáp, khân păng nsoh n'gut bao chiăt, ndập ma ntỡyh nau ngời Gáp jố 1260 nar” .
- ⁴Lể geh nchieh ta Nau Kôranh Brah Ngời ma bar tơm Ôlive, ndrel ma bar ở jống sagêng, khân păng dâk bớh nấp Nơm i Kôranh ma neh ntu, jêng nau ngời hờ ma bar hê bunuyh tơm mớh nkoch i nây.
- ⁵Lah bu moh i hăn lơh bar hê khân păng i nây, geh ỉnh lơh bớh mbung khân păng su lờih phung i hăn lơh khân păng ro. Bu moh i hăn lơh khân păng, păng i nây khât kớ t nây ngăn ro.
- ⁶Bar hê khân păng i nây geh nau dơi jan ăn trôk mâu ôh geh mih nôk khân păng hờm ntỡyh nau ngời Kôranh Brah, jêh ri geh đống nau dơi jan ăn dăng lể dak jêng mham, ndập ma dơi jan nau jêr ắp ntil ăn geh ta neh ntu, dah ốk tở khân păng nơm ứch.
- ⁷Nôk bar hê khân păng i nây lể jêh ntỡyh lể phiao, geh mpômpa (siũm) dứt janh lơh bớh ntu brống i nây tâm lơh đah khân păng, dơi păng i nây, jêh ri nkhât lờih khân păng đống.
- ⁸I sắk khân păng nây bu ntỡih rỏ trong bon kuống nây, jêng bon i bu ngời hờ rnhah ‘Bon Sôđũm’, mâu lah ‘Bri Êsip’, yorlah ta bon i nây bu jan djớh hờ ngăn, ta bon i nây đống ntũk bu nkhât Kôranh khân păng nơm ta si tâm rkăng nờh.

⁹Bunuyh tă bớh dăng lẽ ndül mpôl bunuyh, tă bớh dăng lẽ rnoi deh, tă bớh dăng lẽ nau ngơi, ndrel ma tă bớh dăng lẽ bri dak, dăng lẽ khân păng mra uảnh say sắk bar hê i này jồ pe nar n'gul, bu mâu ăn ôh tốp ta môch.

¹⁰Dăng lẽ bunuyh ta neh ntu dja geh nuih n'hâm rằm maak hô ngăn, yor ma say khân păng bar hê này lẽ khât jêh, bu pâl maak dứt hô ngăn, tâm ăn nđơ dơm dam bu ăn he, he ăn bu, yorlah bunuyh i ntớyh nau ngơi Kôranh Brah bar hê này nớh jan ăn bunuyh gũ ta neh ntu dja geh nau jêr jốt dứt hô ngăn.

¹¹Yơn ma lôch pe nar n'gul này, geh n'hâm nau rêh lôh tă bớh Kôranh Brah lắp ta bunuyh khât bar hê này. Bar hê khân păng i này dắk rớp đờp ro, dăng lẽ bunuyh i say này klach nsờr ngăn.

¹²Jêh ri tăng nteh bớr dứt dắng tă bớh kalớ trôk ti lah ma bar hê khân păng này: “Hao a dja hỏm!” Jêh ri bar hê khân păng i này hao a trôk ta trôm tũk ri, lỏng phung i rlắng đắh khân păng uảnh say đờng.

¹³Nôk này đô ma n'gớ neh dứt hô ngăn, bon lẽ du kỏ tâm jắt (1/10) rlỏm lẽ phiao, bunuyh 7000 nuyh khât nôk n'gớ neh này. Bunuyh i hôm rêh klach nsờr ngăn, khân păng leo bắl rnê Kôranh Brah i gũ ta kalớ trôk ti.

¹⁴Nau rêh nhắl tồl bar lẽ lôch jêh, lỏng nau rêh nhắl tồl pe mra tắt gớnh ro.

Nteh nũng tồl pớh

¹⁵Jêh ri tông pắr tồl pớh ôh nũng păng nớm, đô ma geh nteh bớr ngơi dứt dắng ỏk ngăn ta kalớ trôk, lah kớt nđắ: “Dăng lẽ bri dak ta neh ntu dja lẽ jêng bri dak Kôranh bắn nớm, Ndrel ma jêng bri dak Brah Krist i Pắng lẽ kớih, Jêh ri Pắng mra jêng kắđắch bắbớ n'ho ro!”

¹⁶Nôk này mpôl kôranh i 24 nuyh i gũ ta rnớl kắđắch khân păng nớm ta bớh nắp Kôranh Brah, khân păng leo bắl pắn kũnh muh mắt a neh, yớk mbah ma Kôranh Brah,

¹⁷lah ma Pắng: “Ở Kôranh Brah, May jêng Kôranh, May dứt geh nau đời ma dắng lẽ ntil nđớ, May gũ rêh abắớ dja, May lẽ ỏm gũ rêh nớh. Hên đắn lah ueh ma May, Yorlah abắớ dja May lẽ nhớ jêh nau dứt đời May nớm, May lẽ ntớm mắt uảnh.

¹⁸Phung bunuyh dang lě bri dak ji nuih dadê ngăn, Yơn ma abao dja mong May nhơ nau ji nuih May nơm lě tât đōng, Jêng lě tâm di mong May phat dōih bunuyh khât. Jêng lě tâm di mong May ăn ndơ nkhôm ma Bunuyh sơm kớl jan kar ma May, jêng bunuyh ntơyh nau ngơi Kôranh Brah, jêng phung bon lan May nơm, Jêng phung klach yơk ma May, Bol lah bu jể bu kuống, Jêng lě tâm di mong đōng ma May n'groh lời bunuyh i jan nau n'groh lời ta neh ntu.”

¹⁹Nôk này nhiih jan brah ma Kôranh Brah ta kalơ trôk ri pơk mpông, jêh ri bu say hủp nau tâm rnglăp Kôranh Brah ta trôm nhiih jan brah này đōng, geh lợp nglayh, geh nteh ntởr mih, geh nglayh, geh n'gơ neh ntu, ndrel ma geh pler dủt hô tủp ta neh ntu.

Nau Tâm Mpo' 12

Bu ur, ndrel ma bêh nhũk nhăk

¹Jêh ri geh du nau mbên dủt kuống say ta kalơ trôk, geh du huê bu urnsoh n'gut du mlôm ndơ chrat tâm ban ma nar, geh khay ta bớh đōng jōng păng ri, ndâp ma geh 12 ở măn̄h jan môk kađăch ta bôk păng đōng.

²Bu ur i này ntreo lě ăp khay, jêh ri nter hô ngăn yorlah ji ứch ma gủ oh.

³Geh du nau mbên jât say ta kalơ trôk, geh du mlôm bêh nhũk nhăk dủt kuống, săk păng dủm mbu, geh pơh ở bôk, ndrel ma geh jât ở nke, jêh ri lě i pơh ở bôk păng ri ndô môk kađăch pơh ở đōng.

⁴I chiăng păng ket rgum măn̄h ta kalơ trôk lě du kỗ tâm pe (1/3) ntủp ta neh. Păng dâk bớh năp bu ur i ứch ma gủ oh này, gay ma kớp rhôp i Kon păng ro, jêh păng deh.

⁵Kon i này mra mât uănh dang lě bri dak ma nau dơi nau dăng ma mống loyh Păng, jêh ri bu ur i này gủ oh geh du huê Kon Bu Klô. Yơn ma bu pơyh mphỏk Kon i này gủ ndrel Kôranh Brah nơm ta rnl̄ kađăch Păng nơm ri.

⁶Lống bu ur i này du nchuăt gủ ta bri rdah, ntũk này Kôranh Brah lě jêh ndrăp ma păng, gay ma bu mât siăm păng jở 1260 nar.

⁷Jêh ri ta kalơ trôk geh nau tâm lơh kuông, tông pãr rnha Mikel, ndrel ma phung tông pãr i gũ ta nâm pãng nơm tâm lơh đah bêh nhũk nhăk. Bêh nhũk nhăk, ndrel ma phung tông pãr i gũ ta nâm bêh nhũk nhăk plơng tâm lơh đah phung tông pãr Mikel nây đōng,

⁸yơn ma bêh nhũk nhăk tâm lơh mâu ôh dơi, jêh ri joi ntũk ma gũ ta kalơ trôk mâu hôm geh đōng.

⁹Jêh ri bu ntũp bêh nhũk nhăk kuông i nây a su, pãng i nây bêh bơn kãl e nơh, i bu kuãl lah kôranh mpôl brah djơh, mâu lah Satăng đōng, i nơm mbrôh rằm dăng lể bunuyh ta neh ntu. Bu ntũp pãng a neh, ntũp ndập ma phung tông pãr i gũ ta nâm pãng đōng.

¹⁰Jêh ri gáp tăng nteh bởr ta kalơ trôk lah dứt dăng: “Abaơ dja lể tât jêh nau Kôranh Brah rklaih bunuyh ta neh ntu, Nau dơi Kôranh Brah, ndrel ma nau mât uảnh Kôranh Brah i bân yơk mbah. Lể tât đōng nau Brah Krist nhơ nau dơi Pãng nơm. Geh kớt nây yorlah nơm i ntôn oh nô bân ta nau nsing nơh lể bu ntũp a su jêh, Pãng i nây i vay ntôn oh nô bân ta nau nsing dăng măng dăng nar ngãn ma Kôranh Brah.

¹¹Phung oh nô i nây lể dơi đah nơm ntôn, yor ma mham Kon Be Biăp nơm, Jêh ri yor ma mbrôh nkoch Kon Be Biăp i nây jêng Kôranh khân pãng nơm, Yorlah khân pãng mâu ôh nhhuach nau rêh, khân pãng hôm mbrôh nkoch nau i nây, bol lah bu nkhât kađôi.

¹²Lah ndri rằm maak hôm dăng lể nơm i gũ ta kalơ trôk, Ta lam ntũk ta kalơ trôk i ntũk Kôranh Brah, rằm maak hôm! Lōng lam neh ntu, ndrel ma lam dak văch dak văr geh nau rêh rnhăl ngãn ro, Yorlah kôranh mpôl brah djơh lể jũr jêh a khân ay may, Nđập ma ji nuh dứt hô ngãn, Yor ma pãng lể gĩt mong pãng nơm hôm e đễ dơm.”

¹³Tât ma bêh nhũk nhăk i nây lể gĩt săk bu ntũp pãng a neh, pãng tâng lơh bu ur i gũ oh Kon Bu Klô i nây nơh ro.

¹⁴Yơn ma bu ăn bar ở nar klang mbuk mbok ma bu ur i này, pre ma mpār ăn ngai bớh bêh nhũk nhăk, hăn ta bri rdah ntũk i lể jêh ndrăp ma păng nớh, ta ntũk này bu mât siăm păng jở pe năm n'gul .

¹⁵Jêh ri bêh nhũk nhăk mbrôh dak lờh bớh mbung păng tâm ban ma dak rlai hoch bớh kới bu ur i này, gay ma rdu bũk păng.

¹⁶Yơn ma neh sớm kới ma bu ur i này, păng đàng, jêh ri dak rlai i bêh nhũk nhăk de mbrôh lờh bớh mbung păng này nớh lăp jăt neh ri rngăt.

¹⁷Jêh ri bêh nhũk nhăk i này ji nuih hô ngăn ma bu ur i này, păng hăn tâm lờh kuống đah phung kon, bu ur i này i hôm, tâm lờh đah dăng lể phung i ndjôt tâng nau đă Kôranh Brah, jêng phung i hôm mbrôh nkoch Brah Yêsu jêng kôranh khân păng nớm.

¹⁸Jêh bớh này bêh nhũk nhăk i này hăn dăk ta choyh rỏ meng dak văch dak văr ri.

Nau Tâm Mpọl 13

Mpômpa (siũm) dũt janh i lờh bớh dak văch dak văr

¹Jêh ri gáp say du mlôm mpômpa (siũm) dũt janh lờh bớh dak văch dak văr ri, geh pớh ở bôk, ndrel ma geh jăt ở nke, ta kalớ nke păng ri geh jăt ở môk kađăch đống, jêh ri ta kalớ pớh ở bôk păng ri geh nchih rnha êng êng mưch rmot Kôranh Brah.

²Mpômpa (siũm) i gáp say này săk păng tâm ban ma yao brăch, i jông păng tâm ban ma jông kao, jêh ri i mbung păng tâm ban ma mbung yao mữr. Bêh nhũk nhăk ăn nau dăng păng nớm ma mpômpa (siũm) i này, ndrel ma ăn gũ ta rnọl kađăch păng nớm, ndâp ma ăn nau dơi kuống ma mpômpa (siũm) i này.

³Gáp say du mlôm bôk mpômpa (siũm) i này rmanh bới ma khăt, yơn ma ntũk i rmanh dũt hô bới ma khăt này lể bah chrao. Jêh ri dăng lể bunuyh ta neh ntu ndrôt hih rhôl dadê ngăn, leo bắl tâng mpômpa (siũm) i này.

⁴Khân păng yớk mbah ma bêh nhũk nhăk i ăn nau dơi ma mpômpa (siũm) i này, jêh ri khân păng yớk mbah ma mpômpa (siũm) i này n'ho ma lah: “Mâu

hôm geh ôh bunuyh tâm ban ma păng i dja, mâu hôm geh ôh bunuyh dơi tâm lơh đah păng i dja.”

⁵Kôranh Brah mâu ôh buay păng i này ngời hứn, ndâp ma ngời mứch rmot Kôranh Brah. Kôranh Brah mâu ôh buay păng sô nau dơi mât uảnh jö 42 khay.

⁶Păng ha mbung mứch rmot Kôranh Brah, rak suai rnha Kôranh Brah, rak suai ndâp ma ntük Kôranh Brah, ndrel ma rak suai dâng lể phung i gũ ta kalơ trôk i ntük Kôranh Brah đong.

⁷Kôranh Brah mâu ôh buay păng tâm lơh đah phung bon lan Kôranh Brah nơm, ndâp ma dơi păng đong. Păng sô đơn nau dơi ma mât uảnh dâng lể rnoi deh, dâng lể ndül mpôl bunuyh, dâng lể phung bunuyh nau ngời êng êng, ndrel ma dâng lể bri dak đong.

⁸Jêh ri bunuyh ta neh ntu i mâu geh nchih săk ta sambüt nau rêh Kon Be Biăp nơm i bu de nkhât, dâng lể khân păng i này yôk mbah ma mpômpa (siüm) i này dadê. Rnha săk ta sambüt i này bu lể nchih ê lor ma nau rhăk njêng neh ntu nơh.

⁹Bu moh i geh tôh ăn păng iătt ngăn hóm!

¹⁰Lể ơm Kôranh Brah ăn bunuyh abă bu de nhữp tể ndrung, Bunuyh i này mra gũ ta ndrung ngăn, Păng ăn bunuyh abă bu de nkhât ma đao, Bunuyh i này mra khât ma đao ngăn. Lah ndri phung bon lan Kôranh Brah ăn nsrôyh nâng ta nau jêh, ăn geh nau nsing nập.

Du mlôm mpômpa (siüm) lôh bôh neh

¹¹Jêh bôh này gập say du mlôm mpômpa (siüm) dứt janh a êng lôh bôh neh, geh bar ở nke tâm ban ma nke kon be biăp, i nteh ngời păng tâm ban ma nteh ngời bêh nhũk nhăk.

¹²Mpômpa (siüm) i này sô dâng lể nau dơi bôh mpômpa (siüm) töl nguai i lôh bôh dak văch dak văr nơh, păng nchập dâng lể bunuyh ta neh ntu dja, ăn yôk mbah ma mpômpa (siüm) töl nguai i geh rmanh bôh ma khât, jêh ri bah này nơh đong.

¹³Păng jan nau gít mbên êng êng dút kuông ngă, n'ho ma jan ăn tũp ùnh bớh kalơ trôk ta neh ntu, ăn dăng lě bunuyh say.

¹⁴Kôranh Brah mâu ôh buay păng jan nau gít mbên êng êng i tă bớh nau dơi mpômpa (siũm) tởl nguai nây. Ma nau mbên i nây păng leo dăng lě bunuyh i gũ ta neh ntu ăn hiôt, jêh ri păng đả dăng lě bunuyh i gũ ta neh ntu ăn jan rup mpômpa (siũm) i rmanh yor ma đao, i lě bah i nây.

¹⁵Kôranh Brah mâu ôh buay păng jan ăn rup mpômpa (siũm) i nây geh n'hâm nhhôt, gay ma blao ngời, jêh ri mpômpa (siũm) i nây ăn bu nkhât lơi bu moh i mâu ũch ôh yỏk mbah ma rup mpômpa (siũm) i nây.

¹⁶Păng nchập dăng lě bunuyh, ndập ma bunuyh jẻ, bunuyh kuông, bunuyh ndrông, bunuyh kro, bunuyh mâu dâk bu, bunuyh dâk bu, ăn sỏ dơn du ndờ mbên ta ti bớh ma, mâu lah ta ndăng kleng.

¹⁷Jêh ri bu moh i mâu ôh geh ndờ mbên i nây, păng i nây mâu ôh dơi rvăt, dơi tách du ntil ndờ. Mbên i nây rnha mpômpa (siũm) i nây, mâu lah mrô rnha mpômpa (siũm) i nây.

¹⁸Iăt ma geh nau mân gít blao ma văt nau khlay ndờ mbên i nây, bu moh i geh nau blao, ăn păng sỏ mrô mpômpa (siũm) i nây kớp, yorlah mrô i nây jêng mrô rnha bunuyh, jêng mrô 666.

Nau Tâm Mpo1 14

Kon Be Biăp, ndrel ma bunuyh i Kôranh Brah de chuai

¹Jêh ri gập say Kon Be Biăp i nây dâk ta kalơ yỏk Siôn, geh bunuyh 144000 nuyh gũ ndrel Păng, dăng lě bunuyh i nây lě geh nchih jêh rnha Kon Be Biăp, ndrel ma rnha i Bở Păng nờm ta ndăng kleng.

²Gập tăng nteh ndờ ta kalơ trôk tâm ban ma n'gờ dak kuông, mâu lah tâm ban ma nteh ntở mih dút hô. Nau nteh i gập tăng nây tâm ban ma nteh mpôl goh gong rêng ỏk ngă.

³Khân păng i 144000 nuyh nây, mprō nau mprō mhe ta bớh năp rnōl kađach i nây, ta bớh năp puăn nuyh ndờ i geh nau rêh i nây, ndrel ma ta bớh năp mpôl 24 nuyh kôranh i nây. Mâu geh ôh du huê bunuyh a êng blao nti nau

mprō i nây, geh phung i 144000 nuyh i lě Kôranh Brah de chuai bớh neh ntu nớh dờm blaol.

⁴Dâng lě khân păng i nây mâu geh ôh bếch đah ma bu ur, khân păng hôm e ntang khat dadê ngăn. Ah ntũk Kon Be Biăp hăn, khân păng hăn tâng groi Păng ta ntũk nây đống. Păng lě chuai jêh khân păng lor bu bớh dâng lě bunuyh, jêng ndrợ nhhợr ma Kôranh Brah, ma Kon Be Biăp i nây đống.

⁵Dâng lě khân păng i nây mâu prot đống ngợi mbrôh, ta khân păng mâu geh ôh nau ma nduih.

Mboh nkoch nau tể dôi

⁶Jêh ri gập say du huê tông pãr jât, mpãr rỏ n'gul trôk, leo nau mhe mhan ueh i hôm bảbớ n'ho ro, ma mbớh nkoch ăn ma dâng lě bunuyh ta neh ntu, dâng lě bri dak, dâng lě rnoi deh, dâng lě nau ngợi, ndrrel ma dâng lě ndrũl mpôl bunuyh.

⁷Tông pãr i nây nter dũt dăng lah: “Ăn khân ay may klach yớk ma Kôranh Brah, ndrrel ma rnê nau chrêk lợp Păng hỏm, yorlah lě tât di mong Păng phat dôi. Ăn khân ay may yớk mbah ma Păng i nớm tợm njêng trôk, neh ntu, dak vặch dak vặ, ndrrel ma dâng lě tu dak.”

⁸Geh du huê tông pãr jât tât bớh kợi lah: “Lě rlỏm ngăn ro! Lě rlỏm ngăn ro bon Babilôn i dũt kuống, yorlah bon i nây lě leo dâng lě bunuyh ta dâng lě bri dak ăn jan nau khớh kler, nau tâm đống, tâm ban ma bu leo bunuyh êng nhêt ndrảnh play yũng yar bon. Nau i nây njũn leo ăn Kôranh Brah ji nuih tể dôi!”

⁹Geh du huê tông pãr jât tât bớh kợi jêng tông pãr i tởl pe lah dũt dăng ngăn: “Bu moh i yớk mbah ma mpômpa (siũm) i dũt janh nây, bu moh yớk mbah ma rup păng nây, ndrập ma geh sỏ nau mbên păng ta ndrăng kleng, mâu lah ta ti,

¹⁰bunuyh i nây Kôranh Brah ăn nhêt bớh kchok ndrảnh play yũng yar bon Păng nớm i mâu geh lai ma dak, geh nau khlay lah Kôranh Brah tể dôi dũt

hồ ngăn. Khôn păng đơn nau krit jêr ma ùnh hit, ndrel ma hit nsiu ta bớh nấp phung tông pãr kloh ueh, bớh nấp Kon Be Biăp nờm.

¹¹ ùnh i ăn khôn păng geh nau krit jêr nây, ndập ma nhuk ùnh i nây bảbơ n'ho ro ngăn. Bu moh i yớk mbah ma mpômpa (siũm) i dũt janh nây, ndrel ma yớk mbah ma rup păng nây, bunuyh i lể sớ đơn jêh nau mbên rnha păng nây, gĩt lah geh nau jêr jốt dăng mắng dăng nar mâu hũnh ôh.”

¹² Lah ndri phung bon lan Kôranh Brah, i ndjôt nau vay Kôranh Brah đă, ndrel ma i nsing nập rkâk ma Brah Yêsu, ăn gũ ăt nuh nâng ta nau jêr.

¹³ Jêh ri gáp tăng nteh bớr ta kalơ trôk lah kớt nđă: “Ăn may nchih nau dja: Ntờm bớh mong dja, ueh maak ngăn ma bu moh i khât, ndập ma nsing ma Kôranh Yêsu.” Brah Huêng Ueh lah: “Di ngăn, ueh maak ngăn ma khôn păng, yorlah khôn păng mra gũ rlu, mâu hôm ôh geh nau rớah rgănh jât, yorlah dăng lể đờ khôn păng jan nớh geh đờ nkhôm ngăn ma khôn păng nờm.”

Nau rek neh ntu

¹⁴ Jêh ri gáp say du rchuăl tũk nglang, geh du huê gũ ta đờr tũk nây, păng tâm ban ma kon bunuyh. Păng ndô môk kađăch i jan ma mayh, ndập ma ndjôt du mlôm ndjeo dũt sôt ta ti păng nờm.

¹⁵ Lống geh du huê tông pãr jât lôh tă bớh nhih jan brah ma Kôranh Brah, nter dũt dăng ngăn lah ma păng i gũ ta đờr tũk i nây: “Sớ ndjeo may nờm nây rek hỏm! Lể di mong rek jêh, yorlah đờ ta neh ntu lể dũm jêh.”

¹⁶ Jêh ri păng i gũ ta đờr tũk nây, rek neh ntu ma ndjeo, neh ntu rek jêh lể phiao.

¹⁷ Jêh ri geh du huê tông pãr jât lôh tă bớh nhih jan brah ma Kôranh Brah ta kalơ trôk, păng ndjôt du mlôm ndjeo dũt sôt đống.

¹⁸ Geh du huê tông pãr jât i kôranh ma ùnh, lôh bớh ntũk nsưng jan brah, păng lah dũt dăng ngăn ma tông pãr i ndjôt ndjeo dũt sôt nây: “Sớ ndjeo may i dũt sôt nây, koh hỏm ryôk play yũng yar bon ta tởm ta neh ntu, yorlah lể dũm jêh!”

¹⁹Jêh ri tông pǎr i này rek neh ntu ma ndjeo pǎng nǎm, rgum play yǔng yar bon i này jêh lǎ phiao, jêh ri pǎng nklăch play i này ta trôm ntũk njot play yǔng yar bon dũt kuǒng, geh nau khlay lah, Kôranh Brah ji nuuh tể dôih ma dâng lǎ bunuyh ta neh ntu.

²⁰Ntũk i này bǎh dih bon, bu jot mpet play yǔng yar bon i này, lôh mham hoch lôh bǎh ntũk i này prêh tât mbung seh ngǎn, ngai hoch mham i này klăp lah 300 kilômet.

Nau Tâm Mpọl 15

Pơh nuyh tông pǎr geh pơh ở ngan i geh nau jêh

¹Jêh ri gâp say nau gĩt mbên nguai jât ta kalơ trôk, nau gĩt mbên i này dũt kuǒng ndrôt hih rhôl ngǎn, geh pơh nuyh tông pǎr ndjôt pơh ở nau jêh n'glě dũt, jêng nau jêh n'glě dũt, yorlah ta nau jêh i này nau Kôranh Brah ji nuuh tể dôih ma dâng lǎ bunuyh ta neh ntu dja lǎ lôch jêh.

²Jêh ri gâp say dak vǎch dak vǎr rsang tâm ban ma lữ nglang tâm lai đah ũnh, jêh ri bu moh i lǎ dơi đah mpômpa (siũm) i dũt janh i này, đah rup pǎng, yorlah khân pǎng mâu ôh yơk mbah ma mpômpa (siũm) i này, ndrel ma mâu ôh ăn bu tể mbên mrô rnha pǎng ta sǎk khân pǎng nǎm, khân pǎng dâk ta meng dak vǎch dak vǎr i này, ndâp ma ndjôt gong rêng i Kôranh Brah lǎ ăn ma khân pǎng nǎh.

³Jêh ri khân pǎng mprọ nau mprọ Môsê i nǎm sǎm kơl jan kar ma Kôranh Brah, ndrel ma nau mprọ Kon Be Biăp nǎm kơt nđa: “Ở Kôranh Brah, May dũt geh nau dơi ma dâng lǎ ntil ndr, Ndr May nǎm jan dũt kuǒng, Jêh ri dũt nau ngǎn! May i Kađăch dâng lǎ bri dak ơi, Dâng lǎ ndr May jan lǎ sǒng, lǎ di dadê ngǎn!

⁴Ở Kôranh Brah! Dâng lǎ bunuyh klach yơk ma May dadê! Dâng lǎ bunuyh rnê May dadê, Yorlah geh du huê May dơi i kloh ueh. Dâng lǎ bunuyh dâng lǎ bri dak mra hǎn yơk mbah ma May dadê, Yorlah khân pǎng say n'hêl nau May jan sǒng ngǎn.”

⁵Bơh kơi nây jât, gập uảnh say mpông nhiih jan brah ma Kôranh Brah ta kalơ trôk jêng chun bok jan brah pơk bống rpụk.

⁶Jêh ri pơh nuyh tông pãr lôh bơh nhiih jan brah i nây, ndjôt pơh ở nau jêr, geh nsoh n'gut ma bok lai h nglang kloh ang ngăn, jêh ri geh rse mayh kât ta ntang nơh đổng.

⁷Geh du huê nơr ta puăn nuyh nơr i geh nau rêh i nây, ăn ngan mayh pơh ở ma pơh nuyh tông pãr nây. Ta trôm ngan mayh nây geh bêng ma nau Kôranh Brah tể dôih, Kôranh Brah i gũ rêh bảbơ n'ho ro.

⁸Ta trôm nhiih jan brah ri geh bêng ma nau nhhuk thũl nau chrêk lơp Kôranh Brah nơm, ndrel ma nau đơi Kôranh Brah nơm, mâu ôh geh du huê đơi lăp ta trôm nây, n'ho ma lể lôch pơh ở nau jêr i tã bơh pơh nuyh tông pãr mơ đơi lăp.

Nau Tâm Mpọl 16

Pơh ở ngan mayh i ăn nau jêr

¹Jêh ri gập tăng nteh bởr dũt dăng ngăn bơh nhiih jan brah ri, lah ma pơh nuyh tông pãr nây: “Hăn hỏm, nkhũt hỏm pơh ở ngan i geh nau Kôranh Brah tể dôih nây ta neh ntu!”

²Tông pãr tởl nguai hăn nkhũt ngan păng nơm nây ta kơh ta neh ntu, jêh ri dăng lể bunuyh i geh nau mbên mpômpa (siũm) dũt janh nơh, ndrel ma yơk mbah ma rup păng nơh, geh nau sôt rhok ji dũt hô ngăn.

³Tông pãr tởl bar nkhũt ngan păng nơm nây ta dak văch dak văr, jêh ri dak văch dak văr jêng mham tâm ban ma mham bunuyh lể khât, jêh ri dăng lể nơr i rêh ta dak văch dak văr nây khât rũng khât rchă lể phiao.

⁴Tông pãr tởl pe nkhũt ngan păng nơm nây ta dăng lể dak rlai, ta dăng lể tu dak, jêh ri dăng lể dak i nây jêng mham dadê.

⁵Jêh ri gập tăng tông pãr i kôranh ma dak lah: “Ồ, Kôranh Brah, May gũ rêh, May lể ơm gũ rêh, May nơm kloh ueh. May phat dôih ta nau dja sổng ngăn,

⁶Yorlah phung bunuyh i May tễ dôih dja, khân păng lể nkhât lể nchai mham phung bon lan May nôm, ndrel ma phung bunuyh ntôyh nau ngơi May, Kơt ndrì abao' dja May ăn khân păng nhêt mham, Nsũch đễ khân păng!”

⁷Jêh ri gáp tăng nteh bở bớh nsưng jan brah lah kơt nđa: “Ồ Kôranh Brah, May dứt geh nau đơi ma dăng lể ntil nđơ, Di ngấn, sổng ngấn, dăng lể nau May phat dôih!”

⁸Tông pảr tồl puăn nkhũt ngan păng nôm ta nar, jêh ri nar geh nau dăng, jan ăn bunuyh dồh djeh ngấn yor ma dồh hô ir.

⁹Dăng lể bunuyh dồ rhok yor ma dồh hô ir ngấn, yờn ma khân păng mâu ôh rgâl lơi nuih n'hâm djơh, mâu ôh rnê nau chrêk lơp Kôranh Brah, khân păng rak thẳm Kôranh Brah i geh nau đơi ma dăng lể nau jêh i nây.

¹⁰Tông pảr tồl pẳm nkhũt ngan păng nôm ta rno'l kađăch mpômpa (siũm) dứt janh nây, jêh ri bri dak i păng mât uảnh jêng ngo. Dăng lể bunuyh leo bảl kắp mpiăt khân păng nôm, yor ma nau rêh rnhăl hô ir hô ar ngấn.

¹¹Khân păng leo bảl rak thẳm Kôranh Brah i gũ ta kalơ trôk, yor ma rêh rnhăl hô ir, ndrel ma sôt rhok ta sắk khân păng nôm. Lể dah nây hơyh geh nau rêh rnhăl, yờn ma hôm e ma khân păng mâu rgâl lơi nuih n'hâm djơh mâu bah jan djơh.

¹²Tông pảr tồl prao nkhũt ngan păng nôm ta dak rlai kuống, jêng dak rlai Ởprat, jêh ri dak rlai Ởprat suăt lể phiao, gay ma geh trong ăn ma mpôl kađăch tă bớh lôh nar hăn.

¹³Jêh ri gáp say pe huêng brah djơh tâm ban ma kăt, nguai lôh bớh mbung bêh nhũk nhắk, nguai lôh bớh mbung mpômpa (siũm) i dứt janh nây, nguai jăt lôh bớh mbung bunuyh ntôyh nklă nau ngơi Kôranh Brah,

¹⁴dăng lể huêng i nây jêng huêng brah djơh. Khân păng jan nau gĩt mbên êng êng ngấn, nđập ma hăn ta mpôl kađăch lam neh ntu, gay ma rgum mpôl kađăch i nây ăn tâm lơh ta nar i dứt kuống ngấn jêng nar Kôranh Brah phat dôih, Kôranh Brah i dứt geh nau đơi ma dăng lể ntil nđơ.

15- Brah Yêsu lah: “Lõng Gâp väch bu mâu ôh gít moh mong, tâm ban ma bu mâu ôh gít moh mong bunuyh hăn ntũng! Ueh maak ngãn ma bu moh i hôm gũ rneh njrãng sãk hôm nsing nâp, khân pãng tâm ban ma geh bok n'gut ao nsoh nkrum sãk jãn khân pãng, mâu ôh gũ lahôk ăn bu say nau đit prêng!” -

16Jêh ri huêng djơh i này rgum dãng lẽ mpôl kađäch i này ăn gũ du ntũk, ta nau ngơi Hêbrơ lah ntũk i này: ‘Harmakêđôn’.

17Tông pãr tởl pơh nkhũt ngan pãng nơm ta trôk, jêh ri geh nteh bởr dũt dãng bởh rơl kađäch ta trôm nhieh jan brah ma Kôranh Brah, lah kơt nđa: “Lẽ jêh lẽ phiao hơi!”

18Nôk này geh lợp nglayh, geh nteh ntởr mih, nđập ma geh nglayh, ndrel ma geh n'gãr neh ntu dũt hô ngãn, mâu ôh prot geh n'gơ neh ntu kơt này nơm bởh geh bunuyh ta neh ntu.

19Bon Babilôn i dũt kuống lẽ tâm nkah jêng pe ở, lõng dãng lẽ bon dãng lẽ bri dak rlôm. Nôk này Kôranh Brah hôm kah gít ma bon Babilôn, Pãng tễ dôihi ma bon i này ăn bunuyh ta bon i này tâm ban ma nhêt nhũl ndrãnh play yũng yar bon ta kchok i Pãng dũt ji nuhi tễ dôihi.

20Jêh ri dãng lẽ gôl dak roh lẽ phiao, dãng lẽ yôk bu uảnh mâu hôm say jât ôh.

21Geh pler dũt kuống kuống tũp bởh kalơ trôk ta phung bunuyh, pler nguy nguy jôk klăp lah 30 kilôgram. Jêh ri khân pãng rak thãm Kôranh Brah, yor ma nau jêr ma pler i này, ăn geh nau rêh rnhãl i này dũt hô ngãn.

Nau Tâm Mpo1 17

Nau tễ dôihi ma bu ur vãng târ

1Jêh bởh này geh du huê tông pãr ta pơh nuyh phung tông pãr i lẽ nkhũt pơh ở ngan i này, hăn ta gâp nđập ma lah: “Hăn ndrel gâp, gâp ũch nhơ ăn may say nau tễ dôihi ma bu ur vãng târ i bu lữ i gũ kêng ntũk ỏk geh n'hong dak.

2Kađäch lam neh ntu lẽ tâm đong khơh kler ndrel bu ur i này, jêh ri dãng lẽ bunuyh ta neh ntu tâm ban ma nhũl ndrãnh, yor ma jan tâng nau khơh kler pãng đong.”

³Jêh ri tông pǎr i này leo gâp hǎn ta bri rdah tă bôh nau dơi Brah Huêng Ueh. Ta ntük này gâp say du huê bu ur ncho ta kalơ du mlôm mpômpa (siũm), mpômpa (siũm) i này dũm ngǎn, lam sǎk pǎng geh nchih rnha êng êng, jêng rnha mưch rmot Kôranh Brah. Mpômpa (siũm) i này geh pơh ở bôk, ndrel ma geh jât ở nke.

⁴Bu ur i này nsoh n'gut ma bok sut, ma bok gữr, ndâp ma nkrở sǎk pǎng ma mayh, ma lữ khlay, ma ők lữ pích mlôm (lữ glo). Ta ti pǎng ri, ndjôt du mlôm kchok mayh, ta kchok i này bêng ma nau bở bớch, nau djơh khơh kler pǎng nơm ngǎn.

⁵Ta ndǎng kleng pǎng geh nchih rnha nau hơ lah kơt nđa: ‘Bon Babilôn i dũt kuông, jêng i me ma phung bu ur vǎng târ, jêng i me ma dǎng lě nau bở bớch ta neh ntu’.

⁶Gâp say bu ur i này nhũl ma mham nkhât ők phung bon lan Kôranh Brah, ndrel ma mham phung i nsing rǎp jǎp ma Brah Yêsu. Nôk gâp say pǎng, gâp ndrôt hih rhõl ngǎn.

⁷Tông pǎr i này lah ma gâp: “Mơm may geh nau ndrôt hih rhõl kơt này? Gâp mbớh nkoch ǎn may gĩt nau ndöp mpôn ta bu ur i này, ndrel ma mbớh nkoch nau ndöp mpôn ta mpômpa (siũm) i pǎng ncho geh pơh ở bôk, jât ở nke này.

⁸Mpômpa (siũm) i may say này, bớh ntơm nơh geh nau rêh, yơn ma abao dja mâu hơm rêh ôh, pǎng mra lôh bớh ntu brõng, jêh ri roh lêk tay. Dǎng lě bunuyh i gũ ta neh ntu i mâu geh Kôranh Brah nchih rnha sǎk ta sambũt nau rêh bớh ntơm geh neh ntu, khân pǎng geh nau ndrôt hih rhõl ngǎn, yorlah say mpômpa (siũm) i này pǎng bớh ntơm nơh geh nau rêh, abao dja mâu geh jât ôh, jêh ri say tay pǎng.

⁹Bu moh i geh nau mân gĩt blao vât nau dja: Pơh ở bôk i này, ũch ngơi ma pơh ở yök ntük bu ur i này gũ, ndrel ma ũch ngơi ma pơh nuyh kađǎch đõng.

¹⁰Ta mpôl kađǎch i này prǎm nuyh lě roh jêh, du huê hơm jan kađǎch, jêh ri i du huê jât ê hõ ôh jan. Tât pǎng jan kađǎch, pǎng jan kađǎch mâu jõ ôh.

¹¹Lõng mpômpa (siũm) i may say này, i bôh ntôm nơh geh nau rêh, yơn ma abao' dja mâu hôm rêh ôh, păng jan kađăch tồl pham. Păng jêng ta mpôl kađăch i pơh nuyh này đổng, jêh ri mra khât roh lêk.

¹²Jât ở nke i may say này, i này jêng jât nuyh kađăch i ê hỏ ôh jan kađăch, yơn ma khân păng mra jan kađăch jổ du mong đơm ndrel mpômpa (siũm) i này.

¹³Dâng lẽ kađăch i này geh nau mân du ntôr nau đơm, jao nau đơi khân păng nơm, ndập ma nau mât uảnh ăn ma mpômpa (siũm) i này.

¹⁴Dâng lẽ kađăch i này mra leo bảl tâm lơh đah Kon Be Biăp, yơn ma đơi Kon Be Biăp, yorlah Păng i Kôranh kuống rlau ma dâng lẽ kôranh, Păng i Kađăch kuống rlau ma dâng lẽ kađăch. Lõng dâng lẽ phung i gũ ndrel Kon Be Biăp, lẽ Kôranh Brah de kuăl, lẽ kơih khân păng, khân păng jêng phung i răp jăp ma Păng dadê.”

¹⁵Tông pảr i này lah tay ma gâp: “Ốk n'hong dak i may say này, ta ntũk bu ur văng târ gũ nơh, jêng mbên ma phung ndũl mpôl bunuyh, phung bunuyh ốk, phung bunuyh bri dak êng êng, ndrel ma phung bunuyh nau ngơi êng êng.

¹⁶Jât ở nke i may say này, ndập ma mpômpa (siũm) i này, mra ji biảnh ma bu ur văng târ i này, khân păng mra lơh hêng păng, ăn păng gũ lahôk, sa mlay păng, ndrel ma sỏ pur păng ta ũnh jât,

¹⁷yorlah Kôranh Brah ăn nau mân ma jât ở nke, ăn khân păng jan đơ i Păng lẽ ũch. Ndri khân păng du ntôr nau jao nau đơi khân păng nơm, ndập ma nau mât uảnh ăn ma mpômpa (siũm) i này, n'ho ma tât nau ngơi Kôranh Brah lẽ tât ngăn.

¹⁸Lõng bu ur i may say này nơh, jêng mbên ma bon đũt kuống i mât uảnh dâng lẽ kađăch ta neh ntu.”

Nau Tâm Mpo' 18

Bon Babilôn rlôm

¹Bơh kơi nây, gáp say du huê tông pãr i jũr bơh kalơ trôk ntũk Kôranh Brah nơm, tông pãr i nây geh nau dơi hô ngãn, jêh ri nau chrêk lơp pãng ang lam neh ntu ngãn.

²Pãng nter dũt nteh: “Bon Babilôn i dũt kuông lể rlôm ngãn jêh! Pãng lể rlôm ngãn jêh! Bon i dja lể jêng ntũk gũ phung brah djơh, Jêng ntũk brỗ rsong ăp ntil brah bở bớch, Ndreל ma lể jêng rsuãn ăp ntil siũm nar i mầu kloh i bở bớch,

³Yorlah bon i nây leo dãng lể bunuyh dãng lể bri dak jan djơh jan tâng nau khơh kler, nau tâm đổng pãng, Tâm ban ma bu nhêt ndrãnh play yũng yar bon tât nhũl. Phung kađăch ta neh ntu lể jan tâng bon i nây, tâm ban ma lể jan nau khơh kler dadê đổng. Jêh ri dãng lể phung tăch rgâl ndr ta neh ntu dãng geh đrăp ndr đổng kuông, yor ma nau gũ rêh dũt khlay dũt ueh ta bon dja.”

⁴Jêh ri gáp tăng nteh bởr jât tă bơh kalơ trôk: “Ồ phung bon lan Gáp nơm! Ăn leo bảl lôh hỏm bơh bon dja, Gay ma lơi ôh geh nau tih ndrel khân pãng, Klach lah geh nau jêr Ndreल khân pãng.

⁵Yorlah nau tih khân pãng dũt ỏk tâm ban ma lể mpũm tât a trôk, Abaơ dja Kôranh Brah kah gít ma nau khân pãng jan djơh.

⁶Ăn plơng ma khân pãng tâm di đah ndr khân pãng lể jan ma bu nơh, Plơng ma khân pãng nguai jêng bar, ndr khân pãng lể jan jêr ma bu, plơng ma khân pãng nguai jêng bar, Tâm ban ma ăn khân pãng nhêt du kchok ndrãnh jêng bar bơh i khân pãng ăn ma bu.

⁷Bunuyh ta bon dja rnê êng sắk khân pãng nơm, gũ rêh dũt ueh, Lah ndr i ăn khân pãng đơn nau rêh rnhăl, ndâp ma nau nhũm rngot hô kớrt nây đổng. Yorlah khân pãng lah êng ta nuih n'hâm: ‘Gáp gũ rêh tâm ban ma kađăch bu ur, Mầu ôh jêng tâm ban ma bu ur ndrô Mầu đổng geh nau nhũm rngot!’

⁸Lah ndr i dãng lể nau rêh rnhăl ta bon dja geh du nar đơm, Bunuyh ta bon geh nau khât, geh nau nhũm rngot, geh nau ji sỏt ji ngot, Jêh ri geh nau ùnh sa, Yorlah Kôranh Brah i tể dôi h bon dja geh nau dơi ngãn.”

⁹Phung kađäch ta neh ntu dja i lě tâng jan ndr bở bớch, nau tâm đống khớh kler tâng kot bunuyh ta bon i nây, ndâp ma lě gũ rêh dũt ndrõng dũt rãm maak kot khân pãng đống, nôk khân pãng say nhhuk ùnh sa bon i nây, khân pãng mra nhũm rngot ngãn ro.

¹⁰Dâng lě kađäch i nây mra gũ bớh ngai, klach nsõr nau rêh rnhăl bunuyh ta bon i nây, khân pãng lah: “Rêh rnhăl ngãn! Rêh rnhăl ngãn! Ở bon Babilôn i dũt kuõng, i geh nau đơi kuõng, Yorlah nau tể dõih ma may ta du mong đơm.”

¹¹Phung tách rgâl ndr ta neh ntu nhũm ndr, yorlah mâu hõm geh ôh bunuyh rvăt drăp ndr khân pãng.

¹²Drăp ndr i nây, geh mayh, geh prăk, geh lữ khlay, lữ pích (lữ glo), geh bok nglang ueh, bok sut, bok hul, bok gũr, geh ăp ntil tởm si bô kah, geh ăp ntil ndr jan ma la, geh ăp ntil ndr jan ma tởm si khlay, ndr jan ma kông, ndr jan ma loyh, ndrel ma ndr jan ma lữ i ueh,

¹³nkhop si bô kah, ndâp ma ndr kah êng êng ma tể trao, ndr bô kah ma su, ntăk si bô kah rnha mâr, ntăk si bô kah ma su, ndrănh play yũng yar bon, dak ngi Ôlive, rnih Ba Prăng dũt ueh, Ba Prăng, ndrôk, be biăp, seh, rdeh seh, ndâp ma bunuyh gay ma jan dăk bu.

¹⁴Phung i nây lah ma bunuyh ta bon Babilôn: “Dâng lě play i khân ay may ũch geh hô ngãn Roh lě phiao. Dâng lě ndr geh nau khlay, Dâng lě ndr ma nkrở roh lě phiao, Mâu hõm ôh geh bunuyh joi say jăt.”

¹⁵Dâng lě phung tách rgâl i nây, i jêng ndrõng tă bớh bon i nây, khân pãng mra gũ bớh ngai klach nsõr ngãn ma nau rêh rnhăl bon i nây, khân pãng leo băl nhũm rngot

¹⁶lah: “Rêh rnhăl ngãn! Rêh rnhăl ngãn! Ở phung bunuyh ta bon i dũt kuõng, Geh bok n'gut ao nsoh bok i khlay khlay ngãn, Bok sut, bok gũr, Ndrel ma nkrở săk ma mayh, Ma lữ khlay, ma lữ pích (lữ glo)

¹⁷Dâng lẽ drăp ndr dūt ők dja roh hêng lẽ ta du mong dơm!” Mpôl i bơk duk kuống, mpôl i ncho ta kalơ duk kuống, ndrel ma dâng lẽ mpôl i jan kar ta kalơ duk kuống này mra leo bảl gũ bỡh ngai.

¹⁸Nôk khân păng say nhhuk ũnh lôh bỡh bon này, khân păng nter đrơu: “Mâu ôh vay geh bon kuống rlau ma bon i này!”

¹⁹Khân păng kuak neh môi sui ta bôk khân păng nỡm, gay ma nhhơ nau khân păng rngot, nhũm vớl ndr dūt hô ngăn, ndập ma lah: “Rêh rnhăl ngăn! Rêh rnhăl ngăn ta bon i dūt kuống i này. Tả bỡh bon i này dâng lẽ bunuyh i geh duk kuống Jêng ndrởng tả bỡh drăp ndr ők bon này. Ta du mong dơm bon này roh hêng rngăt!

²⁰Ở phung i gũ ta kalơ trôk ntũk Kôranh Brah nỡm, Phung bon lan Kôranh Brah, mpôl kôranh oh mon, ndrel ma mpôl bunuyh ntỡyh nau ngời Kôranh Brah, ăn khân ay may rằm maak dô, Yor ma Kôranh Brah lẽ phat dôih ăn ma khân ay may, lẽ tẻ dôih jêh ma phung bunuyh ta bon dja.”

²¹Bỡh kỡi này geh du huê tông pảr i dūt geh nau dăng pử du mlôm lữ kuống i kuống rlau ma mpảl nỡng nklăch a dak văch dak vữ, n'ho ma lah: “Bon Babilôn i dūt kuống, Bu mra n'groh lời lẽ phiao kỡt lữ i dja đởng. Bu joi bon i này mâu hôm say jăt ôh.

²²Ta bon i này mâu hôm ôh geh bunuyh, roh rngăt mâu hôm nteh đe re nkuây, Bu mâu hôm ôh tăng nau bu nkrêh gong rêng, nau bu mprôt mpro, nau bu ôh mbuăt, nau bu ôh nững ta ntũk bon i này. Dâng lẽ bunuyh i blao jan kar ắp ntil Bu mâu hôm ôh say ta ntũk bon i này. Nteh peh ta ntũk bon i này, Bu mâu hôm tăng đởng.

²³Mâu hôm geh ôh Ang ũnh sagêng ta ntũk bon i này, Nteh rằm maak ma ur sai mhe Mâu hôm geh đởng. Bunuyh tăch rgâl ndr ta ntũk bon i này vay jêng bunuyh dūt kuống ta neh ntu dja, Nau jan n'ang bon i này, rằm dâng lẽ bunuyh dâng lẽ bri dak leo jan ndr djỡh.

²⁴Bunuyh ta bon i này geh dôih nkhăt nchai mham bunuyh ntỡyh nau ngời Kôranh Brah, ndập ma geh dôih nkhăt nchai mham phung bon lan Kôranh

Brah. Bunuyh ta ðon i này geh dôih nkhât nchai mham dâng lě bunuyh i bu de nkhât lơi lam neh ntu.”

Nau Tâm Mpơl 19

Mpơ nau dơi Kôranh Brah, ndrel ma nau tâm ndăp Kon Be Biăp

¹Jêh bớh này gâp tăng nteh khôh dũt hô ngăn ta kalơ trôk tâm ban ma bunuyh dũt ők, lah kơt nđa: “Ăn rnê ma Kôranh Brah ! Kôranh Brah đơm i năk rklaih bân, Păng geh nau chrêk lơp dũt kuống, Păng geh nau dơi dũt kuống,

²yorlah nau Păng phat dôih jêng sồng, jêng di ngăn. Păng lě tể dôih ðon i này i tâm ban ma bu ur văng târ i bu lư, i jan ăn dâng lě bunuyh ta neh ntu bở bớch yor ma nau khơh kler bu ur i này. Kôranh Brah plơng tể dôih bu ur i này yorlah păng lě nkhât jêh mpơl bunuyh sơm kơl jan kar ma Kôranh Brah.”

³Jêh ri khân păng lah tay: “Ăn rnê ma Kôranh Brah! Nhhuk ũnh ta ðon i này, jêng nhhuk thũl ðabơ n'ho ro.”

⁴Mpơl kôranh 24 nuyh, ndrel ma puăn nuyh ndơ geh nau rêh i này, khân păng păn a neh bớh năp Kôranh Brah i gũ ta rơl kađăch ri, yơk mbah ma Păng dadê lah: “Nau i này di ngăn ! Ăn rnê ma Kôranh Brah!”

⁵Jêh ri tăng nteh bở bớh rơl kađăch i này, lah kơt nđa: “Dâng lě bunuyh i sơm kơl jan kar ma Kôranh Brah, i klach yơk ma Păng, ndâp ma bu kuống, bu jể,

Ăn rnê hồm ma Păng.”

⁶Nôk này gâp tăng nteh khôh ngăn tâm ban ma bunuyh dũt ők, tâm ban ma n'gôr dak kuống, tâm ban ma ntởr mih, lah kơt nđa: “Ăn rnê ma Kôranh Brah, Yorlah Kôranh Brah i dũt geh nau dơi ma dâng lě ntil ndơ, Păng lě jêng Kađăch jêh!

⁷Ăn bân leo bắl rắm maak hồm, rắm rơn ăn dũt hô, Jêh ri rnê nau chrêk lơp Kôranh Brah, Yorlah lě tăt jêh nau tâm rnglăp ngăn Kon Be Biăp đah phung i nsing ma Păng, nau tâm rnglăp i này tâm ban ma nau tâm ndăp. Phung i

nsing ma Păng tâm ban ma bu ur i ma ndăp đah Kon Be Biăp i này lẽ jêh ndrăp săk phiao đōng.

⁸Kôranh Brah lẽ ăn ma bu ur i này nsoh n'gut bok ao nglang dūt ueh, Lơp chrăt ngăn, ndrel ma dūt kloh.” Bok ao nglang dūt ueh này geh nau khlay lah, phung bon lan Kôranh Brah jan ndr' ueh nơh.

⁹Tông pără i này lah ma gâp: “Ăn may nchih hōm: Ueh maak ngăn ma bu moh i lẽ Kôranh Brah kuăl lăp sōng sa tâm ndăp Kon Be Biăp này!” Jêh ri păng lah tay ma gâp: “Nau ngơi dja, jêng nau ngơi ngăn tă bōh Kôranh Brah nơm.”

¹⁰Jêh ri gâp păn ũch yōk mbah ta jōng tông pără i này, yōn ma păng lah ma gâp: “Lơi jan kơt này ôh, yorlah gâp jêng nơm sơm kơl jan kar ndrel may, ndăp ma nơm sơm kơl jan kar ndrel phung oh nô may ta nau nsing i mbōh nkoch ma bu nau Brah Yêsu jêng kôranh khân păng nơm đōng. Yōk mbah ma Kôranh Brah hō! Yorlah nau mbōh nkoch ma bu nau Brah Yêsu jêng kôranh khân păng nơm, jêng nau ntōyh nau ngơi Kôranh Brah.”

Brah Yêsu lẽ dơi tâm lơh

¹¹Jêh ri gâp say trōk pơk bōng lahửr, say du mlōm seh nglang, ta kalơ seh này geh Nơm ncho păng, bu kuăl nơm i này ‘Răp Jăp’, ndăp ma ‘I Ngăn’. Păng phat dōih sōng, Păng tâm lơh đah bu ma nau sōng đōng.

¹²I trôm mắt Păng tâm ban ma mpiăt ũnh, jêh ri ta bōk Păng geh ۆk mōk kadăch. Ta săk Păng ri geh nchih rnha nguai jăt, geh du huê Păng nơm dơm gĩt nau khlay rnha i này.

¹³Bok ao Păng nsoh mbě mham dadê. Rnha Păng ‘Nau Ngơi Kôranh Brah’.

¹⁴Dâng lẽ phung taken ta kalơ trōk i ntũk Kôranh Brah, ncho seh nglang dadê hăn tâng Păng, ndăp ma nsoh n'gut bok ao nglang i dūt ueh, i dūt kloh.

¹⁵Geh du mlōm đao dūt sôt lôh bōh mbung Păng ri, sreh dâng lẽ bri dak dơi, nau Păng măt uănh geh nau dơi ngăn tâm ban ma mōng loyh. Păng mra jot play yũng yar bon ta ntũk njot play i này, geh nau khlay lah Păng tể dōih ma dâng lẽ bunuyh dâng lẽ bri dak i này, tâng ma nau ũch Kôranh Brah nơm i dūt geh nau dơi ma dâng lẽ ntil ndr'.

¹⁶Ta bok ao kuông Păng nsoh n'gut ri, ndrel ma ta tâm blu Păng ri, geh nchih rnha Păng 'Kađäch kuông rlau ma dâng lě kađäch, Kôranh kuông rlau ma dâng lě kôranh'.

¹⁷Nôk nây gâp say du huê tông pãr dâk ta kalo' nar, păng nter düt nteh ngãn lah ma dâng lě siũm i mpãr ta kalo' trôk: "Văch rgum bảl hõm, ma nhêt kuông sa kuông i Kôranh Brah lě jêh ndrăp,

¹⁸gay ma sa mlay mpôl kađäch, sa mlay mpôl kôranh taken, sa mlay mpôl i düt dăng, sa mlay seh, sa mlay phung i ncho seh i nây, ndâp ma sa mlay dâng lě bunuyh, ndâp ma dâk bu, ndâp ma kon me, ndâp ma bu jế, ndâp ma bu kuông."

¹⁹Gâp say mpômpa (siũm) i düt janh i nây, ndrel ma say mpôl kađäch lam neh ntu, ndâp ma phung taken khân păng nỡm lě rgum bảl, gay ma tâm lơh đah Nỡm i gũ ncho seh nglang i nây, đah phung taken Păng nỡm đõng.

²⁰Mpômpa (siũm) i düt janh nây bu nhũp, ndrel ma nhũp đõng du huê bunuyh ntõyh nklă nau ngõi Kôranh Brah i jan nau khlay düt nau nỡh ta năp mpômpa (siũm) i nây. Bunuyh ntõyh i nây leo mbrôh bunuyh ăn hiõt ma nau khlay düt nau i nây nỡh, păng leo hiõt dâng lě bunuyh i geh nau mbên mpômpa (siũm) i düt janh, ndrel ma dâng lě bunuyh i yõk mbah ma rup mpômpa (siũm) düt janh i nây. Dâng lě bar hê khân păng i nây bu nklăch rêh ta nglao ùnh geh nsiu hit.

²¹Lõng dâng lě mpôl abă ri, khât lě phiao yor ma đao i lôh bỡh mbung Nỡm i ncho ta seh ri, jêh ri dâng lě siũm chok sa mlay khân păng düt hỡm dadê.

Nau Tâm Mpo'l 20

Nau mât uảnh ndrel Brah Krist 1000 năm

¹Jêh ri gâp say du huê tông pãr jũr bỡh kalo' trôk ntũk Kôranh Brah, ndâp ma ndjôt kon so ntu brõng, ndrel ma ndjôt rse rvăk düt kuông đõng.

²Tông pãr i nây nhũp kât krũng bêh nhũk nhăk i nây jõ 1000 năm. Bêh nhũk nhăk i nây jêng bêh tă bỡh kăl e nỡh ngãn, păng kôranh mpôl brah djõh, rnha Satăng.

³Tông pǎr nklăch pǎng ta ntu brông, jêh ri ntâl mpông tể so, lâ tra bớh dih mpông, gay ma lới ôh ăñ pǎng leo mbrôh ăñ dâng lể bri dak jât, n'ho ma tât lôch 1000 năm, ri mớ bớk pǎng du blât.

⁴Jêh ri gáp say geh ők rno̯l kađăch, ndâp ma geh bunuyh gũ đống, bunuyh i gũ ta rno̯l kađăch i này geh nau dới ma phat dôi. Dâng lể huêng bunuyh khât i bu koh tong ko yor ma khân pǎng mbớh nkoch Brah Yêsu jêng kôranh khân pǎng nôm, ndrel ma mbớh nkoch nau ngời Kôranh Brah nớh, dâng lể khân pǎng i này nớh mâu ôh yor mbah ma mpômpa (siũm) i dũt janh i này, mâu lah ma rup pǎng, khân pǎng mâu đống sớ dơn nau mbên ta ndăng kleng, mâu lah ta ti. Khân pǎng dâk rêh tay, gũ mât uănh ndrel Brah Krist jǒ 1000 năm.

⁵I này jêng nau dâk rêh bôk dak, jêh ri phung bunuyh khât aă êng mâu ôh dâk rêh, n'ho ma tât lôch 1000 năm i này mớ.

⁶Bu moh i lể dâk rêh bôk dak i này, pǎng ueh maak ngăñ, ndrel ma kloh ueh đống. Nau khât tǒl bar i gũ ta nglao ũnh n'ho ro, mâu hôm ôh geh nau dới ma pǎng jât, dâng lể bunuyh i này mra jêng phung bunuyh jan brah ma Kôranh Brah nôm, ndrel ma Brah Krist nôm, jêh ri mât uănh ndrel Brah Krist nôm jǒ 1000 năm.

Kôranh mpôl brah djorh mâu ôh geh nau dới jât

⁷Lể lôch jêh 1000 năm, Kôranh Brah mra bớk Satăng lôh bớh trôm ndrung,

⁸jêh ri Satăng mra mbrôh leo dâng lể bunuyh dâng lể bri dak lam neh ntu ăñ hiôt, gay ma rgum khân pǎng tâm lới, bu mra kuăl khân pǎng 'Phung Kők', ndâp ma 'Phung Makők'. Khân pǎng i này dũt ők ngăñ, tâm ban ma choyh rǒ dak văch dak vă.

⁹Jêh ri khân pǎng hăñ bra lam neh ntu njueng ntũk gũ phung bon lan Kôranh Brah, jêng bon i Kôranh Brah rǒng. Yon ma geh ũnh tũp bớh kalo' trôk sa khân pǎng lể phiao.

¹⁰Lǒng kôranh mpôl brah djorh i mbrôh leo khân pǎng ăñ hiôt này nớh, bu nklăch pǎng ta nglao ũnh geh nsiu hit, jêng ntũk bu lể nklăch mpômpa (siũm)

i dūt janh, ndrel ma bunuyh ntøyh nklă nau ngơi Kôranh Brah nơh. Ntũk này khân păng geh nau rēh rnhăl babơ n'ho ro, dăng măng dăng nar ngăn.

Nau phat dôi h n'glễ dūt

¹¹Jêh ri gâp say du mlôm rnọl kađăch kuống ngăn, rnọl i này nglang, say ndâp ma Nơm i gũ ta rnọl i này đống. Trôk, ndrel ma neh ntu du lôh bơh Nơm i này lể phiao, jêh ri mâu hơm say jât ôh.

¹²Nôk này gâp say phung bunuyh khât, ndâp ma bu jể, bu kuống, dâk bơh năp rnọl kađăch i này, geh ôk sambüt bu pơk, jêh ri geh du mlôm sambüt jât bu pơk đống, i này jêng sambüt nau rēh. Dăng lể phung bunuyh lể khât nơh Kôranh Brah phat dôi h dadê, tâng ndr khân păng nơm lể jan, i lể geh nchih jêh ta ôk sambüt i này.

¹³Lõng phung bunuyh i khât ta dak văch dak văr này, ndrel ma phung bunuyh i lể khât i gũ ta ntũk phung khât, dăng lể phung bunuyh lể khât nơh, văch sỏ đơn nau phat dôi h tâng ndr khân păng nơm lể jan du huê du huê.

¹⁴Jêh ri bu nklăch ntũk phung khât gũ ta nglao ũnh i này, nglao ũnh i này jêng nau khât tởl bar, mâu hơm ôh geh nau khât jât.

¹⁵Bu moh i mâu ôh geh nchih rnha ta sambüt nau rēh, păng i này Kôranh Brah nklăch lơi ta nglao ũnh đống.

Nau Tâm Mpọl 21

Trôk mhe, ndrel ma neh ntu mhe

¹Nôk này gâp say rôk mhe, ndrel ma neh ntu mhe, yorlah rôk ơm, ndrel ma neh ntu ơm roh lể phiao jêh, mâu hơm geh dak văch dak văr đống.

²Jêh ri gâp say đống bon kloh ueh, jêng bon Yêrusalem i mhe, jũr bơh kalơ rôk tă bơh ntũk Kôranh Brah nơm, ueh tâm ban ma bu ur mhe nkrở săk gay ma vọt rom i sai păng.

³Gâp tăng nteh bở dūt dăng bơh rnọl kađăch i này, lah kơt nđa: “Lõng ta dja Kôranh Brah nơm gũ ndrel phung bunuyh, Kôranh Brah mra gũ ndrel khân păng, Khân păng mra jêng phung bon lan Păng nơm, Jêh ri Păng nơm jêng kôranh ma khân păng, gũ ndrel khân păng.

⁴Kôranh Brah mra sơm jut dâng lể dak mắt khân păng, Mâu hôm ôh geh nau khât, Mâu hôm ôh geh nau nhũm rngot Mâu hôm ôh geh nau jêr jôt jât, Yorlah dâng lể ndr ơm i geh a lor nơh lể roh lể phiao jêh.”

⁵Jêh ri Nơm i gũ ta rnọl kađach này lah: “Lõng Gập jan mhe dadê dâng lể ntil ndr.” Jêh ri Păng lah tay: “Ăn may nchih hõm nau dja, yorlah dâng lể nau i dja jêng nau ngăn, jêng di ma iăt.”

⁶Păng lah ma gập: “Lể nau i này jan jêh lể phiao jêh, Gập dja jêng Alpha, ndrel ma Ômêka, jêng bôk dak, ndrel ma n'glẽ dũt dâng lể ntil ndr. Bu moh i ji hir, Gập ăn păng i này nhêt đơm dak bớh tu dak i ăn nau rêh n'ho ro.

⁷Bu moh i dơi ma nau djơh, păng i này mra sỏ đơm đrăp ndr khlay i này jêng đrăp ndr păng nơm ro. Khân păng mra yỏk mbah ma Gập đơm, jêh ri khân păng mra jêng kon Gập nơm đõng.

⁸Lõng mpôl i mbăr lơi nau nsing yor ma nau klach, mpôl i mâu nsing, mpôl i jan ndr bớ bớch, mpôl i nkhât bu, mpôl i tâm đõng, mpôl i mât n'ang, mpôl i yỏk mbah ma rup brah, ndrel ma dâng lể mpôl i mbrôh bu, dâng lể mpôl i này geh dôi h gũ ta nglao ùnh geh nsiu hit. I này jêng nau khât tởl bar.”

Bon Yêrusalem mhe

⁹Jêh bớh này geh du huê tông pảr ta mpôl pớh nuyh tông pảr i ndjôt pớh ở ngan bêng ma nau jêr jôt n'glẽ dũt nơh, păng hăn ngời đah gập: “Hăn a dja, gập ứch nhhơ ăn may say kon bu ur i ma nđăp, jêng i ur Kon Be Biăp.”

¹⁰Jêh ri tă bớh nau dơi Brah Huêng Ueh tông pảr i này leo gập a du mlõm yỏk dũt kuõng, dũt prêh, nhhơ ăn gập say bon i kloh ueh, jêng bon Yêrusalem mhe i jũr bớh kalỏ trỏk, tă bớh ntũk Kôranh Brah nơm.

¹¹Bon i này geh nau chrêk lỏp Kôranh Brah nơm, nau chrat ang ta bon i này tâm ban ma lủ i dũt khlay ngăn, jêng tâm ban ma lủ khlay Mõni, ang rsang ngăn tâm ban ma kchok nglang.

¹²Bon i này geh mpêr dũt kuõng dũt prêh, geh 12 ở mpông, jêh ri ta mpông này geh 12 nuyh tông pảr dâk, ndrel ma geh nchih rnhà 12 mpôl phung Israel đõng.

¹³Mpeh bớh lôh nar geh pe ở mpông, mpeh bớh lơ geh pe ở mpông, mpeh bớh đổng geh pe ở mpông, ndrel ma mpeh bớh nhốp nar geh pe ở mpông đổng.

¹⁴Mpêr bon i nây geh 12 ở lữ blon dứt nập, jêh ri ta kalơ lữ i nây geh nchih rnhả lẽ 12 nuyh mpôl kôranh oh mon đổng, mpôl i nây mpôl Kon Be Biăp nơm.

¹⁵Tông pãr i ngời đah gáp nây ndjôt du mlôm mống mayh ma jan ndơ veh, ma veh bon, ma veh mpông bon, ndrel ma veh mpêr bon.

¹⁶Bon i nây lẽ puăn njônkh kuống tâm ban, tông pãr số mống mayh veh bon i nây geh 2000 kilômet . Jong, dĩ, ndrel ma prêh kuống tâm ban dadê.

¹⁷Păng veh mbôl mpêr bon i nây geh 144 hăt, jong hăt tông pãr veh i nây kot jong hăt bunuyh veh đổng.

¹⁸Mpêr bon bu jan ma lữ khlay Môni, jêh ri jan bon ma mayh dứt ueh, ang rsang tâm ban ma rchök nglang.

¹⁹I lữ blon dứt nập mpêr nây bu jan nkrở ma lữ khlay ők ntil, lữ blon dứt nập töl nguai nkrở ma lữ khlay Môni, lữ blon dứt nập töl bar nkrở ma lữ khlay Kõndiang, lữ blon dứt nập töl pe nkrở ma lữ khlay Môra, lữ blon dứt nập töl puăn nkrở ma lữ khlay Morküt,

²⁰lữ blon dứt nập töl prãm nkrở ma lữ khlay Đâykiam, lữ blon dứt nập töl prao nkrở ma lữ khlay Tôtâm, lữ blon dứt nập töl pơh nkrở ma lữ khlay Bütlong, lữ blon dứt nập töl pham nkrở ma lữ khlay Bêril, lữ blon dứt nập töl sân nkrở ma lữ khlay Thâylong, lữ blon dứt nập töl jât nkrở ma lữ khlay Keuyỏ, lữ blon dứt nập töl jât ma nguai nkrở ma lữ khlay Nỉl, lữ blon dứt nập töl jât ma bar nkrở ma lữ khlay Tropek.

²¹Lẽ 12 ở mpông bon jan ma du mlôm lữ pích (lữ glo) dadê, du mlôm mpông jan ma du mlôm lữ pích (lữ glo) dứt kuống. Trong bon jan ma mayh dứt ueh, rsang tâm ban ma kchok.

²²Gâp mâu ôh say geh nhieh jan brah ta ðon i này, yorlah Kôranh Brah nôm i dứt geh nau dơi ma dăng lẽ ntil ndơ, ndrel ma Kon Be Biăp nôm i này gữ nâng ta ðon i này, ndri mâu hôm khăch ôh geh nhieh jan brah ma Khân Păng.

²³Ta ðon này mâu ôh khăch geh nar geh khay ma ang, yorlah nau chrêk lợp Kôranh Brah nôm ngaang, jêh ri Kon Be Biăp jêng ndơ ang ma ðon i này đống.

²⁴Dăng lẽ bunuyh dăng lẽ bri dak gữ rêh ta nau ang ðon i này, jêh ri dăng lẽ kađăch ta neh ntu leo đrăp ndơ dứt ueh khân păng nôm lăp ta ðon i này đống.

²⁵Mpông mpêr ðon i này bu mâu ôh ntâl, yorlah mâu ôh blao măng.

²⁶Dăng lẽ bunuyh dăng lẽ bri dak mra ndjôt đrăp ndơ dứt ueh, dăng lẽ ndơ khlay khân păng nôm leo ta ðon i này dadê.

²⁷Mâu ôh geh du ntil ndơ bở bớch lăp ta ðon này, bunuyh i jan ndơ bở bớch, bunuyh i mbrôh bu, lăp mâu dơi đống, dơi lăp bu moh i lẽ geh nchieh rnhă săk ta sambăt nau rêh Kon Be Biăp nôm, du ri dôm dơi.

Nau Tâm Mpo1 22

¹Jêh ri tông pâr i này nhơ ănh gâp say dak rlai, jêng dak i ănh nau rêh, rsang tâm ban ma lữ nglang, hoch lôh bớh rno1 kađăch Kôranh Brah nôm, jêng rno1 kađăch Kon Be Biăp đống.

²Dak rlai i này hoch rỏ ta nklang n'gul trong ðon kloh ueh i này, rỏ meng dak rlai i này bớh ti bớh dja geh tởm si i ănh nau rêh, play păng 12 tở ta du năm, geh play ăp khay. Lống i n'ha păng này ma jan dak si ma săm dăng lẽ bunuyh dăng lẽ bri dak ănh bah.

³Mâu hôm ôh geh nau rtăp ma du ntil ndơ jât. Rno1 kađăch Kôranh Brah nôm, i jêng rno1 kađăch Kon Be Biăp nôm đống, gữ ta ðon i này, lống bunuyh i sỏm kỏl jan kar ma Păng, khân păng mra yỏk mbah ma Păng.

⁴Khân păng mra say muh mắt Păng, jêh ri ta ndăng kleng khân păng geh rnhă Păng đống.

⁵Ta bon nây mâu hôm ôh geh mǎng jât, mâu khăch geh nar, mâu khăch geh ndr ma ang đōng, yorlah Kôranh Brah i Kôranh jêng nau ang ma khân pǎng, jêh ri khân pǎng mra mât uǎnh babơ n'ho ro.

Ntil nau nkah êng êng

⁶Tông pǎr i nây lah ma gâp: “Dâng lě nau ta sambüt dja jêng nau ngǎn, jêng di ma iăt. Kôranh Brah i ǎn Brah Huêng Ueh ma mpôl bunuyh ntơyh nau ngơi Pǎng, Pǎng jêng Kôranh, Pǎng đã du huê tông pǎr Pǎng nơm hǎn mbơh nkoch ma bunuyh i sơm kơl jan kar ma Pǎng ǎn gít moh ntil nau mra geh gơnh ta nar jât nǎp tay.”

⁷Brah Yêsu lah: “Lõng Gâp hǎn mra tăt gơnh! Ueh maak ngǎn ma bu moh i ndjôt jan tâng nau nchih ta sambüt dja i jêng nau ntơyh nau ngơi Kôranh Brah.”

⁸Gâp Yôhan i lě tǎng, i lě say dâng lě nau i nây, lôch jêh gâp tǎng, gâp say nau i nây, gâp pǎn ta jǒng tông pǎr i nhhơ ǎn gâp say nau nây nơh, ếch yơk mbah ma pǎng,

⁹yơn ma tông pǎr i nây lah ma gâp: “Lơi ôh yơk mbah ma gâp, gâp jêng nơm sơm kơl jan kar ndrel may đơm, jêng nơm sơm kơl jan kar ndrel oh nô may i mpôl bunuyh ntơyh nau ngơi Kôranh Brah, jêng nơm sơm kơl jan kar ndrel dâng lě bunuyh i ndjôt jan tâng dâng lě nau i geh nchih jêh ta sambüt dja đōng. Yơk mbah ma Kôranh Brah hǎ!”

¹⁰Tông pǎr i nây lah tay ma gâp: “Lơi mpôn ôh nau i geh nhhơ ta sambüt dja, yorlah nar lôch ngǎn nau i nây lě bơi ma tăt jêh.

¹¹Bu moh i jan kue, ǎn pǎng jan kue jât dô! Bu moh i jan bở bớch, ǎn pǎng hôm jan bở bớch jât dô! Yơn ma bu moh i jan sǒng, ǎn pǎng hôm jan sǒng hǒm! Bu moh i kloh ueh, ǎn pǎng hôm gũ kloh ueh hǒm!”

¹²Brah Yêsu lah: “Gâp mra hǎn tăt gơnh, ndâp ma ndjôt ndr nkhôm ǎn du huê du huê, tâng nau jan du huê du huê sǎk nơh.

¹³Gâp dja jêng Alpha, ndrel ma Ômêka, jêng i bôk dak, ndrel ma n'glě dút ma dâng lě ndr, dâng lě ntil ndr ntơm geh ta Gâp, mâu hôm geh ta Gâp đōng.

14Ueh maak ngăn ma bu moh i Gáp lě jut lơi nau tih jêng tâm ban ma pih ao jong păng nơm lě ueh, gay ma dơi geh pě play bớh tơm i ăn nau rêh, ndập ma dơi lăp rỏ mpông bon i nây đống.

15Bớh dih bon nây geh mpôl bunuyh djớh i tâm ban ma mpôl so, geh mpôl i mât n'ang, geh mpôl i tâm đống, geh mpôl i nkhât bu, geh mpôl yớk mbah ma rup brah, ndrel ma dăng lě bunuyh i mbrôh rlăm bu!”

16“Gáp Yêsu, lě đã tông pảr Gáp nơm mớh nkoch dăng lě nau ta sambüt dja ăn ma phung i nsing ma Gáp ăp ntúk. Gáp kon sau kađăch Đavid, Gáp dja jêng du mlôm mbing i ang nôk ôi.”

17Brah Huêng Ueh, ndrel ma ur i ma ndăp lah kớt nđă: “Văch hỏm!” Jêh ri bu moh i tẳng nau i nây, ăn lah kớt nây đống: “Văch hỏm!” Bu moh ji hir ăn păng văch hỏm, Bu moh kớnh geh, dăn sỏ dờm dam hỏm dak i ăn nau rêh!

18Gáp mớh ma dăng lě bunuyh i tẳng nau ngời Kôranh Brah i lě nchih jêh ta sambüt dja, ăn njrăng sắk, bu moh i ntop nau nguai ta bớh lờ nau dja, Kôranh Brah mra sỏ ndờ jêr jốt i lě geh mớh nkoch jêh ta sambüt dja tể ta păng i nây.

19Jêh ri bu moh i rhuăt nau nguai ta nau ngời Kôranh Brah i lě geh nchih jêh ta sambüt ntớyh nau ngời Kôranh Brah dja, Kôranh Brah mra mâu rom păng sa play tơm si i ăn nau rêh i nây đống, jêh ri mâu ôh ăn păng lăp ta bon i lě geh mớh nkoch jêh ta sambüt dja.

20Brah Yêsu i lě lah nau mớh nkoch ta sambüt dja di ngăn, Păng lah: “Nănế ngăn, Gáp mra văch gớnh ro!” Nau i nây di ngăn ! Ở Kôranh Yêsu, dăn văch hỏm!

21Dăn nau ueh Kôranh Yêsu gủ ndrel dăng lě phung bon lan Kôranh Brah!

Esclarecimento

Trata-se de iniciativa particular, com os seguintes objetivos: (i) colaborar para divulgação dos diversos textos bíblicos disponíveis, e, (ii) facilitar o acesso a esses textos, inclusive por meio de download.

Todo esforço em tornar a Palavra de Deus acessível a todos, em quaisquer localidades e falantes das mais diversas línguas, precisa ser um objetivo de todos os que são guiados pelo Espírito Santo. Ele inspirou o profeta Jeremias a dizer “não ensinará jamais cada um ao seu próximo, nem cada um ao seu irmão, dizendo: Conhece ao SENHOR, porque todos me conhecerão, desde o menor até ao maior deles, diz o SENHOR” (Jer. 31: 34).

Jesus, também, falou assim: “e será pregado este evangelho do reino por todo o mundo, para testemunho a todas as nações” (Mat. 24: 14).

Muitas organizações foram constituídas com o propósito de fazer a Bíblia disponível nas diversas línguas. Não é uma tarefa simples. Anos de trabalho, dedicação e entrega são necessários para esta tão extraordinária missão.

O texto deste trabalho está disponível na internet, em páginas eletrônicas de organizações que produzem ou divulgam bíblias, sem acréscimos de notas ou comentários. Assim, reconhecendo e respeitando os direitos que possuem sobre seus trabalhos, incumbe a todos os que amam a Palavra de Deus, o esforço em contribuir para amplificar sua divulgação.

Se possível, faça download do texto, para que sejamos, também, guardiões da Bíblia, e, com isso, preservando-a para as futuras gerações.

Divulga a Palavra de Deus, ela mostra o Caminho e permite a todos, que se conheça Sua vontade, em todos os lugares e épocas.

Marcel da Glória Pereira
2022, Vitória/ES - Brasil